





Compta




Collected

small <sup>blank</sup> <sup>margin</sup> <sup>of a few lines</sup>

CATALOGUE OF  
RESTAURANTS  
VOL. II 1977  
NO 1084







BELLUM  
LUSITANUM.



BELLUM  
LUSTANUM.



BELLUM  
**LUSITANUM,**  
EJUSQUE REGNI  
SEPARATIO  
**A REGNO CASTELLENSI**  
CUM ABROGATIONE  
SUPERADJECTA  
**ALFONSI**  
REGIS LUSITANI.

**AUTHORE R. P. D. CAJETANO PASSARELLO**

Catanfariensi, Clerico Regulari, è concionibus **CAROLI II.** Hispaniarum  
Regis, & in sacro Hispaniæ Inquisitionis Senatu Censore.



**LUGDUNI,**

Apud ANISSONIOS, JOAN. POSUEL, & CLAUD. RIGAUD.

*M. DC. LXXXIV.*

**CUM PRIVILEGIO CHRISTIANISSIMI REGIS.**









SERENISSIMO ET POTENTISSIMO  
CAROLO SECUNDO  
HISPANIARUM,  
ET INDIARUM REGI.

**D**UPLICI tibi vinculo adstrictus, Augustissime Rex,  
& naturalis clientela, & aulici famulatus, officii tri-  
butum quod variis negotiis, ac studiis implicitus in  
sacro sacello tibi lingua persolvere minime potui, stylo  
rependo. Est enim historia lux veritatis, magistra  
vita, cujus velut stylo depictis exemplis instruimur  
prava corrigere, fugere turpia, vitium odisse, virtu-  
tem amplecti, à malis secernere bona, & quod aurea virtutis lutulenta in-  
ter exposita vitia refulget, tanquam à scoria purgamento se junctum elige-  
re. Quis enim vetera monumenta legendo non indignatur crudelitati  
Neronis? quem non delectat clementia Caesaris? cui admirabilis non vi-  
detur pudicitia Lucretiae? cui non execrabilis impudicitia Liviae? Hoc  
quoque modo Alexander Ulixis, atque Achilles ab Homero luculenter ex-  
pressas imagines intuens, exemplar exemplo pulchrius in semetipso deli-  
neavit; & Caesar ab Alexandro historicè plauso, & eloquentiae coloribus  
picto, lumina sumpsit quibus mirificè claruit, & Scipio major hujusmodi  
imitamento, Scipionem minorem edidit, atque in rigida Catonis minoris  
vita Cato major descriptus est. Ita in suggestu sedet Historia, Orbisque  
terrarum ejus doctrina imbuendus auditor assistit; meque per illam decet  
ejus explere muneris partes, quod mihi honorifice imposuisti. Habent etiam  
Historici templum, & aram, & tutelarem veluti Deum, & thura optimi  
odoris, & holocausta fidei, ubi, & votis causâ stylus velut appensus memo-  
ria hominum consecratur, & inde praterèa, ne veritas ipsa, & qui nudam  
eam repræsentat per livorè aliquando ladatur patrociniū validius assumit,  
quàm quod à phantastica Musa Poëta suscipiebant. Hic porro quasi Deus  
tutelarior, & ille, qui ex veteri adagio homo homini Deus appellatur quem  
ad præsidium simul, ac lucem in fronte operis sui collocare rerum gestarum  
scriptores solent, Rex est, sive Princeps, cujus eò securior patet assylus, eò



nobilior cum luce, ac decore permista distenditur umbra, quò excellentior est Princeps, cui lucubratio sacratur. Ego te Rex inter homines omnes, qui jure, & imperio temperant Orbem, & leges immenso populo dicunt elegi fautorem, & tanquam astrum propitium volumini meo, quò ipsum radius majestatis illustres, calore potentie foveas, ac velut Numini consecratum nemo violare audeat. Si enim divitia, strepitusque potentie hominem ornant, quis te potentior? Si amplitudo, si splendor, ac dignitas nominis, quis te amplior? quis te sublimior? Si fortuna, si virtus, te quis augustior? Laudent te alii, quòd soboles, stipēsque sobolis es tot Regum, tot Romanorum Imperatorum. Extollant, quòd duplex tibi curvatur mundus, solisque prope modum cursum dominatione metiris. Celebrent te, quòd inter intestinas discordias, ac domestica turbamenta jactatum ne omnino periret, cum infans esses, Imperium, tua felicitate, & auspicio paratum est, ac deinde pene puer, cum regnum ingressus esses, fluctus, quos infantia excitaverat, senili prudentia usus composuisti. Mihi inter omnia maxime placet continentia, temperies, moderatio animi tui qua tibi imperas, te ipse vincere scis, ac planè superior humanis affectibus es: simul pietas, religio, fides, morum omnium concentus, plusque equidem venerari, mirarique delector, quod per acquisitas virtutes, & egregia potentia, atque animi pignora moderamine culta mereris, quàm id, quod fortuna de te quanquam hac sese effuderit tibi, merita est. Hac est ara, hoc virtutis sacrarium, in quo vel ritè dicatur, vel ad custodiam, reponitur opus. Hic est receptus quò veritas stylo & cum melle, & aculeis expressa, ut aliis grata, aliis ingrata stylis fortasse repungenda confugit. Nec in mediocrem profectò laudem, & gloriam tuam cesserit, quòd vel in hoc aurea Trajani, ac Nervæ secula revocaveris, cum unicuique, regnante te, Carole, liceat liberè dicere, ac scribere, & longè plus tibi metuas ab assentante, quàm arguente. Proinde accipe donum majestatis tuae, ac sacerdotio meo dignum, scilicet integrum, & incorruptum, & ab omni adulatione, aurium aucupio, & vanitatis illecebra castum, quale Historiam esse oportet virgini similem nobili, ac verecunda, sine cincinnis, & calamistris, sine artis colore, sine fallacia fuce, sua naturali specie suisque duntaxat prædita dotibus, quas ei libertas ingenii, & veritatis candor apposuit. Huic si gratia tua fulgor accesserit melior fiet. Proprium est enim altiorum Principum gratia lutum in aurum, vapores in stellas convertere, & quod visu pulcherrimum est, pulchritudinem etiam addere. Vale, & in Catholica Ecclesia subsidium felicissimè regna. Datum Mantuæ Carpetanorum Prædie Kalendas Octobris anno 1682.

Majestatis Tuæ,

Addictissimus Cliens, atque famulus,  
CAJETANUS PASSARELLUS,  
Cler. Regularis.





## AUCTOR LECTORI.



UM triginta circiter annos Mantuæ Carpetanorum apud Catholicam aulam moratus essem, meæ ibi religionis officio, & externorum quoque Principum à Regis clientela pendentium servitio, & commodis mancipatus; ereptum occupationibus tempus ad Lusitanam scribendam Historiam contuli, quàm illud, quod tunc propè aures ad Castellæ confinia cum tumultu, ac strepitu confluentium belli classicum obstrepebat, in animum excitavit. Primum quia perutile est, res militiæ, domique gestas integra fide ad posteros mittere, quapropter homo quanquam, & ipse senex, qui nihil scit præter id quod tractavit, aut vidit, aut perfunctoriè percepit parum à puero distat; caligatque profectò illa intellectus acies, quæ intuitu præterita non complexa, & alibi interfluentia minimè curans, ex brevi curriculo vitæ, arctiorique humani sensus mensura, objectuque, electionem in opere statuit, & prudentiæ præcepta colligit. Deinde cum summa Hispanorum prudentia, arcano, quod imprimis sacrum est, negotiorum auctoritatem sustineat, aut exitum quærat, aut simul opinioni vulgari studeat, ac vires suppleat ingenio, rerum notitias alias obstruit, alias colore corruptas spargit; adeò ut, cum eorum facta, & consulta inexplorata pleræque jaceant, atque ignorantia caligine tecta, nec sapientia Hispanorum, quæ summa in extricando negotio est, nec veritas rerum, in qua vivendi disciplina consistit, citra corruptelam, aut fucum, inter Historiæ volumina pateat, atque ideo à republica erit tot rerum vicissitudines, tot fortunæ ludibria, tot militares, & Politicas artes, tot exempla, atque lumina rerum excidere oblivione, aut falsitate labefactari minimè pati. Huc etiam accedit, hanc nostram bellicæ Historiæ narrationem propter aulae Hispanæ propinquitatem, unde belli conversiones, & motus, & propiora consilia erant, & utilitas bello, ea tempestate, quæ sita  
in

## Auctor Lectori.

in aula incrementa refundebatur, cum ejusdem aulae vertigine, ac joco connexionem habere maximam; Quocirca sæpè videbis cum Pallade Martem ludere, & Leones à vulpibus vinci, & qui speciem scultorum præ se ferebant, per depressam jaçantiam, ingeniique vim clam intentam sapientiorum acumina obtundere, & ad calculos verti consilia, & arma è manibus propè fluere, quos propria utilitas revocabat: ac tandem inter militarium, & aulicarum artium confusionem id agi, id potissimè quæri, ut felicior quis in aula venator, quàm consultor, aut miles in bello esset, atque tunc respublica staret, cum privatæ non offecisset. Hujusmodi, & aliæ potiores fortassè causæ, quas silentio transire libet, ad hanc contexendam Historiam quemdam animo meo instinctam, torpentique propè calamo impulsam dedere. Cæterum hoc mihi difficile iter ingredienti primò se scopulus offert, quò plures temerè impacti, aut fidei, cum falsa; aut rerum suarum naufragio, cum vera dixissent, afflicti sunt. Quippe, ne dum recentis memoriæ hominū, quorum & lubrica quoque narratio est, sed etiam præsentium, & in apicè, ac specula positorum acta, & consilia scribere aggredior. Hic autem, si viventibus assentabor, veritatem; si minus personas offendam; si suspensio vestigio, ac trepido propè calamo inter vitia, ac virtutes incessero, servile, & historico indignum munus exerceo; si cursim res aliquas tangam, aut tacitè præteribo, mutilatur Historia, & idèò inutilis, atque deformis publicæ scenæ apparebit. Quid ergo exterminanda est Historia, & omnino excicandus artis Politicæ fons, & prudentiæ thesaurus exhaustiendus? An tunc res gestæ tradendæ posteris sunt, cum per interposita secula expungit, aut minuit, aut mutat, illas oblivio? Cum rerum notitiæ velut situ ex longo tempore ducto marcent? Cum famæ, qua nihil mendacius, aut vulgari traditioni, qua nihil incertius, ac volubilius, credendum est, atque idèò inter cadavera, & cineres, & graveolentium fragmenta ossium, ut ita viventibus mos geratur, voluntanda semper erit Historia, & insuper ipsa ambigua, implicita, obscura, nisi plena erroribus, plena mendaciis? Satiùs igitur erit malè doctos homines dedocere, ut intelligant, quod si quis immunis à labe, & extra lapsum telique jactum humanæ miseriæ vivit, Deus est, aut Deo similis, aut faciliùs bellua est, ac minimè decet, inter tot foveas, & laqueos, & humanarum vortices rerum, quibus unoquoque penè vestigio mortalium natura periclitatur, labi malle, quàm erudiri; aut erubescere dicta, quàm facta. Præterea, si vera est, qua contumelia jactaris, cur non emendas? si falsa, cum delinquere nemo alieno peccato possit, cur non irrides? si forte superbus



## Auctor L ctori.

perbus , & auribus insolens potestatem op mque pro te subsidium , & ornamentum appellas , quando ista displicent tibi , scias , quod pejora de te posteri audient , c m mortuus aculeos non senseris , ac tunc temperantia nostra cum illorum libertate collata mores tuos excusare poti s , qu m accusare videbitur. Inter mortuos , & vivos illud , quod oblivio appellatur Lethe flumen interfluit ; hoc si nimis inflari excursu temporis sinimus , cum stylo qu erimus mortuos , nec vada quidem inveniemus : sic media inter vivos , recentique vita defunctos c m versetur Historia , nihil atrum antiquis ab umbris , nihil vanum oblivionis   flumine haustum , ad publicam lucem referet. Exue igitur hoc aurium fastidium , & arrogantiam animi non ferendam , teque tractabilem , atque mitem vel erudiendum , vel admonendum , vel expurgandum bono Historico trade. Providendum est enim , ne propter paucorum indociles aures , & aliorum pavida ingenia , ea segete rudimentorum , ea fructus ubertate , atque copia , qu m ex Historia republica suscipit , defraudetur : & me quoque non mediocriter juvit , domesticis curis , laborib sque quibus me redundantes in aula fluctus aliquantulum asperferunt , quasdam succisas animo meo inducias per h c otia litterarum applicuisse , diuturnamque in Hispana Provincia moram prorsus inutilem non fecisse.





# SUMMA TOTIUS OPERIS.

## LIBER PRIMUS.



**L**USITANIÆ descriptio. Hanc Regionem, olim incultam, ac propè desertam, Henricus Lotaringius restaurat, incolâsque ad civilio rem vivendi formam redigit. Ei Castelle Rex filiam collocat, data pro dote Portu urbe, cum Portugallia Comitiss titulo. Alfonsus Henrici filius, ob prostratos pralio Mauros, Rex proclamatur. Sebastiano in Africa cæso, succedit Henricus Cardinalis. Is moriens absque liberis, multos relinquit regni competitores. Philippus II. Hispania Rex, Antonio Portugallio devicto, rei Lusitana potitur. Dux Bregantig, regni amissi dolore percussus, simul & metu Philippi, occumbit. Theodosius Ducis filius, desperatâ regni cupidine, phreneticus moritur. Gallie Rex Ludovicus XIII. Hispania Philippus IV. totum regiminis pondus, ille in Cardinalem Richelium, hic in Comitem Ducemque Olivarium, devolvit. Olivarius dissidia in Gallia suscitât. Richelius Suecum, Danum, & Hollandum in Austriacam familiam commovet. Catalonia deficit à Catholico Rege. Mutationis imperii in Lusitania variae causæ. Sub ministris regis Suario & Vasconcello omnia venialia. Richelius, ad suscipiendum avitum regnum hortatur Bregantium, qui operâ Pinti ad explorandas & fluctendas civium mentes utitur. In colloquio Ulisippone habito, diversæ sententiæ de Lusitano imperio mutando. Locustarum prodigio prænunciatur imperii conversio. Variis dolis circumvenire Bregantium conatur Olivarius, qui ipse suis dolis capitur. Contra cum Ministrorum querelâ apud Regem. Lusitanorum affectus erga Bregantium. Ad ipsum Almada oratio. Iussu Regis vocatus ad Aulam, ire recusat. Cunctantem tandem ipsius animum Antistes Elvensis expugnat. Occultum uxori consilium aperit, quæ virum jam pridem spe, metuque pendente ad Regni rapinam impellit. Rei agende tempus & ordo statuitur. Fortuitus casus, parvique momenti res, conjurationem penè dissipat. Audax Georgii Meli facinus. Philippa Villiena defectionis die constitutâ, filios accendit & armat, exemploque suo alias nobiles Lusitanas peracuit & illustrat. Conjurati Regiam occupant. Vasconcellus in armario latens ab Antonio Sotenlio conficitur, cadaver ejus pecudum alimento relictum, à Sodalibus Misericordiæ sepelitur. Ejus virtutes & vitia. Diripitur domus Decani Bracarensis. Margaritæ Principis constantia. Antonii Sylve fides refulget. Antistes Ulisipponensis solemnem instituit processionem, in qua verum aut fictum miraculum vulgus maximè movet. Is in speciem invitatus usque ad Bregantii accessum, novæ gubernationis arbitrium subit. A Legatis Regni nomine missis, Bregantius Rex salutatur. Ulisipponem ingreditur magnâ pompâ, ibique coronam suscipit. Margaritam Principem ad Cœnobium extra urbem transferri jubet. Ad Iulianam arcem occupandam



toto conatu incumbit. Ioannes Cæva ad defectionem inducitur, spe premii. Ad exhaustum prariorum locupletandum, argenti usurarii acervos conferunt Cives, quin & mulieres milia ultro offerunt. Variis erumnis afflicta Margarita, instigante Francisco Lascia. Quis aule Catholica motus & habitus fuerit, cum describit Lusitania, & Olivarii in primis. Rex ea de re belli, statimque Senatum consulturus accersit. Ognatus censet o nisi Caballania Lusitaniam sine mora urgendam. Ejus argumenta. Contra Olivarius disserit, cujus sententia vincit. Comparantur copie pro Castella munimine, quibus proficitur Dux Sidonius Medine. Lusitanie defectio, reliquas regiones que antequam sue ditionis & juris erant, attraxit.

## LIBER SECUNDUS.

**A** Nnus 1641. Legationibus ad externos Principes, vario illarum eventum, & internis, externisque discordiis insignis. Publica indicta regni Comitia. Elvensis Antistes, & qui obtulerant, & qui assumpserat regnum, collaudat. Deleta tributa, que post Philippi II. Imperium introducta fuerant. Legationes ad Reges decernuntur, in quibus Imperator silentio prateritus. Odoardus Bregantii frater, Catholici Regis opera, & Cesaris jussu, apud Germanos custodiâ detinetur. Ad Regem Galliarum missus Legatus à Lusitano, ita auctus honoribus est, ut reliquos Aule Oratores emulatione perculerit. Apud Hugam regis insignibus exceptus Lusitanus Legatus, ineundam cum Hollanda Republica amicitiam, proponit. Dux Sidonius in Bætica, regnum sibi parare consuevit. Hollandos, dum unâ cum Lusitanis, terrâ marique Catholicum Regem oppugnare intendunt, major tenebat sollicitudo, quoniam modo apud Indos, Lusitanas opes everterent. Illorum mandato, Comes Nassaus Angolam diripit, urbem Divi Thomæ flammis absunit. Complures Nobiles Lusitani clam in Regis Catholici fide persistunt. Terretur Bregantius contra se machinantium, multitudine. Suarii domum odio publico devovet. Præclarum pudicitie exemplum edit Suarii filia. Antonius Menexeus, classem Indicam quam à Philippo moderandam susceperat, in eundem hostiliter sumpsit. Ad Tertias Insulas expeditio. Hollandorum perfidia. Civium pecunias & opes censet Bregantius. Regis Catholici exercitui præest Monregius Comes, cujus inertia Elvi per prodicionem recipiendi, dilapsa est occasio. Circa Elvum prælium conseritur, in quo superior Castellensis. Memorabilis quorundam oppidanorum in Bregantium fides. Toralti Marchionis occiso. Impetum facit in Olivençam Ioannes Garaius, sed Monregii segnitie vacuus miles revertitur. Ulissipone graves in Bregantii caput inite insidie autore Brarensi Antistite, qui supremum fidei questorem, Cruciatæ Praesidem, primoresque multos ad suas partes trahit. Edocetur Olivarius de structis insidiis, sed conjuratorum littere ab Ajamontio intercepte ad Bregantium deferuntur. Is status, Bellique Senatum cogit, quod Antistes & alii conjurati temere ingressi, capti & custodiæ traditi sunt. Omnes crimen confessi, nullo discrepante suffragio, capite condemnantur. Ville regalis Marchio, Camigne Dux, caterique plebuntur, evitato in sacras Personas supplicio, ne Pontifex offenderetur. Nicolaus Velascus Minorita, à Sidonio immixtus ut conjurationis negotia tractaret. Franciscus Sancius Castellensis, expresso per artes à monacho, secreto; per speciem querendi Sidonium, ad Regem Catholicum iter instituit, ac fœdus inter Bregantium, & Medinæ Ducem, initum exposuit. Olivarius manifestum cognati scelus, omnino aut ex parte diluere conatur. Subdolanus ejus sermo ad Regem, quâ Sidonii causam illius iudicio relinquit. Se ad Aulam confert Sidonius, Conjurationis ordinem fatetur, &

delicti quo tenebatur causam ab Ajamontii Marchione ducit. In bonis multatus, & reliquum vite vallisoleti ducere jubetur. Ajamontius in urbe Segovia, elisis in carcere faucibus perductionis supplicium dedit. Margarita Princeps Ulissipone discedit. Eam Olivarius à congressu, asp. Etique Regis arcet. Monregio, è belli præfectura deserto successit Ioannes Garaius, qui per artes militum animum, & Civium fidem explorat. Dum Valverdem impetu capere intendit Franciscus Rabellus, Urbem jam ingressus Lusitanus, ac penè victor, in fugam vertitur. Romanam Legationem apud Urbanum Octavum agendam, Lameci præsul mandato Bregantii suscipit. Ioannes Ciumazerus, qui Hispani Oratoris munus obibat Rome, cautè & sedulò Lusitani conatibus ite obviam. Urbanus rem Cardinalium suffragiis excutiendam respondet. Cardinalis Sachettus Lusitanum Legatum regis insignibus esse admitendum existimat. Hic dissuadet Cardinalis Pamphilius, cuius sententia probatur. Ne dum à Pontificis aditu procul, sed urbis etiam Romane Lusitanus habetur. Dolum componit Cardinalis Antonius Barbarinus, quo capus Pontifex jubet ad Curiam accedere Legatum Lusitanum, quem Gallus Orator cum magno apparatu in domum suam hospitalem excipit.

## LIBER TERTIUS.

**F**ortuna, per iraque res Lusitanos & Castellenses, celerius quàm antè solvi erant, adtractanda arma commovet. Alfonso Melus captivos Castelle milites, velut mancipia turpiter exercet. Ludovicus Lancastrius commilitonum injurias ultum mittitur. Campomajoris, dolo per Hispanos tentata receptio, fallaci exploratoris fide, corrumpitur. Valverdem diripit & incendit Lusitanus. Occupat Tellius oppidum Elca, cujus arcem ad primùm tormenti belluci jactum prodit Gubernator. Dux Albæ amissam arcem frustrà recipere tentat. Sancti Martini obsidionem irritam Tellius tollit, inde Elcam urit, & arcem excindit. Viverus & Burgius quàm plura Lusitanie oppida incendunt, & diripiunt. Memoria posterorum digna quarundam mulierum Lusitanarum virtus. Isabella Borbonia Regis Catholici uxor frequentes exercet cum Olivario contentiones. Urget per se, clientisque suos, Regis protectionem ad Aragoniam. Nescit difficultates Olivarius, Regemque voluptatis blandimentis, à belli curis abstrahere conatur. Invito ac palàm repugnante Olivario, secundum Marchionis Granensis sententiam Cesaraugustam Rex sese confert. Bellum Lusitanum elanguescit. Vienne agunt Hispani cum Cesare, ut ex Germania, Odoardus Mediolanum traducatur. Olivarii genus, cultus, viæque institutum. Invitus, à patre Salmanticam mittitur, ad Iurisperitentiæ addiscendam doctrinam. Morte fratris ad Regiam translatus, servitio sese addicit Hispaniarum Principis, quo ad regnum erecto, Imperii regendam molim suscipit. Deficiente Catalaunia, Regis in ipsum minui cepit benevolentia. Regina presentiens labare jam Olivarium, extreme illius ruinæ ministram eligit Margaritam Sabaudiam. Secretum Margaritæ cum Rege colloquium. Comes Castrillius, instinctu Regine detegit Regi, quæ ipsum latebant, reipublice vulnera. Olivarius, quo liberius imperaret, inter Cesarem & Philippum dissensionum, ac dissidentie semina jacebat. Hinc Regina, Marchionem Granensem monet, ut contra Olivarium insurgat. Anna Guevara nutrix olim Philippi tyrannicam Olivarii Gubernationem Regi exponit. Rex & Regina egrè patiuntur, Balihassarum Hispaniarum Principem, etatis annum quintum decimum agentem, Olivarii artibus malè educatum, ac pejus edoctum, inter mulieres



mulieres adolescere. Henricum filium notum famulatio Principis praeferre cupit Olivarius. Manu Regis conscriptos codicillos accipit, ut Loecium pergat. Olivaria lacrimis, Regis Reginaque animum mitigare nequit. Ludovicus Arus, ut tri-duò in palatio maneret Olivarius, impetrat à Rege. Incredibilis latitua, & publica gratulatio omnes afficit, ob lapsum Olivarii, qui impendens à furore populi periculum arte subterfugiens, Loecium petit.

## LIBER QUARTUS.

**F**ranciscus Luzena Bregantii administer, egregie munus suum obit. Ei ab Olivario tenduntur insidie. Proditionis accersitur. Insons extremo, niniisque festinato supplicio tollitur. Bregantius acriora belli tractare consilia cepit. Arma hostium nedum expectat domi, sed ultrò quoque in Castellam infert. Galli milites terrâ marique frequentes Ulisipponem appellant. Lusitaniae vires. Armorum imperium Vasco Mascaregno traditur. Anceps Castelle rerum conditio. Sancti Stephani Comes copiis Castellensibus praest. Exercitus Lusitanus ducitur ad oppugnandum Valverdis oppidum, ab iisdem aliàs incensum, & ab Hispanis restauratum. Captum oppidum funditus diruitur. Badajocium obsidere aggreditur Mascaregnus. Ratus fore obsidionem diuturnam, retrò copias abducit. Exautoratur à Bregantio, & in ejus locum sublegitur Mathias Albuquerque. Novi Ducis initia. Alconcellum primo impetu invadit. Arcem capit, firmoque praesidio munit. Villanovam petit, & occupat. Geldrius arcis gubernator, eam per honestas condiciones Lusitanis concedit. Eodem tempore, eodèmq; astu res Lusitana in ora Gallacie promovetur. Castelmeliorii Comes, jubente Bregantio, infestus Gallaciam intrat. Salvaterram furtim invadit, & expugnat. Rex Catholicus, summo Navaræ Priore, Cardinali Spinula armorum regimen desert. Amissi nuper oppidi receptionem illi commendat. Cardinalis inglorius, & inanis Compostellam repetit. Braccarensis Antistes conjurationis in Bregantium initia auctor, diem obit in Lusitania. Marchio Turrecius, à Rege Catholico, ad Lusitania fines cum armorum imperio transfertur. Propè collapsam militum disciplinam restituit. Dux Lusitanus urbem Albuquerquei adoriri decernit. Sed re infecta discedit. Turrecius certam in hostem expeditionem praecipienti, petulanter obsistit miles. Antistes Badajoci Turrecium furibundum, & ad Aulam iter parantem, artificio deludit. Montitium vastat Albuquerque. Molingenius Belga, urgente Turrecio, conserit cum hoste pugnam, evaditque victor. Fractus Albuquerquei redit in Lusitaniam, & falso sese victorem proficietur. Santalexium capit Molingenius. Lusitanus cujusdam militis furor. Rex Catholicus Turrecium, ire Elvum ad oppugnandum jubet. Franciscus Melus Lusitanus magister equitum superatur à Molingenio. Ad urbem Elvum cum omni obsidionali apparatu movet Turrecius. Terretur initio ferali omine. Locus, tempus, fortuna, caelum ipsum illius inceptis obstant. Famâ tandem, ac viribus diminutus Badajocium redit. Se Magnatum Hispanorum quos Grandes appellant, numero adscribi poscit. Rex ea de re praeter morem Senatum consulit. Molestè fert Turrecius hanc dignitatem non fuisse sibi attributam jure sobolis perpetuò propagandam. Militia missionem petit, & impetrat.

## LIBER QUINTUS.

**T**urrecusum, ad armorum imperium in Lusitania sequitur Marchio Leganesius. Prævalidum propugnaculum, pontemque inter Elvum & Olivençam, expugnat & excindit. Lusitanorum duo peditum millia, ac totidem ferme equites, partim cedit, partim fugat. Monroium Iurumeniam mittit, sed prædâ inescatus miles frangitur ab oppidanis, & præceps abscedit. Leganesius ad prædas agrorum, exustiones villarum, & vicorum excidia convertitur. Villavitiosam capit ac diripit. Alburquercium in fugam vertit. Orta Romæ contentio inter Oratorem Hispanum Zirolæ Comitem, & Zedofreite Priorem, Lusitanæ causam Ecclesiæ agentem, universam propemodum Curiam permiscet. Invadunt Hispani milites Priorem, è famulis unum confodiunt, alium lethaliter vulnerant. Innocentius, urbanum Prætozem jubet viâ juris de crimine inquirere. Ex sententia Purpuratorum, manet Orator congressu Pontificis interdictus donec Sicarios traderet. In Aula Catholica Apostolicus Nuncius petit ut avocetur Comes Zirolensis, quem Rex Legati munere exutum Româ discedere jubet. Mediolani, auro corruptæ Germanorum custodiæ, Odoardum Bregantii fratrem ab arce dimittere promittunt. Crimini datur Odoardo, quod fratri, Regis nomen imposuisset. Iudices delegantur à Rege Catholico qui in ea causa ex Majestatis lege procedant. Mærori succumbens Odoardus lethali morbo corripitur, & judicium sententiam antevertit. Molingenius, ob præclarè gesta, Marchionis titulo insignitus, militiæ præfecturam administrat. Telene propugnaculum à Leganesio extructum, per turpem deditionem Alburquercio traditur. Molingenius hanc infamiam diluturus, Lusitanum ad Ane transitum cedit, propugnaculumque restaurat. Remissi, aut intermissi potius in Lusitania belli, multiplex causa. Carolus Padillia in Regem conjurat. Per insidias & dolos captat Ari benevolentiam. Lutetiam mittitur ut pacis inter Gallos, & Hispanos negotium urgeat. Rodericus Sylva Dux Ixarensis, acres cum Aro gerit similitates. Per venenum, Bregantium de medio tollendum, Regi proponit Dux. Facinus aversatur Rex. Padillia, suum de conjuratione consilium aperit Ixarensi. Hic fidem Carolo obstringit, seque conjurationis principem fore proficetur. In partes adsciscitur Petrus Sylva Vegenensis. Series conjurationis. Ioannes Padillia Caroli frater, Vercellensis civitatis Præfetus renunciatur. Carolus fratrem in scelervis societatem adducturus, scribit ei litteras, quæ ad Arum Mantuam Carpetanam remittuntur. Compinguntur in vincula Conjurati. In eos ut reos Majestatis capitale supplicium sancitur. Animo interritus jugulatur Carolus. Regis Catholici pietas. Ixare Ducis causa à Iudicibus versatur. Decernitur, ut veritas, per cruciatus exquiratur. Dux ad tormenta sustinenda mirè compositus pergit. Prætoris & tortorum sevitia, & Ducis constantia. Lex, vetusque Castellæ usus, ut reis inconfessis pro vita indemnitas præstetur. Ixarensis perpetuò carceri mancipatur, & in arce Legionis oclusus, multo ibi post tempore senio, ac valetudine resolutus, interiit. Ioannes Padillia, dum Mediolano, Mantuam Carpetanam adducitur, voluntaria per iter inedia, judicium prævertit.



## LIBER SEXTUS.

**B** Regantius lethali morbo correptus, administratos, regnique Principes convocat, deque fide servanda monet, vi apoplectica tortus occumbit. Ejus mores. Imperii juri, opibusque paternis, Alfonsus maximus natu filius, regnique tutela ex vi testamenti succedit Aloisia Gusmana, Bregantii uxor. Hec Laurentianum Comitum qui regni confinio cum milite praeerat, Barcarota arcem petere jubet. Franciscus Tuttavilla Sangermanensis Dux, armorum pro Castella Praefectus. Quibus moliebatur insidiis Lusitanus capere, capitur. Rex Catholicus, ad acrius quam antè, Lusitania bellum redintegrandum permovetur. Status Senatu coacto, Dux Medinæ censet, non incumbendum receptioni Lusitani regni, nisi post stabilitam cum Gallo pacem. Ejus Oratio. Contra sentit Belvasius Spinula. Ejus argumenta. Ardet Arus cladium quas Olivarii insolentia pepererat, restaurator dici. Sangermanensis milites contra Olivençam ducit. Laurentianus Badajocium contendit, ut ab Olivença obsidione Castellenses abstrahat. Ibi accepta clade ab urbe obsidenda deterretur. Valentiam irritò conatu aggreditur. Olivença honestis conditionibus Castellensi traditur. Saldanius quòd nec pro fide, nec pro viribus Olivençam deffendisset, perpetuo exilio multratur. Aloisia, fœdere cum Gallis & Anglis sancito, ultra fines Castellæ arma translatura exercitum cogit, cui praeficitur Ioannes Mendus Vasconcellus. Is ad Badajocii obsidionem se applicat. Frangitur primus Lusitanorum impetus ad propugnaculum Sancti Christophori. Castellensium equitum duo millia caduntur. Pugna memorabilis inter Venti, & Maja colles. Civitatis obfesse nuncio perturbatur Aula Catholica, & belli expeditionem suscipere cogitur Arus. Lusitanus Badajocii solvit obsidionem. Triumphantis in modum, urbem Arus ingreditur. Vilabum diripit. Elvum obsidet. Subsidia magno strepitu Ulisippo ne comparantur. Cantagnida Comes summus exercitus Lusitani Dux, Elvum liberaturus pergit. Praenunciat Aro per litteras, qua ipse die, qua hora, quibus copiis, qua parte subsidio sociis venturus sit. Inito certamine, Sangermanensis in capite sauciatur, unde prostrernitur Castellensium acies. Elvus obsidioni eximitur. Arus ad Aulam revocatus, in eodem gratia loco, quo antè retinetur. Studiosus cum Gallo pacem tractat, ut universas imperii vires in Lusitaniam convertat. Consulitur quisnam ex Europæ Principibus inter utrumque Regem, discordiarum arbiter, melior aestimaretur. Summus Pontifex, Cesar, Veneti suspecti. Maturandæ pacis negotia Mazarino & Aro commendantur. Congressus inter eos apud Irunem utriusque regni confinium, condicatur. Anglus Legatus, Galli, Hispanique auxilia pro reducendo suo Rege, implorat. Summa utriusque partis contentione, Lusitanie articulus agitur. Caput summa inter Hispanum, Gallumque ad Pyrenæos compositæ pacis. Quæ Maria Therese cum Gallo, nuptiis firmatur.

## LIBER SEPTIMUS.

**R**ex Catholicus in Lusitanum parandum bellum intendit. Acerrimè tractatur de summi Ducis electione. Ioanni Austriaco Philippi filio nobis arma commendantur. Gubernator armorum secundo loco Sangermanensis renunciatur. Militum

numerus. Exercitus Campomajorem initio petere visus, averso itinere Origuclam repensè invadit, arcemque adjacentem delet. Arronci oppidum Ioanni se addicit. Sexdecim Lusitanorum equitum turme, vim hostium laceffere ausa, partim ceduntur, partim fugâ dilabuntur. Alconcellum recuperat Austriacus. Acria per otium, inter Italos, Hispanosque, de ordine & loco, oriuntur dissidia. Ioannes, Duces Italos asperimis verbis increpat. Emanuël Carasa pro Italica natione respondens, ob libertatem in custodiam conjicitur. Dirimitur per regem, nationum litigium. Vere appetente, Austriacus in proximi belli conatum incumbit. Non minor agitatio sollicitos habet Lusitanos, unde severius invehuntur tributa. Catharina Portugallia Bregantii soror Regi Britanno d'sponsatur. Ei Tingi, situm in Africa oppidum pro cumulo dotis accedit. Religionis causâ Rex Catholicus municipium interceptare instituit. Ejus promissa aversatur Ludovicus Almeida, & oppidum in Anglitionem concedit. Villabuim funditus diruit Austriacus. Multas equitum Lusitanorum turbas fugat Alexander Correria. Morba per iter invaditur. Iurumeniam versus dum tendit Ioannes, novus repensè de cælo, nubilâ nocte, conspicitur fulgor. In Lusitania que circum oppidum erant propugnacula, Castellenses irrumpunt. Intestinus oritur in urbe tumultus, qui Pinti Præsidis prudentiâ extinguatur. Menesius Lusitani exercitus Dux, expeditionem quamprimum parare milites jubet, ad succurrendum Iurumeniæ. Urbis tuendæ spe prorsus afflictâ, palam inde re infectâ discedit. Iurumenia post arctam integri mensis obsidionem, Austriaci virtute atque auspiciis evicta, Regique Catholico restituta. Ad villam vitiosam ducit exercitum Ioannes, Lusitanumque nititur elicere ad pugnam. Aveirum recipit, dimissisque cum vita & opibus Oppidanis, ad terrorem solo equat. Monfortis deditur. Crati excidium, cuius Gubernator Austriaci jussu, sclopis in medio foro transverberatus occumbit. Adversus Oguclam victor exercitus tendit. Dum Gubernator, Ioannis colloquium petit, Castellensis miles sine imperio urbem pervadit, prædeque duntaxat avidus, à sanguine abstinet. Prædam Lusitanis restituendam jubet Austriacus, honestasque illis condiciones tribuit. Sartiranæ Comitem Oguclæ Præsidem relinquit.

## LIBER OCTAVUS.

U Lisipponis petende consilio omisso, Austriaco permittitur bellum pro suo arbitratu gerere. Paratur Classis, ejusque regimini imponitur Dux Averensis. Veteres Legiones que Mediolani versabantur inutiles, in Castellam transvehuntur. Bregantius à matris avulsus tutela; virtutis & fortune opinionem penes indigenas, & externos captare optat. Cantagneda Comitem ad se vocat, & Translaganæ armorum imperium in Sancium Emanuëlem Comitem Villaflore transfert. Is invisens arces, & opida regni, Eboram negligit. Ioannes, diutius quàm crediderat belli expeditionem extrahit. Qua de causa. Badajocio profectus, Eboram petit. Sancius ultimam Castellensis exercitus aggressus aciem, cum aliqua cede recedit. Austriacus, per Didacum Cavallerum circumjacentia municipia, ad deditonem compellit. Ludovici Meschitæ Gubernatoris Eboræ, viri militiæ plane imperiti, jussa recipere detrectant Duces. In subsidium urbis electi mittuntur equites, sed improspere exitu. Ludovicus de Sousa electus jam Portus Antistes, communi deditonis consilio pertinaciter obstitit. Civium confusio. Milites pugne cupidos compefcit Austriacus, ne prædâ opulenti distraherentur. Nono postquam obfessa est die, Civitatis fit deditio.

Allato



Allato Uliſſipponem urbis amiſſæ nuncio, populus concitatur. Irrumpit in ſedes Antiſtitis & Cantagneda, eâſque diripit. Extinguitur voce Principis tumultus; cujus auctores aliorum obtentu criminum, ſceleris pœnas dant. Severè præcipit Rex Catholicus ne Eboræ ciſes elementer tractarentur. Copias, Ioannes ad dimicationem inſtructas movet. Infeliciter ad Odigebeſe flumen cæptâ pugnâ, grefſus avertit ab hoſtibus. Sancium reſtitanem ſectit ad pugnam Scombergius. Canalia pugna, in qua Luſitanus plenâ, opimâque potitur victoriâ. Caſtellenſium caſorum; ſauciorum, captorum numerus. In Marchionem Pirovanum mira canis fidelitas. Uliſſipponenſis Antiſtes, populo hilariter turbulento, duo millia nummum ex fenestra projicit. Amiſſa Eborâ, brevi à Luſitanis recipitur. Didacus Cavallerus miſſus ab Auſtriaco, ut Elvum furtim caperet, expectatione deluſus revertitur. Ignis injeſtus bellico pulveri funditus evertit Arroncium. Aulicorum Auſtriaco iratorum queſtus. Huic præcipit Rex, ut cum lectis è ſtatu, bellicæ Senatus conſiliariis, ſibi de bello melius gerendo conſular. Dux Offunnenſis propugnaculum extruit propè Almcidam. Conſtitus apud Iereſum, in quo Caſtellenſis primo impetu obrutus, poſtea concidit hoſtem. Accedit ad Aulam Sangermanenſis, ut excutiat calumnias ſibi ab emulis aſſuectas. Militia munere devolutus, arma in Luſitaniam reſumere vitatur. Alexander Farnеſius externi equitatus Magiſter renunciatur. Cantagneda Valentiam Alcantara petit, in ejusque poſſeſſionem pro Bregantio traducitur. Offunenſis cum exiguis copiis Caſtellum Roderici aggreditur. Obſidionem ſolvit, & deinde profugato exercitu ſibi fugâ conſulit. Philippus Auſtriacum exauſtoraturus, ipſum per miniſtrum monet, ut ultro abdicatis militiæ curis, Conſocrum continuò ſecedat. Comes Marſinus curam armorum ſubit, donec Ioanni ſuccederetur. Propugnaculum ab Offunenſi conſtructum ſolo aequat.

## LIBER NONUS.

Auſtriaco ſuſſicitur Marchio Carazena. Is ſententiam expromere juſſus, cenſet Uliſſipponem rectè petendum; aut prætermiſſis munitis oppidis, omnia incidio, ferròque caſtanda. Didacus Correa, dum inbibere prædæ impetum conatur, à Luſitanis, cum quingentis equitibus ſternitur. Comes Marſinus avidè certaminis cauſas querit. Alexander Farnеſius Valentiam intercipere tentat, ſed re vacua diſcedit. Ad primores Ducum Oratio Carazena, qui cum exercitu ad Villavitiſam dirigit iter. Oppidum capit, cujus Gubernator Brittus ad arcem confugit. Interrita Carneri Centurionis audacia. Cantagneda ſubſidia laturus obſeſſis, Carazenenſis adventus ſui certitudinem d. nunciat. Montifclari pugna, in qua victor Cantagneda, Luſitani tandem diadema regni in Bregantii capite fixit. Obſidio arcis Villavitiſe ſolvitur. Gravis Reg. m. ac miniſtros cura percillit, an, & quomodo bellum reparandum. Philippi Regis interpoſita mors, belli conſilia ſuſtollit. Hujus interitum cometes paucis ante menſibus nunciavit. Per dolum mutato Regio codicillo, pro Medinæ Duce, Aitona Marchioni, Imperii regimen adſcribitur. Ioannes, ultimos patris amplexus exoraturus, accedens, non admittitur. Philippi mores. Apud Eſcurralium ſepulchro conditur. Teſtamenti ejus ſeries compendiarie. Rege iumulato, prima quæ Reginam Gubernatricem poſſimum urſit cura, fuit de Luſitano bello deliberatio. Regina cupide huic imponere bello finem deſiderat. Favet ejus conſilio Medinæ Dux. Ejus oratio in Status Senatu. Contra diſſerit Everardus Nitardus. Auſtriaco, Provinciæ Belgicæ demandatur Prefectura. Rex Angliæ, ni pacem amplectantur Hiſpani, Luſitano ſe terrâ, marique affuturum

rum jactat. Regina consensu, cum Lusitano quæstæ pacis interventor assistit. Pacis conditiones. Octavo & vigesimo post defectionem anno, Lusitania suo tandem Regi redditur.

## LIBER DECIMUS.

**B**ello externo composito, quasi civile in Lusitania prorumpit. Regis Alfonso vita, instituta & mores. Odemira Comiti traditur erudiendus. Antonius Contius subdolè captat Alfonso benevolentiam. Stolidâ fortitudinis ostentatione, in mortis discrimen bis se Rex implicat. Per Status Senatum publico nomine monitus, vitia mutat, non mores. Partes & factiones in Aula fovet Contius. Inter filium & matrem contentiones exoriuntur. Senatus decreto, Contius, omnesque ejus impure factionis clientes, ad Brasiliam exules ejiciuntur. Aloisia quod diutius tenere non poterat, Imperium Alfonso dimittit. Assumptæ dominationis initia. Comes Castelmeliorius, Comes Autogia, Cæsârque Meneſeus ad Imperium sibi tenendum, Triumviratus similitudinem constituunt. Regis tandem, regniq; unicus moderator remanet Castelmeliorius. Primarios regni cives exilio multat. Consilium orditur opprimendæ Aloisia, quæ jussu Regis à Regia discedit. Alfonso, nullo adversante ad pristina facinora redit. Marchionem Fontanum ad interitum quarit. Sicarii Regis impetum faciunt in Comitem Encerensem. Ab iis Noronia lethali confectus vulnere, extinguitur. Religio in ludibrium adducta. Contius Ulisipponem revocatus in regni fines expellitur, artibus Castelmeliorii, cujus potentia decrescere cæpit. Pulcherrimo vitæ instituto, moderationis laudem sibi promeretur Petrus Alfonso frater. Regis cum Principe Nemurtia connubium. Aloisia Gusmana mors, & animi dotes. Inter Regem & Petrum ingravescent diffidia. Regina, à viro ludibriis, à Castelmeliorio expulsionem injuriis affecta, ad Petri partes accedit. Is Castelmeliorii expulsionem à Regia, deposcit. Senatus super ea re varie sententia. Proceres, urbisque Patricii à Petro convocati, illius se causa alacriter affuturos respondent. In ejus favorem tumultuatur Ulisippo. Castelmeliorius se ab Aula furibundus proripit. Henricus Miranda, & Antonius Sousa nocte intempeſta diffugiunt. In summa rerum confusione, regni Comitia coguntur. Regina ad Franciscanarum Monialium Cœnobium divertit. Litem de matrimonii rescissione apud Ecclesiæ Iudices incohat. Exutus imperio, custodie traditur Alfonso. Omnia imperii jura, præter Regias fasces & nomen, Petrus assumit. Regina, dirempto cum Rege matrimonio, ordinum consensu Petro nubit. Rex ex Insulis Tertiis reductus prope Ulisipponem degit, attentissimè custoditus.



## APPROBATIONES.

**D**E mandato nostri admodum Reverendi Patris Generalis vidimus opus cui titulus est, **BELLUM LUSITANUM**, &c. nihilque in illo reperimus, quod Orthodoxæ fidei, aut temperantiæ morum oppositum sit, imò scriptionem elegantem, & cultam, & utilium documentorum refertam, quæ auctori laudem, reipublicæ emolumentum, & eruditis delectationem, & usum comparatura sit. Idcirco publica luce dignum censemus. Matrili die sexta Septembris 1682.

Don **ANDREAS TELERA**,  
Cleric. Regularis.

Don **LUDOVICUS ABAUNZA**,  
Cleric. Regularis.

**H**Oc opus inscriptum **BELLUM LUSITANUM**, & à Rev. P. D. **CAJETANO PASSARELLO**, Præposito nostræ Domus Matrili compositum, & juxta præfixam assertionem Patrum, quibus id commisimus approbatum, ut typis mandetur, quod ad nos spectat; facultatem concedimus. In quorum fidem præsentem Litteras manu propria subscripsimus, & solito nostro sigillo firmavimus. Datum Tusculi die 11. Octobris 1682.


**D. THOMAS SERSALIS**,  
Præpositus Generalis, C.R.

**D. ARSENIUS CAVEDONE**,  
Secretarius C.R.

SUMMA

\* \* \* \* \*

*SUMMA PRIVILEGII A CHRISTIANISSIMO  
Rege concessi.*

UDOVICUS MAGNUS GALLIARUM ET NAVARRÆ REX CHRISTIANISSIMUS, Diplomate suo sanxit ne quis per universos Regnorum suorum fines intra sex proximos annos à die publicationis exemplarium computandos, imprimat seu typis excudendum curet, & venale habeat opus, quod inscribitur, *Bellum Lusitanum ejusque regni separatio à regno Castellensi cum abrogatione superadjec̃ta Alfonsi Regis Lusitani, Authore D. D. CAIETANO PASSARELLO Catansariensi Clerico Regulari*; præter ANISSONIOS Bibliopolas Lugdunenses, aut illos quibus ipsimet concesserint. Prohibuit insuper eadem auctoritate Regia omnibus suis subditis, idem opus extra Regni sui limites imprimendum curare, & impressum divendere, vel quempiam ubicumque fuerit ad id agendum impellere, ac instigare sine consensu dictorum ANISSONIORUM; Qui secus faxit, confiscatione librorum, aliâque gravi pœnâ multabitur, uti latius patet in diplomate regio. Dabatur Versaliis, die vigesima Januarii, anno Dom. 1683.

*Ex mandato Regis,*

Signatum

IUNQUIERES.

Inscriptum Registro Bibliopolarum Parisiensium, juxta Senatus Decretum, die 27. Februarii 1683. Signat. A N G O T.





D E

# BELLO LUSITANO

## LIBRI PRIMI

S U M M A.




*L*USITANIÆ descriptio. Hanc Regionem, olim incultam, ac propè desertam, Henricus Lotaringius restaurat, incolâsque ad civiliorē vivendi formam redigit. Ei Castella Rex filiam collocat, data pro dote Portu urbe, cum Portugalliae Comitissae titulo. Alfonsus Henrici filius, ob prostratos praelio Mauros, Rex proclamatur. Sebastiano in Africa caeso, succedit Henricus Cardinalis. Is moriens absque liberis, multos relinquit regni competitorēs. Philippus II. Hispaniae Rex, Antonio Portugallio devicto, rei Lusitanae potitur. Dux Bregantiae, regni amissi dolore percussus, simul & metu Philippi, occumbit. Theodosius Ducis filius, desperatâ regni cupidine, phreneticus moritur. Galliae Rex Ludovicus XIII. Hispaniae Philippus IV. totum regiminis pondus, ille in Cardinalem Richelium, hic in Comitem Ducemque Olivarium, devolvit. Olivarius dissidia in Gallia suscitât. Richelius Suecum, Danum, & Hollandum in Austriacam familiam commovet. Catalaunia deficit à Catholico Rege. Mutationis imperij in Lusitania varia causae. Sub Ministris regis Suario & Vasconcello omnia venalia. Richelius, ad suscipiendum avitum regnum hortatur Bregantium, qui operâ Pintii ad explorandas & flectendas civium mentes utitur. In colloquio Ulissipone habito, diversa sententiae de Lusitano imperio mutando. Locustarum prodigio praeannunciatur imperij conversio. Variis dolis circumvenire Bregantium conatur Olivarius, qui ipse suis dolis capitur. Contra eum Ministrorum quarelae apud Regem. Lusitanorum affectus erga Bregantium. Ad ipsum Almada oratio. Iussu Regis vocatus ad Aulam, ire recusât. Cunctantem tandem ipsius animum Antistes Elvensis expugnat. Occultum uxori consilium aperit, quae virum jampridem spe, metuque pendente ad Regni rapinam impellit. Rei agendae tempus & ordo statuitur. Fortuitus casus, parvique momenti res, conjurationem penè disjicit. Audax Georgii Meli facinus. Philippa Villiena defectionis die constitutâ, filios accendit & armat, exemploque suo alias nobiles Lusitanas peracuit & illustrat. Conjurati Regiam occupant. Vasconcellus in armario latens ab Antonio Sotenlio conficitur, cadaver ejus pecudum alimento relictum, à Sodâlibus Misericordiae sepelitur. Ejus virtutes & vitia. Diripitur domus Decani Bracarensis. Margaritae Principis constantia. Antonii Silvae fides resurgit, Antistes Ulissiponenſis solemnem instituit processionem, in qua verum aut fictum

A

miraculum

miraculum vulgus maximè movet. Is in speciem irruit usque ad Bregantii accessum, novæ gubernationis arbitrium subit. A Legatis Regni nomine missis, Bregantius Rex salutatur. Ulissiponem ingreditur magnâ pompâ, ibique coronam suscipit. Margaritam Principem ad Cœnobium extra urbem transferri jubet. Ad Iulianam arcem occupandam toto conatu incumbit. Ioannes Cueva ad defectionem inducitur, spe premii. Ad exhaustum ararium locupletandum, argenti usuarii acervos conferunt Cives, quin & mulieres monilia ultro offerunt. Variis arumnis affligitur Margarita, instigante Francisco Luzena. Quis aule Catholica motus & habitus fuerit, cum deservit Lusitania, & Olivarii in primis. Rex ea de re belli statûsque Senatûm consulturus accersit. Ognatus censet omisâ Catalauniam, Lusitaniam sine mora urgendam. Ejus argumenta. Contra Olivarius disserit, cujus sententia vincit. Comparantur copie pro Castelle munimine, quibus præficitur Dux Sidoniae Medinæ. Lusitanie defectio, reliquas regiones quæ antiquæ suæ ditioris & juris erant, attrahit.



## BELLI LUSITANI

LIBER PRIMVS.



**L**USITANIA, quæ, & Portugallia parvo discrimine dicitur, ad Oceanum occidentum in extremo Hispaniæ angulo sita, fines ab Austro Anam per amnem dirempta, Beticam habet, à Septentrione per Durium divisa, Hispaniam Tarraconensem. Hoc regnum exigua ea quoque parte comprehensum, quæ Portugalliæ ei nomine jungitur, tres in Provincias scissum Cistaganam habet, & Trans>taganam Provincias Tago interfuso fluvio distinctas, simul etiam eum terræ tractum, qui ultra Durium præcipua soli ubertate, omnisque pabuli copia ad Minium usque fluvium extenditur. Universum autem longitudine amplectitur quadringenta millia passuum, minori multò latitudine, & ubi latius explicat se centum amplius sexaginta, ubi magis contrahitur octoginta. Insigni nobilitate continet idem urbes Cis Tagum Ulissipponem regni caput, & sedem imperii, circumsparsæ telluris amœnitate, annonæ abundantia, cæli temperie, mœniûmque circuitu, Hispanarum urbium nulli secundam. Eboram ultra Tagum, quæ ob ejus

præstantiam, & incolarum frequentiam inter arcti cæteras regni urbis prænomen sortita est; & Bracaram etiam Sacrorum antiquitate, ac splendore, ac ruinarum memoria primatus auctoritatem jactantem. Regionis solum, nisi quod pleno alveo, aut ex eo late manantibus rivis circumfusa flumina rigant, magna ex parte sterile, incultum, atque infæcundum est; siccitate, solis æstu torretur; solitudine squalet. Id tamen incolarum ad eò labore, curæque & nundinarii propè maris suppletur obsequio, ut nedum regio exuberet necessariis, sed etiam in mercibus peregrinis aliqua ad vitæ usum, plura ad omniû ferè sensuum oblectamenta extra Europæ latitudinem mittat. Hoc frequentibus antea regnum, raris nunc incolis habitatur. Id modo indigenæ tribuunt fortuitæ Martis ruinæ, bellique quod ibi nuper exarsit voracitati; nos autem, & volvi hanc provinciam censemus fato quodam totius Hispaniæ, quæ jam effata, & valde incolis imminuta plus opinione, & consilio, quam vi, & robore externis imperitet. Gens Lusitana tamen eo loco, eo hominum numero adstricta, sed virtute, atque animo longè amplior, Africæ quondam potuit subigere partem, novas Insulas aperire, & per ignotum navigantibus iter evadere ad Indos, illisque tributum imponere; totam ferè Asiam commendatione



mendatione rerum gestarum, armorumque terrore complere. Mores eorum, nisi æmulatio, aut contumelia fortè tetigerit, aperti, faciles sunt, & mitiores, quàm in fronte jactantur, cultus elegans, non sumptuosus; victus splendidus, & frugalis. Religionis, justitiæ, sapientiæ, armorum mirifico studio tenentur. Castellenses vanitatis, atque superbix odio potiùs quàm ioco Lusitanos infimulant, unde illos turgidos vocant, sed quidam in illis animi tumor nobis oriri magis videtur ex magno animo, quàm inflato. De hujusce gentis origine, prætermisiss veterum monumentis, temporis labe, aut invidia, aut negligentia scriptorum cum fabularum varietate corruptis, unde scilicet orti, unde aucti, propagati que fuerint, quàm peregre obstitierint Lusitani Romanæ virtuti, atque ejusdem quæ universa premebat imperio sublimioris potentiæ moli, quidve singulariter gesserit Viriatus tot illatis Romanis cladibus celebrer, & quod tanquam hæreditario gloriæ armorum incitamento, ornatuque Lusitana indoles agitur; pro certo constat, hanc Lusitanam regionem horrentem olim, incultam, ac propè desertam, incolas ejus aspero more, dissona lingua, rusticis fermè sedibus vagos ab Henrico Lotaringio restauratam primùm fuisse multis ex Gallia coloniis adjectis, eoque horrido propè more ad civiliorem vivendi formam redactò. Hunc virum natura sua bellicosum, & animo acrem, stirpis præterea claritate tumentem, & quod arma ea tempestate Gallorum latè, ac victricia, per Orbem obstreperent, propinquum animo inquietum, præfervidumque cum metueret Alfonsus hujus nominis sextus Castellæ Rex, satiùsque propterea duceret gratia experiri, quàm maleficio novum Principem velle generum sibi adsciviv, ei collocata filia Theresia, auctoque pro dotali stipendio Portu ur-

be, aliisque Durii ad ostium jacentibus oppidis cum Portugalliæ Comitibus titulo, ex qua Portu civitate nationi, ac nomini Galliæ muliebrem per dotem adjuncta, rectè plerique sentiunt Portugalliæ appellationem conflatam.

Ex Henrico, & Theresia Comitibus est ortus Alfonsus, qui ob Mauros in prælio insigni cæde prostratos militari studio, atque plausu in illo ardore victoriæ Rex proclamatus, augustum hoc sibi partum virtute nomen, aliis post dotibus auctum, atque exinde retentum ad posteros transtulit. Regius inde stipēs effusus præclara Principum sobole floruit usque ad Joannem primum Regem Lusitanix, Petri item Regis filium nothum, qui legitima quam succisa linea cum juri in eo gratia, aut viri meritum præpolleret fortuna, & opibus potens in Lusitania regnavit. In hoc ipso Joanne cum natalium licèt vitio servata, & propagata familia regia continenti Regum successione multis post annis cum Cardinali Rege Henrico, qui Sebastiano in Africa cæso successit, & sine liberis obiit, tandem extincta est. Cæterum ne illustis familia interiret, ne sava per bella orbis jam regnum hæres externus acciperet, jacta apud regni proceres mentio, moxque ad summum Pontificem lata est; ut Cardinali Regi qui sacris erat initiatus, canonico impedimento remisso, fas esset pro reipublicæ bono connubium inire. Sed Philippus Secundus Hispaniarum Rex, spe, opibus, votis, jurisque suffragio jam tunc ante alios in regnum erectus inflammatusque, id acius Romæ per suum Legatum interpellavit, utile sibi, & revera, ac solida in speciem oratione proposita, scilicet contumeliosum, & vanum futurum indultum, ac populorum offensionem, decrepitum & intermortuum propemodum senem in spem inanem habendæ prolis, sacerdotium, & sacram Purpuram abjecisse. Quod

mox, & exitus comprobavit. Quippe Henricus sexdecim intra menses curis regiminis obrutus, atque ætate confectus extinguitur. Inter hæc expectatione occidentis imperii per legis, ambitusque subsidia competitores sublatis Principes, Rex Philippus pro regno invadendo jus repetebat à matre Isabella Emanuelis Regis filia productum, Parma Princeps Raynutius à Maria Portugallia ex Odoardo Regis quoque filio progenita. Duci Bregantia præter regale genus, & populare indigenæ nomen jus etiam uxoris, quæ erat eo tempore Catharina superstes altera filia Odoardi, suffragabatur. His ita adhuc integro Henrico quia hærede vacuum proximo interitu regnum facturum erat, jurium altercatione commissis, & minas in medio, & ancipites quoque miscensque stylos sese etiam intrusit Catharina Medicea Regina Gallia, quod genus ipsa duceret à Mathilde Bononiensi uxore Alfonsi tertii Regis Lusitani, & hæc Astrologorum utique errore, sive fallacia potius, quam jurium vigore aut legibus freta, qui feminae ambitiosæ prædixerant liberos omnes in regio folio, ac regio diademate conspecturam fuisse, ipsa propterea quasi industria, & consilio siderum motus, affectionesque juvaret, alienaolvebat regna, quò & vaticinium impleret, & sobole quoque regia ea tempestate laborans, ac propè labans Gallicum regnum exoneraret. Cæterum cum reliquos ut longinquos, aut externos, aut enerves & viribus fluxos à quibus metuere nihil aut cupere posset, Lusitanus repudiasset, robustior, celebriorque in illo negotio pendebat inter Regem Philippum, & Catharinam Ducem Bregantia lis, alterum se ut masculum licet ortum à femina præferentem, alteram licet feminam, cujus tamen à mare manabat jus, eratque gravis, acriterque jactati hujus litigii cardo, sexus an lineæ pro regni succes-

sione ratio potior habenda esset:

Accessit & causæ Antonius Portugallius Ludovico Regis altero filio natus, & is quanquam nothus pro regni hæreditate advocabat clandestinum Ludovici cum ejus matre connubium, nullis tamen, ut vulgò dicebant, synceris testibus roboratum. Aderat tamen Antonio concitatus populi favor in regiam familiam pronus, robur atatis, militare, capax imperii, avi, patrisque proposita imago, & quod eadem dilectæ, regiarque domus, validioris ne spes turbaret, aut regnatura, aut peritura reliqua esset; pars præterea, at ea exigua nobilitatis, quam Philippi largitio, ambitusque qui omnia in consilium verterat, incorruptam reliquerat. Ad hæc in Lusitania, in Castella, & alibi etiam interdum cum truncus legimus Regum exaruisse memoriae proditum esse, haud dedignatos populos esse regiones submittere fasces hominibus nothis. Tandem legibus spreis, & studio, aut cavillo singulorum elusis ad arma deventum est, quæ quidem imperia Regibus circumscribunt, ut res domesticas jura privatis. Proinde pecunia, atque copiis quas diutius spe ipse imminens regno paraverat, Philippus abundans, Albanum rerum in bello gestarum gloria cunctis suæ ætatis Ducibus parem Uliisippone infestum movere exercitum jussit. Huic Duci, hisce copiis tumultuario propè delectu, & cum impetu magis quam vi, rudique milite occurrit Antonius, signisque collatis fractus eo prælio discessit. Altera paulò post ad Portum urbem conferta pugna idem Antonius victus, ac penitus profligatus, tandem inermis, nudus afflictus cum prægustato infeliciter regno, tum domo exactus in Galliam profugit, armisque victor Philippus, & jure, id cohonestare quantum poterat arma, rei Lusitanæ potitus est. At verò Bregantia Dux, quæ aurâ populi destitutus, quæ pro



pro Antonio plenior afflabat, quâ æmuli Regis exterritus opibus, priusquam bello res cum Antonio decerneretur, monuit secretò Philippum de actione, & jure uxoris ejus in regnum, quod si eidem ipsi pro Bregantio immunitum velut inopi videretur alia nec ea iniqua saltem mercede resarciret jacturam regni, & injuriæ aliquod pignus, seu levamentum in spoliata imperio domo relinqueret. Sprevit autem Philippus, ut plerumque Principes solent, vacua viribus argumenta, auxitque ludibrium ut ex eo magis spem, animûmque Ducis infringeret, quod Filium ejus Barcelli Ducem à Mauris in bello captum, auròque à Philippo redemptum, & asservatum, idem in potestate tanquam obsidem retineret. Quod Bregantius animadvertens, & quod frustra ex animo patefacto vehemètem Regi suspicionem, odia & pericula sibi comparavisset, mox retractare propositum simulans, misit ad Regem, qui ei chirographum suo nomine traderet, in quo juri suo cedere, & curas de regno abjicere planè profitebatur. Tum verò Philippus artibus artes ludificans ea cautione, aut obsequio se minimè egere cum quodam fastidio, rictûque superbo respondit, codicillos tamen accepit, jussitque Simancæ in regio tabulario asservari. Post hæc fuso Antonio, fugatòque, regnûmque omnino Philippo obtinente; Bregantius licet invitus in ejus verba juravit; sed paulòpost astu agitatus invidiæ sibi interverfi ab æmulo Imperii, regnûque amissi dolore percussus, simul & metu ne à Rege tam prudenti, quàm timido, & cauto, ut jure suspectus aliquando prævertetur, occubuit.

Hunc Ducem filius ejus Theodosius in jure amplissime domus æqualis, at spiritus celsitudine major exceperat, cujus adeò quidem affixus hærebat in animo aculeus injuriæ in communem familiam rapto ex imperio pratentæ,

ut Philippo secundo erepto, hæredem ejus Philippum tertium cum regio apparatu, atque pompa ad Ulisipponem tendentem, circa Villavitiosam excipere, atque in arcem conjicere cogitaverit, ibique militibus custodire, donec ablatum redderet regnum, sed amicorum hortatione temerario ab hoc consilio deterritus, attentare subinde statuit Ulisipponensis animos populi, dilectæ si fortè domus, si juris, si nationis communis ratio, dum ipse repente in regnum annitteretur, offusca de majestate, Regisque potentia formidini prævaleret. Cum enim prudentia, ingenio, animoque longè Rex filius à patre degener ostenderetur, ex immunita quæ id temporis vagabatur novo de Rege fama major audacia imperiique habendi fiducia, & cupido Theodosio Principi creverat. Is igitur ubi Ulisipponem ad salutandum Regem perrexit, suis clientibus, atque famulis quos longo ducebat ordine injunxit, ut de industria cum regiis, sed velut casu interposita rixa per eam explorarent animos populi, qui si Bregantio fortè favere, ac plaudere nomini videretur, turbis immisti & clamore, atque armis simul annisi tumultum, & vires magis extenderent, cum cale-re capisset res, in tempore ipsum acriori conatu Ducem, & partium vindicem affuturum. Quo utrosque inter famulos jurgio, ut Bregantius descripserat, excitato, tunc plebis studium Bregantio propitium perspectum est, sed rixa ut in speciem fortuita, cum majori concursu nisûque hominum statim dirempta esset, spem inde conceptam sustulit. Bregantius tamen eoque in se prono comperto favore populi, certaminis rursum experiri fortunam voluit; cùmque Rex extra urbem voluptatis causa diverteret, acriorem porro contentionem voluntaria, atque levi subjecta causa inter suos, clientisque Regis objecit. Hæc gladio-

rum scolorumque concursu per vulnera, & ictus utrique profecto anceps, cruentaque partibus cecidit, sed cum extra urbem loco infrequenti certamen arsisset, id iterum pro Bregantio Lusitanos animos prodidit, at majoris fomento incendii ex loco materia defuit. Tunc Philippus popularium fidei diffusus quæ Theodosio proclivior bis interluserat; ejusdemque conatus ut altiori causa, atque mole productos metuens, quem etiam alacrius, quia impunè, ac licenter grassari, se seque jactare inter gentiles noverat ab Lusitania satis idcirco munita repente discessit. Igitur Dux Theodosius cum spei vacuus, mœore plenus, Villavitiolam reversus esset, ibi jam desperata cupidine regni anxium, inquietum, ac plane miserum ambitione contortus vitæ reliquum duxit. Ad extremum fato cessurus in phrenesim incidit, qua quidem eversa mente, lassatæque curis mordacibus spiritu non nisi arma, conflictus, & acies delirantis ab ore fluebant, vi omnia morbi tunc eruen- te, quæ totius vitæ curriculo inania regni consilia decoxerat. Quanto autem ipse flagraverit regnandi ardore Theodosius, quantumque ea ipsa velut transmissa semine flamma posteros ejus afflaverit, vel extremo vitalis fabulæ actu, funeris scilicet pompa monstratum est, quod ex cinere humana quoque fumante superbia, regio more, regniisque insignibus sed clam inter domesticos factum est. Theodosio Bregantiæ Duci Joannes successit à suis civibus idem postea Lusitiæ Rex acclamatus, qui ita natus, ita educatus paternisque consiliis & rudimentis imbutus, parenti consimilem mentem, non tamen eundem impetum animi, & audaciæ vigorem sumpsit; quin imò cunctator & valde cautus parum spei, parum sibi, & hominibus fidens, ita regnum desiderat, ut ad singulos casus intentus, semperque sollicitus, suo

multò plus in illo occupando uti, quam arbitrio fortunæ veller.

Inter hæc, labentibus annis, Imperium Hispaniæ cecidit in Philippum hujus nominis quartum, Gallicum verò in Ludovicum decimum tertium, quorum vasti regiminis pondus alius omninò devolvit in Comitem Ducemque Olivarium, in Cardinalem alius Richelium, utrumque ex nimia Regum suorum facilitate, & ut primum est suspicari, ex odio & fuga laborum, quos reip. bene gerendæ impendi necesse est, supra modum fortunam, & arrogantiam augmentem. Hi ergo duorum potentiorum Europæ Regum pro ministerio publico Principes, regnorum, Regumque arbitraria ferè possessione ad summam potentiam evecti, & cum publica, tum etiam privata æmulatione discordes, seque invicem atterentes, tanquam Europæ cardines multa vi, multa artibus ordientes cunctaolvebant, commiscebantque. Vitio Olivario dabatur suscitare, atque alere fraudulenter ipsum in Gallia, ut mobili ingenio, gente, ac novitatis prona dissidia, fluctusque civilium bellorum, ea propter conspirationem Aureliani Ducis ad immutandam formam Regiminis, tumultus procerum, partium irritamenta, motusque Reginæ matris exilium, & fugam & omnia rei publicæ turbamenta, quæ Galliam satis affligerant, Olivarii fraudes, ac dolos contexuisse Richelii intelligebat. Proinde apertè illum Richelius aggressus, Suecum, Danum, Hollandum quosque in Germania & Italia obvios Principes habuit adversus Austriacam familiam, & Imperium Hispaniæ commovit, armavit, consilio, pecuniâ juvit, & quoniam Britannicus Rex, ne Gallus suo genio infestus, propinquus, ac vetus æmulus cresceret Hispano, ut opus erat, consentiebat, illius regni, Regisque excidium per intestinas discordias molitus est, cæque



caque turbida sanè consilia, quæ vivens in Angliâ Richelius effuderat, ipso denique mortuo, & cum tragico, & impio jugulati Regis exemplo funestum exitum habuere. In hoc habitu rerum, Catalaunia à Catholico Rege descivit. Causæ defectionis vulgares, & palàm obtendebantur, aucta nimirum tributa, violenter à populo extorta, & cum sanguine emuncta propè pecunia, vetera indulta Principatûs abolita, mores, leges, consuetudines, jura, in externa vitia delapsa, merito aut jure secluso, omnia venum, aut gratia dari. At posterior, & minus quidem jactata sermonibus causa erat, inter has communes regni querelas, & sueta quæ bellum afferre solet incommoda, tempestivum tunc accidisse Richelio per homines aptos popularium ibi fidem corrumpere. Et reverà Olivarius cum omnia dominationis consilia, pacis, bellique trahendi scilicet artes, clientelas, fœdera, Principum amicitias, negotia publica fere omnia, nec rarò nec parcè transigeret auro, subditorum idcirco bonorum avidus, ararii nimis profusus suo temporario potiùs dominio, quæ Privatorum est labes, quàm Hispani Imperii diuturnitati providere apparebat. Porro Catalauniæ contumacis exemplum Lusitanix defectionem contraxit; nam fortunæ indulgentia, & ingenii sui acumine fretus, elatusque Richelius sagacissimas artes exacuit. Ea erat præterea Lusitani regni conditio, isque in deterius quotidie ruentis illius regiminis cursus, ut per id temporis cuncta ad imperii mutationem penderent. Inter orbis terrarum amulas gentes, easdemque seu gloria, seu congenito fortè odio, seu offensionum interjecta materia certantes, vehemens, & singularis profectò est hominis Lusitani adversus quemcumque Castellæ virum malevolentia, dissidentia, quod-

dant fastidium, & animi detestatio, cujus nedum dominio, sed etiam ab habitu, moribus, societate, conjugiiis, & ipso prope nomine abhorret, atque hæc vehemens, & mutua in utroque oppositio, atque effrenata animorum affectio, quæ mirè inter se utrosque populos agit, in Lusitano tamen ut austioris, acriorisque naturæ trascendit. Accedit, & vetus atque ita animo inhaerens, & insitus Lusitanis erga Regem indigenam amor, ut vulgus cæco illo impetu ductus Sebastianum Regem multis abhinc annis in Mauritano bello interfectum cum pulvis, & umbra jaceat adhuc vivum, & latitantem in Orbe jactet; quæ inveterata jam hujus affecti corporis ulcera multò magis exasperabant in adeo odiofo, & fluere, labique viso paulatim Imperio, vitia, aut errata, quæ tunc Castellenses in Lusitani regni regimine committebant. Enimverò tot internis, externisque cum incerta fortuna bellis Hispano Imperio convulso, & multas in partes distracto, cum ararium & miles passim exhauriretur, ad ea explenda, severius in Lusitania pecunia, annona, militaris delectus imperabatur; simul ubi ipse Philippus quartus cum regia ostentatione, luxuque in Catalauniam iter indixit, eò Lusitana quoque nobilitas ut abeuntem de more Regem consequeretur vocata est, quod quidem non nisi post acerbis, iteratisque minas ab his Olivarius tandem extorsit, dum Lusitani optimates pecunia, atque opibus Castellæ magnatibus impares, simul more, & ingenio dissimiles, & æmulationis certamine adversi, hos sibi dedignabantur in apparatus splendore præferri, quæ sanè res altius in Lusitanorum nobilium pectus descendit, vim inde, & contemptum, & illatam sibi publicè injuriam adversus regni leges objicientium. Adhæc Margarita Sabau-

da Mantuana Dux Lusitaniam eo tempore administrabat, femina planè virtute, ac sanguine Princeps, sed cui virium infirmitate, temporum vitio, imperandòque natura sexus inepti, & muliebri etiam imperio Hispanis propè fatali minùs auctoritatis & roboris erat, cum maximo tunc egeret, in eo fluctuantis regni-regimine; Quod duobus præterea regiis Ministris impicabatur, Didaco nempe Suario, & Michaële Vasconcello, utroque Lusitano, altero à secretis Consilii Status apud Principem Margaritam, Mantuæ Carpetanæ altero à secretis Lusitanæ Senatus apud Regem agenti. Hi duo pro ambitione quidem potentia acrioris sibi invicem æmuli, sed pro regni everfione concordēs gratiam, quam omni studio, & industria ab Olivario latè captaverant in suorum concivium perniciem, atque nobilium præsertim oppressionem detorserant: ex eo porro magistratuum fastigia aut fraude, aut amicorum favore, aut fædæ servitutis præmio acquisita viliores invaserant; reliqua officia, regni que commoda, & jura quasi exposita lucro ut nundinaria venditabantur. Ideo etiam indignus præpositus digno, & fures ærarium, & leges nefarii, & corruptores judicia custodiebant; non virtus fortunæ, non gratiæ jus, non pecuniæ meritum anteibat; omnia erant projecta, venalia, & malis artibus pervia; cumque præterea administri privatis commodis servientes pro publico bono sibi ipsi adversi, abstractique utilitatis, honoris, pravi studii contentione alius aliò traherent, quod intererat regnum, convellebatur. Triennio etiam antequam Lusitania deficeret, cum Ebora casu tumultuaretur perfidia, partium, turbulentorum consiliorum, quæ pro Bregantio latenter ebulliebant, manifesta quædam eruperunt indicia, quo tristi nuncio Olivarius valde perculsus, atque

commotus plures nobiles Lusitanos, sibi que suspectos ad aulam jussu Regis accivit, neve in fide nutantes jam homines auctoritate publica armatos fineret, quod jam antea laceffitos, & contumeliæ specie perustos plus Lusitanos incendit animos, ejectis à fiduciariis regni muneribus incolis frequentes externi tunc primum sunt introducti. Has queribundas in regimine negligentias, & imperii jam declinantis initia alius & vetus error, alius novissimus cumulavit. Primus nec levis extitit lapsus, Philippum secundum Regem post Lusitaniam sibi subiectam inibi hærentem & opibus integrum reliquisse Bregantium, regiæ nempe sobolis virum, regni jus præferentem auctoritate, viribus, aura populi, turba clientium plusquam subditum in regno tam arcto deceret, circumvallatum, cum nec hominem certè magnum exiguum capere possit imperium, nec in eodem conquirere regno regia ibi fortè subacta sive delusa progenies sine diademate sciat. Alter nec primo fortasse minor Philippum scilicet quartum, quò Cataluniam reciperet, tegeterque Lusitaniam nudasse præfidiis, veterano propterea subducto milite, & novo infidoque suffecto, ex quo æmulo antiquo, qui regnum, quod ereptum sibi putabat, acriterque dolebat in tempore aggrediendi occasionem circumspectabat, per ita affectum, ita enervatum imperium ad iter Philippus quasi præluxit. His omnino Richelio compertis clam per epistolas docuit Bregantium qua planè via, & artificio detruso Philippo facilè posset ipso avitum suscipere regnum, simul ubera Galliæ auxilia, & amicorum Principum fœdera spondet, tum ne aliorum Hispanorum clade regnorum, motis ubique ac nutantibus rebus Imperii, Lusitanæ quoque ea tempestate suspectæ succurreret Olivarius,



rius, aliam Bregantio fictitiam epistolam misit ab eodem Richelio scriptam, & obfignatam; at dissimili stylo, ac diversa negotii, quod in prima tractaverat, conficiendi ratione composita, monens præterea Bregantium, hanc fictam pro vera, & occulta Olivario exhiberet epistolam, sicque hominem suspicacem, nimiumque sibi fidentem, per fiducia propositam speciem, & fidei jactantiam falleret perinde ac officium, & fidem in majori ipse aestimatione, atque pretio quam spontè oblatum ab hoste regnum haberet. Quod illicò, ut erat à Gallo instructus Bregantius effecit, sed irritus; dum altiori in se judicio collectus & anxius reputat Olivarius, regni cupidinem nulla, aut nimis rara coerceri virtute posse. Hujus quamvis caducam, & fragilem spem velut humanum supra fastigium, Deoque similem hominem extollentem cunctos humanos rapere affectus, & voto imminutum arbitrium, & lumine propè vacuum relinquere mentem: profundas præterea, sæpe varias, ac tortuosas voluntates humanas esse, multiplicique simulationum cortice tectas. Hic autem binos fallaciæ magistros insignes ludere secum videri fraudibus velle, & per insidias tandem surripere imperium. Iisdem proinde usus artibus Olivarius tunc primùm in animo fixit, Bregantium & suo, & aliorum impulsu, afflatuque Lusitanæ jam impendentem, hinc primo quoque tempore abducere.

Bregantius verò per inflatam à Gallo spem animo magis erectus ac de regno invadendo sollicitus per Joannem Pintum, qui Ulisipponē negotia ejus agebat, rem lentè aggreditur, fideique satis spectatæ antiquum famulum monet, ut cautè, & per astus civium mentes exploret, occasione, temporibus serviat, casuque oblata in consilium dexterè flectat, ipsūque Bre-

gantium nedum facinoris inscium assimulet, sed etiam animo aversum, ac penitus reluctantem. Pintus, ut heri fortunæ, ac futuræ magnitudini implicitus, & suo quoque ingenio imprimis versutus, & callidus, quemadmodum ille præceperat, omnia subtiliter capit seriò modò, modò lusu tractare, sollicitè quarere, circuire, rimari; Castellensium imperia injusta, superba crudelia depingere, jacere interdum tanquam fortuitos de Bregantio elevando sermones; secundum studia cujusque ætatem, mores, officia, defectionis incitamenta præbere, nihil unquam sudore & industriâ pro aurium illecebra, pro animorum inflexione, pro voluntatum aucupio remittere, eoque ille tandem hoc summo artificio, & labore progressus est, ut non pauci obnoxii, fideique Pinto per eos blandos, insidiososque sermones facti, tanquā de communi salute secretò simul cum illo consultum secederent. In hoc colloquio, cui & Ulisipponis Antistes præfuit variis sententiis, & longiùs de Lusitano imperio mutando certatum est. Durum aliquibus videbatur, sub potentissimo Rege, regno illo angusto, afflictoque in ultimo Hispaniæ posito sinu, & passim hostibus circumfesso intolerabile quanquam sine majoris calamitatis periculo excutere jugum velle. Aliis Regem appetentibus patrium in eo statuendo tum dissidia, atque odia, tum civiles contentiones, & fluctus intercurrerant, quæ ambitio, & invidia profectò fuissent alterius, alteri non cedentium regni Principum illatura: Tres autem in medium afferbantur è regia Lusitani prosapia, & eo culmine Principes digni, Dux Bregantiæ, Averi item Dux, & Villaregalis Marchio. At Bregantiam præsertim, atque domum Aveiram per privatas similtates, atque discordias ea sæpe vetus, ac pertinax amulatio, in eodem regno colliserat, ut nihil quandoque præter

præter fortunam abfuerit, quin se ipfas atque respublicas simul præcipites dederint, quibus quidem inveteratis plenisque suspicionibus odiis, novo insuper acriorisque invidiæ ac potentiæ fomento excitatis, auctisque & partibus constitutis, omnino opportunum Philippo Regi fuisset ita discordes scissosque factionibus Principes unâ cum regno convellere, ac penitus dissipare. His interjactis difficultatibus, incidit etiam de illa forma Regiminis quæ vulgò respublica dicitur, sermo; atque hæc novi regiminis disciplina, ut regiones, & Regum satis pertæsis imperia nonnullis eo tempore probabatur. Ea namque dicebant, modestia, communi omnibus jure, & æquitate composita, suisque regulis circumscripta ita omnia æquabiliter censeret, ac librat, ut nemo insolescere aut petulantius effundi, nemo plus legibus possit. Non adeò ibi eorum abruptum ac tenax quos eadem in causa reipublicæ caritas necit, optimatum certamen & odium; non vectigalium, aut fenorum gurgis, non rapacitas magistratuum, non servitutis ludibria, aut tot Tyrannidis detrimenta, in communi æqualitate, & concordia precario, facili, & circumacto semper dominio. Ut ex corrupta, quassataque malis republica subsilit sæpe Rex, ita ex Tyranno plerumque Rege respublica gignitur, cum enim homines omnes eadem materia atque forma, & sensuum usura, & membrorum compagine, & facie, vultuque natura pares ediderit, & prope phantastica ratio sit quæ alium ab alio discriminet hominem, ubi illorum custodiæ ac regimini destinatus in bona, vel terga caperit Tyranno similis furere, suo tunc instinctu, suo jure natura contractis servitii vinculis redit in congenitam libertatem, quam si semel Lusitanus libaverit, ejus fortasse tactus amore, ac dulcedine illectus constantior, ac

firmior quam ferre levitas populi soleat, in ea retinenda, ac propugnanda futurus erit. Contra tamen dissolvit Uliisipponis Antistes. Vel quia infantia multumque rudia Hispanorum ingenia reipublicæ commoda non percipiant, vel quia tali hæc solo, cœloque, aut ingeniis affixa coalescere soleat, nusquam & nullam fore in Hispania ex tali instituto rempublicam; Turpe dictu præterea, factuque profecto nefas videri, si jurejurando sancita Catholico Regi fides, & juris etiam præsidio ac temporis cursu firmata, nova repente invecata regiminis forma pro paucorum libidine frangeretur. Honestius itaque & plausibilis fore appellare ac facere Regem Joannem Bregantix Ducem, cui porro hoc neminem lateat, quod Philippus secundus, vi potius quam jurebus usus gentilitiam Coronam, vim vi repellere non potenti, armorum cuspidem abstulerit. Ad hæc quis in dubium vocare posset, terra marique acerrimo bello premendam, & exurendam ubique esse cum defecerit, Lusitaniam? Tum verò in tanta rerum jactatione, tantoque tumultu, consilii caput, seu rerum omnium arbitrum unum desiderari, cujus sententiæ, & imperio nulla laboris, sumptusve habitâ ratione, sicut necessitas cogit cuncta expedire nutuque trahere facilitum sit, quemadmodum Romana quoque respublica rebus in arduis malis vis ingens cum ingruisset, Dictatorem nominabat, & Livius ita facundus, ut judicii incorrupti auctor rei Romanæ amplitudinem tribuit, quod priusquam finitimos domuisset, & nervis, & viribus solidè succrevisset, Regum dominio subiecta fuerit. Postremò cum planè sapientibus constet plus fide, & constantiâ amicorum quam opibus propriis nova præcipue subsistere imperia, fore profecto ut hîc legitimo asserto Rege, & pulchrioris specie prætextus,



prætextûs, & quia planius, & brevius negotia cum uno qui potest omnia, conficiuntur, facilius per fœdera externi auxiliares copias admisceant. In hunc modum versipellis Antistes, quod summè ipse acceptus, & intimus esset Bregantio, peculiare studium, & gratiam publicæ utilitatis, religionisque velo contextit. Caterùm dictu re verâ mirabile contigit, arcanum consilium, quod & paucis per sæpe tam facile intercidit, tandiù inviolatum, & integrum in regno suspecto, in plurimorum notiâ hominum constitisse. Cæli tantummodo pietas, quæ reipublicæ calamitates circuitusque præcipuè regnorum prodigiis, ac signis ut plurimum prædicere solet, in tanto conjuratorum silentio minimè siluit. Nam regni propè sedem Uliſſipponem visum oblongum, ac densum locustarum tetrarum agmen, quod in sublime præter morem elatum, aërisque latitudinem implens, obducto propè sole occupatâque luce triduo tenebras circumfudit, intendebantque aspicientibus metum cruoris auspicia, quæ rubro, vivôque colore resperſis alis volucres ostendebant. Gelidus Aquilonis afflatus diras illas catervas impulit, quæ in Transaganam regionem effusa, Uliſſipponem subinde verterunt; in iisque multa sapientes notarunt observatione, atque memoriâ digna. Primò quod quævis locusta humi fortè delapsa statim exanimis apparebat; alis nonnullæ trepidæ in alto suspensæ in aëre spiritum relinquebant; paucae sublapsæ, & herbescentibus spicis innixæ primo cum haustu sublatae essent præcipientes ibant: deinde quod terram initio veris circumfluentes, fructuûmque semine gravidam nihil detrimenti attulerunt. Postremo illarum recessum, & fugam attentissimè speculantium penè lumina fefellerunt, perindè quasi eas omnes oculis turbo invisibilis rapuisset. Hujus rei igitur superstitione contactis, arre-

ctisque mentibus hominum, & loquaciùs illam jactantibus narrabant tunc seniores, luctuosam, obscuramque regno sæpe fuisse hanc locustarum coluviam, istiùsque similem quondam in urbe incendiû, clademque prænunciavisse celeberrimi Xenodochii. Clariùs subinde tamen artis medicæ & astronomicæ simul peritus sive astrorû intuitu, sive quodam furoris afflatu, aut injecta divinitus mente pronuntiabat, anno eodem interlabente Imperii Lusitani fore conversionem, regniquæ Tyrannum suo sanguine aspersum sceleris penas exoluturum. Jamque effluerat propè annus cum ab aula regia defertur Didacum Suarium in cruorem alvo solutâ graviter ægrotare; ubi ergo, & Tyranni, ut ipsi credebant, nomen, & sanguinis fluxus, illôque sublato instaurandæ rei publicæ spes congruebant, sciscitantibus ipsam amicis secreti conscis an vaticinium editum esset Didaci interitus impleturus, fidenti ille animo repetebat, sanguine ruiturum sanè Tyrannum, sed gladii cuspide misso, quod mox, ut statim dicemus, Vasconcellus expressit vulneribus laceratus. Cùm ita prodigiis, & vatum oraculis extricandis Uliſſipponæ vulgus, occultisque nobiles augendis partibus student; Mantuæ Carpetanæ Olivarius anxius in animo volutabat, quonam pacto Bregantium sibi jamdudum invisum, tum verò cum multiplici furore, & solertia è regno exitum detrectaret, magis quotidie magisque suspectum eo loco tandem abriperet. Hâc mente illi primò Olivarius Præfecturam Mediolanensem obtulerat, Regem deinde ad Catalauniam cùm iter ornaret pro debito obsequio concomitatum acciverat, sed hic priùs valetudinis, post pecuniæ tenuitatem caufatus pertinacius utrumque renuit. Hæc propter vana, & fallacia Ducis effugia, altius jam veteri incusâ Olivario suspitione, nihil porro inexpertum quod

quod suis argutiis, ac dolis persequi posset, ad eum amovendum reliquit. Statuit ergo per arctioris fiduciæ speciem, quod est subtilius quidem tutiusque fallendi genus, si fieri ita posset, Bregantium incautum, & amicitia illecebris consopitum circumvenire. Excurrebat id temporis Hispaniæ maritimas oras, latè ubique terrorem fundens, Gallica classis; cùm igitur belli apparatus opus esset, ac Duce, qui Lusitani regni custodia, hostiùmque conatibus provideret, tunc è re nata Olivarius imperium armorum regniq̃ue Bregantio tutelam committit, eundem præterea mandato Regis portuum maritima ostia curare jubet, ac naves maximè invisere, si fortè classẽ, & copias augeri oporteret, aut munimenta sarciri. Post hæc Lopez Ossio Hispanæ classis Prætori secretò mandavit, ut navibus statim instructis ad Lusitaniam appelleret, ibique Bregantium arte, vel casu, vel ratione fortassè officii ad classẽ impulsũ, navimque improvidè subeuntem exciperet, expansisq̃ue repente velis in Castellam, aut quò venti vis agitasset extra Lusitaniam abduceret. Quod cùm perficere vellet Ossius, facta Britannicum supra sinum exorta tempestas classẽ Hispanam disjecit, & Olivarii astum, cui & alium jam primo frustratus subinde Olivarius innexuit. Multa per litteras cum Bregantio de classis infortunio conqueritur; unam inculcat Lusitani modò regni tuendi reliquam spem in præsidiis, & arcibus esse sitam: denique jubet, mandatòque proposito Regis, ut præsens ipse pro munere cuncta lustraret, simul quadraginta aureorum millia ex pecunia publica accepta in militare stipendium, & reficienda munimenta persolveret. Tacitè tamen priùs ab eodem injunctum arcium Præsidibus fuerat, ut eò tendentem Bregantium comprehenderent, militumque custodiã septum properè ad aulam transmittē-

rent. Bregantius verò cùm nec tantum sibi convenire fiduciæ, nec naturæ Olivarii, nec cursui rerum inspiceret, rursus tentari se certus insidiis & eã officii simulatione perverti, circumspectus, & vitabundus regni propugnacula invisit, utque fraudem in artificem verteret, pecuniæ quoque publicæ usum ad commilitonum, Ducumque fidem labefactandam impendit. Graves propterea contra Olivarium in aula Ministrorum quærelæ diffusæ & Procerum contumeliæ, quæ & regias interdum carpebant aures.

Temerè imperium, & arma Bregantio in Lusitania concessa. Homini incenso cupidine regni præter juris colorem, opes immensas, & populi studium immodicum, arma insuper, instrumenta scilicet regni, & animo faces adjecta, quibus celariùs concupita transigeret. Huc porro rem Lusitanam Olivarii cura, & industria provectam esse; regnum infidum, & exarmatum; Gallum hostem propinquum, & validum, Bregantium, cui omnia per arma pateant, custodem simul, & everforem regni. Quid enim esset profectò aliud, laxare equo indomito franos, furioso, vel ebrio tradere gladium, ad immensum incendium addere ignibus ignes, quàm dominiũ anhelanti eodem in regno copias, & arma porrigere? Memoriã excidisse Olivario recentes Eboræ turbas, gentis Bregantiæ turgidos spiritus, Lusitani in Castellensem odia, Galli sollicitudinem, hostium omnium insidias, tempora turbulenta; planè si civium culpâ, & non suâ, ut asserit Olivarius, Catalaunia descivit, negare quàm modo poterit, ad eandem ruinam ejusdem errore, seu veriùs torpore ac stultitiã illo ordine trahi Lusitaniam.

Hæc regiis auribus rectè, aut obliquè instillantium, Philippus qui in eo negotio



negotio Olivarium sciebat haud quam fide aut amore, sed astu procedere, non modò sermones in semet ipse clausus averfabatur, sed etiam, ut stolido, & fatuo plerumque in aula contingit, plus maledicto prodesse, quàm amulo obesse, existimationem & gratiam erga Olivarium augebat, quem ineptè ad invidiam amulorum moribus peti, REX quia consilium probaverat, arguebat. Ceterùm Olivarium, ut cadenti jam regno succurreret, multa ordientem, & machinantem vel constanter propitia Bregantii fortuna lassavit, vel eò ipse suis artibus captus est, quod tam superbè arrogantèrque de se, quàm abjectè, & contemptim de ceteris pro rerum intelligentia sentiret. Interea Bregantius magno strepitu & itineris pompa, re verò ipsà vacuà, nisi quod omnia interverteret, regni præfidiis excursis Almada postremò confedit prope Ulisipponem oppido, quaque ex alto stagnantibus aquis, & in leucam ferè porrectis dirimitur. Ibi ad tempus Bregantium agentem urbanitas, locique opportunitas admonebat visere Margaritam Sabaudam supremam regni administram, quod ipsum die præstiturà, & salutationis antè formà composità factum est. At memoratu incredibile prope est, quo affluentis populi æstu, quòve ingentis lætitiæ sensu aspectus ille Bregantii à Lusitanis exceptus, ac celebratus fuerit. Tota prorsus commota, suisque è sedibus fusa civitas amplissimam Regiæ planitiem se se ipsa collidens, præmènsque tumultibus Ducem visura complevit, resonòque clamore, plausuque incessum, habitum, hominis vultum ut celsiorem humanà specie mirantium interlapsæ multorum voces, quæ diadema, regni que prospera initia Bregantio denunciabant. Præsensit errorem, & causam Populæ Marchio cubicularius Principis Margaritæ, idcirco ipsa coram increpuit, non erga

illam obsequium, & cultum hujusmodi scena, sed opum jactantiam, & auræ popularis experimentum quæsitum, & utilius quidem futurum fuisse gratum adeo spectaculum plebis oculis subtrahi, quid enim inde nisi populo Lusitano erga Bregantium benevolentia, regis ministris timor, animus verò ad majora Bregantio fastusque distentus est? sic errare Olivarium, & omnia proprio duntaxat metientem arbitrio aut fallere, aut negotiorum molem obruere. Ceterùm in tanta plebis alacritate, animorum ardore, effulsaque passim lætitia nihil præter idoneum multitudinis Ducem, aut animi robur Bregantio profectò defuit, quin eodem momento tumultuosè tunc regnum arriperet. Ille verò post salutatam Margaritam, vitato de industria ad urbem ingressu Almada reversus est. Hoc etiam loco remisso jam metu Gallicæ classis paucorum morà dierum liberiùs querimonias, fletusque populi audire vacabat, & assentatium affectibus imbui, sed Bregantius in se retrusus, & gravis cum nihil de consueto rigore, & artificiosa taciturnitate remittere, quin callidè quoque velle aliorum animos explorare, suos intimè occulere videretur, conjurationis Principibus placuit palàm & fortius aggredi restitantem, cum Pintus hæc omnia subdole strueret, qui Bregantii voluntatis interpret aucèpsque conspiratorum, quæ heri commenta erant, suo tanquam producta marte jactabat. Fuere hi nobiles viri Antonius Almada, Michael Almeida, & Antonius Mendoza, quibus tempus ad colloquium Bregantii petatum cum nocte intempestà concessum esset, Antonius Almada cujus ætati, ac facundiæ oratio à sociis permissa in hunc prope modum locutus fertur.

Catalauni nos Lusitanos, invicte Princeps, nuper erudierunt, quid afflictis, quid omninò perditis rebus

B auden

„ audendum viris fortibus sit, & utrum  
 „ excutere jugum deceat, quod supra  
 „ jus, supra honestum & hominum vi-  
 „ res mortalia corpora deprimat. Jam  
 „ ipse intueris, & ita doles, cum vides  
 „ squalentem, ac foedam patriæ com-  
 „ munis imaginem; nimirum patriæ  
 „ leges everfæ, corrupta judicia, lace-  
 „ ratus tributis populus, ob frequentes  
 „ delectus militum solitudo usquequa-  
 „ que, gemitus, vastitas; prædæ, om-  
 „ niūque ludibrio expositum regnū,  
 „ id sanè, inquam, malorum minimum  
 „ esset, si præterea liceret vivere: An,  
 „ cum ita Lusitana modò plebs crucie-  
 „ tur, nobilium fortasse splendori, ac  
 „ sanguini parcitur? Atqui proceres  
 „ etiam graviter læsi dolent, indignati  
 „ querelas fundunt, injurias, quas ul-  
 „ tione prosequi, fastidium, & petu-  
 „ lantiam quæ amplius sustinere non  
 „ possunt, fugâ declinant, quocirca in  
 „ sui juris oppidis commorantes, patriâ  
 „ velut extorres, atque in latibula im-  
 „ pulsi Castellensium Imperium, & so-  
 „ cietatem effugiunt, quorum insolentia,  
 „ & fastum tolerantia, & mode-  
 „ stia multò magis irrites, quàm corri-  
 „ gas: Immensa sui fiduciâ atque opi-  
 „ nione tumentes, præsertim, qui al-  
 „ tiori notâ sunt, obsequia negantes  
 „ perdunt, tribuentes despiciunt; non  
 „ cultu ingenuo, nec solitâ humanita-  
 „ te, atque officio contenti sunt; ado-  
 „ rationem quamdam ambire viden-  
 „ tur, & ipsam velle per contumeliam  
 „ exigere, non virtus omnino; non  
 „ beneficia, non longa consuetudo  
 „ non merita, vel diuturna servitus  
 „ valent, ut quid pertinaci quasi insti-  
 „ tuto detrahant, scilicet contemnere  
 „ omnes, & modum supra hominum  
 „ lineam in humana societate præferre,  
 „ cùmque iidem videri plusquam ho-  
 „ mines esse volunt, belluis tandem  
 „ assimilantur. Nullum mancipium suâ  
 „ lege natura patitur, imò ejus instin-  
 „ ctu ducimur, vitam potius quàm li-

bertatem amittere, spontè, non vi, usu  
 non debito possidemur. Jamque Prin-  
 cipum dominatio paternæ ab initio ac  
 domesticæ curæ similis ultro à popu-  
 lis constituta, post in deterius sæcu-  
 lorū orbe ruente gradatim corrupta,  
 hoc tempore tandem omnino labefa-  
 ctata propè in Tyrannidem cessit, ea  
 verò quæ modo nos Lusitanos supra  
 communes regni miseras ex Castel-  
 lensibus tenet, talis profectò est quàm  
 tu nec si vis oculis vides, quam ipsi  
 cursim attingimus, quam lugere facilius  
 possumus quàm narrare, & consequen-  
 ter ambigere, utrum magis miran-  
 dum sit, furor hic Castellensium,  
 an durities patientiæ nostræ, & quod  
 illis tantæ crudelitatis, an quod nobis  
 adhuc vivendi, tolerandique vires  
 sufficiant. Caterum Catalauni his  
 longè minora perpeffi dura jam vin-  
 cula diruperunt, atque ex truculen-  
 to minùs mutato dominio minùs  
 commodi, minùs candidæ libertatis  
 dulcedinis haurientes, cum ibi in-  
 ter eos gentilitius Rex non occur-  
 rat, alienigenam petunt. Salubriora  
 profectò nobis, & æquiora consilia  
 fortuna suggerit, qui efferendo te  
 Regem possumus simul tibi, & no-  
 bis consulere, & patriæ, veterem-  
 que tuæ ademptæ familiæ Coronæ  
 revellere injuriam, nisi turpiter ipse  
 servire, & anticipem vitam trahere,  
 quàm securus, & florens in Lusita-  
 nia regnare malis. Ad hoc planè te  
 quoque hortari res ipsa videtur,  
 quia justa, quia amplissima est, quia  
 nedum necessaria, sed factu etiam  
 facillima est adeo, ut in hoc statu  
 rerum dare tu jugulum inimicis, aut  
 diadema ab amicis cogaris accipere.  
 Quippe ad justitiam pro jure civili  
 stat tibi dignitas sexus, videlicet  
 non per faminam uti Philippus est,  
 sed regiæ successionis per masculum  
 Odoardum inserto; pro nostro mu-  
 nicipali prærogativa civis, quo Phi-  
 lippus



„lippus tamquam extraneus, & ad-  
 „vena exploditur: pro jure gentium  
 „favet tibi populi conclamatio, cujus  
 „ingenti quidem consensu, flagran-  
 „tibusque votis acerrimè optari tutè  
 „nudiustertius hilariter aspexisti, cùm  
 „ad Margaritam salutandam accede-  
 „res; nec naturæ postremò lex his ra-  
 „tionibus refragatur quippe quæ ad  
 „arcendum impellendumque Tyran-  
 „num sapientes, stultosque simul,  
 „viros claros, ignobilesque omnis fe-  
 „xus, omnis ætatis, conditionisque  
 „homines uno impetu armat, agi-  
 „que. Jura igitur omnia humano acu-  
 „mine, & usu, aut ex fonte natu-  
 „ræ orta quacumque intelligi ratio-  
 „ne, ac flecti placeat, regium tibi  
 „Lusitanæ diadema contexit. Est  
 „elati præterea animi magnæque in-  
 „dolis argumentum recto tramite cel-  
 „sa petere; cuncta verò in humanis in-  
 „fra regiam majestatem, & orna-  
 „mentum posita jacent. Philippum  
 „tertium Hispaniæ Regem dicere so-  
 „litum narrant, quod si, curarum  
 „aculeos, & spinas quæ auro, gem-  
 „misque distinctam regalem Coro-  
 „nam sepiunt, daretur hominibus in-  
 „trospicere, ne dignam quidem exi-  
 „stimarent, quam humi jacentem ar-  
 „tolarent. Contrà, Philippum secun-  
 „dum ne dum tanti Imperii tractan-  
 „dæ molis defatigatio, aut tot pos-  
 „sessorum in orbe regnorum satietas  
 „minimè ceperat, sed etiam per juris  
 „ludibrium, armorumque terrorem  
 „& vim sibi sustulit Lusitaniam; si-  
 „mul in Galliam per astus turbatis re-  
 „bus incubuit, quàmque armis vel  
 „fraude subactam auferre non potuit,  
 „eamdem convulsam membrisque dis-  
 „cissam ejusdem regni Principibus de-  
 „stinaverat, ut graviore annulo di-  
 „miquito, aut prostrato, cùm nihil  
 „amplius superesset Europæ quod ejus  
 „potentiam æquaret, Italiæ tandem  
 „reliquias absumeret. Utrum Philip-

po secundo tu, an ejas Philippo fi-  
 „lio similes animos gerere vis? num  
 „obscurioris famæ ac nominis ex-  
 „stitit pater, quàm filius, quod ille  
 „esuriret, hic fastidiret imperia? an  
 „ipsum regi, quàm regere, vel ex  
 „alieno pendere arbitrio quàm tuo  
 „satiatus est? Et si vitium ambitio, ge-  
 „nerosi non animi fervor, non inge-  
 „nii sublimis impetus sit, hujusmodi  
 „tamen est magnitudo, splendorque  
 „Regis, ut ad illud fastigium vel per at-  
 „tritas leges, calcataque sæpe jura haud  
 „pergere nefas esse, vulgari comprobe-  
 „tur adagio, si violandum est jus, re-  
 „gnandi causa violandum est, quan-  
 „tum tu porrò inertiae, animique de-  
 „generis notæ, quantum ignominiae  
 „subieris, si jura violes, ne regnes,  
 „totque sacra & communia patriæ pi-  
 „gnora negligas, ut otio fruaris? Cir-  
 „cumspecte, quæso magnanime Dux,  
 „ne falsa virtutis specie delusus, ita  
 „dum animo langues, ac viribus tor-  
 „pes, quod re vera segnitie est, tem-  
 „perantiam existimes, atque ita mis-  
 „cendo propinqua virtutibus vitia, pro  
 „prudencia formidine, pro pudore  
 „animi tenuitate, honesto pro otio  
 „ignavia, ac dedecore utaris, quem  
 „nisi regale genus, & jura populique  
 „plausus, & voces ad regni clavum sus-  
 „cipiendum tot inter æstus, & fluctus  
 „excitent, vel tuis virtutibus dignus  
 „es, qui & nobis, & vastiori quoque  
 „provinciæ imperites, tamque insi-  
 „gnes ingenii dotes, atque egregia  
 „decora animi tandiù otiosa, & jacen-  
 „tia, ac propè marcida situ hoc tem-  
 „pore minimè licet in ordinaria con-  
 „ditione sordere, nisi perperam po-  
 „tius, quàm bene tibi, amicis, & pa-  
 „triae, & tranquillè, & abjectè, quàm  
 „cum regio strepitu & gloria in luce  
 „terrarum orbis, & memoria æterna  
 „posteritatis vivere concupiscis. An  
 „hic ubi juris summique honoris, &  
 „laudis ad capeffendum imperium in-

„ citamenta movent , negotii fortasse  
 „ asperitas , & circumstantia pericula  
 „ interponuntur ? Pugnaturus profe-  
 „ ctò es umbraticum contra Regem ,  
 „ alterius consilia nutusque sectantem ,  
 „ ex quo apud populos malè audit ,  
 „ apud proceres laceratur , apud ex-  
 „ teros spernitur . Inter Regis torpo-  
 „ rem , ministri arrogantiam , populí-  
 „ que ludibrium Imperii calamitas ur-  
 „ get . Res tibi gerenda cum illo Rege  
 „ est contra quem premit suis opibus  
 „ Gallus , crescit quotidie , & confir-  
 „ matur Hollandus , labat Germanus ,  
 „ Italus odit , diffidit Britannus , Ca-  
 „ talaunus è latere insultat , & cinis ,  
 „ & fumus brevi fore videtur Troia  
 „ ubi stabat . Regem illum petiturus  
 „ accingeris , qui non minus dome-  
 „ sticis , quàm externis bellis impli-  
 „ citus , & utrisque debilitatus , &  
 „ fractus , dum novum repentè natum  
 „ in Lusitania belli ad restinguendum  
 „ ignem accurrerit , alios etiam intra  
 „ Castellam clam , palamve coeuntes  
 „ incendii globos ex perfidia suorum  
 „ accensos conspiciet , ut inæqualis  
 „ servandorum regnorum sollicitudo  
 „ unum eorum , æqualis utrumque re-  
 „ gnum in discrimen conjiciat , ex ma-  
 „ gnatibus enim Hispanis alii sunt tibi  
 „ sanguinis jure conjuncti , ambiunt-  
 „ que propterea in communi sibi fami-  
 „ lia regia stemmata propagari ; plures  
 „ in eo Lusitaniæ recessu effugium de-  
 „ siderant , quò ab ira injusta , seu ju-  
 „ sta Regis ; si ita res incidat , advo-  
 „ lent ; nonnulli circuncidi tantam  
 „ Regis potentiam volunt , ut præcos  
 „ illos recipiant spiritus , quos submi-  
 „ nutis olim Castellæ Regibus osten-  
 „ tabant : sunt , qui , & ita invident  
 „ Olivario , ut Regem ipsum , & re-  
 „ gnum cum ejusdem ruina raptari cu-  
 „ piant , cùmque ab iisdem magnati-  
 „ bus , qui ita infesti Regi , ac regimi-  
 „ ni sunt , res domi , militiæque tra-  
 „ ctentur , contra Lusitanos , Regem-

„ que recentem arma , & consilia pa-  
 „ rantium , aut fides suffragia , aut  
 „ opus consulta destituer , nisi priva-  
 „ to minus , quàm publico bono pro-  
 „ ceres serviunt , aut tam facile ipso-  
 „ rum deservescere potest ambitio . At-  
 „ que utinam hoc tibi certamen non  
 „ tam necessarium , quàm gloriosum ,  
 „ & facile obversaretur . Scio equi-  
 „ dem nec te penitus fallit , nefariis ,  
 „ multisque insidiis caput tuum Oli-  
 „ varium appetere , in quibus acerbè  
 „ furentem , animo anxium , cruen-  
 „ tùmque ministrum nec pecuniæ , nec  
 „ armis , nec vi ultimæ parcere statuif-  
 „ se , donec ex voto confecta res erit .  
 „ Obvia , & proniora quæque poten-  
 „ tibus fiunt , ubi plena sceleris mer-  
 „ ces ; minor opportunus injuriæ est ,  
 „ nisi vires suppleat ingenium ; at nul-  
 „ lum omninò tibi tot miseriis , tot  
 „ periculis circumfuso , nisi in tuo re-  
 „ petendo regno , malorum patere so-  
 „ latium , aut salutis effugium potest .  
 „ Permultis eousque suo lumine irra-  
 „ dians oculorum , atque animi aciem  
 „ perstrinxit Coronæ fulgor ut ultro  
 „ sese magnis periculis objectarent , alii  
 „ verò interirent quò illam arriperent ;  
 „ tibi , ut vivas , aut extrema pericula  
 „ subterfugas , petenda est . Adeone  
 „ ingratum , vel execrabile imperium  
 „ est , ut perire , ne imperites , velis ,  
 „ dulciusque tibi fuerit , & gratius ve-  
 „ nenum quod per amulos tibi deco-  
 „ quitur , qui tibi jam textitur laqueus ,  
 „ qui culter acuitur , quàm quod pla-  
 „ nè tuum sceptrum est , & quod tui  
 „ tibi cives , amici supplices porrigunt ?  
 „ Sic tecum fortuna ludit , cui si nunc  
 „ præbenti se tibi terga inconsulto de-  
 „ deris , frustrà eam subinde , cùm  
 „ egueris , cùm ingemueris implores ;  
 „ ut spreta , ut irata deinceps infesta  
 „ futura est . Hæc tibi candida amici  
 „ consilia damus , & consilio , quò  
 „ fraudis suspicio absit , etiam labores ,  
 „ & corpora nostra subicimus , ita ut ,



„ si res , ut confidimus , prosperè cesset ,  
 „ rit , te cum diademate solum extu-  
 „ lerit , nos eadem fors , vulgarisque  
 „ vitæ conditio in subditorum grege  
 „ tentura sit ; sin improspere , quod  
 „ Deus avertat , cum humanæ justitiæ  
 „ fulmen non summa plerumque sed  
 „ infima petat , conjurationis partici-  
 „ pes nos multò crudelior quàm te  
 „ Principem æstus abrepturus furoris ,  
 „ & odii sit. Superest ergo , cum ni-  
 „ hil indecorum , nihil injustum ex-  
 „ posuerimus tibi , qui Regem posci-  
 „ mus pro Tyranno , nihil etiam diffi-  
 „ cile , aut fortunæ casibus implicatum ,  
 „ verum omnia expedita , utilia , hone-  
 „ sta , & tibi , & nobis , ac reipublicæ  
 „ maximè necessaria , ut aura quoque  
 „ cælesti afflante ampliora dictis spera-  
 „ re liceat , modò tu amicorum con-  
 „ siliis nequaquam furdus optima qui-  
 „ dem impiger expectare , & audere ,  
 „ quàm deterrima quæque otiosus , ac  
 „ deses pertimescere malis , & tutum  
 „ imperium amplecti , quàm servitutem  
 „ periculosam.

Hæc quæ fufius dixit Antonius Alma-  
 da , cæteri brevius exposuere. Bregan-  
 tius tamen cum animo avidus , metu  
 ambiguus , & suo cunctabundus ingenio  
 esset , gratis hominibus placidè actis ,  
 responsum ita composuit , quo nec alere  
 spem conceptam , nec illam prorsus ab-  
 scindere videretur. Scilicet proclivio-  
 rem animo esse ad benè merendum ,  
 quàm furtim , aut palam regnum per  
 tot amicorum pericula , & civium san-  
 guinem reposcendum. Cæterum in hu-  
 manitatem , atque leporem , & supra  
 morem ipse prolixior ea frontis illece-  
 bra , vultusque serenitate Lusitanos di-  
 misit , ut malè dissimulata , quæ per me-  
 dullas , & viscera impressa serpebat im-  
 perii cupido , oculorum quasi per rimas  
 foras erumpere videretur. His ita actis  
 Villavitiolam Dux Bregantiæ statim re-  
 petiit , veterem ipsam , clarèque Bre-  
 gantiæ familiæ sedem delitiis imprimis

excultam , & venatu maximè insignem ,  
 sed altius jam tacto regni dulcedine vi-  
 ro , fastidio , atque stomacho loci ele-  
 gantia & amantitas erat , sola ac vehe-  
 menti regnandi tum curâ defixo. At  
 Mantuæ Carpetanæ vulgato populi stu-  
 dio , atque ingenti lætitiâ quâ Bregantius  
 palam inspectus Uliſſipponem affecerit ,  
 simul clandestinis Almada cætibz , qui  
 casu quædam expressa altioris vestigia  
 signa reliquerant , tum fatali quodam  
 rerum novarum susurro ex incerto quasi  
 auctore & indicio rebus in magnis præ-  
 currere solito , præterea cum nihil falla-  
 ciis , ac dolis cum Duce Bregantiæ pro-  
 ficeret Olivarius , & palam idcirco , &  
 per vim in re tanti ponderis agendum  
 esse censeret , causam ex Regis præcepto  
 ad Statum Senatum retulit. Proinde , ro-  
 gatis sententiis , Senatus frequens decer-  
 nit , iniquo vel æquo animo ad aulam  
 Bregantium sine ulla mora trahendum  
 esse , sed non nisi lenociniis nequic-  
 quam primo consumptis artibusque de-  
 lulis , vis denique adhiberetur. Secundum  
 hanc sententiam hæc jussa Philippi Re-  
 gis ad Bregantium confestim delata  
 sunt : Quamprimum veniret ad Aulam ,  
 ipso ibi Regem pro sua voluntate , illu-  
 stri pro genere , & amplissimis meritis  
 ejus usurum. Tristis , attonitòque similis  
 ut improvisò , ut gravido arcanis huic  
 novo mandato Bregantius hæsit , cum  
 animo volveret jam non amplius se per  
 ambages , ac diverticula quæri , primis-  
 que insidiis nequicquam expertis , mo-  
 dò illecebras jaci , quibus facilè quoque  
 discussis fore subinde , ut minæ tandem ,  
 & vis extrema retentaretur. Pavidus  
 etiam , isque anxius multipliciter erat  
 ne aliquid fortè secreti , quod bulliebat ,  
 negotii malitiosè , vel imprudenter ef-  
 fusum jam diademata , & purpuras som-  
 niantem à summa spe ad extremam ca-  
 lamitatem projiceret. Non manu ita  
 ille promptus , & animo constans , ut  
 cupidine flagrans in regno parando  
 erat. Itaque diu ambiguus , & animo

æstuans fidum tandem ex famulis misit ad Regem, qui eum dicto parentem ad aulam iturum Catholico Regi profiteretur, sed moras discessus, quantum artibus posset, cavillando prætexeret, inter quas conjurati, qui moniti jam de imminente Duci periculi fuerant, susceptum facinus maturarent. Venit ad Regiam famulus, multa apud Regem, & Olivarium, ad prolatandam, ut jussus erat, protectionem obtendit; nunc rei domesticæ inopiam, & valetudinem fractam, nunc de ordine, & loco Castellæ magnatū acres cum Bregantio futuras altercationes exponit; certum, nec longum fore discessum, at omnia prius explanari, ne vir primarius offenderet, opus esse. Verumtamen Olivarius, qui minoris momenti cætera, ut inde Bregantium abduceret, reputabat, interpositas omnes excusationibus tricas explicuit, jubens præterea, nummum viginti millia ab ærario Bregantio ad itineris sumptus exolvi. Sed quia ad Bregantium rem Lusitanam supernâ ordinatione transferri jam immotum, & fixum erat; ratoque atque abdito sæpe rerum ordine illudimur, quâ viâ, sive mente Olivarius Lusitanæ defectionem antevertere satagebat, eâ maximè accelerabat. Inter arcana Olivarii usque trita consilia, & fallaces imperii artes potissima erant, plus severitate animique rigore, conceptoque ex formidine odio repeti à subditis quàm amore, seu temperato dominio, cum natura liberè, amare, necessariò timere doceat, atque illud in tua, ac mutabili voluntate, hoc in aliena potestate positum sit. Adhuc egestate, atque rerum propè omnium inopiâ quoquo modo clientium cohibere spiritus, ne affluentes illi fortè divitiis atque opibus faginati ex luxurie in ferociam, ex ferocia in insolentiam, & contumaciam delapsi servitutis quandoque fræna detrectent. Hispaniæ postremò universum Impe-

rium quasi in provinciam redigere, ut id scilicet regeretur Castellæ legibus, vel quas suo tantum arbitrio, ac libidine ad tempus imponere placuisset. Rationes ipsæ profectò, quæ nisi regionum ingeniis, temporis, ac vicibus rerum solerter accommodantur quamquam faciles intellectu, usu tamen contortæ, ac difficiles sunt, ac ferè semper exitu fœdæ. His geminatis nunc artibus præceps ad defectionem, & lubricum suo more posse in officio tenere regnum existimans Olivarius scripsit ad Vasconcellum; pro exercitu, pro valida classe, quæ ad Catalauniæ receptionem descripta erant, multâ pecuniâ se, multo milite egere, nec alibi esse, unde comæatus militibus præberetur. Cummlaret idcirco in Lusitania tributa, iteraret delectus militum, ne metueret, neu cunctaretur, ita animatam, ita concretam esse indolem Lusitanam, ut vexationibus potius ad tuendum obsequium frangi, tundique oporteret, quàm illecebris deliniri. Satis, superque paucioribus quoque verbis sese Olivarius explicuisset, ut vehemens, acérque ac pedulari nomine insensus Lusitanis minister truciora his quæ jussus fuisset, exqueretur. Deterior ex eo quotidie rei Lusitanæ status, cum eam conflictantes ministri Regis sibi in animum induxissent, quod Lusitanæ & Catalauniæ simul subvenientes hinc pro pace, hinc pro bello utrique regno consularent. Super cætera autem in regno dehonestamenta, & publica exitia ad coacervandam præcipuè pecuniam exarserat avaritia. Quocirca fortè res incidit quæ acerbius & acrius antecedentibus causis, & suâ quoque sponte pronos ad iracundiam viros nobiles perculit. Pulchriora inter vitæ civilis, ac generis ornamenta, quibus utitur Lusitanus, floret præsertim equester Christi qui dicitur ordo habitusque, quem ad nobilem gradum donotantummodo Regis cum sanguinis claritate,



ritate, probato splendore stirpis, & probitate morum adscribi incolis indulgetur. Proinde in amicorum colloquio jocosè quidam narrabat, ignobilem hominem, quin & Maurum origine aureâ suffusâ in pallio, ac pectore venâ, nuper Christi crucis insignia, & equitum stemma delineasse, his verbis significans, pretio, atque fraude in ordinem Christo sacrum ignobilem hominem, & genere impurum intrusum. Ira tunc excandescens alius eques, qui fortè aderat. En inquit ex urbis quilibet, plebîsque sordibus surgunt, qui in gradu nobis æquiparantur. Non erit igitur amplius nobilitatis, quam circumferimus, hæc Nundinaria Crux, sed nota dedecoris, atque ignominia; hisque dictis irarum, & animi impatiens, arreptam è pallio Crucem fremens, frendensque dissecuit, minutimque concisam disiecit in aërem; plura post jecit probra, & contumelias in Regem, & regimen regni, sese tandem ex catu amicorum furibundus proripuit, cum omnes admiratione, atque tristitiâ eo impetu, factique insolentiâ propè torpidos reliquisset.

Hæc, & similia partim vera, partim afficta, vel aucta per artes in majus à rerum novarum cupidis mirè in nascentem, incrementemque conspirationis ignem afflabant. Itaque Petrus Mendoza, cum Villavitiosam profectus esset, ex re oblata rursus Bregantium conjuratorum nomine convenit, causas illi, rationesque commemorat prius in Almadæ congressu de regno usurpando propositas, postremò execrationes, & preces, & propè lachrymas adjicit. Si perire ipse veller, cum eo peritura Lusitania profectò esset, idemque bustû & patriam, & Ducem Bregantiæ collecturum fuisset: tandem si vivere sibi nolit, vel viveret ipse patriæ, communique saluti se cum regno & diademate reservaret. Bregantius tunc bre-

viûs, & clariûs Mendoza responderet. Ea se dura, & iniqua tunc à regis ministris per summam injuriam, ac petulantiam pati, quæ virum etiam dedecant promiscuæ cujûsque fortis; & sollicitiûs quidem & fortiûs, ut tandem coactum sese rebus suis, ni rigor se ille intermiserit, consulturum. Nihilominus arduam, & valdè præruptam esse regni petendi viam, eamque celeriûs ingredientem nonnunquam consilia, multoties amicos, sæpe fortunam fallere, solum se demum, aut præcipitium, Coronam, aut laqueum, cum pergeret, offensurum, in tam lubrico itinere esse, medium non interesset. In tanta igitur rerum confusione, ac tumultu in quæ Lusitaniam Rex Catholicus conjecisset, sibi ipsi prospicerent, dum quod è re sua fore in his fluctibus cognovisset, ipse cunctatiûs deliberaret. His verbis diremptus est sermo, & Mendoza cum honore dimissus, qui metu, non fide & officio impediri in eo sermone cum explorasset, videlicet non de regno, sed de modo occupandi, sustinendique regni hære nunc in se ipso, cunctarique Bregantium, qui in priori ad Almadam colloquio se planè alienum, & animo aversum ostentavisset, alacrior ex eo Mendoza Eluentsem Antistitem, quod Bregantio carissimus esset, aggreditur, secretòque illi consilio communicato monet, Bregantium conveniat, & in rem jam proclivem, sed timore tergiversantem evincat; videri fortassè more Principum velit, quod ambitio extorsisset, religioni, sacroque pallio tribuere. Antistes, quo morem gereret Petro, simul & ipse penes amicum novo pro regno ineundo magni meriti particeps esset, adit Bregantium, multaque arte, multa dicendi copia regnum usurpaturo honores elevat, utilitates auget, pericula imminuit. Testatur præterea ipsum, ipsum Bregantiæ Ducem esse illum larvatum Regem jam dudum in

regno latentem, vulgique rumore jactatum, quem verbis ambiguis arioli, regnique vates velut oraculo missis ex longo tempore cecinissent, nuncupatisque votis Lusitana quoque plebs exoptaret. Jamque immobili sanè fato viam aperire Numen qua aliena detracta occulto Regi persona in luce terrarum, in oculis, imo in corde, & animis potius suorum concivium imperitaret. Postremò dixit Antistes, Eluise Alfonso Melum habere Præsidem magnæ arcis, multosque primores urbis ejusdem Bregantii causæ atque fidei tenaciùs adstrictos, & quocumque semel tentata fortuna inclinasset, patere ibi ipsi propugnaculum regni maximum, vel in secundis rebus munimen, vel in adversis suffugium, tutumque receptum. His dictis Antistes, quæ & viri gratia, tum ratio, & infularum auctoritas roborabat, flexit tandem Bregantii animum; Is igitur pauca primum pro se, rei que dilatione præfatus, subinde Antistiti adjecit, parum temporis sibi permitteret, firmatâ donec meliùs sententiâ, atque animi æstu composito responsum integrum redderet. Occultum interea hucusque Bregantius uxori consilium aperit, simul partium ardorem, & studia, tum amicorum turmasque clientium studiosius in rem incumbendum, idque primo quoque tempore fieri sollicitantium; deinde quæ etiam eum aliunde ab incepto avertebant, molestissimas curas subjicit.

„ Nihil anxius famina, aiebat, vo-  
 „ lubilius, ac fluxius favore populi, qui  
 „ maritimæ spumæ similis, ea ipsa,  
 „ qua resilit, promptitudine frangitur.  
 „ Transversi, perturbatique regiminis  
 „ notas, & querulas voces, vulgares ut  
 „ plurimum, & inanes esse querelas,  
 „ cum gravia semper, quæ sunt præ-  
 „ sentia, & odio, ac fastidio subditis  
 „ sint, cumque ingeniis, sensibus, men-  
 „ te semper ejusdem propemodum

molis iisdem affectibus, studiis usu  
 aut natura corruptis per immista vir-  
 tutibus vitia, ac redeuntia fortunæ  
 intervalla ut antea, & nunc quoque  
 respublica gubernetur, nec retroacta  
 sæcula meliùs, nec ventura deterius  
 regenda esse. Hollandiam, & Cata-  
 launiam æquo adhuc Marte constan-  
 ter cum Hispano Rege configere,  
 illam nimirum, quia à cæteris procul  
 Hispanis dissita regnis ideo minus  
 urgeri valeat; hanc, quia terra, ma-  
 rique finitima Gallia, & fide, situ-  
 que connexa, quasi unum cum illa  
 copulet regnum, at Lusitaniam unde-  
 cumque Castellæ circumseptæ domi-  
 nio, omnia à loco interclusa terre-  
 stria præsidia, maritima sera esse, pe-  
 riculosa ventorum, & fluctuum in-  
 constantiæ commissa. Neque usui  
 præterea fore sibi videri de Rege  
 Gallo nimis confidere, regii cum  
 moris sit ad præpotentem amulum  
 obterendum, alios persæpe inanè  
 que fiducia inflatos ad arenam vo-  
 care Principes, ubi amicum vincere,  
 aut vinci sine ullo quidem incitantis  
 Regis periculo, & cum ejusdem sem-  
 per utilitate contingeret. Lusitani  
 propterea mutandi imperii consilium  
 domesticis esse potius quàm externis,  
 incertisque auxiliis, priusquam aleam  
 adiret, dimetiendum. At qui si inte-  
 gras sibi eo tempore partes addictas  
 enumeraret, parum esse in se plebem  
 natura coherentem, & stabilem,  
 raroque à viris nobilibus separatam  
 nisi frustra, & cum ejusdem excidio  
 vertere imperium aggressam; nec  
 satis etiam per se viros nobiles com-  
 moveri, vel ruere in incertum cupi-  
 ditatis, speique susceptæ solitos,  
 nisi prius à regni summatibus exci-  
 tatos, consociatosque. Hos autem  
 planè se oppositos, infestosque pro-  
 fectò existimare fortunæ suæ, qui  
 nec sibi ullo pacto de regno conce-  
 derent, nec se ipsos quidem invi-  
 diosis,



„ diosis , magnisque tot opibus tutos ,  
 „ sub reguli arbitrio censerent , nec  
 „ impensâ tandem obsequii inter pacis  
 „ delicias , aut incommoda belli pa-  
 „ rem illis mercedem cursum Regem  
 „ persoluturum , quàm secus amplissi-  
 „ mam à Catholico Rege expectare  
 „ liceret. Hæc , & talia peracutè , ac  
 „ sollicitè hominem arguentem ingentis  
 „ spiritus mulier hac callida circuitione  
 „ perstrinxit. Amicè miseris te passim ,  
 „ & periculis circumventum complo-  
 „ ratumque video , & alterutrum mor-  
 „ tis genus seu decorum , seu fœdum  
 „ inter tot inextricabiles æstus eligere  
 „ dura necessitas cogit; Tibi enim Uli-  
 „ sipponem aut Mantuam Carpetanam  
 „ eundum ad interitum est , sed turpi  
 „ quidem in aula Catholica , morte ,  
 „ pulcherrima in patria , & diademate  
 „ coronatus occumbes. Hæc tandem  
 „ seu vis argumenti , seu genii superioris ,  
 „ seu muliebris imitatio virtutis jampri-  
 „ dem Bregantium spe anxia , metûque  
 „ pendentem ad regni rapinam impulit ;  
 „ vocatôque Antistiti Eluensi in hûc mo-  
 „ dum respôdit. Nihil sanè inter homines  
 „ difficilius aut majus quàm bene im-  
 „ perare , difficillimum verò in tanta re-  
 „ rum jactatione virum privatum arri-  
 „ pere imperium , nec sine extrema  
 „ ingredientis pernicië inter regni quo-  
 „ que primordia negotiorum vortici-  
 „ bus volutari , multoque ad rem plura  
 „ exempla tragica duci quæ avocent  
 „ abeuntem quam lata , quæ blandian-  
 „ tur , tamen ne suo ipsè genere indi-  
 „ gnus , neu communis immemor pa-  
 „ triæ , neu vocibus amicorum inexora-  
 „ bilis videretur , aut ferreus , tam mul-  
 „ tis , tantique momenti hortamentis ac  
 „ precibus fatigatum , ad occupandum  
 „ denique regnum , quod jure ad se  
 „ pertinebat , accedere statuisse. Serio  
 „ interim ipsi viderent , expenderent-  
 „ que sibi , & partibus luctuosum ,  
 „ cruentumque futurum talem conta-  
 „ ctum imperii , si Ducem Bregantiæ

complures Regem desiderarent , fa-  
 cere pauci auderent. Hoc responso  
 effusè latus Antistes , & quòd is perti-  
 nacior in Castellensium nominis odio  
 esset , & quod sibi etiam cum quadam  
 jactantia tribueret expugnati Bregantii  
 animi lauream , quasi hunc non ex lon-  
 go intervallo specie averfantis regni  
 cupiditas perussisset , eidem Bregantio  
 tandem futuri imperii gratulatus initia  
 recessit.

De regno igitur quàm celeriter oc-  
 cupando Bregantius jam animo immo-  
 tus , ac stabilis scripsit ad Pintum , qui  
 Ulisipponem ejus negotia , & hoc de  
 regno maximè curaturus agebat Quan-  
 tocius Villavitiôsam accederet , ibi  
 enim ipse necesse quædam cum illo ha-  
 bebat de Odemirana ditione conferre ,  
 quam , extrema perantiquæ familiæ  
 sobole jam extincta , in domum suam  
 hæreditario jure delapsam esse cense-  
 bat. Ancipites sensus , Pintoque dun-  
 taxat arcanâ regulâ notos , ubi primùm  
 is intellexit , ratus id quod erat , con-  
 firmatum scilicet elatumque jam ani-  
 mo dominum velle regni negotium  
 omninò conficere , cursoris statim  
 equis assumptis evolat ad Bregantium.  
 A quo admissus , & nedum præpara-  
 tum , sed ad capeßendum etiam quam-  
 primùm imperium vehementer incen-  
 sum cupidine Ducem nactus ei latius  
 conjurationis ordinem explicat , con-  
 scios homines multos enumerat , eôs-  
 que fortunis , genere , famâ præstantes ;  
 addidit Elvi , atque Ulisipponis Anti-  
 stites qui auctoritate , consilio , affinium  
 clientumque copiâ , insularum præterea  
 decore , atque specie plausibilius rem  
 promoverent. Ad hæc quò Bregantio  
 ex negotii processu facili spes amplior  
 accederet , sibi que egregiæ quoque na-  
 vatæ operæ commendatio , insontes ,  
 ingenuosque falsò quamplurimos vi-  
 ros implicuit , quos tamen primâ facie  
 turbatis putabat rebus fore partibus in-  
 hæsus. Docuit præterea Bregantium  
 antiquas

antiquas, acrésque inter Principem Margaritam, & Vasconcellum contentiones, ac domesticas similitudines, eò quod Olivarius in regni negotiis expediendis minùs auctoritatis, atque momenti fidei, & consilio Principis daret, quàm longè inferioris notæ ministri, quæ quotidie refricabantur, adeo nuper recruidisse, ut palàm dixerit Princeps, eò brevi sanè venturam rem esse, ut ipsa, navi raptim conscensâ, præcipiti fugâ vacuum etiam Gubernatricis nomen, quod illi unum pro integro imperio deerat, adjiceret Vasconcello; atque ea præter morem calentia, & cum aliorum motuum seminibus sparsa dissidia, quæ rationes Regis, & regni per factiones, & partes debilitabant faciliorem stravisse novis conatibus viam, cùm ratâ quadam lege fati sancitum sit, quæ perturbant, quæ inficiunt, quæ delent denique Imperia, pestes Palatio primum oriri, inde exire, fundique postea, nec intestinas extra discordias ulla unquam mutata, aut eversa regna fuisse. Incertas præterea, atque varias Ulisippone jactari voces, id per hoc tempus in aula Catholica agi, ut Regis filius Princeps Hispaniæ quàm primum in Lusitaniam cum imperio dimitteretur, quo adolescens regno assuescat, Lusitanosque suspectos, ut illi credebant, & in obsequio, atque fide labantes sustineat. Quod planè verum, aut non procul à vero esse videri, utpote Regis & Olivarii rebus maxime consentaneum, Olivarii quidem ut disparis æmuli impatientem adolescentem, Regis autem, ut filium ætate adultum, ingenio experrectum, & popularem, & qui ante capere forsitan potuisset imperium honoris specie dimitteret, cujus insuper ductu Principis, si res ita accidisset, haud difficile factu videri Bregantium etiam per vim è Lusitania depelli, aut regis personæ fulgoribus obscuratum, ibidem abjectum, atque deformem, metûque quotidie

tabentem in regni quodam secessu confenescere pati. Strenui hanc ergo consilii molem quæ magnas spes ejus surgentes obrutura profectò fuisset, audendo, agendo, propetando præoccupare necesse erat. Audit hæc omnia Bregantius, laudat deinde prudentiam Pintique studium, ac denique adjungit, quod si ad novum efferendum se Regem semel tentata Ulisippone acclamatio secus accideret, erat animus Algarbientis regnum cum armis irrumpere. Etenim illud obnoxium inter alia fidumque regnum, & Portugalliæ præcipuè domui propensum existimabat, quippe quod adversus Castellam olim partes Antonii constanter secutum, etiam fractas belli reliquias cum infelici Principe, summoque regni discrimine exceperit. Ad extremum postremò desperatæ propè salutis effugium adesse Elui Alonsum Melum cum arcis urbisque præsidio ejusdem fiducia per ejus urbis Antistitem alligatum, eoque inter res turbulentas atrociorisque fortunæ minas, hæc si ab initio non aspirasset, tutum sibi recessum fore, nec porrò vertendum in dubium esse, quòd in illo ipso fortè propugnaculo incluso, atque obfesso ante oculos omnium impendens Bregantiæ domus exitium turbarum procillas ingentes concitaturum in regno fuisset. Cæterum magnum opus aggredienti cum impossibile propè sit, casus omnes fortuitos, qui intercurrere possunt, aut consilio expedire, aut ratione completi, postquam omnia judicio rerum momenta collegerit, aliquid opus esse in fortunæ tributum mittere. His in hunc modum Pinto probatis binas illi Bregantius epistolas alteram Petro Mendozæ, Michaëli Almeida alteram Ulisippone reddendas tradit, quarum exemplar hujusmodi est. Quædam præsentis se Pinto mandasse, cujus ore explicatius intellectu subinde essent. Hæc igitur ea ipsi ratione susciperent,



ut nec fides promissis, nec prudentia consultis, nec animi vigor deesset rebus post perpetrands. His litteris Pintus acceptis ubi veniam pro reditu postulat, intempestivo majestatis titulo Bregantiæ Ducem salutat. Risit Bregantius latæque fronte adulationis illecebras cepit, cum pervetusto vitio Principum assentatio in sua quoque fæditate cognita non displiceat. Redit deinde Ulisipponem Pintus, conjuratisque redditis litteris post collatas in amicorum cætu sententias censuit, per idoneos & alios in tanti operis societatem adscitos augendas esse vires, rei que tandem agendæ tempus, & ordinem præscribendum.

Consilium de summa rei Ulisipponem Præsede, ac Duce Pinto apud antiquam Bregantii domum inter noctis caliginem hac diligentia, & industria clanculum agebatur. Huc antequam homines accessissent, in magna loci distantia currus, & famulos seponebant, ne currum strepitu, vel famulorum fortasse indicio adeuntium vestigia deprehenderentur; Subinde vir ille pedes gradu suspensus, ac lentus abibat. Domum introeuntem excipiebat vastæ amplitudinis aula, quæ solitudine ipsa, silentio perque longum inane umbra tremula circumfusa horrorem homini incutiebat. Lucerna in ejusdem sedis angulo posita, & colloquantibus procul ardebat, ita incerta, atque dubia per artem contorta luce, ut nemo secum loquentem hominem homo nosceret. Effluentis mensura fabuli describebat sermonis, & temporum intervalla, primo egresso subibat alius, sed statutus, discretisque longe horis, ne alter alteri fortè obviis ambo invicem proderentur. Qui in magni arcani consortium primum admissi fuerant, tactis sacris, quæ audivissent, quæ ipsi dixissent, aut fortè in rem conjectassent jurejurando premere obligabantur: Idcirco, & si hominum utique

multi conjurationis participes erant, quos tamen conspiratio conjunxerat cum vis sacramenti, locique secretum à mutua notitia dissociaret, singuli eorum alii aliis occulti, tantummodò erant factionis Principibus noti; Ultima verò die frequenti confessui, & rei peragenda articulo destinata simul omnes, & palam consultum in consuetas ædes venire. Hic productis singulorum sententiis, consilium aliquibus erat, regis acclamationis, regni que incipientis auspicia ab Eboræ primò peti, quippe quàm facillimè transituram in Bregantii partes fore putabant, & quàm paucis ante annis, nullo impellente, sed impetu quodam amoris constabat illum Regem appellavisse. Priori namque sociorum impressioni confictusque primitiis perquam esse accuratè, ac sollicitè providendum, ne primus fortasse conatus irritus in casum, & fraudem reliqua traheret. Contra bene fluentia conspiratorum initia partes erectas confirmatura, alias etiam Bregantii amorem, alias Castellæ odium, alias cupidinem rerum novarum, & reliqua plebis in re turbida oblectamenta, fluminis ritu, quibus adhæret, cuncta volventis, certis jam partibus adjectura. Si quæ fortè præterea interposita ratio esset, quæ à susceptæ hujus rei magnitudine conjuratos abstraheret, esse profectò hominum paucitatem, cum vix millia millium sufficere hominum valeant ingentis imperii volvendæ molis. Atqui in Eboræ urbe jam explorato consensu populi, conclamatoque Rege Bregantio, inde continuò ex omni hominum genere tanquam militum manu contracta majori constantia, ac firmitudine posse Ulisipponem per se paratam, & melius alterius exemplo parandam incurri. Rei prosperæ initium dimidium contrahere, neque hoc felicius initium quàm ab Eboræ sumi posse. Sed contra, & ex Bregantii quidem sententia disseruit Pintus.

„ In caput periculi , & belli pacisque  
 „ sedem Ulisipponem scilicet , ne tan-  
 „ ta res falleret , primum , eundemque  
 „ per aërem esse impetum faciendum.  
 „ Ut capite inciso , vitæ , motusque spei  
 „ reliquum nihil superest afflatu vitali ,  
 „ ac diffusa inde virtute carentibus  
 „ membris , ita quoque Ulisippone de-  
 „ victa , ibique afflicta Castellæ poten-  
 „ tia , cæteras regni urbes , & oppida  
 „ sua spontè facilius consensui capitis  
 „ accessura . Ex adverso ortæ aliunde  
 „ seditionis Ulisipponem allapsus ru-  
 „ mor , quidni impelleret Castellenses  
 „ statim ad arma præcipientes , arces in  
 „ regno , naves in partu præriperent ,  
 „ omnia protinus expedirent , quæ par-  
 „ tium elatarum objectui , popularium  
 „ confusio , magnique facinoris tur-  
 „ bamento sufficerent ? Inter has au-  
 „ tem moras , & ubique implicatas , ac  
 „ trepidas , dum Ulisippo perhæsitatio-  
 „ nem , aut metum non assentitur , aut  
 „ fortè partibus oblectatur , si ex Castel-  
 „ la subsidia properent , ut properare  
 „ credendum sit , quid tandem ruinæ ,  
 „ cladisque & Bregantium , & regnum ,  
 „ & sociorum præcipuè capita non ex-  
 „ ceptura ? Rei igitur summam in Uli-  
 „ sipponis victoria , & constitutam ar-  
 „ bitrio esse . Illam enim rationem opti-  
 „ mam metiendi pericula esse , ut ea fa-  
 „ cturus hostis existimetur , quæ illi ne-  
 „ gligere non conducit , secus verò in  
 „ aliorum ignavia , & malè facta socor-  
 „ dia cogitationes , & spes efferre , ut  
 „ illis utile ferè semper , his exitiabile  
 „ planè fore . Propterea neque vim in  
 „ hac causa , neque militum copiam ,  
 „ neque armorum attendere cumulos ,  
 „ aut aperto , & ex æquo cum hostibus  
 „ opus esse contendere Marte cum his  
 „ ita exuberent Castellenses , ut indi-  
 „ gent Lusitani . At in animi alacrita-  
 „ te , festinatione , solertia ex hac parte  
 „ spem omnem sitam , & ex alia , quod  
 „ hostes in re ancipiti , & improvise ,  
 „ quæ fortiorum ut plurimum dejicit

animos in alieno , ingrato , suspecto  
 que dominantibus solo , & omnia in  
 majus augente metu deprehensi , tunc  
 ipsi intelligerent , quæ agere potuis-  
 sent , cum jam acta res esset . Proinde  
 raptim Vasconcello confosso , &  
 Margarita Principe exauctorata , in-  
 ter horum ardorem , & impetum , &  
 illorum torporem , ac metum ex voto  
 fluere ferrique cætera velut æstu se-  
 cundo posse . Hæc sententia prævaluit .  
 Rursus ut in magni momenti rebus alia  
 ex aliis impedimenta plerumque sub-  
 neçti solent inter eos quoque quæsitum  
 est , quo animo , quoque sensu putan-  
 dum esset tantam rei novitatem , po-  
 pulum civitatis , cujus auxilio consen-  
 sūque sublato ruere omnia necesse erat ,  
 accepturum fuisse . Nihil hac bellua in-  
 tractabilius , ac trucius , semperque va-  
 riam sibi que dissimilem aut insolesce-  
 re nimium , aut dejici , simul inque-  
 tam impotentem , discordem , atque in  
 dubio deprehensam ei quod deterri-  
 mum est , sæpe acquiescere malo . Quid  
 porro sperare , aut sentire de rei exitu  
 licuisset , quæ effectu instrumenti tam  
 incerti , tam fragilis usum in limine exi-  
 geret ? Si verò placeat aliquam populi  
 partem tentare , aut irretire blanditiis ,  
 arcanum , cujus vim sustentare eximie  
 quidem virtutis , atque constantiæ spe-  
 cimen est , & qua carent insulsi , inter  
 plures , stultosque simul ad rei , & con-  
 scionem etiam exitium absque dubio  
 conceptum iri . Causa itaque sedulo ex-  
 cussa , res tandem convenit , ut viros  
 ex ipsis eligerent , qui ingenio versatili ,  
 & gratia cum dicendi copia conjuncta  
 onerosum Castellæ regimen execran-  
 tes , & meliora , si fortè vellent imposte-  
 rum pollicentes in aures populi sensim  
 influerent . Ad hanc rem perpetranda  
 sacra præsertim sodalitia urbis descripta  
 sunt . Illic esse conventum populi , ejus-  
 que Rectorem , ac Ducem seu amore ,  
 seu quæstu flexibilem , nec porro in-  
 fuetum multitudinis Ducibus esse , ad  
 libidinem



libidinem sive lucrum, interdum sacris ut profanis abuti. Postremò si per malitiam fortassè violato, aut imprudenter elapso secreto rapi ad supplicium, aut in carcerem trudi quemquam eorum vidissent, simul omnes concurrerent, proclamatóque Rege Bregantio ab ultimo experimento fortunæ extremum sibi subsidium poscerent.

His ita decretis defectionis diem certam scilicet primam ineuntis mensis Decembris affirmant, utque statim moneretur Bregantius ut sibi curæ foret quo tempore Ulissipone per conjuratos eodem propè momento in Traastagana provincia, aliisque urbibus sibi fidis ipse Rex acclamaretur. Caterùm fortuita quædam parvæque dictu res majoribus curis conjuratos obvolvitur. Ex delectis, qui arte, & illecebris captos ad desciscendum animos populi præpararent, fortè unus in virum haud ignobilem incidit, quem palam cùm sapenumero audisset contumeliosius atque minaciùs in Castellenfium dominium invecum, faciliùs, & gratiùs idcirco ratus in rerum conscientiam, & partem venturum, planè illi conjurationem aperuit, & promissa poposcit. Homo, ut evenire plerùmque solet, eò timidior, ac segnior quò petulantior, ubi rebus non verbis agendum, & subeunda quoque sibi pericula videt, horrore gelûque perfusus negat id temporis esse, quo talia consilia agitentur; ubi enim, aiebat, in regno miles frequenti expeditione bellica exhausto? ubi pecunia tam multis tributis eviscerato populò? quot nobilium, quot plebis, quotve magnatum tanto facinori nomina dederint? Hac certè quidem temeritate non reparare regnum intendi, sed in miserimas illud calamitates immittere, ut scilicet orta statim seditione, atque oppressa, inde excusatio Castellenfibus obtendatur qua in omnes deinceps velut in captos, ac proditores omnia cru-

delitatum genera exerceant. Ita insitam ille formidinem prudentiæ specie tegebat. At ille alius stricto repenti gladio, torva facie, & rutilantibus oculis, vel mecum, inquit, conspirabis, vel ego temerè data, tu minimè acceptræ fidei utriusque errorem mutuò sanguine diluamus. His ferociter dictis plus animatus, seu fortè territus Lusitanus secretum juravit, & cùm res ingruisset, quia loquax erat, adjunxit, ad commune, quo patria flagralat extinguendum incendium, & quod ex novo subinde conflando bello exarsurum fuisset proprio cruore, & fortunarum suarum omnium ruina simul cum affectis concursurum. Attamen verène hoc ipsum ab illo mutata, an fictè metus, an casus, an pudor expresserit, cùm in utramque partem rationes ancipites ducerent, ea res ingentem conjuratis curam incussit; dubia fides, & nota loquacitas, ac levitas hominis apparebat temerando secrete pronior; accedebat, & cognitus pavor, qui ex periculi magnitudine, vel attrectato fortasse putato scelere ventosum, inertem hominè occupasset, quem nullo negotio pavorem, & cum opulenta quoque mercede exonere statim apud regios ministros poterat. Hac trepidè inter se consultantibus, & utrum die jam constituta exequi stabilita liceret, an longius protrahere quærentibus, cùm ratio, & auctoritas, ut sæpe in conventibus fit, capitum numero concessisset, id tunc prolatori statutum est, quod etiam accelerare idem prodicionis coegit metus, impuleruntque Pintum, qui & contra censuerat, ut Bregantiæ Duci in hunc modum rescriberet, susceptum opus tantisper remitteret, donec rursus, & tempestiviùs quid esset agendum commoneretur, nam res ardua contigisset. Hac Pintus Bregantio conspiratorum sententia, ipse tamen, ne Ducem, quem supra modum natura pavidum, anxiumque cognoverat, graviori, quàm in se erat, percitum cura torque-

ret, aliam, & conjuratis occultam Bregantio epistolam dedit, qua primam significabat, nō sua sed amicorū scripsisse sententia, impulsūque; ipse enim primo quoque tempore existimabat, se temerē injectæ suspicionis scrupulum excusurum. Postridie cū iterum convenissent, jam illis suppressis animi fluctibus, metūque sensim absterfo, Pintus increpare, monere, accendere socios, inconsultas moras refellere, nihil ledere magis secretum, quā tempus, cū plurimas illi rimas unde effluere possit, aperiat; nihil magis, quā nimium in causā ratiocinari, majora negotia corrumpere. Quid igitur aliud harendo, procrastinando expectarent, quā se singulos stultē prodere Castellæ tortoribus jugulandos? Cū plures tandem ex conjuratis ad explorandam attentissimē rem circummissi nihil novi deferrent eandem ipsam condictam diem, aut proximam saltem pro initio defectionis certam, ratamque habuere: sed alia, & nullius quidem momenti res, uti in humanis Deus, aut fortuna ut dicitur ludit, conjurationem penē disiecerat. Pridie quā à Rege Philippo descitum est, vesperscente die, consistorum nonnulli dum aream Palatii divisim speculantiū more perambulant, Vasconcellū conspiciunt, qui in trirēm conscendit, & à littore in altum solvere jussit. His itaque ignaris fortē hoc an consilio accidisset, cū sibi vehementer ab adeo sagaci, rigidoque ministro metuerent, ipsiūque pari fato astimarent rem Lusitanam vertendam esse, cuncta horribilia, atque trucia ægrē affecto timore animo spargebantur. Nimirum solertem in primis, argutiorisque acuminis hominem, regni que officiis, & curis penitusmersum diutius conjurationis machinam tantam fallere minimē potuisse, ergo ad arces, regni que præsidia communienda, sive ad aulam Catholicam properare, vel alias subnectere fraudes, & dolos velle quibus occulta partium consilia in earum pernici-

ciem, interitūque converteret. Dolebant etiam teterrimū hominem, quem & instrumentum Lusitanæ Tyrannidis appellabant præter expectationem elapsū, & flagella propterea, & vincula sibi, & custodias, atrociora quæque expediti supplicia, patriamque quo sublevare cogitavissent, miserius præcipitasse. Planè ea ipsa res adeo illorum animos fregit, mentēque alienavit, ut extrema nonnulli desperatione perculsi opportunitatem Ulißipponē quærent, qua in Angliam, vel Africam, aut aliō terrarum orbis repentē trajicerent. Reliqui haud secus pavidi quā si jugulo hærentem carnificem cernerent, in consilium coeuntes, dum rem pertractarēt, trepidabant magis, quā consulebant. Qui convenerant, seniorum ut frigore corpus, metu sic animus obriguerat. Junioribus verò quibus & ratio sententiæ viger, cū vires ab animo mutuatur, ibidem, & optimē placuit rei exitum expectare, si ille fortē, ut verisimile quoque erat, tot negotiis, & curis implicitus ad animum relaxandum oram maritimam legeret. Impigros itaque juvenes ad noctis usque dimidium cum ex composito rem observassent, mox personantium nautico more tubicinū sonus & clamor rediisse Vasconcellum admonuit, illique præ ingenti gaudio vix compotes mentium communem sociis lætitiā impertiuntur, animosque ad proximam defectionem confirmant. Caterum rerum hæc humanarum ludibrium, & conscius sibimet animus attulit, vanisque illusa terroribus mens; alius, & strenuus quidem obex incurrit, quem rerum duntaxat immutabilis ordo, & Bregantii fortuna discussit. Georgius Melus Ulißipponem à Duce Bregantio ad conjurationem fovendam missus, amici tunc, cognatique in suburbano utebatur hospitio, cujus nomen non proditur. Is ope, & consilio cum juvaret secretò partes amico negotium hæcenus reticuerat, sed provecta jam



jam nocte, & postridie cùm dies illuxisset peragenda res esset, brevísque quæ intererat nox cùm nullum omnino prodicioni præbere locum, & ulterius diffidere amico subrusticum videretur, conjurationem illi tandem patefacit, hortaturque monétque quod Lusitanum, quod virum nobilem deceat. Homo hæc ubi audit flexo in speciem lætitiæ vultu se fore spondit in potestate amici, nec sibi, nec patriæ in tanto periculo defuturum, frontique oratio aliisque corporis motibus congruebat. Ad multam deinde noctem sermone producto, ambo postremo cubitum secessere. At melius postea secum ipse considerans, quid tandem egisset, & recte ne hospitii aut cognationis respectus oppignorata fidei, jurique silentii prævaluisset, quàm fallacia, quàm tortuosa mortalium ingenia sint, quæ amoris, quæ fidei pignora prodidisset, quas animi dotes, & præclara ornamenta virtutis proprii commodi studium labefactasset, & an adhuc illi per ea momenta vacaret magistratui prolata detegere indicia, ex eo iratus factique pœnitens inquietam, ac turbulentam agebat noctem. Inter hæc suspensa ambulantium vestigia, & colloquentium in ædibus murmur cura, & vigilia auris erecta percepit. Veritus ergo Melus insidias è cubili confestim surgit, properat ad fenestram, indeque jactis in domus vestibulum oculis inter caliginem ardenti face discussam videt stratum itineri equum, Dominum stantem, & servum qui cultum urbanum Domino ministrabat. Advolat ira præceps abeuntémque gladii cuspide circumscribens, interrogat, quo sanè tam importunus, tam citus, tanto silentio pergeret? quid cogitaret? quid cuperet? At ille dejecto, versoque colore vultu, cùm vox præ pudore, merituque mens, & propè spiritus defecisset, titubantibus verbis, trepidoque formidine gestu furiles qual-

dam se seque invicem implicantés exponit intempestivi discessus causas. Tunc admoto Georgius ejus pectori gladio torvus, & minax retractum amicum in eodem cubiculo secum consistere cogit, oculataque ejus custodiæ reliquum noctis infumit. Deinde compertum est salutarem illam operam conjuratis, imperioque Bregantii propitiâ fuisse, nam ille partium nomina delaturus regios eadem hora ministros petere destinaverat.

His ita peractis, defectioni tandem dies constitutus illuxit. Conjurati, sicut antea decreverant, prima luce arma simul expediunt, eo quidem consensu omnes, animique ardore compulsi, ut nobilis etiam virilis audaciæ fœmina, tanquam ministra, adiutrixque tumultus domi sese conspirantium catibus immiscuerit. Fuit hæc Philippa Villiena Autogiæ Comitis uxor, quæ duobus filiis ætate, ac robore validis manu propria composuit arma laterique præcinxit, tum intrepido vultu, hisque igneis prope verbis accendit. Irent alacriter seu duro solutum ser-  
“ vitio patriam, seu decora pro patria  
“ vulnera acceptum, inter hæc ipsam  
“ provecta ætas, & pudor invitam sol-  
“ licitam domi tenerent, vel egregiæ  
“ libertatis partæ futuram, vel inclitæ  
“ mortis consortem, nunquam se patriæ  
“ exitio superstitem fore professâ: atque  
idem ipse bellacis animi stimulus, suo-  
“ que sexu, & officio altioris virtutis  
“ exemplum, quod in Villiena præful-  
“ sit, alias quoque peracuit, illustravit-  
que nobiles Lusitanas. Tantùm conjurati  
in partibus ardor. Cæterùm conjurati  
jam antea deliberaverant cum qua-  
tuor agminibus in Regiam irrumpere,  
quorum primum recta ad Vasconcel-  
lum ut periculi caput contenderet, ad  
sedem alterum Principis Margaritæ, reli-  
qua separatim Comitem Bainettum, Præ-  
fectum Principis Stabuli, & Marchionem  
Populensem Cubiculi eodem momento

occuparent, ut sic per aditum interclusis, circumventisque cùm res ingruisset, minimè posset alter alteri præsto esse. Statuere præterea ut quo tempore in Regiam impetus fieret, selecti equites, peditesque & homines populares Ulisipponem obirent, Bregantiumque Regem clamarent, populùmque ea novitate excitatum, inflammatumque & turmatim ex triviis, tabernisque collectum in Regiæ planitiem contraherent, ibidem Nobilium conatibus manu, vel aura, vel saltem vocibus profuturum. Rei porrò auspicandæ mane octavam circiter horam tempore præstituto miraculo simile, & humana profectò sollicitudine majus apparuit, quo agendarum propè rerum concentu simul omnes conveniendo, munia simul imposita persequendo, velut ad unguem loci, actionum, temporisque spatiis emensis in tanta hominū multitudine, in tanta negotii mole, & fortuitorum incurfu dicta factis consonuissent. Igitur velut in aciem omnes compositi, directique magno animo, atque ferocia Palatium ingrediuntur. Præibat factionis Dux ipse hortatorque Joannes Pintus elatione animi tanta sui que fiducia, contemptuque periculorum, ut cuidam amico in Palatii gradibus fortè obvio, & quid rei esset metu pallido fuscitanti quasi per jocum, lusumque retulerit, Nihil aliud facturi nisi Reges mutatum pergimus. Eo affluentem concursu, fulgore, atque strepitu armorum, qui fluvio similis inundaverat, excitati custodes milites arma capiunt, arrectisque ferociter hastis in irruensium pectora infestas cuspides sistunt; at militum unus acrius ante ceteros urgens, ideoque mortali percussus ictu atque collapsus terroris, ac fugæ initium sociis cum armis astantibus præbuit. Recenti proinde cruore strata jam festinantibus semita, nullo adversante Regiæ aulam maximam occupant. Hic Lusitanus quidam, & regius Prætor, ubi eam re-

pentinam esse turbationem intelligit, compescendique causa de more reclamatur, Vivat Catholicus Rex, cadenti statim pila confixus moribundus procubuit; cùmque tota modò pateret turbis furentibus Regia, unus Vasconcellus ad exitum avidè petebatur, prævias enim, & binas hominum cædes casus tantummodò attulerat. Nescius tunc ille fati, quod impendebat, cura solutus & animo vacuus fortè sermones per otium terendo sedebat cum Lusitano quodam Centurione; ubi totam omninò domum ingenti fragore, & vocibus resonantem audivit. Interrupto per metum colloquio paulum Centurio progreditur, videt sese repente inventientium quasi militum avem, pedem itaque refert, & Vasconcellum monet, innumeram multitudinem armis, minisque infestam, citato gradu in illam sedem confluere. Extemplò tum illi turbato vetus cecidit supercilium, & morientium extremo velut tactus afflatu respondit amico, irruere profectò homines ejus sanguinem inbiantes. Itaque metu exanguis prægelidoque sudore perfusus, quod unum stupido, attonitòque simili in eo rerum turbine occurrit latibula petit. Centurio inter hæc pedem in limine figit, & frontem, pectusque insultantibus præbet, & eousque incurstantes undique gladios, & aggressorum multiplices ictus in tam iniquo certamine haud minus felix quàm fortis sustinuit impavidè, dum Vasconcellus abdendi se spatium habuerit: brachio denique saucius, & ad arma tractanda inutilis terga vertit, & per fenestram elapsus distorsione membrorum tantæ ruinæ superstes evasit. Subinde effusum repentè agmen, cædis, & sanguinis sitibundum per aditum irruit. At sola Vasconcelli reperta sedes furorem, cruentamque rabiem magis accendit. Igitur unusquisque cùm clamore, atque fremitu rescindere arcas, spargere pecuniam, confundere suppellecti



supellectilem, tumultu, atque strepitu cuncta complere; furor in vultu, scelus in oculis, in ore proteruitas eminebat, atrocitatis, quæ parabatur, inditia. Tota subversa, ac permixta penitus sede, tandem Antonius Sotenlius nobilis ipse vir armarium aperiens in Vasconcellum incidit, ubi illum inermem metûque propè intermortuum repetitis ictibus conficit, respersâque sanguine manu è latebra extractum in pavimentum deturbat. Ita vetus ex privataque causa in Vasconcellum conflatum exhaustit odium Antonius, quo sapius inter amicos seriò, vel joco jactare solitus erat, improbum fata caput suæ dextera devovisse. Manabat toto cubiculo cruor paulò ante in summo potentia culmine visi, deformis horrebat multiplici vulnere facies, discissâ pecudis potius, quàm imago, aut vestigium hominis apparebat, multòque per aditus inter cruentos singultus ad exitum spiritus properabat. In tanta tamen calamitate, quam in illo miserrimam faciebat fortunæ pristina recordatio, cum extremos idem anhelitus emissurus animam traheret, tunc in speciem jocosa, atque aspersa facetiis, sed reipsa nefaria atque impia Lusitanos contentio caput, quisnam eorum supremum luctantis animæ spiritum hausurus per ferrum esset; jamque malè dissimulata hucusque lusibus feritas ad rixam, & jurgium pene incaluerat, cum ad ea dirimenda litigia, quæ per armorum tractationem occasio jam lubrica faciebat Vasconcellum adhuc spirantem per fenestram in aream dejiciunt. Estuabat, cum eò conflueret undique populus, & numero, & motu amplissima Regiæ planities, nam præter eos quos consultò dispositi homines traxerant, complures rei quoque novitas tanta, ac passim diffusus rumor adjecerat. Qui ubi Vasconcelli corpus exanime, ac lacerum, cæno ac sordibus involutum humique projectum vident, hunc pri-

mum in eo tanquam uno sterisset, parique fato occidisset Castellenfium imperium, festis instauratîsque vocibus Bregantium Regem acclamant. Turbarum deinde passim sese prementium, ac fluctuantium impulsu, jactûque cum alius alium elideret, accedere contendebant ut oculos propius eo fædo spectaculo pascere. Et quidem infima plebs, ut etiam puerorum per id temporis erat concursatio, & tumultus, nullo privato, seu publico incitabatur in Vasconcellum odio, sed ut pote rudis, & hebes ingenio, ac meliorum incursu, atque impetu solita in casibus regi, contorta vel recta illorum vestigia sectatur. Igitur protinus illum toto denudant corporis habitu, inde in barbaros ritus degeneres convellunt barbam, discerpunt comam, aculeis terebrant pectus, quassant caput, pedibus calcant, corpori exanimi vulnera adjiciunt, unumquemque cupiditas agit partem cædis, scelerisq; reliquias ferendi domum. Nec hætenus satis, eo loco arreptû truculentissimè corpus latè per urbem festivo plausu raptare, fedare limo; tundere saxis, viventis in speciem proscindere maledictis, donec lassata potius, quàm satiata crudelitate lutulentum, conscissumque cadaver, & interdiu, noctûque pecudum alimento relictum, sodales, quam suo nomine præferebant, misericordia commotî sine ullo funali cereo, aut Ecclesiæ peracto ritu raptim sepelierunt.

Hunc exitum habuit Michaël Vasconcellus, genere Lusitanus, vir sua ipse natura morosus, difficilis, asper, pecuniæ non minus, quàm honoris, & gloriæ cupidus, eoque ambiguo, volubilique ubi res postulabat ingenio, quo utrum alieni rapacior esset, an effusior; audacior, an timidior; civis an hostis patriæ, privato magis, an publico bono serviret haud facile discerneres; quæ quidem aula ita favor, & usus in illo dominii, &

fortuna licentia provexerant, ut vivida, erecta ejus natura per occasionem tumorem, & arrogantiam, & lingua quoque libertatem addiderint. Hæc tamen in illo vitia æquales propè virtutes æquabant, scilicet assidua in suo officio sollicitudo, magna comprehensio negotiorum, incredibile acumen ingenii, astutia, solertia, integri spiritus promptitudo, & animi elatio, qui nisi profectò in id temporis incidisset, quo altiori de causa Lusitanum volvendum erat imperium, aut mortalium opinio ex consilio, & industria, non ex eventis rerum momenta æstimaret, haud contemnendi ministri Regis exemplū, atque memoriam posteris reliquisset. Cæterum et si adeo immanè, atque atrociter acta Vasconcelli mors funusque fuisset, hoc tamen nedum illam animi feritatem, & rabiem, sed iras, & odia quoque Lusitano planè consumere visum est. Incruentus enim ac mitior in posterum agitavit, adeò, ut admiratione, memoratūque pariter dignum acciderit, tantam rerum mutationem, quantam inferre unius regni subversio, atque transmissio potest, unius tantum quaesita, duorum verò fortuita hominum cæde confectam esse. Sed cum inter rerum novarum incitamentainopia, & egestas præsertim, eamque tumultuarias per rapinas explendi aviditas sit, jam sine lege, sine imperio homines Lusitanos effrenes, ac dissolutos avaritia corripuit. Diripiunt igitur primo Vasconcelli ditissimam sedem, torque annorum labore, & industria, & illius muneris amplitudine parta, simulque congesta dimidia propè horæ intercursus evertit; & plebes quidem inter viliora quæque permista rapinam sibi similem fecit; præda opulentior nobilium manus contaminavit. Hinc in Ecclesiæ Bracarensis Decani domum, qui Vasconcelli perempti frater germanus erat, irrumpunt; acuerant in illum cum fraterna homines

odia, tum quia fama erat divitem esse, fratrisque ipsum opes uberrimas conservare. Decanus autem tumultus initio Prædicatorum se Ordinis esse per ascitium habitum ementitus Castellam versùs effugerat. In vacuas itaque sedes incurrunt, ibique populabundi, prædarum recentium accumulantes moles, increbuitque solida fide rumor, qua gemmarum numeratæque pecunie, qua lautæ suppellectilis copia supra quinquaginta aureorum millium prætia illa die Lusitanos diripuisse. Avarè & crudeliter hæc conjuratorum per illam tantummodò manum transacta sunt, cui Vasconcellus cædendus, ejusque, cum simul consulerent, vastanda sedes obtigerat. Altera verò quam adversus Margaritam Principem constituerant, insolentius illa quidem ac petulantius, nisi crudelius impiegit. Nobilis mulier passim clamantium, strepitumque improvise, & horrendo fragore perterrita ad fenestram quid rei esse ignara cucurrit. Inde minis, armisque plenas aspiciens tumultuosas concurrere turbas, & omnia in motu, ardore, atque impetu esse, vultu, gestibus, voce procul elaborabat, si quodammodò posset furentium compescere vim. Hæc intrepidè agentem forum crepitus interruptit, eratque infestum illud immissum conspiratorum agmen, quod ingressum urgeret, & nisi fores spontè paterent, eas minabatur effringere. Idipsum verita Princeps fores recludi jubet. Stabat ipsa nobilibus circumfusa puellis; nec eam adhuc alterius fortunæ fiducia, nec pudor omnino Lusitanos defecerat. Jamque incondito clamore, æstuque illo se passim jactantium, & obstrepentium illius præoccupare sermonem caperant, cum mulier vincit, nihilque iræ, nihil timoris in vultu præferens insolentiam majestate coercet, & ore placida, verbis ambigua Lusitanos simul objurgat, & monet. Ne Deo, Regique debitæ “  
fidei



„fidei , Ne propriæ ipsi conditionis ,  
 „& futurorum malorum obliti in per-  
 „fidia senescant. Posse, quæ hucusque  
 „gessissent, infano furore plebis , aut  
 „repentino quodam tumultu, vel sal-  
 „tem privato , & collecto in unum  
 „Regis ministrum odio , recentisque  
 „sceleris ignominiam , & culpam ali-  
 „quo modo purgari , aut imminui , si  
 „furere perseverent , excusationem  
 „ablatam , & omninò consumptam  
 „fore clementiam. Non omnia nova,  
 „quæ fatuos maximè delectare , re-  
 „rumque imperitos , ac rudes solent,  
 „qua spe inchoantur, animique volup-  
 „tate desinere ; diversos , & præter  
 „spem ea sæpe volvere casus , & ire in  
 „iras præcipites , regressumque sibi  
 „intercludere in sua utique potestate ,  
 „veniam; si ferò fortè pœniteat, in alie-  
 „na fore. Pro Vasconcelli confossi par-  
 „te fateri se quidem, minus sibi ipsi  
 „displicuisse , quod patriæ civem exo-  
 „sum , invidiosum Regi ministrum ,  
 „molestumque sibi collegam utcum-  
 „que sustulerint. Curæ sibi de cætero  
 „fore, cum se retractare velint, aut  
 „insanire desistant, præteritæ seu per-  
 „fidie , seu licentiæ veniam , & laxa-  
 „mentum à Catholico Rege impetra-  
 „re. Sed jacta jam erat alea , prospe-  
 „rusque ac declivis ad cætera versus, quæ  
 „mites , & quietos plerumque viros  
 „transvertit , calcaria sua sponte curren-  
 „tibus dederat. Igitur Principem sic al-  
 „loquentem , & plura dicere cogitantem  
 „hac voce inturbant. *Vivat Ioannes*  
*Rex Lusitaniæ*, eodémque animi ardo-  
 „re , impulsuque passim vagantes, tu-  
 „multuantisque clamore, atque strepi-  
 „tu totam Regiam immiscent. Inter hos  
 „fortè accidit ut Carolum Norognam  
 „nobilem hominem Margarita conspi-  
 „ceret , qui Philippi Catholici Regis à  
 „pariete pendentem imaginem mucro-  
 „ne detractam solo insolenter afflixit.  
 „Exarsit ea coram se primo tunc visa in  
 „Regem injuria , vilique contemptu

Princeps Sabaudia , & præ iræ celeri-  
 „tate haud satis fortunæ conversionem,  
 „qua ruere omnia , volviq̃ue necesse  
 „erat attendens, convicio jactavit ho-  
 „minem , illum nefarium , impurum,  
 „proditorem increpitans. Ea contume-  
 „lia verborum acerbis , & acius, quàm,  
 „qui læsus à femina esset , ingenuum  
 „hominem decuisset , Norogna concus-  
 „sus , nec verecundia sexus , nec mu-  
 „lieris dignitate retractus , ira instigan-  
 „te , retulit Principi : Caveret mulier  
 „profecto , ne jam regimine ejecta , at-  
 „que inscia fortis qua verteretur, contu-  
 „melioso aliquo actu in ludibriū abiret,  
 „cùmque muliebri felle, atque stomacho  
 „incensa, ac percita Princeps adjiceret,  
 „quis, quove pacto impudenter proce-  
 „dere mecum audeat ? Urgere pericu-  
 „lum, institit Carolus , nisi ipsa se con-  
 „tineret , ne per fenestram dejiceretur.  
 „Rubore tunc illa suffusa, attrituque se-  
 „mel pudore deterrima quæque sibi nisi  
 „omninò cessaret, ab effrenato, & fu-  
 „rialibus quasi stimulis acto populo me-  
 „tuens, se tandem subduxit , & in se-  
 „creto Regiæ facello , iræ Numinis de-  
 „precandæ , cum nihil opis aliundè ap-  
 „pareret, prorsus intenta, tritisque pro-  
 „cubuit. Intererat fortè cum ita procaci-  
 „ciùs in Margaritam Norogna debac-  
 „charetur Bracarenfis Antistes, ipse quo-  
 „que Lusitanus, sed quem à concivibus  
 „suis ingenii, vitæ morumque dissimili-  
 „tudo distraxerat. Is ubi per oris proter-  
 „viam & contumaciam eousque Noro-  
 „gnam provectum in Principem sensit,  
 „ira perculsus , vultuque ferox erepto  
 „obvio cuidam è manibus gladio Caro-  
 „lique vestigiis insistens in armatorum  
 „se cæcus immisit, sanguine ulturus in-  
 „temperantiam linguæ, qua ille fami-  
 „nam Principem læserat. Videt hoc Mi-  
 „chaël Almeida, veritusque ne sacerdo-  
 „tis sacrisque in infulis constituti fortè  
 „cruore sacrilegè sparso impiè fædøque  
 „vitio regnum auspicaretur , brachiis  
 „complexum reluctantem Præsulem su-  
 „stinet,

stinet, ejus mox genibus advolutus rogat eum, ut desistat, jurejurando testatus, jampridem carnificinæ amicorum omnium suffragio caput ejus addictum, ac velut sub hasta venale à se uno fuisse lachrimarum imbre redemptum. Ita se denique tenuit Antistes, coactisque servire tempori, porro suppressam in animo iram tempestivius effundendam reposuit.

Inter hæc sicut initio conjurati convenerant, reliqua armatorum hominum agmina Marchionis Populensis, & Bainetti Comititis sedes intra ipsam Regiam infesta perrumpunt. Et jam Populensem crepitus ingens, fragorque clamantium, ac discurrentiū cubili jacentem extulerant, ire inde obviam periculo statuit, tum & gladio clipeoque munitus, & animo confirmatus seminudus eruperat. At ubi repente occurrit ejus auribus, oculisque & fulgor armorum, & torvæ furore facies, & incessentium fremitus, numerisque substitit ipse pavidus, eratque eo tempore animus, sensim ex loco pedem referre; excussit tamen formidinem pavor. Proinde collectis cum animo viribus, & spiritu revocato, certisque in eodem interire vestigio, cum sæpe in vacuum jactaret enssem provocabat cum verbis, tum vanis ictibus hostem. Ad exitium ita ruenti per amicum fortuna favit, quæ huic hominum turbæ miscuerat. Is namque ulterius, & solus progressus bona pace Populensem admonuit, agrè se, atque in irritum fatigando ab infana quidem temeritate laudem virtutis exquirere, rem esse jam actam, ad gladium, vel animam ibi ponendam extremam necessitatem adigere. Ignavi quidem hominis esse vitare periculum, fortis occurrere, projectique amentisque idem periculum irritare. Eapropter ut in cubiculū Marchio tandem regrederetur, ibique subiret custodiam militum modò supplex, modò minax enixius instando pervicit ami-

cus. Idipsum ferè Bainetto Comiti, Didacoque Cardenio, qui extra Regiam degebat, accidit, singulique post breve constantiæ, atque fidei erga Catholicum Regem editum argumentum, tot simul hominibus, armis, minisque incubentibus obruti sese demum permisere custodiis. Verum Antonius Silva Divi Jacobi eques, magnusque regni Thesaurarius clariori sanè fidei, atque virtutis exemplo ea tempestate refulsit. Qui senio, meritisque confectus, ortæ seditionis fama, strepitusque commotus, non vacillantes, tardosque, ut ejus exacta ferebat ætas, sed citos ad Regiam addebat gradus, cum armatorum agmine circumseptus, cur ipse quove tam citò pergeret imperiosè ab illis interrogatur. Ad Regiam se ire impavidus refert Antonius, officium & operam Margaritæ Principi collaturum, addiditque: Vivit Philippus Rex, at illi contra obstrepentes reclamant: Vivit Joannes Rex Lusitaniæ. Non ideo porro contrahitur, aut animo languet Antonius quòd eousque inaudita, & absurda illa vox ejus aures repente percusserit. Sed ea agitatione corporis, animique inter armatos, cursumque prementes versando sese à circumfusus undique turbis explicuit, ut velut strata cuspidibus semita vestus postremò Regiam attingeret. Hic Margaritæ colloquium liberius, quàm tempus monebat effagitantem conjurati corripunt, locique termino circumscripto, ne eo limite excedat, capitali pæna denunciant. Cæterum animo afflictus, tristisque vehementer agebat Antonius, dum animo volutabat, Ulisipponis fortissimam arcem in fidei tutelam cervicibus urbis impositam in manifesta civium defectione, & clade, ac perniciæ vetustilabentis imperii spectatricem, quàm vindicem potius ut esse debebat, sceleris confedissee, putabaturque id quod erat, prohibitam esse scilicet Margaritam, quo minus Præsidi jussu, ac signum



signum daret, adire propterea fami-  
nam, remque secreto cum illa transigere  
cogitabat, ita ratus, quòd initio con-  
fusus ac propè nutantibus rebus, si tor-  
menta bellica intonuisent, terrori for-  
tasse mutabili populo, ac levamento  
jam metu disiectis, & fractis Philippi  
partibus forent. Hoc prudens Antonii  
Silvæ consilium jam antevererat Lusi-  
tanus, cùm ad Margaritam Principem  
aditum per excubantes, frequentésque  
milites intercluserat. Ubi ergo Antonius  
ad id exequendum, quod secum ipse  
deliberaverat, locum quem illi fixe-  
rant, transit, eoque post frustra tenta-  
tum ad Margaritam ingressum, inanis,  
sensûque doloris concussus acerbo re-  
vertitur, qui terminum illi præfixerant,  
lividos oculos circumferètes postquam  
eum inde digressum, & paulò post re-  
deuntem aspiciunt ira, odióque fla-  
grantes mœstum hominem circumsi-  
stunt, gladiis minantur, insultant, &  
revera usque ad sanguinem exarsissent,  
nisi nobilis adolescens id generis, id  
ætatis misertus, reveritúsque virum  
apud illos intercessisset, evincere ta-  
men minimè potuit quin medium se-  
nem arreptum, & magno cum impetu  
impulsum per altissimos gradus in in-  
fimam partem conjicerent. Sic habitu  
incultus, cœno sordidus, membris con-  
tusus, & sanguine spumans Antonius,  
sed animo infractus, & integer domum  
regreditur. Atque ita illorum hominum  
conspiratio adversus primorum Castel-  
læ capita incaluit, promiscuæ fortis cæ-  
teros Castellenses neglectos, illusos,  
armisque tantummodo traditis ire so-  
lutos, ac trepidos passus sunt.

Cæterum cùm tam prosperè omnia  
conspirantibus fluere, & majora con-  
silio, numero, vi, adjuvante fortuna  
molimina intenderent, acerrima tamen  
adhuc Pintum angebat sollicitudo Uli-  
sippotis arce potiri, satis in illa virium  
aspicientem, quibus jam penè absolu-  
tam conjunctionis retexere telam pos-

set. Per eam enim habere potentissi-  
mum Regem intelligebat adhuc ha-  
rentem, ac fixum in urbe maxima pe-  
dem, & ulciscendæ quandoque inju-  
riæ magni momenti pignus. Populo  
præter fidem suoapte ingenio caducam,  
& labilem, ad eam quoque plus infir-  
mandam augendúmque terrorem im-  
pendere capitibus arcem, Dulcedinem  
ipsam rerum novarum, qua modo capta  
Lusitana plebs lasciviret, aut fastidio,  
aut non prævisis ab initio periculis, &  
ordine futurorum, aut incertorum las-  
situdine tædii acescere sæpe solere, &  
in nova desideria mutari. Pervetustas,  
recentiorésque tandem regnorum mu-  
tationes, & causas illarum animo colli-  
genti frequenter occurrere, nedum  
propugnacula, & arces quæ quidem  
solidiores nervi dominii sunt, sed mi-  
nora, atque levia quoque alienæ do-  
minationis in occupato imperio relictæ  
vestigia, fortuna postea volvente to-  
tam in regno rem contraxisse. Cùm  
igitur arx omnino obtinenda, eam-  
démque per vim, & arma subigere ar-  
cem non minus diuturna quàm aspera  
factu res videretur, eam porro inter-  
vertere conjurati simul aggrediuntur.  
Proinde Margaritam conveniunt præ-  
cibúsque minis admittis expostulant,  
ut libellum ipsa subscribat, quo jussus  
Præses continuo traderet arcem. Illa  
verò id primò constanter negare, ne-  
quaquam Præsidi à se, sed à Rege Ca-  
tholico, referens, arcis custodiam in-  
junctam fuisse. Nefas esse præterea in-  
ferioris hominem potestatis superioris  
jussa rescindere; idque profectò ea per-  
tinacia, & insolentia quæri, id utique  
agi, ut ipsa iniquè imperaret quod  
iniquius, si obtemperasset, foret, &  
alius persecuturus. Contrà Lusitani cir-  
cuire, terrere Principem vultu, quate-  
re arma, fremitu, voce, supplotione  
pedum obstrepere, clamitare, jure an  
injuria, utcumque subscriberet ipsa li-  
bellum, fore alioquin, ut tenebræ vin-  
cula,

cla, foetidus carcer in squalore, atque  
 ardibus vivam, pertinacem foeminam  
 amularent, quot quotque tunc Castel-  
 lenses in toto regno reperti fuissent ob  
 ejusdem mulieris duritiem truculentis-  
 sima caedes raperet. Hic facile exanima-  
 ta mulier ostendit quantum constan-  
 tia in lectissima quoque foemina capere  
 fluxus, & fragilis ineptusque regiminis  
 sexus possit. Qui enim in rem intende-  
 bant, non plebei, non agrestes, ho-  
 mines erant non furiosi sed cives no-  
 biles prudentesque, nec ultra inanem  
 illarum minarum strepitum in foemi-  
 nam Principem favituri, qua bene an  
 secus de tractanda persona Principis,  
 integrè arbitrium ad Ducem Bregan-  
 tia maximè pertinebat; Castellenses  
 verò, quos prior ingruentis tumultus  
 impetus non abstulerat, haud verisimi-  
 le quoque erat, refrigerato jam conju-  
 rationis ardore, insontes, abjectos, &  
 patientes omninò compertos injuria  
 sine ulla utilitatis specie perditum iri,  
 & si aliter evenisset, haud nimis gra-  
 vatum fore Catholicum Regem existi-  
 mandum, cum expugnandæ, aut con-  
 servandæ arces tanto persæpe constare  
 cruoris impendio soleant, illam, qua  
 regnum ea tempestate pendebat pau-  
 corum subditorum funere redimi. Ve-  
 rumtamen Margarita nequicquam ac  
 diù reluctata, fraudulentisque conati-  
 bus victa, dedendæ denique arcis por-  
 rectum sibi libellum quanquam invita  
 subscripsit, qui ad ejus Præsidentem sta-  
 tim delatus est. Catalauni belli expe-  
 ditio, circumcisa ibidem munitione ac  
 veterano substracto milite, eam propè  
 jam enervaverat arcem. His accesserat,  
 quod Thomam Messiam insignem, ac  
 strenuum in bello Ducem inde incon-  
 sultò subduxerat Olivarius, ejusque  
 successerat loco temporarius quidam,  
 obscurique nominis Præses, qui nihil  
 cunctatus sua spontè, an coacta, inju-  
 sto, an legitimo imperio deditionem  
 Margarita præceperit, viso rescripto,

continuo prodidit arcem. Igitur, qui  
 erant in illa militibus propè cunctis si-  
 mul pavore, simul stupore defixis, ac  
 tacitis. Prævalidam scilicet arcem ad  
 urbis munimen, ac perduellium franos  
 magnificè structam, orta, mox aucta,  
 inde longius conjuratione producta ne  
 uno quidem disploso tormenti bellici  
 jactu per muliebrem inertiam, Præsi-  
 disque focordiam, sive perfidiam in ho-  
 stium potestatem tam citò, tam turpi-  
 ter cecidisse, tum Cantaber unus, vetus,  
 & ipse miles acerrimè furens, & nudum  
 rotando gladium in medium profluit,  
 & pro scelus, & pro dedecus, in-  
 quit, ita nos patiemur commilitones  
 militiæ stemma gestantes pecudum  
 more circumretiri? hisque alacriter di-  
 ctis dum ferè attonitos, torpentesque  
 contendit erigere socios, & voce, &  
 exemplo firmare, repente arcis foribus  
 patefactis, irrumpentium multitudine,  
 & impetu ipse cum aliis præfidiariis mi-  
 litibus obrutus ab arce præceps eje-  
 ctus est.

Arce ita intercepta, novoque muni-  
 ta præsidio, inde confestim ad publi-  
 cas ædes, quas Relationis ædes appel-  
 lant; convolant Lusitani. Iudices regii,  
 qui jura tum ibi de more explicabant,  
 eo auditu tumultu populi, occludi,  
 firmarique præceperant fores dum illo  
 primo refracto impetu, & quò verge-  
 ret tandem res explorato, in tempore  
 sibi consulerent; cum armatorum glo-  
 bus, & frequens tum clamore, tum  
 pulsibus ostium vehementer impellit;  
 at potior, quam auribus fragor, timor  
 animis obstrepebat, quo sollicitius in-  
 cussò tanquam certissimè perituri vel  
 feræ illius quasi neci interpositam mo-  
 ram sustinendam arbitrabantur. Inter  
 hæc intus acriter obsistentium, & fo-  
 rinsecus impellentium certamen, &  
 studium supervenit Ulisipponis Anti-  
 stes, qui pacifica, & tuta fore omnia  
 professus, se seque ut obnoxium vadem  
 salutis acciperent Iudices rogans, ut  
 ea



ea claustra revellerentur, obtinuit. Hinc porro statim ea togatorum effusa turba, trepidi, ferè omnes enecti, colore exanguis Antistitem stantem officii, cultusque specie circumdant, quos ille pronò omnibus ore, quæsitæque lenitate „ complexus : Jam habemus, inquit, „ Regem nostrum Joannem generis, „ patriæ nobis, & amicitia jure conjunctum. Illum nobilitas, illum populus, illum impuberum quoque lingua concentu quodam, assensuque mirabili velut injecta divinitus mente, proclamavit, confirmavitque; sic attrita Castellenfium superbia jacet, fastusque retusus, nobisque auctiorem, amplioriẽque planè censendum in posterũ fore Lustani nominis claritudinem, vel quòd ejecto Tyranno ab homine externo ad patrium, verumque Regem imperii diadema translatum sit, præterquam quod qui Castellenfium huc usque mancipia, nationumque ludibria fuimus jam in honorem ac libertatem evasimus, nec amplius videbimus Castellenfes dominantium, & omnia sibi arrogantium fiducia subnixos alios bona, in humeros alios, alios in jugula sævientes; non petulantiam oris, non factorum crudelitatem, non rapinarum ingluviem, non libidinum scelera, non rerum omnium ruinam, & cladem sustinebimus amplius. Juvat ab his denique defecisse, qui prius contra nos à natura, atque humanitate defecerant. His intellectis, Judices quamquã & ipsi non ignorabāt, verso Rege, inverti etiam debere clientium ejus fortunam, sibi aut gravem ex vetusta inimici clientela suspicionem, aut extremam esse perniciem in novo regimine subeundam, pro tempore tamen Antistiti applaudere, vicissim miscere dexteras, gestibus, voce ostentare obsequium, & fidem erga novum propositum Regem; quibus verò plus erant suspecta præsentia, ideòque plus

odiosa, ut usu falsis hominibus venit, eo amplius sese gratulando, atque assentando jactabant. Togatis ita dimissis, Vexillum civitatis accipiunt solemniter per urbem pompa, ac lætitia circumferendum. Id sustulit Alvarus Brancius phalerato invecus equo, & cultu, habituque ad ætatem ardentemque modò fortunam ornato. Nobiles equites, quique erant plerique in flore, ac robore ætatis indumenti elegantia, ac splendore ad omnem luxuriam fluentes, resurgentesque ultrò citròque per alas divisi longissimum agmen trahebāt. Populus pedes passim immixtus equites intercusat; resonat undique clamor, plaususque quibus verborum distinguere sonitum dabat ætas, effusè tunc exultantium Regemque Bregantium vocibus repetentium.

Inter hæc Uliſſipponis Antistes ad templum maximum venit. Eo statim populo convocato solemnem, ut Ecclesiæ mos est, processionem, seu pompam instituit, sacrisque suo ordine, & loco ministris emissis, ipse tandem Antistes, modesto, gravique incessu conspicuam sinistra gerens Christi patientis imaginem, ore pacem annuncians; occurrenti certatim populo dextra more Præfulum benedicens progreditur. Illa specie, & corporis habitu Antistes postquam frequentiorum viarum flexus emensus est, grande quoddam prodigium sibi fortè videre visum quod prope attonitos omnes, intermissa repente via, ac stupentibus similes tenuit. Visa namque Christi in breve confixi dextera ex-obliquo ligno resiliens, seu data opera excusso, seu per se avulso, aut fracto credito clavo in benedictis figuram extendi. Nihil utique acrius exagitat plebem, quàm per vera miracula, aut ficta illi incussus à Numine timor, vel spes; viventique propius secundum naturam, auctorem naturæ præ cæteris datur revereri, aut metuere. Itaque velut pignore in illo signo super-

na dextere accepto, quo secundis auspiciis, & plusquam addicentibus avibus, novum conderetur imperiū circumstrepere omnes, præ lætitia lachrimas spargere, pectora ictibus tundere, & quasi gemitibus cælum; certatim alter alteri gratulari, Deūmque vindicem, & custodem libertatis asserere. Mulieres præsertim, quas quidem intemperantiū in humano quocumque affectu naturalis levitas agit, domi altercantibus similes crinibus passis, scissōque cultu, & fœmineo ululatu tanquam fanaticæ discurrebant. In hunc modum affectos, inclinatosque ubi animos cernit Antistes, velut & ipse miraculo captus paulisper suspensus, ac tacitus substitit. Mox concionabundum in modum à rebus divinis exorsus populo declaravit. Eamdet scilicet Redemptoris è cruce pendentis effigiem Alfonso, qui primus in Lusitania regnavit, cælitus olim repræsentatam ei victoriam contra Mauros, primique in hoc regno gloriam, & ornamentum diadematis contulisse. Eo ipso præterea die Sancto Nicolao Myrensi Episcopo consecrato, quo idem Alfonso obierat venturum in urbem Bregantium, ut idem profectō dies qui illi cœlestis initium, huic regni terrestris auspiciū foret, nec fieri utique potuisse absque altissimæ mentis consilio, & concurrentium causarum cum admirabili ordine orbe, et tanta concordia, hominūque consensu, impulsūque ultima primis contexta essent. Jactavit etiam Antistes multos abhinc annos jam decantatum, & ab eodem Alfonso, ut fertur, illud editum vaticinium, tanquam ea ipsa, quæ interfluebat, tempestate consumptum, scilicet quod in sexta decima generatione erat regnum attenuandum, idque multa celeritate, ac facundia, & acuminum lenociniis in Ducem Bregantiæ tunc clavi regnum suscipientem detorsit. Ad Castellensium deinde superbiam, & arrogantiam, & toties

reprehensa in regimine vitia verborum flumine revolutus postquam horrida, acerba ac turpia omnia ut infectus subdebat animus, de præterito pinxit, ea futuri spe imperii Lusitanos implevit, ac sustulit, quam ipsam præcipuè spem, imperiique salutem Christus ipse refixa mirabiliter manu in eodem stipite confixisset. Hæc & similia dixit Antistes. Hujus tamen miraculi fidem quæ Lusitanos, & Castellenses pro animi studio, affectūque diversos ac varios in illo asserendo distrahit, nobis in medio relinquere placet. Inveteravit enim à mundi propè incunabulis mos per veram aut falsam populo injectam religionem fundare, statuere, aut fluctuantia componere imperia. Ad hoc ergo genus superstitionis mirè nunc propendentibus animis, alia super alia prodigia quotidie renuntiabantur, pridiana videlicet ante tumultum nocte visum Vasconcelli cubiculum diris avibus circumfusum; & Eboræ Marchioni Ferreiro, cū Lusitaniæ defleret calamitates, lectæ, probatæque fidei mulierem, vitæque integerrimæ respondisse, jam ærumnarum urgere finem, quem suffixus cruci Salvator erat dextera signaturus; & Bregantio ab Almada in Regiam Principem Margaritam salutatum quondam eunti, visam effundi ex ejus capite flammam, quæ in orbem contracta rutilantis Coronæ speciem effinxerit, & alia his similia prodigia divulgabantur, nec deerant falsitatibus testes; aliis ut fieri solet auditu, aliis memoriæ turbatione, aliis oculorum ludibrio falsis, aut fallere alios ex composito cupientibus. Cæterum postquam ea sacra per urbem ducta cum plausu, atque strepitu pompa est, ac simul concionem ad populum habuit Ulisipponis Antistes, Palatium subinde ingressum rogant eum conjurati ut usque Bregantii ad Ulisipponem adventum, urbis, regnique administrationem accipiat. Munus hic dedignari callidè primò



primò simulat , imparem se tanto ditans oneri , humeros tamen se submissurum fuisse , si ad tanti modò laboris , & periculi partem Bracarenfis Antistes accederet , novam esse regiminis disciplinam , volubiles res ; coortam , sedatamque feliciter tempestatem multos adhuc concoquere , multos ejicere fluctus ; principia regnorum in arduo , & maxime impetu facta populi , & contra eum qui plus opibus posset ingentem æmulum constituta , Plurimorum annorum & ipsa pertinax æmulatio utrumque Antistitem hæcenus exercuerat , nam præter ingenii morumque dissimilitudinem , crebro unde odia , ut eorum similitudine gignitur amor , intererat etiam concursus quidam earum , quas gubernabant Ecclesiarum , cum sic Bracarenfis auctoritate , atque ordine quemadmodum Ulisipponensis utilitate , & commodò in Lusitania primas obtineat ; favor præterea Catholici Regis , qui videbatur in Bracarensem proclivior adeò Ulisipponis Antistitem torserat , ut is inde potissimum actiores stimulos sumperit novas in regno res machinandi . Hujusmodi æmulum tamen ad regiminis societatem petebat Ulisipponis Antistes , quò ut tunc credebatur , Castellæ animo dudum hærentem consortio muneris alienaret , vel ut opinionem & famam cum invidia , atque nota crescentem à se perpetratæ defectionis unà cum æmulo partiretur , vel ut ita repungeret etiam Catholici Regis ministros , nam id quoque jactatum est quòd tantum fiducia atque gratiæ ingenio venali , ac temporibus servienti tribuerint . Quarum ambitus artium cum sagacem hominem minimè fugeret , invidiosum , & anceps , simul suspectum tanquam ab æmulo oblatum officium constantissimè respuit , unusquisque propterea Ulisipponis Antistes quanquam in speciem invitus , usque ad accessum Bre-

gantii novæ gubernationis arbitrium subiit .

Sulcepti porrò muneris facinus in Antistite primum fuit , tres Castellenses excipere raves quæ intra portum ancora tenebantur . Mollius enim per id temporis sorte Lusitani conatibus indulgente , cum prior tumultuantium conspiratorum furor irrumperet , fortè in urbem rectores navium negotii causa diverterant , cumque idem furor , impetûsque animorum ceteros Castellenses cum navium quoque gubernatoribus sustulisset , idcirco desertæ , ac prope inermes sine Ducibus naves à gregario milite proditæ sunt . Quibus tam facile captis Lusitanoque præsidio munitis , faceßere statim Regia Margaritam Sabaudiam jubet Antistes , quippe quæ magnifico , ac regio cultu pro sede Bregantii paranda esset . Princeps quæ jam transverso fortunæ cursui aptare didicerat animum , nulla interposita mora , nullo aspero effuso verbo , sarcinis raptim collectis excessit . Digredientem non aulicorum , ut paulò antè fiebat , & assentantium turmæ ambitionis , libidinisque mancipia , sed rari , & perpauci quemadmodum sunt adversæ fortunæ comites prosequuntur ; Ex primoribus constantia duntaxat , atque animi magnitudo in sexus regique stirpis venerationem , & cultum Bracarensem Antistitem tenuit ; qui , quanquam sciebat haud quidem levia struere sibi pericula hoc palam exhibitum Principi obsequium , his tamen contemptis , promiscuo famulorum officio sceminam transmigrantem secutus est . Complures etiam nobiles Lusitani , etsi interius retrusam , & incorruptam fovebant in Catholicum Regem fidem , publica tamen luce , & ad aliena , ac severa transitura suffragia prudenter abstinere , porrò clam Margaritam visentes , vitamque & fortunas sese pro Rege paratos effundere profitentes , benevola,

& comis illa complectebatur, moderabatque iras, & consilia flecebat, ne temerè quidquam intempestivo tempore audentes sese resque Regis, quæ cunctando, & fortuita captando reviviscere potuissent, celeritate labefactarent. Caterum solitariam, angustam, privatam in domum ab Regiæ fastigio delapsa mulier vario ibi conflabatur incommodo. Domesticos sine civili cultu, sine ordine, sine solita disciplina tumultuaria propè miscebat sedes; mulieres cum viris, majores cum minoribus famuli implicabantur; confusa, intermixta ibi omnia, plena stomachi erant, plena laboris. Accedebat, & tenuis mensura victus, & excubantium militum fremitus, & rusticorum ludibria, & miseriarum quasi ex gurgite redundantium ab omni parte molestiæ, tum præteritæ felicitatis memoria, & confcius generis, atque amplitudinis fulgor acerbioribus stimulis languentem animum fodiebant.

Dum hæc Ulisippone agebantur, alia mens Villavitiolæ alia & ea propè luxuria, & ad terrorem conficta machina rerum Bregantium exagitabat. Is pridie, quàm Ulisippo defecit propius periculi magnitudinem sentiens, cum alia spes, alia metus consilia subiceret, discordibus studiis, diu secum ipse luctatus, raptum animum in diversa trahebat. Jamdudum idem ipse decreverat, si Ulisippone fortassis intenta res fessellisset, irrumpere armatus in regnum Algarbiæ, vel ad Elvi præsidium arcemque confugere, turbatarum inde rerum, & clientium conspirantium eventum expectaturus. At in puncto rei peragenda pavor ita memoriam, tandiūque rerum collectas species excussit, ut pravo se studio, insanōque amicorum consilio præcipitem datum existimans, quasi tot ex periculis evadendi facultate sibi præcisa dolore penè conficeretur, & incæpta, si posset, intercidere cuperet. Hoc animi cruciatu to-

tam sollicitam diem, & proximam noctem insomnem, ac perturbatam exegit; cūque variis implicatisque sententiis multum hæsitans animus, multa revolvens multipliciter versaretur, vicit tandem in debili ingenio, ejusque in speciem fortuna minori formidinis vis. Iussit igitur primo ineunte mane currum velocissimis equis instructum ad ædium vestibulum præsto esse, quo tristi fortasse rei ibi improspere accepto nuncio, subinde Castellam versus ad Regem Catholicum advolaret, tanquam facinoris ipse nescius, & alieno errore, ac perfidia sublatus. Ad hucusque perplexum, ac trepidum hominem, curisque acerrimis volutatum Petrus Mendoza, & Georgius Melus Legati per Pintum urbis primariæ, regni que nomine immissi conveniunt; obviam paulisper euntis procumbunt in genua, Regemque & Dominum ipsum salutant, adorantque omnia deinde, & quo ordine gesta erant exponunt, nempe casum Vasconcellum, Principem Margaritam Castellæque optimates arctis custodiis inclusos, receptam confestim arcem, ipsum Regem incredibili omnium consensu, plausūque festisque vocibus proclamatum; idque tanta quidem felicitate, festinatione tanta esse captum, & absolutum, ut ne unius quidem popularis, aut socii sanguis cōmunem gratulationem, & gaudium mæore, aut macula asperferit. Porro tunc complementum omnium votorum, cumulandaque lætitiæ summū pro libertate recepta metropoli fore si coram fas esset aspicere Regem, & sceptri feram manum attingere; quod ille ut quàm celeriter faceret, urbem regni caput, & Ordines regni enixius expetere, ac flagitare. Hæc cū audisset Bregantius vehementem in illo sollicitudinem, afflictique animi angorem par emergentis lætitiæ sensus æquavit. Coorti subinde Regis rumor undique circumsusus oppidanorum, agrestium quot-

que



que nobiles, ignobilisque cominus, eminensque habitabant in unum officii causa multitudinem cogit. Gratulationes ibi, assentationes, aurium illecebræ conquisitæ, fausta novi omina imperii, oscula pedum, oscula manuum, humi projectiones, & omnia adulantium & exultantium incompressa imitamenta, tumultuosa quadam lætitia ab omnibus congeruntur, aliis voluptate rerum novarum, aliis nova surgente spe plenis, tanquam mortalium daretur insecutiæ inter præsentia collata futuris meliora posse secernere.

Hic obsequiis expletis Ulisipponem Bregantius hoc ordine proficiscitur. Curru superbo invehit Petrus Mendoza, & Georgius Melus qui fuerant jam Legatorum munere functi, & Marchio Ferreirus suo loco, & ordine comitantur; proximè turmæ equitum circuibant. Plurimi currus famulis, aulicisque referti, alii propemodum vacui, & ad pompam tantummodò instructi agebantur. Ex oppidis, castellisque & ruribus quoque vis magna populi effusa novum in transitu Regem veneratura cursabat. Obfessæ passim erant spectantibus viæ, tractusque camporum affluentis undique multitudinis copia ad continuæ & frequentis civitatis imaginem inundabant. Hac specie triumphi cum ad Aldeamgallegam, quæ in æstuarii margine sita est, pervenisset parato inde lembo Ulisipponem trajecit. Divi Nicolai Myrensis Episcopi die natalitio vertente, Bregantius in urbem ingressus est. Tum verò imber ingens ea copia aquarum cum turbine mistus effluxit, ut magnifica, & varia, quæ in ostentationem lætitiæ summo labore, & impendio constructa erat, eversa mole, ceteroque disiecto apparatu occultus, & celer Regiam Bregantius intraverit. Ea mox excussa procella, ubi Regem adesse dissipato rumore constitit, immensæ multitudinis, quan-

tam quidem eruerè populosa civitas poterat, fit concursus ad Regiam videre se velle Regem assidue clamantis, & obstrepentis. Bregantius, ut civibus suis populariter blandiretur è sublimi fenestra gravitate, ac suavitate simul composito vultu sese inspectandum paulisper dedit, reiteratis momento illo majori conatu, ac lætitia populi vocibus, plausibusque Nocturna deinde spectacula regio ornamento, atque jactantia digna per noctis caliginem effulserunt. Erant ibi flammarum aliæ ingentes, & incompressæ strues, aliæ in Theatri figuram, & pulchritudinem scenæ mira elegantia, ut artificio dispositæ. Tonabant simul è tormentis dispolitis emissarum pilarum fragor, campanarum sonitus, clangor tubarum, tiliarum, nervorumque concentus, & gestientis, subsultantisque populi clamor, & voces, ut simul ardere, strepere, ac lascivire tota civitas videretur. Festivus hos inter ludos ad ancipitem formidinis, & voluptatis speciem compositos tres proximè insequentes noctes absumptæ. Regi deinde solemniter coronando condita dies intermedia Decembris est, qua porro in aula amplissima Regiæ Bregantiæ Dux à populo traditam imperii Coronam Lusitano servato more suscepit. Reliquos inde regalis auspicii ritus persecuturi ad templum maximum pergunt. Chlamide regia amictus, habituque oris, & corporis ad præsentem fortunam exulto eques unus Bregantius ibat; Ceteri, mos enim erat sive plebeios, sive magnates cum via pedestri, tum detecto semper capite consequi Regem juramentum à subditis accepturum. Hoc summo splendore, aulaque explicato magnificè luxu postea quam templum ingressi sunt, inibi ad aram maximam pro Lusitano Rege Joanne data jure jurando fides, acceptaque est. Sed eò accedentes recedentesque sæva, ac perpetuò contorta procella ruens crebrò disiecit ordines,

vestiûmque ornatum, & pompam afflixit, adeò, ut superstitionis errore, ad quam proclivior ea natio est, plerique correpti, nonnulli cælitum iras, alii ingentis effusæ lætitiæ signa ut suis quisque imbutus animo erat, in ea turbida tempestate cognoscerent, perinde quasi insolitum foret, frequentes ætherem imbres, ac tempestates excutere. Paucis post interjectis diebus, Aloisæ Gusmanæ Bregantiæ Ducis uxoris in urbem adventum nocturna instaurata spectacula, acclamationesque populi clamore, & concursu maximo repetitæ celebraverunt. Ingenuæ mulieres virorum officia æmulantes ad eam velut Reginam, imò veriùs artificem regni cumulatiùs honores deferunt, eratque planè notatu dignum, regiam auctoritatem, ac supercilium, in sermone, fronte, gestuque eò propriùs uxorem, quàm virum sustinuisse, ut fictitia, & arte quæsita Bregantio, quorundam Hispanorum, species illa majestatis augusta, mulieri autem ferè ingenua videretur.

Gratulationis obsequiis, festisque transactis diebus. Quæ prima Bregantii ad novum licet stabiliendum imperium tot negotiis, & curis impliciti, subiit animum cogitatio de Margarita Principe fuit. Regalis ejus prospiciæ, & veneratio debita sexui, & morum ejus integritas, atque virtus mitius in illam suadebant agere. Ex alia parte muliebrem timebat audaciam, & intractabile ingenium, & in hac maxime dignitatem, ac celsiorem gradum fœminæ Principis, & quod nisi arctius gratia, aut formidine teneretur, impune ei propemodum licuisset in fluctuanti jam regno grassari. Selectis ergo ex suis famulis viris imponit, ut Margaritam conveniant, ac certiorum suo nomine faciant, ipsum sollicitè curaturum, quo tempore illi manendum in Lusitania foret, ne obsequio personæ pari, neu domestica opu-

lentia atque copia tanta Princeps defraudaretur. Infixus enim, atque intimè præsens ejusdem hærebat animo communis, & gentilicis Austriaci, Portugalli, atque Sabaudii per affinitatem commistis sanguinis splendor decusque, cui & illa ornamento suarum quoque virtutum mirabilem lucem addiderat; Caterum, ut ipse pergratum, & egregiè obsequentem ejus se dignitati, ac merito fore desiderabat, ita impensius mulierem rogabat, ne clandestinos catus iniret, nec obliquè nec rectè fereret voces, quæ nobilium offendere fidem possent, aut popularium mentem turbare. Hæc cum mulieri referrent Bregantii nomine famuli, illa tum spreto eo urbanitatis officio, in Lusitanos vehementer inveccta respondit.

Hanc Lusitani imperii, mutatio-  
nem, quò temerarius aggressus, &  
violentior ipsa exitu fuerit, eò mi-  
nus ex usu rerum, & naturæ ordine  
duraturam censendum esse. Volu-  
bilis quoque fortunæ, atque in or-  
bem se semper agentis circuitus, &  
tricas inexplicabiles esse, hoc tamen  
clarius exemplo constare, quo ipsa  
magis, magisque arridere, ac præ-  
ter morem, & modum suffragari,  
ac blandiri insipientibus videatur, eò  
citius irasci, ac retro volvere consue-  
visse. Si verò placeat novarum rerum  
perpendere causas, quæ si validæ  
sint, valescere etiam effectus; si in-  
firmæ, corrumpi; si deinde recur-  
rant, res iterum immutari. Hanc  
quidem regni defectionem incipere  
paucos tantummodo aûsos. Inopia,  
vel casu, aut amentia complures,  
aut vitioso pudor tractos ei temerè  
consensisse. Cateros quidem, & me-  
liores hæc turpiter perpeti, quàm cum  
periculoso repugnare, aut pro alieno  
imperio configere maluisse. Verum-  
tamen ubi præmiis illis ingentibus  
quæ gratis in animo deglutierant, sese  
randem



„ tandem frustratos conjurationis au-  
 „ ctiores noverint, cum neque suis, ne-  
 „ que sibi dare satis, nec solvere potens  
 „ imminutus regulus sit, brevique è ma-  
 „ nibus labi, atque arefcere spem falsò  
 „ conceptam viderint, alias ex aliis res  
 „ novas, & turbamenta reipublicæ  
 „ commenturos. At verò quæ eo tem-  
 „ pore premerent onera tributorum,  
 „ quæque subinde impenderent, ut  
 „ prædicabant, intoleranda, ad tantum  
 „ nefas Lusitanos egisse scilicet post-  
 „ quam atrox indictum à Catholico  
 „ Rege bellum, cujus propediem inflari,  
 „ ac tristia canere classicum propè jam  
 „ exaudiri, perfido regno fuerit, mi-  
 „ nuenda, demendane tunc an augèda,  
 „ vel cumulanda tributa forent; & qua-  
 „ lem etiam, existimandum, tererrimi  
 „ belli fortunam futuram, cum duorum  
 „ regnorum commissis opibus lacertif-  
 „ que ad certamen emensis, & si duplò  
 „ major, quàm est, illa esset, Castella  
 „ prorsus Lusitaniâ obrueret. Ergo  
 „ ad obsequium, & citò redirent, men-  
 „ tisque caligine excussa redirent in  
 „ viam ne fera denique pœnitentia sine  
 „ dubio perituros exciperet, neve sub-  
 „ verterent regnum dum hoc reparare  
 „ stultissimè cuperent. Sceleris ipsam,  
 „ aut levitatis, aut erroris humani ve-  
 „ niam, cum penè res integra sit apud  
 „ Regem exoraturam. Cum hoc res-  
 „ ponso ad Bregantium remissis, qui ejus  
 „ pertentatum animum venerant, ille  
 „ dum libertatem, ipsamque fœminam  
 „ metuit velut turbatis, ampliùsque tur-  
 „ bandis fortasse rebus & suo ingenio, &  
 „ prærogativa nobilitatis idoneam, mu-  
 „ tat ei statim priorum ædium custodiam,  
 „ & ad quoddam extra urbem cœno-  
 „ biũ duplicatis excubiis transferri jubet;  
 „ ad hoc iræ plenus, & querelarum pa-  
 „ lam de Principe loquitur, quò omnes,  
 „ ut illi suspectæ, atque invisæ Marga-  
 „ ritæ congressum, & amicitiam fuge-  
 „ rent, cariores domestici ejus domo,  
 „ regnòque exacti; crescunt custodes,

familia minuitur; linguæ libertas in  
 arctiorem vitæ usum, corporisque cu-  
 stodiam delapsa est. Sic Principe in-  
 tuto posita, post Julianam ad occupan-  
 dam arcem toto conatu Bregantius in-  
 cubuit; cujus situs, & utilitas arcis ut  
 manifestius eluceat, pauca in primis  
 oportet Uliſſipponis ab urbe decer-  
 pere.

Uliſſippo opulentiâ, amplitudine, cla-  
 ritate inter omnes urbes, nedum Hispa-  
 niæ, sed totius etiam Europæ celebris,  
 septem jacet imposita montibus. Quà ad  
 Orientem vergit maris Oceani, Tagi-  
 que fluminis confluentium in unum  
 intermixtas delicias habet, nam fretum  
 mollibus stagnis effusum longè latèrque  
 in continentem profluit, pleno ubi al-  
 veo Tagi occurrentis exceptum relabi-  
 tur, adjectòque flumine tumidum no-  
 vos semper ætus, novòsque gurgites  
 faciens latiùs in ripas projicitur. Amnis  
 deinde marisque concursu, fluctibusque  
 reciprocatis cum sæpe collisa, refracta-  
 que motibus aqua reflueret, ut fessa  
 tandem atque in palude vastissima tor-  
 pens latissimum navibus portum, ju-  
 cundam obtutibus scenam urbique mu-  
 nimen, ac decus affert. In utraque hu-  
 jus stagni patentis, quæ in virides pla-  
 nities extenditur, vel in amenos infla-  
 tur tumulos ripa, varia spectantur op-  
 pida, atque castella, villæ rusticæ ur-  
 banæ, omnia elegantia, ac pulchritu-  
 dine situs insignia. Qua maximè parte  
 Uliſſippo usque ad Cascalium patet, sex  
 prominent arces, quarum ea major  
 quæ Divi Juliani dicitur arx, est in con-  
 finio Tagi æstuarii, ubi inter mariti-  
 mos amnis confunditur fluctus, ac de-  
 finit; Uliſſipponensem, ut meminimus,  
 arcem in primo conjuratorum impulsu  
 ejusdem ruina urbis oppressit: ceteras  
 porrò arces, aut futes minæ, aut obla-  
 tus armorum terror, aut Rectorum  
 perfidia, sive segnities prodidit. Una,  
 & majoris profectò molis arx Juliana  
 supererat quæ marimo erat necessaria

commercio, eaque tum arte, tum natura propè invincibilis. Pelago hæc cella imminet, atque in faucibus sita portus ubi arctius cogitur aqua, eaque externa ita urbi, cum velit, intercludens auxilia, ut sibi maritima firmans quâ fortè appetita cum esset fame opprimi, aut premi difficile potest. Terra qua à tergo cingitur, vallo fossa, muro solido & humo congestitia firmato, simul septuaginta majoribus belli tormentis, multoque præsidario milite tenebatur. Ad hæc Dux Maquedensis cum expedita, magnaque classe stationem tunc apud Gades habebat, haud infirmum, ferumve arcis, si foret opus, nec spes fefellisset venturum auxilium; cumque claustra illa portus eo tempore obnoxia Castellensibus essent, parata subsidio, nec valde remota classis. Proceres Lusitani jam dudum genere sibi, conditione, fortuna pari repente in Regem elato viro cum inviderent, ac mussitarent, occasioneque imminerent, ideoque domi res novæ, foris hostilis timeretur incursus, vehementer optabat Bregantius, quam celerrimè posset arcem infestam, ac validam obtinere. Igitur Lusitani de bello Senatus consulto Antonio Saldarico viro impigro, & militari Juliana arx oppugnanda committitur. Is statim armis, & milite acceptis, & prius per secreta colloquia Ioannis Cuevæ Præsidis fide nequicquam tentata, præliarem suggestum in hunc modum instituit. Arci objectus ad tormenti bellici jactum collis assurgit, qui tunc data opera fuerat vallo, atque aggere septus. Hinc candentium pilarum crebro effundere imbrem membra pulsandi, ac frangendi animo Antonius, sed cum vel ictus humus congesta falleret, vel durior ipsa saxorum compago veterum staret, aut levis ruderis jam reflecteret, ideò lentæ, aut inanes pleræque rejectæ pilæ ruebant innoxie, simul qui ab arce pugnabant cum tanquam testudine tecti conflige-

rent, hostes verò nudato fermè corpore, atque ictibus subjacentes iniquo sane Marte conferrent arma, inde alacritas, & securitas, hinc metus, & horror, cumulisque cadentium, spirantiumque strages immensa militum erat. Rei igitur difficultate, ac perniciè satis huc usque comperta; ad hoc metu ne Dux Maquedensis in longum obesset fortasse arcis alacriter subveniret, rursus tractare deditio majori studio, ac sollicitudine capit. Forte per id tempus eadem in arce ut carceri mancipatus agebat Ferdinandus Mascaregnus Comes Turrianus. Crimen erat in causa, quod classis Præfectus cum mare Indium navigaret, quæstus turpitudine illectus onerarias pro expeditis, ac bellicis naves Hollandis opposuisse, ex quo Hispanis navibus profligatis, multisque depressis, tandem spoliatus, victusque Comes navali prælio discesserat. Hic porro seu facti conscientia, ideoque flagitii vindictam timens, seu laceßitæ innocentie ira commotus, ideoque per nefas illi malè succurrere cupiens omnium, qui aderant primus ad defectionem conversus promissis, minisque capit, ac rationum momentis iniquis hucusque incorruptum Præsidis animum agitare. Constantiam videlicet, & sollicitudinem illam, Julianam ad arcem tuendam sapere jam pertinaciam, ac præcipitis animi notam, & sine ullo dubio à veræ virtutis recedere gloria, omnibus quippe urbibus, oppidis, præsidiis, arcibus regni à novi Regis pendentibus nutu, & arbitrio, quid oblectari, aut hæc diutius arcem unicam posse, eamque desertam, inviam, in solo adverso, in hostico mari, undique adstrictam, & hostibus circumfessam? Navigium quod Duci Paulo ante Maquedæ ad postulandas suppetias miserat, aut vorticibus haustum, aut ab hostibus interceptum. Reliqua inten-



„ aut remissa, aut tardiora urgenti ne-  
 „ cessitate, ac periculo fore. Decipere,  
 „ ac nimium efferre plerumque fidu-  
 „ ciam loci: multa quæ impedita vel  
 „ ardua natura, & artificio videntur, ar-  
 „ te tandem, consilio, tempore supera-  
 „ ri, nec ullam propemodum rem tam  
 „ abruptè, tam altè naturam seposuisse,  
 „ quo nequeat tandem evadere virtus.  
 „ Brevi sanè quassata soloque disjecta  
 „ visurum ictibus mænia, quæ jam exi-  
 „ guis ruinis fatiscere inciperent. At  
 „ si ænea illa quidem, si adamantina  
 „ forent, quid effugii, quid levamen-  
 „ ti deinceps ab instantis, minitantisque  
 „ famis ore, & unguibus esse? Secun-  
 „ dum exactam disciplinam militiæ pa-  
 „ ri laude servire officio, qui robustam  
 „ sustinet arcem, nec officio deesse,  
 „ qui labentem, & fluxam deserit.  
 „ Cæterum cum metu minus, quàm  
 „ præmiorum cupidine tangi strenuum  
 „ militem deceat, eo quod nec vitium  
 „ ambitio, ut vulgo creditur, sit, ac si  
 „ tale profectò esset, hoc propius virtu-  
 „ ti accederet vitium, pro dedita sibi  
 „ arce offerre illi Bregantium Christi  
 „ militaris Ordinis stemma, tum octin-  
 „ gentos aureos nummos unoquoque  
 „ solvendo anno, & per hoc insuper  
 „ Regis adepta gratia quam plurima  
 „ emolumèta, & proniorem ad majora  
 „ regni munera cursum. Videret idcir-  
 „ co, ne falsa fidei, clientelæ, & obsequii  
 „ specie, vanisque nominibus captus  
 „ inexplicabili errore prolaberetur. Id  
 „ honestius, id melius mortalibus esse  
 „ quod utilius, ac tutius. Peierare, fran-  
 „ gere fidem, æs alienum non solvere,  
 „ modo, modo libidine uti, & scelere  
 „ quoque si ita quandoque utilitas fer-  
 „ ret, quæ in privatis crimina Reges ap-  
 „ pellant, eaque acerrimè vindicant,  
 „ prætextu révera non causa reipubli-  
 „ cæ multo magis familiaria, & consue-  
 „ tudine trita esse Regibus quàm priva-  
 „ tis, hosque liquidos illis rivulos ab  
 „ illius instituti fonte manare scilicet

extra legem, & rationem per fas, pér-  
 „ que nefas ad usum cuncta dirigere,  
 „ quo tempore contra ipsi obsequium,  
 „ & fidem in Regem liberis, vitæ, for-  
 „ tunisque postponere vulgò ad pro-  
 „ brum, ac dedecus extremumque sæpe  
 „ supplicium vertunt. Ita ergo pòten-  
 „ tiam, & opes quæ propter augenda  
 „ omnia miscere Regibus liceat, cur  
 „ nefas in cæteris illorum vestigia se-  
 „ ctantibus esse, censendum, pro ea,  
 „ quam fortuna dedisset, portione cap-  
 „ tare? Ipsum maximè Ferdinandum  
 „ aulicæ fraudis, ac Principum levita-  
 „ tis triste humanarum rerum specta-  
 „ culum in se omnibus exhibere, à quo  
 „ tot pro Rege laboribus terra, mari-  
 „ que perfuncto, per idem temporis af-  
 „ sentantium, & scurrarum calumniis  
 „ oppresso præmii loco carceris, &  
 „ ignominia pœna repeteretur. Sic ma-  
 „ los malitia perdi, si boni fuerint in-  
 „ vidia, nec probo, nec improbo esse  
 „ tutum in aula locum. Quod casu, aut  
 „ industria subduxeris per dolum, aut  
 „ fugam id retineri tantummodo posse.  
 „ His verborum quasi præstigiis Joannem  
 „ Cuevam genere Castellensem impul-  
 „ sum, quem arma minimè vicerant,  
 „ avaritia subegit. Proinde certa, ratâ-  
 „ que inter eos pactione perfidia Julia-  
 „ nam arcem Bregantio addixit. Et Bre-  
 „ gantius quidem, cum arcem haberet,  
 „ ne dum in fide promissi steterit, at Di-  
 „ daco etiam Suario, qui in Castellæ par-  
 „ tibus erat, succulentos ereptos hortos  
 „ eidem Joanni, jam perfidia mercede  
 „ soluta, insuper dono dedit. Proditor  
 „ autem etsi magna deinde penes Bre-  
 „ gantium floreret gratia, nunquam ta-  
 „ men ad ea evectus munera est, quæ  
 „ vel usu justitiæ, vel secreti fiducia spe-  
 „ ctatæ integritatis hominem postulant;  
 „ cum æquè proditio placeat, ac prodi-  
 „ tionis exemplum cavere singulos do-  
 „ ceat. Arce ita dedita, & Lusitano statim  
 „ infessa præsidio; paulò post quatuor  
 „ naves in alto, quæ velis tumidis por-  
 „ tum

tum petebant, ab arcis specula inspicuntur, erantque à Duce Maqueda naves, postquam arcis periculum noverat, munitione, alimentis, & milite plenæ in ejusdem subsidium præmissæ. Regebat has naves Sabinianus Manriquius Frixiliani Comitis frater. Interceptæ tutelam arcis Bregantius Josepho Meneseo commiserat. Jamque haud procul ab arce naves appropinquandi signum opperientes inflexo velo, cursumque per orbis eluso super fluctibus circuibant, cum Meneseus fraude naves circumventurus in summo arcis Catholici Regis vexillum figit. Hoc viso Manriquius, qua ferebatur ipse navi velis majoribus prætervectus, dum arcem temerè ingreditur, unà cum sociis in vestibulo capitur. Tunc manifesta Lusitani fraude comperta succensus, sto. machatusque Manriquius. Bene congruere, inquit, Regem per dolum intrusum dolo, & fallacia cuncta conficere, aliisque congestis maledictis, & probris Lusitanos ceteros laceravit. At querelas in irritum jecit, ac libertate oris abusus id tantum obtinuit, ut nempe diutius in carcere torqueretur. Reliquæ verò naves, ubi insidias subesse noverunt in altum statim evectæ dilapsæ sunt.

In hunc modum Bregantium cum prævalidæ arcis accessione ab omni jam intestina regni cura solutum etiam, atque etiam externæ res agitabant; subeundum profectò celerius, & acrius cum potentissimo Rege bellum, quod non imperium & gloriam cum ipso usitatam armorum haberet causam, sed ad privatam quoque erepti regni ulciscendam injuriam, & pœnam à se ut à rebelli petendam decertaretur. Bellatoris itaque pristini Regis inopia, & immodico sumptu cum expilatum jam esset ærarium, ambitio, & paupertas, quæ acuere præsertim solent ingenia, novas res pro pecuniæ collatione comminiscuntur. Primus ipse Bregantius

magnam auri, argenti que molem, quam per mille artificia ductam in domesticos usus aut fingi fecerat ipse, aut ab atavis fictam acceperat, fundi per ignem cum Ducis inciso in illa stemmate jussit, & in pecuniam mutari ut simul privati deleteret memoriam, ut ærarium locupletaret. Studio, & exemplo, aut assentandi fortasse gratia cives reliqui concitati argenti usuarii certatim acervos in publicas mensas conferunt, humique projiciunt. Quin & mulieres etiam quas maximè inventa formæ remedia, cultus scilicet ornatúsque artificia, & lapilli cinninque delectant, ultro offerebant in aures, anulos, monilia omnia instrumenta luxuriæ, & pulchritudinis adjuncta, ut in signatam pecuniam converterentur. Bregantius verò omnibus gratis amplissimè actis inhibuit ardorem illum, & vim ea fidei, affectúsque æmulatione certantium, adjiciens tanta se voluntate pro ætiori tempore usurum, tantumque modò in tributū rationem accepit à viris Ecclesiasticis sexcenta nummum millia à nobilibus quatuor, à populo decies centena aureorum millia, quas ultro quidem congestas opes evenit, ut fortuita quoque res cumlaret, quippe navis ingens ab Indiis, inscio Rectore defectionis ad portum fidenter appulsa, ibique statim excepta quingenta nummum millia opulentas super merces ad Ulisipponis oram exposuit. Postquam in hunc modum Bregantius futuro gravique bello providit, ad Politicum inde regimen versus exauctorat confestim qui in armis, & toga Catholico Regi hæcenus ministraverant, eorumque ejectorum in locum substituit electos homines partium, eosque præsertim, qui Regi sibi contuendo acriorem operam dederant. Haud ita tamen his in muneribus conferendis virtutis præputuit, aut meriti ratio, quo minus largitione, & ambitu turbarentur. Æarii enim hujusmodi



di erat egestas, & egestatis sollicitudo, cum radicibus destitutum egeret, ut eam per licita, atque illicita explere necessitas cogere videretur. Magistratus & alia publica officia alibi venum, non dono aut merito dari, lege ita sancitum est. Hoc nefas est in Hispania, quæ à tali instituto per antiquam, ac veterem disciplinam vehementer abhorret. Hujus tamen vulgaris censuræ, opinionisque discrimen consuetudinis ratio tantummodo posuit, quæ prout vertitur ipsa, & loco, ac tempori aptatur, varios colores, & facies rebus omnibus ingerit. Fuere propterea, qui necessitatis indemnitate proposita persuasum Bregantium vellent, ut abrogata veteri consuetudine per aliam à se conditam legem venalium officiorum demeret contumeliam, exin opulentos, & firmos, nulloque egenorum incommodo in regno redditus habiturus. Videndi assuetudine placere cœpisse populo quod prius insolentia displicuisset. At ille famæ se primò fundentis, latiusque explicantis exordia, quibus maximè nova nituntur imperia, & quæ per virtutes, aut species virtutibus similes stabilire necesse est, tum populi offensionem timens, neve clariùs, apertiusque pateret, qua tunc respublica laborabat, nervorum, & virium infirmitas, contradixit; quasi tamen connivente Bregantio, nundinatio, ambitusque furtim illata sunt, ex quo veteri palam disciplina incorrupta, ærario cautè consultum est.

Inter hæc Margarita Sabaudia, clam instigante Francisco Luzena, arctiori quotidie custodia, variisque ærumnis afflictabatur. Pergratus in primis, acceptusque Bregantio Franciscus Luzena erat, è secretis Consilii Status, homo callidus, promptus, versutus ingenio, multisque artibus illi pio imperii administratione devinctus. Is Lusitania deficiente, cum Mantuæ Carpetanorum negotii causa filium habe-

ret, idemque ideo ibi detentus, & custoditus cum propitia fortuna patris affligeretur, eadem valere tunc Margaritam apud Catholicum Regem existimans, qua & ipse valebat penes Bregantium gratia, filii surripere libertatem vexatione Principis intendebat. quocirca nisi ille in speciem honestam, utilem certè jactabat causam, oportere videlicet eos cellos fœminæ spiritus, animique magnitudinem frangere, ne quid fortè ob recentem memoriam ab ea suaviter acti in Lusitania regiminis carior, multisque septa clientibus mulier in regno, & contra regnum occultè strueret. Itaque fessa jam Margarita ludibriis, & propè squalore, lachrymisque confecta, per secretæ pietatis ministrum monet Bregantium. Ipsam quidem non ejus subditam esse, non Lusitanam, non mulierem promiscui vulgus, non jure belli captivam teneri, & tamen eousque esse sibi patientiam propter molestias, contemptus, & miseriarum fœditatem absumptam, ut ministrorum ejus sævitiam, ac rabiem sese penitus satiasse censeret. Daret igitur tandem commeatum ad Castellam petenti; si enim innoxia, natalium nota superior, & jure gentium immunis, libertatem deceret, sin autem rea ipsa erat, jam satis pœnarum, quæ hucusque perpessa esset, in atroci custodia dedisset. Hæc ille Bregantio pro Margarita Principe exposuit. Bregantius contumeliarum, quas ille protulerat insolenter esse Principi inflictas, primò non modo se planè ignarum, sed mirabundum etiam, & ex animo condolentem assimulat, deinde se impostero curaturum, adjungit, ne tanto merito injuria, ne querelarum occasio apud Principem fieret. De commeatu quem in Castellam Margarita desiderabat, quoniam magni momenti res esset, nihil integrum sibi fore inconsulto Senatu statuere. Hunc tamen propediem de re consulturum. Igitur ea statim res

ad Senatum relata, ut singulorum diversa inclinationes, & studia erant, Consultores in partes traxit. Quidam gratuito & cum honore potius dimitte-  
 rendam esse mulierem arbitrabantur à ratione, & modestia consilia subducta probantes, non modò honestatem, ac decus, sed etiam utilitatem sæpe numero mutuari; nec jus omnino apparere, aut colorem aliquem juris, quod verè implicet libertatem illi Principi infanti, genere regio, quæque suavi indole, ac moribus, temperatòque dominio de Lusitanis optimè meruisset: Alii plus in re providi, quàm honesti, gratique in permutationem urgebant, quam eo tempore transigendam per occasionem existimabant cum Principis corpore, & iis, qui improvisa Lusitanix defectio-  
 ne apud Castellam deprehensi in Regis Catholici potestate restiterant. Id enim fore afferebant, non injuriam inferre, aut per iram illam ulcisci, sed repende-  
 re illatam, & pari causa, atque actione redimere; ita etiam & vim repellere vi, & clavum trudere clavo dici, & injuriæ solvendæ amovendæque pignus plena, brevique tenere manu. Alioquin obnoxios, bonosque destitui ci-  
 ves cruentis in manibus hostium inter injurias, & contumelias, odia vetera fatiantium, quæ ingenio suo truci, fastuque superbo cum ferè semper in Lusitanos contulerint Castellenses, jam crudeliùs, quis dubitet esse homines ef-  
 fusuros regni jactura irritatos, & canibus similes, quia manum impellentem non possunt, innoxios lapides remor-  
 dentes; neque ea meliorem, aut similem tam facile, aptèque posse oppor-  
 tunitatem incidere, quæ eripere citiùs ex rabie, & faucibus hostium miserrimos cives valeat. Et huic quidem sen-  
 tentiæ acrius Luzena suffragabatur, spe maximè fretus, quod si ea permutatio tandem conveniebat, nequaquam esset Bregantius filium ejus prætermis-  
 surus. Sed quibus perspicacior, & purior erat

ingenii acies, tunc in Senatu comme-  
 morabant, Odoardum Bregantii fra-  
 trem per id temporis in Germania sub  
 Cæsareis auspiciis prima exercere rudi-  
 menta militiæ, & prudenter è re nata  
 cavendum esse ne Cæsar rogatus, vel  
 auro pellectus à Catholico Rege, qui  
 agit arbitrum in Imperio illum Hispa-  
 nis proderet. Igitur Margaritam in Lu-  
 sitania tanquam obsidem retinendam  
 donec solutus, incolumisque Odoardus  
 fratris penatibus redderetur. Hæc ex  
 consultationis excursu illapsa quasi sen-  
 tentia quò æquior ipsa reliquis videba-  
 tur, plaudebatùrque eò minus Bregan-  
 tius placebat ob veteres nempe fra-  
 trum æmulationes, & odia, & quia eo  
 morum candore & illecebra Odoardus  
 antecellebat, ut supra militarem peri-  
 tiam, spiritusque bellaces populare  
 quoque ingenium ejus, & comitas in  
 nondum stabilito, ac tuto regno fratri  
 vehementer suspecta essent. Hoc tamen  
 arcano Bregantius intra recessum men-  
 tis occulto, réque callidè omninò ad  
 aliam, & integram consultationem re-  
 jecta Senatum dimisit. Accitum deinde  
 secretæ pietatis Margaritæ ministrum,  
 qui ei rem proposuerat, dubio impli-  
 catòque responso ad mulierem remittit.  
 Ubi ergo Princeps factu difficile putat  
 tam discordes, & multas & per diver-  
 sos affectus alias aliò trahentes senten-  
 tias componere posse, ac simul molestè  
 fert quod ex die in diem res prolatata  
 aut mora languescere posset, aut arti-  
 ficiis eludi, unum Luzenam ad rem  
 omnem perficiendam per hominem  
 fidum aggreditur, tanta quippe illi viro  
 penes Bregantium auctoritas, & tum  
 in agendo, tum simulando dexteritas  
 erat, ut ille solus obnoxius, judicio  
 Principis, cæterorum circumflexis sen-  
 tentiis, evictòque Bregantio etiam ex-  
 tortam sibi tradere libertatem valeret.  
 Proinde ultro, citroque remeantibus  
 internuntiis, cum opportunas, & æquas  
 pro eo negotio conditiones proponeret  
 Princeps,



Princeps, eas quanquam plenas æquitas, plenas decoris omnes Luzena repudiabat, per hæc sagaciter circumspiciens ut illa fidem oppigneraret, datam scilicet sibi Luzenæ opera libertatem, ejusdem apud Regem interposito fœminæ officio Luzenæ filio reddendam esse. Principem autem etsi minimè fugiebat, quò per ambages, & multiplices fucos Franciscus Luzena spectaret; hærebat tamen, & fluctuabat pro interponenda cum illo fide, ne se denique irrisam, & falsam rerum eventus haberet. Angebatur enim ingenio, sensûque peracti vivida mulier cum animo volveret adversa sese fortuna in Lusitanæ regimine afflictam, ejusque inevitabiles vices in crimen contortas potius, aut errorem fortassè judicii, quàm egregiè à se ibi navatâ operam, ut mos Regibus est, Philippi animum affecisse. Accedebant, & odia quoque inveterata Olivarii quibus ille perculsus paulatim ipsam à gratia Regis per quosdam quasi gradus evolverat, cumque prisco insito hominibus vitio alius in alium improsperi eventus transmittere culpam ministri soleant, quo etiam pacto felicitis vicissim intercipere laudem, & gloriam quam artem in primis Olivarius callebat, eò magis & jure timebat Princeps, ne per regni Lusitani calamitatem opportunius apud Catholicum Regem jam ira, ac dolore commotum ab adversario calumniis, & dolis oppressa esset. Recusabat idcirco Princeps pro illius filii securitate Luzenæ fidem obstringere. Præterea ut satis aula perita moris sciebat, esse non minus periculofum Palatinos irritos pètere, quàm ab invito Principe quodcumque munus accipere, & eo tempore sibi præsertim, quo dignitate, fama, opibus imminutam sub æmuli imperio, & arbitrio omnia in se essent, & invide interpretanda, & acriter ulciscenda. Tandem Franciscus Luzena ubi diu resistentem hærentemque Principem

videt, ne spes unica sibi filium amissum recipiendi, quæ in sola Principe niteretur, efflueret; rem ita composuit scilicet, ut extemplò mitteret mulier ad Catholicum Regem famulum, qui squalorem, molestias corporis animique ægritudinem, quibus fœmina, & Princeps, & consanguinea regia in luctuosa custodia conflabat, exponeret Regi. Verisimile quippe re illa explorata erat, nec Principis causæ, nec studio, nec propriæ existimationi Regem quodammodo defuturum; eoque negotio apud aulam non intermisso, spem ex eo fore, ut aliqua occasio porrigeretur, quam Luzena pro filio arriperet. His ita compositis, plures subinde, & alium post alium ad id muneris lectos nominat famulos Margarita, sed cum minus illos idoneos apud Bregantium gratia, & electio Principis constitueret, omnino Bregantius exclusit. Ultrò ipse tandem è primariis fœminæ famulis Petrum de Motta selegit ad iter, quod ejusdem uxorem, & filios in arcta custodia tanquam obsides retineret. Huic tamen ad Regem ituro, & quam citò discedere cupienti moras egestas necessebat, cum careret ipse pecunia, & mutuam ibidem sumere non daretur ob capitalem noxam Lusitanis publicè incussam, ne mutuum alicui liceret cum Castellense contrahere. Diù igitur Petrus de Motta cum formidine Lusitani, qui inire periculum fugiebat, & suorum concivium luctatus inopia, postquam nihil potuit nummorum eruere, spem planè omnem profectionis abjecerat, cum per Luzenam monetur ut Bregantii munificentia quingentos pro itinere argenteos acciperet. Rejicit ille munus, ut ab hoste suspiciosum, ut causa Regis ingratum, locoque muneris impetrat, ut quæ usui itineri foret, oppigneratam pecuniam sumeret. Duabus itaque acceptis à Margarita Principe epistolis alia Regi, alia Olivario reddendis Castellam versus profectus

profectus est. Jamque Petrus Badacocium primam Castellæ urbem attigerat, ubi à Frixiliano Comite illius civitatis ea tempestate Præsides in carcerem statim conjicitur. Lusitana quippe defectio cum aulæ comperta esset, sub nomine regio publica passim edicta manebant, omnibus iter, & codicillos etiam intercipi, qui ab Lusitania in Castellam Regis injussu transferant. Itaque ex Regis præscripto Comes in custodiam tradito Petro, quas habebat epistolas ad Olivarium perferri celerimè curat. Paulo post idem Petrus custodia solutus, & Mantuam Carpetanam abire permissus ibidem per Olivarium custodiæ publicæ mancipatur; ex qua tandem vel propter dilutas æmulatorum calumnias, vel quia satis ea publicæ cura specie rumori, famæque consultum, cui nimium Olivarius studebat, arbitraretur, cum præmio, & honore Petrum dimisit.

Hic autem narrationis postulat ordo aulæ Catholicæ mentem, motus, & habitum dicere cum descivisse Lusitaniam eò primùm allatum est. Triste hoc, & volatile propè nuncium offendit in primis Olivarii superbi aures, & si haud quidem inopinatè ob fluxam jam pridem incolarum cognitam fidem, ejusque intestinam jactationem regni, sollicitior tamen, ac mæstior in animo volutabat quod ab Imperio nuper avulsæ Catalauniæ argumentum, Lusitanæ defectionem implicuisset, porrò ita dum intra viscera Hispaniæ, aliæ super alias exempli contagio clades regnorum inciderent, circumstare quoque periculum, ne ea foris effusa pestis, & maximè externum ubi dominium per se intutum, ac præceptum erat reliqua regna remota Hispani juris inficeret, si enim Hispanos Hispani quoque tæderet Imperii, quid Belgas, quid Italos esse facturos alienigenæ servientes? Quod ad se unum maximè pertinebat, in ipsum videlicet seu æmulatione, seu

odio aut invidia, ut calamitatum omnium, quæ Hispaniam influerent, artificem eousque profectum, & lacertum, hac nova comperta regni defectione, acrius profectò infectionibus esse, & linguæ moribus exarsuros; cum neque ingeniis materia, neque materia copia, neque livor invidiæ, virûsque in aulico ludo, in fugacis ambitu gloriæ deesset. Hic angustiis & illud acceperat, quod paucis ante diebus novi per aliquid quasi fastidii, ac fatietatis in verbis, in fronte, in vultu Regis expressum, cum non parum à se alienatû animum Regis Olivarius introspexisset, hoc graviori fortunæ quoque superaddito vulnere, jam in se lubrica, & fluxa Principis gratia, & multis insuper impellentibus ultimam casum extimescebat; nec planè sibi tum ipsi in re tam ancipiti provisuro, aliud pro tempore agendum venit in mentem, quàm arctius nunc regias aures, congressus, & aditus per fidos homines obsidere, atque in aula intendere partes. Custodito attentissimè Rege examari calumniam, & nisi furere ulterius fortuna destiterit, vel cum ea sævientibus vires incidi. Turbas in aula clientium, validius quoque subsidium contra inimicos, & invidos esse. Olivarii sensus hujusmodi erant: At ex parte optimatum quosque præcipuè altioris Consilii nota subvexerat, tam de Olivarii infortunio atque tristitia læti, quàm clade publica afflicti, inter mœrorem, & gaudium in quærelas, & lamentabiles voces velut impetu profluentes palam conquerebantur. Superbia Olivarii, cujus profectò vitium æquè Deo infestum, atque hominibus sit indignatam fortunam, & eam Hispaniæ propitiâ quondam per ea quæ urgebant, quæque impendebant terribilissima mala adeo terribilem minitari; ut vel Olivarium à gratia Regis, vel ab imperio excidere Regem necesse sit; si dominationis, si potestatis, & gloriæ participem neminem sufferat. Olivarius,



rius, consilii vel quemquam sustineat, quominus solo uno, eoque etiam ventoso, ac mutilo capite innixa magna tot regna periclitentur. Illius insanum tumorem, intolerabilem fastum, & supercilium omnia ad se trahere, omnia suo arbitrio, nutuque decernere. Jam Senatus consulta otiosa, & ridicula esse, magistratus illusos vacua nomina retinere; quidquid senserit, quidquid iusserit Olivarius quasi oracula essent, & superioris consilii lumina, publice amplecti colique tanquam unius iudicio, & viribus valeat, & si maiorem quam in se habeat, ille haberet ingenii vim, & rationis acumen, tam vasti circumagi moles Imperii. Profecto non habuisse adhuc, nisi figuram, & speciem Regis in Olivario Tyrannidem dominari. Populum vero quem Catalauno pro bello instaurando frequentes delectus, & pecuniarum collationes exhausserant, ubi & aliud repente è latere bellum erumpere videt, maximus dolor, animique perturbatio corripuit, ne jam consumptis penè substantiis, usque ad laceros artus, hauriendumque omnino sanguinem inopum novi belli apparatus intenderetur. Cæterum fama hæc quæ totam non modò aulam, sed universam etiam Hispaniam mœrore, strepituque compleverat, aures adhuc non tetigerat Regis, & cuius maxime caput æctus illæ fortunæ perculerat, ejus auribus parcebatur. Hæsitanti Olivario, an, & quid Regi dicturus esset quærenti, volutantique, cum animo simul penè vox obtorpuerat. Cæteri cautè silebant, ne in Olivarii fortasse indignationem incurrerent, & quia vera, seu tristitia detegere Principi gravia secum discrimina involvit, ex quo nec sine ipsorum Principum culpa adulantium in aula, fallentiumque & aurium illecebris fervientium multitudo coalescit. Tandem cum rem diutius celari Regem non licuisset, veritas enim quanquam diligentissime pressa ex communi mœrore,

ex suspicaci silentio, ex artificio cultus penè jam effluebat, multa quoque ad rem expediri notitia, iussuque Regis necesse erat, quæ longius fortè dilata in rerum omnium perniciem casura essent; tum Olivarius in astus suos revolutus tali commento rem lucuosam transfigurare constituit. Risu ipse verbis, & ore falsus totusque in simulationem compositus. Pulchrum, inquit, ô Rex, tibi affero nuncium. Eversa mentis, & petulans ille Bregantiæ Dux paucorum elatus infania, non furtim ut antea, sed palam Lusitanum contra regnum enititur, hæcémque plebis, servitia domus, operasque pretio conductas se Regem temerè conclamantes admisit. Infelix, ac stultus brevi, & facilè corruet, tuque Rex superaddita arario tertia regni parte, cuius immodicæ opes in regno angusto, in viro privato & regnum, & hominem hæcenus oneraverant, deletaque semper infida Bregantia gente inde opulentior, ac tutior in Lusitania regnabis. Rex etsi ea ficta, atque falsa locutum esse Olivarium agnovit, reque audita vehementer indoluit, dolorem tamen intimè premens, æquabili vultu. Subveniendum quàm citò, respondit, ne latius calamitas serperet, altiusque radices in regno figeret. Post hæc in seipso collectus, ac tacitus Rex acriori sensu doloris jactare anxius in animo cœpit. Olivarii arrogantia, vel inscitia, vel fortuna, haud utique gradu, sed præcepti cursu jam ad exitum tendere Imperium; simul in omnia ejus consilia, commenta, decreta, quæ ad res perpetrandas vel prudenter applicuisset, velut transversam fortunam incurrere, cumque apud ipsum Regem post Catalauniam amissam sensim deflorere, ac senescere exinde Olivarii cœpisset gratia, derepentè hæc importuna, recénsque Lusitanæ suscepta clades, penè illam in pectore absumpsit. Rex igitur statuit cum primum occasio

E dedit,

dedisset, exturbare Olivarium ab illo potentia fastigio, simul omnia in praesentia diligenter dissimulare, ne per eam animi alienationem suspectam in Rege, propera ejusdem praevisa ruina ministrum, cui omnia quidem arcana, & Imperii summa patebant, ex tempore offensum exacerbaret. Nunc verò ut tempus monebat, Rex Belli, Statúsque Senatum ea de re consulturum accessit. Rarus Consiliarius accessit, desertaque ferè subsellia quasi in Curia solitudinem fecerant, idque tunc maxime proceres, ut invidiam, & odium Olivario gravius intenderent, affectabant, quò nempe fractis jam rebusprehenderet Rex, nihil inesse communis consilii, nihil publicae rationis, cum tanta potentia, & imperio sese jactante Olivario; malè praeterea in republica gesta, ac deterius consulta pro dedecore, aut poena relabi in rerum auctorem debere. Paucos illos Consiliarios, qui in Senatum convenerant tres deduxere sententiae. Utrum praestaret infecta re Catalauna, totis viribus statim in Lusitaniam concurrere, an divisis utrinque copiis premere simul utrumque regnum, an potius Lusitaniae recipiendae consilium usque ad debellatam jam Catalauniam extrahere. Comes Ognattus gravi, solidoque judicio vir rerumque clarus experientia censuit; Omissa protinus Catalaunia, collectisque cum terrestribus, tum navalibus copiis sine ulla interposita mora Lusitaniam urgendam esse, ut ipsam receptu utilem magis Imperio, lapsu temporis magis difficilem, conditione rerum situque loci periculosa his argumentis innixus.

„ Lusitaniae dominio esse jus Indiarum,  
 „ annexum, ex eo piraticis Hollan-  
 „ dum, Anglorum, Gallorumque na-  
 „ vibus etiam Lusitanis admistis, Ocea-  
 „ nique passim infesto, & Castellen-  
 „ sium prope navibus intercluso praeter  
 „ Orientalium opulentiam, ac merces  
 „ cum Lusitano regno simul amissas,

patere quoque facilius piratarum infidiis, & praedae Occidentis Indicas, opes, firmiores nimirum Imperii nervos, & aureas propemodum venas ejusdem corporis nutrimenta. Ad haec quò propius impendeat cervicibus hostis, quò propius se insinuet, ac verset magni periculi facies, eò inde vehementius, ac citius pellendum esse, ut etiam est medicorum, uri, secarique celerius, nec tempori credere, quae ulcera cor, sive caput proximè attingant. At verò Castellae nunc imminere, ac valde premere Lusitanos, quae est caput, & sedes Imperii, & ferro, flammamque minitabundos pene ipsam circumspicere Regiam simul recenti perfidia furentibus addere stimulos adumbratae justitiae, aequitatisque causam qua jura, ut libet, sibi contorquent, & secundam populi acclamationem adjiciunt. Hic igitur prius laborandum, hic ante omnia incumbendum ubi gravius periculum est, ubi una mens omnia volvit, ubi caput perfidia praefert, altioresque radices per jura, per leges, per populi Ducem, & locum immittit. Lusitaniae praeterea concivem, Catalauniae alienigenam imperare, postquam verò decursu temporis Catalaunis, haud pristinas, quas immerito querebantur illi miseras, sed tantum Dominum inmutasse, & pejo-rem fortè sumpsisse compertum fuerit, mentisque suae restitutos poenitentia pudorque subierit per tot labores cladesque, nihil aliud quam externum sibi servitium, ac dedecoris nomen quaesitum esse, abrupturos fortasse deforme obsequium quod Lusitanis quotidie tenacius, & pulchrius in speciem, libertatis proposita imago, & patrius insitus amor infigeret. Huc etiam accedere ingenii, indolisque utramque nationem afficeret, meliorem scilicet rationem consilia dispiciendi, mensuram, & modum. Lusitanos esse videlicet bellicosos, duros, animo pertinaces, hancque proterviam, & quasi ingentem contumaciam quidni disten-



tura ex Castellæ patientia , aut segnitie illa profecta impunitas esset, aut illa temporis intervalla ad bellum paranda, dum concessa? Contra Catalaunos per haustos à Gallia sibi finitima spiritus, turbulentos ingenio, seditiosos, animo inquietos, ac varios vel suis discordiis, tumultibusque relictos, quam celeritè mè perituros, aut redituros ad ejuratū obsequium esse. Si seges, si domus, si supellex incendio ardeat, quis non ad ignem sibi proximum restringendū, aut meliora ab incendio salvatum prius accurreret? His itaque belli facibus intestinis passim jam in Hispaniā, aut fortunæ, aut hominum malignitate conjectis, cur qui modò propius Castellā Lusitaniā depascitur ignem, eamque Philippus Secundus Rex prudentissimus pretiosorem dixerit Margaritam quæ gloriæ fulgore, atque opulentia pretio in Hispano diademate luceat, prius extinguere non juvaret? Postremò si civis civi, si regno regnum, si periculum periculo comparetur, esse utique Lusitanū Catalauno ferociorem, regnum ejus uberius, propinquius, imò Castellæ terminum, causam speciosorem, & validā tanquam jure prætentam, periculorum autem, quæ regnum illud oppugnaturis incurrerēt, molem mora, aut segnitie magis intendi, & superatu quotidie asperrima fieri; nam penes quem regni diadema stat, obfirmandæ quoque populariū perfidiæ harere vim, & arbitrium. Recto more militiæ ardua primùm tentari, debiliora sua sponte cedere, magnis similia ruinis, in quibus maiorē minorē trahit, præterquam quod nec inter homines soleāt eadem alacritate, atque ardore cum initiis extrema conjungi, cum ultimus in mortalibus motus fractior, ac tardior lassatis jam viribus prodeat.

Hæc cursim Ognattus, sed contra majori facundia, quam sapientia Olivarius in hunc modum disseruit,

Non impetu, sed ratione seriùs omnino tractanda consilia sunt, & quædā nunc fortè quasi spina, & aculeus acceptæ receter à Lusitanis injuriæ præcipites potiùs quam sanas, & utiles nobis sententias dederint; æstuantem idcirco prius componere animū, & irarū incitamenta retudere oportet, quàm, ut prudentes homines decet, de tanti momenti re consulatur. Equidem ita censeo seu imperfecta, seu irrita re Catalauna, inde omnino, aut ex parte deflectere arma, neque salubre, neque decorū Imperio fore, neque etiam justitiæ congruum, sive agendarū ordinem rerum, ubi enim Catalaunia malo defectionis exemplo prior Lusitaniam labefactavit, suo ipsam primùm oportet sanguine scelus eluere, ut si aliqua fortè sint regna, quæ contagione defectionis aspersa vacillent in fide, illa ipsa supplicii terror, horroreque in officio retineat; & Lusitania præsertim, quæ erratē Catalauniam secuta est, in eadem Provincia severiori castigationis exemplo quale supplicium exhorreat. Super hæc quot exercitus, quot clarissimos Duces, quot mari disjectas classes, quas opes effusas bellum hoc hausit? Revoca modo militem, nonne frustra jactura militum ibi, ærarii dispendia, cruoris, Imperii per tributa, delectusque vastatio fuerit, cum paulò plus his annitentibus copiis belli spes finiendi haud inanis affulgeat? Quid porro etiā si hoc fortè remisso, aut intermisso temerè bello, ut bello caderet Lusitania, interim Catalanus diuturno refectus otio, ac viribus cōfirmatus cū prælii fortuna defessos, & enervatos nos ejecerit Lusitanus, sic attritos, fractosque; & malè bellū redintegrātes excipiet? utilitatisne, an plus apud omnes opinionis nos lucraturi hoc armorum circuitu erimus? Placet etiam nostra cū hostiū conferre cōsiliis, & causis, ut ea re diligentius excussa inde ratio cōsilia valeat, ex quo divinare quasi pruden-

„tia cū naturali acumine dicitur. Mihi  
 „profectò liquet haud sine strenuo, ac  
 „præcipuo Gallia Regis impulsu esse  
 „Bregantium ad Lusitania regnum ere.  
 „Etum, idque molitos sagaciter Gallos  
 „esse, quò nostris versis hebetatisque in  
 „Lusitaniam armis, minori sibi nego-  
 „tio Catalaunia dominium assererent.  
 „Transfer hinc ergo nunc in Lusita-  
 „niam bellum, planè cū ejusdem  
 „suscepti consilii usus, & causa recur-  
 „reret Gallo, ibi etiam idcirco aderit  
 „Lusitano, scilicet ut Hispania ibi vi-  
 „ribus occupatis, & Gallia auxiliis ma-  
 „gis implicitis, adstrictisque pacatius,  
 „ac tutius sibi Catalaunia quiescat.  
 „Erit igitur nobis expugnatu difficilis  
 „Lusitania, sed difficilior etiam, ante-  
 „quam Gallis erepta Catalaunia pos-  
 „sessio fuerit, cujus servandæ studio  
 „Hispaniam hucusque miscētes, ea tur-  
 „bidanūc & difficillima explicatu con-  
 „silia volvūt. Ex adverso ab Catalaunia  
 „Gallis tandem expulsis, quo tempore  
 „illi turbandæ Hispaniæ materies, bel-  
 „lique fomenta, & præmia convulsa  
 „turbarum radicitus fuerint, quemad-  
 „modum prius Catalaunia Lusitaniam  
 „cadendo sustulit, ita illam mox resti-  
 „tutam, iterum Lusitaniam secum esse  
 „tracturam credendum est. Hic ergo  
 „incumbendum nobis, hinc in primis  
 „allaborandum. Hanc belli furiam, pe-  
 „stemque quam Gallo suffulta Catalau-  
 „nia in Hispaniam evomuit, nisi flam-  
 „ma, ferroque citò restinxeris, ne dum  
 „in Lusitaniam, sed in reliquas quoque  
 „Hispaniæ Provincias per ejusdem Gal-  
 „li vim, & insidias redundare calami-  
 „tas potest. Atqui pro recta disciplina  
 „militiæ, inquires, ubi vires sufficiunt  
 „asperiora primum vincenda sunt, quæ  
 „secum ruendo minora trahunt. Hoc  
 „planè concedo. Sed quæ cōstat, minori  
 „momento, aut periculo premere nos  
 „aut pressurum deinde fuisse, quod  
 „modò ardet in Catalaunia bellum,  
 „quàm quod brevi quoque exarsurum

in Lusitania prospicimus? Lusitania  
 „profectò conditione situs subsidiis  
 „terrestribus interruptæ, soloque ho-  
 „stium undique circuncisæ una via  
 „quæ maritima est, eaque incerta, pe-  
 „riculosa, & longo maris quærenda  
 „circuitu, succurri potest. Catalaunia  
 „ex adverso terra marique Gallia fini-  
 „tima est; utrinque porro deductis,  
 „commissisque subsidiis, & copiis cum  
 „Catalaunis, & Gallis, duobus cum re-  
 „gnis, & uno eorum amplissimo simul  
 „integrum bellum geritur. Igitur duo  
 „propè bella, duo exercitus, duæ inte-  
 „græ nationes æqualiter nos Catalauno  
 „è latere affligunt, & nisi per Catalau-  
 „niam quamprimum receptam scinda-  
 „tur hæc formidabilis unio, hæc diver-  
 „sorū hostiū prævalida conspira-  
 „tio, amissa non modò nobis regna  
 „repetere non licuerit, sed ne diutius  
 „quidem in potestate, quæ jam tene-  
 „mus, habere. Et ex hac quoque parte  
 „gravius quod in Catalaunia geritur  
 „bellum, nec Lusitano comparatione  
 „molis, atque periculi postponendum  
 „existimo, in quod potissimum prima  
 „sententia urgebat. Sed retracto senten-  
 „tiam meam, & juri per argumenta ac-  
 „quisito spōte mea detraho; nolo aliud  
 „alio gravius, at æqualis utrūque pon-  
 „deris bellum esse. Sic ergo de pari  
 „prope periculo, de utriusque magni-  
 „tudine belli nunc mihi libet ratioci-  
 „nari. Variis nos undique angustis,  
 „& periculis circumfusi malorum velut  
 „orbe jactamur. Hinc Lusitaniæ Rex  
 „novus premit, hinc Gallus hostis an-  
 „tiquus urget, atque in Hispaniæ pro-  
 „pè viscera immisus. Haud secus Ca-  
 „stellæ cum Lusitania vicinitas, quam  
 „Catalauniæ cum Gallia terrori nobis,  
 „ac detrimento est, cum Hispanorum  
 „quisque rebellium tantum afferre con-  
 „tra legitimum Regem possit, & au-  
 „deat, quantum habuerit collatarum  
 „à Gallo virium. Hunc verò neque in-  
 „genium, neque animus, neque facultas  
 „defuit



„ defuit unquam, aut defutura est, quin  
 „ ex bellis bella ferendo, per procul aut  
 „ juxta sitos, suis aut aliorum Principum  
 „ armis, intus & foris Hispaniam inces-  
 „ santer fatiget, ac vexet. Tum ne illo-  
 „ rû quidem armis, aut nostris omninò  
 „ tandem Catalaunia subacta, ullo pa-  
 „ cto quietura, ardens animis atque  
 „ consilio, quidvis tentare audax, mo-  
 „ ræ impatiens & manu prompta Gal-  
 „ lorum indoles est. Galli dum vicini,  
 „ ac finitimi sunt Domini, aut hostes  
 „ semper futuri sunt. In hac rerum am-  
 „ biguitate tanquam in medio fortuna  
 „ stat, quæ etsi lubrica, & insolens  
 „ more suo, inter acies, & arma tamen  
 „ multò quàm alibi esse quidem illa vi-  
 „ detur seipsâ fallacior, ac tortuosior.  
 „ Ex utraque itaque parte Catalauniæ  
 „ nimirum, & Lusitanæ armorum exitu  
 „ incerto, æquatòque ferè periculo,  
 „ ac magnitudine belli, sive hoc for-  
 „ tunæ insolentiam respiciat, sive Gal-  
 „ lum æqualem ubique hostem, & om-  
 „ nia moventem confoventemque  
 „ querere quoque juvat, an aliqua ex  
 „ honestate, ac decore profecta ratio,  
 „ si cæteris paribus, alteri partium ad-  
 „ jecta sit ejus accessione præponderet.  
 „ Ad gloriam, & famam ut posita in  
 „ alto, & censuræ, oculisque exposita  
 „ omnium consilia, gestaque Regum  
 „ spectare maximè debent, si ergo  
 „ dum hucusque impunitus, & corpore  
 „ nostro cruentus Catalaunus exultat,  
 „ dum in nefaria perfidia quotidie ob-  
 „ durefcit, & minas insuper jacet, dum  
 „ aliorû per astus sollicitata fide regno-  
 „ rum tot procellas, & tubas molitur  
 „ Imperio, & perfidiam perfidia docet,  
 „ in ejus pœnas, & frangos illatum ces-  
 „ sat repente bellum, eas præter clades,  
 „ quas allaturum Hispaniæ hunc erro-  
 „ rem judicii tetigi, quid non ignomi-  
 „ niæ, ac publicæ contumeliæ in nos  
 „ congestura profectò erunt explorata  
 „ in rebelles virium nostrarum infirmi-  
 „ tas, & incepti frustrati dedecus, &

hæc armorum inutilis volutatio, cum  
 ne in minoris quidem momenti re-  
 bus Regi fas sit atrectare quod ab-  
 solvere non valeret? His etiam adde,  
 quod hæc per domesticas, iteratâs  
 que ruinas fluctuatio hujus imperii  
 totius in se Europæ, atque Asiæ fer-  
 mē oculos convertisset, Hispana  
 consilia suo pondere gravia, atque  
 solida credita tanquam in scena spe-  
 ctantium, si ad perduellium igitur  
 nutum & primam terroris imaginem  
 ultro citròque arma irriti circumferi-  
 mus, nonne aliorum supra malorum  
 incursum, & astum, quæ sub hoc fa-  
 tuo proposito latent, vel constantiæ,  
 & gravitatis antiquam adeptam opi-  
 nionem corruptum ibimus? Defecit  
 Catalaunia, vastetur, uratur, do-  
 metur protinus bello: mox Lusitania  
 descivit, inutilis, vacuus ex Catalau-  
 nia cum ignominia retractus exerci-  
 tus Lusitaniam confestim eat oppu-  
 gnatum. Quid si Aragonia quoque  
 deficeret? omiffane Lusitania in Ara-  
 goniam arma converteremus, &  
 puerorum, insipientumque more,  
 quos nova, & præsentia magis exti-  
 mulant, hac versaliti quadam militia  
 plura vicissim ordiri, nihil tandem  
 perficere irrisui, ac ludibrio orbi ter-  
 rarum erimus? Erectum, stabilem,  
 inconcussum arma tractanda requi-  
 runt animus, & quemadmodum glo-  
 riæ, & honori apud milites ducitur  
 in eodem pugnando vestigio vince-  
 re, aut cadere, ita præclarum, ac  
 strenuum exercitum decet suo, vel  
 hostis excidio suscepto facinori finem  
 imponere. At enim honesta persæpe  
 debent utilibus cedere. Id equidem  
 in republica non negaverim. Sed quid  
 est porrò, quod hîc loci probeat hone-  
 stas, & utilitas improbet? Catalauniæ  
 possessione dejecti nos clausum ha-  
 bemus Hispaniæ primum emporium,  
 implicatum Italiæ iter, claustra ipsa  
 Pyreneorum, quæ regno isti super-

„bum tanquam munimem, & arcem  
 „natura constituit, effracta, Gallisque  
 „patentia, qui alluvione quadam illis  
 „ex rupibus influentes, omnia ruendo  
 „excindunt, diripiunt, vastant, &  
 „non nisi totius Hispaniæ peste, & exi-  
 „tio in præda, & vastitatibus finem  
 „si vires animo suppetant, habituri;  
 „Abduc igitur ab illa Provincia copias,  
 „quæ Gallo incurfanti frontem osten-  
 „dit; patere nunc esse hostibus pervia  
 „saxa, rupesque Pyreneorum; detege  
 „frontem cominus hosti, ut petatum  
 „à longè latus observet. Profectò cum  
 „talis hostis cupiditati neque ingenium  
 „ejus insatiabile, neque fortuna, quæ  
 „adhuc illi propitia est, neque arma  
 „nostra, si aliò defleunt, neque fra-  
 „gosa, & aspera montium, quæ pro-  
 „na jam sunt, terminos circumscripse-  
 „rint, post faciliè victam sine obice  
 „Catalauniam per mediam occupatam  
 „Hispaniam turbinis instar volitans  
 „subsidia in Lusitaniam intulerit. Sic  
 „Hispaniæ nunc aditus per Catalauniæ  
 „transitum pater hostibus, si tuto velis  
 „res domesticas custodire, ostium in  
 „primis vallandum est. Itaque planè  
 „sentio nullo pacto flectendum, aut  
 „relaxandum jam esse captum in Ca-  
 „talaunia bellum, sed paucis inde co-  
 „hortibus, aliisque cursim ex tota  
 „Hispania collectis ad Castellæ finium  
 „defensionem, non Lusitani hostis ir-  
 „ritamentum, extremo interea cona-  
 „tu Catalauni belli exitum experiri.

Hæc in Senatu Olivarius, cujus tan-  
 dem sententia vivit, quia verisimilis  
 erat, & quia ipsam auctoris potentia  
 corroborabat, cum enim ille adhuc re-  
 giminis potiretur, manifesta homi-  
 num odia, & Regis etiam occulta haud  
 super opes quas agitabat obversa erant.  
 Igitur jussu Regis per Baticam copiis  
 pro Castellæ munimine comparatis, iis  
 Catholicus Rex cohortante Olivario  
 præfecit Sidoniæ Mediæ Ducem, no-  
 vique hæc in novi belli apparatus pri-

ma Olivarii provisio fuit, quo quidem  
 errore non modico lapsus jam exinde  
 ille visus prudentibus est summam, ac  
 feriem de cætero rerum bellique omen  
 improspere contraxisse. Erat enim  
 Sidonius Bregantio per ejusdem foro-  
 rem Bregantio nuptam affinitate, ar-  
 ctiorique amicitie jure devinctus, iti-  
 dem Olivario ex utrique communi  
 Gulsmana gente propinquus. Itaque  
 dum vel in illum armorum ostentata  
 fiducia plus obstringere consanguineum  
 in fide Regis, vel ita à noxiis, quæ ve-  
 reretur abstrahere consiliis, vel com-  
 muni potius familie quæ in fratre ejus-  
 que forore Bregantia palam proscin-  
 deretur, Olivarius consulere studet, per-  
 inde ac minus ambitio, quàm ceteri  
 affectus magnatum animos carperent,  
 ita per arma Sidonium periculo immis-  
 cuit, ut, quæ contra affinem tractanda  
 susceperat arma pro se, & pro suo ne-  
 cessario tandem, & in Catholicum  
 vertere Regem cogitavisset. His rebus  
 ita compositis. Rex per omnes nobiles  
 Lusitanos, nam multi per id temporis  
 promiscuæ, claræque sortis versaban-  
 tur in aula circumferri libellos jussit,  
 in quibus de modo, & forma Lusitani  
 recipiendi regni unusquisque senten-  
 tiam, ac rationem promeret, scripto-  
 que obsignatam redderet Olivario, id-  
 que non vera quidem fiducia, sive con-  
 filii inopia plerique at subdole factum  
 cum Lusitanis intelligebant, quo dif-  
 fidentiam, ac metum, quæ ex patriæ  
 improvisa defectione conceperant, eas  
 per illecebras exuentes, minus sibi cauti  
 deinceps, Regique perutiles esse pos-  
 sent. Lusitanorum autem responsa huic  
 propè tenori singula consensere; facto  
 & maturato, nequaquam per otium con-  
 sulto in illo negotio opus esse. Recen-  
 tem, mollem, atque flexibilem adhuc  
 esse defectionem; in nova fide, in spe  
 dubia, in studiis incertis perplexos ac  
 trepidos esse animos; ob repente pri-  
 vati in Regem sublatis hominis, qui sibi  
 æqualis



æqualis paulò ante fuisset , invidiam , abhorre , ac reluctari tacitè proceres , vigere hucusque secretòque bullire in-  
tus frequentes Castellæ partes , quas tempus frigefecisset ; nondum cum exteris inita fœdera ; non Ducem , non assuetum militiæ civem , nullam esse domi , militiæque agendi solidam disciplinam , itaque tantum perfidiæ , ac roboris certè quotidie perduellibus mora , bellique dilatio adjecisset , quantum spei , atque virium ad debellandum adimeret Castellensibus . Inter has vulgatas Lusitanorum sententias ea singularis profectò fuit quam protulisse ferunt Lignarium Comitem itidem Lusitanum . Censuit enim Philippum Regem absque regio strepitu , & pompa , absque belli apparatu , familiari , suetòque nempe splendore , aulicorum officio , & custodia corporis comitatum è vestigio Ulisipponem contendere ; facillimè quippe posset verus insita reverentia , & majestatis augustæ radius nunc coram Lusitanis offusus hanc fictitiam , & novam Bregantiæ Ducis auctoritatem respectus imparitate subvertere . Tyranno præterea Lusitanos magnates infestos legitimo Regi studio , & opibus affuturos , qui plus in certamine rebus etiam inanibus posset , populum sectaturum . Verum cum hæc Lusitanis interrogatio artificio , non

fide , aut ex animo facta esset , ex eo spreta , ac neglecta illorum sententia est . Caterum his ad patriam Lusitanis jussu Regis redire prohibitis , ne domesticis proventibus destituti in terra alienigena laborarent , præcepit Rex , ut pro singulorum conditione ærarium alimenta sufficeret . Quod Olivarii consilium plerique corripientes nec per invidiam , quæ omnia in deterius fledebant , intelligentes esse illos in potestate Regis velut regni jacturæ pignora , si iidem , aiebant fidi , ac benevoli forent Catholico Regi clientes , utilius eos Regem esse habiturum in Lusitania , sin autem infidi , atque animo adversi , eosdem nunc immeritò exhaustum , & maximè his temporibus inops alimentis ærarium exedere . Verumtamen supra regiam omnem munificentiam , & copiam quemadmodum plus æmulari , invidere , quàm meminisse officii mortalibus accidit , vetus adhuc insita Lusitanis in Castellenses hærebat corrupta animorum affectio , ac detestatio morum eodémque tempore , & Regem amabant , & oderant Regios . Lusitaniæ postremò defectio reliquas regiones quæ antiquæ suæ ditionis , & juris erant attraxit . Ideo Orientis Indica ora , & Tertiæ , quas ita vocant , Insulæ , & Tingitana insuper regio alia post aliam collapsæ fato capitis concessere .





D E  
BELLO LUSITANO  
LIBRI SECUNDI


S U M M A.



ANNUS 1641. Legationibus ad externos Principes, vario illarum eventu, & internis, externisque discordiis insignis. Publica indicta regni Comitia. Eluensis Antistes, & qui obtulerant, & qui assumpserat regnum, collaudat. Deleta tributa, quae post Philippi II. Imperium introducta fuerant. Legationes ad Reges decernuntur, in quibus Imperator silentio praeclusus. Othardus Bregantii frater, Catholici Regis opera, & Caesaris iussu, apud Germanos custodia detinetur. Ad Regem Galliarum missus Legatus à Lusitano, ita auctus honoribus est, ut reliquos Aule Oratores emulatione perculerit. Apud Hagam regis insignibus exceptus Lusitanus Legatus, ineundam cum Hollanda Republica amicitiam, proponit. Dux Sidonius in Bortica, regnum sibi parare constituit. Hollandos, dum una cum Lusitanis, terrâ marique Catholicum Regem oppugnare intendunt, major tenebat sollicitudo, quoniam modo apud Indos, Lusitanas opes everterent. Illorum mandato, Comes Nassaus Angolam diripit, urbem Divi Thomae flammis absunit. Complures Nobiles Lusitani clam in Regis Catholici fide persistunt. Terretur Bregantius contra se machinantium, multitudine. Suarii domum odio publico devovet. Praclarum pudicitiae exemplum edit Suarii filia. Antonius Menezes, classem Indicam quam à Philippo moderandam susceperat, in eundem hostiliter sumpsit. Ad Tertias Insulas expeditio. Hollandorum perfidia. Crvium pecunias & opes censet Bregantius. Regis Catholici exercitui praest Monregius Comes, cujus incruia Elvi per proditionem recipiendi, dilapsa est occasio. Circa Elvum praelium conferitur, in quo superior Castellensis. Memorabilis quorundam oppidanorum in Bregantium fides. Torali Marchionis occiso. Impetum facit in Olivençam Ioannes Garrius, sed Monregii segnitie vacuus miles revertitur. Ulsippone graves in Bregantii caput inita insidiae autore Bracarensi Antistite, qui supremum fidei questorem, Cruciatæ Praesidem, primoresque multos ad suas partes trahit. Edocetur Olivarius de structis insidiis, sed conjuratorum litterae ab Ajamontio interceptae ad Bregantium deferuntur. Is status, Bellique Senatum cogit, quod Antistes & alii conjurati temerè ingressi, capti & custodiae traditi sunt. Omnes crimen confessi, nullo discrepante suffragio, capite condemnantur. Ville regalis Marchio, Camigne Dux, caterique plebuntur, evitato in sacras Personas supplicio, ne Pontifex offenderetur. Nicolaus Velascus Minorita, à Sidonio immissus ut conjurationis negotia tractaret. Franciscus Sancius Castellensis, expresso per artes à monacho, secreto; per speciem querendi Sidonium, ad Regem Catholicum iter instituit, ac sedus inter Bregantium, & Medina Ducem, initum exposuit. Olivarius manifestum cognati scelus, omnino aut ex parte



parte diluere conatur. *Subdolos ejus sermo ad Regem, qui Sidonii causam, illius judicio relinquit. Se ad aulam confert Sidonius, Conjuratōnis ordinem fatetur, & delicti quo tenebatur causam ab Ajamontii Marchione ducit. In bonis multatus, & reliquum vite vallisoleti ducere jubetur. Ajamontius in urbe Segovia, elisis in carcere faucibus perduellionis supplicium dedit. Margarita Princeps Ulsippone discedit. Eam Olivarius a congressu, aspectuque Regis arcet. Monregio, è belli præfectura dejecto successit Ioannes Garaius, qui per artes militum animura, & Civium fidem explorat. Dum Valverdem impetu capere intendit Franciscus Rabellus, Urbem jam ingressus Lusitanus, ac penè victor, in fugam vertitur. Romanam Legationem apud Urbanum Octavum agendam, Lameci præsul mandato Bregantii suscipit. Ioannes Ciunazerus, qui Hispani Oratoris munus obibat Romæ, cautè & sedulo Lusitani conatibus it obviam. Urbanus rem Cardinalium suffragiis excutiendam respondet. Cardinalis Sachettus Lusitanum Legatum regis insignibus esse admittendum existimat. Hoc dissuadet Cardinalis Pamphilius, cuius sententia probatur. Ne dum à Pontificis aditu procul, sed urbis etiam Romane Lusitanus habetur. Dolum componit Cardinalis Antonius Barbarinus, quo captus Pontifex jubet ad Curiam accedere Legatum Lusitanum, quem Gallus Orator cum magno apparatu in domum suam hospitem excipit.*



## BELLI LUSITANI

### LIBER SECUNDUS.

1641. **S**EQUITUR annus legationibus ad exteros Principes, varioque illorum eventu, & internis, externisque discordiis insignis. Januarii mense ineunte publica indicta regni Comitia in aula maxima Regiæ Ulsippone peracta sunt. In solio regio, regisque insignibus fulgens Bregantius cum uxore confedit. Elvensis Antistes in suggestum ascendit, magnisque lateribus elocutus, & rapidè quoque verba calamitatis inusta volvens, & qui obtulerant regnum, & qui regnum assumpserat collaudatis pro rei patrociniō ad libidinem jura contorsit, retractumque Castellæ regimen, sive usurpatæ dominationis injuria, sive quod avarè, ac superbè imperitatum fuerit, Tyrannidis specie proposuit. Satis superque violentiæ & furoris se ipsos, aiebat, faxea quadam firmitudine passos. In tempore semper depelli vim cum tempus illam depellere sinit. Incumberent ergo quàm studiosissimè possent, ut, qui per fortunarum suarum, incoris

spiritusque contemptum jam libertatis vindices fuerant, iidem belli mox furia cum turbulenta malorum omnium, quæ bellum de more consequitur, turba, soluta, miserius nihil ipsi ducentes, nihil indignius, ac fœdus, quàm turpè, externumque servitium, jugumque Tyranni libertatis adeptæ custodes forent. Gratis animis, auribusque ut mirè nova delectant imperia, & quæ eloquentiæ præsertim acumen, & fucus cum aurium illecebra adornat oratio præfulis accepta est, tantoque subinde approbantiū clamore plausuque ventilarī, concitarique ipsa concio perspecta est, ut parvi liberos, bona, sanguinem quoque pendere viderentur, quo semel ipsis asserta libertas staret. Tum verò Bregantius, quò rerum, famæque blandiretur initiis, deleri confestim illa tributa jussit, quæ post Philippi Secundi Regis imperium, tanquam externorum licentia, aut vitio Tyrannidis introducta nimis multa oneraverant regnum, illis duntaxat relictis quæ exigere antiquius Lusitani Reges solebant. Quod factum in primis maximè profuit ad auræ popularis aucupium, at irrita, & brevis latitia fuit; mox quippè grave tributum per capita solvere cogitur; ultimum

ultimūque id plebi illudendo fore diffeminabant; urgente denique inopia supra exactas collationes & præterita vectigalia privatarum etiam domorum clades in communi ploratae sunt. In iisdem regni Comitibus legationes ad Reges decretae sunt, per quas novus Princeps suscepti domini sanciret jus, & auxilia, ac fœdera posceret, quibus lege receptum, populique acclamatione firmatum adversus Catholici Regis, qui jam circumstrepere nunciabantur, assultus defenderet regnum. Selecti Oratores ad summum Pontificem Urbanum Octavum ad Reges Galliae, Angliae, Sueviae, atque etiam Hollandiae Principem, singulisque ex veteri Lusitano tradito more jurisperitis adjunctus est, quo alter doctrina, auctoritate alter legationis negotia pari consensu tractarent. Imperator Romanus silentio præteritus, satis comperto Austriacis istis Principibus pro statu communisque familiae incremento concordiae, atque amicitiae nexum, neque privata, neque publica commoda unquam rescindere potuisse. Romae Laemeci Antistes designatur ultra insularum decus Portugalliae quoque gentis nobilitate conspicuus. Sub idem fere tempus Odoardus Portugallius Ducis Bregantiae frater, Catholici Regis interposita opera, & Caesaris jussu apud Germanos custodia detentus est. Hic mitior ingenio, moribus placidus, & à tumultuum cura, & discrimine aversus, obscurum quoddam, cum in Lusitania moraretur, oraculum rumore jactatum acceperat. Inherere scilicet regno indigenam Regem, sed aliena persona velatum, illique esse larvam primo quoque tempore detrahendam. Quibus obtusa, debilisque mens erat, per hanc vulgarem effusam vocem in veterem fabulam incidebant, Sebastiani scilicet Regis haecenus vivi, & in regno delitescantis. At quibus altior intellectus, Bregantium genere, copiis,

subsidio juris, studiis in ipsum Lusitanorum accensis ut regali fastigio proximum, illudque per tempus si invadere licuisset, facile aufurum, circumspectabant. Quocirca Odoardus, quem nec fallebat intima domus arcanum, jam fratris naturam, cujus animi angustia vix posse capere videbatur tantam fortunae molem, jam æmuli Regis potentiam, modo fortunae in nova quaesita imperia ludibria ubi dies, noctesque agitando astuans, & haesitans animo volvit, simul periculum, quod in altera tantum fortuna fratri propter diadema petendum observaretur, anceps verò, aut inutile sibi pro utraque fortuna fore, hujusmodi curis mente, & corpore fatigatus, ac pressus cedere denique Lusitania, & ab Caesaris signis imminenti calamitatis effugium requirere statuit, ut exploratius hoc novo argumento sit, eisdem in fata nos ultrò vestigiis incurrere, quibus fata fugere quaerimus. Suspicionem autem, & notam quam subire viri proceres solent, cum proprii Regis omissis, ad aliena signa, atque stipendia transeunt, hac ratione diluere Odoardus curabat, vereri se nempe dictitans, si apud Catholici Regis exercitus rudimenta militiae, poneret, invidiosum, semperque tetrum Olivarii iudicium, ac domui Bregantiae maximè infestum, sub cujus militaturus arbitrio, ne dum famam, ac decus, sed etiam salutem fore ut ipse in discrimen conjiceret; Austriacam verò familiam, cui per militiam se devoveret, utilitatum, consiliorum, benevolentiae cōnexionem utrumque Principem colligare. In Germania igitur Odoardus militari sacramento Caesari obnoxius sine ullo stipendio Tribunitios ducebat ordines, cum Lusitania descivit. Rex Catholicus tanti de regni, ut par erat, amissione sollicitus anxiusque à Caesare statim per litteras petit, ut caperet ibi, teneretque Odoardum, vel credibile ut erat fraterni criminis conscium,



conscium, vel ut magni futurum momenti obsidem ad Lusitaniam quandoque recipiendam, vel saltem ut Bregantio per fratrem ad sceleris poenam inflicta in publica luce contumelia pateret. Neque planè huic fortè ob stare consilio juris gentium præscriptionem, aut consuetam indemnitate militiæ, cum ita modo conjuncta, & reciproca utriusque familiæ commoda essent, & pignora fidei, affectusque ut per rerum mutationes, & vices, imperii volvente orbe, aliquo tempore posset altera alteri hæreditario jure succedere. Haud aliter etiam in causa, & jure facturum Catholicum Regem fuisse, si quis & Cæsaris perduellis securitatem ex ara Hispanæ militiæ posceret. Idipsum à supremo quoque Status Senatu ritè consultum, discussum, summoque sancitum consensu esse, cujus sententiæ profectò vis, & auctoritas ordinis obruere prorsus deberet inanes æmulorum detractioes, levésque populi voces, minus mordentis quàm allatrantis. Hoc idem Philippus Rex mandat Francisco Melo inferioris Germaniæ ea tempestate gubernatori, ut ministrorum ejusdem Regis, Cæsarisque interventu celerius negotium conficeretur. Odoardus rei per id temporis nescius, omnique prorsus domestica cura defunctus, & vacuus apud Cemburgium hybernaturus cum ea, quæ ejusdem erat addicta muneris legione, sedebat cum è quodam Capucinorum cænobio ad hospitia militaria tendenti, sit ei obviam quidam miles familiaris lenique susurro in aures ejus afflavit. Defecisse jam Lusitaniam, imperiumque quod Philippi Regis abjecerat ad Bregantium transtulisse, serpere etiam occultos Ratisponæ sermones de ejusdem Odoardi custodia Cæsaris jussu, & Catholici Regis impulsu destinata. Vehementer, hoc audito, commotus, ac terrius est Lusitanus, ingruentes tamen repente curarum cum reprimere vellet

æstus, vix dum compositò vultu respondit commilitoni: Inanium plerumque ficticem nemorum, aut falsam, aut credulam nimis se regionem illam expertum esse, nec diffidere idcirco, has quoque jactas temerè voces esse protinus dissipandas. Mox ejusdem sententiæ ab urbe Augusta litteræ allatæ hucusque hæsitantem, & spe metusque pendentem confirmaverunt. Odoardus igitur in se ipso collectus, ac tacitus, & hinc inde refluentibus curis quid ageret, quoque pergeret consilii, & animi incertus volutabatur. Argentoratum versus effugiat? eò explicitus versus, cara libertas, receptus propinquus immunis à jure Cæsaris hortabantur; at virum æquè ingenuum, ac nobilem absterrebant præcipitis fugæ dedecus, suspectique per ipsam fugam vestigia ubique relicta sceleris, simul per longum errorem, & cursum, tamque multis clientelis Cæsaris septum iter, dubia, atque aspera in primis ad Lusitaniam futura reversio, & fortassisolvebat pariter animo, innocentæ, integritatis, meriti patrocinium, Cæsaris mutuò per sacramentum obstricta fides, jus gentium inviolabile quoque barbaris, vel incussus Numinis timor vindicarent infontem. Manendum igitur ibi, ex adverso dicebat, sibi que expectandum superbi, iræque recenti flagrantis hostis arbitrium, suoque capite tandem experiendum an gratiæ jus, an utili honestum, an libidini ratio, an infamiæ fama prævaleat, quando hæc omnia miscere jura, & majora his sacramenta calcare apud Principes utilitas soleat. His anxius curis, & modò huc modò illuc diversâ cogitatione distractus, sistere tandem in loco, ibique quod immutabilis quasi fati necessitas fixerat, expectare decrevit vel tadio lassus ambiguae spei, vel quia implicitum, atque dubium natura ingenium, tum etiam per metum vis animi destituerat. Cæsar interim apud Viennam consilio procerum convocato, excus-

sisque

sisque secundum usum magis, quam ex merito causæ argumentis, quæ de tradendo sibi Odoardo subjecerat illi supremus Hispaniæ Senatus, prolataque tandem sententia, quod pudor, aut jus in causâ obtinere minimè potuit, gratiæ Regis attribuit. Dedit proinde absque ulla mora Odoardum, negotiumque jussu Cæsaris exequendum Ludovico Gonzagæ mandari decretum est. Hic satis instructus cum alia prætexeret Cæsaris jussâ profectiorem ex loco, ubi tunc exercitus hybernabat Lusitano denunciat; opus enim esse dicebat simul Passavium inde transire, ut ex collecta in urbe pecunia stipendia militibus solverent. Odoardus suspicioso jam animo arrectus, & re nova quæcumque accidisset, eo tempore pavidus, suspensusque, etsi fallaces Gonzagæ ambages conjiciebat, quia tamen semper incertam hominum fidem per nimiam credulitatem suo ipse capite exploraturus discrimen temerè amplecti, quàm fugam maluit, imperio subito parer, & velut reditus expers omnes sarcinas secum asportans per Danubii fluentia capeffit iter. Diei integri viam cum rate flumine vecti confecerant, cum obeunte sole ad hospitii vicina divertunt, lautæque post ibi cœna, & majoribus poculis more Germano ob itineris jactationem refectioni decubitus hospites vadunt. Cæterum paulò post Odoardus animadvertit amicum secum itinerantem, cui Glisigerio Comiti nomen erat, in ejus domicilium sæpe accedentem, recedentemque mæsto semper, ac dissimili vultu inani, atque frigida toties afficta frequentis accessus, atque recessus causa. Per fenestram deinde Lusitano respicienti, cum Lunæ radius interluceret, occurrit Ludovicus Gonzaga, qui adversus cæli inclementiam regentisque noctis algorem, nudo in illo aëre, & inter nive concretos afflatus, nunc tardò, nunc celeri gressu hospitii aream

perambulabat, velut plenus curarum, acriorisque custodiæ sollicitus, intentusque. Tum verò ex eo auctis, & congruentibus simul indicii sine ullo dubio, & cum arctiori quoque dolore Odoardus se se deceptum, ac verè proditum sensit, & carceri addictum fallaciter trahi. Asperioris itaque animi sensus, & novis cogitationum fluctibus excitatis. Quid nempe lex gentium, quid Cæsaris fides, quid sacramentum militiæ pro viro innoxio; eoque benè de Principe merito valuissent, & quod regia familia natus, Regique Sanguine proximus jam libertate excidisset, ab eo quem minimè decuit, interposito sibi laqueo, rursus & frustra meditari de fuga capit, nec ea difficilis quidem eo quoque tempore cecidisset in virum expeditum ingenio, & alacrem animo, & qui librare pericula, & ex duobus minus eligere didicisset; si quidem uno tantum protectus famulo Ludovicus, Odoardus verò multis, antiquis, & fidis comitatus pergebat. Verumtamen sive id fatalis focordia, sive nimia in conscientiæ candore fiducia fuerit, eas inter minas, quas per hostium terribile arbitrium illi fortuna multiplicabat elabi cum posset, trahi passus est, & in carcerem duci. Hac mole curarum oppressus integram noctem inquietam, ac turbidam Lusitanus exegit. Postridie eundem per amnem cum iter resumerent hilari fronte Odoardus ac ridetis in speciem rogat Gonzagam; Quid esset causæ cur præteritam nocte in vera, & assidua vigilia excubantis more traduxerit, an ipsum libertatis expertem, & tanquam captivum, & hostem ducerent? Tunc viri sinceritate, morumque dulcedine tactus animo Ludovicus, paulumque emollitus adversus præsentem fortunæ injuriam illi aperit jussâ Cæsaris, hortaturque ad amplectendam constantiæ gloriam quæ in omni rerum vicissitudine & habitu virum Principem decuisset: Odoardus verò nihil in speciem eo sermone



sermone turbatus adjecit, sive prosperam sive ad improperam, furentemque quod minus quidem difficile sapientibus esset, fortunam animo tolerandam sufficere sibi vires, & maxime nullo etiam morfu, aut larratu criminis intus obstrepente conscientia. Caterum ne praeventae custodiae sollicitudine, & cura praegelidae noctis horrorem iterum Ludovicus cum tanto incommodo experiretur, urbanè, & amicè cum illo praestitit, ut simul in eodem cubiculo secum munitis foribus conquiesceret. Reliquum iter pari concordia cum perrexissent, ad Lantuterium postremo perveniunt, Odoardo paratum ad tempus custodiae locum. Ibi Francisci Meli mandato Augustinus Navarrus Hispanus Jurisconsultus Caesareo nomine traditum Lusitanum excepturus apparuit. Primo aspectu cum obsequii, cultusque composita verba pro mutua salutatione Navarrus de more fecisset, quia ea ficta, doloque prolata, & causam adventus penitus noverat, vultu severus, & gravis Odoardus respondit, tantumque ab eodem efflagitavit, ut ipsi adire Franciscum Melum liceret. At ille regis extemplo jussis expositis Lusitano denunciat. Bregantium ejus fratrem contra fas, & clientelae debitae fidem Lusitaniae Regem à populo conclamatum, jamque impie regias tractantem vices misisse Principibus Oratores, ut fraude quaesitum, scelere paratum, & per injuriam Philippo extortum iniquius sibi deinceps stabiliret imperium, cumque ipse Odoardus Tyranno tam arcto convictus, sanguinis, jurium vinculo adhareat, ideoque ut culpae affinis, aut conscius in suspicionem ex lege vertatur Caesaris nutu, Regisque praeepto mancipatum custodiae esse, vel ibi ut infamiam, & crimen rationibus diluat, vel merita poenae subja-ceat. Ad ea Odoardus ab assidua cogitatione periculi jam satis firmata fronte, sensuque refracto non colore,

non vultu varius Deum, & animum sibi conscius suae innocentiae testes appellat, quorum fiducia, impulsuque multò ante tempore Lusitanae haud ignarus defectionis etiam oblatam, inculcatamque facillimè fugam neglexerit. Deinde sociis, amicisque dimissis, solus Navarrus cum institisset, initium afficti scrutandi criminis à litterarum notitia petiit, si per eas fortassè fraternae perfidiae scelere obstrictus deprehenderetur. Interceptam etiam epistolam, quam cœnobita quidam ab Lusitania miserat Odoardo eamque ambiguis signis conscriptam Navarrus habebat, cujus quam citò per inventam inspectamque secretam scribendi regulam sensus elicere cupiebat, cum nationis utrique communis ratio, cautio chirographi, loci argumentum, & ibi novitas rerum suspicionem auxissent. Scriniorum suorum igitur claves Odoardo confestim tradere jusso volutatisque chartarum omnium acervis, & sensu etiam expresso obscurioris epistolae, nihil omnino, quod animi à Rege aversi, seu conquisiti flagitii notam, aut saltem umbram in homine argueret, in illis compertum est. Latius deinde cum per eam regionem manasset improvisae tanti viri custodiae rumor, multa in eo loco praestita sunt Lusitano Principum Germanorum officia, quippe qui comitate, munificentia, ingenuitate morum in omnium ferè deliciis, & laudibus erat. Isque in familiari sepe colloquio, qui frequentes ipsum adibant, procerum Germanorum, ad uxorem Bregantii Lusitanae defectionis praecipue ferebat culpam; imperiosam, superbam mulierem, dictitans, regni que ambitione flagrantem viro faces protulisse, quibus totum regnum incendio bellico arderet. Paulò post Ludovicus idem Gonzaga Odoardum pro Caesare in-visit, ejusque Caesaris nomine declaravit. Vehementer cupere Caesarem, ut ipse Odoardus ab omni labe suspecti

criminis purus, & integer haberetur, quod si, ut sperabat, jure liqueret, ad ampliora illi collata præmia uberiores quoque gratiam Cæsaris accessuram. Tunc Lusitanus modesto vultu, mitique sermone Cæsari gratias agit, ad astantes deinde conversus, ita ut murmur verborum facile posset Ludovici ad aures allabi; Ne me deferat, inquit, Numinis favor, nam Cæsaris gratiam & fidem abundè metiri præsentis fortunæ habitu possum. Cæterum, naturalis libertatis instinctus, & is quidem in militari, ac viro Principe potior, nec fugisse, dum fugæ patebat locus, exulceratæ jam innocentiae, sibi quæ ut nimis credulo, & in suo quoque periculo stupido, torpentique & talis idcirco calamitatis artifice molestiorem quotidie carcerem faciebant. His curis sæpè jactatus rogat tandem Navarrum ut ire sibi in Lusitaniam liceret, velle ibi pollicitus ipse ad saniora consilia traducere fratrem, ut errore partum imperium ejusdem hortamento relinqueret. Qua elusa fortasse spe jure jurando cavisset, eidem se ultro custodiæ, isdemque molestiis sese redditurum fuisse, sed cum dictu æquè absurda, atque aspera factu tam voluntaria regni abdicatio quàm spontaneus ad vincula reditus videretur, ea tanquam stulta petitio rejecta est, ne tamen ille penitus desperaret per ludibrium permissum est, ut de eodem negotia ad Catholicum Regem supplices litteras daret. Igitur Odoardus libertatis jam curis abjectis aptare, ac flectere tandem animum diuturnæ custodiæ cepit. Correcto proinde ad præsentem afflicti viri fortunam domestico luxu, decemque duntaxat retentis antiquioribus famulis cæteros muneribus oneratos dimisit. Contrahit aliquantulum etiam quotidiani sumptus cultusque quem in familia, & corporis ornamenta, & conviviorum præcipue magnificentiam, & copiam insume-

re consueverat, non quia pecunia deficeret, sed quia eam utilius effundere cogitabat. Hæc in Lantfuterii custodia, quæ ipsum haud longo tempore tenuit, evenere Odoardo. Inde, cum idem intutus, ac rigidus nimis videretur custodibus locus, Pataviam translatus est, ibique in amplissima domo Austriaci Principis collocatus. Cæterum adeo adstrictæ severitatem custodiæ par veneratio, & cultus exterior in homine æquabat, nunquam scilicet gladium è latere, nec ullum deinceps caruit Odoardus honore, qui in ea regione solitus est, Hispaniæ magnatibus tribui.

Hic ordo quoque narrationis Lusitanæ legationis exitum nescit. Prior, & per majorem expectationem conceptam ad Gallicarum Regem legatio spectabat. Veteres gentis ex variis bellis casibus iræ, imperii, atque gloriæ pertinax amulatio, ingenii in agendo vis, & celeritas hominibus insita, iis qui ab Hispano fortè desciscerent, promptam apud Gallum tutelam, & patrocinium constituere. Inflatus hac modo spe Lusitanus, simul quia ille ipsum Gallus ad deficiendum à Catholico Rege impulerat, & quod maximum coeundi inter se Principes vinculum est, quia reciproca, magnique fanè momenti ex arctiori fœdere utrumque complectebatur utilitas, ampliori ostentatione, ac fiducia hanc pro Gallo legationem instruxerat. Lusitanum igitur Oratorem ad aulam appropinquantem, ut mos est Lutetiæ regios Oratores excipere, jussu Regis aulicus famulatus cum regiis, & procerum curibus obviam effusus magnificè comitatur. Ex cæteris Principum Oratoribus, qui Lutetiæ commorabantur, quam omnes ad consuetæ reddenda obsequia per Regem admonerentur, nemo tamen interfuit præter Sabaudum, eum scilicet nisi animo, & voluntate vel  
loci



loci conditione tanquam loro constri-  
ctum, ac necessarium Galli clientem;  
& hanc planè legationem, utpote no-  
vam, atque omnium expectatione sus-  
pensam, neve ipsa ignoti, incertique  
Regis opinione vilesceret, ita auxit ho-  
noribus Gallus, ut reliquis aulæ Ora-  
toribus æmulatione, & invidia perculsis  
querelarum etiam materiem apud Re-  
gem conflaverit. Fœdus deinde cum  
Gallo Lusitanoque Rege in hunc modum  
perculsum est: Eosdem uterque ami-  
cos, & inimicos haberet, belloque ipsi  
quoquo modo concussi mutuis se viri-  
bus adjuvarent, protegerentque. Ube-  
riora deinceps auxilia Catalauno mitte-  
ret Gallus, ut acerrimè Hispanus ab  
eo quoque latere afflictus; minus ex-  
inde virium, ac roboris posset contra  
Lusitanum afferre. Cum summo Ponti-  
fice Urbano, qui propensior ad Gallos  
affectione reputaretur, intercederet  
Gallus, ut Lusitanum regio more le-  
gatum admitteret, isque in perpetuam  
ejus clientelam concederet. Notiora,  
hæc inter illos fuere idæi fœderis capita;  
alia graviora, & occulta, præsertim,  
quæ clam eo tempore coquebatur in  
Batica adversus Catholicum Regem  
Hispanorum procerum conspiratio, ut  
eodem Gallo aspirante, perficeretur.

Alia quoque & memoria ipsa digna  
in Hollandia legatio peracta est. Apud  
Hagam commune gentis conciliū, cum  
Lusitanus Orator regiis exceptus insi-  
gnibus esset, tria summam pro socie-  
tate, atque amicitia Hollandæ reipubli-  
cæ cum Lusitano Rege ineunda propo-  
suit. Constans, & integrum scilicet in-  
ter utrumque Principem fœdus ex more  
constituendum. Classem ab Hollandis  
Lusitano præbendam esse ejusdem pe-  
cuniis instructam. Ut denique ab Indiis,  
quæ Lusitani dominiis, ac nominis erāt,  
armis Hollandis navibusque abstine-  
ret. De jure Indico maximè tunc argu-  
menta Lusitanus amplificans cum ani-  
mi quadam elatione, verborumque ja-

ctantia differuit. Lusitanæ nempe indu-  
striæ, ingenio, labori fata Indiarum na-  
vigationem aperuisse: deinde sui quo-  
que juris multiplicato sæpe naufragio,  
totque hominū, navium armorumque  
jactura, & cumulorum divitiarum, quæ  
per tot sæcula breviter, aut ignota navi-  
gantibus Syrtes hausissent, aut Oceani  
gurgites devorassent, legitimè factam,  
esse illam præterea assertam innumeris  
propè acceptis, illatisve terra, marique  
cladibus, cujus longè latèque constra-  
tum jacuerit ossibus solum, Lusitanó-  
que cruore pene tumentes fluxerint am-  
nes, cruentasque pelagus spumas ejece-  
rit. Utilius igitur inter ipsos certas, ra-  
tasque sibi & præmii, & periculi partes  
attribuentes lege fœderis conveniret.  
Ut in Belgio, & America Hollandus  
aurea ubi sensus titillat, & rutilat præ-  
da, Lusitanus apud Hispaniam, trac-  
tusque Indicos Orientis Catholicum  
Regem affligerent, ne invidia alioquin,  
aut odiis intempestivis impliciti, & in  
mutuam utrinque perniciem armati,  
dum proprias distraherent, communi  
æmulo vires intenderent, cujus immo-  
dicæ opes infringi atterique summa dû-  
taxat constantia, summa fide, extre-  
moque omnium collecto fœderatorum  
conatu Principū possent. Hæc ubi audit  
Senatus Hollandus, contulitque in suf-  
fragia sententias; de fœdere quidem, &  
classe paranda assensus est Lusitano, at  
in Indica causa dissensit. Quidquid enim  
apud Indiam tenerent, jure se belli as-  
secutos, eodémque se jure tutari, ac  
simul augere paratos esse. Oceanum na-  
turæ lege communem cunctis morta-  
libus esse, cujus maritimè cursus jus  
exercendi, ea ipsa de causa, quæ jam Lu-  
sitanos attingeret cujuscumque etiam  
posse labore, ac periculo comparari.  
Simul Indiarum imperium non hæ-  
reditarium, non legum, aut rationis  
mensura Lusitano præscriptum esse,  
sed in tumultu bellique rapina, & po-  
tentia, tantummodo jure sublatum;

nec porro impium, vel iniquum videri, si eadem vi, qua celsisset, extorta prædatoribus præda in potentioris arbitrium concederet. Itaque Lusitanus rei Indicæ componendæ spe devolutus litteras statim reddit Hollandis, quas ipse habebat Galliæ Regis commendatitias, paulò antè petita, ac concessæ classis paratum accelerantes, quam & suæ conjungere Gallus decreverat, quò ea secreta faciliùs quàm Bregantius Medinæque Sidoniæ Dux in Bætica pertractabant, conjuratio procederet. Bregantio enim strictioris affinitatis, & jure amicitia Sidonius obnoxius, in Regem illum dum subito evectum, nec genere se aut animo, aut opibus affini, amicòque dissimilem cernit, malo pudore, vel tædio superbo captus privata fortis, affinisque incitatus exemplo in Bætica ipse ubi dives, ac præpotens erat, regnum sibi parare constituit. His stimulis sæva quoque accedebant, & vetera in Olivarium contracta odia, de quo certa his temporibus erat Hispaniæ magnatibus insita opinio, quod eos obscurare, minuere, ac sensim conficere ille pro viribus niteretur, ut corquata, aut decussa celsiora capita Imperii, minus sibi ipsi ab invidia timoris, & umbræ minùsque periculi, aut in regno negotii facefferent Regi: Inflammabat hæc etiam ingenua quasi Hispaniæ optimatibus lues, supra eorum nempe fortunam, & copias animos explicare, spiritusque tumorem, & arrogantiam extendere; & præsertim quod Rex in regimine Imperii, cum se omnino circumagendum Olivarii nutui, & arbitrio dedisset, tantum quotidie minueret auctoritatis, & gratiæ quantum ad res novas incitamenti suoapte pronis ingenio proceribus addidisset; ubi enim Rex sive ætatis, sive animi imbecillitate, & inopia imperii non temperat res, per eum quem clavo sustinuit, ambitione procerum effervente, pertinaciter oppugnatur. Rei præter hæc oppor-

tunitas obeundæ jam regni cupidine incensum acriùs Sidonium extimulabat; nam procul occupatus Hispanus, nervisque in partes dissectus exercitus in Catalaunia, in Belgio, in Insubria nec æquo Marte bellum agebat. Copiarum, quæ per id temporis sparsæ reliquæ per Bætica erant Sidonio ipsi utpote armorum Præfecto parebāt, quod munus ei temerè oblatum, arces, militaria præsidia, oras omnes maritimas, atque portus ejusdem fidei, & imperio devincta contraxerat. Ejusdem Bætica proceres, eosque clientelis, & opibus validos alios Sidonius spernebat ut viribus impares, alios in partes duxerat. Multos quos dubiæ, & affectæ erga Regem cautèque velatæ ex longo ipse intervallo perspexerat fidei, sua spontè novis, ac turbidis rebus, cum prima procella rueret sese implicaturos putabat. Cum multitudine verò populi in quo tantum hære, aut offendere posses videbatur, quia Regi fidus, quia numerosus, quia bellax natura feròxque haberetur, ita Sidonius se gerere secum statuerat, nimirum hunc fortè obsistentem cogere primò armis, pellicere postea tributorum allevamento, & summam initio copiam annonæ facere. Spes autem amplior tutius hæc omnia perficiendi classe ab externa, quam Hollandis, Gallicisque refertam navibus in Bætica intromitti cum Bregantio conventum erat, pendeat. Aderant quoque suscepti laboris fructus, & oblata cuique periculi præmia ad intendendum partes instantia, quæ si res feliciter evenisset, in hunc modum distribuenda erant. Aragoniæ Coronæ regnacerent Gallo, Bregantius Lusitaniam sibi servaret, Bætica Sidonius arriperet, cæteris regnis per vim & insidias Philip-pus exutus in arcto Castellæ dominio, ambituque concluderetur; nam quod invaserat regnum Bregantius, & mox invasurus erat Sidonius, omnino fluxum, & brevi tempore periturum, existima



existimabant, finitimi nisi Regis, & ab utroque validis armis, validisque lacertis jus repetentis tanta potentia refecaretur. Hollandos ex voto si res successisset, erepta præter hostibus spolia, & omnia prædarum oblectamenta spes inanis etiam arreperat in tanti Regis ruina totius inferioris Germaniæ sibi sternere imperium. Rerum hujusmodi seriem, ac molem apud Hollandos, Gallosque uterque agitabat Lusitanus Orator. Illi verò quoniam tanti in ipso emolumenti, quo vix somnians majus confingere poterant, expectatio sollicitabat, totis viribus nitebantur ingentem classem instruere. Cæterum ipsis Hollandis verè licet animus pro jure fœderis esset collata in Europa Lusitanis subsidia sese invicem adjuvantes, nervosque in æmulum intendentes unà cum Lusitanis terra, marique oppugnare Catholicum Regem, maior illos tamen cupiditas, arctiorque tenebat sollicitudo, quonam modo apud Indos Lusitanas opes everterent, quod, & factu facilius tunc apparebat, scissis jam commissisque acrioribus inter se odiis, & armis Castellensibus, Lusitanisque. Priusquam igitur ab Hollandia Orator Lusitanus decederet, Hollandi secretò naves ad Indiam mittunt Comiti Nassão, qui Fernabucum ea tempestate regebat, cum commeatu, milite, mandatòque ut ibi quàm citò belli fortunam experiretur; jacebat enim res Lusitana ferali domo concussa bello, graviorque illos tum occupare, ac percellere cura debebat hostibus non servire, quàm alienigenis imperare, quanquam nec omnia fecum, si malè pugnatum in Lusitania esset, domestica servitus contraxisset. Idipsum profectò diutius hucusque compertæ Hollandiæ fortunæ congruere, quæ loci plus situ, Regumque discordiis, quàm suis adhuc innixa viribus steterit. Nassaus diuturno jam otio fessus, pugnaque incundæ avidus

celeriter iussa conficiens ad Angolam instructa classe contendit. Eò denique advectæ flatu secundo naves, neglectas pene custodias, prope incuria torpidos milites segnioresque stationes inveniunt, dum eodem quoque momento temporis dubius secum hæret, ac trepidat Lusitanus utrum amicus, an hostis occursurus Hollando esset. Hinc quippe ipsum Catholici Regis hostis utrique communis ratio, nexúsque dissimulata expeditio, spes fœderis, sua cuique utilitas, neve illa omnia in tempestiva commotione turbaret, agebant. Ambitio hinc Hollandi, & prædandi cupiditas ingens, & belli artes, gentisque cognitæ insidiæ, & fide in armis potentia plerumque potior ad alia consilia trahebant. Inter hanc hæsitacionem, & moram jam Comes Nassaus cum classe ad portum appulsus fragore, bellique tumultu compleverat omnia, cùmque obstrepentibus buccinis, exoneratisque belli tormentis undique conclamaturn ad arma esset, pars Hollandorum in navibus manet ad portus, classisque custodiam; pars, & ea numero longè maior in terram descendit, qua statim etiam in turmas, & varia officia divisa, alii machinas, & obsidionalia tormenta vehunt, alii armis infesti procurrunt in urbem, non pauci quoque dilapsi, & in agros propinquos effusi, rusticas inter turbas obvias raptim ubique rapinas, ac cædes cumulant, & quia improvisa, atque rapida tanta in homines pestis ingruerat, qualis furor, & alacritas animi vim inferentes in obvios agebat, talis propè animi consternatio & quasi torpedo præ metu, stuporque imparatos, & circumfessos homines caperat. Itaque Angola primo illo impetu capta, direptaque est. Cæterum binæ sed magnitudine minimè pares arces in portus, urbisque tutelam assurgunt: meliorem profectò arcem primus impetus irruentium unà cum urbe sustu-

lit, ad alteram quia propinquior, sitūque capacior erat vitabundus, & pavidus Lusitanus cum globo militum, cædis residuo, primoribus civitatis, atque electa juvenia confugit; infra arcem cæsi captique multi quibus fera per hostes, intercisāque fuga fuit. Acrius idcirco oppugnari hæc arx capta est. Cuniculi, machinæ, belli tormenta, crebri assultus, & impetus hostium, omnis furia, bellique terror fædo spectaculo offunditur. Nihilò tamen minus initio oppugnationis obsessi firmiter obsistendo, & acerrimè propugnando multam audaciam, & longioris quidem obsidionis sustinendæ constantiam ostenderant, sed ea tumultuaria, atque præceps in arcem hominum fuga, cum satis alimenti, præsidiique pro tanta multitudine ferre secum non permisisset, quos vis minarum, armorumque jactatio non vicerat, fames denique perculit. Ita urbe, & arcibus captis, præsidioque munitis exultans feròxque tam facilè parta victoria miles, congestæque prædæ copia magis avidus prædæ urbem extemplò, quæ Divi Thomæ appellatur irrumpit. Cum fæda, recensque ibi esset Angolæ comperta clades, infestusque Hollandorum adventus desperata salute cives, ac relictis in urbe, qui ætate, valetudine, sexu inutiles habebantur meliora secum portantes diffugerant. Hollandus ergo, nullo obsistente, populabundus in urbem ingressus rapere, trahere quæ flamma, quæ ferro cuncta corrumpere, non profano, non sacro parcere, tanquam impetu capta civitas esset, aut in eos, qui infelicitè obstitissent, mora, & occursum exartisset militum ira, eoque omnia rapinis, & sanguine redundarunt, ut opulentissimam civitatem, Indiarum ubi nundinæ aguntur, exciderit, ac ferè momento combusserit hostis. Atque inde cruentus & spoliis onustus Angolam reversus est. Hæc apud Indos agitantur.

In Europa Galliæ Regis Orator cum classe belli navium triginta Ullisippo- nem tandem accessit. Ingressus ejus magnificus fuit. Dona, & obsequia cæteris tribui Oratoribus solita, ut amicum, & focium, in quo novi maximè imperii tutandi spem collocarat arctius obstringeret Regem, impensius Gallo Bregantius effudit. At summa legationis, classisque instructæ consilium in ea præsertim maturanda conspiratione vertebat, quam adversus Catholicum Regem clam cum Bregantio Sidonius inierat. Hæc ipsa porro ut absque ulla interposita mora perpetraretur quemadmodum ille ardor ingenii, Galliæque velocitas incitabat, ita Bregantium perspectæ classis infirmitas deterrebat; nec præterea, sicut antea convenerat, Galliæ, Hollandiæ & Lusitaniæ simul navibus constitutæ. Jamque Bregantius regni novitius, ac rudis hinc addiscere primò ceperat, quousque fidere pactis, conventisque Principum licuisset, & quantum planè discriminis sit suas ad conflictum afferre, vel fociorum colligere vires, cum in his sæpe animus, fides in aliis desideretur, vires plerumque desint, quibusdam & temporis quoque usus, cum non venisse, aut ferius, quàm opus erat, venisse, nihil utrumque sanè pro re perditum interfuit. Verumtamen ingenii sui habitudine potius, quàm fraude defecerat Gallus, quippe qui, & nimia acquirendi cupiditate, & agendi celeritudine rapidus ipse consiliis, & spe rerum conceptarum immodicus, nec sententias nec facta plerumque satis maturefcere finit. Ea propter suscipiendum necne cogitatum in Batica facinus esset inter Lusitanum, & Gallum orta contentione, nec parum utrinque calentibus studiis, mediam postremò Gallus sententiam amplexus exposuit, vel illis utcunque minutis maritimis copiis portum, aut aliquam arcem in Batice regno quærerent, quod

vincu



„vinculum utique foret plus in rem  
„intendendæ fidei conatûsque Sido-  
„nii, & paratus aditus receptûsque in-  
„tegræ mox appulsuræ ad rerum sum-  
„mam conficiendam cum omni ap-  
„paratu, ostentatôque terrore classi.  
„Posset quoque, assererat id levioris  
„experimenti plusquam suo pondere  
„videretur totius negotii fortunam, &  
„molem attrahere si repentino fortas-  
„se casu concussus, ac territus conti-  
„nuò cederet inexploratus hucusque  
„Bæticiæ populus, aut rerum volupta-  
„te novarum, aut casu rebus turbatis  
„implicitus, aut potius magnatum al-  
„lectus exemplo libens cum partibus  
„conspiraret. Non omnia quidem  
„semper in bello sapientia, virtute, opi-  
„bus expediri, aut eximia disciplina,  
„& consilio, plurima quoque casu, &  
„fortuito felicius quàm ex composito  
„peragi. Recentis, magnòque ante  
„oculos esse nunc omnibus argumen-  
„to Lusitaniam, & Catalauniam, quæ  
„cum longè profectò minoribus, quàm  
„in præsentis cernerent, copiis jugum  
„antiquum excutientes à Rege Catho-  
„lico defecissent. Ubi animus valet,  
„copias, virisque robur ab animo  
„mutuari; hic ubi languet, nullam  
„satis vim humanis conatibus esse. Sed  
„ne ea sententia quidem omnino Bre-  
„gantio placebat, cum contraria infedis-  
„set, vehementi, improvisoque primo  
„partium conatui, & nervorum simul  
„omnium intentioni ad opus initio ap-  
„plicitis rei bene gerendæ incumbere  
„spem, ea secus pusilla classe, ac debi-  
„libus copiis lacesitus sive admonitus  
„potius quàm fractus Catholicus Rex,  
„ideoque in posterum præmunitus fore  
„deinde, ut ne duplicatis quidem viri-  
„bus concuti posset; quia tamen ad rem  
„nimis urgebat Gallus animo valdè ar-  
„dens, ut illi vestigium quam citò lice-  
„ret in Bæticiæ limine figere, res ad Si-  
„donium à Bregantio rejecta est, ut si  
„ita expedire censeret apud Gades, vel

portum Sanlucarensem efferri curaret  
extemplò signum, quo viso Gallica  
classis tutior ad portum ingrederetur.  
Cum hujusmodi erecto spe Gallo à Bre-  
gantio dimisso, & re statim nunciata  
Sidonio, postquam diù classe Gallum  
eo consilio Bæticiam circumvectum, &  
jam moras in alto trahentem, jam obli-  
què, jam rectè, jam navium in orbem  
inflexo cursu diutius sese jactantem,  
expectatum, conventumque postremo  
fefellit signum inde elusus, & vacuus  
ad Galliam direxit iter. Irriti hujus even-  
tus in causa profectò fuit, quod cum  
in illo negotio tum Lusitano, tum ma-  
xime Gallo ut procul ex tuto rerum  
spectantibus exitum plus audere, &  
sperare quàm Sidonio daretur ut in  
periculi vortice constituto, hærentique  
in faucibus hostis, ideò hic velut jure  
plus sibi metuens, & navium idcirco  
paucitatem respiciens, sibi plus etiam  
in discrimine cavit.

Post hæc Catalauni legati de novo  
regno gratulatum Bregantio missi Uli-  
sippionem venere. Regio more, ac pu-  
blico sumptu receptos etiam convivas  
in epulo secum admittere, & unum  
fortè corporis ægritudine implicitum  
citra morem Bregantius invisere dedi-  
gnatus nequaquam est: at legationis  
impositæ munus in eo maximè situm  
est. Sancirent utrique fœdus, consilia  
„conferrent, & mutuas rationes ini-  
„rent, quibus animo, & viribus auctis  
„minori negotio facultas esset, ab utro-  
„que Hispaniæ latere regni Castellen-  
„sem communem hostem nisi prorsus  
„affligere, vel ita perpetuò carpere,  
„atque lassare, ut ille decederet tan-  
„dem eorum animis timor, ne simul  
„utriusque aut alii post alios ejusdem  
„amuli armis, & artibus perderentur.  
„Hac ipsa quidem corrupta mente pro  
„veteri vitio, & insita pene fraude in-  
„fatigabilem semper hostem diffidio-  
„rum, simultatumque per semina latè  
„jacta solerter hoc tempore niti tum

„ eos inter se , tum alios dividere ab  
 „ aliis. Quæ porro artificia subtilia ho-  
 „ stis vigilia sibi sedulitate , solertia esse  
 „ omnino ludificanda. Superare nimi-  
 „ rum opibus hostem ; at etiam æqua-  
 „ litatem , libramētumque potentia ;  
 „ quæ esset planè communis tutelæ ra-  
 „ tio , provisiōque ab amicitia , ac fœ-  
 „ derum ducta nexu , posse , ac debere  
 „ minores adversus majores Principes  
 „ comparare. Sic Italos contra Hispa-  
 „ nos protegere se , sic Germanos Prin-  
 „ cipes contra Casarem , unoquoque  
 „ divisim quamvis utrumque longè po-  
 „ tentiorem , naturæ ab instinctu hac  
 „ disciplina manante , quæ aves , quæ  
 „ pecudes etiam , quæ pisces per cu-  
 „ neos , per turmas ire obviam fortio-  
 „ ribus docuit : eadem etiam intelligen-  
 „ tia juxta illius non minus prudentis ,  
 „ quàm fortis inventionem conjunctas ,  
 „ constipatasque ; & quanquam fragiles  
 „ caudæ setas in senio , atque macie  
 „ confecto equo durius negotium fa-  
 „ cessisse vellent , quàm singulas spar-  
 „ sas , solidioresque in alio prævalido ,  
 „ ac generoso. His rebus ita percursis  
 „ compositisque tandem legati amplissi-  
 „ mis donis acceptis Barcinonem regre-  
 „ diuntur. Cæterum lata hæc Principum  
 „ externorum obsequia malis domesticis  
 „ miscebantur. Post Lusitanæ defectionem  
 „ complures nobiles Lusitani seu  
 „ privato compulsi , seu publico affectu  
 „ clam in Regis Catholici benevolentia ,  
 „ atque fide persistierant. Fuere inter eos  
 „ singulari constâtia laude Taroccæ Co-  
 „ mes Ludovicus Meneseus , Stephanus  
 „ Pharus , Joannes Suarius Loperius de  
 „ Acugna Dominus Assentaris , Ludovi-  
 „ cus Sissica , Petrus & Hieronymus Mas-  
 „ caregni Montalbano Marchione geniti  
 „ cum opibus ferè omnes tum generis  
 „ claritudine insignes. His in ea subita  
 „ imperii mutatione , cùm servire Bre-  
 „ gantio dedignarentur , sollicitiùs , ac  
 „ diligentius Castellam versus rimanti-  
 „ bus fugam , hanc ipsam arripere tan-

dem per hujusmodi occasionem evenit.  
 Prudentiæ generis , ac præclaræ mode-  
 stia dotes Joannem Suarium , atque  
 Taroccæ Comitem eousque Bregan-  
 tio , ac populo commendaverant , ut in  
 nova magistratuum electione potissimè  
 in animo Bregantius habuerit hujusce  
 virtutis , ac nominis viros ad publicas  
 curas extollere ; verumtamen illi cum  
 ficta moderatione , & morum gravita-  
 te recederent , & aliunde ambientium ,  
 & in rem laborantium se propè colli-  
 deret numerus , & sprete in tempore  
 gloria cùm plenior more suo redunda-  
 ret , hos quidem esse plus affecutos , illos  
 plus meritos prædicabant. Jam ita oc-  
 cupatis magistratibus regni ubi ambitus  
 major exarserat , deinde in Senatu co-  
 ram Bregantio cum de his cogeretur  
 qui idonei reputarentur ad Tingita-  
 nam oram maritimam gubernandam  
 ea nuper in meliorum officiorum distri-  
 butione adumbrata modestia , & aura  
 quasita populi , simul eò majora , & af-  
 fidua , quò magis fallacia Bregantio  
 præstita obsequia Taroccæ Comiti ,  
 Suariōque has Africæ Præfecturas cum  
 ingenti omnium plausu comparavere.  
 Hæc itaque munera , summa illi , sed  
 per altius dissimulata lætitia recipiunt ;  
 gratias Bregantio agunt ; at recusant-  
 tium in speciem , sive eorum qui quæ-  
 stum ex quæstu captantes rogari , co-  
 gique in eo , quod maximè cupiunt , vo-  
 lunt , jam molestam à patria absentiam ,  
 jam sicca illius regionis , solique torridi  
 æstus , jam omnia pro patria pro Rege  
 subeunda pericula esse jactantes , ortam  
 fortasse suspicionem per has anteverte-  
 re ambages , & obviam rumoribus ire  
 quærebant. Igitur evulgata provincia ,  
 brevique novorum Rectorum pro-  
 fectione , qui clam in Castellæ parti-  
 bus erant , iidemque homines nobi-  
 les , & qui primo quoque tempore  
 elabi circumspectabant ob sæpe occul-  
 ta inter se communicata consilia , &  
 mutua conscientia vinculum in clan-  
 destina



destinæ fugæ socios facilè assumpti sunt. Iamque raptim ad naves itinere præparatas sarcinæ vectabantur, & domestica suppellectilis, opulentæque ac magnificè instructæ Suarii, Comitissque Tarocæ domus aliorum etiam clam interposita bona celabant. Ceterùm quemadmodum ipsa stultitia, quæ abesse difficilè potest, ubi numero plures conveniunt, sese facilè prodit, nimia abeuntium sollicitudo, præproperum iter, nudatæ passim domus, & nulla redeuntium vestigia, tum variæ hominum facies, exteriùsque prope jam erumpentes, quid altiùs in se volutantis, inquietisque animi motus dedere tandem suspicionibus locum, ita, ut Franciscus Luzena monuerit Bregantium, novos Rectores Africæ eo ingenti apparatu, quò eorum fermè domus exinanierant, transmigrantium, aut alibi fixum domicilium euntium præferre speciem, hujusque nec levem rumoris crescere, ac serpere passim in urbe auram. Ille verò altiùs inhærens regio pectori opinio, vel gratia cùm evelli, aut diminui tam facilè sæpè nequeat, per hoc non moneri, sed falli ratus Luzenæ verba neglexit. Postremò cùm die altera discessuri Suarius Tarociusque commeatum peterent à Bregantio, adeò apposita, & elegantia de belli ratione, deque eo sibi imposito munere verba fecere, ut jactas hic paulò ante suspensiones, & maledicas fusas voces omninò contentionis aulicæ vitio tribuens, & acriter quoque redarguens publicè dixerit. Difficilem esse Principi ministri etiam optimi usum, ejusdem discernere priùs nisi disceret æmulos. Igitur mediam circiter noctem Suarius, Comesque Tarocius pergunt ad portum, fugæ ibi comites paratos inveniunt, duabùsque conscensis navibus in altum celeriter vela solvere jubent. Ubi illuxit tamque multas repente desertas, desolatâsque domos, & præclaros abesse cives, & Bregantium illu-

sum, nec jam dubiam esse fugam compertum est, gravior, ut novo, nec dum satis composito, ac stabili imperio ea inopinata quidem offensio, & plaga reipublicæ contigit. Ex eo quippe inclaruerat alienam, & animo averfam à novo rege nobilitatem præsentis rerum statui acquiescere nolle, idcirco terrori nobilitas populo erat, quòd scilicet contra enitente resque in diversum illa trahente, regnum vel ipso majus in quo versabantur, esset citissimè dilapsurum. Populus autem eò quoque suspectus erat Bregantio, quòd is planè sciret neque ingenuam, neque constantem erga ipsum futuram profectò fidem, quando fluxa, & incerta perspecta inter nobiles foret. Sic ingens utrinque simul ex nobilitate, atque populo scilicet mæror, pavôrque Bregantium inceserat. Addebatur, & publico detrimento, sese quoque irretitum illecebris, & ludibrio à minoribus habitum, & amicorum monita spreta, qui forsàs auribus ejus imposterum, ut semel superbis, ac difficilibus exploratis ægrè similia committere vel cautissimè paterentur. Super omnia præterea quæ rem intendebant incidere turpe oculis imitandæ fugæ contagium, atque ex nobilibus ortum prodicionis exemplū, si quos etiam intus perfidia, seu levitas, seu animi livor ageret. Hæc cùm animo æstuans tunc agigaret Bregantius, & cùm amicis quoque conferret, his ita censentibus, expeditam, quæ erat in portu, triremem velis remisque fugientes persequi jussit. Sed ea res frustra fuit; vento quippe propitio multoque intervallo longiùs progressæ naves triremis prospectum ademerant, & hæc quamvis in tempore illas assequi potuisset, cùm vectores, & naves animo, & viribus prævalerent, vi, sive imperio illas reducere tentavisset, incassum utrumque foret. Prosperis ergo volitantes flatibus naves, sæva deinde tempestas afflixit: nam veriti Lusitani, ne oppor

opportune insequendo à tergo premeret hostis ad captandam undique auram plenos velorum expanderant sinus, cum ecce volvuntur repente fluctus, ventorumque in alto stridentium, furentiumque vi maxima inflati, erecti, disiectique naves passim contorquent, ac miscent, artisque regimen turbant; solidæ tamen carinæ cum essent, nautæque peritiores supra vim tempestatis, & imbrum pro maritimo cursu strenuè diutius luctantur cum ventis simul, & fluctibus naves; turbinis tandem, marisque ab imo jam astuantis impetu separatæ, alia quæ muliebri onere implicabatur in Oceani fretum abrepta est, forte altera meliori in Gaditanum littus incurrit. Verum navis ille rector, qui ad Oceani maris angustias, quas Herculeas columnas vocant tempestate coactus applicuit, quique navigationis errorem ac dolum adhuc invitus, & ob metum silendo molestissimè tulerat vix ad littus ejectis, quos vexerat ipse, viris mulieribusque de improvviso retracto cursu vela fecit in Lusitaniam. Hic igitur pavida pelagique & fortis casibus insueta multitudo mulierum, impuberumque in squalida, & vasta solitudine posita horrore, ac tristitia perfusa jacebat, augebátque molestias inopia rerum quas celeriter fugiendo naucerus infidus abstulerat. Porro ibi arido solo, inedia, egestate cælique inclementia eousque jactati sunt, donec quibusdam oblati, consensisque fortè navigiis Gades denique transmiserunt. Inter hæc ad aulam Catholicam fama præcesserat Lusitanos fide inclytos, genere claros eluso, irrisoque prope Bregantio salutatum Regem venire, imperavitque Rex Comitistabili Castellæ, ut splendido cultu, obviisque nobilium equitum turmis occurreret Lusitanis, eosque continuato splendore pompæ ad Palatium magnificè duceret. Quod hic quidem impensius quàm jussus erat exegit, isque tunc fuit nobilium viro-

rum occurfus, exquisiti strepitus apparatus, & ostentatio ingressus, qui tanti Principis majestati, raræ fidei clientium, acuendisque in æmulorum pectora stimulis convenisset. Hujus publici honoris & ornamenti speciem regia subinde munificentia, quæ non minus merito grata, quàm exemplo futuri provida solet esse cumulatius excepit; in eosque militaria, & domestica munia, clariora nomina titulique & regie pro splendore, pro victu divitiæ congestæ sunt. Quæ quidem res ingenti omnium effuso gaudio Mantuæ Carpetanæ commendabatur, ut sunt enim frequenter aulici pravo suo more ad deteriora credenda proni, ex sponte suscepto hominum horum exilio, & voluntaria fuga re vera labare, atque fluere rem Lusitanam intelligebant; his quippe nisi caducum, & labile novum imperium perspectum esset haud verisimile planè foret, ambigua expectatione futuri, egentes, speique alienæ opis pro necessariis alimentis addictos patriam, ac bona derelicturos fuisse.

At longè profectò dissimilis erat utriusque aulae facies, quodque summæ hinc lætitiæ materiem, & causam afflabat in mœrorem, & luctum Ulisippone verterat: navis enim à freto Herculeo, ut diximus supra, repente profecta, Ulisipponem cum oppulisset, multorum, qui ibidem adhuc ignoti Castellæ partibus hæserant, fortè tunc interceptas, quæ Mantuæ Carpetanæ per amicos reddendæ erant, Bregantio litteras tradidit. Has cum inter manus Bregantius haberet, fuere, qui eundem adhortarentur, ut statim sepositas, & ne inspectas quidem epistolas exteplò combureret, siquidem nec poterant illæ sine gravi molestia legi, nec sine pari periculo vindicari; Secus autem scelestis conscis, seseque per litteras proditos sentientibus esse, id tandem adjuvare virium, & spiritus posset utique desperatio, quod hæcenus spes, secretique



rique fiducia tanquam in otio languentibus, aut occasione impendentibus suppressisset. Haud semper omnia exploranda, aut quærenda dominantibus esse; aliquorum quandoque scientiam magnos excire in animo æstus, & motus, qui aut invincibiles sunt, aut eos vincentes lacerant animos, aut per ultionem effusi in reipublicæ exitium, & pestem desinunt. Nimirum excire, aut nescire peræque periculosum Principibus esse. Quibus, & rectè, cohortantibus, retulit Princeps, alia incipienti, atque dubio; alia firmo, ac veteri imperio instituta congruere, sibi quæ æmulorum in tanta copia, & obsidio, ambitu quæ insidiarum summa nisi cautio, ac summa provisio adhibita foret, omnia futura ad interitum præcipitia. Percurrit itaque litteras; in singulis ad nomina, ad styli stupenti similis hæret; complurès offendit viros nobiles Lusitanos fraudulentos amicos sibi, Castellensium fautores occultos, qui partim Olivario, atque Regi, partim amicis, concivibusque qui Mantuæ Carpetanæ degebant scripserant ad res novas omnes respicientes & impigrè illas in lubrico imperio sollicitantes. Deprehensæ quoque plures epistolæ sunt à Margarita Sabaudia, ejusque familiæ primoribus ad Regem primariosque Hispaniæ ministros conscriptæ ut locupletibus integrisque fidei per illos Regi pollicitæ testibus, quò major auctoritas Lusitanorum dictis accederet. Terruitque omninò Bregantium tot diffidentium, & contra se machinantium opinione major in regno tam arcto cognita multitudo. Proinde & in æmulos indignatio, & timor illi præsertim de summa rerum incussus, effluente si fortè secreto, qui erant tunc alii aliis per mutuam cautionem ignoti, parique diffidentia seclusi, ad quod essent ultimo adducti ut periculum anteverterent, tandem è latebris erumpentes per cæca, per obvia quæ-

que discrimina perrecturi consilia, atque vires communicarent. Rumusculi interea vulgò manaverant, turbidos scilicet animos, insidiarum domesticas moles, prodiones, & abditas partes, subreptas quasdam in navi reditu epistolæ detexisse; creverantque propterea populi questus, & voces, cruore quàm citò expiandam sceleratorum civium perfidiam esse & communem invidiam, & labem paucorum exitio extinguendam. Bregantius verò ubi tot domesticos, ac prævalidos inimicos perinde punire, ac remittere illis injuriam exitiabile planè putat, morem etiam gerendum perturbato populo esse per tumultum, per querulas voces, & minas in ultionem urgenti, nec tempore etiam intempestivo eos viros Principes irritandos, qui cognatione, sive amicitia nobilitatis in regno florem complecterentur, diù secum ipse perplexus, & animo anceps ea edere tandem severa per artes suppliciorum exempla statuit quibus populum, nobilisque deciperet: ergo in vilia, & odiosa publicè capita furere primum intentus, præcepit ut Comiti Populensi qui non minus septus ipse molestiis, quàm intensus erat excubiis custodiæ asperitas premeretur, ne inde, ut ille credi volebat Comiti copia fieret miscere nobilium cætus, ac res turbulenta moliri. Crudelior subinde fors Magistrum Macedum, qui ex Dominicana familia erat, affixit, quem propriis codicillis convictum ordiri secretò res novas, ideoque fœdo carcere tortum, & mox cruciatibus laniatum, cum non ampliùs apparuisset, clam fracto jugulo extinctum fama pervasit. Comprehenfus est paulò post Antonius Seneirus ex Eremitis S. Augustini, qui tamen quia Castellensis erat, ad inimicorum fatietatem multatus, corpore tandem æger, ac propè cruciatibus mutilus ad Castellam redire cogitur. Hæc ipsa postremò nec minus atrox, quia fi-

cta, iracundia Bregantii in domum Suarii omnesque liberos ejus incubuit. Is quemadmodum supra retulimus pro Lusitani Senatus secretis ministrabat eo tempore in aula Catholico Regi, fidus olim Vasconcello, at Olivario carior, quippe cujus arbitrio quondam indulgisse Olivariū Lusitanus existimabat quò illius quæ tractabat gubernacula imperii ad libidinem, quæstū, regni que perniciem devolveret. Porro autem ex hac tanta Suarii per Olivarium potentia, atque gratia suas quoque præcipuas suspiciones & cum suspicionibus odia Bregantius abundè collegerat, simultates videlicet, & crebriores offensiones, quas acriter ipse cum Olivario contraxerat, & per quas ad extremā propè perniciem eousque jactatus fuerat, ab eodem Suario excitatas, & per industriam auctas, atque innutritas fuisse. His causis Bregantius impulsus, utque à Suarii convulsa domo quasi eam odio publico devovisset gratissimam sibi, plebique ultionem exigeret, imperavit, ut mater ejus, affines filii, cognati omnes in vincula ducerentur, neve amicorum colloquio amplexūque custodiæ leniri severitas posset, separat carceres, sicq; distractos, & omnium propè solatiorum expertes variis seorsum miseriis affligeret. Inter hos Suarii filia vidua erat insignis forma, quam flos juvenæ, & pudicitiae laus, & nitor modestiæ insigniorem reddebant, cūque fœmina sola, & in deserta, & horrida sede à quibus etiam custodiri debet, nefariis oppugnaretur insidiis, fortè scelestior ex custodibus unus ad obsequios Veneris impetus formæ cupidine magis incensus prostituere mulierem aggreditur. Miscuntur blanditiis preces, cumulantur promissa, & quæ dulcior captivo est spes libertatis obtenditur; nihilominus verecundia mulieris, moderatio, silentium, & quædam majestas, & ea quidem augustior verè modestæ, ac pudicæ, insita formæ delusis primum illecebris, & prævalente fortasse

pudore coercere insultantem. Deinde cum assiduo colloquio, pulcherrimi visus objectu, gratoque rigore jam propè in amentiam transisset amor, scissa pugionis cuspide vena, cruentisque descriptis, porrectisque litterulis miles insanam testatur cupiditatem, pretium sanguinis pudicitiae prædam à fœmina poscit. At vehementius inde rejicitur conditionis imparitate, turpitudine sceleris, & ad extremum usque spiritum castitatis gloria servanda improbo militi opposita. Hoc amplius impuras accendit in homine flamas, quemadmodum enim ad rem veritatem, oppugnatamque magis magisque eam appetendo rapitur animus, ita ad Venerem semel præceps, violentius cum difficultatibus obluatur, irrumpt. Itaque lenocinia, perblandas, insidiosasque preces, atque amatoriae artis illecebras ne quicquam longo tempore miles cum fœmina expertus ad Philtra, ac veneficia projicitur tandem eratque ibi secum Hæbraicæ sectæ commilito, qui multis in eo regno puellis hac arte illusisse jactabat. Verum tamen seu quod huius commentis, & artibus doli plus, & fallaciæ ut quæstu corruptis ut plurimum subest, seu falsa & sua specie incitator validæ mentis apprehensio, vel Deus ob mulieris virtutem, atque constantiam vim maleficam fregerit, ea per artem applicita fœminæ maleficia, & amatoria quoque pocula frustra consumpta sunt. Ergo ad extremum quod obsecrata libidini peccandique projectæ, insanæque licentiæ reliquum erat, minis impius insurgit, ac torvo aspectu, rabido corporis motu, ira, & libidine mistis ardentibus oculis, ni violari opprimique se denique pateretur, mulieri necem interminatur: adjicit etiam sese dicturum, in fuga deprehensam cum ipsam retrahere, & secus nequirit persequi injuriam ferro grassatum esse. Mulier, quæ hunc extremæ dementiæ ictum consulto prævenerat, cum dolo bono, malove ordiendo qui



in infirmioris naturæ subsidium accedit, longè aprior fœmina viro sit, tunc mortis horrore suffusam, met que se vic tam simulat, ac fore assensuram libito militis pollicetur; at extra custodiam cùm Mantuam Carpetanam ad Patrem certus sibi per fugam pateret accessus, ne amissæ fortasse dedecus pudicitiae sibi molestius, & gravius promissi ludibrio fieret. Re igitur ita reciproco dolo composita, miles dum pergit falsò creditæ fugæ necessaria paratum, id illico mulier secretæ pietatis ministrum docet, cujus opera tandem mutatis excubiis, impurus miles, sceleris sibi conficius, ac pavidus præcipiti fuga se meritæ poenæ subduxit. Atqui nobilis mulier eò dignior visa est libertate, quod illam pudicitiae collatam spreverit.

Dum per hæc plena artificii supplicia Bregantius pro interceptarum epistolarum notiis plebis ipse rumores, minas ubique terrorisque ostentando ludificat; quatuor, ac triginta navium Hollanda ex fœderis pacto disposita classis Ulisipponem pervenit, at ea propemodum quassa, & velis antennisque disrupta, quippe quæ à Dunchercanis per iter invasa navibus, navalique conferto certamine fusa atque ejecta postremò, una inde amissa multisque navibus laceris cursuque disjunctis ægrè dilapsa est. Post igitur visos, collaudatosque socios, largiisque donis expletos Bregantius restaurari subitò naves jubet, vehementer suo ipse animo anxius, ne forsan, ut paulò ante cùm Gallica classe contigerat, spes quoque rueret Baticam occupandi, præterea cùm Medinæ Sidoniæ Ducem animo ambiguum, ac suæ parum fortunæ, ac iudicio fidentem aspiceret, ut eidem adjectis cum opibus spes, atque animos solidaret, præcepit etiam, ut quæ Lusitana tunc fortè navigia in urbis portu consisterent, celerrimè instructa ad naves Hollandas aggregarentur. Favere insuper visa huic Lusitani consilio for-

tuna est, cùm Antonius Tellius Menesius, qui pro Rege Catholico Indicæ classis præfecturâ inierat, per id temporis nescius, quò Lusitana mutata res cecidisset Ulisipponem octo cum navibus appulit; ubi intellecto Ducem Bregantia in Regem recenter electum ea tempestate rerum potiri, patrii Regis amore, ac populari nomine captus, seu vi necessitatis adstrictus, fidem quam Regi Catholico fregit, Bregantio alligavit, imperiique statim auspiciis inversis, classem quam à Philippo, & pro Rege Philippo moderandam susceperat, jam in eundem hostiliter sumpfit. Hollandis itaque navibus ex recenti clade resectis, illisque duodecim etiam Lusitanis adjunctis sex, & quadraginta navium majorû classis Antonii Menesii ductu Ulisipponem discessit. Erecta in expectationem exitus stabat civitas; per ingentem præterea laborem, & sumptum plebisque substantias in pecuniarum collectione insolenter expressas, redintegrata cùm esset classis, præclari occultique alicujus magni facinoris attentandi cùm verbis, tum rebus extenta magnificè spes ea domestica detrimenta, fueratque quærelas populo delinierat. Inter hæc ultrò, citroque secretis remeantibus nunciis, id tandem inter Bregantium, Medinæ Sidoniæ Ducem Marchionemque Aiamontis convenit, cùm scilicet in Gadum prospectu Lusitana steteret classis, appropinquandi signum, rates tunc appareret in faucibus portus immobilis, simul vexillum inflexi, & cadentis in speciem penderet ab arce: quibus cum cura exploratis statim ad portum infesta classis irrueret. Talia cōsilia tunc in Marchionis domo hac diligētia, & industria decoquebātur. Oppidū Aiamontis belli, quod tunc à Rege Catholico parabatur, designatum armamentarium duas fermè leucas Castromarino Lusitanie limite distat, Fluvius interfluens utrosque fines distinguit, loci propterea opportunitas, facilis amnis transmissio, exploran-

darum militiæ more rerû hostilium officium, & cura Bregantio, Sidoniôq; pro hominibus sibi fidis accessum, recessum. que speculatorum nomine prætexebant. Marchio verò Aiamontius, qui & fidei erga Regem violandæ auctor in primis Sidonio fuerat; ubi fictos exploratores in ædiû secreto recipiebat, acceptis, abditisque Bregantii litteris, nonnulla tanquam novissimè cognita hostium consilio bellico referebat, quæ vulgata ipsa erant, aut falsa, aut ita passim jactari Bregantii intererat potius quàm Regis, Sidonio duntaxat in arcanorum partem assumpto, ex quorum collatis duorû excussisque maturè sententiis series insidiarum, & occulta subinde decreta fluebant. Diutius hoc actu velata conjuratio processit. Antequam igitur Ulisippone classis excederet, Bregantius hac via cōtorta Aiamontiû, hic Sidoniû citò monuerat, instructâ jam esse classem, ac de littore propè solvere; nō armamento lassè egere, nō milites animo, videret ipse, recogitaret, ne fortè post primum Gallicæ classis quod inutile fuerat, experimentum, hic alter etiam conatus irritus, re porò in ludibrium seu potius fastidium externis accepta, spè omninò rescinderet Baticæ subigendæ; certa, atque rata jam erant proditiōis indicia, ea diligentius observarentur. Hoc nuncio Sidonius, qui consilio profectò minor, & animo conjurationem tãtam aggressus fuerat, ubi in rei peragendæ momento fluidas, enerves, ac valdè dubias sibi reputat partes, non satis adesse sibi pecuniæ, nec satis auræ secundæ populi omnia in majus augente metu, & priora, ac celeria consilia ut temeraria damnante, ubi præterea cùm per injuriam, aut tempus secreti aliquid excidisset, minùs addictos sibi reputat Duces, minùs milites obsequentes, qui animo abalienati jam inter se muginari, & ipsius quasi spernere jussa cæperant, simul & ipsum ubi sceleris magnitudo, certa pericula, incerta præmia, tum animi labor, ac tædia cura-

rum per ingenium volubile, astûsque varios incertæ mentis agebant, tanto oneri tandem succumbens, ac rei pœnitentia repenti tactus nefaria consilia diremit. Cæterum Lusitana Hollandaque classis diù Baticæ portus, & littora circumvecta, directis cum proris velle tēdere Gades ostendit, aliàs flatibus destituta inharet pelago immota, aliàs aura propitia afflante propè jam perrectura circumspicit portum, præstitutû certû, que tantummodò signum expectans, post plurimos dies vela nequicquā circumflectēdo, cursûmque iterando consumptos, inani denique gyro retorta, cursûque frustrâ jactata, atque omni expectatione delusa in Lusitaniam proras avertit. Profectò constat ea aviditate prædæ exitûsque concepti fiducia sublatos classarios milites instituisse, ut inter navigationis moras, & maritimam quietem novos ex laceris velis conficerent sacculos, & raptim veteres refarcirent, tanquam opimis jam captæ, direptæque Baticæ spoliis implendos. Ita excæcat cupiditas animos, deridetque fortuna, qui intempestivè lati, beneficiû quasi Numinis præsumentes triûphum ante adeptam victoriâ canunt. Proinde multa cum ignominia, ac dedecore inanis, ac tristis in speciem Ulisipponem revecta classis, memoratu haud facilè quidem est quantû rei vanitate Bregantiû, populûmque concusserit, consternatûque; integram enim Bregantius novi sibi regni tenēdi spem in ruina Baticæ reposuerat, quam planè tunc profligatâ, nec rursus tentandâ post tot vacua belli conamina spem, sumptûsq; profusos censēbat, & quanquā rescripserat ipsi Bregantio Sidonius ad tanti momenti negotiû, rerûmque ab illo pendentiû ingentem susceptam molem, ne à principio res claudicaret præter Hollandam, ac Lusitanam, Gallica quoque classe, ut priûs data fide pepigerat opus esse, is tamen existimabat velle nunc per ambages, & fucos eluere Sidonium, quod animi inopia



opia, & inertia, vel falso iudicio deliquerat, cum exploratius, ac certius Bregantius haberet, vires & opes non defuturas fuisse, nisi robur, ac nervus pro illo opere aggrediendo Sidonii animo defuisset. Angebat quoque Bregantium, idque aggravabat Principis curas, dum animo recurfaret, Hollandos Gallósque cum tanto dispendio, ac labore procul profectos, & semel & iterum ampliori proposita spe devolutos, sibi minus in posterum deditos; atque fidos, & si urgeret necessitas, fore. Accedebat & populi perturbatio per fora per circulos conquerentis, esse certa sibi dispendia ex truci pauperum laniena quaesita, intolerabilem insolentiam, atque ludibria ferenda militum, incultos, & aridos agros, desertas, ac propè vastas repetitis expeditionibus urbes, futuri verò per arma spem in ambiguo, vel irritò, vel improspere definentem. Has inter animi curas, fluctusque Bregantius, & tumultuosas populi voces ut in regni positus tyrocinio cuius auræ loquacis populi mobilis, trepidusque ad regiam tandem, sed iniquam profectò consuetudinem revolutus, erraticæ, ac fluxæ videlicet mortaliū opiniononi, levioribusque rumoribus vulgi litare quandoque per hominū innocentiam, hancque immeritis pœnas reipublicæ luere, statim Antonium Tellium Menesēu exauctoravit in fontem, perinde ac ejus dolo, aut ignavia facinus aliquod ingens frustratum esset. Novo deinde, & egregio aliquo incapto Bregantius, ut recentis jacturæ, famamque sarciret, classem quæ in portu tunc otiosa desēsque jacebat, ad Insulas Tercias adnavigare jussit, ut quæ hæcenus ibi inconcussæ restiterant, Castellæ reliquias persequeretur. Eò porro impensius Lusitanis parantibus iter repente ab Indiis allatum est; Angolam ab Hollandis unā cum arcibus interceptam, civitatem D. Thomæ direptam incensam, ac propè cineribus obrutam; omnia per Hollandos hostilia,

infesta, cruenta in regione Indica esse; & quod longè plus molestiæ, & curarū in tanto mētis excidio multiplicabat, ad majora deinceps erectos hostes, prædarumque dulcedine captos ferre illos tum cupidum animū, & propè æquales animo vires, & secundū fortunæ cursum. Perculit hæc improvise cladis notitia Bregantium, & quod hic primus fortunæ ictus in Lusitania regnatem latèque ibi pace fruentem læserat, & quod anxius animo volutaret, quid ingenuæ deinde, ac solidæ spei fideique hæere posse in Hollando dum in Europa amicū, & socium, apud Indias acerrimum hostem ageret, & ea quidem ancipiti fide, atque animo affecto post hac usurū Hollandū esse quo Lusitanas nisi prorsus accisas ubique opes, saltem infirmas, atque labantes in Europa desideraret, ut liberius ac tutius belli terrores, & clades valeat per oram Indicam fundere, & fortasse Regem Philippum postremò Hollandis conciliatū, erepta per illos in Belgio esse facile relicturum, ut Lusitanum propinquum hostem opprimeret, cum longinqua, & inter se dissita imperia Hispanas profectò vires enervent, ac distrahant, contigua, ut Lusitania est, corroborent, intendantque. Has quæ Bregantiū molestè premebant, sollicitas animi curas in Status Senatū tandem exonerat, requiritque classem ne Hollandam impunè dimitteret, an ut obsidem retineret donec reddita Angola esset. Re ea seriùs exagitata, & in acriorem consultationē adducta. Æquè illa periculosa & per se acerba planè res videbatur exasperare, & contumelia laceffere velle terra, marique potentem Principem, additū Gallo clientem, inimicum Hispano, & cum adeò eo tempore in arcto res Lusitana & propè in lubrico versaretur, contra se novos intra orbem Europæ concire hostes, per quos & gravius sibi impositum onus, & Gallo amico molestia, & Hispano teterrimo hosti inter enatas amicorum discordias prævalendi op-

portunitas fieret. Indiarum præterea tractum nuper Hollandum contracti fœderis lege consultò solvisse: nec porro esse Principi absurdum, aut institutis Politicis novum, amici, hostilive vicissim, aut simul per partes personam assumere, quando constet id utile esse, nec jure fœderis caveatur. Satis peti à Principibus, si stare pactionibus placeat, quærere ulterius, irrifionem, aut fraudem id potius referre quàm fructum. Ad extremum, ut planè fas, ita necesse pariter esse, potenti, ut impotens cedat, & valido infirmus, & nisi totum rapinæ, & unguibus belli, vel melior pars subtrahatur. Hoc modò Lusitaniæ interessè, & quod utilitas potius, quàm quod ira, seu ultio postulet ex jure officii esse Regibus cogitandum, si fortè aliquando, ut nec exigua spes erat, fortuna vertisset, fore ut ab Hollandis & res amissæ, ac pœna simul repeteretur. Hoc ergo Senatus consulto decretum est. De Angolensi jactura, & alterius urbis excidio per id temporis sileretur. Ea interim per Europam, quam dedisset occasio ab Hollandis utilitas caperetur. Deinde & rursus probata ad Tertiæ Insulas expeditio, & Hollandas, Lusitanasque naves quamprimùm è portu solvere jussum est.

Quæ res ut magis eluceat, eam altiùs resumere oportet. Ejurato per Lusitaniam Catholici Regis imperio, eoque à Bregantio legitimi, sed per injuriam quod ejecti hæredis nomine assumpto, hic omnia terrestria, ac maritima simul dominia quæ Lusitano coherere regno computabantur, tanquam sui juris recipere studuit. Harum Insularum quas Tertiæ appellant, Madera prima quæ dicitur Insula Lusitana per arma tentata nullo negotio statim expulso Castellæ præsidio plus voluntate, & amore, quàm armis novum Principem subiit. Hujus Insulæ casus studio, exemplo, vel metu perculsa reliqua quoque voluit. Una

tantummodo fida, atque integra hucusque Catholico Regi supererat Insula Angra. Valida ibi erat, opulentaque urbs, sed commodior ibidem, ac fortior quæ urbi arx impendebat, multo scilicet milite, multo alimento, ducentis propè majoribus belli tormentis, tum & impigro Præside communita. Hanc ipsam in primis ad fidem mutantam per clandestina colloquia sollicitatam urbem, erga Ducem Bregantiæ pronam conjurati cum invenissent, veriti postea, ne desciscitis, tumultuantisque ille motus initio urbis, arcem & eam expugnatu quidem difficilem, ut sibi caveret, admonuisset, tali propterea dolo frustrà antecapere arcem constituunt. Lusitanus quidam nobilis adolescens coartaneis amicis, & quibusdam interdum arcis militibus Præfectoque lautiora domi sæpè solebat intruere convivia. Per hunc juvenem conjurationis participes statuerunt, cum incautè discumberet, arcis Præfecto tendere insidias, cunctisque tum vino, epulisque solutis inter pocula, & jocos per resperfam, ac pollutam sanguine mensam paratis militum globis invadere in arcem. Ita loco, & cædis tempore stabilito jam appetebat cruento convivio descripta dies, cum arcano temerè lapsò, eoque arcis Præfecto fortè subolito, hic statim colligere milites, arma com meatu abundè, parare impigrè omnia quæ aut externæ vi retundendæ, aut obsidioni diutinæ tolerandæ paulò post usui futura essent. In hunc modum disjecta fraude, & urbe seorsim Bregantio fidem spondente, cum vi inaccessibilis esset arx, fame illam vincere hostes aggrediuntur: & revera Præfectus satis alimentorum munitionisque in arce subvectum habebat, sed cum incolarum intellecta perfidia & insidiis, sensibusque cruentis, qui erant in loco origine, aut animo Castellenses ad arcem salutis causa magno numero confluxissent, ingravescebat quotidie cibarium inopia,



inopia, duplicabátque egestate sollicitis curas humani ferè nulla subsidii spes, & quod neque currentium ordinem rerum, neque Regis Catholici mentem rescire poterat Præses in extremo quasi Orbis angulo clausus, & undique hostibus, mari, ac solitudine circumfusus. Igitur post sapius adversus arcem retentatas ab hostibus labes, & crebriores impressiones, ultimúmque malorum famis terrorem præsentem impressum segniores cùm hos lassitudo, hos desperatio exanimatos haberet, induciæ tamen utrinque his conditionibus pactæ sunt, ut nempe arcis obsidione remissa, ad vitæ mensuram inclusis in illa quotidie alimenta ministrarentur, donec rei certior Bregantius per litteras factus hominem designaret, cui arx illa tradenda legitime foret. Vera hæc, & extrema expressa necessitate, an temporum ad captanda intervalla ab arcis Præsede ficta essent, opportunè ad Bregantium delata sunt, postquam secundo jam irritò incepto, ac spe prorsus abscissa Baticæ capiundæ vacabat in portu classis. Eam itaque classẽ, ut ratio, & oblata in tempore occasio monebat, velificare ad Angram Insulam jubet, imperium, quo falleret plebem, Meneseo sublatum, ad Tristanum Mendozam transfert, huncque ritè delegat, quemadmodum pacto apud Angram sancitum fuerat, ambiguum ut arcem suo nomine acciperet, simul ut copiis sibi commissis per eas regiones deleteret, si quæ ibi fortè residua Castellæ ditionis nominisque vestigia essent: quatuor, ac triginta naves Hollandæ erant, duodecim Lusitanæ, incertum, ancepsque semper futurum in bello subsidium, Regibusque omnino cavendum, ubi externæ cum domesticis mixtæ vires exuperant. Et re vera ab initio corruptus, aversusque Hollandorum animus patuit, eorum quippe naves ad quæstum magis quàm bellum compo-

sitæ, & tanquam nundinas peterent congestarum undique mercium onere implicitæ gravabantur, id magis, non prohibente, quàm approbante Bregantio, ne illorum secessione, si fortè is obstitisset, prorsus amitteret classẽ, neve extenuatis, & modicis palam opibus explicatis opinio ipsum, & fama quæ per se sola non pauca inter homines conficit, destitueret. Hoc ipso apparatu classis Tristano Mendoza Duce Ulisippone decessit. Postridie turbido mari, pleno minarum cælo, ventoque adverso intumescere fluctus, æstusque miscere, connitentibus verò nautis, varioque velorum flexu frustrantibus auram, hæc inoffensa dies, at summo labore transacta est, foedior dies altera fuit, & cæli, marisque jactata terroribus, quippe atro nubium globo validior, & copiosior cum vento nimbus effusus, cùm coorta tempestas fureret, immanisque undarum moles evolveret, vagè fluitantibus proris, nec regi quoque sinentibus clavis, vique artem simul, artificisque trahentes, distraxit, & rapuit quò fluctuum illisio, quò turbinis furor agebat summo cum impetu naves, & quidem Hollandæ, antequam sævire tempestas inciperet, quò eas ventorum vis impellebat, incolumes sinum Britannicū tenere; Lusitanæ verò cùm destinatum perficere cursum cōtra maris, cælique rabiẽ vehementer incumbūt, diù circumactæ ventisque luctantibus hinc, inde contortæ aliæ in Angliam tandem abstractæ, aliæ saxis ejectæ, ac laceratæ sunt. Navim, quam Admiraliam vocant rapidus vortex momento evertit, subvertitque ex ducentorum propè militū numero nec uno prorsus elapso. Prætoria duntaxat navis, Tristanum quæ Ducem vehebat, recens cùm esset solidiusque pacta peritisque nautis, & armamentis instructa, idcirco sola se videbatur, aut nulla quidem alia sese vectorisque procellæ sævitix, truculentisque maris fluctibus ereptura. Tristanus

tamen rei nauticæ rudis, aut nimia formidine perturbatus prætoria inconsultò relicta navi in scapham descendit, facilius ea posse ratus attingere littus. Cæterùm vixdum maritimam leucam, terram petendo egerat, cùm ibi contorquens ac super urgens unda naviculam immenso tandem gurgite hausit. Periere illic fluctibus obruti Tristanus Mendoza, ejusque maior natu filius, simul plures nobiles Lusitani, qui officii, & amicitia causa in itinere Ducem comitabantur. Amissa præterea sunt quadraginta aureorum millia, quæ pro Insularum præsidio reposita fuerant. Paucis interjectis diebus prætoria illa navis velut miraculo tandem subtracta naufragio Ulisipponem reversa est, sed propè quassa, rimisque conscissa. Ex ea Bregantius postquam rei præteritæ ordinem intellexit, mœrore simul & ira succensus, vel ob culpam ita conficta prætoria ab Duce desertæ navis, vel quia solitum erat illi fortunæ defectus, casusque quando id interesset, criminis loco ducere, magnam Vasconcelli interfecti bonorum partem quam Tristano erga se parto pro merito dederat, ejus hæredibus abstulit, & fisco addixit. At navium Belgarum Duces quæ à Lusitanis ante tempestatem avulsæ in Hollandiam ab Anglia trajecerant, mercibus ibi, quas ab Hispania vexerant positis, ubi ingentem, ac ditissimam navim, quæ Lusitana erat, venire ab Indiis accipiunt, in illam confestim amplissimæ prædæ cupidi selectis cum undecim navibus advolant. Post triduum maritimi cursus Lusitana navis impexit: agiliores naves Hollandæ erant, clavique facilius versatiles nutui; Lusitana corpore ac mole maior & plenior, ac penè in Turris erecta fastigium, idcirco & suo, & congesto intus pondere gravior agrè ipsa tractabilis erat. Igitur aura secunda propius Hollandæ naves allapsæ hæreere modò, modò appetere, circuire Indicam navim, ac ferreas propè manus

injacere, cum copiosa, ac pestifera subitò navis glandium excussa procella, coërcuit adversas, latèque cæde temerariè accedentes afflixit. Deinde variante sæpiùs cælo, ac mare vario Marte pugnatum, quatrìduò donec navium certamen extractum bellicum pulverem tandem Lusitanis absumpsit, atque ita exarmata navis, ac penitus victa, quas vehebat ipsa divitias, in Hollandorum manus exposuit. Ea ipsa re igitur paulò post Ulisippone comperta, ne dum sociorum explorata perfidia, rupto jam intra fines Europæ fœdere, Bregantium intimè pupugit, sed cum tot belli expeditionibus irritis, sine ullo reipublicæ usu perfractum jam esset ararium, maximè doluit, quod tunc illas ruinas, & publicas clades quæ graviores quidè in debili regno reputarentur, præsentis quoque jacturæ calamitas premeret; cum solito acriùs propter Castellæ finitima belli apparatus obstreperet. Novis idcirco insolitisque tributis in subditos cumulandis intentus primò omnium civium pecunias, & opes censuit, partemque subductam reipublicæ attribuit; gravior in ditiores deinde, & mercatores pleròque fortunarum perniciēs quos quadraginta nummum millia coëgit per singulos menses persolvere, umbraticis quibusdam radicibus ad usuram concessis. Mox ædes ipsas Bregantium tributarias censendo fecit, nec heri duntaxat quæ sui juris erat, sed inquilini etiam compellebantur domus locatæ tributum pendere. Profanos præterea, Ecclesiasticosque proventus, ad eos pertinentes, qui Lusitani in Castella sua spontè, aut inviti degebant, omnino arario seposuit. Singulos denique Lusitanos ex reddituum centesima unoquoque anno vigesimā partem in arariū conferre jussit, quique novas in regno res studiosè nimis quaesierāt, ut tributorum oneribus levarentur, quemadmodum illis contingit qui tædio vel odio rerum



rerum præsentium ea, quæ futura sunt, iis, quæ sunt meliora plerumque somniant, nequaquã rebus ex sententia mutatis, in fœdiorẽ profectò inopiã demersi sunt.

Inter hæc Badacocii, qui Castellæ terminus est Lusitaniæ continuus militum copia, & virtute, cum Rex Catholicus ita jussisset, exercitus parabatur. Præerat his recens collectis undique copiis Monregius Comes, vir quidem ex intima Olivarii clientela, sinuque qui Neapolitani regni regimine functus nuper ad aulam venerat, & ipse experrecto, ac vivido satis ingenio; sed in illa Ducis electione quærere potius amicum ejusque partibus implicatum visus est Olivarius, quàm qui dignum præstaret tanto munere virum. Conflatum ex legionibus septem exercitum duæ maximè roborabant, quam nempe Ludovicus Saavedra Rivæ Marchio bello Belgico clarus, & quam Falcensis Marchio Hispaniæ magnatum numero adscriptus ducebant, in his enim Ducibus spectata generis claritas, atque virtus nobiles plures juvenes ad belli pericula illexerat. Tria circiter millia equitum Antonius Paecceus regebat Ducis Scalona frater. Ita porro equestribus pedestribusque lustratis copiis in legiones, auxiliarias cohortes, turmasque divisas duodecim ferè peditum tria millia equitum sub signis Castellæ aderant. At bonus, strenuusque miles capite laborabat, cujus, seu fortuna, seu virtus totam martis aleam circūferre videtur. Quamquam enim Monregius Comes ad res status Politici temperandas sublimi, acrique præcellebat ingenio. Ea tamen ars quasi arti bellicæ adversa est, illa siquidem tota rationi, & consilio, hæc impensius fortunæ paret, & alia per se cautioni formidini semper admixta, alia audaciæ conjuncta est. Accesserat belli in eo Duce imperitiæ, ac studio à belli studio curisque alieno gracile, æffeminatum, ac molle corpus, quale fo-

vet ac pascit aula & in summa fortuna, summa licentia, & paria quoque vitiorum oblectamenta, supra quæ voluptatis, ac luxus artifices etiam Neapoli ad aulam conduxerat, quodque illic bonæ indolis, valetudinis, animi corruptela, & inanis illecebra cum servitio spiritus est in sedem regnatricem inexit. Prima igitur illius militiæ rudimenta fuere assiduis histriionum interesse spectaculis, prioribusque præsatietate dimissis, exquirere novos, qui fastidium, ac tædia, quæ voluptas quæ citò implet, adducit, varietate lenirent, non actione præstarent. Ad hæc parte subtraccta militaris stipendii in scenicos ludos contribuere milites jussi, ne inertia sine mercede, ne impunè intempestivæ delitiæ forent; simul epulas peregrinas apponere, vina egregia, & Italico more conditas aquas propinare conviviis, tempus & otium, quod lascivienti Principi multum supererat in comestationes, choreas, symphonias, aleam, lususque pueriles conferre. Ita ergo Ducis, Principisque instituto totus jam miles labefactatus, & plerique scortis & popinis impliciti amare, potare, feroces in jurgiis, pavidi in acie, imbecilles, inertes, sibi invicem dissidentes de præda, & libidine, non de belli gloria, & virtute certare. Ea porro luxurie, ac desidia, quæ velut tabes vulgò serpebat militum animis resolutis, ac depravatis, cum propè in ludibrium, & jocum conversa apud milites esset Lusitaniæ recuperatio, magni tunc planè momenti dilapsa res est, Elvum scilicet Transaganae provinciæ caput, clavemque regni per prodicionem recipiendi. Erat per id tempus huic validæ civitati præpositus Matthias Alburquerque summe fidus ipse Bregantio; at cives aliquot ibi nobiles vel propensione in Catholicum Regem, vel similitate potius, quam cum Alburquerque acriter exercebant, impulsu, clam in urbem

conferentem Castellæ exercitum introducere, quæ hujusmodi industria res ad aures Comitum penetravit. Confisciorum quidem urbano mutato cultu, habitûque pastoris amictus, velut pecora pabulatum agendo propius ad hostium stativa divertit. Eo loco ut idem animo intenderat, obvius ab hoste facile captus supremi Ducis congressum poscit; statim hoc impetrat, verba enim ejus, & frons, & oris lineamenta, gestusque aliquid altius ea ficta rusticitate ostendebant. Proinde ad Monregium illic adductus remotis arbitris declaravit genus, patriam, amicorum secreta consilia, mentemque opportunitatem agendæ rei, cum discors nobilitas esset, causamque dissidiorum ipsum Alburquerquei civitatis Gubernatorem haberet, quæ incitamento debebant esse facinus maturandi. Porro autem adeo sibi esse strenuas, ac fortes hærentes in urbe partes ut iisdem nervis, ac viribus sibi posse neque inconsulto putarent incolumem, incruentumque sive clam, sive palam intra Elvi mœnia recipere militem Castellensem; tanto verò facinori, ut ea spes secundum industriam, & ordinem rerum haud sane debilis erat, suffragante fortuna, totius ferme Transaganae provinciae tractum propugnaculo destitutum, atque nudatum, quæ ob miram soli fecunditatem provincia Lusitaniæ dicitur horreum seu vi, seu sponte haud ægrè tandem Philippi ad obsequium rediturum fuisse. Omnia hæc ejusdem ad nutum summo cum studio, atque fide transigere socios paratos esse, nisi occasionem ipse contemneret, atque in illo tantum negotio pro sæpè alias ostentata virtute cumulataque nominis laude sibi dissimilis esse vellet. Ad ea Monregius laudat in primis Elvenses, & maxime fidem præcipuis laudibus ornat, deinde se seriùs omnino respondet ea de re consulturum, nam ratione, & providentia magis, quam impetu aut

incerto fortunæ arbitrio summi Ducis obire munus bene ipse fixum ac destinatum in animo habebat. Illi interim colerent fidem, operique conficiendo aptiora instrumenta pararent, ampliora profecto apud Regem solutæ fidei quam obligatæ apud Tyrannum perfidiæ præmia adepturi. Hoc responso, atque eadem simulata persona internuntius remissus, amicis cuncta, ut jussus erat, exposuit qui dum labore, arte, & consilio conjurationis propositæ fila deducere student; Monregius contra plus ingenio meticolosus, & iners, quam animo recte cautus, dum rem extricare, ac bene dirigere quærit, aliis ex aliis, & ultrò quæsitis tricus implicatus secum ipse ratiocinandoolvebat, an per infidias hostis Ducem exercitumque eo versipelli commento peteret; jam per abditas voluntates, multiplicisque naturas varia verborum, & cogitationum hominum involucria, & quamplura quoque funesta, atque publica exitia veniebant in mentem dolis similibus accersita, jam Lusitana suspecta potissimum fides; interdum pro tanti momenti re, ac tam facillimè expedienda fortunam quoque ut immodicè blandientem horrebat, modò sibi, modò lascivia, otioque lassato, ac planè corrupto militi diffidebat. Ita huc, atque illuc tum spei, tum metus per diversa vicissim objecta argumenta sive contraheret, sive explicaret sese cogitatio pro negotio deliberando jactatus nullum exitum reperiebat. His difficultatibus circumventus addere moras Monregius ubi erat opus celeritate, ac prolatando consilia dissolvere, undè is & pericula conjuratis, sibi que notam ignavia ac dedecus facebat. Igitur ultrò, citròque sæpè missis, remissisque internuntiis, ubi illi pestiferam tarditatem accusant, & importunum languorem animi, eos verò Comes verbis inanibus pascit, ægrè diutius suppressa manavit tandem suspicio, ac Bregantio continuo



continuo delata acerbis , & graves Elvi quæstiones excivit. Consilii tamen participes pauci , & cum viri ipsi nobiles essent , raro exemplo inter focios immania quæque tormenta perpeffos , ac doloribus cruciatos nec secretum nec fides prodita. Planè constat ipsum Matthiam Alburquercium ut contagione partium afflatum , falsoque in suspicionem , ut postea patuit adductum , à Bregantio subinde Elvensi regimine amotum , eique statim Alfonso Melum suffectum esse. In hunc modum disiecta Elvensis tandem est conjuratio , imperitia nempè , & errore Castellæ Ducis , dum conjuratorum promissa neglexit , aut longius extracta , quàm opus esset , mora , & inscitia corrumpit. Quod enim strenuè , & intrepidè Elvenses rem illam susceptam , eademque constantia agitatam , & subtiliter ductam , exterior si in tempore vis accessisset , alacriter etiam peracturi fuissent , satis vel illud est argumento cum tormentorum contemptus , & superior supplicii , ac terroribus animus , tum per egregia in sustinendo silentio fides , nec porro tantum in causa detrahere Monregio debere fiduciæ vetus tunc videbatur Lusitani in Castellensem cognitum odium , quantum utiq; adjicere , quæ recentes jam inter eos iræ , ac similitates exarserant , cum longè plus urant animos illæ quidem irarum faces , quæ à privato excitantur , quàm quæ à publico odio , & fortuita quandoque res id inter arma facillimè obtineat , ad quod ingentes sæpè conatus obtorpuissent. Talia dedecora ac detrimenta militiæ ubi & pejora quoque subinde pavescens Monregius mente recurfat , subit animo cogitatio , opus scilicet esse sibi ministro , qui consilio , ac militari prudentia ejus corrigeret imperitiam , animique remissionem intenderet. Ademptum propterea Frigiliano Comiti quod laxius hucusque tractasse apparebat regimen

Badacocii , jussu Regis , impulsuque Olivarii idem Monregius curavit ad Toraltum Marchionem transferri ; quod illa quidem modestia , & animi aequalitate Frigilianus accepit , ut pristino cultu , & obsequio nihil omnino remisso in promiscuam honorarii militis sortem , ne à bello vacaret , sua sponte transferit. Erat autem Toraltus vetus , clarusque miles , quique parta gradatim per belli munerum incrementa usu , virtute , ac disciplina militiæ florebat. Hic ergo tutelam , ac regimen urbis , quæ belli sedes erat , ingressus , summa ope primum contendit revocare militiæ morem , statas per orbem vigilas duci , adesse sub signis militem , dictoque parentem esse ; ignaviæ ac luxuriæ prorsus dehonestamenta convelli. Ad hæc laboris assiduitate , atque studio cum vitiorum fomes , videlicet otium elangueat , ut contra excitatur militum virtus , ob id arce nova circumstructa lascivientem , ac defidem militem exercere , ac simul urbem præmunire constituit. Urbs Badacocium ad teli propemodum jactum Anam nobile flumen habet , quod ampliori inibi sinu , fluxuque liquidas undas agens in circumjectam se planitiem effundit. Ad ulteriorem fluminis ripam arduus , abruptusque prominet collis , qui si arce quandoque firmatus esset , & flumini , & urbi tum custodiæ , tum ornamento futurus fuisset à belli peritis reputabatur. Hoc itaque loco ab armis tunc feriantium opera militum arx quàm citissimè extructa , munitaque est , cui & sancti Christophori nomen inditum , atque ita quidem excusso laboribus otio , paulisper à licentia , & consueta militum præda , & rapina cessatum est.

Inter hæc Alfonso Melus Transganæ Provinciæ Præses Olivencam , Elvum , Campomajorem , regionis ejus oppida insignia circuire , munire , vallare prædiis , com meatibusque passim

sim adveētis proximo bello satis prospicere satagebat, cūque undique belli fragor, & violentius mox erupturus exaudiretur, militum leves interdum incursiones, aut lignando, aut pabulando hinc, & inde pro tempore, aut fortè intentæ majoris aliquando conflictus occasionem interponebant. Pares fermè utriusque exercitus vires in armis, & pro acie confluenda erant: at longè diversum utriusque propositum, habitusque Regiū Castellæ milites in statione, aut propinquis hospitibus agebant ad classicū bellique quodcumque signum omnes parati, instructique Lusitanos divisos, ac vagos præsidia plerōsque certæ urbes, & oppida continebant, agrè sanè coeundos in unum, nec nisi prælii necessitas postulasset. Consilium Castellenfis erat oppugnare, laceessere, irrue- re quamprimū in hostem, occasio- nēque captare conflictus, Lusitanis sua quasi jure retenta tueri, cunctari, circumspicere omnia, & quando im- petere vellet hostis, ejusdem retunde- re assultus. Pro rerum, quæ super- erat, copia, superbia, inconsulta fidu- cia Regios, hostisūque contemptus im- providos; ea ipsa rerum inopia Lusi- tanos industrios, impigros, anxios & cautos plusquam, & si læsi, irritatūque fuissent, iratos ad certamen mittebat. Amor denique patriæ, natalis tutela soli, aræ, fortunæ, foci, conjuges, liberi in commune discrimen conjecta Lusitanis quamvis belli pondere fessi, & magnopere exhaustis consilia vires, & animos ministrabant. Ut de alieno, vel de aversione potiùs imperii, vel gloriæ bellantibus Regiis hebetiores in animo stimuli, inanisque ante oculos fulgor observabatur. Cæterum parva- res, sed ardore contentionis, & quàm pro numero militum major in hunc modum primū utriusque animorum, & virium experimentum posuit. Vere dilapso anni fervebat æstus altæque se-

getes, ut in agro feraci, atque atten- tissimè culto, gravidæ in messem pen- debant; tunc Comes Monregius sua- dente Toralto, mille, & quingentos equites misit, Ductore Teraza ad agros hostiles urendos, populandōsque ma- gni momenti futurum ad reliqua agen- da ratus, si incendio corrupta messis rei frumentariæ penuriam induceret hosti. Conflagrabat itaque seges, ignis- que fumo, cæde, & clamore permixtus longè, latèque belli terrorem intulerat, cū cladem illam agrorum ab Elvo Melus aspiciens ad mille raptim collec- tos equites ire hostibus obviam, & communes ultum injurias jussit, mox propiùs applicitis, ac simul concurren- tibus equis circa Elvum prælium con- feritur atrox, adeptæ trahendæ Regiis, abstrahendæ Lusitanis prædæ sollicitis. Lusitanus, ut ipse expeditus, & rapido cursu, impetūque investus in hostem fortè superior in primo congressu fuit, multique hostium pars cæsi, pars vul- nerati, locoque motus regius subinde miles, ac trepidus jam fugam circun- spectabat; per agros enim eorum ple- rique diffusi, ac nimia fiducia palantes, alii cædibus, alii facibus ministrandis, præda, & rapina quamplures, & onere sarcinarum impliciti erant. At viso de- inde periculo sociorum, abjectis statim impedimentis, ubi coeunt, atque aciem properè intendunt, læsisque integri, & majori etiam numero incurrunt, præ- lio tum verso, trepidare, sensim efflue- re, ac flectere ordines Lusitanus, va- riant tamen fortuna prælium utrinque sæpè remissum, ac penè intermissum, sæpè fortiter restitutum diutiùs utro- que eventus ancipites tenuit, donec Didacus Bravus Castellenfium equi- tum turmæ Ductor dum socioshorta- tur, dum eos quoque voce manū- que juvat, seseque ubi gravius pericu- lum urget, impavidè offert, brachio tandem, & humero saucius cum ejus militibus visus esset, tum quasi igno- minia,



minia, tum dolore percussu Ducis, tantum illis pudoris, & atque irarum accendit, ut conferti, novoque ardore, impetūque sese in oppositos inferentes hostium ordines statim perrumperent, perruptos dissolverent, & in fugam solutos persequerentur. Cæsi ex hostibus supra trecentos ex victoribus in varia illa pugna propè centum interiire, fauciorum major numerus fuit. Hoste victo, fugatoque, & quàm metu projece-  
rant cum gaudio præda recepta, continuo Teraza propinqua Castella expugnatum alacrem militem ducit. Quà equestris hic exercitus incendebat, ubique incendia, hominum fuga, tumultus, & plura patentia, & minora cursim vastata, ac diruta propè oppida sunt. Inter hæc maximè unum erga Bregantium memorabile quidem exemplo, id nisi error, aut superstitio labefactasset, fidei constantiam exhibuit. Oppidani postquam in turba, & rapinis, armis, minisque infestum, successuque tumentem adventare præsentiant hostem, unà cum opibus oppido statim relicto, nonnulli diffugiunt, numero plures ad amplissimam turrim, quæ propius erat, evaduat, certi iidem animo, obduratique cruciatus potius omnes, ac mortem, quàm voluntariam deditionem subire, rudique vulgo illam animi pertinaciam Parochus quidam fortè ibi inclusus indiderat, ille ipse credens, aut ita fortassè credi fallaciter volens, iusto pro bello vel sponte perire, id ipsum sacri martyrii coronam asserere. Fugitivorum ergo refertam Castellensis Dux circumvectus cum equitibus turrim ad deditionem pacificè primùm cohortatur obsessos, ut suam citius experiri clementiam, quàm militum rabiem malint, idque eis per præconem semel, & iterum inculcari præcepit. At illi stultè feroces, maledicere hosti, pungere contumeliis, in meliori tanquam fortuna positi petulantius jactare minas, acriusque verbis, &

rebus promptos injuriæ vindicæ inflammare. Tunc inani ea fiducia indignatus Teraza, ac simul etiam miratus adeò insulso, adeò superbos homines illos in extremo quoque periculo fure, atque insanire, succisa virgulta, ac sicciora quæque sacramenta cum arida passim ex campo collecta materia congeri iussit, illicò ignem turri suppositurus, nisi aliquid Lusitani de sua duritie, atque insolentia remitterent, & hoc tercio illis etiam per præconem indici mandavit. Verumtamen circumfessi jam altius superstitionis errore capti, idque martyrii differre triumphum, & gloriam tantummodo rati quod interpositus esset murus, accedere faces, comburi turrim, trucidari, cremarique corpora responderunt; nam pro regia occumbentibus fide mors initium beatæ, & miserrimæ vitæ finem constituisset. His auditis repente risum Teraza sultulit, *et his porro cæsis litemus victimis; inquit, tali perfidia capiti, Genevensesque fasti magna ista nomina celebrent.* Itaque siccæ atque aridæ cumulata circum materiæ supposita flamma, eaque vetusto atque exeso statim correpta lapide, facibus etiam in turris fores, in tecta conjectis, cum per ima, atque summa latè globos tendendo serperet ignis, voracique illo impetu quidquid afflaret, absumeret inter exustæ domus ruinas, candentes passim acervos, ac torrida saxa horrore tadem, ac strage cuncta complevit. Plures igitur semiustos, & laceros hostes atque ignibus mutilos ardentium postassium, & trabium, & ruina saxorum oppressit, plerosque omnino celerior vis flammæ perussit; aliqui per tumultum, aut saltum temerè incendio erepti in circumfusas, forisque strictas militum cuspides incidentes protinùs trucidantur. Ita sanè obsessorum ex numero utriusque sexus ingenti nemo superstes evasit. Post hæc præda, & rapina equitatus onustus, ac victor ad Monregium regressus est, qui Teraza,

Teraza, atque Bracco laudibus cōmendatis, ad longē inde majorem elatus spem capere quoque Olivencam improvīso impetu cogitabat. Hoc oppidum situ loci Castellæ finitimum, omnique belli munimine hac tempestate clarum ab Anæ latere positum Badacocio quinas circiter leucas abest. Utriusque propē confusos limites regni vasta nec fluvio ullo, nec monte, ne ullo intercapedinis signo distincta planities miscet. Frequenter idcirco accidit, ut vigiliæ vigiliis hostium, & statio stationē adversam prameret, & sive aquatum, sive lignatum uterque vagando pergeret miles, cæde, & cruore cuncta redimere cogeretur. Monregius itaque Comes quō nobilis oppidi additamēto etiam inoffenso, certōque uteretur pro militibus campo Olivencam interciperē statuit. Tanti momenti gerendæ rei Martinus Moxica cum legionibus tribus eligitur; huic & Teraza majori cum parte equitatus adjectus. Progreditur acies; sed tantū morā interposuit hic lentē, ac remissē pergendo miles, ut non nisi provecta jam luce in oppidi aspectu constiterit. Cæterū cū eo tempore fortē imparatum, ac nihil tale timentem hostem, tum ferē desertas murorum custodias, & omnia soluta, ac neglecta apud hostem præter spem nactus esset Moxica, simul res improvisa, subitus terror, sua, & opportunitas hostium vel ad fortunam tentandam itinere minimē fessos impelleret, ad mores pristinos tamen relapsus facilē miles, dum reluctatur incēpto omnēsque aditus interclusos, aut ignavia torpescens, aut metus caligine offusus exponit, prædæ utique avidior, quā acquirendæ gloriæ, iis passim expletus ad castra tandem regreditur. Percussus rei hujus frustratione, & militum maximē negligentia Monregius, paucis transactis diebus retentari accuratius conatum jussit, austrāsque præter ituras ad idem faciū copias, Marchioni quoque Riven-

si frequenti cum agmine imposuit Anæ transitum custodire, ut inde præcisæ subsidia essent, si præso fortassē conspecto oppido voluisset succurrere Melus. Res tamen rursus, ac strenuē tentata pari vanitate, ac segnitie corrupta est. Quæ ita gerendi belli ludibria, atque irrita tentamenta haud quidem injuria Monregio Comiti imputabantur, quippē qui in umbra, atque otio deliciis sedendo affluens objectare periculis, ac terere quoque labore corpora militum vellet, quique satis sibi ipsi temperando non posset, aliis præsumat imperare.

Hos irritos belli conatus fortuita subinde oneravit Toralti Marchionis occisio. Badacocii fœmina versabatur, cui præter pulchritudinem oris, colorum figmenta, & corporis cultum, omnia turpia, spurca, abominandaque erant. Hæc Granatensi cuidam Tribuno militum quotidiana stipe turpiter mancipata, ut fœdum hoc genus semper instabile, vorax, fallax, atque intemperans est, Hibernensi quoque gregario militi tenuiori alligata mercede se clanculum prostituērat, ita ut eodem tempore utriquē decepto amasio, & alii alii prorsus ignoto venale vulgaret corpus. Tribunus autem nonnihil postea de falsitate fœminæ suspicatus, & cupidus quoque veritatis investigandæ, brevem absentiam Ducis præcepto simulat, & abeundi etiam veniam à pellice accipit. Interim in amici, scortōque obversa domo propinqua latitans, dum per aditus rimas mulierculæ fidem explorat, fortē rivalem militem videt, qui incautus vestibulo hærens & sales, & jocos jam mollis, & blandus, jam gestu solutior cū fœmina miscens, fictis tandem veneficæ illecebris ad interiores ædes perducitur. Hæc postquam videt Tribunus vesano furore inflam-matus, & impetu præceps nudo ense ad aream procurrat, sublatōque clamore



more domus abscindere fores minis, & ictibus nititur. Dum ita furit, dum contumelias & probra jacit, ad voces, ad arma conflente undique milite, fœva ibi exorta militaris seditio est, hinc Hispanis pro Hispano, inde Hibernensibus pro suo commilitone certantibus. Ad strepitum, atque tumultum, qui ferè totam compleverat urbem excitatus Marchio Toraltus advolat gladio tantum munitus, cætera inermis, ac propè nudus; videt ibi cruentas passim micare cuspides, & igneas volare pilas, & alios faucios, armis quosdam exutos, plurimos humi stratos, spirantēque reclamat militibus, increpat, eos revocare contendit imperio: at implicatus auribus miles præ fragore, ingentique tumultu ejus imperium, aut vocem accipere minimè potest. Toraltus igitur temerè se in confertos seseque prementes militum cuneos immittit, ibique servis duobus ad pedes ejus collapsis, & ipse casti altera manu per emissam è fistula glandem transfigitur. Gubernatoris, Ducisque ubi conspicitur vulnus præ horrore, ac tristitia statim seditio resedit. At ille tota subinde manu, eique commisso brachio, cum ferperet ulcus, intumescens, paulò post lethali febre correptus extinguitur. Clarus profectò miles, & ipse clarior in bello Dux & inter illustres nationis Italicae Duces peculiari quidem memoria, ac nomine dignus, qui dubiis tot præliis, & casibus belli sua diutius virtute, ac fortunæ superstes, inter fordidos modò rixantium militum, cætus, ac viles turbas occiderit. Id molestè Rex tulit & Dux, Comesque Olivarius, totaque aula commiserata tanti militis infortunium asperius, quàm antea propterea cepit in Monregium Comitem invehiri. Ea videlicet esse præclari hujus, novique Ducis documenta militiæ comeffabundum, & ebrium ad pugnam procedere militem, partiri stipendia cum histrionibus, scortorum in

gratiam ferere prælia, pectus frõtemque in levioris momenti dissidiis, & jurgiis, in acie hostibus terga dare; in omni denique corruptela militiæ genio militum indulgere, perinde ac tanta licentia, libido tanta omnisque disciplinæ bellicæ dissolutio non in communem tandem perniciem casura foret. Præstantissimos interim Duces per summi Ducis socordiam, & militum insolentiam, & rabiem Regi Catholico abstrahi, nec Monregio sane Comite integro eam ab exercitu pestè labemque revelli quândoque posse. Quod enim exercitus caput pravo exemplo militem docet, inferioris quidem ordinis nemini vel dedocere, vel etiam coercere, & si acrioribus velit suppliciis, copiâ ullam futuram esse. Haud nescius erat Monregius, ut aulicus melior quàm miles in aula se tunc apud Regē, & Olivarium æmulorum insectationibus lacerari, ac proscindi, eorumque in se gratiam diuturno labore, ac sollicitudine partam, auctamque jam gravi periculo expositam, & per ea interjecta accidentia opportunam illorum contortis ictibus esse. Ea propter insigni re aliqua gestâ desiderabat, & suæ opinionioni jam læsæ, ac propè cadenti Principis gratiæ succurrere. Accesserat quoque in magnum rei agendæ momentum ac spem Ioannes Garaius, qui paulò ante in primarium Castrorum Præfectum iis copiis per Regem adscitus pro ætate, ac veteris celebrisque militis disciplina ingentem apud omnes expectationem conciverat. Hunc hominem ergo Monregius Comes per insidias, & improvisò sed totis viribus jussit adori Olivencam, sin minùs procederet dolus, nec aliter ipse sentiret, palam in illam impetum facere. Secundum hæc jussa paulò mediam ante noctem è stativis exercitus proficiscitur. Primam perditum aciem Rivæ Marchio ducebat, extremam Moxica. Præibat universo cum equitatu Paceccus. Jamque è fronte Olivencæ tenebrarum latibulo reclus

constiterat miles, anxiusque Garaïus extremam præstolabatur cum tormentis obsidionalibus aciem, ut satis instructus, ac præmunitus oppidi muros aggrediretur. At nimis serò hæc, primæque non parum adulta luce pervenit, ex vehiculi, tormentique bellici inversione iter pergendi moram diluente Moxica. Inter hæc duæ ferè cum essent horæ matutinæ dilapsæ, propinquo, infestoque Lusitani exercitu viso, omnemque belli ante oculos explicante terrorem, ac diras circuire subito portas, pro muris, pro vallo frequentes adesse, ac stationes firmare, belli tormenta sapius excutere; quæ porro non paucos incautè fortè progressos Castellenses interfecere. Tunc Ioannes Garaïus ubi non furto, & insidiis, ut animo volutabat, sed apertò esse Marte pugnandum vidit, primariorum ex more adhibito Ducum consilio paucis verbis exposuit quàm arduum, quàm importunum, & spei quoque levissimæ, ac propè perditæ foret per expeditionem illam confusam, ac penè tumultuariam tantæque mole minorem Olivencæ receptionem intendi (Sese, quidem imparatos, & aiebat, aut dormientes, aut propè somno oscitantes, ac nimia fiducia torpentes ad primùm copiarum incursum Lusitanos reputavisse, nunc verò adeò alacres; ferocesque & vim potius inferentibus, quàm repellentibus similes pro vallo, pro manibus exultare; & oris, ærisque crepitu obstrepere minas iactantes, & arma torquentes, ut consilium, quod tutum, vel saltem minùs periculosum res improvisa, ac celeritas efficerent, jam cunctatione, & intellectus errore labefactum sit. Dura huiusmodi initia asperiores planè exitum polliceri, ex propinquis namque præsiidiis traducto confestim milite Lusitanum pleniorque raptim composita acie, tunc parvo

negotio posse ad ferendam obsessis opem concurrere, cum ipse Garaïus nec aggerem jaciendi, nec munimenta struendi, nec alias obsidionales res adornandi copiarum satis, ac temporis habuisset. Quocirca, & à tergo, & à fronte, tempore, ac loco longè hostibus æquiori quàm sibi circumveniri exercitum per eas scabra consilia periculum obversari: præterquam quod præsentibus copias, apparatusque militiæ insufficientes, ac valdè tenues existimaret, & obsidioni validioris oppidi sustinenda, & externis, si fortè ingruerent, simul viribus propulsandis: fama plerumque vel arte, aut inanum aucupio acquisita proficere bella, quæ lætis, seu tristibus rerum tenaciùs hærerere soleat initiis. Proinde Olivencia tandem fractas, & cum ignominia, ac dedecore forsitan abeuntes, exhaustos faciliùs sumptus, ac dissipatas in prælio copias quàm opinionis, & famæ publicæ detrimenta labesque reparaturos fuisse. Id tamen se modò nec probare facinus, nec refellere, eorumque iudicio, & consilio, & cum factò esset opus belli quoque fortuna usurum; arbitrium ea de re sibi à summo Duce concessum, ipsorum sententiis diligenter excutiendum purè, ac simpliciter tantum militiæ more proponere, ratum in animo habentem nec libertatem, nec belli peritiam, nec bonam mentem, aut studiù in opus collineandi ad suffragia jam euntibus defutura.) Post hæc reticente Garaïo Rivæ Marchio præter fervidam juventutem, militari quoque concitatus ingenio, & ardore his propè dictis alacrius certamen poposcit.

Dies hæc prima denique nobis egressi cõmilitiones, illuxit, quæ auspicata militiæ gloriam, ac decus dudum has copias otio, siccæque marcentes, suæque immemores ferè nominis jam vigentes & integras omnes ad conferendas cum hoste manus, laureamque ab hoste petendam



„perendam eduxit. Si ergo ut rectè  
 „& appositè dictum est, oportet in  
 „bello famæ potissimum inservire,  
 „quæ in principia rerum gestarum,  
 „diffusosque primò rumores præsertim  
 „incumbit, cur hanc primam exerci-  
 „tus expeditionem inanem, aut irri-  
 „tam, & verius ut dicam, cum con-  
 „tumelia, turpique nota nos spontè  
 „cadere patiemur? profectò nec tam  
 „aspera, tamque iniqua belli cum ho-  
 „ste conditio est, nisi affusus menti-  
 „bus metus vel ex otio diuturno, tabi-  
 „dæque desidia quidam collectus ani-  
 „mo stupor, pericula, ut solet, au-  
 „geat, virtutem, ac fiduciam immi-  
 „nuat. Exigua, ut videmus hostium  
 „belli tormenta sunt, quæ bilibres  
 „tantummodo pilas emittunt, muro-  
 „rum lorica dejecta, vixque hominis  
 „medio tegendo corpori apta. Miles,  
 „qui nunc procul ebulliens ferociam,  
 „virèscque procaciùs per inanes figuras  
 „ostentat, mox tanto exercitu circun-  
 „fusus, atque undique adstrictus ani-  
 „mi statim inopiam quæ cum hac le-  
 „vitæ, jactantia, nimis effusa lætitia  
 „sæpè sapiùs conjuncta est, patefaciet.  
 „Atqui externa subsidia metuo, di-  
 „cet forsàsè aliquis, quæ celerius qui-  
 „dem in unum, fortis dum constet  
 „oppidi obsidio, confluent. Planè  
 „quæcumque ad hostes suppetiæ co-  
 „minus, eminùsque venturæ sunt, per  
 „Anæ pontem trajiciendæ sunt, qui  
 „valida manu præreptus, illas satis ar-  
 „cere, aut excipere, aut earum transi-  
 „tum prolatare facillè poterit. At etiam  
 „præcipuum hujus expeditionis fuisse  
 „institutum non expugnare Oliven-  
 „cam, sed intercipere. Quid ergo, num  
 „omnia, furto & insidiis labuntur in  
 „bello? num omnia assiduo labo-  
 „ri, temporisque diuturnitati succum-  
 „bunt? Multa nimirum prima incur-  
 „sione, vique militum acta, quæ longa  
 „obsidione, aut per injectas moras, aut  
 „librata seriùs pericula evanuisse.

Mars ipse belli sapissimè devius, ac  
 varius eousque interdum promptiori-  
 bus adest, ut per eventus culpa corre-  
 cta temerariis, projectæque viris au-  
 daciae quandoque crimen in gloriam  
 vertat. Cæterum si hunc exercitum  
 frustra retractum irrisio ac publica  
 contumelia sequatur, per hæc à no-  
 bis toties quæsita ludibria belli via-  
 rumque circuitus, & flexus inanes,  
 nonne perfidis firmitudo, dubiis in  
 fide lapsus, desperatio bonis Lusita-  
 nis incurtietur, ex hoc scilicet vires,  
 consilium, aut animos nobis deesse  
 cernentibus? Saltem eadem ferè in-  
 commoda, ac detrimenta rerum ma-  
 nebunt nos sive nihil cum recessè-  
 rimus, sive aliquid cum in rem in-  
 stiterimus infelicitè etiam ausos,  
 quando præterea tentandi nunc belli  
 fortuna utrisq; cõmunis, & æqua est.  
 Temporis quidem satis hucusque à  
 nobis amissum; satis audaciæ ac pe-  
 tulantiæ rebellibus patientia, & mo-  
 ra nostra contulimus. Juvat nunc per-  
 tinaciam, incrementumque licen-  
 tiam confringere hostis, nostram  
 nos ignominiam, si alia re fieri ne-  
 queat, sanguine abluerè. Ratio æqui-  
 tas, sana fiducia nobiscum erunt, qui  
 adversus perduelles inferimus arma.  
 Aderit simul Numen, Hispaniæ mi-  
 litæ robur, faustum auspicium, ac  
 nomen inclyti Regis, qui contra  
 Tyrannum insurgit. Postremò si cæ-  
 teri nimis segnes, aut cauti, nimis  
 prudentes, aut timidi plus esse sibi  
 cavendum quam in re nunc auden-  
 dum existiment, expectentque for-  
 tassè cum fortuna pacisci, aut ipsam  
 in desidentium, ac dormitantium ho-  
 minum sinum ingerere palmas, equi-  
 dem solus cum meis legionibus ir-  
 ruendi statim in hostem potestaté effla-  
 gito. Adhæserint alii necne, seu nos  
 eventus in re semper incerta sefellerit,  
 solatio tamen, & gloriæ morientibus  
 fuerit primæ expeditioni pro Catholi-

„co Rege susceptæ ampliori virtute ,  
„quàm forte cruorem , & spiritum im-  
„molasse.

His à Rivenſi ferociter dictis , aliorumque prolatis in medio ſententiis Sebaſtianus Moxica , & Geraldinus Hiſperniſium Tribunus militum Rivenſi Marchioni acceſſere. Marchionem Falcenſem , Terazam , & Paceccum equitatus magiſtrum contraria ſententia tenuit. Aequatis ergo ſuffragiis , ut in re dubia gravique , placuit Garaio Monregium conſulere. Itaque Rivæ ipſe Marchio ad Monregium rem delaturus cum equo rapido vectus eſſet , eo præcipiti curſu ire ad illum cum his mandatis appropinquavit , ut ipſo ſeſſore deſiliente equus ſtatim examinatus prociderit. Audit Monregius habitum rerum , Garaï conſilium , æqualitatem ſuffragiorum , mentemque Garaï ad certandum procliviorē interpretatur , ſiquidem ipſum Rivenſem miſerit ea de re Monregium edoctrum qui in calculatorum collatione pro certamine cenſuiſſet , ille tamen more ſenum aſpernatus ardorem ac ferocia juvenis dicta , quibus arma inculcabat , veritus ſimul ipſe decernere quod in dubium vocaſſet vetus , inſignisque miles Garaïus , neve Olivarii quoque Regiſque præteriret imperia tutelæ Provinciæ tantum , niſi nec illa proſus incerta aliquod majus fortuna promitteret , circumſcripta. Poſtremò ea inſita animo inertia , ſuoque implexo , ac trepido nimis ingenio uſus extemplo inde juiſſis retrocedere copiis , meliori ſe tempore reſervare conſtitutum dixit , quæ quidem temporis intervalla , armorumque remiſſio , ut nutantis tunc regni primordia conſolidarent , Luſitanis ſemper utilia futura erant. Vacuus reverſus itaque miles , ac ſuis ſtationibus diſtributus impudentius , ac laxius deinde vitis ſeſe priſtinis volutandum abjecit , nec ea omnino audebat prohibere Garaïus quia Monregio ſe ſatis ſciebat amula-

tione virtutis inuiſum , neve acrius licentiam plectendo militum , ipſi etiam Duci morum ſimilitudinem exprobraret.

Dum hæc apud Caſtellenſes agitantur , Uliffipone graves in Bregantii caput initæ inſidiæ ſimul exortæ , atque diſjectæ ſunt. Bracarenſis Antifteſ vir , ſicut alibi diximus , animo conſtans , intrepidus , acer eo in Catholicum Regem ſtudio , & amore quo in Bregantium flagrabat odio. Hic igitur ab initio defectionis impiger , anxiusque quo ſcilicet modo reddere ipſe Philippo Regi Luſitaniam per injuriam ablata poſſet , ideoque ſpem ex ſpe , & ex conſiliis conſilia volvens , attrectare poſtremò primorum animos ſtatuit , eosque blanditiis , & artibus ſenſim illicere , multo quidem facilius plurimorum conſentiūque livore procedum , occultisque ratibus inſidiis quàm armis externis invidioſum , ac præcoccem Regem oppreſſum iri. Ipſe namque Bregantius novo in illo , reſtriçto , dubio atque oppugnato paſſim imperio magnatum præcipue potentiam , & opes ut ſibi maxime infeſtas ſuſpiciebat. Porro autem Principis idem metus cum jam omnibus exploratus , & cognitus eſſet re ipſa moleſtior , & gravior in ſubditos recidebat , dum expeditior , ac certior in manu Principis per vindictam omnis cõtractæ ſuſpicionis extinctio , quàm tota ſubditis cautio ſive tutela foret , maturius idcirco niſi Bregantius præverteretur , ſibi aliquando pereundum eſſe cenſebant. Hac diffidentia , hæc formidine animi peræque illis viciffim incuſſa , & mutua ſuſpicionē , atque odio animis ulceratis , ſciſſisque , conjurationem , quam diu agitaverat animo aggrediendi Præſuli Bracarenſi opportunitas orta , ſimul etiam , ut ea primariis lectiſque viris innixa factione , auctoritate , conſilio promoveretur. Rem præterea , ut proſperè fluere , quamprimùm accelerandam arbitrabatur Antifteſ , ne ſervire forte



fortè confervo, quod erat initium, & causa miscendi omnia, impositoque repentè cervicibus jugo jam magnatibus affluetis cum tempore, & usu emollietur invidia, néve potiùs favorum & gratiarum illecebris à Principe captis, ac delinitis, alternæ suspiciones, è quibus acria manabant odia, turbarumque semina pullulabant, dirimerentur. Novus præterea Rex erat; regni res fluctuantes; sui ipsius studiosos Rex Catholicus multos habebat; & majori fortassè inquietorum delectamento res trudere novas novissimæ potuissent. Cæterùm inter regni summates cum partes, & Principes partium ad conjurationem solidè statuendam requirerentur, hoc seriùs Antistiti volutanti generis causâ ut regio stipiti propiores & splendore divitiarum Averi Dux, & Villaregalis Marchio in rem occurrerant. A Duce tamen Averi qui potentia, ac dignitatis specie, & familiæ amplitudine longè superior erat, imbecilla & gracilis ejus ætas Antistitem avocabat. Hinc ferebatur in Marchionem, quem supra generis claritudinem, & immodicas opes, rerum etiam usus, & decora canities, & popularitas commendabant. Huic igitur viro Bracarenfis studio, & industria, & ejusdem quoque in Regem propensione in partes facile tracto, conjurationisque Principi constituto paulò post Dux Camignæ filius ejus adultus accessit. Deinde per feria, per jocos, dum causam Antistes callidè flectit, & casu, an consilio, & tentabundus tunc loqueretur incertus conspiratis denique implicuit supremum fidei Quæsitorem, post Cruciatæ Præsidem, & Comitem Armamari; ipsius Antistitis consanguineum, ac tandem Augustinum Emanueleum spectatæ nobilitatis, ac fidei virum. His viris egregiis velut conjurationis capitibus constitutis, & Ecclesiastico Principe cum Profano ad majorem ostentationem, & plausum gerendæ rei populû-

que errorem, & fucum adjuncto, simul omnes secretò conveniunt, & qua ratione agenda res esset consultant. Variare primò sententiæ ut diversâ illas studia, mores, ingenia, hominum ætas agebant. Tandem in Bracarenfis ut totius negotii auctoris sententiam itum; qui omnium consensu in hunc modum cogitatas insidias struxit. Die videlicet quinta mensis Augusti conjurati nocte intempesta in Regiæ quatuor distinctas partes, in totidem arcibus angulos flammæ, & oleo interlitas faces, & alias aptas ignibus escas injicerent, cumque muris, tectisque correptus ignis intus, & foris tumultum, & metum undique exciret, flammæque restinctum, ut solet plerumque turmatim concurreret populus in ea fluctuatione animorum, & rerum omnium confusione conjurati promiscuè tanquam opem & ipsi ferentes per incendia, ædiùmque ruinas, suetasque tumultibus prædas irrumperent, Bregantium confoderent, uxorem ejus, ac liberos caperent, eodemque sese tunc collidentis, ac trepidantis multitudinis impetu disturbatis, cæsisque repentè custodibus arcibus in Regiam, & arcem simul invaderent. Quibus fortassè prosperè gestis Bracarenfis statim Antistes, fidei generalis Quæsitor, & Cruciatæ Præses sacro ornatu, habitûque quemadmodum fieri in sacris solemnibus solet, magnificè exulti in publicum prodeuntes rei novitate attonitam fortè, seu resistantem sedarent plebem, tum & Villaregalis Marchio urbis, & regni administrationem susciperet, donec monitus Rex Catholicus, sicut ei placuisset, imperium, regni que jura repeteret. Hæc magna animorum alacritate, ac tumida spe decreta cum essent, succurrit hominibus etiam quia jam Catholico Regi nec Lusitania procul & terrestres & maritimæ in armis abundè suppeterent copię, rem omnem, ac statim prædocere Olivarium, ut quo

tempore iidem Ulisipponem conjurationem perpetranda capefferent, eodem & ipse curaret, ut terra, marique applicitæ copię, & classis præsertim, quam citissimè posset; Ulisipponem appropinquaret. Hærebant tamen velut in salebra cum planè reliqua statuissent dum sollicitè reputarent, cuinam, & quâ tandem ad Olivarium ferendas has secretas cômitterent litteras, cum omnes passim Bregantius circumseptas teneret vias, magnique momenti arcanum, quod steterat adhuc inter viros ut nobiles incorruptum, labile aut anceps profectò futurum, si hominibus fordidis misceretur. Necessitate tandem compulsi, cum prius omnia circumspexissent, nec aptior alius incideret animo Petrum Baëzam mercatorem regni ditissimum elegerunt, cui per speciem quidem officii externa cum hoste permixta litterarum commercia erant. Nec factu difficilè fuit oblata largè pecunia, extentisque promissis venalem hominem trahere. Baëza itaque à conjuratis creditæ epistolæ sunt, quas ille curaret ad Olivarium perferri. Ipse mox per errorem, falsamque fiduciam recto tramite per Baëzam immixta litteræ in Aiamontium Marchionem tanquam amicum impingunt. Is per epistolas tunc explorata Sidonio confestim nunciat, utriusque subinde consensu, & arcanorum notitia, & ipsæ litteræ casu interceptæ ad Bregantium delatæ sunt: Bregantius cum ingenti tristitia, & animi horrore perlectis epistolis, rei que novitate perculsus, ac summe teritus vocat extemplò intimum amicorum consilium. Insidiarum ibi relecta, execratæque maximè mole, audit idem attentè, versatque singulorum sententias. Postremò ex amicorum consulto rem ita peragit. Die per eos constituta Bregantius in latissimam Regiæ aream, omnes, qui in urbe, vel circa erant convenire milites juber, velle tunc ipse bel-latorum inire numerum, simulque sti-

pendia solvere dictitans. Id temporis etiam quos integra fide noverat obstrictos sibi clientes ad se vocatos alium ab alio diversos Bregantius aggreditur, usque porrectis, cautisque signo chirographis mandat, ut ea nonnisi domum reversi solvant, soluta verò ac perlecta citius mandata conficiant. Post hæc tanquam magnum, & arduum de bello sibi tractando negotium objiceretur, Status, Bellique Senatium frequentem cogit, quò Villaregalis Marchio, & Bracaren-sis Antistes cum aliis ex conjuratis qui ejusdem Ordinis erant, consultum temerè ingredientibus, tunc omnes in Regia capti, & custodia traditi sunt. Camigna Ducem in foro stantem satellites comprehenderunt. Inter hæc, qui abditos signatosque à Bregantio receperat codicillos, his domi reclusis, lectisque postquam singulis amicis, singulos reos corripere, atque in privatis asservare custodiis mandatum inveniunt: tam accuratè, tam prosperè eo officio defuncti sunt, ut conjurationis prætentæ conscii, sive suspecti septem, & quadraginta meridianam circiter horam omnes custodia, & vinculis tenerentur. Vulgata subinde causa per strepitum, populi que tumultus fit concursus ad Regiam præproperam conjuratorum vindictam minaci clamore, fremituque poscentis. Momordit hoc nimium populi studium, qui regni initia præcipuè pavebat, Bregantium, tacitè secum considerantem, tumultuarium quemcumque fordidæ plebis conventum, atque concursum, sive hæc infesta, sive propitia, benèque affecta concurrerit, ob ejus stultitiam, animique mobilitatem, periculosum, ac dubium semper Regibus esse; tum verò id planè videri quoque deterius, quod cujuscumque gravis, levisque momenti suborta re turbulenter coire, efferre tumultibus se, & velut minitabundus dare Principibus leges malo exemplo assue-sceret populus, sacræque Regum consilia



lia ad multitudinis temeritatem transferri, idipsum tamen jucundum, & maximè gratum in speciem pro tempore accipiens, illi gratias populares per homines agi, leniri animi ardorem, distrahique frequentiam iussit. Mox, quò verè acriora, ac diuturna populi odia ex flagitii concepta magnitudine fierent, minùsque illum in homines noxios jam meditata supplicia tangerent ex composito, & falso vera tunc intendendo in vulgus passim effusum est. Conjurasse, attentasse jam deprehensos in scelere procures totam excindere, ac funditus perdere domum Bregantii, supérque regiam deletam familiam, & stirpem, & infontium Principum stragem, & funera Regum sibi ipsis attollere imperium, quod nec jure, nec populi assensu, sed tanto facinore peteretur. Ex eo igitur multò magis ira, atque odio incallescens populus concitatur; cujus visa nunc recens animorum conspirantium affectio, & flagrantior intus invidia, nevé reorum indemnitate, aut fugæ proposito fortè prætextu cresceret plebis tumultus, aut in miseratione invidia cum tempore mutaretur, commovit Bregantium cum omni celeritate de eorum supplicio statuere. Causa per eos Vlisippone discutitur Iudices qui è regio prætorio erant, iisque ut mos est in Hispania magnatum tractare crimina, binos ad examen iudicii assidere primates provisum est. Hic verò postquam litteræ, testes, indicia prolata sunt, ex actorum contextu primus Bæza quæstionis torturam subiit. Nondum ardere doloribus cœperat corpus, nec majores adhuc tortores cruciatus adjecerant, cum ille statim dejectus, ac fractus animo, fufius excogitati facinoris ordinem promit. Idipsum & multi ante admota tormenta fassi, mox & verberibus lacerati, circumjectisque flammis ambugi inter acerbicatem, ac vim tormentorum repetere compelluntur. Summates confessio prævia sub-

duxit pœnæ ac dedecori tormentorum. Hisque severiùs secundum legem exactis, convicti omnes, criminèque confessi nullo discrepante suffragio capite condemnantur: cum læsa præterea divina, & humana majestas obtenderetur, nec Bracarenfis Antistes, nec cæteri quoque alieni quanquam ob sacras infulas fori à capitali supplicio excepti togatorum sententia sunt. Verumtamen omnia hæc jure regio, & communi, quod nec tempus, nec locum, nec personas secernit, sancita sunt. Videre insuper tunc è republica erat, quod ratio pro causa interesset primariæ nobilitatis, novi imperii, novique Regis ac pro decreti executione supplicii juris communis respectus rationi quoque Politicæ ac statui reipublicæ conveniret. Quocirca Bregantius frequentiori jam Status Senatu, quia Princeps erat allocuturus, in hunc modum disferuit.

Marchionem Villaregalis, ejusque filium Camignæ Ducem cum cæteris conjuratis perduellionis crimini obnoxios, idipsum & planè fassos, & per concordēs etiam omnium Iudicum calculos extremo supplicio adictos in potestate habemus. Ego idcirco sententias vestras contra morem boni cōsili, quod viget mora, celeritudine hebescit, festinus efflagito, eo scilicet animo, ne deferveat, neu vertat hoc in præsentī nobis propitium populi studium, aut aliqua enata repente causa, id, quod videtur jam factu facile, & justum cunctatio deinde reprehendat, aut penitus tollat. Et procures quidem propter criminis turpitudinem, suoque pondere gravioris quòd publicæ causæ, & communi omnium pesti, & exitio conjunctum est, ne dum extremo humanorum malorum videntur interitu digni, sed si esset etiam aliquid supra mortem, hoc genus quoque supplicii promeruisse. Cæterum & ultioni

„ provisio, & ratio privata publicæ,  
 „ & iræ consilium, & consuetudini ele-  
 „ ctio quandoque ne erroris cursu po-  
 „ pularis abstracti labamur, antepo-  
 „ nenda sunt. Sanioris autem eligen-  
 „ di consilii regula certa est, haurire  
 „ nonnihil præteriti, multum conferre  
 „ præsentis, multoque plus, quod eve-  
 „ nire, futuri, potest. Acuere prop-  
 „ terea decet ingenium, ac seriùs om-  
 „ ninò pervolvere, utrum ab eo, ad  
 „ quod jam ultio, ira nos incitat, jus,  
 „ læsæ majestatis exemplum, & per  
 „ supplicia ostentandus sceleratis ho-  
 „ minibus terror, deterre, ac retra-  
 „ here fortasse debeant utilitas, tem-  
 „ pus, talis regiminis constitutio, aut  
 „ jura necessitas emendare. Et primum  
 „ profectò satis omninò constat, ulti-  
 „ mam mihi fortè solutam à perduel-  
 „ libus pœnam nec mihi ipsi Coronam,  
 „ nec vobis reipublicæ quietem, esse,  
 „ ut optamus, facturam omninò in-  
 „ concussam, & stabilem, aut dein-  
 „ ceptis similiter conspirandi materiem  
 „ scelestis ac fomitem penitus extin-  
 „ cturam; magna quippè adest mihi  
 „ enumerandi copia, qui suis conju-  
 „ rationibus obruti, in flagitio nempè  
 „ deprehensi, affectique supplicio fue-  
 „ rint, & hucusque tamen violatur lex  
 „ majestatis, violandaque semper erit,  
 „ dum istud mortale corpus, ita ani-  
 „ matum, ita afflatum, ita mistum, at-  
 „ que concretum fuerit: scimus præter-  
 „ eà fava, & atrocita quantumvis justa  
 „ in pœnam reorum, seu morum cor-  
 „ rectionem inflicta supplicia sæpè ho-  
 „ mines depravasse, atque ex malis im-  
 „ probos effecisse, acriorisque firman-  
 „ da pro pace turbas in republica con-  
 „ citasse, ut agro aliquando remedia  
 „ malè apposita corpori loco salutis  
 „ pestem accelerant, sive hoc refera-  
 „ tur ad immutabiles rerum vices, &  
 „ superiores abditas causas, incertum-  
 „ que fortunæ arbitrium, sive quia dum  
 „ inter paucos pœna grassatur in plu-

ribus etiam, qui eis amicitia, neces-  
 situdine, utilitate conjuncti sunt, gra-  
 via, & acerba interdum provocet  
 odia, extimet iras, unòque tan-  
 dem inimico sublato, quamplures  
 subinde in similitudinem hydræ ex  
 reciso velut capite profluant. Suppli-  
 cia propterea cùm nefariis homini-  
 bus decernuntur ne ea relabantur in  
 eos qui decernunt, non juris modò,  
 inanisque populi plausus, & auræ  
 mobilis, fallacisque, sed est etiam ha-  
 benda tum personæ, tum temporis  
 ratio. Pro tempore autem, quod est  
 agendarum mensura rerum, quid  
 hoc asperius, quid præsentis diffi-  
 cilius, ac durius? Regna profectò  
 atatum quasi discrimina constant, ut  
 aliæ regni ineunte, aliæ progredien-  
 te, aliæ ætate quasi vergente rationes  
 expediant ad ipsum administrandum,  
 mihi que jam in imperii rudimentis,  
 ac propè incunabilis constituto quid  
 profuturum existimem, si tam citò  
 eduxero gladium & celsiora imperii  
 capita sternam? quod & superbo  
 ejusdem consilii auctori infelicitè  
 quoque accidit, sanctumque & im-  
 motum hoc idem amplissimis Regibus  
 institutum, velut sacro parcendi san-  
 guini Principum, mihi in angusto,  
 novissimoque regno jam propè la-  
 banti impunè violare, aut negligere  
 liceat? At qui manifestus mihi popu-  
 li favor, ardorque pro ultione secu-  
 ritate, plebi lætitiæ, adversariis  
 formidinem faciet. Nihil quidem in  
 vulgo stabile, aut modicum, & ple-  
 runque de extremo ad extremum  
 suo more præceptis abripitur? Quid  
 porrò eum pro certo facturum pu-  
 tem, cùm duo hæc sublimia capita  
 regni litoris manu succisa, cruore  
 stillantia, humi projecta, & sanie, ca-  
 nòque polluta viderit? Quidni sta-  
 tim exorta, aut ab invidis ipsi per  
 fraudem, & dolum injecta suspicio  
 fuerit, non scelere procures, at le-



„ viori suspitione, aut crimine ficto, ac  
 „ nefaria cautione peremptos esse? in-  
 „ de aliàs fortasè affectiones induerit,  
 „ quas conditione, & fortuna mino-  
 „ ribus, ut populus est, supra modum  
 „ ingerit miseratio; quique supplicio  
 „ exultare, atque plaudere primò cœ-  
 „ perit, eodem exacto, nec misereri  
 „ fortasè, deinde nec furere desinet.  
 „ In hunc propè modum Iulii Cæsaris  
 „ eadem ob eversum Tyrannum, ac  
 „ libertatem reipublicæ redditam, ple-  
 „ bes Romana partim gratulabunda,  
 „ partim quiete, ac silentio primùm ac-  
 „ cipere visa est, sed ubi corpus ejus de-  
 „ forme, vulneribus scissum, exangue  
 „ in foro publico jacens subjicitur ocu-  
 „ lis, tunc erumpente misericordia, eâ-  
 „ que in iram, & rabiem repentè con-  
 „ versa, quæ hucusque quieverat, ex-  
 „ citata spectaculo, sæva, immanis,  
 „ turbulenta statim ultionis ardore cu-  
 „ currit. At enim populi studium sua  
 „ natura incertum, & vagum, & cui  
 „ nec satis fidere, nec omninò dif-  
 „ fidere locus est. Quis denique effu-  
 „ gerit regni optimatum invidiam, ac  
 „ pertinax odium, hoc perpetrato sup-  
 „ plicio, siquidem Villaregalis Mar-  
 „ chio, ejusque filius Camignæ Dux  
 „ plerosque magnates Hispaniæ illustri  
 „ agnatione comprehendunt? Quod  
 „ assequi nequeunt fortasè ultores pro-  
 „ cerum manes, quia & ipsi quando-  
 „ que, & præsertim si animæ magnæ  
 „ sunt, per umbras dicuntur ciere in  
 „ Orbe procellas, miscere res homi-  
 „ num, & discordias passim effundere,  
 „ vindicabunt sanè cognati, affines,  
 „ amici, totque regio ex hoc stipite  
 „ nata, aut nascentia germina Princi-  
 „ pum, dum acriorem memoriæ acu-  
 „ leum dedecoris nota, & interitus  
 „ causâ posteris, quàm mortis sensus,  
 „ ac dolor affligerit. Ita porro cum  
 „ alia ex alia vicissim nectatur injuria,  
 „ & vindicta vindictam pariat, & ani-  
 „ mi ulcera consenescent, nisi venia

nunc intercesserit, perpetuò quidem  
 in regno odiorum materies, ac seges  
 alentur in excidia familiarum, & exitium tandem publicum eruptura.  
 Hinc moderatrix illa pœnarum, & ira, ac regio verè culmine digna clementia nobis occurrit, cum imperii temperandis initiis ejusque servandæ tranquillitati, tum maxime procerum supercilio, præsentique fortunæ nostræ conveniens. Etenim si in ignobilem hominem sævias, cum plebi soluta vis, modicæ opes, cura parum honesti, ac fermè sub caligine vita sit, ad tenendos reliquos in officio suo more pavidos, abjectosque dirum supplicium exemplo valere potest. At viros primarios, quos factio, concordia, quos ingenium, quos reciproca auxilia pro conditionis honore gradûque communi tuendo copulant, & quocumque dolore potior dedecoris sensus excruciat, ea vehementiùs ut indecora quidem exulcerant, quæ prodictiones, atque perfidias supplicia coarguunt; propterea quæ adhibita sæpè remedia acerrima sunt in multitudinem concitatam, & sordidam, ea ipsa in nobiles versa res novas, ac turbamenta reipublicæ moliuntur. Talis nimirum summatum conditio est, generoso simillima equo, qui furit verberibus, asperum frænum abrumpit, sed obtemperat molliori, & virgulæ nutus, potiùs quàm ictus sequitur. Complures mihi Reges in mentem veniunt, qui stimulo iræ contra magnates ad extremam usque perniciem infesti, cruentique & sibi, & reipublicæ pessimè consuluerint, sed recens non minùs, quàm luctuosa Comitæ Egmontii, atque Hornani per Orbem decantata memoria est, quorum inconsultis, properisque suppliciiis incensa, erecta, seseque intendente factione Principum, seditioseque cætus, ac turbas in Belgio tra-

hente

„ hente, magna denique illius regionis  
 „ pars non sædo correctæ exemplo, sed  
 „ effrænata Hispanum tandem jugum  
 „ excussit. Hoc triste consilium ab  
 „ Albani feroci capite ductum, cum ad  
 „ Gallicas extinguentes, quas pueritia  
 „ Regis accenderat, belli civilis faces,  
 „ Albæ idem Dux subiecisset Carolo  
 „ Nono Francorum Regi, idque ne-  
 „ glectum à Catharina Medicæ sin-  
 „ gularium foemina dotium, cum ad-  
 „ versus Guisium inter Comitatus teme-  
 „ re casum arripuisset filius ejus Hen-  
 „ ricus, is miserabili tandem clade si-  
 „ mul cum regno vitam amisit. Ita  
 „ violentum hujusmodi Albani consi-  
 „ lium binos Reges præcipientes voluit,  
 „ nobisque alienæ calamitatis exem-  
 „ plum iisdem, in quibus nunc ambi-  
 „ guitate, aut inopia sententiæ versa-  
 „ mur, erroribus accersitæ disciplinam  
 „ in præsentia firmare debet. His quo-  
 „ que rebus accedit, potentem, & acer-  
 „ rimum hostem terra, marisque immi-  
 „ nentem jam Lusitaniæ propinquum  
 „ esse. Interficite itaque proceres, eis-  
 „ que æternam infamiæ notam inurite,  
 „ si irritamento fortasse nobilium ex-  
 „ tentæ, inflammataque partes clam,  
 „ aut palàm intestinas discordias in re-  
 „ gno moverint, & nos quasi pontem  
 „ aut molem ex stratis corporibus Prin-  
 „ cipum per hoc structuri supplicium  
 „ sinus, cujus transitus Castellensis ap-  
 „ properet Lusitaniam occupaturus.  
 „ Ut ilius igitur reipublicæ fore videtur  
 „ eos custodiis adstrictos velut obsides  
 „ asservare, quorum dilato mortis ar-  
 „ bitrio, eventus ignaros, mente per-  
 „ plexos, & in suis deliberationibus  
 „ hæsitantes, ac trepidos malè jam in-  
 „ clinatos reliquos proceres contine-  
 „ bimus; hostes verò terruerit emer-  
 „ su inutiliter conjuratio, perque ipsam  
 „ callidè nobis quæsitæ clementiæ fa-  
 „ ma haud difficilè fuerit, ut rerum no-  
 „ varum fomenta, quæ emanare inde  
 „ possunt, extinguat. Porro autem ea

præsertim inter artes regnandi domi-  
 nari videtur, quæ verè, seu fictè in-  
 hærentem in animo spem sive me-  
 tum, humanarum nempe cardines  
 actionum, cautè versare, atque in-  
 flectere sciat. Eadem spe quamquam  
 vana complures sæpè pellecti, flexi-  
 que ad extremum usque spiritum vi-  
 tæ obsequium, & fidem in Regem  
 irriti coluerunt, quæ iidem fortè ru-  
 pissent ea intempestivè depulsi. Id-  
 circò etiam pœna vel beneficium per  
 cunctationem, & moras aliquando  
 suspensa, artibusque dilata profue-  
 re sæpè reipublicæ magis, quàm  
 si eadem invecta celeriter essent; nam  
 memoria vitio, aut natura caduca,  
 & fragilis est, & ut plurimum ultio  
 longè diversos à vindicis mente parit  
 effectus, aut frustra sæpè tentata cum  
 graviore perniciæ prodit infirmitatis  
 experimentum. Hunc autem regnan-  
 di morem, qui ut veræ virtuti oppo-  
 situs, & falsitatis specie contractus  
 summis Regibus vitio ducitur; res  
 trepidæ nobis, ac dubiæ, regni que  
 novitas, atque parvitas, quibus acue-  
 re decet, ubi vires deficiunt, inge-  
 nium, excusare merito poterunt.  
 Itaque Marchione, ejusque filio Ca-  
 mignæ Duce carcere pressis, ac spe  
 pariter veniæ nobilibus adumbrata,  
 vel saltem in dubio posita, rerum no-  
 varum artificibus causa, ingenio præ-  
 fervidis ultimus impetus, desperatio  
 fortasse auferetur timore perculsis, ac  
 præcipitia spectantibus, nòsque reo-  
 rum horum magnatum libertatem,  
 ac vitam artibus nundinantes cives  
 simul, & hostes saltem ambiguos,  
 pendentes animi nihil intra, vel ex-  
 tra regnum aufuros per ultionis in-  
 manu pignus habebimus. Secus hæc  
 omnia argumenta per eadem inten-  
 tam unus halitus mortis, aut ictus tor-  
 toris extinguere, nec porro quid  
 metuant, sperentve deinceps sive ami-  
 cis, sive inimicis laxatis jam odiis,  
 furis que



„furiisq̃ue solutis reliquum fuerit. Hæc  
„causa postremò , ut mea injuriæ , ac  
„periculo quoque conjuncta cùm me  
„Judicem simul exhibeat , atque in vi-  
„ce reddenda partem , si fuerit ex vo-  
„bis , qui hac mea firmiorem senten-  
„tiam dixerit , & refelli non indignabor ,  
„& in illam ingenuè fateor me æquo  
„animo discessurum.

„Hæc Bregantius , sed contra Mar-  
„chio Ferreirus in hunc modum locu-  
„tus traditur. Multa me , Rex , ab hoc  
„suffragio ferendo avocant , quæ mi-  
„nus alios in alia fortasse causa contin-  
„gerent lædere nempe jus & officium ,  
„aut regni optimates offendere , à qui-  
„bus te satis regia potentia , splendor-  
„que tutatur , equidem ut privatus plu-  
„ribus rebus obnoxius , egensque op-  
„portunus injuriæ , ac detrimento sum ;  
„simul te propriè in hoc negotio tui  
„animi sensum aperuisse , cùm Rex in  
„Senatu seu primo , seu ultimo loco  
„censeat per adulationem , aut metum  
„crebrò sententias vitiet : præterea tam  
„pravè , quàm rectè consultata cùm pa-  
„teant fortunæ ludibriis & casibus re-  
„rum innumeris , incertisq̃ue meum  
„consilium , si benè cesserit utilitas tibi ,  
„sin autem improspere dedecus mihi ,  
„ac periculum comparabitur. Postre-  
„mò ubi hæc , quæ excutitur modò  
„causa tuæ salutis præsertim , totiùs  
„que regni discrimen implicat , durio-  
„rem fortasse sententiam suspicio as-  
„sentationis asperferit , leniorem pro-  
„ditionis. Attamen mecum omnia  
„cùm reipublicæ utilitas superet abs-  
„que ulla offensionis formidine planè  
„fatebor , quod sentiam. Itaque libe-  
„rè censeo de Villaregalis Marchione ,  
„ejusq̃ue filio Camignæ Duce , ac cæ-  
„teris conjuratis secundum legem ma-  
„jestatis , quanta fieri possit celeritate ,  
„sumendum supplicium esse. Etenim  
„cùm ipse Philippo Rege detruso re-  
„gnes in Lusitania , tum Europæ ple-  
„rique Principes Austriacæ familiæ

„clientes , quemadmodum tui quoque  
„regni magnates de regio nomine , &  
„apice ambitiosè tecum contendant ,  
„tu ideò nunc penes maledicos , invi-  
„dos , stultos , quorum affatim copia ,  
„Tyranni opinionem , ac speciem in-  
„duis , quibuscum te geras oportet , ne  
„pereas more Tyranni , ut severior ,  
„quàm mitior sis , cruentas per scenas ,  
„ubi res ita cogit , ac terribiles appa-  
„ratus ostentando terrorem , ingentef-  
„que jactando spiritus , quo scilicet  
„quidquid pro cultu , & obsequio  
„amor , & mansuetudo , ut in tran-  
„quillo , solidòque contingit imperio ,  
„non valet , metus extorqueat. Ita por-  
„rò ex duobus præclarioris famæ , aut  
„infamæ Tyrannis , clementia , qua  
„promiscuè , & immodicè usus inimi-  
„cis ignovit , perdidit Cæsarem , feri-  
„tas verò , atque immanitas Syllam  
„servavit ; nam beneficiis amulis etià  
„collatis succrescit invidia , quippè  
„quæ semper aculeos , ac virus ab ipso  
„virtutis flore decerpit , ex poena verò  
„formido subigit animum. Ea propter  
„in Rege imitatio Tyranni , & in Ty-  
„ranno Regis , varii status , variq̃ue  
„in utroque statu tenendi moris disci-  
„men non facientium iræ , atque in-  
„vidiæ scædo , ac multiplici exemplo  
„multorum Regum exitia permiscuit.  
„Igitur ab adjecto , altiusque impresso  
„primatibus metu unum superest tibi  
„novo in hoc sustinendo regno sub-  
„sidium , ac robur , qui si interciderit  
„unquam timor , animiq̃ue in te di-  
„missionem , & fugam notaverint for-  
„tè proceres , hoc uno , quo vix nunc  
„continentur , metus vinculo effracto ,  
„quis effrænatam illorum deinceps li-  
„centiam coërceat , vel contumaces  
„spiritus tundat ? Idne accadat planè  
„vereor , si Marchioni Villaregalis ,  
„Duciq̃ue Camignæ pepercis ; nam  
„inopi , ignobilique in re gravi con-  
„cessa venia , nihil aliud in Principe  
„arguere nisi clementiam , ac mansue-  
„tudinem

„tudinem potest, at primario, & sce-  
 „lesto concessa viro jam convicto, de-  
 „prehenso in Regis, regniq̃ue interi-  
 „tum machinari, ea ipsa timoris opi-  
 „nionem colligeret, plusquam nego-  
 „tii facessere Principi magnatum po-  
 „tentiam, & opes, quàm vindictam  
 „injuriae, & cautionem personae re-  
 „gie, qua fordida statim ac vili de  
 „Principe existimatione concepta,  
 „quidni perfidiam impunitas, man-  
 „suetudo contemptum, contumaciam  
 „clementia apud reliquos gigneret? &  
 „quasi in degeneres foetus abeunte na-  
 „tura, noxios virtutes, effectusque si-  
 „bi dissimiles ederent? Tandem ut  
 „præmium, & poena, ita metus &  
 „amor, quæ inde oriuntur, imperii  
 „præsidia, atque ornamenta sunt. Hac  
 „mixta, ac temperata salubria sunt, dis-  
 „creta periculosa, si neutrum accesse-  
 „rit, certa regni perditio imminet:  
 „cùm igitur nullus sit tibi penes ma-  
 „gnates aestuantem propter invidiam  
 „benevolentiae locus, aut Rex, & me-  
 „tuendus ipse, aut metuens, & servus,  
 „modo vita supersit, futurus es. At  
 „esto, ut fortè Rex vis, hisce reis ignos-  
 „catur, & metum quem aliis incutere  
 „debes tecum retrusum in animo ha-  
 „beas, clementiae ex eo passim famam  
 „aucupaturus, quæ ex metu, ac simul-  
 „tibus ortas suspiciones oppræsserit.  
 „Quid porrò si iidem ipsi tanto me-  
 „rito tibi devincti, & in gratiam re-  
 „cepti minimè parcant? Quid si in  
 „gratiam reditus fallax, si condonatio  
 „supplicii relapsura fortassè in condo-  
 „nantem sit? Maxima beneficia gra-  
 „viora plerumque quàm grata sunt,  
 „alia pudor intercipit, alia torquet in-  
 „vidia, quædam, qualis est temerè in-  
 „dulta proditoribus vita, ut expro-  
 „brantia memoriam quoque fatigant,  
 „& animos lacerant, hinc & odium  
 „erumpit, & consilii animi tedium, &  
 „meditati sceleris horror, ac demum  
 „irrisio pro officio, injuria pro gratia

redditur, ita, ut ideò sæpè dissimula-  
 „re, quàm remittere injuriam præstet,  
 „in te autem nunc, Rex, tam manife-  
 „sto, tam execrabili scelere remissio,  
 „vel dissolutio potiùs cadere potest,  
 „dissimulatio non potest. Cùm verò  
 „perniciosa, ac pestiferam istam cle-  
 „mentiam amplecti malis, quare etiam  
 „proceres istos, qui de merito, ac ge-  
 „nere vix aliquid tibi concedunt, non  
 „pudeat, aut pigeat præcarium, tibi-  
 „que obnoxium ducere spiritum, aut  
 „cur non ingentis beneficii momenta  
 „calumniantes, te metu compulsam  
 „intelligant poenam nunc illis condo-  
 „navisse, cujus severus tamen exactor  
 „futurus in tempore sis? porrò alii ab  
 „alio cavendum est, cùm pereundum  
 „alterutri sit. Ne igitur aliena ab hoc  
 „tempore opinione, atque errore cle-  
 „mentiae jacteris: communem ordi-  
 „nem rerum jam appetitæ personae ra-  
 „tio, tempùsque transvertit, hic man-  
 „suetudo nocet; infesta clementia est;  
 „dissimulatio non habet locum: per-  
 „sæva hæc, & atrocia, sed necessaria  
 „quidem supplicia vel tuæ te salutis  
 „solicitem ut ulturum, seu moritu-  
 „rum oportet, & illatam rependere in-  
 „juriam, & inferendam avertere, spar-  
 „sioque inimici per carnificem sangui-  
 „ne tum abstergere contumeliam, tum  
 „pericula, & formidines tuas, tum  
 „spes, & conatus cæterorum æmulo-  
 „rum immergere. Hoc ingentia, hoc  
 „scriptæ protectò legi, id Barbaris at-  
 „que feris indito instinctu, id quoque  
 „Numini placet, cujus singulari præsi-  
 „dio afflatùque nunc velut miraculo  
 „ereptus exitio es, raròque humano,  
 „aut divino monitu abusus bis idipsum  
 „impunè datur periculum experiri.  
 „Nec præterea exequendo quod affe-  
 „ro tibi consilio, ut contraria argumen-  
 „ta diluam, vel tumultuosa, vel lubri-  
 „ca obstant hominum popularium in-  
 „genia, procerum modò supplicium  
 „accelerando favorabili hoc populi  
 ardore



ardore, impetûque uti intrepidè velis,  
qui ut nunc præfenti memoria sceleris  
recenti tanquam vulnere calet, lan-  
guere, aut frigere per moras tantum-  
modò posset, aut in diversum mutari.  
Licuit idcirco Bruto Romanum vol-  
vere imperium, quia scilicet odium, &  
execratio stupri cædisque manifestæ  
Lucretiæ affectam, & vehementer illi  
commotam plebem Romanâ, & per  
ingentem conceptam iram ad res no-  
vas tractabilem cõstituerat. Secus ve-  
rò Cæsare occiso alteri Bruto accidit,  
quòd nulla recens, ac prævia commo-  
tio populi per vulgatum aliquod ne-  
fas ad imperii mutatione animos ho-  
minum servituti jam assuetos præpa-  
ravisset. Hic autem tanto flagitio in-  
flammat, atque in omnem ultio-  
nem erectus adeo nunc strepit, furit-  
que populus, ut à tua tibi potiùs cle-  
mentia, si quidquam remiseris, quàm  
à rigore supplicii, si poenam intende-  
ris, pertimescendum sit. Nullus ergo  
te objectus à populo metus, nisi in ne-  
gotio cunctantem, aut resitantem af-  
ficiat. At regni etiam optimatû in-  
vidia, adversique conatus, & ultrices ar-  
rectæ partes in tali virorum interitu  
inevitabiles certè forent. Contempti-  
bilis quidem, & omninò imbecilla  
nobilium potentia est à populo sepa-  
rata; quid porro etiam, si ut in præ-  
fenti videmus in seipsa quoque distra-  
cta alteri altera averfa, atque opposi-  
ta est? Ita præterea nati, ita instituti  
proceres sunt, ut quos inanes per  
minas, aut futes causas propositus  
timor exasperat, atque ad vindictam  
magis accendit, iisdem solidus, &  
conjunctus cum nervis, ac viribus  
timor franos admoveat, & superci-  
lium abjiciat. Sublato verò consensu  
populi cunctis Regibus formidabili,  
scissaque in se ipsa nobilitate quorum  
plurimi tecum conspirant, jam vires  
opèscque tibi redundant, ad reliquo-  
rum procerum confringendam au-

daciam, nec ullus unquam nisi impe-  
tu ira, aut amentia, qui ut plurimum  
vulgares homines possidet, sua spon-  
tè ad luctam periturus accessit. Nihil  
itaque tibi ob justum, imperatûque  
in viros primarios supplicium nunc  
jure cavendum est à factione ma-  
gnatum, qui quarere potiùs in hoc  
negotio studuerint animi tui experi-  
mentum, ut contra Regem intelli-  
gant quantum impofterum sibi mo-  
liri, & audere licitum fuerit. Atqui  
melius rem explorantes, excutien-  
tisque in clementiam inciderint!  
Omnis profectò potentia in homi-  
ne, famæ virtutis exuperantia quam-  
vis cum morum candore, ac suavita-  
te conjuncta gratuitò malevolos pro-  
dit, invidos excitat, intenditque. Sæ-  
pè inde Reges quo vigorem, & animi  
magnitudinem ad invidorum formi-  
dinem ostentarent, aliàs ut superbiæ  
infidiisque procerum obviam irent,  
aut causas in homines fontes com-  
menti sunt, aut laqueos per dolum  
intexuerunt quibus illos de medio  
tollerent, nec adeò quoque execran-  
da, aut per se fœda crudelitas est cum  
utiliter applicatur. Tu modò proceres  
præpotentes, turpidi spiritus, rebelles,  
seditiosos, lege damnatos tandem so-  
lutos, inultos cum tuo quoque disci-  
mine elabi temerè finas? Non audeo  
tam citò, dixisti Rex, educere gladiû  
& capita summa decutere! Imò verò,  
quia novus, ac rudis in regno sis,  
tuæ parum nunc firmæ, ac stabiles res  
ad hoc te maximè hortantur; ubi  
enim continuata Principum sobole  
quasi per manus successoribus traditur  
regnum, nec extra domum regnatri-  
cem è procerum turba feligitur Rex,  
tunc clementiæ captare famam, qua  
in regiam familiam jugo jam longè af-  
fueris pristinus subditis amor insitus  
hæreat, incipientem Principem juvat.  
At in Regem privato raptim homine  
assumpto in propè pari aliis magnati-

„bus genere, & paribus copiis, cum  
 „omnes vel proposito jam ante oculos  
 „regnare velint exemplo, tantam for-  
 „tunæ indignantium imparitatem, tam  
 „volucrum ferè impetum admirantiū,  
 „atque invidentium odia, ludibria;  
 „æstus invidiæ atque ex his turbulenta  
 „consilia manant in mutuam perni-  
 „ciem novum Regē, & proceres arma-  
 „tura. Ea igitur tui modò sunt incuna-  
 „bula imperii, ut nisi cruenta, nisi hor-  
 „rida, ac trucia fluant, periculum ur-  
 „geat ne ampliùs florere, aut assurgere  
 „queant, privati in te nempe memo-  
 „ria vel auctoritatem, vel fidem, vel  
 „obsequium apud cives diminuente;  
 „cui per terrorem, non autem clemen-  
 „tiam succurrere malo decet. An satis  
 „quoque fortè Rex arbitraris tibi, re-  
 „gnòque provisum, si hos proceres  
 „diuturno, sive perpetuo carcere affli-  
 „ctos cum acri custodia teneas? Scili-  
 „cet quos Palatium, & arcem simul in-  
 „cendere, regalisque prostratæ, & con-  
 „culcatæ domus acervos miserrimos  
 „struere, & Regem, & regnum cineri-  
 „bus tumulare, non terruit nefas, ani-  
 „mus valuit, asperior subinde res ipsis,  
 „graviorisq; fortassè videri poterit esse  
 „molis, in custodiæ effractionem in-  
 „cumbere? Pisces exigui retibus con-  
 „tinentur, majores illa discerpunt, ac  
 „raptant. Donec spiritus igitur horum  
 „magnatum artus afflaverit tibi in an-  
 „cipiti semper vita, volubile regnum,  
 „fomenta, facèsque turbarū, & cumu-  
 „lata ardoribus esca in magnum incen-  
 „diū quàm citò eruptura latuerint; ad-  
 „eò, ut quantum illis misericordiæ tri-  
 „bueris, in tuam perniciem, pestémque  
 „communem casurum sit. Quis enim  
 „refugiat iterum, atque iterū contra te  
 „conjurare si irritus vitam retineat, voti  
 „compos Coronam arripiat? quidve  
 „etiā pramii à te sperare potest amicus,  
 „si inimicis reddere vicē nescias? cum  
 „gratitudo, atque ultio ab eadem habi-  
 „tudine ingenii impigra scilicet, acrí-

que natura manare æquabiliter soleāt.  
 Caterùm, & si jejuna, vel frigida hæc  
 prolata sunt argumenta, valeat saltem  
 in causa auctoritas, vis, & reverentia  
 legum, quibus planè parere præstat,  
 quàm per fallacias interpretari, & ob-  
 tusum simul ingenio simul cum lege  
 sentire præstat, quàm cōtra ipsa argu-  
 tum, & vividū. Valeat illa præsertim,  
 quæ lex majestatis inscribitur, Regis,  
 regnìque subsidium ac nervus, & quæ  
 ut pœnarū effuso terrore coërcet con-  
 silia superba, impetūque magnatum,  
 sic spreta, ac neglecta eadem exfusi-  
 tat, intenditque; præterea cum crebrò  
 apud Reges trahatur ab utile hone-  
 stum in hoc peragendo ex legibus jus-  
 so supplicio, ea tecum nunc agitur  
 causa, cujus quidem utilitas juri, ho-  
 nestòque eousque deferuit, ut si mi-  
 nus perduellibus parcas, & tibi, & rei-  
 publicæ simul, & legibus consulturus  
 optimè sis. Postremò hæc quamvis  
 abstrusa materia, & judicio quoque  
 contorta sit, ut aliter esse mihi vide-  
 tur, quidve in re utile, vel inutile ex-  
 plicatu difficile sit, in re ipsa tamen  
 ambigua vel bono consilio sufficiet  
 vincere legem, & quo jus, civilis-  
 que propendet ratio eo inclinare sen-  
 tentiam.

Hæc Ferreirus, cujus quidem opinio,  
 ut revera similior Bregantii animo  
 quàm palàm ad pompam ut credeba-  
 tur, ab illo dictæ nuper sententiæ,  
 Senatus cæteras traxit, plenòque con-  
 sensu ibidem decretum est, ut Marchio  
 Villæregalis ejusque filius Campinæ  
 Dux cum cæteris, conjuratis secun-  
 dum legem majestatis capite plecteren-  
 tur, Antistitem Bracarensem, & alios,  
 qui ut sacris initiati Ecclesiæ jus appel-  
 laverant, perpetua, arctiorque teneret  
 custodia, extremo de industria evitato  
 in sacras personas supplicio, ne in Pon-  
 tificis offensionem, cujus maximè ope  
 firmando pro regno indigebant, in-  
 currerent. Cùm hæc ita igitur capitalis  
 pronun



pronunciata sententia esset, inter eos qui pro venia arietare Bregantii animū in re tam aspera aggressi sunt, spectabilis extitit Ducis Camignæ uxor, eximia tum ipsa corporis specie, ac florentissima ætate sed fortunæ inter æstus ea tempestate vultu, luctūque vultūque squalore maximè miserabilis. Hæc Bregantii genibus advoluta jam incautam, ac cæcam adolescentiam, & præcocia viri consilia, jam claritudinem generis, & suam domūque solitudinem, atque orbitatem exponens, modò rogians, modò illachrimans aversum rigidūque versare, ac flectere Principis animum nititur. Hic verò in se ipso collectus, & clausus, & præcibus lachrimisque inflexibilis. Non sua id quidem, inquit, at Judicum, Senatūque sententia, & arbitrio sancitum esse, si mutari iudicium vellet, eos ut par erat, adiret. Cæterum per illorum sibi coactam procerum necem, suarum quasi viscerum partem sentiret ac pectoris venas abrumpi; conducere tamen in tanto negotio omni ope subigere, ac frangere se, atque in magno dolore, & angustia solatium ex republica petere; cū non minus clementia delinquere possit, quàm sævitia Princeps abusus. Desperata itaque venia, funerea pompa disponitur. Primò mane mortale pegma conspectum, infessæ militibus viæ, firmata custodibus Regia, populūque vario, ac dissimili studio agitatus, ac mente perculsus in area amplissima fermè totus spectator aderat. Mox Villaregalis Marchio squalido habitu, pulla veste, in summo pegmatis visus, totius statim populi amore, odio, misericordia, ita intermixtum ingentem clamorem sustulit. Inculca canities, oris auctoritas, arcana vis oculorum, ne inter fortunæ quidem ludibria, & fortiora tristitiæ, ac doloris incitamenta proceris majestatem abjecerant, adeo, ut qui dudum avidius in exitium ejus exarserant, secto mox à carnifice gutture, ubi illum ja-

centem vident, & suo cruore, & illuvie scedatum, iidem, & qui paulò ante succlamaverant morituro, jam mortuo subinde propemodum reclamantes maximè congemuerint. Patris interitum eodem modo secutus Camignæ Dux filius. Deinde Comes Armamaris, & Augustinus Emanuel pari fato defuncti sunt. Atque ita de viris Principibus sumptum supplicium est. Obscuræ notæ cæteris laqueus suspendio jugulum fregit.

At Medinæ Sidoniæ Dux, qui ut turbidis ejus consiliis hanc procerum conjurationem prodiderat, in aliam & ipse statim, quam adversus Catholicum Regem molitus erat, ita pro mortuis reddente Numine vices, offendit. Erat eo tempore Ulisipponē Nicolaus Velascus è strictiori Divi Francisci observantia eò ipse clām à Sidonio, ut conjurationis negotia tractaret, immissus; cujus rei tantæ in aula dissimulandæ, promovendæque commodior profecto vitæ, & morum austeritas, atque horror amictus in monacho apparuisset, si ratione, & judicio pariter experrectum, aut hujusmodi rebus consuetudine exercitum ejus homo instituti ingenium occuluisset. Is capto similis, & magno cum strepitu Ulisipponem primū adductus supra mensem artificioso, tetròque ibi carcere tentus est. Ex eo postea emissus frequentius, quàm externo, monachò, ac nuper reddito libertati congruere posse reputabatur, caput ipse Palatium, primarios ministros arcana consilii adire, quæ ore quanquam de more suppressa, rudi tamen homini, artisque omnino silendi nescio, ut plurimum vultu, gestu oculis fundebantur tanquam magna secum volventi, magnique sibi secreti conscio. Sensim arrepta idcirco suspicio, & non nihil vagi quoque rumoris extra Regiam effluerat, aulicique præsertim, ut solent, explorandi cupiditate succensi tunc studio-

fius Cœnobitæ, vestigia, congressus, orisque habitudinem connotabant: Accedit etiam, cum ita hic monachus vagaretur, alendisque passim in urbe rumoribus satis materiæ speculantibus subderet, ut Franciscus Sancius genere Castellenfis, & regius quondam militiæ Quæstor Lusitani regni defectio- nis fortunam æstusque secutus ea tempestate in vinculis haberetur. Hic ubi de Cœnobitæ sollicitudine, Ducisque Medinæ insidiis rumorem, suspicio- nemque latè serpentem attigit, animo statim erectus in spem aliquam ductus est, posse fortasse eodem se monacho auctore usum, & subducere libertatem & vim secreti, quod totam sus- penderat urbem, per insidias expri- mere. Multo igitur studio, & indu- stria compositas litteras Sancius secre- tò monacho mittit post largos in illis effusos de atrociori custodia questus, ibi- que indignè spiritum sibi ac propè lu- cem ademptam esse, jactat se tandem è Sidonii sinu clientem, arctiorique cum illo fiduciæ nodo ex longo inter- vallo conjunctum, nonnihil præterea de causâ recondita scire, quæ eo ho- minem transtulisset, tum ne suo furo, & colore careret apposita fraus, episto- larum quoque à Sidonio ipsi Sancio datarum grande volumen exhibuit, quò inter eos, antequam Lusitania de- ficeret, amicitiam, & fidem, & alia benevolentiae magnique momenti pi- gnora intercessisse constaret. Legit has litteras Cœnobita Velascus, protinus- que non rerum, non temporis muta- tione discussa, non auctoris conditio- ne, nec captioso mortalium ingenio, dum temerè Sancium vel Sidonii con- scientiæ jam illigatum, vel proximè jam illigandam existimat, ei confidenter respondit. Curæ sibi maximæ fore, ne dum ut eo fœdo carcere extractus, sed altiori quoque fastigio, si rebus fortu- na favisset, locatus esset. Silentio, & constantia interim opus esse. Conjura-

rio, quam hic suspectabat cum satis his verbis summatim expressa, & magna insuper ejus moles adumbrata per for- mulas esset, modum, & ordinem præ- terea Sancius exploraturus, quia ex sen- tentia prima ceciderant, alacrius dolum intendit. Paucis post interjectis diebus, obsequio, amore, fiducia plenas, subtri- lius tamen effictas litterulas monacho repetit Sancius, angustias in illis, & ferrea ab eo vincula, qui tanta floreret apud Principem gratia primo quoque tem- pore solvi sibi enixè precatus. Septem jam menses, amicum, clientemque Si- donii squalore, caligine, & fordibus circumfusum in atra afflicti custodia. Ad ea refert Velascus. Quosdam Mar- garitæ Sabaudiae famulos commeatum à Bregantio in Castellam obtinuisse, an se comitem vellet eò illis euntibus ad- dere. Minimè, tunc è re oblata solertiùs fallaciam exornans, respondit Sancius. Quinimo Castellæ se prorsus oblitum Sidonii dūtaxat expetere amplexus, quò fides, amor eundem, ampliòrque ex re- rum statu collecta vocabat spes; in aula verò Catholica rationes segniùs exactæ sibi quæsturæ molestiùs, & graviùs red- dendæ essent. Velascus artibus hisce magis implicitus, atque in suscepta frau- de firmatus, protinùs cum Bregantio de hominis libertate intercessit; jamque Sancius eodè monacho auctore custo- dia solutus ac liber familiaris propterea cum illo capit conjurationis negotia tractare, nexùsque discutere. Et planè Velascus ne dum velut in primis obno- xium fidumque Sidonio, sed conspira- tionis insignem etiam ministrum allo- queretur, excogitati facinoris seriem in hunc modum exposuit. Gallos, Hollan- dos, & simul cum Bregantio Sidonium sociali esse fœdere junctos, quo frau- de vel bello subacta, ac mutuò distra- cta Hispana inter se regna dividerent. Summo proinde conatu, atque studio milites, naves, pecuniam undique com- parari, ut Baticam rursus terra, mari- que



que peterent, & alia subjunxit, quæ superius à nobis commemorata hausta sunt ab hoc fonte. Sidonium præterea post Baticam occupatâ, prædarumque sibi partem addictam libello publico declaraturum Europæ Principibus esse jam propè ruentis Hispani Imperii discrimen, & cladem per Olivarii ignorantiam, aut scelus ad extremam calamitatem impulsî, quippè qui tribus, & sexaginta novis tributis jam veteribus fessos, ac propè consumptos populos oneraverit, sibi que ita afflictis, & comploratis Hispaniæ rebus illam arripere tabulam licuisse, ne in communi naufragio alieno errore, atque inscitia periret. Ad hæc plurimas à Sidonio ad se missas epistolas recitavit, quæ Olivarii, Regisque, item procerum Lusitanie Ulisippone degentium arcana consilia, actionesque promebant, insertumque ibi etiam Sancius deprehendit inditium, quod in Marchionis Villaregalis ejusque filii Camignæ Ducis, ac reliquorum nuper exitum lugubri spectaculo cesserat. Ad aggerandam quoque pecuniam, quæ tam arduo suscepto operi abundè fluere necesse erat, consiliū fœderatos Principes iniisse quò naves Hispanas Indico auro, argentoque refertas, vel ad portum tanquam amicum per errorem tendentes, vel eò fidèter appullas tum præmonitæ naves hostium circumvenirent, cujus major profectò rapinæ cumulus, ut viro Hispano Hispanisque subductæ prædæ accessurus Sidonio esset. Argentum præterea quod Cœnobita secum habebat numisma protulit Sancio cum impressa Regis effigie, binisque partitis hinc, & inde leonibus ad eum lancinandum unguibus sectis admotis; & cum hac tituli inscriptione, *nos eum conficiemus*: cujus imago pro Rege Philippum, pro infestis carnivorisque Leonibus utrumque Bregantiæ atque Sidoniæ Ducem, inscriptio Philippi ruinam, & cladem significabat. Hæc, & similia cōjurationem vehemèter prementia, cùm

per Velasum Sancius edoctus esset, iter postremò, quod ad Sidonium conveniendum allinulaverat; perrecturus, occultis signis conscriptas Sidonio tradendas epistolas accipit, ultimisque datæ, redditæque salutis verbis à Velasco sic admonetur, ne in re hæsitaret, ne cunctaretur, quemadmodum sibi mutandum in sacram purpuram pannum pro re bene gesta promiserat, ac præstiturus erat Sidonius, haud sanè disparem illū egregiè navatæ operæ Sancio mercedem persoluturum. Clariùs hic autem Cœnobitæ tunc levitate, & credula mēte perspecta fide majora promittit. Cæterum ante profectionem, quæ ab illo secretò audierat, Didaco Cardenio fido Regis clienti qui Ulisippone tum in custodia detinebatur, exposuit, si ipse fortè per iter exceptus nequiret indicium ad Regē deferre. Uxorē quam secū deducere constituerat alia via ad Castellā pergere jussit, quā ad Gades scilicet festinatus e-vecta clā admoneret illius urbis Gubernatorē, hostium quamprimū ingētes vi, fraudibusque cōpositas classes in urbem superventuras. In rem igitur sedulò incumberet; nam domesticæ insidiæ fraudesque intestinæ latebant. His ita dispositis Sancius per speciem querendi Sidonium Castellā versus ad Regem iter instituit. Jamque Begarem situm intra Castellæ terminos oppidum cū accessisset ibidem offendit tunc à Sidonio ut à supremo militiæ Duce mandatum, ut qui ab Lusitania profectus Castellam progressurus attingeret, ad se primò diverteret, ejusque præfens imperium acciperet. Obrigit audita re Sancius, & mēte confusus, ac trepidus, tanquā certas inter insidias, & ancipitem fugam deprehensus esset omnino conciderat animo. Pergeret ad Sidonium, at litteræ proderent intercidiisse secretum, doloque surreptū ingentis fiduciæ pignus; recusaret imperium, at fuga deterior, ut meditati consilii, & in Ducis exitiū terminaturi, si interrupta fuisset inditium. Porro

abeuntem, aut remanentem ad cautionem potentioris ipsum interitus expectaret. Inter hæc fluctuanti homini fortè illuxit animo palam aversum diffidentemque Sidonio municipii rectorem esse. Hunc igitur statim adit, monet, inculcat gravia, & atrocia, atque ad Imperii spectantia salutem esse, quæ ipse Regi denuntiaturus iter ad aulam approperaret, quæque ipsa negotia possent, vel levi quacumque interposita mora labefactari. Sineret itaque ipsum, ut fides in Regem, & communis utilitas postulabat, cursoris equis statim, ac tacitè assumptis inceptum ad Regem iter velociter persequi. Tunc oppidi rector cui & suspecta, & grata erat etiam, cum aliqua passim interluceret Sidonii prodicionis inditia, hujus furtivi itineris causa, ut fancius poposceraut cautè, citòque peregit. Dum Sancius hinc iter resumit, aliunde mulier ejusdem ut diximus, uxor multum longinquæ viæ prætergressa jam Gades pervenerat, ibique Civitatis regalis Ducis Præfecto urbis, præsidiique renunciaverat. Quamplures nefarios in regno cives prodicione Regem petentes fœdus cum hostibus pepegisse, cuius quidem conventionem nisi fortuna, virtusque obstitisset, arx erat in primis, & civitas Gadium intervertenda. Visurum propediem ipsum constratum navibus æquor, terra, marique misceri omnia bellique turbines furere, ut scelere pacta conficerent; subesse vim, & insidias, externos, ac domesticos hostes; celsò & occulto perfidiam capite niti: cumque ideò ab illa querere Dux institisset, quinam Princeps defectionis, quæ conspirantium consilia essent, ubi insidiæ, ubi ea clandestina consilia concoquerentur, unde erupisset indicium, & an inquirere sibi in perfidos homines licuisset, virique juxta præceptum, quæ sciret ipsa, cum detegere mulier obstinatius reluctaretur: ergo, Dux inquit, mo-

ram tu mecum Gadibus facies quoad propius, quàm adventare dicis, inimica conspecta classe, quid ea mihi fuerit tempestate gerendum, suggeras. Libertatis ex eo jacturam cum verita fœmina esset, ad quem hujusmodi indicium jure pertineat, interrogat. Ad Medinæ Sidoniæ Ducem, ille responderet, ut summum in Bætica Gubernatorem armorum; Idipsum quî modò cohæreat, fœmina adjecit, cum equidem anxia, & profugæ similis Ducem Sidonium consultò declinem? Tunc re ille penitus intellecta, cuius & alia per multa ex longo intervallo ipse Dux suspicionis vestigiâ collegerat, tacuit, liberumque ad aulam Catholicam transitum instanti fœminæ indulxit. Id tamen extemplo Olivarium per litteras monuit, nudam, & simplicem tantum mulieris narrationem exponens, & perfunctoriè cum ipsa sermonem habitum; De ea, quæ clàm ipsum affecerat, conjectura, suspitionisque argumento nihil omninò tetigit, satis ille ita ratus sui muneris partes expletas, nec palam saltem eo obscuro, atque ancipiti indicio Olivarium offensum iri, cum arcta ejusdem cum Sidonio necessitudo, & si multi multa suspicerent, non parum indices deterret. Hæc Gadium rectoris epistola prius Olivario reddita est, quàm Sancius Mantuam Carpetanorum ingrederetur. Qui longo cursu itinere emenso, occultus tandem in Regiam, ubi Olivarius sedem habebat, adiit. Ibi Olivarii janitorem conveniens, ab eo introduci ad Dominum postulat, præterea cum plane ipse sciret, difficiles aditus, gravem homini vultum, plenas fastidio aures superbo ministro esse, ut tunc facilius adiri, compellarique posset, adjunxit. Adesse ibi Franciscum Sancium Lusitanæ militiæ quæstorem fuga, & insidiis medios per hostes elapsam ut indicaret Catholico Regi, quæ Imperii saluti conducere. Audit hæc Olivarius nihilò



hilò tamen minus per Janitorem Sancio responsum est. Non vacare tunc Olivario; postridiè reverteretur. Sancio ubi se post periculi tantum decursum, & per longam captivitatem, & lubricum illud iter tantum quoque laboris exhaustum, jam ita procrastinando per Olivarium more solito eludi, sperniq̃ue videt, Regémque alterius perfidia, alterius fastu, inaniqué fiducia prodi, quærens idcirco merénsque, Numénque indignatus implorans adjecit. Ne Numinis iram, & odium existimem, vimque fati ineluctabilem hoc ad extremam urgere perniciem Imperium, profectò vel à me dicendum inscitia rerum purgare tantummodò potest Comitem, Ducémque Olivarium pro re tanti ponderis mihi injustè aditum extrahentem. Refert hæc rursus janitor Olivario, qui hæc gravida verba cum illa quoque notitia conferens quam paulò antè idem ipse à Civitatis regalis acceperat Duce, & nò, quæ esset in causa, rem suspicatus; Adhæc metuens, ne temerè in Regem, ipso quanquam invito ignoròque Olivario indicium illud incidere, quod ipse antecapere, suique astus, ingeniique imbutum colore, subornatæque specie proponere Regi statuerat, intromitti ad se Sancio illicò jussit. Qui ad ejus genua cum more adorantium primò procubuisse, fusiùs deinde Sidonii conjurationem exponit, diuturnam, ac fœdam scilicet, quam ipse pro Rege passus Ulisipponē custodiam erat, & libertatis causam, occulta consilia, civium prodiones, inita clam cùm hostibus fœdera, simul neglectæ, incompositæque militiæ ludibria, & pecuniam averfam, & diffidentes invicem milites, & arma ipsa Regis in Batia in ipsum conversa Regem, & alia etiam quæ à cucullato Ulisipponē didicerat, quæque ipse prætereà casu itineris causa compererat. Litteras tandem ab eodem canobita

conscriptas, ac Sidonio tradendas dat Olivario, quarum tenore certa, atque rata ejus confessio haberetur. His Olivarius auditis, primò de ea erga Regem singulari fide, & constantia commendat Sancio, paulisper postea cunctatus, cum æstuanti, & attonito similis constitisset, adjecit, egregiè utique ipsum vel ex eo de Rege Cetholico meritum esse, quòd vir nec propinqui ad propinquum horruerit tantum deferre nefas. Raram idcirco, & impigram hominis fidem geminatam à Rege mercedem reposcere. Cuncta se Regi citius expositurum. Ab hoc colloquio digressus in cujusdam Olivarii famuli sedem inde jubetur occultus secedere Sancio, & ipse Olivarius ea de re statim admonito Regi, interceptas Sidonii litteras tradit. Rex Philippus, cui perinde mens acris, & vivida erat ut animus tenuis, & imbecillus, his auditis, in lapsum extemplò memoria diutius à se repetitum, atque animo voluntatum incurrit delatæ ad Sidonium armorum apud Baticam præfecturæ, hominem scilicet cum Bregantio per affinitatem, & amicitiam adstrictum, tum affluentia opum, auctoritatè, clientela, multòque magis animi vanitate tumentem; familiæ quoque Gusmanæ Rex, & nomen, & omen ad fastidium abhorrescebat; fatalem enim sibi illam esse dicebat ob crebras illatas Imperio clades, res moderante Olivario, qui etiam Gusmanus erat, & ob Aloisiam præcipuè Gusmanam sororem Sidonii, uxoremque Bregantii, cujus quidem instinctu, impetùque femineo noverrat ipse virum ad regni rapinam impulsus, quæ omnia simul in Olivarii invidiam & odium, ut eadem propagine orti, ut improspere gubernantis, ut plus rei familiari, quàm publicæ providentis cumulatius relabebantur. Cuncta Rex tamen ad tempus dissimulare paratus æquabili semper fronte, vultuque conjurationis delationem cùm ex-

cepisset, nec lectas, nec solutas etiam Sidonii litteras, ut illa obſignata, atque integra erant reddidit Olivario, id tantum locutus, ex lege, ſed cautè ut par erat, in illo negotio procederet. Hoc Regis imperio tres Olivarius è regio ſelectos Caſtellæ Senatu, ſibiſque magis addictos Iudices nominat, qui de crimine maiestatis contra Sidonium inquirerent; Sanciùſque deinde in ſepositum quemdam, & remotum ab aula locum accitus, quæ adierat, quæ viderat, quæ conjecturâ ipſe fortè de Sidonii cauſa collegerat Iudicibus aperit. Exhibentur, quæ dolo interciderant, Sidonii Ducis epiſtolæ eâſque perſpectas cum Sancio coram ſolviſſent Iudices invenere quibuſdam ambiguis characteribus ſcriptas, ſed adeò inepto, rudique ſtylo Canobitæ per imperitiam compoſitis, contextiſque, ut clariora quædam interpoſita ſignatorum ſermè obſcuroꝝ intelligentiam contraherent. His magna cum cura, peractiſque ſilentio rebus, cauſa ipſa Regis per eas ſic detectas, ac diſjiciendas facillimè inſidias cum jam in tuto poſita eſſet, Olivarius inſuper evolvebat, an, & quo fortè modo tam manifeſto cognati ſceleri non nihil per artes tenebrarum offundens omninò, aut ex parte diluere, orientemque ex crimine infamiam eludere quodammodo poſſet. Quæſitâ igitur comitate, novoque lepore, ac facetiis illi aſperrimo ingenio, horridæque naturæ prorfus inſolitatis Sancjum ſemel compellans, efluere inter alia velut obiter ſinit. (Quî „ fieri mi Sanci liceat? hunc cucullatu „ nequitæ, ac falſitatis arguere, cum „ tantum dignitatis, lucisſque Sidonio, „ ejusſque communi mihi familiæ pateat, quantum vili, & pannoſo con- „ temptus, & ſordium.) Nullo pacto, reſpondit Sanciùs, ea enim eſt in probato jam crimine rerum dictoꝝumque explorata planè connexio, ut quod tribuere gratiæ Sidonii, vel ſplendori do-

meſtico velis, de fide hoc oporteat, & jure detrudere! Proinde Olivarius hæc ſpe deſtitutus, nomini, ac fame niſi penitus licuiſſet, vel Sidonii ſaluti conſulere ſtatuit. Hoc porro ut à Rege impetraret, ſiquidem ægrè ſibi quotidie Regis ſeneſcere gratiam ſenſerat, nunc ratione, argumento, & jure prope cauſæ ſubnixus accedit, omnia cum antea libero idem arbitrio, & quodam imperio quaſi extorquere ſueviſſet. Itaque Regem de cauſa Sidonii cum Olivarius alloqueretur. In acta ex jure relatis, inquit, quæ adverſus Sidonium facta, aut criminoſè dicta apparebant, totius conjurationis propoſitæ molem, ut ignoti unius Monachi fide, verbiſque tantummodo conſtitutam in ſe penè deficere, ac ſuo propè fundamento labare. Idipſum tamen non contemnendum cum Imperii, Regiſque in diſcrimen, ac dubium ceciderit ſalus, in quo nec vitio proſectò verti credulitas debeat, & levis quæcumque ſuborta ſuſpicio ſubſtrata materiæ pondere maximè valeat. At verò honeſta ab utilibus, temeraria à prudentibus, æqua ab iniquis ſecernenda conſilia eſſe, ne onere cauſæ, nevé opibus partis, quam maiestas hoc loco Regis profiteretur, jus obruatur in aliquo viro, & eodem fortaiſſis innoxio. Locum eſſe præterea rationem aliquam ineundi, qua, & conſiſtat Principis ſalus, nec prorfus jaceat vis juris afflicta. Paulò ante cæcum omninò præcepſque Hiſpano Status Senatu viſum illud Bregantii fuiſſe conſilium quo proceres reos Luſitanos interitu perdere, quam clementia ſervare, aut cuſtodire maluerit. At ita forſitan decuiſſe proſtigato ſcilicet regno, prono ipſi nunc in ruinam, atque in extremum diſcrimen adducto proſtigata quoque applicari conſilia. Pro rerum idcirco conditione, pro merito perſonarum alios in alios licentiam habere, ita ut alia circunſcripto, fluxoque alia amplifiſſimo,



ac stabili imperio aptari instituta legēque conveniat, & rationes adducere possē, ut idem consilium alteri Regum laudabile, & utile sit, reprehensibile alteri, & sapē numero noxium; Philippi patris, avique Regem ipsum exemplis domesticis admoneri, qui adversus Bregantiæ Duces ordiri sapē sapius infidias in Lusitano regno compertos, cavere ab illis sibi curaverint, manus cruentare noluerint, nec certē ipsi Regi consilio vel opibus esse modō florentius imperium quā anteā fuerit, nec Duces Sidonios minores esse Bregantiis, vel clientela, vel copiis, vel turba amicorum cognatorūque, cū omnes Castellæ numerando magnates, vix unus eorum reperiatur qui Gufmanæ familiæ affinitatis, aut sanguinis jure non copuletur. At etiam Regum illorum patientiam, atque fœcordiam in eodem regno aluisse, armasse Bregantios atque in regnum denique sustulisse. Quid porro, si contrā sœvitum in eorum sanguinem esset, rem successuram melius fuisse? an ejus fortasse Regis, qui rerum gestarum usu, & judicio rerum acerrimo prudentis cognomen communi consensu meruit, ne dum imitari, aut æquare, sed vincere quoque prudentiam arrogare sibi quicquam auderet? vel satius non esset errare cum sapientibus quā sapere cum insulis, & si per alia adhibita media quid futurum fortē fuisset in humanam notitiam caderet? Daret itaque Rex, & si fortiū urgeret crimen vel emeritæ domus fastigio, quod rigor justitiæ peteret à Sidonio, eodēque propter eā leniter emendato, & cautius in posterum circumspecto, & quibus nimis abundat opibus imminuto simul Imperii securitati, simul honori, decorique familiæ, jurisque æquitati ritē consulere, ex quo denique pateat, usu clementiæ, atque animi temperantia Lusitanæ Tyrannum ab Hispaniæ Rege distingui.) Subdolos sermo, Regis-

que maximē ingenio cum mansuetudine ipsa, tum metus præsertim iniectione versatili appositus impetravit, ut adeo gravem hominis causam quasi fractus rationibus Rex cognati judicio relinqueret. Olivarius igitur jussu causatus Catholici Regis per blanditias, ac preces, & interlitas propē lachrimis litteras, quas per tempora ad nutum fundere consueverat, vocat ad aulam Sidonium. Idipsum quia latius etiam incesserat conjurationis compertæ rumor per communium utriusque gentilium epistolas acrius apud eundem Sidonium simul intendi curat, ut scilicet sine mora, & cū summa fiducia veniret ad aulam, hīc paratam, certāque sibi esse dicto parenti clementiam Regis, secus autem tergiversanti, obfistēti inexpiabilem fore moram, exhaustāque jam latius jactati, exploratūque criminis veniam. Atque hoc studiosius tunc Olivarius agebat, cū enim pro ea deliberatione metus, angores, pericula passim in affecto valde animo, tumultuantique conscientia Sidonium circumsessura conspiceret, ex eo verebatur, ne quid ille ex abrupto suscipiens fortunæ potiū cum libertatis additamento, quā libertate orbatus alienæ, ac suspectæ se credere fidei vellet. Sidonium verō postquam jussu Regis per Olivarium exposita sunt, cū in diversum Olivario satis fidendi vel diffidendi sollicitæ curæ distraherent, variisque proinde implicitæ mentis fluctibus volutatum, ea tandem sententia, quā nota sibi facilitas Regis, Olivarii apud eundem arbitrium, & gratia, communisque familiæ quæsitum decus indiderat, tenuit: simul etiam quia Batici regni usurpatio in meliori fortuna tentata secus acciderat, & Lusitania, ubi ei tutus, ac pervius à fuga poterat esse receptus, nimis angustam quæ binos simul tantōsque caperet Princeps æstimabat. Sidonio igitur cū ibi nec tutō cunctari daretur, nec fugere,

fugere, nec porro etiam exigua promissæ, inculcataque sibi ab Olivario veniæ spes affulgeret, ad aulam tandem ex Regis imperio se contulit. Videt hîc prior Olivarium, ejusque hortamento, atque interposita fide conjurationis ordinem fassus, delicti, quo teneretur, principium, & causam ab Aiamontis Marchione ducens. ( Illum, asseruit, ad eundem Sidonium, secretas hujus sententiæ dedisse litteras, Mitteret ipsi fidei exploratæ famulum, ut ore cum illo transigeret, quod fas non esset, epistolæ credere; Missum propterea à se ad Aiamontium Ludovicum Dilcastillum fuisse, qui clam cum eo collocutus, ac postea reversus hæc sibi ex Marchionis sermone collecta verba detulerit. Fortuna, tempore, industria in ea rerum vicissitudine & orbe utendum utrique esse, ne Portugallia, magnifica domus, ne communis sanguinis, atque familiæ regia pignora, perderentur, eadèmq; subinde ruina, ut ambitio suspecta erat, ac superba felicitas, fortuna, ac necessitudine affines, quòtque regiæ gloriæ, lucusque participes essent, simul præcipites traheret, præterquam quod iis, qui in Bætica viverent, & maximè, qui in eadem, ut ambo, provincia florerent, annitendum præsertim esset, ne hæc jam fessa trinitas, & quotidie plus lacerata fœdiora quàm quæ hucusque luxisset detrimenta postea subiret, & vastitate, atque excidio cum egenorum, ac divitum clade postremo consumeretur. Erectis, ac fortibus animis magna esse proposita præmia, ac si fortè offendissent per brevem receptum circumstantis periculi fugam; torpentes, ac timidos totque malis indormientes perniciem proximè fore. His per Ludovicum Dilcastillum relatis, sibi que præter expectationem auditis rebus, metu ac stupore se primum obror-

puisse execratumque pessimum caput, litterarum cum eo commercium per menses aliquot sustulisse. Quin & diù cogitasse attrectatè temerè in ipso tantum perfidiæ scelus revelare Olivario eodem ipso internuncio indicis operam proficiente, postea verò cum crebrioribus ipse datis in eadem sententiam litteris, omnique aurium, intellectusque illecebrarum abusus aucupio jam pertinacius Aiamontius insisteret, illius artibus se pellectum, ac verborum lenociniis inductum, ac denique victum consensisse proditori, eamque secretò cum Bregantio tractatum Ulisipponem misisse Nicolaum Velascum è Franciscana familia, inde nefaria constituta consilia, firmata cum hostibus fœdera, sollicitatos animos militum, omnique probro, & corruptela militiæ, quæ ejusdem essent officii, res bellicas hæcenus agitata. Cæterum ad hosticæ classis adventum, maximumque apparatus, cum bis integrum sibi foret exequi destinata, idque allicere fama facinoris, & falsus honoris splendor objectus, optatissime favere propitia fortuna cum videretur, in rei tamen perpetranda momento, velut sceleris propius fœditate perspecta atque alia tunc sibi objecta diù cogitati facinoris specie, ita se animo cohorruisse, ut semel, & iterum spe illusos, quæculos, vacuos magna cum classe dimiserit hostes. Jamque deinceps ex facti conscientia sibi intimè torto, atque afflicto, tentatiquè pœnitentia mœrenti ex longo intervallo in animo consedisse, pravi opportuna, sed jam retractati, abjectique consilii confessione, ac dolore mereri clementiam Regis. At cunctantem, ac secum ipsum pugnantem hinc pudore, hinc per æmulos metu in illa animi volutatione, & intestino mentis supplicio inanem prope relictum contabuisse. Acrius id-

circò



„circò ardere dolore se, atque animo  
 „angi, quia insidiantium præmen-  
 „tiumque æmulorum indicio is apud  
 „Regem præventus esset, qui non nisi  
 „Alamontii conamine impulsus con-  
 „jurationem adierit, atque eam cum  
 „maturè perficere potuisset omninò  
 „disjecerit. Postremò tot sibi viæ ad  
 „evadendum cum in illo discrimine  
 „occurrerent, excussumque à se ipso  
 „pavorem in eos, qui illum incusse-  
 „rant, retorquendum, sua tamen  
 „sponte obtulisse periculis caput, sem-  
 „perque intutæ, incertæque fidei ho-  
 „minum addixisse, & maximè fîsum,  
 „potiora futura apud Regem officia  
 „Olivarii pro se, quàm æmulorum in-  
 „sectationes, & contortos invidiæ  
 „ictus.) Ad ea benignè Olivarius res-  
 „pondet. Bono, latòque animo esset,  
 „sua jam opera extortam à Rege veniam,  
 „& qui in majori negotio vicisset, in  
 „minori non defuturum. Instructum  
 „deinde Sidonium, quæ ei peragenda  
 „coram Rege Catholico essent, ad hunc  
 „Olivarius Sidonium per secretum Re-  
 „giæ aditum introducit. Tum verò Si-  
 „donius incultus tristisque vultu, ocu-  
 „lisque pudore, ac mœstitia dejectis re-  
 „giis pedibus provolutus, & oscula cre-  
 „bra figens, mista suspiriis, ac fletibus  
 „voce præteritæ culpæ remissionem pe-  
 „tebat. Rex tunc animo tactus, ac ferè  
 „humefcentibus oculis, ruere in ample-  
 „xus, soloque pervicacius hærentem  
 „manu allevare contendit, nec ea ficta  
 „quidem, seu fortè quæsita adversus  
 „meritum male clientem erat commise-  
 „ratio, cum tanta de more Regem affi-  
 „ceret, ut vitio propemodum redunda-  
 „ret. Tandem Sidonius plorans, & ge-  
 „nibus nixus supplicem Regi porrexit  
 „libellum cum veniæ exorandæ notis,  
 „& confessionis articulis constitutum,  
 „quem fronte serena, mitique sermone  
 „Philippus accipiens. (Quò gravius  
 „Dux, inquit, errasti, eò mihi majo-  
 „rem ostendandæ clementiæ occasio-

nem dedisti, & quia salutem, & fa-  
 „mam humano lapsus errore, ac pœ-  
 „nitentia extemplo correctus ad pedes  
 „meos projecisti, utrumque ex animo  
 „tibi remitto.) His ita confectis. In  
 „bonis postea Sidonius à Rege multa-  
 „tus est, ut ita superbiæ alimento sub-  
 „tracto, secundique qui vulgo ita dici-  
 „tur, sanguinis secta vena illa insolentia,  
 „animique decreveret tumor; simul  
 „quia Bœticæ ac Lusitanæ suspecta, &  
 „lubrica quoque Sidonio vicinitas erat,  
 „cum simulata, & coacta sæpè numero  
 „sit pœnitentia, atque etiam hominibus  
 „pronior ad pristina vitia recursus, idè  
 „ille Vallisoleti quod civitas regia, & Lu-  
 „sitania procul abesset, vitæ reliquum  
 „ducere iussus est. Verùm hæc prius-  
 „quam fierent, sic Olivario suadente,  
 „Sidonius provocatorios ad Bregantium  
 „libellos immittit, ac vulgat præter no-  
 „bilitum equitum morem contumelio-  
 „sos, minaces, stomacho, & bile plenos.  
 „In his tanquam idem innoxius & fama  
 „quoque incorruptus, ut vulgi rumores,  
 „qui Regiæ secreta suo more rimatur,  
 „eluderet falso impositi ab illo criminis,  
 „artibusque promoti gladio vindictam  
 „exposcit. Porro diem, atque locum  
 „Bregantio Sidonius ad singulare certa-  
 „men statuit. At si eo laceffit libello  
 „Bregantius pro supercilio sibi Regis  
 „assumpto ad conflictum dedignaretur  
 „accedere, tunc ingenti mercede, quæ  
 „prolixo proposita scripto patebat, cum  
 „alia sibi via non daretur, ire ultum  
 „injurias, ficarias in caput ejus extimu-  
 „lat. Die itaque præstituta Sidonius ami-  
 „corum, famulorumque agmine com-  
 „munitus velut arenam invasit, institit-  
 „que manendo ibi temporis etiam præ-  
 „fixo termino elapso. Cum nullus in-  
 „terea cum ipso dimicaturus apparuisset,  
 „in Lusitaniam inde progreditur inani  
 „ibi quoque ferocia strepens, & minas  
 „per otium undique jactans. Hic ille  
 „quoque tranquilla, pacata omnia, &  
 „ubique silentium, ac solitudinem videt,

& nedum indicto certamini obnoxius, fed ne fpectator quidem aut certaminis teftis in fpatio illo ampliffimo occurrit. Comperto ex eo porro Sidonius neminem fibi minitabundo, atque inaniter infultanti procedere obviam, non fe ideò neglectum, fed victum dicens, qui fecum per arma congredi recuſaſſet, idipſum per teſtes, & ſcribam fide conſtare publica voluit. Quæ, ut ſimulata, metûque omnia pœnarum expreſſa contempſit Bregantius, ac ſi revera peracta fuiſſent, obſtabat certè congreſſui intuti, alienique præſcriptio loci, fortunæ ac dignitatis imparitas, ratio prætereà perſonæ publicæ quam jure, aut injuria prætentam in eo ſtatu rerum expediebat ſuſtinere Bregantio. Ita Sidonio in extremo periculi conſtituto Olivarii favore conſultum eſt. At non eadem profeſſo fortuna, quæ Sidonium ita ſervavit Marchionem Aiamontium excepit. Is Sanci; Sidoniique teſtatione conjurationis particeps manifeſtus ubi indemnem propè Sidonium, levique duntaxat impoſita pœna ſolutum, ac ſoſpitẽ videt, in magnam, fed falſam erectus ſpem eſt quòd utriuſque conſimilis, rebûſque & conſiliis connexa criminis cauſa in pari propè conditione, ac fortuna haud diſſimilem foret exitum habitura. Auxere homini ſtulto fiduciam nimis que ſibimet adulanti Olivarii fallaces litteræ quæ inanes ſpes ejus inſtantes poſt recentem indultam Sidonio veniam ante oculos poſitam quaſi per ſales, & jocos finem fecere; Numini ſimilem Regem parcere nolle niſi planè peccata confeſſis. Simplicem igitur Aiamontius delicti confeſſionem tanquam veniam per illam promeriturus exprompſit. Hæc quemadmodum erat ſignata ab Olivario ſtatim Iudicibus prodiit; Iudices reum capitali ſententia damnant. Porro Aiamontius in urbe Segovia eliſis in carcere faucibus perduellionis ſupplicium

dedit, inſigni quidem credulitatis exemplo, aut verius aſſidua peccati comite pœna, cum in Sidonii comparatione ſpe falſus, pravòque iudicio deceptus aliàs acutus, & providus homo non introſpexit quantum familiæ ſplendore, & copiis, & Olivarii cognatione, & ipſo jure, & pondere cauſæ inter ſe, ac Medinæ Sidoniæ Ducem diſcriminis intereſſet. De hujus etiam animi immanitate, aut ſtupore, aut potiùs conſtantia, interitûſque contemptu, quoductus eſt ad ſupplicium, qui Segoviæ tunc aderant, narrant, cum ei pridie ſupplicium, & hora quoque denunciata ſupplicii eſſet, idque jam peracturi cum omni funeſto apparatu poſtridiè acceſſiſſent carnifex, prætor, caterique necis miniſtri, tunc Aiamontium artiori ſomno complexum, altèque ſtertentem inventum eſſe; agrè ſubinde excitatum ſopore diſcuſſo, & fruſtra eſculenta ruſtantem dixiſſe pauxillo inſuper quietis ſibi tunc opus eſſe, prætorem ei reſpondiſſe, fatiſ requietis mox perituro acceſſurum fuiſſe, tractum deinde ad ſupplicium eadem animi firmitudine, & ore, ac verbis intrepidum guttur carnifici præbuiſſe. Ludovicû poſt hæc Dilcaſtillum, quem conſpirationis quoque fuiſſe miniſtrum actorum contextu liquebat, Olivarius corripi juſſit. Hunc priùs fugientem, ac lætitantem juxta Begarem ſatellites aſſequuntur, ab eorûmque ſe manibus ipſum comprehendere connitentium nudo mucrone proripuit, poſt in templi latebra inventus, atque inde per vim aſtractus, primò Segoviam, deinde Mantuam Carpetanam traductus eſt, ubi denique Ludovicus in publica cuſtodia conſenuit, datûmque eſt gratiæ, famæque Sidonii, cui tunc quod recens, & incerto jactata rumore, nec latiùs effuſa res eſſet, illud per artes laborabatur, ut hic libertatis jactura redimeret, quod cruore ſolvendum eſſet. Hunc finem ſortita eſt conjuratio



tio Medinæ Sidonii Ducis, Marchionis-  
que Aiamontii, quæ non iudicio, aut  
rerum directione, aut tractationis aspe-  
rante, sed partium ignavia, aut pigritia,  
seu Regis potius fortuna dissiluit.

Interea Bregantius, postquam Lusi-  
taniæ magnates, ut diximus, capite pœ-  
nas luere, quoniam Margaritæ Sabau-  
diæ Principis ope, instinctuque ad con-  
spirandum illos quoque incitatos pro-  
ceres intellexerat, simul quia cultus, vi-  
ctusque & amplioris custodiæ sumptus  
graviore quotidiè jam propè exhau-  
sto videbantur arario, cum novarum  
prateræ rerum ministrum in regno ale-  
ret, tum demum regnum seseque tam  
sumptuosa, tam sibi, & reipublicæ in-  
festa exonerare Principe statuit. Sed  
ea res perfunctoriè in Senatu jampri-  
dem excussa, an videlicet expediret pro  
Odoardi Bregantii fratris securitate  
Margaritam ibidem tanquam obsidem  
retinere, & tunc ob fraternas suspicio-  
nes, & odia, quæ in occulto Bregan-  
tium afficiebant à Senatoribus inter-  
rupta, postquam Odoardum jam liber-  
tatis expertem apud Germanos arctissi-  
mè custodiri vulgatum est, acriorem  
ex eo profectò consultoribus curam in-  
cussit, & factu perinde, dictuque ne-  
fas viris prudentibus apparebat, si re-  
dimendi proditi fratris, infontis, qui  
multa hucusque apud Cæsarem passus,  
deterima quæque fuisset, cum in His-  
panorum omninò potestatem incideret  
perpeffurus, occasionem quam tunc  
in manibus frater haberet sine ulla cura  
fineret præterlabi. Idipsum ægrè, & mo-  
lestè audiebat quoque Bregantius, inde  
trepidus, anxiusque animo rem volu-  
tabat, eam maximè tunc ad famam, &  
popularium referens fidem, quorum  
utique usu, affectuque penes domesti-  
cos, exteròsque ad imperii stabilitatem  
egebat. Jamque idem Bregantius ha-  
rum mole curarū, & magnitudine metus  
oppressus à prioris decreti constantia,  
qua inconsulto quidem Senatu absque

ulla permutatione, & gratuito dimitti  
Margaritam censuerat, excefferat. Quæ  
nunc meditantæ eæ quoque ad novam  
confirmandam sententiam rationes ac-  
cesserant, nimirum ut Olivario infen-  
sam, & fortuna quoque jactatā, quam-  
quam ibi in custodia velut obsidem  
tentam Regem omninò Principem ne-  
glecturum, nec ejus vexationem ali-  
quid fratri profuturam fuisset; contra ve-  
rò si immunem mulierem regno disce-  
dere pateretur, suæ ipsum retrusæ men-  
tis recessus, & alienatum à fratre animū,  
& Regum ingenia, & misérias, adver-  
sante Senatu, & malè apud populum  
audientem revelaturum. Itaque fixum  
in illo Bregantium, Sabaudiam nempe  
Principem non reddendi consilio, nisi  
antea frater sibi redditus esset, ejusdem  
elati, vividique spiritus uxor hoc stre-  
nuo argumento deturbat. Si planè, “  
inquit, grandiores natu filii etiam “  
suspecti, nimisque molesti Regibus “  
sunt, tu huic modo regno partibus “  
scisso, & sese, ut ita vides, factioni- “  
bus laceranti, fratrem impones assue- “  
tum militiæ, quique plausus militaris, “  
& gloriæ famæque, & imperii gusta- “  
re dulcedinem ceperit? mite illud in- “  
genium, & bonis utcumque mori- “  
bus temperatum quidni blandiendo, “  
instigando versare, atque efferre “  
aliquando partes rerum novarum in “  
regno cupidæ possint? Scilicet tan- “  
ta cuique pro regno sibi parando “  
cum natura luctatio est, vel nunquam “  
ingenium, & hominum mores, aut “  
occasio, aut fortuna, nisi lateat in “  
floribus anguis, commutare suevit, “  
ut oblatum, & parabile quisquam “  
diadema rejiciat, & alii servire quàm “  
imperare malit! Non laudo more “  
Turcarum fratres interfici, sed eos “  
procul habere, atque inter ea, quæ “  
industria vel casus implicuit, peri- “  
cula destituere. Cæterum Catholici “  
Regis injuriæ, Cæsarisque violatæ “  
fidei non parum emolumenti, vel “

„ gratiæ referre debemus acceptum  
 „ cùm ex iniqua Olivarii custodia uti-  
 „ litas nobis, publicum dedecus illis  
 „ inciderit. Valida in speciem hæc  
 argumenta, viri præter ingenium jam  
 usu, & imperio tractabile uxori nullo  
 negotio flexere Bregantium. Jussit  
 itaque statim Margaritam è regno dis-  
 cedere. Hæc accepto repenti mandato,  
 quia ea ipsa de re Catholici quo-  
 que Regis imperium præstolabatur,  
 cujus injussu se nisi coactam relinque-  
 re regnum rem esse absurdam, ac re-  
 prehendam arbitrabatur, Bregan-  
 tio respondit, missum à se ad Regem  
 Catholicum, eodem annuente Bregan-  
 tio Petrum de Motta, qui commea-  
 tum, ut par erat, à Rege peteret, nul-  
 lum hucusque sibi responsum per il-  
 lum à Rege redditum, sine quo illicitam  
 sibi, ac planè præcipitem futuram  
 esse professionem. Ignorabat eo tem-  
 pore Princeps quod in aula Catholica  
 ejus delatis ad Regem epistolis, iis-  
 que ad Senatum per Regem rejectis,  
 ejusdem decreto sancitum fuisset, po-  
 testatem, quam Lusitania abeundi Mar-  
 garita poposcerat præteriri silentio, ac  
 prudenter dissimulari; iniquum enim,  
 & impium hinc esse censebant, quod  
 illa rogaret, inficias ire, sin palam rem  
 inde concederent, verebantur, ne ex  
 eadem Regis permissione major etiam  
 contradicendi prurigo, aut extrahendi,  
 aut venalem habendi Principis liberta-  
 tem Bregantio cupiditas augetur.  
 Disseruerant etiam in eodem Senatu  
 Consilarii, esse eam Principem Mar-  
 garitam per Lusitanæ defectionē, ejus  
 cura, regni que regimine devolutam, sui  
 idcirco juris, suæ potestatis, simul ge-  
 neris celsitudine immunem, atque am-  
 pliiori dignam obsequio, nihilque pro-  
 pterea in illam moliri, aut statuere fas  
 esse Bregantio pro jure gentium ac li-  
 bertate, ac tum maximè abire cùm  
 vellet, à regno, neque exitum impe-  
 dire. Ea tamen Hispani Senatus cum

Principi occulta sententia esset, sinè  
 responso, ut aliàs sæpè rursus illam,  
 & oblivione, ac despectu se quoque  
 jacentem interpretata, dum metu, ac  
 dolore interim angeretur, à Bregantio  
 discedere jussa mentem Regis excusa-  
 vit. At verò Bregantius, cui pleraque  
 arcana Hispani Senatus consilia auro,  
 & industria quæsita patebant, rei con-  
 scius, sed tacitus, subdidit tandem mu-  
 lieri, penes se utique unum, nec ho-  
 minem alium in Lusitania rerum om-  
 nium arbitrium esse, quemque suo  
 ipse exigere regno vellet, ejusdem co-  
 actum ni sponte sumptum, futurum  
 egressum esse. Cùm eò devoluta res  
 esset, ut si acrius obniti scemina vellet,  
 ad vim, aut simile quidquam jam cau-  
 sa spectaret, ne Princeps jamdudum  
 Lusitani rigorem experta in majoribus  
 etiam malis experiretur, decimo post  
 Lusitaniam amissam mense, inculta,  
 tenuisque familia, habitusque fortunæ  
 casibus consentaneo Ulisippone de-  
 cessit. Iter ingredienti datus est etiam  
 cum militibus prætor, qui specie tu-  
 telæ, sive apparatus, revera custo-  
 dia corporis usque ad regni confinia  
 illam prosequeretur. Is verò adeò inso-  
 lenter, atque inurbanè per iter cum ipsa  
 egit, ut sacerdos facelli ejus minister eo  
 rudi agrestique tractandi Principem,  
 modo ira, & stomacho multum incen-  
 sus dum ignominiam, & petulantiam  
 liberius, quam tempus peteret, ob-  
 jurgaret, jussu prætoris in quodam di-  
 versorio detentus, moxque compac-  
 tus in vincula fuerit. Ad famam ad-  
 ventus ejus, ubi ea primum Castellam  
 tenuit, primarii exercitus Duces cum  
 cohortibus obviam à Monregio Co-  
 mite missi, qui militari obsequio,  
 atque pompa omnes honores Prin-  
 cipi cumalantes Badacocium addu-  
 xerunt. Postea Idelphonfus Cardo-  
 na, qui Prorex in Balearibus fuerat,  
 mandato Regis Badacocium se con-  
 tulit, ut domestico primum splendore,  
 ornatuque



ornatūque ad tantæ mulieris dignitatem composito, indè ad Ocaniam paucas ab aula distantem leucas comitaretur. Huc tandem mulier evecta, longo ibi tempore ut ingrato secessu, vel in exilio posita potius ægro impatientique injuriarum animo vixit, ob vetus, ac firmum Olivarii institutum, quantum pro viribus posset, eos à congressu, aspectūque Regis accendi, quibus regii sanguinis decus, aut elegantia morum, aut meritum auctoritas partem surripere gratiæ, aut dociles Regis præstare poterat aures; Margaritam verò præsertim, ne ea cum Rege colloqueretur, Olivarius reformidabat, quominus Lusitaniam collapsam per injuriam ab ipso Principi culpam affectam, hæc quibus usu, ac natura valebat dicendi aculeis, ac nervis in auctorem apud Regem reflecteret.

Inter hæc in exercitu regio quem Monregius Comes administrabat, iterum ut in mores suos redeundi primum, ac lubricum ut plurimum iter naturæ corruptæ est, abusu, ac pessima disciplina militiæ tanquam infania, aut furore milites capti debacchabantur. Non crapulæ tunc, non libidinis, non rapinæ, non militaris imperii, ordinisque vivendi modus inerat ullus, augereturque quotidie cupiditas copiæ, & contumacia licentiæ. Hæc seriùs profectò, quàm pro more militiæ opus erat, Monregius Comes animadvertens, & corrigere quoque cupiens perpaucos tandem, ac deterribus quosque severè plectendo coërcere scelerum socios injecta formidine statuit. Quatuordecim itaque milites suspendio, ac laqueo necari jussit universo coram exercitu ea terroris ostentatūque supplicii imagine offusa. Caterùm cum non ejusdem negotii in ordine moris, ac disciplinæ profectò sit suere velle ac dissuere, laxare, & contrahere vitiosè, atque infectæ humanæ naturæ franos, multòque hominum

lapsus impediri faciliùs possint quàm emendari, strenuum remedium, ut ferum, irritavit, exulceravitque magis militum animos, quàm lenivit. Proinde miles quidam gregarius summum interficere Ducem in animo volvens, festo quodam die cum ad consuetum obsequiū majoribus sclopiis excussis Monregius salutaretur per errorem velut ilapsam in illum glandem collineavit, quæ paulum à signo proposito aberras, ipsius Ducis lateri adstantem famulum interemit. Mox & Joannes Daza equitum turmæ Ductor in militari tumultu, atque strepitu inter se conspirantium, hominumque fremetium confossus est, quod ex Ducis mandato severius, quàm ea inveterata licentia, militumque contagio sinebat in hominem fontem ausus esset inquirere. Igitur ita miles nec imperii, nec insolentiæ, nec ampliùs libidinis potens, adhæc impunitatis illecebra super naturæ lapsæ & morum effrenium impetum dissolutus, ac vagus, & velut navis sine gubernaculo fluitans apertè jam ad seditionem spectabat, cum secum Monregius reputans vacuum, infamem periculis plenam esse sibi militiam, in aula secus amplissimas sibi opes, magnifici muneris usum, Olivarii quoque gratiæ subsidium, benèque per hunc erga ipsum Regis animum inclinatum, confirmatūque quæ propter dedecora belli, atque inde inertæ, & ignaviæ sibi notam inultam omnia invidorum exposita stimulis, in eo jam esse discrimine viderentur, ut domi simul militiæque omninò ornamentis amissis, nec bonus ipse miles, nec scælix tandem aulicus agitare, valetudinem idcirco causatus missionem à Rege obtinuit. Inde Mantuam Carpetanam reversus Italiæ Senatus Præsidis, Senatūque consilii Status intermissa ibi munia resumpsit, nihil in ipso apud Regem ob gestam incuriosè militiam, totque inanes profusos ararii sumptus gratia pristina flaccescente quippè qui ex Olivarii partibus,

ejusque in primis addictus rationibus esset. Olivarius autē ut sua noverat interesse, eventorū notitias facundē pingebat Regi, & verborum quasi prastigiis rerum inflexa momenta librabat. Ita Monregio è belli Præfectura dejecto successit extemplō ut dignitate gradūque militiæ propior meritōque superior Ioannes Garaius, versūque repentē moribus miles mutare cum capite vitia eodem tempore visus est. Nihilo tamen minus animi dubius versabat hucusque Garaius, an occasione, & imperio præsto futurus miles, an Ducibus animus, an municipibus fides; satissne excussa militum vitia, & an ea relapsura in tempore forent? Utrum milites Duci, & municipibus milites consentirent, cū res adversæ præsertim fallaces hominis latebras, & cuiusque vel astu, vel defectu materiæ latentia mala, vel bona merita proferant. His etiam accesserat, esse profectō Lusitanix finitimum Badacocium, & locorum sæpè vicinatem causas permultis offensio-num, & crebriora dissidia inter se, aliis quoque gentibus aliquando per hostipitia, communes affinitates, atque commertia benevolentiam, & usum inter finitimos peperisse; talisque ardere, ac furere nuper fœda ibi militum rabies conspecta erat, ut incolæ tunc execrabili militum odio, atque horrore militiæ correpti similia, aut minora fortasse, & si illi vicissent, passuros se ab hostibus esse putarent. Id porro tam in cive quàm milite Badacocii Garaius per artes exploraturus quadam nocte supra tenebras nubila falso ad arma clamari, & certaminis signum proponi iussit; perinde quasi tunc improvisus Badacocium hostis impeteret. At Ducein antea Infantati, qui juveniliū amorum errore exactus ab aula hîc honorarium agebat militem, ut hoc urbanitatis officium Principi viro præstaret, ne ad classicum surgeret, monuit. Igitur ho-

minum, tubarūque clamore, ac tumultu longē latēque per urbem effuso, concives militibus misti raptim capere arma, concurrere, efferre signa, circumfistere portas, propugnacula, mœnia subire, properē omnia, atque alacriter agebantur; cūque id semel in urbe, & rursus in castris expertus esset, jam satis Dux civitati, ac militibus fidens, exinde luxuriæ, atque ignavia adhuc militi illata discutere probra insigni quodam facinore cogitabat. Interim Lusitanus postquam novi fuffecti Ducis peritiam, industriam, & animum intellexit, ejusdem prærepto pugnae consilio ad virium animique jactantiam prior idem ipse decrevit laceessere hostem. Valvardes Castellæ oppidū Badacociū inter & Olivençam hinc unam, illinc quatuor propemodum leucas abest. Planitie qui subest oppido situs extentus amœnis, ac passim virentibus cingitur collibus, sed eo leni fastigio porrectis ut inde appositè queat per belli tormenta oppugnari, quatiq. Propterea, & quod hostico solo premitur locus, & vi atque insidiis vicissim armata vicinitas est, atque assultibus opportunior, solido muro, atque aggere triplici septum oppidū erat, capita quoque viarum interpositis claustris, & munimētis undiq; incisa, & legiones dux cum quatuor equitū turmis assueto præsidio aderant; Intercipere primū, aut si res fessellisset, impetu capere hoc oppidū Lusitanus intētus peditum quinque millia, & nongētos propē satis instructos equites Francisco Rabello ductore misit, at plaustra cū militaribus impedimentis, & tormentorū quoque vehicula, ut fieri plerumque solet, ad eō iter implicare, ut non nisi ad lucis orientis initium juxta Valverdem copiis appulsis, elapsa cū jam esset occasio, vi, non insidiis agendum hostibus esset. Id tamen antea Garaius per exploratores edoctus Valverdis præsidium auxerat, & quoniā de imperio, atq; loco graviores inter tribunos altercatio



altercationes exarserant, ne discordia faveret hostibus Franciscum Freilum imposuit, qui ad municipii tutelam Legati nomine iussa militibus daret. Jamque mox radiante die cum omni militari apparatu adversus Valverdem pulverulentus hostis apparuit. Tunc Teraza universo cum equitatu in adventantem Lusitanus emittitur. Cautè hic, & cunctanter obequitans per varios flexus, & obliqua viarum nunc circumire, nunc spontè cedere, post rursus instare, tumultuaria, fugacia, ac leviter ferere praelia, modò ipse in frontem, modo in latera, aut terga cursim invectus; sed robur, & vires cum ex hac parte longè impares essent, & Lusitanus equitum peditumque diductis clausisque alis Castellensem propè circumventurus infestus appropinquaret, aversus hic tandem in fugam est, eoque tamen tumultuando, atque orbes agendo distinuit hostem, donec aliquid sociis dederit spatii ad oppidanam parandam defensionem, quò ipse fugatus tandem, ac fusus cucurrit eques, cum oppidanis ceterisque militibus defendere muros & aggerem curaturus. Lusitanus autem propius advectus prius munimentum, & oppidi situm lustrat, inde colles propinquos subit: ibi tormentario suggestu posito ad tormenti bellici jactum confedit, crebrisque inde ictibus verberare, ac discindere murum, & aggerem cœpit. Diù, acriterque ea verberationis incussa vis, multa donec labe, continenti que ruina fatifcentibus muris propius oppidum hostis aggressurus incurrit. Hic verò atrocior incenditur pugna, & latior utrinque ex propinquo cum initio calerent vires, aggeritur strages, & cum pugna mox inclinaret his spei, his desperationis incitamento percussis ex causa diversa vis, animique conatus intenditur. Tandem cum etiam contis refractus, ac scissus agger assiduas inter ruinas ac cedes nudaret hostibus oppidum, sparsique præterea

lapides arma, ligna & alia substrata corporibus corpora, & desuper jacti confractarum moles acervi scalarum velut gradus assurgerent, iidemque etiam hostes numero prevalentes & animo referti, constipati que impressionem vehementiorem intenderent, tunc dejectis propugnatoribus, per avulsa, atque strata murorum, & aggerum munimenta, & armorum, & corporum clades Lusitani cruenti, feroces in oppidum intrant. Porro intus novè quoddam conferitur genus conflictus, quo verso Marte premunt, caduntque victi, qui vicerant. Etenim Freilus, atque Teraza vana illa debiliū murorum, aggerisque defensione comperita, idoneos bello municipes, cladisque residuos collectos milites, viarum initia, quæ erant obicibus interclusa, tueri, ceteros invalidæ ætatis, ac promiscui sexus imbelles, ad majorem Ecclesiam, quæ arcis in modum constructa erat effugere jusserant. Igitur sanguine oppletus cum Lusitanus jam irrupisset, multiplicis pugnae facies, ubique varia, terribilis, fœda ante oculos versabatur, & longè ea quoque minus invasis, quàm invadentibus luctuosa; flexus enim, & capita callium spatiis, vallisque disjuncta, cum alius aliò conflueret, tot diversa, & cruenta certamina sustinebant, & alii quidem audaciùs progredientes inter aditus fauces oppressi, alii temerè subeundo icti, vallòque præcipitati, multi ob locorum angustias, dum in arctius frequentes cœunt in seipsis tunc implicati, & se invicem collidentes faciliùs obtriti sunt. Eodem quoque tempore Lusitanos aut vagos, aut vallis hærentes ab ædium fastigii lapidum jactu, regularum fragmentis, & igneis fistulis Castellenses adoriuntur. Qui verò ædes sive suffugii, sive causa ultionis temerè ingressi erant, familiares è latebra egressi confodiunt. Postremò Rabellus ubi viarum impenetrabiles aditus, volven-

tem retro fortunam seque omni arte belli tum industria, tum hostis virtute ludificatum videt, desperata, quam maximè optabat, municipii direptione, labore astuque languidos dispersosque colligit milites, templumque inertis, imbellisque multitudinis plenum eos expugnatum impigrè ducit. Effusa erat ibi planities, ibique iusta ferè concurritur acie, efferatisque continua ferè cæde militibus, jam propè ereptum victoriæ decus recipere Lusitanus, oblatum autem illud arripere enixius Castellensis incumbit. Post multum fluentis hinc, inde cruoris, & obstinatis animis, editæ cædis cum adhuc dubia res esset; Didacus Lara Castellensis Centurio valida oppidanorum, & militum manu contracta repente à tergo se ostendit. Tunc ancipiti metu perculsus, atque animo fractus hostis fugam subinde capeffiturus conturbare, ac dissolvere capit ordines. Quo viso Rabellus detrahit confestim, abjicitque è capite galeam, atque ita pugnanti, militesque adhortanti, & fluctuantes, ac trepidos fugam respicientes sistere ordines annitenti latus lancea transfigitur, equoque statim excussus occubuit. Hinc Lusitanis jam capite destitutis communis initium terroris, ac cædis præcipitisque fugæ; & fuga quidem effusior quam cædes patuit; non enim acrius urgere Freilus est ausus, aut longiùs persequi pulsos, & in fugam disiectos, adhuc integram hostium multitudinem pertimescens, & quod ei mederatiùs eo tempore videretur esse quidem utendum belli fortuna secunda, cum adeò varius, ancépisque Mars in eo certamine colluisset. Cæsa hostium ad bina millia, ex victoribus ad octingentos interiere; cædes hostium conditione, quam hominum numero insignior fuit; nam præter occisum ejusdem exercitus Ducem plures quoque nobiles ceciderunt ex militari qui Christi dicitur ordine, quinque etiam equitum Duces,

signa militaria quatuor adempta, præter plurimos vulneratos, qui per ea ipsa plaustra, quæ pervastati, everisque oppidi spoliis implenda inani fiducia traxerant, Olivençam revecti sunt. Inter hæc Badacocium cum invasæ Valverdis fama perlata esset, confestim Garaius Pacecco, Marchionique Rivenfi præcepit, ut cum duabus hic legionibus, ille majori cum equitatus parte, aut Valverdem urgentem permerent, aut inde fortè digresso in vestigiis occurrerent hosti; simul & Anæ pontem, unde transitus erat, cum copiarum parte subducta circumfiderent. Cæterum Lusitanus jam cæde militum imminutus, & faucibus, ac spirantibus etiam, quorum plurimos secum trahebat, per viam irretitus, cum hoc ipsum metueret, ne sarcinis scilicet implicatus exciperetur, gradus per iter addendo opinione celerius evaserat, moxque obvii commilitones victoriam invicem gratulantes ad castra reversi sunt.

Labentis anni hujus res gestas clausit Romana tandem legatio, quam apud Urbanum Octavum agendam Bregantii mandato Antistes Lameci suscepit. Hujus quidem legationis exitus omnes ferè Christiani Orbis expectatione suspensos, erectosque valde tenebat Principes, dispicere in ea cupientes, quantum pro amore videlicet Galli, pro Hispani formidine, pro sua dignitate, pro opinionis famæque strepitu in hac Lusitani causa Pontifici licuisset; sed multo magis sollicitos, anxiosque quos vetus exinde, nunc verò incitator eadem in aula jactandæ potentia, vel gratiæ contentio sustulerat, tum Hispanos, Gallosque in rerum eventum arrexerat. Gravior præsertim Hispanum, cujus maximè res agebatur cura perculerat, ne fortè probatur Urabano, acceptumque illud fictitii, intrusique Regis officium, quasi injecta divinitus mente, afflatumque efficacius palamque Bregantio jus, nomén



noménque Regis affereret, quod planè cum non fecus iustitia, ac ejus similitudo vulgares homines rapiat, segniores, pigriorésque deinceps, aut minus studiosos Hispanos pro amissò regno recuperando, ut duriores in suscepta perfidia Lusitanos constituisset. Metuere tamen, quàm credere potiùs offerebatur Hispano Pontificem, qui neutras hucusque publicè partes professus, clam, & velut per latebras Regem Catholicum incesisset, abjecta repente larva, tanto nunc vulnere palam læsurum ipsum fuisse, qui in promptu reddere vices poterat, & longinquo rerum, ac temporum cursu tantam dissimulando collectam in Pontificem iram effundere. Amplior autem in hoc negotio Gallos alliciebat ex ingenio Pontificis ducta spes, iis scilicet ita prono, ut Hispanis semper adverso, infestoque & magis, quod turpis etiam in aula Romana recensque rumor increbuisse, ab Hispania, infcio Rege, Olivarium ad Romam misisse farios, qui veneno Urbanum extinctum pergerent, idque tam tristi à ferendo summo Pontifici inditio, Cardinali Francisco, ne metu senem exanimaret, exterrito, per Oratorem Gallum Urbanum non fefellisse. Ad scelis fidem addebant etiam, hanc postea inflictam criminis notam cum res irrita cecidisset, ut Olivarius abstergeret, quemdam apud aulam Catholicam hominem alio, & gravi fortè crimine implicitum, inani spe veniæ oblata, auctore Olivario plectum esse, ut execrabilis se parricidii in Pontificem voliti reum, & litterarum insuper corruptorem, quæ in hac causa Olivarium asperferant, fateretur. Hoc credulum hominem præstitisse, & vero crimini fictum apposuisse, subinde & quod fecerat, & quod mentitus peccatum fuerat, jubente Olivario, pœna capitis exolvisse, ut hoc à se dolo flagitii suspicionem averteret quàm in illo,

qui verè dederat, morte multasset. Hos Romanæ inter aulæ sermones ultro, citroque jactatos, & prout singuli erant partium in animo studiis imbuti rerum intellectionem trahentes; Joannes Ciumazerus, qui ea tempestate Romæ Hispani Oratoris munus obibat jam ex longo tempore instructus à Catholico Rege fuerat, quo ordine cautè, & gradatim iturus sedulò esset Lusitani conatibus obviam, leni scilicet primò, dissimulatòque quodam vigore, atque aspersa gravitate modestia coram Pontifice usus argumentis, ac precibus de causâ publica ageret, si nihil temperantia ac modestia cum illo proficeret, tunc validis sensibus sed ambiguïs, ita misceret precibus minas, ut nec tuere succensus Pontifex posset, nec timere desineret; extrema tandem spe destitutus, ambage verborum omissa, directè, & constanter Urbano denunciaret, quod in aulam Romanam Lusitano legato regio more recepto, inde è vestigio esset ipse Regis imperio cessurus, rescissa amicitia inter Urbanum, & Regem, ejectus ac pulsus ab aula Catholica Apostolicus Nuncius, bonaque omnia Ecclesiastica adempta, ac futuro Pontifici, à quo esset Hispanus jus violatum repetiturus, sepòsita forent. Rei hujus gerendæ ordo ab Hispano Senatu decretus, & à Rege subinde Catholico jussus ex Imperii decore magis, ac specie quadam modestiæ prudentibus visus, usûque ipso faciliùs tractandæ rei, quæ nimis calidè capta languere, aut transverti primo impetu soleat; at leni ipsi ordine ductæ vis, & consilii cunctando robur, ac pondus, & fortunæ interjectus quandoque favor accedere. His regiis mandatis Ciumazerus acceptis, ubi ad urbem appropinquare Lusitanæ legatum allatum est, Urbanum confestim adit, utque mos Catholicis est, pedibus ejus affusus sermonis initium à vulgi rumoribus petens, de Lusitano quodam, qui regia emen-

titus insignia in Lusitani legati nomen invaserat, novo, & attonito similis Pontifici refert, jus deinde inconcussum, longiorisque usura temporis ratum, quo avito Rex Lusitanie Philippus est regno potitus, exponit, idque ipsum fortunis omnibus, liberis, vita, totoque vocato, si ita opus esset, Hispano ad extremum discrimen Imperio enixius tueri paratum esse. Adjicit etiam Pontifici trahere, atque innectere secum hanc communem rationem, & causam Orbis terrarum Principes omnes, ne ex face, ac populi sordibus scilicet Tyrannos exortos, ope ipsi, aut illecebris nutriendos, novos idcirco, pro exemplo felicitis injuriæ, atque impune aliena turbandi, usurpandique regna, terrarum latrones in suis sedibus excitarent, & Regem quoque sibi Philippum auxiliatorem, ac vindicem quaererent; maxime tamen ad summum hominum, summumque Antilitium pertinere suo more, & exemplo sua disciplina componere Orbem, atque in omnium etiã perniciem serpentium ubique malorum semina statim, ac nutrimenta convellere, tandem Philippum Apostolicam ita diligere, & colere sedem, ut doliturus vehementer esset, si durius fortasse quidquam consulere in ipsam lacescit injuria compelleretur. Ad ea placide Urbanus, hanc Lusitanam legationem, inquit, multo plus sibi quidem facessere molis, & onerare quoque conscientiam, quod cum Episcoporum electione, ac spiritali illius regni regimine illigaretur, alienumque à sua dignitate, atque animo semper fore divinum humano postponere jus, aut Regis gratiæ religionem. Ceterum Cardinalium suffragiis excutiendam rem esse, quodque major, aut melior pars censuisset hoc se integrum habiturum. Hoc accepto responso, nisi multæ spei plenus Orator haud tamen adeo sollicitus, anxiusque à Pontifice abscessit: quanquam enim

obscurus per verborum circuitus Urbanus, cum numero, ac merito poriores inter calculos secrevisset, velle sibi callide videbatur totius negotii assumere arbitrium, ea causa tamen ad rationem consilii, ubi tunc præpollebat Purpuratorum Hispanica factio rejecta, sibi rem æquiores, aut mora delusam, aut omnino corruptam, vel saltem in dubio futuram Ciumazerus intelligebat, non nulli siquidem Patrum altioris cupidine gradus cautè, & occultè; palam, & alii pensionis mercede contracti partibus serviunt, at numero plures Hispanis, sive clientelæ vinculo torti, sive bonorum in Hispania, quæ latius patet, ditione pendentium, cumque sua quemque utilitas agitet, & alios hebetiores affectionis errore moveat, alios voluntariè transversos agat, inter momenta consiliorum plus ab Hispano, quàm Lusitano, Galloque Cardinales plerique sperare poterant, aut metuere. Verum Urbanus Hispano dimisso Oratore illum Cardinalium conventum secum ea ipsa de causa consultum vocat, qui ab arctiori rerum fiducia, ac puritate partium Consilii Status appellabatur, simul eos Patres qui apud aulam quondam Catholicam Nuntii Apostolici cura defuncti usu, & officio Hispana instituta morèque callerent accersit, eorumque sententiam rem agendam permittit. Inter hos Cardinalis Sacchetti affinitate, gratia, dulcedine morum in primis Pontifici commendatus Lusitanum legatum regiis insignibus esse admittendum hoc prope modo disseruit.

Legati munere Lusitanum, qui " Ecclesiæ intersepta, & cum grege " Dominico pasceretur obedientiam, " obsequium, & fidem summo Ponti- " fici, Pastoriq; regio nomine reddi- " tum ad hanc urbem appropere; " quod certè pietatis, ac religionis Sa- " cro sanctum obeundum officium, ac " munus, ne Mauro quidem, aut Scy- " thæ,



„ aut Regi cuicumque barbaro ex ulti-  
 „ ma quanquam emerſo prægelida,  
 „ aut torrida cœli plaga, ſi exuta ali-  
 „ quando perfidia peragere vellet, ne-  
 „ gari meritò poſſet. Hanc ipſam etiam,  
 „ quæ in controverſiam modo traha-  
 „ tur, legationem cum illa conferri,  
 „ quæ Apoſtoli Collectoris nuncupe-  
 „ tur in Luſitania, prima autem injuſtè  
 „ ſublata, alteram etiam evelli, item-  
 „ que ſacrorum per intervalla inciden-  
 „ tium ſurrogationem Antiliſtitum, ita  
 „ ut ſine Collectore, ſine Epifcopo,  
 „ regno proſus neglecto, omnique  
 „ ſubſidio, ac diſciplina animarum or-  
 „ bato, & furis idcirco, hæreſumque  
 „ portentis mox erupturis, & cladibus  
 „ dereliſto, id ultrò in Luſitania per  
 „ hoc videatur à Pontificè intendi,  
 „ quod jam ploratur in Anglia. Quid  
 „ porrò Tyranne, quid raptoris iniqui,  
 „ aut latronis ſimilitudinem, ſive um-  
 „ bram, ut Caſtellenſes ſuperbè ja-  
 „ ctant in Luſitano Rege prætendi,  
 „ cùm ſtet pro illo & ſuffragatio ju-  
 „ rium, & populi plauſus, & acclama-  
 „ tio, quorum unumquoque diviſim,  
 „ & ſi alia plurima deſint, quæ ſanè re-  
 „ dundant in cauſa, valeat Regem le-  
 „ gitimum conſtituere? Verumtamen  
 „ eſto, accipiti jure, atque integra cau-  
 „ ſa, qua neuter hucusque lite ceciderit  
 „ inter Regem Caſtellenſem, Luſita-  
 „ numque verſari modò negotium re-  
 „ gnî, eſſe præterea in more vetuſto  
 „ apud Romanos Pontifices poſitum,  
 „ cum legum auctoritate, ſive acie &  
 „ cuspide armorum de regno aliquo li-  
 „ tem Reges ingrediuntur, illum pro  
 „ Rege Pontifices ducere, qui per aſtû,  
 „ aut vim, jure aut injuria in regnum  
 „ invaſerit, id modò poſſideat. Ita ſa-  
 „ nè Rodulphus, Alphonſusque Caſtel-  
 „ læ Rex, cum ſtudio inter ſe Germa-  
 „ nis Principibus ſciſſis, ac ſuffragio  
 „ diſtractis de Caſarei jure diadematis  
 „ diſceptarent, Gregorium Pontificem  
 „ tandem aſſenſiſſe Rodulpho ut Im-

perii poſſeſſione, & populi aura, at-  
 „ que gratia per id temporis perfruenti.  
 „ In Caſtellæ quoque regno perempto  
 „ ab Henrico Petro fratre cognomen-  
 „ to crudeli, regnique impuri, cruenti-  
 „ que per cædem fratris extorti ſubin-  
 „ de potito, Hiſpani reliqui Reges cùm  
 „ illum, quia nothus erat, exploderent  
 „ ſibiſque ſinguli regnum, inflexo ad  
 „ libidinem jure ſtatuerent, inter tot  
 „ lege, atque jure altercantes, armisſque  
 „ Principes obſtrepentes, impari licet  
 „ materno genere Henrico ſuffragatum  
 „ Pontificem eſſe, quod libens eo tem-  
 „ pore in ſpeciem, ac tacitus populus  
 „ per ſcelus quanquam impoſitum, &  
 „ fratricidio quoque ſœdaturum jugum  
 „ illud jam ſuſtineret. Similia, & per-  
 „ multa ad rem ſuppere exempla in  
 „ Neapolitano præſertim expoſita re-  
 „ gno, ubi velut Principum joco, na-  
 „ tionumque ludibrio, cùm alius alium  
 „ barbarum Regem truderet, ac velut  
 „ ludo pilæ jaſtaturum regnum, recep-  
 „ tumque peregrinas quotidie inter  
 „ manus volutaretur, omiſſo tum jure  
 „ Pontifices, ei niſi palàm Eccleſiæ ho-  
 „ ſti regios falces, noménque regium  
 „ indulſerint, cui populi ſtudio, aut  
 „ ingenio, aut armorum fortuna regni  
 „ poſſeſſio ceſſiſſet. Hunc longo planè  
 „ intervallo conſtantem in aula Roma-  
 „ na ritum, minimè quidem nunc citra  
 „ lapſum, & publicam notam pro Ca-  
 „ tholico poſſe Rege, & Luſitanum ad-  
 „ verſus Regem infringi, quamvis & ille  
 „ major, minor hic opibus ſit, cùm ho-  
 „ mo imbecillis, ac tenuis juris momen-  
 „ to ſubnixus potentiori collatus emi-  
 „ neat, atque injuſta, turpiſſique lata ſen-  
 „ tentia fraudem quoque & perniciem,  
 „ Deo ſive homine ultore in ejus au-  
 „ ctorem transferat. Quin etiam reli-  
 „ gioni, ac pietati, & honeſto, & ob-  
 „ ſervantiæ debitæ legum, quæ pariter  
 „ omnia Luſitanæ legationis cauſam  
 „ corroborarent, accedere quoque  
 „ momenta utilitatis tantæ, ut vix aliàs  
 „ hujusmodi

„ hujusmodi juris, utilitatique nexus  
 „ in re ulla deliberanda tam arctè quàm  
 „ id quod incidit modò consilium  
 „ complexus fuerit. Neminem enim la-  
 „ tere vastum Hispaniæ, ac luculentum  
 „ nimis dominium, non minutis Italiæ  
 „ modò Principibus, sed cunctis etiam  
 „ Europæ Regibus periculosam extēde-  
 „ re umbram. Hujusce nimia coarqua-  
 „ re potentiam, & immodicas opes,  
 „ strepitumque jactantiæ minuere hoc  
 „ fore proinde, ut fragiles quoque præ  
 „ cæteris Italiæ libertatis reliquias ju-  
 „ verit. At nihil aptius ad rem conse-  
 „ quendam intēdi profectò posse quàm  
 „ illi obijcere Lusitanum, impigrum  
 „ scilicet, fortem, ac veterem, inimi-  
 „ cum Castellensium ut literarum mo-  
 „ numenta testantur tundendæ satis su-  
 „ perbiæ propè fatalem. Ab acerrimo  
 „ itaque hoste, & tam proximè Imperii  
 „ sedem, arcemque prementi fessos in  
 „ posterum Castellenses, suisque viri-  
 „ bus implicatos Italiæ fortasse liberta-  
 „ tis residuo esse minus insidiaturos,  
 „ minusve deformis obsequii, aut ti-  
 „ moris quo rei nunc Romanæ jacta-  
 „ rent arbitriū, à Romanis Principibus  
 „ extorturos. Non uno quidem eo-  
 „ demque impetu tracta cadere simul  
 „ imperia. Commota, ac ruere, ster-  
 „ nique semel incipientia, membra-  
 „ tim ferè dissolvi, avellique & per re-  
 „ deuntis intervallis positus labes tan-  
 „ dem funditus tolli, sicut ab uno  
 „ quam sæpè refixo clavo totam, in-  
 „ gentemque paulatim diffluere machi-  
 „ nam contigisset; fluere idcirco per  
 „ partes sensimque dilabi Hispanum  
 „ sinatur Imperium, quantum omnium  
 „ animi, ac virium dematur Hispani-  
 „ nis, id ipsum Italici accessurum. Po-  
 „ tēstremò Reges Galliæ, Angliæ, Daniæ,  
 „ Sueviæ, quotquotque abhorreant ab  
 „ Hispanorum servitio, fastūque Prin-  
 „ cipes Lusitanum admisisse Oratorem,  
 „ Bregantium Regem appellavisse, ex  
 „ quo indecorum Ecclesiæ Patribus, ac

notæ præcipuæ fuerit præter rerum  
 sacrarum neglectam in Lusitania cu-  
 ram, religionemque periclitantem,  
 servientium se quoque & adulantium  
 cætibus immiscere, servitiique mer-  
 cedem tumida gentis ingenia, atque  
 ex gratia metum interpretantia, ac  
 longiora ludibria pati. Hæc Sacchet-  
 tus; Cardinalis verò Bentivolus histo-  
 riæ ac nominis claritudine celebris me-  
 dia, ac temperata sententia usus Pon-  
 tificem hortabatur, ut regio cultu, gra-  
 dūque Lusitanus ab ipso Orator admit-  
 teretur, publica tamen ante fide pro-  
 fesso, id utique integro, ac libero fieri  
 Catholici Regis jure. Ita namque nec  
 novum ponendo, nec deponendo Re-  
 gem, ejusque Oratore salva lite, dubia  
 sententia recepto, fore, ut nec intermis-  
 sa deinceps in Lusitania jaceret pasto-  
 ralis officii sollicitudo, nec ultima infli-  
 geretur Catholico Regi plaga, nec ni-  
 mia inde, & suo contemptrix ingenio  
 hareret in Lusitano fiducia; imò verò  
 utrique formidine, spe in ancipiti causa  
 constrikti facilius post hac circumduci  
 ad nutum Pontificis possent. Ad hanc  
 sententiam, ut magis cautam, lenem-  
 que & suffragantis auctoritate maximè  
 fultam Pontifex, Augustique Senatus  
 plerique Patres flectere videbantur,  
 cum Cardinalis Pamphilius, qui Nun-  
 tius extiterat in Hispania, & paulò post  
 ad Tiaram evehctus Innocentius X. est  
 appellatus dicere jussus ita fermè locu-  
 tus fertur.

Duas magnique sanè momenti res,  
 quæque ipsæ inter se dissidere falsò vi-  
 dentur, hoc me oportet componere  
 loco, Beatissime Pater, nempe hone-  
 stum, & utile, sive animi conscii quo  
 æquè nobis, ac Deo satisfacimus, &  
 rationem, quæ dicitur, Status, qua  
 sacri hujus Imperii tutelæ ac majestati  
 consulimus. Hinc hominum etiam  
 opinio, & fama publica manat, varia  
 nempe, & incerta quædam virtutis  
 umbra fallaci plerumque mortalium  
 judicio,



„ iudicio, & errore pererrans, cui ne-  
 „ que nos laïcorum Principum more,  
 „ quibus & vertitur laudi libertate eva-  
 „ gari, populique rumores spernere,  
 „ sed intensius quidem prospicere ju-  
 „ vat, ne quos porro conscientiarum  
 „ ceteris decet præcidere laqueos, præ-  
 „ vo nos fortè tradito exemplo in Chri-  
 „ stiano seramus orbe. Et primùm pro  
 „ rei gerendæ honestate fatis nobis pro-  
 „ visum existimo, Philippum secun-  
 „ dum Hispaniæ Regem arma contra  
 „ Lusitaniam in juris subsidium cepis-  
 „ se, ita prius à legis peritis, à Theo-  
 „ logis, à publicis juris prudentiæ gym-  
 „ nasiis interpretari, in ejus deinde vi-  
 „ ctoris verba solemnî ritu juratum,  
 „ diuturnamque regni possessionem  
 „ armis, ac legibus partam in filium,  
 „ nepotemque hereditaria successione  
 „ transmissam. Rem præterea secutos  
 „ aulæ Romanæ plausus, summósque  
 „ Pontifices alium, post alium sæculi  
 „ propè decursu ratam certamque ha-  
 „ buisse. Itaque si latronis, si intercep-  
 „ toris injuria Lusitaniam Philippus  
 „ arripuit, fateamur quoque necesse  
 „ est, tot violata judicia, tot iniquos,  
 „ falsósque Theologos, tot juris peri-  
 „ tos scelestos, aut fatuos, totidem  
 „ etiam Catholicos Reges Tyrannos,  
 „ & nefarios, impiósque Pontifices, qui  
 „ hisce Tyrannis secures, & fasces, &  
 „ omnia regni ornamenta, ac præsidia,  
 „ sua auctoritate probando, contule-  
 „ rint; magnamque Orbis terrarum  
 „ damnare partem, criminarique li-  
 „ cebit, ne jure secus, ne causa cadat  
 „ Bregantiæ Dux, quando possessio-  
 „ nis regni longinquitas, juratus po-  
 „ puli assensus, publica commendatio,  
 „ pacata res, bona fides, Regum con-  
 „ cordia vim maximam habeant, ubi  
 „ vel juris obscuritas, aut in ausa debi-  
 „ litas insit. At esto eò maximè opinio-  
 „ nis error exceßerit, qui tempore va-  
 „ let, & cùm semel emarcat, contagio-  
 „ ni similis hæret, ac funditur, utrum-

que jus partium saltem in dubio sit,  
 „ lisque adhuc infecta sub iudice pen-  
 „ deat, olim tanquam ipsa lacertis, &  
 „ armis non legum imperio dirempta.  
 „ In hoc ita conficito statu rerum am-  
 „ biguo, quo quantum circumspecto  
 „ consilio expetere partes possunt, in  
 „ causa mihi minimè obscura, indulge-  
 „ tur, liberum certè nobis illibata con-  
 „ scientia fuerit ad eam, quam publica  
 „ ratio, aut utilitas dicat, concedere  
 „ partem. Igitur quod ad sedem Apo-  
 „ stolicam attinet, quis nisi stultus,  
 „ aut ægro animo affectus non dilu-  
 „ cidè videat, inter validè arrectas,  
 „ & commissas acerrimè partes, quo-  
 „ ties, ut modò nobis contingit, neu-  
 „ tras sequi minimè juvat, poten-  
 „ tiores, ac pleniores eligere satius esse?  
 „ Pius secundus Pontifex maximus ro-  
 „ gatus de Renato in Neapolitanum  
 „ regnum substituendo, disertè respon-  
 „ dit: Posset ne Renatus Piccininum Ec-  
 „ clesiæ cervicibus imminentem armis  
 „ expellere? quod cùm negaretur, &  
 „ quid est, inquit, quod expectemus  
 „ ab eo si nobis pereuntibus opem nul-  
 „ lam valet afferre? Nobis necessarius  
 „ in regno est, qui sua possit, & nostra  
 „ tueri. Hujus ergo Pontificis ut par  
 „ est, veneratus oraculum sciscitor, si  
 „ ultione, atque ira Rex Catholicus  
 „ præceps suæ ditioni cômista Ecclesia-  
 „ stica bona sequestri titulo abstulerit,  
 „ si ab Hispania Apostolicū Nuntium  
 „ ejecerit, si hæc vel alia quæsitæ causa  
 „ Hispanus repentè armatus irruperit  
 „ in nostri dominii finitima, ubi nec sa-  
 „ tis adest custodia, nec bellicæ disci-  
 „ plinæ, si egestas, si fames per vias ab  
 „ Hispano interclusas, si gravior ali-  
 „ quis casus ob receptum Lusitanum in  
 „ Curiam acciderit, ea tempestate no-  
 „ bis malorum tot fluctibus agitat, ac  
 „ penè obrutis, Galline an Lusitani præ-  
 „ sidio, an hujus Romani populi fæcis  
 „ pecudū modò partes sectantis emer-  
 „ gendi pateret locus? Nihil utique  
 „ stultius

„stultius quàm alienis elatum consiliis,  
 „aliena potentia fretum voluntaria,  
 „& acerba subire velle pericula, aut  
 „ita futuris te casibus comparare, al-  
 „terius ut ope ex illis te explicaturus  
 „indigeas, cùm officium, & fides sæpè  
 „fallacis, semperque mutabilis animi  
 „fructus, vires, & opes ludibrio for-  
 „tunæ sint, sapientèsque propterea  
 „consilium, & rationem quàm spem,  
 „& fortunam persequi malint. Pulso  
 „verò Lusitano legato, quò sese illæ  
 „tandem jactabunt, quos nunc insta-  
 „bilitas animi, naturæ volubilis impe-  
 „tus, ac simul comperta sibi virium  
 „infirmitas agit minæ Gallorum cir-  
 „cunstrepentes? siquidem longè ab-  
 „sunt, nec meliora, sicut Hispani, sa-  
 „cri ararii nostri pignora tenent. His  
 „etiam adde quod in hac partium con-  
 „tentione ut fautores concurrû Galli,  
 „Hispani de suo graviorique negotio  
 „decertant, ex quo vana tantummo-  
 „dò illis in urbe Rōmana gratia, vel  
 „ostentatio virium, vel patrocinii sus-  
 „cepti pudor, his autem imperii jus,  
 „atque decus in discrimen adducitur.  
 „Beneficium postulat Gallus, quod  
 „sæpè numero adeptum facilè tollit  
 „oblivio; Hispanus deprecatur inju-  
 „riam, quæ altius inhaeret animo ac-  
 „cepta, & viscera quoque urit. Ea ita-  
 „que in Lusitani, Gallique gratiam  
 „offensione Hispanis incussa, acio-  
 „rique per illam conflato vindictæ sti-  
 „mulo, multisque propterea pericu-  
 „lis circumfusus, cùm satis de Gallo  
 „dixerim, vindicare ne poterunt nos  
 „hi Lusitani recentes, enerves, fluidi,  
 „à nobis valdè longinqui, atque ultra  
 „fretum Herculeum in extremo ter-  
 „rarum positi, qui tantum profectò  
 „agitare, aut Romæ petere audebunt,  
 „quantum, & ipsos Gallorum impul-  
 „sus, favôrque sustulerit. Est nobis  
 „nunc in discrimine, Sanctissime Pa-  
 „ter, Lusitanos an Castellenses, sive  
 „Hispanos amicos habere velimus. At

qui Lusitani, ut dicebam longissimè  
 absunt in arcto quodam Hispanico  
 sinu interclusi, Hispani in Italia no-  
 stris cervicibus imminet; propriis  
 Hispanis confisi nobis; Lusitani alie-  
 nis viribus comminantur, Hispanos  
 copia, Lusitanos inopia tenet, illi  
 amici veteres sunt, hi adhuc ignoti,  
 inexperti, novique; cùmque utpluri-  
 mum noxia in melius etiam in spe-  
 ciem facta amicorum mutatio sit, si  
 hæc planè in deterius apertè fiat, quid-  
 ni mutatio pestifera foret? In hac er-  
 go partium electione, quæ ex rei pro-  
 positæ statu, & articulo nobis certè  
 inevitabilis est, utilius profectò vide-  
 tur, ac tutius assistere Hispanis, quo-  
 rum potentia major, quorum ira  
 propinquior, quorum ultio pericu-  
 losior, quorum gratiæ tandem emo-  
 lumentum uberius, ac plenius est.  
 Verumtamen nescio quid inanis fidu-  
 ciæ jam aures, sensusque nostros oble-  
 ctet ex specie, vel pompa quadam re-  
 ligionis Hispanæ subductum, quo te-  
 merè nihil illos, aut in compositè  
 acturos, ne vetus scilicet illud artis  
 Politicæ fundamentum evertant of-  
 tentatione quidem pietatis, fucòque  
 interdum religionis innixum, contra  
 Apostolicam sedem putandum sit, ut-  
 cumque nobis in causâ decernere  
 placeat; nam præterquam quod ubi  
 de injuria cuique, aut contumelia in-  
 ferenda agitur, si minus quisquam ut  
 fatuus sua sponte perire accersito sibi  
 periculo velit, eum quem lædit inju-  
 ria, ultorem, & maxime infestum  
 ad illam reddendam totis viribus sur-  
 recturum, ac si ad eam propulsandum  
 revera suppedient vires, tanquam  
 certum præhabendum in animo est;  
 quanto in errore versentur, qui ita  
 de Hispanis ratiocinantur, qui vixi  
 diutius in Hispania satis mihi specta-  
 tum est. Hispanis quippè divina in-  
 concussa fides, varius usus religionis,  
 doctrina ad rerum momenta flexibi-



lis est. Exteriùs sapè apud illos utili-  
tas ab honestate, atque jure per fu-  
cos, atque pigmenta pulchritudinem  
mutuatur, & Deos nonnunquam  
studiorum suorum velut satellites  
credunt, aut ita credi jactantes vo-  
lunt. Tam tortuoso igitur multipli-  
ciq; Hispanorum ingenio rationum  
antractus, aut per aurium ludibria  
composita verba fortasse ad ultio-  
nem purgandam deficient, cùm Lu-  
sitani regio more receptum in Cu-  
riam ulcisci velint, illisq; simul ad ul-  
tionem rapidus animus, sensus dolo-  
ris acerrimus, æqualis potentia, reli-  
gio, quæ sola obfistere posset, versa-  
tilis sit. Cunctis mortalibus, gravio-  
ris quàm re ipsa momenti sunt infli-  
ctæ sibi videntur injuriæ; raro quem-  
quam non poenituerit, se qui plus  
posset eum offendisse, ferè nunquam  
inultus omisit cui impunè ad vindi-  
ctam grassari licebat. Hæc omnia si-  
mul in nos ex Hispanorum parte  
concurrunt; lacescere quidem illos in  
nostra manu positum est; iratis in-  
festisq; satis illis occurrere, cùm  
magnum præsertim incendium exul-  
cerata potentia suscitet, nec in no-  
stro, nec in Lusitani, Gallique situm  
arbitrio, vel opibus est. Atqui obstat,  
inquit, inveteratus Ecclesiæ mos, illi  
rata nimirum insignia, noménque re-  
gium habendi, qui regni controversi  
dominium jure seu injuria teneat, ne-  
ve utilis quoque nunc opportunitas  
effluat, in aula Romana premendi,  
quod omnibus stomacho, & odio  
est Hispanorum intolerabile superci-  
lium. At etiam si res attentè confide-  
retur, valdè inæqualis profectò ratio  
exemplo collata, atque in rem subje-  
cta argumenta discriminat. Illic enim  
inter Princeps viros genere, opibus,  
claritudine fermè pares disceptatio  
de regno erat, hic verò inter Re-  
gem, & hæcenus subditum, sacra-  
menti nempe ruptorem, perduellem,

Tyrannum simul ad regni solium tu-  
multuantis cæno populi evectum, re-  
luctante nobilitate, cujus planè con-  
ditio ne dum imperii possessionem  
deformat, debilitatq; sed obrepere  
etiam ad integros imitandi contagio  
posset, dum æquè Regis ac subditi  
vices ad libitum hominum plebisq;  
temeritatem converterentur. Quid  
autem ampliùs de Hispana infectanda  
superbia loquar, quàm quod ipsam  
congestis, tractisq; ab ea regione  
thesauris, pecuniaria quasi pœna mul-  
tamus, eludimùsque dum ridiculus  
illis, nostra patientia tumor, soli-  
dæ nobis opes augescunt, nonne  
satis superque pœnarum hæc na-  
tura, hæc morum asperitas, hæc  
animi inflatio, hæc affectata gravi-  
tas, sive hominum insolentia no-  
bis dedisse videtur nervorum inci-  
sione? Plures Europæ Principes  
Bregantium Regem salutaverunt  
ejusq; Oratorem pari titulo rece-  
perunt. Qui portò, nisi Austriacæ  
familia hostes, & quorum intererat  
utcumque nocere hosti? Nos verò  
hostesne Regis Philippi sumus, an ita  
esse expedierit, ejusdem hostium ve-  
stigia sectantibus? Quod si mediam  
sententiam tenere placeat, hæc enim  
etiam objecta est, qua scilicet salvo  
Regis Catholici jure Lusitanus ut re-  
gius à nobis admittatur Orator, præ-  
ter Hispanos hoc vulnere graviter  
ictos, Gallasne an Lusitanis hoc fal-  
laci, inanisque commento morem esse  
gesturos credimus? Hi quidem exi-  
guum hoc potius quod sibi cautè de-  
tractum, quàm id quod foret omni-  
nò concessum mortalium vitio con-  
siderantes, ipsisque ob injectam ab  
Hispano formidinem per eam cautio-  
nem jus imminutum, ac omninò in-  
terversum esse querentes, inquieti,  
arrogantes, obrectatores majora, &  
procacius subinde reposcent, idèò  
que nos propter metum offensionis

„ via quasi media incedentes ex eo fœ-  
 „ dius lapsuri fumus, quod nec Hispa-  
 „ norū nobis effugere odia, nec prorsus  
 „ Gallorum inire gratiam contigerit. Ea  
 „ quidem sententia gravis Sanctæ Sedis  
 „ splendore, ac robore digna est quæ  
 „ in deliberando constantiam, animi  
 „ magnitudinem, atque morum can-  
 „ dorem præfert; cavillantium tricas,  
 „ implicitas artes, ac dolos, quæ captan-  
 „ tes ut plurimum captant profanis  
 „ Principibus relinquamus. Cæterum  
 „ non negaverim unam in hoc negotio  
 „ maximamque difficultatem urgere,  
 „ ne Lusitana hæc Ecclesia sacris Præ-  
 „ sulibus destituta per injuriam, ac ne-  
 „ gligentiam errore aliquo exorto in  
 „ fide, atque officio aliquando labaret,  
 „ cui quanquam periculo posse videtur  
 „ ad tempus occurri, ad ipsum nempe  
 „ Pontificem, seu more Germanico  
 „ accepto, ad Canonicos Ecclesiarum  
 „ conventus Episcopos nominandi per-  
 „ functoriè transmissio jure, quia tamen  
 „ hæc constitutio, ut rogatione sua ex-  
 „ clusam, & contra annitentem utram-  
 „ que offenderet partem, de regio ora-  
 „ tore de Episcopis nuncupandis ad  
 „ rem penitus statuendam, decennium  
 „ præscribi censeo. Interim tum Hispa-  
 „ nos, tum Gallos æqua spei, metus-  
 „ que lance suspensos, ac dubios, eoque  
 „ diutius nobis addictos habentibus  
 „ dispicere dabitur, utrum novum per-  
 „ manet imperium, pax, an bellum con-  
 „ tentionem dirimat, interfluentisque  
 „ fortunæ casus saniora nobis consilia  
 „ in tanta rerum ambiguitate, ac tu-  
 „ multu subicere poterunt.

Cum hæc Pamphilus dixisset in ejus  
 sententiam ut mediam usque temporis  
 pertractandam discessit Pontifex, nec ei  
 obstitit unus qui totā turbare rem pote-  
 rat, & cui adipiscendi quoque Papa-  
 tus expectatione occulto artificio Pam-  
 philus pro Hispanis, & contra Hispanos  
 locutus in causā de eorum non-  
 nulla moribus quasi exprobando inter-

jecerat, ancipiti quodam suffragio assen-  
 tari studebat Cardinalis scilicet Barba-  
 rinus. Etenim Barbarinus Courensis id  
 temporis Galliæ Regis in aula Romana  
 legati cum superbiæ fastusque valde per-  
 tactus esset, ut hic munere amoveretur,  
 spem fecerat Regi Galliæ, si novus, &  
 cui mitior adesset indoles morum, Gal-  
 lus Orator cum Lusitano Romam ve-  
 niret, faciliorem utrique, se quoque an-  
 nitente, futurum ad Pontificem aditum.  
 Courensi verò legato adeo offensum, &  
 nausea ac propè stomacho affectum  
 esse Pontificem, ut omnia ejus facta,  
 atque dicta averso præ animo perpe-  
 ram flectens omnino negotia labefac-  
 taret. Porro autem nisi Principi gratum,  
 & qui ingenii dexteritate, modestia, le-  
 pore simul, & gratia quemdam in se  
 quasi virtutum concentum efficeret,  
 neminem rectè apud Principes posse  
 legationis munere fungi. Itaque mox  
 Courensis in locum Barbarini opera à  
 Rege Gallo Marchione Fontanensi  
 suscepto, ipsique Lusitano in itineris  
 Ducem, & Comitem dato, jam Car-  
 dinalis Franciscus sui voti compos cæ-  
 tera negligebat. Id nimirum in causa  
 fuit cur primo Urbani ministro palam  
 non adversante haud ægrè in Pamphi-  
 lii sententiam itum. Lusitanus præ-  
 terea legatus si eo tempore in aulam  
 cum illa animorum, partiumque jacta-  
 tione, dum res ita caleret, admittere-  
 tur, timore percussis, ne inter æmulas  
 nationes, & partes turbæ militarumque  
 ibi gentium barbaries concitarentur;  
 placuit etiam Patribus, Urbanoque ne  
 dum à Pontificis aditu procul, sed ur-  
 bis etiam Romanæ Lusitanum habe-  
 ri. Hoc novum decretum cum Pon-  
 tificio adversum ingenio, & rebus an-  
 tea ab eodem in Galliæ favorem ge-  
 stis oppositum, ideoque insperatum,  
 ac ferè præceps Galliæ partibus vide-  
 retur, eò molestius, & gravius Lusi-  
 tanos, Gallisque perussit. Convocat  
 itaque statim consultum in ædes suas

Cardina



Cardinales clientes Gallus Orator, ferox hinc animo rapidusque non suffragiis, sed ferro, atque vi rem totam decernere postulabat; erat enim promptus ingenio, longo in nationem gratiae Pontificis usu tumens, & modo insuper laceffitus fallaci quam nunc acerrime repetebat Barbarini promissione. At Romani Principes altu, & consilio nunc expeditius, ac tutius res aggredi, ac vincere soliti serio monebant Gallum, cunctatione, patientia, agendi seseque flectendi dexteritate fluere prosperè quidem omnia, per abrupta, ac celeria nimis consilia, negotia, spes saepe, & homines quoque praecipitari. Cum senegendam rem esse, senibusque sicut profundum, ac peracutum ingenium, ita ex rerum incidentium peritia, ex frigefcente in corpore sanguine, ac lassitudine propè spiritus trepidum anxiumque inharere iudicium, & animum, pavore huic itaque seni revera, vel ficta per animi turbationem adumbratósque praecipue tumultus incusso transverti è sententia facillimè posse. Frustra igitur per minas, & arma, & cum periculo ex hoste, atque ira Pontificis peti, quod mora, & industria facilius, ac citius obtineretur. Eo etiam accessit, qui in eodem conventu aderat Cardinalis Barbarinus Antonius, isque omnium consensu dolum ita composuit quo caperet patrum. Eiusdem scilicet auctoritate confessus, ac nomine electus aliquis Purpuratus pergeret ad Pontificem, nunciaretque Hispanorum vulgaras in urbe minas, ingentes armorum, bellicaeque pulveris moles interdù, nocturne in Oratoris aedes illatas; cætus, ac passim hominum turbas per areas viarum, per trivium Romæ misceri, extraneos accitos è finibus milites, proscriptosque qui latrocinis, ac caedibus pasti, vagam ac perditam ultra terminos vitam ducerent. Tantarum ad strepitum rerum plebem Romanam atto-

nitam, ac penitus animo consternatam obtorpuisse, eò fortasse tandem inclinaturam quò fors certaminis cecidisset. Ex altera verò parte Lusitanos Catalaunis Gallisque promiscuos arma sollicitos expedire, trahere secum alios clientes, amicos, homines mercenarios, & hostibus obvia quamvis atrocia frequentes communicare consilia quaecumque vel levem injuriam, & contumeliam ulcisci cruore paratos; jam ebullire seditionem, & prope rem esse ut Roma sanguine redundaret. Daret itaque Pontifex Romanos milites Lusitano, qui cum extra urbem attentissime custodirent; & qui per viarum etiam capita distributi fluctuantis in urbe seditionis anteverterent æstus. Hæc in paucis admodum vera, pleraque afficta inculcanda esse Pontifici in eo Cardinalium conventu proposuit Antonius. Erat autem hujus latentis fallaciae nexus, atque inanis amplificatio in hunc modum composita, si enim extra urbem incautum, & contumeliae inimicorum expositum Lusitanum legatum defecisset cum ejusdem Lusitani periculo minaces per hominum voces, armorumque apparatus tunc Pontificia quoque auctoritas, ac veneratio nominis videbatur in discrimen abire, sin ipsum cura, & excubiis extra urbem circumvallari mandasset, hoc etiam timoris notam, ac dedecus in Pontifice arguere perinde, ac suprema in Orbe majestas, nisi excubiis, & armis domi munita externis ludibrio foret. In hunc modum objectis, auctisque falso periculis, Pontificem genio suo proniorem ad deterrima quæque de Hispanis existimanda, sua sponte venturum arbitrabantur, ut Lusitanus in urbem sacrum velut asyllum ingrederetur, consiliūque proprio quasi Marte delapsus obstinatius sustentaturum; ita enim consilia quo ea facilius amplecti velint, exponenda

Principibus sunt, ut ex causâ rerûmque contextu deliberationem ipsam manantem dum illam arripiunt velut proprii iudicii fœtum sibimet adulando cognoscant. Cardinali igitur Bichio, qui in Gallorum partibus erat, hoc transigendi cum Pôntifice munus injungitur. Pergit ad Pontificem Bichius, omnia quæ jussa erant verborum insuper ambitu, & copia, laterûmque conatu proponit. Arma repente, faeces clandestina consilia, minæ passim effusæ, hominum concursatio, tumultus, certamina partium, omnia instrumenta bellique terrores menti, oculisque penè Pontificis offunduntur. Quibus auditis Urbanus sive ira & odio in Hispanos, sive objecta terroris specie commotus, ac verisimilitudine captus, accedere statim ad Curiam Lusitanum legatum jussit, addiditque in quo falsus tantummodo est Bichius, ne regia ostentatione, atque pompa, sed clam, & privatus in urbem intraret. Cæterùm ne id quidem Pontifex est affectus interventu Galli Oratoris, qui ut acrius repungeret æmulos, habitûmque aulæ proprium inanem jactantiam, & patrimoniorum ruina compositum luxum ostenderet exquisito ornamentorum splendore, & magno equitum apparatu in domum suam hospitem Lusitanum excepit. Oratorem agmina famulorum, ac turmæ clientium pompa certatim, habitûsque ornamento splendentium sectatur: amplissima tanquam scena, ubi Romæ alii obsequiû, & fidem in Gallum Regem, alii opes suas aulicis osteterent, per summâ luxuriam explicita. Cardinalis Barbarinus Antonius cultu ipse, animoque magnificus ad quingentos armatos præmiserat equites, qui securitatem itineris explorarent, inflammavitque generositatis exemplo clientes, adeo ut Romani populi plausus in partium effusa ostentatione ac latitia triumpho similis personaret. Immoto ad hæc

omnia, atque omninò silente Hispano legato, qui nuper togam cum exuisset, ut Oratorem indueret, pacatis, ac forensibus potius negotiis idoneus, quàm Politicis, ac militaribus videbatur, nisi hoc etiam ad cunctationis Hispanicæ partem, ac dissimulationem referre liceat. Itaque Lusitanus cum jam expugnasset Romanam ad urbem ingressum, spe inde inflator Urbano libellum, in quo à veteribus Lusitanæ Regibus repetito, explicato, & usque ad Bregantium eleganter deducto jure, regii petebat Oratoris honores, porrigit. Hæc postulante Urbanus silentio perstrixit. Nam idem ipse magis quotidie magisque animo incertus, ac pavidus ob partium in causa pertinaciam tantam perspectam, ac vim, quid ageret, quove se verteret agitabat, quippe cui ex aula Catholica admonitus scripserat Apostolicus Nuncius, propter ipsius adeo notam, ac nimiam in Gallos benevolentiam, insuper nunc Lusitanum amicitia ac fœdere completentes, anxium Olivarium, ingentisque irarum volventem æstus, eidem Nuntiopalàm denunciavisse quod Principis, Pastorisque personam benè, & appositè sciret Catholicus. Rex in ipso Papa discernere, & quod aliam se junctam ab alia, si occasio quandoque tulisset, incorrupto pudore persequi licuisset, eas simul alas divitiarum, seseque efferendi nimis fomenta quæ Rex Sacrorum à Principibus accepisset, cum per eas insolesceret, tempus fortasse venturum, quo iratis Principibus redderet. Proinde morosum ingenio Olivarium, ac trucem, ac diuturna patientia propè jam efferatum, si nova, eaque acerba cumulata quoque molestia fuerit pressi torrentis in modum cum ruina, atque strage tandem erupturum fuisse. Hicci modi impressis in animo minis Urbanus, cautiorem se in posterum, & minora quæque paventem habebat. Lusitanus ve-



rò legatus absque responso ab Urbano dimissus prælo subductum opus subinde vulgavit, in quo explicatius, ornatiùsque capita rerum exposuit, quæ sicciùs, ac pressius ne fortè verbis obtunderet paulò antè Pontifici dederat, cùm juris præsidio regiam legationem exposceret. Huic aliam statim lucubrationem, & luculentam, quæ adversam labefactaret, Joannes Ciumazerus in sua jam arte irritatus opposuit. Sic denique Romæ armis

calami succedere, partésque per quietem, & otium, pro armorum cuspidibus stylos exacuebant, ea ludicra tunc literarum certamina, ac diverticula ingeniorum esse tumultibus interjecta longævus gaudentibus, ac simul irridentibus aulicis experimento satis edoctis torpere apud Principes rationem nervis, ac viribus destitutam, jurisque legalis vim in illorum judicio, atque foro ad potentiæ mensuram intendi plerumque ac remitti.





# D E BELLO LUSITANO LIBRI TERTII

S U M M A.




ORTUITA, parvâque res Lusitanos & Castellenses, celerius quàm antea soliti erant, ad tractanda arma commovet. Alfonso Melus capivos Castelle milites, velut mancipia turpiter exercet. Ludovicus Lancastrus commilitonum injurias ultum mittitur. Campomajoris, dolo per Hispanos tentata receptio, fallaci exploratoris fide, corrumpitur. Valverdem diripit & incendit Lusitanus. Occupat Tellius oppidum Elcæ, cujus arcem ad primum tormenti bellici jactum prodit Gubernator.

Dux Alba amissam arcem frustra recipere tentat. Sancti Martini obsidionem irritam Tellius tollit, inde Elcam urit, & arcem excindit. Viverus & Burgius quàm plura Lusitanie oppida incendunt, & diripiunt. Memoria posteriorum digna quarundam mulierum Lusitanarum virtus. Isabella Borbonia Regis Catholici uxor frequentes exercet cum Olivario contentiones. Urget per se, clientesque suos, Regis protectionem ad Aragoniam. Nescit difficultates Olivarius, Regemque voluptatis blandimentis, à belli curis abstrahere conatur. Invito ac palàm repugnante Olivario, secundum Marchionis Granensis sententiam Casaraugustam Rex sese confert. Bellum Lusitanum elanguescit. Viennæ agunt Hispani cum Casare, ut ex Germania, Odoardus Mediolanum traducatur. Olivarii genus, cultus, viteque institutum. Invitus, à patre Salmanticam mittitur, ad Iurisfrudentiæ addiscendam doctrinam. Morte fratris ad Regiam translatus, servitio sese addicit Hispaniarum Principis, quo ad regnum evecto, Imperii regendam molem suscipit. Deficiente Catalaunia, Regis in ipsum minui capit benevolentia. Regina presentiens labare jam Olivarium, extrema illius ruinæ ministram eligit Margaritam Sabaudiam. Secretum Margaritæ cum Rege colloquium. Comes Castrillius, instinctu Regine detegit Regi, quæ ipsum latebant, reipublice vulnera. Olivarius, quò liberius imperaret, inter Casarem & Philippum dissensionum ac diffidentie semina jaciebat. Hinc Regina, Marchionem Granensem monet, ut contra Olivarium insurgat. Anna Guevara nutrix olim Philippi tyrannicam Olivarii Gubernationem Regi exponit. Rex & Regina ægrè patiuntur, Balibassarum Hispaniarum Principem, ætatis annum quintum decimum agentem, Olivarii artibus malè educatum, ac pejùs edoctum, inter mulieres adolescere. Henricum filium nothum famulitio Principis proficere cupit Olivarius. Manu Regis conscriptos codicillos accipit, ut Loeccium pergat. Olivaria lachrimis, Regis Regineque animum mitigare nequit. Ludovicus Arus, ut triduo in palatio maneret Olivarius, impetrat à Rege. Incredibilis lætitia,



*publica gratulatio omnes afficit, ob lapsum Olivarii, qui impendens à furore populi periculum arte subterfugiens, Loeccium petit.*



## BELLI LUSITANI

## LIBER TERTIUS.



642 **T**ERTIUS anni volventis initio fortuita, parvâque res Lusitanos, & Castellenses celerius, quàm antea soliti erant, ad arma tractanda commovit. Alfonsus Melus Transaganz Provinciæ Præses perpetuo labore, & gloriam, decusque militiæ professis indigno complures lassabat, quos Elvi captivos eo tempore habebat Castellæ milites, dum vilia, ac sordida quædam urbana opera struere per ictus, ac verbera cogeret, & alios fodere terram, alios dorso materiam vectare; omnes velut empta mancipia milites laboriosè non minus, quàm turpiter exerceri; & maximè nobiles inter eos, quorum plurimi tenebantur, assiduo quamvis opere fessos longè plus stimulus ignominia quàm oneris impatientia perculerat. Huc & mordacia dicteria accedebant, & felle resperfi sales, & superba hostium ludibria, eorum auribus minus parcentium, quorum corpora fatigarent; quæ audire, ac perferre talia, & ab aliâ spreto à se hoste insuetos acerbius Castellensium animos uferant. Ex illis igitur miles quidam gregarius animo audacior, & excitatior etiam ingenio sitim se habere simulans, ut eam in propinquo restingueret fonte permissionem à Duce poscit, datûsque est illi prorsus inermi miles custos Lusitanus, qui eundem post aquæ haustum ad consuetum laborem reduceret. Hic ergo dum supra fontem curvatus corpore bibere simulat, lutulentam manu raptim compositam massam retro repentè volvens impingit in os, oculósque militis Lusitani, qui impro-

viso turbatus, ac territus ictu, & lachrymarum quoque cadentium effluvio paulisper lumine orbatus dum recipere se orisq; & luminum sordes abstergere curat, jam interim Castellensis pernecitate pedum elapsus, per anfractus viarum arrepta fuga linso suffusam, & caligantem oculorum aciem fefellerat. Ille igitur miles postquam Badacocium pervenit, hostiûmque ludibria Garaio, ac fœdam sociorum captivitatem exposuit, Ducem commovit, ut illicò iret cõmilitonum ultum injurias, utque vi sive dolo libertatem tentaret. Erat tunc in exercitu tormentorum Præfectus Ludovicus Lancastrus non minus decore militiæ, quàm generis amplitudine clarus. Hunc jussit Garaïus tribus legionibus sumptis, ac millibus ferè delectis equitibus improvisum, & quo maximè posset impetu ruere in externum Elvi præsidium, ubi premi labore captos ac dedecore affligi milites nunciabatur, si forsitan illi, cum ex propinquo commilitones viderent, repentè collecto animo inter hostium tumultum, ac trepidationem elaberentur. Vastam quoque planitiem, quæ circa urbem effundebatur, cum oleæ interjectæ, vepræque & quidam velut sinus, flexûsque armandis insidiis accommodarent, jussit ibi equitatus occultam subsistere partem Garaïus, dum prætervecta peditum acies vel signa cum hoste conferret, vel ipsum incautum ad insidias traduceret. Lancastrus impigrè iussa Ducis exequitur, & multò antequam dies inalbesceret Elvo jam proximè infestus cum exercitu minabatur. In urbe repentè cum turbinis instar obiectus ante oculos esset hostis maximè trepidatum, suis deinde consiliis, & armis ob rem improvisam impliciti majori celeritate quàm ordine alii fusi, alii se invicem collidentes per solutas, palantesque

lantésque ferè catervas Lusitani discurrunt. At primum ea ne fortè elabendi foret occasio, custodia Castellæ captivis intenditur; nihilo tamen minus plerique eorum ex hostium confusione, metúque animos colligentes pars pugnis, & jactatione corporis eluctantes, pars inter hostium pavorem, tumultúmque dilapsi, nonnulli fortiùs pro libertate pugnantes spiritum reddunt. Interim Alfonso Melum, cum Joanne Costa, Michaële, Acevedo, iisque primariis exercitus Ducibus, obvióque milite cursim qui præcurrendo anteceperat iter, adjuncto progressum exorti repente regii milites intercludunt, ingenti edita strage, ac ferè impunè diffuso cruore, ac nisi tum equitum Commissarius surgendi ex latebris nimis citò dedisset militibus signum, cæsi propemodum omnes, aut velut retibus capti insignis regionum præda cessissent. Dum in hunc modum aperto campo confligebatur, ex urbis mœnibus, arce, cum magno fragore, impetúque à belli tormentis emissæ pilæ in vagam utrinque ruentes aciem non minus civium, quàm hostium in lato campo sternebant. Tum Rodericus Castrus Lusitanus equitum Ductor cui initio quoque imperaverat Melus ut cum reliquis peditum, equitúmque plenóque agmine rectà procederet Castellensibus obviam, ipse dum interim Melus alia semita circumductus hostico lateri improvisus incurreret, & postea in insidias, ut diximus, eodem tramite offendit, jam hostem adeptus acriorem cum illo pugnam inierat, ibi enim Lancastrus, ibi densatus constipatusque pedes, ibi simul eques immixtus vehementius ordines impellebant. Ex adverso Lusitanus Hollandis, Gallicisque militibus communitus cum omnibus nervis eodem in loco gradum intulerat, & utrinque certamen incalcescebat. Neutrò fortuna hucusque inclinaverat, æquis idcirco viribus,

æqua propemodum sorte in incerto iudicii, speique pendebat res, cum ex utraque parte certantibus opportuna, & eorum, qui insidias tetenderant, & qui illas nuper evaserat, nova superveniunt auxilia. Tum verò utrinque ferocior, at ipsa inæqualis intenditur pugna. Etenim Castellensis equestri intercepta paulò ante victoria, recentique hostium cruore perfusus, eosque semel, ac nuper vicisse memor ampliori fiducia, atque animo dimicabat, nonnullos etiam eorum faucios, multos à se paulò ante fugatos ac fusos, alios eorum idcirco timidos repetere prælium internoscebat. Is itaque in hostem cum alacrius eo stimulo incumberet, adversa capiti nutare acies, ordinésque denique fluere, ac remitti. Quod ubi videt Lancastrus percussisque propterea vehementius instare nititur hostibus, brevi fistula cominus ictus, per latus & brachium cum cutis extrema libasset, prope inani transgressa pila lethali periculo eximitur. Languere deinde, sensimque cedere Lusitanus, acrius tandem impulsus, & agminibus pressus effusa fuga agros passim camposque complere; nec potuit, quanquam vellet Lancastrus, in fugientium pugnare terga, cum arcis, meniúmque displois persapè tormentis, quæ plerique ceperant fugam, protegerentur, minor propterea cades quàm pro tanta victoria, ac bellatorum numero fuit. Digressis eo victoribus loco ubi faucios, partemque castrorum ad urbem Melus portare curat, inter ea sordè strata militum corpora inventus est Lusitanus exanguis macie, ac pallore confectus, extremos inter anhelitus animam agens, ultimúmque pietatis officium exposcens. Continuo sacer minister advolat cumque Sacramento penitentiae expiatum, atque resectum pro ultimo agone confortare cepisset hominem: Nihil, inquit opus sibi solatio, & hortamento esse inter duos hinc, & inde jacentes,



iacentes, suâque manu confossos, quos & digito demonstravit, Castellæ milites expiranti. Post binas præbitas patriæ victimas se tertiam devovere. Hisque dictis efflavit animam. Tanta alia in aliam libidine incitatur æmula ratio.

Post hæc Campomajoris situ, ac munimine in Lusitania celebris municipii, dolo per Regios tentata receptio, fallaci tandem exploratoris fide corrupta est. Antonius Messia Lusitanus cum prædia opulenta duorum in continenti regnorum limite possideret, utriusque consensu partis inter mutuas accolarum hostilitates, ea sibi ipse pacificè procurabat, allecto in magnam spem Castellensi, fore, ut emolumento rei familiaris adstrictus fidus, ac tutus hic inter hostes falleret speculator; Lusitano verò in maiorem expectationem erecto, nihil omninò mercedis tantæ futurum, quod inveteratum, ac propè insitum Lusitano in Castellenses avelleret odium. Hic itaque versipellem indicem agens ea astus subtilitate falsas notitias, ingenii que commensâ struebat, subiciebatque, ut Comitē Ognatū Alburquericiæ oræ Gubernatorem, Antoniumque Santilisiū Judicem Castrensem sagacioris quamquam ingenii viros induxerit ad credendum, pèrfacile ejus tunc opera, & artibus posse per vim, & insidias prævalidum oppidum interverti. Maximè Santilisius, cui id negotii ab Ognatto commissum fuerat, inflatis abundè promissis aggredi Lusitanum, pellicere donis, lenocinio verborum, blandimento, & comitate captare, factu quidem optimum esse, verum, & magnum lucrari insigni munere Regem, cujus pinguis & summa cum laude meritum versura foret. Ad ea seu utilitate, seu amore, sive illecebris captum se fingit Antonius; avidumque rem impigrè perpetrandi, prius tamen opus esse refpondet pecuniæ vim magnam impen-

di, ut Ludovici Bainesii Campomajoris Gubernatoris, quo inconsulto, atque inscio facinus frustra foret, fides sollicitetur. Igitur Santilisius aureorum viginti millia, Ognatto ipso annuente, Messia pollicetur, alios præterea honorum, & munerum cumulos, si res benè verteret, addit, tanto scilicet beneficio, Regisque amplitudini, & gratiæ munificæ pares. Approbat rem Lusitanus, & statim operam offert, inde Bainesium Campomajoris Gubernatorem, deinde Alphonsum Melum summum in ea Provincia armorum Præsidentem adit, eos fraudulentum animum Santilisi, & captiosa quoque promissa docet; subjicit etiam in animo esse, ni secus illi præciperent, iisdem insidiis, ac dolis, quæ pretio artibusque moliri in Lusitanum studebat hostis, eundem ipsum circumvenire. Tum Melus cum multò expeditius, ac longè minori in bello dispendio astu & consilio esse nosset, quàm brachiis, armisque grassari, retortasque in auctores insidias felicius ut plurimum ipsas, gratiusque succedere, ea lætus occasione laudat Messiam, jubetque illum trahere ex composito fraudem, ea ipsa deinde prudenter, ut ratio, tempusque merneret usus. Verumtamen secum inde reputans Melus mortalium naturam fragilem, mobilem, & ad sua desideria explenda præcipitem, simul quæ egregia animi bona in præstantissimis quoque viris, graduque altissimo collocatis fœdaverit avaritia, quid satis vallatum, quid invium, quid impollutum auri conatibus foret, quòtve fulgoribus auri intellectionis acie perstrikti, rectà licet euntes offenderint ne vel in dubio versari rem tanti ponderis pateretur, nève illud malè fortassè tractatum, aut fraudulentum indicium innoxio tandem ipse capite lueret, statim per litteras monuit Bregantium, Constantissimæ fidei, integritatisque in primis perspectæ Gubernatore opus

Campo

Campomajori esse, ac pecuniæ assultibus invincibilis, ut incolume staret oppidum; nam auro caperat jam Castellensis Præsidum animos pertentare, & arcium claustra perrumpere. Paucis elapsis diebus venit ad Santilisium Messia, & quemadmodum ipse fallaciter erat per Alfonso Melum instructus, quò moras negotio subnecteret, narrat, inchoatam rem esse, retentatum, arte pellectum ac ferè jam ad prodicionem præ oblata pecunia Bainesium Gubernatorem impulsus esse, ab eo tamen, ut prudentissimo viro, fortuitisque casibus pavido, & circumspecto elicere hucusque minimè potuisse nisi perplexos, ancipitesque sermones, & varia, ac trepida verba, nec in speciem implentia, nec eludentia votum. Cæterum quod rem tantam primò propositam non statim homo averfatus horruerit, nec aures difficiles dederit, imò silentio contegat, ad eam quidem proclivis, sed suspicacis, cautique hominis, rerumque momenta pendentis promerere signa. Inter hæc expedire sibi videri, mandare militibus, ne ejus soli circuitus, qui Campomajoris fines amplecteretur, ulla hostium incursione, vel fraude per id temporis vastaretur, ut ea incolarum irritamenta quæ alienatis omninò animis novo quoquomodo nocere subeundo servitio possent, maturè cessarent, cunctaque ex ejusdem sententia, quia ea spes tunc inanis afflabat, confecta sunt. Postea verò quàm id temporis fluxerat quod pertractati negotii maturitatem verisimilem faciebat, redit ad Santilisium Messia, & ore mendax, vultuque falsus; Rursum à se conventum esse Bainesium, pecuniæque illecebris jam irretitum polliceri prodicionem enunciat. Cæterum auri sibi promissi vel prælibare dimidium velle, ne totum deinde post rem perpetratam, seque tunc apud hostem inutilem per ejusdem arbitrium perichitetur. Castellensis, & si dolo,

& ambage se facillè posse per Lusitanum ludificari suspicabatur, cum sceleris merces perinde accipientibus tuta, ut immaturè præbentibus dubia foret, cum levior tamen pecuniæ jactura Catholico Regi, ut majoris quidem momenti tanti oppidi accessio fuisset, decem millia aureorum, conventionis nempe dimidium, enumerat Lusitano, dat litteras ad Bainesium, satisque instructum remittit Antonium, pactæ videlicet, solutaque pecunia postulans à Bainesio, quo tempore, quòve aditu, quibus ipse subnixus copiis emptum jam oppidum interciperet. His Santilisi mandatis cum ad Bainesium reversus esset Messia, fraudisque inter eos pretium peræquè divisum esset, dum consilia pariter conferunt, quibus aut plus auri captarent, aut citius insidiis opprimerent hostem, inter hæc comparanda, contigit ut Bregantius sicut fuerat à Melo præmonitus, ejecto statim Bainesio, Arium Saldanium multis secum fiduciæ nodis obstrictum Cāpomajoris custodiæ sufficeret, simul eodem etià tempore Ognatto ad ampliora ejusque ingenio, & indole digna munia ab ipso Rege ad aulam Catholicam accersito, ut Alburquerque quoque oræ quam Ognattus Comes tenebat, Gulielmus Burgius præficeretur. Verisimilem igitur ex nova gubernii mutatione, reversus cum esset inde Messia, difficultatis interjectæque moræ cum Santilisi causam prætexens, nihilo secius adjecit recentem Gubernatorem numeratæ pecuniæ parte corruptum id ipsum quoque sentire. Ea res, ut par erat, à Santilisi, Burgio, & Lusitano simul excutitur; vires ad opus examinantur, convenitque postremò quo ordine, ac ratione arx, oppidumque à Castellensibus furtim appeterentur. Cæterum hæc Ario Saldanio relatum Antonium, ut ipse dicebat cum remeare de more vellet, comprehendi statim præcepit Burgius, ac more militiæ



militiæ quia obligatus pecunia erat, loco obſidis cuſtodiri, quemadmodum enim novum regimen ineuntes vitio naturæ potiùs, quàm cauſæ rigidiores ut plurimum rerum antea geſtarum ſolent cenſores eſſe, in hoc autem negotio nimia etiam in operando credulitas cum verè aliquid inſectandi materiem offerret gravius idcirco reprehenderat Burgius præproperè, ac ſtultè jactam pecuniam illam fuiſſe, nec eſſe tanti æſtimandam tortuoſi profeſſo hoſtis, Luſitanique ſemper fallacis, validiſque de cauſis Caſtellæ nominis inſenſi fidem. Sed contra niti Meſſia, multos in eo oppido ſcilicet præſto ſibi eſſe clientes amicos, & pecunia, & blanditiis jampridem municipes captos, jacere autem perdique omnia inter conatus, & arma factionis ſublato Duce. Itaque abſente ſe, neque illos, neque Saldanium Caſtellenſes in oppidum admiſſuros, aut ipſum igitur ſolvi cuſtodia, & in oppidum mitti oportere, aut novi nihil moliri; nec tamen per hæc verba mollito Burgio ut potiora omnia Luſitana fide cenſenti, Santiliſius poſtremò interceſſit, ea de Meſſiæ ſtudio, dudumque ſibi comperta fidelitate latè commemorans Burgio, ut hic pudore potiùs, quàm ratione propoſita fructus agrè tandem Luſitanum dimiſerit. Verumtamen acris ea ipſa de re cum ſerperet intùs ſollicito Duci ſuſpicio, ne improvidè copias tanto periculo objiceret, in hunc modum antea decrevit hoſtium conſilia, & habitum explorare. In utriusque regni conſinio Eremita quidam agebat, qui per occaſionem quotidianam petendi ſtipem, in oppido, ac regiis caſtris liberiùs, ac ſæpiùs verſari ſolebat. Erat etiam in homine præter æternam pietatis, ac rerum contemptum imaginem in rem intentam colludentia compoſiti oculi, macies, pallorque oris, ac ferè inedia ac vigilia perempti cum ſqualida veſte, barbæque. Hunc ergo

pecunia ſubornat Burgius ut conſuetæ per eleemoſinæ ſpeciem Campomajorem adeat, omnia quæ hoſtis inibi fortè pararet exploret, exploratæque ſibi quàm celerrimè deferat: aptuſque in primis ille Eremita ſuſtinendo negotio erat, cum jam ſenex, emeritaque militiæ alimentorum inopia ductus inſtitutum mutaffet. Hic igitur primis ſe ferè intendentibus tenebris Campomajorem ingreſſus, poſtquam oſtiatim pergenovagus ea, quæ ad rem faciebant diligenter obſervat, ac luſtrat, inde celerius ad Burgium regreſſus, vidiffè ſe memorat oppidum armis, militibus, equis cum magno ex omni parte tumultu, atque ſtrepitu æſtuans, inſuper miſſis à Melo præſidiariis ab Elvo cohortibus ex omnibus copiis alias in arcis, & oppidi ſtationem, alias ad foris tendendas accedentem in hoſtem inſidias conſtitutas intellexiſſe: Antonium verò Meſſiam Meli mandato in arctam cuſtodiâ conjectum eſſe. Quæ cum Burgius iratus, ac triſtis audiſſet, & ſe illuſum à Luſitano, & temerè aurum in hoſtis ſinum effuſum, & ſaniori Meli conſilio pro delati pignore indicii exploratorem in vincula impactum eſſe, tunc Santiliſi facilitate, atque ignavia multum increpita pugnae apparatus diſſolvit. Cæterum Dux Luſitanus, qui per rejectas, ut falſò putaverat, in inſidiatores ipſos inſidias, jam affatim ſanguinis hoſtium, & prædaram, & gloriæ voraverat animo ea demum ſpe devolutus, & animo hæſitans, num Antonius idem Meſſia ſpe duplicis quæſtus illeſtus fidem ancipitem ducens negotium intervertiſſet ex qua jacebat cuſtodia hominem ſtatim extractum, vinculiſque conſtrictum, ad dicendam Uliſippone corâ Iudice cauſam deduci juſſit, ibique per corporis cruciatus, ac ſæviora tormenta extremo tandem ſupplicio, non ſceleris notæ ſubtractus Antonius propè fatalem proditoribus pœnam ſuſtulit.

Sic propter Burgi consilium insidiarum utrinque expectatione delusa, Alfonso Melus hac irrita expeditione percussus, simul quod paulò antè circa Elvum per Castellensem insidiis equestribus penè obrutus offendisset, præclaro quoquam opere cupiebat quasi demere sibi ignominiam, metuque rursus injecto compescere hostem. Jubet itaque Sancium Emanuele, & Ferdinandum Tellium Tribunos militum cum majori exercitus parte in Castellam evadere, quàmque ibi fors, & occasio rem belli agendam præ se tulisset, aggredierentur, nullo quidem certiori consilio, aut mandato, tanta quidem inhæserat Duci talium commilitonum de animi alacritate, & fiducia, ac bellica disciplina. Tellius cui per id tempus ut seniori armorum imperium obigerat, silentio noctis egressus repentè Valverdem ducit quò dolo primum aditus patuit, mox & excidium in hunc modum secutum est. Mille fermè Castellæ milites pro Valverdis præsidio stabant, sed cùm solito segniùs, atque solutiùs, prima quæ mœnia tenebat, vigilia consisteret, hæc Lusitana ab una cohortèque longiùs progressa socialia propè muros insignia, & falsò vernaculæ sonitum linguæ jactabat primò decepta, mox facilè fusa, & fugata hinc liberum dedit confertis hostibus aditum. Occupatus hîc fraudibus locus ferocius tantisper à Lusitano defensus est, donec reliqua retrò ex industria latebris tecta, signo sublato, cucurrit acies. Ibi tunc editur strages, qualem amoto penitus metu, effaniam irarum solent aculei, & mutuo exarcentia conflare odia; nam Castellenses cæteri milites, qui priusquam invasos jam sese circumfessos atque improvisò captos esse senserunt, id porrò fortuitum, atque intestinum esse primò tumultum existimantes, dum ferè inermes, ac seminudi ad clamorem, ad arma circumsonantia concurrunt, temerè

armatos incidentes in hostes sternuntur, oppidanos verò plerosque semisopitos, jacentes, aut exire cunctantes, aut fuga deprehenso ferrum, aut flamma consumpsit. Ex eo luctus, ubique gemitus, clamor, & dissipatæ per domos, ac templa flammæ, & collabentium ruina tectorum, & fragor & cadis, ignisque confusa strages, Lusitanosque impunè sparsimque jam discurrentes, alios rapinæ, alios stupra, alios cruoris aviditas tenet. Ex protectantibus Angli Hollandis, Gallisque intermisti, cùm religioni quoque insultarent, sacra spolia, & ornamenta diripiunt, & pollunt: tandem opulenta congesta præda, & Valverde direpta, incensaque discedunt. Post cursim hæc omnia æquè sævè, ac feliciter acta consultum est inter Duces, utrum fessis, prædisque vehendis implicitis requiem, & otium militibus darent, an propitio fortunæ cursu, spæque nova calentibus militum animis uterentur. Retrocedere copias, temperare fortunæ cursui, lassosque per quietem reficere milites censebat Tellius, contra disseruit Sancius Emanuel, animoque ac bellatorum arbitrio in eo discrimine, ac dubio utendum esse respondit, ne gloriæ, ne prædæ stimulis jam excitata torpesceret militum virtus, néve afflantem modò fortunam spernentes, per inertiam, ac desidiam deinde cùm resstantem vidissent, dolerent. Postquam ergo per ipsos Duces voluntate militum explorata, iidem ferociter pugnam deposcunt, ad Elcam extemplo ducuntur. Militaris Alcantaræ Ordinis tenue, & exiguum hoc oppidum juris est; seipso quoque indefensum, ac propè patens, natura tamen, & opere, sitique sublimi assidentem pravalidam habet arcem. Hic à principio locus Alburquercica ditione completus parebat Comiti Ognatto, post illius oræ tractu Badacocii regimini jussu Regis adjecto, quod situs ejus in medio



dio esset, dubitabatur, ad Garaïum Esca tuenda, qui per id temporis Badacio, an ad Albanum Ducem, qui Civitati Roderici cum armorum imperio præfesset, jurè spectaret. Eò demum cum copiis Tellius evectus, nullo ad-versante, statim occupat oppidum jam ab incolis derelictum; qui appropinquantium illuc armorum, & hostium audito strepitu, quæ citò asportari facile poterant, fortunarum suarum collecto fasce, dilapsi omnes in loca munita erant. Arcem hostis subinde pulsat, eamque ad longam quidem obsidionem tum cibariis, tum militari præsidio indigentem, Præfectus, qui aderat, nullo tunc oppugnando, aut propugnando fortunæ præmissio, aut virtutis experimento, seu temporis spatio ad primum tormenti bellici jactum Lusitano turpiter prodit. Erat arx præter loci, ac structuræ singulare munimen hæud procul Lusitanæ finibus sita, simul ipsa opportuna, quæ reciprocis commeatibus, si à Lusitano retenta esset, Castellenfisbus intercluderet. Defendere idcirco, & pro viribus eam sustinere cum Lusitanus cogitavisset, munit illicò arcem trecentis veteranis militibus, belli machinis, alimenti, nitratiq; pulveris copia, ejus tutela, & custodia Sancio Emanueli ut in primis egregio, atque impigro Duci committitur, ac si urgeret fortasse hostis suppetias Tellius ferre pollicitus cum reliquis copiis Lusitaniam repetiit.

De his, quæ Elæa contigerant, rebus, quod proximus loco esset, cum prior, certiorque factus esset Albanus, nihil porro cunctatus sui ne juris, an alieni ager ille vastatus, & arx Regi Catholico adempta censenda esset, Garaïo quoque inconsulto, velut æmuli imparitate contempta, Viverum statim Legatum Joannémque Suarium cum quinque propè millibus peditum, mille & quingentis equitibus mittit amissam

ad arcem, oppidumque recipiendum. His igitur copiis infestos ad arcem Castellæ milites succedentes, dum illam incumbunt primo recipere impetu frequens, & ignea ex tormentis muralibus pestis effusa magna cum strage retraxit. Eo vulnere cautior factus deinde Viverus, ideòque ad longiorem molientiam obsidionem conversus aggerem jaci, valla componi, præliarèq; suggestus multis in locis erigi curat. Hæc molientem casu interceptæ cum tabellario literæ, quæ proximè adesse hostium auxilia significabant, eum ab incæpto averterunt. Erat ambiguaë scriptio sensus obscurus. Elicere porro ab hominis ore quod implicato, ac dubio stylo latebat Viverus intendens, admotis primò tormentis tabellarium excruciarî, mox pertinaciter reticentem inter laqueos, & ignes jugulari præcepit. Satis tamen & ipse certus propè jam hostium imminere subsidia, ea obsidionis omninò formâ intermissa, arci propinquum occupat fontem, quo iis impeditior, qui in arce erant inclusi, aquandi commoditas foret, simul vias, & obliquos passim tramites infidere, nè ex aliquo loco pateret obfessis, præsisq; hostibus commeatus, partitos milites jubet. Elevat ipse tandem in locò arci oppositum opportuno validum munimentum, unde sæpiùs obsidionalia belli tormenta excussa illam diverberabant. Ita enim, si distulissent Lusitani subsidia, breviter arx videbatur aut impetu armorum, aut rerum egestate lapsura, sin autem approperassent, tunc universas colligere vires, statimque plenam in hostem dirigere aciem in promptu Vivero fuisset. Joannes interea Garaïus Elcanæ arcis jactura comperta, Albæque Ducem sua auctoritate neglecta in ejusdem ditionis, jurisque circuitum, seipso inconsulto, exercitum præmisisse, conceptam animò iram, quam apertè in Albanum propter viri fastigium effun-

dere minimè poterat, dolo, & fallacia cunctationis explebat. Laturum igitur arcem obsidentibus opem Gulielmum Burgium Garaïus cum quinque equitum turmis, & unica legione dimittit, Alcantaræ quoque iussum perque interpositos propè vicos aliam conscribere legionem tumultuariam, iisque viribus ad urgendum arcis obsidium, vel cum hoste, si copia foret, pugnandum Albano militi se conjungere. Verùm hæc intempesta legendi, cogendique militem mora, cum expeditior eo tempore instaret, & alacer hostis, negotium prorsus evertit. Lusitanus quippè sollicitus, pavidusque, ne Albani copix per Garaïum intenderentur, exercitu quàm celeriter aucto jam ad solvendum arcis obsidium moverat. Tripartitò Lusitana pergebat acies, hinc hostiles ut illas, quæ ad fontis custodiam sedebant, incesserent turmas, hinc ut tormentarium suggestum aggrediretur arcis oppositum, infestumque ceteræ copix directum iter exque paulum inflexæ, extenteraque obliquos etiam, quos hostes infederant, celeri gradu petebant calles. Erátque tunc Ferdinando Tellio consilio priusquam in orbem se cogerent hostes, & integram aciem ad pugnam instruerent, ita divisos, ac robore diminutos majori cum numero excipere. Arte etiam, & fucò composita prima Lusitani exercitus facies erat, in quo hominum supra numerum militaria signa, tubicines, exultantium, sibilantiumque tumultus, atque clamores militum apparebant, raræque ipsa incedentium militum agmina, quibuscunque in aciem per iter acceptis agrestibus obviis, dolo repleta re ipsa belli majorem molem, ampliorémque pugnx apparatus, minasque præbebant. Viverus autem spe undique abscessa à Garaïo promissæ opis, simul terribili in speciem objecta Lusitana repente acie, cum aurium, tum

oculorum ludibrio captus, ac trepidus, obsidione relicta, vasa raptim colligere, & compositè ac sensum recedere milites jubet, ne soluti, aut fugaces conspecti ab hostibus ordines avidius instandi, atque in eorum quoque terga ruendi, plus ideò sibi fidentibus Lusitanis incitamento forent. Videt hoc Lusitanus, cumque plus ipse dolo, & industria, quàm viribus fretus rem promovisset, hostium percautus vestigiis insistens, eos in arcto per viam obsidere, aut eludere, aut iniquo intercipere loco desiderabat. Idipsum metuens Viverus, & quod appetentis obscuritas noctis viam militibus implicabat, & quod agmina raptim fugientium in modum ibant, flexit tandem ad oppidum Sancti Martini mœnibus ibi sese, nisi animo, & copiis pro tempore defensusurus. Tria millia circiter militum ex toto exercitu inclusa mœnia oppidi tenere. Reliquos metu, seu industria, seu errore palantes suis, quas huc usque collegerat, viribus Burgius adjunxit. Is apud Sillerum moram id temporis faciens imperata à Garaïo subsidia parabat, cum à dissipato, fusoque passim milite accepit, disiectam arcis obsidionem esse, prospero eventu inflatum euntem longè institisse cedentibus hostem, Regiósque in oppido clausos, atque constrictos jam omni belli terrore, ac miseria circumsideri, in arcto rem esse, ac nisi properè subveniret, flamma ferroque ex oppido bustum futurum. Itaque Burgius jam satis antea collecto, & adventitio quoque subinde milite auctus ad Sanctum Martinum properat. In Castellæ propè termino jacet oppidum. Hinc aspera ipsum præruptaque juga cingunt, quæ Lusitaniam spectat haud latè inde patens funditur aditus; montis enim ferè continens dorsum, & per ambitum oppidi longè, latèque protentum quodam velut sinu, flexu-

que



que curvatur qui in planitiem inde porrigitur, & viam molliorem per eas quasi fauces aperit Lusitania. Talis igitur oppidi in hunc modum erat tunc constituta per Lusitanum Ducem obsidio. Ceperat ille primò Divi Francisci, quod extra, & contra oppidum situm cœnobium erat, ibique tormentarium suggestum fixerat. Fontem deinde, quem Aghinaldum incolæ appellant, quod ea siccitate, æstûque squaleret regio, & via etiam esset, quâ transeuntes ferre opus erat obsessis Castellæ milites opem, equitum, peditumque stationibus communierat. Reliqua agmina Lusitana minis, ictibus variis armis infecta, & prementia fortiter oppidum circumstant. In hoc statu rerum subsidiariis cum copiis repente Burgius à fronte conspectus est. Unde nec longo ipse intervallo disjunctus, quasi pugnae proludere missilibus vellet, incessere cepit hostem, mox solutas quasdam peditum turmas in summa collium, qui penè oppidum ambiebant, ascendere jussit, quo loco sese atque illam oppidi partem quæ collibus erat obversa defenderent, ac si fortè inclinaret postea collata cùm hostibus acies prompta subsidia forent. Eo quoque tempore Dux Lusitanus expeditos progressos equites per levium momenta certaminum jussit animos hostium, virésque explorare, qui porò propius illati tunc velitantes, & alterno accessu, recessuque per industriam fallentes, atque extrema sæpè laterum infectantes, postquam presum, clausumque vident in suis ordinibus Castellensem, ad Tellium tandem regrediuntur, ac nunciant, optimè instructum, sed imparē ipsi Castellensem pro numero visum, simul agrestium colluvie, bellique penitus rudium juga illa montium, dorsumque passim expleta, maturato igitur opus esse, ne ad conferendam obsessis opem, vis quæ coire faciliè potuisset, hostium fortas-

sè major ingrueret. Ea res impulit Tellium ad acrius urgendam oppidi obsidionem. Quocirca parte exercitus contra Burgium, ne terga ille vel latera circumiret, objecta, ipse ferocior in oppidum ruit, ac solito enixius obsidionem intendit. Pugna vehementior utrinque quàm pro loco, ac numero militum agebatur, infra sclopiis, & longioribus hastis quia humilis, nec ulla distincta lorica murorum. structura erat, aliis desuper armis, & candenti sæpè fusa materie, & provolutis lapidibus incumbentium in hostem; nec minus quidem jactata lingua conviciis quàm ferro, ignibusque hinc, & inde furebat dextera, apparebatque tantum impetus, ardorisque & nervorum, & animorum, quod æquè hostes acerrimè exagitabat per victoriam certamen primo quoque tempore dirempturum. Tum verò opportunè militibus, oppidanisque pro murorum defensione laborantibus affuit, agrestium, peditumque subsidium, ac turma qui Burgii mandato impendentes oppido colles infederant. Illi enim ex tuto, atque edito loco majoribus sclopiis nunc latus hostile, nunc frontem petebant; lapidum etiam imber ex contortis fundis effusus, simul tripudia, sibilus, clamor velut sine metu insultantium, ac ferientium non minus præliares conatus hostium, quàm vim animorum frangebant. Læti hæc oppidani conspiciunt, proinde jam animo, viribusque resecti alacrius, & fortiùs in Lusitanum insistent; inde prælium æquatum est, cùm propugnatorum constantia, virtusque murorum fragilitatem suppleret, & in quo rabies, furorque pugnantium, & impetentium quoque numerus superabat, opportunè disposita super colles auxilia apud Castellenses explerent. Dum circa oppidum in hunc modum ardebat pugna; Quæ nuper

à Tellio copiae praemissae fuerant, ut impedirent Burgium, ne obsessis in oppido possent succurrere sociis, jam collatis cum regis militibus signis cautiùs, quàm acrius certamen trahebant, remorari quidem suppetias oppido Lusitano tantummodò intento; Castellenfè, quod id sublatis militiae nervi certum excidium oppidi contraxisset, eludere, aut ducere idcirco pugnam allaborante. Cùm igitur neutri rei summam extremo periculo objicerent, nox praelium divisit. Hinc Burgius ad castra reversus, & valdè anxius, quid utile sibi foret in re tam ancipiti statuendum, hoc propemodo vocatos alloquitur Duces.

„ Illo furore, illa audacia obsessi, im-  
 „ pulsique violenter ab hostibus oppi-  
 „ di jam penitus propè quassa crebris-  
 „ que lacera ictibus còspici moenia, ul-  
 „ que praeterea reficiendis vix integram  
 „ noctem sufficere, quando etiam per  
 „ tot saucios, stratosque pugnando ini-  
 „ lites, & qui metu quoque diffugerant,  
 „ essent admodum diminutae propu-  
 „ gnatoribus copiae. Cunctatione, aut  
 „ variis assultibus ibi, fultoque dunta-  
 „ xat armorum objecto fulgore velle  
 „ cum hostibus uti, fortunae interea suf-  
 „ fugia vel casus bellicos expectantes,  
 „ id prohibere quidem oppidi angus-  
 „ stias, quodvis tunc hostilis, arctiùs  
 „ subinde fames, & rerum omnium  
 „ egestas pressura esset. Omnia itaque  
 „ sibi in eo negotio circumspectanti fi-  
 „ duciam undique imminui, pericula  
 „ contra, animique aegritudines cres-  
 „ cere, nec aliud profectò diuturnam  
 „ in loco illo moram, & otium ipsi vi-  
 „ deri comparaturum fuisse, nisi foedae  
 „ sociorum internecionis interesse spe-  
 „ ctaculo, oculisque profusum impunè  
 „ cruorem, auribusque cadentium, at-  
 „ que spirantium gemitus, & ululatus  
 „ haurire, hasque insuper tandem in-  
 „ felicitis pugnae reliquias spe, atque vi-  
 „ ribus fractiores, ac perterritas quo-

que tanta spectatae cladis exemplo  
 commilitonum suorum funera per  
 sua ipsa corpora cumulare, si statim  
 conferere manus cum hostibus vel-  
 lent, imparibus nervis, graviorique  
 periculo pugnatuuros. Consularent  
 itaque Duces utrum exigua ibi cum  
 spe manendum, an abeundum, an  
 fors extrema tentanda certaminis es-  
 set, & per hoc geminato quoque pe-  
 riculo municipii jam in agone peri-  
 clitantis, & copiarum illarum dunta-  
 xat fortuna subnixi. Post hæc & alia  
 ad rem similiter dicta, agitatis in concilio sententiis, cùm plerisque Ducibus placuisset, ut ubi vires deficerent, astutus suppleret, postremò inter omnes convenit, ut primo mane inspectantibus hostibus tanquam receptum illis praeripere, iterque intercludere cogitarent, Valverdem versus discederet acies, nève repente certa spe opis, qua unicè niteretur oppidanus excussus submitteret animos, ea ipsa nocte secreto Burgius moneret Arnaldum Sancti Martini Gubernatorem, quod ex loco quem ceperant, cùm dies illuxisset, sua spontè copiae moturae essent, eo planè consilio, quo citiùs illius oppidi obsidio dissolveretur, prospiceret ergo ne turbamento, aut metui factasè municipibus esset, quod paulò post in Lusitani perniciem, ac pestem volvendum foret. His illa nocte tumultuariè decretis rebus, actisque oriente jam sole mirabundus aspexit Tellius colligere vasa hostem, loco moveri signa, suisque ordinibus clausum paulatim effluere militem, eoque metui permista plus admiratio rem intuenti crescebat, quod nulla tunc protectionis tam subitae ratio, aut incusae repente formidinis causa multa Tellio volventi occurrebat. Frequentem etiam per id tempus intelligebat ab Duce Albano delictum pro auxiliaribus copiis indictum esse, nec verisimile videbatur, exercitus partis, quae ejus fidei commissa erat,



in discrimine jam constituta fore omnino Garaïum impigrum Ducem immemorem. Anxius itaque Lusitanus, graviq̃ue suspitione commotus, intercipi sibi cum illo consilio iter, atque in alieno, & hostico solo, ac maximè inculto, qua sese armis, qua rerum inopia, transitusq̃ue difficultate præcludi, opprimiq̃ue & perquam facile fore, ut cum mox Albani milites accessissent conjunctis utrinque copiis, ipsius jam cadibus imminutus, & opere lassus exercitus obrueretur, cum perexiguus deinde, velejus oppidi excidio futurus esset laboriosæ victoriæ fructus, his scilicet curis in animo fluctuans, ac trepidus receptui signum denique dedit, atque obsidionem irritam sustulit. Inde celerius ad Eliam pergit, oppidum urit, arcem excindit certaminis causam, propinqua corrumpit, abundantique subvecta præda in Lusitaniam revertitur. Inter hæc Castellensis, qui sub montium radicibus latitans quid tandem consilii caperet Lusitanus expectatione suspensus hærebat, paulò post è latebra egressus ubi dilapsos hostes, ereptumque obsidioni, ut sperabat, oppidum vidit, in eodem quo se abdiderat loco constitit, donec Albani jussu collecta ampliora accessere subsidia. Quibus satis exercitus confirmatus, hinc Vivero, inde Burgio imperante in Lusitaniæ fines populabundus irrupit. Ea porro incursione militum impetūque quamplura circumincensa, ac direpta minora oppida sunt, errantium fortè pecorum, commeatus rusticorum bonorum pars ferro, flammæque corrupta, pars major abstracta, atque in prædam congesta est, cumque agros passim fumantes, & tuguria, atque tecta flagrantia, & persultantem hostem, & omnia in tumultu, atque præda cruentè raptari cerneret Lusitanus, quia pari tum ille carebat, quam hosti opponeret, acie, mœnibus circumseptus ibi otio-

sus, ac tristis domesticæ cladis spectator affedit. Caterum hujus bellicæ expeditionis posterorum memoria dignum, id unum non prætermiserim, quod adversus Escalam ignobile quoddam oppidum accidisse Lusitani scriptores memorant. Castellensis cum militum multitudine, tum fortunæ successibus fretus, dum incautè in oppidum illud invehitur, majus profectò, quàm pro murorum ibi debilitate, aut defensorum numero rerì poterat, luctamen offendit. Stabant enim Lusitani corpore erecti, gradu suo immobiles, confertique supra pinnas, ambitumque murorum, fistulas inde igneas celeriter onerantes, displodentisque, omnique genere armorum, atque missilium Castellenses arcetes, ac vulnerantes; & gloriæ ultionisque cupidine supra modum incensis non languor, non æstus, non præsens obversa, ac multiplex mortis imago inter vulnera, & cædes mistumque sudore, ac pulvere sanguinem eo tempore satis præliantibus erat, ut quidquam de iniqua, ac pertinaci eæ pugna remitterent, ferire, quàm sibi cavere, vincere, aut mori quisque obstinatus in vestigio malebat. Aderant pugnae quoque hortatrices uxores, matresque municipum, illæ per brachia exhibita viros, hæ nuda per ubera liberos comprecantes, obtestantisque ne vitam potiore quàm libertatem, ac patriam ducerent; lucem ipsam, spiritumque deformem, & omnigenæ mortis suppliciiq̃ue teterrimum fore superbo, & crudeli Castellensium relictum arbitrio; Esse pietatis, nequaquam sevitiae utcumque victoris antevertere cruciatus, prævenire ludibria; uxores idcirco mancipata sponsione corpora, spiritus matres, ac lucis usuram corporisque concretionem ac nexum ex propriis visceribus præbita pro suo quasque jure in ea reipublicæ causa repetere, nec se quidem superstites ruinarum mobilibus fore. Tandem caërorum super

corporum struem, ignique torrida saxa, patriamque favilla, ac cinere comminutam, ac tumulatam tam inhumano, tam barbaro dignum hoste triumphum construerent. Hæc passim clamantes ac fœminæ repententes effusas inter pilas, protentas in prælio hastas, ensesque rotantes audebant inferre se, virisque pugnantibus arma, aliis pulverem belli, aliis & fessis præbere cibum, quibusdam fortè labantibus verbis, vultuque incusso pudore virtutem acutere certabant. Majorem diei partem mirabile, & atrox hujusmodi prælium absumperat, cum imparatos tunc oppidanos, quia nihil antea minùs, quam impeti ab hoste timuerant, defecit tandem nitratus pulvis, vanè jam illis obstrepente ferocia, armorum usu prohibitis, instrumentisque tutelæ in medio confictus ardore sublati. Plures ergo per aditus belli tormentis effossos impetum facientes, alii per scalas raptim applicitas subeuntes, cum segnius velut manibus captus instaret hostis, Castellenses in oppidum irruunt. Tum verò undique obvii tam viri, quam fœminæ trucidantur, plerique dispersi consilii inopes, vitabundi partim propinquas domos, partim incertas quærere latebras, multi ne victi quidem, stratique cedere, imò etiam ire armatis inermes obviam, & quibus arma non erant, impellere saxa niti: fregit tandem rigorem animi tantum extrema necessitas, insanusque ille impetus, atque animi ardor, quo furialibus tanquam stimulis Lusitanus impulsus exarserat, ira, ac licentia victoris contritus est. Singularis, & clarior tamen in hoc ultimo rerum enituit excidio muliebris virtutis, atque animi laus, inter quas memorabiles fortitudine fœminas, referunt patrum ab una Castellæ partibus adhærentem, ac transfugam ictu lapidis interfectum; ab altera verò domi suæ circumfessa, ac restricta, cum fores hostes revellere niterentur, la-

pidibus facibus, oleo ferventi, similique materia coniectis quatuor Castellenses prostratos esse; tandem circuisse hostes, tectoque conscenso perinde emissam sclopo majori glandem egregiam mulierem confossam. Postremò ex hoc, aliisque oppidis cursim depopulatis, nonnullis etiam excisis, atque combustis, ditissima parta præda, in Castellam exercitus rediit.

His ita gestis parvo post intervallo refriguit in Lusitania bellum ob institutum à Catholico Rege ad Catalaunam Provinciam iter, cujus præsentia Regis quemadmodum res aucta est Catalauna, ita ejusdem absentia res est Lusitana Castellensibus imminuta. Regii hujus itineris motum, & causam adscribunt plerique Isabellæ Borbonicæ uxori Catholici Regis, altius petito principio à frequentibus scilicet, acerbisque quas ea per id temporis exercebat cum Olivario contentionibus, quem ut illo potentia apice, & comparatione æmulationis omninò secum indignum regia fœmina contemnebat, eò plus animo cruciabatur, sese Reginam, ac duplex satè regale jactantem stemma consilio, auctoritate, gratia apud Regem privato homini concessisse, dolebátque præsertim quod hæc sibi inflicta per æmulum contumelia palàm per ora vulgi, ac remotas Principum aulas circumferretur. His accesserat, satis quoque Regina, nec sine magno sensus angore, atque odio compertum esse, studio seu joco, & verborum lenociniis, & fucò in animo Regis indidisse Olivarium, mulieres ad gubernationem inertes, ac planè fluidas edendis tantummodo fœtibus, educandæque proli à natura vel Numine destinatas domesticis curis, & muliebribus oriis omninò tradendas esse; solidæ nihil in illis, nihil veræ, nudæque virtutis hærere, nec foris quidem minùs ex calamistris, atque pigmentis pulchritudinem oris, quam ex fictis virtutibus



virtutibus intus speciem animi suffurari. Hæc pravo Olivarii studio in animo Regis immissa, & facilius à Rege quàm vera res esset, accepta, ut contrà factis Regina refelleret summopere operaretur abesse Regem, quò Castellæ regimine sibi ob Regis absentiam transmissio per hoc temporis spatium gubernacula sustinendi dolo suppressas, vel iniquè detortas ab æmulo ingenii, atque animi dotes Regina palàm exprimeret. Ad hoc nonnihil ex reipublicæ cura desumptum, ut facilè est sibi blandienti ubi nec copia est, privatæ curæ publicam neçtere illam etiam adhortabatur, mutatio scilicet loci quam è Mantua Carpetana digressus facturus Rex esset, quippè quæ velut ex abdita causa volvere soleat interdum secunda, vel tristia curricula rerum, atque ita res quidem ea tempestate decurrerent, ut si mutatio aliqua intercessisset, nihil Regi ac reipublicæ nisi propitium, nil Olivario nisi infelix, ac præter votum accidere potuisset; nec porro id quoque alienum à Reginæ consilio erat ab eo nempè loco studentem illecebris Regem, marcentem otio, ac velut torpedine fractum, geminatas sui Imperii clades, quibus totus ferme Orbis concussus fuerat, vix dum animo sentientem abripere, & quodammodo cælum, solumque vertenti puram, & integram illi mentem, & animi valetudinem restituere; postremò ut extractus ab Olivarii custodia seu disciplina Ludiquasi magistri per iter, aut alibi Rex assuesceret circumspicere, noscere, gratas offerre subditorum quæstibus aures, ac per mitia responsa doloris solatia reddere, utque puerili tandem tutelæ subductus suo jure, suo ingenio, sua auctoritate Rex uteretur. Huc profectò quæ privata, quæ ex publica utilitate rationem, & vim haurientia spectabant Reginæ consilia, quæ ideo per se clientisque suos, & eos Olivario maximè invisos profe-

ctionem Regis urgebat. Contra Olivarius, quem nec Reginæ conatus, arteque, nec ratio illa propositi fugiebat, & solertiæ, atque industriæ acumine ipse, nisi eas aliquando fortuna deferuisset, longè superior æmulis erat, neçtere idcirco difficultates, interponere moras, modo Regem, modo Reginam ex ejusdem tela retentis Reginæ filis per alias fallaces subtilioresque compositas artes decipere velle. Regi præsertim, ac sæpè iterando ingerebat; Discessum ejus ad Aragoniam Lusitanix rebus summè perniciosum, Catalauniæ minimè profuturum cum prævalido hæc innitatur exercitu, illam verò copiis egentem, atque enervatam præter immodicos regii itineris sumptus, qui privatas comitum domos, qui perfractum jam Regis exhausissent ærarium, accideret etiam, ut longinquitas Regis affligeret. Utiliùs profectò videri, ut quæ profusus in viæ regix apparatus conferenda pecunia esset utrique juvando partita bello, interim Rex avi Regis exemplo ficti quondam in Belgium armis, ac tumultibus scissum itineris, perrecturi sui pompam magnificè strueret, falsasque jaceret passim propinqui discessus voces, certo, arcanoque tamen consilio Imperii arcem non deferendi, ita namque dicebat sua ipsum Regem propinquitate Lusitanix rebus optimè consulturum, spèque præsentix Catalaunis oblata, eaque artibus innutrita, acriores bellum ibi trahentibus stimulos additurum fuisse, dum multa, & magna quoque incidentia per iter discrimina pateant, unòque ipso capite tot imperia, tot hominum milia pendencia in periculum contrahantur. His adderet etiam, quod inter varios, ac dubios fortunæ casus martisque communia ludibria, si parum, aut nihil ostensus Regis aspectus coram urgendo proficeret, ac

„ velut post fortiùs nequicquam emis-  
 „ sum in hostem jaculum, quasi muti-  
 „ la, expésque torperet ad cætera ma-  
 „ nus, irritò jam supremæ majestatis  
 „ conatu, summæque populi expecta-  
 „ tione delusa, quid ampliùs Regi fu-  
 „ turum, quod in extremo collabentis  
 „ Imperii opponere posset hostibus.  
 „ Non omnes tam citò esse hostibus  
 „ copias, virésque explicandas. Esse ali-  
 „ quod summis præcipuè Regibus re-  
 „ servatum, quod multò magis per in-  
 „ expertam, offuso procul in speciem  
 „ terrore, quàm reipsa per vim proxi-  
 „ mæ applicitam valeat. Hæc & talia  
 Olivarium sagaciter obtendentem for-  
 tuna magis quàm ars, sive ingenium  
 destituebat. Multiplici namque & eo  
 ubique propè improspéro bello His-  
 panix rebus attritis, Imperiùmque tum  
 alia post aliam ruina præmente, cum  
 pro tempore alacriùs Olivarii obtre-  
 ctatores arrecti tam ipsius rectè, quàm  
 malè gesta per omnia momenta calum-  
 niarentur, vacua propè ipsius apud Re-  
 gem intrinsecus gratia, fluxa etiam &  
 imbecillis in speciem erat. Igitur cùm in  
 Status Senatu Olivarii ferè cadentis  
 jam claudicaret auctoritas, porrò tunc  
 pro Regina, & contrà Olivarium con-  
 siliariorum studiis accensis, & causa  
 longè discussa, ea in Senatu sententia  
 in gratiam Reginx vicit, quæ Regis  
 profectionem ad Aragoniam proba-  
 verat. Verumtamen Olivarius, cùm  
 magna esset constantia animi, variis-  
 que ingenii ambagibus præditus, tum regix  
 indolis peritissimus, novo commento  
 statuit decretum, jussùmque ad Ara-  
 goniam abrumpere. Procul à Mantua  
 Carpetanorum septem circiter leucas  
 Aranucecium amœnus in primis reces-  
 sus, suæque Regum delitiæ, quò  
 fessi negotiis solent quandoque diver-  
 tere, jacet. Cœli salubritas, soli cul-  
 tioris ubertas, ex binis propè colla-  
 tis annibus irriguæ passim manantes  
 aquæ, quæ vel in rivulos fusæ, vel in

stagna coactæ, vel in ingeniosas fistu-  
 las fontium conortæ per arte, & la-  
 bore compositas silvas, saltusque, &  
 luculentos hortos circumfunduntur,  
 non minus jucundum in tam inculta,  
 atque arida regione, quàm theatrum  
 mirabile præbent. Huc Regem impu-  
 lit Olivarius, quo voluptatis eum  
 blandimentis mollitum, & otio, ac de-  
 liciis, sensuùmque omnium circun-  
 fessum illecebris à molestis belli curis  
 abstraheret; nec decreti tamen itineris  
 interim per ea se turbatorem, aut ma-  
 nifestum se dissuasorem prodere aude-  
 bat, imò potiùs itineri quod sumptuo-  
 sè, ac magnificè regiòque digno splen-  
 dore parandum esset, ea haud gravia,  
 & ingrata esse otia interjecta jactabat;  
 deinde cùm Mantuæ Carpetanorum,  
 quod ibi Regina commoraretur, sus-  
 pecta sibi vicinitas esset, jamque lassæ,  
 atque ex facili corpora implenti vo-  
 luptati Olivarius nova subinde irrita-  
 menta conquireret, Regem inde Con-  
 cham, atque Aragonix Molinam tran-  
 stulit, apta ipsa venatui loca, quo Rex  
 in primis delectabatur. Itaque dulci,  
 occultoque voluptatis veneno Oliva-  
 rius, simul tempore, quod omnia mu-  
 tat, tum vario, ac subtili artificio pro-  
 lassando negotio usus, cùm regix quo-  
 que ut plurimum voluntates primo  
 emisso impetu torpeant, adeò trans-  
 vertit animum Regis, ut quod de re-  
 gia ad Aragoniam profectione Man-  
 tuæ Carpetanæ decretum frequenti Se-  
 natorum suffragio fuerat, jam in Pro-  
 vincix limite ejusdem præcepto Regis  
 in consultationem, ac dubium revo-  
 caretur. Lætus propterea, atque effu-  
 sè petulans institit Olivarius, quippè  
 qui Consiliarios omnes comites Regis  
 à sua fortuna, nutùque pendentes con-  
 sultò traxerat, nec dubitabat, fore  
 plane, ut id illi censerent, quod ipse  
 jussisset. Sed fortè tunc ita contigit ut  
 consultantium conventui Marchio Gra-  
 natensis Cæsareus Orator mandato

Regis



Regis accederet. Hic belli, pacisque artibus inclutus æquè Reginae carus, ac Olivario infestus, ubi concordes Hispanorum omnium sententiæ jam iter Regis ad Aragoniam institutum expunxerant, contra omnes unus insurgit, ac disertè locutus affirmat, quod scilicet antea Mantuæ Carpetanæ discussum, validis argumentis assertum, & ritè consultum, ac fixum fuisse jurè constaret, id esse omninò perficiendum. Illud enim à Status Senatu consiliorum capite, ac fonte quæsitum, id novi, subreptique consilii per rivulos quosdam affectibus turbidos haustum esse. Nihil quidem magis Hispanos perculit, quàm coram ipsis virum externum, & casu, aut favore in consultorum cætum adscitum rei alienæ consulere melius, eorundem fractis repente sententiis publicè sibi arrogare, ac patefacere voluisse. Reliquis tamen ob tanti hominis dignitatem, ac libertatem singularem ingenii metu, aut pudore silentibus, unus Iosephus Gonzalius regius Castellæ Consiliarius aura præcipua gratiæ Olivarii, & suoapte inflatus ingenio præter disciplinam, & urbanum loquendi morem Senatus, qui post ordine latas singulorum opinionones, nec refelli, nec refellere quemquam sinit, insolenter, & extra ordinem surgit, verborum effluvio strepitùque contendens Casarei Oratoris orationem obruere. Tunc stomacho incensus, atque ira percitus Marchio, præsertim quod per illatam æmulo contumeliam videri Gonzalius vellet assentari Olivario, & gratiæ ab injuria quærere augmentum, sese quidem, adjecit, circa Bartoli, Baldique scita, ac præcepta libenter concedere primas Gonzalio; at in belli rationibus evolvendis ventose tantum loquacitatis rapidè verba volventis, tantumque volubilis, in-compositique gestus ipsum Gonzalium frustra consumere; illas enim non audiendo, nec explorando, aut per otium,

& umbram præceptorum, sententiarumque flosculos ex codicibus colligendo, sed inter hastas, & gladios præduro labore, assiduus vigiliis, notisque cruentis addisci. De ridiculo esse profectò jam togatos munditiis, & otio exquisitisque vitæ delitiis mulieribus similes affluentes velle Ducum sedendo dicta cavillari, & jura, legesque militibus figere. Pertimuit tunc Marchionis Granensis iram Gonzalius, neve ille jam verso colore, æstùque incitatus, ac furens ad fœdiora convicia prolaberetur, aulicus, togatusque liberati, & ingenio viri primarii, atque militis impar obmutuit. Ceterum ut levioris sæpè momenti res fortuitò quandoque vel providentiæ divinæ lusu res maximas implicat, hæc privata, & fortuita in consilio altercatio negotium, quod aliter successisset, Olivario omninò dissolvit. Quippè Rex facti conscius, dissidiisque propterea causam magis, quàm rem consultà cupidus agnoscendi ab Oratore Casareo postulat, verbo quæ ipse in concilio loco sententiæ disseruisset, serius sibimet expendenda de scripto proposita traderet. Paret mandato Granensis, REXque ex probatarum rerum contextu, robusta quadam, acrisque copia, & aculeis, nervisque dicendi cum prono volveret animo, jam prudentiam, animumque Reginae capacem Castellæ regiminis subeundi, jam non aded exiguum, ac tenuem occurrere spem, debellandum in Catalaunia esse, si regis personæ majestas, ac fulgor eò propius appulsa fuissent, Olivarium etiam interdum obliquè perstrictum, quod ab initio belli Lusitania retracta censuerit, vehementius, ac primo loco esse Regi in Catalauniam allaborandum, nunc autem verso, pro ejus quæstu, aut libidine, studio, ita ostendere se in Lusitaniæ domandæ consiliis, & curis immersum, ut regni alterius jam pereuntis propè ipsum oblivio, ceperit; atque  
ideò

ideò ita cum sua non Imperii utilitate, ac salute pro rerum omnium temperamento videri Olivarium calculum ponere, his aliisque tandem convictus Rex argumentis sese, invito, ac palam repugnante Olivario, secundum Gracianis sententiam Casaraugustam Aragoniæ metropolim contulit.

Cum igitur ea in urbe Rex Catalauno intendendo bello necessaria pararet, otio, desidia, ac militari licentia labe factatum Lusitanum elanguescebat; nam inter cætera vitia, quibus ganea, vino, lustrisque confectus tunc miles ille volutabatur, cupido quoque habendæ pecuniæ potior, quæ ubi semel invasit, nihil ipsa omnino incorruptum in homine præterit, tabis in modum latissimè effusa non militum modo sed Ducum etiam primorum infecerat animos. Proinde militiæ conturbatis undique officiis, erant ea tempestate nunc lascivientis, nunc debacchantis exercitus curæ, pecunia, aut æqualibus rebus Lusitanas expositas merces, aut Indiarum aromata commutare, sine ordine, sine imperio, latrocinii, non belli modo incurfantes frequentes ducere prædas, vel sese prædas hostium ferro, vel auro fieri, neque illam militiæ pestem, bellique ludibria sedulitate, aut supplicio valebat omnino coercere Garaius, quod gravi tunc esset corporis valetudine implicitus, ac simul primores Ducum, ut eidem ipsi crimini obnoxii suæ, ac cæterorum militum vitia dignitate, atque exemplo foverent, ac tegerent. Ægrius propterea inter alios, & admodum paucos culpæ communis exortes Ludovicus Lancastrus, de cuius splendore generis bellique peritia diximus, animo gravabatur. Porro autem asperius, quam eousque solutum, insolentemque deceret militem ipse frustra corrigere nititur, quod desperabat fore Garaius; inde majorum antea latentia vulgata quoque flagitia patent, ac notiora illorum exempla non pau-

cos integros etiam corrumpunt; cobi-bēdis militibus impar Lancastrus palam ostenditur, atque ex eo scelere manifesto, compertaque jam clariùs effixænes, procacisque compescendi milites impotentia non nisi turbaram licentiæ ac laxiores exercitus corruptelæ & ad summum Ducem dedecora procedebant. Eo temerè, & gratis suscepto negotio Lancastrus Garaium maximè offendit, querebatūque in rem odiosam, ac planè superbam se ultrò immisisse Lancastrum, & quæ refricare facilius exercitus vulnera posset, quàm lenire, aut mederi. Indignatus ergo Garaius, ut obliquè Lancastrum tanquam aliud animo intendens occultis stimulis foderet, illius paulatim officia intervertit, eoque dissimulando, causasque adornando per contumeliam processit, ut tormetorum Præfecturam Lancastri propriam ei sine auctoritate, sine usu, titulo tenus relictam, & contemptibilem tandem fecerit. Insuetus ea videre, atque ferre Lancastrus quæ ætatis ardore, quæ nobilium virorum impetu ductus absque comœatu, atque litteris assertitiis injectum à Rege munus sua spontè deponens Casaraugustam querelas daturus ad Regem perrexit. Ibi convenit Olivarium, docet eundem tumultuarii discessus causam, simul pollutam, everfam in Lusitania, insaniente milite, dissimulante Duce, bellicam disciplinam, seque illam acrius restituere nitentem Garaii non modo destitutum auxiliis, at insuper loco favoris, aut præmii contumelia, atque injuria indignè notatum esse; falsa ita veris admiscens cuncta in majus amplificabat, stimulo nempe iræ, néve inconsulto insciōque Duce, & contra morem militiæ profectio, leviori quoque excusatione accedente, intenderet contumaciam; certo, ac stabili tandem consilio ad Garaium non redeundi, pro Catalauno bello stipendia, munusque militiæ deposuit;

vetera



vetera exacta merita, recens delatum  
Garaii crimen, gentilitium ejus nito-  
rem, & gratiam ratus rem secus diffi-  
cilem lenitura. Veruntamen Oliva-  
rius, quo minus ira calentem homi-  
nem, & animo fluctuantem accende-  
ret, vel quod indignum se duceret ri-  
gidè, ac durè virum nobilem alloqui,  
nullo tunc aspero facto verbo Lanca-  
strum licèt instantem, implacido ta-  
men, & quodam nimis ad gravitatem  
intorto vultu ancipitque responso di-  
mittit. Egressum proinde Lancastrum,  
& plures per dies Regis congressum  
nequicquam petentem, ministròs-  
que prece, & ambitu fatigantem tor-  
tuoso, & callido quodam circuitu ita  
ludificat Olivarius, ut nisi palam in-  
crepitus, aut emendatus supplicio, vel  
temerarius, ac præceps, ac ideò tacitè  
castigatus injussus ejus è castris disces-  
sus reputaretur. Postremò inter spem  
merùmque sollicito, ministròsque ob-  
eundi frequentia, ac per dubia, & ina-  
nia illorum responsa lassato, simul tæ-  
dio, ac labore satis aulæ per artes pu-  
nito Lancastro, cùm frigefacta jam ira,  
refractusque langueret ille primus im-  
petus animi, tunc jussu Olivarii à Fer-  
dinãdo Contrera primò è secretis Con-  
siliis Status responsum fuit. Bellicam  
disciplinam, ac militare institutum  
obedientia, atque obsequio potissi-  
mum stare, cujus ipsum modo Lanca-  
strum per eam insolentem, & con-  
tumacem à castris discessionem cor-  
ruptorem, ac palam reum nec Re-  
gis decere subire oculos, nec im-  
punè dimitti. Igitur rectà ad Ga-  
raiū reverteretur, quem mitiùs  
agere secum in posterum jam Regis  
præcepto cautum, nec egregio cui-  
quam, ac nobili quidem viro con-  
tumeliæ, ac dedecori, fas esse, ver-  
ti, cùm pro reipublicæ bono, atque  
ordine disciplinæ minori quoque  
submitteretur, & si Garaiū nec re-  
gia collata potestas ornaret, nec

sublimis militiæ gradus extolleret.  
Pro certo denique haberet, plus sanè  
reipublicè, ac Regi illicitam ejus à  
signis protectionem ne pravæ scili-  
cet imitationis contagio, si palam  
eam improbare non ostendisset, in  
bellicam disciplinam influeret, noci-  
turam fuisset, quàm quanta ipse in  
Garaiū, & milites ejus crimina, &  
scelera cumulasset; quædam enim  
gravia quanquam peccata quasi fur-  
to, aut latenter commissa posse ne-  
gari, aut tegi aliquando, aut in alios  
fortasse factorum culpam transmitti,  
meritque supplicii, quod in officio  
continet homines, excusationem  
prætexi; quæ vero in propatulo sint,  
& viros maxime polluant, qui per al-  
tioris honoris gradum, generisque  
splendorem plus ad exemplum in pu-  
blica luce spectantibus pateant, si in-  
consulto dissimulentur, fomiti per se  
prono, ac satis corruptæ, vitiatæque  
naturæ impunitatis etiam illecebris  
ad prolabendum adjungi. Ita Lan-  
castrum ad Lusitaniæ fines regressum  
gravi, mitique sermone Garaius repre-  
hendit, eamque illi deinceps amicitia  
speciem exhibuit, qualis redintegrata,  
ac refarta esse solet perpetuis, ac mutuis  
nempe suspicionibus icta, ac semper in  
lubrico pendens.

Dum hæc geruntur in Hispania, quò  
eodem ferè tempore magis Bregantio  
fortuna erat in Lusitania propitia, eò  
magis apud Germanos adversa in Odo-  
ardum fratrem ingravescibat: is, sicut  
anteà diximus, acri, ac perpetua de-  
tentus ibi custodia, cùm absentium  
Germanorum officia Principum mu-  
nuscula simul, ac litteras sæpius acci-  
peret, tum in omnium propè ore, ac  
deliciis, liberalitate, gratia, & comper-  
ta quoque innocentia esset, repungere  
in animo caput Hispanos, & maxime  
quod afflueret illi pecunia severioris  
cujusque custodiæ victrix, tutòne ille  
tunc in Germania custodiretur, an tu-  
tius

tus fuisset in solum Hispano subjectum carcerem commutari. Cum Ferdinando propterea Cæsare per Castellum Roderici Marchionem Hispanum Viennæ ea tempestate legatum agere Hispani ceperunt, ut ex Germania Odoardus Mediolanum traduceretur. Ea fortè res intellecta Odoardo, & quia spe libertatis absumpta hostium omnino manibus dederetur, & quia ipsi quondam Cæsar fidei pignus obtulerat, nunquam se integro illum passurum extra Germaniam libertatis expertem ferri, supra modum animo virum afflixit, ac perturbavit. Scripsit itaque Cæsari jus gentium Odoardus implorans, fidemque debitam repetens, non id profecto sacramentum militiæ, totque apud illum contracta labore bellico merita, totque exhaustas difficultates, & pericula propè absorpta poscere tandem à Cæsare, ut hostibus ille proderet innoxium sanguinem hauriendum, lacerandaque viscera, nève diuturnæ asperitæque custodiæ unicum modo solatium, & ultimam spem, & vinculum fidei, quod nunquam à Germania nisi redditus libertati demoveretur, extinguere privatam, tum publicam fidem frangendo sineret. Hæc de scripto per Odoardum cum essent Cæsari exposita, supra occultos justitiæ conatus, ac tacitam vim, quæ in malo quoque pectore serpit, in aula præterea Cæsarea intendebat quidam eò ideo missus ab Odoardo famulus eloquentia, jure causæ subnixus, & favore Principum Germanorum id indignè ferentium. Erat etiam Viennæ Cæsaris quidam minister sui Principis gratia clarus, nimium in aula potens, & ad omnium rerum arbitrium bonis, & malis artibus actus opes, cumque Cæsarei animi affectio nunc instabilis, varia, nutūque Hispanorū fermè versatilis sit, ex quo sæpè coguntur ministri ejus Hispanicis potius, quàm Imperialibus commodis inservire, is à principio, ut Hispanis per

Cæsarem illis obnoxium assentaretur, Lusitano acerrimè adversabatur. Cæsareque aut genii sui contractione subactus, aut usu in gratiosi ministri consilio, & Hispanorum illecebra adversus lachrimas Lusitani, Germanorum Principum preces, & hortamenta juris inexorabilis permanebat: at opimis ille deinde Lusitani muneribus oneratus, & à sententia dejectus contra ubi tendere, ac niti cepit in diversam subinde sententiam Cæsarem traxit, jamque dubia, & incerta nunc, quæ rata, atque certa paulò ante constiterat, per jactos ubique tumores agitabatur Odoardi ad Hispanos traditio. Quod cum audisset Hispanus Orator eò imperiosus, verbisque minax asperque Viennæ ministros, & Cæsarem compellavit, silentium scilicet esse legibus, ubi ex adverso regiminis usus, & ratio, seu cura reipublicæ status obstreperent; *Privatos quidem à juribus, at jura à Principibus regi.* Prospicerent tandem ne indissolubilem adhuc utriusque Coronæ domusque Augustissimè nexum hic advena Lusitanus eo tempore adverso, ea frivola causa rescinderet, privati que hominis gratia cum maximi Regis indignatione collata iniquo nimis examine propenderet; ut his & similibus argumentis perterritus Cæsar, ac porro sententia repente mutatus planè Odoardum arbitrio Hispanorum addiderit. Hispanus itaque Orator Augustinum Navarrum, prioris quem supra executorem custodiæ fuisse meminimus Odoardum regio nomine accipere, Regisque ex præscripto Italian versus iter disponere jubet. Prima verò hujus parandi itineris cura, atque provisio fuit, veteres omnes Odoardi pellere famulos, ac novos inducere, ut inimici gratia receptos, Domino infidos; secretæ deinde pietatis amovere ministrum, quod illum coarguerent Hispani, & conscientia Odoardi moderatorem, & omnium secretorum consilio



consiliorum ejus fuisse participem, & colendæ maximè auctorem, quæ nimis Hispanis suspecta esset, Germanis cum Principibus amicitia, neque id alienum ab Hispanorum moribus, quos ipsi introspecerent, erat, sub rudi nempe indumento, sacrique muneris larva, & cucullis, & consulis ad graviora dissimulanda, vel cohonestanda negotia altiora secreta condere; postremò ita rem comparare, ut mobilis sæper ac novus Odoardo succederet famulus, qui nec longa assuetudine fidei, nec beneficio, aut merito gratia quærere locum apud Dominum posset. His rebus ita cõpositis, Odoardus subinde lectica vectus, & Germanis à Cæsare missis equitû, peditûmque ordinibus circumfusus Navarro Duce ad Italiam pergere instituit. Jàmque ab arce unde moverat Lusitanus ad Austriaci juris Tirolum cum viâ comitibus venerat. Hic alter est prætor Cæsareo comes adjunctus, qui ad iter expediendum ab Austriaco Principe destinatus fortuita re contigit, ut hoc viatoribus intercluderet. Pervetusta, atque integra adhuc finitimos inter Tirolenses, ac Rhetos de terminorum divisione pendebat lis. Princeps quo minus jus suû imminueret suo Tirolensi Prætori mandaverat ut Odoardum cum magistratus insignibus sequeretur usque ad Pontaltum intra Enguidinam octo ultra leucas, qui causa litigii limes inter finitimos erat. Hunc itaque locum ubi prætor attingit sciscitatus, à Rheto cur in solo alieno auderet prætoris fascibus uti, jurgium extemplo, rixamque cum illo commisit; obstinatius deinde, ne per id præjudicii in exemplum fortasse relati jus, atque causa cõmunis aliquando flaccesceret, cum obsisterent partes, eo tunc calente dissidio interruptus est trāsitus. Concussus, ac valdè indignatus ea improvisa difficultate Navarrus cum inflectere saltem Austriaci ministrum non, desperaret, Non id inquit loci, aut, consilii sui esse statuere Principibus

fines, aut jam senescētes perfunctoriè dirimere lites, sed bona pace percurrere viam, quæ vincētis cõmunis gentibus erat, & quam eò usque euntibus intercipere, ne ausi quidem hæcenus fuerant Austriaci nominis fermè hostes. Porro autem Odoardi possessiōnem à Rege Catholico intentam, ac etiam Viennæ ab æmulis oppugnatā, & vi, quàm gratia potiùs extortam Austriaci modo sanguinis Principem per comitatis speciem, & inania litigia in discrimen conjicere. Ea surditamen Hispanus cecinerat auribus, nemine illorum è suo decedere jure absque Principis jussu satis animi habente. In eodem igitur loco morari Navarrus coactus ad Principem scripsit, ut revocaret statim Prætozem, qui per vanas, & fuitiles controversias non sine magno periculo iter impediēbat. Solvit tandem has dubitationes, atque itineris moras data mox à Ludovico Paniza ad Navarrum epistola, cujus sententia erat. Sese à Comite Zirolensi Mediolani Gubernatore Odoardii Portugallii custodiæ itinerisque Ducem cum Hispanis cohortibus destinatum fore illi quamprimùm obviam, sed alia via ad Valtellinam nempe tendenti, ne per Enguinam forsitan transeuntes offenderent. Erat enim Plantarum ibi familia clientela, factione, & opibus potens, & cum hæresis labe, tum Gallorum favore suspecta. Latus eo nuncio Navarrus, quo tutò intermissum repeteret iter, aliò inde statim deflexit, Malsiûmque transgressus extremam Tirolis oram in planitie Panizæ occurrit, ubi dimissis Germanis ipse Paniza cum Hispanis militibus sibi ex Zirolensis mandato Odoardum per iter custodiendum assumpsit. Jàmque ab externi militis, regionisque suspectæ cura, & formidine liberati cum Morbegnum Hispani fidentes, & animo alacres attigissent parum eo loco nihilominus absuit, quin per occul-

tas insidias Odoardus elaberetur. Ad-  
erat hic Rethorum nomine Procura-  
tor, ac Prætor Joannes Planta cultu hæ-  
reticus ipse, gentilique propensione, af-  
fectuque addictus maximè Gallis, qui  
vel captus pecunia, vel ad Gallorum  
captandam gratiam, cùm præscius iti-  
neris esset furripere Hispanis, etiam  
violata transitus fide, qua erant publicè  
Rheti Regi Catholico obstricti, eodem  
in loco Odoardum statuerat. In altam  
idcirco dissimulationem compositus  
Prætor allicere donis Hispanos, comi-  
tate blanditiis prolixioris benevolentia  
speciem ostendere, modo officiis cùm  
illis, modo jocos, & salibus uti; Contrà  
aspernari Odoardum, ac si fortè in illum  
incideret, obliquos jacere oculos, & su-  
percilium altè contrahere. Inumbrante  
in vespem die, qui solis canis que fla-  
graverat æstu, ut longa tristitia, atque  
angore depressum levaret paulisper ani-  
mum Odoardus inter Duces, militesque  
custodes per irriguos, amœnosque il-  
lius oræ tramites ducitur, inde ad hospi-  
tium regreditur, & stomachi tunc in-  
temperiem, capitisque dolorem causatus  
decubuit. Lautè interim Duces in ea-  
dem cenabant domo, cùmque Germa-  
nico more inter plausus, festasque voces  
sæpè numero laceffita, ac majora ibi po-  
cula versarentur, tunc Navarrus sollicita  
quadam cogitatione, curaque improvi-  
sa remorsus atque intimè ictus, & quia  
talis incussæ sibi molestiæ eo tempore  
causa non suppetebat, majori quodam  
horrore perfrusus, ac tacitus inter potus,  
& fercula hæret. Quid rei subita esset  
percunctantibus sociis hic sive casu, sive  
instinctu, afflatuque superiori, què Deus  
aut Angelus excitaverit, sive quid divi-  
nantis scintillæ luteis jam propè ægritu-  
dinibus suffocata humano quoque sub  
pectore lateat, respondit effugere sibi  
Odoardum, eripique videri. Ad hæc,  
quia semel exorta illicò serpit, ac latè  
funditur superstitio, nonnulli etiam ea-

dem, & intus suspicione, metuque per-  
celli temerè fatebantur. Omnibus igitur  
qui circumsederant mensam novo  
stupore, ac pavore defixis, & quò eva-  
sura res tandem esset summo silentio,  
summa admiratione expectantibus,  
tunc Antonii Castelli, qui Joannis Plan-  
tæ loci Prætoris Vicarius simul erat &  
æmulus, nuncius ad Navarrum accedit,  
ejusque in aurem clam insuffurat, excu-  
bias Odoardo munirent, & vim frau-  
dèsque anteverterent; dolo, & injuria  
Prætorem grassari. Tum verò cùm hæc  
in tempore audita & primo animi im-  
pulsui, & ferè improvviso vaticinio con-  
gruerent, Paniza, & Navarrus de men-  
sa statim exilientes in Lusitani domici-  
lium incurrunt, ibique in vestibulo hæ-  
rentes cadere januam saxi, clamore,  
strepitu impellere, Odoardum nomi-  
natim exclamare. Respondet vocanti-  
bus Odoardus, tum remisso paulisper  
metu, inde Paniza cohortes stationarias  
invisum, ad suum Navarrus domicilium  
revertit. Quò cùm sollicitus introisset,  
unum ex famulis videt Navarrus, qui  
alia manu adolescentem quemdam te-  
nebat, nudo alia ferro, torva fronte,  
atque ira micantibus oculis illi interi-  
tum minabatur, ea nisi statim quæ clam  
ipsi Navarri famulo aperuisset, Domi-  
no proderet. Multas post minas, ac  
verbera tandem sapius incussa coram  
Navarro dicere cogit adolescentem.  
Esse se Plantæ Prætoris ephebum, jus-  
sumque ab illo secretò monere Odoar-  
dum, ut quemadmodum inter ipsos  
convenerat, cùm omnia jam ex senten-  
tiâ parata essent, quàm celerrimè fu-  
gam arriperet. Eo verò miseriæ ac ludi-  
brii sese à fortuna projectum esse, ut per  
errorem loco Odoardi cùm in Navarri  
famulum incidisset, fidem secreti casu,  
& inscitia corruerit. Præterea se nihil  
scire. Detectis itaque insidiis, ephebo-  
que strictiori custodiæ tradito hinc Pa-  
niza, hinc Navarrus cùm milites con-  
vocassent, ingenti fragore, ac tumultu  
in



in Lusitani sedem irrumpunt. Specie cubantis in lecto jacebat, cum turmas repente militum, trucique aspectu, ac viventibus oculis Duces, & minis, armisque infestos ruere in seipsum dejectis foribus aspicit Lusitanus, ratusque extremo se fato per impetum illum in eodem momento premi vel animæ prius expiandæ pallore suffusus, ac tristior facultatem exposcit. Mirior exinde Paniza, non eò se quidem ad inferendam homini mortē, sed ad fugam prohibendam cum militibus accessisse, ne malè præstita scilicet, quæ à summo sibi Duce commissæ custodia fuerat, in ejusdem tandem innoxium Panizæ caput revolveretur. Cæterum vera seu falsa illa manassent indicia fugæ quominus temerè in dubio res tanti ponderis relinqueretur, oculatas in posterum ipsi Odoardo addendæ excubias esse. His ita confectis. Ludovicus Paniza adhuc terroris imagine pavidus, anxiusque reliquos milites congregat, copisque divisos eos partim Odoardi vallare hospitium, partim itinere circuire, alios jussit propinquum antecapere pontem quò sive fraus, sive hostium fortasse vis intercurreret, omninò præclusus aditus esset. Ingravescerat enim semel exorta suspicio fugæ cujusdam gregarii quoque militis testimonio, qui & ipse, falsus Panize fuerat, mediam circiter noctem per forum rimas aspicientem vidisse se Lusitanum è cubili sublatum, lectissimas gemmas, quarum ingens ei pretium erat, & copia, in fasciculum ducere tanquam fugæ se comparantem. Hæc potrò animorum, & corporum volutatio hominum scilicet passim vagantium, atque paventium per reliquum noctis milites, atque Duces vehementer sollicitos tenuit. Ubi illuxit, iterque resumere Lusitano præceptum est, tum is nocturnum ob illum assultum, & oneratam quoque custodiam sibi injuriam illatam esse præ-

tendens, hospitio prius abire detrectat, quàm satis ipsi per rationem & strepitus causam expositam fieret. Negat hoc primo Paniza, nec fas aut opus hoc fore cum homine dictitat jam capite diminuto, & qui nec juris sui esset, nec legitimæ potestatis, cum Odoardus deinde propositi tenax atque animo exasperatus, venenum, quod ad casum fortuita servabat, se potius hausturum dixisset, quàm loco decedere invitum, & contumeliis affectum, atque eripi sibi corporis libertatē, spiritus minimè posse, Paniza tandem Lusitani constantia victus, quò planè acceperat ordine, insidias illi compertas aperit. Audit hæc Odoardus ingentique suspirio effusa denique voce (Rectè vos, inquit, expletis "ut decet, injuncti muneris partes, at "durior mihi fortuna est, quàm verti aut "infringi humano consilio possit, imò "licet profectò vobis tanto studio, tātò "labori in meâ custodiam collato parcere, dum adamantinis equidē vinculis per fati rigorem trahor.) Post hæc "intensiori cura, & custodia munitus viæ reliquum ire pergit. Sed antequam loco discederent Ludovicus Paniza, & Augustinus Navarrus ob manifestè deprehensas in itinere insidias coram scriba, atque testibus Joannem Plantam municipii Prætorem convenerant, illique palam denunciaverant publicè ab ipso laxæ pro transitu fidei supplicium ex jure gentium apud Rhetorum Senatū fore quamprimùm Catholicum Regem repetiturum. Hinc Novum Comum deducitur Odoardus, ubi quanquam Hispani juris in loco, ea toties ac frustra petita Lusitani custodia, novotamen periculo minimè caruit. Sic enim ab initio, eorum qui contrà tetenderant, insidiarum ordo compositus erat. Jampridem evulgata Lusitani protectione cum duæ ad Mediolanum pergerent viæ quatum altera in Enguidinam, in Valtellinam altera flectit, è Plantarum familia

quidam , & ipse opulentia , pecunia , & partibus valens , utroque itinere circumsesso in animo fixerat , si per Enguidinam fortasse transiret in eorum dominio , & clientela Odoardus parata insidiantibus præda foret ; si ad Valtellinam iter sequendo vergeret , loci Prætori mandaverat , ut quemadmodum licuisset hæc transeuntem surripere , aut rapere Lusitanum Hispanis annitteretur , si hæc in irritum cecidissent , cum plurimi ad rem etiam vi , si fraus defecisset , urgendam exules , prædonisque , finitimis nota calamitas per Mediolanenses , ac Venetos limites magno agmine grassarentur , iisdem ingentis , qualis Odoardi persona erat , pretii rapina proposita , ut ea potirentur verisimile quidem esset , ipsos remisit nihil acturos . Sed Valtellinæ fortè disiectis insidiis cum nollet jam ipse admotæ spe fraudis excussus in rem violenter , ac palam incumbere Prætor , sive enim nulla , sive cruenta ea cum Hispanis pugnando victoria fuisset , in quocumque rerum eventu ipse unus aperte iniuste intercepti transitus causa seipsum supposuisset fidei interpositæ reum , cumque altera via insidiarum interclusa penitus esset , nefariis tunc Prætor hominibus accersitis imposuit , iter , ac tramites infiderent , qui Novo Como Mediolanum ferebant , ut ita seipso fide exoluto , illi ingentium spe præmiorum sua pericula metirentur . Caterùm Odoardo jam Novum Commum advecto , postquam Paniza refecit plenam esse latronibus viam , & saltus , ac silvas insidiis passim infestas , quacumque ipse cepisset iter ex composito erumpere intentis , satis , superque in eadem urbe munitus constitit , novis donec copiis , quas Mediolano frequentes acciverat , aggregatis , inde auctus præsidio Mediolanum contendit , ubi arcis Præfecto Odoardus diligenter custodiendus regio nomine traditur .

Narrationis nunc postulat ordo 1634.  
Olivarii dicere lapsum à gratia Catholici Regis , & quod illum inter alia publica exitia Lusitanæ præsertim defectio peperit , & quod humanarum rerum mirabile in ipso , fluidæque Principum gratiæ versetur exemplum , quæ quò clariora legentibus fiant , de illius genere , cultu , vitæque instituto pauca præmittere oportet . Gaspar Gusmanus Henrico Olivario Comite , & Maria Pimentella genitus Romæ est , dum hic Hispaniæ Oratorem ageret Pater , eosque ibi fallaces aulae spiritus hausit , quibus deinceps imperandi conditione , negotiorum usu , ejusque naturæ propensione mirè coaluit . Ab urbe Roma oratorio postquam functus officio est in utriusque Siciliæ administrationem patrem ipse secutus peregrinis Hispaniam indolem institutis , ac moribus imbuens , acutum , flexibile , ac docile simul ingenium variis studiis , & artibus temperavit . Ab Italia ad Hispaniam his amplis honoribus usus cum rediisset Comes Henricus Gasparem filium quamquam invitum ad jurisprudentiæ addiscendam doctrinam Salmanticam misit . In hoc juvenis exercitio natura cum opere luctabatur quippè , qui longè minùs civili scientiæ , interpretumque cavillis , ac formulis , quàm Politicæ disciplinæ atque imperantium vacavit arcanis , rapiente illum tacito quodam naturæ impetu ad quod occultè fortuna struebat . Acerba deinde natu maximi fratris mors , cum amplissimæ domus expectatio , splendorque in unum Olivarium incumberet à Salmantica ad Regiam juvenem transtulit , ubi Duce fortuna , comite industria gratius sese Hispaniarum Principis , & hæredis Imperii servitio addixit adhuc Philippo III. superstiti patre , variisque tunc licet æmulis gratiæ præ alboribus nimis initio pelucidis confectatus , inconcussa nihilominus ipse semperque stabili constitit apud



apud Principem gratia. Erepto postea Philippo Rege, filiôque subinde Imperii magnitudinem subeunte quò emergentis æstus invidiæ, quæ inter vaga Principatus initia ei qui ascitius, ac ferè intrusus imperii clavum arripuisset, terribilis est, cùm artificio, fucôque deluderet Olivarius querelarum ingestarum incurfui & publico hominum odio cum specie, ac pompa quadam regiminis Balthasarum Zunicam objectavit, tanquam hic Politicarum, & militarium, ipse porrò Olivarius in rerum domesticarum, ac leviorum curam assumptus à Rege foret; at revera umbratili quodam dominio concertationes, æmulationes, communes questus, & aula odia, inseparabile imperii onus gestabat Zunica, potentiam, & vim alieno labore, ac periculo tectam clam, tutiûsque Olivarius ipse tenebat. Caterùm ut suoapte mortales vitio ita præsentia, ac vetera oderunt, quemadmodum nova, & incognita cupiunt, idcirco averfari ac propter falsam imperii ostentatam imaginem summo opere odisse jam Zunicam ceperant aulici, & Olivarius tum serò quidem intellecto periculo, volubilem nempè Principis gratiam, captatu assuetudine facilem esse, ac societatem dominationis infidam de illo postea, ut propinquius in latere Regis harente, ac majora affectante, suspiciosus, & animo anxius, qua ratione affligere posset, quem idem extulerat, cogitabat. Inter hæc fato intercipitur Zunica, & Olivarius perniciosum, ac pariter stultum inter aulicos esse ratus in summo potentiæ gratiæque fastigio sua sponte periclitari per inductum æmulum malle, quàm insanos vulgi rumores, & invidorum loquacitatem despicere, sumotis illico æmulis palam, & solus, obnoxio jam Rege, vastam Imperii regendam molem suscepit. Hoc maximè modo Olivarius duos, & viginti circiter annos regni, Regiûsque

potitus arbitrio est; & planè cùm nulla insigni ab Hispanis suscepta clade alterius æquaret fortuna successibus res, nullo negotio, & odia majorum Olivarius oppressit, & æqualium insidias, & allatrantis quoque populi voces, quas etiam obtrectatores confectis sæpè fabulis pascunt. Complures præterea secundum speciem amici, faustæ, quos fortis illecebræ, ac temporis vincula jungunt prosperè agentem hominem adjuvabant. Versâ postremò fortunâ, vertere quoque ceperunt hominum placita, voces, sententiæ, perinde quasi alia mens, alius homo cursum regiminis direxisset, & jam vitia erant in Olivario, quæ quondam virtutes fuerant: fatalis hujus scenæ conversio, & rerum mutandarum initium à Cataluniæ motibus ortum. Hac primò deficiente, regia etiam erga Olivarium fluere paulatim, ac minui quotidie benevolentia capit, vetûsque deferere sensum ipsum audacia, atque ille animi pristinus vigor, & spiritus, æmulos autem ex pervertuto ejusdem viri dominio, fastûsque insitus timor, pudôrque. Incaluere deinde communia hominum odia, questûsque Lusitanæ defectionis additamento, tótque Imperii sese prementes eodem prope tempore clades gravem apud Regem suspicionem conflaverant, judiciòne an animi inertia potiusquam forte in publico ministerio, atque arbitrio delinqueret Olivarius, & utrum infelicitis, inepti, sive nefarii mutatio ministri spei aliquid videretur afferre eo jam usque collapsas Hispanici Imperii res omninò, aut ex parte fore quandoque restituendas. In humani tandem judicii, ac Regum maximè lance, cùm multò plus fortuna momenti, quàm ratio hominûsque consilium, ut quisquam mereri negotiorum curam, & fidem valeat, ut plurimum teneat, secum Rex ipse pro rerum eventibus statuit, regimine, ac Regia Olivarium primo quoque tempore

exigere; speciosam tamen ad rem comminisci, vel ultrò per tempus occurrere causam desiderabat, ne fortè Olivarius, ut publicè reus acceptarum Hispaniæ cladum expulsus, reprehensionem, & quasi crimen in ipsum reflecteret Regem, qui tandiù illarum auctorem ad Imperii perniciem, & contra publicas querimonias sustinuisset. Est alia quoque in Principibus saltem Hispanis factis nobis comperta animi affectio, rerumque provisio, longis occulta nempe consilia quasi cuniculis ducere, ut vera effectus intenti causa, quæ in cordis recessibus latet, minimè appareat. Hinc sæpè numero illusos, atque deceptos aliorum se oratione videri malunt, aut insulos, aut perperam sentientes quàm quidquam, quod intus reconditum habeant, responsionis verbis effluere. Ceterùm & si ad rem hanc maturandam haud Regi infrequentes occasiones inciderent; Olivario tamen ab officio pellendo obstabat inveterata gratia, quæ solidas adeò radices in ejus animo fixerat, ut quanquam Philippus evellere cuperet, ægrè se ipse vincere, ac frangere posset. Regiam enim existimationem, & reverentiam non minus sibi Olivarius integritatis, justitiæ, religionis impensius jactato in negotiis ardore pepererat, quàm assidua vigilia, labore, atque studio pro Imperii administratione susceptis, effusam Regis benevolentiam. His verecundiæ, & amoris validioribus quidem gratiæ firmandæ apud homines nexibus accedebat, secundum fortunæ gradum humanas plerumque affectiones intendi, acuique atque in summa fortuna qualis est Regum summam concipere vim, impetumque ex quo revera contingit aut perrarò, aut vehementer amare reges, & cum pudor inhæserit, eo potissimum tangi. Addebatur peculiari quoque Philippi Regis ingenio obscurior, suisque ipsa involuta consiliis, atque implicita mens, tum imminutus

ac debilis animus ex se ipso explicari, enitique insufficiens etiam in minoris momenti rebus. Iniquum præterea ea tempestate censebat Rex, cum de Olivarii sibi ruina deliberandum esset, quando suo ipse diffideret, alieno consilio uti, quod planè ipse sciret, ob gratiæ amplioris invidiam, consuetæque in moderandis reipublicæ rebus offensiones inimicos in illum altare multos, æmulos ferè omnes. Hisce curis luctantem Regem fortè Regina intropexit, etiam ipsa jampridem cum stomacho, & ira potentatus imparitatem, atque superbiam imperiosi, petulantisque natura æmuli dedignata, cum verò præsentit labare jam Olivarium, atque omninò æmuli deturbandi favere opportunum conatibus tempus, optimo quidem consilio extremæ illius ruinæ ministram elegit Margaritam Sabaudiam. Erat hæc enim cognata Regis, Olivario vehementer offensa, ut mulier, ut Princeps avida nimium vindictæ, quod Lusitanæ defectionis rea ipsa apud Regem ab illo immeritò constituta, atque idèò tunc specie extorris in Oceanæ relicta secessu, spreta ibi, deserta mulier in solitudine teneretur, ne esset ei locus coram Rege aliquando purgare se, aut illo squalore, & angustia ac perpetua ægritudine animi accelerata fortassè Principis mors ut omnes tandem Olivarii suspiciones, & odia convelleret. Itaque clam Regina Margaritam per litteras monuit, jam nutare, ac pessum ire quotidie quoque videri in Regis opinione, atque gratia Olivarium, si paululum simul anniteretur, nec factu difficilè fore, in illum jam præcipitio pendentem, omnique prorsus destitutum auxilio impulsam simul addentes miserabili casu injurias tum publicas, tum privatas ulcisci. Summa proinde cautione, ac silentio festinaret ad aulam iter. Apud Regem nunc mitiorem, ac præter morem tractabilem injussi, improvique discessus



discessus causæ patrociniū se suscepturam. Ad ea lata, atque alacris Margarita sub noctis dimidiū vulgari, ignotōque subvecta curru citato cursu ab Oceania digreditur. Eiusdem oppidi Præses, qui abeuntem fortasse ibi sistere Principem, ejusque interea secreta, actionesque rimari, ac revelare Olivario jussus jampridem fuerat, duabus post horis eam repentinam profectiōnem intelligit. Proinde querere, ambire, volvere in oppido omnia, mittere statim, qui euntis vestigia teneant, vel observarent, sed cū ei amplius non licuisset juris sui terminos jam prætergressam remorari, vel assequi Principem per tabellarium cursorem rem Olivario denunciat. Is tum improviso audito casu percussus, ac territus, & cumulantium, prementiumque se se malorum cogitatione confusus, ac trepidus, quidve potissimum evitaret, & magna inter mala seligeret anxius, ubi in arcto sibi rem esse, & proclivem fortunam suam, & æmulo omnes arreptos, constipatosque videt, non id temporis esse ratus, aut Margaritam in via detinere, aut à Regia venientem excludere, fremens idcirco frendensque ira, victrice tandem passus est illam accedere ad aulam, ea tamen verborum asperitate, ac tumido supercilio Margaritam, cū Regiam ingrederetur, excepit, ut aequè suæ ac alterius conditionis oblitus nimis ipse iracundè, ac valdè intemperanter obtreperet. Assiduò apud Regem deinde clandestinæ discessionis carpere contumaciam, insectari superbiam Sabaudia, ut ille gratis ajebat, ingenuam indoli, lacerare conviciis, ac probris, facem, pestemque sæpè dicere Lusitanix, cujus porro vecordia fœminæque stultitia florentissimum regnum illud exarserit. Hæc apud aulicos, hæc apud Regem, ac proceres, hæc in Status quoque Senatu propè concionabundus Olivarius sæpè repetere, non

tam ira in præsentī, aut ultionis ardore commotus, quàm cautione ac tutela pro ea quæ ab illa jure recideret, formidine præmunitus, quò fœminæ scilicet ut graviter læsæ, ut iratæ, ut ulticis furore sese per convicia, & maledicta jactantis, cū acerrimè in ipsum invecta esset, auctoritatem, ac fidem infringeret. Quod enim merito suo virtus, nonnunquam, & dolo confectur ars, ut in auctorem quoque re-torta vera incidant maledicta. In eo maximè tamen suas ipse omnes collegerat artes, ac prope ingenium Olivarius expresserat, ut Margaritam quam ad hoc efficacius, & sua Reginae cura, & solertia tendentem, à secreto colloquio Regis arceret. Mœstum semel, & anxio rem solito in publicis curis Olivarius Regem offendit, joculari cum Rege cū idem hoc tempore consuevisset, tunc velut per jocum illabi sibi curavit. Caveret utique Rex, ne tristis, ac niger ille suffusus visceribus humor cum atra Sabaudia bili commisceretur. Aliàs & seriò cū sermo incidisset, sollicitius monebat Regem, quid sua, quid sui Imperii regiminis interesset, iniquè tum oppugnatam, & quodammodo afflictam ministrorum auctoritatem tueri, ac reverentiam officii, cū nequiores, ineptioresque quasi ex tuto videantur in aula extra injuriæ periculum degere, meliores perpetuò acriori appetantur invidia, pugnamque perennem exerceant, iisque livore fortè dejectis ad indignos, vel fatuos hæc regni ornamenta, & moderamē prudentiæ, & rerum omnium arbitrium venturum, atque inde imperii exterminium futurum. Eodem ille consilio ejusdem uxorem quæ Reginae tunc erat cubicularia, Margaritæ Principis aditus, exitus, tempora, gesta explorare, ac vestigiis hære jusserrat, ne unquam mulieri facultas esset Regem sine arbitris convenire. Diutius eo astu, ac solertia utraque ex parte

certatum est, inter Regis pudorem, & Principis Margaritæ modestiam superante Olivaria. Vicit tandem Regina vim fortius in rem intendentis auctoritas, quæ porro secretum Regis cum Margarita colloquium poposcit alacriter ipsa, & impetravit à Rege, contra nequicquam moliente, ac reluctante Olivaria; hora enim præstituta colloquio, rei tanquam inscia, & comis, & falsa obsequii velamine audebat ingressuram ad Regem persequi Principem. At Regina interpositæ imperio, minacique deterrita vultu mulier turbata, ac cinereo propè colore suffusa in januæ limine ejecta substitit. Igitur Margarita Sabaudia cum ultrà sexum ingenium industria, atque aulae consuetudine excultum, tum sua ingenua luce, negotiis, atque periculis expolitum haberet, hæc fermè sola apud Regem eloquitur.

„ Esurie, quæ malorum ultimum  
 „ est, ad Regiam, ad tuos ego proje-  
 „ cta pedes, Domine accedo. Impro-  
 „ visum, ac ferè tumultuarium meum  
 „ istum, sed coactum tamen ad aulam  
 „ accessum, equidem nolim super ea,  
 „ quæ mihi errores, & crimina passim  
 „ obijciuntur, augere apud te mali-  
 „ tiam, & cumulum. Immanes, ac  
 „ feras belluas, quanquam luce, &  
 „ consortio abhorrentes ex caveis, ca-  
 „ tulatorumque cubilibus inedia stimu-  
 „ lus famelicus agit, vitam meam, quæ  
 „ nec inutilior quidem, nec vilior est  
 „ si ab Ocaniæ secessu, seu luctuosa  
 „ potiùs custodia famis quoque mor-  
 „ sibus laniandam, te non jubente, Oli-  
 „ vario certè adversante subdixerim,  
 „ ita sceleri omninò ero in hoc in faci-  
 „ nore obnoxia, ut etiam in aliis pro-  
 „ miscuè arguor. Cæterum rea ego  
 „ fuerim necne, dubitari fortassè po-  
 „ terit, culpæ tamen squalorem, igno-  
 „ miniam, ac pœnas absque ullo du-  
 „ bio per tot animi angores, coacerva-  
 „ tasque longè miseras patior, & quod

planè in hac causa multò magis ini-  
 „ quum, & impium est, priùs oppres-  
 „ sa, quàm citata, priùs damnata, quàm  
 „ audita, contra bene meritam Prin-  
 „ cipem, & Austriaci sanguinis sobo-  
 „ lem inverso judicii ordine dirum  
 „ rerum humanarum exemplum præ-  
 „ beo. Nonnihil porro decerpam ex  
 „ longa mearum calamitatum Iliade,  
 „ ne explicatiùs singula dicens obtun-  
 „ dam. A penetibus meis, & dome-  
 „ stico imperio inflatis quondam pro-  
 „ missis avulsa, Lusitanòque quan-  
 „ quam invita regimini imposita, non  
 „ regere ibi vel imperare, sed Marchio-  
 „ nis Populensis superbiæ, atque fa-  
 „ stui, sed Vasconcelli terribilissimo genio  
 „ servire, amborumque inter se discor-  
 „ diis studiis media ipsa raptari, at-  
 „ que distrahi non minus laboriosè co-  
 „ acta, quàm contumeliosè, quàm tur-  
 „ piter sum, quæque imperium in Lu-  
 „ sitania, jubente te Rege, quæsieram,  
 „ servitutem acerbam experta sum. Post  
 „ Lusitaniæ defectionem à mini-  
 „ strorum ego meorum emerfa ludi-  
 „ briis in Ducis Bregantiæ, & victri-  
 „ cium ejusdem partium insolentiam,  
 „ & iras inpegi; in tantæque rerum  
 „ conversione, ac tumultu nihil aliud  
 „ agere mecum visa fortuna est, quàm  
 „ tortores mihi mutasse; à custodiæ  
 „ namque severitate, ab excubantium  
 „ molestiis, ab arido victu, eoque la-  
 „ chrimis macerato, à carcere, & pro-  
 „ pè vinculis meæ me dignitatis, ac  
 „ generis splendor nec vindicavit in-  
 „ fontem, nec barbaræ quidquam in  
 „ me asperitatis remisit. Multa ibi su-  
 „ stuli, multa voravi; In hoc uno for-  
 „ tassè Bregantius ostentare se Regem  
 „ ratus, quod se meliorem affligeret.  
 „ Porro cum inde ad Castellam rever-  
 „ sa essem Bregantio ne humaniùs, aut  
 „ mitiùs me Olivarii arrogantia tra-  
 „ ctavit. Vetera quidem, nec ex justa  
 „ ulla causa sed livore duntaxat ma-  
 „ nantia odia, violentiùs, cum erum-



„pere fortè liceat, incumbunt. Præ-  
 „terea cùm flectere semel, ac ruere ap-  
 „petita cujusque probitas caput, effli-  
 „ctim eliditur. Hoc volente, hoc  
 „imperante ex longo sanè intervallo  
 „captæ similis ego, ac velut belli, &  
 „certa Olivarii furoris præda in cir-  
 „cumscripto, & angusto Ocaniæ limi-  
 „te vixi. Hinc ira in hoc loco, ani-  
 „mi sollicitudo, turbatio, deteriorum  
 „etiam malorum metus, ac propemo-  
 „dum desperatio, infestorum affec-  
 „tuum omnium intestina pugna ac  
 „tumultus, illinc fames, rerum ino-  
 „pia, rigor exilii, ac libertatis adstri-  
 „ctio integrum annum fœminam Prin-  
 „cipem divexarunt, & animam corpo-  
 „ris magis, cùm hæc duplex pressura  
 „esset, perpetuis laboribus, & crucia-  
 „tibus angeretur, incertam; ex qui-  
 „bus sola fortassè anima velut fessio,  
 „laceratæque miseriis corpore desti-  
 „tuta sibi aliquem tandem exitum in-  
 „venisset, nisi alimentorum inopia,  
 „quæ arces etiam invincibiles prodit,  
 „expugnata quoque patientia mea,  
 „nunc victam me tibi, ac seminecem  
 „tradidisset. Igitur hîc modò fœmi-  
 „nam habes similitudine fortè ream,  
 „exactumque tali de rea supplicium,  
 „& eò durius, eò atrocius quia inimi-  
 „cus ejus exactor, ac Iudex est, &  
 „quia lenta morte peremptæ, ac per  
 „stillicidia prope consumptæ suppli-  
 „cium crudelius, ac longius est. Ve-  
 „rùm, quid in te rogo tanto suppli-  
 „cio dignum peccavi Rex? num frau-  
 „de? num injuria fortunæ? num opi-  
 „nionis errore lapsa ego ad desciscen-  
 „dum compuli Lusitaniam? Haud  
 „equidem in hoc crimine refellendo,  
 „vulgari, atque omnibus obvio illo  
 „argumento utar, studium scilicet fi-  
 „dem, sollicitudinem meam in regi-  
 „mine laudem, fortunam accusam.  
 „Cur enim de fortuna merito querar  
 „ego, quam nec consilio, nec ratio-  
 „ne, nec ullo prorsus ad regni admi-

nistrationem negotio aliquo modo  
 experiendi mihi, attentandi permiffa  
 potestas est. Inter Marchionem Po-  
 pulensem, & Vasconcellum scenæ  
 ibi tantummodò, ac pompæ Gubern-  
 natricis inserviens, vacua propterea  
 derisa, atque inutilis mulier ab initio  
 gubernationis sedebam. Duo homi-  
 nes isti spes, atque vota Olivarii ina-  
 nissimè instantes, totum regiminis  
 orbem circumferebant. Ultrò citrò-  
 que ut ab illis relata, aut consultata, ut  
 Olivario decreta sententiarum ora-  
 cula commeabant, mihi tanquam  
 inerti, despectæ, otiosæque mulieris,  
 & quodammodò infidæ recondita.  
 Proinde sine auctoritate, sine ope, sine  
 consilio rerum omnium prorsus igna-  
 ræ, & inimicorum propè ludibrio,  
 & contumeliæ projectæ fœminæ tot  
 inter æstus, fluctusque se mox im-  
 mersuræ reipublicæ nihil profectò  
 agere, nihil cavere concessum fuit.  
 Id tamen excidii quod ipsa prævidi,  
 & antevertere minimè potui, & cu-  
 jus excidii causa in Bregantium, oc-  
 casio referri in Olivarium debet,  
 utroque in præsentem cum suis opibus  
 integro, altero scilicet Rege, alte-  
 ro specie Regis, & utroque Tyranno  
 equidem totum hoc innoxio capite  
 mulier excepit. Atqui ipsa rem præmo-  
 nere, increpare, debueram, & nisi vin-  
 dicis, nisi imperatis, nobilioribus me-  
 que dignis exclusa curis saltem in re-  
 gno speculartricis munere fungi: planè  
 submittere se, dare injurias reipubli-  
 cæ, & quoquo pacto juvare pericli-  
 tantem oportet. Et me id utique fa-  
 citasse, ut plurima necessaria scitū-  
 que digna quo nempè rerum sub-  
 tractis tibi notitiis, usque pruden-  
 tiæ carentem facilius circumducant,  
 & fallant, fortassè te Regem latet.  
 Quid porrò cùm me inconsulta, &  
 Olivario suadente arma, & pecunias  
 Bregantio, viam scilicet concupito  
 parando regno dedisti; cum Lusitano

ad

„ ad Catalauniam transvecto repente  
 „ milite, enervata spoliataque præsi-  
 „ dio arces sua etiam sponte incitatos  
 „ ad defectionem cives alliciebant,  
 „ cum clandestinos catus, ac nefaria  
 „ conjurationis inditia didiceram ab  
 „ extraneis, mei enim, tuisque se mihi  
 „ ministri tum credere nefas arbitra-  
 „ bantur, nonne accuratius Olivario  
 „ cuncta rescripti, orientis, increscen-  
 „ tisque conjurationis spiritus, nervos  
 „ momenta quæque notando, conju-  
 „ rationisque partes, ac Duces? Ve-  
 „ rum, quem operæ meæ fructum ego  
 „ retuli Olivario? Ambigua sanè res-  
 „ ponsa, contortaque verba, sensus  
 „ obliquos, obscuros, velut ancipiti  
 „ latos oraculo, atque ita porro ubi me  
 „ bene meritam, atque in laude &  
 „ amore positam cogitabam, esse rur-  
 „ sus irrisam, ac spretam gravius in-  
 „ dolui. Caterum justus hic dolor  
 „ num me obmutescere postea? num  
 „ connivere, aut indormire periculis,  
 „ aut extrema præterire remedia coë-  
 „ git? Certum, & ratum apud aulicos  
 „ omnes est, perniciosius omnino esse  
 „ primum ministrum, quàm Regem  
 „ offendere; Rex quippè læsus per il-  
 „ lum molliri, flectique, minister, ut  
 „ regia tumidus gratia, atque assen-  
 „ tantium corruptus illecebris ferè à  
 „ nemine potest; simul qui sua indu-  
 „ stria, & ingenio alienos tractare ani-  
 „ mos callet, quo in artificio summus  
 „ minister excellit, ipse plerumque in-  
 „ tractabilis est. Præterea cum ultionis  
 „ vis, & aculeus in homine ex digni-  
 „ tatis mensura, virtutisque incremen-  
 „ to decrescat, tantumque subeat Re-  
 „ gis conditio quantum declinet pri-  
 „ vati, plures invidia, artibusque mi-  
 „ nistri, quàm ira, vel odio Regis inter  
 „ subditos pereuntes agnovimus, epi-  
 „ stolas tamen, fluctuantis, quæ regni  
 „ morum, & habitum declararent, ego  
 „ multas subinde tibi commisi Rex  
 „ quas Olivarius superbè rejecerat, ex

eo quanquam scirem in Olivarii of-  
 fensionem incurrere, quippè qui ad  
 te coram vel scripto absque ejus per-  
 missu adiri pro crimine ducit. Ve-  
 rumtamen nihil per te mihi respon-  
 sum est, & aliunde Olivarii ingravescen-  
 tibus odiis, quia tibi ipsa placere  
 per ejus iracundiam quaesierim, in-  
 grata inanisque sollicitudinis imme-  
 ritas modo pœnas exolvero. Omnia  
 igitur ausa, atque passadum Lusitaniam  
 assidebam, ut hunc rerum avertere  
 turbinem possem cum nihil amplius  
 præsidii, aut spei humanæ reliquum  
 cernerem, ipsamque irreparabilis regi-  
 ni ruinæ ut spectatricem in fœdo  
 spectaculo destinata, quod ulti-  
 mum erat destituta, abjecta, mul-  
 tisque doloribus fracta mulieri suspi-  
 riis, ac lachrimis Lusitaniam fato,  
 vel hominum culpa ruentem, ac de-  
 flagrantem consequi cæpi; tamquam  
 multis, ac tandiù jactata procellis,  
 atque periculis meo tandem capite  
 didici cum potissimum inter homi-  
 nes mulier opinionis, & famæ, quæ  
 cursus errore humana pleraque tra-  
 hit, detrimento laboret, ad eam gu-  
 bernantem nisi integerrimæ fidei mi-  
 nistri, tum in agendo mirè concor-  
 des accesserint, inevitabile quidem  
 Imperii, quod temperaret, futurum  
 exitium. Nihil profectò absurdum,  
 nihil à fide alienum loquor. Impera  
 quæso Rex tua vel Olivarii secreta  
 scrinia recludi, litterulæ meæ quasi  
 innumera in illis reperientur aut situ  
 semelæ, aut penitus laceræ, aut con-  
 tagii suspectis similes cum intacto  
 adhuc signo in acervos conjectæ.  
 Unde hæc tanta animi elatio, atque  
 immensa in Olivario fiducia est? un-  
 de hæc effusior contemptio mei? Res  
 à me malè propositas spernere, secus  
 admittere potuisset; apud superbas,  
 surdasque aures non propriæ, nec  
 alienæ prudentiæ, non pœnæ, seu  
 præmii merito locus est ullus. Vel  
 omnia



omnia scire, & audire, nisi exequi  
omnia, qui gubernaculo sedet, oportet. At ille tuo periculo peccat Rex, tuque infelix, ac perditus propè aliena stultitia versaris, cumque tu illi per traditas temerè opes, & imaginem regni potestatem peccandi facias, tot cumulatis Imperii cladi- bus tuâ simul, & Olivarii peccata suis. Quod ad me attinet, dum iussu tuo Lusitaniâ inani cum titulo, ac falso nomine præfui, quantum mihi per tempus, insolentisque ministros licuit, diligenter, ac studiosè me munere meo defunctam existimo; si ultra Olivarius, ut solet, pro- caciter advesetur, placeat, utrumque jure altercari; audiântque Judices Margaritam Sabaudiam contra Olivarii injurias, & odia, legum subsidium implorantem; sin tibi idipsum quoque dedecere videtur, ita me, ut vides, aula denique extorrem, egentem, circumfusam ærumnis inter ludibria Olivarii, & contumeliosas populi voces deferere, non minus, Rex, tibi, quàm mihi, hi quidem deformis communi iudicio fuerit.

Postquam Margarita disseruit, studio Rex prius, ac fide Principis collaudatis, ejusque libatis breviter meritis postremò subjecit, posse, quæ quæstâ adhuc breviter esset crudelitati fortunæ, quæ excutere sapius benè meritos soleat, attribui, de cætero se curaturum, eam, ut par esset, observati, colique, ac diversis officiis ante acta rependi. De Olivario nihil adjecit, verum contracta mœrore frons, ac discolor vultus, & in terram defixi oculi aliquid aliùs in pectore tunc volutantis clatiora, sed tristitia quædam promebant inditia. Fuit hæc prima, atque intimè impressa in Olivarium labe; amisso deinde pudore, ac regia jam aure manifestis, affiduisque insectationibus trita, nudum in posterum ille latus æmulis appeten-

dum exposuit. Notum idipsum Reginæ, cumque ipsa Regina gratia, atque admiratione virtutis ex eo multum apud Regem increbuisse, quod Casaraugustæ moram habente Rege pro Catalauno juvando bello summo labore, summo studio, pretiosioribus quoque suæ gazæ copiis oppignoratis abundè inopiam ararii in magno rerum discrimine expleverit, eamque recentibus meritis partam cum inhaerentem de se opinionem in animo Regis satis nunc exploratam haberet mulier, porro ipsa liberius, atque explicatius ostendere capit Regi, quibus eo tempore vitis corpus regiminis laboraret, quid validum, quidve infirmum per Imperii amplitudinem foret, quædam etiam aperiebat in regiminis disciplina Olivarii artibus Regem latentia, quibus sua ille, suorumque clientium commoda reipublicæ videbatur, & utiles etiam honestis rationibus anteferre, eaque tum omnia tam solerter provisâ, tam cautè prolata, tam acutè responsa cum aliquid Regem interrogasse, contigerat, ex industria Regina Olivarii nomen declinans instillabat auditui Regis, ut luctuosi potius viderentur illum eventus, ac temeraria damnare consilia, quæ detrahendi sanè formula acutior est, quàm insectantis æmulæ verba. Ad ea tunc audienda majori quotidie quasi stupore defixo, pronoque animo, & auribus Rege, quò iniquius & ipse antea ejusdem ingentes scæminæ dotes neglexerat. Dum ita per astus Regina contra Olivarium Regem impellit, ex parte altera Comes Castrillius, qui Reginæ Castellam propter Regis absentiam administranti ejusdem Regis mandato adeò egregiam contulerat operam, ut futuræ ex eo ille magnitudinis semina jecerit, Reginæ instinctu, motuque cum Regem aggressus esset in hunc prope modum detexit illi jam sibi comperta, usque ab ipso in eo negotio tractata

tractata, nec brevis quidem medelæ rei-  
publicæ vulnera.

„ Imperiorum omnium mutationes,  
„ & cladis ut plurimum omnes perne-  
„ cessariam, aut stultam ararii profu-  
„ sionem, & vastitatem inferri, quæ  
„ deficit enim, ac necessariò ad rem  
„ impendenda pecunia est, dum erui  
„ per scelera, aut subditorum lanienam  
„ incumbitur, inde questus, & publi-  
„ ca fluere odia, turbulentisque occa-  
„ sionisqueprehendendæ paratis homi-  
„ nibus cuncta passim turbandi, ac mis-  
„ cendi quæsitam ansam offerri; præ-  
„ terquam quod venis, ac nervis rei-  
„ publicæ incisis, aut illo sensum ex-  
„ presso, qui pecunia dicitur, sangui-  
„ ne, si ex Politico corpore multum  
„ exhauseris, id primò in deliquium, si  
„ totum, mox certè in exitium iturum,  
„ ac tabem est. In hac autem ararii cu-  
„ randi utilissima ratione gravius se ab-  
„ Olivario esse, aut negligentia, aut  
„ inscitia peccatum hætenus compe-  
„ rissè; nam præter Consiliariorum  
„ conventus qui communibus curis ad-  
„ dicti in hac Curia duodecim nume-  
„ rantur, quique annus cumulatis sti-  
„ pendiiis nimis & ipsi multi sine regu-  
„ la, sine modo regis opibus signantur,  
„ ut supplementa priorum extra ordi-  
„ nem alios adjecisse Olivarium qui  
„ Senatus legitimi propria ad se nego-  
„ tia extutienda trahentes dum alie-  
„ nas exonerant, aut præ numero, ac  
„ turba potiùs implicant curas, pensio-  
„ nibus quoque in rem molestam, &  
„ irritam geminatis onerare, ac pre-  
„ mere magis ærarium, arcanumque  
„ negotiorum, quod est reipublicæ  
„ sacramentum tot per hominum ora,  
„ vocisque diffusum faciliùs labefa-  
„ ctari. Huc etiam accedere Olivarii  
„ ab ingenio, ut indigentia subsidium,  
„ profectam corruptelam pecuniæ, adul-  
„ terino, & injusto ei supposito præ-  
„ tio, quando nihil hac peste gravius,  
„ nihil perniciosius pessum, aut venum

„ Hispaniam dederit; argento enim,  
„ & auro quorum turgidæ quondam,  
„ nunc adstrictæ, ac propemodum va-  
„ cuæ in Hispania venæ reliquæ sint,  
„ ab externis adeptis, falloque in-  
„ troduçto metallo, quo novam con-  
„ flarent, veteremque pecuniam aufer-  
„ rent, sic opulentam provinciam, sco-  
„ riarum jam sordibus sibi relictis ad alie-  
„ nas, & quod est pejus, sæpè ad ho-  
„ sticas regiones metallorum splendo-  
„ res, & opes cumulatius effundere.  
„ Præterea tum optimates, tum merca-  
„ tores volubili, ac vario pecuniæ præ-  
„ tio, quod demit, augetque libido,  
„ incerta egestate, incertisque divitiis  
„ in fortunarum suarum orbe, tan-  
„ quam ludo versari; plagam numma-  
„ tis infligi, nobilium, divitumque rui-  
„ nis pauperes obrui. Neminem quo-  
„ que ignorare, ex quo Hispaniam re-  
„ gendam, aut potius rem conflictan-  
„ dam sibi sumpserit Olivarius per  
„ tributorum congestas moles, ac pro-  
„ pè direptionem, ac prædas Imperii  
„ auri permulta collecta talenta, & ta-  
„ men æs alienum à Rege contractum  
„ eò per inopiam crevisse, ut posthac  
„ contribuere, cum Rex eguisset, relu-  
„ ctantibus publicanis, ideoque re mi-  
„ litari destituta subsidiiis, re domesti-  
„ ca ornamentis, & copiis, persona, ip-  
„ sa, domoque regia orbata decore,  
„ cultuque tantæ fortunæ pari, æquè  
„ nunc Regem, ac subditum egestas,  
„ & squalor afficiat. Novum ac ma-  
„ gnificum ædificium quod boni se-  
„ cessus appellant, idque immodico  
„ sumptu, atque egenorum everfis opi-  
„ bus auctore Olivario, excitatum alio  
„ fortasse tempore futurum fuisse Re-  
„ gum illecebris opportunum, nunc  
„ verò ubi omnia premit inopia, &  
„ majora quoque promittit belli vis,  
„ ac diuturnitas mala, ex fletu, sudore,  
„ atque gemitibus pauperum superva-  
„ caneas delicias, ac voluptates quæ-  
„ rere, nihil utique minus, quam Ty-  
„ rannidem



„ rannidem sapere, cui & bonū Regem  
 „ obnoxium, ac notam palam insultam  
 „ alterius ingenio esse. Ulterius etiā si  
 „ ve mortalium invidiam, siue leves, ut  
 „ solēt, populi voces excurrere, execra-  
 „ ri que Olivarium, quod ipsum respi-  
 „ ciant thesauris publicis incubantem,  
 „ insidiantemque & omnia Imperii ju-  
 „ ra, atque commodā nundinantem, si-  
 „ quidem tātum egere quotidie vide-  
 „ tur ararium, quantum privata domus  
 „ ejus affluere. Quod modò verum,  
 „ an secus fuerit quo fortè pacto im-  
 „ pollutos minoris notæ ministros, ac  
 „ manus integras habituros, si rapacissi-  
 „ mas primus dicatur, aut in suspicio-  
 „ nem veniat habere? His rebus & ad-  
 „ di vocabulo gratiæ, ac mercedis, quæ  
 „ bene de Rege meritis conferuntur,  
 „ Olivarii nimis profusas, ac temera-  
 „ rias profectò largitiones, quosque  
 „ magna ex parte, & commodiùs fas  
 „ esset Catholico Regi loco præmii, &  
 „ aculeo virtutis pecuniæ parcendo  
 „ honorificis titulis exornare, cuncta  
 „ his inconsultò per ararium exolvi.  
 „ Idcirco multis injustè, & crudeliter  
 „ rapi, aut latrocinii more subduci,  
 „ quod gratiæ paucorum impertire-  
 „ tur, Regemque paulatim extenua-  
 „ tum aliena etiam cogi intervertere  
 „ bona ut pinguiore pauci ejus rapi-  
 „ nis, & opibus fiant. Cæterum mini-  
 „ strorum omnium errores, ac vitia  
 „ cùm adhuc Imperii latitudo, virisque  
 „ immensæ sustineant, Regem ipsum,  
 „ dum Cæsaraugustæ commoraretur  
 „ expertum esse, quod uxor ejus Re-  
 „ gina vel ærarii fragmenta, iisdem-  
 „ que ministris ereptas prædarum re-  
 „ liquias legendo, ea quidem pro Lu-  
 „ sitano, & Catalauno juvando bello  
 „ contulerit, quæ nec florentissimo  
 „ regno paraverit Olivarius. Præter  
 „ hæc autem fenebre, ac vetus in re-  
 „ publica malum, tum publicas, tum  
 „ privatas exedere opes, cujus & vo-  
 „ racem corrigi questum, & prædandi

quoddam genus immensum è repu-  
 blica tolli, externisque præsertim au-  
 ferri hominibus expedire ne in fœdā  
 prolapsus inopiam decoxisse tandem  
 Rex videatur, nève ad Italiam seu aliò  
 terrarum per fœneratores avecta pe-  
 cunia, ea ut hætenus contigisset ne-  
 dum evacuetur, sed etiam oppugne-  
 tur Hispania. Revocandum esse præ-  
 terea antiquum Hispaniæ morem per  
 temporarias nempe numorum colla-  
 tiones, & constituta per intervalla sti-  
 pendia, non fixa per vectigalia, ac per-  
 petua tributa imperare subditis Re-  
 gem, quæ opus in belli subsidium ef-  
 sent, cùm circumscriptæ, atque exiguæ  
 vectigalium radices sint, nec mensu-  
 ram excedere aut numerum possint,  
 hisque brevi tempore absumptis, Re-  
 gis etiam arefcant opes, utque ea sub-  
 tracta publicanis utilitas in populo  
 maneat. Postremò usque ad copiam,  
 usumque pecuniæ cùm ex ea quasi  
 animata, atque concreta respublica  
 spiritum ducat, ejus propterea inco-  
 lumitas status ferè plus Oeconomica,  
 quàm in arte Politica sit, quantum  
 Politica Olivarius excellat tot cala-  
 mitosos dicere casus, & commu-  
 nium, & privatarum interitus rerum,  
 de arte Oeconomica seu regiæ opu-  
 lentia cura ipsum Castrillium co-  
 stanter asserere, nihil omninò scire  
 Olivarium, ac discere quoque super-  
 bisimè dedignari.

Hæc & similia cùm Regi Castrillius  
 locutus esset, omiſſis de industria Po-  
 liticis institutis, ea solum aperuit Regi,  
 quorum reddere rationem ob munus  
 à se auspiciis Reginæ, iussuque Regis  
 exercitum videbatur. Providerat quip-  
 pe ille quantum ægrè in animo affecto  
 cæca videre cupiditas potest, acerrima,  
 quibus exarserat, desideria, in  
 Olivarii nempè dejecti substitui se lo-  
 cum solertissimè premere, cùm illa  
 insuper inflammarent, & ampla Re-  
 gina promissa, & nota erga ipsum

Regis benevolentia, & nonnihil prætereà spei quæ falsò, ut postea exitus docuit, eo tempore interlucebat. Rex autem more suo obstrusus, & rigidam quandam gravitatem affectans, tanquam regie majestati detraheret, si citius aliquid emanaret, quod in pectore coqueret, adhuc tenax secreti Castrillio respondit. Pergratam ipsi fuisse quàm egregiè se absente navasset reipublicæ operam, ararii verò se detrimenta reficere suo tempore curaturum. Nunciat hæc statim Regina Castrillius quæ quo dexterior afflabat in rem incumbenibus spes, eò sollicitior, ne fortè alienata Philippi Regis voluntas Olivarii suspectis insidiis, & artibus mutaretur, néve in illo cursu rerum improspéro Olivarii consilio, aut fortuna felicitis quid exitus interlapso verteret omnia, idcirco negotium accelerabat. Monuit ergo Regina subinde Oratorem Cæsareum Marchionem ea tempestate Granensem, magno tunc animo, & alacri, ut idem promiserat, contra Olivarium insurgeret. Ad hæc factò, & maturato opus esse, ne res cùm temporibus inclinaret, ne propter rerum vicissitudines elaberetur occasio. Inveteratæ gravesque, ut antea tetigimus, similitudines inter Cæsareum Oratorem, & Olivarium intercedebant, quibus jampridem sua spontè Cæsareus incitatus Orator in ejusdem Reginæ, ut Olivario maximè adversæ infestæque concesserat partes. Alebat, intendebatque præcipuè hanc mutuam variisque de causis exortam, ac multis post accidentibus auctam inter ipsos invidiam, offensionumque materiem, ratio itidem ministerii, quod pro Cæsare Marchio Granensis in aula Catholica obibat. Cùm enim Catholicum Regem, ac Cæsarem cognationis, perpetui fœderis ac reverentiæ nexus indissolubilis in charitate, atque fide conjungat, ideòque clam

sapè ambo inter se animos, studia, consilia communicent Principes, inde sequitur primos utriusque aulae Principisque ministros, quos privatos populariter nuncupant, ad gratiæ tutelam, rerumque servandum arbitrium parem afficere metum ex utroque Principe incussum, ut idoneo unoquoque apud alterum instrumento contrahendi, ampliandi, extinguendi acquisitam privatis gratiam, cùm sese per occulta insinuare monita vellent; porro obsequium ex metu oritur, & observantiæ species, simul dubia, fallaxque fides, æqualia fingere satis in homine spes, metusve fœvit, cum ambitionis orbe jactatur: uterque propterea privatus utriusque Principis nimis officiosus illecebrarum, ac fictionum omnium aucupio mereri in speciem benevolentiam, captare fidem laborat. Attamen Olivarius cùm esset animo elatior, & cuipiam assurgere impatienti, quo se maximè illæsum, ac tutum ex Cæsaris parte præstaret, unusque liberè ipse imperaret sui principis genio, ex composito inter utrumque Principem quasi dissensionum, ac diffidentia semina jaciebat, confovebatque multo labore, ac solertia postremo affectus plura dum Cæsaris postulata subdole ipse per Regem vana, atque irrita redderet, omninò inter eos tepescere amorem, ac sensim fiduciam minuere, iisque fallaciis, ac dolis eò usque Olivarius invaluit, ut fractus animo Cæsar, Regi per omnia diffusus, æmuloque subjectus, in quo sibi favori à Catholico Rege veller, prius Olivarium, quàm ipsum Regem pudibundus adiret. Præter has rationes ad privata Olivarii consilia causasque spectantes intererat etiam vetus illa æmulatio, altiùsque adversus Germanos Hispanis invidiæ radix infixæ, ex præco nempè connubio, quod gentem Austriacam in externum dominium invexit, Hispanis proceribus indignantibus, quod



quod olim omisso, spretoque Hispanæ nobilitatis fastigio ex Germania Rex in Hispaniam quæsitus sit, Germanis, quod amicitiae argumenta, & cariora pignora fidei per odium, atque contemptum iidem Hispani superbè corrumperent. Hinc pervetustæ, & communis offensionis initium, quam & privatis de causis Olivarius hoc tempore intendit. Itaque Cæsar cùm gravius Olivario succensus occasionem sedulò quæreret longè sibi molestum, atque imparem æmulum deturbandi, jam per Granensem Oratorem edoctus lapsui hominem proximum declinare, ac fluere quotidie in animo Regis, factūque facillimum fore perlevi quocumque librato ictu sternere titubantem, hujusmodi epistolā scripsit Catholico Regi. *Cum inseparabilis, & planè adeò una Cæsarei, Hispanique Imperii fortuna, & rerum conditio sit, ut simul crescere, simul decrescere, vel quid Numen avertat, utrumque simul perire, ac funditus tolli necesse sit, cum periculo etiam offensionis cogi se tandè commonefacere Regem, ut animo volutaret cujus sive sortis, sive pravitæ consilii ceciderit Lusitania, ad Gallos Catalaunia discesserit, reliqua quoque regna in fide, & officio labascant, celebrisque ac tot per sæcula florens Hispaniæ militiæ laus, & magnitudo gestarum rerum jam senescere incipiat, atque interitum comminari, compertoque postremò tantarum auctore calamitatum, majorum suorum exemplo utrumque Imperium unius capite vindiceret. Cætera Granensis ore auditurum.* Hujus sententiæ litteræ priusquam Regi Catholico redderentur, cum visæ, approbatæq; Reginæ essent, Oratorque sermonis per illam articulis, quibus Regem nomine Cæsaris compellaret, instructus esset, ita in ejusdem colloquio dicitur contrà Olivarium invectus. „ Nullam quidem externo sibi, alienis-  
„ que negotiis, curisque distracto cum  
„ Olivario odiorum, aut peculiaris cer-  
„ taminis causam esse, & si qua privatim

fortassis accepta ipsum repungeret “  
contumelia, quarū affatim liceat apud “  
superbum, & asperum hominem sus- “  
picari; Granensem tamen aciem huc- “  
usque, atque arma professum, & pluri- “  
ma secum belli decora, & ornamenta “  
gestantem, minimè lingua, quæ iner- “  
tium, atque imbecillium tutela est, sed “  
gladii acumine, & acie decere solvere “  
injuriam. Præterea non eo obscuro se “  
loco ortum, nec rusticis adeò moribus “  
institutū, ut si ira exarderet, non sup- “  
puderet etiam bilis sordibus fuscis, sto- “  
machiq; intemperie regias respergere “  
aures. Iussa tantummodò Cæsaris effe- “  
cturū, eodem se Rege annuente ejus “  
aspectui, & colloquio dedisse, quorum “  
in eo summa præscripta esset, patere “  
scilicet Regi, quæ in obeūda reipubli- “  
cæ cura trāsversa, atque errata regimi- “  
nis nec admodum pauca notentur in “  
Olivario, & quibus nisi citiùs subveni- “  
retur, post binas Hispanorum regno- “  
rum clades, instare periculum, ne totū “  
concussū jam undique Imperium “  
convelleretur. Et primū quidem esse “  
Olivarium acerrimè reprehendendum “  
quod pace, aut induciis sublati rectè “  
intermissum in Belgio bellum redin- “  
tegrare voluerit, nemo quanquam nisi “  
insipiens & palam stultus vel justum “  
bellum cum pace iniqua mutare ma- “  
lit, vanūque ac turgidum hominem “  
sibi in animum induxisse, jam afflictæ “  
laceratæque reipublicæ consumptis “  
prope viribus debellare, quos ne Phi- “  
lippus quidem secundus regni efflo- “  
rentibus, simulque annitentibus opi- “  
bus fregerit; tum etiam longinquam, “  
ac dissitam eam regionem ærarii vora- “  
ginem quamdam sepulturam Imperii “  
tam cruento, tam sumptuoso tenere “  
bello, quàm in pace quoque dimitte- “  
re, & à reliquo Imperii corpore segre- “  
gare, quod expediat Hispanis, nec ab- “  
surdè plerōsque censere. Huc accede- “  
re amentem quemdam, & furiosum “  
militiæ gerendæ morem, belli Oliva- “

„ rius dum se magistrum , & arbitrum  
 „ iactat, qui nunquam militiam attige-  
 „ rit, simul consilia, atque iussa militi-  
 „ bus statuit, quæ in longinqua loco-  
 „ rum, ac temporum spatia ad effectum  
 „ recipi debeant, cùmque sapissimè in  
 „ bello ita fortuna pro agendarum re-  
 „ rum ordine variet, ut rata paulò antea  
 „ consilia, actiones, motusque hominū  
 „ in acie ipsa, inter arma corrigere oport-  
 „ eat, illius seris, inversisque consiliis, &  
 „ iussis, res interdum perditas esse, ac  
 „ meliores opportunitates corruptas,  
 „ Quid etiam dicendum de magistratuum  
 „ collatione, in quibus prudenter  
 „ impertiendis, quippe qui & oculi, &  
 „ Imperii manus esse dicantur, totius re-  
 „ giminis moles innititur? Constat  
 „ profectò per bonorum injuriam, ne-  
 „ glecto merito, ad Olivarii utilitatem,  
 „ & gratiam adeò impudenter officio-  
 „ rum, & munerum cumulos circumfer-  
 „ ri, ut illius amicitia unicuique pateat ho-  
 „ noribus aditus, inimicitia, aut levi in-  
 „ terposita quoque suspicione sit om-  
 „ nibus interclusio. Idcirco magnis cre-  
 „ bro exercitibus, classibusque præfec-  
 „ tos penitus belli, reique nauticæ ru-  
 „ des; curam etiam regnorum juvenibus  
 „ sæpè commissam præ ætatis ludibrio,  
 „ regiminis imperitia, vitioque naturæ  
 „ in æstu, atque ardore juventæ ad pra-  
 „ vas cupidines pronæ sibi non minùs,  
 „ quàm reipublicæ metuendis, aliis quo-  
 „ que nobilibus viris, sed egentibus are  
 „ alieno obstrictis, aut inhiantibus ava-  
 „ ritia, ut parata ægrè affectis peccanti-  
 „ busque; provincia inextinguibilem ferè  
 „ sitim, aut domum inanem ærarii, vel  
 „ expilatis pauperum bonis expleret.  
 „ Hunc autem seu voluntatis, seu intel-  
 „ lectus errorem dicas, adeò Olivario fa-  
 „ miliarem in quibusdam fortasse excu-  
 „ sabilem, aut minus perniciosum, in  
 „ Duce verò Bregantio prorsus intole-  
 „ rabilem, ac planè miserrimū extitisse;  
 „ illi siquidem regnum omnium opi-  
 „ nione affectanti, tanquam hoc, ut fa-

cilius assequi posset, & imperiū armo-  
 rum, & ærarii arbitrium concesserit,  
 quémque abripere Lusitaniæ, atque in  
 extremo aliquo Hispaniæ aut Italiæ  
 opus esset angulo statim includere, ut  
 cum Duce Calabriæ egerat quondam  
 Rex Ferdinandus, ex eplumque dein-  
 de ad Mottefumæ gentem Mexicani  
 Imperii reliquias transiit, arma illi in  
 manibus, pecuniam in sacculis, incen-  
 dio escam apposuisse, quæ auctoritate,  
 & pecunia publica armatus contra ip-  
 sum denique Regem converteret. Ex  
 tam fœda ergo, atque corrupta regi-  
 minis disciplina, quid mirum? duo in-  
 tra Hispaniam tam faciliè amissa regna,  
 tot in Belgio, tot in Insurbria, & apud  
 Indias etiam propugnacula ablata,  
 munitas simul excisas urbes, integras  
 regiones avulsas, ac perditas esse, in  
 utroque pariter mari plusquam du-  
 centas naves aut prælio victas, aut  
 tempestatibus laceratas, saxisque con-  
 jectas esse; cæteras sponte deficere ur-  
 bes, aut in se fluctuare, aut ab hostibus  
 vinci; terrestres, ac navales simul ob-  
 tritas in bello copias; nihil ratione, &  
 consilio, omnia animi ardore, atque  
 impetu agi seu teterrimo studio; rue-  
 re, flagrare omnia circa Olivarium ut-  
 potè cuncta ad exitium pro libidine  
 commiscentem. Super hæc premere  
 etiam Imperium pravum, & aliud Oli-  
 varii institutum in singulis scilicet re-  
 giminis partibus conferendis, quoniā  
 ab Hispanis simultatum, & invidiæ  
 certaminis causa jure multumque sibi  
 metueret, fidere nimium externis, dis-  
 fidere propriis, & præterquam quod  
 alienigenæ fidem ut plurimum nundi-  
 nariam, & fluxam habeant, eosque  
 gratis gentilibus anteferre rectè pars  
 quædam Tyrānidis à Politicis censea-  
 tur, quàm sæpè contingere, ut externi  
 hominis militari, seu domestico impe-  
 rio reluctentur indigenæ, quapropter  
 si advena felix, ac probus in ministere-  
 rio commissio fuerit, ipsius invidere

felicitati



„ felicitati fin autem improbus , mi-  
 „ nus ejusdem sufferre vitia , magis  
 „ contemnere imperia ; proinde recto-  
 „ re , ac perperam quoque rectis alio  
 „ alii suspectis , invisis , & ore atque  
 „ opere mutuò infectantibus se , tumul-  
 „ tusque cientibus , jura , & officia con-  
 „ fundi , rempublicam scindi . His ad-  
 „ dendam , & aliam politicam rationem  
 „ Hispanis olim suo temperamento sa-  
 „ lubrem , nunc autem stulticia Oliva-  
 „ rii , ut ea intemperanter utentis , in  
 „ Imperii labem , & maculam admo-  
 „ dum viciatam ac noxiam , multò vi-  
 „ delicet magis promittere , atque ina-  
 „ nibus verbis offerre , quàm posse re-  
 „ vera præstare , seu velle , speique fu-  
 „ gacis oblectamento , vel fraudibus  
 „ captos , vel saltem ancipites animo  
 „ continere Principes in obsequio , in-  
 „ gentibus quippe promissis , & quæ  
 „ ærarii mensuram & opes , & fidem  
 „ nonnunquam excedant , eousque  
 „ clientes , ac Principes onerasse Oli-  
 „ varium , ut arte delusa , jam pateat  
 „ fraus , promissa vincula officii fordes-  
 „ cant , nihilque satis jam credant in-  
 „ tegra sibi fide pollicitum Principes ,  
 „ quod non ore momorderint ; Ad  
 „ hæc schedularum tenore mercedis ,  
 „ aut præmii loco datarum , cum ne-  
 „ quicquam repetant Principes , quod  
 „ amplissimè sibi promissum fuerat ,  
 „ poscendo , instandoque denique fati-  
 „ gatos , irrisos , imò & exhaustos se sen-  
 „ tientes , tantùmque propè dum pete-  
 „ rent eos esse sumptibus imminutos  
 „ quantum ope crevissent , si id exe-  
 „ gissent , quod non exegerint , acer-  
 „ biora colligere odia , unde amor non  
 „ rectè quæsitus fuerat . Queri etiam ,  
 „ & graviter Principes quod sub Ora-  
 „ torum suorum persona contumelio-  
 „ se , nimisque ipsi superbè tranctentur  
 „ ab Olivario , nimirum in diem ex  
 „ die quæ prolatatis molestè colloquiis ,  
 „ quæ insolentia verborum , & per fal-  
 „ laces implicatis ambages oraculi mo-

re responsis , ac planè irritis , cum ve-  
 riùs benevolos eos , atque gratos in  
 primis Procuratores , & Oratores ha-  
 bere conducirer , dum iisdem studiis  
 Principes imbuantur , quibus affecti  
 Oratores in eisdem per litteras in-  
 fluunt . Quod si placeat ulteriùs ar-  
 cana Imperii attrectare , satis huc us-  
 que compertum esse , veteres leges ac  
 disciplinas quibus adhuc Hispanum  
 Imperium steterit , in ejusdem per-  
 niciem ferè omnes per Olivarium  
 rescissas esse , atque illam idcirco His-  
 paniam quæ antiquis tenendis , tuen-  
 disque moribus durior à rebus no-  
 vandis semper abhorruit , nihil am-  
 pliùs sub Olivarii ductu quàm no-  
 vitatibus studuisse . Duo hæc potis-  
 simùm à Ferdinando Catholico Re-  
 ge tradita , à Carolo Cæsare stabilita ,  
 & nunquam à cæteris postea Regibus  
 interrupta instituta videlicet sum-  
 mum Pontificem , atque Cæsarem  
 revereri , eorùmque expiscari , ac fo-  
 vere pro viribus gratiam niti , ut Itali-  
 cæ ditionis ab alio , Belgii , & Insu-  
 briæ ab alio securitas per utriusque  
 propinquitatem , & validas opes ami-  
 citia , ac fœdere teneretur , ita obser-  
 vasse Olivarium , ut ferè nullum in  
 præsens Hispania Pontificem nume-  
 ro Urbano magis infestum , Cæsa-  
 réinque imperturbabilis amor , Au-  
 gustæque duntaxat familiæ commu-  
 nio adversus multas offensiones in  
 societate , ac fide retineat . Horum  
 omnium errorum ex infecta tan-  
 quam radice , alia porò in Imperii  
 ruinam innumera prope capita pul-  
 lulare , cum alia ex aliis pravitates ,  
 & vitia , ut virtutes ex virtutibus pro-  
 fluant . Sed illud quidem haud mino-  
 ris esse momenti , quod regiam dire-  
 ctè personam vulnerat , perpetuis sci-  
 licet ipsam inescare blanditiis , &  
 amatoriiis voluptatibus pascere , quo  
 levioribus curis adstrictus , res tempe-  
 rare pertæsus Rex , plane Olivario se

„ totum addiceret. Quod si hujusmo-  
 „ di veneficia Philippi IV. acerrima  
 „ mens cum summa virtute, atque  
 „ constantia discutere potuisset. At in-  
 „ teresse Principem filium eò usque ata-  
 „ tis quanquam adultæ fraude Oliva-  
 „ rii assuescere viris prohibitum, egre-  
 „ giamque animi indolem, atque gra-  
 „ tiam inter scæmineas illecebras cor-  
 „ rumpentem; idque profectò per  
 „ quasdam occultas, & eò atrociores,  
 „ quò blandiores insidias petere caput  
 „ ipsum Imperii, ac longè plus ex pru-  
 „ dentium omnium opinione affligere  
 „ Hispaniam, quàm clandestina consi-  
 „ lia, ministrorum prodiones, clades  
 „ exercitus, provinciarum everfiones,  
 „ quippe cùm tota salus à capite pende-  
 „ at, hoc depravato, hoc lue veneno-  
 „ rum imbuto, læsòque nihil intactum,  
 „ & integrum à communi contagio in  
 „ reipublicæ partibus superesse. Nec  
 „ aliunde sanè hoc tam capitale, atque  
 „ execrabile malum nisi ex primario  
 „ introducto ministro, quem vulgò  
 „ privatum, ut itidem Olivarium ap-  
 „ pellant, in Hispaniam rempublicam  
 „ irrepsisse, quo negligente Rege, jam  
 „ prope torpente, otioso, irretito de-  
 „ litiis humanarum pro monstro rerum  
 „ Regi, regnòque imperitet subditus.  
 „ Hinc procerum, ministrorumque dis-  
 „ sidia uni ut majori invidentium, ut  
 „ impuro indignantium, perque calca-  
 „ tum Regem, & omnia prostrata regni  
 „ illum deprimere cupientium. Hinc  
 „ privati iracundiam, & nisi se susten-  
 „ tare cum Rege posset, Rege se exo-  
 „ neratum ad ambitionem, ultionem-  
 „ que replendam in regnum solum in-  
 „ vadere. Hinc tandem inverso regi-  
 „ minis clavo omnia fluctus, & gurgi-  
 „ tes absorbere. Quem præterea mor-  
 „ talium cupiditati satis posse frangorum  
 „ injicere, ut sine usu, sine rerum no-  
 „ titia Rege, sine populi studio, mar-  
 „ cido prope situ, & Imperii quasi cla-  
 „ dibus oscitante is qui plus valeat, aut

propior fastigio sit adeò injuriæ op-  
 portunum, imbecillum, caducum  
 non aspiret ad regnum? Induere pro-  
 fectò in terris videri Regem Divini  
 Numinis simulacrum, quod omnia  
 intra Orbem impellens, trahensque  
 & ipsum à Nemine impulsus, re-  
 ctumve altiori mente causarum at-  
 temperat motus, nexúsque commit-  
 tit, & rerum ordinem moderatur; at-  
 que verè ita illum in Orbe regnare,  
 qui immotus, ac fixus suo ipse circum-  
 agere arbitrio, jussúsque ceteros por-  
 rò ministros, non collegas Imperii,  
 subditosque conspiciat. Hoc planè  
 cùm ad regiam auctoritatem, ac su-  
 premi nominis decus, tum ad regno-  
 rum etiam utilitatem magnopere per-  
 tinere; nam quo ex tempore Hispa-  
 nia in privatorum potestatem offen-  
 derit vergere sensim ipsam, lentèque  
 devolvi quibusdam potentia quasi  
 gradibus occipisse; nunc verò præ  
 Olivarii temeritate, atque inscitia ut  
 malis antiquis fessam, ut recentibus  
 circumfusam eo præcipientem volvi, ut,  
 nisi hæc causa malorum, hæc causa  
 publici exitii, hæc fax funestissima  
 Imperii quamprimum summoveatur,  
 amplissimæ quondam gloriæ opibús-  
 que Provinciæ summus, excidium, &  
 vastitas finem factura proximè sint.  
 Talia se jussu Cæsaris, ut fidem epi-  
 stola faciebat pro sui ingenii medio-  
 critate Regi Catholico explicuisse;  
 summum se tamen Regis judicium,  
 mentemque sublimem in suis quo-  
 que recessibus latitantem venerabun-  
 dum in limine colere, ipsumque Re-  
 gem pro sua sapientia, atque peritia  
 melius, quod optimum factu reipu-  
 blicæ sit provisorum.

Hæc & similia Granensem loquen-  
 tem, subtristi, aut nimis severo, gra-  
 vique sed æquabili semper vultu cùm  
 Rex Catholicus tenuisset, subjecit tan-  
 dem. Perbene amoris, & gratia vi-  
 cem sibi pendere Cæsarem, quæque  
 utrique



utrique in eo negotio expedirent, suo tempore expositurum. His igitur sic per Reginam tantorum virorum auctoritate, & consilio firmatis, res porro accidit, & parva ipsa dictu, sed pro artificioso, aut incidentium, aut consularum rerum contextu major. Ad Regiæ facellum diebus festis ex more Regem euntem ostentationis, cultusque causa concomitari magnates solent. Nondum Olivario ad summum rerum arbitrium, & libertatem, ut postea accidisset, evecto, nec adeo insolenti jactatione potentiae, & plenioris gratiæ Regis inflato eò frequentes illi coibant, rari postea, ac difficiles, quia Olivario palam offensi, & quia consulto, sed cautè odia, quæ in animo illis contra Olivarium, jam inolescere incipientem, ebulliebant, vellent in re tam publica declarare. Retrò inde versa fortuna; atque in regiæ culmine gratiæ trepidè tunc hærente, ac propè pendente Olivario, eò usque imminutum consuetum erga Regem comitatus obsequium est, ut solemnī Christi die natalitio, vacuis magnatum in sacello subfelliis unus duntaxat Sanctæ Colūmbæ Comes Regi Catholico assistere visus esset, idque à nobilibus eodem tempore studiosius, quod opportunum urgendo æmulo videretur, in Regia in Status Senatu, in exitu Regis in publicum observatum, ita, ut idem Rex mirabundus Ludovicum Arum qui tunc secundum, Principem postea, ejecto Olivario locum in gratia Regis obtinuit, semel interrogasset, quæ tantæ alienationis ab ipso procerum, tantæque tunc circa ipsum solitudinis causa esset? Arus cum nactus occasionem libenter esset, velut Regis imperio satisfactorius veterem æmulum vellicandi, communes, & graves in causa esse respondit ab Olivario incussos abundè timores, & rigidas omnibus minas cur intima vota optimates, & clara fidei argumenta prementes cum dolore, ac

tristitia Regis conspectum fugerent, quo scilicet minùs argutas, & acres Olivarii suspiciones intenderent, perque ejusdem valdè subtiles cognitatas artes, in quo magis se vellent gratificari, ne eidem fortasse Principi displicerent. Sic aula per jocum, ubi tabibus erat animus inimicum maximè offendere sibimetipsis ab illo cavere jactabant. Quæ ut perfunctoriè prolata serena fronte, sed pectore anxius excipiebat Rex, alias ex aliis rationes, causasque quotidie nectens quibus propositum maturaret. Aliud deinde, acutusque commentum, ab inimicis excogitatum, quo fortius in Olivarium insidiarum moles urgeret. Larvati quidam homines noctu in urbe Segobia Prætoris in ædes irrumpunt. Hic eos fures esse, ejusque bona direptum nocte intempesta concurrere falsò ratus, de honore multo plus, atque fama, quàm de fortunis, aut vita pavidus, anxiusque supellectilis, asservatæque pecuniæ sua sponte claves inter ædium tu multum hominibus offert, salutem supplex tantummodò petit, inviolatam uxorem, & filia unicæ pudicitiam, ac florem virgineum intactum. Eorum tum unus haud quaquam nefarios sese latrones, aut maleficos homines esse retulit, neque auri, neque alieni profligandi pudoris eò se cupidus accessisse; verum ad arduum & perutile Regis negotium conficiendum, cujus impigrè gesti meriti, si dicto fideliter paruiisset, ipsum quoque Prætozem cum magna laude, atque præmio participem fore. Secundum hæc verba clausas quasdam, obsignatasque Prætori litteras tradunt cum mandatis, ut eas inscio Olivario quàm citò deponat in manibus Regis, gladiisque sæpè cervici, sæpè jugulo admotis, in ipsius, totiusque familiæ caput ruituras interminantur fidei corruptæ pœnas, nec prius inde abscedunt, quàm Prætor equum conscendit, & aulam Catholicam ver-

sus celeriter iter instituit. Evectus ad aulam Prætor Regem confestim adit, sui adventus causam, personatarum hominum scenam, horridas minas, & capitalia mandata docet, porrectisque clam Olivario litteris è vestigio Segobiam revertit. Cæterùm, ut maximè inepta, atque obcæcata semper humana malitia est, simul ne totum Orbem suis venenis immisceat aternæ mentis consilio, nunquam vel rarò circumspectæ prudentiæ comes, parum profectò abfuit quin hujusmodi, ut multo livore, atque felle resperis litteræ in regiæ eo tempore gratiæ, atque potentiæ summo Olivarium labantem, ac propè cadentem sisterent. Illæ quippè litteræ auctoris, absque ullo signo, & inscriptione solita nominis velut per insidias, & caliginem loquebantur. Fracta igitur verecundia, pravæque soluto studio, invidia ibi, turpis ambitio, effera odia, iræ spumantis illuvies, cæteræque malæ coherentes artes, dum vitia, & peccata Olivarii impudenter aperiebāt, suā quoque insitam turpitudinē denuciabant, & Rex, cui delicatæ mollisq̃ aures stomachatus tam putido stylo, & nausea quadam animi affectus inde clarius mente percepit, non merita quidem, non errores judicii, non reipublicæ detrimenta, sed potentiæ regiæque gratiæ fulgorem, ac speciem Olivarium allidere, tótque passim in illum æmulos concitare. Quidni hoc etiam fore de aliis, aliisque vicissim, qui in ejusdem ejeçti loco subrogarentur? Omnes ergo magnates vel imperii pari Olivario concessio gradu simul participes secum habendos, vel eosdem inquietos, seditiosos, res novas, & procellas, ac tempestates reipublicæ molientes, vel exoptantes, perinde quasi ejusmodi ab illis in speciem intenti tumultuosi prope regiminis forma, & gubernantium in turba confusio, nec usu foret asperior, nec majora reipublicæ detrimenta, ac pericula cu-

mularet. Criminatrix enim & cæca illa Regi reddita epistola præterquā quod in modo loquendi effusè procax, ac petulans erat, quamplura Olivario affingebat, ex triviis, & hominum circulis, atque insulsa collecta populi voce, quæ omninò esse falsā, aut mendaciis, & artibus picta noverat Rex, quædam etiam lividè interpretata, atque ex longe diversis producta consiliis, quæ adversa fortuna, & si rectè media delecta essent, iniquè torfisset, alia in majus aucta, simulque congesta, & quæ propè oculis notarentur invidiæ signata moribus; cūque ita passim impelli, urgerique Olivarium ab æmulis constitisset, Rex tamen cū paulisper animo fluctuasset, perstitit tandem immobilis in prima tacitè lata de Olivario sententia; quippè qui deliberati, fixique in re animi, clariora satis indicia præbuerat, unde ipse inconstantiæ, mobilisque judicii sibi certè accessuram timebat notam, quam ita execrari austero suo more, gravitatisque tenendæ studio videntur Hispani, tanquam in tanta varietate, & volentium ambitu rerum, quibus aptanda consilia sunt, pars prudentiæ nunquam censeretur mutatio sententiæ posset; deinde quod celsæ, erectæque mentis ministerium, & subdolum, atque ultionis ingenio præcipitem, jam rei, quæ in ipsum secretò çaleret, dubium, eamque indignè, ac molestè ferentem, si ulterius in fastigio sustineretur, minùs de cætero fidum, & contumeliæ quoque vindicè metuebat. Præterà & si in moribus, vita, cultuque Olivarii erant, & quæ amorè, & quæ odia simul mererēt Regis, in ea tamen virtutū, & vitiorum admixta indole, ea tunc illustriora patebant Regi quæ odiosæ affectionis expressa notis, ac distincta penè coloribus eminebant, postremò quia Reges qui solutum, & liberum rerum omnium arbitrium ob superbiam atque fastidium quasi apici innatum vehementer affectant



stant, alieno etiam hoc alligari consilio, atque ab alio, eoque minori cum imperio pendere, ac submittere se, & sibi quam sapere, & humanam imbecillitati, & necessario quoque felici quam ministro naturæ vitio subirascuntur. Hæc & taliavolvendo Rex quamvis lætarum epistolarum nequitia, & squalore commotus mutandæ opinionis incertus ac medius paulisper fuisset, eo animi tandem composito æstu susceptam semel sententiam in mente retinuit.

Hos æmulorum contra Olivarium conatus sequitur alius à Regina confectus, qui oppugnatum undique insidiis, ac prope labentem illum omnino prostravit. Erat in Regia fœmina quædam, nutrix olim Philippi Regis, ad id ministerii favore, & opera Lermani Ducis admissa. Anna Guevara, hoc mulieri nomen, ejusdem Ducis Florentæ gratia, cum regiis in ædibus moraretur unâ cum lacte prope transfuso Catholici Regis affectu, Privati sub umbra, & congruis honoribus valuit. Sublato deinde aulæ artibus Duce, ejusque ut semper accidere tacto capite solet, factione statim labefactata, membratimque convulsa; gratia quoque favorque Annæ capit ut cum Lermani fortuna complexæ dilabi, sedem in Regia tamen retinuit, & visa libenter à Rege hausti quondam lactis memoria pristini amoris, ac dignitatis reliquias apud Regem, & aulicos conservabat. Lermani pro imperio fastigium cum mox Olivarius occupavisset, cujus animum suspicacem, & ob gradum in quo excelebat, tuendum ad omnia trepidum, anxiumque illius Ducis clientes mirè perstrinxerant, partiumque in aula residua simultatumque scintillas prorsus extinguere in animo erat, Annam Lermano tanquam addictam, Regi percharam sibi propterea magis in visam Palatio per speciem honoris summovit. Longo post intervallo cum

iterum globus fortunæ volveret, fuerentque ac deficerent res Olivarii, hæc ipsa mulier annitente Regina, quod eadem sibi propter recens beneficium obnoxia, atque Olivario contumeliæ memoria maxime infesta facilius & fortius, ut admodum grata Regi conspiratura adversus communem æmulum foret, Palatio reddita est. Venit ad aulam mulier, ingentique factionis adversæ plausu denique restitutæ nutricis aspectus in Rege amorem veterem excitavit, auxitque illa etiam per artificia; nam aulæ perita moris senilique prudentia, atque arte supra modum instructa cautè cum partibus sentiebat, & permodestè utebatur favore Principis. Hæc itaque paucis post interjectis diebus jussu Reginæ cum ad partem ejusdem adium post prandium de more pergeret Rex, in vestibulo occurrit, ejusque prostrata genibus lachrimisque madentibus oculis ipsum de rebus gravibus alloquendi potestatem, ac veniam poscit, & impetrat. Inde ab Olivarii gubernationis initiis exorsa rudi, ac simplici fœmina stylo, regias qui fessas adulationibus aures ut plurimum magis oblectat, exposuit conculcatam, ac propè dilaniatam ab Olivario, ejusque sectæ mancipiis continuis vestigalibus plebem; nihil reliquum subditis esse præter nudum, vastumque solum, lacerum corpus, & miseram animam; eundem in terga, eundem in bona sævire, nullum crudelitatis, & avaritiæ genus, quod Tyrannus in subditos; victor in captos cives, homo in hominem inimicum edere impune, ac barbarè posset, omisum. Illusos prætereà speratosque magnates, totam omnino curiam suspicionibus, odiis, ac simultatibus esse scissam; quantum undique ab uno per probra, ac dedecora quarî; appendi inter infulas aurum; sacra, & profana cuncta misceri, & venum, aut immeritò dari; tantæque vehementia, & ardore cum vultu, & ani-

mo simul incaluisse, & plurima simul sermonis capita amplexa contra Olivarium foemina institit, ut Rex tandem effuso cordis secreto, retulerit. Vera dicis Anna, & remedium longo tempore mediatum brevi Imperium experietur, hisque dictis unà cum illa Reginae cubiculum intrat; ubi cum præter morem altiori velut cura defixus, vultuque & colore varius, ac tacitus se Rex contineret, eorum, qui aderant, mœsto quodam silentio, atque expectatione suspensis, ac pavidis omnibus, nemo audebat sermonem incipere. His porro artificii Reginae auctoritate, atque ingenio, eamque sectantium amulorum studio contextis insidiarum in Olivarium ordo processit; cetera, qua fide nobis tradita sunt, exponuntur. Reversus ab Aragonia in Castellam Catholicus Rex, cum inflator, vetusque erga Olivarium illa sensim detumescere gratia coepisset, excutique quotidie pudor, illum Senatus persæpè consulta, ac responsa de more ferentem quibusdam facetiis, acrique suffusis salibus felle pungeri coeperat; durius interdum, & clariùs eundem jam inepti, jam infelici, jam nimis audacis aculeo, morsuque carpebat. Ea tam insolita & verborum, & vultus asperitate, Regis fastidio, cum maximè perturbatus, & dolore animi affectus esset Olivarius pervolutabat, amplissimam, vividam mentem inesse Regi, sed contractum, abjectum, & humilem animum, similibus quoque viris pro imbecilli subsidio pectoris, simulationem, & altus naturam providam immisisse, quæ quàm retrusas utique haberent in Regis animo latebras, tempore, & usu satis sibi perspectum esse; nunc verò quasi repente mutato more se propè cogentem, suæque indoli vim facientem tam apertè, tam incompositè coram primario sese ministro, omni in fictione, ac verecundia seposita Regem frontem perficuisse,

quod priùs ne cum aliis quidem minoris notæ ministris gerere consueverat; quid ergo Rex aliud his fortè verborum, ac rerum ambagibus vellet, nisi Olivario tacitè innuere, ut spontè, quominus cum publica nota, ac dedecore pulsus denique videretur, aula, ac regimine cederet? Ceterum cum ea anceps res esset, tantique ponderis consultatio, qua nunquam profectò major in Olivarii vita incidisset, an scilicet ipsi in eo statu rerum conduceret dimissionem à Rege petere, propera quippe rerum sua desperatione, eaque præcipiti fuga, calamitatis quæ ei jam impenderet, & quam avertere tempus, seseque inflectentium rerum curricula potuissent, semetipsum fortasè auctorem, aut impulsorem constituisset, uxorem idcirco, quæ ingenium, & mores supra sexum gerebat, consuluit. Mulier in causa consulta, nullo pacto abeundi facultatem à Rege simpliciter esse petendam censuit, & his conjecturis adducta. (Mens enim "regia, dum suis implexa, & revoluta "consiliis, atque ideò in rebus etiam "exiguis extricatu difficilis sæpe com- "perta esset ægrè ei per se forsitan li- "cuisset hujus momenti rem expedire, "quam ex adverso ita incertam, & hæ- "sitantem, & exitum requirentem, "quidni metus, vel stulta illa cautio "per volutarii discessus petitionem ob- "jecta resolvere tandem, atque ad fi- "nem traducere valuissent, quique "ejus ruinam ita proximam cerne- "rent, ad ultimum impetum amulos "conglobare, ac vehementiùs acueret. "Anxium præterea ipsum Regis judi- "cium, & naturalis quidam implici- "tus animi motus per redundantem "modestiam, aut vitiosum quemdam "pudorem, dum lata consilia agita- "ret, in eodem persæpè Rege Catho- "lico præstitisset, ut alia ipse invitus "contra sententiam jussisset, molestè "quædam, sed voluntariè tamen su- "stulerit,



„ stulerit, multa quæ ei summè displi-  
 „ cissent, ore atque fronte dissimula-  
 „ verit, acrique stomacho deglutierit,  
 „ nec ideo ab ejusdem Regis conditio-  
 „ ne, notisque ejus moribus abhorre-  
 „ bat ab ipso etiam nolente ac repu-  
 „ gnante Rege in eo gradu potentiae  
 „ summo, ut idem hætenus pertulif-  
 „ set sustentari Olivarium. In rerum  
 „ exemplaliquere sane Olivario, quan-  
 „ plures regnorum Gubernatores cum  
 „ contumelia, ac dedecore tandem  
 „ amotos, quia nimis, æmulatorum  
 „ insidiis, & querimoniis vulgaribus  
 „ pavidi credulique abdicatione mu-  
 „ neris maluissent ipsi suspectam sub-  
 „ terfugere injuriam, quos tamen nisi  
 „ metus inanis, & inconsulta illa ratio  
 „ in celerem fugam dedisset, in eodem  
 „ fortasse regimine, & loco pudor, aut  
 „ perplexitas Regis adversus omnium  
 „ querelas impulsusque sustinisset. Suo  
 „ interim orbe, atque vicibus semper  
 „ inconstans, volubilisque fortuna cur  
 „ non Imperii tot eventibus luctuosus  
 „ satur, aut lassus denique posset fausti  
 „ aliquid immiscere quo animo Rex  
 „ erectus hæc tristia consilia poneret?  
 „ Quod utique unum acerbis ex mī-  
 „ nis, perpetuisque fortunæ ruinis in-  
 „ ductum ita inimicos adhuc extulerat,  
 „ ut Olivarium opprefferat. Tandem  
 „ pro certo sciret genium suum genio  
 „ Regis esse longè superiorem, nec fa-  
 „ tis arbirrii, animique ostendere Re-  
 „ gem quo prosterneret Olivarium, nisi  
 „ se ipse prius Olivarius aliquo pravo  
 „ consilio perverteret. Verumtamen  
 „ id consilii cum conjecturis, quæ fal-  
 „ lere sæpè soleant innixum in causa-  
 „ rum incerto pendeat, turpisque ex  
 „ altera parte expulsionis ab aula ter-  
 „ ror, & famæ dehonestamentum im-  
 „ mineat in tanto periculo constitu-  
 „ tum, fore utilius femina sensit, non  
 „ ingenuè, atque apertè poscere virum  
 „ abeundi potestatem à Rege, sed cùm  
 „ ipsum Regem conviciis, sive dicte-

riis, in quibus plus aculei, quàm le-  
 poris, aut salis esset fortè incessen-  
 tem audiret, hoc tum ille oblique, ac  
 velut fortuito sic interjaceret, ut hæc  
 missionis petitiæ verba casu potius,  
 vel regiae leniendæ iræ causa, aut sti-  
 mulo urbanitatis, quàm ex animo  
 expressa viderentur effluere. Hæc  
 quippè ex composito agenti quan-  
 tum consultu, factuque res asperrima  
 pateretur & obvio dedecori foret ef-  
 fugiū, nec suæ ipse cladis minister fu-  
 turus esset. Strenuè interim Princi-  
 pis iras, benefici tacitè, amici mode-  
 stè ferendas esse, posse odia tempus  
 absumere, aut in melius mutare. Lau-  
 dat uxoris hæc prudentiæ, atque amoris  
 monita plena Olivarius, isque oppor-  
 tuniùs paulò post uti in hunc modum tu-  
 lit occasio. Vere jam appetente ex hy-  
 bernis in Catalauniam moturus erat  
 exercitus, ingentisque Galli apparatus  
 longè, latèque diffusus rumor armo-  
 rumque strepitus circumlatus, gravio-  
 rem Hispanis multis jam antea belli ex-  
 peditionibus fractis, incusserat metum,  
 eoque Rex ampliùs de futuro parando  
 bello sollicitus scripsit ad Belli Sena-  
 tum, ( Regi enim quanquam præsentis  
 solitum scripto est Senatum, & singu-  
 los quoque Senatores consulere ) velle  
 se omninò scire tam lato belli terrore  
 sub Veris initium jam minitibus Gal-  
 lis, quas modo paratas, & validas ipse  
 Rex copias esset hostibus objecturus.  
 Ad hæc Senatus se planè hoc ignorare  
 respondit: alium etiam peculiarem Belli  
 conventum, cui Comes Monregius  
 præpositus esset, Olivarium constitui-  
 se, hunc porrò esse Regi pro suo offi-  
 cio satisfacturum. Idipsum subinde Rex  
 à Monregio Comite postulat, qui in-  
 terrogatus exposuit Regi, ex triginta  
 ferè militum millibus partim ferro, par-  
 tim inedia, vel morbo consumptis aliis  
 fuga, aut missione dilapsis, decem vix  
 millia ad bellum integra superesse, no-  
 vum ferè exercitum comparandum,  
 novósque

novosque passim delectus habendos, ad quarendam verò pecuniam eò usque Monregius abscissa, præruptaque omnia, ac spe difficilia depinxit, ut ira, ac dolore percitus Rex, non alius, sed ego dum res ita friget, addiderit in id quod tanti refert, incumbam. Vocat deinde Olivarium, proximique gerendi belli rationem, & modum ab eo sciscitatur, cumque ejus oratione iterum Rex in easdem difficultates, ac rerum tricas incurreret præter morem exacerbatus, atque ira in ore, oculisque succensus perculit Olivarium prope oscitantis, ac desidis maledicto. Is tunc, quod & mente prævenerat pedibus Regis affusus cum mœrore, fletuque. *Domine, inquit, si exilio meo, vel interitu, fortunam mitescere publicam, aut in melius fortasse vertendas Imperii res arbitraris, jube me rogo ne dum ejectum ab aula, sed etiam inter corporis cruciatus, atque extremas humanitatis misérias communem calamitatem explere, fatique rabiem exatiare.* Mollitus hoc miti, flebilique sermone Rex humi jacentem manibus sustulit, vultuque in speciem composito, facilius simul uterque, subdidit, belli negotia in posterum agitabimus. Porro ex eo recreatus, & paululum animo Olivarius erectus ad exiguam, eamque fallacem sibi spem intendendam illas in animo rationes aut ex monumentis historiarum, aut ex Principum indole repetebat, quas falso plerumque spes adulatrix, & vana cupiditas suggerit, cum improvise velut fulmine ictus spe rursus tandem, & animo concidit. Balthazarus Hispaniarum Princeps, qui acerbo post fato præreptus est, cum ætatis suæ annum quintum decimum ageret, adhuc disciplinæ civilis rudis, regiique splendoris, ac moris experts male educatus, ac pejus edoctus inter mulieres adolefcebat. Ægrè id Rex, & Regina passi sæpè inculcaverant Olivario ut separatam, ac certam in Regia statue-

ret Principi sedem, muliebrique consuetudine, & corruptelis abstracto convenientem familiæ pompam, & ornamentum Principe dignum instrueret. Olivarius tamen suis artibus fretus in re ipsa cunctari quàm maximè posset, & alias ab aliis dilationis, & moræ subnectere causas quarebat; regium enim adolescentem uxori Olivariæ traditum, ejusque dolo, & blanditiis puellarum amoribus innutritum, & manu fallaciter ductum, ut supra tetigimus, impensius Olivarius optabat ætatis flexu, ac temporis cursu enervatum, ac mollem. Porro autem filium ejus Henricum nothum obscuræ, atque ignobili vitæ confestim ereptum, ut Principis illum famulatio præficeret, & per hominem arctiori sanguinis sibi, nexuque fortunæ conjunctum, Principis aures, & aditus obsideret, cum magnis honoribus extulisset, usu temporis opus erat, quo ille privata, vitæque turpiter actæ sordes aulæ consuetudine absterneret. Inter has Olivarii fraudes, & moras, quibus redimere tempus rerumque occasiones arripere satagebat, Rex, quod spontè sua facere nunquam ausus hucque fuerat libellum Olivario porrexit, ubi illo inconsulto manu sua perscripserat Rex quos filii servitio delectos procures vellet, idemque subinde jussit ex libelli tenore familiæ amplitudinem præparari. Olivarius veteri audacia, vel affectata potius, qua occuleret metum, fiducia, decretos & à Rege ibi quoque signatos famulos paucos admisit, alios erasit ut moribus, alios ut natalibus impares, in quosdam sibi ipsi invisos & ideò magis suspiciosos petulantius, & acrius invehctus est, non aulico intra limites Regiæ præstito Principi obsequio, sed per emissum inde pedem ex libero ingenii, & consuetudinis usu internosci mores hominum dictitans. Nec sanè gravatè tunc illud accipere ore tenuis ostendit Rex; tracto deinde prolixius sermone



sermone cùm mentio quoque de sede Principis incidisset, Rex Olivarium interrogavit, ecquam ædium suarum partem, quæ satis deceret, pro habitatione filii Principis duceret? eam Olivarius respondit, in qua regius frater Cardinalis agebat. Quidni, Rex adjecit, elegantior, ac dignior ea pro Principe sedes erit quam tu id temporis occupas, ibi pater meus, ibi ego Princeps vixi, isque locus in Regia ex longo intervallo est magnificentiæ Principum constitutus. Sensit tum aulicas artes, qui satis in illis instructus ac volutatus erat, eoque verborum ambitu sibi per astus tacite innui, ut Regia protinus demigraret. Repentè igitur animo consternatus, atque attonito similis, cùm stupor simul ac dolor emissi trepidè verba in fauces revocarent, paucis, cursimque tandem ab illo se turbine explicuit. Bene monere Regem, properoque discessu se vacuum facturum Principi sedem. In cubiculum inde redit, ibique solus, & clausus, ubi horrida ea solitudo, mœstumque silentium colligere vires, contræctumque laxare animum dabant, secum ipse volvere cœpit. *Quid in super expectabo? Quid ultra experiri jam proftrato, atque afflicto licebit? Odiu me Rex, urget Regina, conspirant undique proceres, conjurata ipsa quæque fortuna sevit, fatique impulsibus rapior. Faceffere modò Rex, meque aulæ abire præcipitem jubet, jam omnis extincta spes est; aut infamia, aut interitus mihi quidem in hoc discrimine subeundus; hic me, si restiterim, illa, si cesserim, consequetur; porro nihil mihi misero superest aliud, quàm quæstro quocumque colore, atque specie communi existimationi, honorique quantum ipsa ementiri nova calamitas sineret, providere.* Eadem itaque nocte, dum Rex cubitum secedebat, Olivarius ejus pedibus provolutus Regiam, ac regimen deferendi facultatem exposcit, ad rem ipse attritam laboribus vale-

tudinem, declivem ætatem suam, regiminis satietatem, solitudinis desiderium obtendens, omnia etiam sibi cum ætate senescere, & fluere quotidie, labique videri; ereptum, quod superesset occupationibus tempus vacandi animæ curis, meliorisque vitæ negotiis attribuendum esse. Rex adhuc similis restitanti, & neque id omninò probare, neque improbare præ se ferenti, hoc non negare se dixit, sed pro rei temporisque maturitate differre. Hæc suboscuro, & quasi implicita verba Regis, & quæ torqueri in sensum ancipitem poterant, ut credula nimis sibi levissima quodque spei aura statumque circumfertur ambitio nonnihil mœrore jacentè, & animo prorsus afflictum hominem erexerunt. Sic ergo inter spem, atque metum, & varias & invicem dissidentes cogitationes, & curas illa integra nocte Olivarius cùm æstuasset, prima ipsi denique lux dubitationem omnem exemit, tunc enim manu Regis in hanc sententiam conscriptos codicillos accepit. *Perge et citò Loëcii in, ibique se contineret, Rex donec liud, quod è republica duceret esse sta ueret.* Cohorruit, diras eas notas dum legeret Olivarius, non enim satis sibi, fore, crediderat, quod adhuc tantopere formidaverat. Uxoris propter ea consilium, aut potius in tanto malo solatium sollicitè quærens, codicillos quos ipsi Rex dederat, ad mulierem, quæ moram Loëcii tunc faciebat, summisit, adjiciens raptim veniret ad aulam, ibique simul jam leviôra hucusque cætera experti majora, & extrema remedia tentarent. Mulier ubi hæc intellexit supra modum attonita, & velut fulmine icta aliàs solertissima, & cauta, nunc coram astantibus non linguæ, non suspiriis, non lachrimis temperare præ nimio doloris ardore poterat. Currum igitur statim conscenso ab Loëccio ad

Regiam quàm celerrimè convolat. Videt ibi virum, primusque & mutuus eorum aspectus in uberioribus utrumque lachrimas solvit; eo mox lachrimarum impetu effuso cum aptiora inter se pro electione consilia discuterent, diùque suspensi, sollicitique quia malum hoc ingens memoriam excuteret mentemque turbaret, omnino hærent, & cunctarentur, decurrere tandem ad obsecrationes, missasque lachrimis preces placuit, si blando Olivaria sermone, fletuque Reginae fortè valeret, Regisque animos mitigare. Mutandæ sententiæ, novisque semper casibus esse unumquemque mortalium obnoxium, & feros etiam, ac ferreos animos non semel duntaxat mollire preces, scindere lachrimas consuevisse. Hoc illa consilio mœrore squalida, habitu inculta ore, visuque planè deformis Reginam, ac Regem separatim aggreditur, humique prostrata, lachrimis, atque interjecta singultibus voce rogat, rationibus etiam „ instat, Ne viri tot indefesso, ac diu „ turno cumulata labore merita „ pantantur infami desinere exilio, neve „ innoxium ministrum ea iniquitate „ fortunæ, aut æmulatorum insectatione, „ & invidia tanto cum dedecore con- „ flagrare, si perfidiæ, si negligentia „ quoque, si voluntarii cujusquam „ erroris, & lapsus jure Olivarium „ convictum invenerint, quando ali- „ quid esset, quod morte crudelius, ac „ trucius excogitari posset id sibi in „ supplicium minimè recusare, sin accu- „ sare fortunam, aut sidera liceat, aut „ immutabili lege ratum factorum dis- „ solvere ordinem, aut eorum in ho- „ mines, si fas ita dicere, culpam „ transferre, fœti hujus criminis, mul- „ tò magis, quàm Olivarium fore pro- „ fectò participem Regem, cujus oc- „ cultis auspiciis Imperii moles tem- „ peraretur. Proinde iræ ne tantum „ aut vulgi quærelis indulgeatur, ut

ira, & invidia potior consilio, & „ ratione habeatur. Jus legis, quæ „ nec vili, & abjecto, ac summè ino- „ pi denegatur more suo agat, per „ quam Olivarius criminibus absolu- „ tus pristinum locum retineat, vel „ aliter jugulatus, ac sævissimè tortus „ meritas pœnas rei publicè solvat. „ Hanc mulieris orationem lachrimarum subinde fusus tanquam imber ex- cepit. Rex porro illam quanquam fletu, & lamentis, & contorta quoque argumenta iterum repetentem absque responso reliquit. Regina verò, quod tot rerum adversarum experimentis, inquit, populi afflatu, hominum, Divorumque consensu, tantæque omnium concordia sancitum fuerat, mortalium quemquam rescindere nefas duceret. Tunc Olivarius uxoris desperatis auxiliis cum omnia ad præcipitium sibi tendentia cerneret, nec esset ubi pedem in lubrico figere posset, vertit se tandem ad Ludovicum Arum ejusdem sororis filium, quem & si satis ipse sciebat, imperiosè, atque asperè primum à se aspirante fortuna tractatum, & graviter etiam sibi æmulatione gratiæ Regis offensum, sordida tamen, ac fœdè projecta semper ambitio eundem ad Ari pedes reverentem, ac supplicem hominem traxit, ut triduo per eum in Palatio morandi spatium sibi daretur à Rege. Ad rem adornabat grave famæ suæ, grave communi familiæ fore, si in tanto collocatus fastigio eo præcipiti cursu aula extorris amandaretur, facilius, ac mitius profectò futurum id temporis supplicanti, vel prætexendæ injuriæ, vel animi confirmandi, vel componendæ rei domesticæ causa permitti. At revera per hæc effugia vir eruditus, aulaque prudens factu rei duræ, sibi que nimis acerbæ fallacia intervalla temporis connectebat, quippe quæ res improvisas, ac magnas per momenta ferè singula soleant in



in mundum, qui ex volutatione perpetua dicitur Orbis, inducere. Rex in Ari petentis gratiam eam triduo in Regia manendi Olivario dilationem indulgit, simul & publicis interesse consiliis, & quod regiae summæ clementiæ argumentum insigne fuit arcanos etiam, quos ipse vellet in regio scrinio ponere codicillos, alios pro arbitrio comburare. Plurima idcirco regnandi artificia, & Principum sacramenta, quæ fas non erat lucem aspicere, ignis absumpsit. Conclavis secreti postremo clavem, extremæ fiduciæ scilicet pignus, cum tradere iussus esset, eam ille per Arum reddidit Regi. Postridiè colloquium à Rege petit; quo non seorsum, ut requisierat, sed coram arbitris dato, prima ab Olivario prolata Regi, verecundia, ac modestia composita verba fuere, gratias nempe Principi agentis, quod ille exortatus annuerit, effatam denique ætatem fragilémque habitudinem corporis in longè sibi expetitam, ac necessariam secedere quietem; eaque & similia quæ vel obsequio exprimendo, vel ejectionis ejus ab aula tegendo dedecori congruebant serena fronte, vultuque placido percepit Rex, cum verò ad ejusdem officia, & longa merita recensenda inflata quadam oratione flexisset, adeo elatè, ac superbè, & exprobrantis potius, quàm more obsequientis, ac celeriter verba volvens locutus est, ut horrida, ac plena jactantiæ verba valdè pertaxi fastiditque Regis clara in ore, & oculis signa, ac turbidas notas circumstantes deprehenderint. Ex his visis, compertisque fama protinùs aulam implevit, & inde foràs se subito effudit, jam cecidisse Olivarium. Porro incredibilis passim lætitia, & publica gratulatio, nedum antiquos Olivarii obrectatores, & æmulos, sed promiscuæ cujusque ætatis, sortis, ac sexus etiam mortales omnes affecit, & eousque luxuriantis communis lætitiæ sensus excessit, ut eo ipso Oliva-

rii casus populariter jacti die, plures constiterit insitiores non venum, sed dono dedisse merces, pretia quosdam rerum venalium imminuisse, mutuum per alios liberaliùs concessum, ab aliis conflatum aes alienum extinctum esse, cùmque paulò post Regem prodire in publicum incidisset, tunc nimia lætitia provecta plebs inter crebros subsultus, & corporis jactus, plausu, gestibusque soluta sibila, turbas, & voces clamando miscebat. *Vivat Rex; pereat improbus administrator.* Audientem hæc Olivarium, tantoque se hominum gaudio, universali que consensu opprimi, insuetumque similia pati furor cum pertinacia subit, jam animo confirmatum per iniqua, per æqua omnia priùs experiri, ac tentare quàm Regia pulsus egrederetur, velle cum fortuna propè luctari, aut fati necessitatem abrumpere ambitione cæcus, & ira, atque odio corruptus, & æger animus apparebat. Reddit itaque ad Arum iterum supplex, & vultu animoque sordidè abjectus, ac tristis, varias fraudes, astusque per verborum ambitum nescit. Docet nec sibi conducere, nec si ei etiam permissum esset, velle diutius in Regia consistere, omnia jam ibi obtinentibus æmulis; in loco per se præcipiti, ac lubrico multò minùs stabile quidquam, aut tutum afflicto, & undique circumvento reliquum esse posse. Aliquantulum moræ, ac breviora pro discessu intervalla tantummodò petere se, ut ea per tempus deflagraret invidia; ut illæ passim in ipsum contumeliosè jactatæ raucescerent populi voces, tandem ne cum vitæ quoque discrimine in tanto ardore, atque impetu populi raperetur. Rogat igitur Arum, ut tridui alterius profecturo absque ullo dubio dilatio per eundem auctorem sibi à Rege condonaretur. Arus autem quem priùs in aula vigentem multas per artes à gratia Regis excusserat, in ipsum

modò versa fortuna languentem, & fractum haud recusabat deinceps indulgentiæ præbere speciem; ita sibi cōmodum esse ratus gerere morem suavi, mitique naturæ Regis, cui ut Olivario solutæ per omnium insidiarum illecebras ille totus jam imminebat, quemadmodum utile sibi quoque, at saniori quidem iudicio Olivarius arbitrabatur invidiosū à Regia discessum usui temporis, rerūque volventiū vicibus objectare. Proinde ex æmuli voto Arus cum Rege intercessit, ita tamen re comparata, ut cū Rex ab Escuriali quò venatū eo tempore vergeret, his tribus dilapsis diebus regressurus ad Regiā esset, in ea Olivarium minimè offenderet. Hæc quæ à Rege per Arū extorta prorogatio tēporis fuerat, præterquam Olivario, & ejusdē uxori, occulta cæteris erat. Inter hæc voluptatis prætexta causa, cū ad Escurialē se Rex ex composito contulisset, Mantuæ Carpetanæ Olivarius, loco suo quamquam præceps, ac postridiè ruiturus nihil tamen curis publicis intermissis in Senatu, in responsis Oratoribus dandis, in negotiis alacriter conferendis cū eundem habitum oris, inflationē, animique rigorem, & fastum omninò præferret, nec etiam in triduo prius constituto, atque omnibus noto Regia digressus esset, id adversariis tenebrarū offudit, ut gratiæ Regis plerique eum restitutum esse censentes, alii dispersi, alii ambigui, alii ora affectūsque mutantes quo novæ volvendæ subinde scenæ infervirent penè jam frontem, & animum præpararent. Percussa inter alios, & conturbata Regina præsertim, cui, & acrius ut à se potissimum agitata tanta moles institerat, tum ira, metuque anxia hujuscemodi litteras ad Regē absentē dedit.

*Periculosè, atque acerbè Regi hætenus licuisse execrato in eo publicè gradu, & honore sustinere Olivariū, sed ita nunc rebus affectis, & constitutis absque summo dedecore, atque periculo à se sustineri minimè posse. Exauros profectò indignatione, & iracū-*

*dia magnates cum se artibus Olivarii, ac regia levitate nisi torpedinem dicas, deceptos esse cognoverint: simul, & novis disfidiorum, offensionūque causis ob ejus frustratentatum excidium, adjectis, & omnibus notis, illum ut præpotentem, ultorem, invincibilem admirantes, utque belluam primò irritatam, & suis conatibus posse à relictam extinguescentes, in ea sanè posse consistia ruere, qua ipsa cogeret desperatio. Quid non etiam insaniere, a que ardere furore plebem, & passim tumultuari si stetitset impotens Olivarius, visurum Regem fuisse, ut vana spe illectam, inanique læticia irrisam? eam utique ipsam quæ more suo ceco rerum extrema soleat per avia, atque abrupta conjungere. Molestam rem esse cupere, inquietam eam expectare, turbidam autem spe arrepta repentiè devolvi. Utilius provisum in re tanti ponderis foret, nullam offerre mortalibus spem, quam temerè oblatam subito abscindere. Ad hac non regno deesse partes, nec partibus Duces, hōsque vulgò semel commoto, numero longè plures, quam in quiete apparuerint, turbulentos emergere, nec porro Castellam, quod sedes, & caput Imperii sit ab hoc crimine immunem ejus atavos comperisse. Hoc namque modo apud subditos Regem contemni tanquam rabido veneficio tabentem, ex quo læso ipse animo, capta mente, sensibus propè stupidis indita, & jussa clientis invitatus, aut libens accipiat: ex contemptu præterea prorumpere audaciam, ex audacia impudentiam, ex hac denique obsequii corruptelas, & fidei nasci, simul & cæteras regni pestes que miscent Imperia, a: postea funditus tollunt. Satis igitur, & regno, & ipse sibi consuleret, dareique operam, ut verè subditi se Regem habere cognoscere. Hæc Rex cū legeret, intellexit ut clam prolatae Olivarii profectionis ignaram ejusdem astutiis, ac dolis falsam uxorem eo tempore haberi: ea nihilominus vis rationum, & causa ex adjunctis ab illa explicatis acerbior adeò concussit Regem, ut rem quam celeriter maturandam esse statuerit. Die igitur*



tur præstituta, post triduum nempè delapsum, Regi, quo scilicet pacto secretò convenerat ad Palatium regredienti decem occurrunt primæ notæ magnates, qui fusiùs, ac præter solitum omnia colentium, ac venerantium obsequia in speciem Regi præstantes, fidem, & operam quoque verbis amplissimis profitentur. Miratus rem insolitam Rex, quid novi hoc afferret, Ferdinandum Borgiam, qui propiùs eundem Regem comitabatur, interrogat. Tum Ferdinandus pleniora illa obsequia, respondit, multò ante proceres Catholico Regi solvissent, is nisi fortè interpositus esset, qui corrumpere officia, & in eorundem, qui ingenuè obtulissent, convertere pestem formidaretur; Olivarium his verbis tacitè notans, quo tandem aliquando sublato, subditorum benevolentia, cultusque, ut par erat, in Principem statim refluisset. Cæterùm id quoque commenti ad eam rem solidandam aliis & multis sapienter adjectum est, cum Olivarii, uxorisque dexteritas tum Regis ingenium versatile, & longa utriusque possessione comprehensum, ac ferè medullitùs exploratum ne sententia caderet Rex, nihil omninò in tam arduo negotio remittere paterentur. Venit ad Regiam Rex, deque Olivarii protectione valdè sollicitus, id primum in vestibulo sciscitatur, cumque illum nondum abiisse, ut termino elapso pepigerant, dictum esset, improvise cum impetu Rex, & vultu, atque ira rubentibus oculis conversus ad Arum, me ne etiam invito, inquit, & reclamantibus universis erit animus Olivario diutius domi meæ permanere? Nunciantur hæc statim minacia Principis dicta Olivario, cumque alia, atque alia dies, notæque agitant, ordienti, & jam artificis, jam patientia, ac temporibus uso nihil ex sententia procederet, omnèque jam simul expressas, & nequicquam etiam consumptas artes, exhaustumque acumen illud ingenii cerneret, statuit

tandem fortunæ, ac temporì cedere, ac protectionem accelerare. Verùm enim verò perinde manentem, ac abeuntem more Tyranni pericula circuibant; in Regia quippe manentem hominem ira, minæque Regis urgebant, inde porro exeuntem metus gravior ex plebe ceperat, ne suo fortè illa néve alieno furens impulsu sese illi per iter infestam injuriis, atque ludibriis opponeret. Viam igitur quam jam necessitas cogeret, initurus, sic illudere plebi impendensque periculum subterfugere Olivarius tandem excogitavit. Currum ejus peculiari ornamento conspicuum, atque omnibus notum, aliòsque minores, quos esse itineris comites apparebat, Palatii apud ostium consistere iussit, ibique universo spectante populo longo tempore immobiles stare. Cum verò contracta vis hominum ingens, eoque major subinde confluens summo fragore, atque plausu Olivarium Regia digredientem videre avidus expectabat, tunc suos idem famulos jubet clam illos ascendere currus, qui erant in area oculis plebis expositi, ipse verò Olivarius per secretum Regiæ aditum alium ingreditur currum, sed pretio conductum, ac propè sordidum quò eum intuentes oculorum ludibrio falleret, citatòque ille cursu Loëccium, sed obliqua petebat via. Populus interim, qui diutius, & cum maxima voluptate illorum vehiculorum aspectu paverat oculos, ubi insignem Olivarii currum simul cum aliis suo moveri conspexit loco, tunc ornatus, & usus errore captus, vehique in illo Olivarium, id quod non erat existimans, rapida statim, confertaque multitudine incurrit, continuusque probris, clamoribus, saxis limphato similis currum persequitur. Jamque erant velamina currus crebris ictibus scissa, & rector, & vectoresque partim livida, atque contusa, partim faucia, ac dolentia ferebant membra, & ampliùs quoque insanire, atque furere effusæ licentiæ,

suoque ingenio tradita plebs videbatur, cum tantæ sævitæ, tantique erroris ut averterent causam ii, qui jumenta citius agebant, inhibent currum, vela subducunt, patet ibi non esse Olivarium, coorta irarum, saxorumque tempestas repente sedatur, illique tutò viæ reliquum prætergressi Loëccium tandem attingunt. Hic Olivarium inveniunt inter duos cœnobitas sedentem, quos ad solatium itineris sibi comites sumpserat, & quorum nunc ore, verbisque defixus, de fugaci potentia, de falsis opibus, de fumo, inanisque sæculi strepitu, ac fastu vera ille sed sœra documenta quærebat. A regimine, ac Regia per æmulum invidiam, adversæque fortunæ successibus inflammata, plûsque nervorum, & virium idcirco apud Reginam, Regemque nactam cum ita Olivarius ejectus, ac pulsus postremò fuisset, quod in lapsu non sua, sed alie-

na potestate imperantium plerumque contingit, rumor statim incescit, percrebuitque vi philtorum addictum sibi que tandiù illigatum Regis animum Olivarium per insidias continuisse; figuras idcirco veneficas, & ferales in Regem notas alias in conclavi, in Regiæ vestibulo alias inventas esse, nec certè unquam, in rem addebant, uni futuram subdito copiam, tanto imperio, ac fiducia loro velut adstrictum Regem ipsum circumfleendi, hic nisi altiori virtute coactus, ac diris quidem impulsus foret. Ita sanè quocordis contractio nimia, desidia illa, ac pusillanimitas Regis lateret, & ex eo quoque in suo crimine rimam inveniret invidia, odia in ministrum acriora constabant, cum iis artibus Olivarius natura mitem, ac facilem Regem devinxerit, quas supra nos memoravimus.







# D E

## BELLO LUSITANO


### LIBRI QUARTI

S U M M A.



**F**RANCISCUS Luzena Bregantii administer, egregie munus suum obit. Ei ab Olivario tenduntur insulae. Proditionis accersitur. Insons extremo, nimisque festinato supplicio tollitur. Bregantius acriora belli tractare consilia cepit. Arma hostium nedum expectat domi, sed ultro quoque in Castellam infert. Galli milites terrâ marique frequentes Ulisippone appellunt. Lusitania vires. Armorum imperium Vasco Mascaregno traditur. Anceps Castellæ rerum conditio. Sancti Stephani Comes copiis Castellensibus præest. Exercitus Lusitanus ducitur ad oppugnandum Valverdis oppidum, ab iisdem aliàs incensum, & ab Hispanis restauratum. Caput oppidum funditus diruitur. Badajocium obsidere aggreditur Mascaregnus. Ratus fore obsidionem diuturnam, retrò copias abducit. Exauctoratur à Bregantio, & in ejus locum sublegitur Mathias Albuquerqueus. Novi Ducis initia. Alconcelum primo impetu invadit. Arcem capit, firmoque presidio munit. Villanovam petit, & occupat. Geldrius arcis gubernator, eam per honestas condiciones Lusitanis concedit. Eodem tempore, eodèmq; æstu res Lusitana in ora Gallaciam promovetur. Castelmeliorii Comes, jubente Bregantio, infestus Gallaciam intrat. Salvaterram furtim invadit, & expugnat. Rex Catholicus, summoto Navarra Priore, Cardinali Spinula armorum regimen desert. Amissi nuper oppidi receptionem illi commendat. Cardinalis inglorius & inanis Compostellam repetit. Braccarensis Antistes conjurationis in Bregantium initæ auctor, diem obit in Lusitania. Marchio Turrecusi, à Rege Catholico, ad Lusitania fines cum armorum imperio transfertur. Propè collapsam militum disciplinam restituit. Dux Lusitanus urbem Albuquerqueum adoriri decernit. Sed re infecta discedit. Turrecusi certam in hostem expeditionem precipienti, ptulanter obstitit miles. Antistes Badajocii Turrecusi furibundum, & ad Aulam iter parantem, artificio deludit. Monticium vastat Albuquerqueus. Molingenius Belga, urgente Turrecusi, conferit cum hoste pugnam, evaditque victor. Fractus Albuquerqueus redit in Lusitaniam, & falsò sese victorem profitetur. Santalexium capit Molingenius. Lusitani cujusdam militis furor. Rex Catholicus Turrecusi, ire Elvum ad oppugnandum jubet. Franciscus Melus Lusitanus magister equitum superatur à Molingenio. Ad urbem Elvum cum omni obsidionali apparatu movet Turrecusi. Terretur initio ferali omine. Locus, tempus, fortuna, cælum ipsum illius inceptis obstant. Famâ tandem ac viribus diminutus Badajocium redit. Se Magnatum Hispanorum quos Grandes appellant, numero adscribi poscit. Rex ea de re præter morem Senatuum

*consultis. Molestè fert Turrecusius hanc dignitatem non fuisse sibi attributam jure solummodo perpetuè propagandam. Militia missionem petit, & impetrat.*



## BELLI LUSITANI

### LIBER QUARTUS.



Ucris, Comitisque Olivarii ruinæ memoria dignum, ac triste gratiæ Regum aucupibus documentum, trucidior, & alia Ulisippone calamitas anno eodem interfluente cum Francisco Luzena secuta est, visusque omnibus Olivarius quasi jure cadendo est, falsi quondam impositi criminis meritis pœnas Luzenæ solvisse. Lusitania repente cum defecisset, fortè Luzenæ tam filius adultus patris negotia apud aulam Catholicam procurabat, cumque eodem prope tempore tristis in aulam nuncius, & Bregantium sublatum à populo in Regem, & simul ab ipso ad secreta consilii Status valida quoque gratia fuisse confestim Luzenam adscitum afferret, gravis injecta Olivario suspicio est, an ejus gratiæ, munerisque amplitudo in viro illo fuisset ætioris fiduciæ præmium defectionis conscientia partum, & an aliquid ipse rimari per filium in aula posset, quod patrem, aut alios fortasse illius conjurationis affines argueret. Olivarius itaque statim satellites misit, qui juvenem prehenderent, ædesque lustrarent, simul codicillos, ac litteras omnes, quas apud eum invenissent acervatim collectas exploratum ad se perferrent. Quibus impigrè rebus, sicut jusserat, actis, scriptisque cum cura, & studio percursis, nulla quæsitæ vestigia sceleris, quæ læderent quemquam, aut quæ vel crimine quemquam aspergerent, suspicionis notæ repertæ sunt. Ipsa Olivarius tamen cum chartarum volumina excuteret, in alba quædam incidit folia, nomine, ac manu duntaxat sub-

scripta Luzenæ, qualia frequenter, pro ut res improvisa, tempusque reposceret stylo exaranda solent ad extremam fiduciæ signum procuratoribus credi. Hæc alba seposita cautè, ac latenter Olivarius asservat secum ipse volutans illa si fortè quandoque corrumpi tum in Bregantii, tum in Luzenæ perniciem casu, aut consilio liceret. Post ubi plurima secum ea super folia volventi, agitati consilium tandem in animo sedit, vocat Hieronymum Mascaregnum, ejusque fratrem Marchionem Montalbanensem, utrumque Lusitanum spectatum prudentia, genere insignem, Regi, sibi que per multa interjecta pignora fidum. Ab his quasi per jocos hilariter sciscitatur, utiliusne esset Franciscum Luzenam perdere maleficio, an beneficio captare cum alterutrum sibi eligendi potestas in manibus foret. Militaria negotia Marchio, sacrorum ministeria Hieronymus exercebat, cumque mortalium sæpè consilia, singulorum conditionis, & habitus prope tincta colore, affectuque dimanent, ad eam Hieronymus sententiam inclinans quam decerpere misratio ex mitiori sententia poterat, officio, ac blanditiis petèdum esse Luzenam consuluit, Quippe qui omnium regni arcanorum pro suo munere particeps, si donis allectus, ac victus fidem mutando, ea fortè Olivario detegeret: quasi robore, ac nervo rerum per secreti effusionem inciso, ferè omnes domi, militiæque in Castellæ perniciem intenti fragiles, irritique Lusitani conatus forent. Multò præter ea amplius Rex esset Catholicus lucraturus clementia, & favore sibi Luzenam conciliando, quàm per ejusdem exitium amissurus Bregantius esset; nam ejus morte, & ea nefariè quoque accersita, Bregantio proditio



„proditionis per eum subeunda periculum, fructus autem proditi-  
 „onis spes cum ejus vita conjuncta interiret  
 „Catholico Regi; Luzenæ tandem in-  
 „teritus, addidit, si causa privata fie-  
 „ret, nihil sanè decorum, aut justum,  
 „nil vera, & Christiana virtute di-  
 „gnum intendi, sin autem publica  
 „hanc nullam extare causam, eo enim  
 „per fraudem intercepto ministro,  
 „alium subinde Status secretis succe-  
 „surum in Lusitania fuisse, & priori  
 „fortassè Castellæ rebus acriorem, in-  
 „festiorémque. Contra Montalbanus  
 „Marchio differuit. Ægrè videlicet  
 „virum illum prudentem, & cautum,  
 „& in gradu quem exercebat honore,  
 „& opibus affluentem, quacumque  
 „arte, sive illecebra laceffitum ad eam  
 „deliberationem venturum, ex qua  
 „non minùs pro repetenda sibi pro-  
 „missi fide, & alienigenæ gratia peri-  
 „culi, quàm in patriam commissa per-  
 „fidia foret. Ingens profectò donum,  
 „aut beneficium vim sæpè sæpiùs, qua  
 „circumflectere posset animum, & con-  
 „stantiam excutere, maximam conti-  
 „nere, modò ne gravi cum periculo  
 „jungeretur, nec majora incrementa  
 „labefactaret. Hic verò, & si verbis  
 „steritisset fides, quæ semper tamen in  
 „incerto promissionis, & spei, exitus-  
 „que futuri pendenda esset, amplio-  
 „ra, ac certiora quidem Luzenam, si  
 „in officio Bregantium circumvenis-  
 „set in discrimen conjecturum fuisse,  
 „quàm illa, & incerta quoque asti-  
 „manda, quæ incolumis etiam esset  
 „in gratiam proditiōis per Castellam  
 „consecuturus. Has inter difficulta-  
 „tes, & incerta consiliorum, unum  
 „tantummodò tutum, ac planè utile  
 „offerri, quod sapientia, ac virtute  
 „administri cùm imperii vis, atque  
 „salus inter regiminis æstus, jactata-  
 „que reipublicæ vortices maximè ni-  
 „teretur, Luzena fortè sublato, exe-  
 „crabilem fore Castellæ hostem, stre-

nuumque Bregantio adminiculum  
 defuturum, quo novum, & mobi-  
 le in primis, ac fluctuans Lusitanæ  
 præsertim indigeret imperium. Hæc  
 porrò ut feroci, cruentoque Olivarii  
 similior ingenio sententia, primæ quæ  
 mitior erat prælata est. Proinde in hunc  
 modum Luzenæ paulò post Olivarius  
 tetendit insidias. Erat per id tempus  
 Ulißipponē nobilis quidam vir Lusita-  
 nus maximè fidus, gratusque Catholi-  
 co Regi, qui Lusitani arcana Senatus  
 alia pecunia subducens, alia solerter  
 explorans cautè, per litteras sæpè sole-  
 bat ad Olivarium transmittere. Hunc  
 autem sive occulto naturæ quodam  
 præfagio, sive quia nonnihil fortassè  
 de ejusdem perfidia Luzena suspexerat,  
 cùm fortè in Regia vel alibi obvium  
 ipse Luzena quasi averfando refugeret  
 hominem, ille verò malè sibi in animo  
 conscius cùm etiam pejora, & inania  
 timeret, ex eo pavidus, anxiusque jam  
 de voluntario exilio, atque fuga cum  
 Olivario clam agitabat. Per hæc op-  
 portunè, ac lubenter cum Olivario  
 accidisset, fraude una contorta, explo-  
 ratoris, amicique salutem, hostisque  
 simul perniciem intendere, mittit ad  
 amicum Ulißipponem alba illa omnia  
 quæ Luzenæ manu subscripta, filiisque  
 subrepta folia apud aulam Catholicam  
 fuerant. Præcipit etiam illi, ut via du-  
 plici in posterum secretæ regni notitiæ  
 transeant, alia nempe assueta, atque  
 tuta, alia ex industria periculosa, quæ  
 eadem abdita rerum in albis Luzenæ  
 transcripta Lusitanos data opera offen-  
 derent, compertæque suo nomine, ac  
 manu obfignatæ proditiōis indices  
 litteræ exitium insonti crearent cùm  
 majestatis crimen affingerent. Subti-  
 liter docet etiam quo aculeo, quo sty-  
 lo, quo artificioso verborum pro so-  
 lemni figmento esset & rerum ambitu  
 usus, unde crimini horror, metus, &  
 ira Principi, perturbatio Judicibus, po-  
 pulo furor concitaretur. Alba hæc Lu-  
 sitanus

sitanus accepta folia, sicut ipsi mandatum ab Olivario fuerat, diligenter composuit. Recto mox itinere tanquam ad Olivarium summissæ de more litteræ, & in custodes transitus lapsæ, Bregantio statim remissæ sunt. Qui re improvisa, atrocique valdè perculsus, & animo percitus absque ulla mora de re ipsa consultum intimioris fiduciæ clientes accersit. Luzenæ ibi creditæ litteræ recitantur. Ea sacra liquet supremi arcana Senatus temerata atque hostibus prodita esse, quæ, & aliis, & ipsis qui aderant quoque præter unum Luzenam essent muneris causa recondita. Viscatis apparet captum illecebris hominem decus, fidem ac patriam, boni omnia civis, bonique ministri jura, & officia venalia apud hostes fecisse; manus præterea subscriptio, tempus, epistolarum contextus, res in speciem quasi fortuitò deprehensa, & per errorem oblata manifestè Luzenam, & graviter in re gravissima fontem assimulabant. Erat Bregantius natura, usûque cunctator, ac mitis ingenio, consiliique vigorem, ac vim in temperantia, atque mora ponebat, premere idcirco silentio tantisper cognitum scelus, ac suspendere poenam arbitrabatur, quoad fidos per homines ejusdem Luzenæ convictum, actiones, loca, congressus accuratè explorari cum tempore licuisset, ut aliis innixum, explicatumque crimen indicibus, & causæ gravitas prævaleret, rectè ita fieri decere pro summo ministro ratus, cui & malevolos cumularat fiduciarii ipsa muneris celsitudo, simul etiam è dignitate usûque Principis quoque fore, quem idem ipse extollendo, ornandoque invidiæ jaculis tanquam signum applicuisset, in eo, quo locaverat gradu, quantum ratio, & utilitas sinerent, pro viribus sustinere. Hæc meritò sentientem, annitentemque Bregantium evicit tamen consultorum, eorumque Luzenæ pariter æmulorum tristior prolata sententia,

fususque in tempore livor, multum illi metus incutientium, si manifestò perfidiæ sceleris, Regisque Philippi mercenario comperto clienti, jam cunctatius, ac mitius in crimine agendo, cum fortè rem præfensisset, elabendi dedisset locum. Hinc enim ad regna alienigena dedecus publicum evasurum primum scilicet è Status secretis ministrum jam impio facinore notescentem cunctatione, ac socordia Principis perfuge similem tandem elapsam, nec Lusitanæ quidem fore minùs periculosum si eo potiretur hostis, qui rationes, regni vires, consilia Principis, etiam mentis recessus calleat, & ea exteris nudaturus cum reipublicæ vulnere sit. Secundum hæc dicta Luzena statim comprehenso, & in custodiam impacto, res ubi illuxit, ingenti admiratione, & formidine admista propè attonita civitas stetit, hæc unde ludibria, insperatasque in hominem vices inconstans, & sæva quanquam repentè fortuna produxerit, quæ paulò antè florentem, & in culmine rerum, & gratiæ summè felicem, omnibusque metuendū, ac venerandum aspexerant, in momento velut transversa incurrente fortuna, prostratum, abjectū, squalore, ac sordibus involutum, juguloque restim per horas timentè conspiceret. Eodem quoque tempore Lusitanus Olivarii explorator alias paginas albas, plures enim abditas secum habebat, & alias etiam ad responsum confectas ab Olivario, quæ videbantur Luzenæ reddendæ, plenas omnes rerum novarum secreta maxima, quæque summo duntaxat patere ministro poterant, continentium, illa ipsa via, quia suspecta, & lubrica erat, emenso tempore, ac loco in Bregantii manus incidere procuraverat; cūque ita omnes eodem viderentur ordine litteræ, & gravius rerum propè concentu in interitum hominis consentire, à censura Status Senatus ad strictiorem judicii formam Luzenæ causa



causa transfertur. Res porro via juris agitur à Judicibus; indicia, & argumenta tractantur, quæ antea fuerant in Senatu Politico more discussa; Crimen atrox erat, causa omnino dilucidata; in suffragia Senatus ierat. Primum ergo colloquio vix adhibito Iudices rei capitalis Luzenam propè condemnant, & supplicium etiam accelerandum adjiciunt, cætera, ut consuetudini, ac legi potius deserviretur, quàm causæ velociter expediri. Tale enim erat fraudis compositæ acumen, & versuta subtilisque nocendi per epistolas ratio, ut rem evolventibus illam, nec reo defensionis, nec amplius superesse Iudicibus videretur veritatis quærendæ locus. Ad hæc majestatis crimen urgebat, & ira Principis, & quibus mos est in aula ad alieni imitationem judicii, mancipatōque superioribus studio omnia laudare, aut promiscuè reprehendere. Laxa indè graviter causa, perturbata inquisitio, & arbitrium Iudicibus imminutum ex festinato quoque supplicio gratiam apud Principem sibi, plusum fore apud populum in illo negotio consentibus. Luzenam igitur Iudices arctiori custodia, ac tetracaligine inclusum conveniunt, & ab ipso requirunt, nosceret ne, quas iidem habebant in manibus litteras, adjectasque litteris notas? Hic statim porrectas sumit epistolas, intrepidè legit, hæret præsertim in subscripti nominis signo, plusque indignationis ipse quàm metus turbato præferens vultu, subscriptionem, respondit, suæ similem apparere, litteras neque à se, neque ipsius jussu scriptas, neque subscriptas esse; impiâ se quidem, ac validâ fraude peti, eamque dissolvere, ac prodere statim in lucem ad ipsos Iudices pertinere. Memoriâ effluxerant fesso occupationibus viro, alba quondam negotii causa filio commissâ folia, vel illa fortè crediderat, quod ita occasio tulisset, in aula Catholica tradita: illas idcirco fi-

cticias notas, fraudulentum verborum tenorem, & nefarium omnino commentum existimabat. Cæterum cum apud Iudices parum valere soleant quæ vulgò fontes afferunt sui purgandi gratiâ, nisi ea summam cum vero habeant similitudinem, eaque levis, ac frivola in speciem responsio Iudicibus videretur, cumque ex adverso indicia, criminisque argumenta tum connexa inter se, tum in se valida viderentur errore humano, verique similitudine capti Iudices perduellionis, ac majestatis reum Franciscum Luzenam pronunciant, quem subinde quanquam infontem in ipsa cura, & labore egregiè sui muneris obeundi extremum, nimisque festinatum supplicium sustulit. Iniqua profectò, eaque vetus sententia Principibus stetit in majestatis noxia, Statuisse, ut appellant, materie, minus poenam ad infligendam disquisitionis exigere, eoque persæpè judicium, & causam præcipitare, his planè ignorantibus, aut fortè imitari dedignantibus Numen, cujus supplicium fero, claudoque succedere pede dicitur quò iidem exemplum rectæ justitiæ traderet.

Sublato Luzena, acriora Bregantius belli subinde tractare consilia cœpit, jam animo erectus, ac fixus nedum arma hostium nolle domi expectare, sed ultrò quoque in Castellam inferre. Moverat Principem eo tempore satis comperta hostium in hac contemptim moderanda militia quædam segnities, & animi torpor, ex quibus noverat alios tunc avaritia præcipientes re nundinaria pro bellica uti, scortis, & otio alios, aut rapinis implicitos, Ducēsque quorum ea vindicare, ac revellere vitia peculiaris oneris esset, suo quoque exemplo firmare. Vetus præterea ex segniori illo modo gerendi belli Bregantio suspicio quotidie magis ingravescebat, quod Hispaniæ pro Lusitania recuperanda magnates obprivata

privatas suas rationes deficeret animus, sive fides, sive ipsa augendæ reipub icæ ratio; simul & ipse longa experientia didicerat, multò profectò floris, ac roboris minùs Hispano subesse Imperio, quàm fronte, aut garrula fama, aut terrore, apparatusque minarum ostentavisset. His accesserat argumentis nunc solito major exercitus copia Lusitanis, Gallisque militibus misti, qui terra, marique frequentes Ulisipponem eo tempore appulerant. Horum autem Gallorum militum dolum, quo hosticum solum impunè pedestres longo spatio quamplures emensi sunt, ut solertia, atque audacia simul insignem, inferere placet. Rex Francorum icti federis gratiâ plures conscriptas in regno cohortes convenire Rupellam iusserat, ut paratis in loco navibus socio, & amico suppetias laturæ in Lusitaniam trajicerent. Verùm ut Gallica gens, bellandi, suâ indole, cupida est; nec absterret solet periculis soli peregrini adeundi, delectu per Regem in Gallia passim indicto longè plures Rupellam confluerant milites quàm Rex designaverat aut capere naves poterant. Igitur cùm à portu plenæ militibus naves solvissent, vis reliqua militum gens in eo littore destituta, ignara consilii, eaque subtristis, & animo prope torpens ad arenam projecta jacebat. Consilium deinde post mutuo colla a ibidem sententias ineunt, ut cultum, & habitum mentientes Hispaniam pedibus superarent. Placuit idcirco indumentum, ac notas unere eorum, qui religionis, & voti causâ ad sanctum Jacobum peregrinantur, sacro tanquam vinculo obstricti, illud ritè solum cum solito amictu pergerent Compostellam. Ea illi mente per diversa, & obliqua viarum, ne multitudine proderentur, dissociati, distributique, erant enim ferè quingenti, animosius iter arripiunt, alii Italicam, Belgicam alii linguam, & patriam, mo-

resque jactantes, quemadmodum oris, & corporis lineamenta, & linguæ utum, ac sonitum figmento congruere per similitudinem apparebat. Horum nonnulli tandem Mantuam Carpetanam ingrediuntur, singuli publicè stipem peregrinorum more petentes. Hic fortè accidit, ut quidam ignobilis adolescens, ac penè puer cùm ab habitus ejus illuvie, motuque linguæ durum fundentis ignotis auribus sonitum abhorreret, more puerili unum eorum intemperanter jocosis probris, multisque facetiis incesset. Ad quæ vir militaris, & Gallus furis, & rabie statim correptus, quasi ad ludibrium, & jocum homine Gallo Hispanus superbus abuteretur, pugione tum, quem sub veste tenebat, distracto, ruere in Hispanum laborabat adolescentem, ejusque linguæ licentiam sparso cruore multare. Concurritur statim à multitudine quæ in via sive transitu erat; & primò impeditus est Gallus, ne interficeret fugientem, mox in carcerem raptus à satellitibus est. Ea re protinùs evulgata, tunc aulicorum memoriæ subiit non paucos hujusmodi incedere notæ per oppidum homines visos, narrabant, & alii, plurimos sibi dum iter facerent, occurrisse qui ejusdem habitus specie Hispaniam pervagabantur. Hinc portò administris fraudem conjectantibus hostium, regium subinde prolatum imperium est, quo alienigenæ ubique per iter cum hoc amictu, habituque deprehensi, & absque litteris assertitiis omnes in vincula truderentur. Hoc impigrè factum est, Gallique commentu hujus artifices supra ducentos per Hispaniam errantes inventi sunt, qui ad Mantuam Carpetanam pertracti ejus carceres impleverunt; feliciùs reliqui ferè omnes ad Lusitaniam elapsi jam novæ militiæ nomina dederant. Quibus auctus Bregantius, lustratisque de more copiis decem ferè peditum tria equitum milia recensuit, præter voluntarios, & honora



honorarios commilitones per agmina passim effusos. Armorum imperium Vasco Mascaregno Obidenſi Comiti traditur, huic auctoritate, & officio secundus Joannes Mendez Vasconcellus summus Caſtrorum Præſectus erat. Idem Bregantius, ut fiduciam acriorēque virtutis, & gloriæ ſtimulꝰ propinquitate militibus adderet exercitum ipſe cum optimatibus comitatus in regni conſinio ſubſtiterat. Caterum his belli nervis, & viribus ſi Caſtellenſes conſeras, longè quidem inferior, ac plane anceps Caſtellæ rerum conditio erat. Rari enim hinc pedites, equitēſque, quorum meliorem per id temporis partem aut morbus abſumpſerat, aut fuga diſjecerat, aut Catalauniæ ad ſe bellum abſtraxerat, reliquus miles otio, & laſcivia corruptus, iners, raptor ipſe prædando factus, & rapinæ proximus hoſtis. Præerat etiam hujusmodi copiis Dux propè imbellis, imperitūſque militiæ, Garaio enim ad Catalauniam cum armorum imperio tranſſato, ſucceſſerat optimo Duci Sancti Stephani Comes, vir ita ſane probitate, morum ſuavitate, modèſtia, aliſſque bonis artibus præditus, ut imperatoriarum valdè jejunis, & militariſque vacuus. In hoc ſtatu rerum exercitus Luſitanus ad oppugnandum Valverdem ducitur, idem ſcilicet oppidum ab iſſdem aliàs incenſum, atque vaſtatum, ſed quia propiùs objectum hoſtibus erat, & quaſi limitum propugnaculum, idèꝰ reſci, impenſiùſque muniri Garaïus curaverat, & Luſitanus ſuas ibi vires aliàs proſperè expertus, latius nunc jaçto terrore belli majora ſperabat. Valverdi ea tempeſtate tuende aderant legiones Italiæ dux ſub Joannis Baptiſtæ Pignatelli, & Franciſci Carafæ ductu; Pignatello, quia erat ſtipendiis, uſùque militiæ prior, onus tum illud deſenſionis inſtiterat. Huc Maſcaregnus inſeſtis cum copiis magno tumultu, ac ſtre-

pitu appulſus, cùm finitima quæque vaſtaſſet haud lento ſegnique obſidio, verum impetu, ac vi quamprimùm potiri municipio conſtituit. Belli ergo tormenta diſpoſita, ac frequentius exonerata, poſtquam primam labem, incisionēque muris indiderant, in eos conglobati tunc Luſitani ferociter irruunt. Nec ſanè minori ex hac parte conſtantia, atque virtute aggreſſores excipiuntur; vulnera paſſim, extrema pericula, cædes, & tam ſudoris quàm cruoris effuſio acerrimè utrinque intenduntur, cruentamque poſt pugnam feſſi, fractique Luſitani recedunt, ſuperiores exitu hoſtes, at perinde debilitati. Hoc militari quidem ardore, impetūque per triduum extracta oppugnatio Valverdis eſt, ſtrenuis videlicet iteratis contra muros tenentes aſſultibus, eòſque viciffim intermittente machinarum, exitiūque belli tormenti uſu, quò latior, ac tutior iis, qui irrumperè conabantur per ſtratas ruinas, & armorum, & hominum clades pateret acceſſio. Repentinus, ac fortes interdum incurſiones exeuntes oppido milites agitabant, quorum ſeu fortuna, ſeu virtus quam ſæpè ſuperior in his conſictibus extitiſſet, gravior tamen in victores, quàm victos cadebat felicitas ipſa certaminis, cum illis victoria paulatim vires imminuens, bellatorum, quàm maximè laborabant, inopiam auget, in his infortunio, & ex bello quoque farciendæ jaçturæ ſatis eſſet militum copia. Suſtinendi diutiùs itaque oppidi, quæ tenuis, & una reſtiterat Ducibus ſpes, externis duntaxat pendebat auxiliis. Pignatellus hæc Badacocii, ſupremus ubi Dux morabatur, enunciat, acceleratis præſertim ſe egeſſe ſubſidiis, ne ſerò poſt miſſa, ab hoſte fortè intercepta, vel irrita forent. Audit hæc Comes, nec illi tamen conſilium, nec vis, nec animus ad maturandum negotium in re tam præcipiti,

& aspera suppetebat. Itaque frustra consiliis terere tempus, increpare, præcipere, vocare absentes, novas velle conscribere copias, sic metu, segnitie, cunctatione rebus omnibus conturbatis, cujus profectò tergiversationis & moræ Ducis arctior, ac solito pressior jam municipii conditio intolerans erat; ficta ille tamen Pignatello respondit. Intrepidè ac strenuè Valverdem tuendo ageret, plena se acie subsidio breviter affuturum. Oppugnabatur intereà pertinaciter oppidum; nam majora belli tormenta incessanter excussa per altos hiatus ruinarum acervos ingentes ex disruptis, quassisque jam mœnibus statuerant; Has frequentes, & validæ sequebantur ruinas in labiles muros Lusitanorum irruptiones, cùm in tanta affluentium multitudine militum novi, ac vegeti continuè cadentes aut lassos per vices exciperent. In oppido contra perpetuus, multusque labor, exiguus cædi superstes, ac se ipso numero miles, ac fessus; oppidanus à prælio aversus, & palàm aciem, & arma refugiens, munimentisque passim convulsis, ac laceris, nuda, atque obvia Italorum objecta corpora, & magna ex parte vigiliis eneçta, cruore stillantia pro acie, pro mœnibus erant. Urgebat rem etiam Bregantii propinquitas per reiteratos nuncios Valverdis excidium sollicitantis, cui, & Mascaregnus gerere morem, & militarem simul laudem captare summopere intentus jam indixerat Pignatello, nisi in tempore quod absque dubio ruiturum oppidum esset, more militiæ traderet, afflictis post rebus quod nunc usui clementiæ præreptum foret, iracundiæ solum iri. Pignatellus igitur hæc postquam audit, & pariter videt majorem militum partem continua propè clade consumptum, nulla, aut saltem interpestiva ad extremum calamitatis adstrictis sociorum futura subsidia, hostem magnæ spei plenum, & virium audaci-

ter insultantem, assiduâque fractorum murorum labe plures per ruinas apertos irrûpentibus aditus esse, nec potè aliud ex ea pertinaci, cōploratâque defensione, quàm fœdiora servitutis ludibria, aut interitû rem prolatando quæri, duodecimo ab obsidionis initio die pactus est cum Lusitano; cum cladis ipse reliquiss, & armis in Lusitaniam contēderet moram in eo loco facturum, donec æstas dilapsa esset, vita oppidani, atque opibus integri, quocumque vellent egressi, ibi figerent domicilium. Utrinque constitit fides, oppidumque victor Lusitanus ingressus, ne rursus fortassè, ut prius contigerat, instauratum fines ejus urgeret, illud funditus diruit.

Valverde ita capta, ac statim eversa, ad famam quæ falsò tunc discurrebat hostilis exercitus adventantis cupidus Mascaregnus certaminis aleam experiendi eò movit cum omnibus copiis. Vano subinde rumore comperto, hostemque copiis animoque imminutum, ac trepidum, nec manus propterea conferre audentem murorum ambitu, & claustris protegere se, tum vel ob hostium contemptum, vel inanem illam jactantiam majus, quàm pro viribus certè poterat suscipere facinus visus est, scilicet Badacocium opulentam, & magnam urbem illius regionis caput, sedemque belli circumfidere. Eo porro improvisus eventus extra tormenti bellici jactum milite distributo, cingit undique urbem, vias intercludit com meatibus pervias, loco opportuno collocat equites, alias solutas, & vagas militum turmas ad fortuita designat, ingenti tumultu, inani fragore, affectatisque minis latè erant omnia, bellique aspectu horribili circumfusa. Urbanus interim miles pro mœnibus stabat, nec loco abscedere certus, nec cum hoste configere, nisi quantum urbis custodia, murorumque tutela sinneret; propugnacula quippe urbis, circuitusque murorum, copiarum quibus



bus intus egebant, supplemento Castellensibus erant, simul re ipsa minores, quibus aliter superabant, Lusitanorum vires ac nervos efficiebant. Idipsum cum animo volveret Dux Lusitanus vel ira succensum, & sæpius injuriis extimulatum, ac laceffitum, ab urbe detractum elicere ad pugnam nititur hostem, ac si res processisset, tunc murorum ab aliqua parte defensionem extenuare. Concuratio inde passim, rapinæ, vastitas, cædes agrestium, propinquorum agrorum, atque villarum incendia, omnia hæc miseranda, atque trucia ad iras exacuendas, frangendamque constantiam oculis hostium subjiciuntur. Propius deinde equestribus turmis immixtis tum armis, tum contumeliis, & probris petulanter ingestis, dum muro affideret, Lusitanus provocat hostem; sæpe etiam eò confidenter, & laxius Lusitani equites cursitando provecti sunt, unde, si erumpere fortè Castellenses constituissent, neque opis habendæ spes, neque regressui locus propè jam circumventis apparuisset; nihil tamen eorum cum Castellensibus valuit, ut improvidè irasci, aut loco ipsi moveri, aut quidquam incertæ vellent fortunæ committere. Sese vincebant, ut vincerent hostes. Tandem ubi Dux Lusitanus animadvertit cunctis injuriis, conviciisque jactatis, omnique malorum irritamento perculsis, ne prælio decernerent, seu irruptionem è mœnibus facerent abundè patientiam sufficere Castellensibus, diurnam fore præterea illius urbis obsidionem, & cum adhuc integra staret, universæ Castellæ opes ad ejus subsidia concitaturam rem in se duram, spe duriorè; longo, inanique labore occupatum, aut animo consternari, aut effluere, aut militem lascivire, hoc ille metu concussus, & ab urbis obsidione retractus, paucis hinc, inde pilarum ictibus cæsis retrò copias abduxit. Cæ-

terum fama ipsa constat si aliquot ultra dies Mascaregnus eo armorum objectu circumstrepere civitatem, obstringere obsidionem, atque interseptas tenere com meatibus vias institisset, præclarum fortassè facinus editurum fuisse. Tanta ex alimentis in urbe, re ipsa improvisa, atque imperitia cognita Ducis undique perturbatio, atque confusio erat. Hoc paulò post intellecto Bregantius, cui semper nobilium, quippe qui, & invidere sueverant, & fallere quoque fidem cum magna mercede poterant cum proditio, tum ambitio suspecta erat, eosque propterea in magistratibus honoribusque mādandis haud secus admittere, quàm præterire periculosum existimabat, causam sive causæ prætextum libenter amplexus Obidensem Comitem Mascaregnum statim exauctoravit, sublegitque in ejus muneris locum Matthiam Alburquercium, qui egregii primò Ducis, tunc honorarii militis partes in eodem exercitu agebat. Feralia verò strenui, novique hujus Ducis initia populationes fuere, ac villarum, casarumque ruinæ longe, latèque per Castellæ campos, agrósque productæ, postque multos excisos, ustósque vicos, & pagos, & prædarum, rapinarumque coacervatarum undique satis abstractum Alconcellum Alburquercius cum eodè exercitu invadit. Oppidum, situ cum esset, & munimentis infirmū primo impetu capitur. Supererat arx, quæ arduo, atque abscisso superposita loco, aggere quoque vallata, & militum satis munita præsidio, asperos, ac ferè inanes hostis assultus, longiorèmq; si ultra is institisset, futuram obsidionem præ se ferebat. Tumulus arci oppositus eminebat. Huc Alburquercii jussu majora subvècta tormenta supra trecentos emiserant ictus, at solo congesto, mollisque incidentes irritæ pilæ torpebant, aut falsiùs illisæ, atque elusæ ceciderant. Rei igitur difficul-

tate perspecta, capere tunc inter se versare consilia Duces, omitterentne incceptum, quia id nimis difficile videbatur, an hostium debilitati, bellique propitia, quæ per id temporis aspirabat, fortunæ confisi, in rem asperam ampliùs intenderent? Plerisque ibi censentibus Ducum, ut opus laboriosum, tractatu ne dum exitu durum, & quod non nisi belli munitionem, sociorum sanguinem, tempusque vanè conterere videbatur quàm celerimè prætermitterent, majori animo, quàm ex re ipsa concepta fiducia diffusus est Alburquercius. Etenim sive metu, sive viribus fractis, & suis munimentis passim inclusis, & circumfessis ab hostibus cum nullæ tunc, aut longinquæ, aut inanes sperari pro arce venturæ suppetiæ possent, occasioni, ac fortunæ incumbendum esse decrevit; multa, quæ aspera incaptu ab initio comperta essent, secundarum sæpè rerum auferre cursum, alia unde rerì minimè poteras in hoc ludo fortunæ feliciter expediri. Erat arcis Præfectus capti nuper ejusdem oppidi Dominus Franciscus Sotomaior, cui tanquam omninò rudi ineptoque militiæ, cum minitabundus, nec certè quò tenderet, exploratus per ea loca discurreret hostis, imposuerat Sancti Stephani Comes Legionis quemdam Instructorem, fortem eundem, ac veterem militem, qui illius inertiam, atque imperitiam in molienda defensione suppleret. Arx quoque abundabat rerum, & hominum copia, interitus, scilicet, fugæ raptarumque per agros ab hoste prædarum referta reliquiis, tum alimentis, tum belli munitione, ita ut nihil ejus justæ, tutæque defensionis eo tempore posset, nisi propugnatorum constantia, animusque desiderari. In artis igitur vallum, ut præceperat Dux, Lusitani ferociter impetum faciunt, idque subruere, ac lace rare omni industria, atque vi conni-

tuntur. At incumbentium desuper virtus, & pugnæ, locique iniquitas eos deterrebat, & maximè fatigabat. Dum enim ab arcis cacumine favillarum, pilarum, saxorum tempestas continenter emittitur partim ferro, aliis igne haustis, compluribus sauciis, ambustisque, varia hîc pereuntium, debilium, membrisque captorum forma, totiusque negotii miserabilis facies erat; qui verò sub arce pro vallo pugnantes stabant, superiùs à sociis adjuti, atque animo aucti commodiùs, & acriùs certamen miscebant. Biduo obstinato in hoc certamine absumpto, vicit postremò Lusitana pertinax virtus, ibique inter cumulos aliorum super alios cadentium, atque spirantium cum largius infecta redundaret sanguine humus, proditur vallum; qui illud tenebant paucis eorum ab hoste interclusis, aut cæsis, reliquis fuga dilapsis. Ita occupato, & undique infesso ab hostibus vallo, nova rursus occurrit laborum, ac periculi species, altitudo videlicet arcis, situs etiam, in quo jacebat, confragosus, abruptus, ascensu nedum ipse oppugnatu difficilis. Ducere idcirco cuniculos placuit, at his ægrè suffossis, & minori subinde perniciè quàm fragore, eò, quod essent loci cautes impervia, scindentibus se, propugnaculi tantum extrema pars, & ea quoque exigua dissiluit. Ita porrò cibaria, miles, natura situs cum satis superque firmarent arcem, quòd Præsidentem tamen ejus ignavum, armorumque obiecto quoque fulgore, ne dum acumine trepidum noverat Alburquercius, simulato terrore, atque inanibus minis, quem ferro, quem flammâ nequierat hucusque prosternere tum demum feliciùs aggreditur. Denunciat itaque obsessis nisi arcem, corpora, & copias in illa congestas tridui intervallo traderent, cum Lusitanis omninò, ut fatis tunc promittebat, fortuna favisset, fore, ut inter corporis cruciatus, & contumelias



tumelias omnia illi fœda, ac terribissima passi pertinaciæ pœnas exolverent. Ad hunc ventosum minarum strepitum cum formidine propè torpidus arcis Præfectus obriguisset, dum opportunè accessura sibi subsidia desperat, simul etiam pericula, minas incussas hostis, nequaquam re ipsa, sed ab impresso in animo metu, inanique ac fallaci Lusitani jactatione proposita pendit, postquam multas secum evolvit, ac fingit terroris imagines, spe omnino tandem animoque dejectus, ac fractus dedere hostibus aciem instituit. Idne modò committeret crimen, nè se, famam, & arcem, causamque Regis perditum iret, monendo, increpando, vehementer orando Legionis Instructor pro viribus obstitit, intèpestivam illam deductionem, turpem, execrabilem esse clamitans; ex ea tamen parte, quæ in regimine prævalebat, cum respublica claudicaret, hic ne impedimento dedecori esset, fœdè intra arcem commilitonum manu, sceleri causam præbente Præsidi, occiditur. Quo nefariè sublato viro, arx raptim, miles bonorum omnium congeries in hostis arbitrium, ditionemque concessit; & planè ut hujusmodi infidis, aut ignavis fortassè militibus dignum erat, omnes inermes, ac propè nudos, visu deformes, omnibusque militiæ ignominiis affectos jussit Dux Alburquercius in Lusitaniam transire, ibique usque ad anni labentis exitum commorari. Arcem autem ut satis validam, Lusitanoque propinquam regno retentam firmo præsidio munivit. Hujus arcis, oppidique jactura Igueram etiam, Chelesium haud sanè imbecillia, sed Alconcello finitima loca Castellensibus abstulit. Hostium quippe cruore Lusitanus satis aspersus, & secundis insuper rebus inflatus alia urens, alia raptans, prosternensque obviam illi nemine eunte, strage, ac terrore cuncta compleverat, ablataque paulò ante

vicinitas arcis, circumvivescentes municipales, agrestesque potentiori, ac propinquo nisi se dedidissent omnia invia, atque infesta illis factura fuisset.

Post hæc Alburquercius Villanovam, quæ Fresini dicitur cum exercitu petit. Frequens tunc erat habitatoribus oppidum, muroque duplici communitum, cum quadruplici quoque murorum ambitu arce, totidemque turribus septa, atque in edito sita loco. Præsidebat arci, atque oppido Franciscus Geldrius Tribunus militum, clarus idem, vetusque miles, secundo quem loco, & cum altera legione adjuvabat Franciscus Aguerus item Tribunus. Cohortes etiam ibidem admixtæ multique honorarii milites versabantur, huic enim oppido exscientia, & conjectura militiæ jurè modò timeri debebat. Etenim Lusitanus, aut subigere Villanovam, aut quæ recter circum habebat ingenti sudore, ac sanguine parta relinquere coge-batur. Rectus quippe oræ tractus ab Olivença ductus, & qui à Lusitano nuper ablata complectitur oppida ad Villanovam excurrit. Hanc toti regioni imminentem, continentemque fusus ab Arca determinat rivus. Proinde ea nisi victa, subjectisque locis adjecta, nec certa, nec stabilis hosti, quidquid oppidi agrique circumjaceret, possessio acquisita fuisset, omnia siquidem ipsa claudit, amnisque flexibus cingit. Huc auctis copiis, ingentique fiducia animi ubi primùm Alburquercius appellit, quatuor ibi tormentorum suggestus ad loci situm erigi jubet. Ludovicum subinde Silvam, & Antoniū Saldanium Tribunos militum binis legionibus sumptis ire alacriter in suburbia, eaque omni belli terrore, atque impetu premere jussit. Aggeribus septa Villanovæ suburbia erant. Hos milites Castellenses primò fortiter sustentantes cum situs angustia, debilitas valli, tum militum numerus in re ardua, atque aspera iis porro inæqua-

lis, difficilisque pugnae discrimen inferrent, plura passim excipiebant; quam infligebant hostibus vulnera, post ubi integer ille dies acriori utrosque certamine implicitos, astutusque fessos, ac languidos cum multo cruore ancipiti prope Marte distinxit, & jam ad tenebras declinabat, noctisque caecitas irritum oppressura certamen cum ceteris videretur, tunc Ludovicus Silva in suburbia primus irrupit. Clamor omnium repente ortus, perterritisque militibus, qui pro aggere passim pugnabant in ea perturbatione, ac tumultu statim Saldanius ex altera parte pervasit; victus pulsusque qui supererat cadibus miles, ad oppidi munimenta confugit. Sic per strata suburbia aditu moenibus patefacto, curandisque corporibus proxima nocte concessa militibus, prima luce Lusitanus alacrior in oppidi muros incurrit. Duplici, ut diximus, hi muri ambitu fundebantur, ibique tum oppidanus, tum miles in hostes simul obversi firmiori vestigio, acriusque pro moenibus vires intenderant. Ad tormentaria fulmina redit idcirco Dux, quae ictibus saepe contorta ubi latam anteriori muro impressionem, ac labem effecerant, crebrisque ductis inde ruinis per latera aperta fatiscere murum, sensimque dissolvi Alburquercius animadvertit, tunc dato militibus signo, ii celerius assiliunt propiusque manus cum hostibus conferunt. Cruenta erat utrinque pugna, at ipsa invadentibus difficilior: ruinarum enim interpositi acervi cum duriorem ascensum, ac vestigia prope lubrica facerent, & easdem super ruinas quia contiguae moenibus erant cum pede stabili regii milites inhaerent, facilius impediabant subeuntibus aditum, simul etiam hostes, dum quidam rudera complanare, aut scalis admotis ex alia parte, quae a ruinis; ubi pugna flagrabat, averfa erat, evadere in murum contendunt, alii etiam audaciores per gladios, per

ignes, elidentisque sese cum strepibus turbas in murum alterum enituntur, ferè omnes tamen, strenue tum incumbentibus Regiis ex primo, & altero muro expulsi, ejectique & alii alios suo quoque praecipitio trahentes ferro, sudibus, flamma variis artificijs effusa sternuntur, anteriori muro, quem plus animatus, quam permunitus defenderat Castellensis, penitus fracto, laceratoque, secundo plures per rimas fisso, nec longè ictibus duraturo. Diurnus hoc maxime modo consumptus militibus labor est, nox cum appareret, cani Alburquercius receptui jussit, dieque postera, ac subsequenti quiete jam fessis permissa militibus, tempus ille expectabat quo majora belli tormenta, quae perpetuo displodebantur, ampliori labe disruptos jam propè laceros aperuissent. Geldrius interea prior murus cum sefellisset, alteri verò ut semilacero prorsus diffideret, nocte, quae instabat invasioni futura proxima, cum viris electis sese recepit in arcem, imbelli vulgo, vilisque praeda, quae in oppido erant, hostium arbitrio relictis. Ubi illuxit, viditque oppidum Alburquercius omni praesidio nudatum, ac destitutum, hoc protinus occupat, diripitque, intacta sacra relinquit, viro- rum saluti, foeminarum pudori parcat, eosque fortunae belli jure tantummodo exutos inde aliò migrare coëgit. Arcis deinde quoquo modo vincendae moles sollicitum Alburquercium, nec desiderio minus quam cura, & modo expugnandi planè astuantem habebat. Multum ademerant illi fiduciae cum robur, ac nota firmitas arcis, tum impigri Ducis hucusque explorata constantia, virtusque; at propè tantum addiderant jam compertus numerus hostibus imminutus, ac fera, seu infirma Castellae putata subsidia; meliori itaque spe, quam formidine affectus, & quod vires deficerent per induriam



dustriam supplere paratus vocat ab Lusitania belli machinatorem insignem genere Gallum; multas simul moles obsidionales, atque ænea tormenta maxima & alia, quæ laboriosæ, ac diuturnæ obsidioni ex propinquo usui forent advecta, quæque ipse antea secum habebat, ad arcem summa ope expugnandam diligentissimè instruit.

Inter hæc Badacocium allatum est plurima simul amissa, alia excisa, atque exusta Castellæ oppida. Super hæc interversam Alconcelli robustam arcem, captam etiam Villanovam, ejusque arcem hostibus circumfusam ad extremum discrimen adductam labare, cùmque ita omnia, & alia post alia circa Principem urbem collaberentur, mœsta propterea, multùmque sollicita civitas trepidabat; ne festinus, victorque fortassè hostis contra ipsam tandem belli exitium, ac pestem verteret. Cæterùm Sancti Stephani Comes consilia melius, quàm arma, & species rerum quàm res jam ab initio agitare cum Ducibus solitus, pavidè quoque tunc consultando quærebat, utrum obviam extemplò esset arcis obfessæ periculo eundum, an cunctandum, reputandùmque potius, quod si reliquum id copiarum, & virium in conflictu fortassè superior omninò affligeret hostis, ea circumposita regio ferro, atque flamma nullo postea subveniente corrupta, ab omni clade bellicæ ruina eo usque minimè destitisset, dum eodem etiam incendio Badacocii civitas conflagrasset. Periculum itaque tantæ urbis cum illarum copiarum, & ita ut videbant, enervium opus tum esset discrimine jungere, atque attendere simul Villanovæ ne magis expediat arcis, an extremo, illa omissa, Badacocii periculo providere. Auctus eo tempore equitibus erat exercitus Castellensis, at peditum nimis quidem attenuatus. Id causam Duci adornabat extrahendi, aut liberius negan-

di flagitatas ab arce suppetias, velut defectu peditis, qui fortior omninò censetur militiæ nervus, infirmas. Secus autem Rivenfis Marchio in eodem consilio differuit. Non vallo scilicet Lusitanum, non aggere communitum, instabilem, vagum, nimisque sibi fidentem, aut quasi rem aspernantem ducere tunc Villanovæ arcis obsidionem, minori idcirco negotio, vel quia secundæ persæperes ut fluxæ, ac mobiles vertunt, vel quia non semper temeritas prodest, eundem fortunæ cursu, ac strepitu quodam jactantiæ potius, quàm consilio, aut viribus fretum intercipi posse. Multitudinem equitatus, quo ipsi tunc hostibus prævalerent, justæ acie, ac statario conflictu parum, sed aggrediendo, incurfando, impetum faciendo, & valere sanè quamplurimum, & minùs etiam periculi adire, idque maximè convenire habitui, ac sensibus hostis, cujus vi vim, & ferociæ ferociam, & contemptui contemptum opponere licuisset quemadmodum insanire quandoque & efferre quodammodo se sapientem addeceat, ut alterius insaniam obtundat; & cuinam, ille porrò incitator animo addebat, & ubi hæc per se certè non contemnenda reservabitur acies, si nostris impunè subjecta oculis jaceant hominum cædes, camporum vastatio, agrorum exultiones, excidia oppidorum, & arcium, omnia constrata ruinis, incendiis animalium, & hominum strage nostris auxiliis defraudatorum? & qui priùs Lusitanis, exterisque pugnando terrorem, & luctum ingerebamus per hanc cautionis modò, modò impotentia speciem, belli nempe ludibria, & quædam profectò timoris integumenta, quid inde futurum esse censebimus, si constiterit, nos nec Lusitanis inferre vim, nec ab illis quidem illatam valere depellere, scilicet nec

„ nostra tuendi, nec aliena petendi fa-  
 „ tis nobis adesse virium aut animi? In  
 „ eodem certè dedecore, ac rerum per-  
 „ nicie versabimur ipsi, vel hoc alii  
 „ ignavia, alii virium inopia, aut cau-  
 „ tione, aut nostra etiam perfidia non-  
 „ nulli contingere sentiant. Res apud  
 „ homines spectatur magis, quàm cau-  
 „ sa, & sive dextera torpeat, sive fides  
 „ in milite fallat, sive infesta fortuna  
 „ sit, cum attrita res fuerint, pro re-  
 „ rum jactura nihil, pro contumelia  
 „ nonnihil discriminis habet. Ideò au-  
 „ dendum, atque agendum; non pa-  
 „ triæ tutela, non belli triumphus, aut  
 „ ornamenta victoriæ, nec etiam dis-  
 „ ciplina militiæ socordia paratur, aut  
 „ otio, nec ad manus conserendas ex  
 „ æquo semper metiri cum hoste la-  
 „ certos oportet; ludit plerumque for-  
 „ tuna, superat animus; interdum te-  
 „ meritas juvat, ut in hoste quoque  
 „ perspectum est. Formidine in aula,  
 „ inter arma ubicumque quisque pos-  
 „ sessus, aut segnior, aut nimis agen-  
 „ do cautus, is ferè nunquam bonam  
 „ experiri fortunam poterit; adversam  
 „ ut sentiat æmuli, aut hostes per vim,  
 „ per insidias illum urgendo adigent.  
 Hæc Marchio Rivenfis cum ibi locu-  
 tus ferociter esset ad primam temperan-  
 dam sententiam, seu ratio, seu pudor  
 vicerit, Sancti Stephani Comitem tran-  
 stulit. Porro inter Duces convenit, ut  
 Regi Catholico statim rescriberetur  
 defectu peditum, atque pecuniæ su-  
 perbo, sævòque hosti, qui quacumque  
 iter faceret clade oppidorum, & igni,  
 ferroque calamitatis impressa vestigia  
 relinqueret, obviam procedi mini-  
 mè posse, nec trahi quoque bellum,  
 ni supplementa citiùs accederent, sine  
 majori periculo, ac nota ignominia  
 posse. Sancti Stephani Comes extemplò  
 Zafram, quod est oppidum Villano-  
 væ propinquius, accederet, Sabaciùsque  
 magister equitum cum omnibus copiis  
 sub hostis, arcisque eo tempore labo-

rantis aspectu, figeret castra; nec ideò  
 tamen cum Lusitano congredieretur,  
 nisi clariùs fortuna favisset, aut aliquis  
 fortè casus, qui aliquo pacto sufficere  
 videretur inopiæ illarum supplendæ vi-  
 rium, incideret. Inter hæc consulta, &  
 quia res cunctari prohibebat celeriter  
 etiam acta, Matthias Alburquerqueus  
 omni obsidionali instrumèto munitus  
 vehementiùs arcem diverberabat, nec  
 minori quidem ardore animi, ac studio  
 intus inclusi tutelæ sustinendæ vaca-  
 bant. Interdiù, noctùque majora belli  
 displosa tormèta ex magna parte quas-  
 faverant muros, cum hic verò qua-  
 druplex esset, & alia super aliam ruina  
 cumlaretur, stratorumque acervorum  
 obversæ crepidines surgerent, ipsa con-  
 tinuè cadentium, atque eminentium  
 saxorum substrata moles plus initio im-  
 plicatum, atque præcisum transitum  
 hostibus faciebat. Intererat quoque  
 fossa, quàm humo advectitia, sarmen-  
 tis, & collecto undique lapide implere  
 hostes conati sunt, at supernè demis-  
 sus ignis frustra annitentes quosdam  
 avertit, alios ambussit, nonnullos pe-  
 nitùs hausit. Noctis caligine tecti ad  
 fossam jungendam Lusitani pontem  
 construxerant, at idem impetus, im-  
 pulsusque sese collidentium in arcto,  
 atque in lubrico etiam errantia vestigia  
 loco plurimos devolverunt, alii & mis-  
 silibus desuper cæsi, alii per vim præ-  
 cipites acti. Hoc modo præterea &  
 tumuli lignei, & aliæ bellicæ inductæ  
 machinæ partim laceratæ, aut subver-  
 sæ, partim incensæ sunt. Verumtamen  
 ea sæpiùs, & acriùs quotidie tormen-  
 torum incussa vis, impetùsque cum  
 clade perpetua interclusos, arcemque  
 prosterneret, nisi citiùs subventum  
 esset extremam, certamque perniciem  
 jam omnia passis, aususque in illo ob-  
 sidio militibus obrendebat; primus  
 enim, & alter conqussati muri circui-  
 tus ruerat, stratamque tandem injectis  
 arborum truncis, ac mœnium frag-  
 minibus



minibus fossam transgressus, jam tertium, & ultimum acerrimè quoque Lusitanus pulsabat; suffoderat etiam cuniculos, qui cùm altiùs, latèque ducti, & à perito in primis artifice essent, ignis intus inclusa, suppressaque vis, complexisque silicibus oblectata, ubi victrix ac rapida tandem suo impetu erupit, munimento partim exciso, partim effracto, atque ultimo exitio proximo cum armorum, saxorum, hominùmque ruina stragem ingentem edunt. Ea nulla re major tot inter arctas obsidionis angustias, iteratèque assultibus plagas perculit Geldrium, cùmque ita sensim omnia arcis munimenta laxari, & omninò defluere, ac moenia cedere inciperent, eò ad ultimum devoluta circumfessorum conditio erat, ut non ampliùs tunc illos ambitio victoriæ sive arcis tutela premeret, sed salutis sollicitudo. Hæc tanta ruina, hic bellicus fragor, hoc prælium internicinum Sabacii, qui castra proximè habebat, auribus, oculisque proposita erant; ipse tamen imperii Ducis ejus ambigui, vel ita dolo compositi, ut pro successibus rerum improspere argueret, secunda probaret, ne infortunatus interpret esset, illic otiosus, ac deses excidii spectator stabat. Itaque Geldrius postquam neque ultra teneri aciem, neque suis ita rebus ad extremum labefactatis, subsidia, quæ prompta jam essent, accurrere cernit, uno & vigesimo post obsidionis die per honestas in primis conditiones semirutam prope arcem Lusitano concessit; mox cum reliquis sociis & armis, omnique militari apparatu, atque pompa Sabacii se copiis adjunxit; & planè quanquam eousque afflictis, ac perditis rebus, & ad omnem subsidii desperationem compulsis graviores exigere Lusitano conventiones desertis ab hostibus licuisset, insitus tamen virtutis fulgor, & quædam abdita vis, quæ utique omnes præter privatim in-

vidos rapit, quæque eximie spectata in arcis propugnatoribus fuerat, eò subegit animum hostis, ut iræ ac vindictæ loco gratiam, & admirationem acciperet. Postremò Alburquercius arcem, oppidumque refecit, militumque præsidio firmavit.

Dum apud Vectones sic aucta per arma res Lusitana pollebat, eodem ferè tempore eodémque actu rerum secundo in ora quoque Gallaciæ promovebatur. Huc ita jubente Bregantio Castelmeliorii Comes cum sex peditum millibus, equitibus verò nongentis infestus intravit, cùm regni ibi tunc & armorum imperium haberet ex Ordine Melitenfi Navarra Prior, qui summum postea ejusdem religionis magisterium obtinuit. Salvaterra opulentum in illo Gallaciæ tractu, & populosum oppidum est, primò frequentius à Lusitano depopulatum, ac moenium deinde fragilitate, ejusque præsidii, ac munitionis inopia dimissum. Tunc validius hoc oppidum erat, atque arcis egregiæ præsidio suffultum. Nobili quoque flumine Minio quod utrumque Lusitani Gallaciæque distinguit, rerumque usu, & commercio copulat regnum, proximè alluitur. Propinquitas ipsa cùm per mutuas, & crebras incursiones, abstractasque repetitis assultibus prædas multum negotii, ac periculi utrisque finitimis compararet, Lusitano cupidinem attulit illius oppidi potiundi. Porro autem ipsæ præteritæ passim inflictæ clades, tamque infesta vicinitas incolis, atque etiam discrimen, in quo idem oppidum versabatur Regem Catholicum admonuerant ita locum circumvallare, ut satis is posset sese sustentare, regionique adjacentia, & contigua simul protegere spatia. Quod, & celeriter mandato Regis effectum est, Salvaterræque præsidio Franciscus Picona cum militibus veteranis mille, ac ducentis impositus. Præsto ejus erant tutelæ quoque si agenda fortè res

res esset, inter municipum multitudinem quamplures juvenes strenui, pugnae gerendae habiles, emeritque milites; in ea enim regione praesertim copiosiores quam alibi habentur pro universo Hispaniae bello delectus. Haec secum reputans ipse Dux Lusitanus, simul & suorum militum paucitatem, quibus subnixus discrimen adibat invadere furtim Salvaterram decrevit. Nocte igitur intempesta transvectas ratibus copias, & ad fluminis ripam, quae binas distabat ab oppido leucas, expostas illuc celerrime ducit. Paululum inde progressis stationarius miles fluminis custos occurrit; Tumultuaria ibi confertur pugna; cedit denique Castellensis ut animo, ut numero longe minor, tum re inexplorata pavidus trepidusque illico dissipatus, ac fusus excessit. Hinc Salvaterram citato gradu contendit hostis. Tum vero à monito Praeside raptim ex oppido emissa agmina peditum, equitumque dum sine imperio, atque ordine, quod brevitatis temporis, ac noctis obscuritas impediverat, incompodata, & circumfusa manus per iter cum hoste conferunt, multa post vulnera accepta, fuscumque cruorem in fugam conjiciuntur. Sic patrefacta mucronibus via, cruentatis jam manibus, ac stimolata caedibus ira Lusitani ferociores in oppidum irruunt. Franciscus Picona, quem gravius in primis hujus defensionis premebat onus, tunc re improvisa, simul fuga, simul caede suorum, hostis alacritate impetuque perculsus, & animo percitus, ut pro tempore, nocturnoque tumultu potuit, in loci tutelam intendit. At Lusitanus eodem ardore provectus jam applicabat moenibus scalas, projectiorisque audacia nonnulli inter eos jam muros ascenderant, alii, & acrius in arctum enixi, & cum progredi non daretur in lubrico haerentes pendebant in muri margine potius quam stabant. Atrox ergo ibi certamen editur, cum

dura, atque aspera omnia extra illum impetum animi, conflictusque primi calorem Lusitanis objicerentur; Adest hortator, & cuiuscunque laudis, ac meriti testis, ac particeps ipse Picona, audacia opposita audacia, impetus impetu, & a quis utrinque propè viribus vis sustinetur, firmo ibi Castellensibus pede, obvio, atque intrepido pectore, per gladios quoque per fustes, confertis interdum lacertis pro murorum summitate luctantibus. Deinde cum etiam oppidanus armatus ad murorum defensionem conflueret; adjectoque subsidio Castellae militibus vis, & animus augeretur, jam imparibus opibus fracta, ac retusa tandem hostis ferocitas est; scalis partim subeuntium onere attritis, aliis à defensore dejectis, cumque maxima strage homines, arma, & scalae passim inciderent, & alii undique faucibus, afflicti supra, vel infra moenia sceddè considerentur, neque illo impetu capi posse oppidum videretur, remittere tandem vim Lusitanus laxare paulatim pugnam, omnes postremo à duriori labore, ac periculo abducere, quod requies, & esca fatigatis permessa militibus in majores subinde conatus jam concitatum & aegrè repressum agmen effunderet. Jamque stantes, armisque succincti perfunctorie sumpserant cibum, & hora quies arctior concessa militibus erat, cum rursus Castellae meliorius tripartito Salvaterram aggreditur, aliis subruere muros, ligneas aliis agere moles, reliquis manus diversis in locis cum hoste conferere iussis. Gravius quidem, & longè acrius, quam quae exacta paulò antè fuerat, haec nova pugna recruduit, assuetudine enim, audacia, ciboque refectae vires, & spe firmiore concepta creverat animus Lusitanis. Vario inde genere lethi, totque illa divisa locis eò foedior exarsit, ac multiplex pugna, ut miles vix unus esset à labore, à periculo, ab ictibus vacuus; nihil consilio, aut segniter agi; trahere



trahere cuncta, & miscere furor, ardorque belli. Tum verò Piconæ ad tantum effusæ cædis, martisque furentis horrorem, & cladem, ræque jam ad extremam calamitatem adducta, quid fieri tunc opus esset, incertus, & anxius animo fluctuabat; nam veterani plerique in primi conflictus ardore ceciderant; oppidanus cum nimia audacia, ac propè furore territus hostis, tum infueto, gravique labore enervatus, & lassus è muris partim effluxerat, partim ægrè tractabat arma, præterea cum oppidi munimenta recentè compacta essent, jam levia, atque fluxa, & hiantibus undique fissâ rimis ruinæ proxima vacillabant, & super hæc temerarius, & conatibus præceps eoque instabat, urgebat hostis, ut videretur esse illi victoria potior, quàm cruoris, spiritusque profusio. Dum ita igitur Lusitanus certatim in cuspides, globos, & vulnera ruunt, scalarumque passim, bellique instrumenta admoventur, & alii muros scindunt, alii munimenta revelunt cum omnia ruinarum, cedisque plena Piconæ conspiceret, nec oppidi excidium in tanta violentia prohiberi posse, nec prolatari, desperata postremo defensione, oppidoque deserto cum residuis militibus, municipibusque ad arcem evasit. Victor tunc Lusitanus Salvaterram ingreditur, prædæque ingenti ibi parta, & congesta contentus manum à sanguine abstinet. Unoque die cœpta est, ac finita memoria, & frequentia magis, quàm munimento oppidi celebris expugnatio. Postridie in oppositam arcem Lusitanus ex compito ducit. Diriguntur belli tormenta, quæ victis victor abstulerat hostis, fodi cuniculi incipiunt, ligneæ turres promoventur, obsidionalium machinarum jactatio, bellique omnis compositus terror oculis, auribusque in arce clausorum offunditur. Ceterum fœlicitas, virtus, celeritas illa perspecta hostis formidinis tantum cir-

cunseptis incussit, ut hi nihil temporis, nihil fortunæ, aut incertorum se perpetuò volventium in orbe casuum experti ad primam ostentationem terroris dedere arcem Piconam compulerint. Pactiones ergo deditionis cum per interjectas inducias componerentur, evenit, ut quidam miles genere Gallus, cui Violæ de Athis cognomen erat, arcis ad ostium fortè progressus foramina quædam inspiceret, unde impune ferire poterat hostis; studio deinde rem propius videndi, cognoscendique cum ille eò temerè accederet, hæreretque jam stantibus fretus induciis, tum à Gallæco gregario milite, eoque etiam rudi, ac stupido prope homine per eisdem hiatus fistula ferrea in corde transfixus occubuit. Hæc cum vidisset Lusitanus, quia facta æmulorum sensu rerum in deterius semper coacto, ut animo subicit livor, calumnia traducit, & quia in gratiam quoque Gallorum, quorum plurimi in acie stipendia merebant, ultio illa reposita, non errorem, non casum, nec stupidi unius, hebetisque militis ignorantiam in rei perpetratæ causa, sed tanquam insitam genti perfidiam per violatas inducias occulta fraude grassantem existimans, ubi primum arcis aditus patuit, quibus pacto vitam concesserat, trucidari milites iussit. Proinde incompoti, inermes, fallacique subnixi fide cum arce digrediuntur oppidani simul, & milites gladiis, hastisque subito excepti pauci diffugere, plures capi, plures occidi, plerique cæsi, aut vulnere afflicti alii super alios jacentes ingentem attollere stragem, & latè cruore diffuere, quivis ut cum hoc aspexisset pecorum lanienam, non hominum pugnam se aspicere arbitraretur. Sic utrinque exæquata prope modum cædes est, cum multò plures antea victores, quàm victos temerarius ille stravisset belligerendi modus. Postquam iram victoris tandem, falsoque

que conceptam injuriæ labem fufus abundè Regiorum fanguis extinxit, oppidani, qui priùs extra arcem fortè permanferant, feminudis ejeftis, arx, oppidumque à Lusitano retenta funt, ac præfidiis munita. De hac in Gallæcia inflicta fibi repentè clade Rex per litteras certior, fimulque follicitus, quod præ oppidi, junctæ arcis, amnifque poffeffione, gradum ex quo gravior deinceps toti provinciæ immineret, in illo regno fixiffet hoftis, Navarra idcirco Priore fummoto, ad Cardinalem Spinulam Compoftellanum eo tempore Antiftitem armorum regimen derulit, receptionemque nuper amiffi in Gallæcia oppidi commendavit. Erat hic illius Marchionis Spinulæ filius, cujus rerum in Belgico bello gearum gloria inter fummos ejufdem ætatis Duces effloruit. Caterum non ita fortuna, nec virtus in homines, ut fapè numero vitia, profluo genimine fanguine transfunduntur; Cardinalis enim Compoftellanus Antiftes octo ferè pedum millibus, equitum verò bis millibus ad Salvaterram recuperandam afumptis poft multum laboris, & ftudii nequicquam aggrediendo, pugnando, rem omninò intendendo jactatum inglorius, ac denique inanis Compoftellam inde repetiit; Eodem quoque vertente anno Sebastianus Mattus Bracarenfis Antiftes diem obiit in Lufitania, is fcilicet; ficut diximus, olim confpirationis in caput Bregantii nequicquam initæ auctor, & ob ampliffimum Sacerdotium, & infularum splendorem extremo fupplicio exemptus, ac perpetuo carceri mancipatus. Ipfum autem Antiftitem utrum natura, an veneno quæfitus languor, vel continentis horridique carceris mœror, fqualorque, ac fimul tædium, fatiæque vitæ ad fuprema compulerint, cum varias in caufa promant fcriptores fententias, eafque ut partium ftudiis affectas omninò fufpiciofas, nos parum

hucusque compertum habemus. Fuit ille fanè vehementis, acriorifque fpiritus vir, cuicumque fufcipiendo, tractando negotio dexteritate idoneus, diffimulatione mirabilis, animique virtute, ac robore par, fimul follicitus, impiger, callidus, laboribus indefeffus; pro fufstinenda verò Regis Catholici caufa contra illecebras inflexibilis, contra minas interritus, contra ærumnas, & contumelias animo infractus, ac prope ferreus; eadem fronte, eodemque vultu, ac perpetuo tenore vitæ, in utrâque fortuna ufus, fed circa vitæ finem, ipfi nifi febricitanti, & animo tunc fenfibufque præmortuo vis morbi, aut delirium mentem mutaffet, rationemque toriffet, vifa plerifque verus in illo constantia eft, perfpectufque animi nervus, extremique cum initio in fapienter operando connexio defiderari; nam fi in re quoque fufpecta Lufitanis credere liceat, longè diverfas à reliquo vitæ curfu cum propè metam attingeret, fertur Antiftes Bregantio miffæ preces, nimirum ferviles, abjectas, minimè dignas, quæ à cliente Catholici Regis, & qui fui quoque facti confcientia, ut fieri decebat, fefe fufstentaret, effunderentur. Dicitur enim paulò poft fpiraturus fubmiffè à Bregantio precatus effe, ne in funereo ejus lapide pateretur quærelæ notam infulpi, quæ ipfius memoriam pofteris odiofam, ac deteftabilem propagaret. Etenim multo in eo monito plus vifus eft hic tribuiffè vulgari, & erraticæ mortalium opinioni, quàm certo, ratoque confcientiæ judicio, vel non rectè jam pridem fibi contra Bregantium feciffè confcius adverfus legitimum animi fenfum rationis, & juris effractus ftimulos hebetaffe, vel faltem non fatis ipfum intellexiffè, viro bono, integroque nec vita functo, nec illa defuncto mali quidquam accidere poffe, ex qua levis, aut pravi fortalfè cognita labe judicii, ut rumor poftèa percrebuit, nec



Castellensium Antistes vitavit odia, nec Lusitani gratiam promeruit. Ita patientia intempestivè consumpta, vel aliam alia sæpè tradente sententia, stulta quædam oritur pœnitentia, qua laudabiliter gesta, & bonam adeptam existimationem corrumpimus, cùm satius profectò sit, dum multiformi opinionum errore, ambitùque & inscitia jactamur, quocumque te ratio, sive casus impulerit, modò ne veritas vincat, laudem constantiæ quærere.

644. Quarto belli labente anno, intensior, & gravior utrinque bellicus ardor efferebuit, Castellensibus propè indignantibus, quod rari, paucique hostes in extremis Hispaniæ oris inclusi fiduciæ tantum, & animorum ad conflegendum afferrent, & quasi videri pugnando vellent subesse conatibus animum pro veteri imperio superbum Castellæ jugum imponere. Contra lætis successibus tumidus Lusitanus per experimenta certaminis cæperat jam propè contemnere hostem, & quia ab Hispani Imperii amplitudine prima ipsi concepta terroris opinio jam inter arma fefellerat, eadèque quotidie opinio non desistebat denuò collatis expertisque viribus minui, nunc ad majora pro bello tentanda spes erexerat, animosque accendebat hæc etiam stimulabátque suis artibus Gallus, qui Bregantium paulò ante monuerat, validioribus copis ineunte se anno Catalauniam impetiturum, idipsum, & ille curaret ab Lusitaniæ parte geminatis opibus perfici quo asperiori, accipitque bello distractus, implicatúsque Catholicus Rex, aut utrique per arma succumberet, aut vires saltem utrinque remitteret. Acciderat autem sub idem tempus ut Gallica rates ad Hispanum per tempestatem impacta littus ob quassdam ibidem deprehenfas epistolas talia hostium consilia proderet. Hæc

porrò cùm sciret Catholicus Rex de utriusque regni defensione sollicitus multiplici cura præcipuè, ac deliberatione suspensus hærebat, quem Lusitano pro bello Ducem eligeret tanto periculo parem, tantòque oneri subeundo, satis, & ipse conscius non tam copiarum inopia, quàm Ducum suorum segnitie, atque ignavia ab Lusitanis hucusque præter omnium opinionem res Castellensium accisas. Erat per id tēporis acriori custodiæ addictus egregius, magnique nominis Dux Marchio Turrecusi Neapolitanus; nam orto inter ipsum, sanctæque Columbæ Comitem Catalauni tunc belli Ducem dissidio, ira cæcus, præcēpsque Comes in Turrecusi ignominiam baculum militarem percussuro similis extulit; quod Turrecusi filius ingentis eo tempore spei, florentisque indolis adolescens intuitus, iræ impetu abreptus in Comitem ruit, solo dextera afflixit, stratùmque impulsibus hominem, colaphis, pugnis, conviciis superincumbens exagitavit, confecissetque profectò jacentem eo quem eduxerat pugione, nisi à patre inhibitus foret. Hujus criminis reus, quod disciplinæ bellicæ ratio exemplique contagium re ipsa gravius efficiebat, scilicet quod causam dedisset jurgio, & quod filium initio juvisset supremo Duci insultantem, in custodia ea tempestate restrictus Turrecusi attingebatur. Attamen Rex Philippus ne in tanto Lusitaniæ periculo, Ducorùmque simul penuria, cùm & metus ab hoste, & militaris hominis laus obterere crimen per id temporis viderentur, in otio, & custodia languentem inclytum Ducem sineret, Marchionem Turrecusi ad Lusitaniæ fines cum armorum dominio transtulit. Id itaque muneris novum Ducem ingressum, idque alacriter gubernantem opinione in primis asperius offendit, vitia nimirum inter mi-

lres vellere quæ antecessorum ejus desidia in belli disciplina, atque ordine militari contraxerat. Solutus enim, mollisque miles, & à signis, & ordine averfus, ut supra sæpè commemoravimus, non blanditiis, non imperio, non injecta formidine, aut ullo dedecoris odio ab rapina, libidine, otio, bellicque oneribus aspernandis fatis hucusque coerceri, aut temperari poterat. Honores præterea gradus, & officia militiæ non ætatis, non valetudinis, non rectè factorum, aut enitentium merito cicatricium, longiorisve stipendi gratia, ut illa impertiri conveniebat, sed erant pleraque casu, aut pecunia, aut magnatum favore, ac beneficio interversa, devioque itinere parta. Novis idcirco militibus veterani, & juvenibus senes obediebant, & sæpè quoque multò minor ætate ei, qui plura, quàm ille annos, stipendia referret, imperitabat. Corruptellæ profecto omnes, pestesque reipublicæ, quæ celerius perdendi, aut jam propè deperditi Imperii nedum argumenta, sed & causæ revera sunt, cum nempe divitiæ, aut fortuna, aut nudus generis splendor, aut gratia interceptiunt regiminis gradus, qui primo loco virtuti debentur, nec ibi ætatis, nec ratio meriti habetur. Postquam igitur Turrecius preces cujusquam, & gratiâ merito post habendo, simplicique ornamento virtutis magna rerum conversione militiæ munia, & officia prudenter æquavit, frequentes & statim ab aula redditæ ad ipsum epistolæ sunt, procerum nempe clientes suos commendantium eosque ad inferiorem redactos ordinem esse querentium, quibus vir militaris tergiversandi, adulandive nescius ingrata, & aculeis contorta responsa reddebat. Pro illorum deliciis, vitæque illecebris conservandis, quas tanti ipsi facerent, tantumque apud aulam affluerent, in acie, in arena sese quotidie laboriosam, trepidam, sollicitudine ac stomacho plenam traducere vitam. Caverent idcirco ne inversa per

eos militum instituta, & militaris laxata licentia, & per hoc etiam laurea victoriæ porrecta hosti hujusmodi clades contra Imperium inveherent, quibuscum decus, & vitam ipse, regnum Rex, iidem corporis voluptates, & fortunæ indulgentiam, & copias simul amitterent. Mederi tempus multis erroribus posse, errorem in bello rapidum esse, & quem luctuosa, atque propera sequitur poenitentia. In commendatiis denique litteris urbanitati, atque gratiæ absque alia cura magnates, ut plurimum indulgere, illas executuris fidei, atque officio serviendum esse, quæ duo sæpè non convenirent. Hæc & alia Turrecius primariis aulae Catholice viris responsa libera mittens, ubi ignaviæ, virtutisque discrimen per distributa prudenter officia in exercitu posuit, & strenuis quoque expertisque firmavit agmina Ducibus, & quam sibi primum indixerat, lege corruptos deinde hominum mores composuit, brevi propè collapsam militum disciplinam restituit. Ad militum enim animos deducendos, & libidines temperandas Duci potissimum faciebat notior in illo religionis affectio, rei que divinæ cultus, ab omni libidinis, atque avaritiæ suspitione purus, & integer animus, quod capiti honorem, ac reverentiam, ampliorem fiduciam, & insuper documentum militibus comparabat. Ita igitur brevi exercitu confirmato subinde Turrecio delatum est. Apud Campomajorem arma milites, equos, omnemque belli apparatus studiosius, quàm antea fecerat hostis, ac celeriter congregare; novi quippè Castellæ Ducis auspiciis, ac nomen ingentem expectatione, metusque sollicitis curam intulerat hostibus, eoque prospero sibi cursu tandiu in bello fluxisse res, id præ inconstantia, ac varietate fortunæ etiam inter animi fluctus, & æstus pars suspitionis, & metus erat. Conjecerat



cerat Turrecius eo, quem tunc maxime intenderant conatu belli, consilium subesse hostibus, adoriri Alburquercium, ita vocatur Castellæ oppidum, quod brevi hoc intervallo à Campomajori dirimitur oppidum, ibique ut plurimum solent hostes belli armamentarium instruere, unde ut ex loco magis propinquo in alium commodius irruptionem facturi sint, & quod hoc ademptum Castellensibus oppidum propter acres, & mutuas offensiones quæ sæpè hinc & inde nunc latrociniis, nunc belli more finitimis incursantibus cum magno omnium incommodo exercebantur, subsidio, ac rula Campomajori foret. His conjecturis militiæ quas suggesserat Turrecius, veterum etiam, qui in consultationem vocati erant, sententiæ Ducum, & nuper quorundam fortuito captorum hostium consenserat sermo. Imperat igitur Turrecius summi Castrorum Præfecti Legato Pareciæ, expeditas ut equitum turmas, selectasque cohortes ille duceret Alburquercium, cum verò, ut ea nec levis conflata suspicio apparebat, adortus hoc oppidum hostis fuisset, ipse legatus tuendum susciperet oppidum. Joannem quoque Oliveram, quam Villaregiæ addictam præsidio legionem habebat, eam festinanter Alburquercium conducere jubet; ipse verò Olivera municipii rebus compositis statim inde discedens pergeret Badacocium hoc sane consilio de loco, de jure imperii quam sæpè oriri inter Duces dissidia solita antevertere Marchio ratus, quæ rursus, & tempore adverso, & populari causa absque dubio inter milites erupissent, manentem si eo loco Tribunum in militari, & publica cura se Legato submittere atque imperium accipere cogerent; ea porro erat virtutis, atque industriæ Legati penes Ducem opinio, ut aptior, ac dignior is inter cæteros visus esset, cui Alburquercii

tutela, & causa publica mandaretur. His ita penè confectis rebus, jussa legio Duce Olivera vix Alburquercium intraverat, cum procul inspecta repente oculis, ac specie quidem terribilis Lusitana se ostendit acies. Veritus ergo Olivera, ne ipse vetus fortasse miles, cum præsens urgeret circumfuso terrore hostis, subtrahere periculo se, ac subterfugere opus cum nota, ac dedecore crederetur, aut temerè potius jussionem Ducis interpretatus eam scilicet æquum esse prudenter ad tempus versari, inflectique quod ejus laborem, & operam in tanto discrimine exigeret, in eodem propterea oppido quanquam injussus substitit. Jamque exercitus Lusitanus, Marthia Alburquercio Duce, magnis copiis, magnoque belli apparatu infestus, ac prædabundus ad oppidum adventabat, quo maxime tempore capitum illud contentione, ac discordia divisum, scissumque in suam perniciem propriis viribus festinabat. Legatus enim Parecia sibi jure nunc asserbat, ut à Duce supremo oppidanæ defensionis officium, & curam injunctam. Ex adverso Oliveram rem omnino fortuitam, atque aliò per se jussa Ducis, adjecta interpretatione, trahentem objiciebat, simul ordinis, gradus, quoungebatur, muneris excellentiam, morem militiæ, omnium commilitonum quærelam in alienæ conditionis exemplum minuti publice juris, inustæque Tribunis militum ignominia, si Tribunus ipse militum sustineret, & pateretur inferioris notæ ministro in armorum regimine subjici; inde inquieti, discordes omnes, diductique factionibus milites, & circulos passim cœtusque miscentes cum alterutri eorum pro singulorum libidine, aut ratione suffragarentur, sine imperio, sine Duce, sine concordia spe undique abscissa in medio patebat oppidum præda, hostisque conatibus opportunum. Cum

hæc tristis Legatus & anxius in animo volveret, simul inanes hujusmodi lites, quæ nihil per se splendoris virtuti, ac merito adjicerent cum indecoras, tum detestabiles esse, præcipuè cum eò ventum foret, ut causa cadere miles, aut jure domini Rex cogereetur, ille ideò altiori quo animo plus temperato, moderatòque, ultro suo tandem postposito jure gerere partem, ac numerum statuit gregarii commilitonis, interque honorarios jam hastam acceperat. Quod ubi Olivera cognovit seu hominis comitate, seu vecundia compulsus, aut metu potius ex summi Ducis, qui secus præceperat, voluntate contracto, tum demum consensit, ut æquato simul imperio, parique animo uterque municipii defensionem tractaret. Pro muris ergo, pro vallo milite distributo, ac cæteris rebus, quæ ad pugnandum necesse erant, instructis, bina etiam tormenta belli ita sunt per insidias in duobus, qui adversi erant hosti, tumulorum verticibus collocata, ut inde commodius percuterent hostes, eorum verò prospectum fallerent. Lusitanus interea radicibus collium, qui haud procul ab oppido leni fastigio surgunt, tegebat se, mox ingenti alacritate, ac fiducia adversus Alburquercium oppidum tendit, tormentariisque ex propinquo suggestibus constitutis, validè muros quatit. Verùm duo illa majora tormenta belli, quæ rectè librata, & supra tumulos eminentia latebant, repente displosa, & pilis, clavisque & catenarum plena fragmentis ubi assidue teterrimam pestem ejaculantur, hominum, equorumque & machinalium simul obsidionalium stragem ingentem edunt. Territus tunc Alburquercius Dux Lusitanus periculo situs, & magna cum clade repulsus, ad collium suffugia, atque latebras revocat milites, alio modo oppidi obsidionem instruere in animo habens; sed

aquarum egestas, ac siccitas situs, æstusque qui propè omnia torrebat, hoc tandem modo compulit Ducem, ut re inde infecta discederet. In regionis squalidæ tractu fons unicus erat, qui proximè aquandi militibus potestatem præberet; fonti verò ardua juga, & abscessa, quæ modicis licet infessa præfidiis accessum ad aquam prohibere facile poterant, impendebant. Hunc ab initio fontem, circumfessis pro rerum momento collibus, Castellenses milites intercluserant, ac supra centum huc improvidè aquarum euntes iidem ab edito loco milites majoribus scloppis exuperant, alios etiam Lusitanos palantes, & circa fontem temerè prætervectos, turmæ, quæ passim equitum volitabant, confoderant, adeoque in arcto, atque aspero ibi res Lusitana posita erat, ut cum in maximo æstu, & ardore deficeret aqua extremo opus esset periculo vitæ redimere illam, aut sanguinis copia. Sæpius idcirco Dux Alburquercius aggressus fuerat in collium fastigia sudore non minùs, quàm sanguine humentes Lusitanos eniti milites, Regiòsque ibi impunè insidentes, eludentesque depellere; sed propter ascensus superandi difficultatem omni aditu circuncisi, ac dirempti, & qui erat serpentibus potius, quàm viris incedentibus continua cæde rejectus, ac pulsus facinus intermiserat. Ad hæc si rara ipse Dux agmina duceret ad conflictum, tunc Castellensis numero quanquam impar, loco tamen superior, ascensuque difficili prævalebat, sin autem conferta, & ea copiosa missurus in hostes fuisset, sectis ex eo viribus, atque inde obsidionis laxata custodia, majus & anceps utrinque sane periculum intercurreret. His difficultatibus circumventi aquarum ab usu Lusitani prohibiti erant. Frequentes præterea, exque nimis cruentæ irruptiones ab oppido agitabantur, modo vi, modo insidiis appetere, neque diem, neque



neque noctem laboris, aut tumultus expertem pati; siti, pulvere, ardore solis, cominus, eminúsque contortis armis obfideri obsidentes, infestarique. Igitur Dux Lusitanus quâ loci insolentia, sitique in æstu propè rabido sævienti, & aquarum undique inopia, qua vi, impetúque cum meliori sæpè fortuna ex alto irrupentiû, atque vexantium exagitatus, ac pressus cùm omnis extincta spes esset, & major ea quæ nunc premeret, si illic perstitisset, futura calamitas esset, solvere tandem obsidionem decrevit, & vasa colligere milites. Hoc viso Olivera confestim ex oppido incurrens simul omnes emisit equites, peditésque in hostium terga pugnatum. Hos raptim, ac trepidè recedètes assequitur, jam accedit, jam recedit, jam tutis ictibus Castellensis provocat hostem, cùmque ultimos ordines, ac simul latera carpit magna defatigatione, ac tumultu extremam aciem turbavit implicuitque, mutua nimirum formidine partes iusta ibi acie, ac totis concurrere viribus per id tempus impediende ex minori nempè militum numero Castellensibus ex improspéro rerum eventu Lusitanis incussa. His molestiis Lusitanus tandem explicitus, & viam planiorem in campo natus longè latèque Castellæ pagos, agrósque urit, vastatque his incendiis, & populationibus velle modo videri visus, aut inanis obsidionis rependere detrimenta, aut irri-  
ti incepti delere ignominiam.

Insuetus hæc tolerare, aut videre Dux Turrecusius, hostilísque tundendæ ferociæ maximè cupidus primarios exercitus Duces de summa rerum consultum vocat, docètque Matthiam Alburquercium peritum incumbere Ducem, acerrimum hostem, suæ quoque gentis ingenio ferocem, & animo inflatum, multísque antè rebus in bello prosperè gestis magis elatum, insolentémque, nunc frustratè obfi-

dionis dolore crudelius ardere, ac furere conspici, nec planè ipsum quieturum tandem aliquando videri nisi insigni aliqua accepta clade omninò disiectum, & fractum. Quemadmodum igitur ejus provinciæ calamitati, sociorum injuriis, communique dedecori obviam per arma procedere liceat, ibi sententiis Duces expromerent, conferrèntque. Consilium jam pridem infederat Turrecusio, quod nunc hostis superbia sollicitabat, ultrò invadere in hostem, ac si per tempora licuisset omni ostentatione terroris infesta signa transferre usque ad viscera Lusitaniæ, ex Castellensium profectò socordia, ac negligentia militiæ ratus tantum audaciæ, tantúmque animorum ne virium quidem suarum, earúmque curtarum statui, & si duplò majores essent convenientium, hostibus succrevisse; idipsum tamen quò populariùs inter milites fieret, Ductorum ferè omnium sententia approbatum desiderabat. Perrogatis ergo suffragiis, ea numero pervicere, quæ hujusmodi arbitrio, votóque Ducis dissentientia, belli rationem, & modum ad vim hostium tantummodò propulsandam, tuendâque circum regni finitima contrahebant. Tum dolore, tum ira percitus Turrecusius: Nundum horror, pavórque, inquit, " jamdudum præcordiis, & animis vestris affixus vos quoque deseruit mi-  
litiæ Duces? atque hætenus ignora-  
tis vestra inertia, torpore vestra, ani-  
móque suscepta formidine tot belli  
dedecora, tot detrimenta rerum in  
fortunas privatas, & publicas redun-  
dantia virtute duntaxat, atque animi  
audacia, quæ hucusque defecit, cor-  
rigi posse? an segetes nostras, agrós-  
que passim aspicere præstat, quàm  
hostium comburi, evertique atque  
in Castellam potiùs quàm Lusita-  
niam Martis furias, facèsque com-  
pelli? nunc autem, ne errore fortè "

„labamini, id consultando quaeritur,  
 „utrum perniciosius sit nobis existi-  
 „mandum bellum domesticum, an ex-  
 „ternum, petere domi suæ Lusitanum,  
 „an huc cruentū, magisque sibi fiden-  
 „tem, & contemptorē omnium per de-  
 „sidiam, & otium attrahere. Qui domi  
 „sedens, & otia terens ferocem expe-  
 „ctat hostem succubuit profectō ani-  
 „mo, illique eo præmissō timoris indi-  
 „cio meliorem victoriæ sedendo pro-  
 „pinat spem, ubi enim plus audaciæ, ibi  
 „etiam plus fortunæ; animi robur com-  
 „mune cum corporis viribus est, nec  
 „corpus, sed animu viros discriminat.  
 „Idcirco non equis nos non hominum  
 „numero, non pecunia, non armis,  
 „non jure causæ cum his abundantius  
 „instructi simus, at industria, sollici-  
 „tudine, animorum vigore quan-  
 „quam numero plures, ab admodum  
 „paucis Lusitanis hucusque vincimur.  
 „Hæc mihi summa consilii est; torpor  
 „autem, & quidam otio contractus ja-  
 „centis, marcentisque animi situs,  
 „quo resolutorum more membrorum  
 „contractæ nunc vobis pro bello vires  
 „elanguent, usu & labore consumi  
 „poterit, actio ipsa, & armorum, &  
 „membrorum exercitatio inhaerentem  
 „timorem excutiet, siquidem fortui-  
 „to, ignavōque eadem omninō com-  
 „munis natura est, tantūque diffi-  
 „milis quod in alio usu, & labore ex-  
 „citata, in alio itidem excitanda pro-  
 „ponitur quemadmodum usu militiæ  
 „tyro veteranum militem parit. Vos  
 „autem cunctamini & in eodem de-  
 „decore, & causâ dedecoris metu con-  
 „fenescere vultis, perinde timidus qua-  
 „si homo strenuō fortisque diuturnior,  
 „vel clarior futurus in bello sit, ne-  
 „que hoc segni, multūque remis-  
 „so belli gerendi more ita nunc pro-  
 „ludatis, ut servire tandem cogami-  
 „ni, quibus adhuc imperavistis. Ite  
 „ergo Duces iterū in suffragia, &  
 „quod me vobis, regio auspicio,

& inclyto nomine dignum fue-  
 „rit, missō timore, decernite. Quod  
 „si nimis hæc ardua, atque aspera fa-  
 „ctu vobis, animi aciem metus caligine  
 „perstringente, fortasse videntur, equi-  
 „dem ipsa imperii supremo jure quo  
 „fungor in armorū regimine usus, vo-  
 „bis etiam invitis extemplo confici  
 „jussero. Postquam hæc Ducibus Tur-  
 „recusius jam precibus, minis, repre-  
 „hensione, hortamentoque variis, &  
 „acer exposuit, quos illius argumenta  
 „non vicerant, verecundia, metūve  
 „fregit. Porro concordibus ore, ut re-  
 „vera discordibus animo Ducibus, ejus-  
 „que in speciem amplecti sententiam vi-  
 „sis, tunc expeditio in hostem decreta  
 „est. Dimisso conventu, iidem, qui se-  
 „cus senserant Duces, contumeliosa  
 „trucique Marchionis oratione com-  
 „moti, seu omninō metu nondum exu-  
 „to, seu quia inviderent Itali gloriæ,  
 „aut imperium aspernarentur, princi-  
 „pium enim turbandi omnia à Ducibus  
 „ortum, jungere statim turbulentos ho-  
 „minum catus, concire seditiosos, stul-  
 „tē feroces, lingua promptos, dextera  
 „inertes facilius efferre; apud eos rerum  
 „species, & nomina conturbantes, quæ  
 „vera erat in illo audacia, & animi  
 „nervus, ac robur, appellabant teme-  
 „ritatem, superbiam pro animi magni-  
 „tudine, furorem pro alacritate, pro  
 „cautione fallaciam, finitima omnia  
 „virtutibus vitia cū Ducis virtutes tra-  
 „ducerent obtreclatorum more affinge-  
 „bant, ipsūque maximē adjiciebant  
 „corruptorem juris militiæ, qui per vim,  
 „minarūque terrorem calculos Du-  
 „cum in concilio transverterit, ut ho-  
 „stibus aciem internecione delendam  
 „proderet. Jam antea Pascivientem ni-  
 „mia licentia militem, turpique more  
 „labefactatum secundum veterem disci-  
 „plinam emendaverat Turrecius, mul-  
 „tōque labore dicto parentem effece-  
 „rat; sed ut facilē mores hominum in  
 „pristinam consuetudinem redeunt, me-  
 „tūque



túque compressum ingenium , deterius per tempus cùm evadere licet , erumpit, tum & peccantium auctoritate, afflatúque provectus fœdiùs, quàm antea relapsus est miles. Etenim Turrecusiò, cùm certam in hostem expeditionem præciperet, petulanter effusus obstitit miles, reclamavitque nolle se in lanienam temeritate Ducis incidere. Turrecusiùs, cui neque ut veteri Duci, neque ut veteri quoque militi tale quidquam eousque videre, aut audire in militia contigerat, portentis simile tunc sibi videre visus ea incredibili petulantia, atque insolita contumacia attonitus perculsusque velut stupore, ac sensibus alienatus primùm obmutuit. Incipientem subinde loqui collidentes se invicem dentes, inversaque lingua, spiritus ipse restrictus ac fatigatus, ac totum ira concitum corpus nequaquam sinebant ita furentem, ac prope spumantem distinguere voces, tantam enim in se conceperat iram, quantam enim in se conceperat iram, quantam nec spiritu effundere, nec explicare sermone valeret. Stetit ergo paulisper suspensus, ac tacitus; denique furibundus ad aulam, inquit, protinùs advolabo, ut hujus impuræ, omnibusque ignominii, ac pœnis afficiendæ, notandæque militiæ accusator, ac testis apud Regem insistam. Hæc minarum, & iræ plenus increpitans, multum & frustra cohortantibus ipsùm amicis, eodémque momento equum ad Regem perrecturus efflagitat, viaticumque simul parari, scèque consequi jubet. Fortè tunc inter alios aderat ibi Episcopus Badacocii, homo ipse prudens, Ducique in primis familiaris, qui quem flectere prece non potuit, tali artificio delusit. Ea celeritate, atque ira viam Turrecusiò capestituro cum curru domestico præsto est, & officii, studiique priùs sæpè quoque perspecti gratia in proprium currum acceptum; eoque parumper invecum, dum iniret ad

Regem iter, brevi se belle spatio comitari simulat Ducem, instructumque post equum, & viæ reliquum apparatus eidem vehiculo hærentem subsequi jubet. Ut verò illum Antistes habuit in potestate, jam frigesto illo animi ardore, iraque sensum detumesciente, placidè capit monere Ducem, Nefariam, atque execrabilem quidem fuisse illorum militum insolentiam, ac teterrima inter licentiæ militaris exempla prorsus abominandam; at illo inconsulto, ac præcipiti Ducis ad Catholicam aulam discessu, ea neque tolli probra militiæ, neque ipsum revera plus laudis, quàm irrisionis, & notæ apud Regem, & aulicos relaturum. Multitudinem naturæ suæ cæcam, turbulentam esse, discordem, & sæpè in suam, in alienam sæpè perniciem improvidè concurrentem, sed eam etiam esse ut rationis electionisque adminiculis destitutam instabilem, fluidam, quæ fræno prudentiæ, quæ bono, malove dolo tractari, inflectique minori negotio queat, quòve ille vehementior primus impetus fuerit, eò citiùs infringi. Ex humani ingenii radice, aut ipso naturæ fonte neminem esse malum, sed alieno instinctu impulsuque, aut prava institutione, & exemplo ita edoctum, ita informatum, educatumque; qui verò ita potuit subacta propè natura nefarias doceri artes, cur eidem non dedoceri spes sit, cùm bona accesserit disciplina? Sit crudelis, sit impiùs, sit intractabilis homo, & feris omnibus efferatior, Belluam eousque indomitam, immanemque inter lucos, & nemora vix inveniri, quæ arte, patientia, usu cicurari, ac mitescere nequeat. Propterea magistrum, & caput omni multitudini impositum, cuius consilio, directione, & imperio, si forte se illa vel superbia nimis extulerit, vel ira inflammaverit, vel li-

„ bidine effuderit , vel pavore de-  
 „ cerit , teneatur. Quod si hoc minùs  
 „ interdum obtinere contingerit seu for-  
 „ tuna , seu industria fallat , aut vis ra-  
 „ tionis in aliquo torpeat , aut quidam  
 „ naturæ fulgor elangueat , haud secùs  
 „ profectò tunc rectoris inscitiam , &  
 „ hebetudinem , quàm hominum con-  
 „ tumaciam vulgarique communique  
 „ iudicio reprehendi. Quid insuper  
 „ inde si fortè cognito Lusitanus abs-  
 „ que Duce , absque legitimo imperio ,  
 „ seditione turbatum , suisque relictum  
 „ discordiis , & motibus agere Castel-  
 „ lensem , hunc avulso velut clavo flu-  
 „ ctuantem in alto navem , ac pene de-  
 „ merisam improvisò , ac feliciter petat ,  
 „ nonne unam , eandemque ea tem-  
 „ pestate futuram omnium hominum  
 „ vocem , atque sententiam , Mar-  
 „ chionem scilicet Turrecium dete-  
 „ riori malo malum corrigere quasi-  
 „ visse , cùm enim supplicium commi-  
 „ litonibus peteret , triumphum hosti-  
 „ bus statuisse. Qui Politico , aut mi-  
 „ litari fungitur munere minùs quidem  
 „ sui juris , ac potestatis esse , cùm se  
 „ ipse in discrimen totque secum sibi  
 „ commissas præcipites animas rapiat ,  
 „ ex quo sua , & aliorum quoque fa-  
 „ cta probandi genitum succedat  
 „ onus , nec idè ipse peccare , aut ne-  
 „ gligere quidquam sine publica clade ,  
 „ & multorum exitio possit. Cæterùm  
 „ quando etiam pergat in suscepta sen-  
 „ tentia furere Dux , cùm dura præ-  
 „ terea , atque lubrica sit in exercitum  
 „ totum animadversio , vel regio jussu  
 „ ab aula ad milites rediturum , & tunc  
 „ irritò quidem incæpto , noxiorum  
 „ indemnitate necessaria patientia , mi-  
 „ nùs deinceps cum nova se obtulerit  
 „ causa comperere militem incum-  
 „ bentì auctoritatis , ac roboris fore ;  
 „ vel fortassè non rediturum , tamque  
 „ acrem contentionem in abdicatio-  
 „ nem militaris imperii terminaturam  
 „ fuisse ; porrò inde quem hominem

fore , qui ex eo increbescences pre-  
 „ mere vulgi rumores , & linguarum  
 „ licentiam valeat , ultrò scilicet Tur-  
 „ recusum armorum ministerio cessis-  
 „ se , quia arma , non armatos tractare  
 „ sciat , aptiorque vir ille tenendo sit  
 „ quod viribus corporis , & stolidi  
 „ quadam ferocia , quàm quod ratio-  
 „ ne & prudentia animi perpetretur ,  
 „ unde & militi impunitas , & dedecus  
 „ ipsi , & detrimentum reipublicæ para-  
 „ retur. Tumultuariæ postremò illius  
 „ discessionis consilium , & si alia om-  
 „ nia deficerent argumenta vel satis  
 „ esse suspectum , quod ab ira , animi-  
 „ que turbatione , quæ brevis insania  
 „ dicitur , fluere ; hujus autem insani ,  
 „ terrique affectus , quo lacertorum  
 „ tantummodò intenditur vis , cum  
 „ ardore , & impetu ruere , in præliari  
 „ duntaxat discrimine , cùm calere Mars  
 „ cæperit relinquendum militibus esse ,  
 „ id certè supremo Duci , cujus semper  
 „ vigere , ac omnia regere debet con-  
 „ silium , ac superior affectibus mens ,  
 „ ne inter conflictus quidem incen-  
 „ dium , cùm furit militum rabies ho-  
 „ nestum , aut utile fore. Familiari-  
 „ bus , ac prudentibus hisce monitis pla-  
 „ cidè Antistes in Turrecium pectus il-  
 „ lapsus , irarum cùm etiam per tempo-  
 „ ris moras decreveret æstus , ejus tan-  
 „ dem lenivit animum , flexoque à via  
 „ regia vehiculi cursu duxit illum in  
 „ quoddam cœnobium haud procul ab  
 „ urbe situm , fide vicissim obstricta , re-  
 „ sipiscentem quàm citò militem , ac sce-  
 „ leris pœnitentem datum protectionis  
 „ imperium celerius executurum. Hoc  
 „ Antistes subinde militibus aperit , ste-  
 „ tisse nimirum , ac reversurum properè  
 „ Ducem , ea autem conditione , qua ex-  
 „ templò illi signa cum hoste collatum ,  
 „ aut ipse Mantuam Carpetanam ad Re-  
 „ gem progrediretur. Duces qui tu-  
 „ multus irritamenta , & seditionis ubi-  
 „ que sparserant faces , cùm modò sibi  
 „ timerent , ne causa ad Regem delata ,  
 in



in ejus indignationem incurrerent, ac debitas pœnas exolverent, à militibus impetrarunt, ut eodem tempore Badacocio moveret exercitus quò Turrecufius in urbem intravit. Qui tamen profectos sequi milites noluit, seu hominum studiis, seu malè præsertim Ducorum affecto animo, quorum utrumque rei bene agendæ impedimento maximè foret, diffusus.

Ducebat itaque copias Magister equitum Molingenius genere Belga, & belli pericia, simpliciūque morum candore Turrecufio in primis acceptus. Is ad Anam progressus, hosti flumine objecto circa ripam locaverat castra, ibique promissa finitimorum auxilia, & qui dudum præcesserant exploratorum notitias opperiebatur; quibus mox subsidiis adjectis, exploratōque hostem paulò ante capto, vastatōque Monticio extra idem oppidum castra metatum esse, copias tunc Molingenius amnem trajicere jubet, cùm rei gerendæ opportunitas esset, hostibus occurrurus. Ad octo millia pedites erant, equites ter circiter mille; Lusitanus equite, ac pedite in turba, ac numero longè major, Matthia Alburquercio Duce, post oppidi excidium in loco munito confederat. Hæc Molingenius cùm animo volutaret, hætere, cunctari, modò spe, modò metu prælii consilia dividere, circumspicere omnia, quæ fortuna, vel arte congressus æquare discrimen, aut saltem minuere pericula copiis imparibus possent; nam præter numerum militum ampliorem, crebrioraque in illis experta argumenta virtutis, locus etiam, quem ceperant Lusitanos juvabat, erectus, præcisus, vallatus, interjectisque vineis ex omni parte accessuram implicantibus aciem. His obversis difficultatibus nihilo feciùs Turrecufius urgebat ad conferendam cum hoste pugnam. Misit igitur primò, qui hæc dura perferret Molingenio mandata Oliveram tribu-

num militum, paulò post Badacocii Prætorem, adeò ejusdem præcepti formulam circumscribens, ut tot difficultatum licet vinculis irretito, & passim periculis circuncesso nihil tamen pro jussa pugna excusandum Molingenio relinqueret. Intererat fortè civitatis Antistes ferox cùm talia præciperet Turrecufius, qui, ut temeraria, violenta, eaque nimis abrupta jussa Ducis cùm reprehendisset, scilicet non tempus, non locum, non subitos belli casus, non rerum discrimina secernentia, illi fertur Dux respondisse; *quia non minus sollicitè mihi cum meorum militum moribus, ac pessimo ingenio, quàm cum hoste pugnandum est, hoc eis voluntario, gravique accersito periculo, vel fide solutus pulchram ego Regi victoriam, vel molestius explicitus inutilis, segnes, contumacisque milites cade multatos dabo.* Verumtamen Molingenius nihil ideò temerè agendum ratus consultum convocat Duces, sibi que placere proponit conficere jussa Ducis ea modo discreta, & salutaria sint, quo vero ordine, quòve modo, ne improvidè, ac cæci pecorum more collapsi ad satietatem hostis trucidarentur, illa jussa tractanda, ac temperanda forent, seriò viderent, consulerentque Terribiles Ducis minas, inflatæque verba non ad exercitus pestem, rerumque omnium in prælio moliendam confusionem, atque perniciem se quidem interpretari, neque id ullo pacto decere, sed ignavia, aut pavore potiùs consternatos militum animos ad erigendos, confirmandosque, atque idipsum sine ulla etiam exceptione incidentium in bello rerum inculcare certamen, velle per ambages innuere, gravius esse lapsuros milites, si occasione, ac tempori defuissent. Porro autem id attentè discutere propiùs ad Duces, quàm milites pertinere, cùm victores in prælio milites honorem, & gloriam ex re bene gesta sibi singuli sufferentur, in Duces

jam

jam victi culpam rejiciant, & leviora quæque belli peccata promiscuo omnium cruore, peculiari capitum ignominia plectantur. Versatis propterea in eo conventu sententiis, tandem sancitum est. Pergere inde statim ad occurrendum hostibus copias, at prius inter Monticium, atque Lobonem flumen à tergo habentes, & hostium consilia, motusque observantes consistere, si in planitiem fortasse, ut ita credere illius militaris suadebat ardor, quaque tumebat Lusitanus fiducia, congressurus descenderet. Quippe in sublimi, satisque munito compositum loco invadere Lusitanum temerarii quidem consilii erat, nec minus periculosi, si progredi voluissent in terram se hostilem seu ferro, seu fame confiendam immittere aciem. Ea mente fluvio transmissio, destinatum, hostique proximè obversum Castellenses occupant locum, ibique castra citò communiunt, deinde turmis equestribus cursitantes, insultantesque crebrosque de industria tormentis bellicis obstrepentes laceessere Lusitanum, & nisi consilio tractum, vel iræ percitum stimulis ad æquiores pro prælio deducere locum contendunt; nec sua quidem opinione deceptos rei eventus ostendit Duces; nam pugnae cupidus Lusitanus vel ira commotus, vel sicut aliqui tradunt, alimentorum, quæ omnino exhauserat, egens, deferere subito colles, sensimque planitiem cum ordine petere visus est. Dies erat festa Corporis Christi memoria nobilis, divinorque epulo in sacrificio Missæ refectus, pastusque miles jam alacrior spei humanæ caelestem quoque conjunxerat. Huc Molingenii quoque, & cæterorum exercitus Ducum accefferant hortamenta, Hispani modò gloriam Imperii, modò splendorem, noménque gentis longè, latèque dominatricis, quæ non certaminis gloriam, sed prænam potius à perduellibus posceret,

per agmina passim jactantium, atque etiam adicientium frontem, rictumque Turreculi minacem, ac tetrum, & hoste quolibet truciores, si quispiam eorum fortè superstes reverfurus ad illum inultus, aut fractus esset. Inter hæc Alburquerque in planum abductos explicaverat ordines, eodémque propè tempore jusserat Molingenius Pardum equitum Commissarium sparsis aliquot velutum alis ire obviam, remorarique citato cursu gradus ad pugnam addentem hostem, quo ipse commodius interim aciem extenderet. Lusitanus autem hoc ordine instructus ad pugnam appropinquabat. In undecim agmina distributi pedites veniebant, pro militum copia in se conglobata, atque densa; horum quinque mediam implebant aciem, quatuor se in cornua extendebant; duo tandem erant in ultima acie cum turmis pluribus equitum subsidii more locata; equites utrumque latus, tota acies impedimenta claudebat, belli tormenta bina in quolibet cornu, duo etiam per mediam aciem comportabantur. Molingenius hostium numerum, atque ordinem contemplatus simili prope modo regias ibi copias instruxit, nisi quod hinc ex minori profectò numero latior, quàm plenior explicata jam acies porrigeretur. Cornu dextrum Hispani; Lævum Itali habebant, huic Franciscus Velasquez Legatus equitum, illi præerat Molingenius; quatuor trahebant belli tormenta, nec sarcinæ ullæ, aut militaria inter aciem erant impedimenta, quæ regios milites implicarent. Sic utraque à fronte, nec horrida minus aspectu, quàm armorum fulgore, radiisque refracta scintillans, ac nitida constitit acies, tormentisque sæpius hinc, inde cum magno fragore displosis certaminis signum mutuò datum, acceptumque Prælii initium, cædisque cum jam concurrerent acies, à sclopetariis caput.

Horum



Horum impetu, strepitūque lethales fistulæ excussæ, & candentes emissæ pilæ virorum, equorūque virtutem, & iram simul accendunt, prælibatæque pari propè jactura procul vicissim illata, atque accepta vulnera, & cædes acriorem utrinque hauriendi sanguinis sitim, & alteri in alterum faciendi cupidinem addunt. Proinde dextrum extemplò Castellæ cornu cum sinistro Lusitano concurrir; quod tanto ardore, nîsūque per gladios inventos, & hastas impulsū, ac pressū à Castellensibus est, ut ala equitum Lusitana, quæ latus illud tegebat, eo impetu mista, post fusa, & usque ad extremam rejecta aciem excesserit; equestri subsidio ex hac parte nudatur pedes; hic statim exanimari, diffluere, ac sensim pedem referre. Id verò præ nimia tunc accidisse videtur Lusitani Ducis fiducia, qui ubi & levia antecedere prælia, nec primos Castellenses credebatur procururos ad pugnam fore, ferè tum incompasitas, & quodammodò fluctuantes ducebat acies, tempus suppetere ratus, quo subsidia firmaret, ac melius agmina stabiliret; porrò ulterius illatis signis, propiusque collato pede, ad gladios omninò jam venerat res, levique perculsi lateris trepidatio, & equitum ibi peditūque confusio, & frontem averterat, & dextrum quoque terrore latus tumultūque miscuerat. Ea tamen ordinum perturbatio & malè inclinata propemodus res fugæ laxioris initium nondum fecerat Lusitanis, sed eos ut se illidentium, atque prementium undique impulsus, aut prælii fortuna contraxerat, jam pressi, confertique, & orbis passim conficientes in se ruentium, atque pugnantium pro viribus impetum sustinere, alii effusi, dispersique ad ultimam aciem confugere, nonnulli valentiores ad incurrentes undique cuspidēs, & gladio- rum rotantes acies nudata viscera circunferre; simul equo vectus, & armis

insignis Alburquercius intercurfabat vehementer intentus primi agminis sistere fugam, & quosdam disiectos, se alios laxantes sarcire ordines. Videt hæc Molingenius, paulūque annitendo intercludi jam dissipatos, implexosque milites posse, proinde Tribunum militum Pignatellum Italicum cornu præsidio firmatum ita diducere jubet quemadmodum idem à se vidisset dextrum latus extendi, flectique. Quod celeriter factum est, conclusique à tergo, & à fronte hostes, ii modo erepti cædibus sunt, quos vel pedes tutati sunt, vel abstulit casus, vel arma projicientes sese captivos dedere victori. Prima hostium sic acie fusa, & alia penitus conturbata, præcipit tunc Molingenius coire Castellæ equitatum, & Lusitanum acrius impetere, qui instabilis, vagus, oculisque subiecta clade, & quæ omnia impleverat fuga perterritus, item auxilio peditum destitutus primo impetu fusus, fugatusque discessit. Caterum ea præceps equitum fuga auctusque clamore, ac strage tumultus cum socios etiam pro pugna stantes obtineret, & qui fugerant, & eos, qui restiterant implicaret, aciem quoque Lusitanam, quæ extrema erat, & quæ prælio intacta adhuc pene servaverat ordines, eodem horrore, impetūque dissolvit, ac sustulit. In tempore tunc spe arrecta, recentis animi, viribus integra intulit pedem extrema Castellæ acies, ob illam quam lata apud hostes cernebat animorum, ordinūque jactationem cædi potius, quàm pugnæ parata. Inde horum terga, horum pectora, ac latera impunè, ac licenter haurire, integri laucis, spirantibus vivi, extinctique permixti, alii super alios incidere, cruentique se volutare, ubique fuga, interitus, pavor, gemitusque cadentium, atque spirantium, cumque ultionis fiducia crudelitatem animo intenderet, & etiam lassitudinem sustentaret, totius dissipati,

pati, everſique proſus exercitus magna pars vulnerata, pars caſa, reliqua & major fuga dilapſa eſt, aut captiva ſtatim abſtracta. Inter hæc Alburquerque cum ſœdè Luſitana agmina ſtrata, undantemque ſanguine humum, & peremptorum acervos, & reliquos fuſos, inermes, aut ſaucios quærere fuga ſalutem videt tum ſpe, tum viribus proſtigatus cum agmine uno, quod ejuſdem cuſtodix corporis deſtinaverat, è loco ſenſim reſceſſit. Hanc tamen victoriam, quæ planè jam Caſtellenſibus ſteterat, ad extremum infectam, & ancipitem fecit Ducum aliquot negligentia ſeu militum avaritia. Ab initio quippè certaminis cum lævo Luſitani latere fracto, pars equitatus ejus à cæteris copiis avulſa, vitabunda quæreret colles, tunc ii Caſtellenſes qui ad tormentorum cuſtodiam aſtabant, ignari, quorum fortuna eſſet, veritique ne circumveſti hoſtes ad ea prædanda reverterentur omnia belli tormenta, jumenta quoque munitione bellica onuſta ultra fluminis ripam velut tutum in locum tranſvexerant, quocirca nequaquam ad manus jumenta erant, quæ modò fugatis, ac victis belli ablata tormenta ſubducerent. Pulſo prætereà hoſte cùm jacentium ſuper corporum ſtragem exultantes, nimisque avidi hærentes alii ſpolia cæſorum legerent, prædarumque cupidine manus, ut ſatietate cruoris, & cædis occupatos haberent oculos, alii etiam eſſent captivorum cuſtodiis impliciti, fugientium plerique veſtigia tenerent in hac rerum volutatione, ac tumultu jam penè deſertus, atque indefenſus jacebat, belli tormentis, quæ omiſerat hoſtis, aliisque reſertus ſarcinis militariſus campus. Hæc porrò Alburquerque à colle quodam, quo ſe receperat, conſpicatus, in ſpémque ingentem adductus ob nimiam hoſtis fiduciam, ac negligentiam vel ex parte labefactari adeptam victoriam poſſe, pe-

ditæ, equitèſque è fuga reverſos incolumes colligit, ſparſos, trepidòſque reducit, his applicat obvios, alios avios per ſaltus, collèſque propinquos turmatim errantes, celerius inquiri, cogique curat, ex quibus quàm citò coeuntibus quatuor raptim agmina pedatum, & binas equitum turmas conſtituit, hiſque viribus ipſe fretus repetere prælium, amiſſaque belli tormenta recipere parat. Reſ illa tamen haud præter Molingenii opinionem, & curam contigerat, priuſquam enim certamen iniret, multitudinem hoſtium, caſuſque belli fortuitos, & varios metuens edixerat, ne victor fortaiſè milles longiori ſpatio fugientem premeret hoſtem, neu conſlictus ardore, aut nimia elatus victoriæ fiducia conſtitutos miſceret ordines, neu ita ſane vel partæ victoriæ credere vellet, ut fluere quandoque de manibus minimè poſſet; illuſerat enim hiſ ita ſæpè fortuna, qui rem feliciter geſſerant, ut victus victori triumphales exuvias abſtraxerit. Poſteà verò cùm Molingenius jam concitatam, atque victicem tenere non poſſet aciem, imò, & ipſe ſuorum militum impetu abreptus, longiùs, quàm vellet cædendo procurreret, ejus imperium irritum fuit. Ab infectandis denique hoſtibus eò, ubi primùm ſigna contulerant, Molingenius ipſe regreſſus cùm diſſipatarum jam copiarum delere reliquias cuperet, fortè ibi offendit ſexcentos ferè milites Luſitanos, quibus tueri ſeſe, aut elabi cum in arcto poſitis non daretur ad fraudem converſi, teſſera furtim accepta, ſub alienis ſignis fallere procurabant. At dolo ſubinde comperto admodum paucis in fugam effuſis, cæteri trucidantur. Hinc Dux Molingenius ad ſarcinas militares, quarum præſidio haſtatorum agmen conſederat, ambituſque pluſtrorum ea impedimenta claudentium quamdam caſtrorum præbebat ſpeciem, cum expeditis cohortibus convolat,



convolat, præmittitque caduceatorem, qui afflētis jam rebus jure belli denunciet hastatis, ut positis armis sese, & quæ secum haberent, ni ultima perpeti maluissent, confestim victoribus traderent. Hoc Duci responsum ex propinquo expectanti Franciscus Velasus Legatus equitum nunciat, constipatis agminibus supervenisse Alburquercium, ac vehementer inordinatos, improvisoque deprehenso Castellenfes premere milites, victoriæ plerisque fiducia, atque insolentia palantes, iisque illos jam tradere manus, & arma, quorum nuper terga ceciderant. Perturbatus hoc nuncio Dux Castellensis & animo anxius, cruentoque erecto dextera gladio per agmina effusa volitans Pignatellum clamando vocat, Ibarram ac reliquos Duces, eosque citò redire, contrahere copias, atque obviam extemplo procedere hostibus jubet. Ipse prior Molingenius proprio agmine fultus appropinquat, qui quæ jam terga dederant volvere frontem ad hostem, atque in orbē redactos seseque invicem protegentes instaurare certamen cogit. Ad hæc circuire, obsecrare, clamare, suo quoque periculo milites commovere, ne partam, florentemque victoriam summo ludibrio, atque ignominia corrumpi milites sinerent; turpe multò minus futurum quidem fuisse non arripere palmam, quam semel arreptam avelli è manibus sibi, tantoque dedecore per ignaviam marcescere pati. Itaque novus, & acer utrinque conflictus accenditur, manibusque eodem quidem impetu animi, sed inæquali conditione confertis, rursus ad Regiōs inclinare Mars apparebat, cum paulò ante fugatos, ac victos agnoscerent Castellenses, confluentisque gregatim à præda, à persequenda fuga novo subsidio milites, qui numero plures erant, Castellensem undique aciem corroborarent. Caterum Alburquercius, quod initio solutis quibusdam

suorum militum turmis præceperat, scilicet prælio dum ipse districtum, aversumque teneret hostem erepta tunc illi vasa reciperent, asportarentque ubi sarcinas militares, & quæ amissa belli tormenta fuerant in eo tumultu recepta, atque in tuto locata videt, signum receptus militibus dat, agmina claudit, atque equitibus firmat, explicatisque vexillis, ordinibusque penè complexis leviter interserens prælia ad colles paulatim subducit aciem. Ea videns institit tunc cedentibus victor, & quanquam sudore, pulvere, ac sanguine aspersus, & lassus, & fortunæ quoque volubilitate perculsus cum mediam coherentem percurrere aciem minimè posset, ad collum usque radices eos à latere, à tergo infestando vexavit. Tumulos tandem Lusitanus obtinuit, sed in arcum adeò compulsus postea pergendo ab equitibus est, ut passim stratum reliquerit iter, ob cursus celeritatem, ac prope fugam effluentibus sarcinis cæsa in eo prælio hostium supra duo millia, faucii permulti evaserunt, capti quoque ferè quingenti; inter quos genere clari nonnulli fuerunt ex Mascaregna gente, & Comes Fliscus natione Gallus, simul Octavius Piquius Hollandus Castrorum Præfectus, & alii etiam non contemnendæ notæ, minus mille Castellensium interiere. Redit, atque ita fractus Alburquercius in Lusitaniam; amissa tamen belli tormenta cum recepisset, falso sese Castellensium in acie victorem professus est. Mendacium, quod sua ita interesset libenter Bregantius arripuit, & vario etiam colore, fucoque depinxit, festivas, & publicas scilicet jubens in toto regno micare flammæ, interceptæ plaudì victoriæ, honores palam militibus; & Numini gratias reddi, fœderatisque Principibus scribens rem gestam magnificè ornavit, & pro adepta quasi victoria gratulantium, fraudique obsequentium quæsi-

vit officia, ne ea scilicet opinione, ac nominis fama decideret, quæ, & falsa multoties pro Regibus valet, & quæ procul illa facilius, ac sæpè numero mendax est, & artibus alitur. Ulisippo- ne tamen cùm res ibi rebus non convenirent, per dolos, astusque oppressa vel squalore, atque lachrimis veritas emergebat, vix siquidem erat in urbe domus à funere, luctu, & gemitibus vacua.

At exercitus Castellenfis cum longo ordine captivorum, & mancipiis signisque adeptis, ad triumphum velut pompam instructis ad Turrecium re- versus esset, ab eodem satis laudatus, & gratanter acceptus est, & insuper „ monitus. Omnes profectò artes usu, „ exercitio, labore tanquam lima eru- „ diri, & exacui; at maximè militarem, „ in qua excellere nemini quidem li- „ ceat, nisi & mortis horrorem, & vi- „ vendi dulcedinem, & periculorum „ omnium formidabilem faciem glo- „ riæ illecebra in illo, & famæ cupidi- „ tas, & ratio publicæ utilitatis evice- „ rit; hunc autem vitæ lucisque inhæ- „ rentem homini affectum, ac penitus „ insitum posse ad extremum periculo- „ rum, temporumque decursu post „ multa, atque varia præliorum expe- „ rimenta convelli; ut animi magnitu- „ do, ut doloris impatientia, ut fera „ quædam agrestisque natura sæpè ab „ hominibus impetrat, ne vita immo- „ dicè ametur, id facilius utique in aliis „ disciplinam, & consuetudinem pro- „ ximè, ac sæpè cum morte ludentibus „ assequi. Hæc apud milites Turrecu- „ sius; clam deinde Dionysium Gusma- „ num tormentorum Præfectum acci- „ tum durè, & acerbè corripuit, cur enim tam citò extra flumen acta ju- „ menta, aut non citius retracta cum haud dubia suorum fortuna esset, quò subvecta belli tormenta hostium in alteram tutò ripam exponerentur? nunc verò egregiam de hoste victo-

riam ejus socordia, & errore imminu- tam, ac deformatam esse; in eo se ta- men ut tempori congruebat, satiùs, & palam tunc connivere duxisse, ne amarum, & triste quid immisceret, quod in rebus tam latis communem gratulationem turbaret. Rex subinde Catholicus certior per litteras de hoc prospero prælii exitu factus amplissi- mas Turrecius retulit gratias, magnis- que laudibus extulit, præcepitque ju- re belli captivos ad arcem Granaten- sem transferri. Hæc autem victoriæ species postquam gloriæ stimulis exci- tatum, Ducique magis obnoxium præstitit militem admonitus Turrecu- sius hostium oppidum Santalexium in Castellæ finibus situm tenui, infirmo- que & custodiæ parum intento teneri præsidio ad illud subito adoriendum Molingenium, atque Gusmanum mi- sit cum quatuor peditum millibus, equitibus verò octingentis. Et ea qui- dem pro voto, ut res Castellenfi- bus caderet ipsorum tum virtus, tum celeritas fecit. Etenim paulò ante quàm illuxisset, cùm Santalexium mi- les accederet, magna ex parte dilap- sos stationibus hostes, dormientes, aut oscitantes alios, neglectas propè custodias, somnòque & injuria ple- ròsque oppidanos jacentes invenit. Dum igitur Lusitani seriùs omninò, quàm opus esset, conspecto hoste ad arma promiscuè discurrunt, magnò- que pavore, ac tumultu defensionem oppidi parant, & alii soporem excutere, agrè & alii arma cape- re, ac pergere compelluntur, ob- vias jam portas Castellenfis effrege- rat, & multi quoque oppidi muros subierant. Per fores ergo dejectas tur- matim Castellæ milites irrumpentes, & ad pugnam inde ordines explicantes Lusitani præsidarii Lunarem in ar- cum compositi, directique ingenti fe- rocia, parique animo excipiunt. Per- tinaciùs utrinque ibi, acriùsque quàm



pro numero militum videretur certamen exarsit, cum strenuè, & intrepidè ageret illos fiducia, hos pariter desperatio, quæ vel iræ, vel honestæ mortis incitamento, vel extremi natura conatus colligere vires solet. Hoc ardore animorum, & robore corporum ad pugnam applicitos Lusitanos, neutro inclinante hucusque fortuna, à tergo repentè, qui aliundè pervaserant muros, adoriuntur. Hic strages non pugna editur, cum integri fessos, frequentes minores numero, atque ancipiti prælio distractos confoderent. Ea tamen extortæ quasi victoriæ pars nec nimis Castellensibus læta, nec etiam in gloria prostratis hostibus fuit; nam Castellensium fortissimus quisque aut prælio ipse cecidit, aut faucibus inde discessit. Lusitani verò pugnantès averso, adversoque corpore obfessi, impulsique ferè omnes vestigio inhærentes sternuntur. Inter hæc ad armorum strepitum, turbarumque clamorem, & fugam, qui sopiti, aut cubantes oppidani jacebant, somno, ac torpore discussi, ad templum, quod ut propè omnia regionis hujusce sunt, arcis forma vallatum, satisque munitum erat, confugiunt. Huc Molingenius, Lusitano casu præsidio, cum omnibus copiis alacriter ducit. Vallum initio propugnatores infederant; inde lanceis, ligneis, ferreisque instrumentis rescindi captum est vallum hostisque detrudi. Negotii ibi minus occurrit, nam tempore exesum, ac fragile vallum findi paulatim, ac ruerè minutim primis propè ictibus visum ad interiora templi claustra fugere Lusitanos admonuit. Mutata tunc belli facie, vires armæque hostium eminens conferuntur, ex foraminibus fenestrarum, ex altitudine tecti, quaque rima pateret ulla jacula, & pilas demittentibus Lusitanis, infra majoribus scelopis ex adverso incum-

bentibus Regiis. Sic confusim, & vagè dimicatio protracta est, donec belli tormenta, quæ retroecta agminum celeritatem, & cursum æquare nequiverant Castellensibus accessere. Ea igitur opportuna disposita loco cum quatere muros capissent; quique ex fenestris, ac supra tecta pugnabant majoribus globis excepti acervatim conciderent, cumque planè constaret etiam se nisi obfessi maturè dedissent, ferro fame, aut incendio pereundum omnibus fore, consultant, qui intus jacebant, quid extrema calamitate perculsis capiendum consilii esset, rebusque omnibus circumspectis, exploratisque in deditionem tandem ut necessarium conveniunt, idcirco, & pacis vexillum in templi cacumine figunt. Huic communi obfessorum sententiæ, quàm necessitas, ratio, ultimusque virtutis exercitus actus expresserat, unus tantummodò Lusitanus, & hic refractario quidem ingenio, ac stupido similis ausus est refragari, laudabile, egregium vel gratis pro patria esse, nisi fortè insolentia, tumorque superbus victoris, ac servitutis parata ludibria moveant mortem oppetere dictitans. Trucem, horridamque sententiam auctoris perspecta levitas, animique tristitia, teterrimusque genius, & contra censentium calculorum numerus, strepitusque faciliè obruit. Verum homo ipse natura recondita, ac tetra, & consilio incubans suo hætenus mullitabat, incessu, fronte vultuque magni alicujus cogitati facinoris manifestus. Vicit tamen expectationem omnium. Ingredientibus enim ex pacto reclusas templi Castellensibus fores, tunc velut furiis instincta mens Lusitani ignem tormentario pulveri injecit, cujus affatim intus copia, & cum alia sicca, & sulphurea, aptaque ignibus esca conservabatur. His itaque statim correpta flamma vi ubi rapida effunditur trabes, lapides, arma, oppidanos simul hostes suo impetu rapit, sursum impellit, ac

volvitur, deorsum subinde reflexa pestis, & fulminum modo contorta duplicat stragem, quosque enata primum erumpens forte flamma non laeserat, eadem ignita procella similis longè, latèque jactata, ingentique fragore ruens sacularum, saxorumque rotantium, atque candentium mole, atque copia integros etiam afflixit, ac tumulavit. Eratque horribile quidem, & foedum ubique visu inter igneas illas ruinas, & horrida busta cernere quosdam illusione saxorum confusos, ac fractos, incendio plerosque torridos, alios deformes, semefos, ac mutilos, præter caesorum, atque spirantium cumulos passim spectaculum cladis augentes. Ita furentis hominis scelere centum propè Castellenses qui incautè priores ad templi januas accesserant, aut globis incendii, aut ardentium vi fragmentorum infra, aut superius impacti consumpti sunt. Hostes supra mille iisdem ignibus hausti. Molingenius miraculo penè substractus exitio est, cum non pauci ejus lateri astantes caesi, aut ambusti corruerint. Tam funesta quàm impia, qui vicerant, clade milites irritati, nullo ætatis sexusque discrimine in flammarum, cadisque reliquias sæviunt, sociosque nefariè, & indignè contra fidem peremptos acerrimè vindicant. Oppidum tandem direptum, incensum, ac ferè dirutum est. Quibus ita peractis reviviscentem virtutem militum cum Rex Catholicus intelligeret, novique Ducis industriam, aut sortem enervatam per disciplinam influere in animos hominum, qui ex Principis moribus rectè, aut secus instituuntur, Hispani quoque Senatus accedente sententia, ire Elvum ad oppugnandum Turrecusum Marchionem jussit.

Est Elvus in Lusitania propugnaculum regni fortissimum, eaque arte, locique natura constructum, & arcibus communitum, ut nihil sibi metuere ni-

si insidias, fraudesque aut per longam obsidionem famis, sitisque, quæ sunt malorum humanorum extrema, conatus, externo detur ab hoste. Vergente tum etiam autumno hyems impendebat, quæ solo inæquali, canoso, passim itineribus invio id loci, id temporis importuni temerariam, atque projectam, si tentaretur, obsidionem, ne dum difficilem ostendebat. Has interjectas difficultates postquam Turrecius rescribens clarè satis exposuit Regi, isque nihilo secius Monticii duntaxat imperfecta victoria fretus, integra initio jussa, atque in Senatu consultata tenuit, pro virium, & hominum copia res ad rem necessariæ præparabantur. Evenit itereà, ut bene quædam, armisque feliciter gesta res, ad aliter arduum illud facinus subeundum, & Regiis adderet animos, & Ducem quoque adhuc hærentem, ac restitatem evinceret. Franciscus Melus Lusitanus magister equitum vir callidus, acer avidusque confictus cum duobus equitum millibus, ac totidè ferè peditibus ab Olivença digressus ad dimidiam copiarum partem circa Valverdè anno præterito excisam, clam inter vepres, saltusque posuit; reliquam longius inde progressus è regione Talaveræ insidiis appposito loco inter latebras statuit, mox quinquaginta circiter equites in propatulo emittit, qui populantium, atque aspernantium facie diffusi obequitando, & propinqua vastando iras, & odia accenderet hostis, eumque tandem paucitatis errore deceptum ad paratas insidias traherent. Insolenter dum igitur illi sub hostium ovili insultantes, & vastitate, & rapinis, & saltatorio quodam orbe lusuque currentes, recurrentesque simul terrere, simul spernere hostes, atque ad pugnam laceßere jactant, indignatus Talaveræ Præfectus eousque sese, ut per errorem credebatur, prædatorum, latronumque caterva illusum, atque contemptum esse quingentos circiter equites in Lusitanorum occursum



occursum ducit. Videt hos Lusitanus equisque laxatis statim habenis in fugam effunditur, mox inhibito cursu, sensimque recedens constitutis adhæret insidiis, speciem ibi manendi simulans, ut cum hoste propinquo congrederetur. Instabant, urgebant interea, ut Lusitanum assequerentur concitatis cursibus Regii, nec calcaria, nec lora animorum conatui sufficiebant. Obstitit tamen temerè euntibus viris, equisque vetus, peritisque militiæ Marinus Bolagni Ducis Legatus, insidias ibi subesse clamitans, quas & temerarius nimis paucorum ad municipium accessus, & præceptum ipsorum fuga, & subdola quoque in loco suspecto mora videbantur arguere, ubi nimis incautum, improvidumque sese interdum præferat hostis, ibi plerumque fraude grassari. Milites verò in Lusitanorum adeo arroganter ostentatam audaciam iræ, ultionisque ardore provecti, ideoque monitibus surdi, effuso temerè cursu in latentes insidias incidunt; eas nihilominus tunc detexere, cum, & si effugere omnino pugnam non poterant, haud facile poterant etiam ab hostibus circumcui. Quippe ipsi equorum velocitate confisi jam inire, jam declinare certamen, modò frontem pulsare, modò lateri incurrere; sparsi, soluti, aliquando contracti hostem sæpè petentes, sæpè ludificantes duas circiter horas versatile prælium sustinuerunt. Eorum postremò sociorum accessione, qui ab alio remoto insidiarum confluerant loco latius Melus extendens aciem, simul per ordines equites distributos, longiorique circuitu ductos velitantes complexi, & claudere Regios præcipiens, tum demum illos circumfusa multitudo obruit. Cæsi ad quinquaginta sunt, octo, & quadraginta milites capti, cæteri fuga sibi consulerunt; Nuncium priusquam hic conflictus inciperet Marinus miserat Turrecusio, qui viarum, ut monitus erat,

insidias, cæcum militum impetum, cruenti fœdique successus omen prædiceret Turrecusio, quàm celerrima idcirco ferenda subsidia peteret. Quod cum Dux accepisset, majus statim belli tormentum expeditionis videlicet signum displodi jubet, equo ipse raptim ascenso, arreptaque manu lancea obire stationes hospitia, acuire promptos, segnes excire milites, denique Molingenum cum majori equitatus parte dimittit, & legionem unam Valverdem versus progredi jubet, ut ubi res postularet, cum equitibus se conjungeret, viginti etiam exploratores equites diversos excurrere jubet, qui hostis consilium, & iter noscerent, nunciarentque. His rebus, ut ratio cogebat maturè provisus, Molingenus jam de hostis itinere, ac loco certus eò festinus, & alacer ducit, illique cum equestribus copiis ad Anæ ripam occurrit, ubi tunc propugnaculi specie in hunc modum moletrinam occupaverat. Infederant ejus apicem sclopetarii, alii pedites interjecti, abscissa, atque edita ejusdem situs naturalia munimenta tenebant, in vasta planitie equites collocatos pugnae apparatus instruxerat, ad amnis, vadique ulterioris custodiam, liber ut inde sibi transitus esset, atque hostibus interclusus, ultima stabat acies. Hæc Molingenus cum advenisset, intuitus in agmina decem suorum equitum turmas distribuit, sex in fronte locat, cætera pro subsidiis. Dextrum Dux Gomezius Rocca tuebatur, Alfonso Cabrera sinistram, ipse mediam tenebat aciem. Porro equestre ita prælium commissum est, nondum enim, quæ expectabatur, Castellensis acceperat legio, & Lusitanus tutiorem se pedes in sublimi, abruptoque moletrinae ratus, maluit ibi discriminis expers, quàm in plano cum equite in laboris, periculique societate versari, nisi veriùs ita se postea dividendo, faciliùs copias

pias affligerit. Propitium Regiis equestre certamen fuit, quanquam Franciscus Melus ubique sollicitus, impiger mortisque planè contemptor ubi res fociis magis adversa caleret, suis equitibus intermissus, dum alios hortatur, & orat, nonnullos etiam aversos ira commotus obtruncat modò cum suis cogeretur, modò cum hostibus conferere manus. Ita equitibus profligatis, supererant pedites, qui moletrinae laxa, jugumque tenebant, quique ad amnis, transitusque custodiam ultra ripam confederant. Ad hos expugnandos plerique Ducum opus esse censebant subsidia peditum expectari, quos firma, & integra legione jam ex propinquo adventare delatum erat, inaccessus enim, & asper equitibus locus, ac defensoribus opportunus, inanem, aut nimis fortasse cruentum Castellensibus fore conflictum significabat, nec illa sanè pro legione interposita mora aliis crepidini harentibus hostibus, aliis flumine incisis, reliquis fugatis jam, sive caesis, posse rei summæ tunc videbatur officere. Cæterùm Molingenius cunctationis impatiens, & æquiora omnia fore victoribus putans, trajicere flumen milites jubet, & vadi, marginisque custodem Lusitanum invadere; tum & aliquas equitum turmas procul inde circumflectentes incios excipere Lusitanos, aut duplici pugna distractos, atque constrictos facilius atterere. Haud parum profectò laboris pro vestigando vado consumptum à Castellensibus est, cum primò plures id frustra tentassent altis gurgitibus territi, & alios audaciores iidem vortices obruissent. Dum ita simul cum hoste, simul cum fluctibus colluctantur, multosque transversos fluminis impetus agit; tortuosis & alii per aquam flexibus revolvuntur, prior è vado tandem reperto agminis equitum Ductor emerfit Jacobus Mazacanus genere Italus, qui licet in

loco pro gradu instabili, atque undis influentibus lubrico periculosius propè marginem urgeretur, strenuè tamen pugnando oppugnatam ripam obtinuit. Hoc viso confestim Lusitani pedites conglobantur, acriusque viribus incumbentes juxta ripam redintegrant pugnam; Mazacanus contra perpaucis protectus equitibus, & hostibus circumfusus pedes diutius jam equo suffosso certando sterit, donec brachium dextrum gravi, & acerbo vulnere afflictum destituit pugnantem, & nihilominus exigua militum manu hinc inter undas, & armis supra vadum objectos, hinc marginem hostes fortiter obsidentes severitate vultus, atque horrore quodam verborum cum dextra inutilis esset tantisper sustinuit quoad reliquæ copiae supervenirent, captaeque jam ripæ possessio Castellensibus cederet. Porro tunc Lusitani passim per equites circumventi alii ferro, alii gurgitibus hauriuntur, plures pedum pernicitas juvit, multis quoque inter tumultum, & fugam equorum impetu obtritis, aut trajiciendi inter fluminis moram oppressis. Sic igitur amnis hostisque impedimento sublato, constrataque cadibus via, quod denique unum ad plenæ victoriæ lauream restabat, ad Moletrinam Molingenius cum equitibus convolat. Nihil tum quidem opis, speique humanæ reliquum erat hostibus, primo equite, mox pedite pulso, caesoque & pedestre simul iter, amnemque cum armis, & copiis Molingenio prorsus intercludente. Misit itaque Molingenius, qui necessariam, & citam illis deditionem denunciaret, nisi omnes cruciatus, & contumelias infligi pertinacibus solitas perpeti vellent. Illi primò feroces deditionem abnuere loci altitudine, atque insolentia freti, qui impervius, ac durus solis equitibus videbatur; sed ubi iratus Dux Castellensis, quingentos in pedes defilire equites jubet, iidemque sclopis,



sclopiis, & majoribus hastis quæ abstulerant victis armati acrius sursum eniti, & circumire jugum, & fragosa, ac prærupta certatim subire caperunt, Lusitanis partim humi subinde stratis, partim in præceps versis, aut igneas per fistulas hausitis, qui in verticis summo restiterant, extremo periculo, incussisque pavore tandem exanimati. Ducem à Molingenio, quocum dedendi se pacta transigerent, petunt. Hunc illico impetrant, causa tractatur, convenitque postremo res, ut vita tantum incolumes Lusitani, cætera omnia hostis arbitrio relinquerent. Hostium itaque commeatus, & arma, & quæ ornatiores erant corporum indumenta Castellenfis adeptus obscura capita libera mittit, Duces, & homines nobiles secum captivos deducit. Latior hæc quidem victoribus res, quod præter expectationem acciderat, acrioribus quoque stimulis pupugit Ducis, & militum animos, ad jam decretam, ac præparatam Elvi obsidionem suscipiendam; accesserant etiam quæ in hanc expeditionem urgebant, ætiora, atque nova Catholici Regis mandata. Igitur Turrecius tredecim fere peditum millia, ter mille, & quingentos equites cum omni obsidionali apparatu ad urbem Elvum infestus movit.

Iacet urbs edito, eoque molliter affurgenti constructa clivo, mons faxeus & arduus est, nec cuniculorum fossuræ patiens, nec in altum trahendi onera tormentorum. Dux, sicut diximus, tantum huic urbi oppugnandæ patebant viæ, famis videlicet, atque sitis; utramque itaque viam impigrè Turrecius pro re proposita ingressus tum ambitum aggeris latiore nutrimenta ad arcenda designat, tum aquæductum præcidi jubet ex quo in urbem aquæ influebant, & quarum penuria suffossis intus cisternis cives utuntur. Cæterum Turrecium obequitantem, aggerisque latitudinem attentissimè præscri-

bentem terruit initio ferale omen, quippe quem generosæ supra quem infidebat indolis equus exanguis repente corruens Ducem jacentem non sine periculo effudit, nec porro illum stantem, sed cadendo pronum excussum, cuiuscumque momenti illa sit, vatis, observatio distinxerat. Incessit idcirco statim cum rumore suspicio volvi fortasse fortunam Ducis, susceptumque temerè opus per Ducis lapsum, unde cætera pendent, funestum, vel saltem irritum fore portendi. Superstitiosæ tamen rei Turrecius, aut arte sua ancipiti minùs, ut revera decebat, obnoxius, fluentium in urbem aquarum venis abruptis, atque aggere jacto, quæ in rem opus essent, studiosè omnia, ac sollicitè providebat. Tempus interim decurrebat, autumnoque ferè dilapso, cum hyems horrida verteret, crebri effluentes de cælo imbres recenter compactam munitionis materiem solvunt, inchoatumque aggerem lacerant, neque novum etiam coherere terræ fluxæ, atque instabili patiuntur. A crepidinibus quoque fufius collatæ aquæ, perque montium prona currentes, dum in vallum, ac subiecta passim stativa militum irruunt, torrentis in speciem inferius omnia disjiciunt, ac rapiunt, & hinc stagnantes, hinc relabentes aquæ cum munimentis commeatibus, sarcinis jumenta, & homines propè mergunt; eousque propterea mutatis ea tempestate rebus, ut in se ipsis Regiis implicitis, & simul squaloris, metusque plenis, nec habentibus quidquam ubi in sicco languentia sternerent membra pro rerum omnium naufragio, vel effugium ab ira cæli quaerendum esset, quò quidem tempore Lusitanus sedendo, ruinasque spectando hostilis sese dissolventis exercitus per otium poterat bellum conficere; nam præter hucusque jactatos calamitatibus hostes, & ætiora quoque ex hyeme ingruente timentes, uberior

his temporibus etiam aquarum è cœlo demissa copia postquam urbis ci-  
sternas explevit, & sitis obsessis for-  
midinem sustulit, ita & spem etiam  
meliorem abiecit, hac via, quæ cele-  
rior profectò esset premendæ Castel-  
lensibus urbis. Humiditate præterea,  
sitûque inhospito soli, & aëris quo-  
que intemperie nunc æstus, nunc fri-  
gora variantis, corruptis cibariis, &  
corporibus pessimè affectis, latius va-  
gari, intendique in gregarios, in prin-  
cipes milites cæperat morbus conta-  
gio similis æstuans. Quibus quotidie  
ingravescentibus malis, illisque aver-  
tendis cum nec tempus omninò, nec  
locus esset, brevi enervatus, ac fractus  
exercitus est. Postquam ergo intelli-  
git Turrecius locum, tempus, for-  
tunam, cœlum ipsum incæptis obsta-  
re, eoque miseriæ ultimique discrimi-  
nibus ad quæ eadem illum ab initio  
timentem vis altioris imperii compul-  
serat, ventum esse, ut inde citò ab-  
eundum, aut pereundum inter palu-  
des, & stagna esse, vigesima ab ea  
infelici expugnatione luce fama tan-  
dem, ac viribus diminutus Badaco-  
cium cum reliquo exercitu rediit. Ad-  
ulta post hyeme, quæ vacationem mi-  
litæ dabat, quod ejus jampridem in-  
fixum animo hæserat, votum Tur-  
recius exposuit Regi, Hispanorum  
nempe magnatum quos ibi Grandes  
appellant, numero adscribi, amplis-  
simorum enim honorum usu, & re-  
rum gestarum gloria, & claritudine  
generis, & ipsa promissione Catholi-  
ci Regis id optimo jure repetere vide-  
batur. Rex moris sui quanquam ef-  
fet, ad hoc culmen extollere, quos  
idem sua spontè vellet, inconsultò  
Status Senatu, ut scilicet uni tantum-  
modò Regi maximam quisque gra-  
tiam referret acceptam, nunc tamen,  
quia ingratam Turrecusi petitionem  
mente perplexus admiserat, factique  
invidiam, questusque quos indulta,

aut negata merces comparavisset in  
Consiliarios devolvere, in animo ha-  
bebat, ea de re præter morem Senatum  
consultuit. Qui per Regem interrogatus  
hæc, & similia respondit.

Res humanas ex infrequentia, &  
& raritate æstimationis, ac pulchri-  
tudinis petere pretium; rerum co-  
piam, & multitudinem sibi ipsi sem-  
per adversam, & contemptibilem  
fieri. Hinc eximiarum, hinc egre-  
giarum, & singularium rerum ma-  
гна nomina, ac nobiles titulos du-  
ctos esse, tanquam à turba, ac mul-  
titudinis numero segregatos. Gran-  
dis autem Hispaniæ stemma in hac  
provincia clarissimum, & præmio-  
rum ante maximum celebratum pau-  
cis quidem abhinc annis, quod so-  
lito plures vel fraude, vel merito,  
vel jactatione obsoletarum, & in  
obsuro jacentium imaginum eò di-  
gnitatis obrepserint, gloriæ non pa-  
rum, pristinique amisisse splendo-  
ris. Inde quoque sensim Imperium  
ab eo amplitudinis gradu, quo or-  
natiora prius terrarum Orbi osten-  
tare sublimia regni capita consue-  
verat, decessisse; Regemque præ-  
terea ob primas honorum in regno  
vulgaras tum auctoritate, tum suis  
rationibus minui, nobilitatis quip-  
pe ornamentis abjectis, atque pro-  
fusis, facultatem sibi prorsus abscin-  
di, si in aliquo fortè occurrerit exi-  
mium aliquod meritum compenfan-  
di. Huic planè rei esse ante oculos  
documento tam multa Marchio-  
num, Principum, Ducum passim  
Neapoli jacta, & promiscuè diffu-  
sa nomina, adeò obscura nunc ipsa,  
& gregaria, ut in immensum pro-  
pemodum gliscerent, si pari nume-  
ro emptores accederent. At quæ si  
nobilem modò civem qui bene me-  
ritus esset, pulcherrimo Rex ibi ve-  
lit afficere præmio, cum procures  
urbis ea quæ jam numero sordent,



„ ac vilia sunt munera dedignentur, pe-  
 „ cuniaria quidem mercede cogi arariū  
 „ exinanire. Inde & majora quoque,  
 „ cū pecunia Rex egeat, emergere ve-  
 „ stigalia, notas profectō regnōrū cla-  
 „ des, popularium faces tumultuum, re-  
 „ giminis pestes, & quod pessimum est  
 „ in republica malum, decus, quod vir-  
 „ tute paratur, pecunia sapē repensum  
 „ quodammodō pollui. Purpuratorum  
 „ duntaxat Romæ Senatui aliquo pacto  
 „ videri multitudinem non officere, vel  
 „ quia Principum numerus circumscrip-  
 „ tus etiam cum misterio conveniat, vel  
 „ quia singuli eorum fulgore, graduque  
 „ purpuræ immineant tiaræ spei maxi-  
 „ mæ habendæ. Iri tamen inficias mini-  
 „ mē posse, si quos ex sacro eo Collegio  
 „ subduxeris, plus quidē existimationis,  
 „ & gratiæ Augustis Patribus accessurū,  
 „ ut ex arctiori, certoque numero antea  
 „ magnificē Gallia primates, patricios  
 „ suos, quos Pares nuncupat, efferebat.  
 „ Hoc utique oriri ex mortalium opi-  
 „ nione, cujus ex rationis mensura con-  
 „ tingat, hujusmodi honores, ambitio-  
 „ nis colores, & fucos ac titulorum fig-  
 „ menta in sua existimatione, atque ho-  
 „ minū luce jam explicari, jam cōtrahi,  
 „ rei que hujus sedere Magistrum in ter-  
 „ ris, & Judicem populū, qui seu recto,  
 „ seu pravo judicio statuit in hujusmo-  
 „ di rebus pūcitatem, & raritudinē co-  
 „ lere abundātiā despiciere. Regis au-  
 „ tem quem conformare, ac flectere se  
 „ ad populi genium maximē juvat, ideō  
 „ plurimū interesse, ut severiūs, ac par-  
 „ ciūs illa munera tribuat, quorum am-  
 „ plitudo dignitatisque species in sola  
 „ opinione, aut errore versatur, quæ usu  
 „ crebrō vilentia splendores, & præmia  
 „ virtutis obumbrant, quæ superiorum,  
 „ inferiorūmq; discrimina statuūt, quæ  
 „ cumulatius effusa copia, se ipsa, & re-  
 „ giam postremō beneficentiam exhau-  
 „ riunt. Cū Rex præterea Turrecusi  
 „ postulatis indulgeat, cui dubium esse,  
 „ innumeras propē Hispaniæ familias,

„ easque opibus, merito, fama lōgè præ-  
 „ stantiores, id ipsum quod externo tam  
 „ citō remissum esset, postulātes confur-  
 „ recturas? ii si repulsi, inanēsque disces-  
 „ serint, uni tantum collatā gratiam in-  
 „ vidia permultis, & querelarum irrita-  
 „ mento futuram, sin voti cōpotes fue-  
 „ rint, ea quasi turba adventitia, & cu-  
 „ miulo honorum magnos inclytos op-  
 „ pressuros, & ipsos quoque gratiam si-  
 „ bimet populariter imminutā, ac penē  
 „ frivolum accepturos fuisse. Cæterum  
 „ hæc in communi pro supremæ digni-  
 „ tatis splendore cultūque tuendo com-  
 „ memorata. Esse insuper aliquid pro-  
 „ priū, quod in Turrecusi persona rei-  
 „ publicæ utilitatem, & arcana præcipuē  
 „ regiminis spectet, externū esse scilicet  
 „ illum, & maximē Italum, eaque ortum  
 „ in regione, quæ armorū olim terrore  
 „ suppressa, ac fera catena restricta, ea,  
 „ quæ ipsa dederat quondam Hispanis,  
 „ nunc jura ab illis accipiat. Convenire  
 „ propterea bello devictos, externisque  
 „ per arma parere coactos, præferim, si  
 „ erectioris illi virtutis, & animi, ut Itali,  
 „ sint, & gloriam imperii cum servitute  
 „ mutassent, non studio, nec illecebra  
 „ beneficii, sed vinculo metus, visque  
 „ illis applicitæ clavis, tum etiam indu-  
 „ stria, omniūque artium propē acu-  
 „ mine emuncto coerceri, affectamque  
 „ colere fidem subigi; ubi cum opibus  
 „ quemquam, clarisque titulis nimis or-  
 „ naveris, in elato eodem homine Du-  
 „ cem, & velut populo caput indigitari,  
 „ cui sit omnino se commissura acriūs  
 „ interdū alieno jugo reluctans, & mo-  
 „ tibus cōcita multitudo. Veram idcir-  
 „ cō rationē videri alienigenis, subactis-  
 „ que nationibus dominandi non armis  
 „ eas exercere, nec bellica disciplina, sed  
 „ otii dulcedine, & voluptatis, insidio-  
 „ sæque pacis amore pellicere, iras, discor-  
 „ dias, lites clariores inter familias fere-  
 „ re, scindere mutuis inter se odiis nobi-  
 „ litatē, & plebē, in eodem regno, si fieri  
 „ posset, civitatē cum, civitate, cū nobili  
 „ nobilem,

„ nobilem , & plebē cum plebe cōmit-  
 „ tere ; ex concordia enim domestica  
 „ otium inquietum, & pro viribus con-  
 „ tumaciam in Principem alienigenam;  
 „ ex discordia autem diffidentiam , ne  
 „ coēant , æquales utrinque metus , ut  
 „ trahere singuli in partes Principē stu-  
 „ deāt , fractas invicem opes, ne in Prin-  
 „ cipem vertāt, oriri. At verò hoc super  
 „ omnia expedire , sedulò æquare scili-  
 „ cet , & quantum per rationes Imperii  
 „ liceat submittere procures, corū clien-  
 „ telas, divitias, immodicas opes, popu-  
 „ li amores, & plausus paulatim, & cau-  
 „ tē tanquam aliud agendo subduce-  
 „ re. Gratia in hunc modum, & poten-  
 „ tiae nervis incisus, factione convulsa, &  
 „ superbix quoque fomentis oblati, de-  
 „ futuras profectòurbationibus causas,  
 „ & moliminibus Duces, quæ in alieni-  
 „ geno dominatu, nec unquam eodem  
 „ sincera benevolentia retento jugiter  
 „ serpunt, & ad tempus, & locum erep-  
 „ tura coquuntur. Nihil planè tunc  
 „ opus esse aliquid simile suspicari de  
 „ Turrecusi spectata jam fide , ac vir-  
 „ tute ; at salutaria , diuturnoque  
 „ probata præcepta Politica usu , quæ  
 „ generatim in medio , excepto nemi-  
 „ ne consulant, rescindere modò velle,  
 „ hoc odiosū maximè Hispanis, & pla-  
 „ gam in causa externorum inflictā ra-  
 „ tioni regiminis fore , præsertim cū  
 „ hominum mores, modò tempus, mo-  
 „ dò fortuna, fortuitus interdum animi,  
 „ aut corporis morbus , quod etiam in  
 „ Turrecusio , ut in quolibet homine  
 „ accidere posset, invertat , constantes  
 „ verò, ac providæ leges rerum, ac tem-  
 „ porum omnium discrimina comple-  
 „ ctantur. Porro autem non adeò rara,  
 „ atque egregia Turrecusi in bello fa-  
 „ cta extitisse, quæ mercedem illi impa-  
 „ rem mererentur plerisque gravē, cun-  
 „ ctis periculosam. Esse eundem bella-  
 „ torem omninò ferocem , & impigrū;  
 „ at non æquè Ducem prudentem, &  
 „ cautū, nec imperatoris æquè artibus,

ac militariibus cultū , cujus temerarios “  
 inter arma conatus , & impetus sæpè “  
 fortuna correxerit. In Lusitano verò “  
 ab eodē hucusque peracta bello nihil “  
 ostendere amplū, nihil profectò exu- “  
 perāti munere dignum. Ambiguā ni- “  
 mirū Monticii victoriam, & tormen- “  
 torū amissione scædatā. Elvi obsidio- “  
 nem illusam, & exitu vacuam; Levia, “  
 & inania cætera prælia , incursumque “  
 cenferi, quæ nec Castellensium auxerint “  
 opes, nec hostium effregerint. Pro his “  
 aliisque dimicando prosperè gestis, sa- “  
 tis adhuc homini pretii , satis honoris “  
 solum esse; si quid fortè novi meriti “  
 accesserit, parem, ac simplicem , non “  
 ancipitē , atque gravem superaddē- “  
 dam mercedem esse. Hispanorū po- “  
 stemò, magnatum auctoritatem, lau- “  
 tiusq; hujus Ordinis ornamentū vul- “  
 gare, promiscuum facere, & per exter- “  
 norum colluvionem ejus prorsus di- “  
 gnitatis culmen atterere; neque Regi, “  
 neque ipsi etiā Turrecusio cōducere. “

Hoc scriptum Senatus consultum ad  
 Regem delatū est. Rex verò quominus  
 Ducem eximium in rerum magnarum  
 cursu , & honore cum majori expecta-  
 tione florentem offenderet, ita Senatus  
 emendavit sententiā, scilicet non illi per-  
 petuam Hispanorum dignitatē magna-  
 tum, & jure sobolis propagandam attri-  
 buens , sed ipsis Turrecusi persona,  
 ejusque primò tantum susceptæ prolis li-  
 mite definitam. Quod ægrè, nimisque  
 molestè sustulit Turrecusi nequaquā  
 eo munere sibi pro merito satisfactum,  
 imò verò contemptum se putans æmu-  
 lorūque maleficio , ac livore dejectū;  
 missionem ergo militiæ à Rege subito  
 petiit, impetravitque. Inde Neapolim  
 rediens in ipso fortunæ prospero cursu,  
 benèque plaudentis honoris , & famæ  
 strepitu raptus est, postquam Cossam in  
 Etruria obsidione Gallorum exemerat,  
 illòque extremo , insignique virtutis  
 opere elcito sui quoque funeris glo-  
 riam auxit.






# DE BELLO LUSITANO LIBRI QUINTI

S U M M A.



**I**URRECUSIUM, ad armorum imperium in Lusitania sequitur Marchio Leganesius. Prævalidum propugnaculum, pontemque inter Elvum & Olivençam, expugnat & excindit. Lusitanorum duo peditum millia, ac totidem ferme equites, partim cedit, partim fugat. Monroium Iurumeniam mittit, sed prædâ inescatus miles frangitur ab oppidanis, & præceps abscedit. Leganesius ad prædas agrorum, exustiones villarum, & vicorum excidia convertitur. Villavitiosam capit ac diripit. Alburquercium in fugam vertit. Orta Romæ contentio inter Oratorem Hispanum Zirolæ Comitem, & Zedofreite Priorem, Lusitana causam Ecclesiæ agentem, universam propemodum Curiam permiscet. Invadunt Hispani milites Priorem, è famulis unum confodiunt, alium lethaliter vulnerant. Innocentius, urbanum Pretorem jubet via juris de crimine inquirere. Ex sententia Purpuratorum, manet Orator congressu Pontificis interdictus donec Sicarios traderet. In Aula Catholica Apostolicus Nuncius petit ut advocetur Comes Zirolensis, quem Rex Legati munere exutum Roma discedere jubet. Mediolani, auro corruptæ Germanorum custodie, Odoardum Bregantii fratrem ab arce dimittere promittunt. Crimini datur Odoardo, quòd fratri, Regis nomen imposuisset. Iudices delegantur à Rege Catholico qui in ea causa ex Majestatis lege procedant. Marori succumbens Odoardus lethali morbo corripitur, & judicum sententiam antevertit. Molingenius, ob præclarè gesta, Marchionis titulo insignitus, militiæ præfecturam administrat. Telenæ propugnaculum à Leganesio extructum, per turpem deditionem Alburquercio traditur. Molingenius hanc infamiam diluturus, Lusitanum ad Anæ transitum cedit, propugnaculumque restaurat. Remissi, aut intermissi potiùs in Lusitania belli, multiplex causa. Carolus Padillia in Regem conjurat. Per insidias & dolos captat Ari benevolentiam. Luteriam mittitur ut pacis inter Gallos & Hispanos negotium urgeat. Rodericus Sylva Dux Ixarensis, acres cum Aro gerit similitates. Per venenum, Bregantium de medio tollendum, Regi proponit Dux. Facinus aversatur Rex. Padillia, suum de conjuratione consilium aperit Ixarensi. Hic fidem Carolo obstringit, sequæ conjurationis principem fore profitetur. In partes adsciscitur Petrus Sylva Vegensis. Series conjurationis. Ioannes Padillia Caroli frater, Vercellensis civitatis Præfectus renunciatur. Carolus fratrem in sceleris societatem adducturus, scribit ei litteras, quæ ad Arum Mantuam Carpetanam remittuntur. Compinguntur in vincula Conjurati. In eos ut reos Majestatis capitale supplicium sancitur. Animo interritus jugulatur.

*jugulatur Carolus. Regis Catholici pietas. Ixara Ducis causa à Iudicibus versatur. Decernitur, ut veritas, per cruciatus exquiratur. Dux ad tormenta sustinenda mirè compositus pergit. Pratoris & tortorum sevitia, & Ducis constantia. Lex, veris- que Castella usus, ut reis inconfessis pro vita indemnitas præstetur. Ixarensis perpetuò carceri mancipatur, & in arce Legionis oclusus, multo ibi post tempore senio, ac valetudine resolutus, interiit. Ioannes Padillia, dum Mediolano, Mantuam Carpe- ranam adducitur, voluntaria per iter inedia, iudicium præverit.*



## BELLI LUSITANI

### LIBER QUINTUS.



ARCHIONEM Turrecu-  
sium ad armorum imperium  
in Lusitania Marchio Lega-  
sius secutus est, miles idem,  
ac Dux egregius, multisque fortibus  
factis illustre militaris gloriæ nomen  
adeptus. Huic miles à Molingenio tra-  
ditur optima Turrecusi exercitus dis-  
ciplina, & curæ tum, onerisque ab  
initio non parum ex restituta militum  
disciplina Leganesio detractum est, cum  
reliquos Duces, ut supra commemora-  
vimus, non minùs vitorum, & mo-  
rum in exercitu illuvies, quæ ut con-  
tages milites ceperat, quam vis hosti-  
lis sollicitos habuisset. Principium au-  
tem militaris facinoris in novo, & re-  
centis animi, veterisque meriti Duce  
hujusmodi fuit. Præclarus juxta Oli-  
vençam vetusque pons erat, ambitio-  
sæ Romanorum magnificentia, super-  
bæque memoriæ vestigium insigne.  
Stabat haud inde procul prævalidum  
prognaculum, cum Lusitano simul præ-  
sidio hujus custodiæ pontis impositum,  
quæ duo jam quasi meatus, ac nexus  
erant, quibus Elvus, & Olivença mis-  
sis utrinque subsidiis, atque in mutua  
rutela, cum res ita posceret, juvaren-  
tur. Propugnaculum hoc expugnare,  
pontemque simul excindere Legane-  
sius in primis intentus cum quinque  
peditum millibus, equitibus verò bis  
mille Badacocio digreditur, & primò  
integram ferme noctem collæ, qui pro-

pugnaculo oppositus erat cum militi-  
bus superando, subvehendisque belli  
tormentis infumit; post ubi illuxit,  
tormentarius mira super jugo disposi-  
tus arte suggestus majores repente cæ-  
pit cum fragore, & ruinis emittere  
pilas. Locus ille sublimis erat, & pi-  
larum jactibus opportunus, infra con-  
trà patentes corporibus defensores, &  
volitantibus undique globis ad miser-  
rimam cædem expositi, cumque ex eo  
militum simul altamque lapidum strā-  
gem displosa tormenta congeminarent  
per laceras tandem murorum compa-  
ges, hominūque fœdè cadentium  
acervos aperuere Castellensibus viam,  
qua propius impetum facerent. Sic  
propugnaculo circumfusi, dum pugna  
clamore, minis, multisque adhaerenti-  
bus scalis ad oculorum etiam ludi-  
brium objectis Lusitanos exterrēt,  
premuntque tanta illi demum confu-  
sione, ac tumultu maloque improvise  
attonitis, metūque torpentibus simi-  
les, sexcenti ferme erant milites statio-  
narii circa solis occasum, cum non ad-  
huc matura res esset, turpem deditio-  
nem fecerunt; traditis tamen armis  
ob Ducis benignitatem omnes inco-  
lumes dimittuntur. Postridiè noctur-  
no jam otio præ diurno labore militi-  
bus dato caduceator à Leganesio his,  
qui pontem infederant ubi & aliud in  
situs custodiam propugnaculum ad-  
erat, missus, qui diceret Lusitanis, ex-  
perta jam Ducis in dedititios clemen-  
tia ne in eodem ipsi discrimine consti-  
tuti ad proprium exitum abuterentur,  
Lusitani ex adverso cum hæc audissent,  
æquiores quanquam in speciem illis  
oblatus



oblatas respuere condiciones, nimum feroces confidere sibi, minas etiam, & probra jacere, tanquam paulò ante, fœdèque præstitæ à fociis deditionis re aliqua insigniter gesta infamiam delere quærentes. Afflaverat illis eo tempore spes, animosque cibariorum, atque militum copia munimentique robur, ac vis, vettura quoque maturè sibi obnixi paulisper hostibus essent, ex propinquo sibi subsidia, vel si citius res inclinasset, ad deditionem per vim sine dedecore cogi, quam turpiter illam ex tempore amplecti malebant. Porro hinc, & inde à Leganesio cohortibus distributis, ac bellatore sclopis, undique hastis, bellique tormentis per vada, per latera, eminus, cominusque, tum ponti, tum munimento simul tuendo præsidarios milites occupatos urgebunt, dum fessos novi, ac recetes Castellenses excipiunt, hostesque numero longe minores, languentes, lassos à Castellensibus nimis adstricti sine requie, sine subsidio unà cum animo vires remittunt, assiduo tandem iidem impetu pressi, fractique cuncta Marchionis arbitrio produnt; quos etiam ut fociis nuper acciderat, relictis tantummodo armis, abire sospites iussit. Duo itaque raptim propugnacula capta dirui, soloque statim æquari præcipit Leganesius, pontemque dirumpi. Et ea munimenta quidem quia nova, recentique fabrefacta materia erant, parvo negotio disiecta sunt, pons verò quia veteri, ac solida erat structura duratus, & firmior, ac ferreis idcirco ictibus inconcussus, postquam inani, asperoque labore dies septem implicitos milites tenuit, ductis postremo cuniculis scissus est. Inter hæc Leganesio nunciant exploratores tabellarium à Bregantio Ulisipponem missum contendere Elvum, & posse facile, quas ferebat, intercipi litteras, quod laxiori tectus ipse custodia lubricum iter pergeret. Dux in ejus occursum continuo equitum alam mittit, qui Lusitanis per iter partim fugatis, partimque caesis, cap-

tivis paucis abstractis, tabellarium, & litteras capiunt. Redduntur hæc litteræ Leganesio, intellectoque per eas, duo peditum millia, ac totidem ferme equites, fera jam victis subsidia militibus, quæ tunc Eboram moverant, adventare, dimidiam peditum partem, & universum pene equitatum ire hostibus obviam jubet. Quadrato itaque agmine, incitatoque cursu Castellensis evecta acies apud Villavitiolum Lusitanam assequitur. Adversis hæc frontibus, atque iniqua statim conferitur pugna. Lusitanus enim tam ipso hostili percussus impetu, quam rei improvisæ terrore jactatus, nec modò satis per tempus ad pugnam instructus, ubi hæsit etiam, infestæ ne omnes adessent copię, cum pars exporrecti, qui intererat collis prospectum adimeret, & ideo congressus, an fuga periculi minus afferret ut in re dubia, & ad salutem potiùs naturæ vi propendente cum vinceret metus effuso post modum cursu dilabatur eques, solos pedites destitutos, & mucronibus proditos, & jam in irritatorum equorum ungulas, jam in adversas cuspides irruentes, mox hostium multitudine circumventos exiguo numero fuga subduxit, reliquos ferè omnes ferrum hostile hausit; inter quos Legatus equitum Lusitanus fortiter pugnans, & alius agminum Ductor confoditur; hostes ad mille, & septingentos caesi, capti propè triginta sunt; signa militaria quatuor adempta; cruore modico ea res Castellensibus cessit. Post hæc Leganesius, cum ex successu mirè animosum, & alacrem aspiceret Castellensem, ut eo opportuno uteretur ardore militum, iussit, Monroium Tribunum militum unà cum legione sub noctis caligine Jurumeniam, tunc munimento fere nudatum oppidum ingredi, ubi quiete, ac silentio subsisteret, donec totius exercitus robur cum ipso Duce superveniret, posse, ita fretus, aut furto interciperè arcem,

aut ingentem abstrahere ex opulento congestam oppido prædam. Monroïus ex Ducis præscripto tenebris tectus in oppidum intrat; at nimium rapinæ prædæque avidus, inquietusque ejus in primis miles offendit. Ea quippe inescatus, captusque immodicè miles, errabundus, cursusque solutus, & vagus protinus caput incautus & ipse per municipii semitas agi; simul impedimentis, & rerum, quas abstulerat hostibus, sarcinis componendis, involvendisque districtus, occupatusque dedit municipibus locum ad arcem propinquam confugiendi, illucque asportandi fortunas suas, prædarum, quæ erant collectarum ab hoste residua. Hinc quoque majora statim excussa tormenta latrocinii cupidine improvidum, fascibusque rerum trahendis implicitum Castellensem eousque fregerunt, ac perturbarunt, ut Monroïus signo receptui confestim dato, inde præceps abcesse-rit, cæde, & cruore satis soluta, quam oppidanis sustulerat, præda. Pulsus vix oppido miles excefferat, cum sicut antea convenerat, accessere cæteræ copiar, quas Leganesius ipse ducebat. Is ubi ditiorem, quàm ornatiorem militem videt ob infortunium frustratæ rei, objur- gatione adeò acerba avaritiam militum castigavit, ut graviore propè tristitia illis turbulenta Ducis oratio fuerit, quàm voluptati congesta præda. Assumptis deinde, quas ipse reprehenderat, copiis, ac reliquis copulatis, ad circumjacentium prædas agrorum, exustiones villarum, & vicorum propinquorum excidia conversus est, ita ratus vel contumelia, ac detrimento irritatum elicere tandem ad pugnam hostem, vel in angusto, vixque sibi ad necessaria alimenta sufficienti regno, eoque ut aliunde veniantur cursu maritimo difficilia, labe- factatum relinquere hostem. Omnia igitur obvia circum infestis obtinentibus armis, & Villavitiosa vetus Bregantii sedes, quod sanè majus tumultuario, ac fortuito illo procursu fuit, eodem

militum impetu capta, direptaque est, oppidanis cum jam hostis irrueret, inter fugam, atque tumultum aliorum aliò tendentium, paucis admodum inter- clusis, plerisque in arcem elapsis. Molienti hæc impigrè Leganesio defertur, ex præsidii, hominibus rusticis, & voluntario quoque milite Lusitanum expletis copiis prohibeturum, ac simul ulturum agrorum, ac segetis vastitatem magno animo, ac numero infestum, justoque decernere prælio paratum appropinquare. Illuc igitur certaminis cupidus Dux Castellensis instauratos rap- tim ordines movet, & hinc Leganesius, hinc Alburquerqueus, acer uterque Dux, circa Villavitiosam prælium inituri consistunt. Utrinque prior equitatus ad conflictum emissus est, spectante quasi, nondum enim frequens ille convenerat, nec planè explicaverat ordines, equestrem pedite pugnam. Quod errore sententiæ lapsus utique fefellisse Alburquercium ostendit. Etenim ejus equi cum usu, numero, genere longè inferiores Castellensibus essent, per eam imminutam, ac flavescentem exercitus partem visus est inconsulto primam jecisse certaminis aleam, quæ facile sibi similem esset totius negotii exitum contractura. Proinde Lusitano equitatu primò impetu perturbato, fustoque, ejusque fuga, ac tumultu, quæ retro non longè substitierant, turmis quoque peditum implicatis, metuque percussis, jam debilitata, ac propè inclinata res Lusitana erat cum ad pedites pervenisset. Tunc Alburquerqueus, ne continua jam fluctuantia, & equitibus destituta, ut videbatur ex copia militum esse facturus, circumiret fortasse hostis patefacta latius acie, cornibusque porrectis, ac subsidio firmatis, in fronte ipse pugnabat, nec aliquid omittebat, quod cohortandis, juven- dis, animandisque militibus in arctiori discrimine, & cura profuturum esse censebat; Verumtamen non pes pediti



pediti par numero erat, non spe, non animo, non fiducia, non viribus comparatis, alterius jam fuso ante oculos equitatu, hisque viribus nunc imminuti, reciprocantemque in se modò fortunæ timentis æstum; integro alterius equite, integro pedite, majori idcirco numero, & animo, equestrisque recentis alacritate victoriæ in conflictum ferociter incumbentis. Ergo ad primam Castellensis impressionem ordinibus dissolutus, ac penè viribus fractus, cum nihil arte, nihil labore proficere posse cerneret se se tandem colligere Lusitanus, retrahere paulatim gradus ad montes, qui à tergo imminebant, ac remissius cedendo per intervalla pugnare, mox acrius impulsus, & in fugam tandem averfus, per collium avia, & obliqua & proximis saltus disiectus est. Hinc Leganesius Badacocium victrices copias reduxit, & postquam strenuum circa Telesnam propugnaculum excitavit, pro sui nominis monumento Leganesium appellatum, idem ad Catalauniam, ubi acrius tunc bellum recrudescibat, cum armorum præfectura translatus est, ibique ampliorem illi materiem, & gloriæ fegetem fortuna, virtusque suppeditarunt.

Sub idem ferè tempus acris, & vario sermone styloque jactata Romæ contentio Zirolæ Comitem Oratorem Hispanum, & Zedoseite Priorem Lusitanæ causam Ecclesiæ ibidem agentem commisit. Ex quo rursus erecta Romæ, incensaque studia partium, & in clariores familias scissa universam propemodum Curiam, eamque novis præsertim suoapte ingenio studentem rebus permiscuere. Rex Catholicus (seu verius ministri ejus, quorum omninò circumactus impulsu, nutuque solo nomine, ac nuda majestatis specie regnabat) tacita ex longo intervallo cura remorsus, quòd Marchio Velezius ejusdem item Orator tumultuariis in urbe Romana armis cum La-

meci Antistite Lusitano congressus, hinc quondam percussus, abjectus, & cum ludibrio victus excesserat, avidusque propterea hujus palam inflicte sibi delendæ Romæ ignominia, arcana inter monita dederat Zirolensi, diligenter curaret simili inusta publicè contumelia vicem reddere Lusitano, & in omnium conspectu notam antiquam diluere; ita tamen, ut incruentus esset assultus, eaque ingenii dexteritate compositus, quâ Lusitanus, & aula supplicii auctorem mente conjicerent, verbis, & strepitu asserere minime possent. Satis ita piaculi ex accepta publicè injuria, & quidquid ex contumelia Velezii nationi, Regique notæ, ac dedecoris accessisset, fore sumptum arbitrabantur Hispani, nec per eam tam solemter, tam cautè agitatam injuriam, & per caliginem pene missam gravius lædendum, aut irritandum esse censebant novum Pontificem Innocentium quem tunc Hispani malis edocti, quæ Urbani nuper extincti in se acerba contulerant odia, vehementer benevolum exoptabant. Res tantummodò fallere Oratoris periculo poterat; tortuoso enim, atque ita dubio Regis mandato, quo sibi ipse in quocumque eventu satis cavere Philippus, eò plus implicari, abjicique periculo videbatur Orator; nam provocata ex composito rixa inter incertos certaminis casus, & lubricos manibus enses Lusitano inferenda citra sanguinem erat injuria; hæc ita quoque præcepto Regis tractari debebat, ut eam Innocentius acerrimi, & valdè sagacis ingenii Princeps vel non intelligeret, vel intellectam dissimulareret, atque ita res tota flueret, ut contumelia sine querela esset, injuria sine ultione, & hostis hosti gratis remitteret noxam, & morosus, acérque Pontifex conniveret; quæ copulatio profectò rerum intellectu difficilis, re difficilior, cum in consilium vocaret casus, nec esset in homi-

nis potestate res tam diversas, tam fortuitas, tam ambiguas simul componere inter eas tricas Politicas hominem volutabat, quarum noverat etiam nec impune si hoc improspere cecidisset, nec facile, si retexere telam vellet, esse se exitum inventurum. Cum tamen urgeret Regis imperium, quod gravioribus quidem laqueis fortasse abnuentem obvolveret, proruptæ quosdam audaciæ cognitos milites rei perpetranda à Mediolano causa Romam accersit. Hos, qui domi adhuc suæ latitaverant, via publica euntem in Lusitanum invadere iussit, eumque extremo, atque inani metu mortis incusso cedere manu, jactare conviciis, verbera, & fustes famulis ejus impingere, ab omnium sanguine tamen, ut Rex præceperat, abstinere. Ab æde Sanctæ Mariæ de populo, Romæ sic nuncupata Zedoseitæ Prior Lusitanus egressus, via celebri, curru vectus abibat, cum Hispani milites circumfusi, vultuque aliquid magnum, & atrox ausuros se præferentes, repente illum aggre-diuntur. Flagris in primis auriga vexato, inhi-bent currum; inde minaciùs, quàm re ipsa facturi erant, in Lusitanum insiliunt, brevique fistula ferri pectori ejus admota, quia ea vacua, & ad terrorem, atque ludibrium duntaxat parata erat, circa ultimum orificium nitrato suscepta ex pulvere flamma tenui sibilo inanis efflavit. Tunc Lusitanus aut ita sibi ob turbata mentis caliginem viso extremo ictu mortis exterritus, aut in semet irruentium, atque jactantium impetu tractus ex curru moribundo similis cecidit. Hæc Lusitani ubi famuli vident tum ultionis, tum heri propriæque jam discrimen conjectæ salutis solliciti, trepidique strictis pugionibus advolant. Idem faciunt Hispani milites, fit pugna inter partes, clamor undique hominum concursusque Hispani, quanquam, ne data frangerent

jussu, innoxios mucrones illibatumque in certamine sanguinem vellent, cum jam passim emicantibus gladiis, & in turba, ac tumultu sese hominibus collidentibus, ita res caluisset, ut dare, aut accipere in illo articulo necem necessitas cogeret, tunc variato metu mortis imperio, Lusitanum quemdam infesta cuspide venientem confodiunt, currus rectorem lethaliter vulnerant, temere alius ad sedandum tumultum in medium illatus casu ictus occubuit; latiusque profecto eo irarum ardore, atque impetu effusa cædes illa manasset, nisi obvii, & quos tumultuatio, clamorque longè, lateque collegerat, interpositi forte cives acrius certamen trahentes majori vi, atque numero diremissent. Jacentem humi Zedoseitæ Priorem, colore exanguem, mente, ac sensibus destitutum, confertis famuli brachiis, in domum suam referunt. Hispani ad Oratoris ædes confugiunt; Inde Neapolim versus quàm citò fugam arripiunt. Erat ea tempestate paulò antè renunciatus summus Pontifex Innocentius hoc nomine Decimus, vir idem justus, & asper ingenio suique propositi tenax mirificè senex, cujus præterea ingenii altitudinem, consilii que retrusas latebras introspicere ne facile quidem intimis ejus familiaribus erat. Is tunc acerbissimè sensit ea manifesta, gravi-que Hispanorum offensione turbari Pontificatus ejus initia, quippe quæ ex aliis ad alia, nisi per metum iretur celeriter obviam, ac nova semper spectaret reipublicæ turbamenta; & quæ ejusdem probandæ quoque constantiæ, atque ad res temperandas ignoti adhuc animi experimento, multis, qui curiosius ingenium, & mores novi Principis explorarent, futura erat. Si fluida præterea, si timida, hæc primò orientis Principatus ejus exordia, si torpore, aut ignavia soluta, casuque labentia perspecta



perspecta fuissent, cum mortalium per tempus, plerumque lassari, ac remitti natura soleat, quæ media deinde, quæ imperii ejus extrema putanda essent? Suas igitur cogitationes, & curas omnes in eo fixerat Innocentius, quod nempe seuerius, aut quod dissolutius in hac causa constituenda deliberasset, reliquarum deinde actionum imaginem, & tamquam omen futuri regiminis, vel ad metum, vel ad contemptum hominibus expressurum. Ad hæc cum ad summi honoris fastigium Hispanorum præcipue afflatu prouectus esset, jure ex eo quoque Pontifex verebatur, ne hujus Hispanus superbus exactor officii velut lege solutionis ea tanquam debita ab illo sibi repeteret, quæ ipsi Pontifici dedecus, majora Hispano publica odia, & merito gratiæ turpitudinem peperissent; & alieno tandem violentoque cogeretur arbitrio res Ecclesiasticas moderari. Accesserat etiam, quod Innocentius antea, & postquam fuerat summus Ecclesiæ Princeps inauguratus, clam fidem obstrinxerat ipse Catholico Regi, se pro pace, & concordia inter Hispanos, Gallósque diuturno bello defessos cum per Augustæ dignitatis apicem licuisset, constanter, ac statim intercessurum. At melius tanti postea perpensa momenti re, seu Hispano jam nihil indigens Innocentius, seu potius ne simul post conspirantium, & opima pace florentium viribus Regum, ipse magis deinceps adigeretur amborum imperio subjici, alienaque pro pace incunda pericula, & turbas domum accire, suffragia, & colores cautè requirere videbatur, quibus fidem exuere honesto quoquo nomine posset. Hæc & similia ex parte Hispanorum producta argumenta ad morosius, ac durius in causa proposita statuendum Pontificem stimulabant. Nec levis quidem ponderis erant, quæ ex Lusitani, Gallique parte ad ultionem causæ Pontificem commovebant, ni-

mirum pastoralis negotii munus, decusque, ostentatio æqualitatis, neutroque inclinantis animi, & à partium contagionibus incorrupti, simul justitiæ studium, tum vincula, carceres, laquei, secures, rotæ, & cætera scelestorum supplicia secundum leges, subsidia nempe regiminis, quæ ubi ratio, tempusque postulat, nequaquam omitti absque reipublicæ interitu possunt. His ancipitibus curis sollicitus Innocentius primò urbanum Prætozem jussit via juris de crimine inquirere, fama communi præsertim innixum, qua sicarios domo Hispani Oratoris egressos, eoque perpetrato flagitio regressos esse constabat. Albernozio deinde, & Cuetæ simul Purpuratis Hispanis, qui Romæ eo tempore agebant, per Segnium secretum ejus cubicularium denunciavit. Satis sibi cognitum esse per quos, & quomodo, & cujus mandato, impulsuque in hominem Lusitanum sacra in eo loco procuratione, fungentem, & fide publica commorantem palam, turpiterque commissus sicariorum assultus fuerit, ex quo ipse, ut in sublimi dignitatis gradu locatus, nec majori injuriæ publicæ parte, nec peculiari sensu doloris carere poterat. Dolere se tamen & gravius, quod ea nempe ipse ab amicis, sibique per plura amicitia pignora obnoxiiis relata videret, & pateretur, quæ perlata, & utilia communibus æmulis forent, ipsum enim inultum ludibria in se ipsum, & nova fomenta scelerum in Christianam rempublicam collaturum; ultum verò, ideoque offensum Hispanis, & odio habitum, novos clientes, novos eo turbulento tempore, & loco quærere amicos, & partes cogi, ne ab utrisque fortè conjunctis, & invisus utrisque destitutus tandem, & solus opprimeretur. Adeò inscietem, ac stultè Oratorem ingratum, suique debiti prorsus immemorem rectè consultum causæ Regis existimasse, dum ultionis

in Lusitanum, & stimulus odii in ejus levi judicio potior, quàm pondus extiterit Pontificis gratiæ. Cardinales autem Hispani, quos rei ordo, & arcenum, & causâ ejus occulta revera latebat, cùm hæc à Segnio audivissent, rem verbis acriter insectantur, inscios se penitus quoque & auctoris, & causâ scelerisque professi, doloris ardorem, sensumque testantur quem ob crimen, & mœrorem ex eo Pontifici incussum concēperant; denique adjiciunt; in eadem sanè tristitia, animique molestia, cùm id accepisset, Regem futurum esse, tum maximè, si ille forsitan comperisset, ad quemquam ministrorum suorum conscientiam sceleris pertinere. Hæc Innocentio per Segnium Cardinales Hispani respondent, & ipsi quidem perspectæ tunc dissidentia, eorumque spretæ in illo negotio operæ tacito quodam aculeo in animo perciti, restrictique quoniam Orator, quem absque dubio facti artificem reputabant, his omninò inconsultis, ac nesciis tantū Romæ facinus suscepisset. Quod planè Oratori haud mediocriter nocuit, illi enim secreti fide, & officio soluti segniùs idcirco causam communem agebant; unde sæpius societas consilii in conscientia contagium, aut periculi, aut excusationis effugium, quàm in rei disciplinam assumitur. Sic Hispanis Cardinalibus monitis, eodem Segnio internuntio subinde Pontifex usus Zirolensis Comiti exposuit, inter illos sicarios, qui contra jus gentium, Sanctæque Sedis auctoritatem in Lusitanum nuper irruerant, viros domesticos ejus ministros sceleris affuisse. Ea se porro indignatione, animique mœrore concussum, quæ eidem conflare summè debebant, & criminis fœditas, & necessitas sibi ultionis imposita, & sui quoque neglecta muneris amplitudo. Cæterum ille intelligeret Romanum Pontificem, quocumque respectu, aut quæsitæ colore causæ,

nihil profectò unquam de integritate justitiæ, de jure Apostolicæ majestatis, & boni regiminis legibus detracturum fuisse, proinde graviter ferre, turpem in hunc modum esse amicitiam ab eo violatam, beneficiorum memoriam spretam, suam mansuetudinem lacestitam. Turbas quærere Zirolensem, at etiam ille videret, quonam modo, ab his quæ ipse in domo aliena excitasset ad ultimum esset turbis, & fluctibus emerſurus. Ad ea Hispanus vertere omnia, & fallacias undique ordiri ad rem eludendam intentus, Audito se Lusitani infortunio, respondit Segnio, pari quoque dolore affectum ut Pontificiæ causæ, animique molestia conjuncto. Pro regiminis, civilisque disciplinæ instituto omninò nescire se, quid propter se insectendum, corrigendumve, aut quid secum deinceps Papæ cavendum, aut providendum fuisset, multoque magis unde, quove pergeret ille in se temerè fusus inanis minarum strepitus, minimèque decere Pontificem maximum vana rumoris aura, vulgarique opinionis errore pertrahi. Cæterum quo fictæ minùs suspiciones, & æmulorum calumniæ præterita inter ipsos officia, & merita eximia labefactarent, sese constanter, & candidè profiteri, hujus participem criminis, quod tot in urbe fabulas excitasset famulorum suorum neminem extitisse. Cùmque his ab Hispano dictis adderet Segnius. Contra Innocentio à Romano Prætorè relatum esse, tunc colore, vultuque varius & plus quidem pallore suffusus Hispanus Orator adjecit. Id certè se ut nequaquã lutulentis moribus ejus, ac reliquo impuro vitæ instituto dissimile de Prætorè facillimè credere. Miserâ planè Oratorum conditionē tribunali, foro, jurisque ditione æneo illo sub cælo carentium, cùm eorum, ac simul Principum decus & fides alieno, ancipitique judicio inter nundinas jurium, & testes, Judicisque venales periclitetur. Vehementer



menter tandem orare, atque obsecrare se, ut unam tantummodò sibi Innocentius seponeret aurem ab æmulorum insectationibus incorruptam. Refert hæc statim Pontifici Segnius, qui nec idè sententiam Pontifex torfit, nec iram abundè collectam imminuit, ut erat enim per longiorem in loco moram Hispanæ aulæ moris, cultusque peritus, ubi ambiguus, nec illatæ cuiquâ manifestus auctor injuriæ, cum palam, ac firmiter factam injuriam negat, eradere notam omninò putantur, & contumeliæ avellere aculeum, vel quia ita prudentiam simultatibus inimicam amplecti, quod cautè, honestèque offensionum scaturiginem tollat æquo animo deceat, vel quia satis credatur pœnarum ab illo sumptum, cui sustentare, quod fecerit ratio, vel animus minimè suppetat, idcirco Innocentius contorta Oratoris prætestibus verba neglexit, eam ipse quoque excusationem, ut commentitiam, & futilem Lusitanos, Gallosque dedignaturos existimans, néve etiam ea tolerantia quidam quasi permissus insidiosus Romæ pateret Oratoribus aditus, quo armorum inter licentiam, ratasque criminum latebras iras, & odia coram Pontifice satiarent. Itaque fixus in primò suscepta sententia Pontifex omninò ad vindictam flagrabat. Cæterùm Hispanus Orator postquam se ipse intellexit, ut admissi adversus Lusitanum facinoris conscius per convivia, per circulos passim, per ora vulgi, Curiaque primorum, constanti, latòque rumore ferri, partiùmque quærelas in ipsum acerbis, & minas tumidas fundi, metum ut abderet, sparsosque simul rumores eluderet, solito magis in illis diebus Cardinales publicè invisere, obire vias urbis frequentiores, amœniora aliquando diverticula quærere: ab omni se cura solutum, & animo vacuum consultò jactabat, tanquam infontem, nihilque sibi ex conscii judicii scrupulo metuentem;

neque aucto etiam per hoc famulitia, neque extraneis ad corporis custodiam, aut adium limites accersitis. Biduò antè tamen, quàm assueto Oratorum cum Papa colloquio præstituta rediret dies, cum vereretur Hispanus, ne ab Innocentio rejiceretur, & præoccupare propterea vellet præclusi fortassè aditus ignominiam, domi se tenui corporis ægritudinem simulans, misitque iē constituta ad Pontificem maximum Hispanum quemdam Regis procuratorem, qui, & ejus absentiam morbi impedimento excusaret, & qui primus quoque iræ, minisque calentis Pontificis impetum frangeret. Verùm neque à Pontifice, neque à Cardinali etiam Pamphilio, & si per triduum enixiùs urgeret, ille impetrare aditum potuit. Falsò tunc arbitratus Orator levem auctorem à Pontifice sperni, néve ille fortassè crederet, ipsum ut fontem facti pudore, stimulisque conscientia retractum sacro sua sponte carere Palatio velle, & Pontificium aspectum fugere, coram, & ipse tandem audiri à Pontifice postular; at planè rejicitur, insuper tunc intellecto novas irarum immissas Pontificio pectori flammis, quia Romanus quidam delator, cujus generis hominum affluit semper in urbe numerus, in Oratoris domus vestibulo à famulis ejus deprehensus saucius ab illis, multisque verberibus ictus excesserit, inde aliud ex alio quasi perpetuò scelus innecti Innocentium acerrimè questum, & se implacabilem ostentare. Movit ea res audita Comitem Zirolensem per Cardinalem Albernozium secretò monere Pontificem, quod notus ille explorator, triplici, ac vario unà ipsa die mentitus personam habitu, dum impudentiùs secreta domestica rimaretur à famulis ejus inspectus esset. Attamen ita cognitum, ita notatum stantem ad ostium humaniter primò dimissum esse, hunc procaciter obstinisse, iterum monitum, ut abiret, ro-

gatum iterum esse; ut precibus, ita minis exploratorem obduruisse; pertinaciùs denique hærentem, levius quidem quàm meritis esset, percussum fuisse: ab ipso Comite tamen in eundem qui adeò protervum ceciderat hominem, famulum, quanquam & meritò videretur ab injuria prohibenda commotus, ut hoc daret Pontificis gratiæ, severissimè animadversum. Idipsum Orator Cardinali Pamphilio per secretos codicillos significat, addens præterea semel ab ipso Oratore patrum ejus rogatum esse, ut tot inter invidos, & fallaces obtrectatores puram, & integram sibi alteram tantum servaret aurem, nunc idem se rursus, & cum majori fiducia orare, ut tantæ auctoritatis, & gratiæ apud Pontificem usum deprecatore. Pamphilius has litteras accipit, lætas communicat patruo, & ab eodem edoctus nec voce, nec scripto Oratori quidquam respondet, illas ut vanas, ex mente patruï, artibusque confictas à pleno rimarum homine aspiciens. Itaque Hispanus recentis cùm iræ vim tempore esse frangendam, & leniendam etiam illecebris duceret, breves negotio interponit inducias, postque dies aliquos interjectos iterum facultatem exposcit Pontificem adeundi, multa per id temporis, atque gravia ex dilato colloquio intermissa, alia implicata, alia omninò corrupta Regis negotia causatus, questusque. Sed quavis id iterum, atque iterum ardentè urgendo repeteret, prætextis, fictisque quibusdam primò responsis Orator eluditur, palam deinde, atque planè, detracta larva, à Pontificio limine arcetur. His ita rebus utrinque per artes aulicas constitutis, cùm satis jam Innocentius exulcerati per animi, & iram altius condētis indicia inhiare supplicio ostēdisset, nec prodesse ullo pacto Oratori quos cavillorum ipse circuitus, inventionēque, ut resiliaret crimen, aggererat, simul cùm ejus tumorem, & factum

quà ejusdem precum ludibrio, quàm minarum contemptu, aut inde orto pudore, aut timore, aut errore noto fiduciæ, sensuque haud minùs acerbo nequaquam ex voto successæ rei aliquomodo contusum, atque compressum arbitraretur, premere tunc aptiùs in causa Pontifex ratus, eidem Hispano Oratori per Segnium iterum missum indici jubet. Jactari passim in urbe voces, & populariter credi, contumeliam nempe, & injuriam contra jus gentium Lusitano publicè inflictam Oratoris mandato conflata esse. Nolle se tamen & si secus plurimi dicerent, arguerentque causam prolixius excutere, imò verò de tantæ prudentiæ, religionisque viro malle mitius quàm secus quod in dubium, suspicionemque cadere posset interpretari, quod unum tantummodò jure sibi propè imminuto respectui Regis, gratiæ Legati, suæ quoque erga Hispanos benevolentiae concedere licuisset. Caterùm cùm rata, atque certa Prætoris inquisitione constiterit, ab ædibus ejus erupisse sicarios, eoque è vestigio confecta cæde reverbos esse, culpæ duntaxat reos manifestos, eosque nefarios homines, totiusque reipublicæ pestes ad eorum scelera puniendi sibi, ut legitimo vindici ab ipso tradi petebat. Hic sensit Hispanus suis ipsum artibus à Pontifice peti, ille siquidem specie indulgentiæ, collatæque nomine gratiæ velle ab Hispano id videbatur exigere, quo nihil asperius, ac durius, quanquam vi, & impetu usus fuisset, à soluto jam legibus Oratore unquam elicere potuisset. Hic tamen arte compositus ictus cùm Oratori haud repentinus incideret, hoc meditato responso occurrit. Non minùs quidem ad propriam existimationem, & officii ac nominis majestatem, quàm ad Regis, ejusque Legati gratiam pertinuisse, quod in Lusitani casus judicio, dissipatōque latius rumore, minimè fuerit, ut de-

cuit,



cuit, Pontifex vulgus errore, ac levitate lapsus. Verisimile porro esse aut Hispanos, aut cujusque generis homines, omnium velut asylo cum Orationum limina pateant, dirempto cum Lusitano jurgio domum suam convolasse, atque inde protinus aufugisse, jure presentientes, ut Innocentio flagitii turpitudine invisos eosdem in domo Oratoris neque diu, neque impunè futuros fuisse, ut Pontifici tamen obsequeretur, accuratè, statimque se si qua fortè domi suæ reorum vestigia essent exploraturum, & rationem subinde Pontifici redditurum. His ab Hispano dictis addidit Segnius, se quoque à Pontifice jussum ut certiores Zirolensem Comitè faceret, ne dum illi interclusum sed desperatum etiam omninò fore ad eundem Pontificem aditum; nisi prius criminosos homines dederet. Tunc Hispanus improviso eo jaculo ictus, quod tanta fiducia, orisque libertate contortum ob jactationem, ac strepitum Hispanorù in Urbe opum re vera non expectabat primùm hæere, rubere, torquere se agrè, quæ in ore, oculisque eminebat, & si vellet, irarum cum suppressere flammam posset, spiritu tandem, ac voce recepta; Distorta quidem hæc, inquit, & præpostera modò argumentatio est, me ipsum enim in Lusitanum commisso sceleri affinem ante comperiat oportet Pontifex, quàm hujusmodi minitari, aut repetere pœnas liceat. Atqui in facinore etiam deprehensum resperſaque sanguine manu, stratumque super hominem insultantem quid ultra furere Pontifex in Catholici Regis Legatum valeat? Duorum nihilominus mandatorum alteri statim obediam, alterum non curabo. Hoc cum responso Segnio dimisso, magnòque subinde in speciem tumultu, sonitùque lustrata domo, postquam Orator Cardinales Hispanos consuluit, de eorum quoque sententia in hunc modum rescripsit Segnio.

Ædes suas circumspectas, famulos omnes severo examine excussos, loca omnia revisa, ac penitus explorata, nec ullum ibi apparere latentium reorum indicium. Avere præterea se, suisque arbitrii, jurisque fore ad rem oculis explorandam easdem in ædes Romanos milites introducere. Hoc autem ut grave, & immunitati Regis adversum, ejusque jus majestatis imminuens annuere fas ipsi non esse, nisi omnibus antea consultis, concordibusque, qui Italiæ rebus præessent, Hispanicis ministris. Orare se tandem, & obsecrare Pontificem ne suetos diutius cum ipso prolatando congressus Regis negotia, quàm agni momenti pendebant, omninò labefactiret. Hujus sententiæ jussu Oratoris traditas litteras noluit accipere Segnius, eo se prorsus defunctum officio dictitans, cum eundem jam Pontifex in sacri Palatii œconomum provexisset. Sed re vera ab Innocentio prohibitus causam fortè, aut ex composito oblatam ad consilium inflexit, quod aliis quoque districtè imperatum aulicis fuerat, ut quoquo pacto seu voce, seu scripto, per se, vel per alios accessus, & usus ad Papam Hispano præcluderetur. Orator Hispanus à Segnio rejectus, Cardinalem Panzirolum, tunc Pontificia gratia florentem, adit, rogat illum, ut ore Innocentio eam litterarum sententiam, quam Segnio reddiderat, promat; minas, questusque miscet, quod de falsò crimine interrogatus, aggravatusque cum immeritò esset, & ideo purgare se tetendisset, nihil sibi à Pontifice, nisi iracundè, respondeatur. Panzirolus eodem etiam præcepto, ne se cum Pontifice pro Hispano Oratore interponeret, irretitus ab eo statim explicat se, nihil sibi, respondens, talis negotii, cujus moles maxima esset, à Pontifice injectum. Clanculùm tamen Cardinales Hispanos Panzirolus admonuit, quod frustra se ac cæteros ambiendo, fatigan

fatigandoque Hispanus Orator in Lusitani causa suffugia, ambiguumque adminicula quæreretur; res, & non verba Innocentium desiderare, in cuius se animo penitus fixerat, nec tanquam amico, nec tanquam regio Oratore Zirolensi Comite uti, nisi prius maleficii compertos homines restitueret.

His rebus ita confectis, electum deinde Purpuratorum Senatum Pontifex vocat, illum videlicet, qui à partibus segregatus, & integer de gravioribus Ecclesiæ Catholicæ rebus solet rogatus sententiam dicere. Ibi primò Innocentius contra Lusitanum Romæ fide publica agentem sceleris turpitudinem, execrabile exemplum, conculcatam summi Pontificis dignitatem, populi offensiones, externorum ludibria, contentiones, æmulationes, discordias ubique, iras, & odia civilia, promptum, & strenuum nisi statim remedium adhibeatur, perpetuò in urbem ebullitura, acrius in causam invec-tus amplificat; narrat deinde Hispano se Regi per litteras inculcasse, is nisi hoc nomine ab Roma protinùs revocatum arroganter Oratorem exigeret, ibi forsitan permanfurum, sed à Pontificio colloquio semper exclusum, ante oculos æmulorum abjectum, otioque marcentem, & ignominia. Post hæc redditas sibi à Neapolitano Prorege litteras verecundas, officiosas, obsequio plenas, & pondere, quibus constanter profitebatur conscientia in Lusitanum admissi criminis, nec ullo pacto esse Regem, nec ejus Oratorem obnoxium, rei-que hujusmodi fidem, onusque testationis assumptum jure jurando quoque cum id Pontifici placuisset, sancire Proregem paratum esse. Cum igitur propter audientia dilationem acerbè queratur, ac doleat Hispanus, in communem nempe perniciem jactari quoque negotia Regis, hinc & temerè exactum à ministro supplicium in caput etiam relabi ejusdem Regis innoxii,

cumque spectatæ simul virtutis, gradusque amplissimi Prorex, & locuples ipse testis, ad veritatis lucem juramenti religione velle in causa intercedere spondeat, sciscitari modò Pontificem, an pristinae gratia, & splendori per hac illata, utcumque sint argumenta, suspensisque jam Legationis officio Zirolensem reddere Comitem deceat. Non erat profectò animus Innocentio ob Cardinalium suffragia, ea de sententia, quæ ipsi jampridem mente confederat, demere quidquam, vel addere, at hæsitantis in speciem pterentare Senatum, ut ita exploraret, quæ singulis mens, quæ vis ingenii, quæ præcipua inclinatio in illo negotio esset, & quis eorum Pontificio decori potius, & gratia quam propria utilitati serviret, si verò etiam consensus Purpuratorum procerum accessisset, eò popularibus ratam cohonestare sententiam posse. Hujusmodi mente consulti Patres, cum urgeret præsentia Principis, quæ sæpè transversos calculos agit, illisque, ne suspicacis, ac rigidi senis in se fortassè volverent iras, ejus arbitrio potius quam causæ & officio studendi cum sollicitior pungeret cura, sententiam tandem tulerunt, ut, etiam Proregis testimonio neglecto, maneret Orator congressu Pontificis interdictus, donec sicarios traderet. Unus tantummodò Panzirolus seu Hispanorum promissis inflatus, seu Pontificia gratia firmitudine fretus, his fundamentis innixus communi Cardinalium decreto obstitt. (Oratorem Hispanum in gravi-  
viori negotio, quod ratione hucus-  
que discussum fuisset, æmulorum  
duntaxat moribus, vulgisque rumo-  
ribus peti, quorum lubrica fide, im-  
petuque viros Principes raptos mo-  
menti quidquam statuere tum iniquum,  
tum indecorum videri, ac reipubli-  
cæ dissentaneum; Eò quoque profectò majorem hic habere commune  
vim argumentum, quod varia sem-



„per, incertaque fama virum nunc  
 „Principem laderet, nec sui quidem  
 „juris, nec Pontificis etiam cum à Rege  
 „planè dependeat, ad quem jurè pre-  
 „mendum in causa nervosae sanè pro-  
 „bationes, & clariora undique indicia  
 „requiri, quæ hucusque in iudicio  
 „non occurrebant, cum Prætor Ro-  
 „manus nihil aliud in præscripta pau-  
 „lò ante acta retulerit, quàm peracta  
 „cæde sicarios redeuntes, à testibus  
 „multis in Oratoris ædes conspectos  
 „esse, quod planè cur evenire non po-  
 „tuisse ad asyllum, tutumque recep-  
 „tum more suo nefariis hominibus  
 „properantibus, ut in templum, ut lo-  
 „ca immunia, ut in latebras alias quas  
 „vitæ discrimen, & fuga supplicii no-  
 „centibus subjicit; nonnulla his addi-  
 „ex adjunctis deducta argumenta, quæ  
 „Hispani Oratoris defensionem, &  
 „causam aliquo modo debilitent, non  
 „autem omninò frangant; & seriùs  
 „postremò his actis judiciariis excussis,  
 „adhuc in obscuro, magnarumque dif-  
 „ficultatum æstu versari, quod modo  
 „queritur, crimen; cætera aut passim  
 „ex triviis collecta esse, aut inferere  
 „stultos, aut inimicos affingere. Præ-  
 „tereà, & si magis, quàm per se valeat  
 „nunc exorta suspicio urgeat, quid ju-  
 „ris gentium, quid publicæ fidei vio-  
 „lationem in hoc proposito crimine  
 „obtendi, cum ea pro Lusitanæ Re-  
 „ge, qui hætenus Romæ non extat,  
 „rejecta sit; ratio verò Lusitanarum  
 „Ecclesiarum, quam hic in Curia tra-  
 „ctare dicitur, jure quoque procurato-  
 „rio soli Pontifici addicta sit? Ad hæc  
 „quanquam re ipsa sceleri obnoxius  
 „Hispanus, & publicæ fidei corruptor  
 „fuerit, id tamen patere primò liqui-  
 „diùs, prudenter deinde, satisque cau-  
 „tè opus esse Judicibus de inferenda  
 „Oratori pœna statuere, ut in crimine,  
 „& causa cum potentissimo Rege, qui,  
 „& Iudicium, & Iudices simul, & acta,  
 „legèsq; raptare, ac pervertere possit,

conjuncta. Quod si denique oblata  
 „à Neapolitano Prorege jure jurandi  
 „pro scelere cautio, & pondere asser-  
 „tionis, & Principis dignitate, atque  
 „amplitudine expensa de industria,  
 „aut simpliciter acceptetur, profectò  
 „quidquid auctoritati Pontificis notæ,  
 „quidquid irarum Lusitanis, Gallisque  
 „tristis ille conferre successus quoquo  
 „modo propositus valuisset, expia-  
 „tum, erasum, omninò extinctum exi-  
 „stimandum esse, haud secus ac planè  
 „laudandum, & extollendum, quod  
 „partium concordia, regiminis decus,  
 „turbarum omnium oppressio ex pru-  
 „denti, mitique remedio fuerint per  
 „summum Pontificem constituta. Hæc  
 „Panzirulus Cardinalis locutus, eorum,  
 „qui contra fenserant, quod illi invide-  
 „rent Pontificis gratiam, & eam per oc-  
 „casionem minuere desiderarent, cor-  
 „roboratis denuò sententiis, ea copia  
 „verborum, & vi argumentorum obrui-  
 „tur, ut inconcussa, atque stabilis quæ  
 „ab Oratorio munere, Pontificisque  
 „colloquio seclusum teneri Romæ Ziro-  
 „lensem decreverat, quoad ipse sica-  
 „rios, aut Rex Catholicus per episto-  
 „las monitus responsum Pontifici red-  
 „didisset.

Hæc in aula Romana, in aula verò  
 Catholica Apostolicus Nuntius Ponti-  
 ficiis mandatis acceptis protinùs Re-  
 gem adit; Lusitano, ipsique Pontifici  
 potius inustam per Oratorem injuriam  
 exponit; acta simul exhibet Regi, quæ  
 Romæ Prætor à Pontifice jussus confe-  
 cerat, crimen & plus quàm suspectum  
 auctorem criminis aggravantia; Inno-  
 centii prætereà litteras, quæ optionis  
 genere quodam adstrictum premebant  
 Regem, vel ultro ipse scilicet Roma  
 advocatum Comitem Zirolensem, vel  
 ibi vacuum officio, torpentem otio,  
 nec sine nota, ac dedecore velleret, &  
 alio se Romæ, vel nullo Oratore His-  
 panico usurum; mediam viam nullam  
 esse. His planius ore etiam Nuntius  
 jussu

jussu Pontificis addidit, in illo cum Rege vertente negotio, prout satisfieri sibi petebat, cum Principis jus sustinentis, tum elegantis amici personam summum Pontificem gerere; nisi enim latenter, & cautè cum ipso Rege Innocentius amicitiae coleret leges, eandem & ipsi fortasse molestam Regi, inutilem certè futuram fuisse. Proinde vulgatam ubique sibi, & Gallis, & Lusitanis publicè inflictam per Oratorem injuriam, si gratiâ Hispanorum destitisset Pontifex persequi, cum proniorem ex inde in illos animum declarasset, indormientes eo tempore fortè rei hujus infcitiae partes ad alia ipsa luce molimina excitaturum fuisse, eaque utilia maxime Hispanis consilia dissipaturum, quæ simulatione interpositâ stare Regi Catholico possent, eadem sublata ruere; quò enim graviori plerumque officere detrimento inimicus occultus valet, pari etiam emolumento inter partium litigia proficere velatum amicum posse. In hunc modum callidus senex praeservidam ultionem à Regis commodo mutuatur. Rex verò, ut moris sui erat, cum incerto responso, Apostolico Nuntio dimisso, integram rem ad Statum Senatum refert. Tres, & diversae ea ibi de causa prolatae sententiae sunt. Prima de suo munere, & loco, quem tunc obtinebat, Oratore non exturbando, quod enim ille severius in Lusitanum apud aulam Romanam egisset, ab eodem primò Senatu consultum esse asseribat, à Rege postea decretum, & Oratori imperatum; Regis autem fide, & justitia, illiusque splendore, ac dignitate confessus indignum profectò videri, ministrum solvere poenas, quia Regi paruerit, quia rebellem multaverit, quia suo tandem functus officio fuerit, quod perinde fuisset, ac hostium arbitrio, & libidini prodere amici, benèque de Rege meriti hominis innocentiam, ac segnior etiam imposterum alios in suo mu-

nere proceres reddere, ubi odium pro gratia, supplicium pro præmio tribuitur. Ab hoc abhorre quoque consilio tum æquitatem, & vinculum fidei, tum vetus Hispaniae institutum, quod ut sapientissimè constitutum in tam optima causa rescindi non oportere. Usu enim percubuisse ad gentis, Regisque simul exultationem, decusque palam tuendum, cum in gente dominatrice unius etiam hominis odio propter invidiam, & Princeps, & natio tota à maledicis laceretur, sæpè tegere, sæpè lenire in ministerio sublime positi prava quoque ministri facta, ne dum ea, qualia tunc Zirolensis essent, rectè facta defendere, atque obedientiae studio conjuncta. Nihil novi praterea in consilium afferre ingentem illam effusam, ac notioem Pontificis iram, priusquam enim hac Romae imposita contumelia ab ipso Senatu in Lusitanum decerneretur, jam ex inde Innocentii indignatione, minisque prævisis, & consilio quoque discussis, id nihilominus fieri consultoribus visum esse, quia perduellis contusio, & exemplum supplicii, & majestas Imperii in hac causa praeponderaret. Altera media sententia fuit, videlicet non tam citò, nec à Rege decretæ castigationis in speciem ab urbe Roma Oratorem abducere, sed cum aliqua mora, opportunisque temporis intervallo, per quasitam, sive oblatam fortasse causam, vel tanquam Pontificis ad fastidium contractæ frontis Orator Hispanus, rictusque molesti senis ulterius impatiens sua ipse sponte petierit commeatum à Rege. Ita enim & iusta Zirolensis indemnitate proposita satis Regi satis Pontifici factum iri, nec in dubium, quibus Hispana præcipuè suspecta sint artificia, vocatum iri, an ministrum iniquè primum ad facinus actum, iniquius post Princeps in facinore implicium deseruerit. Tertia verò sententia, quæ à Curia Romana Oratorem statim pellendum in gratiam Pontificis



Pontificis esse censuerat, evicit. Magna quippe Catholicum Regem tenebat spes, desiderata cum Gallo concordia, quam ab inito Ecclesiæ regimine sedulo procurare promiserat Innocentius, multis jam cladibus fessum, intestinisque defectionibus fractum tandem Imperium reparaturum. Pontifice verò ab Hispanis propter injuriæ satisfactionem averso, Gallisque simul præ ea nimia indulgentia, & in publica injuria tranquillitate, ac modestia vehementer suspicioso, nisi palam pœna procederet, quæ mollire Pontificem posset, fallere Gallos, omnino Rex sibi fore credebat pacis expectationem extinctam. Invetavit etiam apud Hispanos utilis magis quam per se honesta, & secreta quædam opinio, ne dum reipublicæ utilitati, sed decori, & commodo quoque peculiaris personæ, Regiæ esse opibus, famâ, & cruore etiâ, si ita opus esset, bono ministro, clientique litandum, eaque ex longo intervallo jam in Hispania susceptâ lege, sæpè etiam tractata, nec credita ab iis juri prorsus opposita, eo tempore adstrictum teneri Comitem Zirolensem. Ad hæc assultum, & contumeliam in Lusitanum incruentam, & admodum cautam à Rege jussam, sanguine tamen pollutam, atque adeò improvidè constitutam fuisse, ut locum Prætori Romano dederit, Oratoris Hispani nomen, prævalida indicia, confessiones testium in acta publica referendi, in quo videri bis Comitem lapsum, & quod imperii formulam præterierit, & quod turbulenter rem ordinaverit. Utcumque tandem ea res cecidisset; fortuna, seu error judicii in re dubia, aut non dubia ministrum excipiat, non Regem, cujus quidem in manu esset, quæ pro eo quisque passus asperrimè foret, rependere cumulatiùs, & arere cujusquam, dum vellet, aut reflorescere sortem, præcipuè, si aliquid quisquam suo juri, & commodo ademptum in usum Principis contulisset.

Convenit itaque tandem Hispanus Senatus, & subinde Rex jussit, Comitè Zirolensem, ut vulgò jactari facinoris fontem, quia ita Pontifici cordi esset, Legati munere exutū confestim Roma decedere. Regias præterea hujus mandati litteras tradi Apostolico Nuntio, ut eas curaret ad Pontificem mitti; simul Innocentio rescribi, quāto in dolore Rex ipse fuisset, cum ejus audisset ministri licentiam, vel iniquam potiùs fortunam, quæ in fontibus etiam, & frequenter pericula, & crimina fingeret, Pontificisque tristitiam, testemque ibi inclusam ipsique Oratori reddendam statim epistolam dari, qua cum in prima sententia stetit, Pontifici liberum foret Oratorem ab Urbe dimittere. Porro autem in fontem, ut Innocentio placeret, fontem jure punitum Zirolensem Comitem velle Regem. Hos codicillos ubi Innocentius accepit, regiam statim Oratori obsignatam mittit epistolam, nihil rei novæ verbis adjiciens per eam ab Hispania sibi compertæ. Ceterum suspectum illud silentium, & nova, atque ea obliqua reddendi sibi litteras via citò perculit Oratorem, ratusque id quod erat, antequam litteras solveret, vicit, inquit inanis, contortaque ratio imperandi justitiam, & fidem. Equidem, si id ipsum quod hanc contumeliæ modò, ac dedecoris notam subeo, non præstitissem, jam contumaciæ, ac perfidiæ crimine laborarem, sic reluctari, vel exequi Regis imperium, prout vaga, & incerta fortuna luserit, sceleris modò, modò virtutis nomine fingi; lectis deinde Philippi litteris, iisque orationis omnis contextu velut dubio implicatis oraculo, tunc magis ipse succensus, fallacisque Principum circuitiones, & verborum execratus ambages, quàm citissimè potuit, profectionem ab Urbe instituit, præclarum ibi certè relinquens ministris Principum argumentum, scilicet periculosa, aut iniquè data sibi præcepta, vel non accipere, vel casu, aut

ægrè fortassè accepta diutius eadem extracta per indultiam, & moras, aut simulationum anfractus eludere.

1646. Nunc verò Odoardi Portugallii Bregantii germani fratris interitum, qui & rigida illum custodiæ, ac penè rato, quod imminebat, extremo supplicio eripuit, servato temporum ordine tradam. Bregantius, cum alia omnia præterquam libertatem in quo tantum sibi cavebat, læta fratri, ac prospera cupe-  
ret, magnam ad illum pecuniæ trans-mittere vim Mediolanum per mercato-  
res solebat, unde gulæ, luxûsque & aliarum rerum illecebris diuturna cus-  
todia afflictum ille animum alleva-  
ret. Porro jam auro, gemmisque af-  
fluente ex copia, & rerum simul angus-  
tiis Lusitano venit in mentem, si for-  
tè pecunia libertatem redimere potuisset. Nihil tam arduum & permuni-  
tum esse putabat quod non frangere  
posset aurum; illi cumulus hujus erat;  
custos miles externus, ac mercena-  
rius, cui plenior quidem, minûsque  
turpis proditiōis merces futura esset.  
Præfectus arcis, qua Lusitanus con-  
tinebatur non minùs custodum tunc  
videbatur officio, quàm altæ muro-  
rum custodiæ fidere. Ea res igitur  
Taurini primò nec inscio Duce Sabau-  
diæ agitata, post Mediolani tractata,  
& recepta cōsueque tandem plurium  
hominum interventu provecta est, ut  
auro corruptæ Germanorum excubiæ  
promiserint nocte intempesta Odoar-  
dum ab arce dimittere. Cæterum rei  
dum agendæ opportunitas circumspi-  
citur, fortè accidit, ut cuidam Germano  
militi jam temulento, ac sine mente  
loquaci inter vinum, & epulas secre-  
tum efflueret. Re illicò divulgata, in-  
tenditur acrius Odoardo custodia,  
multiplicantur excubiæ, eadēque  
imposterum oculatæ, & variæ per vi-  
ces applicitæ circumstant; simul quia  
secretæ Odoardi pietatis ministrum ta-  
lis negotii pro fuga artificem perhi-

bebant, ideò ille jubetur antiquum di-  
mittere, & alium statim admittere con-  
scientiæ ministrum electum, qui sub-  
ditus esset Catholici Regis, arcis Præ-  
fecti judicio probatus, & singulis  
etiam, quæ sacræ poenitentiae vir exol-  
visset, piaculis commutandus. Alia  
omnia tolerabilia, seu minùs saltem  
acerba, sacri excepta ministri causa,  
inter illas angustias visa sunt Odoar-  
do. Hic enim, vel quia illo sublato  
omnem sibi spem libertatis abscissam,  
vel quod ita crederet potius per sa-  
crorum contemptionem suæ quoque  
inferri conscientiae vim adeò exarsit  
dolorē simul, & ira, ut mirificè huc-  
usque ab eodem servatis temperan-  
tiæ, ac modestiæ frānis abruptis fron-  
te ipse torvus, & ore, oculisque in-  
flammatas ad hæc mandata ferentem  
conversus responderit. Pater meus  
inter Mauros, cum duos circiter an-  
nos captivus in Africa moraretur,  
nec ei irretire conscientiam, nec  
tam squalida & misera fatigare cu-  
stodia barbarorum sustinuit animus.  
Equidem scēdius in hoc carcere vo-  
lutatus, afflictus deterrima quæque  
à Christum proflentibus patior, &  
passurus libenter sum Regis fratris  
amore, familiæ & patriæ quoque de-  
core regio, siquidē alia omnis præclu-  
ditur jam Castellēsis via fratrē Re-  
gem infestandi, hæc nisi innoxia per  
viscera sæviētibus. Incautē utpotē fu-  
ror, & quæ animi agitatio maxima ex-  
presserat, hæc Lusitano prolap̄sa dicta,  
cum ad arcis Præfectū relata essent, ip-  
sum hominem permoverūt, ut ea crimi-  
nosè protinùs inquisita ad Judiciū defer-  
ret, quod scilicet dirum, & tunc execra-  
bile Hispanis Bregantiæ Duci Odoardus  
Regis nomen imposuisset. Erat per id  
temporis mirè quoque sollicitus Præses  
de incerta, ac fallaci tanti viri & auro,  
& insidiis oppugnata passim custodia,  
appetebatq; tot molestas, gravēq; suō-  
que impendētes capiti curas cū ægrè alia



res efficere posset, vel Odoardi supplicium absolvere. Tres igitur quæstiones, hominésque severos in causa constituit. Illi acta de more conficiunt, omnia rimantur, explorant, testes, quibus Odoardus familiariter utebatur, apponunt, & inter alia comperiunt Odoardum lautè cœnantem, cùm pocula in orbem more Germanico ducerentur, streperétque ex largiori cibo potúque sublatu convivantium clamor, plausúsque frequentius Regi, Lusitanæque Regina salutem propinavisse. Aliàs, & sæpè dixisse, melius futurū sibi fuisse Scithæ, vel Turcæ mereri stipendia, quàm Cæsaris, non enim apud illam Barbariem tam nefariè, tam impiè jus gentium, & fides protegeretur. Ad hæc attrēctatam carceris fugam, communicata cum hoste consilia, custodes, arcúsque milites donis, & auro sollicitatos, atque corruptos esse, ex quo secreta pietatis minister exactus sit, de conscis supplicium sumptum. Acta in hunc modum Mediolani composita idem arcis Præfectus ad Catholicum Regem mittit. Quibus ab Hispano Senatu cognitis, probatisque, tres inde alios Rex, eosque altioris notæ Iudices delegavit, qui Mediolani in Lusitani causa ex majestatis lege procederent. Citatur itaque reus, crimina proponuntur, quæ jampridem relata in acta publica fuerant. Incumbunt in causam Iudices, ut à Rege delecti, qui eidem Catholico Regi læsum privatim, & publicè jus restituerent. Hic omnia Odoardus quantum per vera, & verissimilia, & per ambages, & acta potuit, aut minuendò, aut aliò flectendo, aut purgando de linguæ crimine requisitus deterere statuit; alia iræ impetu, quædam leporis, ac salium simplicitate, nonnulla convivarum interlicentiam, atque lætitiā temerè effusa respondens, à Germania præsertim traducto more ubi circumgesta, & rorantia quæque inter pocula jacta ver-

ba tegit oblivio. Sciscitatus etiam à Iudice Lusitanus de meditata carceris fuga, nescire hoc omninò respondet. Cæterum, si fortè clam attentati huiusce negotii re, sive interjecta suspitione aliquid interluceat, id ipsum exterioribus esse potius Bregantii fratris conatibus imputandum, iustoque ex fratris miseria dolori aliquo pacto parcendo esse. Rursus interrogatus de Lusitanæ defectione, an ipse fuerit eo scelere aspersus? an aliquando conscius? an iudicio ei aliquid vestigatum? an conjectura subolitum, quo circa arma Catholica vitabundus, ad signa aliena, atque Cæsarea se recepisset, de Lusitanæ infortunio negat se quidquam scire, aut unquam scivisse. Odoardus, militiæ se verò, subdit, ingenii sui studio, & animi quodam impetu addictum: at signa Cæsaris elegisse, quo minus arbitrio, nutuque penderet Comitis, Ducisque Olivarii, quem ut Bregantiæ familiæ Lusitanæque nomini semper adversum, eundem idcirco suarum gerendarum in bello rerum iniquum; & invidum apud Regem interpretem metuebat. His verbis in acta relatis, cùm ferè incredibile Iudicibus videretur tantæ in Lusitaniam tempestatis immisse, tot civium studiis, tot annorum labore collectæ manentem in eodem regno Odoardum, ad quem nec parum utilitas exitus pertineret, ne conjectura quidem, aut per ipsa eadem in domo defectionis negotia tractantium vestigia odorari aliquid potuisse, insidiis propterea circumvenire facilis, candidæque naturæ perspectum hominem statuunt. Perdifficilè quidem factu vel prudentissimo viro est, si de re quam oculere velit, & juvet longiorem ipse sermonem protrahat, colore vel nutu, & flexiloquo quoquam verbo secreti aliquid non excidere. Hac affecta Iudices mente paucos post dies Odoardum conveniunt, falsò scilicet vultu, quæ-

sistisque blanditiis, non juris rigore, aut Iudicum supercilio, sed tanquam illum amicè, & familiariter alloquentes. Seria primò jocosis admiscunt, ex longo deinde rerum verborumque circuitu, & ambage ad res Lusitanas, ejusque regni defectionem, & quo pacto desciverit, flectunt. Hic homo ingenuus, & animo simplex & candidus, & qui ex ejus indole ceteros fingeret, insidiis facilè captus offendit. Dixit enim incautè, priusquam ipse relinqueret Lusitaniam, incertum quoddam de futura regni defectione ad ejus aures pervenisse susurrum; simul ipse ad Germaniam cum iter instrueret, à quodam cœnobita secretò monitum esse, ne id temporis, ne id floris ætatis Lusitania cedere vellet, quippe qui egregio ibi quamprimùm maturando facinore aut particeps idem esset, si restitisset, aut fortè Princeps usus: Tunc fronte contracta Iudices, & prætoriam gravitatem & habitum induentes, utrum ea nota jam sibi, & scelestæ perduellium consilia Regi, ut decebat, enuntiasset, Odoardum interrogant. Nequaquam, in se reversus, atque imprudentia lapsus illicò se recognoscens retulit Odoardus, ea esse arbitratus sæpiùs irrita Sebastianistarum somnia, & vulgatas in regno ineptias. Ea res tamen altius Iudices penetravit, & privatam, ac fraude simul confessionem extortam actis publicis inferentes, jam constituta causa deliberaverant primo quoque tempore reum majestatis, & mortis Odoardum pronunciare. At ille seriùs ominò suo errore, dolòque intellecto, & dolore propterea cordis ingravescente, ac perpetuò animi cruciatu, quod scilicet esset deceptus, quod nimia fiducia peccasset, quod se ipse afflixisset, inter hos animi æstus mœrori tandem succumbens, lethali morbo correptus est, ex quo paulò post tum custodiæ tum corporis vinculis exo-

lutus antevertit sententiam Iudicum. Hic nonnulli rerum scriptores, qui in factorum Principum intellectu, non ex eo quod cuique eorum magis expediat, quæ regula certior est, at ex vulgi rumore, fabulisque de industria confectis ratiocinando calculos ducunt, haud sanè corporis ægritudine narrant, sed clam Lusitanum infuso veneno peremptum esse; ne desit præterea mendacio fucus, affingunt, ex animi angustia leviter agrotanti, ac sibimet displicenti, colore in causam assumpto, acceleratam infecto poculo mortem. Quod super ea, quæ aliter nos à dignis fide viris accepimus, ratione quoque rejicere expeditum, ac planè facilè puro cuicumque solidòque iudicio fuerit. In regni namque possessione, atrocique pro ea quoque implicito bello adhuc hærente Bregantio quidni interesset Catholici Regis habere in custodia tanquam obsidem Odoardum, & per eundem germano fratri tam molestiæ, quàm ignominia causam futuris casibus integram reservare? quàm certè illata fortasse veneno mors exhausisset; si verò pax aliquando inter eos convenisset, ad pactiones pro ea componendas, promovendasque magni quidem pro Rege momèti futura Bregantii fratris libertatis accessio esset. Neque Hispanæ profectò cunctationi, solertiæque consentaneum est credere tantum in pace, bellòque pignus inscitia, odio, vel ira Hispanis esse interceptum. Nobis præterea liquet impulsam Regem Philip-pum à suis consultoribus per id temporis esse, ut capitis jam Odoardo damnato subdole Cæsar submitteretur, qui vitam non libertatem Lusitani damnati peteret, ita enim & exolescere illi conflata quondam ex cliente per injuriam hostibus prodito videretur invidia, & Rex velut Cæsari gratificatus honestiori impofterum nomine, & cum ostentata clementiæ specie Odoardum in arctiori custodia retinisset. Quæ omnia



omnia ab animi angore vehementique tristitia susceptus interitus viri artificiosa Hispanorum consilia sustulit. Sic obiit Odoardus Portugallius Ducis Bregantii frater paulò virilem super atatem, multisque circa finem Christianae religionis, atque pietatis editis argumentis continuo quasi virtutum tenore vitae curriculum clausit. Fuit illi sublime, ac literis cultum ingenium, erectus, celsusque animus, gloriae cupido ingens, profusa magis, quam temperata munificentia cum morum candore, gratia, natura amabili, ac docili, ac regia indole digna. Stimulos gloriae, & industriae in illo virtutibus dediti, lenitatem vitiis addicti reperire, aequales officia, majores obsequia, minores humanitatem, atque modestiam, miseri opem, amici fidem, amuli temperantiam. Erat praeterea usu jucundus, affabilis, cum exteris studiosus, cum hostibus mitis, cum domesticis popularis; floruit in pace, emicuit in bello, dumque otium per arma quæreretur, utrumque simul amisit. Ea tamen his accessere bonis dotibus vitia, quae animum generosum, ac simplicem ut plurimum consequuntur, nimia nempe crudelitas, atque facilitas, crebra sententiae mutatio, vel aspernari pericula, vel ea non rectè discernere, cuncta ingenii sui integritate, ac morum dulcedine commetiri, ex quo demum errori, fraudibusque opportunus, & facilis in illas miseras incidit, quas intellectus mediocriter sagax, & aulicis artibus eruditus declinare haud difficile potuisset.

In Lusitania verò cum Molingenius Marchio hoc titulo à Rege praecclare, atque egregiè in eo bello factorum premio insignitus militiae praefecturam administraret; Alburquercius Dux Lusitanus contra Telenae propugnaculum, quod Leganesii mandato, & ejusdem nomine imposito nuper extru-

ctum fuerat, movit exercitum. Ea erant in acie ad novem peditum millia, duo millia equitum, sex belli tormenta, & militaris omnis copia apparatus. Hisque viribus fretus Dux Lusitanus Telenam, illique proximum propugnaculum capere summa vi, atque impetu aggreditur. Praerat huic valido munimento Alfonso Angulus, is plane rudis, ingenio pavidus homo, imperitusque militiae tum gratia, & favore nequaquam merito, quos quidem errores privata libidine ortos saepe respublica luit, ad hoc, atque alia militaria proventus officia. Hic ubi repente se circumfessum ab hostibus videt, id Molingenio confestim nunciat, ac celeria subsidia poscit, premere, urgere iteratis assultibus hostem, periturum cum oppido munimentum, nisi properè subvenisset. Molingenius, qui Ducis inertiam, & imbecillum satis animum noverat, & qui ampliora cunctando comparare praesidia poterat, qui venerat, nuncium interrogat, quo tum in statu propugnaculi aggressio esset. Ille verò, nihil, inquit, hucusque gravius ex conatibus hostium, aut munimento, aut oppido contigisse, assiduis quidem tormentorum ictibus verberatos nondum ruinas ostendere muros, & milites fermè mille incumbere acrius in munimenti defensionem, idcirco optimum factu videri sibi, praemittere statim paucas equitum turmas, quae sociorum, & hostium objectae oculis hos metu, spe illos afficerent venturi proximè auxilii, pleniores deinde collectas copias ad solvendam obsidionem adducere. Sicut iste censerat, ita fieri Molingenius praecipit. Itaque Pardus equitum Commissarius cum dimidia equitum parte primo mane quam celeriter proficiscitur, meridianam circiter horam cum reliquis auctis properè copiis sequitur Molingenius: extrema peditum acies à tormentorum Praefecto Alfonso de Avila

ducta quod gravior tractis secum militibus sarcinis esset, lenta pergebat. Et Pardus quidem quàm citissimè evectus colles è regione Telenæ sitos hostibus propior cum equite infederat. At Molingenius mediam ipse regendo aciem ad leucæ ferè dimidium propugnaculo aberat, cùm mente propè attonitus hærens, & mali, quod jam evenisset cogitatione suspensus, atque confusus animadvertit, fragorem illum tormentorum ingentem, qui auditui ejus horribilis hætenus obstrepuerat repentè cessare, tum & reflexas eo strepitu valles jam dudum refractum, ut antè, non reddere sonitum. Id quod utique erat planè sibi suadere minimè poterat, non enim adeò in arcto, extremoque periculo sitas obsessis res esse dixerat nuncius. Breve ex prima noticia erat, quod temporis interfluxerat, propugnaculum satis munitum; nec erat etiam Præsidi locus de subsidiis sibi proximis ambigendi. Dux tamen ea anxiori suspicione perculsus, quam & abjectior ante concepta de Præsidi opinio tunc intendebat binas equitum turmas torto per Anam itinere jubet, quid novæ rei esset ire cominus exploratum; qui paulò post redeuntes, quemadmodum ex propinquo ipsi viderant, & clariùs quoque à transfuga quodam milite acceperant, nunciant, cum summa ignominia, ac dedecore militum factam munimenti deditiōem, cùm multis enim adhuc ictibus inconcussa murorum lorica staret, & satis tutelæ miles, satis munitio foret nisi Præsidi animus defuisset, & juga etiam, quæ proxima cæperat cum equitibus Pardus illis certè pollicerentur copiosas suppetias breviter affuturas, Alfonso tamen Angulum aut proditiōe fortassè tactum, aut vili pavore dejectum in scædas, turpèque venisse cum hostibus pactiones, scilicet, ut propugnaculo tradito Castellæ milites

omnes inermes, ac propè nudi, at contumelia deformiores ad Lusitaniam transirent. Hæc cum acri, ut par erat, sensu doloris simul, ac comperit Molingenius Præsidi Angulo maximè iratus, quod in perfidiæ speciem Leganesium munimen destituisset, & quod insignis etiam ejus dedecoris pars ipsum ut summum armorum Ducem, arctiùsque fortunæ publicæ colligatū ex opinione quoque hominum aspersisset, communem diluturus infamiam cohortatur alacriter milites, eosque celerius ad hostes ducit. Septem pedum millibus, equitibus verò ter mille constitutus erat exercitus, belli tormenta quatuor trahebat, parum sarcinæ militaris ob Badacocii propinquitatem, ac tumultuarium fermè discessum. Inter hæc ad consilium de revocatos Alburquerqueus interrogat Duces, dirui ne Leganesium, an præsidio potiùs teneri ea tempestate præstaret. Huic retinendo propugnaculo obstabat vicinitas Badacocii, quæ belli sedes erat, hostilique semper infesta præsidio, & multo ibi sanguine, multo quidem labore, & exigua vel nulla spe inter perpetuas hostium excursiones, importandique victus certamina permanfuro; propugnaculum autem ~~Exisum~~ Anæ ripam munimento Castellensibus nudaturum, Lusitanisque vadum, liberisque per agros vagationes concessurum fuisset. Prolatis in medio sententiis, illa denique vicit, quæ solo æquari propugnaculum contendebat, ac statim deinde sublata opportunitate certaminis hosti victrices, & integras copias Olivençam reduci. Cùm igitur dirui, ut convenerant, propugnaculum occæpisset, Alburquerqueus inter Anæ vadum, & Leganesium hinc vallibus, & vinearum offendiculis, atque flexibus, hinc curribus, & militariis sarcinis communita castra composuit; post ubi intelligit jam paratos, ignique suscipiendo ad propugnaculum



lum evertendum cuniculos esse proximos, trajectis tormentis ad ripam alream amnis paulatim recessum instituebat, id tantum trajectui morā interponens quod iis, qui in cuniculos laborabant, rei perpetrandæ spatium tribueret. Molingenius verò de hostis consilio certus quàm citissimè potest universi equitatus robor in illum impellit, si eo fortè contingeret amne divisum, eoque plus enervatum Lusitanum excipere, quò loci, quem animo destinaverat cum ipse tandem appulsus esset, situm cum milite occupat, quem paulò ante reversionem adornans Lusitanus reliquerat. Paulisper ibi cunctatus, ut ipse consilium ex hostis consilio caperet, ubi primam hostilem peditum aciem jam Anam transgressam videt, simul Telenæ equitatum hostis hærentem cohortiūque manibus fultum instructis ordinibus stare certamini intentum, tunc binas in hostes turmas equitum agit; totidem ferè contra Castellensibus occursuras turmas equitum Lusitanus immittit; leve, & equestre intermedium certamen ineunt; funditur Lusitanus, & retrò ad integram aciem magna cum cæde compellitur. Ita rem Molingenio feliciter auspicato major subinde spes, atque cupido subiit vehementiùs persequi Lusitanum. Hoc animo, hac mente dum progreditur Dux monet ipsum Lusitanus quidam captivus, ut averteret inde gressus; nam suffossi ad evertendum Leganesium cuniculi propè jam erant, ut conceptum ignem effunderent, quia tamen Lusitanos hic delatores sæpè infidos, sæpè fallaces novebat, spreto periculo eodem tramite in hostes ducit, sed modico gradu, per intervalla simul, & moras flumine fretus, quod viam, atque fugam Lusitanis intercludebat, & pedites interim opus erat, bellique tormenta expectare quæ retrò aliquantulum vectus Avila conducebat. Caterùm Alburquercius,

cui nec amnem omninò trajicere tutum erat, ne scilicet sectis in transitu viribus instante, propinquo, occasioneque per momenta studente premere-tur ab hoste, nec qui alteram quoque fluminis ripam jam attigerat pediti, ut à reliquo robore separato sine periculo locus erat, redire tunc pedites jubet, rursusque flumen transgressos, cæteris copiis, quæ in opposito margine hærebant, adjungi; ibique celerius ordinibus confirmatis, tormentariam quoque sedem extollit, quæ Castellenses assidue pulsabat, & simul horum accessum impediēbat. Interim Molingenius, qui prolatare tantisper conflictum, ut diximus, constituerat, quoad peditatus accessione majores ad pugnam colligeret vires, ire circum obliquus, & vitabundus, reprehendere modò per nuncios Avilæ tarditatem, modò aggressum assimilare, modò fugam ostendere hostibus; omnia vi, & artificio tentabat, quæ conducere possent, ut æquo ipse denique Marte cum hoste confingeret, aut eundem circumveniret in trajectu fluminis imminutum. Alburquercius verò, qui prorsus effugere pugnam decreverat, & subinde fore sperabat fractis cuniculis propugnaculum discerpendum, postquam secum ipse considerat vel abnuere, vel dare certamen veller, ferò sibi, vel citò utcumque se res habuisset, esse flumen trajiciendum, tempusque quod pericula suis onerasset, aucturum per morulas hostibus copias fuisse, transmittere tandem statuit, sed pro transitu fluminis cautior, ac sollicitior. Ejus igitur jussu confertis agminibus eques, pedesque campum, qui amnem à Telenā determinat, occupat; hanc ipsam post aciem belli tormenta locantur, quæ globis frequenter excussis, dum irruentes percuterent, arcerentque, abeuntium terga munit. His ita compositis; Lusitana confestim per partes, & vices avulsa

contendere acies ad Anam capit. Quod simul ac conspicit Molingenius, quo tempore fortè nonnullis erat peditum turmis quæ socias præcesserant, auctus, eas, totumque equitatum igneos per globos continuè pluentes aversum in hostem, amnemque petentem incitat. Lusitanus, qui pars superaverat amnem, pars ripam trajeturus habebat, tunc se ipso implicatus, ac debilis, atque etiam animo consternatus inter crepidines, agitatósque fluctus cum magna trepidatione, ac tumultu prælium inire cogitur, nec alia potior salutis spes, paucos cum caperet, multique quærerent vadum, hæsitazione, duro labore, metuque languentibus erat, quam præceps arrepta per Anæ vortices fuga. Interea totus accessit Castellensibus peditatus ab Avila ductus, qui à Molingenio extemplò divisus, iis partim jubetur, esse subsidio, qui in margine ripæ pugnabant, partim propugnaculum advolare, ut in ejus ruinam intentos opifices impediret, ac caderet. Omnia impigritè facta sunt. Hi enim laceros quosdam offendunt cuniculos, majores alios, ignique vomendo proximos antevertunt, qui opere ibi, aut custodia districti erant, artifices, militésque confodiunt. Pedites autem quos equitatus latera circuire, sparsósque, ac palantes in trajectu premere hostes jusserat Molingenius, quamplurimos Lusitanos vado interceptos, & errabundos, aut gurgitibus emergentes, alios aquis, & armis, gradúque incerto simul implicitos, alios trepidos, atque incompósitos intercunctationem, & moram amnem ingrediendi juxta ripam sternebant. Latè cædes cruentaverat amnem, stragisque & interitus finis per tumultum, & fugam altera capta fluminis ripa fuit. Ibidem ut flumen quisque transierat, in ordinem milites distributi, ac latius acies extenta obsederat ripam, ipso etiam hortante, ac præfidente Albur-

quercio; fluvio interruptus Castellensibus sublevis miles, quanquam enim omninò victor, transitu tamen abstinuit, ne eadem ratione, qua vicerat, vince retur. Lusitani ad octingentos in hoc certamine cæsi sunt, sauciorum par ferme numerus, parvulo impendio laurea ex patrocinio loci Castellensibus stetit. Post hæc Alburquercius fractum ad Elvum militem ducit; integris ferè copiis Badacocium revertitur Molingenius, sarcirique subinde jubet, quas Leganesio ruinas disruptis cuniculis fecerat hostis, quod cum ei citò subventum esset, propugnaculum brevi, ac facile restauratum. Hujusmodi pugna Lusitani belli annus sextus excessit.

Tavaræ Marchio deinde obscuro nomine tamen, & quasi per otium iisdem militibus in Lusitaniæ finibus præfuit. Huic post Ilerdanam obsidionem præclara adversus Gallos fama in Catalaunia solutam, rursus altiorique expectatione Marchio Leganesius suffectus est; fefellit tamen egregium Ducem, deque eodem ubique ex recenti fama, plausuque conceptam spem tum pecuniæ, tum commeatus & rerum omnium inopia, ut fame perire nisi milites vellent, rapina, vel furto vivendum esset, & sæpè etiam quod virium, ac vitæ inædia, sitúsque reliquum fecerat, id hostico ferro reddere cogerentur. His accedebat quod in dies senescenti, & aliò sæpè terrarum, & alia etiam ad bella magna ex parte distracto militi, nec ulla reliquias servandi exercitus cura, nec supplementum adhiberetur. Ita porro usque ad Ducis Bregantii mortem frequentes excursiones, tumultus, & latrocinia potius, quàm justas acies hostiles utrinque conatus, & vires exercuere. Id potissimum accidit, quod ea tempestate, cum gravius flagraret in Catalaunia bellum, usu, & labore compertum esset haud integrum utique fore Catholico Regi atrociam duo bella simul

Hispana



Hispana inter viscera sustentare, cum ista præsertim, quæ tam intimè serperent, carperentque Hispanorum fortunis, & capitibus imminerent. Ad hæc per id tempus populares turbationes, nobiliùmque adversus plebem dissidia urbem, & regnum Neapolis convellebant, quod præcipuum Catholico Regi mœrorem, & metum incussit de summa rerum, siquidem tot inter afflicti propè ruinas Imperii, nunc ferè ejusdem Imperii columnen excidio finitimum cernebatur, eoque si cecidisset, proventu, atque copia defraudabatur ærarium, unde in alias egentes Imperii partes opulentissimè influit. Prætereà in Belgio, in Insubria antiquum illud, & ingens adeò nunc solito majus exarserat bellum, ut nulla propemodum esset imperii pars, quæ à consuetis claudibus belli, & ruinarum successione, ampliorisque terrore vacaret. Hæc est planè causa tandiù remissi, aut intermissi potiùs in Lusitania belli. Brengantius autem, cui satis, & super id, quod expectare poterat, erat, se paci studentem imperturbato regno potiri, eo rerum habitu lætabatur, & quia ipsi à vulneribus belli, ærariisque perfracti sumptibus respiranti hoc modò liceret per otium futuro pro bello resumere vires.

48. Annum verò currentis seculi octavum, & quadragesimum magna conjurationis in Catholicum Regem moles secuta est, quæ sine causa quidem exorta, stolidi quoque mente suscepta, ac deterius exagitata paulò post facile corruens in rerum suarum initiis temerè conspirantes oppressit. Princeps hujus conjurationis artifex extitit Carolus Padillia genere Toletanus, cui, etsi nulla tanti obeundi facinoris ratio, aut injuriæ stimulus esset quo personam læderet Regis, eas tamen iniquas ille ipse causas, cum aliunde non esset locus ab ingenio ejus præcipiti, ac turbido mutuatur. Familia ipsius inter pri-

mas Castellæ nobilis veteris multum hucusque splendoris, nominisque remissus, nam ut præ illustribus quibusdam familiis virtutes quædam aut vitia congenita sunt, fluxuque sanguinis propagata, hæc ipsa velut indolis turbulenta, maximèque seditiosa, & in suam regnæque perniciem sæpè numero se convertentis, semel, & iterum ab Hispanis Regibus est dignitate, atque opibus imminuta sive iusti supplicii, sive tumoris purgandi causa. Evenit præsertim atavo Caroli, quâ tempestate in Hispania Carolus Quintus Cæsar imperabat, vel quod illius ab initio Castellæ dominium ut alienigenæ sperneret, vel quod aliis, multisque belli, pacisque negotiis procul implicitus, ab Hispania diutiùs quàm gentis à Principis ore propè pendentis natura, seu mos pateretur abesset, vel ex utroque simul, cum variis tunc temporis esset Castellæ commissa discordiis, ut quia ille præcipuè se turbis immiscuisset, paternæ Toleti diruta domo ignominia publica notaretur. Vitam tamen cultumque morum seu ingenii temperamento, seu hominis disciplina domesticæ labi longè dissimilem sumpsit Franciscus Padillia hujusce Caroli Pater. Pluribus enim egregiè confectis in bello rebus, tum fide, morumque suorum integritate Mediolanensis arcis Præfecturam à Rege promeruit. Hic porro natus est Carolus, qui ubi primùm adolevit pravis moribus, ætatisque primitiis à sanis abhorrentibus institutis plurima signa, atque infausta præsagia prodidit sibi quandoque impendentis exitii, scilicet discors, inquietum, ambitiosum ingenium, idem facundè vel fallaciter vellet, vel faceret, vel modestè, vel procaciter loqui, circuire, moliri per æqua, & iniqua destinata perficere, simul trucia consilia, projectam audaciam, simulando, dissimulandoque aptitudinem in illa ætate ferè incredibilem, cujus juvenis indolem in illo jam

jam ætatis pene flore marcentem cum pavidus animo, sollicitusque pater aspiceret, si quoquo modo institutio, doctrina, vel consuetudo fortasse corrigere, aut flectere contumaciam naturæ posset, filium optasse dicitur ad mitiora traducere studia; at ille ingenii sui ardore, atque impetu abreptus, statim, ac per ætatem licuit, ad aciem, & arma se contulit. Itaque in Belgio primum pedestris, equestrique decora, ac diuturna stipendia Ducis explevit; inde ad Hispaniam postea profectus, cum generis splendor, ac simulatio virtutis, quæ in illo maxima fuit, contracta simul in bello merita afflarent, summa cum laude, plausuque in legati equitum munus Catalauno pro bello promotus est. Ibidem ergo merenti, priusquam prope Ilerdam arma conferrent Hispani, Gallique copie, Carolo fortè accidit ut Hispani exercitus Dux Andreas Cantelmus imponeret, ire exploratum hostium adventum, cumque accederet hostis, parte equitatus quam ille ducebat in ejus latus tranversum incurrere. Quod spreto Ducis imperio, & futilia, & inania quædam causatus cum efficere Carolus noluisse, ejus scelere Hispanus magna subinde clade pertractus, & fusus, aut captivus abstractus scædum in modum in illa pugna succubuit, Cantelmusque vertenti se denique ut solet, adversæque belli fortunæ ferendæ insuetus, squalore, & tristitia ex successu illo infelici confectam paulò post vitam miserè clausit. At planè constabat, non ignavia, non metu aut defectu judicii vim præcepti non capientis, aut causæ imperium interpellantis tantum à Carolo nefas admisum esse. Curiosè verò inquirentibus causam, cum nova, & occulta, ignaris, quæ ille consilia in animo coqueret, nulla subiceretur, trito, & vulgari plerisque sermone deceptis sola tum occorrebat invidia, qua videlicet ictus

Hispanus vel suo crimine, ac malo publico voluisset victoriæ, laudisque palmam Italico Duci interversam. Postea verò compertum est, impia illa proditione Carolum sibi, hostibusque sceleris gratiam fecisse, in eoque nefariè ex tunc proluisse, quodquod ægro, & affecto animo volutabat. Hoc tantum viri flagitium, graviusque inflictum reipublicæ vulnus, seu multis per injuriam in Cantelmum coniectis infectionibus obrutum, seu malè omnino dissimulatum, cum impunitatis illecebra staret, pravo subinde ingenio nequitiam, vires audaciæ, ambitioni flammæ adjecit. Proinde militiæ curis plus in quibus periculi, minùs ad esset emolumenti prorsus abjectis, aulicisque, ubi fraude grassari potissimum juvat, assumptis, struere, moliri, ac dici meditata, mentèque discussa per artes componere, atque ad exitum ducere capit. Primaria per ipsum hujus machinæ jacta fundamenta, fuere, Ludovici Ari primi Regis ministri per insidias, & dolos captare benevolentiam, atque ad arcana expiscanda regiminis, ac si longius fortuna favisset, ad publicarum quoque curarum partem suscipiendam in intimam ejus familiaritatem, atque fiduciam obrepere. Ea itaque mente Carolus assentantium, ac servientium gregibus mistus Ari frequenter adire domum, foribus ejus assistere, eum abeuntem, eum revertentem turpe usque ad obsequium suoque genere indignum prosequi, & ut plurimum verecundus, ac tacitus, neque dare, neque reddere verba solitus, nisi urbanitas illa, sive necessitas expressisset; præterea quicquam prorsus ab Aro à quo omnes omnia petebant ipse minimè petere, ut ita elegantius videretur obsequium, & absque ulla commodi cura gratus. Aro cum viri nobilitatem, tum insignem belli virtutem nosset, ea ficta quoque modestia, & venerationis cultusque dulcedine capto



capto illabi paulatim, & crescere postea capit in animo exorta erga Carolum inclinatio, quæ gradatim, ut fieri natura, & consuetudine solet, intensa eoque postea recaluit, ut illum jam Arus inter amicos, & maximè fidos complecteretur. Ita igitur Carolo in Ari nunc sinum immisso cum majores patientia, & industria difficultates absorbuisset, planiora quæque deinceps ad rem propositam patuere, nimirum adeò partam augere benevolentiam, intendere officia, explicatis propius animi dotibus existimationem apud illum, & fidem magis quotidie producere, ut arduo, & fiduciario cuique obeundo negotio ipsum omninò Arus ingenii solertia, atque animi magnitudine parem censeret. Sub idem ferè tempus evenit, ut clam de pace cum Gallo ageretur in cujus habendæ confictam subdolè spem ex longo intervallo Pontifex Innocentius Hispanos, ut his humanioribus uteretur adduxerat. Tum verò cum impigro, erudito, sagaci opus esset ad rem peragendam ministro, inter multos qui illam navare operam postulabant, Carolum Padilliam, Luteriam, ut aptiorem officio, mittendum elegit Arus, ut apud Cardinalem Mazarinum, qui rerum arbiter erat, ope, & consilio Legato Pontificis præsto esset, & hic aulae Catholicae, ille verò Pontificiae auctoritate, atque gratia vehementius uterque pacis negotium urgerent. Cæterum spe vana pacis Hispanos cum pasceret Innocentius, Gallus cum Papa colluderet, nimis urgere concordiam vereretur Hispanus, ne interiores fortassè plagas ut imbecillior, pacisque indigus enudaret, diutius extracta, atque elusa post tandem everfa res est. Interea secretò cum hoc Lutetiae negotium, spēsque pacis incerta penderet facta Carolo copia est, ea ipsa quam pretextu non causa adornabat Ari mandato in Galliam protectione plura tan-

quam fido explorandi, & quæ occulto censebat opportuna consilio ex voto ordiendi, machinandique. Roderico Silva Duce Ixarenfi uno omnium familiarissimè eo tempore Carolus utebatur. Erat ille Hispaniae magnatum nemini propè secundus tum clientelis, & copiis in Aragonia, in Castella, in Lusitania longè latæque diffusis maximè potens, tum etiam occultas, & acres cum Aro simultates gerebat, quod ipsum fraude, & invidia retractum à gratia, atque assuetudine Regis quamquam genere, atque virtutibus animi, quemadmodum ipse dicebat, credique de se volebat, cuius muneris suspectum, torpere otio, nihilque rei publicae Arus pateretur attingere; malè animatus, atque intimè offensus prætereà Catholico Regi peculiari, abditæque de causa idem erat Dux Rodericus; nam cum semel Regi proposuisset, Habere se nempè domi famulum quemdam origine Lusitanum rapidi, aut lentijusculumque veneni conficiendi artificem admirabilem, eundemque promptum ingenio, versutum, & agilem hominem, Bregantiòque de medio tollendo maximè aptum; porro autem à se donis istum illectum, uberioribusque promissis inflatum rem capessere spondisse, Regisque si id probaretur, eundem, ut promississet, fideliter præstiturum, tunc aversatus facinus Rex, vultuque rubescens, ac torvus alium alio interjecto sermonem abruptit. Quam sanè rem Ixarenfis non insitæ Regi clementiae non morum ejus integritati, at diffidentiae potius, clauso ingratò homini pectori haud recto quidem judicio, sed livore quodam animi attribuit, in eo ipso tum falsò ratus contraria, ac secum pugnantia ostendere Regem, quem scilicet perduellem notasset, alienique regni raptorem, & Hispaniae facem, ac pestem comploravisset, jam minimè eundem existimare omni genere exitiij, omnium

nium suppliciorum, & cruciatuum horrore dignum. Intellexerat etiam pro sui ingenii duntaxat indole Dux Regem nullum in terra esse, qui fas, & conscientiae pondus, & fidem praeter imperii rationibus duceret, aut qui non fraude, & insidiis quando rectè non posset in re perutili grassaretur. Quid rei illi porro tentandae saltem obstabat? num Bregantii periculum? num sceleris turpido? num si res bene Tyranni, si fecus ea cecidisset, vili iactura corporis? an non ad regni receptionem tantum, quod nunc in bello Hispaniae sternitur pubis, tantumque sanguinis profuit, unius ejusque nefarii, contumacisque clientis redimere interitu satius fuerit? vel in his fortasse scrupulis modò hæsitat Rex, cum alia monstra, alios scopulos intrepidus voret, ac transeat? Illud nimirum in causa fuisse, quod ex longo intervallo provisum Ari artibus fuerit, ut regii jam animi affectione corrupta, haud hærere consilium posset, cum suspecta fides accederet. Hisce molestiis, atque edacibus animi curis quas nimia de se existimatio, ac dolor injuriæ opinionione longè minoris accenderat, Ixarensis supra modum exacerbatus Padilliae persapè, ut intimo imprimis amico mœrorem suum impertiri solebat, cum eo fundere questus, aggerere minas velut omnia hostilia, atque in Regem infesta, si occasio quandòque daretur ausurus. Hoc animo imbutum, tanta fiducia sibi devinctum, adeoque in rem sua spontè incitatum, ac primum cum videret Carolus Ixarenses, & necessarium præterea duceret, è magnatuum numero aliquem interesse, qui auctoritate, splendore, & copiis conjurationis spem, atque vim sustineret, illi tandem consilium aperuit, ejusque sententiam, & opem efflagitavit. Dux nihil facinoris novitate commotus, aut foeda tunc primum ejus proposita oculis sceleris imagine territus, tum fronte,

tum animo inverecundus, ac mirè lætus professus est statim, & fidem Carolo obstrinxit, conjurationis se Principem fore, in eamque totis se viribus, atque opibus enixurum. In partes subinde, & perfacile utroque hortatore adscitus est Petrus Silva Vegenfis & ipse Marchio Padilliae per amicitiam, Duci verò Ixarensi per necessitudinem junctus, & hic quidem non tam nequitia, & morum ejus improbitate, quam animi levitate, ac vecordia proventus instar eorum, qui moribus fluxi, enerves, ac faciles, perinde ad honesta, atque inhonesta trahi sociorum impetu pariuntur, ac dispari sorte cum malè res accidisset promiscua sibi pericula, ac detrimenta faciunt, cum autem prosperè, inaequalem fructum periculorum. Series conjurationis hujusmodi fuit. Hispaniae sibi regna dividerent, quarum pars, scilicet Catalaunia, & Navarra in ditionem Galliae Regis accederet, siquidem is jam Catalauniae possessionem, & jus in Navarram obtenderet. Scissa in hunc modum præterea suisque distracta, atque imminuta regnis Hispania, majori quidem deinceps felicitate, sublata jam æmula, Galliae conatus, & vires auxisset. Aragoniam arriperet sibi Dux Ixarensis ubi opes, & illustris erat illi familiae nomen & decora quoque cognatio, regnumque, cui & prisca, unicuique majestas, & gloria Regis nondum memoria deciderat, nec omnino frigerat amor, rebus fortasse novis non dissenfurum. In Castellam Bregantius statim invaderet, utque juris aliqua species odium Tyranni, atque execrabile nomen velleret, tum vi, sive dolo Rex Philippus occideretur, rapta subinde Maria Teresa regia illa, ac nobilis Virgo transferretur in Lusitaniam, ibique Alfonso Bregantii maximo natu filio nuberet, cumque parente Rege sine mascula prole caeso, eo tempore ad ipsam profectò Teresiam



resiam Castellæ hæreditas pertineret, duo ita jure connexa regna ad summam Bregantii familiæ amplitudinem, & imperii securitatem eo devolvenda consilio erant. Hæc inter eos ut erant secreto collata sese obtulit Carolus ad Mazarinum per velamen tractandæ cum illo pacis in Galliam deferre, quò erat, ut ipse falsò credebat, celeriter profecturus, re postea confecta, eundem cum armis ad Aragoniam venturum, atroxque inde bellum pro pace laturum, eo ipso inter acies, & arma seu Duce uti Galli, seu milite vellent. Interea Dux Ixarenensis in Aragonia gentiles suos teneat, clientes veteres foveat, novos, quos posset, acquirat, donis, promissis rerumque novarum illecebris cautè sollicitet hominum fidem, omnia sic ibi constituat, ut conferendæ cum manus essent non minùs ab exteris Aragonia, quàm domesticis hostibus oppugnetur. Ex parte verò Gallorum, illi minimè videbantur rem propositam neglecturi, cum mos antiquus Principibus sit ne dum alienorum conspiratorum promissa recipere, sed legere quoque vestigia, & placidas etiam ipsos à longè turbare aquas, ut inter exteras turbas alicujus semper utilitatis participes, omninò periculi exortes, externisque discordiis tum regnorum suorum pacem, tum incrementa domestica metientes. Hæc etiam naturæ vitio communia Principibus studia intendere Gallis præsertim innatam in operando celeritatem, & vim illam igneam ingenii tam in copia, quàm rerum inopia, tam in bello, quàm otio impatienter semper ebullientem. Auxerat insuper conjuratis rei agendæ alacritatem, & spem, à prole virili regia tunc inspecta Philippi domus, quæ Imperio succederet, vacua. Ideò enim & subditos quasi Regis ludibrium, & spes novæ, ac rerum novarum cupido, & qui futurum sibi quærebant, aut divinabant

Regem sollicitudo perinde inquietos, ut quietos caperat homines, eoque tandem ambitionis ille furor prolapsus est, ut tantæ rerum conversionis, quæ nulla sanè absque populi afflatu, aut summè perniciofa ejus auctoribus extitisset, jacerent tunc fundamenta in actione minimè populari, qualis profectò fuisset pii, infontis, adamatique maximè Regis immanis, & barbara facta cædes, nec satis quoque nervorum esset, unde metus incussus explere cætera posset; siquidem Ixaræ Ducis non ex clientelâ, atque opes in Aragonia florebant, quæ tantæ sustinendæ moli sufficere viderentur, perennes undique vires erant, numerus hominum imminutus, nec minus ad opus lacerti, quàm hominum capita flaccescebant. Ex composito tamen sic institutus conjurationis ordo pergebat. Erat Lutetiæ Parisiorum Gallus quidam Mazarino familiaris, inter quem, & Carolum Padilliam vetus in Belgio, & casu contracta intercesserat amicitia, Carolus enim Gallum jure belli captivum cum secum benignè tractatum haberet, egregia tandem munificentia, & comitatis illecebris captum clam sine pretio dimisit. Hunc cautè nunc admonere per litteras placuit ea ipse de re ut scilicet orta, ut consulta, ut artificio composita erat, quò statim Lutetiæ Cardinalem Mazarinum instrueret, ac si aliquo fortè ante Caroli ad Galliam profectionem ibi consulto, aut maturato opus esset, ille satis edoctus in tempore præveniret. In Lusitaniam deinde ubi summa negotii, ampliòrque spes erat, & ubi præsertim communes ob rationes, propensionisque conspirantium amor, ardorque calebat, consilia conversa sunt. Hunc igitur Carolus pro Bregantio apud Arum dolum intendit. Bregantii speculator quidam occultus in aula Catholica versabatur genere Lusitanus, cui Dominico Capralio no-

men erat, & cui etiam intimè Carolus & diutina consuetudo, & nefaria consilia, & morum similitudo contraxerat. Hunc hominem Aro Carolus apposuerat rerum in Lusitania accidentium adulterinum exploratorem, cum verus esset Bregantii, isque dum per ambages versipellis in morem ludificat Arum, in illius quoque familiaritatem per occasionem intrusus, & majora quotidie scrutatus arcana, omnia ad Bregantium secretas per epistolas trans mittebat. Ita sensim componi, duci que cum subtilis capisset dolus, fingit, eodem Carolo assentiente, Capralius, quod certior ipse paulò ante factus ab Lusitania esset, moliri, multaque struere Bregantium, ut surriperet Gades insidiis, esseque intus rei conscios externos quosdam negotiatores auro à Bregantio corruptos, brevi que hoc consilio accessuros ad urbem hostes, ac si minus procederet dolus, vi quoque eum adjuvare paratos. Præoccupanda esse quidem impia, & fallacia consilia Tyranni ne alia ex alia petatur ruina, cladesque & semel exortum in novo Castellæ angulo incendium, propinqua, & remota serpendo simul exhauriat. Hæc audita repente res Aro ingentem curam incussit, cum Gades sint in Hispania celebre rerum venalium emporium, totiusque Europæ, atque Asiæ maritimus aditus, tum ex advenarum ibi colluvione pecuniam duntaxat, lucrumque quærentium proditiõis auro petitiæ facilitas videretur affectam suspicionem intendere. Re itaque sæpè cum Carolo tanquam ex animo amico longa, ac secreta oratione jactata, & profferendo quoque remedio diligenter excussa, Ludovicus denique Arus, ut idem senserat Carolus, mittere Gades Capralium decrevit, ut ibi pecuniis, regisque mandatis, quibus satis esset expletus, prospiceret, caveretque ne nobilis urbs, atque portus per hostium insidias collaberetur. Cæterum

hujus tota negotii captioso quodam ambitu, & ordine machina verlabatur, ex quo Capralius, Carolusque Padillia fraudulentè Bregantium introducere Gades quærebant, Arusque fallaci errore deceptus, se ipse inscianter præbebat alienæ perfidiæ ministrum. Iamque Capralius cum hoc temerè sibi commissò munere Gades pervenerat, ibique pecuniam, quam ad fraudem cavendam acceperat, ad eam per cuniculos inferendam effuderat. Libratis itaque rebus, cum scilicet Carolus apud Mazarinum Lutetiæ, & per Capralium in Lusitania, atque Gadibus conjurationis secreta negotia proveheret, moras tamen rei ad ultimum perducendæ necessebat gravissima difficultas, spes nempe tunc agitatæ cum Gallo pacis ambigua, seu longiùs fortasse, quam structarum clam rerum contextus in animo cupido pateretur extracta, quapropter cum ferè inextricabilis Aro illius tractationis exitus videretur, ideoque Caroli ad Galliam discessus inutilis, acciderat etiam, ut fundamento, quò niterentur, everso in irritum omnia partium conamina ruerent. Proinde aut rerum exitum expectare oportebat, aut alio modo conjurationem ordiri. His curis sollicitis, incertisque quid per id tempus consilii potissimum caperent, fortè contigit, ut Joannes Padillia Caroli frater, qui Mediolani ea tempestate degebat, à Catholico Rege tunc civitatis Vercellensis Præfectus renunciaretur. Summa hoc lætitia conjuratos affecit perutile sibi fore censentes si in tenues, & imbecilles quas modo partes habebant, transfiret vir militaris, ingenio, manûque promptus, & genere clarus, quique pignus habebat in subalpinis, quo allicese spe, metuque tenere Sabaudia Ducem, & per eum ipsi fœdere annexum Gallia Regem inflectere potuisset. Arbitrio enim, & robore Galliam omnem, & pondus præsertim conjurationis innixum esse putabant, idcirco maxime



maximè laborabāt, & seipso, & Sabaudii quoque stimulis incitatum in illam vehementius incumbere Gallum. Anxius itaque Carolus, cupidusque in sceleris societatem, bellique quod parabatur subsidium, ac robur Joannem etiam fratrem addendi, utque simul ex variis Imperii partibus, diversisque in illam consiliis inclusis, mistisque Principibus constituta coalesceret conspiratio, dum Comes Assentarius Mantua Carpetana belli causa Mediolanum transiturus excederet, clausas ipsi Comiti litteras, Joannique Padillæ fratri Mediolani reddendas dedit, quarum sententia, ad morum & animi ejus effigiem in hunc modum descripta erat. *Primum turbulentorum hominum vitio inversa, tristitia, ruinosæ & perdita passim omnia ingenii sui fuligine contuentium, aut ita contortè credi volentium desolebat Hispani Imperii calamitates, at fœdiores sabinde malorum clades, & pestes, is nisi ærumnarum aliquo pæcto cursus inhiberetur, esse absque dubio idipsum funditus eversuras comminabatur, seque in primis idcirco sollicitum, & cum eodem velut complexum Imperio, quando hujus modò labentis virium omnium conatu succurrere excidio minimè posset, ejusdem ruina sese tandem comitem præbiturum. Neque tantum profectò oneris se per levitatem ingenii, aut ambitionis, aut divitiarum acquirendarum illecebras suscepisse, nec quia vir ipse genere, belli decore clarus, emeritæque militiæ à præmiis ab honoribus pulsus cum egestate, ac pene dedecore hinc vitam afflictam duceret, verum ad patriæ communis salutem; Hispanique tuendi nominis dignitatem, que longè deterrimi in illa ætate ministri intoleranda superbia, inexplebili avaritia, omni que criminis genere interitum, aut servitutem premolientes Imperio truculentissimè lacerarent. Summo ergo labore, atque industria, ut nonnihil effugii, velut æquè sibi, ac reipublice providus à malis impendentibus quareret, cum Lusitano, Galloque idoneos per viros eotempore trahere se clandestina consilia, ea*

*singulis pollicentem quæ propter cum omniū ingenii, & studiis accommodata promissorum esca munerum sit, tota singulis sustinenda conjuratio proposita videatur. Neque ex eo porro, quod ita contrahere, aut in partes succidere videretur Imperium, minus se illi, ac nomini Hispano, quàm si in eodem, quo tum sic fluctuaret, statu relinqueret, profuturum; utilius enim, atque optatius utique esse, imminutum, sed diuturnum, ac stabile Imperium, quàm vastum habere, sed caducum, & imbecillum, & sua quoque vastitate laborans, simul etiam agram, ac propè depositam reipublicæ avellere partem, quàm suis ulceribus derelictam, sanie, taboque influenti corrumpendam omnino sinere. Ad hæc cum ea rerum, & in pejus certè mutatio inevitabilis tandem reipublicæ sit, præstare quoque eas in tempore commoveri, usque fluctibus immisceri æquè periculi, ac premii participem, quàm otio, & inertia sopitum ab aliorum arbitrio, & fortune quoque ludibrio suspensas rationes habere, ac pejora quotidie metuere. Pro his rebus consciendis adesse in partibus sibi gravissimum virum origine, fama, copiis, incorrupto judicio excellentem Ixare nempe Ducem, coherere illi quoque Marchionem Vegensem, & Dominicum Capralium Lusitanum, qui multa in eo regno sua auctoritate, atque gratia, majora in Castella suo ingenio, & artibus volveret. Tempore autem appposito, cum factio, Dux factionis, tumultus, & causa tumultus, spes, resque nova, & turbida omnia manifestentur, magnam profectò, & meliorum hominum vim confluram, qui tunc herentes, & alius alium expectantes, non otii, aut officii gratia, sed infelicitis duntaxat exitus metu à libertate recuperanda deterrerentur; eò enim usque in Castella excessisse procerum inter se similitates, administratorum dissidia, magistratum rapacitatem, fœnerantium ingluviem, simul oppressi, jacentis, afflictæ populi lachrymas, ac lamentabiles voces, ut odio, atque horrore præsentium, nemo sit qui rebus aliquando commotis ex hoc tacito domi bello aut impura quadam tranquillitate, ubi la-*

*trones pinguent, ubi imperat stulti, ubi tumet ambitiosi, omnia in melius mutata iri minime speret. Caterum magni quidem momenti id sibi facinoris capessetibus fore, si ipsorum fortasse conjuratorum arbitrio Pedemontanae urbis, cujus nuper ad Ioannem translatum esset à Rege Philippo regimen, accessisset, si quidem certior per ipsam Gallia inbiantibus praeda, & tenacia atque solida hoc negotium ingredientibus praeberentur initia. Daret operam ergo Ioannes irrepere sensim in animos militum, eos obsequentes, & pronos reddere sibi, ita capere blandimentis, & laqueis munerum irretire, ut cum res postularet tuto urbem ipsorum nutu liceret Sabaudio, vel Gallo prodere. Levia quidem pericula esse, spes amplas, ingentia premia conspirantibus posita, & super haec nationis, patriaeque labantis studium, & coactam quamvis seram ipsam medelam acius debere nobilium animos inflammare. Hæc Caroli ad fratrem longioris epistolæ summa erat. Porro autem in eo litterarum excursu, adeo implicatus, & varius sibi ipse repugnans & jam se felicem, jam infelicem ostendens metus, spes, mœrorem, lætitiā, quæstus, & vota miscebat Carolus, ut exagitata planè conscientia tumultum, & altius hærentia in pectore vulnera denudaret, & tragicum etiam illo auctore, illo Duce, eo litterarum exemplo colligeretur malè, ac stultè suscepti talis operis vaticinium. Has Carolus litteras, ut Joanni Padillæ fratri redderet Mediolani, summo studio commendaverat Assentario. Duplici autem errore hinc obcæcata scelere mente lapsus est Carolus, primo quia non obscuris, & falsis, ut fieri etiam in rebus minus gravibus solet, characteribus usus scripsit epistolam, altero, quia latori ad fratrem Mediolani reddendam adeo illam, & sæpè, & acriter inculcavit jam officium in causa, jam fidem ab ipso reposcens, ut ex eo præsertim, quod ita ille premeret, quid tanti momenti in his litteris latuisset, explorandi mentem, & curam Assentario*

simul injecerit. Ipse mox Assentarius Mantua Carpetana profectus Alican-tem, expeditæ ubi naves propitios ad Italiam afflatus, quibus vela citò committerent, expectantes in ancoris erant, inde protinus transmissurus accessit. Caterum, ut ex connexis, ac superius præcedentibus causis semel provisum fuerat, serus ejusdem Comitissæ ad Alican-tem adventus solvisse jam naves eo tempore offendit. Solitudinis igitur illi in ora ferè deserta, atque otii levamenta quærenti, dum cunctatur, ac moras ducit novi nempè itineris instruendi, pro tempore contigit, ut olim ex litteris, & quo sibi conatu commissæ fuerant mente perceptam, cum vacaret jam animo, suspitione excutere vellet. Solvit itaque litteras, propè attonitus legit, suis vix ipse credens versiculos singulos repetentibus oculis, & simul admiratione, simul horrore perfunctum cum affluentes animi curæ ancipitem hominem traherent, utrum virulentas scinderet litteras, an præmium insigne ex delato confestim scelere peteret, utilius tandem, honestiusque idem consilium hominè vicit, easque ita solutas epistolas Assentarius statim ad Arum Mantuam Carpetanam remisit. Hæc ubi comperit Arus dolens, fremensque & Carolo, & sibi maxime iratus, quod se nimis fidentè, & facilem dolo circumveniri nefario ab homine passus esset, ultione flagrabat; tamen cum Ixaræ Dux eo quoque crimine teneretur, sibi que molestia, & oneri pariter tum castigatio, tum optimatis impunitas esset, nihil ipse inciperet voluit, priusquam consuleret Regem. Hoc itaque statim convento, apertisque conjurationis indiciis, & manifestis per litteras notis, Rex obortis præ amaritudine lachrimis, fertur dixisse: Quid porro tam ego iniquè, tam insolenter de Duce Ixarense meritis sum, ut contra me sponte veller tantum flagitium admittere. Status deinde Senatus judicio ob plurimos, qui reo ibi Duci assidebant, jure



jure cognationis obstrictos, suspecto Catholico Regi, idem è sinu suo atroci ea de recòsulturos accersit Ludovicum Arum, Comitem Castriliū, atque è secretis Consilii Status Ferdinandū Contreram. Hos simul cū interceptæ epistolæ capita excurrerēt, eorūque momenta librarent, gravior propterea sollicitudo perculerat, ne altiores fortasse, quàm præ se ferret, ea conjuratio radices fixerit. Nam prope incredibile existimabant Ixaræ Ducem nobilitate spectatum, uberem copiis, ætate vergentem, incorrupto judicio, mente integra voluisse pericula, spes suas, rationes, ac suæ dignitatis splendorem cum paucorum inopia, ac fordibus commiscere. Plus autem Lusitani ab insidiis, quàm ab opibus Galli his, qui trepidè modò rem consultabant, metus incesserat. Gallus enim longinquitate situs, perpetua utriusque gentis animorum contentione, arte bellique fortuna sapius expertis, eas esset Hispanis vires, & nervos oppositurus quas aliàs frangere Hispanus, aliàs æquare muruis cladibus consuevisset. Atqui Bregantius suo ipse auspicio, ac nomine Hispanus, intra viscera hostis, & dolis non minùs, quàm armis infestus, tum sanguine gentilitio multis, clarisque Castellæ familiis immixtus, si invalesceret conjuratio, acriùs bellum ut intestinum quo quidem celerius regna concussa labuntur, excitare facillè potuisset. Bregantius præterea spe, at sumptibus major Gallus in causam applicuisset; hunc animorū vim oporteret, illum corporum expugnare; Gallo etiam bona qualis inter externos lubrica, firmior, constantiorque Bregantio, eaque melior suos inter Hispanos fortuna accidisset. His, & similibus rebus longa consultatione discussis, inter omnes tandem convenit, conjurationis modò compertos per interceptas litteras homines rapi confestim in vincula, ex quorum postea confessione per vim tormentorum expressa, quæ prudentius

deinceps agenda essent, rationem, ac tempus admoniturū. At Dux Ixarenfis non statim cum aliis comprehendetur, sed relicto viro Principi spatio aut fuga, aut tempestiva confessione, aut aliquo alio, ultro si vellet, de se statuendi, inter hæc animi fortè conscii, patente jam scelere, impulsus, & impetus experiri. Verùm enim verò sua ipse sponte si longè exulatum elapsus esset, jam per ejus absentiam Hispaniam exonerasset, à fuga verò retractus per clariora deprehensa vestigia sceleris, popularius, ut palam, & graviter fonti constitueret sibi supplicium, voluntariè tandem crimen confessus, Regique supplex per pœnitentiæ suffugium addictus, seu clementiæ, seu terroris exemplo cū eo uti idem Rex voluisset, jam suæ vitæ, necisque arbitrium in ejus manibus collocasset. Decere propterea, accelerato in alios abjectioris quidem notæ judicio, cunctatius primario cum viro procedi, sive id decori personæ regiæ, sive familiaræ in qua reus emineret, concederetur, vel saltem, ut planè constet, quantum Rex animo subsit à cædibus casto, & à magnatum præcipuè fundendo sanguine averso; præsertim quando hæc mora aliunde non sit obnoxia, & aliter quoque juvet, ne aliorum reorum videretur cum Ixarenfi conjuncta causa (quæ ratio maximè vicit) vinculorum disjunctione, ac temporis intervallo omnia secreta rimantis, odorantisque judicio plebis illudere. Secundum hanc sententiam Carolus Padillia, Vegæque Comes, qui Mantuæ Carpetanæ tunc habitabant statim comprehensi, & in vincula impacti sunt; severa quoque, & celeria Regis mandata Mediolanū, Gadéfque transmissa, ut hîc Capralius, illic Joannes Padillia, uterque comprehensus Mantuâ Carpetanam asportaretur. Triduò post ex metu conscientiæ, & consciorum inspecta calamitate cū nihil ipse movisset Dux Ixaræ captus, atque in arce Santurcassensi, quæ haud

procul ab aula jacet, graviori custodia restrictus est. Et quidem initio hujus rei causam nescientibus aulicis varios rei novitas vultus, variósque passim rumores, & in areis, ac triviis hominum circulos peperit. Repentè tamen in arctam tacita causa custodiã Principem virum injectum esse considerantes, atrocem subesse rem plerique conjiciebant. Causa igitur constituta, tres è Castellæ Senatu integritate, ac doctrina egregii selecti Judices, dum acta conficere, vel ipsa confecta discutere curant per editos testes, & codicillos qui in domesticis Caroli scriniis conservabantur, accipiunt, frequenter consultos à Carolo mathematicos esse de Imperii mutatione, de vita Regis, de ipsius Padiliæ fortunæ conversione, & temeraria quadam felicitate an meditata ex voto ejus cessura fuissent, scilicet aliis hominibus sceptrum dare, aliis auferre, pro sua libidine, ac nutu figere posse in Hispania, ac refingere leges, hos elevare, hos deprimere, hos perdere proceres, totum Hispanum vertere Imperium, & his, qui in ejus essent partibus nundinari, & alias hujusmodi ineptias, ac nugas propè puerorũ, quas venales, stultique Astrologi per aula perniciem, ac pestẽ, artisque sublimis injuriam fordidè nutriunt. Ad hæc alba quædam manu Regis subscripta, quæ ob pacis in Gallia conferenda negotia Carolo ab Aro folia cõmissa fuerant, illum nefariè, & impiè constituisse, ea ipsa falsis corrupta notis ad oppidorum, & arcium in Gallaciã Gubernatores summittere, ut illa interciperet Lusitanus, qua tempestate apud Gades Capralius prodicionem maritimi sinus pro Bregantio sollicitabat, atque ita hinc fraudibus strato per Gallaciã accessu, hinc opportuno subjecto portu, terra, marique tutò Bregantius in Castellam irrumperet. Constitit etiam Judicibus ex lege rem inquirentibus, multis ante diebus, quàm in vincula Carolus raperetur, præcepisse cuidam ex fidis, ac ve-

teribus famulis, ac sæpè inculcasse, si eundem fortassè aliquando vidisset carcere, aut fuga, aut interitu, aut quavis alia calamitate sublatum, ut illas statim combureret litteras, quod intus revera tumultuantis, suóque scelere tactæ, agitataque conscientia manifesta, atque certa expromebat indicia. Hæc omnia, quo ordine illuxerant, cùm in acta relata essent, citatur illicò reus, & plana, atque simplex tormentorum terrore secluso prima de more interrogatio procedit. Is tum à senon negavit ad fratrem, quæ jam paterent, conscriptas epistolas esse; eas tamen fictas, & commentitias, & ingenii ardore conflatas, ut ab infructuosa, gravique militia astu vel utili abduceret fratrem, asseruit. Simulata quoque prodicionis consilia sese de industria Capralio jactasse, quò illo fidem hominis artificio, quam esse anticipem suspectabat, probatam haberet, nihil enim magis appositum explorandæ fidei hominum esse, quàm ingenuæ opponere fictam, & vera mendaciis eruere. Ducem verò Ixarensē non ferriò, non studiosè, at risus profectò lusuque gratia Aragoniæ persapè Regem perfuntoriè prolatum esse, quemadmodum enim Arus quidam velut Rex ascititius totius Hispaniæ gubernacula prehenderat, sic Aragoniæ partè assumptam addicere sibi Ixaræ Dux potuisset. Verùm cùm testimonia deinde, & aliæ collatæ litteræ, atque indicia & causæ argumenta compararentur, non rectè cohærere confessio, nec ejus ratio, aut oratio satis constare Judicibus videbatur. Admoventur ergo tormenta, quibus cùm crudeliùs Carolus urgeretur, & cùm retorquerent incussi mēbra funiculi, & intus equulei cuspis affixa profluente sanguine coxas, & crura, pedesque compleret, nec longè inde positus torreret insuper ignis, doloris acerbitate, & plagarum ardore coactus planè tandem confessus est in Regem intentam necem, & regiæ virginis raptum, & per



per eum Ixarensem ad Aragoniæ invasionem impulsus; clandestina quoque consilia, & nefaria admodum tentamenta cum Lusitano, cum Gallo, in Imperii perniciem suscepta. Quæ præterea flagitiosè, quæ impiè, quæ spurcè ipse in toto vitæ curriculo egisset vi tormentorum etiam elicitæ promittit. Hoc quoque facti inter tormenta sunt Marchio Vegenfis, atque Capralius, qui Gadibus vinculus Mantuanam Carpetanam adductus fuerat, & post cruciatus ratû etiam de more habuere. Sic explicata penitus causa, ac de jure confecta in omnes ut reos majestatis capitale supplicium sancitum est. Ea porro sententia Carolo declarata, & quàm citò exigenda cum pœna propofita esset, horribili facie quanquam homini mors impenderet, ac propè hæreret jugulo cultrum, formidine tamen intactus, atque integri spiritus nullum turbati, aut abjecti, aut quoquomodo mutati animi signum eo tempore protulit. Inde cum ad supplicii locum deductus esset, eodè utique vultu, animique rigore, atque habitu corporis quàm in æqua fortuna gesserat, fœrale pegma, tanquam scenam ludicram subit. Ibi paulisper funereo cum habitu stans, nec ore, nec gestu, nec anhelitu quoque pavidè, aut mœstè quidquam ostendens, postquam ad immixtam, quæ spectaculo aderat, hominum multitudinem, serenos, & graves circumtulit oculos, placidè se composuit extremo carnificis ictui, atque animo tandem interritus jugulatur. Pari deinde supplicio, sed non eodem vigore, animique constantia Petrus Silva Marchio Vegenfis extinguitur. Dominici Capralii Lusitani, quia jam fato in custodia, corporis, animique ægritudine fractus concesserat, memoria, atque imago publicæ ignominia, ac perpetuæ contumeliæ damnata est. Hic autem Catholici Regis memorabile quidem pietatis exemplum non prætermiserim, priusquam enim in reos confessos scelerisque convictos

sententia Judicum emanaret, ipsius ad eosdem Judices manu exaratos misit Rex codicillos imperiosè rogâs, ac suppliciter jubens, ut cunctatiùs, & æquiùs in ista quàm in alia ulla causâ hominum crimina tractarentur, ne assentatio fortassè, nè nimia populi affectio, rumorque diffusus, neu quia pars ut læsa majestas descenderet in judicium, reos hoc obrueret, aut aliquo pacto præsidio legitimo juris officeret. Sese quidem ut hominem parcere fontibus constantissima voluntate, de Rege, & quod ad causam publicam spectavisset ipsi incorruptè, & attentissimè judicarent. Jussit insuper Rex Catholicus magnam pecuniæ vim viris, fœminisque religiosis per municipii templa distribui, ut ii afflatum, ac mentem à Deo pro Judicibus, qui propediem laturos sententiam erant, orarent, judicio integerrimo dignam; exacto verò supplicio pro eorum animarum suffragio ampliora quidem largitus est.

His rebus ita confectis studiosius deinde Ixaræ Ducis causâ versari Judicibus capta est; moles quippe cognitionis propinquos Ducis tangebatur, & Hispaniæ magnates reliquos non minùs ingenio, quàm opibus tumidos, ad quorum amplissimum ordinem erat, & Dux inter primos adscriptus, èstque præterea in more jam pridem magnatibus positum, ut quos ambitus passim, Regis quaesita gratia, & sua cuique utilitas distrahit, eosdem illata uni eorum injuria ad ultionem copulet, illigétque. Itaque Dux requisitus cum à Judicibus esset de interceptis epistolis, de damnatorum confessione, atque aliis indiciiis quæ ex causæ agitatione profluxerant, se quidem, inquit ingenuè cum Gallis pro pace ineunda sensisse, & cum Capralio quoque pro Gadibus quam urbem, & portum appetere insidiis Brengantium pro certo constabat, tuendis. Carolum verò Padilliam ea occasione, eo apto reipublicæ tempore in ejusdem

familiaritatem illapsum, ut talia Regis negotia Ari mandato curantem, seque ideo facillimè potuisse eodè, quo Arus, errore per versipellis malitiam decipi. Simplicius se tamen fateri, semel se tantum, & casu ex ore Caroli audisse confatas in caput Regis insidias, sed auctore sublato. Caterùm nec rerù unquam ordinem comperisse, nec auctorem esse Carolum suspectasse, cum ne homini quidem in ore rubor ad tam atrocia, & sceleris plena verba suffunderetur. Hoc colloquio dirempto cum anxius animo volutaret, liceret propterea sibi necne hujusmodi indicium & indicis nomen Judicio denunciare quandoquidè levis, aut fallax cum id temerè detulisset, suspectus cū siluisset, videri fortassè Judicibus poterat, ideoq; sive rem tegeret, sive detegeret ancipiti sensu, metuque periculi afflictum, in diversumque trahentibus hominem curis omninò jactatum, spectabilis vitæ & quæ fanaticum, rei-que futuræ providum habere spiritum dicebatur, monialem tãdem consuluisse, & sceminam respondisse, is siquidem fidei obligandæ pignus in tanti ponderis causa nullum haberet, & rem illam propterea esset aut temerè delaturus, aut cum periculo taciturus, in eo rerum discrimine implicito, & curis utrinque propè æqualibus torto satius fore videri, nihil humanitus providentem sese, ac totam penitus causam soli Numini addicere. De reorum consciorumque testatione quæ ipsum intra, & extra tormenta initæ in Regem conjurationis crimine afflaverat, præter turpitudinem vitæ ac lutulentam natalium, & morum conditionem cum æterna, ac publica infamia conjunctam quæ illorum per se testimoniū omninò debilitarent, veteres etiam, & graviores quæ intererant sibi cum illis, interpositas simultates adjecit, ita, ut testium aliquo pacto labare fides, & nequaquam hæere crimen in causâ aliquibus videretur. Hac porro suscepta Ducis confessione, atque ad al-

tius rejecta Judicium quod duorum quoque procerum interventu Rex Catholicus constituerat, duobus denique tota in se ipsa restricta capitibus causa est, quod testium, scriptorum, indiciorum consensu nexûsque Ixarenis crimen vehementer urgerent, & quod sua ipse sponte professus esset, relatam ab alio conspirationem adversus Regem tacitè præterisse. Subesse quippe etiam silentio scelus, aiebant, cum regno, Regive tendendas, aut tentas à quoquam insidias suppressere quisquam vellet. Hujus rei usum, qui in cæteris sæpè rebus, ut levitas, ut credulitas, ut nimia facilitas animi arguitur, ad Principis causam translatum, ubi tenuis quæcumque suspicio valet, atque ipsa speciè immutat, omis- sum, aut spretum intendere crimè. Hoc leges jubere, hoc jura Politica edicere, hoc ipsum quoque per jus naturæ competere Regi, quippe, quæ sollicitius caveri, attendique Politici corporis capiti, summæ regiminis menti, cohærentisque Imperii vinculo jubeat. Decretum est igitur omnium delegatorum sententia, ut rei veritas acrius ab eodem Ixaræ Duce per cruciatus exquireretur. Hoc mandatum accipit Prætor, ac diem quo infligendum Duci tormentum præparabatur, ne eum cibi copia minus fortassè torturæ potentem, aut aliquid veneficii clam esculentis infusum, ut aliis sæpè contingit, alienatum sensibus redderet, omninò jejunum extrahere jussit. Cùm verò tunc Ixarenis crebrius ex more prandium repeteret, idque varia, ac planè frigida prætexendo, diutius quàm antea solebat, prolataretur, suspicatus id, quod erat, se ipse tandem collegit, & plus inedia penè molestia, quàm tormentorum horrore percussus funestam horam tacitus expectabat. Nocte intempesta cum binis accessit tortoribus Prætor, quo tempore Ducem à Santurcassi arce Mantuam Carpetanam re- vectum, quia promiscuus reorum carcer virum Principem dedecebat, in al-  
terius



terius Prætoris sepōsita domo custodia tenebat, ingentēque satellitum turbam aedes prætorias iussit, & circumjectos proximē calles circumfiderē, specie quidem, ne fortē reo vi tortionis effusas curiosus quisquam exciperet voces; at revera quia excruciatī hujusce viri nobilitatis exemplum cū esset in aula novum, rēque novæ, & majoris qualis hæc esset momenti maximē arrectos, & animo pavidos Regis ministros haberet, gravior Prætorem angebat cura, ne homines turbulenti suo, aut aliorum impulsu, fortē, aut consilio ex re inusitata rerum commotiones, ac turbas per noctis caliginem quærerent. Ducis deinde custodiam ingreditur, eique subeundi tormenti necessitatem ex Delegatorum sententia denunciat. Audit hæc Ixarensis, ut prævisa non mirabundus, ut in fortem cadentia virum non animo perturbatus. Itaque non colore, non fronte versus, non questus, aut ulla timoris elapsa voce, at constanti silentio, vultu, incessu, gestūque mirē compositus ad tormenta sustinenda perrexit. Ubi in equuleum imponitur, astantque tortores, ac Prætor qui horum sævitiam acueret, membra ejus circumplicata primò funiculis, post arctiūs expressa, confusa, sapiūsque retorta crudelius, quàm iussum erat, carnifices lacerant, tanquam aliquid magnum audere, ac proprias abstergere fordes in optimatis sanguine crederent. Jamque tum intumescens reiteratis nexuum ictibus corpus propè dissolverat artus, & magna ex parte nudaverat ossa, simul etiam acumine equulei visceribus inhirente cum magno dolore, crepitūque plagarum mistus sudore sanguis copiosissimè diffuebat. Dux tamen inter insita hucusque vincula, inter tortores, totiusque corporis laniatus, & ictus, cum prominente cruciatibus animo, carere omni sensu doloris filici similis videretur, tunc præfervidus ira Præ-

tor, quod non illam constantiam, & animi æqualitatem ad ejus virtutem, qui torquebatur, & intimos pectoris nervos, sed ad tortorum segnitiam, tormentique remissionem referret, cæpit convivis, & probris in eisdem carnifices debacchari, ut vel pudore compulsi omnis sævitæ vim, & furoris acerbiter effunderent. Unum præcipuè eorum tunc Ducis brachiū loro alitringentem dum Prætor objurgat, *Cur inquit non pressius lorum adducis? Quia latera, & vis, si minùs animus deficit*, Prætori tortor respondit. Sub hæc verba Ixarens torvo aspectu carnificem intuens, *plus tu, inquit, si vis, premere potes improbum caput*. Ira idcirco, atque ingenita feritate concitus tortor, fremitūque concussus, summamque proinde suarum ad tormenta colligens virium adeò restem volvendo torfit, ut restis simul, & Ducis brachium in frustra dissecta conciderent. Ea constantia mirabili, seu potiùs animi, corporisque stupore simul attonitus, simul territus Prætor, ubi frustra etiam videt, sese tortorēque cruciatibus incumbendo lassari, nec minùs corpus, quàm animum Ducis ad tormentorum satietatem obduruisse, aliena quoque patientia victus equuleo Ixarensē auferri denique jubet. Quæ postquam ad concilium insignis, & rara quæstio relata est, & molliora omnia atque inania cruciatuum experimenta ad superandam Ducis constantiam, & magnitudinem animi satis comperta sunt, cū lex, verūque Castellæ usus obtinuisset, ut reis inconfessis pro vita indemnitas præstaretur, vitam Dux Ixarensis judiciaria sententia tenuit, suo tamen jure imminutam, & perpetuo carcere circumscriptam. Itaque in arce Legionis, jussu Regis, oclusus, multo ibi post tempore senio, ac valetudine resolutus interiit. Cæterum cū sibi instare vitæ finem agnosceret, suam ipse innocentiam,

aut

aut innocentiae imaginem Regi, ac mundo declaraturus epistolam scripsit ad Regem, cujus exemplar apponitur. *In extremo vite articulo constitutus quemadmodum mihi, & posterorum memoria licet, ac meis gentilibus satisfacere, quippe cujus nullum humana, aut divina in hoc laese majestatis vestigium, aut scrupuli species innoxium, & purum afficit animum, nec profecto aliunde aliud vel per severas illas, ac truces quaestiones innotuit, citra venerationis debita notam, ego te Rex ante Dei tribunal sistendum cito; quò me falso crimine circumventum, veritati, personae, generisque decori, ac publicae famae restituas. Secus autem hoc suo Numen ordine efficiat, ut aeternus veritatis assertor, scelerum vindex, ac fidei reddita custos.*

Has Ixarensis, quas secretae pietatis ministro obsignatas tradiderat litteras, post ejus mortem pius idem minister in aula vulgavit, aliasque ipse ad Regem conscripsit litteras, velut defuncti confessionem sibi ipsi commissam jam praestita fide testantes; quae cum Ludovico Oyangurenio è secretis Consilii Status ut eas Regi porrigeret, exhiberentur, is, ne per eas refricando dolorem, memoriae vulnus accenderet, novamque molestim faceretur Regi, periculum sub-

terfugit; idque tum ejus loco propterea suscipere cum aulicorum nullus auderet, eadem vario, inanique duntaxat rumore circumlatae per aulam demortui litterae sunt. Verum enim verò utrum ad Regem ita Dux Ixara scripserit, ut incorruptae, limpidaeque conscientiae, an mortalium opinioni, meritoque familiae hoc artificio consultum vellet, praesertim cum illa causa ex defectu confessionis rei nequaquam esset penitus absoluta, atque in incerto iudicii tota adhuc res versaretur, nos superius commemorata ad historiae fidem integra habentes, caetera prudentium, ac Theologorum maxime arbitrio relinquimus. Haec quidem nos de Ixara Duce comperimus. Joannes alter Padillia dum Mediolano ad causam dicendam victus Mantuam Carpetanorum adducitur, voluntaria per iter cibi abstinentia, & moerore consumptus iudicium praevertit. Hunc exitum habuit Caroli Padilliae in Regem Catholicum conjuratio, quam pestifera, ac vetus Principatus ambitio peperit, eamque sicuti ferè semper, ne omnia scilicet verteret, misceretque, ut sapienter Numen providit, in suis ipsa conatibus caeca, praecipueque dissolvit.







# D E BELLO LUSITANO LIBRI SEXTI

S U M M A.




REGANTIUS lethali morbo correptus, administratos, re-  
gnique Principes convocat, deque fide servanda monet, vi apo-  
plectica tortus occumbit. Ejus mores. Imperii juri, opibus-  
que paternis, Alphonsus maximus natus filius, regnique tute-  
le ex vi testamenti succedit Aloisia Gusmana, Bregantii uxor.  
Hec Laurentianum Comitem qui regni confinio cum milite  
praerat, Barcarotæ arcem petere jubet. Franciscus Tutta-  
villa Sangermanensis Dux, armorum pro Castella Praefectus.

Quibus moliebatur insidiis Lusitanus capere, capitur. Rex Catholicus, ad acrius  
quàm antè, Lusitania bellum redintegrandum permovetur. Status Senatus coactò,  
Dux Medina censet, non incumbendum receptioni Lusitani regni, nisi post stabili-  
tam cum Gallo pacem. Ejus Oratio. Contra sentit Belvasius Spinula. Ejus argu-  
menta. Ardet Arus cladium quas Olivarii insolentia pepererat, restaurator dici. San-  
germanensis milites contra Olivençam ducit. Laurentianus Badajocium contendit, ut  
ab Olivença obsidione Castellenses abstrahat. Ibi accepta clade ab urbe obsidenda  
deterretur. Valentiam irritò conatu aggreditur. Olivença honestis conditionibus Ca-  
stellensi traditur. Saldanius quòd nec pro fide, nec pro viribus Olivençam deffen-  
disset, perpetuo exilio multatur. Aloisia, fœdere cum Gallis & Anglis sancito, ul-  
tra fines Castelle arma translatura exercitum cogit, cui praeficitur Ioannes Mendus Vas-  
concellus. Is ad Badajocii obsidionem se applicat. Frangitur primus Lusitanorum  
impetus ad propugnaculum Sancti Christophori. Castellensium equitum duo millia ca-  
duntur: Pugna memorabilis inter Venti, & Maja colles. Civitatis obsesse nuncio  
perturbatur Aula Catholica, & belli expeditionem suscipere cogitur Arus. Lusita-  
nus Badajocii solvit obsidionem. Triumphantis in modum urbem Arus ingreditur. Vil-  
labuim diripit. Elvum obsidet. Subsidia magno strepitu Ulisippone comparantur.  
Cantagneda Comes summus exercitus Lusitani Dux, Elvum liberaturus pergit. Prae-  
nunciat Aro per litteras, qua ipse die, qua hora, quibus copiis, qua parte subsidio  
sociis venturus sit. Initio certamine, Sangermanensis in capite sauciatur, unde pro-  
sternitur Castellensium acies. Elvus obsidioni eximitur. Arus ad Aulam revocatus,  
in eodem gratiae loco, quò antè retinetur. Studiosius cum Gallo pacem tractat, ut  
universas imperii vires in Lusitaniam convertat. Consultitur quisdam ex Europæ Prin-  
cipibus inter utrumque Regem, discordiarum arbiter, melior aestimaretur. Summus  
Pontifex, Caesar, Veneti suspecti. Maturanda pacis negotia Mazarino & Aro com-  
mendantur. Congressus inter eos apud Irunem utriusque regni confinium, condicuntur.

Anglus

*Anglus Legatus, Galli, Hispanique auxilia pro reducendo suo Rege, implorat. Summa utriusque partis contentione, Lusitania articulus agitur. Caput summa inter Hispanum, Gallumque ad Pyrenæos composita pacis. Quæ Maria Theresia cum Gallo, nuptiis firmatur.*



## BELLI LUSITANI

### LIBER SEXTUS.

1651.



SEXTO, & quinquagesimo labentis seculi anno Bregantius, qui Lusitaniæ quondam Rex acclamatus à partibus fuerat, quinquagenario major Ulissippone lethali morbo correptus est. Proinde ministris, regniq̃ Principibus convocatis, ubi eos fidei, justitiæ, integritatis, religionis servandæ monuit, veniam sibi tandem concedi petiit, si re aliquid fortè, non animo quidem in temperando regimine deliquisset, testatus propterea cives, cunctantem, ac nimium de se diffidentem laboris se tantum, & oneris suscepisse, & maximè, quia juris humani, divinique consulti sapius institerant reluctanti, ne eo turbulento reipublicæ tempore non eam necessariam, sed fortè liberam duceret sibi Lusitani invasionem imperii, quod etiam ad ipsum clariora extra juris suffragia naturæ tunc lege spectabat, aut capeßendum enim imperium esset, aut suus etiam ipsi cum reipublicæ spiritu dimittendus parceret patriæ, ni sibi parcere vellet, aut saltem incertam, ac trepidam sibi æmulorum invidia, doloque vitam reipublicæ usus absumeret; inde morbo, & anhelitu fatigatus, & paulò post vi apopletica magis adstrictus, ac tortus occubuit. Ad sextum decimum annum Lusitaniæ à se partum regnum obtinuit, & clientium profectò in se magis benevolentia, illorumque præduro in Castellenses odio, quam propriis ingenii, aut regni viribus fultus. In statu privato religione, æqui-

tate floruit, comitate, modestia; animum habuit sua indole erectum, & amplum, ac nisi aliud res sua postularet apertum, & simplicem, tum naturali quadam virtute mansuetudini gravitatem, parsimoniam iracundiæ, libidinibus modum, clementiæ severitatem admiscuit, nec mores illi mutavit imperium, nisi quod ipsi aliquando tenacius in animo inhatens injectæ semel suspicionis aculeus eundem in quosdam, qui æmuli essent, immitteret, insita verò ingenio ejus cunctatio, labendique in operando formido minùs à suo, quàm alieno arbitrio, & consilio pendentem effecerant, quanquam, & mens erat illi excitatior, ac vicens, & quæ suo acumine quondam ipsum Ducem, Comitèmq̃ Olivarium qui solertissimus habebatur, in suis artibus circumvenerat. Porro ea sive innata, sive tempore, & usu comparata calliditas, contracto quæ ab animo fluit, & ipsum pariter contrahit, cum nimia rerum providentia conjuncta adeò ejus abjecerat spiritum, & animi vires effregerat, & placidæ vitæ potiùs, quàm perturbato moderando regimini idoneas, ut si res hominum actione, & consilio magis in speciem, quàm casu, & fortuna agerentur. Theodosio hujus Bregantii patri multò plus congruissè videretur imperium, quàm ejus filio Joanni, cum ab illo omni studio, & industria regum diadema quarente hoc propè fugere visum esset, hunc illud & persequi tanquam invitum; & reluctantem. Erepto Joanne Bregantiæ Duce Lusitanix Rege acclamato, ac regio funere condito imperii juri, opibusque paternis Alfonso maximus natus filius, regniq̃ tutelæ ex vi testamenti successit Aloisia Gusmana, Bregantii



gantii quæ fuerat uxor, magni quidem animi, ampliorisque capax imperii fœmina. Hæc itaque novi cōmissi auctoritate regiminis, suo pte elato, atq; impigro ingenio, & ne ab hostibus forsitan crederetur unâ cum viro imperii mens, aut ratio regiminis immutata, seu fortè vis imminuta, vere primo ineunte jubet Comitem Laurentianum, qui regni confinio cum milite præerat, Barcarotæ arcem, quod eam præsensisset infirmo teneri præsidio, petere. Putabaturque majori fama, atque strepitu, quàm sumptu aut labore posse validam hostium arcem, & Olivencæ propinquam improvise impetu excipi. Erat id temporis, atque loci armorum pro Castella Præfectus Franciscus Tuttavilla Sangermanensis Dux natione Italus strenuus, prudens verusque miles, cui in eodem certaminis campo majora subinde virtus gloriæ decora peperit. Hic hostis consilium per secretos exploratores edoctus quingentis, lectisque militibus Barcarotæ stationem firmavit, intensius præterea jussit, eos vigilare, excubare, sollicitos esse, ut, quibus moliebatur insidiis hostis capere, caperetur. Ubi igitur suboscuro, atque incerta adhuc luce temerè fîsus accedit Lusitanus ad arcem, erumpunt subito Castellenses, qui cum integri adversus itinere fessos, paratique contra imparatos, nec tale quidquam timentes ruerent, cæsi quamplures eorum captique sunt, in proximos saltus, & colles fuga reliqui dissipati. Intempestiva, & quasi acerba hæc multos post quietis utrinque annos, & otii Lusitana expeditio, non enim verisimile erat ex recenti Bregantii funere, ex novo, fluctuantique & orbo capite imperio ampliores assumere opes, aut efferre Lusitanos animos potuisse, imò verius ostentare vanè fiduciam, ac tegere inopiam affectata jactantia velle, permovit Catholicum Regem ad acrius, quàm antea fecerat, Lusitania

bellum redintegrandum, nihil agere tamen inconsulto Status Senatu solitus, istum ex more de bello consuluit. Quo tunc frequenti ut de re gravissima acturo, Regis imperio coacto; Medinæ Dux Turrianæ in hunc ferè modum disseruit.

Lusitani regni receptionem nedum amplam, decoram, nobisque utilem esse censeo, verum etiam si hæc dari posset electio, quamlibet ego extra Hispaniam Imperii partem avellerem, ut ejus loco infererem Lusitaniam, Latus urget hostis in pace semper insidiis, in bello suis conatibus metuendus; fatò præterea quodam est finitimis constitutum, temporarias imperii inter se, ac servitutis perpè dividere vices. Serius est tamen in hoc virorum confessu deliberandum bellum, an quies cum Lusitania nobis hac tempestate conveniat, ne fortè dum extra tempus, ac supra vires plura atque incerta molienda completimur, certarum jactura rerum nos ferò tandem pœniteat suscepti temere belli, & quibus modò quasi inexperti terrori sumus post vehementius, & frustra fortè connisus eorum ludibrio, ac dedecori pateamus. Credidimus sanè antea belli finem Catalauni felix futurum initium, & omen quo Lusitaniam tandem subigeremus; cruenta tamen, ultimòque conatu cum hæc victoria Hispaniæ quasi præda, ac vastitate desierit, adeò ut nihil nobis supra victos addiderit præter famam, vanique fulgorem nominis, effætas, lassasque Hispanicas vires eadem, & opes missura victoria fuisset ad novum tam citò, magnumque bellum redintegrandum. Causa impotentia nobis egestas ærarii potissima est. Etenim Rex circūscriptas, non infinitas divitiarum radices possidet, pravo etiam more Hispanus exercitus

„ institutus cum plus pecuniæ, tum cõ-  
 „ meatus, quàm externa quæcumq; mi-  
 „ litia, ex quo jam sumptus regios exu-  
 „ perant census, proventuum idcirco  
 „ radicibus alienatis, ac propè vulsis à  
 „ Rege, isusu pauper est, dum scenore  
 „ creditor regia alia bona consumit, alia  
 „ sc̃sim decerpit, alia propè jã abstractu-  
 „ rus irretorto aspicit oculo. Hoc autẽ  
 „ fenebre malum, si latius quàm modò  
 „ patet, per novum decretu bellum au-  
 „ gescat, quæ opes, quive regii the-  
 „ sauri valeant hoc monstrum, hoc  
 „ funus, hunc profundum reipublicæ  
 „ hiatus explere? nam ubi tantam  
 „ ætario cladem, voracemque vim cre-  
 „ ditorum reipublicæ invexit fera illa,  
 „ & funesta Catalauniæ recuperatio,  
 „ nec minùs hoc tempore premat Im-  
 „ perium fera, & crudelis armorum in  
 „ Belgio, in Insubria jactatio, unde  
 „ ex ære nisi alieno, nisi ex scenore im-  
 „ modicè aucto, modo velint sc̃ne-  
 „ ratores penè decocto credere Regi,  
 „ pro Lusitano terra marique ferendo  
 „ bello emungi pecunia poterit? num  
 „ per violentas numorum expressiones?  
 „ num per cumulos tributorum, ac do-  
 „ mestica exitia, ac per ea quasi rursus  
 „ plebe conscissa fas, sive utilitas ulla  
 „ fuerit hac nova parare arma? pessi-  
 „ mum quidem initium, & omen infau-  
 „ stum populi squalor, & luctus, paupe-  
 „ rum lachrimæ & sanguis, sudorque  
 „ mistus populo ereptus, & in arma non  
 „ necessaria collatus bello isti gerendo  
 „ dederint, successuque martis more  
 „ suo incerto, planè certius hoc tam ini-  
 „ què bellum ineuntibus non acciderit,  
 „ Castellam vexando perdere, quàm  
 „ recipere Lusitaniam. Porro autem,  
 „ quod urget etiam in causa, non so-  
 „ lum hinc Lusitanis de bello inferendo  
 „ agitur, sed Gallis etiam Anglisque.  
 „ Hos omnes nunc contra Hispaniam  
 „ contracti jus fœderis copulat, quanti  
 „ verò nobis periculi, quantæ molis fu-  
 „ turum censendum erit, hinc rursus in-

flato classico belli trahere in Castellā  
 tot alienigenas hostes, ac barbaros,  
 quos uberrimè possunt hæ populosæ  
 nationes effundere, & quos minori qui-  
 dẽ negotio pascere poterit Lusitanus  
 jam tot annorũ à bello vacatione ve-  
 lut longis recreatus induciis, falsusque  
 qui passim ubique volitat rumor, nos  
 divites esse, nostris tanquam opibus  
 saginandos per rapinas, & turbas in  
 Hispaniam influere stimulat? Sci-  
 mus etiam à Gallo Bregantium  
 alias promissis, ac blandimentis ille-  
 ctum, ut arma repeteret, aliàs for-  
 midine impulsus, rerum suarum tu-  
 telæ tantummodò intentum con-  
 stanti adhuc animo recusasse. Quid  
 ita porro, si idem Catholicus Rex  
 illum etiam nolentem ad arma rur-  
 sus tractanda cum sc̃deratis indu-  
 xerit, jam ideò Gallorum, Anglo-  
 rumque minister cupidinis factus, ad-  
 jutorque consiliorum, dum morem  
 hostibus gerit, dum Bregantio ne-  
 gotium per arma faceffit, nonne pa-  
 riter ipse suum ob enerves, distractas,  
 & fusas undique vires in Italia, in Bel-  
 gio, in Hispania corrumperet? vel ex  
 hac parte tandem, si bellum conve-  
 nerit, nostra consilia desipient, quod,  
 sicut postulat res, ne dum ea non op-  
 pugnent, sed etiã juvent foveantque  
 consilia hostium. Cur Catalauniam  
 recepimus? quia omisimus Lusita-  
 niam, quia simul collectæ, constipa-  
 tæque Hispaniæ vires in rem fortiùs  
 incubuerunt; si Mediolanum idcir-  
 cò, si Belgium tenere cupimus, Lusi-  
 tania ad tempus linquenda est, alio-  
 quin terrarum ubique nostra retusa  
 flaccescent arma, totòque Imperio  
 sine tutela concusso, alia aliam rui-  
 nam contrahet. Recto præterea se-  
 quendi more consilii antequam  
 fugiant properè bona, cum exami-  
 ne, & mora, ne fallant dubia am-  
 plectenda, mala, ne officiant ex-  
 templò repudianda, cum verò in se  
 bellum



„bellum teterrimum sit, & gurgas, fo-  
 „mésque malorum omnium, ubi rerum  
 „varietas, ubi insidiæ, ubi fortunæ lu-  
 „dus, ubi exitus anceps, aut luctuosus,  
 „quod unum etiam in Orbis exitium,  
 „scelerumque vindictam exceptum iræ  
 „divinæ telum ne explorata quidem di-  
 „luere satis necessitas subeuntibus ultro  
 „posset, nisi Deus mentis aciem in  
 „mortalium supplicium præstringeret,  
 „ne ejus sceditatem agnoscerent, est  
 „utique rudis, juvenisque consiliarii  
 „idipsum libenter, aut citò, nec sine  
 „extrema necessitate complecti, præ-  
 „sertim, cum is, qui de bello delibe-  
 „rat, ut in hoc statu nobis contingit,  
 „majora, quam hostis, per arma cum  
 „illo conferta in discrimen adduceret:  
 „major enim majori sustentandæ po-  
 „tentia requiritur cautio, laborque ut  
 „mole sua laboranti, ut magis ab invi-  
 „dis impetita, & quia si incautè expe-  
 „riri fortunam libeat, neque lucrum  
 „jactura rependi, neque spes periculo  
 „potest. Verùm hæc potius ad belli  
 „fortunam utrisque communem per-  
 „tinent: quid si ab omni parte causa  
 „perspecta omnino consilium, & ra-  
 „tio huic capeffendo bello repugnant?  
 „Dixi jam de militari apparatu, atque  
 „copia, tum amicis, tum pecunia Bre-  
 „gantium, ut otio diuturno refectum,  
 „& federatorum opibus nixum præ-  
 „nobis affluere; miles cum milite mo-  
 „dò comparandus ad bellum erit, si  
 „aliquid fortè spei bonæ nobis in re fa-  
 „tis aspera adjecerit bellatorum exper-  
 „ta virtus, roburque. Quæ porro nunc  
 „Lusitanos circa fines versantur raræ  
 „ipsæ militum, imminutæque cohortes  
 „libidine, ac rapto hucusque vivere  
 „consuetæ, oneri nobis potius, quam  
 „usui ad firmandum exercitum erunt.  
 „Veteres Italiæ, Hispaniæque militum  
 „legiones, si ex Belgio, atque Insubria  
 „deducere statuerimus, pro dura, ni-  
 „misque ut videretur ambigua, Lusita-  
 „niæ receptione ad certam, & ob-

viam illorum regnorum direptio-  
 „nem, & prædæ incitaturi nos hostes  
 „erimus. Deest veteranus omnino  
 „miles; torpet ille, qui adhuc super-  
 „est in finibus Lusitaniæ, aliunde as-  
 „portari, nisi nudare placeat melio-  
 „rem partem Imperii, nec modus, nec  
 „ratio suppetit; ex tyronum ergo col-  
 „lue, ex purgamentis Provinciarum  
 „hic novus conflans exercitus fue-  
 „rit, qui arrogantia, atque perfidia  
 „plenos, ac turgidos animos Lusita-  
 „nos, gentique congenitam pertina-  
 „ciam obtundat, simul vetus, ac sex-  
 „decim circiter annos cum bello, tum  
 „arte per otium exercitus, duratúsque  
 „laboribus miles cum Castellensi no-  
 „vitio, imbellique congregietur. Hinc  
 „nobis est spes, hinc satis oppositus  
 „hostibus terror, hinc tot per annos  
 „frustra petitam in Lusitaniam, quas  
 „fundimus minas, circumferuntur. At  
 „qui veterani re vera milites audacia,  
 „animi robore, ac virium sic mihi vi-  
 „dentur in armis supra tyrones assur-  
 „gere, ut ipsi pugna commissi viro-  
 „rum similes sint cum sceminis con-  
 „currentium. Hac, & non alia qui-  
 „dem de causa scilicet non hominum  
 „copia, non ampliori virtute Ducis,  
 „atque peritia belli Pompeianum Cæ-  
 „sareus exercitus vicit, cum discipli-  
 „na, usque militiæ, rerum gestarum  
 „gloria, triumphis, & militum nume-  
 „ro tunc longè Pompeius excelleret,  
 „at novus objectus militi veterano  
 „unà cum magno Duce, Orbis Im-  
 „perio, & Romana libertate succu-  
 „buit. In Lusitania verò nunc per  
 „ætatem vix reperitur bello gerendo  
 „idoneus, qui sollicitudine, ac studio  
 „quoque militiæ belli imperitus omni-  
 „nò sit, sicut enim superfluarum re-  
 „rum luxuria modò, inanisque fiducia  
 „virium jacere nos pigros, ac desides  
 „facit, ita egestas, ac nota debilitas  
 „illos parvas intendere vires, inge-  
 „nium acueret docet, quæ sæpè res,

„ scilicet aut negligente se copia, aut  
 „ per industriam se inopia intenden-  
 „ te, majorem minori subdidit, & hu-  
 „ mile sustulit, & altius quodcumque  
 „ prostravit Imperium. At saltem, in-  
 „ quies, in Lusitanos exercitus appa-  
 „ retur, quem alere posset ærarium,  
 „ nec regias alias, quæ extra Hispa-  
 „ niam configunt, detereret copias.  
 „ Ita sanè hoc inutiles, inertes, ac lan-  
 „ guido bello multò magis exercitos  
 „ nos Lusitanos efficiamus, callentès-  
 „ que militiam, nostraque incertitia,  
 „ torpore nostro illis gladios peracua-  
 „ mus, quos in nostris visceribus fi-  
 „ gerent. Nullus quidem vel magnus  
 „ est contra Lusitanos exercitus ad-  
 „ movendus, simul error præteritus  
 „ corrigendus, lento dum bello Lusita-  
 „ nos subigere nisi illos ereximus, au-  
 „ ximus, usum in nos, ac disciplinam  
 „ militiæ dedimus. Cæterum si ve re-  
 „ missè, si ve fortiter hoc ineundum  
 „ nobis proponitur bellum, cujus tan-  
 „ dem expectationis futurum existima-  
 „ tis, si neque idonei militis, neque pe-  
 „ cuniæ, neque cæteri belli apparatus  
 „ satis habemus, si ratio quoque, si tem-  
 „ pus, si experta hucusque fortuna belli  
 „ nostris conatibus obstant? Et dum  
 „ quasi aliena inconsultò pergimus op-  
 „ pugnatum, ruinis, rapinis, hostium  
 „ incendiis reliqua exposita desera-  
 „ mus necesse est? Hùc quoque ma-  
 „ ximè accedit tam proximè hanc au-  
 „ lam, Imperiique sedem hoc strepere  
 „ bellum, ut si aliquid tristius, quem-  
 „ admodum plus unde metuere, quàm  
 „ sperare succurrit nobis, acciderit,  
 „ eas fortè res novas allaturum reipu-  
 „ blicæ sit, quas occasione jam immi-  
 „ nentes conquirunt ambiciosi, solli-  
 „ citant inopes, turbulento, ac levissi-  
 „ mo ingenio vulgus semper obscurun-  
 „ datur, eosque dissidiis, ac turbis  
 „ suo infesto vitio omnes simul con-  
 „ sentientes, conspirantèsque facilè  
 „ colligaverit tam propè, tam infestè

favire fortuna visa præsertim si non  
 penitus sene, at fracta quidem vale-  
 tudine Rege. Nobis propterea soli-  
 tum acceptas procul in bello clades  
 celare silentio, vel artificio, fucòque  
 minuere. At verò in Castella hujus  
 ferè sub oculis aulae, inter nostra pro-  
 pè vestigia, si infeliciter, hoc Deus  
 avertat, pugnatum fuerit, nostra & si  
 melior in jure causa cum tyronum la-  
 certis, inexpertisque viribus defendan-  
 tur, & eorum pleròsque ad bellum  
 Mantua Carpetana dimiserit, quis tot  
 orbos senes, tot foeminas viduas, tot li-  
 beros orphanos, tot domos funestas à  
 luctu coercere poterit, aut sermonibus  
 fallere? aut quisnam vectigalibus jam  
 expilato, ac satis afflictò satisfacere po-  
 pulo, cum publicæ cladi domestico  
 etià vulnere adjuncto peculio simul,  
 & cordibus crucietur? Equidem non  
 ex vanis ingeniis, ac longè distanti-  
 bus causis hæc colligo. Nihil miserius  
 est omnibus bello, nihil eodem egen-  
 tibus stultius; nos egemus, langue-  
 mus, adversa fortuna pugnamus; si  
 resides sumus, interitus; si aliud bel-  
 lum decernimus, clades; si pacem, de-  
 decus instat. Porro una tantummodò  
 mihi in re tam ancipiti spes superesse  
 videtur jus vindicandi, decusque; tuen-  
 di, quam, & frangere quoque possunt  
 temerè modò resumpta in Lusitanos  
 arma, scilicet pax, si ea per filiae regiae  
 cōnubium, quod nunc agitur, cum  
 Gallo Rege convenerit: quippe cum  
 Gallus fortassè viderit à perduellibus  
 etiam opes, virèsque nostras intra ip-  
 sam Castellam labefactatas, in deter-  
 iori nostra cōditione aut paci dissen-  
 tiet, aut tam iniquam ille subjeciet,  
 quàm nos recipere non expediat. Igi-  
 tur quoniam Hispani tanti Regis, re-  
 gnique interest, vel serò tādē recep-  
 tam, vel saltem excisam, & cinere  
 comminutam habere Lusitaniam in  
 potestate, post stabilitas cum Gallo  
 nuptias, & certam utrinque, ratamque  
 pacem,



pacem, universis Hispaniæ collectis viribus in Lusitaniam recuperandam, incumbi censeo.

Hæc Mediæ Ducem locutum contrà in hunc ferè modum Marchio Belvafius Spinula excepit.

Cùm rectè, & appositè Mediæ Dux disseruerit quantopere profit Imperio Lusitiæ redintegratio, ab eo duntaxat mihi nunc circa tempus dissentienti, hoc in præsens probandum superest, scilicet nullum inter fluo commodius, & aptius excurrere tempus aliquo modo posse ad regnum amissum recipiendum. Sunt quippe res novæ in Imperiis magnis conatibus opportuna, nec regno ulli gravior intercurre novitas potest, quàm capitis commutatio, præsertim si scelere partum imperium suis etiam opibus constitutæque forma regiminis fluctuet; qualis esse nunc mihi Lusitania videtur extincto Bregantiæ Duce; sive enim Principis fatum ex causarum cõnexionè imperii sui quoque populares attingit, sive proclivior ejusque ingenio inflammator, ad altercandum, dissidendumque natura, quas quarit perpetuò anfas venientes avidè suscipit, quàm sapè compertum est regna cum Regibus immutari, nisi huic à Tyranno per vim, & injuriam extorto regno, simul iniquo, exiguo, intereluso ampliora divina, seu humana expectare præsidia liceat. An ita fortassè compositiones, vigentesque, cùm interiret Bregantius, res Lusitiæ reliquit, ut nihil inde fomenti, scintillæ nihil appareat, quod tempus, fortuna, aut rerum vicissitudo per Imperii translati causam latius turbare, atque incendere queat? In Aloisia Gusmana fœmina vidua ob filii Alfonsi pueritiam novi jam regni regiminis nititur onus, ea ipsa ortu, & genere Castellanæ, cùmque alia distracta seditionibus regna, alia profus averfa ob exter-

næ dominationis invidiam, alia, eaque multa muliebri ob imperium exagitata, atque afflicta memoriæ proditum sit, in Lusitania ubi id temporis simul conspirant, urgentque res novæ, imbecillitas sexus, invisæ nationis dominium, num idèò tranquilla? num tuta, atque omninò pacata res erunt? At enim mulier alta quadam mente prædita est, celsiorique fastigio digna: nunquid ingenio, atque animo fortè superior Regiæ Galliæ Cathariæ Medicæ fuerit? Hæc tamen quod alienigena, & mulier, & ministra regiminis esset; Gallia tam fœdè prostrata, & civili, cruento, ac diuturno implicita bello jacuit; Margaritæ Mantuanæ Duci, quæ amplissimæ Gubernatricis auctoritati Sabaudia, Austriacæque in se gentis præclara decora conjunxerat? nihilo minus ipsa contumeliosè ibidem habitata, sprete nec claritudine, nec prudentia, quæ in illa maxima fuit, nec avertere studio, vel fide potuit ejusdem Lusitani regni ruinam, & cladem. In hac ergo æstuosa rerum mutatione, in hoc turbido cursu rerum adest-ne, qui factu difficilè putet quod foris per arma Lusitanis ostensa, serpentes nunc intus discordiæ quas vel inversio, vel rerum omnium excidium ubique sequatur necesse est, nedum in hoc regno, quod jure, nervis, & capite labat, celerius irrumpant? Bregantius præterea duos virilis sexus filios reliquit Alfonsum, & Petrum; primus Alfonsus ad imperii spem, & apicem natus cum indole ferox, cultu horridus, moribus asper, tum mente, & corpore affectus quàm multa demonstrat crudelitatis indicia, eoque invisus est Lusitanis. Mitior ingenio Petrus, ac docilis quod dissimilior est fratris, eò plus acceptus, & carus suis civibus est plûsque mereri videtur imperium. Ex eo ibi virorum altercationes insurgunt, &

„coëuntium semina partium, in regni  
 „nempe successionē naturæ an virtuti  
 „ratio potior habenda esset, cū vir-  
 „tus in mente, mentisq̃ regere sit,  
 „eāque ut imperio, ac lege solutas ab  
 „hominibus belluas secernat. His ad-  
 „de antiquas fratrum dissensiones, &  
 „acriora pro regno certamina, simul  
 „in novo, imbecilli, ac lubrico impe-  
 „rio multo magis periculosa, quæ fun-  
 „di, ampliari, ac decoqui citò pote-  
 „runt, quo tempore Alfonso acrius  
 „armis extrā concussus, ac pressus in  
 „amittendi regni discrimine versare-  
 „tur, sicut in rebus plerumque fractis,  
 „aut dubiis veteres valent, novi se sus-  
 „citant inimici, ruentem omnes im-  
 „pellunt, atque alia ex alia ac sæpè im-  
 „provisa calamitas oritur. Quando er-  
 „go sic ibi capita committuntur, sanio-  
 „ra ne reliqua membra erunt? Circun-  
 „spice totas Lusitanæ reipublicæ partes,  
 „alios ibi reperies, qui affectum, & fi-  
 „dē occultè in Catholicum Regem co-  
 „lunt, alios etiam ante regni defectio-  
 „nem à Bregantii fortuna nutūque  
 „pendentes, quod eos sefellissent ex-  
 „pectata sceleris præmia præsentī re-  
 „rum statui non acquiescere, quosdam  
 „invenies, qui defuncti Ducis gratia  
 „floruerint, eoque favente ad prima  
 „evecti reipublicæ munera fuerint,  
 „jam vehementer animo angī ut di-  
 „missos, atque neglectos à femina am-  
 „bitiosa suo, aut paucorum intimo-  
 „rum arbitrio jura, legēsque trahente;  
 „quàm plures in concertantium fra-  
 „trum obsequium divisos utrinque  
 „proceres, eos instigando, acuendō  
 „que ne alter alteri fidat, in magnum  
 „postea erupturos incendium turba-  
 „mentorū igniculos spargere. Dissi-  
 „det etiam ibi nobilitas, oppressus quæ-  
 „ritur populus, eget ærarium, torpet  
 „suis magis anxius, quàm alienis in-  
 „tensus periculis miles, squalent per-  
 „petuis delectibus oppida, mulier im-  
 „perat, Princeps ludit, pugnant mini-

stri, omnia ibi permista, omnia fœ-  
 da, & ubique prostrata jacent. Cū  
 ergo dominii mutatio, & Tyrannis,  
 & factio, & magistratuum, proce-  
 rumque dissensio, & partibus aula,  
 civitasque discissa, & omnia regimi-  
 nis vitia, labēsque nunc Lusitaniam  
 divexent, ac lacerent, nos modò no-  
 stra movere cunctabimur arma, quæ  
 corroborent, incitent spes, animos  
 que seditionibus præparatos, ut per  
 sua tandem vulnera, laborēsque Ty-  
 rannum, quem Lusitani posuerant,  
 exterminent? Volve itaque tempora,  
 coge fata, subterne fortunam si po-  
 tes, & videas, si meliorem occasio-  
 nem, tempūsque opportunius finge-  
 re tibi, aut invenire quandōque va-  
 leas huic novo bello suscipiendo.  
 Quid igitur contra? Prima quidem  
 sententia dum hostium res elevans,  
 nostras imminuens, arma, viros, pec-  
 uniam, Principes fœderatos, belli-  
 cam disciplinam pro Lusitano com-  
 memoravit, terribili quodam, horri-  
 dōque apparatu ne dum menti, sed  
 omnium propemodum oculis visa est  
 pavoris tenebras offudisse; juvat ta-  
 men singula circuire, ne per calli-  
 dam eloquentiam recto semper con-  
 silio, totique reipublicæ interdum suis  
 anfractibus noxiam perperam con-  
 sulamus. Anglicana sanè respublica  
 in eos quos pristini Regis amor, quos  
 odium, quos novæ libertatis dulce-  
 do tenet, quos etiam ejus satietas, ac  
 tedium confusa, penitusque distracta  
 vix sibi modò satis auxilio, ne dum  
 alienis præstādo est. Non ibo quidem  
 inficias, quod multis nunc lenociniis,  
 & artibus à Bregantio extorquere ni-  
 titur Gallus, is in Castellam ut reparet  
 bellum, surdæ tamen ejusdem ad om-  
 nia Galli hortamenta, & illecebras  
 aures Gallo, sibi, regnōque plane  
 diffidere satis ostendunt, quorum  
 utrumque armorum à nobis propo-  
 sitæ causæ favet. At etiam in primis

Hispaniæ



„ Hispaniæ utilis quæ per connubium  
 „ id tempus tractatur cum Gallo pax, à  
 „ tot videlicet sumptibus, à tot cladibus  
 „ respiratio, quâ dissolvere potuisset re-  
 „ cens aliquod belli vulnus à Lusitanis  
 „ nobis inflicto. Veneti viri æquè pru-  
 „ dentes, ac disciplinæ felicitate præstā-  
 „ tes cum attriti, fessique bello ad con-  
 „ cordiæ, pacisque subsidia confugiunt,  
 „ tum acriori conatu proprio, ac so-  
 „ ciorum comparatis auxiliis omnia  
 „ ubique miscentes revolventesque vē-  
 „ hementius premere solent hostes, quo  
 „ æquior ex bello succedat pax. Ita ni-  
 „ mirum, ubi cum Gallo de pace agi-  
 „ tur, fortiori nos impetu, & per soler-  
 „ tiam oportet arma, & aciem hostibus  
 „ ostentare, cautiùs autem prælii fortu-  
 „ nam subire, quò virium nostrarum  
 „ opinio crescat, aperta pericula absint,  
 „ magisque in specie honesta, quàm ne-  
 „ cessaria quærat pax. Sed ubi miles?  
 „ ubi pecunia, dixeris? Nonnullæ vete-  
 „ res sunt ex Catalaunia traducendæ co-  
 „ hortēs: servat adhuc integras alias ve-  
 „ tus Lusitaniæ militia, quibus per no-  
 „ vos delectus militibus aliis præsertim  
 „ emeritis, qui per Hispaniam collige-  
 „ rentur, adjunctis, coalescere potest  
 „ exercitus, qui copia, & robore firmior  
 „ hostili oppositus valeat. De pecunia  
 „ verò in hoc minùs profectò, quàm  
 „ in alio quocumque bello laboran-  
 „ dum arario est; non enim sicut lon-  
 „ ginq; aliis in bellis, ubi argentum,  
 „ & aurum cum fœnore affluere neces-  
 „ sarios ad sumptus necesse est; at ære  
 „ Castellæ vilissimo Regisque ad nutū  
 „ mutabili etiam versure parcendo hîc  
 „ commeatus parare liceat. Non tam  
 „ igitur alta, nec aspera nobis, de  
 „ qua disputatur, futura subijcitur belli  
 „ conditio, quæ studio, labore, confi-  
 „ lio, speique nunc arridentis illecebris  
 „ rectè constitui minimè possit. Quin  
 „ imò si in novo, ac volubili Lusitano-  
 „ rum imperio occultis insidiis, dome-  
 „ sticisque discordiis, quarum satis jam

intus ebulliant initia, quasi armorum  
 partito officio, exercitus noster ac-  
 cesserit, alieno sanguine, aut parvulo  
 impendio facilè nos extorturi insig-  
 nem victoriæ lauream videmur. Po-  
 stremò si valet in bello certaminis  
 causa, nulla ea unquam apparet ju-  
 stior, qua oppugnatur Tyrannus, si  
 celeritas, hîc maximè juvat Lusitanæ  
 perfidiæ nervos, plus & ante quàm  
 tempore confirmetur, incidere; si  
 tempus, si occasio, hujusmodi est in  
 præsentia, qua excogitari, vel appeti  
 major nequaquam potest, totius scili-  
 cet regni Lusitani confusio, ac regi-  
 minis perturbatio. Super hæc quàm  
 citissimè Italiæ, atque Belgii subtra-  
 here oculis hoc exemplum libertatis  
 oportet, quod Lusitania rebellis cum  
 Rege indigena jactat, imò reliqua  
 regna discant in nullo rerum ordine  
 Regem injuriæ opportunum, aut  
 contumeliæ projectum esse, nec ul-  
 lum unquam impunè à Rege Catholi-  
 co defecisse.

Postquam Belvasius finem dicendi  
 fecit, eorum collatis, discussisque in  
 Status Senatu sententiis; suspecta non-  
 nullis Ducis Medinæ sententia erat,  
 quod præclaræ familiæ nomine, ac san-  
 guine simul cum Aloisia Gufmana  
 conjuncto minùs eidem videretur ines-  
 se causæ, cur illius ipsi felicitas displice-  
 ret, quippe qui privatæ familiæ incre-  
 mento levaret jacturam publicam. Nec  
 etiam carebat suspitione Belvasius, cum  
 enim ex intimis Ari clientibus esset,  
 aderat dubitatio, utrum ab illo submis-  
 sus, an ut illi quasi spontè censendo, ita  
 gereret morem Belvasius ab ingenua  
 sententia deflexerit. Ardebat enim, &  
 palam animo Arus profligatæ jam Cata-  
 launiæ triumpho properè victam super  
 addere Lusitaniam, ut omnium ruina-  
 rum, & cladum, quas adversa Hispano  
 Imperio fortuna, aut Olivarii insolentia  
 pepererat, felix, & integer ipse re-  
 staurator commendaretur. His etiam

accefferat, quod quia apertè huic bello gerendo totis lateribus fuerat Medina Dux refragatus, quem ut veterem Olivarii clientem, sibi quæ amulatione gratiæ Regis obtrectatorem & invidum metuebat, & oderat Arus, ad renovandum idcirco bellum acriora in ipsum congesta incitamenta sunt. Cùm autem omnium raptare sententias, Senatûsque prolata consulta sua auctoritate, nutûque, sibi quæ addicto Regis arbitrio, quando ita vellet ille rescindere posset, tamen quia animo temperatus, ac lenis cautione, ac patientia meliùs inter aulicos opes, quàm libera vi, seu gratiæ nimis explicitæ pompa stabili rectè putabat, variatis consultorum sententiis, & adhuc belli decreto incerto, callidè statuit ut de bello consultum ad aulam Franciscus Tutavilla veniret, qui usu armorum provinciæ, hostisque peritus probabiliùs coram Rege de bello sententiam diceret. Hic igitur jussu Regis Mantuam Carpetanam evectus, seu belli hujus gerendi cupidine gloriæ, sive Aro, à quo omnia tristitia vel læta pendebant, obtemperandi causa, vel quia, ita fortè conducere sentiebat, postquam bellum faciendum consuluit, hoc statim à Rege per Arum decretum est. Itaque bello renunciato militares passim haberi delectus cæpti, arma, commeatus, pecunia, & quod usui difficili bello foret, summa celeritate conventum, ita ut brevi temporis intervallo supra tredecim millia peditum, quatuor equitum millia, tormenta belli viginti exercitus contineret. Hisce copiis sub veris initium cùm jam reversus esset ab aula Sangermanensis instructus, hæsit paulisper animo incertus, ac dubius prius Olivençam, an Elvum, quod liberum ipsi de re utraque judicium Rex Catholicus permisisset, adoriretur. Ad Elvum quidem in primus velut famæ majoris ac molis incæptum impulsibus gloriæ suoque

vivido ingenio Dux ferebatur. Olivençam autem ipsi ante omnia oppugnandam suadebant propinquiore opportunitas situs, vehementes, crebræque hostium excursiones omnia ex propinquo explorantium, omnia circa vastantium, ac rapientium, tutumque ac vicinum Latronibus receptaculum rapinis non minùs, quàm cædibus savientibus tollere; simul Anæ fluminis dominatio, cujus, si fortuna aspirasset, ea parte transitus poterat cum Olivençæ possessione præcludi; idem amnis præterea cùm primo vere, soluta glacie, turgidus fluere, trajetûque difficilis esset, si tunc Elvus appeteretur, eodem per amnem transmittenda subsidia vel distulisset, vel periculis objectasset. Ingredienti sibi denique Lusitaniam cùm primùm, & validum sese opponeret oppidum Olivença, hujus excedio necesse erat sibi sternere viam ad rerum summam conficiendam. Proinde cohortatus milites Dux alacres omnes contra Olivençam ducit. In plano situm hoc oppidum & fermè unam distans ab Analeucam sparsis, dissitisque atque ita erectis hinc, inde cingitur collibus ut aptè in illud collineare belli tormenta queat. Specie quoque magnifica, artisque recentioris ejus munimenta constructa propugnacula novem habebant, arces binas, binosque semilunares orbes, unaque Elvo tantummodo excepta, eo nullum valentius, & firmitus nunc Lusitania celebrat oppidum. Huc cum exercitu Sangermanensis appulsus, cùm adeo munitum adversus oppidum longa, aut inanis adhibita vis, impetûsque, quique inter vulnera, & cædes omnino exhaurire valeret acies, Ducibus videretur, lentiori obsidioni sollicitus, intentûsque sepem ex aggere militari circumduci latissimè jubet, eamque continuò, & obliquo valli circuitu interjectos etiam transcendere tumulos, ne ab hostibus fortè occupati fraudi



fraudi & molestiæ obsidentibus essent, quam summa postea celeritate, atque artificio absolutam unâ, & viginti munitiones, & quatuor stativa interposita militum roborabant. Ita porro ab externis auxiliis, & commeatibus latioris per aggeris ambitum hostibus interclusis, experiri præterea Italo Duci placuit, si fortè oppidani plùs pavore quàm imperu fracti unâ cum animo vires remitterent, & quæ assidua quoque & in longum licet leniùs protracta vis solidissima quæque prosterneret. Igitur quatuor suggestis tormentariis extructis totidem illis Tribuni militum imponuntur. Crebris, & validis, opera illorum, verberationibus muris incussis, cædi propugnatores, ruere paulatim extrema murorum, latera findi cæperunt; at rimas illas, labesque murorum, cùm exteriores initio partes obmuniminis firmitatem attingerent ictus, facile post explebant instaurabantque nocturno tempore hostes. Graviorem deinde municipibus stragem clademque afferebat, erecta quædam intra Divi Francisci cœnobium, quod opportuno extra oppidum stabat loco tormenti bellici sedes, nam aptitudine situs nedum interiores oppidi muros latè comminuebat, sed intra oppidum quoque majores immixtæ pilæ promiscuos mulieribus viros; puerosque semitas fortè perambulantes cumulatim ferè sternebant: perstititque fæda atque acerba illa hominum inter necio ad incolarum donec regenda corpora tormentario illi suggestui oppositus novus, firmusque sublatu est à militibus agger. Inter hæc haud minori quidem ardore per obsidionales ductos accessus in propugnaculi latera certabatur; frequentes fiebant in muros, atque extra muros excursiones, illos loci sublimitas adjuvabat, hos audacia, atque impetus ille flagrantis animi, qui ad pericula cæcus est; inde repulsi Castellæ milites suat, disturbati artifices

operum, sæpiùs excepti, qui temerè pedem intulerant, dum alii ambire, alii propiùs herere, alii sursum eniti ad munimenta quærebant, in diversas interitus species composito igni, præ fervido humore, liquida pice, faxis præterea, omni que missilium genere in subeuntium, instantium, atque ambientium ora, atque terga coniectis. Sangermanesi s ubi expugnari Olivençam difficilè videt, nam ardore impetùque si vellet uti, perire velociter copias, si obsidionem nimis extraheret cunctatione, ac patientia paulatim attritas senescere, ac fluere, permixtam artibus vim, temperatòsque conatibus dolos, quando cætera seriùs, aut cùm nimio periculo forent, in illam incumbere statuit. Plurium idcirco dierum permissio militibus otio tanquam animo confedisset, non armis, sed fame rem totam conficere, nocte improvisa tandem cum omnibus copiis majoris propugnaculi muros aggressus est. Jamque paucis, qui primi occurrerant, pulsis, segniùsque ut sine cura insidentibus aliis, Castellenses fossam transierant, scalasque muris admovent. Mox omnibus excitatis, prælium ibi conferitur atrox, cùm utrique calentes, recentèsque concurrerent viribus, & hinc loco, hinc multitudine, & quasi furto milites freti. Diù pertinaciùs pugnatum est, sed cùm repentinus impetus Lusitanis ex præparato moliri nihil dedisset, simul noctis caligo formidine quoque cæcos præfidiarios milites implicaret, tum Castellensium ubique certantium, urgentiùmque vociferatio, vis, numerusque obrueret quodammodo Lusitanos, qui ne dispicere quidem poterant ubi opus subsidio esset, & quæ pars munimenti maximè laboraret, sic perturbatos, instabiles, anxios loco denique motos, ac pene delectos omnino vigor, atque animus dejecisset, interceptumque illa nocte primum, & majus propugnaculum esset,

esset, nisi præstò subsidiis fuisset Emanuel Saldanius ejusdem oppidi Gubernator, atque militiæ Dux. Is enim oppidanos, ac cæteros milites raptim collectos ad loca opportuna distribuit, hunc hortatur, hunc excitat, illum exemplo acuit, hunc revocat fugientem, simul clamore, verberibus, minis, incitamentis omnibus trepidos, languentesque confirmans confliktus tandem fortunam vertit. At milites Castellenses, qui ereptum jam munimentum, ac dissipatos propemodum hostes existimabant, mox sese acrius à paulò ante cedentibus dum fugari, pellique vident cæci, ac furentibus similes in hostium cuspides invehuntur; porrò in hunc modum incautè dum multi muris succedunt, cæsi aut præcipientes vestigio fallente, cadunt, hastis prælongis quidam affixi, alii umbonibus pulsi voluntur in præceps, nec plerique tamen inulti, cum pereuntibus integros alios super alios è pinnis murorum extremo conatu trahentibus truculentissimo ludo vincentes, victosque fortuna misceret. Confusio, fremitus, clamor passim instantium, atque ruentium tumultibus omnia miscuerat; vix missile uno eos inter hominum ætus, & collidentes se pulsibus turbas absque vulnere intercidente. Et quidem utrique jam cumulis corporum, armorumque pene compleverant fossam, cum demum Sangermanensis, adhuc solido munimento, affluente propugnatore, locique insolentia eum adjuvante, lanienam esse illam, non pugnam suorum militum arbitrat, cani receptui jussit. Ad castra subinde revertitur, lustrat ex clade recepta copias, cumque multo minus quam pertinuerat, videret sociorum desiderari, major est illi spes ex majori sollicitudine orta, quod suorum videlicet temeritas militum, iniquitas loci, inanis, ac stolidi virum jactatio parùm pro prælio hostibus

contulisset. Viginti post lapsis ab oppido obseffo diebus suppetias laturus exercitus Lusitanus apparuit. Erant in eo duodecim ferè peditum millia, tria millia & quingenti circiter equites ab impigro Duce Laurentiano Comite ducta; qui longiori, ne impediretur ab hoste, circuitu, Anam flumen transgressus juxta ejus marginem castra posuit, eo tempore sane paratus totis configere viribus, fractamque per aggeris sepem, apertamque mucronibus viam ad oppidum penetrare. Quatri-duò post Dux idem è castris ad hostem leniter movens editum quemdam occupat locum, unde septem locatis belli tormentis qua Ossunensis stativa paterent, assiduè aggerem verberabat, sed cum torpentes, ac propè frigida pilæ resuper flaccida caderent, tutiusque inhaereret quasi tectus testudine miles, tormentorum refracta vis, irritusque oppugnantibus labor acciderat. Sangermanensis prætereà, ne quid prætermisum accuratiori tutelæ sineret, novo tormentorum suggestu, quo inde aptius objectum ab hoste pullabat, erecto, instabiles, vagos, nudatosque tegimine hostes, magna cum strage, ab eo, quem nuper infederant, loco summovit; alium exteriorem denique aggerem properè jaci sub hostium oculis jussit, quo Lusitanum ea parte fortasse impetentem duplicis septi obstaculum moraretur. Quæ postquam vidit Laurentianus, aucta scilicet munimenta, aggerisque majoris ambitum inconcussam, ac planè firmam, nec ulla ex parte facile rumpi, oppugnari posse; Super hæc arma, milites, commeatus industriam abundè sufficere hosti, diffusus propterea sibi, atque animo pavidus, neve ambiguo uni prælio totam regni fortunam committeret, retrò ad castra, quæ propius Iuremeniam habebat, regressus est. Triduo ibi conclusus, ac deses cum institisset, post castra mutat Laurentianus, atque ea propiora Oli-

vencæ



vençæ, nec procul ab Anâ constituit inde causam exploraturus, qua obsels præstare opem cum minori forte periculo posset, vel si ea non adesset, qui intra Olivençam erant metu, & labore obsidionis attriti externis saltem inspectis copiis, proximòque subsidio credito, dum vires pugnae suppetere, spes, & animos sustentarent, alios idcirco, aliòsque subinde ad Saldanium Dux Lusitanus mittebat nuncios per fallacia promissa inanem illi proximæ opis fiduciam instantes, quorum aliqui elapsi, alii in ungues collapsi hostium cum ea, quæ afferrent dicere cogerentur, inter verbera, & cruciatus silentii fidem constantissimè tenuerunt. Denique Lusitano cum omnino sibi interseptam, ac summè arduam inferendis Olivençæ subsidiis medios per hostes aspiceret viam, ad ultimum nisi discrimen cum totius periculo regi projectum exercitum vellet, multa, & varia in animo secum volventi, repenti pro extremo remedio succurrit, si alio fortasse, eo armorum reorto cursu, qui Olivençam premebat, inde liceret avertere hostem. Igitur Badacocium contendere statuit, ita ratus, quamvis frequentem repentinò fortasse impetu capere posse urbem, vel si hoc sefellisset, huius, quæ pluris intererat, urbis obsessæ periculum ab Olivençæ obsidione Castellæ milites abstracturum, vel ultro, citroque dispartiendo copias utrinque eosdem imminuturum. Eo proposito sibi consilio Comes Laurentianus, castra celeriter movet, & primùm tria fere milia selecta peditum, equites circiter mille Badacocium ad urbem præmittit, qui dubia adhuc luce pervenientes, quâ in Marinensem ducitur portam, furto urbem aggrediuntur. Et prius hæc hostilis objecta fraus; primi enim, qui noctu accesserant insidiosa ferentes Castellæ signa, hostiùmque sermonem, & habitum mentientes, à

communi tanquam summissi Duce amicè introduci poscebant, mox, ubi falsitas paruit, atque in eisdem qui frustra tetenderant, hostes cæde, & cruore conversa est, palam tunc agere Lusitanus, admove re mænibus scalas, pyloclastris appetere portas, alii arma, alii machinas expedire, si effringere fores, aut fortè evadere in murum antea vis, & celeritas tribuisset, quàm ea, quæ propinqua subsidia erant, stationariis militibus accessissent. At verò, qui vigilias obibant milites gradu stabili, pectore obverso, interrito animo tanta constantia, atque virtute Lusitanis urgentibus resistere, ut strepitu campanarum, tubarum, armorumque fragore subinde experrectis, concitatisque satis temporis fociis, simulque civibus datum, ruere gregatim, citroque ferre militibus opem. Porro majori tunc, & recentium, seseque inferentium militum numero impulsus partim cæsus, partim saucius, partim, qui muros tenuerat, actus in præceps è mænibus est, undique dissipatur, ac funditur Lusitanus. Insidias sollicitudo, impetum virtus, jus defensionis injuriam vicit; cladisque illa tumultuosa longè plus dignitate fecit, quàm cæforum multitudine nobilis; tres quippe ibi tunc cæcidere Tribuni militum, duo Legionis Instructores, multi Centuriones, ac milites honorarii, inter quos alter Oviedi Comitæ, alter filius Comitæ Castelmeliorii in eodem certamine cæsi; promiscui vulgus ad tringentos interiere. Reliquos Lusitanos, qui in tempore se receperant, aut hostis impetum subterfugerant, effusè cedentes, ac pavidos Petrus Diarius ab urbe cum septingentis egressus equitibus in tergum, & latera carpit, multis cursim ibi confossis, aut saucis, aliis captivis ad urbem deductis. Casu vel fuga superstites cæteri

exerc

exercitum assequuntur, qui castra apud Mori vadum extra tormenti bellici jactum procul ab urbe situm habebat. Civitatis servatæ laus ad Simonem Castagnam præcipuè defertur, quippe qui prior Lusitanam fraudem deprehendit, & animosius in primis obstitit hosti, mox juventutem urbanam, & canobitas & Clericos quoque frequenter coactos per arma misceri militibus compulit, nec priùs ab agendo, cohortando, acriterque pugnando armis insignis, & corpore destitit, quàm nobilem urbem & populi copia, & præstidiorum inopia periclitantem ab hostium insidiis, atque impetu vindicaret.

Hujus porrò facinoris vanitas ac præter opinionem accepta clades Laurentianum ab urbis obsidione deterruit. Igitur triduo post motis à Mori vado copiis populabundus, & ruinis, flammisque infestus excurrit semitas Alburquercij, cùm consilium ex rerum angustia cepisset Dux, adversus agros, ac segetes furere, & direptione, atque incendio exhaustire regionem illam impunè velle, aut avocare ex Olivença hostem, ut terribilæ vastitati, & rusticorum fugæ atque cædi, & gravidæ messis corruptelæ succurreret. Cæterùm cùm hæc omnia negligeret Castellensis, inò inde hostis infirmitatem, & vaga, & incerta consilia ejus agnosceret, simul cùm astrictior quotidie per hostem, multoque pressior Olivençæ rñunciaretur obsidio, tunc Comes Laurentianus ad præstandas municipio suppetias perinde animo, ac viribus fractior, magisque propterea, quàm antea diffusus asperiores jam factu rem perpetrare, adhuc etiam armorum diverticula quærens, Valentiam tandem adortur locum natura, & opere strenuum, jurisque Alcantæræ Ordinis præca munificentia, ac pietate Regum addictum. Hic itaque Dux accelerandum ratus, quo minus

Sangermanensis si priùs Olivença ruisset, cum victricibus copiis ipsum frustra ibi conantem & inhaerentem circumveniret, belli confestim tormenta disponit, bellatores distribuit, desilire equites jubet, tum ne defessi, laboribusque constrikti murorum propugnatores respirandi à certamine spatium ullum haberent, præcepit etiam Laurentianus, ut quinque peditum millia alia aliis succedentia statim per vices, & prælia nunquam intermittentia simul allaborarent, adeo, ut ne hora ulla quidem sive diei sive noctis effluerit à pugna, à clamore, à fusione sanguinis vacua. Ira, & celeritas, & major alio ex hoste longinquo metus animos stimulat. Hujus enim oppidi excidium ante oculos erat velut amissæ propè Olivençæ solatium, & quasi interitus impendentis effugium, ibique fortiter ideo prementes cum victoria spe cadere, quàm desperata victoria obrui ab hostibus citò victoribus qui sublata Olivença advenissent, malebant. Cæterùm oppidani, & milites Castellenses haud minori quidem alacritatè, animique ferocia, dum hostes irruerent, excipiebant, alii hostibus occurfare, alii muros reficere, jacula, ignes, saxa, granorum quoque candentium acervos, & quidquid esset ad manus materiæ torridæ & concretæ simul, & fluidæ certatim è muris propicientes. Par erat utrisque ferocitas animi, impar profectò locus, propè æqualis militum disciplina. Sangermanensis enim qui ab hostium paulò antè captis exploratoribus nonnihil eorum consilii per vim tormentorum excusserat, impensius idcirco loca suspecta muniri jusserat. Valentia præfertim, cui plus adjecta suspitione metuerat, tuendæ Sebastianum Granerum imposuit, fortem ipsum, ac veterem Ducem, cujus virtute, & industria ea tunc egregiè oppidana defensio invaluit. Septem omnino dies Valentiam

irritus



iritus oppugnando Lusitanus absum-  
pserat, cum semilunare postremò mu-  
nimen, quod cœnobium quoddam  
claudebat sub nomine Divæ Claræ,  
passusque circiter octoginta procul  
erat ab oppido, & antea inconsulto à  
tergo reliquerat hostis, aggreditur; eò  
namque si potiretur, sperabat Dux  
Lusitanus nudata subtrahere suorum  
missilium ictibus corpora, simul ibi  
tormentariam erigere sedem, ex qua  
impunè, vel cum minori periculo  
offendere posset hostem. Sed ea res  
frustra fuit, quatuor enim angusta,  
sed altiora, atque solida circumposi-  
ta propugnacula, quæ hoc curruum  
munimen, cœnobiumque tegebant,  
cum igneas glandes sapissimè plu-  
rent, stragem hostium ingentem ede-  
bant; nihilominus Lusitani dum nec  
gravi periculo territi, nec assiduo la-  
bore defatigati cum loco satis ini-  
quo, cum hoste superiori, cum mul-  
tiplici morte inter acervos caden-  
tium, spirantiumque asperiora om-  
nia ausi, passique ferocius collucta-  
rentur, eò pratervecta cædes, atque  
obstinatio militum est, ut eos non  
nisi post sexcentos ferè interfectos,  
ac totidem vulneratos à temerario il-  
lo incepto, in quo plùs furor, ardór-  
que spiritus, quam vera virtus agebat,  
interjectæ noctis caligo retraxerit.  
Interea Sangermanensis Olivençam  
acerrimè conflictabat. Exteriora enim  
oppidi munimenta alia concussa, alia  
penitus scissa, alia simul hiantia, &  
quàm cito lapsura erant, fossa quæ  
murorum ambitum circuibat maté-  
rie congestitia repleta jam propè so-  
lum æquabat, & quod plane rui-  
nosa inter tot detrimenta, cladés-  
que exanimavit Saldanium Guberna-  
torem, majus oppidi propugnaculum  
paulò ante suffossis, incensisque cu-  
niculis ruptum immani ruina, atque  
cæde repentè disiectum est. Intus

præterea per crebras actas irruptio-  
nes æquè improspera, ac felix quam-  
plures milites stationarios belli for-  
tuna consumpserat, cum ipsa victo-  
ria vincentes quoque deterreret, le-  
visque jactura quæcumque militum  
gravior in minori numero censere-  
tur. Harum difficultatum aculeis, ar-  
ctiorique præterea quàm egregium  
decebat, Ducem suomet ipse animo  
percitus, perculsusque Saldanius, ubi  
sollicitus reputat sancti Laurentii Co-  
mitem sociis opem conferre diffisum,  
sua in extrema calamitate desertum,  
aliena frustra oppugnatum, arma ad  
ludibrium circumferentem temerè di-  
vertisse, simul inter eam dubitatio-  
nem, succurrendique ferè perditis  
moram tantum adimi sibi virium, &  
animi, quantum cresceret hostibus,  
obsidionisque intendendæ sollicitudi-  
nis, vel quia potius Saldanius hu-  
ius obsidii insuperabilem molem cre-  
deret, nec in tanto quoque discrimi-  
ne secus esse videri non festinata,  
quàm desperata omnino subsidia, ip-  
se denique per inducias cum Italo  
Duce pepigit, ut nisi tempore con-  
stituto Olivençæ subventum esset,  
eam honestis conditionibus traderet.  
Hæc ad sancti Laurentii Comitem  
impigram tunc adversus Valentiam,  
at inanem navantem operam allata  
cùm statim essent, graviter homi-  
nem perculere; velle enim ita is per  
ea diverticula videbatur non armis  
conditione aliqua positus, at extre-  
ma lassitudine ablati, aut in com-  
munem perniciem corruptis invade-  
re tandem in oppidum hostes. Ita-  
que vasis continuo collectis, Valen-  
tiæque obsidione soluta primò Porta-  
legrem, inde ad Jurumeniam exerci-  
tum ducit. In hoc propiori hostibus  
loco cùm castra metatus esset asperis  
litteris Olivençæ Gubernatorem incre-  
puit. *Ne per flugitium, & ignominiam*

vite ac libertatis usuram quæreret : fidei integròque convenire clienti extremum usque ad anhelitum , ultimamque sanguinis guttam in fide , atque officio perstare : bonum verò commilitonem contemnere vitam , quam manus , & arma minimè texerint . Nefarias profectò spurcas sceleris plenas atque in ejus , qui pactus est , caput absque dubio ruituras conditiones cum hoste compositas esse . Atqui minus malitia fortasse , quàm ignavia , & formidine erranti adhuc integrum fore , cum vellet , infamem , ac turpem retrahere sententiam , faciliisque abstergere sordes , quas iniqua pactione contraxerat , satius , non errasse profectò esse , at semel prolapsò ad æquorem per consilii mutationem redire viam , laudabile quoque esse : se se planè cum majoribus copiis , quas ex finitimis passim , & cuiù coire mandaverat locis subsidio celeriter affuturum . Sin autem diutius frivasse morari pro militari delectu contigerit , nihil ille propterea aut se , aut patria , aut Lusitano nomine indignum committeret . Hujus sententiæ postquam Saldanio redditæ litteræ sunt , tam procul fuere , ut à proposito virum deicerent , ut constantius eundem in suscepto quoque deditiois consilio firmaverint . Oppido namque aut hostium impressione , aut belli mox jure per pacta cadenti , subsidia , quæ nisi vana , & fallacia momento advolare oportebat , ipsius Ducis confessione jam nulla , vel fera , vel captiosa fore constabat . Quapropter Saldanius intelligebat , aulico secum potiùs loquendi more , quàm candido , & serio in Litterarum contextu Laurentianum Comitem usum , aut ipsum illudere per fugacia promissa velle , ut alieno capite sibi caveret , & fortunæ quoque ludibria cognosceret , exultationemque sibi in posterum reservaret , quod si ipse

auditus à Saldanio fuisset , adhuc oppidum staret . Unde enim recentem erueret militem binos per menses illum minimè nactus , & quas junxerat copias jam inanes per ambitus imminutus ? Quod si ita munito , ita copiis instructo haud satis nervorum in animo sit dirigere aciem in hostes , & obsidionis claustra perumpere , plus illi probro , ac dedecori fuerit vel armorum fortunam in subsidium non tentavisse , quàm subsidio se destitutum fortunæ succubuisse . Præstituto itaque tempore lapsò , quemadmodum pacto sancitum cum Castellensibus fuerat prima illa die Lusitanus binas oppidi portas hostibus , ac bina propugnacula tradidit ; omnia postridiè victori permisit . Post Emanuel Saldanius cum duobus millibus , quingentisque ferè peditibus , equitibus verò propè sexcentis armis omnino instructis , explicatisque vexillis egreditur oppido . Consequitur ipsum deinde è sedibus omnis suisque sarcinis gravis oppidanorum effusa turba , eo sanè concursu & animorum ardore , ut nemo tot municipum unus , manendi quamquam ex pactis facultas omnibus esset , extiterit , cui non plus odiosum Castellæ jugum , quàm patriæ solum jucundum fuisset . Bellicæ munitionis , & commeatus satis relictum in oppido est . Ea sicut ita profectò fuisse videtur , intempestiva deditio , cum aliquot ultra dies sustineri defensus oppidi potuisset , causam deinde rumoribus præbuit vel Saldanii proditione , vel militari fraude illud magni momenti oppidum tam citò interversum apud socios , apud hostes esse jactantibus ; increbuitque , sed mendax hæc fama vulgatio , dolo , & errore , scilicet per confictam à Sangermanensi Laurentiani nomine epistolam , in qua desperatis oppidi auxiliis , ut æquiores ab hoste condiciones



immatura deditione redimeret, jussum erat, circumventum esse Saldanum. Verum hoc idem sponte cum Saldaninus animo volutaret, sibi que per eas rationes, quas ementita de more formido subjiciebat, deformiora oppidi omnia, & plus quam reipsa labefactata jacebant, affingeret, à nemine quidem, nisi proprii metus caligine impulsus, & intemè captus extemporaneam, ac turpem deditionem transegit. In veras propterea gravè que subinde Saldaninus criminationes incurrit, nec pro viribus, nec pro fide, nec pro honore veteris Ducis ab ipso fuisse Olivençæ defensionem tractatam, Ulißipponemque statim accitus causam è vinculis dicere cogitur; qua, nimis etiam premente facti recentis invidia, neve in se ipsum fortasse recideret, eam onerante Laurentiano, malè ille per se purgatus perpetuo exilio multatus est. Olivença ita recepta, maniumque ruinis, ac celeriter munimentis pristino robori restitutis, ac novo præsidio firmatis, Sangermanensis quia ex voto prima procefferant, nunc dimicandi cum hoste cupidus inter elvum & Campomajorem exercitum posuit. Hinc per partes alacriter concursare, spargere passim incendia, repetere cædes, cumulare rapinas, fædiora quoque minari, si ita fortasse invicem, ac reluctantem verecundiæ, vel iræ stimulis incitatum, aut vastitatis coercendæ causa commotum trahere Lusitanum ad æquum certamen posset. Laurentianum verò, propè Jurumeniam locatis castris, vel quia sua ita interesset, vel quia nondum ab Olivençæ ruina conceptum excusserat metum, nec indignatio, nec pudor, nec ploratus aggreßitum, ignisque fumantium passim tectorum, nec quingentorum etiam accessio, qui serò Ulißipponem venerant militum deferere castra movebant, aut conferre cum hoste signa. Ubi ergo videt Sangermanensis

neque industria, neque vi, neque irarum aculeis ad pugnam Lusitanum elici posse, in ejus conspectu Moronem cum omnibus copiis aggreditur, ita facilè ratus, vel oppido mox subventuro sine mora cum hoste congregi, vel subsidii hoc destitutum parvo negotio in potestatem redigere. Jacet oppidum circa marginem Anæ situm, & tum annis trajectui, tum Olivençæ retinendæ opportunum. Structura murorum ejus ad coagmentationis antiquæ genus magna ex parte interlita luto erat; solidiores alibi lateres duratique temporibus; fortior ei arx assidebat. Strenuè impetùque hoc maximè adorsus Sangermanensis, belli tormenta, quorum plurima secum habebat, confestim aptari jussit, hisque incessanter quatere oppidi mania jussit. At municipes, militesque præsidarii, quibus excisæ paulò ante Olivençæ ante oculos terror, ac species obversabatur, & qui in majori negotio vicerant, eos minus esse celerius executuros arbitrabantur, paræ subeundæ fortunæ pavore dejecti, nullo præmissio virtutis indicio, ideòque Morone statim deserto, ad arcem, quæ prævalida erat, confugiunt. Ea ipsa re lætus Sangermanensis, qui tam citò sine impendio, sine cruore haud contemnendum oppidum occupasset, cum utilius sibi esse censeret, antequam prælii cum hoste discrimen adiret, vincere arcem, & Moronem in tuto ponere, nunc ipse pugnam, quia versa res erat, detrectans contra arcem enixius allaborabat. Interea Comes Laurentianus, & si paulò ante vanam ob gloriam, & cum certo regni discrimine signa cum hoste conferre metuerat, jam ex rerum eventu mutato consilio utcumque anhelabat vehementer adstrictæ, & quàm celerrimè peritura sine subsidio arcis extremas ferre suppetias, ne eo parvo

scilicet intervallo alia super aliam adjecta clades sine obice passim, oppidatimque serpendo totius regni tandem exitio defineret. Res tamen aspera erat. Nam inter arcem & Lusitanas copias inflatus amnis intercurrerebat, plenus alveus, & vorticosus, vada incerta, atque lubrica, hinc ideo errantia, inde abrepta vi aquarum vestigia ingredientibus erant, simul eques pedesque Sangermanensis imperio, quâ intererat vadum, longè, latèque circumfederat ripam, transitumque intercluserat; levia præterea prælia, quæ vadando vel circa ripam casu, aut periculo virium, aut conviciorum irritamento conferebantur, ut plurimum luctuosa, nimisque cruenta Lusitanis inciderant. Itaque super trajectionis difficultatem, & inæqualem omnino cum hoste, cum fluctibus pugna ex tristibus etiam armorum jactis fortuito proludiis totius certaminis omen, & aleam Dux Lusitanus horrebat. Quæ ubi Joannes Ferreira, qui custos erat arcis agnovit, seque igni, ferroque simul, & fame peti; omnia esse circum hostilia, obsessisque maximè infesta, & cum tempore, & mora magis quoque futura minacia, focios præterea, qui frustra, & sæpè subsidia inferenda tentarant, rejectos, & pavidos fugam spectare potius, quàm arce conclusos, & esurie ferroque pressos periculo eximere; undecima tandem ab oppido obfesso die, arcis deditionem, & liberam sibi, militibus, incolis discessionem cum hoste pactus, vacuo relicto habitatoribus oppido in Lusitaniâ recessit. His rebus ita confectis victor Sangermanensis Badacocium cum exercitu redit. Jurumeniam deinde statim oppugnaturus ad rem necessaria parabat. At summa cum ætas flueret, ac solito magis ardore flagraret, æstusque prope incredibili, ac siccitate loci, unde plurimè per id tempus corporis ægrotudines scatent, illius oræ tractus arefcat, & sole ardeat, prudentius hoc facinus distulit. Tunc Lusi-

tanus, qui aliquot ante diebus arcem Olivæ fortuito ceperat, atque munierat, postquam Olivençæ ruinam cernit, simul hanc arcem illi propinquam, in hostico solâ accessu nedum tutela difficilem, ne ea aliquando potiri liceret hosti ipsam demoliri constituit, qua per cuniculos tandem disjecta certi laboris fructus, & gloria prærepta hosti, munimenti commoditas Lusitanis ablata est.

Cæterum Olivençæ jactura Aloisiam Gusinanam, quæ Lusitaniam administrabat, supra modum animo afflixit cum alta spe decidentem, qua truces inferendas Castellæ clades, vanè, ac superbè conceperat animo, tum maximè veritam ipsam, ne suæ fortasse novique regiminis culpæ successum verteret populus, quàm fortuna sustinisset. Satis illa præterea sciebat, & animo recurabat, novum præcipuè regnorum regimen, bona ubi opinio nondum invaluit, à fortuitorum momento pendentes suas rationes, & fidem habere; simul casus non rationes casuum, & causas infulsæ, aut malignè attendere populum, ejusque mordaces in ministros latratus, & quæstus effusus reflectere tandem in Principis morsum. Vehementer igitur perturbata, & in se anxia mulier ambitiosa, quo deprimere modo elatos successibus hostes posset, suosque trepidos querulosque feliciori quoque conatu ad vires, ac spes resumendas arrigere, statuit ultra fines Castellæ transferre arma, ibique oppugnare præclaram aliquam urbem, quo ex virium suarum animique ostentatione Castellensibus cresceret terror, atque in medio tunc sita Olivença, Castellæque circumcisa subsidiis facilius relaberetur. Hoc quidem consilio mulier fœdere rursus cum Gallis, Anglisque & Lusitanæ novissimo Rege fancito, multoque inde per pecuniam conducto milite, jussit sexdecim



peditum millia, equitum verò quatuor circiter millia properè cogi; iisque copiis moderandis, senatu annuente, præfecit Joannem Mendum Valconcellum, veterem ipsum Ducem, & qui sub Regis Catholici auspiciis meruerat quondam in Belgio. Post hæc Status Senatus de ratione belli gerendi Ulisippone consulitur, isque frequens cum illis copiis ex mente Aloisæ Badacocium petendum censuit. Res ipsa plausibilis erat; plus famæ quidem quàm oneris, sive periculi in ea suscipienda proponebatur; pompa, & copiarum quædam jactantia magis, quàm vis, aut rerum discrimen novo regimini, angusto regno conveniebat. Ad hæc si illa urbs cecidisset, Olivençæ etiam excidium ratione situs præclusæ tractura erat. Et porro jam priùs Aloisiam, quæ sola plus poterat, aperuisse sententiam suam, in re etiam ancipiti calculorum omnium ad se contractio, sive corruptio fuisset. Inter hæc præparanda Sangermanensis, qui eo tempore Badacocii cum diminuto præsidio commorabatur, tanti apparatus fama, strepitusque commotus, sollicitusque monet Arum primum ministrum Catholici Regis, exiguo Badacocium præsidio militum, alimentorum inopia, fluxis jam, ac vetustatis labe corrosis, manibusque prope caducis in summo periculo verti, eo, sibi namque per fidos, exploratores compertum fuerat hostilem, qui adeo latè obstrepebat, conatum, & impetum evasurum. Audit hæc Arus; verùm ut Hispana cunctatio, quæ in rebus plurimis sæpè sapit, incredulitatis interdum, & cujusdam quasi pigritiæ desipit vitio, & feri subsidii, consiliivè sprexit tunc Arus, ut nimis creduli monita Ducis, incredibilia sibi narrari putans, quos scilicet propriæ tuendæ cura salutis vix in suo regno

fatis habebat totis viribus occupatos, iis hoste valentissimo provocato, gloriæ atque imperii amplificandi libidinem incessisse; responsum idcirco dedit Sangermanensi. Prospiceret quidem ne infidis, aut levibus ipse exploratoribus uteretur. Durius enim sibi videri, velle inconsulto Castellam appetere hostes de Lusitano etiam regno adhuc improsperè litigantes. Ea de re tamen jam certior factus Sangermanensis ex locis propinquis cibaria, bellique munitionem, & militare præsidium, quantum pro tempore, & viribus licuit in urbem contraxit, ita ut urbanæ tutelæ promptos eo tempore in armis enumeraret equites ferè bis mille, quingentos quoque supra tyrones veteres milites, & plurimos cives ingenio, ac robore ætatis prælio gerendo idoneos. Paucis interjectis diebus, Badacocio adversæ, infestæque cum magno terrore civium appropinquantes Lusitanorum copię inspectæ sunt. Anæ circa ripam opposita ea frequens ac celebris jaceret urbs. Latus magis quàm altus ab illa parte decurrens funditur amnis, isque vado per reliquum anni turgentibus aquis impervius; cùm per id temporis veris extremum protereret æstas, multis in locis, nudatis ea parte vadis, transitum exhibebat. Pons lapideus, & nobilis flumini impositus ripas urbemque committit. Hæc ipsa partim in plano, pars in deflexo cujusdam substrata clivi inæquali, ac sinuoso porrigitur solo, muros circumpositos habet, sed veteri, fragilique structura, & rimis quoque interpositis labiles, arcem in ejusdem, quo sedet, collis acumine sitam, atque ex altera fluminis ripa validum propugnaculum, cui S. Christophori nomen adjectum. Tum vero Sangermanensis propius, ac citius, quàm antea credebat, exercitum Lusitanum intuitus, quia tempore adhuc egebat, quo urbem penitus communiret, plures immisit equitum turmas,

quæ appropinquantem aciem remorarentur. Cæterum Dux Lusitanus, qui meliori sane consilio pro peritorum iudicio auspicari facinus potuisset, temerè initio versus contra Sancti Christophori propugnaculum, ibi ut armorum primum impetum fregit, nervosque recentes debilitavit, ita minùs deinde ad belli summam conficiendam, quæ propugnacula, & arces trahabat, armorum, & virium attulit. Hoc propugnaculum ultra fluminis ripam, & collis in vertice positum, ad teli propè jactum ab arce urbis, & flumine distans eminet, cingitur fossa, aliisque majoribus munimentis, quæ ars nova, & ipsa elegantior militiæ commenta est. Bonaventura Tarracona tormentorum Præfectus, & propugnaculi custos, cum tentamenta prospiceret hostium alia adjecerat munimenta, ac bina præcipuè rostra, quæ ad triginta passus extendebantur. Tumuli quidam editiores patenti campo interjecti, atque eidem propugnaculo oppositi prominebant. Hos occupat Lusitanus, ibique tormentis majoribus constitutis assiduè, ac vehementer propugnaculum verberabat. Postridiè alium & eo, quem antea occupaverat aptiorem arripit locum ut propugnaculo magis propinquum, atque inde perpetuo candentium globorum jactu illud acerrimè urget, mox aggerem jactis, obsidionalisque aperit vias ad milites fossorésque tegendos; fervet, ardētque certatim militum labor, & copia, ut ardentius homines solent rerum omnium capeffere initia. Inter hæc Castellenses, frequenter in hostes interdiu noctūque irruptionibus factis, artifices, militésque cadebant, & eorum opera lacerabant modò flammis coniectis, modò armis, lapidibus contis in operarios, & opera impaetis; eorum tamen ardore, impetūque subinde restincto, capta jam

opera diligentius repetebantur. Semel præsertim cum enixius, ac propius propugnaculi rostra Lusitanus impeteret, ibique novo tum milite fortè auctus astaret Tarracona Præfectus, ampliori numero, atque fiducia, hortamentoque, qui aderat, conciti Ducis Castellæ milites irruentes, cruentum, sævumque certamen circa opera contrahunt. Cernit hoc Vasconcellus, suosque ferocius impulsos concidere alios, dare alios prementibus terga; simul labores operum intermissos, ac planè labefactatos perque suorum tumultum, & fugam alacriores hostes ulterius inferre gradum, mandatque ut Turrii, sanctique Joannis Comites, iique Tribuni militum binis legionibus sumptis ferrent properè auxilia cedentibus sociis, aut saltem certamen æquarent. Iussi subito Duces recenti cum milite accurrunt, & quanquam prælio partim defessos, partim metu dilapsos, aut fugam eo tempore socios circumspicientes offendunt, contrahere se tamen, colligere spiritus, atque instaurare certamen milites cogunt. Sed cum nihilominus super adjecta subsidia Castellensis urgeret; & ipse jam animosius Lusitano rorantia cruore tractaret arma, alacriusque pedem super cæsorum corporum stragem efferret, simul cum segnior ad pugnam paulò antè fugatus, ac pulsus rediret miles, novique qui subsidis accesserat, inter horum segnitiam, & moram calor, & impetus refrigeret: tunc, & qui prior dimicaverat Lusitanus, & subsidiarius quoque miles obteritur, totaque acies penitus dissipata, atque in fugam conversa est: fugientes non sequitur victor, at ibi consistens, obsidionalia ubi opera erant, post hæc lacera, attrita penitusque convulsa, paucis amissis, in propugnaculum se recepit.



Cæterùm quod egregiè inter arma pepererat Castellensibus virtus, dolus subinde pro Lusitanis æquavit. Fallacem enim per emissarium Sangermanensis admonitus tria nempè peditum millia in hostilis exercitus supplementum cum commeatus copia Ulisippone profecta Badacocium appropinquare præcepit Ferdinando Caravaglio, ut duobus equitum millibus, aliisque lectis cohortibus sumptis, prius in hostis occursum tenderet, quàm reliquis ille copiis, quæ propugnaculum oppugnabant, aggregaretur. Caravagalius accelerato cursu in via circa Elvum assequitur hostem. Utrique ibi se pugnae comparant, alacres animo Castellenses, quod loco opportuno, numero impares, & quasi repenti interceptos per errorem crederent hostes, at hostes alacriores, quod utique scirent jam delatoris perfidia falsos, omni receptu prorsus secluso, interneceione delendos Castellæ milites trahi, idem enim emissarius, qui novum Ulisippone militem accessurum detulerat Vasconcello, ab eodem extemplo ad Sangermani Ducem remissus fraudi materiem fallendo præbuit, ut quos hostibus obviam missurus erat Sangermanensis, iis Lusitanus, trifariam divisis copiis per vim, per insidias intercluderet iter. Vix dum igitur hostis facies, & fulgor armorum, & clamor solito major elatus, & nimia in hoste fiducia ex propinquo conspecta sunt, cùm statim sensit se Castellensis sine ope, sine spe opis passim hostibus circumfusum, ad cædem fraude projectum, & undique insidiis, ac ferro clausum, & quod ægrè se quoque primo certamine elapsum, in strenuiores alias subinde hostium, quæ aliunde transitum intercluserant, incidere copias necesse erat. Itaque haud robore minùs, quàm animo destitutus, & perturbatus, & formidine propè tor-

pens, vix primò libatis viribus, pedes propemodum totus fœde humi concisus jacuit, celeritate adjutus equorum in avia diffugit eques. Tres Duces capti; Ferdinandus Caravagalius egregiè dimicans cecidit. Hoc successu, & quod ejus astu potissimùm contigisset, Vasconcellus mirificè elatus, quasdam impellit equitum turmas, habitum urbis, & situm proximè contemplatum, simul eorum, qui in urbis erant custodia, ut pro rei summa vires, & animi nervos experirentur. Properat eques, accedit ad pontem, alacer subit, at in limine statim offendit, prævalida nempè manu, qui eum circumfoderat locum obseptus. Ibi ergo strenuè sursum, deorsum inferendo, aut vim repellendo, cùm utrique se acerrimè impellerent, tetra luctatio committitur, sed explicare se equitem, intendere vim, utique impetu equorum cùm prohiberet angustia loci, atque ex adverso pedestris impulsus, ut in arcto collectior, vegetiorque vehementius incumberet, Lusitani partim ferro, partim labendo gurgitibus hausti, nonnulli protriti in faucibus pontis sunt, plerique rejeçti, atque expulsi confugiunt ad aciem, quæ supra fluminis ripam, ne in situs se angustis elideret militum multitudo confederat. Inter hæc Sancti Christophori propugnaculum omni arte, conatùque militiæ impensius oppugnabatur, crebraque ex eodem munimine obsefforum irruptiones, ac levia interdum exercita prælia ejusdem loci propugnatores, ut sæpè victos, ut sæpè victores penè confecerant. Idipsum Sangermanensis intelligens, & providere quoque desiderans, duas, quæ tunc in Batica versabantur, quàm citò in urbis subsidium legiones venire jussit. Legio una erat ex Hispanis, veteranisque constituta militibus, cui præerat Marchio Lanzerottus, ex Hibernensibus

altera fortissimi Ducis Gualterii Ungani pariter Hibernensis fidei, atque officio commissa. Binæ huiusmodi legiones itineribus magnis emensis noctis silentio Badacocium ingrediuntur, & quia de via fessis, æstivæque ardore solutis cibis, & quies necessaria militibus erant, curare tunc corpora iussit Sangermanensis. Inde consultum primarios Duce saccessit, ibique dum spes, dum metus, dum discrimina rerum, improvisique fortunæ casus quasi in libram conjecta penduntur, ferè nemine discrepante conveniunt, ut cum his legionibus statim, quâcumque pateret enitentibus aditus per summum quoque discrimen munimento labanti subveniretur. Verumtamen Lusitanus, qui paulò post intellexerat nova hosti subsidia supervenisse, in rei conjecturam adductus quàm per illa spectaret hostis, & planè impedire paratus, cum perpetua quadam ruina, & saxorum, & hominum strage, alternante fortuna vices, munimenta revellerentur, insuper sex elegit ex acie tota militum millia qui strenuiorem impressionem intenderent. Continuus etiam agger à capite pontis, qui urbem coniungit, ad propugnaculum ferebatur, quâ ultrò, citròque Castellensium subsidia meabant, rerumque internuntii. Hunc magno cum impetu, & numero aggressus, eoque perfracto, ac rescisso trucique pugna potitus hostis, jam propugnaculi, & urbis communionem abstulerat, & nunc idem erat impedimento, quo cohortes illæ subsidiariæ præcluso inde per vulsionem aggeris transitu nonnisi extremis jactatæ periculis possent ad propugnaculum pervenire. Ad hæc majori quidem fiducia, & multitudine Lusitani munimentum prementes, jam rostra propugnaculi ceperant, ruinâsque intermedias transierant, simul homborum fragor, labesque murorum & hinc

militum clamor, & concursatio, hinc concitatio, impetûsque instantium cedentiumque, & quædam velut injecta militibus rabies, cum plerâque strata jacerent, & reliqua passim ruerent, irreparabile quàm primum excidium propugnaculo minitabantur. Rursus igitur inter Duces qui cura, metûque suspensi in pontis limine stabant, quibusque districtè mandatum fuerat per cæca, & obversa quæque pericula cum illis copiis succurrere propugnaculo, consultum ibidem est, utrum aggere nuper amisso, interclusa militibus via, omnia obtinente furore hostium, qui audacia, numero, loco superiores omninò erant, dare tunc expediret sociis laborantibus opem, cum variata maximè ratio, in quam ceciderat summi Ducis imperium, esset, desperata propè munimenti defensio, ac perituum certè subsidium eò usque afflictis, ac perditis rebus nova quasi clades adjecta Ducibus videretur. Tenuit inter illos difficultatis inexplicabiles æstus perlongum militaris industria consilium; tandem in Marchionis Lanzerotti, Tribunique sententiam itum, qui censuit, quoniam prorsus omittere illam non oportebat, consiliûmque eo tempore à casu, & fortuna, quæ non semel temeritatem adjuverat, non à ratione, & iudicio petendum in tanto discrimine esset, ut ejusdem Legionis Instructor, duo fortiores quoque Centuriones cum lectissimis centum sexaginta militibus obviam progredientes tentarent, si fortè possent, hostium perumpere cuneos, & per invia, cruenta cuspidibus sibi viam ad propugnaculum aperire; Res ita per Duces decreta pari subinde virtute confecta est. Fuitque hic insignis legionis Instructor Lucas Segura, Centuriones verò Joannes Villafanga, & Antonius Paneraqua adolescens Tribuni filius, quibus etiam binæ in subsidium turmæ equitum



equitum accedere. Hos impavidè, properèque in se milites adventantes cùm Lusitanus aspiceret, quatuor equitum agmina, peditèſque ſupra trecentos in illos ſtatim infeſtos egit, ita porrò facilè factu ratus projectionis audaciæ, paucòſque admodum hoſtes ſuperiori illo numero conſeſtim obrutum iri. Atqui non ad calculos numeròſque belli fortuna victoriam vocat; virtus, & fortuitæ perſapè cauſæ totius certaminis exitum contrahunt. Primò enim congreſſus eques cum equite funditur Caſtellenſis; effuſa, præcépsque huius equitis fuga in eoſdem cùm pugnæ propè jam inhaerent, Caſtellenſes pedites verſa ingenti omnes tumultu, impetùque conturbat, ac miſcet. Res Caſtellenſis afflicta, pœnas dediſſe temeritas videbatur. Villafanga quoque Centurione per equi furentis iectum haud leviter ſaucio. Cæterùm dum Luſitani equitatus ira plus, quàm conſilio provectus hoſtilem rapidè fugientem perſequitur, & inde expeditum, & vacuum relinquit qui ibi reſtiterant hoſtibus locum, tunc pedites Caſtellenſes, qui alas pandendo viam tranſeuntibus fecerant, in ſe iterùm clauſi, ſuiſque ordinibus reſtituti ſimul metu, ſimul obice liberati alacriùs progrediuntur, ac per mediam & impigrè dimicantem illam peditum aciem, quæ ſeſe objecerat venientibus obviam invecti uſque ad propugnaculi ſummitatem magnis animis, laceratiſque redundantem cruore ſibi curſum, & aditum patefaciunt, uno duntaxat pro multis hoſtium conſoſſis honorario milite amiſſo. Tum verò Bonaventura propugnaculi Præſes recentes ſtatim, ac ſubſidiarios milites ipſos invadere in hoſtes, qui murorum ſuper ruinas, captæque nuper roſtra ſeſe firmiter communiverant, jubet. Hoc temerarium, & nimis proſectò audax Seguræ viſum Ducis imperium eſt,

quod exiguam nempe militum manum millibus pene hoſtibus, acriterque in eo loco munitis opponeret, ne precariam tamen hucuſque inter acies, & arma traduſtam vitam, & minori fortaſſè de cauſa propediem interituram ignaviæ, aut contumaciæ crimine aſpergeret, ferox, incautus, ſuòque irritatus ipſe periculo cum paucis militibus turbini ſimilis movens primùm quoddam munimentum aggreditur, quod brevi intervallo cùm à majori propugnaculo abeſſet, hoc acerrimè quatiebat, ubi aliis cæde conſtratis, aliis ſummotis primo impetu Luſitanis ea victrix acies deſertum munimen occupat, ſtabilitque, eodem ſubinde ardore, animòque admodum paucis adiunctis propugnaculi roſtra petit, ſed cùm longè inæqualis, & iniqua proſectò pugna inter partes pari ferocia, nervis imparibus incumbentes committeretur, ibidem Segura Dux hoſtium numero circumventus, prior ubi excuſſa ſcloporum tempeſtas eſt, binis adactis per viſcera pilis moribundus procubuit, Antonius Panetaqua Centurio brachio glande confixus, plures ignobiles caſi, cladis reliquiæ, quod nuper ipſæ per vim receperant, ad munimentum confugiunt, quibus Bonaventura centum ſclopetariis in ſubſidium adjectis, illius quanquam omninò aſperam loci tutelam ſuſtinuit. His rebus tumultuoſè, & præliari impetu potiùs, quàm ſpe, aut diſciplina militiæ peraſtis, quia nox appetebat, miſit Bonaventura, qui Sangermanenſi renunciaret, ne unius quidem intervallo diei ampliùs defendi propugnaculum poſſe, niſi ab ejuſdem roſtris, contiguſque ruinis, unde infeſtiſſimus prominebat hoſtis repelleretur. Validis itaque auxiliis, uſque celeribus opus eſſe ne tantum effuſi laboris, & ſanguinis brevis propugnaculi caſus abſorbeat. Ad ea Sangermanenſis

manensis confestim Marchionem Lanzerottum cum octingentis veteranis militibus, aliisque Ducibus, ac bellatoribus honorariis qui præclari cujusque facinoris gloriam per laceſſita quoque pericula repetebant, jubet propugnaculo præſto eſſe, & quanquam per medios euntibus hoſtes ea luctuoſa, ac propè inexplicabilis ſemita videretur, prioris tamen exemplum tranſvecti tutò ſubſidii ſpeciem periculi minuebat. Hæc igitur prima luce per pontem egreſſa acies, initio detruſis, qui aggerem proximum defendebant, eoque perfunctoriè diſciſſo, ſatis hoſtium cruore reſperſa, ferociùs propugnaculi roſtra, ubi dudum infederat Luſitanus, adiritur. Porro tunc undique Luſitani in loci retenti deſenſionem magno numero confluentes pugnam atrocem ineunt, hinc virtus, & copia, hinc minorum numero audacia, furorque militum mori in veſtigio nitentium cum utrinque fortunæ ſucceſſum, ac penè vires librarent. Dum verò alii ita urgent, alii cedunt, alii rejeſti ruſus incurſunt, complures ſaucii, caſique cadunt circuncurſans tum ibi clamore, & exemplo, gravioribùsque volutatus ipſe periculis aderat omnibus Marchio; hoſtis tamen cum à fronte, & à tergo numero afflueret, caſique agminum Duces commilitonum quoque ſtragem contraherent, ferreæ tandem fiſtulæ pila tranſverberatus, & gladio iſtus, hætenus ſpirans cecidit; ex vulnere porro ſapiùs in pedes erigere ſe Lanzerottum vires defecere conantem, poplitibus denique nixus trepidò gladio, & ſanguine paſſim oppletus cum ſocios hortatur, & convicio, manùque provocat hoſtes, eo metum, & iram ſpectaculo ſuſpendente ſtupentibus ſimiles hoſtes, utrinque conſtiterant. Ad Antonium interim Panetaquam vulnerati Marchionis filium fama, quæ aliquid ferè ſemper af-

ſingit, perlata eſt, patrem pugnantem occubiſſe. Is igitur ultionis impetu præceps, raptim, qui juxta ſe erant, militibus ſumptis, per confertiſſimos hoſtes inveſtus ad alterum propugnaculi roſtrum irrumpit, patrémque ibi offendit adhuc ſpirantem, & loquelæ, mentisque compotem. Mœſtus pauliſper, ac tacitus ſiſtit, plorans ſubinde patrem amplectitur, cumque ad commune ſolatium in ejus complexu, & oſculo moraretur, collectis ab animo viribus durè increpatur à patre. Arctioris officii filium obſtringere curam adeò inſultantem, & more ſuo vaneſcentem contundere hoſtem, ac ſe præbentem arripere palmam, quàm inerti jam luctu, ſletuque propè muliebri tandiu inharere cadaveri, ita ſibi juſta perſolvi, ita magnificè parentari, ſi occiſus ipſe, non acie victus interjiſſet. Quæ extremos inter anhelitus miſſa verba, cum vigorem, ac ſtimulos ultrò jam concitatis militibus addidiſſent, eos tum pudore commotos, tum ira, ac vindicta calentes in denſatos hoſtium ordines rapiunt. Inſtauratur itaque pugna, ſed multò quàm antea trucidior, nulla arte, nullo ordine, nullo imperio prout ſua quemque ſors, impetuſque provexerat, aut ſeſe collidentium hominum ætus impulerat. Jamque tum propugnaculi roſtra, quæ occupaverat hoſtis, à Caſtellenſibus pulſabantur, eaque plures ſubierant, alii ſubſiliebant, aut hærentes in margine ſtabant, cumque anguſtia, ſituſque lubricum minimè pateretur, qui jam roſtra tenebant, extendere ſe, vel in orbem redigere milites, hinc integri ſauciis, & victi victoribus miſti, nonnulli poſitis armis manu, & lacertis urgebant, alii colluctantibus ſimiles cum hoſte complexi ſeſe unà deorſum præcipites dabant; undique fremitus, volutatio, reciproca cædes rerum omnium confuſio, ac perturbatio erat.

Iſque



Isque pertinax extitit Castellensium pugnantium ardor, atque ea animorum, corporumque jactatio, ut fusi tandem, pulsique hostes cruenta vestigiis propugnaculi rostra, & murorum quoque ruinas castrorum cumulis aucta defererent, quos in fugam cæde, à terrore Castellensis averfos usque ad castrorum receptum in terga pugnando sectatur. Paulò post Lusitanus se ubi fractus recepit, metumque discussit, cum mirabundus animo volvit, parva se militum manu delusum magis, quam victum turpem fugam arripuisse, quâ delendæ ignominia causa, quâ victoria, quàm pronomiorem arbitrabatur, excitatus illecebris iterum, atque iterum vehementem impetum fecit in propugnaculi rostra. Verum ne dum bis fractus, & profligatus inde recessit, sed cum spe etiam omnino abscessa propugnaculi potiundi. Igitur Vasconcellus cum infructuoso, vanoque integri mensis labore, tantoque profuso nequicquam sanguine, ac cæde de propugnaculo desperaret, opinione jam ipse defectus, ac viribus mutilatus ad urbis se tandem obsidionem applicuit. Jam antea per otium & quasdam solutas militum turmas, cum propugnaculum peteret, succisivo ille tempore caperat Badacocium circumvallare, nunc verò propugnaculo prorsus omisso, eò universos belli conatus, ac nervos contulit. Cæterum dum aggeris spes per circuitum extendebatur, ibique sueta stativa militibus, & minora munimina fingeantur, aliæque illis opposita semetipsos, urbemque tuentes Castellenses celeriter excitabant, cum alii prohibere tum alios, & utrique subruere vicissim constructa opificia laborant, quaesita, & fortuita persæpè atque levia momenta certaminum, & plus aliquando per occasionem incensa, ac subinde viribus aucta utrosque milites

exercebant. Jamque Dux Sangermani solutis omnino stipendiis, ac bellatorum inito numero præter affixos stationibus milites, quos urbis, & circumjectorum custodia locorum habebat, cum plures sua spontè, aut officio ad illum armorum strepitum convenissent, tunc sibi ad manus adesse comperit equitum tria circiter millia, peditum paulò amplius, hisque velitaribus copiis perpetuò Dux invehebatur in hostes campos nunc persultantes, nunc aggerem molientes, plerumque ob virium experimenta, specimènque virtutis inter eas gentes æmulas ostentandum præliares ex composito in medio concursiones agentes.

Fuit ea præsertim memoria digna, quæ adversus alium qui Venti, alium, qui Maia dicitur, haud multum se ipsis, nec procul ab urbe distantes colles, pugna commissa est, Castellensium, Ducis imperio, præsidium utriusque collis verticem occupaverat. Iusserat etiam Sangermanensis, quando alteri eorum infestus Lusitanus incurreret, mutuis ex propinquo subsidiis se invicem adjuvare; nam si collem utrumque simul peteret Lusitanus ea dissectarum imbecillitas virium in hoste, fragilisque ab utraque parte conatus utrumque servare collem haud difficile potuisset, sin alium post alium aggrederetur, utrique sanè cum alter alteri auxilio esset, subsidia reciproca valuissent. In prospectu exercitus, & castris, ubique interposita stabant duo illa munita juga, quæ urbi præsidium, hosti molestiam, utrisque promptam certaminis causam denunciabant. Anxius ob id Vasconcellus occasionem circumspectabat, qua aliis belli negotiis, & curis implicitus hostis, aut fortè robore diminutus, aut fraudibus captus ea sibi in tempore aggredienda collium præsidia relinqueret: fortè paulò post accedit, ut Castellensium tur-

mae equitum peditumque ad varia ob-  
eunda militiae munia distractae pars  
commeatum pergerent interceptum,  
quem Ulisippone advenire falso, &  
per astum iactaverat Vasconcellus, pars  
longius abessent, ut agmina quaedam  
auxiliaria, ex BatICA venientia recipe-  
rent, tenerentque, pauci propterea in  
campo subsisterent, qui Lusitanum no-  
vi aliquid forsitan molientem compri-  
merent. Latus igitur Vasconcellus si-  
mul fraude, simul afflante fortuna be-  
ne sibi gerendae rei opportunitatem  
illapsam, paucis relictis, qui muni-  
tionum, vallique surgentis structuram  
defenderent, quique vaga, & soluta  
Castellae agmina, si eò forte coirent,  
impeterentque, vi popularent, reli-  
quas statim partitas copias his, qui Ca-  
stellensium infessi praesidio erant, bi-  
nis collibus admovet. Non contra-  
gosa, aut vestigiis abscissa, sed leni  
sublata fastigio clivorum juga surge-  
bant, ascensus tamen armato, desu-  
perque retruso difficilis asperiores pra-  
ebat subeuntibus pugnam. Primum  
ergo majoribus sclopiis procul utrin-  
que concursum, & rursus, ac sapius  
haec glandium effusa procella est, dum  
verò his, qui supernè certabant, suf-  
fecit bellicus pulvis, foedior utique  
Lusitanis, cum aptius in subjectos ca-  
derent ictus, caedes illata est; eorum-  
que tum ferè nemo sive industria, sive  
conatibus potuit, in jugorum sublimia  
niti, belli deinde pulvis absumptus cum  
animos simul, & vires Castellensibus  
frangeret, cessarentque ea majora per  
ignem contorta fulmina belli, tunc  
alacer Lusitanus, & quod mollior ibi  
esset ascensus sensim progredi cepit, &  
collis summam attingere. Castel-  
lenses projectis tum sclopiis, hastisque  
statim praelongis arreptis, punctumque  
libratis, quia iis quanquam virium di-  
midium ex defectu nitrati pulveris, &  
fiducia quoque deesset, aderat tamen

superior obsistentibus locus, proinde  
nonnullos temerè subeuntes praeci-  
pant, alios transversos districtis mu-  
cronibus agunt, pectore adverso ni-  
tentes quosdam excipiunt; sic instabi-  
lis, varia, utrisque cruenta producit  
pugna. Industria denique potius quam  
militum vis, sive numerus Lusitanis  
collum victoriam dedit. Eodem enim  
tempore Lusitanus diversos pugnaeque  
opportunos cacuminis locos aggredi-  
tur, sed alium alio acrius, ita enixius  
dum Castellensis unum urgeri conspi-  
cit locum, eoque fortè subacto patere  
statim hostibus aditum in totius collis  
possessionem, alterius idcirco, qui mi-  
nus tunc laborabat, loci praesidio im-  
minuto, illuc ubi majus periculum erat  
fortiores inde milites transfert. Quo  
visò tunc Lusitanus cum multis homi-  
nibus circumvectus eam ipsam debili-  
tatam adeptis militibus partem fero-  
cius invasit, ac subito cepit, in terga  
inde irruit ex altera parte pugnantium,  
jamque verticis planè potens in con-  
fusam, ac trepidam hostium aciem im-  
pingit, ac penitus solvit. Tum etiam  
qui ab altera parte pugnabant, insi-  
liunt, Castellensesque undique circun-  
fusi, ac propemodum irretiti, cum nec  
fugae ibi satis, nec praelio essent, om-  
nes capti, caesive collem hostibus con-  
cessere. Pari propè modo, ac fortu-  
na alter collis ablatus est, qui à Vas-  
concello statim ampliori praesidio mu-  
niti sunt. Talis utriusque collis exitus  
fuit. Res autem fefellit Sangermanen-  
sem, quod omnes ferè copias ad am-  
borum collum aggressionem Lusita-  
nus impulerat, satisque propterea oc-  
cupatus, implicatusque in sua defen-  
sione divisim erat uterque collis, &  
praesum insuper iter erat, quo alter  
alteri subveniret, reliqua verò, & rara  
ipsa agmina Castellensium, quae ad re-  
rum fortuita, improvisosque Lusitani  
conatus reservata secum habebat San-  
germanensis,



germanensis, ne oppressa fortasse, cum subsidia tentarent, à longè majori hostium numero forent, abstinere tunc à certamine, sociisque ferendis auxiliis jussérat Dux. Inflatus eo actu secundo rerum Dux Lusitanus, subinde propugnaculum Sancti Gabrielis, quod exiguo teneretur præsidio, & receptorum præterea collium tutelæ, valloque circumducendo, obstruendæque protinus urbi aptissimum censeretur, invadit, parvoque negotio occupat. Hoc properè capto, durius revera consilio ejus obstabat propugnaculum aliud Sancti Michaelis nomine dictum, idque in itinere situm, quod Talavera fert Badacocium, quæve alimenta, munitiones, & subsidiaræ quæque cohortes in urbem obsessam immittebantur; idipsum enim ut perutile obsessis maxima cura, & labore prævalidæque statione firmatum, cum peteret hostis, profluvio sibi cruoris, prurpulisque coëmendum esse conatibus videbatur. Aderant etiam eodem tempore omnes Castellensium reversæ ab expeditionibus copiar, quas, cum in dubio propugnaculum foret, efflictim esse, constabat, tanto omnium periculo subventuras. Imago præterea recens tanta cum clade, ac dedecore propugnaculi frustra primùm tentari cum verecundia, & horrore ante oculos versabatur. Hæc animo volutantem à facinore Ducem arcebant. Cæterùm, cum, integro illo Castellensibus propugnaculo, irrita planè civitatis obsessio foret, atque id omninò oppugnandum esset, aut cum infamia abeundum, tum demum omnem hostis adversus illud industriam curas, nervosque coëgit. Tormentariis extructis itaque sedibus verberare sæpè munimen, rescindere muros, disturbare, aut cedere passim propugnatores, nil remissum, nil intermissum, aut modicum à principio certaminis erat; eminus, cominuf.

que præliaris furor, & impetus exardebat. Unganus Hybernicus vir strenuus, & acer defensoribus imperabat, qui ut frequentes incurfus, ac multitudo sinebat hostium, omnia sollicitè circumspiciens, fortiterque decertans quantum humana poterat ope, ac solertia continuis assultibus omni studio, ac virtute reluctabatur. Inter laceros ictibus muros, & inter eas, & in eos qui illos fortiter propugnabât impressiones proximè incussas, acie quoque instructa dispositi, cum multitudine affluerent, circumstant armati hostes præfulgentibus armis præstò, citòque sine ullo dubio futura Castellensium subsidia ad conspectum operientes. Id ministerii jam Duci Ossunensi magistro equitum, quod sibi hoc acriter poposcisset Sangermani Dux imposuerat, cui & sclopetariorum quoque manus addiderat, qui progredientes in hostes equites tegerent, sed fortè aut distorto consilio accidit, ut tunc sejuncti ab equitibus pedites soli, & enerves temerè, ac primi in Lusitanam incurrerent aciem densato tum pedite, tum equite permunitam. Joannes Panceccus Ducis Ossunæ Legatus Castellenses pedites gubernabat, qui ferocius, ac citius cum hoste congressi quàm equites accessissent, cum in orbem undique impulsî revolverentur hinc pedite, hinc equite circumfusi, pressique, sic fluctuantes, ac trepidi medios inter hostes fuga, & errore simul implicabantur, nec sanè quisquam eorum è mortalibus illis angustiis hominum, equorumque prementium, & ungulis lacerantium integer evassisset, nisi propiùs tunc Ossunensis, qui ideò intenderat cursum, universo cum equitatu aggressurum sese hostibus ostendisset. Quippè tunc Vasconcellus ne in bellico ardore solutam, vagam, & incompositam aciem recens Ossunensis eques irrueret, dum ordines farcit, ac suo loco milites

instruit, iræ modum ac cædibus faciens effugendi spatium circumventis fermè peditibus dedit. Ossunensis verò suos ubi lassos, viribus mutilos, confternatosque pedites videt, hostium autem numero, animisque vigentes, ac strenuè cum equite conglobatos, tam impari prælio sustinendo diffusus, nec alex discrimen adire voluit, nec ad ultimum quanquam exitium impetere-tur, aliunde ausus est propugnaculo ferre opem, eò namque tendentis superior in terga Lusitanus incubuisset, sin autem partitas, quas conducebat copias, alias hostium aciei remorandæ, alias suppetias munimento laturas distribuisset, gravius, ac duplex ex utraque parte periculum institisset, nec sua quidem tunc interessè Vasconcellus arbitrabatur, residem stantem ac nihil ibidem eo tempore audentem laceßere hostem, cum in arcendis illis subsidiis, atque ex eo propugnaculo capiendo jam victoriæ laudisque summam integre statuisset. Igitur in mutuo conspectu adversis utrinque simul cunctantibus copiis, defixisque in perpetua munimenti ruina, & militum strage utrorumque præsentium oculis, postquam fistulis ferreis exoneratis, multa ultrò, citroque vulnera illata acceptaque sunt, prior Ossunensis cum equitatu, ac reliquo cædibus milite retrò sensim abire cepit. Inter hæc Sancti Michaëlis munimentum acerrimè oppugnabatur. Ibi copia, roburque Lusitani militis abundabat, ibi honorarii commilitones quibus gloria, & ambitio potior, quam vitæ spiritus erat, ad acies armorum, ad globos flammaram, ad omne genus interitus spretis omnino periculis ferebantur. Jamque murorum ruinæ, & interiùs, atque exterius insurrectæ pulsibus labes ingentes armorum, corporum lapidumque late cumulos straverant. Quos super Lusitani passim insilientes sævo, ac multi-

plici prælio Castellenses defatigabant, atque obterebant, nec tot inter clades & insultantium hostium alluviem suppetebant Ungano milites, quos variis, dissitisque multis in locis erumpentibus præliis objiceret, dum lassitudine aliis, aliis horrore, vulneribusque confectis inter funera sociorum seu animi, seu corporis vires languiebant. In tanto discrimine re constituta, postquam videt Unganus per Ossunensis sibi recessum omnino sublatam extremi subsidii spem, rapturum subinde, & majori cum gloria hostem, quod cum minori ipse ignominia propugnaculum non dedisset; nihil constantia, nihil tempore profici posse; aliquantulum moræ crudelitatis causam, belli reliquis interitum allaturum; aut ergo properè munimentum, aut jugulum dandum hostibus esse, his argumentis Hybernensis adstrictus per æquiores tandem conditiones propugnaculum tradidit. Septem fermè horas in illo expugnando pugnatum est, & luctuosa quidem victoria cecidit Lusitanis, cum mille & octingentis amissis ferè militibus constitisset. Periere præterea quamplures homines nobiles, quos inter altioris notæ viros icti graviter evaserunt Comes Turrius, Didacus Melus; aliique plures; Castellenses ad quingentos interjisse dicuntur. Eo ita demum propugnaculo capto, cæpestrique planitie, & collibus ibi interjectis, structisque munitionibus circumeuntibus Lusitatis jam expeditis atque ab illis omnino occupatis, cum nihil obstaret, per circumductam aggeris sepem paulò post clausa ferè tota civitas est. Suo deinde loco pro statione milites dividit, tormentarios suggestus erigit, & quia Castellensis exercitus nervos, & crebras ejus incursiones hætenus metuebat, cepit ex locis editis, atque munitis per majora sapiùs excussa tormenta belli interiori civitatem affligere, commeatumum

cætera



cætera inopia, atque animi industria fedendo, vel occurrentibus fortè caufis, niſi armorum, hominùmque fiducia perſecuturus. Viarum itaque flexus, areæſque urbis frequentiores pilæ paſſim pervolitantes, cives ſimul, ac milites hauriebant; regularum quoque multarum, ſaxorùmque evulſorum fragmentis quæ in illa vehementiùs impactæ pilæ diſtraxerant, plurimi ſternebantur, nec levia quândoque conſerta prælia, raræque licet irruptiones conterere ſenſim, qui ſupererat cladibus, militem deſinebant. Fames prætereà influentibus undique malis acerbior, & gravior in urbe graſſari, & furere caperat, tum, & noxia per eam in uſum recepta alimenta peſtilentibus ſimiles uſquequaque vulgare morbos. Itaque vario genere lethi cùm in urbe promiſcuc plures extinguerentur, & ad milites, cives, ac nobiles etiam illa calamitas inundaret, ſimul omnia in ſingulos diès arctiora fame, ferroque circumcluſos in loco premerent, & pejora ſubinde quoque metuerent, id tantum ſpei reliquum erat, quo eò miſeriarum adductæ ſalus tunc urbis inniteretur; propera ſcilicet externorum ſubſidiorum acceſſio.

Hujus autem civitatis obſeſſæ nuncio Mantuam Carpetanam allato, incredibile penè eſt, quantum ob rem improviſam ira, metuque commota, ac perturbata plebes primo illo vulgari impetu exarſerit ſeſe propè totam in Badacocium effundere. Rex præſertim, & aulici, miniſtrique ſuperiores cùm admiratione, mœror, pavorque ſimul capiſſet homines, requirebant, quæ mens, quive ſenſus armorum, aut furor potiùs tunc Luſitanos exagitaret, jugum videlicet ſervitutis uno pene ſæculo toleratum, ac nuper magno cum illorum periculo devolutum, ſuis tam fractis, tam modicis rebus, tam arcto domini limite circumſcripto, ſuperbè quodammodo imponere in Caſtellenſium cervi-

ces velle? Etenim ſi Badacocium hoſtilis ille impetus ſuſtuliffet, jure deinceps toti Bæticiæ metuebant. Ea namque per hoſtes, propinquitatem, ſitu loci, ſtrepitu famæ, quæ plurima conficit, opportuna belli ſede retenta, regiones quoque finitimæ, quæ munimentis, arcibùſque carebant proniores, facilioreſque ex proſpero curſu fortunæ armis victricibus apparebant. Maximè tamen perculit Regem, intimòſque miniſtros moleſta quardam, vaniſque de cauſis & per occaſionem oborta prolatæque ſuſpicio, quòd alienis nonniſi conſiliis viri-bùſque incitati tantum oneris, periculique ſubire ſibi ſumpſerint Luſitani, utque omnia ad ſe trahit, commutatque deterrimus ſemper rerum metus interpres, quæ per id tempus in Anglia, atque Gallia navales, atque pedefſtres copię alio fortè conſilio præpararentur, quaſi ad Hiſpaniam infeſtæ pro-tinùs appulſuræ ſollicitudinem inten-debant. Statim ergo plenòque Sta-tus, Bellique collecto Senatu de ſumma rerum conſultum eſt. Ibi Turri-næ Medi-næ Dux, qui huic ſemper ad-verſus bello gerendo fuerat, ſenten-tiam rogatus cùm ita facundus, ut ani-mo vanus, & ſermone dicacior eſſet, collegæſque modò graviter, modò jo-cosè perſtringeret, velut ſpreti ſæ-piùs conſilii ſui à cæteris ipſe pœnas expeteret, denique cenſuit, In tan-“  
to Caſtellæ diſcrimine, populique“  
pavore, ac tumultu Rex ipſe; ut“  
coram adiret, regiæque fortunæ“  
ſplendore, ac terroribus circum-“  
fuſus ſupremam auctoritatem, &“  
vim perduellium armis opponeret,“  
ita quippè magnates, nobiles ferè“  
omnes, emeriti milites, equitéſque“  
torquati, & ſive ad obſequium, ſive ad“  
Regis periculum propuſſandum tota“  
Caſtella quoque ſuis ſedibus excita“  
opprimere quidem turbini ſimilis po-“  
uiſſet inſolentem, ac perſidum Luſi-“

„tanum. Quò in sede sua magis usu  
 „quodammodo immobilem se His-  
 „pana Majestas teneat, eò amplius  
 „cùm movere se ipsa, ac semel excu-  
 „tere caperit efficacem in agendo fu-  
 „turam, hostibûsque terribilem. Hoc  
 „autem extremæ calamitatis remediû,  
 „qua tempestate usui reipublicæ fore  
 „putandum esse, si id omittere liceat,  
 „cùm Imperii caput, Hispani germinis  
 „flos, opulentior ararii pars, Castella  
 „videlicet nunc armis constricta, &  
 „omninò concussa in ruinam deflexa  
 „jaceat? Quò longius inflatum belli  
 „classicum obstrepat, periculi minùs,  
 „minùsque terroris spargere Castel-  
 „lensibus, at circa omnium fortunas,  
 „circa communia recta in honorem,  
 „in vitam minax propiusque auribus  
 „accidens salutis certè non gloriæ,  
 „aut imperii certamen afferre. Nemi-  
 „nem plusquam Regem, si hoc nau-  
 „fragium rei privatæ, atque publicæ  
 „si hanc fœdissimam tempestatem  
 „eiusdem præsentia non anteverterit,  
 „amissurum, & omnia quidem per-  
 „mitti Hispanicæ gravitati pereundi  
 „præter licentiam posse. Hæc sub-  
 „dola Turriani Ducis oratio acrius,  
 „quàm credere quisquam poterat Lu-  
 „dovicum Arum primum Regis mini-  
 „strum pupugit. Illo enim commento  
 „ea Ludovico velle tunc æmulus vide-  
 „batur altus, fraudisque fila retexere,  
 „quibus olim per inimicos, & invidos  
 „captus è culmine gratiæ Regis Oliva-  
 „rius exciderat. Absente quippe Ca-  
 „tholico Rege ex vetusto in Castel-  
 „lam tradito more ad Reginam pars  
 „regiminis pertinebat. Æquè insensa,  
 „atque offensa erat id temporis Ludo-  
 „vico Regina, ut nimio Regis erga  
 „privatum amore fœmina percita, &  
 „quod ipsa ut quondam Isabellæ quo-  
 „que Borbonicæ cum Olivario contige-  
 „rat, arcanorum, clavique regiminis pe-  
 „nitùs expers nihil à viri amplitudine &

majestate nisi tori consortium haberet;  
 eadêmque Regina quanquam ingenio  
 mitis, ac facilis, & usu, atque atate re-  
 giminis rudis, naturæ tamen, aut con-  
 suetudinis vitia quæ in aula præsertim  
 spiritus inflant, atque ambitionem ac-  
 cendunt, excutere omninò minimè po-  
 terat; nec insuper homines deerant,  
 quique ex alienis sibi periculis sagaciter  
 solent emolumenta quærere, fœminam  
 stimulant, ne servitutem Regina, for-  
 didique hominis servitutem perferret.  
 Ad hæc multò vehementius, quàm ipsa  
 Regina, quæ gubernasset, infestus, ac  
 pestifer, cùm Rex abfuisset, Aro certè  
 futurus erat, quemcumque Reginæ tum  
 imperanti Rex administrum, & comi-  
 tem adjecisset; unius enim præpotentis  
 invidia, & livore quodam animi affecti  
 genere cæteri, & merito, aut opibus pa-  
 res agitabantur, & cùm erga Arum jam  
 gratia Regis excederet, pari quoque  
 ratione, ac mensura succreverat æmulis  
 obtrectatio ac turbulenta Principatus  
 ambitio; quem autem Reginæ guber-  
 nationi fortè sedenti assidere Rex ele-  
 gisset, is ut vetus æmulus Ari, ut recen-  
 ti inescatus dominandi dulcedine, spæ-  
 que maxima illectus honorem perpe-  
 tuandi, ut fide, & officio cum Regina  
 conjunctus formidabilior quidem in  
 Arum insurrecturus fuisset. Ita igitur  
 Aro duorum præsertim in æmulorum  
 insidias, absente fortassè Rege, caden-  
 dum erat, qui arctius in illum odio,  
 quàm inter se munere, aut voluntate  
 conjuncti, postquam rempublicam atti-  
 gissent, alia forsitan emendare, alia ver-  
 tere potuissent, novisque regiminis in-  
 stitutis, ac disciplinis influere in aures, &  
 animum Regis, volubilémque natura  
 sua Principis voluntatem attrahere, si-  
 cut hujusmodi quondam absentiæ Re-  
 gis occasio (redeunt enim in orbem cau-  
 sæ rerum, & documenta) alia implen-  
 te Regina, Olivarium præcipitem de-  
 derat. Hæc planè fluctuans dum secum  
 deliberat



deliberat Arus, subit animum cogitatio, ut alio dolo dolum discuteret. Arus itaque Regem adit, supercilio, sermone fictus sese exhibet illi, spondetque novi exercitus Ducem, qui Badacocio laturus suppetias comparabatur, adjicit etiam, si eò fortasse, ut imprudenter quidam jactabant, pergere vellet Rex, periculosum id ipsum valetudini regiae jam mole negotiorum, & corporis ægritudine attritæ, gravius arario fore, ob immodicos sumptus, quos ea quæ Regem deceret magnificentia, itineri contulisset; nec utique minùs timendum esse cùm dignitati, ac fastigio, tum salutis personæ regiae, si periculi plenam, & fortunæ ludibrio propositam armorum ipse tractandam aleam susciperet. Hæc fusiùs Catholico Regi ut ejus discessum ad Lusitaniam averteret, Arus exposuit, nec planè ad hoc consilium necessitudine tractum eundem fallebat Arum, quid, si res convenisset, premeret ipsum discriminis à regio latere dudum avulsum, & vacuum sinentem insectatoribus locum, quidve potissimum impenderet, si ad Badacocium, ut communis Mars erat, bellique eventus incertus, malè pugnatum esset, dum ejus urbis obsesse lapsus, gratiam qua is apud Regem hæctenus effloruerat, prorsus opprimere minaretur. Nihil brevius, nihil esse fugacius Principis gratia, quæ per longos etiam exhaustos in aula labores homini sæpè quanquam majora merenti nullo crimine, nulla causa, sed velut tempore tandem effæta corrumpitur; quid si ei etiam sua jam habitudine fragili offendicula comparentur? Nihilò tamen minùs cùm hinc, & inde ex diversis orta consilii rationes, causas, accidentia futura gemina quasi judicii lance perpenderet Arus, minùs sibi timendum duxit, Badacocium cum copiis eundo à societate Regis avelli, quàm Regis discessu pati ut æmulus

quisquam Regina gubernatricis adjutor, & gratia ejusdem, rerumque novarum auceps in partem regiminis vocaretur. Quidam præterea consilium hæsitantem, ac dubium inter illos animi fluctus titillabat hominem spes, quòd serò esset Rex, aut difficiliter assensurus à belli negotiis eripi sibi Arum, ac longè per arma distrahi, & interim alia ex aliis impedimenta nectendo, aut in longum consulta trahendo speraret obsessæ urbis remisso fortè timore, atque æmulatorum ardore laxato Regem quoque non profecturum. Postremò cùm in hoc tortuoso sibi consilio hædere plus spei videretur, periculi minùs, ipsum idcirco in re tam ancipiti sibi amplectendum existimavit. Verumtamen Aro secus, ac ipse spe vana plectus à Rege expectaverat, accidit. Iucundum enim factum est Regi, ad bellum Arum se sponte obtulisse, quippe qui noverat illo inter arma versanti non pecuniæ, non aliquid com meatus, nihil incitamenti, quo ad prælium extrema tentarent, militibus defuturum; nam penes ipsum claves ararii, & præmiorum, atque pœnarum simul arbitria erant. Itaque Ludovicus spe lapsus, atque opinionis errore deceptus eam belli expeditionem quam ingratam suscipere cogitur. Hac tandem amplissimè constituta, & per aulam, & foris etiam enunciata, ii quos utilitas, quos studium belli, quos juventutis fervor impulerat, magno præterea numero milites, atque Duces jam senes, & belli quidem præ ætate stipendiis emeritis, non autem ambitionis, multi quoque ex equestribus militiæ ordinibus nobiles voluntarii, qui Mantuæ Carpetanæ nonnulli negotii causa degebant, inter acies, & arma civilem fortunam Aro Duce quærentes, simul turbæ adulantium, convictorumque sese Aro pro bello comites

addiderunt. Cæterùm altior his bellis curis sollicitudo, graviorque tunc apud aulam inter Principes viros exarserat àmbitus, quisnam id ministerii fastigium quod, Aro absente vacaret, vel ad tempus implere posset, nisi fortè perpetuum, si quis inter ipsos occurreret Regi, cujus blanditiis, ingenio vel indole captus ex primi ministri gradu Ludovicum expungeret. Hinc mille fluctus ambitiosa, sibi que ipsi nimium credulæ mentis, an quenquam ingenuè diligit Rex? an oderit Arum? an consultò dimiserit, ut à suo nempe latere abstraheret? quid in amore valeat absentia, quid opportuna tunc insectatio, quid senio marcida gratia, quid invidia, quid optimatum consensus, urgere præstaret in tempore Regem, an ejus ingenio relinquere, vel prius introspicere latebras animi, & inde cuniculos fodere, universos ingenii motus, rerumque species, & causas pervolutabant, ut blandientem animo spem, affectique sensus illecebras innutrent, & molimina præpararent; efflueret tamen, solvique citius quàm reputabant hæc visa expectatio proceribus est. Aro enim deinde commeatum à Rege petenti Rex idem testatus est, alacer iret, nec aliquid subtimeret, usque ad reditum ejus in aulam, neminem sibi intimorum secretorum participem, aut imperii collegam passurum, sibi que sedulæ curæ fore, ab omnium æmulorum insidiis absentis amici defendere terga qui caput pro ipso belli periculis objectasset.

Itaque Ludovicus ingenti hominum comitatu, multisque militibus honorariis adjunctis sese Emeritam contulit, paucas à Badacocio distantem leucas subsidarias ubi exercitus parabatur. Hinc nuncium statim ad Sangermanensem misit, se Emeritam pervenisse, plenaque inde acie ad urbis subsidium esse celeriter profecturum. Ex duode-

cim ferè peditum millibus, tæque mille supra quingentos equites præter eos, quos Badacocio tutela per id temporis occupabat, novus cohærebat exercitus, quem sub Regis Vicarii titulo Arus administrabat. Audit ejus adventum Sangermanensis, cumque ipsum & jure officii, & comitatus quoque causa deceret, primo quoque tempore occurrere cum exercitu appropinquanti, præsentemque accipere jussa, dici in incerto consilii fuit, quonam modo inter cuspides hostium, inter pluentium sibila glandium cum tot eluctandæ manus, retundendæ forent arma hostilem aggerem transiturus perirumpet: intercluserat enim undique viam longè, latèque valli àmbitus interjectus; præterea quacumque ex aggeris parte Castellenses in exitum niterentur, cum hostis numero afflueret, minori negotio obterere paucos, eosque via sibi inter hostes expedienda, & certamine simul implicitos valuisset; propugnacula quoque ambienti, latèque interposita vallo, tormentisque circummunita belli, cum accedere, aut progredi milites in via lubrica vellent, nuda, atque obvia tendentium ictibus corpora exceptura fuissent. His anxie primò discussis, cum stabilis tandem Duci sententia steterit, is octingentos selectos milites illa duo jussit receptacula petere, quæ inter Santangratiam, & Xevoram imbecillius fortè munita, ac segniter tunc observata custodes, vigilisque tenebant: alii aliò tenderent, acriterque pugnarent, cumque multis in locis ultro, citroque intenti, ac multiplici prælio distracti, implicatique hostes sua quique munimenta defenderent, nec planè ipsi scirent, quò sese tandem esset Castellensem impetus projecturus, tunc alios trecentos pedites abscindere jussit aggeris partem illam, quæ media biduos intra receptus, eademque aversa dimicantibus erat, atque



que inde erupturis apposita. Dubia præterea ad hanc repentinam irruptionem primi crepusculi lux destinata non aptè collinari tormenta belli, nec à longè sinebat frangentes aggerem conspici: propiores verò custodia fragore, & ictibus excitatæ quibus & periculum erat, ne propinqua receptacula amitterent, si totis viribus impedire Castellenses in viam euntes & connitentes vellent, tunc vel exiguo numero, ac debiles concurrissent, nec ita profectò satis inturbandis pro transitu hostibus erant, vel numero pleniori, atque ita per eum quem reliquissent locum, laxare oportebat evadentibus aditum. His ergo, ut res postulabat diligenter provisus, ac porro felicius exactis, cum postea Sangermanensis jam rescissum cerneret vallum, patentemque itineri viam, iis copiis relictis, quas adhuc pugnantes in receptibus distinuerat, eò confestim cum selectis militibus advolat, Moxicam castrorum Præfectum ad urbem obsessam cum parte equitum, peditemque remittit, ipse cum Duce Ossunensi, & equitibus propè mille Emeritam versus iter instituit. Ut sensisset hoc Lusitanus seque hostis virtute & industria delusum, sumptis, & rapim duobus equitum millibus præcipiti cursu in jam prætergressum proprium hostem. Hunc assequitur tandem, clausosque perrumpere cum minime posset ordines, ejusdem turbare vestigia, atque extremam carpere cæpit, quam Dux Ossunæ ducebat, aciem; cursimque ita paucis utraque ex parte confossis, aut læsis, salvis denique ordinibus Lusitanus se se recepit. Castellensis recto, citòque ad Emeritam cursu contendit. Hic, ubi Arus id temporis erat, postquam Catholici Regis Vicarium Dux Sangermani convenit, omnisque profusus venerationis officiis complexus præsenem hominem

est, coram omnibus liberè dixit, nedum Ari iussa, & consilia, sed etiam verba, nutusque in armorum tractatione, ac bellica disciplina se se reverenter observaturum. Et revera ita simpliciter allocutus Sangermanensis astimabatur, quippe, qui minimè dubitaret, omnes opes, & belli, pacisque tanto labore, atque temporis spatium acquisita sibi ornamenta cumulatius ab Ari gratia, quàm à quacunque fortuna belli tunc accessura: tacita tamen, interiorque ipse cum remorsusolvebat animo. Inani quidem jactantia, aut temeraria potius fiducia ad bellum à Rege missum usus armorum plane ignarum, ac rudem hominem, qui summo cum imperio multipliciùs multoque gravius errando alieno periculo disceret, quique summus repente Dux, nunquam miles, bello ascititius ex reipublicæ cladibus, prima, eaque nimis acerba militiæ documenta colligeret; perinde quasi dare, priusquam accipere iussa, sapere priusquam addiscere, aut magisterium vim tyrocinio componi ex instituto militiæ foret: an, quia dicto ipse audientes homines, hærentesque ob munerum escam, & promissorum illecebras habeat, belli etiam addictam sibi fortunam, cum mars ardere, ac furere caperit habiturum. Profectò haud secus nihil in bello quàm quidquam agentem Arum, vel aliorum gloriam suffuraturum, vel omnia inter arma perturbaturum, ac si afflaret modò fortuna, omnia se Arum, si autem illa reflaret nihil se egisse dicturum. Hæc in animo Sangermanensis, hæc passim in ore militum, & non militum erant, alii verò mulfare, alii in circulis rodere, audacius nonnulli ut contractioris, aut latioris animi erant tristitia, vel fremitu, aut risu, aut salium aculeis palam rem istam

jactare. Verum hoc ipsum reputans Arus, cum tractabili, ac docili mirè uteretur ingenio, aulaque diuturna consuetudine domito, sèpè clam, palam sèpè professus Ducibus est, ni-  
 „ mirum, Quid tanti momenti ex-  
 „ peditio auctoritate, ac sonitu fame,  
 „ ac specie quadam inanum, quæ  
 „ per errorem quoque res magnas  
 „ tepissimè juverit, prævaleret, nu-  
 „ dum, ac simplex se Regis Vicarii  
 „ sumpsisse nomen, in ordine vero,  
 „ ac regimine belli, quidquid iussis-  
 „ set, quidve annuisset Sangermanen-  
 „ sis se fideliter peracturum; se Re-  
 „ gem ei præfecisse, illum se ipsi esse  
 „ in omnibus præfecturum. Mutuis  
 idcirco æmulationis, suspicionisque  
 disiectis umbris, ac rumusculis, qui  
 inde manaverant rauescentibus, pa-  
 ri consensu parique studio utrinque  
 tractari res belli captæ. Emerita primò  
 profectus exercitus castra metatus apud  
 Lobonem est. Talaveram inde per-  
 rexit, ibique de more stipendiis, quo-  
 rum temporanea solutione vegetior  
 ad pugnam redditur miles, exactis,  
 conferri deinde inter Duces capere  
 sententiæ, qua ratione, quo tempore,  
 quove loco vallum hostilem interci-  
 suri Lusitanos aggredierentur, urbi-  
 que jam labefcenti prompta, ut petebat,  
 subsidia præstarent: similis etiam sol-  
 licitudo graviorque sibi imminenti  
 periculo major in consilio tenebat  
 hostes; noverant enim ex nuntiis de  
 Castellensium adventu, de numero  
 copiarum, de affluentia omnis gene-  
 ris commeatus, deque Ari Vicarii  
 Regis auctoritate, apparatusque stre-  
 pitu, ac pompa, qua alia numquam  
 pro bello major extiterat. Confide-  
 rabant etiam diuturnam per urbis ob-  
 sidionem cæde alias attritas copias,  
 alias vulnere inutiles, fuga partim,  
 terrorque dilapsis, cum hostium, eo-  
 rumque recentium multitudini oppo-

nerentur, difficillimè stare posse, vel  
 ob numerum admodum imminutum  
 amplissimum aggeris ambitum susten-  
 tare. Adjiciebatur, & verus infixæ,  
 atque insita illis opinio, vel supersti-  
 tio potius mentibus Lusitanis, Castel-  
 lam scilicet, funeri, tumultoque pa-  
 ratam Lusitanis operiendis ut pluri-  
 mum extitisse, & Castellensibus Lusi-  
 taniæ, qua tempestate alii, aliorum  
 velut fatales transgredi terminos sta-  
 tuissent. Inter hæc consultantes, agi-  
 tantisque ea vicit postremò sententia,  
 cui Dux Vasconcellus suffragabatur.  
 Porro inde raptim belli collecta vasa,  
 retractus exercitus, soluta urbi ob-  
 sidio est, milesque confestim in Lusi-  
 taniæ actus. Ludovicus itaque Arus  
 qui timore insolito affusus novus ut  
 homo, ad prælium se comparabat, Ba-  
 dacocium postridiè triumphantis in  
 modum ingreditur, atque ita nobilis  
 civitas post quatuor propè mensium  
 obsidionem Ari felicitate, atque aus-  
 picio servata est.

Cæterum incruenta, atque illa ita  
 obvia planè victoria, ut summa reple-  
 vit Castellenses lætitia, ita ingentem  
 iniecit illorum Ducibus curam, ne per  
 inertiam ipsam fortasse, vel otium,  
 vel malè consultata labefactarent. Id-  
 ipsum expeditionis initio cum Duces  
 Castellæ animo volutarent, antequam  
 Badacocium obsidione solutum irent,  
 Ari manu conscriptos ad Regem mise-  
 rant codicillos, quorum sententia erat.  
*Propediem implorata Numinis ope spe-  
 rare se Badacocium obsidione liberatū-  
 ros, at si in aggere firmus, dum pete-  
 retur, Lusitanus insistens, post expertam  
 belli fortunam fractus è vallo fortasse  
 cessisset, opimum factu videri sibi, au-  
 cere ad Elvum celeriter copias, quo ut  
 propinquius conflictu dilapsis effugium,  
 verisimile quidem esset, perterritos, sau-  
 cios, victosque hostes convolaturos, sin  
 hostis certamen consultò declinans spen-*  
 te



*re sua sustulisset urbanam obsidionem, ruina tunc quoque imminens, nec expugnatu sanè difficilem illam videri urbem, cum ibidem ex fuga propè ac tumultu major collecta hostilis exercitus pars onerasset, ac propè modum oppressisset repente urbem infelici successu territam, nec tam uberem alimentis, satis ut ipsa posset, quæ improvisè inundasset, multitudinem sustinere, quæ simul conjuncta rei maxime agenda momenta temerè effusa, aut fortè neglecta iterum recolligere, & in usum aptare perquam difficile foret.* Providet ergo Sangermanensis, ut prius hæc ad Regem perferretur epistola, quàm signa cum hoste conferret, aut Badacocii libertatem tentaret, quo fortè aspirante fortuna, in tempore sciret, quid statim aggradiendum victoribus foret. Rex Catholicus ex hac litterarum sententia, etsi in magnam erectus spes est rei feliciter successuræ, id tamen, & gravioris quidem consilii, ut sui moris etiam in minimis erat, rejicere noluit ad Status Senatus arbitrium, semper incertus & animo ambiguus de voluntate procerum in Lusitania recuperanda, & tunc maximè, quod illius expeditionis bellicæ rector superbo cum titulo assisteret: quem à potentia gratiaque culmine, & cum armorum, opumque Hispanarum ruina depressum immodicè optare inimicos, & invidos suspectabat. Itaque Status Senatum cum Rex Philippus prætermisisset, unum ea ipsa de re, secretoque Marchionem Belvasium consuluit, ut externum, & Italum, & à partium suspitionibus incorruptum. Belvasius rogatus à Rege sententiam, Ari, exercitusque primorum per epistolam lato suffragio, votoque sub-

„ scripsit ipse, addiditque. Insignem,  
 „ & magnificam esse profectò rem, &  
 „ cujus agrè simul alias in unum con-  
 „ fluere partes progressu rerum, ac

temporum possent, cogere scilicet “  
 huic aliquando parem exercitum, “  
 numero plenum, robore validum, “  
 cui primus præsit minister Regis, “  
 cui exuperet commeatus, quem “  
 belli disciplina contineat, quem flos “  
 Hispanæ nobilitatis exornet, & cui “  
 porrò actiores, multoque plures ad “  
 prælio incumbendum addantur sive “  
 gloriæ, sive fiducia stimuli. Hoc ip- “  
 so itaque aut nullo impofterum belli “  
 conatu, præsertim si victoriæ calo- “  
 re productus incitaretur, spei ali- “  
 quid superesse, rebellium cervices “  
 infringi. Quando igitur res Badacocii “  
 prosperè successisset, Elvum statim ag- “  
 grediendam, cujus etiam excidio re- “  
 gnum integrum peteretur. Rex Phi- “  
 lippus audito Belvasio, cū rationes ejus excuteret, & aliam ex alia ratiocinando difficultatem evolveret, adhuc hæsitans incertusque genti insita tarditate, & suo ipse quoque perplexus ingenio, eoque tum amplius quod citra morem inconsulto Senatu calumniæ, & maledicto propior ingentis rei molem pene solus tractandam aggressus esset, vixdum explicare se poterat, consilii que exitum invenire. Animi tandem æstuatione, ac mentis excursibus lassus, nihilominus omnino fixum in argumento proposito statuens, Ludovico rescripsit, eo ipso, scilicet Aro, qui coram in loco esset, quique habitum rerum, inflexiones, causasque fortuitas aspiceret, quid utilius agendum pro tempore foret, congruentius neminem provisurum, proinde, quod idem in re decrevisset, planè se ratum, & integrum habiturum. Cætera in potestate fortunæ posita. Dum Regis responsum Arus expectat, lustratis interea de more copiis, inventa tredecim fere millia peditum sunt, equitum verò sex circiter millia, cum insuper supplementum ex locis finitimis accessisset. Et quidem ne otio corrumperetur,

peretur, aut lasciviret vagando miles, in Lusitaniam, invectus obvia omnia ibi ferro conjectisque ignibus vastat, mox Villabum contendit, primoque impetu cepit, diripuitque arce quoque facile victa, statimque deleta, strenuo illa quanquam munita praesidio esset. Inde ad fontem cui Zappateros nomen vulgare est, populabundus progreditur miles. Hic litterae Regis redduntur Aro, quarum tenore agendarum in bello rerum arbitrium eidem Aro committebatur. Rursus igitur inter Duces de Elvo obsidenda consultum est, curam his maxime augente quod ita compositus scripserat Rex, ut consilia probaturus, seu improbaturs ex rerum eventibus esset, placuitque propterea exploratius, antequam acies ad Elvum applicaretur, habitum urbis, hostiumque secreta, motusque rimari, ne titubante Rege, & quasi de industria condente sententiam, rei male gestae fortasse ratio ab eorum capitibus peteretur. Itaque ex transfugis, captivisque aliisque summissis & pecuniis illectis hominibus, tandem in medium allatum est; Assiduo labore, sumptusque Lusitanas passim exhaustas languescere vires, & copias; simul cohortes quae id temporis Elvum tenebant, hanc premere potius, quam defendere posse urbem; si quidem pars major illarum inutilis, debilis semesa prope corpora trahens, extremaque reliquiae erant Badacocii nuper obsessi, destituti que tantumque tum pecuniae tum alimenti in ea infelici expeditione consumptum fuisse, ut Elvum, & Trans>taganam undique oram frumenti caritas ingens, impendentisque formido, maiorque famis, non minus, quam ipsa fames affligeret. Ad haec savas in urbe discordias, & perpetua quotidie inter cives, & milites crudescere odia, & cruenta per odia dissidia, hos duris ex vana, ac diu-

turna urbis obsidione laboribus fractos, & igneminiis accensos, illos contributionibus, & insolentia militum fatigatos, & valde pressos; quae interiora quidem vulnera, externa super addita vis exacerbare magis, quam allevare, aut resolvere potuisset, cum causa utrisque dissidii praesens modò calamitas sit, & alia, ac deterior affecta ita urbi per obsidii vim, & squallorem adjuncta, graviorum insuper odiorum, ac simultatum incendio ex causa incremento, nova nempe molestia futura sit. Haec in belli volutata consilio, & si fide exploratorum tantummodo niterentur, qui fallaces plerumque sunt, aut leves, aut quarentium auribus adulantes, aut saltem, quò gratius relata hominibus incidant, falsi aliquid affingentes, vera tamen ex parte, ut non procul à vero erat, satis spei videbantur, satis afferre prudentis arbitrii, ut sano tandem consilio hujus urbis obsidio capefferetur; cumque hujusmodi conjecturis eo tempore adducti omnes alacres, ferocesque in eandem sententiam irent, Dux unus Sangermanensis, quod Aro, aliisque in negotio illi clam assentantibus palàm adversari metueret, callidè pertentare consiliariorum animos capit, velut obiter quaedam, & verborum ambage jaciens de hyemis prope jam ingruentis incommodis, quorum onere quondam Marchio Turrecusius oppressus ideo irritus tandem ab ejusdem urbis obsidione discesserit. Jamque in ejus sententiam, quam praeter omnibus aestimabat, Ludovicus transierat. At Comites ejus, iidemque nobiles viri jam Badacocii successu tumidi, & adulantium insuper hominum consiliis impulsus, nec breve ob temporis spatium, ac prima rudimenta militiae alterius experti fortunae partem sibi ipsis in causa fallaciter indulgebant, prono, ut credebant,



bant, hujus urbis excidio, totius Lusitaniæ conversionem in animo amplexi. Proinde adeò acriter illi simul annexi in rem tam ancipitem sunt, ut Sangermanensis, Arique sententiam torserint. Elvi itaque obsidione magno consensu, & juniorum fiducia decreta, eò statim infestus exercitus ducitur. Edito, atque aspero sita loco, & insidiis, aut fame tantummodo, ut supra diximus, expugnabilis eminet urbs. Præerat Elvo tunc temporis Sancius Emanuel ingentis spiritus vir, usque deinde armorumque felicitate inter omnes Lusitanos insignis. Is ubi manifestam urbis obsidionem vidit, muniri continuo Divi Francisci Cœnobium ad teli jactum procul ab urbe positum, jussit. At ea subita rerum, animorumque turbatio, quam primus hostilis aspectus intulerat, & ampliùs ejusdem celeritas hostis, nequaquam absolvere illa opera jussa dedit, priori, ac valido etiam assultu operarios simul, ac militesprehendentis. Abundabat milite Castellensis, omnique industria, terrore, ac machina belli, qui adversus cœnobium primum impetum faciens, ubi illud undique circumssistit, atque acerrimè premit, pari quoque ferocia à Lusitano primum excipitur. Tormentariæ sæpè conjectæ pilæ, scloporum utrinque volabant glandes, jacula, saxa, facèsque contorta; at sclopis præcipuè res agebatur per aditus rimas, cœnobiique fenestras, aliòsque apertos ex composito cavos excussis, tormenta quoque belli supra muros disposita eodem tempore civitas displo-debat, quæ in socios igneos per globos, hostèsque simul impacta ancipitem stragem edebant, nec aliter Sancio dabatur opem asferre collabentibus focis, cum nondum aggere ab hostibus jacto, nec stationibus milite distributo, totius penè exercitus ro-

bur, cui pares non erant Sancio quas opponeret, copiar, in cœnobii ruinam incumberet. Tandem cœnobium tanto ardore, impetùque jactatum, tanto numero circumfufum multo sudore, multaque sanguinis copia Castellensibus cessit, quamplurimis Lusitanis primo impetu cæsis, captivis inde aliis abstractis, inter quos primus erat Regantii cubicularius valetudine eo tempore affectus, cujus corporis ægritudinem angore illo animi, & captivitatis præcipuè aggravante molestia, paulò post morbo ac simul mærore confectus interiit. Captum hoc modo cœnobium custodiendum continuo traditur Martino Sancio Tribuno militum, qui illud celeriter restauravit, permunivitque Santangratiæ subinde, quod extra urbem situm erat in colle templum, infirmoque præsidio munitum Castellensis aggreditur, ac subito capit, primo irruentium tumultu, his qui hoc defendebant, præ paucitate sibi diffisis, quoque fors, impetùsque tulisset, elapsis, nonnullis, qui audaciùs restiterant, interfectis. His prominentibus locis, tanquam tutis hosti receptibus, speculisque occupatis, trahi militaris extemplo valli ambitus captus, atque stativa militibus construi. Sangermanensis, & Roderici quoque Moxicæ supremi castrorum Præfeti sedes in medio Olivarum è regione urbis affixa. Hinc non longè Gaspar Cueva tormentorum belli Præfectus constitit. Alfonsus Feixus Tribunus in jugo Palmitti cum una legione confedit. Viam Duci Ossunenſis, quæ Ulisipponem ducit obsedit. Ultra rivulum, qui Divi Francisci dicitur, bina erepta propugnacula sunt, ac Nicolao Cordubenſi impigro Duci tuenda commissa. Aliud his quoque simile in vertice Santangratiæ constructum Ludovicus Zunica item Tribunus cum suis militibus defendendum suscepit. In limine viæ quæ Campomajore contendit, quæ-

dam

dam velut seposita jacta castra, quod inde procliviores hostium incurfus prætimerentur. Ludovicus Arus in valdè remoto, secretoque à cæteris loco, quippe cujus saluti multis de causis præsertim consuleretur, institerat. Per reliquum terræ tractum quatuor aliisque majora propugnacula posita sunt, multo ipsa pedite, multo equite communita, quorum ordine, ac situ totius valli circuitus continebatur. His rebus ita compositis statim deferitur ad Regem, esse jam Elvum circumvallatam, valli præterea amplitudinem tam longè, latèque per gyrum extenti, vel ad singulos menses tria sibi millia ad tutelam poscere hominum in pereuntium quotidie militum supplementum; cum alios progressu temporis fuga, alios corporis ægritudo, multos frequens quoque per arma interitus exhauriret. Perfici ea sine mora; quemadmodum res postulabat, Rex Catholicus jussit. Fatali tandem quadam experta pernicie, qua tempestate & suo cum dedecore Princeps alterius alligatum arbitrio jus imperii, mentemque teneat, hæc sive incuria, sive Ari æmulatorum invidia, sive ærarii quoque impotentia omninò frustrata sunt, supplementique defectu opinione celerior jam illa enervari capit obsidio, & obsidentium flaccescere spes, animique conditio; interim obsessorum, qui interiorius afflictabantur, Sanciisque Emanuelis sollicitudo nihil remissum, aut languidum patiebatur in his imperandis, exequendisque quæ opus tutelæ erant. Mœnia extra urbis, nec longo ab hac intervallo quædam præcepit munimina construï, quæ vim hostium arcerent, conatusque ad majora lassarent, simul ut esset ubi pecori pabulum præberetur, cujus eo tempore usus jam obrepere incipientis haud exiguum in civitate famis levamen erat. Dum hæc Lusitanus agebat, nec forinsecus im-

pediri, ut à tormentis belli protectus poterat. Sangermanensis jubet Ossunæ Ducem cum equitum, peditumque turmis immistis receptus quosdam invadere hostium, qui juxta Sanctam Eulalam erant, nec procul ab urbe, & quibus Lusitani tunc utebantur, ut aliquando carptim, & quasi furtim commeatus in Elvum importarentur. Eò properat Ossunensis, atque acerrimè in hostes primo impetu, ac magna strage propugnacula cepit, quæ statim excisa, everსæque sunt; imminutis paulatim copiis, lineæque vallaris circuitu non sinentibus amplius ad novorum tutelam locorum diffundere vires. Eodem calore militum usus postremò Ossunensis, quæ urbi propinquæ erant, moletrinas occupavit; statimque disjecit: Coarctari propterea vehementer urbana capit obsidio, propiusque hostis civitatis incurrere muros, unde septis evulsis, atque operibus laceris sæpè rapta, sæpè subrepta sunt, quæ circa muros armenta pascebant. Jamque liberi effusus in campi latitudinem hostis omnium collium, receptuum, munimentorum, quæ undique urbi circumjacebant, everfor, aut Dominus exultabat, & eousque obsidione restricta civitas erat, ut nisi prompta subsidia fuissent, primo quoque tempore videretur, aut morsibus famis, aut armorum conatibus peritura.

Inter hæc ubi primùm Ulisippone esse jam Elvum obsessam per certos nuncios compertum est, ingens cum metu sollicitudo Aloisiam Gusmanam regni Gubernatricem, similique tristitia, pavôrque ipsius administratos, cives, regni-que incolas omnes affectit, cum absque dubio propositum omnibus esset, eum universum regnum fore exitum habiturum, quem circumfessæ illi urbi fortuna constituisset. Jamque homines nunc pudebat, nunc pænitebat, nervis  
se



se imparibus aulos irritare valentiorē , & velut somno , febrīve torpentem fortē leonem admotis stimulis excitasse , cū expeditionem in Badacocium capeſſere ſtatiſſent ; cuius ſuſcepti periculi facies , & ratio-  
num , conſiliorūque quæ ad Caſtellenſium irritamenta valuerat , imago , cū res ex voto non ſucceſſiſſet , illis jam altera videbatur. Inde fremitus , quaſtus , & populi concurſatio , variūſque diffuſus undique rumor horum aliquid affingentium , horum deterima interpretantium , alius in alium more ſtultorum ærumnæ culpam rejiciebat ; ulceribus odii jam nova de cauſa reſtriſtis , quæ occaſionem detractio-  
nis dabant. His acceſſerant etiam inquieti , ſeditioſi , turbidi cives , qui hos conſultò rumores alebant , & ignibus ignes ad incendia majora extollenda conſtriſtis mendaciis ſuppedi-  
tabant. Quantumvis enim bene com-  
poſito , ſuiſque temperato inſtitutis , ac moribus regno malevoli numquam , aut invidi , aut quæſuli aut detractores homines deſunt , iſque præſertim qui jure , aut injuria ab affectari regiminis partibus retrahuntur , quorum etiam nonnulli clanculum erant Caſtellæ partibus implica-  
ti , alii , qui & ſtultè non prorsus aſſiſtam rem Luſitanam vellent , at periculis laborantem , ſi propterea fortē immutata gubernatione reipublicæ de-  
jectorum illi ſubirent locum , quaſi lo-  
ro comprehenſam ita quiſpiam fortunam duceret , ut inſuper ipſa , cū ſemel irarſci cœpiſſet , teneri fortasſe poſſet , ne ad rerum omnium interi-  
tum , & uſque ad cinerem deſcenderet. Itaque civitas & univerſum omni-  
nino regnum tantæ rei novitate com-  
motum ſtudia certatim opes , & animos applicabat , ut pro ſubſidiario exercitu comparando militares ubique

delectus intenderentur. Proinde va-  
lentium juvenum robur ex toto re-  
gno collectum , emeriti quique mili-  
tes , adoleſcentes etiam , qui Eboræ  
Conimbrizque ſimul litterarum vaca-  
bant ſtudiis , quique ex ſervitiis , ope-  
rūque officinis extracti prælio haud  
inutiles cenſerentur , Uliſſipponem  
omnes convenientes arma ferociter  
depoſcebant. Pes ſupererat Luſitano ,  
equite tantum egebat , cuius robore ,  
& copia ſatis ſciebat Caſtellenſem  
affluere. Per idoneos ergo ſummiſſos  
tractandis animis militum homines ,  
qui multa prius dantes , majora im-  
poſterum pollicentes pecuniam illecebris  
admiſcebant peractum eſt , ut Caſ-  
tellenſium equitum circiter millia  
transitionem ad Luſitanos facerent ,  
quos porro quanquam neque cibaria ,  
neque certum ſtipendium deſiciebat ,  
eo tamen vel inconstantia , quæ aura  
quoque in vulgaribus levior eſt , vel  
rerum novarum , vel amplioris cupido  
lucris ad hanc infamiam detorſit. Dum hæc  
impigrè Uliſſippone , magnoque ſtrepitu  
comparantur ; Dux idem Sangermanenſis  
poſtquam anxius in animo volvit ,  
& obſeſſe firmitudinem urbis , & adeo  
ſonorum contrarii belli apparatus ,  
ſimul extenuationem , & laxitatem  
exercitus ſui , tum etiam hyberni  
temporis inclementiam , & aquarum  
alluviam , qua inequitabile ſolum ,  
& aqua , cœnōque fluidum commu-  
nionem militum , & commeatus ve-  
ctationem impediēbat , propugnacu-  
lum novum , quod ducentos caperet  
milites , juſſit in ſingulis ſtationibus  
excitari , eōſque irrupturos ab Elvo  
hoſtes quò ſubſidiariis , quæ citius  
debebant accedere , copiis adju-  
gerent ſe , munimento , & corporibus  
intercludere ; in unum quodque propu-  
gnaculum etiam , protrahi ſi fortē rem  
accidiſſet , bellicam munitionem , ſe-

præmque alimenta dierum congeri iussit. Inde munimenta revisit, necessaria præcepta dedit, spēsque ampliores, quibus intimè affectus esset, magnificè loquens, ut animos elevaret, militibus jecit. Inter hæc exercitus Lusitanus Ulispone Extremotium adductus novo ibi milite qui spoliatis ex propinquo præsidii, conveniebat, infarciebatur, cùm Sancius Emanuel Cantagnedæ Comitem summum exercitus Ducem monuit. Urgeri jam Elvum, & acrius quàm victus inopia, quàm militis morbo magis, quàm fame perempti; factò igitur, & maturato opus esse, ut priusquam ab interna, atque externa simul concussa calamitate, & quotidie magis afflictata succumberet urbs, obsidione liberaretur. Multos enim præter malorum æstus quibus longo tempore obsessa quemcumque jactari civitas solet, hîc corporum etiam affectio ex Badacocii obsidione contracta rapidæ more pestis effusa perurimos supra civēs, septem quoque militum millia inclutorum in urbe sustulit. Quod erroris initio causam Castellæ Ducibus præbuit, & quod detrimento esse debebat urbi, hoc maximè profuit, antequam enim eam circuncessam accederet hostis, integro illorum, qui ibidem agebant numero, ratæque singulis portione ad cauculos revocata, vix triginta diebus seposita in urbe alimenta suffectura constiterat, quo certo temporis spatio nec ad ferenda civitati subsidia Lusitanæ in tantum augescere copiæ poterant, nec Castellenses imminui, sed validior utcumque fortuna sapienter quoque provisâ transvertit. Dux Lusitanus cùm hujusmodi Sancii epistolas accepisset, properè copias ab Extremotio deducit. Erant tunc illæ ad justum exercitus formam duodecim amplius peditum millibus, equites verò ad

ter mille septingentosque præter rusticorum, operarumque colluvionem, quæ eundem exercitum auxerat. Lati milites ingentisque spei pleni, ac reciproca hortatione firmati gradus addētes ad conflictum pergebant, quippè qui patriam, & libertatem ire manibus ultum existimabant. De Cantagnedæ maximè Comite hujus exercitus Duce, sæpè audivisse meminimus, nec id vel à fastu, vel ab indole Lusitana diffentit priusquam ab Extremotio movisset, per litteras Aro prænuñciassè, qua ipse die, qua etiam hora subsidio fociis venturus esset, quibus subnixus copiis, qua parte vallum scissurus esset, quid ad pugnam consilii, quid animi afferret. Tantopere valet animus cujus tantummodò intuitu alio alius homo præstantior est. Tempore igitur constituto ad tormenti bellici jactum obsidionali ab aggere distans Lusitana conspicitur acies. Stetit ibidem paulisper immota, retrò inde flectere ad Campomajorem iter perspecta est, & propter obicem valli, frequentemque loci custodiam, ut nonnulli falsò credebant, diffidere propè sibi. Paulò post tamen flexisse viam ut soli, sitisque commoditatem quæreretur hostis, compertum est; nam obvio, qui intererat, quodam, ac festinè trajecto rivulo, ad aggerem hostis qui Santangratiæ colli, & Nicolai Cordubensis propugnaculis interpositus erat, appropinquabat. Sic Lusitani consilio cognito, statim Sangermanensis aggere, ac munimentis, ubi plus periculi erat, militia pro tempore satis firmatis, cum universo fere equitatu, & aliquot peditum robore ad Santangratiæ collem quò prima belli ruitura procella jam videbatur, contendit, in cujus radice subsistens explicat aciem, atque ordines instruit, ibi tam benè paratus quàm animatus Lusitanum appropinquantem excipere.

Jubet



Jubet etiam Petrum Diarium equitum Commissarium eorum, qui obsidio constricti intra murorum ambitum erant, observare, ac suspicere motus, & tentamenta, quæ propiores adesse jam sibi suppetias intuitos, tunc cogitare, ac moliri, necesse erat, cumque erupissent ab urbe occurrere statim cum cohortibus septem, ac totidem equitum turmis viâque occupata, aut præcisa, curare, ne se quoquo pacto vel seriùs omnino possent advenientium in auxilium agminibus immiscere, conjunctosque intendere vim. Uterque hoc quem diximus ordine exercitus, fronte alter alteri obversus integram noctem traduxit. Prima luce lento gradu, æqualique ac fulgentibus armis accedere sensim ad vallum Lusitanus conspectus est. Tunc Ossunæ Duci præcepit Sangermanensis, ut eò cum equitibus advolaret, ubi primum facturum impetum hostem intelligebat. At hic cuneis hostium in medio validis tamquam muris oppositis, quo summè tetendit penetrare minimè potuit. Petrus verò Diarius cui mandatum à Duce fuerat certis cum copiis objicere se Lusitanis à circumfessa irrumpentibus urbe, ne cum externis coire subsidiis, confirmarique multitudine possent, dum obliquos per tramites latiùs circumflectendo assequi improvidè nititur hostem spatium ei dedit impunè prætereundi. Ab ea igitur vallaris ambitus parte, cui minitatus initio Lusitanus per litteras fuerat, & ubi Nicolaus Cordubensis aggerem defendebat, incurrit. Ibi conferta, qualis primo esse solet impetu, animisque recentibus pugna, bis Castellensium virtute loco truditur Lusitanus, magister equitum ejus confoditur, cumulantur quamplures caesi gregarii commilitones, ex parte quoque Castellæ fortissimus quisque vulneratus

miles, aut casus, captus etiam pugnando est Medellini Comes ex Hispaniæ magnatibus unus. Jamque errore tum, vel ignavia Diarii, qui præterlabi siverat hostem, ad vallum armatus ab Elvo civis, ac miles emissus obsidionalia septa disrumpere conabatur, ut ibi focis conjungeretur. Tunc porro ferocius certamen accenditur, milésque Castellæ ancipiti prælio diductus, implicatusque cum minori etiam numero cogebatur modò intra, modò extra vallum manus cum hoste conferere, qui ab Elvo cucurrerat terga, qui Elvo succurreret frontem urgente. Clausus denique ac passim agminibus pressus Castellensis in fugam, qui dexterum cornu adhuc acriter sustinuerat, avertitur eques. Quod ubi videt Sangermanensis, ne pedites pugna fessos alâque illa equitum denudatos faciliùs jam Lusitanus circumveniret, ipse celerius cum selecta manu succurrit. Extremum discrimen erat, quia ferè omnia superior tenebat hostis, dignum tamen est visum, quod capiti Ducis discrimen compararetur, cum è Ducis perinde salute, ac exitu rei totius eventus fortuna penderet. Dum ergo Sangermanensis plena armorum, plena virorum in vim intendentium agmina rumpit, multitudine circumfusus per sclopi jactum in capite fauciatur, equoque delapsus, ac sensibus destitutus moribundo similis cecidit. Vulnere Ducis, casûque tunc mortifero credito, conspectoque, profligata, ac ferè momento prostrata omnia Castellensibus jacuere; nam inde repente militum fuga, tumultus, ac morientium strages; stantes, qui fugiebant, latum superiorum clamorem ac strepitum cadentium, atque spirantium voces, & gemitus confundebant: sic illa contrita, ac penitus dissipata celeriter acies

est, aliis occisis, aliis offuso pavore, aliis incidentium agmine impulsis; nec ulla terroris, calamitatis, aut mortis imago deerat, ubi semel à metu vacuis laxare iram odio, atque impetu simul Lusitanis furentibus datum. Nullo igitur in eo angulo aggeris obfistente, strataque cruore, & cadaveribus via, statim revellitur agger, com meatus referta vehicula intrans ex urbanis, & quæ ad suppetias conveniant copiis solida, ac plenior conflatur acies, omnia possidet Lusitanus. Cæterum Sancio jam Duce Sangermanensi, multaque contentione, aut labore ex manibus hostium fatoque ultimo erepto, postquam Roderico Moxica supremo Castrorum Præfecto denuntiatur, laceratum ab hostibus esse vallum, Castellenses ibi concisos, intronissa subsidia hostium, Sangermanensemque Ducem graviter ictum, & elatum ab acie seminecem esse, ipse, cum primum in imperio militiæ gradum post Sangermani Ducem haberet, tunc Caillæ se juxta rivum, qui ponte conjunctus erat cum suis militibus communivit, ibique primam usque ad noctem cædis legendo reliquias, & breviter certamina, excursionisque trahendo substitit, donec miles qui fuga superstes eò salutis causa confluerat, inde incolumis pertransivit. Hoc autem receptu Castellensibus tuto, atque acie postrema integra, hosticæ prædæ subtrahi facile potuisset belli magna pars tormentorum, ni multo limo, ac lubrico solo vehicula hærentia, & suis etiam jumentis implicita mox intercepta ab hostibus forent. Etenim Lusitani cum aciem bifrontem constituisent, hinc ad præcipuum certaminis locum, aggerisque scindendi verlam, hinc ad iter, quod si fortuna arripisset, qui fusi fugam arripiebant, ingressuri fuissent, cauti plus

postea quam celeres seque tenentes in iracundia, terga hostium sectandi causa noluerunt ordines, adhuc viribus inexpertam, & certamine intactam postremam timentes aciem, & quod passim contracti, constipatique hostes, si extremo quod jam vigebar, robori jungerentur, instaurare confictum, ac retentare fortunam poterant. Idque porro Comitæ Cantagnedæ militari prudentia, animique modestia contigit, qui modicè, ac temperanter acquisita victoria usus, satis vincendo habuit à se sublatum urbis obsidium, fractosque sibi cessisse hostes; ratioque potissima est quia nondum Lusitanus patenti campo, iustaque ac nobili acie assuetus vincere Castellensem in eo se longè vicisse putabat, quod victus ipse non esset. Cæsa in eo prælio Castellensium supra duo millia, sauciorum par ferme numerus, pauci admodum capti sunt. Ex Lusitanis ad dimidium interiire. Infelicitas exitus, qui nec modicè res, animosque Castellensium afflixit, quia suas quoque fortuna perhibet causas, impedimento Ossunensis, ignaviæ Diarii, vulnere Ducis adscripta populariter est, Elvúsque post triumphum ferè mensium angustias in hunc modum obsidioni tandem eximitur.

At Ludovicus Arus qui alex ex tuto spectator astabat, cum omnino inclinatam pro Lusitanis fortunam cerneret, cumque jam agger perruptus esset, sua minùs formidine, quam assentantium impulsus illecebris amicis, ac famulis comitatus Badacocium se se recepit. Eò relictus, necdum mœrore discusso Regi Catholico scribens paucis versiculis rerum eventum exposuit, fortunam in eo criminatus, & fatum hoc scilicet quasi clavo immutabilem rerum ordinem figens, rota illam frequentem hunc inter homines, & in bello præcipue



puè ludum colludere solitam. Robustissima quidem ratio nisi aequè ab ignavis, ac fortibus viris hæc promiscuè usurpata locutio esset, quod & insuper causa, & usus, & rerum in agendo tractatio, ne omnino inertiae, atque virtutis discrimen cum prudentiae interitu pereat, in uno quoque casu quaerenda sunt. Hac epistola reddita Regi, & si ille ut par erat, rei bellicae eventum acerrimè doluit, Arum tamen quamquam abrupta, atque horrida omnia sibi ex illo infortunio paventem, revocatum statim ad aulam in eodem, quo aliis antea praestiterat, auctoritatis, & gratiae loco retinuit, ubi & Ludovici profectò ob volubilem gratiam Regis cruciatibus animi multum afflicti, & ferè omnium expectationem fefellit Rex pro certo ex inde vaticinantium uno sub illo fortunæ ictu qui cætera prostravisset, occasurum denique Arum. Nec defuere propterea qui in tanto tumultu, quantum in aula forsque ciere funestissimi nuntii repentinus adventus potuit regii tunc pectoris latebras atrectare; & ad sortem in tempore augendam occasionem subito arripere omni studio, atque industria. Turrianæ Medinæ maximè Dux qui ex æmuli casu tamquam regio ipse lateri propior assurgere spe vana tumidus intendebat, cum multa ex occulto, & pleraque falsa in Arum jacula contorsisset, semel etiam prolixius extracto cum Rege sermone, inter alia velut casu jecisse dicitur, impensius perpetuò se annexum bene de Rege mereri, sed inter multa, ejusque præclara in Regem officia, hæc potissimum ducere, quod ferè nulli paruerit mandato Regis, quo tempore Prorex Neapolim gubernaret, longiora quippe mandata inter tot momentaneas conversiones, & vo-

lubiles rerum vices, cum rationem in usum sapientissimè variarent, ut monita sapè aut amicorum consilia procul habenda sunt; quod oblatum Mediolani regimen abnuisset, quis enim suo nisi, alienoque periculo fatuus rectè inter arma mandare sciat, qui hoc armatus numquam didicerit? quod privatas offensiones, & æmulorum injurias ipsi Principi condonasset, privatas enim injurias reipublicae, quæ omnia ejus spiritu sustinet, ratio exhaurire penitus debet; qua Turrianus oratione subdole ac furtim repungere Arum creditus est intendisse, qui impunè ipsum Medinæ Ducem apud Regem afflixerat; quique belli omnino imperitus, ac rudis unius discrimen exercitus ausus esset cum tanta Regis perniciæ prodimento militiæ ponere. Verumtamen illi viro ad conservandam, augendamque Principis gratiam ex naturæ atque industriæ partibus mistum mirabile quoddam accesserat. Aro enim præter gravitatem, justitiam, & morum elegantiam, atque modestiam aliasque insignes animi dotes ex naturæ temperamento compactas, quædam etiam aderat ars, & sublimis acumen ingenii, quo accuratius quidem studebat gratiam Regis non ostentare, nec temerè prodere illam invidorum aculeis expositam; posse, quam ita videri tutius existimabat; sua quoque consilia velut rudia, & informia tam solerter, tam cautè subicere Regis arbitrio solebat Arus, ut usui illa post adhibenda Rex ipse digerere, acuire, & suo quasi Marte parere videretur; præterea magni momenti si feliciter quid cecidisset ut sapienter ab Aro consultum, & ordinatum, id ipsum fortunæ attribuere solebat ille vel casui, semper multò minùs se Rege sapere, minùsque videre per industriam assimulans; nihil est enim regis auribus insolentius, &

graviùs quàm arrogantia, nimisq̃ue jactata fiducia sui, sapientisq̃ue opinionem, & laudem mereri verbis, quàm rebus malle; socium quippe laborum consiliorumq̃ue participem diligunt Reges, regni magistrum, & pedagogum imperii quantopere quisquam ingenio, aut fortuna superior esset, abhorrent. Ita nimirum, quæ æmulum invidia, sparsioque livore, aut fastidio Principis ruere sapè, & comminui videntur in aula, moderationis aequè apud æmulos, ac apud Principem sustinet usus. Hisce artibus Arus, sed fortunæ favore quoque qua nihil adversa in hac maximè causa procedere potest, adjutis, inviolatam, & integram, atque æmulum iustis inconcussam dominationem, & gratiam in regno fovit, cumque Olivario longè ipse posterior in astu, judicio, ac disciplina regnandi esset, docilitate tamen, atque patientia, quæ inter aulicas eminent artes, naturæque adjumento major diuturnius, sibi que tantummodò morte interruptum Imperii arbitrium gratiæ Regis annexum tenuit.

Hoc periculo tandem Ludovicus explicitus, & propter acceptam cladem, & suam quoque in illo negotio existimationem attritam vehementer percussus, & Lusitanis maximè offensus, concordiam, quæ lentè ac remissè cum Hispano, Galloque per id tempus agitabatur, studiosius deinde tractare cepit, ut ab infestissimo tandem solutus hoste universas Imperii vires in Lusitaniam converteret. Consultum, & seriùs itaque primò in Hispano Senatu est, quisnam ex Europæ fortè Principibus discordiarum inter utrumque Regem, certaminumque compositor, & pacis quodammodo arbiter auctoritate usque melior æstimeretur, an Cæsar? an summus Pontifex? an Venetorum fortasse res-

publica, tanquam omnino integra, & à partibus separatà? Evenerat porro, ut in re illa nec levi de causa Cæsar haud minus Hispano quàm Gallo suspectus, ac dubius fieret, Gallo quidem Austriacæ domus agnationis & fidei causa semper invicem culta, quæ Catholicum Regem, & Cæsarem inter aliorum quoque fœderatorum mutationes immotos ac stabiles hæcenus continuerat; Regi verò Philippo modò suspectus occurrerat Cæsar, & ipse Cæsar Regem etiam Catholicum suspectabat, quod cum contrahendæ quæ agitabatur eo tempore, pacis vinculum foret Mariæ Teresiæ cum Rege Gallo connubium, propter Imperii spem, cui major ut natu Philippi filia, poterat hæc aliquando hereditatis jure succedere, acerbè ferebat Cæsar, Austriacæ ipsum familiæ Principem ab his nuptiis ineundis exclusum altissimus regni videre spes in Borbonicam gentem translatas, simul Austriacam familiam utroque diademate sultam, & colligatam per hujusmodi offensiones, & alias alias subinde trahentes paulatim fortasse dissutam posse quandoque cum ejusdem interitu distrahi. Hæc erant ex parte Cæsaris. De fide atque studio Pontificis in hoc peculiari negotio non modicè quoque inter partes ambigebatur. Pontifex enim, ut è re sua esse apparebat, & ex sua etiam utilitate rectè opus erat ejusdem consilia, mentemque rimari, veriùs eo tempore appetere credebatur, armis, & odiis perpetuò collisos se se invicem conteri, infirmarique Reges quò tutior ex bello duorum in Italia sibi floreret, & pro Romano regimine pax. Invisus præterea, ac singulari de causa suspiciosus Alexander septimus erat Cardinali Mazarino primo Galli Regis ministro, nam ex ejusdem ore Pontificis lapsum temerè verbum Romæ collegerat quondam Gallus

Ora



Orator , & cum Cardinalis invidia , vulgarique infectatione proiec-  
 cerat, ipsum videlicet Mazarinum,  
 dum rerum potiretur in Gallia , omni-  
 nò alienum , & semper aversum à pa-  
 ce futurum , cùm per externa bella, quæ  
 civilium in Gallia extinguere semina  
 soleant , eas sibi ipsi potentiam, opes-  
 que firmaret, quas frangere pax va-  
 luisset. Quæ acrius profectò verba in  
 Purpurati pectus immissa pro causâ pa-  
 cis effecerant, ut ita ipsi augetur de  
 eodem Pontifice diffidentia , sicut ejus  
 desideratio verba factis refellendi. Ad  
 hæc gravior eo tempore Hispanis per  
 Alexandrum injecta de pace suspicio  
 fuerat, cùm Carolum Bonellum pos-  
 teà ab eodem sacra Purpura decora-  
 tum ad Hispaniam legavit , specie,  
 ac rumore palam effuso concordie  
 pacisque cum utroque ponendæ Re-  
 ge , reverâ tamen , ut mox exitus  
 docuit , ut in rem suam Pontifex  
 derogaret illi veteri consuetudini, quâ,  
 sine prævio Regis consensu , qui ad  
 ministerium , electum approbavisset,  
 quippè quia & jus ibi, & tribunal exer-  
 ceat, ad Hispaniam admitti Apostoli-  
 cus Nuncius minimè solet. Nam paulò  
 postquam Carolus ad Mantuam Car-  
 petanam pervenit , tractandæ pacis  
 rumore , & consilio planè suppresso ,  
 Ordinarii statim Nuntii diploma Re-  
 gi Catholico exhibuit. Visus prop-  
 terea Hispanis summus Pontifex est,  
 nedum in ludibrium , ac propè frau-  
 dem pacis negotia convertere , sed  
 ea inflectere quoque velle ad priva-  
 tas rationes imperii sui , quarum cum  
 maxima Hispanorum judicio ratio am-  
 borum Regum commissio , perennis-  
 que discordia sit, ideò turbandæ ma-  
 gis , quàm componendæ hos inter  
 Reges quæsitæ pacis appositum esse  
 Pontificem minùs piè sentientes con-  
 siliarii seniores, existimabant. At in re-  
 publica Venetorum, cujus etiam litiga-

batur arbitrium, in suspicionem, & me-  
 tum revocabatur illius profunda fa-  
 pientia Senatus , & per tot secula felix  
 fallaciæ , dolique Politici usus cui pax  
 si stetisset, ea Regum in Europa sum-  
 morum formidabilis unio fuisset; nam  
 Venetorū in æqua libra judicii , qua ad  
 unguem Principū studia, consilia, vires  
 appendit, longè minoris, leviorisque fa-  
 nē momenti cōpertæ fuissent Italarum  
 Principum opes , si ad alteram partem  
 belli pondus non accessisset. His etiam  
 obstabat, quod eo peracri mentis acu-  
 mine , atque in agendo solertia præ-  
 stare Veneti apud Hispanos existiman-  
 tur , ut in caterorum litigiis , & causis  
 excutiendis, componendisque surripere  
 ferè semper nonnihil amicis callidè  
 sciant, aut litem lite resolvere. Quo-  
 circa pacem, quæ Monasterii Veneto-  
 rum intercessionem convenerat adeò His-  
 panis fraudulentam fuisse & exitu lubri-  
 cam, ut paulò post fœderatis à commu-  
 ni periculo exemptis, ea ipsa in Hispa-  
 num , Gallumque duntaxat Regem  
 cruenta , graviorque reciderit , Hispani  
 profectò non causâ difficultati, aut du-  
 rioris fortassè negotii moli ut verisimi-  
 le quoque erat, at Venetis tanquam plus  
 arte , & consilio , quàm armis pugnare,  
 & acquirere sibi scientibus tribuunt.  
 His sententiis in status Senatu discussis,  
 cùm propter æmulationem Imperii, ve-  
 teremque Principatus invidiam, & mu-  
 tuas hinc exortas suspensiones, ea revera  
 inter alias regnandi artes emineat, ne-  
 mini propè fidere , universos per se sus-  
 pectos habere Principes, nullo ideò tum  
 inter eos occurrente, hoc qui susceperet  
 munus , à suspicione secluso Principe,  
 tandem sancitum est , ut maturandæ  
 pacis negotia binis, primisque utrius-  
 que Regis ministris Aro videlicet , &  
 Mazarino commendarentur. Hi scili-  
 cet partes illas emolumenti, quas pacem  
 ambigüe affectaque fortassè fide tra-  
 ctantes alii sibi interpositi decerpissent

suis Principibus solidè vendicarent, neuter illorum auctoritate, sive fiducia, sive agendarum rerum experientia careret, rem inter paucos facillimè conventuram, quidquid illi constituisent, ratum utrumque Regem æquabiliter habiturum. Hoc ita igitur ab Hispano Senatu decretum cùm mox Galli comprobavissent, veniunt deinde à Lutetia Parisiorum, qui Mantuam Carpetanam summissi intimiores Mazarini clientes fuerant, occultique ad Boni recessus Palatium divertunt; placuerat enim in hoc loco primum excutere capita rerum, quò minùs postea difficultatis incideret, cùm uterque amborum Regum minister apud montes Pyreneos ad rem totam consiciendam erat suo tempore congressurus. Cæterùm collatis in medio Hispanorum, Gallorumque sententiis, ac summa altercatione pacis utrinque jactatis articulis, eò quod ab ipsorum moribus, & gravitatis ostentatione abhorreret, Hispani deridiculo habebant, Gallos plures simul eodem tempore loqui, multa fundere simul argumenta durissima rerum, & quòd solutis cum gestibus verba, vultusque rubore quidam velut impetus raperet; Ludovicus præcipuè Arus, qui eorum colloquiis sapissimè intererat, cùm is tardior, atque cunctator quanquam æqualis ingenio esset, aliis dictis non planè perceptis, aliis statim memoria dilapsis, sensus plerumque sermonis, qui in medio versabatur, ignarus cōventum dimiserat. Hæc tandem sublata rerum confusio, atque discussa caligo est, cùm per eundem Arum idcirco provisum est, ut scripto deinde relata negotia traderent Galli, ad rem suaviter prætexentem, clariùs sic illa proposita, ac per tempus expensa Status quoque Senatus subire iudicium debere. Quibus rebus in hunc modum expositis, seriùsque discussis, cùm asperiores ibi pacis conditiones tractatione, atque studio in lon-

gum exagitata ac propè mollita quodammodo essent, integra, aut mutila, sed minoris momenti quadam, ad congressum rejecta sunt, qui inter Cardinalem Mazarinum, & Ludovicum Arum apud Irunem utriusque regni confinium conditus est. Induciæ interim accessere. Eò igitur tandem exquisita ornamentorum pompa, virorumque sequela nobilium in luxum certatim effusi conferunt se primi duo illi primorum Regum ministri, & quoniam alter alterius attingere solum, & quasi in alienam potestatem transire dedignabatur, cùm in altissima dignitate, & amplitudine muneris constitutus sui quisque Regis majestatem, ac speciem repræsentaret, super utrisque communem, qui regna dirimit, amnem, parvâque ibi insulam circumfusam, eleganter, ac splendide exulta sedes erecta est, quò Mazarinus, & Arus conveniebant, pacisque res agitabant. Inter hæc Rex Britannus, qui post Caroli Patris cladem regno, & fortunis expulsus impensius Gallum Hispanumque Regem ut eorum subsidio regno, ac penatibus redderetur, circuire, atque colere satagebat, nuncium ad Mazarinum misit, ipse à Rege, quemadmodum postulabat, ne gravaretur invisit, esse aliqua magni momenti, quæ conferre cum ipso sermonibus oporteret. Cardinalis jus officii, subditi que respectum excusans modestè Regem rejecit, nequaquam id sibi fas esse respondens Gallie Regis injussu. Creditur tamen Rex Anglus æmulationis quodam stimulo perciti à Cardinalis colloquio prohibitus, quod priùs ille Arum quàm Mazarinum adire frustra tentasset, néve proprii Regis utilitates alienis rationibus immisceret, & conturbaret. Rege in hunc modum excluso, loco ejus Anglus Legatus interfuit, qui Hispani, Gallicque Regis auxilia pro reducendo Rege implorabat disertissimè probans, Britanniam, quæ Galli, Hispanique “  
regni



„regni æquilibrium politica æsti-  
 „matione censeatur, quove illa studiis  
 „inclinat, eò propendere quoque reg-  
 „ni cuiusque fortunam, & opes, ului  
 „profectò magis, vel minùs saltem pe-  
 „riculo utrique Regi futuram, si ab  
 „uno, & hoc legitimo Rege, quàm ab  
 „intrusa, ac turbulenta quadam reipu-  
 „blica forma temperaretur, cum hæc  
 „& popularis præcipuè simul potentia,  
 „atque amplissima situ sive tuendæ li-  
 „bertatis cupidine, sive morum, cultus-  
 „que diversitate Regibus semper infe-  
 „sta persequi semper illos, odiosoque  
 „& impuro nomine Tyrannorum soli-  
 „tâ sit execrari, atque in summam apud  
 „omnes abominationem adducere, suis  
 „præterea imbuere institutis, ac disci-  
 „plinis amicos, propinquos, & socios,  
 „iisque dulcedine libertatis exposita  
 „paulatim à Regibus alienatos ad suis  
 „regiminis normam transferre, quem-  
 „admodum Lacedemonios olim in  
 „Græcia factitavisse, memoriæ prodi-  
 „tum est. Tenuis profectò Respubli-  
 „cas, prudentesque eò quòd aculeos  
 „non habeant, & quæ aliis possent in-  
 „figere spicula semetipsas tantummo-  
 „do custodire, seque per latebras am-  
 „pliandi occasionibus imminere, hanc  
 „novam, cum latissimè pateat, turbi-  
 „disque abundet ingeniis, & tum acu-  
 „leos, tum unguis, faucisque voraces  
 „habeat, quidni ad armorum se mini-  
 „steria, quàm togæ potiùs, nisi citò in-  
 „terierit, applicaturam. Gloriosum esse  
 „præterea miseros sublevare, at glorio-  
 „sius afflictû redimere Regem; æquum  
 „esse, impiorum manibus virum inno-  
 „cium eripere; at æquius Regem in-  
 „fontem, laudabile etiam, everfas quan-  
 „doque restituere familias, sed laudabi-  
 „lius, collapsa reddere regna. Quid er-  
 „go, prædones, sicarios, latrones esse  
 „fortè appellandos nisi Regibus Reges  
 „succurrerint? Manere dirum adhuc  
 „exemplum suo regno, sua domo ex-

pulsi, violati, spoliati, vagam, & mise-  
 ram vitam trahentis ubique Regis, &  
 fœdiora quæque imitandi studia, nisi  
 ostentatio terroris accesserit, velut  
 contagem, hominibus inhæfura. Hæc  
 & plura Britannus. Alii etiam ibi astite-  
 re Principum Oratores, inter quos erat  
 Lusitanus Legatus, sed Aro clam, ne ejus  
 aspectum offenderet, qui quantum ef-  
 ficere, enitque promissis, ac præcibus  
 poterat apud Cardinalem agebat, ne  
 Lusitania in tanto discrimine prodere-  
 tur. Ingens enim sollicitudo, & animi  
 pariter dolor ob metum gravioris dein-  
 ceptus in eorum cervices exonerandi belli  
 Lusitanos animos occupaverat, ne om-  
 ninò desertus, ac prætermisus à Gallo  
 Rege Bregantius, totis deinde in unum  
 coactis, intentisque vis Hispanicæ ner-  
 vis, si pax convenisset, eo circumfusus  
 turbine armorum prosterneretur. Cæ-  
 terum summa utriusque partis conten-  
 tione cum hic Lusitaniæ agitatus arti-  
 culus esset, quàm proximè sæpè fuit, ut  
 alias jam ratas negotii conditiones, pa-  
 cisque congressum omnino dissolveret.  
 Vehementer enim Hispano objecerat  
 Mazarinus Bregantium hereditario ju-  
 re subnixum tenere regnum, dici etiam,  
 & esse Regem, Gallo item Regi sociali  
 fœdere junctum, si verò minimè qui-  
 dem pro pace ineunda dedecet novos  
 accipere socios, quanto magis licuerit  
 veteres conservare? At si etiam hone-  
 sta pro pace conveniat perduellium  
 clientelam, & patrocinium exuere, jus  
 in hac causa regni que possessionem, &  
 populi mentem, & studium cruore, om-  
 nibusque fortunis, atque periculis in re-  
 tinendo Rege consentientis, quæ satis  
 Bregantium ab hoc afflictò scelere ab-  
 solvunt, hære nullam in Gallo ex  
 contracto, sustentatoque hujusmodi  
 fœdere notam sinere. An venundare  
 Lusitanum redimatur ut Castellensis,  
 pacisque interpositæ fidem perfidia san-  
 cire liceat? Tandem uterque Rex Ca-  
 stellensis,

stellensis, & Lusitanus prout è re sua quisque duceret, armis, aut lege de regno disceperet. Arbitrium quod jure suo tenet, fortunæ tradatur. Sileatur hîc Lusitanus, & hoc maximè modo nec inclusus, nec exclusus in pacis articulis habeatur. Perfractius ea porro agitata in partium confessu sententia, & ideò ultro, citroque remeantibus nunciis, qui Galli Hispanique Regis animos explorarent, ac dubia resolverent, tandem convenit, ut Rex Gallus profiteretur, idque in acta concordie relatum est, fœdus, quod ipsi erat cum Lusitano, & jus societatis in gratiam Catholici Regis abscindere, modo ipsi Bregantio, jam abdicato sua sponte regno, à Catholico Rege juribus, titulis, facultatibus omnibus redderetur, quorum usu, priusquam à Rege deficeret, potiebatur in Lusitania, eaque ipsa tum velut fucò, ad honestatis speciem, atque decoris imitamentum ita depicta conventio est, ne idcirco pax turbaretur, neque sui juris Hispanus, neque fidei interpositæ Gallus planè immemor videretur. Ceterum Gallus conditioni ita propositæ consensurus clam Lusitanum admonuit sese in illo negotio tempori, & publicæ causæ potius, quàm rei sic postea gerendæ consilio, aut veritatis servire studio. Etenim illa pax, quam tanto dispendio, & suæ quoque reipublicæ vulnere Hispani sibi redimerent, facta Gallis per eam potestate ampliora suppeditandi Lusitanis auxilia, his magnopere favorabilis, præterito bello trucior Castellensibus cecidisset, nec secus, antequam fieret, id certè futurum Hispanus existimabat, cum illa articuli pompa opinionis plausum speciemque honestatis inanem non lucrum, aut fidei in Gallo constantiâ requireret. Verumtamen Rex Catholicus cum ei subscribendus hic pacis articulus deferretur, in ipso actu rubere, indignari, animo angi, quasi pulcherrimo erepto regno impune sibi

illudentem aspiceret adversarium, & quod ipsum magis excruciat, velut hostis in gratiam è manibus illum emissum; Tandem ô me miserum, inquit, & infelicem, qui Rex, totque ipse regnorum Rex hoc etiam invitatus committere cogor, tremulæque præ ira atque stomacho manu, errantemque inter litteras stylum ducens subiectam paginam subsignavit. Quæ porro sublata, quæ asperius obstabat, difficultate, reliquæ pacis conditiones expeditius transactæ sunt. Igitur pax inter Hispanum, Galumque Regem his legibus constituta; Quæ bello in Insubria Gallus Regi Catholico ceperat, restitueret, quæ verò apud Catalauniam, & Belgium, paucis exceptis, permutatisque locis, in Mariæ Terefiæ dotem adjecta concederent. Utriusque subditis Regis, qui ad alterutras partes tempore belli transferint, & venia delicti fiat, & in omnia bona, atque jura sine mora redintegrètur, quæ priusquam à Rege deficerent, possidebant, idque maximè de Lotharingo Duce, & Condæo quoque Principe cautum ob opum, generisque amplitudinem est. Dissidium bellique materies si fortè oriatur inter amborum Regum clientes, ac Principes socios, componere statim, & in gratiam redire eos inter se seu jure, seu arbitrio, seu majestatis auctoritate curet uterque Rex, sin autem hoc frustra fuerit, liceat singulis Regibus auxiliares copias amico permittere Principi, Rex modò neuter à quoquam invasus in suæ ditionis partibus fuerit. Item si Hispanus Gallusve Rex alterius socios cum armis aggrediatur, tunc Regem deceat, cum velit, ferre opem amicis, & sociis in eorum finibus constitutis, nec ideò inter urumque Regem violata pax censeatur. Cum verò duorum quilibet Regum à Principe seu nunc fœderato, seu externo, sive armis civilibus, sive alienigenis peteretur, nefas ex lege pacis sancitæ sit, alterum Regem



Regem auxilia illis, aut transitum, aut armatis receptum adversus alterum Regem suppeditare. Terræ, marisque commercio vicissim, ac liberè utriusque Regis subditi utantur, si qua verò partibus controversia propter harum interpretationem conditionum, rerumque intellectum, aut accidentia minùs provisâ, ea quidem non armis, sed jure dirimerentur. His in hunc modum pro utroque Rege provisâ, ad initæ quoque pacis durationem, præstandamque clientibus fidem peculiariùs deinde ad communes clientes, ac socios descensum est; sæpè enim accidit bella ex bellis nasci, & armis, dissidiis alium alium vocare bellòque involvere Principem; simul quia nemo clientium ulli unquam Principi fideret, si duobus, qui plus inter eos possent, convenientibus pacto, per corruptam aliquis fidem potentioris prædæ relinqueretur; cautum est ideò, ut quæ oppida Hispanus Duci Sabaudia per bellum in Cisalpinis abstulerat, illicò traderet; eidem præterea Duci debitum solveretur ex Catharinæ Austriacæ antiqui connubii dote conflatum. Quæ Sabaudiam, Mantuanamque familiam

diurnæ veteresque discordiæ causæ per Italiæ vastitatem, atque ruinas exercuere abolitæ, extinctæ jaceant secundum illam conventionem, quæ apud Querracum quondam præscripta fuerat. Ab utroque Rege summus Pontifex exoretur, ut litem quæ adhuc cum Mutinæ Duce de Comachii valle pendebat, plano, mitique judicio non strepitu armorum absolvat, Ducique Parmensi simul indulgeat, ut per certa temporis intervalla alienum æs illud exolvere posset, quo sedî Apostolicæ obstringitur. Postremò decretum est, ut unanimes Reges ad Germanos, Rhetos Helvetiosque ipsos cohortatum legatos dimitterent, ut ira, ac simultatibus positis in partem optimæ pacis propitio quocumque bello præstantioris accederent. Hæc est capitum summa inter Hispanum, Gallumque Regem ad Pyrenæos compositæ pacis, atque ita Mariæ Tereziæ firmatæ cum Gallo nuptiæ in Europam bello diurno afflictam gaudia pacis, sed ipsa breviora, ut brevius etiam refriget qui primus nuptialibus facibus amor accenditur, transmiscere.






D E  
BELLO LUSITANO  
LIBRI SEPTIMI

S U M M A.



*EX* Catholicus in Lusitanum parandum bellum intendit. Acerrimè tractatur de summi Ducis electione. Ioanni Austriaco Philippi filio notbo arma commendantur. Gubernator armorum secundo loco Sangermanensis renunciatur. Militum numerus. Exercitus Campomajorem initio petere visus, averso itinere Origuelam repentinè invadit, arcemque adjacentem delet. Arronci oppidum Ioanni se addicit. Sexdecim Lusitanorum equitum turmae, vim hostium laceessere ausè, partim ceduntur, partim fugà dilabuntur. Alconcellum recuperat Austriacus. Acria per otium, inter Italos, Hispanosque, de ordine & loco, oriuntur dissidia. Ioannes, Duces Italos asperrimis verbis increpat. Emanuel Carasa pro Italica natione respondens, ob libertatem in custodiam conjicitur. Dirimitur per Regem, nationum litigium. Vere appetente, Austriacus in proximi belli conatum incumbit. Non minor agitatio sollicitos habet Lusitanos, unde severius invehuntur tributa. Catharina Portugallia Bregantii soror Regi Britanno desponsatur. Ei Tingi, situm in Africa oppidum pro cumulo dotis accedit. Religionis causà Rex Catholicus municipium interciperè instituit. Ejus promissa averfatur Ludovicus Almeida, & oppidum in Angli ditionem concedit. Villabuim funditus diruit Austriacus. Multas equitum Lusitanorum turbas fugat Alexander Correrà. Morba per iter invaditur. Iurumeniam versus dum tendit Ioannes, novus repentinè de calo, nubila nocte, conspicitur fulgor. In Lusitana quæ circum oppidum erant propugnacula, Castellenses iriumpunt. Intestinus oritur in urbe tumultus, qui Pinti Præsidis prudentià extinguitur. Mensis Lusitani exercitus Dux, expeditionem quamprimum parare milites jubet, ad succurrendum Iurumenia. Urbis tuenda spe prorsus afflictà, palam inde re insectà discedit. Iurumenia post arctam integri mensis obsidionem, Austriaci virtute atque auspiciis evicta, Regique Catholico restituta. Ad Villam vitiosam ducit exercitum Ioannes, Lusitanumque nititur elicere ad pugnam. Aveirum recipit, dimissisque cum vita & opibus oppidanis, ad terrorem solo aequat. Monfortis deditur. Crati excidium, cujus Gubernator Austriaci jussu, sclopiis in medio foro transferberatus occumbit. Adversus Oguclam victor exercitus tendit. Dum Gubernator, Ioannis colloquium petit, Castellensis miles sine imperio urbem pervadit, praedaque duntaxat avidus, à sanguine abstinet. Prædam Lusitanis restituendam jubet Austriacus, honestasque illis conditiones tribuit. Sartirana Comitem Oguclæ Præsidem relinquit.





BELLI LUSITANI

LIBER SEPTIMUS.

661.



ARIA Theresia Regis Philippici filia, qui Reginam decebat, magnifico ornatu sublimisque totius fortunæ circumfusa splendore, ac regio strepitu comitata cum Lutetiam Parisiorum tandem evecta esset, Rex ipse Catholicus statim in Lusitanum parandum bellum intendit, cujus facilius habendi regni cupido traxisse jam videbatur Hispanum ad deteriores pacis conditiones incertaque lucris futuri spe, ultrò se primùm diminuisse. Dum ergo frequentes per Hispaniam delectus militum imperantur, circummissisque per Imperii latitudinem nunciis, veteres legiones ad Lusitaniæ fines transferri jussu Regis indicitur, atque omnia intra Hispaniam, & extra calere conspiciuntur apparatu proximi belli; interim apud Regem de summi Ducis, qui bello præfesset adedò armis minisque turgido, electione acerrimè tractabatur. Erant ea tempestate præclari nominis Duces, à bellisque occupationibus vacui Mortaræ Marchio, in cujus gloriæ incrementum Catalaunia nuper armis subacta cesserat, & Carazenæ item Marchio, qui inter arma penè à puero innutritus recentia quoque & egregia in Insubria, cum Mediolano præfesset, belli facinora ediderat. At his militari propè virtute par, gratia, famaque nominis, incensisque in eundem populi studiis longè quidem superior Joannes Austriacus efferebatur, Regis idem Catholicus filius nothus, quia bello tum Belgico revocatus juxta Mantuam Carpentanam confederat. Consilia verò, ac sententiæ quæ per id tempus in medio erant de novo eligendo exercitus Duce proposita, singulorum divisa studio, vel merito, vel ambientium sollicitudine ad

quemquam illorum referebantur. Verùm Hispanis, administrisque præcipue, qui in gubernii specula sedent, cujusque illegitima, ac regis prolis æquè virtutes, ac vitia, illæ quidem ut gratiæ populi, hæc ut faces ambitioni præbentia, semper invisa nimisque suspecta fuere. Nec porro regii iidem nothi verbis, aut rebus tam crebrò suspicionibus causas, aut stimulos curis dedere, sed hominum genus ob metum longa rerum experientia contractum, & sua etiam indole nimis suspiciosum, falli dum semper metuit, aut faciliè sibi formidinis causas effingit, multos pericula antevertere docuit, & scelus interdum in cautionis partem admissum. Austriaco propterea, qui ad hanc bellicam præfecturam, & suo merito, & turba clientium, & plausu populi ferebatur, suspicio, metus, aut ministrorum obstabat invidia ea de re privatim, ac publicè differentium. Regem imbecilla, ac tenui valetudine potius, quàm ætate cadentem esse, filium Principem in cunabulis, nec fas esse videri illo cursu, illo habitu rerum cum fiducia, & armorum afflatu extollere juvenem militarem, cui satis opis in armis, cum nimis urgeat ambitio, sit, spes, animosque supra fortunam, genúsque gerere. Rex denique haud minùs rei ambiguus, sollicitusque ne pudor fortassis, aut metus in causa filii suffragia publicè vitiaret, omisso Status Senatu, ea de re secretioris, sanctionisque quosdam consilii corpore præfens interrogavit. Fuere hi homines Senatores Turrianæ Medinæ Dux, & Comes Castrillius, summo, integròque judicio viri, quo tempore studia, atque partes ipsorum animis non officerent. Erat præterea in primis carus Joannes Medinæ Duci, quia communis utrumque vetusque Olivarii clientela in fide, atque studio conjunxerat, atque ideò Medinæ Duci, & Joanni plus erat Castril-

lius infestus, quippè, qui maximè quondam in Olivarium, ejusque clientes omnes invecus, dum illum tandem afflixit, ejusdem clientelæ, atque fortunæ socios eodem, unòque iectu collabentis ruina prostravit. Rex verò, quem nec acris, & mutua horum hominum amulatio, nec odiorum initia latebant, consultò adversarios ad differendum de re, quæ vertebat, induxit, quò nempè contrariis eorum prolatis, agitatissque sententiis, ac simul judicio compositis, ipse postea exploratius, quid sua interesset, agnosceret; nec certè secus, ac Rex expectabat, Castrillii sententia prodiit. Ita namque locutus fertur.

„ Non obrectatio, & minus invidia, à quarum suspicione longa me rerum experimenta, gravisque canities, & disparia, ac propè opposita studia vindicant, sed delectatio tantæ virtutis in isto juvene, ejusque summa admiratio, & insuper desiderium, ut sine ullo periculo suis illa in tempore gradibus augeatur, me afferrere cogunt, armorum, de quo nunc disceptatur, imperium pro Lusitania recipienda Joanni minimè convenire. Detrahit enim virtutibus livor, atque inter illos virtutis fulgores continuè rimatur criminibus locum; hanc autem ego in juvene celebro, & venerabundus etiam intueor, simulque præcaveo, ne nimius ille virtutis positæ nitor ipsius, nostrisque oculis umbram, aut erroris cæcitatem affundat, ex quo sapè numero evenit, florentem marcescere in homine gloriam, fructumque virtutis, priusquam ipse maturus, ac tempore coctus sit exarescere, aut in contrarium mutari, nisi modus, qui in rebus semper est optimus applicetur, priusque nos ideo tantæ virtutis, & gratiæ, item ætatis cum regio sanguine ardentius ebullientis ti-

mor, quàm illum gloriæ satietas ceperit. Verùm enim verò, cum ejusdem communis utilitatis ratio, nexisque & Imperium, & Joannem, & Regem tum familiaris, tum publicæ causæ respectu vinciat, dum eadem Regis, & rationes publicas calculo meo sustentavero, verè me dicere pro Joanne, ejusque favere maximè gloriæ, ac dignitati servire censendum est. Et primum quidem jam satis spectatum est, poenituisse nec mediocriter nos paulò antè ad Joannem delatæ belli Belgici præfecturæ, coactosque idcirco fuisse inde retrahere celeriter juvenem; rumor enim nec omninò ipse vanus irrepsit, occulta, & superba illum ibidem de nuptiis cum filia Austriaci Principis Oenipontis ut illum Principatum, & Belgium titulo dotis arriperet, consilia tractare, ubi profectò & res honesta, ac ratio publica jactabatur Austriacam videlicet domum, ne illa jam inter paucos, qui porrò supersunt ex Augusta sobole mares extingueretur, egere subsidiis, maximo etiam Imperio Hispano munimini, & usui fore, si Belgium ab ipso tot sumptuum, tot cladum, tanti causa periculi honestè per nuptias divelleretur. Sunt, & turpes alii præterea, qui de Joanne Austriaco sermones tam Neapoli, quàm in Sicilia cum illa ipse regeret regna percrebuere, clandestina nempè consilia, partes, nobilium secessionis nec obscure manifestationes, quæ etsi turbulentum nationum illarum ingenium, ut certè scimus effuderit, inscio quoque Joanne, perspicimus tamen in hoc inclyto juvene, quæ perfidi homines, atque nefarii, & rerum novarum omninò cupidi fomenta parare seditionum in animo habeant. Cæterùm si ita sapius per illecebras hominum, per occasionum

incita



„ incitamenta propinet ambitio, cùm  
 „ flagret ætas, animus valeat, adeò præ-  
 „ ceps, ac lubrica sit cupiditas dominan-  
 „ di, maxime vereor, ne internis, exter-  
 „ nisque ille tandem irretitus insidiis,  
 „ ubi semel impellere magis occasio, &  
 „ succendi, ac furere ambitio cæperit,  
 „ prolabatur. Præterquam quod in hoc  
 „ transitu rerum, multiplicique rumore  
 „ hominum aliud in ore sonare vulgi,  
 „ aliud in ore prudentium auditum est.  
 „ Divinant plerumque prudentes; nec  
 „ semper inanes ferendo voces labitur  
 „ vulgus, aliàs quasi vates, aliàs rectus  
 „ rerum interpret est, interdum, quod  
 „ fieri conveniat, velut communi con-  
 „ sensu docet. Utcumque se tandem res  
 „ habeat, hunc saltem rumorem de an-  
 „ bitione, regnòque Joannis, is vel in-  
 „ certè, vel iniquè, vel fallaciter ortus,  
 „ ac dissipatus sit, & jam propemodum  
 „ consenuerit, iri inficias minimè potest  
 „ ab ingenti ejus spiritu, ac magnitudi-  
 „ ne animi tanquam in adolescente sus-  
 „ pectis, & per se, & per alios ut instru-  
 „ menta tumultuum novis rebus ster-  
 „ nentibus iter originem deduxisse, at-  
 „ que ideò prudentioris, tutiorisque  
 „ fore consilii, vel tenui suspitioni, ac  
 „ longinquo timori, auræque quan-  
 „ tumvis fluxæ, mobilisque rumoris,  
 „ quando id percommode fieri potest,  
 „ antevertere causas, simul, & turbidis  
 „ pabulum, & virus iniquis invidiæ, &  
 „ seditionibus ignes quoquomodo sub-  
 „ ducere, quæ utique omnia cumulatim  
 „ mala contrahere uni imprudenter ar-  
 „ ma commissa possunt. Nullum pro-  
 „ pectò adstrictioris fiducia, gravio-  
 „ risque Regi momenti, quod tribuat  
 „ alteri munus offertur, quàm armorum  
 „ administratio, gladius quippè societa-  
 „ tis in se humanæ tenendæ, erga majo-  
 „ res obsequii, æquitatis inter æquales,  
 „ jurium omnium validus vindex, &  
 „ custos est; quem cui crediderit Prin-  
 „ ceps sui ipsius, & arbitrium imperii

penitus tradit. Diadema, sceptrum-  
 „ que in illius fide cuspidis situm,  
 „ quam soluta formidine manus agit.  
 „ Contra nemo alius re vera est, mi-  
 „ nus cui debeat pro armorum tra-  
 „ ctatione fidere Princeps, quàm fi-  
 „ lius ad quem regni hæreditas non  
 „ pertineat, ne ille fortassè per vim,  
 „ & armorum occasionem eripiat,  
 „ quod intimè cupiat, & lex, aut na-  
 „ tura non dederit, néve Regis ele-  
 „ ctio ut Romanum quondam Impe-  
 „ rium ad milites transeat, & tandem  
 „ arcanum naturæ prodeat, quod om-  
 „ nia liceat jure potentia agi, & mo-  
 „ res etiam, & leges, ut judicia &  
 „ mentes hominum immutari. Ho-  
 „ mo namque ad imperium, & liberta-  
 „ tem genitus, quanquam subito le-  
 „ gum, & hominum jugo submissus  
 „ exemplo, & consuetudine potius,  
 „ quàm ipsa natura coercetur, retinet  
 „ tamen ut intus hærentem, ac peni-  
 „ tus insitam illam tacitam vim do-  
 „ minandi, libertatisque bono fruen-  
 „ di, quæ in unoquoque mortalium  
 „ ingenita vis jam se ipsa remittit,  
 „ jam explicat, jam in aliquo torpet,  
 „ secundum cujusque genus, fortu-  
 „ nam, opes, & indolem animi, erum-  
 „ pere tamen cum ruina rerumque ad-  
 „ jacentium strage, atque exitio utpluri-  
 „ mum solet, ubi retruso illi animi mo-  
 „ tui excitando, sustentandoque satis  
 „ animi, satis corporis vires, & opes  
 „ sunt. Erit igitur hic naturæ impetus  
 „ in Joanne, ut in sobole regia, ut in  
 „ animo militari, ut in juvene for-  
 „ tunato concitator, atque robustior,  
 „ quem si armorum fiducia sustuleris,  
 „ & viribus auxeris, ita ut dare ipse ma-  
 „ lit, an accipere iussa ab illa duntaxat  
 „ rependeat, velit necne semel susce-  
 „ pta deponere arma, & secundo loco,  
 „ secundo gradu contentus sit, cùm  
 „ armis extortum sibi primum asserere  
 „ valeat, quid aliud hoc utique foret

„ quàm affectant, & pronam irritare  
 „ naturam, ultrò currenti superaddere  
 „ stimulos, aut crescentem foliibus  
 „ ignem afflare? Aliis fortassè genti-  
 „ bus alii mores, diversa instituta con-  
 „ veniunt. Ita planè se habet nostri  
 „ generis disciplina. Legimus ideò  
 „ Petrum cognomento Crudelem ab  
 „ Henrico fratre notho regno simul,  
 „ ac vita præcipitem actum. Vidimus  
 „ etiam ipsi prole regia refertam do-  
 „ mum, alio aliò trahente, perpetuis  
 „ arsisse discordiis, seseque foras ad  
 „ regna iactasse, túque Catholice Rex;  
 „ cui plures fuerunt adulti fratres, qui  
 „ tecum morabatur in Regia, an alius  
 „ procul emissus, bellique periculis im-  
 „ plicatus, uter negotii tibi minùs fa-  
 „ cesserit, experimento, sensùque do-  
 „ loris acerbo addiscere potuisti. Illi ta-  
 „ men æquales erant sanguinis claritu-  
 „ dine, nulla nota, nulla permitta for-  
 „ de, puro, ac legitimo semine; Joannes  
 „ autem materno genere longè impar.  
 „ Porro cùm simul hîc paveat, ac do-  
 „ leat deteriori se sorte natum ex diffi-  
 „ militudine oritur diffidentia, ex diffi-  
 „ dentia suspicio, mox odia suspicio gi-  
 „ gnit, inde dissidia, partes, cùm discor-  
 „ des viri Principes sunt, & civilia bella  
 „ nascuntur, adeò, ut quanquam hunc  
 „ juvenem mitem, & probum omni-  
 „ que virtutis genere ornatum natura  
 „ fecisset, usu venire possit quo sibi jure,  
 „ aut injuria prospiciat, suo vel alieno  
 „ scelere ablatum armorum occasio-  
 „ ne perverti. His adde tuam, & fi-  
 „ lii legitimi atatem rebus novandis  
 „ maximè oppositam, & illam quidem  
 „ non tam senio, quàm mala habitu-  
 „ dine fractam, hanc ne rationis qui-  
 „ dem usus, nedum regni, sceptrique  
 „ potentem, ex quo jure mihi veren-  
 „ dum est, hæc arma quæ potes nunc  
 „ dare Joanni; deinde, & si velis, ne  
 „ possis eripere, aut si is ita armatus,  
 „ quod Deus avertat, tibi superstes

fuerit, inter illos transeuntis imperii  
 æstus, rebus Hispaniæ turbatis, ac  
 dubiis, ne quis exarmare nolentem  
 valeat. Fœda Turcarum immanitas  
 regiæ sobolis omnes præter unum ad  
 summam imperii fortunam genitum  
 interimere solet. Nimis faciles Galli,  
 negligentesque dum simplici, ac ce-  
 leri quodam utentes ingenio parum,  
 aut nihil regiæ numero prolis; &  
 cultui, vitiòque naturæ provident  
 ab eventis sæpè tristibus reprehen-  
 duntur. Medium Hispani tenen-  
 tes, cœlibes illos ut in custodia li-  
 bera spatiantes diligenter observant,  
 & circumspiciunt, simul & ægrè ali-  
 quando ad usum armorum admif-  
 sis, potestate multùm restricta plú-  
 que pompæ in se habente, quàm  
 virium, in modum vigiliæ insuper  
 homines statuuntur dictorum, fa-  
 ctorumque censores, ac testes. At-  
 qui & nostra, & majorum quoque  
 repetita memoria, & si tanta accessif-  
 set idcirco sollicitudo, tantusque cu-  
 stodiæ rigor, vix tamen hujusce notæ  
 cum armis juvenis reperitur, qui mi-  
 nimè nobis ingentem curâ incusserit.  
 Quid autem nos modò rebus præte-  
 ritos eruditos, ac penè jam ustos hæc  
 retentare, ac præter instantia, quæ  
 undique urgent nova laceßere quo-  
 que pericula cogit, cùm plures nobis  
 Hispani, præclarique nominis Duces  
 extent, quibus tutò committi liceat  
 hæc armorum administratio? Num  
 auctoritas? num perspecta felicitas  
 juvenis? an potius tractandorum  
 armorum experientia? Magno pro-  
 fectò nobis constiterit hæc regia au-  
 ctoritas in Joanne, & nuda ipsa  
 decoris species, vanusque nomi-  
 nis fulgor, cùm regalis ejus fami-  
 liæ sumptus more suo affluens,  
 & belli tempore multò profusior  
 totius conferendæ in militiam pe-  
 cuniæ propè dimidium haustrurus



„ arario sit; qua tempestate inopia pe-  
 „ cuniarum potissimum laboramus. At  
 „ belli prosperitas quam infida, quam  
 „ lubrica, quam inconstans, fo-  
 „ lum præcipue si in bello gerendo  
 „ vertatur, cum sapissimè acciderit,  
 „ quæ valdè propitia, & amica in uno  
 „ loco fortuna peregerit, mox iratam  
 „ in alio disjicere; militarem autem  
 „ experientiam longè minorem ego  
 „ in Joanne conspicio, quam in His-  
 „ pania Ducibus multis, qui tum an-  
 „ nis, tum stipendiis emeriti plures vi-  
 „ ctorias enumerant, & luculentas cor-  
 „ poris cicatrices ostentant. Cæterum  
 „ hæc ornamenta, ac decora sive ge-  
 „ neris, sive gratiæ, sive fortunæ ac vir-  
 „ tutis licet amplissima, ac simul com-  
 „ plexa utcumque rutilent in Joanne,  
 „ si fidei simul æquiparentur, quæ  
 „ tanti non est, quanti esse in hoc ju-  
 „ vene debet, & quæ prima censetur  
 „ habenda ratio in summi Ducis ele-  
 „ ctione, personis simul, ac meritis  
 „ comparatis, hæc una prudentium  
 „ nonne omnium judicio in bonorum  
 „ collatione pro eligendo exercitus Du-  
 „ ce propendet? Sapientissimè Rex non  
 „ id temporis tecum agitur utrùm Italiæ  
 „ Joannem an Belgio, an forsitan Cata-  
 „ launiæ cum armis imponere liceat; at  
 „ regno Lusitano circum Imperii sedē,  
 „ Castellæ supra cervices, in regiminis  
 „ caput, ac mentem, tua dum affecta,  
 „ Rex, ætas & imbecillima valetudo, &  
 „ infantia Hispani Principis penè in  
 „ cunabulis vagientis, & res novæ, &  
 „ his improbi homines incubantes in-  
 „ numeras ferè incauto juveni possunt  
 „ circumfundere insidias. Propè æternæ  
 „ fratrum discordiæ sunt, acriores re-  
 „ gios inter fratres, at inter legitimos,  
 „ atque nothos acerrimæ; major pars  
 „ potentior sequitur, at potentia in  
 „ gladii acie, atque robore sita est. Po-  
 „ stremò duo apud omnes homines  
 „ sunt ingentium agendarum incita-

menta rerum, spes, scilicet & cupido, “  
 hæc ubi potest suo impetu ruit, spes illi “  
 comes pericula minuit; cupiditas igi- “  
 tur naturalis imperii cum inhiberi po- “  
 tius ad tempus, quam velli in homine “  
 possit, talique in Joanne cohæreat, si “  
 deniq; spes per arma excitatrix accē- “  
 ferit, metuendum est certè nobis, ne “  
 in tantum periculi hunc juvenem tan- “  
 dem armorum causa conjiciamus, ut “  
 inter fortunæ, atq; blanditias, & “  
 factionum irritamenta minùs ipse im- “  
 posterum sciat ob conceptam animo “  
 spem suis cupiditatibus temperare. “  
 Nec porro quæ hucusque de Joannis “  
 ingenio, morib;que comperimus, “  
 hujusmodi sunt, quæ extinguere om- “  
 ninò has interjectas suspiciones, & fu- “  
 turorum malorum semina valeant. “  
 Cæterum, qui invitus in pericula in- “  
 currit, is ut prudens, fortisq; vir, qui “  
 verò gratis, ut stultus concidit. “

Contra hanc Castrillii sententiam ita  
 ferè Turrianæ Medinæ Dux subinde  
 locutus est.

Equidem arbitror armorum in Lu- “  
 sitaniam imperium ex Belgio, ex Ita- “  
 lia, atque Hispania omnibus conqui- “  
 sitis, Ducibusque collatis, plusquam “  
 regium juvenem istum decere nemi- “  
 nem. Fateor etiam, & suis virtutibus, “  
 & privatis aliis officiis esse mihi in pri- “  
 mis obstrictum, & carissimum homi- “  
 nem, nec propterea suspicio tangit “  
 meum de Joanne suffragium speciem “  
 officii esse habiturum in causa potiùs, “  
 quàm vim sententiæ. Adeò enim re- “  
 dundant, ac mirificè nitent in hoc ju- “  
 vene merita animique pignora sin- “  
 gularia, ut ea invidi magis quisquam “  
 non admirando, quàm assentatoris “  
 laudando notam vereri meritò de- “  
 beat. Longè quidem diversa Regis “  
 Hispaniæ filiis, qui nothi sunt, da- “  
 ta conditio est. Nonnulli eorum fi- “  
 lii Regis palam enunciati ad sum- “  
 mum splendoris, atque auctoritatis “

„ apicem evehuntur; alii occulti, at-  
 „ que in caligine propè positi inter  
 „ squalorem, egestatisque sordes igno-  
 „ bilem vitam trahunt, idque imi,  
 „ summique gradus discrimen, & splen-  
 „ doris, ac vitæ sordium in hominibus  
 „ regio ab eodem fluentibus stipite Re-  
 „ gis tantummodò nutus ex more sta-  
 „ tuit. Placuit tamen multis Hispanis,  
 „ & optimis Regibus horum nonnul-  
 „ los prodere in lucem, regisque titu-  
 „ lis illustrare, inter quos Carolus Quin-  
 „ tus vir planè magnus, summisque  
 „ Imperatoribus æmulus testamento  
 „ decretum Philippo secundo filio reli-  
 „ quit, ut alium Joannem, & excelsum  
 „ quoque indole juvenem manifesta-  
 „ ret, eoque seu pacis, seu belli ministro  
 „ pro curis publicis uteretur. Plurimo-  
 „ rum igitur Regum, & maximè erecta,  
 „ ampliorisque dominii capax Caroli  
 „ Quinti mens intellexit, utiles esse rei-  
 „ publicæ nothos, præsertim, ut ali-  
 „ quam ejus partem sive armis, sive  
 „ consiliis moderandam assumerent;  
 „ nec illis profectò Regibus juverit tam  
 „ facile nos dissentire, à quibus hoc  
 „ partum, auctum, ac stabilitum Impe-  
 „ rium, & pro eo temperando jus, in-  
 „ stituta, ac disciplinam accepimus.  
 „ Quarere modò superest, an iis im-  
 „ butus Joannes moribus sit, iis studiis  
 „ afflatus, ea constanti virtute prædi-  
 „ tus, ut omni metu secluso, reddere fi-  
 „ dem commodè possit, quàm per arma  
 „ administranda suscepit, an veriùs  
 „ in eo quod scitè consultum à priscis  
 „ Regibus est, extra ordinè aliquid sit,  
 „ quod in hoc juvene offendant. Præter-  
 „ missis raucis jam factis illis rumoribus  
 „ vulgi, qui æquè bonos, ac malos  
 „ allatrare loquaciter solet, eosque con-  
 „ temnere maximè debet Princeps, ne  
 „ varietate, fluxuque tot discrepantium  
 „ omninò sermonum, & fabularum in  
 „ modum arundinis volutetur, nobis  
 „ pro certo compertum est ad Joan-

nem in Italia cum armorum imperio  
 agentem missas à Cardinali Mazari-  
 no totius Galliæ ea tempestate recto-  
 re litteras, quibus de Neapolis, atque  
 Siciliae intervendo regno adoles-  
 centem erudiebat, certum idcirco  
 atque stabile, ubi res poposcisset,  
 Galli Regis patrociniū affirmans,  
 quippè cujus intererat binis spoliatum  
 opulentissimis regnis æmulum Regem  
 debilitare, atque ita sensim retexere  
 Imperium. Aderat tunc Austriaco  
 populi favor, ætatis illecebra, generis  
 altitudo, conspiratio quoque nobili-  
 lium ipsum Regem desiderantium,  
 omnia prona, atque undique tuta for-  
 tē regnum affectanti, nihilominus  
 adolescens execratus perfidiæ præ-  
 mium, magicisque assentantium vo-  
 cibus surdus ad Regem patrem semi-  
 laceram jecit Cardinalis epistolam.  
 Quæ ergo modo cohæreat, ut qui in re  
 facili, & obvia idem contempserit  
 regnum, jam ad illud in arduo, atque  
 lubrico valdè positum rapiatur, aut  
 qui minor ætate his circumfusus insi-  
 diis sibi imperare, se cogere, animi-  
 que cupidines frangere sciverit, idip-  
 sum facere nesciat jam adultus, &  
 post multa, atque magna integritatis,  
 & fidei nobis præbita documenta?  
 tempus ne ratio, ætas, rerumque usus  
 contrahere, aut mutare, non augere,  
 aut firmare virtutem solent? an adeò  
 imbecilla virtutis vis, aut insulsa at-  
 que mollis veræ gloriæ voluptas est,  
 ut quæ diu caperit, atque incederit  
 hominem tam facile avelli è suis com-  
 plexibus patiat. Nulla itaque inter  
 homines bonitas, nulla fides, nullum  
 quanquam spectatum ignibus valet  
 aurum, omnia in deterius labentis  
 nefarii seculi cursus abstraxerit. Car-  
 olus Quintus cujus dicta sequi, cu-  
 jus facta imitari nostra melior doctri-  
 na est, cum Dux Calabriae diuturno  
 carcere afflictus per seditiosos, ac tur-  
 bidos



„bidos cives oblatum sibi Castellæ  
„regnum constantissimè tenuisset,  
„illum ideò è custodia statim emissum  
„Valentiæ regno proregem imposuit,  
„tantùmque apud Cæsarem modera-  
„tionis illud exemplum valuit, ut dig-  
„num eundem existimaret, qui vin-  
„culis nuper solutus regiminis fasces  
„acciperet, atque è fœda translatus cu-  
„stodia florentissimi regni custos effi-  
„ceretur. At verò Joanni, cùm ei quo-  
„que semel ab hoste, sapiùs à falsis  
„amicis proposito regno, obsequium  
„in Regem, fidèsq̃ue sterisset, nulla  
„inusta præterea sit, quàm redimeret  
„ignominia, nullum ut Duci Cala-  
„briæ sublatum, quod repeteret reg-  
„num, sed amplis, ac perpetuis hono-  
„ribus uso cùm non secunda fortuna,  
„non fragilis ætas, non dulcia venena,  
„assentantium ingenium, aut mores  
„labefactassent, cur hoc clariori cum  
„aquitatis, atque modestiæ argumen-  
„to fidem improbabilimus in Joanne,  
„quàm in Duce Calabriæ cum minori  
„probavit Cæsar? aut cur Hispanum  
„hoc tempore Imperium, cum tanta,  
„quæ in Lusitaniam inclinât, mole  
„belli concussum, atque in magnam  
„expectationem erectum sit, tum etiam  
„tanto apparatusi parem, ac summum  
„eligeret Ducem expediat, nos juvenē  
„istum in quodam secessu otiosum, ac  
„desidem, animique propè situ tor-  
„pentem passuri sumus? an parum aut  
„nihil fortassè refert, præstantiorem,  
„ac meliorem armis præficere Ducem?  
„Militiæ quidem magistri alii tanti esse  
„exercitum quanti ejus Imperatorem  
„existimant, quidam spei plus in Du-  
„ce, quàm in militibus ponunt. Hu-  
„jus enim corporis militaris, quod in  
„perniciæ totum, & ira atque impetu  
„est, mens motrix, rectrixque Dux  
„est, corpusque rectè vel secus se mo-  
„vet, ut est ab anima afflatum, ac  
„ductum. Porro autem in optimo

Duce scientia bellica, virtus, fortu-  
na, prudentia, auctoritas requirun-  
tur. At hæc omnia conjunctim adeò  
præclare, adeò eximiè eminent in  
Joanne, ut in Europæ luce, atque  
oculis Italiæ, Hispaniæ, atque Belgii  
eò usque propemodum senescentem  
Hispani nominis reviviscere gloriam  
effecerit, ut nisi hebetior in suo nego-  
tio, suique nimia fiducia tumidus,  
nemo ex Hispanis Ducibus esse possit  
qui in hisce bellicis notis, insignibús-  
que primas huic juveni non concess-  
erit. Vel de imperii militaris auctori-  
tate, cuinam verè liceat cum Joan-  
ne contendere, cùm ipsi auctoritas  
honorisq̃ue fastigium, ac species è  
regii sanguinis spuma, ac rubedine  
furgat? Credo equidem huc præfer-  
tim Hispanos spectasse Reges cùm  
filios illegitimos extulerunt, ut essent  
scilicet, qui fulgentes decore, ac stem-  
mate regio gloriæ fulgorem adde-  
rent armis, essetque gratia, & aucto-  
ritas tam aspero ministerio ex digni-  
tate quoque capitis accersita, inde  
enim alacritas, inde spes major emer-  
git in militem, inde pudor, obse-  
quium, & amor suavia non minùs,  
quàm fortia in bello, & in pace re-  
giminis vincula, oriuntur in Ducem.  
Neque hucusque te Rex aliquando  
pœnituit, toties Joannem scenæ  
ostendisse, copiisq̃ue ingentibus Prin-  
cipem designasse, cùm per eas egre-  
gias animi dotes, quas regii splen-  
doris decus amplificat, fregerit il-  
le persæpè Gallos in Belgio, Cata-  
launos attriverit, Portolongonem  
subjecerit, utramque Siciliam intesti-  
nis discordiis tumultuantem pacave-  
rit, & hunc modò juvenem animo  
erecta contueatur Hispania tanquam  
fatalem hujus belli novissimi Ducem.  
Ne tibi præterea Rex persuadeas, si  
fato datum est, subigere Lusitaniam,  
eam esse tibi oppidatim subjicien-

„dam, aspera multa poterit armorum  
 „prosternere vis, alia fama, perque  
 „ostentatas ubique vires latè diffusa  
 „clades, terrorque belli; clementia  
 „fortassè quædam, ac Ducis inclytum  
 „nomen, ac dignitas vicerit. Cate-  
 „rùm si Lusitanique quandoque per-  
 „fringi duries poterit, fastusque per  
 „arma contundi, cuiam se ille mi-  
 „nori negotio dederit, quàm tanto  
 „Duci? si mollescere gentis odia, cui  
 „facilius quàm Regis filio, si arridere  
 „fortuna, cui probabilius, quàm to-  
 „ties expertæ felicitatis juveni? At  
 „enim pericula undique circumstant  
 „ex ambitionis affectu præcipiti, ex  
 „causa vergentis tuæ, filiique tenerri-  
 „mæ ætatis, ex hominum turbulento-  
 „rum insidiis, ne fortè, quæ ipse Joan-  
 „nes arma suscepturus in hostem esset,  
 „mutato subinde consilio, in rempu-  
 „blicam verteret. Nimirum pericu-  
 „la sunt, quæ à longè minantur, plus-  
 „que horroris, atque formidinis à no-  
 „stræ mentis angustiis, animique præ-  
 „celeri fuga quàm à re ipsa proposi-  
 „ta capiunt, alia instantia pericula, &  
 „proxima sunt. Dum ergo nos quid-  
 „quam consilio, manûve tractamus,  
 „si latius, quàm opus est intellectio-  
 „nis alis explicitis procul hæc visa, vel ficta  
 „periculorum machina terreat, tunc  
 „propriis consiliis implicitis nobis ac  
 „perturbatis nihil agere, nihil moliri, ni-  
 „hil cogitatione, aut ratione consequi  
 „posse dabitur, plena erunt omnia  
 „scrupulorum, & retium, plena ca-  
 „liginis; uno quoque errare vestigio,  
 „atque offendere gradu necesse fue-  
 „rit. Ad hæc moralia præcepta, ar-  
 „tisque Politicæ dogmata non æqua  
 „ratione, atque ordine singulis viris,  
 „ac locis accommodantur, alia tem-  
 „perat opportunitas, alia inflectit in  
 „alio exuperantia virtutis, aut vitii;  
 „alia minuit, alia addit, alia tollit, mo-  
 „rum diversitas, temporisque vicissitu-

do. Dux, & rerum omnium magistra  
 „experientia profectò est, quam ubi  
 „de obsequio, fide; meritòque Joan-  
 „nis tandiù, & tot casibus compro-  
 „batam habemus, nec ullum præter-  
 „eà esse illi Ducem aut dignitate, aut  
 „fortuna, aut rerum gestarum glo-  
 „ria, aut disciplina militiæ parem, si  
 „qua hoc tempore spes interluceat  
 „Lusitanæ receptionis, hanc quidem  
 „à Joannis duntaxat felicitate, ac  
 „ministerio pendere cenfeo; plus-  
 „que etiam in bello periculi objici  
 „nobis à Lusitanis, hoc seposito juve-  
 „ne, quàm ab hoc juvene Lusitanis  
 „opposito.

His sententiis à Turrianæ Medinæ  
 Duce, & Comite Castrillio, quia ipsi  
 inter se studiorumque diversitate pug-  
 nabant, expositis, quanquam altera  
 spe, consilio altera niteretur, elanguit  
 tamen Castrillii sententia, quippè quæ  
 vim ipsa ducere videbatur fluida ab  
 ætate, ac valetudine Regis infirma. Est  
 enim hæc mentio Regum auribus gra-  
 vior, & odiosa valdè memoria, qui  
 nimium sibi de vitæ longitudine in-  
 dulgent, cùmque immensa, atque æter-  
 na volutant animo, ferè immortales  
 credi ab hominibus volunt. Suffra-  
 gium idcirco Medinæ Ducis obtinuit,  
 ut arma, quæ in Lusitaniam compara-  
 bantur, Joanni Austriaco commenda-  
 rentur; utque ministrorum ejus pe-  
 ritia, virtusque tanto digna Principe ac-  
 cederet, Gubernator armorum secun-  
 do loco Dux Sangermanensis renun-  
 ciatur; summus deinde castrorum Præ-  
 fectus Aloisius Podericus, Magister  
 equitum Didacus Cavallerus, Tor-  
 mentorum Præses Gaspar Cueva de-  
 lecti sunt. Centurionum, ac Tribu-  
 norum militum turba ex emeritis, ac  
 longiora stipendia restantibus ducta  
 est. Omnino milites ad tredecim mil-  
 lia pedites erant, equites supra sex  
 mille, flore, ac robore meliores quàm  
 numero



numero milites , ac veteranae plerisque militiae , quos belli nervos Infubria , atque Belgium jam pace tranquilla , atque tuta ad Hispaniam transfugerant. Badacocii belli hujus veteris sedis arma , commeatus , copia , ac reliqua necessaria collecta sunt. Inde postremo satis instructus , Duce Joanne , movet exercitus ; & Campomajorem initio petere visus , summa oppidanos , qui illius vestigia observabant , formidine affecit : raptim ergo ducere fossas , construere aggerem , nova alia munimenta moliri , sed averso tandem itinere copia , lentiusque progredientes Origuelam repente invadunt. Hanc cum infirma , ac munimine debilis esset & improvisò quoque deprehensa facile capiunt , ac statim excindunt , eodem impetu quoque deleta quae adjacebat oppido , arce. Inde Artoncium aggrediuntur. Frequens hoc patet habitatoribus oppidum , Allegrette flumine alluitur , per vetustae , ac semelae ferè compaginis eo tempore muros habebat ; & arcem. Omnia praeterea & murorum structura , & armorum , & hominum erant parum munita praesidiis , atque ita Lusitani imprudentia , atque incuria neglecta , ut illo oppido tandem capto , sitiusque utilitate perspecta , peritus quidam militiae dixerit , nec quid amiserint Lusitani , nec quid ceperint Castellenses , satis utrosque adhuc habere compertum. Detrahebant enim nonnulli postea Joanni , quod tantum armorum , speisque conceptae molem , ac vim in ignobile , ac propè patens municipium exonerasset. Verum tamen si hoc oppidum cecidisset , facilis inde Castellensibus aditus , eoque tutus aliquando futurus receptus esset ad interiora cum armis ingredientibus regni : foecundus , amoenus praeterea , & manantibus passim aquis irriguus illius agri tractus extenditur , simul arva , iis-

que interjecti saltus , ingensque in spatium porrectae arboribus silvae in arida illa , ac perusta solibus regione , & pecoribus pabulo , & levamento militibus erant. Hoc oppido tandem per arma recepto Campomajor , & Elvus majora quidem propugnacula regni ferè interclusa jacebant. His porro de causis Austriacus impulsus Artoncium infestus adoritur ob militum copiam , & robur hostisque impotentiam cadere municipium primo impetu posse ratus. Statim igitur belli tormenta , muralisque machinae expediuntur , ignium violentia concussa , frustatim concidunt moenia , terret fragor , urget impetus , funera premunt , spatioque septem horarum omni bello apparatu nunquam cessando vehementer percutitur oppidum , adeoque ferreo instrumento , contorum ictibus , pilis jam cominus subruentium , jam eminens verberantium praeliaris calor effervuit , ut per moenium tandem ruinas congestisque faxorum moles opportunus jam fieret incursum militibus aditus. Caterum eo referta terrore , conceptisque gravida minis praeregii Ducis , & veterani exercitus robore , & gloria exercitus fama percurrerat , ut primo quoque impetu potuisset majoris momenti oppidum expugnare. Igitur eo tenui quanquam praesidio , eo situ loci , illa incolarum frequentia , & si diutius Lusitano militi licuisset hostilem vim sustinere , praesenti tamen periculo territus , & majori etiam formidine consternatus fortunas , & vitam integras pactus Joanni se propere addixit. Eo ipso itaque die quo oppugnare ceperat oppidum victor illud Castellensis ingressus est , cunctique oppidani ob saeva , atque vetera in imperium Castellae odia secum bonis raptim convectorum ad interiorem Lusitaniam migrarunt. Joannes Austriacus situs ibi habitum contemplatus , simul amenita

amœnitatem ; & ubertatem loci ac si progredi oportuisset , longioris itineris usum , muniti contestim arcem , & oppidum iussit , eoque ad regii propugnaculi formam largo sumptu , & opere egregio quamprimum redacto , solidoque relicto præsidio , postquam ferro , atque igni , & opulenta contracta præda hostium propinquam regionem vastavit , Dux Badacocium copias reduxit . Post hæc acta Lusitanus seu Arroncii oppidi amissione , seu quasi dedecore stimulatus in rem temerariam intendere visus , cum sexdecim scilicet solutis equitum turnis Badacocii usque ad pontem allabi , ibique insolenter est ausus vim ipse magnam laceßere hostium , qui in promptu , in hospitiiis , in numerosis stationibus aderant . Fuit Lusitanorum horum equitum Ductor Comes Scombergius à Galli Regis clientibus vir , & laude bellica insignis . Hunc cum numero tam exiguo juxta Principem urbem , & sub exercitus pene oculis vagantem , insultantemque conspicatus esset Austriacus , ira simul , ac pondere commotus statim Paceccum Legatum equitum hostibus occurrurum emisit . Initio admodum pauci , quod tumultuarius , ac præceps primus eorum esset incursum Legatum secuti sunt , mox dum alius , & post alius , ac seriùs omninò miles accurrit cum jam Paceccus debili manu progressus esset , ac longè dispar cum hoste certamen conferuisset , nec ideò sanguinis minùs hausisset quàm profudisset , tandem numero circumventus , ac pila transfixus occubuit . Cæteros etiam commilitones , ac Duces , qui primo se occursui cum illo temerè objecerant ejusdem conflictus iniquitas abstulit . Interim ad sociorum , qui in tantum projecti discrimen erant , subsidium Castellæ milites confluentes , à tergo , & à fronte , quia multitudine supera-

bant , in Lusitanos incurrunt , simul hastati milites circumfusi equos prote-runt , equitèsq; nec se volvere in orbem hostes , nec præliari , nec fugere pariuntur , & eoufque constrictos sese Lusitani sensere , ut libertas , aut tergum , aut jugulum dandum hostibus esset ; ac totam denique Castellensibus , ac totam hostium concludentibus aciem , eorum magna pars cæsa , alia ipsaque longè minor per tumultum , & fugam elapsa est , faucii , captique multi in Castellensium potestatem venire . Rem tamen istam pulcherrimè gestam Legati interitus deformavit , cum Dux ille impiger esset , & tum generis , tum virtutis splendore clarus . Dum mutuò se hostes casu , aut consilio levibus hisce præliis exerceant , Joannes Austriacus cum admonitus esset crebriores circa Alconcellum irruptiones agere Lusitanum , & per eos Vectonum quoque Provinciam , prædatoribus latè incurfantibus , cæde , & rapinis reddere maxime infestam , multos præterea oppidanos quòd in solo Castellæ esset locus , illique per arma sub belli initium abreptus , vehementer desiderare ad Regis obsequium redire , is & finitimorum calamitate perculsus , & incolarum fretus ingenio ad hoc municipium recuperandum animum advertit . Illuc itaque Didacum Cavallerum magistrum equitum majori cum parte exercitus misit . Ipse Joannes propè Alconcellum substitit hinc auctoritate , & consilio , additoque militibus animo rei susceptæ calorem ministraturus . Anx propinquum jacet hoc oppidum ; arx idem tegit , & integra mœnia , vallumque postea quàm enim in Lusitani ditionem concesserat , hic strenuè pro sitis utilitate munierat . Segniùs in primis loci oppugnatio ex composito à cæpta Castellensibus est quòd minùs scilicet fragor armorum , oppidique



oppidique restrictio ad maturandas illi suppetias Lusitanos sollicitaret, utque intus interea satis daretur conficiis municipibus loci prodicionem conficiendi. Laxius igitur ideo cum se Alconcelli haberet obsidio, & quasi per otium ibi terere tempus acies hostica videretur, susurrus initio quidam, inde fremitus, postea scissio inter patria, affectuque diversos, dissidentesque municipes orta, quæ studia partium, fomenta tumultus, & dissimulatos hætenus animos aperiebant, aliorum ad Castellenses, aliorum ad Lusitanos rem altercando trahentium; fallaciter etiam in vulgus horum nonnulli causam prætexendo jactabant; comploratam jam esse salutem oppidi; dedendi se moras crudelius victoris acuere gladios, incendere iras; pacto, & concordia, ne mox cruore municipium inundet, redimendam salutem ab hostibus esse. Hac mali domestici labe quotidie magis ingravescente, simul externis comminationibus hostium perterritus oppidi Præses, meliori conditione, qua potuit cum Austriaco paciscitur. Inde quo pacto convenerat, ipse cum plerisque oppidanis, cunctisque militibus oppido cedit, frumenti armorumque magna intus relicta copia. Eò statim Joannes ingreditur, arcem, oppidumque restaurat, præsidio imposito munit. Tribus sic oppidis, interlabente vere à Castellensibus occupatis, atque ad stativa subinde traducto milite, acia deinde per æstum, & otia dissidia Italæ, Hispanisque de ordine, & loco, qui cuique eorum in exercitu debebatur, militibus incessere. Eò enim processerat aliquorum Hispanorum vanitas, atque fastus, ut Itali, qui primi, aut inter primos in periculis, in laboribus semper erant, simul Romani, atque Italici quondam Imperii augusta origine nobiles, hæredesque bellicæ disciplinæ à prima, at-

que ultima acie quod honori apud milites ducitur, à quibusdam Hispanis summoventur. His supercilium accesserat, & superbia, tumorque verborum, quo militaris iste gradus honoris Italæ negabatur, adeò, ut fessa, exhaustæque ipsi gloriose militiæ fructus in contumeliam, ac dedecus verteretur. Aegrè id ac molestè, ut par erat, Duces Itali sentientes, primò verbis obstrepere, egregia sua quisque facta, ac diuturna stipendia loqui, belli decora, & adverso corpore exceptas ostendere cicatrices; æquitatem, jus, consuetudinem, præmia virtutis, aut stimulos in causæ patrocinium obtinere. Postquam id irritum fuit, cum inter illas dissensiones Austriacus multas per ambages, inanisque verborum illecebras velle subdolè videretur Italorum effugere odia, re verò ipsa gratiæ, ac desiderio Hispanorum nihil omnino detrahère. Itali porro Duces qui ejusdem flos erant, nervusque militiæ projectis honoris insignibus omnes sese belli muneribus abdicarunt. Hæc Joannes statim per litteras Regi Catholico nunciat; res ingentibus curis in Status Consilio discutitur, jactatus enim hujusce teli eo tempore, eo loco sive æmulatione, sive odio corrupto animo intentus, rerum summam petere videbatur, cum homines usu militiæ, corporibus, numero, animisque vigentes, vel opus esset cum ignominia dimittere, vel cum stomacho retinere, aut si mos gerendus Italæ esset, Hispanos exacerbare; tandem in Senatu convenit, ut Burgundicus Italopes in acie concederetur, quo promiscuo scilicet gradu Itali cum Hispanis alternantes honorem primam interdum exercitus frontem tenerent, simul, quæ regia in exercitu cohors dicebatur, quæque superbo inter milites titulo eas seditionum, nationumque præcipuè inflammaverat facies, continuò

continuo dissolveretur. Hoc Catholici Regis edicto, quo tempore oppressa, atque extincta militaris illa discordia reputabatur, atrocius subinde recruduit, cum percussis vehementer Italis, nedum injuria, sed fraudibus etiam, atque ludibrio per verborum ambages, fallacisque sensus circuitus peti, gratia in querelam, & odium conversa est. Nam Regis Hispanis cavillantibus verba militibus, eorumque libidini summo etiam Duce, sensibusque retortis regii decreti sententiam accommodante, ferè nunquam ex voto Italogorum, aut mente prolata Regis eveniebat, ut in praesidiis, in vigilibus permutandis, in militari expeditione ea ipsa haberetur cum Italicis ratio, quae extremam, aut primam repetentibus aciem conveniebat. Ergo repente secessio, & propè vis in exercitu Italogorum militum facta, Ducisque rursus abjectis militiae officiis, atque insignibus fractis, vel missionem, vel in ea controversia modum cum clamore, atque strepitu postulabant. Ex Ducibus facile quidem exemplo fusa contagio pervaserat omnes nationis Italicae milites. Itaque illis tumultuantibus, cum undique concursatio, ac discessio, & circuli passim, & hominum catus, & turbulenta consilia commiscerentur, eò res pertinacius intenta, & palam exulcerata processit ut ipsa protinus eruptura, vel dirimenda sanguine videretur, vel contumacia, vel fuga militum Italogorum. In tanta rerum confusione, ac tumultu Joannes Duces Italos convocatos asperrimis verbis increpuit, litigiosos illos inquietos, refractarios ingenio, impotentisque natura vocans, qui satis pro acie desiderata, & à Rege libenter concessa de pede Burgundico gratia, jam seditiosè ac turpiter abutentes vices barbarum redderent Regi. Tandem sibi ipsi consulerent, nec amplius furere pergerent, vulgi ne fortè militaris insa-

niam, ea, quae dederint causam, supplicio capita solverent. Ad ea verò pro Italica natione ad hunc ferè modum respondit Emanuel Carafa Tribunus militum filius nothus Nuceriae Ducis.

Falsò quidem Hispanos inter milites voce, ac strepitibus agitari, quod ex Carolo Quinto Caesare repetita hucusque memoria primam Itali nunquam tenuerint pro certaminis loco aciem. Id enim refelli satis superque posse litterarum monumentis amplissimis, & ubi maximè legitur Marchionem quondam Piscarium Ceresolem versus ad praelium tendentem in fronte exercitus qui ex Hispanis simul, & Italis constaretur, Italos milites collocasse. Eundem quoque gradum, & ordinis locum à Carolo Quinto Imperatore fuisse Italis attributum, cum primam expeditionem fecisset adversus Saxonium Ducem, & Lantgravium Principem Hesseum. Recentioris memoriae super hac argumento, cum Albertus Princeps Austriacus, Philippo secundo Rege adversus Gallorum copias Amienti suppetias ferret, tunc ex Hispanis, Italicisque mistis esse primam expletam aciem frontemque confectam. Hos incorruptos, & ab antiquis excitatos annalibus testes falsitatis, animique livoris coarguere eos, qui à Caroli Quinti tempore negant hucusque dignos Italos extitisse, quos haec loci, ordinisque prerogativa inter arma condecoraret: alia etiam multa, & similia huic Italicae causae propitia succurrere exempla, & typis, & posterorum memoriae tradita, nec aliunde profectò constare, qua scilicet ratione aucta deinceps sint merita Hispanis, atque Italis imminuta, quid interjectum hoc tempus abstulerit Italis, quid Hispanis adjunxerit; aut quid amplius



„ ampliùs utilitatis five decoris Hispa-  
 „ ni sibi deprecant ex hac inflicta Italìs  
 „ ignominia, quocirca immutato more  
 „ majorum, indefesse vigilie, æstus,  
 „ inædiæ, alioris perperessio, & frequens  
 „ cum morte luctatio, & omninò ingra-  
 „ tus militiæ fructus in contumeliam  
 „ desinat. Nimirum quia Hispani vel  
 „ titulo gentis imperatricis, vel quia in  
 „ terra eorum geritur res, seu usu abu-  
 „ sive temporibus confirmato primum  
 „ militiæ ordinem cupiant, verecundè,  
 „ ac modestè decedere Italos, eis que  
 „ primas concedere: at ita velle con-  
 „ temnere Italos, ut primò in acie sub-  
 „ lato loco, etiam secundò depellant,  
 „ & aliarum post alias injuriarum inci-  
 „ tamento obstinatius certando conen-  
 „ tur Hispani, absque existimatione,  
 „ absque certo, & honorifico loco vi-  
 „ ros Italos casu, & gregatim more ar-  
 „ mentorum concurrere ad prælium,  
 „ cumque sub Italico genito hoc tolera-  
 „ bile fore? aut cur hanc publicam con-  
 „ tumeliã, hoc tantum militiæ dehone-  
 „ stamentum Italico nomini, ac merito  
 „ convenire? originisne ratione? cujus  
 „ vetus, ac terrarum per orbem amplif-  
 „ mum, nunc autem velut in partes dis-  
 „ sectum Imperium tot varia, tot spa-  
 „ tiosa, ac florida regna constituat.  
 „ An torpore, aut genere quodam  
 „ ignaviæ illis hominibus insito? cum  
 „ ferè inermis Italia, ac subdola pa-  
 „ ce luxurians quàm inclytos Regi,  
 „ ac Cæsari Duces, quàm validas le-  
 „ giones, quàm impigros milites mit-  
 „ tat, neminem lateat; an præfenti-  
 „ bus potiùs ob pœnam infamiæ, ac  
 „ jure iniustam Italiæ militibus notam?  
 „ quorum plerique meliori corporis  
 „ parte defecti per laceros artus, ac  
 „ mutila membra, & variegata cic-  
 „ tricibus corpora rerum in bello ge-  
 „ starum gloriam magnificè osten-  
 „ tant. In virum profectò bonum ob-  
 „ noxio sibi honore carentem quam-

dam segnitiam, & virtutis quasi fasti-  
 dium obrepere; at præmii loco virtu-  
 ti, ac labori redditam contumeliam  
 patientiæ frænòs abrumpere, & quod  
 domi, & in otio convicio, & querelis  
 exagitur, hoc inter acies, & arma  
 cruore, atque cadibus definiri. His ar-  
 gumentis impulsos paulò ante humi-  
 les se per Joannem ad Regem misisse  
 preces pro Italici nominis dignitate,  
 pro jure causæ, pro merito militum  
 hujusmodi injuriam, ac dedecus de-  
 precantes, inde Regis manasse decre-  
 tum de pede Burgundico Italìs in ag-  
 minibus assignato, quod læto animo  
 ab Italìs primùm admissum nihil ibi  
 subesse fraudis, ex more suo fingen-  
 tibus ceteros, ratis, postquam fluere  
 & corrumpi illa falsa læticia cœpit,  
 haud secus quàm antea fuerat, hæren-  
 te in Italìs ignominia suo nempe loco  
 suo honore in acie permissio per ver-  
 borum ambigua, & fallaciæ ambitus  
 exturbatis, cum gravior ideò reci-  
 deret ex nova irrisione querela, acrior-  
 que ex inani concepto gaudio repen-  
 tē dejecti animi dolor assurgeret, tunc  
 enixius efflagitare, ut sibi honestus,  
 ac certus, jam integro Regis decreto,  
 in acie locus præscriberetur. Huic  
 stabili, & firmæ mutandæ modo sen-  
 tentiæ nec preces, nec minas, nec om-  
 nium congestas terrorum imagines  
 adversus Italos suffecturas. Decenter  
 hæc arma tractanda, vel extemplo po-  
 nenda esse, si iusta ipsi petere videan-  
 tur jure suo ufuros, sin autem iniusta,  
 vacuum omninò facturos Hispanis  
 militibus locum, si nihilominus ur-  
 geantur, sciret Austriacus, eadem in  
 primis succisa, ac stillantia sanguine  
 capita, quæ mucronibus toties, & tor-  
 mentorum globis abstulerant impen-  
 detis que quotidie qua ferro, qua flam-  
 ma, & insidiis exitio, honestius, & gra-  
 tius esse tandem pro patria, & honore  
 ipsos Duces immolatu-  
 ros.

Hæc cum audisset Joannes, quam haud parum ei ingrata Carasæ libertas, ac spiritus foret, ex quo mox in custodiam ejusdem imperio conjectus est, Itolorum tamen constantia, & factione simul, quæ majores quotidie vires, ac nervos in exercitu colligebat impulsus, se Regi spondit, suo quoque adjecto suffragio Itolorum preces, & questus expositurum, idque ut promissit, celeriter prastitit. Etenim Rex à Joanne de Itolorum tumultu, ac petitione consultus, ac pariter monitus quantum domestici mali in visceribus inhaereret, quid consilii decoqueretur, quàm rabida, quàm pestifera foret ea inter milites scissio, quæ in bello quoque fegnes exacuit, hujus sententiæ decretum edidit. Regii gradientis exercitus pro certo, ratoque loco extrema Italis acies, cornus in prælio sinister assignaretur, at in lævo ipso cornu, extrema item acie, cum laborarent, egerentque fortè subsidii, ad ea roboranda pro summi Ducis arbitrio citra cuiusque gentis injuriam, aut fraudem fas esset cuiusvis nationis milites collocare; & quanquam verborum iste contextus cavillas, & rimas interpretando querentibus torqueri quoque ac retexi facile potuisset; integrum enim supremo Duci fuisset levi quocumque accersito prætextu, vel causâ in ultimam aciem Hispanos subsidii specie transferre, primumque ibi ordinem occupare; Italis tamen cum honoratus, ac stabilis locus in acie publico Regis edicto præfigeretur, pro tempore placuit Regis imperio acquiescere. Dirempto in hunc modum nationum per Regem litigio, liberiùs exinde Joannes, verum cum appeteret in proximi belli conatum incubuit. Nec minoris utique studii, animique agitatio ad eundem belli apparatus sollicitos, anxiosque Lusitanos habebat; reliquum enim Philippi concordia pacatum Im-

1662.

perium, Austriaci nominis fulgor, terrorque veteranæ militiæ subsidium, ac robur in Lusitaniam planè coactum; nisi totis nervorum intentis viribus contra, summoque labore, & cura procederetur ad debellandum sufficere videbantur. Ad pecuniam igitur, qui est potior in bello nervus, pro ærarii maxima inopia difficile conquirendam licentiùs, severiùsque tributa, magnoque populi fremitu in Lusitanum regnum invecta sunt. His ita ablata, vel ex conflata pecunia subsidii, clientelæ, quam Gallo cum Rege quondam obstrinxerat, quo tutiùs modò Bregantius ab instanti, minacique armorum procella tegeret se, novo etiam vinculo strictiorem Britanni Regis societatem adjunxit; nam ictu cum illo fœderis jus quoque affinitatis adjecit, Catharina Portugallia sorore desponsa Britanno. Hujusmodi nuptiæ post exploratas Austriacæ cum Gallo Rege connubium Londini sancitæ sunt; nam pro antea locanda in matrimonium sorore spes nec exigua ceperat Lusitanum contrahendi affinitatem cum Gallo Rege, novoque sibi pignore additum Regem amicum, & socium habendi, summopere prono ad illam rem Mazarino, cum vulgari fama Bregantius suscipiendæ sobolis minimè potens reputaretur, spēsque regni Lusitani regios post fratres Catharinam attingeret; Austriacæ verò cum Gallo Rege connubio, ac per illud pollicita dote, ea tantum erant proposita Gallis, quæ iidem Hispanis armis erepta tenebant, pax autem per nuptias cum Hispano, Galloque Regibus stabilita, si utriusque regni opes, si ingenia, si cladium jacturæ compararentur, tantum detrimentum Hispaniæ, quantum Galliæ incrementum pro ejus sententia ablatura fuisset. At Cardinalem hæc molientem, inculcantemque Regina mater abstraxit, quæ ut mulier, commu



communisq; amore familiæ magis, quàm studio reipublicæ affecta, collatâ hoc modo per nuptias Philippo jam belli dispendiis exhausto pacem, fratribusq; filiam convinctus, regniq; secum participem exterorum inter fastidia maximè cupiebat. Quapropter excussus illa spe Lusitanus Britannico Regi sororem in matrimonium conjunxit; eisdemq; super ingentem numerandâ pecuniæ vim Tingi etiam situm in Africâ oppidum pro cumulo dotis accepit. Hæc ubi Rex Catholicus intellexit, simul Anglum classe potentem Regem suo, quod habebat in Mauritania dominio, Hispaniæque nimis hærentem metuit, tum hæresi gentem infectam, ne in propinquos effusa lues sui juris, & immunes à labe homines inquinaret, præsertim acerrimus ipse cum fidei Divinæ vindex, non minus ea cura sollicita sibi quàm Numini obnoxia, & ubique partibus tersa sua regna custodiat, postquam multa secum ad hanc arcendam è latere pestem in animo volvit, intercipere municipium instituit, & pulcherrima quoque religionis adjecta causâ quæ inflexibilem alias Rectoris ejus constantiam evincere forsitan potuisset. Clam itaque illi per virum idoneum in Mauritania denunciavit: Esse jam illud oppidum dotalis muneris specie à Bregantio Britanno proditum, ejusque contactu falsâ quamprimùm religionis dogmatibus imbuendum. Pergratam idcirco Numini rem, Præsidique proficuum, & gloriosam quoque futuram, si vindicatum, aut præservatum ab impiis manibus oppidum Regi Catholico, veròque Domino restitueret. Erat per id tempus ejus oppidi Præses Ludovicus Almeida, vir nobilis, animo acer, peritusq; militiæ, qui, hæc cum audisset, averſatus promissa, & blandimenta Regis, ita retulit internuntio. Tingitanum oppidum creditum sibi à Lu-

sitana Regina fuisse, ejusque imperio nutuque immani cuicunque ac barbaræ nationi, cuivis obſcænæ lutulentæque sectæ potiùs quàm Castellensibus traditurum. Sic viro illi libero placuit ulcisci vanam de se perfidiæ ab hoste conceptam spem, ac pariter vetus in Castellam effundere odium, quod tum per attentatæ fidei occasionem magis exarsit. Cæterùm gravior deinde ipsum Almeidam sollicitudo, quanam ratione rei inscium ibidem agentem populum Lusitanum afficeret, ut adversæ prævæque religionis sine tumultu, atque strepitu invisum, ac novum subiret jugum, exagitabat. Arte, aut illecebris initio fortè attentatam, sed irritam rem, asperiores effectu postea futuram, si vi rursus tentanda esset, revelatio quippè cadentis frustra secreti, ac per illam religio populo, quæ hoc volubile affigere monstrum tantummodò valet, incussa firmiores, paratiorésque ibi incolas præstitissent, ut huic ascititiæ, ac propè venundatæ servituti reluctarentur. Ergo ad insidias conversus Præses, dum Odoardus Montacutus Anglicæ classis Præfectus, cui injunctum à Rege Britannico fuerat Tingitanam possessionem suo nomine accipere, jactis ancoris, juxta littus confederat tum ipse oppidanos mistos militibus misit Maurorum agmina persecutum, quæ fortè populabunda agros finitimos excurrabant. Vocat interim Anglum, & milite, & incola ferè vacuum in oppidum introducit, deinde arcem, & mœnia magno illi præsidio firmanda tradit. Redeunt mox à certamine Lusitani læti, cruentique sanguine hostium, quique foris Mauros cæciderant, intus repenti quasi ab hoste occupatas domesticas sedes inveniunt. Inde clamor, ac fremitus hominum ortus, confusæque ploratibus voces mirantium, quærentiumque victi ne ipsi? an illusi? an ita proditi essent? se

modò tanquam mori pro patria, aut configere nescientes, hanc priùs sibi ereptam, quàm oppugnatam aspicere, exuviàsque portantibus hostium cum his ad exilium, aut servitutem approperandum esse. Hunc tumultum, animorùmque jactationem ut sedaret Almeida, eorum primoribus accersitis, Aloisïæ Gufmanæ Bregantii matris, quas adhuc suppresserat, recitat litteras cum mandatis, illud videlicet municipium ad dotis accessionem quàm Anglo ipsa Regi promiserat, dedi. At fraude primò petitis, post armis obsessis nihil reliquum municipibus fuit, quàm manifesta indignatio, & querelarum acerbarum effusio, aut transmigrandum scilicet sibi, aut hæreticis serviendum. Ita oppidum Tingi in Angli ditionem concessit.

Rebus ad Castellam intereà pro belli expeditione compositis cum Badacocio propè diem esset Joannes cum exercitu profecturus, quidam eundem Lusitanus cœnobita convenit. Is palam antea transitus causam esse vulgaverat, velle ejusdem nempè cœnobio quosdam per hostes ablatos armentorum repetere greges. Esse sacras Deoque dicatas res ex jure Divino armorum, & hostium furoris immunes; secus profectò fore, ut illa cruore, ac strage repensà à sacrilegis Numen exigeret. Hæc falsò jactanti fit aditus ad Austriacum, cui remotis subinde arbitris declaravit. Velle Aloisiam Gufmanam, si percommode licuisset, ut tanto sanguini Hispano, tantis cladibus parceretur, in aliquo invicem convenire, pacisquæ honestas, & æquas conditiones componi posse. Quatuor intereà mensium induciæ interposita fide constarent. Audit hæc verba Joannes simul ridentis, simul mirantis in speciem, protinùsque cognovit ancipiti fraude paratum ad se cœnobitam venisse, vel ut ho-

stium res exploraret, vel ut ficta spe pacis iter, infestique exercitus minas averteret, cum alioquin absurdum penitus videretur, instructis, atque alacribus copiis multa spe, multo ardore ad pericula concitatis induciarum, aut pacis eo tempore verbis obstrepere. Respondit igitur cœnobita: se pacem, quàm bellum malle, modò ne pax Regi damnosa, ne turpis sit. Ante omnia igitur, ad eam accipiendam, quam Lusitanus obtulerat, pacem idque tum detrimenti quòd à belli vacatione, tantique exercitus magno labore, sumptuque parati intempestivo otio, atque intercepta propemodum spe relapsurum in Regem esset, refarciendum, tanquam suspensi cum inæquali partium discrimine belli, ac syncerè propositæ pacis Elvum, Jurumeniam, & Campomajorem sibi obfides dari à Lusitano petebat. Ad ea verò nihil hujusmodi sibi à Lusitana Regina commissum cœnobita respondit, nec adeò collapsas res Lusitanas esse, ut salus ipsis per tam cæca, atque abrupta desperatione consilia petenda foret. Nihilominus erat animus cum hoc responso ad Lusitanam Gubernatricem reverti, ac si ita annuisset Austriacus, ad eum paulò post cum his auditis, & aliis acceptis ab illa mandatis se regressurum fuisse. Temerarium Austriaci responsum, & velut joco, & industria illius postulato simile redditum, cum adhuc cœnobita simplicitatem, aut doli stultitiam non correxisset, duriùs idcirco cœnobitam còpellans, minimè, inquit Joannes, imò ad cœnobium rediret, & sacra repperet. Cum hoc derisorio, asperoque responso cum Lusitanus dimissus esset, à Badacocio subinde Castellæ movit exercitus: tredecim ferè millia numero pedites erant, equites ad quinque millia, sed virtus, vetusque militum disciplina longè numerum superabat. Sic suis incedens condensatis ordinibus acies, terrorisque cuiusvis ostentans inter Campomajore,



& Elvum utrique munito maximè loco minitabunda processit. Paulò ante profectionem inconcussa Joanni, & cum primariis priùs etiam excussa sententia Ducibus steterat, ire primùm contra Estremotium, ut prævalidum municipium, loco opportuno situm, & quod viam Ulisipponi tenendæ sterneret, & præclara multa, atque in primis munita præcluderet oppida. Id tamen certi, secretique apud Duces consilii seu temerè proditum, seu hostis suspicione fortassè præreptum movit Comitem Cantagnedæ Lusitani exercitus Ducem, cum omnibus copiis in oppido inclusis se opponere hosti, quarum lacertis, ac viribus cum satis firmus jam staret locus, nimis cruenta, aut diuturna, aut potius inanis futura Castellensibus quidem fuisset ejusdem oppidi aggressio. Idipsum Joannes intelligebat, cumque adoriri Estremotium, quod res difficilis esset, omittit, mutato consilio, versoque in camporum latitudinem impetu prædabundus cum exercitu pervagari, undique auferre, trahere, subvertere omnia, quæ in transitu essent, nec interdium, nec noctu à villarum incendiis, à pagorum ruinis, agrorumque vastitate cessare; si tot fortè cladibus irritatum è septis murorum abducere posset hostem. Hæc Comes Scombergius intuitus, qui supremus apud Lusitanos castrorum Præfectus erat, Cantagnedæ Comitem monuit, ne strenuas illas, atque integras copias in quibus regni eo tempore opes, spes, atque fides omninò constarent, unius constrietas oppidi muris otio torpere, metuque sineret, quando alacer hostis camporum spatiis vastator assultans, vitiòque suo magis, hostisque perspecto metu, quàm viribus turgidus, ut calamitas quædam impunè cuncta pervadere spectaretur; hoc enim nisi suas ipsæ

Dux vel ad ostentationem copias celeriter explicaret, ignavia militibus notam, formidinem cæteris Lusitanis, audaciam, & spem ad alia intentanda ampliorem hostibus allaturum. Opinione sanè procedere bella, atque inter pares, & impares opes ludibundam plerumque fortunam ludere; certum hoc præfens Lusitanis inflictum, nec porro modicum detrimentum videri ex timoris opinione collecta, quid deinde, si copias educeret, fortuna statueret, in incerto judicii, exitusque versari. Perculit hoc Lusitanum egregii monitum Ducis, cumque ipse in dubio paulisper fuisset, teneret-ne in summo discrimine pendens magni momenti oppidum, an foras egressus pugna se instructum ostenderet hosti, postquam hinc, & inde, ut fieri plerumque in rebus asperrimis solet, variæ difficultates obversabantur, egredi ab oppido tandem constituit, ejusque proximè latus locare castra, ita commodum esse ratus, nec relinquere municipium nec ab hostibus frontem avertere. Hoc quidem consilio ab Estremotio digresso Duce, castrisque propè locatis, satisque munitis; ubi videt Austriacus jam Estremotii ut fortius ab hoste muniti, propugnatique arduam vel irritam sibi oppugnationem futuram, simul præstitis passim populationibus fessus viam inde flexit, atque aliam arripere simulavit, quæ Ulisipponem rectà conducit; rumorque percrebuit ad urbem Principem oppugnandam vim omnem belli conversam esse. Porro tum festis, inconditisque clamoribus, plausibusque ut inanis, ac summe levis ingenio vulgus militum est, ea Ulisipponem euntium excepta vox est, quasi jam pererent belli caput, ac digna laboribus, honoribusque merces hinc avaritiæ hinc gloriæ stimulis incitatis proponeretur. Nec curæ, ac mœoris profectò minùs

Comiti Catagnede, ad quem allapſa vox eſt, aut minùs Uliſſipponi ſollicitudinis, confuſionisq; , quæ præmonita à Comite fuerat, eò ſtatim allata, falſoque res credita incuſſit his, quorum maximè intererat, & quorum ante oculos clariùs periculum verſabatur, meliùs intelligentibus, quemadmodum debellari faciliſſimè potuiſſent. Cæterùm hac prudenter belli gerendi via aut non planè intellecta, aut per invidiam omiſſa, aut immobili quadam fati lege interrupta, tot annis, tot belli petita conatibus, ſumptibùſque ad ultimum integra res Luſitana ſtetit.

At exercitus Caſtellenſis, qui alia, & longè diverſa mente Ducis agitabatur, occurrentium pagorum excidio, & repetita agrorum combuſtione, ac ſegetum corruptela cum ingenti prædaram cumulo tandem ad fontem pervenit, qui Zappateros vulgariter dicitur, ibique caſtra conſtituit. Amœnus erat, aquisq; paſſim fluentibus locus, atque in ea ſiccitate torridæ circum, ac vaſtiſſimæ regionis facilior, & gratior erat aquandi militibus copia. Cùm hîc moraretur exercitus miſit Joannes Didacum Cavallerum majori cum parte equitatus, legiones præterea binas, aliam Italiam, cui Emanuel Carafa; Hiſpaniam aliâ, cui Joannes Zunica præerat ad Villabuim propinquum oppidû oppugnandum. Haud ſatis validum erat oppidum, at opulentum agrorûmq; propè cultura, ac pecorum fœtibus valdè pingue, propugnaculum etiam ſpeciem arcis ſitu, & altitudine præferens oppidum muniebat. Quorum omnium cuſtodia Centurioni genere Gallo à Luſitano impoſita fuerat. Huc porrò Caſtellæ cum tormentis bellicis miles appulſus vix primi conatus terrorem objecerat hoſti, cùm ſubitò Gallus, vel quia res ad ſe parum, ut alienigenam pertineret,

ſive errore, ſive inopia conſilii præ nimia formidine captus dedere clam municipium Cavallero pollicitus eſt, modò ipſi Gallo, quo Luſitanum illuderet per horæ intervallum permetteretur tormentis, ſclopisq; ſine globis excuſſis ad fidei, animiq; jaſtantiam innoxios per ictus obſtrepere; ſecus enim hoc in ſegnitiem aut fraudem fortaſſè Luſitanus immeritò relaturus, aut pœnas à Gallo exacturus fuiſſet, quod feſtinata deditioe fidem, & oppidum prodidiſſet; ea arte, illo ſuco viro etiam frugi opus eſſe inter exteros, eoque nomine inviſo onerantes ſuſpicionem homines agitant. Facile rem impetravit, deinde ut ſecreto pacto convenerat, tradito municipio, cùm militibus Gallus, & oppidanis exceſſit. Ea ne tam citò deditio fieret, nève incruentus eo potiretur oppido hoſtis, cùm alii vel ſibi fiſi, aut diſſiſi muſſarent, aut vellicarent, aut rem taciti præterirent, pervicaciùs tunc unus obſtiterat Parochus oppidi Luſitanus, vi tamen, qui ſubitò irruerant hoſtium, & ſuorum etiam impetu ejeſtus, ac pulſus, poſtquam oppido abſceſſit, Joannem intrepidus adit, eumque Ducibus circumfuſum magna inter arma voce, animoque compellat; Galli hominis dolo, aut ignavia, planè infontibus Luſitanis, externiq; ſeu inertia, ſeu ſcelere obſtrictis, ac proditis illud tam citò eſſe oppidum interverſum; indignus enim ille exercitus erat, cui ſuccumberet Villabuïs. Joannes ludo rem vertens gentisq; timorem per Caſtellenſium diſſectaria, ſalésq; vulgatum jocose repungens Parochum miſſum incolumem fecit, juſſitque confeſtim arcem, & oppidum funditus dirui, quò altiorem ex cladibus fuſum metum imprimeret Luſitanis. Caſtris paulò poſt motis, populabundus effunditur miles, quaque iter in hoſtico facit, fœda ibi paſſim ruinarum, ac cædium veſtigia



stigia relinquit, cūque adhuc lateret Ducis consilium, cunctosque suspensos haberet illius itineris expectatio, Villavitiolam versus iter instituit. Media via Lusitanus tabellarius ad Jurumeniam, Elvique Gubernatores à Cantagnedæ Comite missus offendit. Tum verò deprehensæ, ac recitata litteræ hujusmodi monita, & jussa, quæ illis hominibus mandabantur, aperuere. Impavidè agerent, nec metu aut illecebra hostis de fide, & constantia quidquam remitterent, si fortè Joannes, ut injecta suspicio erat Jurumeniam, vel Elvum aggredieretur. Ducem ipsum Lusitanum certaminis avidum cum octo peditum, & quatuor equitum millibus circa Estremotium consistere ampliora quotidie expectantem, quæ U'sippone ventura erant, equitum, peditumque subsidia, quibus celeriter auctus configere statim cum hoste decreverat. Hoc interceptarum epistolarum exemplar erat. Duplici tamen astu, & fallacia eas esse contextas litteras censuit Austriacus, quæ scilicet reditæ inani concepta spe sociorum animos dilatarent, exceptæ fortassè contraherent formidine hostium. Proinde vocato ad se tabellario, Cruciatu, inquit Joannes, & mortem, quæ tanquam perfidiæ minister, rebelliumque emissarius meritis esse videris, hac lege tibi remitto. Abi, tuoque Duci renuncia, quia adeò superbè mecum, ac minaciter agens expetere prælium ostendit, quamprimùm sui voti com potem factum iri. Itaque retrocedit, hostemque propè Estremotium Joannes affecuturus, quod jam confecerat iter repetere pergit, incerta spe quidem cum illo congregiendi, sed, ut planè pateret fuitiles, inanèque profundere minas, qui & provocatus ab hoste certamen abnueret. Quod si fortassè tunc Lusitanus conferre signa non renuisset, superiorem se prælio fore faci-

lius existimabat his obvium, qui tunc impares vires quàm qui postea majores, aut æquas per auxiliorum accessionem, ut epistola promittebat, collaturi fuissent. Joannes igitur Alexander Carrera equitum Commissario cum prima atque expedita acie procedere jussu, ipse cum reliquis copiis, & militiæ impedimentis implicitis ad Estremotium lentè pergebat. Tandem Alexander cui tum cum Austriaci custodibus corporis Melchiorrus quoque Portocarrerus accesserat, longè progressus multis occurrit turmis equitum Lusitanis, qui castra reliquerant, & tanquam ad rerum proludere summam vellent, velitantium more compositi erant. Varia ibi, atque instabilis primò conseritur pugna, dum urget Carrera numero militum fretus, numeroque ex adverso diffusus cautius, quàm acrius pugnando volvitur Lusitanus, hic namque jam velox accedit, jam recedit, in fronte se modò ostendit, modò in latera jactat, aut tortuoso quodam rapitur orbe, illinc nervis, & militum numero, hinc concursatione, assultusque dexteritate certamen aquant. Post ubi variè incumbentem hostem, flexibusque & circuitu oppositam sibi vim eludentem cum equitibus circumvectus concludere nititur Alexander, & plurimi loco summoti, sparsique alii gladiis, alii brevi fistula excepti ceciderant; eques denique Lusitanus omninò fusus, fugatusque suoque sanguine madefactus ad castrorum se munimenta recepit. Sub hæc Austriacus advenit, copiisque statim conjunctis, explicatisque ab edito loco circumspicere capit, & munimenta hostium, & militum robur, ac disciplinam, si fortè res hostium aut ita neglectæ jacerent, aut ita enerves, ac debiles essent, ut trahere etiam invitum è castris ad pugnam, aut inter castrorum munimenta latentem Lusita-

num invadere potuisset. Cæterum castra hostium situ, atque opere ferè invincibili prominebant, hinc oppidi muris, quibus contigua erant, novo hinc erecto propugnaculo tecta, amplissimis etiam erant, & aggere, & fossa, & aliis operibus circumvallata, simul loci ejus accessus natura difficilis, asper, & commeatus abundè, & arma, & militarium omnium instrumentorum commenta ex oppido ad castra comportabantur. Aspicit hæc Austriacus, & nisi avertere ipsum à prælio hostium numerus, atque virtus, terrere saltem ut Ducem prudentem debebant vel ardua perspecta munimenta castrorum. At nihil profectò acrius, quàm fortè exploratus in adversario metus eundem oppugnat; plurima enim ad offendendum nondum ab æmulo excogitata, vel cautione prius, vel formidine prætermissa, is qui metuere adversario videtur, in se omnia revolvit, & quodam impetu acuit. Idcirco & si antea Joannes ad municipia expugnanda, aggerandasque prædas intentus totaque acie decernere vitans ad speciem terroris potiùs illam infestam circumferebat, nunc ubi trepidum hostem, parte equitatus, qua paulò ante concurrerat, victum; loco præterea, animoque contractum, septisque castrorum se sustentantem videt mutato repente consilio concurrere, ex propinquo instigare, ferociùs audendo tentare æquum ad locum, si posset hostem pro pugna subducere, sin minus ille sæpissimè lacescit, nec castrorum deferere ambitum ausus palam de animo Castellensibus videretur, ac laude bellica concessurus. Eo quoque consilio, imperioque Joannis, quatuor majora tormenta belli opportuna disposita loco cum frequentius disploderentur, quanquam agger, aliæque rapptim pro castris munimina adjecta resisterent, horroris non parum, detri-

mentique; claustris tamen hærentibus attulere militibus, ibi se circumfessos, inclusos, usuque armorum prorsus inutiles dum insultaret, & clades ageret hostis ægrè, & acerbè querentibus: at intra septa propè jam lanienæ pecudum more conscissis, patientia tamen & mora adhuc dolentibus suppetebat. Lusitant denique mente à conflictus periculis aliena, plùsque objectu subnixâ castrorum, quàm armorum, & corporum explorata, tunc Austriacus Duces consuluit, utrum arma jam expediret munitis adeò castris inferre, an à suis à munimentis per vim impetumque Lusitanum extractum cogere ad pugnam, cum abjecto per metum animo, & multiformiter irritatum ipsum omninò refugere prælium liqueret, eadèque de causa animo magis elatus, & alacer Castellensis ferociter pugnam reposceret. Dissimilia ut ferè cuncta mortalium ingenia, ita propè consilia sunt, nec adeò ingrata, aut in speciem deformis ipsa temeritas est, ut suis interdum sectatoribus careat. Cum igitur ea prævaleret in Ordine Ducum sententia, quia ad eam inclinare videretur Austriacus, quæ tunc Lusitana oppugnanda esse castra ferebat, expungere tamen illam unius Sangermanensis ratio, & auctoritas potuit. Is enim disertè, latèque disseruit, Quàm nimis hoc arduum, quàm præceptis omninò consilium ju- re militiæ censendum esset succinctum castris, vallòque protectum invadere in hostem; ibi enim cum propugnaculis modò esset, modò cum hostibus decertandum, resque duræ, & iniquè inter vallatos, ac tegimine nudos ictibus porrectos agigaretur. Plenioris præterea, impatienterque restricti percitque fortasse tum salutis, tum gloriæ stimulis hostis, cum vis, & robur intimè valeat, quæ subitæ irruptiones, qui fortiores interdum è castris



„castris conatus per milites fierent,  
 „tandem pressa, angustoque tandem  
 „ex loco evadentis cum impetu flam-  
 „mæ ineluctabiles propè fore. Ea Lu-  
 „sitana castra præsertim tanta indu-  
 „stria, ac labore, tam sublimi videri  
 „munita loco ut ipsa temerè aggre-  
 „dientibus horrorem non minùs quam  
 „pericula duplicarent, errorisque mer-  
 „cedem amplam, si in facinus insti-  
 „tissent, cruore militibus persolven-  
 „dam promitterent. Sed fac ita non  
 „esse, ut castra munita, ac solidata  
 „sunt, patere utcumque suffugium  
 „aut longiori pressis obsidio, aut ca-  
 „stris ejectis, ac propè jam victis ho-  
 „stibus Estremotium, quò forè tran-  
 „siti, atque ibidem sua sponte inclu-  
 „si cum alimentis, armis, ac milite  
 „affluerent, quidni facillimè potuif-  
 „sent aut sedendo consumere, aut per  
 „levia exercita prælia has florentes suc-  
 „cidere copias? Cæterùm nec inglo-  
 „rium, nec irritum quoque fore re-  
 „gressum exercitus Castellensis, si uti-  
 „le regredi videretur, cum insuper  
 „palam timoris confessionem ab ho-  
 „ste ob sapiùs oblatum, recusatum-  
 „que conflictum extorserit, tum etiam  
 „impunè per hosticum volitans, &  
 „obvia omnia volvens, & cladibus  
 „miscens ferro, flammisque latè cor-  
 „rumperet. Veteris Ducis approbata  
 „sententia, inde statim exercitus mo-  
 „vens oppidum Morbam per iter inva-  
 „sit. Erat tunc Morba vetustis, fluxis-  
 „que mœnibus cincta, atque in effusa  
 „fertilique planitie posita, firmior ei  
 „arx, præferocis ingenii Præses, con-  
 „fuetoque præsidio militum plerique  
 „oppidanorum accesserant conferendis  
 „manibus habiles, avidique ac tum  
 „forè aciores per fallacia promissa in-  
 „diderat illis ad dimicandum aculeos  
 „Rodericus Acugna ejus oppidi, arcis-  
 „que Præses, qui sive salutis ipse con-  
 „temptor, sive stolidè ferox, pericul-

ve impendentis ignarus, cum ibi con-  
 filio esset, atque opibus destitutus, ex-  
 cipere in se valentis exercitus imperum,  
 & vim usque ad ultimam sustinere de-  
 creverat. Ea summa Præsidis vanitate  
 Austriaco nondum comperta per tubi-  
 cinem illi denunciat, omnia quæ in  
 oppido essent seseque statim ejus arbi-  
 trio dederet, ne secus ipse vim oppido  
 everfus omnique spe miserationis ex-  
 clusus serò defleret, quod peccavisset.  
 Acugna ex adverso non rejicere mo-  
dò tubicinem, sed etiam incessere  
 contumeliis, onerare conviciis; po-  
stremò sclopis contra jus belli displo-  
sis conjicere in fugam, suis jam la-  
bantibus, ac propè perditis rebus ina-  
nem ferociam, ac petulantiam jacta-  
re. Hæc cum Joanni relata essent, is  
 simul hominis levitate, simul injuriis  
 accensus confertas statim, ac rapidas  
 omnes irruere jubet in oppidum co-  
 pias, nec vehementi ab ea impressio-  
 ne cessare, donec Borbam excisam vi-  
 derint. Primo impetu, eoque maxi-  
 mè valido captum oppidum est, mu-  
 tua, ingentique omnium militum stra-  
 ge, cum utrique nudatis obviis ictibus  
 membris pugnantes, propugnantisque  
 plùsque alieni appetentes, quàm sui  
 sanguinis providi cæco velut impetu  
 ruerent. Oppidi Præses postquam  
 omnia cæde constrata, ac prorsus af-  
 flicta vidit, cum paucis militibus ad  
 arcis tutelam confugit. Eò statim du-  
 cit Joannes humentem sanguine mili-  
 tem, circum obsidet locum, tormen-  
 tarios suggestus instruit, armis obse-  
 sos, & minarum terrore, famisque in-  
 cussa formidine premit. Jamque rui-  
 næ, labesque cæperant per excussa tor-  
 menta spargi, findique pulsibus mœ-  
 nia, atque extrema perniciēs, & re-  
 rum omnium interitus pertinacibus  
 minitari, cum consternatus tandem  
 Acugna, seriùsque ad concordia con-  
 filia versus alba vexilla pacis indicia  
 in

in arcis culmine figit ; simul homines inde mittit , qui de vita , & fortunis , quæ integra tantum petebat , cum Joanne paciscerentur . Veniunt homines ad Joannem ejusque genibus provoluti cum squalore , atque luctu nisi honestæ , nec verecundæ , vel salutaris conditiones pacis implorant . Joannes illorum se vocibus lachrimisque inexorabilem præbens , nihil propterea vis ipse remittit , nihil conceptæ iracundiæ ; feras eas pactiones , intempestivas , ac frivolas vocat ; omnia planè suo arbitrio dedi cætera fletibus surdus , animoque obstinatus efflagitat . Ut videt igitur Lusitanus aut relinquendam sibi eodem prælii tenore vitam , aut hostis libidini permittendam , & nullam in primo consilio esse sibi salutis spem , per exiguam in alio saltem , vel ancipitem fore , sicut Austriaco placuerat , deditionem facit . Proinde captivi omnes , qui in arce fuerant dedititii milites tracti ; profusus incensum , ac dirutum oppidum , præda militibus distributa ; Rodericus Acugna duoque simul Centuriones , quia belli jura violaverant obtorto collo necati sunt .

His profunctoriè à Castellenfi exercitu gestis , priusquam iret ad Jurumeniam , quàm omisso Estremotio petere tacitè Dux in animo habebat , obscura ac nubila nocte dum ille præruptum , ac selesbrosam Jurumeniam versus ingreditur iter , novus repente fertur de cælo conspectus fulgor , qui via aspera fessis , tramitibusque implicatis prælucebat clarè militibus , pergentesque mutuò discernere se , nec vestigia in lubrico fallere concedebat . Bene , ac feliciter illud à Castellenfisibus omen acceptum , cum luculentum ostenderet militibus iter , ac species illa , nitorque luminis ornamento , ac solatio quoque futura de via languentibus viderentur , nec porro expectationi præsagium , nec ejus interpretibus fides de-

fuit . Igitur prima luce Joannes cum paucis equitibus prætervectus postquam Jurumeniæ situm oculis perlustravit , obsidionemque mente descripsit , extemplo ejus aditus occupavit , jacque per ambitum aggerem jussit . Porro autem eò usque Joannes ad contemplandum locum provectus est , ut cognito ab illis , qui super oppidum excubabant , pilisque majoribus sæpè petito , jactus illarum nonnullos qui eidem Austriaco viæ ac periculi comites hæserant , equites straverint . Jurumenia vetus , ac celebris Celticæ gentis colonia in supercilio montis erecta jacet . Ex parte Orientis Anæ marginem habet , ab Occidente frequentes , amenos , ac passim vestitos arboribus colles ; hortos præterea , & multa vineta , saltusque nutrit , quæ latè diffusus , ac fistulis tortus ex propinquo flumine foveret humor : celsio ipsa eminens , & fragoso , atque abscesso posita situ , sinuosa tamen aditus semita , agrè propterea obsidionis accessibus patens . Assidet etiam oppido veteris , elegantisque opificii septem , ac decem divisa turribus arx , eaque maxima est , altiorque sublata fastigio . Hoc municipium fatali temporis clade decussum , suarumque duntaxat ruinarum memoria nobile restauraverat quondam Rex Lusitaniæ Dionysius , post ubi Lusitania à Catholico Rege descivit , ac deinde Olivença Jurumeniæ propinqua per eundem Regem armis recepta est , hanc ut alteram alteri oppositam , ac similiter metuendam enixius munire Lusitanus intendit . Quinque igitur illi vastæ amplitudinis propugnacula statuit , simul fossam , vallum , semilunaria munimina , aliasque fortioris tutelæ machinas jam adhiberi recenti more militiæ solitas . Cæterum , quæ causa impulerat Lusitanos ad Jurumeniam impensius permuniendam , ea etiam illexerat Castellenfes ,



lenſes, ut in ejuſdem oppidi excidium omnes ingenii, ac virium impetus applicarent, periculofa videlicet, ac ſuſpecta propinquitas Olivençæ, & quod Iurumenia, ſi cecidiſſet, ut munita, ut conſtructa ſatis hauſtos per ſe labores, ac pericula pendendiſſet, & quod ipſa recepta Olivençam affirmaviſſet. Iurumeniæ tuendæ per id temporis præſidebat Emanuël Lovatus Pintus Luſitanus, cujus præſidio tria circiter millia militum præſto erant, ſimul affatim commearus, bellicæ munitionis, & pulveris, multa præterea ignea, atque ferrea artificiorum machinamenta tam ad vim repellendam, quàm inferendam ex veteri, ac nova belli officina tranſlata. Huc enim illam quæ tandiù tantòque pavore occupaverat animos, tempeſtatem armorum primo quoque tempore devolvendam conjeſturis, quæ ex arte bellica manant innixus intellexerat Luſitanus. Ut Joannes igitur juſſerat, viæ obſidionales celeriter duci, vallumque diſtendi captum, ſimul & locis, operibùſque militibus diſtributis illud evenit Hiſpanis, idque aſperius tractatu erat, quod ad Ornaverchem, ſic militari vocabulo dicitur, perducebat; Italis contra Stellam, adverſus majus oppidi propugnaculum fixus Germanis eſt locus. Omnia in propatulo erant; eoque tendebat ſummi Ducis conſilium, ut diſtinctis ita muneribus, nationibus, locis mutuus allaborantium, & pro gloria inter ſe competentium aſpectus tanquam in aliquo belli Theatro contentionis, laudisſque propoſito præmio ad clariora virtutis exempla æmulas nationes arigeret. Ita porro per idem tempus & Iurumeniam verſus appropinquationes operum, & juxta latitudinem campi aggerem milites protrahabant, qui in falcis figuram curvatus ad Anam amnem ex utroque latere deſinebat, ſecundo ſcilicet fluminis curſu, alvei-

que altitudine reliquam oppidi partem aptiſſimè protegente. Vacabat oppugnationis, vallique operibus conſtruendis Nicolaus Langrius genere Gallus belli machinator inſignis, qui diutiùs à Luſitanis mercede conductus, cùm homo externus, lucròque deditus ditiora ſibi apud Caſtellenſes ſtipendia promitteret, quàm adhuc à Luſitanis acceperat, ad illos tandem tranſiit. Inter hæc animo anxius volutabat Auſtriacus, ne ſubſidiariis fortè collectis celeriter copiis exercitus Luſitanus eo tempore ſuperveniret, quo nondum munimentis obſidionalibus ſtabilitis ſparſos in hoſtico milites, ſuſſe que operis ac ſarcinis implicatos à tergo, & à fronte per miſtos etiam oppidi milites circuiret, ac numero obrueret. Sollicitiùs itaque Dux providebat, ut propugnacula, ſtativa militum, ſepes obſidionales, & quæ juſtæ, arctioriſque opus eſſent obſidioni quàm citiſſimè abſolverentur; & auxit quidem alacritatem in eo opere deſudantium, ac vires, diverſas inter militum nationes tunc ſtudioſius æmulationis certamen accenſum, dum alia alii clamore, ſibilo, manibus nitebatur laboris, plauſuſque primas eripere, ipſo inſpectante, variisſque illecebris eos inſtigante, adhortantèque Joanne. Super hæc ad conſuetum militibus cibum alia ipſe addi juſſerat eſculenta, quæ frequentiùs, quàm decet, ſegniores, ac fluidos, interdum, & raro per occaſionem porrecta robustos promptioresque milites faciunt. Hac Ducis ſollicitudine, animique ſolertia mirabiliter actum eſt, ut perquam ingens moles obſidionis ſummo artificio, ac magnitudine elaborata intra dies paucos ad umbilicum perduceretur. Inter hæc ad evitanda miſſilia hoſtium, quæ pro tempore depluebant, ſinuato, contectoque itinere miles oppido appropinquabat; hoſtis verò ſuis munimentis

incluſus

inclusus belli tormentis, aliisque mortiferis moliminibus utebatur, quæ à longè necare, aut coërcere, aut lassare poterant illos qui sensim ad oppidum accedebant, nec qui oppidum defendebant, incautè discrimini objicere, ad hoc præsertim Pinto Lovato ab initio defensionis intento, ut ni secus res cogeret, suorum periculo, ac cædibus parceretur; extremique certaminis alex, quod venturæ, ut sperabat, suppetiæ ad rerum summam collaturæ fuissent, præsidarius miles reservaretur. Dum hæc utrinque agebantur; florinus quidam Gallus Centurio, qui diù Jurumeniæ versatus egregiam, ac fidam hucusque Lusitanis præstiterat operam, cum trepidas intus res, perturbata consilia, & vacantes præcipuè crumenas inspiceret, Præsidemque inertem, ac timidum magis quàm ut in belli fluctibus opus esset, constantem, ac providum, fide repente mutata transitionem ad Castellenses fecit, se, seque & quos secum traxerat socios servitio Regis addixit. Is igitur cum primò ad Austriacum perductus esset, hostium illi confusionem, debilitas undique res, obfessorumque formidinem declaravit, ac si protraheretur obsidio, capri constantiæ victoriam non defuturam; se autem externus cum esset, nec ulli Principi Hispano clientelæ vinculo adstrictus, & omnia circa se ruere, ac flagrare in municipio cerneret, præmia, ac decora sequi victoris, quàm victi fortunam malle. Odisse quasi infelices videri Numen, & fide, quæ inter aspera, & dubia quoque inconcussa persistere debet suo se jure solutum esse. Is more eorum, qui fidem mutant, veris aliquid affingebat, ut rationem, & causam transitus turpitudini obtenderet. Verumtamen clariùs hoc ipsum intelligens Dux exercitus Lusitani, quominus consilii, sive animi inopia,

quando jam vires sufficiebant, Jurumenia prolaberetur, confestim ad oppidum misit Emanuèlem Sequeriam egregium, ac veterem Ducem, qui simul cum Pinto jure, ac labore defensionis penè confociato alter alterius studio, & consilio ferè in omnibus uteretur, isque rate per Anam cum aliis militibus vectus noctu Jurumeniam intravit. Cum illuxisset remeantium clam hominum circa fluminis ripam relicta fortè vestigia à Castellensibus deprehenduntur. Vigiliæ igitur intenduntur, quas diligentius ac multipliciùs appositæ haud alia subinde fefellit rates, quæ hostium excubias, insidiâsque declinans intempesta quoque nocte trajicere laborabat. Vehabatur in hac, quæ in custodias impeggerat, rate Laurentius Sousa ejus legionis Tribunus, quæ tum præsidio oppidi tenebatur, simul Germanus quidam à belli machinamentis Chiliarius Labellius, qui Catholici Regis stipendia meruerat quondam in Belgio, Emanuël Lopezius ejusdem legionis Instructor, aliique vulgaris notæ qui cum rate descenderent in vigiles milites inciderunt, captivique ad Joannem abducti sunt. Cæterum quo vitabundos illos homines caperent, dum impliciti, occupatique tumultum, ac voces miscebant milites, seseque impulsibus collidebant, elapsi repente nautæ per fugam in oppidum evaserunt. Litteras ibi nautæ, quas Cantagnedæ Comes conscripserat Pinto Lovato reddunt, insidiosas, jactantiæ plenas, incrementemque ad incolarum militumque formidinem temperandam fallaciter scriptas. Etenim Dux referebat: Esse in armis eo tem-

“pore sibi expedita viginti peditum  
“millia, equitum quinque millia, im-  
“pigros Duces, alacres milites, con-  
“spirantem undique Lusitaniam, &“  
“omnia abundè contribuentem, quæ“

usui



„ usui bello futura erant, vixque sa-  
 „ tis opis in ipso esse ad concitatam,  
 „ ardentemque tenendam aciem, quæ  
 „ prælium acerrimè flagitabat. Quam-  
 „ primùm itaque auxiliis se oppido in-  
 „ gentibus affuturum, dum cumula-  
 „ tius necessaria tot copiis alimenta  
 „ collegerit. More hominum fidei mi-  
 „ nùs, quàm temporibus obsequen-  
 „ tium quo minora in animo facere  
 „ habebat, ac noverat posse, eo ma-  
 „ jora jactabat. Hac perlecta Pintus  
 epistola, etsi fictam ex parte, duròque  
 illi temporis consentaneam intelligebat,  
 iisdem tamen ut artibus ipse captator,  
 aut fortè captus ad confirmandos ani-  
 mos uteretur, magno clamore, atque  
 strepitu oppidanos, ac milites accersitos,  
 cùm palam epistolas recitasset, illa ina-  
 ni lætitia offudit, quæ ut insolenter, ac  
 præter modum jactata citiùs effluere,  
 ac potiùs accescere visa est, cùm undi-  
 que Austriacus, nullo prohibente,  
 quotidie magis obsidionem adstringe-  
 ret. Jussit enim ab ulteriori fluminis  
 ripa sedem erigi tormentariam propug-  
 naculi specie constructam, & hanc  
 alteri contrapositam, quàm tuta per  
 amnem ut esset aquatio, in primis  
 munitam excitaverat hostis, eaque  
 summa celeritate, atque studio per-  
 fecta. Anæ aquæ usus est penè hostibus  
 interruptus. Ita igitur Castellensis  
 utriusque fluminis ripæ, transitusque  
 potitus, paulò post inde opulenta vi-  
 rorum, armorum, & comæatus au-  
 xilia, quæ ad eum Olivença transmi-  
 serat, structo ex confertis ratibus pon-  
 te, omninò recepit. Quo supplemen-  
 to jam viribus auctus, satisque jam  
 amne bene locatis munimentis infesso,  
 satis oppido adstricto, atque assulti-  
 bus opportuno, vocat Austriacus His-  
 panos, Italosque Tribunos, mandatque  
 ut obliquos per eos, quos strenuè ad-  
 huc accessus duxerant, in Lusitana tan-  
 dem, quæ circum oppidum erant, pro-

pugnacula irrumperent. Ut rectè præ-  
 terea & appositè ea militaris, & valida  
 impressio fieret, quæ voce præceperat,  
 stylo etiam expressa Ducibus inculca-  
 vit, addiditque bis excussi tormenti  
 bellici jactum daturum militibus sig-  
 num quo eodem tempore omnes va-  
 rios in locos simul concursum, & im-  
 petum facerent. Sic impigrè rebus ad  
 proximam pugnam paratis mediam cir-  
 citer noctem Austriaci jussu certaminis  
 signum intonuit. Tunc Hispani, Ita-  
 lique dilationis, præliique moræ du-  
 dum impatientes, avidi, ferocèsque in  
 hostium munimenta feruntur, ad suam  
 quique laboris, ac periculi partem ten-  
 dentes, quæ illis imperio Ducis obti-  
 gerat. Verùm Hispanos præ nimio  
 ardore, impetùque paulò inconsultiùs  
 in hostes invecos, accidit, ut res quæ-  
 dam fortuita disjiceret. Quippè dum  
 Lusitanus firmatus, auctusque subsidiis  
 in fossæ margine stabat, & Castellensis  
 propè lignorum sepem, staccatam mi-  
 lites vocant, pugnabat, repentè ille  
 ignem in sepem oberfam coniecit,  
 alia subinde torsit ignita artificia, pro-  
 fusèque flamma interjecta quoque vir-  
 gulta, cistàsque corripuit pro tegimine  
 sibi à Castellensibus antepositas, quæ  
 pestis cùm latius in milites grassare-  
 tur, & alii igne usti, alii afflati, om-  
 nes turbati, immistitque tam armo-  
 rum, quàm oculorum usu præ nimio  
 fulgore, ac fumantibus globis orbat  
 solutis passim ordinibus fluctuarent,  
 eosque tam fœdè perculsos, ac trepi-  
 dos, alacriùs Lusitanus urgeret, ita  
 denique Castellenses loco cedere com-  
 pelluntur, multis eorum casis, multif-  
 que flamma perustis, Antoniòque Tel-  
 lio ejusdem legionis Tribuno, cùm in-  
 ter hostes acriter dimicaret, gravius in  
 capite faucio. Restitit tamen inter fu-  
 gam, ac eadem militum, cruentumque  
 tumultum impavidus Franciscus Alar-  
 conius, alterius, quæ fusæ jam adhære-

bat, legionis Tribunus, suósque voce, & exemplo cohortatus pro gradu loci, pro gradu constantiæ viris fortibus debita, ibidem præliando victuros, aut perituros insistere, hostisq; turmatim ruentis impulsu, & vulnera illata adverso pectore excipere jubet. Atrocior, & novus exinde conflictus accenditur. Dispar numerus multum erat, dispar etiam fortuna, inæqualis utrisque spes, animusque; sed omnia æquare ex parte Castellæ posse desperatio tantummodo videbatur cum pertinacia conjuncta. In arcto se loco premunt invicem hostes, seque undique jactant; non spargere vires ibi, nec impetus possunt, etiam arma inutilia situs angustia facit, cum nec gladios rotare, nec sclopos dirigere sineret. Tandem ad fidas devoluta res est. Sic æquali paulisper audaciâ sustentatum certamen est, satis haultum utrinque cruoris, ac redita cædes est. At Lusitano bis hostis cruore profuso, simul proprio, simul à tergo defluentis multitudinis impetu tracto perfacile fuit jam partæ victoriæ quasi tenues delere reliquias. Itaque hæc quoque legio ad extremum fusa, atque fracta, multumque imminuta in eum raptim cedendo locum regressa est, quem tenuerat ante conflictum. Tristior pro auctoritate, quam militum numero jacuit subinde Castellensibus strages; quatuor Centurionibus, septem Signiferis cæsis, plerisque Ducibus fauciis, milites ad ducentos interiere; eodémque tum animi ardore, secundoque certaminis æstu Lusitanus illatus à prima quoque sua statione, quò disjecti se se receperant, Castellenses extrusos in fugam egisset, ac dissipasset, eis nisi Joannes in tempore succurrendo, pedem referre coëgisset hostem, impetumque per vim restincto, ad sua quemque munimenta relabi. Hæc Hispanos prælii fortuna, at

dispar Italos tenuit. Ipsi enim stabili acie, suisque ordinibus clausi, conflictuque cunctatius progredientes, ad viam contactam, ita milites vocant, qui erat illis præscriptus certaminis locus perveniunt, postquam brevem, sed trucem pugnam Lusitano rejecto in illam insilientes ibi protinus se communiunt, mox longius ab ipso loco retracto per fugam hoste, veriti Duces Itali, ne suffossi ibi fortè cuniculi, inflammatiq; conceptam interius tartaream perniciem evolverent, quosque adhuc arma non vicerant, ne pereundum incendio esset, revocant inde milites, & aliquantulum spatii sese retrò tenere jubent. Tum effractis cuniculis, ignique frustra recluso, & favilla, atque cinere torridisque lapidibus sparso, statim recurrunt Itali, firmitusque in tuto jam loco vestigium insistant, septem duntaxat ex suis militibus interfectis, pluribus vulneratis, admodum paucis per ignem ambustis. Lusitanorum nisi quos fuga, aut tumultus, aut casus periculo exempt, plerique confossi sunt, alios ab ipsis excitatus ignis absumpsit, reliqui verò perterriti partim amissis, partim armis ereptis captivi traduntur. Talis illorum exitus fuit, qui se euntibus obviam Italici objecerunt. Ubi igitur Lusitanus supra, quod ipse crediderat suis se arctius munimentis adstrictum, ac sæpè retusum, atque refractum videt, nec per id temporis etiam hostium conatibus infringendis satis sibi consilii, satis roboris præsto esse, tunc quosdam succendi cuniculos jussit grandiores, refertioresque ad extremum propè depositæ spei reservatos. Crepuit subinde cuniculus, altiorque ut profundius, latiusque suffossus hiatu, graviorque ruina, atque militum strage, sed cum is artificis vitio contortè, atque improvidè structus esset, ubi vorax, ac rapidus ignis



ignis erupit hinc à soli materie, ac natura delusus in Lusitanos exitium, ac pestem vertit, quæ fortuitò quidem suscepta clades, super omnem, quæ in hac bellica obsidione contigerat, Lusitanos maximè afflixit. His in illo noctis curriculo gestis, ubi illuxit, breves de more induciæ interveniunt; utraque ex parte caëtorum corpora repetuntur, inde mortuis suprema militum ritu soluta sunt, idèmq; ipse dies, tanquam manibus sacer, quietem, & otium defessis languidisque militibus attulit. Postridie cum præoccupato, paulò antè ut diximus, loco inciderent Itali, ex eoque durior progressus ad oppidum videretur, ibi enim à fronte propugnaculum stabat ingens, infesta, atque latiùs rostra ejus extenta, semilunare quoque munimen, & alia, quæ omninò ex hac parte intercluderent aditum interposita impedimenta, eo tandem sua sponte loco, ut inutili derelicto, illuc Itali se recipiunt, ubi Germani milites consistebant; erat enim hic situs majori propugnaculo obversus, exteriori opificio vacuus, & municipio propinquior, & unde spes amplior erat everti munimen posse jam geminatis ibidem viribus Italorum, Germanorùmq; que. Adhæc, & alia accessere quatuor majora belli tormenta jussu Joannis in eundem avecta locum, quibus sæpè displosis latæ, ac frequentes refractorum ruinæ murorum inciderant, ac fossa contigua rudere sternebatur.

Inter hæc Castellensium Legatus equitum è castris mandato Ducis cum expeditis quibusdam turmis egressus, dum prædas ad alimenti copiam militibus congesturus latè agros depopulatur, in alios incurrit ducentos propè equites Lusitanos, qui haud procul imoti per otium aggeres hostium circumspectabant. Gallus inter eos erat etiam, cui sanctæ Columbæ cognomen, quidam bellicus machinator, eique præ-

ceperat Dux Lusitanus, ut hostilia munimenta, vallùmque iret cum his equitibus contemplatum, quàmque illa solida, quàm circumjecta, quæ expugnatu facilia, quæve aspera forent, ipsi reversus cum cura, atque fide explorata renunciaret. Dum eo consilio, animoque inter equites propiùs aggerem Gallus excurrit, equestris ibi conferitur pugna, eaque ferocior quàm numero militum comparata; pulsus, fususque denique Lusitanus plurimos humi stratos, aliquot faucios, nonnullos captivos deserit, quos intermixtus & Gallus à belli machinis captus est, isque ad Joannem statim adductus, qui aliena venerat exploratum domestica prodidit. Docuit enim ipse Joannem Lusitano Duci Menesio certam, ac fixam stetisse sententiam, per cæca, atque extrema pericula euntem Jurumeniæ absque mora succurrere niti. Prædie quippè, ut mos erat, consultum Ducibus accersitis, patefecerat ille jussu Aloisii Gusmanæ Lusitaniæ Gubernatricis, quæ citra excusationem, ac citra moram præcipitatis fortassè consiliis circumfesso, ac labenti suppetias primo quoque tempore ferre oppido imperiosius efflagitabat, hæc ipsa etiam in causa ratiocinata, quod æquè jam Jurumenia, ac exercitu amisso pro habitu rerum in extremo Lusitania periculo versaretur, utroque verò discrimine quod à municipii jactura, vel exercitus, vel utriusque simul Lusitano regno impenderet, æquato, meliùs sibi fore provisum existimabat, si audendo aliquid, agendoque spem cum fortunæ periculo sequeretur, quàm procul periculo desperationem sine fortuna. Impromptu tum etiam Ducis, quæ partim secum haberet, ex præsidis partim educta decem millia perditum esse, tria millia equitum, bisque mille quamprimùm equites, atque alios subinde pedites affuturos,

quos nuptiarum conventione Rex Britanniae pollicitus erat. Id modò apud Ducem expeditionem, cursumque exercitus remorari, seque ab eodem illuc emissum, ut attentius ex propinquo lustrato vallo discerneret, quae ex parte vallatum in hostem molienda illi esset cum minori periculo irruptio, nunc autem gaudere se, quamquam hostiliter accessisset, ad Joannis obsequium, cui servire deinceps in animo erat, à belli fortuna translatum, quod veneratione, cultuque hominum esset cum regio sanguine, tum regis virtutibus dignus, & quod ipse fatalis, quae Lusitaniae viginti per annos à se defensa sub tanti Ducis auspiciis jam imminerebat, calamitatis, nec intus spectator, nec particeps esse vellet. Hæc Gallus Austriaco, hic autem admissio in belli machinas Gallo, quò nuper idem exploraturus accesserat, quia situs ille sublimis erat, stationisque ac speculæ vice Lusitanis in primis accommodatus, ibi ideò novum extolli propugnaculum iussit, suisque nominis monumento jam illi strenuè, ac magnificè structo Joannis nomen imposuit. Subsidiarum deinde, quæ, sicut dixerat Gallus, celerius uberiùsque parabat hostis, minime ambiguus, quò seriùs illa collata tum denique victum, aut saltem fractum offenderent oppidum, trahere anxius Joannes in animum suo cepit, quæ compendiarie fortassè Jurumeniæ sibi præripiendæ, vel arctiùs quoque premendæ pateret conatibus via. Multum ipse viris Italici tribuebat, & ob spectatam horum militum disciplinam, & ob recens etiam virtutis experimentum, quo paulò ante munimina hostium per vulnera, & cædes pari virtute, atque industria sanguinolenti pervaserant. Callidè tamen velare animum, sensusque retrudere satagebat, quo minus favore perspecto Hispani-

norum sibi detractiones, atque querelas, & illis invidiam ex gloriæ annulatione conflaret. At qui nunc gravior incussus ex præsentis periculo metus, aliàs, ut solet ex leviori manantes affectu rationes excussit. Italicos igitur nactus Joannes milites iussit ut simulato misso clamore, vana armorum tractatione, atque assultibus fictis sese ostenderent Lusitanis jam vel le accedere ad fossam, ejusque transitum intentare. Sic enim illo inani sublato clamore, motuque decepto fortassè hoste, sublatentes si ibi fortè cuniculi, quorum hætenus metus progrediendi cupidos retardaverat, essent, igne per errorem appposito, molibusque disruptis, inoffensa per locum transgressio militibus foret. Quod ita profectò, ut Austriacus praeviderat, accidit; nam illo horrifono strepitu, ficto illo impetu prætervictos jam esse Italos cum Lusitani cogitavissent, incensis frustra cuniculis, ad semilunare munimen suffugiunt; Italique tum ignibus demolitum, atque ab hostibus destitutum avidè locum arripiunt, atque intrepidè sustinent. Ea res ut in æquè delusos, ac damno percitos incidens hostes totius tunc inspectantis exercitus voce, ac plausibus celebrata cæteras quoque nationes operibus singulis singulas occupatas optimo exemplo arrexerit, & animo sustulit, eodémque imitationis, & laudis incitamento, cum vias per obliquas summo labore contenderent; eò usque cætera eniti, atque efficere potuerunt, ut jam extra tormenti belli jactum propiores oppidi mœnibus versarentur. Sic arctiora quotidie cum omnia fierent obsessis, acriterque oppugnatis, subsidii spes anceps, in præsentis res aspera, futura periculosior, & certa calamitas esset, eventus ejus incertus; Austriaci præterea facilitas, atque comitas cum citiùs, quam seriùs experta prioniorem ipsis



ipsi clementiam, & veniam polliceretur, nec ullum interea de componendo negotio inter milites murmur, aut vox tot inter ruinas, bellique turbine emanaret, ira ex eo intus, molestaque ægritudines animi, scissio-  
nèsque plurimum per compita, & circulos obstrepentium, querentiumque se ignibus quidem, & gladiis, famis-  
que rabidæ morsibus variòque interitus generi à Ducum suorum socordia, atque impietate addictos per inanes subsidii spes quotidie magis ludificari, ut ruina, atque incendio Jurumenia denique tumultata, & incolarum ipsa tumultus esset. Enimvero quò fieri queat, ut Menesius, qui paulò ante circa Estremotium castris inclusus ne lace-  
sus quidem, totque segetum, agrorumque cladibus percitus acie iusta, & ex æquo cum Joanne configere animo sustinuerit, ille eundem in præsens solido, ac firmo munimento val-  
latum provocet, retentèque? Sic inter Ducis ignaviam hostis-  
que virtutem positis ab utroque opus esse eo tempore sibi metuere, eoque importuna patientia, dementique fiducia jam esse rem devolutam, quo certè aut vivendum sibi esset cum ignominia, aut crudeliter pereundum, unam duntaxat succurrere fugam, quæ à corpore servitutem, à visceribus crucia-  
tus, arcere ab animo dedecus possit. Hujusmodi erant, qui tunc in oppido fundebantur afflicti populi questus, & æquè minaces, ac flebiles voces, quas externi etiam milites intendebant. Ut enim sæpè assuetudine, ac vitio homines exteri, quos patria plerumque foras ut inquietos ingenio agit, mores civium, & animos labefactant, ita ibi milites alienigenæ sive aucto labore, sive stipendio imminuto, sive turbido potius ingenio acti tales querelas passim vulgantes jam penè lassave-  
rant, ac propè torserant hucusque sem-

per invictam, & odio Castellæ magis quàm animi robore sultam Lusitani constantiam. Cùm ita igitur intestinus tumultus glisceret, illique materia ex rerum confusione, ex externorum afflatu, ex inopia animorum, consiliique per faces seditionis ministraretur, atque ideò alii suarum, alii rerum publicarum perniciem, ob jactas alii spontè discordias peccati supplicium metuerent, fuere propterea nec pauci, qui per murorum pinnas elapsi ad Joannis castra perfrugerent. Hoc porrò vehementius perculit Pintum non pestifero minùs exemplo, quàm defectionis causa commotum, desperatamque rem fore credentem, si ita fesso, ita perfracto externis incursibus oppido, illa etiam turbamenta domestica accederent, quorum effluere passim contagio etiam ad integros poterat. Severiores itaque in oppido quæstiones de tumultus crimine latæ, sceleris conscios, auctoresque seditionis convictos supplicium absumpsit, atque ita illa vix orta seditio Ducis prudentia restincta est. Dum in oppido hæc agebantur, & plerisque oppidanos, ac milites quoque suppliciorum in se spectacula verterant, Joannes interim mirabatur quod nullo sibilo pilæ, nullo missilium jactu, non clamore, non aris crepitu, ut antea solebant, obstreperent muri. Ignaro quid causæ apud hostes tanto silentio esset, suspicio inter alia subibat animo ne præparatis fortassè cuniculis per ea falsæ quietis oblectamenta insidias, ac dolos hostis ad incautè accedendum militibus strueret, hærebátque præsertim eo tempore Austriacus, essetne sepes lignorum, quæ adhuc integra erat, substrata cuniculis, tandem suis ipse vagando cogitationibus lassus, ac tædio affectus, ea ipsa, qua aptior jam nulla ceciderat assultibus, nocte consuetæ tutelæ, ac  
E c 3 vigiliis

vigiliis tantummodò intentos inter-  
quiescere milites iussit. Prima luce  
cùm vegetior ad arma ex otio permis-  
so recurreret miles, acriùsque conser-  
tum certamen esset, notavit quidam  
ex Castellensibus miles, aut ita fortas-  
sè per altum commentus est pilis non-  
nullis, seu globulis, quos Lusitani per  
fistulas ignis excusserant, aculeos in-  
sertos hærere, claviculòsque & ipsos  
omniò jure militiæ vetitos. Hoc cùm  
Austriaco statim relatum esset, per  
eam occasionem occurrit ut specie de  
vero, seu affictò illo crimine Præsi-  
dem objurgandi, mitteret Jurume-  
niam, qui propè, & commodiùs per  
dolum posset, quæ introrsum porrige-  
bantur munimenta ejus inspicere. Ita-  
que ordinario tubicini virum inculto,  
rudique calorum habitu amictum, &  
ipsum egregium à belli machinis Ioan-  
nes comitem dedit, qui res Lusitanas  
clam circumspiceret, notarétque. In-  
termissa paulisper est pugna; vocatur  
oppidi Præses; de læso, ac violato ju-  
re militiæ iniqua per arma reprehendi-  
tur; execrationes bellique diræ, si id  
ipsum jussisset, aut fortè sciret, & pa-  
teretur adduntur, idque dum negat  
constanter Pintus, imò calumnia se  
potiùs, sive fallacia peti mora, & con-  
vicio arguentem redarguit hostem,  
jam satis hucusque rei hostilis opifex  
introspecterat, reversusque ad Joannem  
situm, & locum ipsi descripsit, unde  
faciliùs premendum oppidum esset.  
Gravis idcirco inter æmulas nationes  
contentio, unamquamque pro nomi-  
nis gloria, ac splendore majus certa-  
tim periculum ambientem, exarsit.  
Prærogativam nationis jam dominan-  
tis Hispani, solique jus; clariores, sed  
antiquitatis fumo subductas imagines  
Itali, & recentia quoque decora, belli-  
que merita conferebant. Germanos  
ut neutros, & tanquam medios, seu  
partium compositores eorundem in

rèm annitentium hominum pertinacia,  
& aliorum aliis nequaquam ceden-  
tium, spèsi que ab illa suborta promo-  
verat. Circumstantabant Austriacum sin-  
guli Duces cum ingentibus studiis,  
prout quæque ad se pertinebat, na-  
tionibus singulis suffragantes, eaque  
erat in illa causa hominum concursatio,  
& competentium turba, calorque,  
ut res ad seditionem spectare prope-  
modum videretur. Tandem Austria-  
cus pro Hispanis pronunciavit, mag-  
ni præterea momenti rationem adje-  
cit, quæ omniò dissidia fustulit. Ca-  
stellensibus scilicet, quos suo nuper lo-  
co à Lusitanis pugnando motos, retrò-  
que compulso, laboris, & gloriæ ma-  
teries unde famæ detrimenta sarcirent,  
in primis deceret, illud potissimum  
opus deberi, iis que etiam debere ma-  
gis confidere Ducem, quorum stimu-  
lata ex dedecore, aut invidia fortunæ  
virtus pro privata simul, & publica cau-  
sa ampliora ad certamen incitamenta  
ferret. Porro Hispanorum Tribuni  
militum effusè gratiis Austriaco actis,  
movent subinde copias id animorum,  
id flammæ secum gerentes, quan-  
tum ipsis, & insita virtus, & Duces  
etiam afflare præ victo gloriæ certa-  
mine poterant. Fuere illi, & memo-  
rabiles quidem Duces Joannes En-  
righius, Ferdinandus Escovedus, Fran-  
ciscus Alarconius, & Comes Portul-  
lanus, quorum duo primi dextrum  
aciei dispositæ cornu, lævum ceteri  
tenuere. Omnes igitur luce diurna,  
nudato corpore, celeri gradu ad inter-  
ius, idemque fortius quàm ostenderat  
artifex, cùm omnium in se conversos  
haberent militum oculos, hostium  
munimentum incurrunt. Lusitanus  
contra cùm jam præparatus ad illum,  
quem ferociùs appropinquare cerne-  
bat, sustinendum impetum restitisset,  
pro muris obfistere, insistere, rotare,  
hæstes conjicere pilas, aut hostes mis-  
fo



ſo deſuper igne torrere, aut vulnera-  
re lapidum jaſtu, cùmque ita pila-  
rum, ſaxorum, ferventis ſimul mate-  
riæ, igniùmque tartareus, ac miſtus  
imber in ora, atque terga Hiſpano-  
rum truculentiffimè plueret, Hiſpa-  
num tamen vincere ibidem, aut mo-  
ri certum, nec circuire, nec pugnare  
cùm ipſe poſſet, nec ſuſum eniti, cir-  
cunfluens undique flamma, vibratùm-  
que acerrimè ferrum, non ideò refer-  
re pedem, aut animorum laxare vim  
in tanta belli tempeſtate coge-  
bat. Sic neutro tum inclinata etſi truci-  
or atderet, adhuc dubia pende-  
bat pugna, hinc enim audacia, furor-  
que hoſtis, hinc loci commoditas, nec  
fanè impar animi virtus conſertas in  
medio vires æquabant. Tandem Dux  
Alarconius ſelectam illorum militum  
manum ubi inſignes erant Centuriones  
invehere ſe propiùs ad propugnaculi  
invaſi latera jubet, concitatòque im-  
petu à fronte diſtrahere hoſtes videre  
ſi fortè poſſent, ſin minùs in latera  
magis urgere, quò niſi frons cederet,  
latus haurirent. Lecti protinùs mili-  
tes, quemadmodum juſſum erat, ma-  
gno ardore, atque animo præterve-  
cti ſerè præcipites omnes in arma, la-  
pides, faces, & cõpias oppoſitas ir-  
ruunt, eoque pars impetu caſi, par-  
tim ambuſti, ſeu vulnerati, ubi ipſo-  
rum jam vires deficiebant & hoſtium  
intendebantur, veſtigia poſtremò tor-  
ſiſſent, hos niſi remiſſos, & langui-  
dos alii integri exciperent, recentèſ-  
que, ac tota ſubinde explicatis viribus  
legio ſummo impetu in frontem, ac  
latera inveſta eſſet. Tum verò tanto  
numero circumfuſi, ac repetitis impul-  
ſibus preſſi cùm ſuccumberent Luſita-  
ni, animo tandem, ac viribus fracti,  
afflictique propugnaculo primo deſer-  
to, ad interiora munimenta refugiunt;  
Hiſpanique poſt quatuor, & utrinque  
eruentam horarum pugnam inviam

militarem conteſtam propugnaculo  
hærentem inſiliunt. Cæteræ verò le-  
giones Hiſpanæ, quæ ab Enriquo,  
atque Eſcovedo Ducibus ductæ ab al-  
tera parte adverſus hoſtes concurre-  
rant, in aſperiores, & confragoſum  
impactæ locum, graviori labore, ni-  
ſi que pugnant, quàm fruſtu. Ad  
hæc cùm præliaris magis caleret vis,  
interrupti, irruentèſque repentè cunicu-  
li re improvifa, ac vehementi trepidos  
homines, turbatòſque, partim etiam  
aduſtos, aut penitùs hauſtos retrò pau-  
liſper egere; mox illo ſtatim igneo im-  
petu, ac ſpiritu vanefcente, à tanto  
pavore cum ſe animus collegiſſet, re-  
deunt, & acriùs Hiſpani, pèrque oc-  
ciſorum, & combuſtorum acervos, tor-  
ridiſque fragminibus ſemitam compla-  
natam euntes, munimentum, cui al-  
laborabant, proximè attingunt, &  
poſſe eodem quoque tempore vide-  
bantur jam propiùs objectum, & af-  
ſultibus opportunum propugnaculum  
ſuperare, niſi agitatione continua cor-  
poris, & copia ſudoris, qui cum anhe-  
litu membra ſolvebat, atque ex in-  
cendio nuper accepta clade, ut ulti-  
mus fractior ille impetus recidiſſet.  
Hæc, qui procul non erat, intuetur  
Auſtriacus, proinde laſſitudine, æſtù-  
que militibus feſſis, alios ſuccedere  
Hiſpani etiam nominis jubet, & inte-  
gri ſpiritus, recentèſque, qui delecti  
fuere Lopiùs Abreus, Rodericus Mo-  
xica, Franciſcus Araucus cum toti-  
dem legionibus, acceſſitque Alvari  
Lunæ legio, ipſius Inſtructore pro tem-  
pore Duce, cùm ager tunc ex vulnere  
in prælio accepto decumberet Alva-  
rus, hòſque milites tandem aliorum  
virtute paratam, ac penè partam in-  
tercipere gloriam fortuna conſtituit.  
Etenim Luſitani, cùm eodem tempo-  
re ab Italis, Germaniſque variis in lo-  
cis vehementius agitarentur, tum mul-  
tiplici ac ſævo quoque prælio diſtra-

Etis, occupatisque ad opem ubique ferendam passim laborantibus sociis nequaquam sufficeret ipsis militum numerus, simul qui adhuc Hispanis circa munimentum obstitant præ assidua fatigatione, ac labore, dilapso vigore corporis animique, languescerent, ubi rursus in ipsos vim magnam militum confluentem, & novam cohortam seseque effundentem belli procellam aspiciunt, id tempestatis, id modò impetus robustis, & integris etiam terribile, jam fessi, fractique sustinere planè diffisi, æquè animo, ac viribus consternantur, ac pedem subinde referunt, tunc retroactos in hostes gradu confestim Castellenfes illato feruntur in locum, quem Lusitani circa munimenta reliquerant; alii deinde per ruinarum accessiones, alii scalis applicitis bina propugnacula scandunt, spatium reliqui capiunt his propugnaculis interjectum. Ita quidem initio fœdum, post exitu clarum, nec incruentum hoc bellicum tamen opus Castellenfibus incidit, atque hoc maximè modo ea prima ignominia propè nota deterfa, ut mirè alii alios exemplis honestis in bello præcipuè acuunt, aciores stimulos gloriæ cæteris nationibus addidit. Nam Germani dum per obliquoas obsidionis vias scrabrosum iter difficilè terunt, diutiùs quàm pateretur, quem decoquebant animo, ardor cum obversis crepidinibus colluctati, iis tandem præ tedio, ac lassitudine ommissis, obvia, atque nuda præbentes ictibus corpora evadunt, affiliunt, & cæco velut impetu rapiuntur. Tunc condensatus, orbésque cominus volvens, ut loco superior, & viribus Lusitanus primo concursu prosperè pugnam intendit, tæque Germanus ab hoste repulsus, cùm toties prælium instauravisset, accipitque adhuc exitu, res animi magis audacia, quàm spe, viribúque apud Germanos innitere-

tur, Emanuèl Carafa, Sartiranaque Comes Italorum Tribuni militum, qui juxta Germanos pro sua statione confederant, primorum ne fortè clades etiam propinquos opprimeret, electas cohortes in Germanorum suppetias transferunt, simul & Comes Boëttus Pedemontanus æquè nobilis ipse vir, ac impiger Dux quasdam equitum turmas ad criptarum marginem impulit, ut Lusitanos passim perculos, implicitósque illa insuper vis, is novus equestris oppositus terror obrueret. Tandem ibi Itali, Germanique post multam illatam utrinque stragem, qualem temeritas solet, aut martialis accendere furor, cæcas criptas, illisque adjacentia omnia munimina occupant, ibique prævalidè se communiunt. Post quæ stratis semilunaribus munimentis, ejectis murorum loricis, ac cæteris propugnaculis vel everfis, vel ab hostibus captis, ubi omnia, quæ circum oppidum erant, ferrum, aut flamma corruerat, sola, & extrema Castellenfibus superanda, quæ mœnia cingebat, supererat fossa. Hoc cùm resciret Menesius Lusitani exercitus Dux, arctiori scilicet oppidanis murorum ambitu circumclusis, & extrema jam propè perniciè pressis nisi citissimè subveniret, impendere periculum, ne excisa, vel prodita Jurumenia deperderetur expeditionem quamprimùm parare milites jubet, per id temporis animo certus quoquo pacto succurrere Jurumenia. Hoc ipsum Austriacus per exploratores intelligens Ductorum primoribus convocatis, disertè proponit quid utilius, quid congruentius eo tempore ipsi censerent in tanto discrimine perpetrandum.

Nam, si iisdem, dicebat, consilium esset, tota extra vallum ad certamen subducta, explicatæque acie ire obviam, ingruentemque antevertere velle hostem, vereri nec immeritò



„ inmerito se, ne forte erumpentes ab  
 „ oppido milites incolæque quorum  
 „ nec perexiguus ibi nec imbellis, nec  
 „ segnis inesset numerus per disiecta,  
 „ ac revulsa illa opera obsidionalia in  
 „ exercitus terga pugnatum irent, sin  
 „ regiae ipsæ divisæ copiae pars extra  
 „ vallum occurrent hosti, pars rema-  
 „ nerent in ejusdem oppidi obsidione,  
 „ tunc incisis utrinque nervis, viribuf-  
 „ que debilitatis anceps ex eo pericu-  
 „ lum, ac deteriorum quidem futuram  
 „ utrobique pugnandi conditionem,  
 „ siquidem neque satis tutando vallo,  
 „ neque satis in hostium occursum eun-  
 „ do bifariam hoc modo distractæ co-  
 „ piæ fuissent; si verò intra vallum, &  
 „ munimenta conclusi excipere Lusita-  
 „ num, cum eò impeteret, vellent, esse  
 „ tunc metuendum hinc ab impetu ho-  
 „ stis, quo sociis se jungeret, Jurume-  
 „ nia digressi, hinc ab hoste validis co-  
 „ piis externè irrumpente, ac si fortè  
 „ cõirent, ne regia scilicet acies ab  
 „ utroque latere laceretur. Quod si  
 „ aliam belli cunctando placeat ratio-  
 „ nem inire hostibus, imminere quo-  
 „ que periculum, ne qui alios tunc  
 „ obsiderent, & ipsi ab hostibus inter-  
 „ clusi, atque in hostico solo diutius  
 „ obsessi fame, ferroque inter angustias  
 „ aggeris quem tenebant, circumdu-  
 „ ctam custodiam, & copiam militum  
 „ premerentur. Utrumque ergo con-  
 „ silium inflecteretur, ut pleraque belli  
 „ momenta fluerent, ardua atque as-  
 „ pera omnia, & quocumque te ver-  
 „ teris jactata periculis, ac difficultati-  
 „ bus septa esse, & aliud ex alio deli-  
 „ berandi inter æstus, ac tricas potesta-  
 „ tem impediencia. Hisque ad majorem  
 „ sollicitudinem addi, quod hoc Mar-  
 „ tis ab uno ictu, sive belli fortunæ jo-  
 „ co tot exhausti hucusque labores  
 „ sumptusque profusi, & militum, Du-  
 „ cū, Regis Catholici nomen ac decus,  
 „ spes etiā Lusitani regni recuperandi, &

alia quæcūque sive honesta, sive utilia  
 incitamenta rerū, quæ humanos per-  
 cellere animos possint, omninò pēde-  
 rent. Porro autem haud sanè multa,  
 eaque factu facilia Numen humanis  
 consultationibus reliquisse, majora,  
 atque ardua sibi seposuisse. In eo ta-  
 men prudentiam habere laudem, &  
 locum, & cujusque ingenii, mentisque  
 antecellere acumen, si quis multo-  
 rum explorata sententia ad severi,  
 purgatiq̃ue examen judicii, non ad  
 fortunæ libidinem, vel fatorum con-  
 stitutionem occultam, ita incerta  
 conferre casuum, atque adjuncta li-  
 brare, & post eligere sciat, ut ne er-  
 rasse quidem pœniteat hominem  
 cum meliori in speciem electo con-  
 filio, secus postea quàm judicasset,  
 acciderit. Propterea satis sibi sup̃er-  
 que fore, si Deus indiderit ipsi men-  
 tem & saniori amplectendo consilio  
 idoneam, & ei feliciter exequendo;  
 cum rectè perinde consulere, atque  
 uti consilio prosperè, licet utrumque  
 sæpè fortuitum insipientibus videat̃-  
 tur, fati lege sancitum sit.

Postquam Joannes ita diservit, eos  
 inter Duces, qui sive ætate, sive animi  
 ardore, sive belli imperitia intempe-  
 rantius ad arma tractanda flagrabant,  
 strepentes potiusquam consultantes,  
 altercantésque pertinaciter afferebant.  
 Munimentis, & aggere statim omis-  
 sis, paucisque relictis, qui in Jurume-  
 niæ obsessæ custodia vallóque ambien-  
 te manerent, cum cæteris copiis ex-  
 plicatis in campo signis occurrandum  
 hostibus esse; nam multò magis inva-  
 si, quàm invadentis, expectantis quàm  
 occurrentis, misera in bello conditio,  
 atque exercitus fors æstimatur, cujus  
 profectò incrementa majora gloriæ,  
 successusque secundos alacritate, animi  
 audacia, promptitudine, impetu, in-  
 cursu, non mora, aut segnitie felices,  
 magnanimique Duces penè semper di-  
 metiantur.

metiantur. Luctuosum præterea, & huic simile, recens exemplum incidere oculis, irrita scilicet Elvensis obsidionis, ibique exercitus fœde concissi, nimirum, quia vallo Castellensis inclusus ibi ipse peti, quàm foris hostem per arma petere maluisset. Huc etiam accedere, quod paulò ante exercitus Lusitanus suo ipse aggere septus, & populatione, ac cædibus laceffit, cum inde erumpere non auderet gravia, & acerba apud socios hostesque cumulaverat sibi ludibria, atque argumenta in se metus expresserat, quæ modo pericula, & probra ad illorum imitationem ignaviæ, dum provocaret hostis, vallorum jam claustris hærentibus, cunctaque passis, quæ circumfessi perpeti soleant, hoc porro consilio essent Castellensibus subeunda, quando, & impendens cervicibus oppidum cogeret etiam de tergo consulere. Sed contra Sangermanensis, cujus demum sententia vicit, alloquitur. Non esse profectò militibus vallo, nec suo cuique intra ejus ambitus latitudinem præscripto loco ceddendum, quod agger ille curvatus, in mediâ se lunæ figuram extendet, & vacuum aliam munimine parat, tem è latere defluens satis protegeret, amnis. In loco proinde arctiori confertas, constipatasque militum vires se se atque aggerem sustentantium, facilius, aiebat, impressiones hostium propulsaturas, nec alias insuper copias desiderari, quæ oppidanos coërceant ita murorum jam septis adstrictos, & undique clausos, quique modicis etiam viribus contineri, quando vellent erumpere potuissent, & majores quoque cum opus esset valli contractio suppeditasset. Duram præterea suaserem esse, opere durior, tanto coram exercitu velle præcipitem Lusitanum in Anæ trajectionem, qui unus illi aditus extra aggerem superesset, ab-

ire; cum enim de belli ratione confutitur, ac simul consilium excutitur hostis, intellectus errorem in isto, vel ad summum incertiam, non amenitiam, manifestumque furorem, qualis abruptus hic esset transitus amnis, præcavere prudentibus datum. Hoc tamen & ille si per insaniam fortassis auderet, nullo negotio temerarii conatus pœnas exoluturum. Quæ porro composita nunc cum jam memorata, & funesta Elvi urbis obsidione, atque ibidem accepta clade argumenta in longe dissimili causâ versari, siquidem longè, latèque porrectior erat illius aggeris amplitudo, integer valli tractus, loci situs iniquus, iniquior temporis constitutio, simul tyronum magna colluvies, & eorum plerique diuturna obsidione contriti, multaque macie, ac labore confecti. Ad hæc non impetu, sed ratione, & constantia, ac melius cunctando, ac sæpè cessando belli res agitari in quibus id gloriosius, quod tutum, id sapientius, quod magis cautum, & quanquam pars formidinis cautio populariter appelletur, ab hujusmodi tamen, quæ nonnunquam vertitur vitio, vacuum formidine militem, sibi adversum, reipublicæ inutilem, labi etiam ipsum à primo instituto militiæ, cujus potissima ratio esset, virtute uti, non iracundia, vincere, non perire, spiritumque non projicere Marti, sed pignerari. Immerito ergo metui, ac fœcordiæ à temerariis duntaxat, bellique rudibus attributum, quod paulò ante Dux Lusitanus post multa ineundi cum hoste conflictus in castra in segetes agros irritamenta, aut ignaviter otiosus, aut cum dedecore patiens castrorum angustiis se se tenuisset; Contra quippè à peritis in honorem, & laudem esse relatum, tunc se à certamine Ducem abstinuisse, cum sua certare non interesset. Atqui consiliis, rebusque longè



„longè diversis, nec minùs in præsens  
„utilitatis habentibus quàm decoris  
„cum Castellensium exercitu agi. Lu-  
„sitani enim eo tempore castris in-  
„clusum soli defensionì vacasse, &  
„tunc non vinci, loco victoriæ fuisse;  
„Castellensi verò & tueri se modò  
„incumbere, & vincere Iurumeniam,  
„ingentemque fore victoriàm. de  
„Lusitano partem, cum Castellensi-  
„bus vallo restrictis oppugnatisque,  
„Iurumenia, quæ & causâ, & præ-  
„mium, & laurea instituti certaminis  
„erat, succubisset. Sic contra ju-  
„venes senes censere Duces, verùm  
„cum hastæ senum juvenes appellen-  
„tur ac sint, æquum profectò esse ut se-  
„num consilio dirigi, senumque tor-  
„queri manibus patiantur. Secun-  
„dum hanc Sangermanensis sententiam  
„iussit Austriacus vallo tuendo inten-  
„tum Castellensem persistere militem,  
„ibique sese acriter comparare hostium  
„assultibus sustinendis; præterea quo  
„minus eas distrahendi causâ, vel  
„avocandi fortassè copias Lusitanus ab  
„Iurumenia diverteret Badacocium, huc  
„Alexandrum Moreram cum quinque  
„agminibus equitum misit, ibi, si ita  
„opus esset, consistere iussum, sin Lu-  
„sitani rectâ contenderet Iurumeniam,  
„inhæreere vestigiis ejus, & cum reliquis  
„turmis, quæ extra vallum obequitabant,  
„celeriter se conjungere.

Inter hæc Iurumeniam versus opti-  
mè instructa Lusitana pergebat acies;  
jamque leucæ intervallo procul ab op-  
pido in ejus conspectu castra posue-  
rat, cum eam summo gaudio muni-  
cipis intuentes exultare, concurrere  
passim obstrepere gratulantes, ac ge-  
stientes, circumductisque per moenium  
pinnas collucentibus flammis, simul  
clamore, ac tripudiis lætitiâ, fulgen-  
temque ex subsidio proximo spem  
ostentabant, & suis quoque ut citiùs  
accederent, innuebant, quibus tor-

mentorum reiterato fragore subinde  
respondit exercitus Lusitanus. Porro  
Joannes, quanquam anxius animo erat,  
magnam eo tempore abesse suorum  
equitum partem, quàm Badacocium,  
atque in oppida circumjecta ad subi-  
tanea rerum immiserat, sua ipse ta-  
men, & virtute militum fretus per il-  
lam integram noctem vallo eos insi-  
dentes, prælioque succinctos, & ala-  
cres tenuit, ita, ut animorum ardo-  
rem illum acerrimum, & libertatis, ac  
certaminis avidos milites vix vallorum  
angustia caperent. Ubi illuxit, castra  
mutat Lusitanus, valloque hostis pro-  
pinquiori in altero colle confedit. In-  
de crebrius excutere majora belli tor-  
menta cepit; idem etiam Castellens-  
es ab aggeris ambitu moliuntur, sed  
in collis cacumine altior cum Lusitani  
positio esset, Castellensis autem exer-  
citus humi depressior, ac planior, ob  
inæquale solum, metasque contortas  
irritæ utrinque pilæ inani prope omnes  
minarum strepitu volitabant. Qui-  
dam interim Lusitanus secundo flumi-  
ne nando vectus cum Menesii datis ad  
Pintum litteris oppidum introivit. Lit-  
terarum sententia erat, Ducem ipsum  
Lusitanum ea ipsa præscripta die vel  
succurrere Iurumeniæ, vel omnino pe-  
rire constituisse. Idipsum quoque ab  
initio Joannes Austriacus arbitrabatur  
quâ Lusitani ferocitate, spiritusque su-  
perbia, qua oppidanorum necessitate  
in hanc sententiam adductus, post-  
quam verò cespitibus aggerandis, ope-  
risque trahendis solito magis implici-  
tum hostem impensius munire castra  
conspexit, simul rem, celeritatis quæ  
maximè egebat, procrastinari volven-  
do jam, aut eludi, tunc dubitare cæ-  
pit Austriacus an id fortassè consilii in  
animo gereret Lusitanus, quo pro val-  
lo frangendo pugnam, aut oppidi ob-  
sidione solvenda committeret, hanc-  
que ipsam Menesii animi alienatio-  
nem,

nem, & à conferendo certamine fugam, dilucidius paulò post explicavit Austriaco ex perfugis quidam fortuito castris elapsus, adjiciens, etsi ad oppidum retinendum certò cum animo dimicandi, ægrè tamen, & re ipsa coactum, ac spe lubrica trepidum Estremotio Menesium movisse copias ut animo volutantem trahere se quidem tyrones adversus veteres bellatores, & propè claudos, ac debiles adversus acerrimos equos, inferiorémque illorum militum numero numerum ad extremi discriminis aleam; nunc autem propiùs inspecto exercitu hostium, hinc amne, hinc fortissimo aggere, ferocique milite communito, tum circa præditiis, operibùsque variis summo artificio dispositis, adeò repentè spe prorsus, atque animo concidisse, ut à certaminis modò consiliis, curisque penitus versus, ea exercitus mora, ambitùque locorum, ea armorum exposita pompa, bellique apparatu, is non oppidi libertatem, sed honestiores duntaxat deditionis condiciones captandas intenderet. Hæc à perfuga summo relata Duci rebus, quas adhuc gesserat hostis congruere cum viderentur, se in prima sententia fixit, scilicet, Lusitanum, qui de loco in locum, atque in diem ex die subsidii negotium protraheret ad pugnae periculum non venturum. Cæterum una, &que nimis molesta Duci suberat cogitatio, desperato jam rupti per aggeris aditum hosti, quod expectabat Iurumenia, subsidio, ne ex eo tamen ubi tutus infederat loco circumspectando ipse, cunctando vel intenderet quidquam doli vel obviæ fortasse occasione immineret, qua sæpè numero oblata, nec tamen interdum in bello prævisa plerumque cunctatio, ac sedulitas Ducis uti prosperè consuevisset. Igitur cum alia aliam in re illa sollicito neceret curam vario, incertoque

volvebat animo Austriacus qua ratione, quo quisquam consilio aut fingere causam, aut se ipsa emergere tandem opportunitas posset, cujus expectatione, & consilio inibi ducere tunc videretur hostilis exercitus moras. Sciebat enim Austriacus, quia eruditissimus erat, esse quidem finitam, & circumscriptam subjacentium, atque accidentium rerum collectionem, nec adeò retrusam, vel novam, vel abditam esse rem, quæ per tempora, & vices ex transactarum rerum orbe non redeat, aut quæ ex illarum rerum similitudine, & pro serie, habitùque rerum collata præsentium à vivido, acrisque ingenio per conjecturam præfagiri nequeat. Hæc scitè, ac sollicitè meditati, & cum Ducibus conferenti nunciatur Austriaco mutare jam Lusitanum, aut raptim extendere, præceps, quæ ille, in quo federat, collis ad Anam vergeret castra; militem etiam, qui ab oppido nuper evaserat, flumen subiecto cortice transeuntem ad Lusitanum exercitum pervenisse cum mandatis, ut verisimile erat, Iurumeniæ Gubernatoris, simul ex feceris Ducum colloquiis, & circulis, & quadam militum inquietudine, astùque manare passim indicia occulti ibi aliquid ordientium, & machinantium; His rebus auditis, hoc extemplò suspicatur Austriacus, quod mente hæctenus volutaverat, scilicet à valli irruptione, ac manifesto impetu ob firmitudinem ejus averso nihil tum reliquum esse hosti, quàm transitum Anæ, quorsum consultò jam castra trahebat insidiis, noctisque caligine subtentare. Itaque geminatis in Anæ margine excubiis, jussit etiam Joannes, ut Cavallerus magister equitum cum delectis, plenisque agminibus septem de fluvii custodia, ac præsidio vacaret, simul strepitus, clamor, & concursatio militum, crebrique dispositi per ripæ longitudinem



gitadinem ignes, nedum vigilantem, excitatūque sed alacrem etiam, avidūque certaminis hostem hosti significabant, totāque eadem suspecta nocte intensius, fragosiusque circa Anam extractæ vigiliæ sunt. Lusitanus ubi suo se falsum ea nocte consilio videt, prima luce relictis castris paulatim inde recedit, hostisq; sublatu cum esset aspectui, pergere iter aspicitur quod ad Villavitiōsam tendebat. Hoc cognito interga ejus extemplō conversus Castellensis effunditur eques, variisque turmis hinc, inde divisus, atque orbibus vectus extremam nunc aciem, nunc latera infestans, ipsa aliquando perturbat, nōnullos etiam casu, aut consilio ab ordine egresos intercipit hostes. Tum verò Joannes tam celeri, tam improvise Lusitani discessu ratus, spem omnem subsidii municipibus lapsam in victoris clementiam esse tantummodo revolutam, codicillos ad Pintum per tubicinem mittit, inculcans, ut ipse ejusque omnino participes fortis pœnas, & cruciatus inferri pertinacibus solitos per maturam deditiōnem præverterent, dilapsos jam esse focios, subsidii spem omnem ademptam, nimis serò, ac luctuosam fore deditiōnem quæ eodem momento non præstaretur. Noluit hujusmodi codicillos admittere Pintus, nefas esse causatus, propè validum, qui penè jam sub oculis erat, exercitum, ejusque supremum Ducem sese eidem obnoxium, & jure devinctum imperii trahere colloquia, aut pacta cum hoste sancire, si aliquid opus esset Austriaco, ab ipso, qui haud procul esset, Menesio Duce requireret.

Interea Dux Lusitanus, etsi longius antea recedere simulaverat, mox, quod dubius inierat, itinere flexo, retrò pergere instituit, ac tumultum tandem, qui ab aggere hostis, paulò plus illo quem postremo reliquerat,

aberat, cum exercitu occupat. Militem inde mittit, qui noctu per amnem in oppidum introductus Gubernatori professus est, ingenti animo Ducem erectum cum omnibus copiis oppido subventurum, simul ut fidem, quæ tum omnibus dubia per interpositas moras, & viarum ambitus erat, ex colore fucōque duceret, diem etiam præfixit certamini destinatum, qui triduo post recurrisset & Corpori Domini consecratus. Dum hæc Lusitani exercitus volutatio, ejusque incertitudo consilii multipli cura animique fluctuatione, ac molestia suspensos tum oppidanos, tum Castellenses agebat, nihil ideò remisit Austriaci jussu Jurumenia verberabatur. Nam Castellenses, superata denique fossa, quæ exterioris munitiōnis ultima erat, jam propius, & acrius oppidi muros urgebant. Adversus hæc oppidani cum suppositos hostes, crebrisque ictibus pronos, ac fermè nudos haberent ex edito loco, cumque varia esset intus, & materies, & copia ignea artificia conglutinandi, inde sulphure, & pice compositam pestem, simul ardentem fasciculos, saxa, tostosque lapillos, & alia missilia jaculabantur non minus urendo, quàm perturbando, implicandōque hosti mirifice structa. Major tamen alacritas, & virium, animique conatus, ut victoriæ spe proxima afflata, pro vi inferenda, propulsandaque apud Castellæ milites erant. Igitur solidis assibus pelle contextis, aliisque usitatis belli commentis subtrahere pluviam illi pestiferæ corpora, subruere muros, cuniculos fodere, scalis alibi ad motus alios propugnatores occidere, muris alios detractos affligere solo, cumque passim scalarum, armorū, hominūq; fragmēta ruerent, & vires, hominēsque sufficerent Castellensibus, quæ jam defecerant hostes ad hujusmodi impetus restaurandos, eò tandē inclinata pendebat res, ut una spes oppidi

F f retinen

retinendi in externa tantum confisteret ope, cæque ipsa spes esset ejusdem exercitus instar, ac Menesij more versatilis. Qui per illius moræ circuitus, flexusque locorum, tum denique expertus neque vi neque dolo suppetias esse Jurumeniæ parabiles ob diurnam præterea, ac vehementem oppidi obsidionem, postquam intellexit intus militibus, incolis partim pugnando cæsis, partim labore, ac vigiliis enectis, ac penè consuptis, & quibus superat vita cum minimè vires obsidionis ultrà ferendis laboribus habiles superessent, ac si ampliùs expectati subsidij error prolaretur, hoc nequaquam tuendo sociorum officio, sed hostibus potiùs in cruore, rapinis, ac turbis augendæ postea licentiæ fore, sibi que ita per otium in uno colle sedenti luctuosissimæ cladis spectaculum instrui, super hæc ubi animo voluit, utilius esse reipublicæ in extremo utriusque discrimine copias, in quibus totius regni fortuna vertebat, quàm oppidum conservare, neque re vera his obstare consiliis Aloisæ Gufmanæ jussa, quæ ut pleræque Principum erant haud ex specie, sonitûque verborum quæ sæpè sapiùs ad fallendum obscura, & ex composito ambigua contexerentur, at ex eo quod usui pro tempore, ac loco fuisset, cautè, ac prudenter interpretanda, idcirco Menesius spe Jurumeniæ tuendæ prorsus afflictæ, palam re inde infecta discedere statuit. Misit itaque priùs Jurumeniam, qui per litteras Pintum moneret. Se quidem post sæpè attentata Jurumeniæ subsidia, vallum impenetrabile cognitum, Anam amnem validè ac passim præsidii infessum, postque omnia circumspecta, exprobrata, ad quæ consilium, & hominis opes eniti quandoque valeant, inanem ac peræquè dolentem facessere tandem frustrà tentato subsidio cogi. Ille tamen sui officij duceret, quoniam exigi à nemine potest plusquam rerum conditio, aut for-

tuna tribuerit, ita hosti tradere Jurumeniam, ut pactionum æquitas, honestasque, & necessaria deditionis abstergere notam, & municipij amissionem propè rependere valeat. Graviter doluit, & adstantibus coram obstrepuit, his acceptis, lectisque Pintus. Proinde statim consultum Ducibus acceffit, durior ipse, minacemque sententiam protulit, rescripturum se nempe Menesio, decoras eas pactiones, quas ille fieri cum hoste expetebat, vanè ita producta fusidij spe, fallacique exercitus mora, ac ludibrio frustratas jam esse; rediret ergo, & fortunam tentaret, quæ inter acies etiam adversa res in deterius, quàm eo tempore versarentur, conjicere minimè potuisset, vel ab ipso fieri cum hoste compositionem de oppido pateretur contumeliosam, acerbam, qualem imponeret desperatio. Hæc erat Pinti sententia. Deterritus tamen cum ab illis Ducibus esset Pintus, qui nec esse prudentiæ dixerunt, reluctari necessitati, nec etiam officij dissentire supremo Duci, postremò, etsi agrè in communem sententiam discessit. Inter hæc Cantagnedæ Comes Dux Lusitanus sui jam obeundi muneris parte, ut res illa cogebat, satis se cum Jurumeniæ Gubernatore defunctum putans, sublati celeriter vasis, à colle in quo castra metatus erat, digreditur. Inde per avia atque alta jugorum agmina ducit, ne ea equitatus hostilis tergo infestus assequeretur, transversas etiam, arctasque interjectas collibus semitas, quò tutiores ea via quæ Villavitiösam ferebat, procederent copię, sclopetariis per anfractuum intervalla divisim permunit; hostis arbitrio Jurumenia planè deferitur. Hoc comperto Joannes per internuntium statim admonet Pintum jam profligata longè expectati, sollicitatque subsidij spe non aliam



aliam obsessis, derelictisque superstitem fore, nisi quam victoris clementia factura esset, videret ergo quid ageret, quid statueret, ne cunctaretur, néve incendio pertinaciam alendo adderet. Interfluentia quæque momenta temporis acriorem in oppidum iram victoris paulò post erupturam colligerent. Ad ea Pintus jam mutato cum fortuna sermone, ac supercilio demisso mitius Joanni respondet breve tantummodò postulans temporis spatium, quo simul ferenda cum Ducibus pacta componeret. Hoc impetrat, lapsoque temporis spatium, ut eos inter Duces convenerat, Pintus deditionis capita protulit. Hæc legit Austriacus, adeoque Lusitanis eo tempore attritis, ac prorsus jacentibus rebus, cum ea iniqua, ac superba, & quæ victores decerent magis, quàm victos concordia capita viderentur, stomachatus scidit Austriacus, atque alia subinde Pinto remisit, æquiora, usu militiæ recepta, statuique obsessorum maximè accomodata, adjecitque Joannes, esse profectò vincendum dare, non à victis accipere leges, quas autem ipsè nunc exhibebat, Regis Catholici potius convenire modestiæ, quàm fortunæ, aut merito Lusitani, quem obstringere magis debebat quod jure belli non raptum, quàm quod gratis relictum esset; at si fortè mox perituris, suæque afflictæ abjectæque conditionis ignaris, eæ leges intolerabiles videntur, omnia propè diem se per vim, impetumque à pari superbiæ supplicio, & jure belli exacturum, & omnia se excidio, & funeribus traditurum. Tandem post multas utrinque responsionum repetitas ambages, dum Joannis inflecti nullo modo sententia potest, comminantique, ac furenti vires in consilio, manûque sunt, Pintus obsidibus traditis in hunc modum cum illo convenit. Hora diei constituta Pin-

tus oppidi Gubernator, quique nolent in oppido ejus incolæ permanere, milites etiam suis armis instructi Juruménia proficiscantur. Et Pintus quidem cum paucis, primæque notæ militibus integris, cæteris faucis, uno item belli tormento Villavitiósam inde contendat, reliquos milites Lusitanos donec æstas efflueret, Castellam retineat. Perfugis nullus, municipibus liber, cum abire inde vellent, cum suis opibus commearus indulgeatur. Arma, alimenta, ac reliquas belli munitiones tuendo oppido comparatas victoribus deferant, si qui præter laceros, incensósque cuniculi fortè lateant, ante eorum exitum declarantur. Hæc cæteraque minoris momenti conditiones pro Juruménia dedenda pactæ, ratæque, ac die præstituta transactæ sunt. Cum mille, ac sexcentis militibus egreditur Pintus ab oppido, municipes simul egressi ob vetus in Castellenses odium tanquam patrii soli, cœlique obliti, execrantes victoris benignitatem, invidiosique, ac novi impatientes imperii, quò quemque fors, sive utilitas tulit per Lusitaniam propinqua loca dispersi sunt. In oppidum vacuum ruinisque omninò deforme, & cladis propè bellicæ bustum subinde victores ingredientes, magnam ibi frumenti, munitionisque bellicæ copiam inveniunt, frumenta tamen partim corrupta, partim ad flumen, ne his uteretur hostis, Lusitani invidia projecta esse, comperit. Mox cum omni militari ostentatione, atque hominum plausu, quæ victoriæ lætitia expresserat, atque auctoritas Ducis Juruménia succedit Austriacus. Gratias, Deoque vota religione qua erat intimè imbutus in templo majori persolvit; restaurari præcipit oppidum, novoque præsertim militiæ more muniri, ibique firmis præsidiis adjunctis imposuit Ferdinandum Escovedum Hispanorum Tribunum militum, egregia, quam in illo negotio contulerat,

opera, ejusque fide, ac virtute dignum profecto præmium. Patri deinde latum obsidionis exitum nūciat, qui quamquam in Regem, ut amissi recipiendi regni cupiditate flagrantem jucundissimè cecidisset, in aula tamen vulgatus variè ministros affecit alios scilicet invidentes, metuentes alios fortunam juvenis tanquam publicæ refragantem, pròque verè, seu falso communi proposito bono, suis quosque studiis, atque affectibus servientes. Sic sparsi, mistique modo per aulam ex re per se læta, atque utili allata, invidiæ, lætitiæ, sollicitudinis sensus, quamvis satis per frontem aulico more simulatio sustineretur, errabant. Atque ita denique Jurumēnia post arctam integri mensis obsidionem Joannis Austriaci virtute, atque auspiciis evicta est, Regique Catholico restituta.

His rebus confectis, Austriacus, ut temporis cursu, atque ardore, inflataque ex successu spe militum uteretur, prætervectique vestigiis insisteret hostis ad Villavitiōsam exercitum ducit. Castra ibi castris hostium opposita locat, & munit; deinde jam propinquos infestans populationibus agros, jam castra hostium proximè advectus, per insultantes cominus equites, per sæpius excussa belli fulmina tormentorum, per crebrius subjectas oculis cædes, quæ ipsa propè cruentaverant castra, in discursu diripientium cædentiūque circa, longèque militum, sive ira, sive causa defensionis, sive occurrere fortè vellet tot contumeliis, & circumstantibus malis elicere nitebatur Lusitanum ad pugnam. Hic autem quatuor circa Villavitiōsam munimentis extructis, castrisque fortiter communitis, & undique clausis, ibi à certamine prorsus averſus, ac tutus in otio sedebat, nec verisimile videbatur, qui ad Jurumēniam quoque tuendam conflictus effugerat

aleam, iræ nunc aut pudoris stimulo victum, aut virium jactantia sublatum fortunam publicam totius Lusitanix, quæ uno illo exercitu niteretur, in periculum vocaturum. Id ipsum planè Joannes intelligebat, liberior idcirco hostilibus castris obversus, & juveniliter exultando per seria per jocos detrimenta ludibriis, irrisionesque cladibus immiscebat, ut major & inde contemptus suis militibus cresceret hostium, & circumjectis oppidis terror, quo ea penitus occupata, si in quodquam illorum fieri impetum contigisset, minori negotio ruerent. Hac tandem exercitus mora, irrisusque propè conatibus cū fessus jam esset Austriacus castra inde movens ad fontem, qui Zapateros vulgariter dicitur, quod terræ ingenua siccitate, magnisque ardoribus æstus tunc laboraret aquæ defectu miles, accessit. Is erat præterea locus, qui oppidorum, & arcium majorum objectu, aspectuque cū circumstreperent arma consilii, animique pendentes, ac dubios ducere poterat Lusitanos, quo tādē se foret hostis eo armorum impetu jactaturus, quod si Dux Lusitanus in ea mentis ambiguitate copias fortasse divideret, vel reluctantem ac diffidentem ut enervatum eundem ad pugnam compelli posset. At ille paucis tantummodò militum manibus Campomajorem, & Llyum quibus maximè metuebat immixtis, loco immotus, primisque vallatus aggeribus substitit. Explorato Lusitani consilio, ne frustra Joannes tempus terere videretur, cum omnibus copiis obvia quæque per iter urendo, ac vastando progressus inter Aveirum, atque Monfortem Lusitana munita denique loca confedit inde paratus, vel omninò hæc oppida evertere, vel sine mora in deditionem accipere. Cū exercitum appulisset, Aveirus, quod minoris laboris res esset, celerius



celerius obsequi Austriaco, atque imperata facere cogitur; in fidem propterea confestim recipitur oppidum; cum vita, opibusque oppidani subinde dimissi sunt, jussu Ducis solo ad terrorem æquatum oppidum est. Sera, ac difficilis contra cum hic resistere voluisset, Monfortis expugnatio apparebat, namque ut domui Bregantia oppidum jure hæreditatis annexum, studiosiores profecto veteris, nunc autem regnantis Principis incolas retinebat, simul triplici valli ambitu, solidis mœnibus, prævalida arce, copiosoque præsidio roborabatur, terra itidem fertilis erat, & undique culta, quæ frequentes, opulentosque suos municipes cummulaverat. Ægrè ferebat Austriacus secundo jam cursu rerum avectas copias, quæque latius victrices extendi ea aspirante fortuna poterant in ignobili quodam oppido offendere, & moras inutiles ducere, cumque hæc antevertere vellet Austriacus, idem cum corporis sui custodibus prætervectus binis in via cœnobitis occurrit, ejusdem oppidi moratoribus, hisque severe præcepit ut adirent Gubernatorem, suoque imperio denunciarent, se nisi ipse Joanni, & pariter omnia quæ sui juris, & muneris essent, protinus permisisset, eam oppidi cladem, atque excidium comploraturum, quod paulò ante Borbam funditus evertisset. Redeunt in oppidum cœnobitæ, Joannis mandata, minasque Præsidi exponunt; hic subito Duces, Monfortisque primores in consilium accitos docet copias hostium victrices, instantes, fortuna insolentes, truces Austriaci minas, & superbia, fastuque victoris, ac regio sanguine inflatas; Ex adverso subsidii spem à Lusitano exercitu nullam, quippe qui nec Jurumeniæ præoccupare ruinam, nec is laceffitus totiesque imitatus sociorum injuriis, suisque percitus contumeliis eas ire ultum,

vel acie cum hoste congregi valuisset. Igitur cum interitum vel servitutum modò proponat hostis, vel pereundum ibi pro libertate resistentibus esset, vel jacentibus cum servitio, gravique dedecore agendum, his maximè obnoxiiis, quibus nisi cæca fortuna esset, imperitare deberent. Certam denique, ac semel inevitabilem mortem, & omnium mortalium miseras unà cum sensibus extincturam, an crudele, ac superbum Castellenfium arbitrium eligere conveniret cum res adhuc integra esset, incorruptè discernent. His ingenuè, vel fictè ut ad ceteros nempè, si deditio fortè stetisset, facti culpam averteret Præses, verbis in medio prolatis, requisitisque sententiis, cum minarum iræque plena eadem ferè præsentis Austriaci propofita imago, recensque collectus ex Jurumeniæ jactura pavor consternatos animos ageret, cumque extrema, atque acerba trahere consilia, ne vita intercideret, dura quoque necessitas videretur, deditio tandem omnium consensu decreta est, hujusmodi tamen, quæ ne fortuna quidem afflictos eorum decoris, ac dignitatis oblitos Lusitanos ostenderet. Res itaque statim cum Joanne transigitur, utque pacto convenerat, miles cum armis, oppidanus simul cum bonis Monforte decessit; oppidum à Castellenfibus conservatum, arci præsidium impositum. Hæc cursim acta cum per exercitum essent, inde ad Cratum contendit.

Est Cratum in Lusitania juris ordinis Melitenfis, & multorum adjacentium quoque pagorum optimique Prioratus sedes, & caput, cujus ea tempestate proventus, quia ad Alvarum Melum Castellæ tunc partibus adhaerentem spectabant, Bregantius in fiscum retulerat. Vetusto, eoque fragili partimque semeso muro, novoque duntaxat agere cinctum oppidum, arce quoque in edito sita loco eo tempore munie-

batur, ejus tamen opulentia, & alimenterum præcipuè copia velut horrei totius Prioratus super omnia circuncidentis oræ municipia affluebat. Ea propter de hujus oppidi amissione Menesius magis sollicitus, anxiusque, & quod tantum ea sibi intercepti frumenti copia virium adimeretur, quantum per eam accessurum hostibus esset, antiquum Crati Rectorem exturbat, illudque consultò defensum quemdam hominem mittit legionis tunc Instruorem, sed præferocem ipsum ingenio, animo abruptum, & pericula nescientem, aut aspernantem, ut si quid fortè perfractis jam rebus temeritas, quam non semper fortuna destituit, consequi potuisset, illo auctore conficeretur. Eò porro Joannes cum exercitu evectus novo statim Gubernatori per tubicinem nunciat; potentiori concederet, ut lex naturæ præcipiebat, nisi fortè Philippo, qui Rex erat Lusitanæ legitimus solvere obsequium, reddere fidem veller. Audit hæc legionis Instruor nullisque tum justæ sibi defensionis occurrentibus causis, verbis procax, stolidè ferox, nec minus judicio, quàm viribus imminutus per internuntium Austriaco respondet. Errat, ac vehementer profectò errat Austriacus si modo rem sibi esse cum Iurumenia ac Pinto Lovato putat: cum milite miles, arma cum armis, lacertique lacertis prius conferenda sunt, & fortuna in medio statuere denique debet, quàm ipse Joannes Crati limen attingeret. Perge porro, & Austriaco renuncia, Ducique Sangermanensi, hinc nisi copias confestim abduxerint, quàm citò effecturum hunc Lusitanum utriusque funere Ducis memorabile Cratum. Hæc tam superbè, tam petulanter, ac stultius effusa, statimque ad Joannem relata verba, Lusitani tunc levitate, ac tumore festiviùs irrisis, vel ex eo delectare plus Ducem, quàm perstringere potuerunt,

quod direptio, atque vastitas oppidi, quas propter ejus divitias ille maxime cupiebat, struente temerè causas eodem Gubernatore, mox legitimè processissent. Igitur quo propius, ferociusque adhortando, increpandoque milites potuit, cum specie terribilis Crati mœnibus acies appulsa esset, tormentariæ præterea sedes iniquo, planoque raptim dispositæ loco essent, quater passim, ac frangere muros caput Austriacus, & quædam earum cum in tumuli dorso municipio imminentis erectæ essent, stragem desuper incolarum oppidi semitas ambulantium, & infra pugnantium in mœnium vertice militum cumulabant. Cæterum milites, oppidanique jam propè intuentes murorum, hominumque ruinas, constratum undique solum armis, cruore, corporibus laceris, nec in tanto squalore, atque luctu humanam ullam videri, aut ferè divinam inesse opem, quàm quidem, quod omnia potest, subtrahere in supplicium plerumque soleat pertinacibus Numen, dolore ardere plerique, & cum questibus lachrimas fundere, quod unius amentis hominis rabies tot fortunas, tot opes, tot hominum vitas unà cum patria præcipites ferret; multos, qui inter humanas vices recrudescenti placidè locum fortunæ dedissent, sæpius ab ipsa incrementis felicibus reservatos, sed omnia adversa, atque prospera, spes, atque metus cum corpore simul amitti, etsi cruciatus, cum uti vellet suo jure victor, abesset nec adeò iratus urgeret pervicacibus hostis. At inutiles quidem fletus, atque in irritum jactæ mulierum, virorumque querelæ, vocésque cadebant, nemo enim verbum refractario cum hoc homine audebat de communi salute facere, hos namque tristitia, alios incesserat desperatio omnino diffisos posse hominem furiosum, atque ad omnia fortunæ molimenta projectum ratione, argumentis,



mentis, aut precibus vinci; nonnullos quoque ceperat metus, ne in monentis perniciem monitio ob truem illius expertam sæpè iracundiam revolveretur. Erat tunc fortè inter eos; vetus oppidi Gubernator, qui, ut hic novus illi succederet legionis Instructor, nuper ex auctoratus Menesii mandato fuerat. Is privatim, & ac publicè novo Præsidi infensus, ac præsertim exulceratus, quod per illatam sibi ignominiam, novumque intrusum Gubernatorem, nihil præter oppidi excidium, & illorum hominum stragem quæsitum esset, capit propterea miscere cætus, accendere turbas, languentemque prædicando, admonendo populum excitare, nimirum contra fas, contra jus belli, contra officium, & fidem etiam Principi obnoxiam in fortunas, in municipum viscera, in aras, & focos sua sævitia, sua stultitia, sua pertinacia tunc debacchari, atque insanire Gubernatorem, cum nervorum ipse non minus, quam consilii, mentisque inops, & capitis æger hoc labili muro, hoc milite exiguo exundantis, victorisque exercitus æstum per strata ferè municipum corpora, sanguinisque profluvia velle inhibere contenderet. Quibus, & aliis similibus ad rem appositis verbis incolæ arrecti, concitati, quia quærelarum omninò vindicem, Ducemque tumultus in re per se asperrima invenerant, extemplò conveniunt, Præsidem circumsistunt, deditionem exposcunt, ac si ultra furere perseveret, ejusdem ruina, & cruore eam in commune grassantem flammam sese restincturos minacibus verbis, gladiisque erectis interminantur. Hic, ut interius immisus, ictus gravius Præsidem vulneravit; postquam itaque videt undique se circumventum, revera plus turbulenti populi minis, quam gladiis hostilibus, externisque mortis impulsibus pavidus ad concordiam petendam postremo coactus insignia pacis ab arce,

& mœnibus explicat. Joannes, qui omni rejecta conditione suo arbitratu de municipio statuere decreverat, pacis insignibus spretis, nihilo segnius per continentes mœnium ruinas, ac repetitas impressiones violentum sibi, cruentumque ad Cratum aditum preparabat. Ea porro inflexibilis Ducis ira, animique comperta duritie Cratenfes dejecti, ac formidine propè attoniti, stupentesque, si quid inter arma fortassè religionis verecundia valeret, binos subinde venerabiles senes, & sacerdotes ab oppido emittunt, qui supplices, lugentesque victoris pedibus advoluti canorum honore, sacrique habitus reverentia certam ex pacto salutem tantummodò peterent, cætera Austriaci arbitrio relinquerent, sed dum illos præsentem accusat, exprobratque Joannes, scilicet lenitate, & clementia ejus indignis, ac nimis serò pœnitentibus tandem, nihil ex pacto velle concessum, iique lachrimis contra clementiam, & veniam extundere parant, quas meritum non dedisset, fortè evenit, ut ea jactata spe pacis illecti captique hostes, cum & arma vix sustinerent præ metu, ac lassitudine lubrica, temerè pugnam remitterent. Itaque signo repente dato Castellenses scalis admotis in muros insiliunt, perculsos, conturbatosque re improvisa propugnatores continua cæde prosternunt, qui minùs obstiterant, pavidos fundunt, fugantque, cruore subinde madentes in municipium illati rapere passim, trucidare, spoliare, subvertere, cæde, & cruore cuncta miscere. Obtinuit tamen in tanta rerum jactatione, furentiumque tumultu Joannis imperium, ne quis nisi armatus fortassè obstans, aut cum impetu caderetur, nève mulier violata, aut templum ibi direptum, aut profanatum foret, cujusmodi sanè præcepta, nisi gratia, splendore Ducis, ac dignitate præstantis, quemadmodum erat Austriacus, ne-

queunt audiri bellico impunè furore obstreperante. Ceterùm cruoris non minus militum iram effusio, quàm ipsorum quoque avaritiam congestarum prædaram cumulus satiavit; frumentum, quo oppidum abundabat, publico reservatum multis diebus sufficit alimenta militibus. Cratum tandem combustum, cædis reliquæ dispersæ, arx per cuniculos scissa est. Triduò eo loco occupatum insignis hæc clades Castellensem exercitum tenuit. Inter hæc ab initio irruptionis in oppidum cum jussisset Austriacus extemplo comprehendi Gubernatorem, meritis oris, operisque proterviæ sibi pœnas perfoluturum, errore nominis milites ob ejus similitudinem capti, utrumque Crati Gubernatorem, & qui præcesserat, & qui nuper illi successerat, vincitum ad mortem trahebant; Ut ad supplicii locum perventum est, prior Gubernator diris jam, funestisque instrumentis, & funereo apparatu, ac præsentis horrore, mortisque imagine circumfusus, an Joanni vacaret, interrogat, jure, aut injuria unius Christiani hominis pereuntis pauca, atque ultima, extremoque expressa spiritu verba excipere. Voti compos, sicut petierat, ad mortis solatium Lusitanus effectus, Mori se quidem, dixit Austriaco, non, ut fontem, aut invidentem ejus inclytæ gloriæ, sed quod esset vir Lusitanus, cujus innoxio quoque cruore fœdare manus, explere sitim, sorbere spiritum, Deo, suoque Regi pergratam libationem sceleratè, atque impiè Castellensis existimabat. Ipsum enim de Joannis adventu certum quò ejus in Cratum non modò facilis, sed etiam ornatus, & pro oppidi facultate magnificus esset ingressus, Virgines patriis tripudiis, fertisque vernantibus comptas, & pompam ducentes illi obviam effundi ut triumphi comites destinaverat, à legionis tamen Instruatore prohibito, sua industria deinde, suo

labore confectum esse, ut cogeretur idem oppidi Gubernator abjicere arma, petere pacem invitus, nunc si pro tanto suo merito dignus æstimaretur, qui cervices, aut jugulum carnifici daret, se se antea monitum esse velle, ut morientis modò cruore, & post coagitatis manibus mortui testatum ad Lusitanos transmitteret, Castellenses Lusitanorum semper sanguinem inhiantes nec beneficio, nec maleficio exploratos immanis suæ indolis quidquam adversum illos unquam inflectere posse. Cum hæc audisset Austriacus quæri præcepit, vera ne essent, quæ diceret Lusitanus, & cum fidem in verbis esse constaret, ne dum incolumem, sed honoratum etiam Lusitanum dimisit. Legionis Instruitor ultimus oppidi Gubernator ejusdem jussu Joannis sclopis in medio foro gratumque militibus spectaculum præbens transverberatus occubuit. Post Crati hujusmodi excidium adversus Oguelam victor exercitus tendit. Lato campo inter Xevoræ, Berlongæque fluente loco præalto, amanoque hoc insidet oppidum; mœnia ejus robusta erant, veterisque opificii, alia etiam circum se extenderant munita, quæ & majora omnia reddebat sublimitas situs. Arx accedebat usu quoque recentium vallo, fossa, imis cripit, multis belli tormentis, & quingentorum subnixæ præsidio militum, eoque tandem municipio occupato, præclusus Castellæ aditus hostibus, eique liber futurus esset, qui Alburquercio tenderet Badacocium, nec post Jurumeniam sanè receptam eo utilior, ac fortior caporum jam latè potentibus Castellæ militibus locus occurrit. Huc ubi Joannes infestus accessit, cum ea natura, ac munimine situs, tum odio Castellæ, gentique insita pertinacia, majorem in illo, quàm postea cognovit, contentionem, atque laborem offendere putans, omnes statim parari belli machinas jussit, arctius



arctiùsque oppidum obsideri, premi-  
que. Dum hæc impigrè parant, & pas-  
sim admotus oppido terror incumbit,  
ejusdem oppidi Gubernator, cui ferè  
ante oculos etiam erat miserabilis Cra-  
ti ruina, ac temerariè susceptæ defen-  
sionis horribilis exitus, quique inter  
incendia cædèsque morientium propè  
gemitus; ploratusque paulò ante auri-  
bus exaudierat, loqui ipse ita secum,  
& animo volvere capit. Lusitani exer-  
citus Duci sub quodam regni recessu in  
tanto fragore, ac rerum omnium tur-  
batione tanquam latibulo incluso aliam  
post aliam ejusdem regni flamma, fer-  
roque penè consumpti cladem si ad  
propullandum voluntas deesset, infu-  
dum, si vis, imbecillum, si animus,  
torpidum agitare; utcumque res esset,  
ruere undique oppida, pereuntibus non  
succurri. In Oguelæ quoque cervices  
ut Castellæ finibus in hærentis, & pro-  
pinqvitate maximè gravis, acriùs pro-  
fectò copias, quæ ita florerent, ac vi-  
ctrices insuper essent vim effusuras, &  
impetum esse. Huic pesti, huic bellicæ  
flammæ, huic quasi gurgiti armorum  
omnium, quod nunc satis opponere  
liceat, nec intus adesse, nec foris sperari  
posse; subsidiarias enim externæ qua-  
si metu torpere copias, harum igna-  
viam, sive impotentiam animos adde-  
re hostibus, at inter illarum segnitiam,  
& horum hominum alacritatem con-  
jectos quid reliqui habere præter la-  
mentabile excidium, & rerum om-  
nium interitum. Illam præterea ob-  
stringere Principi fidem, quàm potens  
sit Princeps in suo cliente tueri, nec tan-  
ti quidem habendam, ut cum exitio  
mutanda sit, dum uni servire, vel alteri  
Principi fortuitum homini sit, & pa-  
rum, aut nihil discriminis habeat, nulli  
verò naturæ, sive fortunæ bono æqui-  
parabilis vita sit; imò verò ne Principi-  
bus quidem, qui omnia omnes ad uti-  
litatem expendunt, acceptam illam

fidem censendam esse, quæ cum pri-  
vatæ ac reipublicæ clade, ut esset hæc  
in præfenti, simul occideret. Post hæc  
secum excussa Præfès, & cum amicis  
subinde collata, satius denique fore  
constituit, si ultro Joanni per pacta tri-  
bueret, quod secus ille crudeliùs mox  
per vim extorturus fuisset. Itaque mis-  
so, qui Joannis colloquium pro re com-  
ponenda peteret, dum interim laxiùs,  
miniùsque solliciti milites Lusitani super  
oppidi muros concordia fiducia, ac  
blandimento versantur, memores tunc  
Castellenses Cratensis nuper adeptæ ra-  
pinæ, casusque recentis, suæque ipsi cu-  
pidine instincti sine lege, sine imperio  
celeriùs progressi Oguelam pervadunt,  
& mirabile sanè dictu, cum eo impetu  
invectus, prædæ duntaxat avidus mi-  
les à sanguine abstinet, hic ex privato,  
hic ex publico rapit, obvios hic spo-  
liat, alius in tectis, domosque progressus,  
quæ prompta erant, coacervat, quæ du-  
bia ruinis erepta seponit, omnem licen-  
tiam in lucrum, & avaritiæ illecebram  
vertit, nec in tanto tumultu, atque stre-  
pitu, qualis in populantium discursu  
militum esse solet, contigit cædes nisi  
fortuita. Indignatus hæc, & similia fie-  
ri, justoque dolore succensus oppidi  
Gubernator, & inter eam confusionem,  
& multorum hominum fugam elapsus  
Austriacum quærebat illi querelas ex-  
positurus, se nempe delusæ spe pacis  
incautum tempore iniquo, violato jure  
ab ejus milite oppressum esse. Erat  
Joanni ad boni Principis normam eru-  
ditio, ingenii acumen, auctoritas, lepos;  
solitus ergo persæpè gravia, atque seria  
condire jocos, Lusitanum sparso ru-  
bore, atque tristitia vultu ad se queru-  
lum venientem sermone præoccupat.  
Quomodo tu cum sis nec extra nume-  
rum Lusitanus, tam citò, ac libenter  
Castellenses hospites admisti? Ille verò  
eo Ducis habitu, ac specie lætus, muta-  
ta cum vultu sententia, & quærelis, quas  
ad

ad causam collegerat, prætermisiss, quoniã, Austriaco retulit, citiùs tu soles eorum, qui minus sibi solliciti sunt, Gubernatorum elidere fauces. Austriaci deniq; jussu, præda protinùs Lusitanis à Castellensibus restituta, eas, & gratis honestas, & amplas tribuit illis conditiones, quibus, ne aspirante quidem fortuna, meliores iidem expetere potuissent. Juvit tamen hoc æquitatis, & gratiæ militaris exemplum, ut pavorem, & publicum odium ex Crati, atque Borbæ terribilissimo excidio concepta moderaretur, scilicet, ne insolitus rigor hostiles omninò irritatos, metuque ad extrema contractos ad desperandum impelleret ani-

mos, néve nimia indulgentia, ac mansuetudo dissolveret, cum scitè librata formidine spes, atque aspersa rigore facilitas nunc remisè, nunc severiùs agendo, aliàs feliciùs utrumquemiscendo minori negotio mortalium animos verferet, ac torqueat. Itaque oppidanis, atque militibus cum armis, & opibus Oguela digressis, roboratisque muris, & arce binas pro præsidio Joannes ibi reliquit Italicas legiones, Præsidemque Comitem Sarranæ clari nominis Ducem, cùmque eo tempore calor æstivus, eoque sub cœlo siccitatis qualitate fervetior arderet, contentus Joannes hac, quæ gessisset, æstate consueta stativa repetere milites jussit.








# D E BELLO LUSITANO LIBRI OCTAVI

S U M M A.



**V**LISIPPONIS petendæ consilio omisso, Austriaco permit-  
titur bellum pro suo arbitratu gerere. Paratur Classis, ejus-  
que regimini imponitur Dux Averensis. Veteres Legiones  
quæ Mediolani versabantur inutiles, in Castellam transve-  
buntur. Bregantius à matris avulsus tutela; virtutis &  
fortuna opinionem penes indigenas & externos captare optat.  
Cantagnedæ Comitem ad se vocat, & Translagana armorum  
imperium in Sancium Emanuelem Comitem Villastore trans-  
fert. Is invisens arces & oppida regni, Eboram negligit. Ioannes, diutius quàm  
crediderat belli expeditionem extrahit. Qua de causa, Badajocio profectus, Ebo-  
ram petit. Sancius ultimam Castellensis exercitus aggressus aciem, cum aliqua ca-  
de recedit. Austriacus, per Didacum Cavallerum circumjacentia municipia, ad de-  
ditionem compellit. Ludovici Meschita Gubernatoris Eboræ, viri militie plane im-  
periti, jussa recipere detrectant Duces. In subsidium urbis electi mittuntur equites,  
sed improspere exitu. Ludovicus de Sousa electus jam Portus Antistes, communi  
deditionis consilio pertinaciter obstitit. Civium confusio. Milites pugna cupidos com-  
pescit Austriacus, ne prædâ opulenti distraberentur. Nono postquam obfessa est die,  
Civitatis fit deditio. Allato Ulisipponem urbis amissa nuncio, populus concitatur.  
Irrumpit in sedes Antistitis & Cantagnedæ, easque diripit. Extinguitur voce Prin-  
cipis tumultus, cujus auctores aliorum obtentu criminum, sceleris pœnas dant. Seve-  
rè precipit Rex Catholicus ut Eboræ cives clementer tractarentur. Copias, Ioannes  
ad dimicationem instructas movet. Infeliciter ad Odigebense flumen cœptâ pugna,  
gressus avertit ab hostibus. Sancium restitantes flectit ad pugnam Scombergius.  
Canalia pugna, in qua Lusitanus plenâ, optimâque potitur victoriâ. Castellensium  
casorum, sauciorum, captorum numerus. In Marchionem Pirovanum mira canis fi-  
delitas. Ulisipponensis Antistes, populo hilariter turbulento, duo millia nummum  
ex fenestra projicit. Amissa Eborâ, brevi à Lusitanis recipitur. Didacus Caval-  
lerus missus ab Austriaco, ut Elvum furtim caperet, expectatione delusus rever-  
titur. Ignis injectus bellico pulveri funditus evertit Arroncium. Aulicorum Austria-  
co iratorum quæstus. Huic precipit Rex, ut cum lætis è status, bellique Senatûs  
consiliariis, sibi de bello melius gerendo consulat. Dux Ossunensis propugnaculum  
extruit propè Almeidam. Conflictus apud Ieresum, in quo Castellensis primo impetu  
obruens, postea concidit hostem. Accedit ad Aulam Sangermanensis, ut excutiat ca-  
lumnias

*lumnias sibi ab amulis afflictas. Militia munere devolutus, arma in Lusitaniam resumere vetatur. Alexander Farnesius externi equitatus Magister renunciatur. Cantagneda Valentiam Alcantara petit, in ejusque possessionem pro Bregantio traducitur. Ossunensis cum exiguis copiis Castellum Roderici aggreditur. Obsidionem solvit, & deinde profligato exercitu sibi fugâ consulit. Philippus Austriacum ex-auctoraturus, ipsum per ministrum monet, ut ultro abdicatis militiæ curis, Conso-  
gram continuo secedat. Comes Marsinus curam armorum subit, donec Ioanni succe-  
deretur. Propugnaculum ab Ossunensi constructum solo aequat.*



## BELLI LUSITANI

### LIBER OCTAVUS.

1663.



TERO belli anno Vere jam appetente sollicitior utrinque de bello apparan-  
do cura tum Lusitanos, tum Castellenses districtos habebat; dum reputat Castellensis finitimis jam, min-  
usque validis oppidis Lusitano per bellum ereptis, interius nunc latius-  
que terrore armorum incusso, firmio- res, utilioresque Lusitaniæ invaden-  
das, oppugnandasque arces, ut armis paulò ante parta conservarentur, & suo  
quoque ordine pergeret tanto impen- dio, tanto labore, tot per annos fru-  
stra quaesita illa dura, atque dubia re- ceptio regni. Quocirca sententiis in  
aula Catholica variis Belli, Statúsque Senatores impliciti altercabantur, an  
petere modò expediret Uliſſipponem belli caput, & sedem Imperiũ, unòque  
ictu, & virium omnium militarium impulsu bellum, bellique omnes si-  
mul abscindere causas, & nervos. Res per se utilis, & orationis quoque specie  
magnifica, & ampla, spe tamen durior, & factu asperrima videbatur: ad eam  
enim ipsam rem capeſſendam duplici opus erat exercitu, alio quidem ad  
magnæ urbis obsidionem immobili, alio versatili, & ad subita rerum, qui-  
que primi terga defenderet, & tutò ali-  
menta suppeditaret, applicito, simul prompta, & valida classe, quæ mari-

tima auxilia, atque externa alimenta subvehi ad urbem obſeſſam prohibe-  
ret. Postquam verò lentè discussum, atque perspectum est, neque ararium,  
neque usitatas pecuniæ collationes, neque nova tributorum commenta in  
Imperio jam pristinis bellis, ac teme- raria quadam munificentia Regis ex-  
hausto sufficere posse tot simul colla- tis terra, marique sumptibus, tum de-  
mum Uliſſipponis petendæ consilium omiſſum, Austriaciue prudentiæ per-  
miſſum est, is bellum in illo anno pro suo arbitratu, atque sententia gereret.  
Fuit illa tamen at seriùs omninò, nul- lòque usu parata classis, ejusque re-  
gimini impositus Dux Averensis, stre- nuus, & impiger ille juvenis, Bregan-  
tiòque nomini, & privata, & causâ publica infensus, fatòque paulò post  
intercepti defuit materies ingenio ju- venis. Veteres quoque Hispanæ, at-  
que Italicae legiones, quæ Mediolani residuæ, & propter hætenus stantem  
cum Gallo pacem versabantur inutiles in Castellam transvectæ sunt, frequen-  
tisque delectus militum per totam rur- sus Hispaniam in veterum supplemen-  
tum agitabantur. Haud minor profe- ctò sollicitudo, bellique parandi cura,  
labòrque ut memoratum est ex altera parte occupaverat Lusitanos, quippè  
quos non gloria, aut ambitio, sed po- pulariter ita prætentâ, dulcisque ac ver-  
bis, potiùs quàm rebus usurpata li- bertas, patriæque tuendæ studium ac-  
cenderat itidem metus, ne si Castel- la fortè vicisset, eas pœnas victori lue-  
rent,



rent, quas esset acerbius ab illis, & culpa defectionis, & jure belli Castellensis repetiturus. Auxerant etiam graviores Bregantio pro tempore curas, solemnes Lusitani tractandi regni, quas ingressus recenter erat, primitiæ, ab Aloisæ nempè Gufinanæ matris tutela per jam adultam, regniq̃ue potentem ætatem avulsus, optabátque primam idcirco, quæ maximè interest, fortunæ, ac virtutis opinionem, & auram penes indigenas exterósq̃ue, exploratiús qui clavo novus federet, initia Principis observantes, captare. Igitur priús immutatis Rectoribus regni, aliisque sublectisq̃ue quos novus favor, & gratia, aut præteritæ gubernationis invidia, aut splendor virtutis extulerat, eodem consilio Bregantius Ulisipponem ad se vocavit Ludovicum Menesium Comitem Cantagnedæ longa virum experientia, & belli, pacisq̃ue artibus eleganter instructum, cujus fide, ac subsidio, ut rem jactando prætexere voluit, res Lusitanas administraret. Vera enim, ac potior revocandi Menesium occulta Principi suberat causa, quia cùm dissideret à Marte Bregantius tanquam invita, & quasi per vim à regni regimine devoluta, & partes idcirco novas in aula quærente, ac sibi veteres confirmante, diffidebat etiam Meneseo tanquam ab illa promotus, ac si ferret occasio fortè illi gratiam in Principis fraudem persoluto. Proinde Transaganæ regionis armorum imperium, quod Meneseus adhuc habuerat in Sancium Emanuëlem Comitem Villastoræ, qui in Viensis provinciæ tractu idem muneris sustinuerat, à Bregantio translatum est. Erat autem hic Sancius Emanuel, qui circumfessam ab Aro quondam, acriterq̃ue oppugnatam egregiè defenderat Elvum, navatâq̃ue ibi feliciter opera ad superiora illum deinde militiæ munia, gradúsque pro-

vexerat. Hac quoque militarium officiorum mutatione Dionysius Melus equitum, alter Ludovicus Meneseus tormentorum Præfecturam obtinuit. Comes Scombergius, qui nec honore, gradúsque militiæ ob insignia congeſta merita retrahi, nec altius debebat, cùm esset exterus, provehi, supremam, quam antea habebat castrorum Præfecturam retinuit. Præterea, quò multis Ducibus Ducum, qui prælio conferto pro re enata jussu legitimè indicerent Lusitanus per id temporis uteretur, tunc primùm adsciti in illo exercitu sunt Generales Instrutores militiæ, quem belli morem, quod utilis videretur, Lusitanus minimè abhorruit à Castellensibus mutuari. Aderant quoque frequentes à Gallia, atque Anglia auxiliares transmissæ copiæ, nequicquam Lutetiæ contra annitente Hispano Legato, qui sancitæ pacis articulos fractos, & fidem quæ ad Pireneos data erat, corruptam vehementer objecerat Gallo, si ita fortè clientelam exueret, nec Lusitanum adversus Catholicum Regem pecunia, & militibus, ut promiserat, adjuvaret. Igitur Sancius Ulisippone diebus aliquot immoratus postquam accepit Principis jussu, cum exercitus parte digressus, ea circuire, ac diligenter invisere caput, quæ ad se pertinebant, arces, & oppida regni, si quæ fortè ut hostibus obvia, ac propiùs objecta periculis munitione, aut commeatibus indigerent. Ubi intentius omnia perlustrans ad Eboram tandem venit, etsi impropectam ipsam aspiciebat, caducam ruinosis, ac laxis propè cinctam mœnibus urbem, simul omni ferè externo, internóque carentem præsidio, & multitudine tanta civium, cum obsidio fortasse ingruisset, ipsi se infestam, suisque se viribus corrumpentem, secum ta-

men reputans Sancier urbem in medio positam regni, multisque ante ipsam occurrentibus hosti velut arcibus præmunitam, atque vallatam, cum ærario, ac tempori parcere simul necessitas cogeret, eandem, ut situ suo tutam, & quasi ab armorum sepositam strepitu omnino neglexit. Hinc Estremotium evectus reliquis ibi collectis ex tractu finitimo copiis, sedem armorum fixit, existimans hostem, aut illud oppidum esse aggressurum, aut inde se ejusdem consilia ex propriis vestigiis observaturum.

Interè Joanni, qui Vere primo ineunte copias movere ex Badacocio statuerat, ut æstivi minus ardoris, qui in ea regione molestissimus esset, labore districta exciperet, permagni momenti, atque oblatam repente rem accidit, ut diutius quam ille crediderat, belli expeditionem extraheret. Quippè Rex Galliæ summo Pontifici adversus, quod in ejus apud aulam Romanam Legato jus gentium, ac regie majestatis nomen, decusque violassent cognati ejusdem Pontificis Alexandri hujusce nominis septimi, cum cultor injuriæ, & ira minisque flagrans expiationem, atque vindictam à Pontifice posceret, hic verò eam pollicendo, ac dolose procrastinando terere tempus, quo Galli defervesceret ira, impetusque torperet, vel minora deinde fortasse tribueret, momenta pendentibus videretur, illud ita sibi Rex indignatus, pronoque suo ad iram ob juvenam ingenio, & aulicorum etiam incitamento perculsus Gallorum agmina in Italiam immiserat, rumore quidem ubique diffuso, in satisfactionem injuriæ ditionem Ecclesiasticam impetendam, tacita cura tamen Hispanos, Italosque momorderat, ne usus fortasse Gallus insidii per eam

substratam occasionem injuriæ publicæ persequendæ, cum Gallos in Italiam egisset, aliò dictis, aliò armis collinearet. Hispanus idcirco jusserrat, ne Mediolano veteres legiones pro Lusitano bello decreta prius ad Hispaniam transirent, quam terror à Gallis per Italiam effusus, & causa quoque terroris omnino discuteretur. Ea legionum transitus mora impedimento fuit, quo verna à Joanne belli conducta expeditio longius produceretur. His tandem adjunctis, cum illatus à Gallis decesserat mentibus timor, cæterisque subinde lustratis copiis, se planè Joannes in armis habere comperit peditum quindecim ferè millia, equitum verò sex circiter millia. Inde ex Catholici Regis decreto, jussuque ordinario Legato equitum tres alios Legatos adjunxit, scilicet Melchiorrum Portocarrerum, Joannem Mazacanam Italum, & Alexandrum Moreram Lusitanum, multiplici Duce multiplicatis jam equitibus designato, ac tum præsertim, cum eorum Magister alio etiam belli munere implicaretur. Prorogatum Sangermanensi armorum Gubernatoris officium, ac nomen est; supremique Castrorum Præfecti, & equitum simul Magistri curam admissam Didacus Cavallerus suscepit, quia Ludovicus Podericus summus Castrorum Præfectus aut Germanensis concivi simul & æmulo ob vanitatem subjici, aut illius interventione umbratilem quamdam gerere ulterius auctoritatem minimè passus ad aulam secesserat. Belli tormenta curabat Ludovicus Ferreirus Almenaræ Comes. Cæteri Duces agminum erant plerique milites veterani, haud minora stipendia quam belli decora jactantes. Hisce Ducibus, his florentibus copiis, omnique belli apparatu cum Badacocio

Joannes



Ioannes profectus esset, idem iter instituit, quod anno ante Jurumeniam oppugnaturus perrexerat. Viæ militari propositus terminus, supremique mens Ducis aliis omnibus erat occulta præterquam Duci Sangermanensi, subdola tamen voces quò distractis curiosè rimantibus rem, commodiùs sub falsis vera laterent, inter milites jactæ, Ulisipponem contendere exercitum, nec itineris sanè cursus, nec tanti exercitus apparatus, & copia vulgato de industria rumori planè dissentiebat. At Sancius Emanuel, qui, ut plenior, ac promptam hosti opponendam componeret aciem, multas præsidii provincie nudaverat arces, quique eas quasi nervis eo tempore incisas parvis quibuscumque offensionibus fragiles cernebat, varius propterea, atque animo fluctuans agitabatur, qua ratione explorata consilia hostium maturè antevertere potuisset. Jamque hostium itinere, & cursu attentissimè contemplato, per dubia, atque obliqua tracta vestigia Villavitiensæ nunc ille minari videbatur exercitus, nunc Estremotio, cum hæc denique à tergo relinquens oppida, & progredi etiam exercitus pergens ingentem Lusitano curam incussit, quò ultra tenderet Castellensis velut in syrtes, in saxa ruens, mediis videlicet inter hostes injectus, & ferro ibi facile, aut fame conficiendus, aut altiori, nec sibi ipsi fortè intellecta fiducia nixus. Hæc dum à consueta specula contuentur, variisque simul sermonibus conferunt, anceps de indagando consilio hostium distraxerat Duces sententia, alios nempe segetum vastitatem, incendiique ruinas per agrorum latitudinem metuentes, alios ita per astus fortasse progredi exercitum asserentes, ut retro repente versus post improvi-

sus, & gravior in aliquam arcem incurreret. At verò Sancius Emanuel, qui à belli hujus initio circumspiciens gesta, motusque Joannis, ejusque ingenium, mentemque per actionum propèrimas explorans consilii suilatebras, atque indolis fermè genus attigerat, hoc viso, constanter asseruit, rectà inde Joannem Eboram urbem petere. Ex quo enim Austriacus in Lusitania bellis præfecturam inierat, is minimè facti dura, sed plana, ac facilia belli negotia suscipere solitus sit; seu quia diffusus ipse fortunæ, ac lufibus Martis, & opinionis, famæque aucupandæ, atque adeptæ sibi tuendæ magis, quàm novi operis studiosus, incertis; ac magnis exigua, atque certa quæ plus rumoris, ac pompæ longo intervallo jactata, minus ex propinquo periculi haberent, tractanda præferret, seu quia effecta jam, & cadenti patris Regis ætate perutilè foret illegitimo filio ad extremum usque anhelitum patris ducere spes quas animo coqueret, altiores cum armorum imperio. His ergo vel aliis de causis cum more suo declinaret Austriacus regni oppida firmiora, conjecit, dixitque; nec falsus est, his, qui aderant Ducibus Sancius, tunc à Joanne per ea, quæ teneret vestigia, esse Eboram invadendam, utpote infirmam vel naturæ, vel artis destitutam præsidio, & imbellium prætereà civium multitudine laborantem, quæ nec difficilè capta inanem, sed magnæ victoriæ speciem impèritis, ac præcipuè remotis, vaga ubi fama recrefcit, ostentavisset; adeò verò ea percepta se tandem ratio Lusitani in animo fixit, ut ad urbis præsidium statim mitteret Sancius tria peditum millia equites circiter mille. Supra hominum quinque millia ad manus tunc temporis erant in urbe

armis pro patria sumendis idonea, hisque novis praesidiariis adjunctis, Eborae satis consultum censebat Sancius, quò usque roboratae diligenter suppetiae per exercitum accessissent. Castellensium interea per iter rapinis, ignibusque furentes Eboram versus pergebant copiae, cum Sancius, qui fortè propius cum modico exercitu versabatur, ultimam Castellensium, quae impedimenta claudebat, aggreditur aciem: trepidationem, tumultumque militibus, Joannique nonnihil curae, ac timoris improvisus hic impetus attulit, quod reliqua longius, progressa acies nequaquam erat eo tempore in promptu extremae repentè interceptae periculo subvenire, simul quod res improvisa, valida incurso, militum fluctuatio immiscere, ac turbare poterat ordines, qui gradus quidem victoriae in militia primus habetur, ac postremo disjicere. Joannes itaque immotos, adversaque hostibus fronte conversos stare ibi ordines jubet, extemplò deinde expeditos, levisque armaturae equites, prius in terga, nunc in frontem in Lusitanum euntem impulit, jussos primo illo constanter impetu excepto, & per circuitus eluso, extractoque cum hoste certamine tumultuariis, & variis illis assultibus detinere, subsidiariae donec accitae cohortes in tempore successissent. Verumtamen Sancius postquam primum suorum militum impetum, plus ubi spei reponebat, videt ab hoste refractum, stare integros ordines hostium, hinc certare, hinc eludere, cuncta Joannem sollicitè providere, tum, & ceteras, quae antecesserant, copias in hostis auxilium supervenisse cum robore longè impar, ac viribus esset è vestigio Extremotium cum aliqua caede recessit. Triduò post laboriosum, & longum cum jam iter emensus es-

set, juxta Eboram fessus Castellensis exercitus constitit. Inde statim misit Austriacus cum magna equitatus parte Didacum Cavallerum circumjacentia, minusque firma ad deditio-nem municipia compulsus, simul itinera, & loca propinqua ad magis premendam civitatis obsidionem cum certis militibus occupatum. Is impigrè statim cum equitibus circumvectus adire, peragrarè minora oppida, ea partim sua spontè oblata in deditio-nem accipere, alia cogere detrectantia, haec terrore, alia fraude, nonnulla blanditiis excipere, donec ad Eboramontem, ita vocatur oppidum, ventum est. Praesidebat huic oppido Emanuel Lopezius vir Lusitanus sermone aequè dicax, ac manibus promptus. Hic obsignatam Austriaci tabellam cum à Cavallero porrectam acciperet, in qua loci deditio-nem praecipiebat, aut statim exitium, nisi dicto pareretur, comminabatur, fretus altitudine loci, qui & arcem habebat situ, atque opere satis munitam Didaco retulit, non se chartarum, aut tesserarum ludò, sed armis confertis, lacertisque commissis, & incumbentium propè corporum lucta ad certaminis praemium ponere oppidum statuisse, arma igitur expedit, ut re probaretur uter eorum petulantior, an fortior esset. Audit haec Didacus, cumque simul animo volvit in hostico sinu, in nimis remoto loco, in aspero situ, etiam natura reluctantè conatibus, velle pro horrido oppido, angusto, suamet ariditate defenso cogere Praesidem armis, hujusmodi facinus esse, quod frustra exhaustire potuisset exercitum, spesque ampliores, quae ostendebantur, imprudenter extinguere, Eboram irritus praetermisit, cepitque subinde, ut illi etiam impositum erat, omnes ad Eboram aditus per infesos quoque tramites intercludere.

Post



Post hæc prima luce propius urbem advectus specie, ac terrore obsidentis regius se omnis circumfudit exercitus, acciditque eodem ferè momento temporis, quo idem exercitus ad Eboram appulit, ut ferius, quàm opus erat, pro usu, & custodia turmatim in urbem ex agris abacta pecora milites interciperent, quæ opulentissima quidem, & repentè, atque ex facili parva præda, & annonam, & gaudium exercitus auxit.

Ebora amplissima, ac vetus in Lusitania civitas, & celebris quondam Viriati, ac Sertorii quoque, ut placet aliquibus, sedes in lata planitie posita jacet. Ex regione meridiana virentes, amani, ac fertiles colles ejus aspectum terminant, ad quorum radices magnificè structum surgit Carthusianorum Monachorum cœnobium; ab Oriente paucas distantem leucas Vegarem urbem; ab Occidente Divi Hieronymi fanum habet, idque in recto Estremotii itinere situm. Quà Aquilonem civitas spectat flumine alluitur, quod irriguos, & uberes agros, & pascua, & proceræ quoque nutrit arbuta frequentibus lucis, rivulisque distincta, inde in hortos, qui latè patent, illapsum variis ibi fistulis ad amœnitatem, & usum pariter circumflectitur. Urbs ipsa præter antiqui opificis muros ex terra congesticia, limoque compactos, alios quoque circumrectos, quos tumultuaria defensio, Sancio jubente, paraverat, aggeres ostendebat: aqua, civis qua deficit intus, per veteres aquæductus suis fornicibus innitentes, quibus colli jungitur civitas, ad incolas trahitur, eoque arcuato sub opere ad aquarum usus tutelam raptim inceptum quoddam propugnaculum erat, sed hostis postea celeritate dimissum. Circa imperfectum hoc munimentum fedit cœnobium Sancti

Antonii nomine eximium, & amplum, ipsūque ingens utrisque propter loci momentum certaminis causa futurum. Pro Duce Bregantio gubernabat id temporis Eboram Ludovicus Mescbita, vir idem nobilis, at imbellis; nam propter locorum longinquitatem, ac situm cum ab hostium incursionibus devia, ac tutior propterea illa civitas putaretur, alibi, & ubi eos periculum, aut necessitas poscere videbatur, viri militares institerant. Postea verò quàm in hac etiam urbe repentè bellum exarsit, tumque ideò imperari, cogique cæpta, quæ necessaria pro bello sunt, acria inter Duces exorta dissidia, litésque contractæ rudis scilicet hominis, imperitique militiæ jussa recipere detrectantes, ne aliena, ut aiebant, quis interiret incertitia, néve in communi periculo fatuus, ac simul reipublicæ noxius, illo stultè jubente, se stultius obtemperante, futurus esset. Ambitio, quæ ubi non sunt persæpè ipsa fingere, ac pingere causas, ut imperitet, solet, hic se vehementior causa in rem advocata invehebat. Eò tandem processit gravior illa contentio Ducum, ut Sancium quamprimùm in Emmanuëlem Mirandam veteranum Tribunum militum, qui Eboræ aderat, ejusque consilio urbana defensio præparabatur, regimen urbis, quod ad rem militarem spectabat, transferre compulerint. In urbem ita sitam, ita paratam appulsus tandem cum validis copiis Austriacus, arripere primùm intendit, quæ aptiora tunc videbantur obsidioni premendæ loca, & suburbana præsertim cœnobio in turrium speciem circumfidentia. Inter hæc Lusitanus ab urbe cum equitum turmis egressus in hostilis exercitus fronte constiterat, fulgore duntaxat ibi, inanique armorum jactatione & quadam equorum

inquietudine, ac pulveris jactu velut ad pompam hostes laceßere visus, dubiis interim Castellensibus hærrere ibi, ac terrere fortasse hostis, an progredi, & levia, aut majora ferere prælia, an proximum Divi Antonii cœnobium ibidem longius cunctando tueri meditaretur. Interpositus erat agger, qui utriusque partis adversos, & mutuis hærentes aspectibus equites dividebat, per quem equorum inhibito cursu ferreis tantummodò fistulis res vagè, atque procul innoxiiis plerisque volitantibus pilis agitabatur; nec ultra pergere Lusitanus, ut veriùs conjici poterat cogitabat. At Castellensis ea tergiversatione, atque mora cognita hostis, & quid porrò facturus esset incertus adhuc suorum pendebat nutibus Ducum, qui in urbis situ locorumque ei adjacentium descriptione penitus occupati nihil gravius huc usque providere potuerant. Tunc Comes Boëtus nullo imperio, suo tantum impetu tractus, & paucis comitatus equitibus contiguam aggeri fossam transgreditur, inde cohortatus alacriter socios admissis equis concitat cursum, sparsos quosdam Lusitanos aggressus equites fundit, obvios persequitur, qui autem firmiores in ipso loco Lusitani, reliqua falsò rati Boëttum agmina sequi, ac velle intendere pugnam, trepidi terga vertunt, atque inde effusis habenis ad mœnia, tormentorumque belli tutelam suffugiunt. Pulso ita equite, ac libero planè subinde campo progressus explorat fortè Boëttus Antonianum esse cœnobium paucis equitibus custoditum, omni pedite destitutum, jace-re profectò illud aggredientibus opportunum, idque è vestigio revectus Cavallero magistro equitum nunciat, adjiciens maturato opus esse, ut priùs cœnobium invaderetur, quàm erro-

rem, aut negligentiam corrigeret Lusitanus. Hoc audito, magister equitum eò statim infestos abire Tribunus jubet Agnellum Gufmanum, & Ludovicum Friasium cum duabus legionibus Hispanorum; hos sequitur ipse Didacus confertis cum equitum turmis, superatàque fossa pedites equitibus fulti acriùs invehuntur in hostem, qui in cœnobii præsidio erat. Prior irruentium, & ex adverso eandem quoque vim sustinentium impetus propè par, parque cædes utrinque fuit, mox animi ardore potiùs ob militum paucitatem, & spiritus impetu Lusitanum, quàm æquis viribus annitentem, cùm vis hostilis numero incumbens undique truderet, urgeretque, tandem exanimatum, viribusque contusum, ac penitus fractum Castellenses cœnobio pellunt, eoque successu læti, cruentique ad Carmelitarum inde cœnobium, quod propinquius erat mœnibus, advolant. Verùm ut hic imminens urbi locus, hisque ita ad vim præcavendam utilis, sicut ad eam inferendam hostibus necessarius cùm pro murorum custodia objectu quasi crepidinis hostiles fracturus impetus esset, cumulatius propterea à Lusitano fuerat armis, & milite communitus. Igitur post truculentam ibi commissam pugnam, & ingentem, & mutuam illatam utrinque cædem horror, æstus, vulnèrum, corporumque militum fatigatio certamè postremò diremit, eo frustra cœnobio sex circiter horas acerrimè verberato. His perfunctoriè, & ad summæ quasi rerum prolusionem à Castellensibus gestis, in hunc modum stationes deinde primariis Ducibus assignantur. Joannes Austriacus, Sangermanique Dux ex parte Orientali; Didacus Cavallerus meridiem versus insedit Didacus Correa, qui erat Legatus magistri equitum solutis cum multis agminibus viam occupavit, quæ ad Villavitiolam ducebat; præliares autem accessus,



fus, ac tormentariæ sedes in hunc modum partitæ sunt. Hispanis majoris propugnaculi pars attributa; è latere ejus, ubi sublimis aderat locus, Germanus miles confedit. Contra urbis portam meridianam constitit. Italus Carmelitarum cœnobio adversus. Neque usui tunc fore Joannes jacere aggerem, vel alios construere receptus vel munimenta duxit, cum ea urbs ut muniminis inops, mœnibus fragilis, ac sibimetipsi ob imbellium multitudinem onerosa, nec esse diù videretur hostium ictibus duratura, & ruinam etiam ante promitteret, quàm foret integrum Sancio, his, quas tunc prope-  
rabat colligere, copiis subvenire labenti. Igitur Castellenses festinare, parare omnia, vires, ingenium acuere, sternere fossas, tormentis muralibus scindere muros, & insuper aliundè ob-  
dionales certatim accessus per nationes extendebantur. Has inter mœnium ruinas, & passim calentia militum opera, Agnellus Gusmanus cum sclopetariis aliquot prætervectus, agrestia quædam, murisque proxima urbis mapalia domosque desertas, parvo negotio, qui ea tutabantur, ejectis, invadit, & occupat. Videt hoc ab urbis specula Lusitanus, & cum hostis propinquitate, sitique civitati nimis infesto, gravi-  
que tum hostis qui ibi ad tutelam infederat, paucitate commotus Eborâ statim equite, peditèque munitus erumpit, hostemque affecutus jam serò perspecto periculo trepidum, & fugam nequicquam spectantem inter mapalia trucidat, ab ea cæde vix uno per fugam incolumi Instructore legionis elapso, nam paulò antè Gusmanus excefferat; complures enim equites, peditésque admodum paucos Castellenses sclopetarios invaserant, eoque temerè prætergressos & à robore legionis abstractos & undique circumfessos, ut nihil eis aliud superesset auxilij, nisi

quod dextera sibi, aut iratus desperatione animus contulisset. Cæterum si illa animi alacritate, eodémque animi ardore, impetúque instiisset rem benè captam persequi Lusitanus expellere forsitan potuisset eo ipso tractu ubi muniti minùs agebant, quot se obtulissent hostibus obviam, atque eodem subito incurfu amissum fortassè Divi Antonij cœnobium recuperare. Diverterat enim eo tempore ferè omnis equitatus Hispanus commeatus quærendi causa, vagabaturque agrorum, armentorumque prædis implicitus. Sub hæc ferociùs Itali prætervecti Carmelitarum tandem cœnobium attingunt, jam tormentorum, ac molium labe refractum, variisque passim hiatibus patens, & undique penè scissum. Fœda tunc ibi conferitur pugna, retortis nunc hastis, nunc sclopis excussis, simul facibus, saxis, omnique generis jaculis supernè ac perpetuò demissis. Italici tamen audacter, alij scalis euntes, alij inter saxa repentes, per abrupta, per obliqua connisi, plerumque collapsi, aut extrusi, & post acriter redeuntes interruptum, ac remissum sæpè certamen pertinaciùs instaurare. Tandem, quia in extremo res erat, confluentibus undique Italis, aliisque viris subsidiariis, ac præter plures ruinarum accessus, omnibus quoque cœnobij aditibus occupatis, tum Lusitani prorsus afflictas, prostratasque res suas intuentes, insignique illa cæde perculsi, deserto repente cœnobio ad propinqua urbis mœnia recurrunt. Itali captum cœnobium tenent, indèque statim cum belli ibi tormenta disposita essent, per assiduas murorum, ædiùmque ruinas ingentem quoque sexus promiscui stragem inter urbis semitas cumulant.

Eodem quoque tempore Hispani Itolorum exemplo incensi alia via,

quæ partito ab initio labore contra urbem obtigerat, vehementius enixi se se propius intulerant. Hic igitur conglobatus, ubi plus periculi erat, in loci defensionem aderat Lusitanus; magno impetu irrumpit, ut arceat progressu hostem; venientem exturbat, ac retrocedere cogit, simul etiam in aggerem, qui Castellenses ibi tegebat, eodẽ impetu præceps ruit. Subit tunc aggerem inter gladios & ignes, & irruentium, strepentiũque tumultum impavidus Rodericus Moxica Tribunus, ejusque in vertice cunctis conspicuus, ac feracè nudus, & hastis, pilisque frustra jactatus insistent alios milites voce, alios periculo excitat, inde jam obstinatius accensa pugna descendit, & se ipse quoque certantibus miscet; crebroque solutos, ac pulsos Castellensium restituit ordines, ac prælium redintegrare coëgit, tandem non modo locum certaminis causam retinuit, sed etiam fusis hostibus, fugatisque eò ultra subinde cum eadem legione quæ vallum custodiebat, tetendit, ut eodem correptus impetu ceperit etiam templum Divi Dominici, quod quia infestius urbi impendebat, ibi locatis belli tormentis, urbis excidium celerius approperabat. In hoc statu civitas erat, cum ejus extremo comperto discrimine Sancius, vel ut obsessis adderet animos, vel pactiones cum hoste differret, quod utique parum ad rei summam proficere poterat, centum electos equites Duce Xoveto genere Gallo, in urbis subsidium misit. Nocte intempesta hi vias per obliquas, sibi que duntaxat locorum peritia notas euntes in eam stationem offendunt, ubi situs custodes in seposito tanquam loco, atque omninò ab incurribus tuto cura soluti, ac semisopiti jacebant. Vix procurentium equorum strepitus vigilum aures primum attigerat, cum equitum illa pars, quæ ordine prima

pergebat, dilapsa jam erat, cætera pars, quæ pro transitu spatium vigilibus dedit, languore, somnòque discusso in arma raptim eundi, suscitandique clamore socios, gladiis, atque hastis excepta configitur, perpauca, qui ultimi erant diffugunt; hosti captivos nonnulli se tradunt, inter quos equo fortè prolapsus Dux vivus abducitur. Improper equestris hujus exigui subsidii exitus mirè obsessorum projecit animos civium, qui, & majora, ut res, & periculum admonebat, à Sancio præsidia præstolabantur, & hæc modica quoque viderant hostium conatibus interclusa. Jamque præterea ex Carmelitarum, & Dominicanorum cœnobiis intus, & foris assiduè civitas pulsabatur, Germanique continuò labore, & corporum nisu vehementer, & ipsi urbis mœnia dilacerabant. Undique simul ruinæ, acervique saxorum ingentes quassatos per muros straverant aditum hostibus, eos propè jam aggressuris; nec item spes ulla defensionis, sive salutis, nisi in subsidiis, quæ nimis fera, & ambigua omnibus videbantur, Lusitanis obseptis interlucebat. Hæc cum videret Austriacus, satiusque pro gloria, atque fama virtutis duceret dare, quàm eripere vitam, & clementer à victis exigere, quàm obsequium per vim extorquere, tubicinem misit ad urbem, qui ita jam fractis, ac perditis rebus deditiorem à Præsidente postularet. Erat per id temporis Eboræ Ludovicus de Sousa Ordinis Cisterciensis electus jam Portus Antistes Ecclesiæque Eboensis administrator, quo nemo alacrius ea tempestate urbis obsessæ tutelam juvit, vir quidem se ipso agendo, & Ecclesiasticos incitando, & cætera belli munia obeundo militari magis, quàm sacro tractando baculo idoneus. Hic postquam Præsidis, militumque sententia inclinavit ad oblatam ab hoste compo



compositionem, ut necessariam, accipiendam; nihil enim tunc obstinatio, aut dilatio deditiois jam extremo præcipitio pendentibus posse videbatur asferre, nisi excusationem, atque licentiam hosti graviora paulò post imperandi, atque iras in captos exacuendi, hic, inquam communi deditiois consilio pertinaciter obstitit, imò verò dicere palam est ausus, si metu atque horrore militibus corpora, aut animi vires obriguissent, sibi deinceps, & sacris initiatis Eborum propugnandam relinquerent. Ita porro increpando, carpendo persæpè socios tumultumque inter plebeios, ac nobiles excitando, & clamore, & convicio potiusquam rationibus usus pervicit tandem Antistes, ne illo, & postero quoque die rursus idcirco coacto in eo conventu deditio decerneretur. Hoc maxime modo Joanne à conditionibus pacis excluso, cum omnia vis inconsulta, & projecta satis audacia, insanusque animi impetus obtineret, cives militibus misti murorum certatim sarcire labes, hiatus explere, novos super dejectos aggeres struere, indefessi, intentique omnibus locis aut præliantes, aut reparantes, aut utrumque simul agentes adesse, ipsumque studium, & cura sustinendæ cadentis patriæ religiosos, & laicos viros, & feminas noctu, diuque mirabiliter occupatos districtosque tenebat. Sed irritus erat, impigre licet incumbens, labor, atque inanis sollicitudo; discissa enim, multisque in locis hiantia perpetuò concussa patebant mœnia, coacervatæque passim ruinæ & aliæ alias aut exterius impulsæ, aut suo præcipitio trahentes, quosdam intus cædebant, plurimos lacerabant, vivos alios sepeliebant, eaque ipsa tumultuaria mœnium resectio, fluxa, caduca, insufficiens nonnisi pericula, cædes, aut funera in illam intentis

multiplicabat. In urbe igitur jam desperata defensione, cum omnia rerum confusio, atque animi perturbatio, pavorque quanta inundare ex calamitate publica poterant, miscuissent, audiebantur ploratus puerorum, atque mulierum solutis crinibus discurrentium, tumultuosæ populi voces, ac terribiles minæ ab hostibus nempe ad civitatis Principes arma, ii nisi cæco ab eo errore, pestilentique fiducia desisterent, conversuri. Torpebat idcirco formidine miles, desiebat civis, mœrebat Principum ordo, squalor omnia, luctusque ceperat, non ritè civile, non militare agitabatur imperium, & plerique suspicabantur præter instantis fortunæ fluctus, nec parem tot cladibus urbem, esse etiam ex Castellæ partibus intus, qui clam in publicis malis seditiosas populi faces accenderent, nutrentque; stabat interea ante omnium oculos rutilantibus armis, & plena irarum, atque minarum suo ordine instructa Castellæ acies, simul prædarum instincta cupidine, moræque cladis impatiens expectabat tantummodo signum, quo impressionem in urbem, & satietatem animis faceret; milites tamen victoriæ spe tumida concitados, & pugnæ cupidos tunc compescebat Austriacus, ne si forsitan urbs primo illo impetu cecidisset, & jure prædæ procederet miles, ingentis partæ rapinæ cumuli jam opulentum, nec alia postea curantem distraherent militem, sibi que odia ita publica augeret, atque exercitum diminueret, aut perderet. Ex civitatis prætereà habitu, ac miserabili specie, ejusque tum improvviso quas laxata defensione, ut belli peritus conjecerat Dux, ineundæ se potius ea tempestate concordæ, quàm certamini comparare. Neque ea sententia fefellit Austriacum, mox enim per certas inducias sublati utrinque armis, compositio in hunc modum processit.

Præsidia

Præfidiarii milites cum armis, equisque unôque belli tormento Eboræ urbe abeant; arma subinde tradant equosque, captivique intra Castellam usque ad exactam ætatem maneant, civitatibus Gubernatore cum aliquot familiaribus ejus excepto, quibus & liber egresus, ac tres eorum quoque larvatos, si ita placeret, exire permittebatur. Cives, aut liberi cum omnibus bonis in urbe consistent, aut aliò sua sponte migrantes, quæcumque velint secum asportent. Item sex mensium spatium relinquentibus urbem indultum, quo intercurrente, statuere cuique de fortunis liceret, quæ Eboræ constitissent. His porro conditionibus, nono, postquam obfessa est civitas die in Joannis potestatem concessit. Deinde, ut pacto cõvenerat, urbe digressi sunt pedites ferè bis mille, equitesque trecenti, urbani præsidii, infelicisque belli reliquæ. Ab-euntem Eboræ Præsidem, cum hic salutatum de more Joannem accederet, salibus iste pupugit, quasi nondum attritis, atque omninò perditis rebus per immaturam deditionem inimico succubisset. Æstimarique fortassè ita Joanni conveniebat, ne ab urbe tam imbecilla aridam quandam quæsisse lauream, atque in re parva breviter laborasse cæteris videretur. Atqui intestina revera citius, quàm vis externa, ut inhærens visceribus malum ad-egit tunc consternatum animo Præsidem maturare deditionem; nec simile quidem est, munitum parvumque defendere oppidum, ac populosam, ut erat Eboræ, urbem, illic enim numero pauci, nec grege inutili constituti, facilius uni se homini addicere possunt, tractari, flectique; hic verò ubi soluta, effrenisque populi vis non amplius rectorem, ac legem patitur suo sive ingenio, sive alieno scelere ablata, ipsi contumeliosè parere, vel fœdè perire loci Præfectus cogitur. Incessus autem

deditionum militum hujusmodi fuit. Ab occidentali Eboræ porta digredientes ad Carthusianorum cœnobium Lusitani progrediebantur. Equo vectus Didacus Correa Castellensis equitatus Legatus antecedebat, parique passu lævæ cohærentem habebat equitatus hostilis Ducem. Inflatas de more buccinis, armisque succincti, resurgentisque hos sequebantur equites Lusitani Castellensibus misti, pone pergebant pedites suis ordinibus distributi, & tanquam victi sine ignominia essent, sclopos, ensesque ostentantes. Militaria tantummodò signa huic bellicæ pompæ desse apparebat, quæ antea clam per eos conflagrassè creditum est, ne jactantiæ, aut ludibrio Castellensibus forent. Cum ad cœnobium perventum est, positis armis ibi in custodia Lusitani relictæ sunt, dum ratione conventionis in Castellam deducerentur. Magno deinde splendore, fastuque victoris Austriacus communique gratulatione, plausuque cum Ducibus urbem ingressus Deo ibi gratias apud aram maximam egit; rebusque post ritè compositis, vetuit, præfidiarios præter milites quemquam eorum ad urbem accedere, quique severa adversus ejus edicta molestiam facessere civi, aut violare, aut furripere, aut rapere aliquid ausi sunt, ægrè enim se omninò tenere cupiditas potest, gravi supplicio statim affecti.

Inter hæc Eboræ ab hostibus circumfessæ, nec adhuc captæ Ulisipponem allato nuncio vehementer commota, ac passim turbata civitas est, velut jam minitabundus ad portas insisteret hostis; majora omnia verò, atque trucia turbulentis cogitationibus metus ut ab Hispani Imperii amplitudine, viribusque collectus subiciebat; idèò undique palàm hominum cætus, seditiosæ populi voces; procaciores quarelæ, & passim barbarum notabantur initia in  
commu



communem subinde eruptura perniciem, si Eborā forsā illo perfracta impetu concidisset. Hæc ubi videt Bregantius, & ac deteriora paulò post ab incerto martis arbitrio metuit, simul rudis, mollisque suæ ætatis apud omnes contemptum, ingenique & animi vires novo, & nunc insuper turbido illi sustinendo regno minimè pares, adversæ præterea, quæ administratio-  
ne nuper excefferat, factionis invidiam, & murmur, vetusto, ac penè infito hominibus vitio, quæ sibi in regiminis clavo successerit, obtrectantis, tum fautores Castellensium occultos, qui & discordias ubique ferebant, ortisque discordiis tanquam in ulceribus ungues extabant, & ubi denique metuit Ulisipponensis populi ingenium natura sua volubilius, atque ferocius, & indole quadam ignea seditionibus præparatum, non minùs idcirco de Ulisippone quàm de Eborā urbe sollicitus, trepidusque Bregantius Status Senatum frequentem coëgit, ejusque sedulo excussa, latèque tandem sententia præcepit, irent extemplo qui Sancio denunciarent, ut nihil omnino cunctatus, vel pro imperio tergiversatus quanta posset celeritate cum omnibus copiis Eboræ obsessæ subventum iret. Ad res urbanas deinde conversus jussit, ut Cantegnedæ Comes veteranos in urbe milites jungeret, novos, ac fidos conscriberet, propinquos vocaret, jactis ubique de industria rumoribus ad Eborensem defensionem ea tantummodò comparari, sed revera præsertim, ut si quid ex Eboræ forè lapsu, ut res metuere coge-  
bat, subiti ingrueret in urbem tumultus, per ea prompta subsidia reprimeretur. His ita rebus Ulisippone pro angustia temporis constitutis; eo ipso, quo Eborā, die Lusitanis erepta est, imperium quoque Bregantii ad Sancium Emanuèlem delatum, ut opem adstrictæ ab hosti-

bus urbi prius quoque tempore ferret. Nescius tunc erat Emanuèl, quo in statu Eborā versaretur, nihilominus, & si adhuc Eborā staret, haudquam ex longinquo ipse censebat loco inflexibiles esse leges bellatoribus imponendas; eas sæpè sapiùs longum per iter senescere mora, & vanas effluere, aut rebus quandoque mutatis, observari cùm vellent, evadere obnoxias, ibi enim, & momenta singula pendi opus esse, & ex momentis deliberare, nec raro temporis fugam, & volucres rerum vices ea ipsa in bello, inter arma decreta, atque jussa minimè assequi. Hæc ipsa præsertim à Bregantio edita jussa nec sana, aut utilia videri, nec tuta, nec tali temporis consentanea ad suffragia tamen vocavit Duces, ut si improbanda fortassè mandata Principis essent, unusquisque particeps fieret ejusdem consilii, periculique; nec solus Sancio aut Bregantii imperio neglecto contumaciæ, sive perfidiæ, aut infelicitè ipso suscepto imprudentiæ, ac stultitiæ reprehenderetur. Metuebat enim summopere Sancio ferociam, ac levitatem juvenis, ad iracundiam valde proclivis, eamque ad prorsus explendam regia fiducia, & insano quodam tumore præcipitis, & quod in causa mandati, si malè res cecidisset, æquè Reges irasci soleant ingenuè parenti, vel non parenti, aut solerter imperium interpretanti. Coëuntibus itaque Ducibus in consilium, ibique Bregantii litteris recitatis, cùm sententiæ perrogarentur, haud pauci, iique potissimum juniores, quorum tota in festinatione, atque impetu virtus est, cùm imperii rigore, atque verborum asperitate, qua intendebatur epistola territi, tum inanis gloriæ cupiditate rerum ob imperitiā, atque ætatis ardorem ebullientes confestim esse pugnandum, atque etiam abruptè suppetias civitati ferendas esse clamabant; certa  
námque

námque & acerba non parentibus esset Principis indignatio, at martis exitus in amguo. Seniores verò, peritíque militiæ tunc hæsitantes, restitantesque præstaret-ne iussu Principis, an belli jura rescindere, cum hinc privata, hinc publica utilitas traheret hos inter æstus taciti præteribant. Unus tamen Comes Sabugalius vetus, strenuusque miles inter juvenilem audaciam, & seniorum cunctationem, atque silentium animosius in hunc modum disseruit.

„ Hæc duo nimirum ex animo Principem velle, & Lusitanas legiones incolumes, & Eboram aut receptam, si cecidisset, aut inconcussam, & integram, si hæctenus illa staret. Utrumque autem eodem se tempore impune, & ex facili consequi posse. Sinerent ipsi duntaxat per distorta consilia, per difficiles semitas hostem suoperte vestigio, eadem quam stultè selegerat, via, unde nullus erat regressusui locus, errantem petere præcipientium. Quippè si hucusque invictam se se Eboram sustentaret, inopportuno planè tempore, iniquo loco Lusitani futurum esse certamen cum exercitu Castellensi, hic dum militum numero, & flore militiæ, & præsertim equitibus prævalerent, qui per patentes Eboræ campos invincibiles pene forent. Sin Eboram, ut verisimile quoque erat, in hostium jam esset potestatem collapsa, ibidem etiam cum hoste tum alacri, & expedito, ac victoriæ præterea successu tumido, simul impari acie, impari loco, imparibus animis deteriori omni conditione, & spe victoriæ penè undique abscissa Lusitanum dimicaturum. Contra verò fatali, quæ jam impendebat, aut illa fortasse vicerat, necessitati permissa urbe, aut inibi Castellenses cum eodem exercitu constitissent, & tunc in terra hostili, undique illis infesta, plena ira-

rum, plena ultionum, procul à domo, procul ab ope circumfessos, adstrictos, & rerum omnium oppug-natos inopia, fore profectò, ut eos citius angustia, aut rabida fames, prævisus vel metus, sive animi dolor, quàm arma Lusitana consumerent, aut Eboram capta hostes inde illico discessissent, & tunc ita quoque ratiocinandum, vel eos abeuntes esse urbem inermem, sine præsidio, sine viribus dimissuros, sibi metipsi tanquam relictam, aut transituram in jus occupantis, quo rerum habitu, quis satis obstiterit, ne ultro, atque statim rediret civitas ad obscurum, quod ab eadem invita, armisque subacta, atque afflictà Castellenses expresserant? vel cum adjecto præsidio potius, quod ampla in urbe, nimis remota, atque hostibus circumfusa haud sane poterat esse modicum, ante discessum Eboram hostes relicturos fuisse, & in hoc statu denique rerum dum illi redirent, dum hosticum fugerent meliori de industria prærepto loco, jam copiis debilitatos, metu exanimis, & propè interclusos, ac fessos in itinere posse hostes velut pecora trucidari. Quod utique foret porrectam ab hoste occasione arripere, suæ non deesse, in consilium flectere casum, ac rectè proficere ex erroribus hostis; nam deleta, aut absenti exercitu Castellensi, aut ibidem manente, ac voluntario prope vulnere dissoluta, cum affectu, animoque Lusitanis semper addicta civitas sit, ideò facillimam quoque receptum fore, ex adverso, si temerè nunc procedatur in aciem hunc Lusitanum exercitum profligatum, non Eboram modò fortassis amissæ, sed totius etiam regni contracturum perniciem, ac pestem fore. Cæterum sic modo esse pro bello res ab ipsis hostibus con-

cinnatas,



„ cinnatas, ut possit etiam absque præ-  
 „ lio sedendo vincere Lusitanus, aut  
 „ huiusmodi inire prælium in quo, id  
 „ quod rarò sanè contingit, minùs præ-  
 „ valeat fortuna, quàm ratio; fortu-  
 „ nam igitur an consilium, & ratio-  
 „ nem in omnibus rebus amplecti præ-  
 „ staret, cui fortè dubium, nisi fatuis,  
 „ sive amentibus esse? Huc quippè  
 „ ea superbia, eo supercilio & mòrta-  
 „ lium omnium contemptu, seu iusta  
 „ potiùs Numinis ira, obcæcata se se  
 „ jactasse consilia hostium, ut inter  
 „ avia, & abrupta deprehenso, cum  
 „ nec harere ibi, nec progredi possent,  
 „ tutiorem Lusitanis victoriam, quàm  
 „ vel ad salutem sibi fugam ornave-  
 „ rint. Vias igitur omnes Lusitani  
 „ milites insiderent, & advectitios  
 „ commeatus interpellarent, simul om-  
 „ ni studio, ac diligentia explorarent  
 „ consilia, itinera, motus hostilis exer-  
 „ citus, ut ipsum subsidii, cibariis, iti-  
 „ neribus interclusum in tempore cir-  
 „ cumvenirent.

In hanc ergo sententiam, quia ve-  
 ra erat, & quia auctor inventus est, qui  
 eam cum periculo expromeret, sine  
 ulla mora facta discessio est. Lusitana  
 itaque acies jam duodecim mille pe-  
 ditibus, & quatuor mille propè equiti-  
 bus constituta paulò post de Eborensi  
 ruina certior in campo Laondralio ubi  
 loci natura copiam sibi alimenti, ino-  
 piam hostibus faciebat, castra locavit.  
 Amœnus prætereà agger, & fluentibus  
 passim aquis abundans, atque arbori-  
 bus confitus æstus ardorem, qui solito  
 magis torrere, ac furere cæperat, mili-  
 tibus leniebat. Inter hæc Ulisippo cum  
 propter urbi decretas à Senatu suppe-  
 tias, & à Principe iussas sublata obsi-  
 dionis notitiam in horas singulas expe-  
 ctaret, postquam Eboram lapsam, atque  
 hostibus deditam intellexit, effrænatiùs  
 quam rationem, quam erga Principem  
 verecundiam docebat, ad omnem li-

centiam exarsit, eoque liberior, & con-  
 tumacior, quod in publicæ causæ titu-  
 lum furorem assumere prætendebat.  
 Jam ex primo sonitu armorum, qui cir-  
 ca urbem Principem obstrepuerat satis  
 sua sponte, & malignorum etiam in-  
 stinctu huic turbini fuerant sævi, impo-  
 tentisque vulgi animi comparati, post-  
 quam verò triste nuncium amissæ urbis  
 allatum est tum egentibus, factiosis, tur-  
 bulentis ingenio viris, quique præda-  
 rum suffugia, & turbarum præmia qua-  
 rebant, cum Eboræ quoque afflictæ  
 calamitatem sive famæ, sive hominum  
 vitio mendaciis plurimis onerarent, per-  
 facile fuit jam fluctuantem, paratum-  
 que erupturæ procellæ populum furio-  
 sissimè concitare. Itaque in fraudem  
 rumore composito, & per circulos ja-  
 cto jam terra victrices copias, jam mari  
 Castellæ classem Ulisipponem accedere  
 prædicabant; nihil turpius, nihil miseri-  
 us, quos minùs certè decebat secum  
 agere potuisse, venditam esse hostibus  
 libertatem, saginatos egenorum sub-  
 stantiis, & sanguine procures, ministròs-  
 que; publicam prorsus pecuniam vel  
 dissipatam, vel in usum privatum ver-  
 sam; ita se nunc ab hostibus victos, à  
 magistratibus proditos esse, à Princi-  
 pe destitutos Quid reliqui miseris esse,  
 præter deformem patientiam, aut ul-  
 timam contumaciam? Servitutem, la-  
 trocinia, vastationem, Tyrannorum  
 imperia, seu Lusitanus, seu Castellen-  
 sis vicerit sempiterna sibi futura, &  
 utrumque abjurandum, aut pereun-  
 dum omninò esse; si porrò decus, si li-  
 bertatem, si fortunas tandem amiserint,  
 & propè amissuri salutem sint, vindi-  
 ctam expostulent, & virtutem, ani-  
 mósque demonstrent ulciscendæ non  
 minùs injuriæ, & juris, vitæque tuen-  
 dæ quàm vis patiendæ constâtes, quique  
 impuris, suarumque voluptatum mani-  
 cipiis servire hominibus abhorrent.  
 Hisque tumultuosos longè latèque ma-

nantibus vocibus irritati magis, magisque cives, officinis repente clausis ad arma præcipientes ruunt, alii sclopos, & gladios, quidam faces, & saxa, multi fudes, contorsque & quæ fors obtulisset, arripiunt, armatique, ac tumultum ubique cientes, proclamantesque furiosi per urbem volitant. Crescit subinde quoque recentium, & in transitu collectorum ad clamorem, strepitumque concursu multitudinis æstus, quos imitatio, quos aliena bona diripiendi, quos sua servandi, aut vetera, occultave odia tumultus sub latebras persequendi cupido ministros seditionis adjunxit. Neque ex infima tantum, ac lutulenta plebe conflata ea turbarum licentia, atque colluvio est; rapuit enim permultos etiam, qui antea prudentes, ingenuisque inter pacatos affectibus, ac temperatis moribus habebantur, nempe ex genere eorum, qui sua quidem vitia callide tegunt, jactantque turbatis rebus, qui etiam probi, mitisque ipsi, sed moribus fragiles, levi quacumque subjecta causa facillime offendunt, quique tandem errore judicii alieno consilio facile ablati ad omne fas, atque nefas peræque versatiles sunt. Copiosior, atque inflammator exinde populi vis, ac plura tumultus adjecta capita, quæ propè limphatam ducerent multitudinem, jamque officii, jurisque omnino frænis abruptis, sic mire pro arbitrio illam tractare, atque flectere poterant, ut eodem tempore populus videretur parere simul, ac furere. Primus igitur hominum impetus Ductorum impulsu in civitatis Principes fusus, quò veniæ spe scilicet in procerum læsione, atque injuria consumpta, solutius in ea contumacia, ac furore duretaret plebs, attritòque in rebus magnis pudore, ac formidine prorsus excussa, reliqua audaciùs aggrediretur. Et quidem in primis, ut sacris à rebus inciperet

scelus, Ulisipponensis Antistes id ætatis, id ministerii gradusque homo per tumultus, & arma quæsitus est. Is erumpentis seditionis initio ad Regiam, ubi tunc Bregantius agebat, effugerat, at sedes in vacuas irruunt, sed opulentia, atque pecuniæ plenas repertas, alia rapiunt, alia igni, alia ferro corrumpunt, ingentemque ex profanis, sacrisque rebus cumulatam prædam asportant. Inde irritata sceleribus, peccandique inflata fiducia ira, haustuque explorata libidine prædæ, in Cantagnedæ Comitum sedem, qui paulò ante quoque dilapsus ad Regiam erat, irrumpunt. Ibi civilis contracta rabies clades recentes integrat; undecumque spoliare, rapere, trahere, fundere contumelias, cum rapina, atque turbis miscere cruorem, & cum plurimum ibi re ipsa noceret, amplius, si posset, nocere velle. Ea ipsa subinde multiplex furia, pestisque per magistratum, primorumque diffusa domos, cum fluminis instar, quod longius se volvens collectis in transitu fluctibus crescit, & numero, & viribus aucta esset, crudeliùs exarsit; ad fœdiora quæque per scelerum quasi gradus eniti, audere omnia, vehementius instare; in aditus saxa, in tecta faces immissæ, assultus, vulnera, verbera, in eos, qui fortè obstitissent, inflicta; non nobilibus verecundia, non magistratibus honor, non mulieribus reverentia, non concivibus jus reddebatur; omnia tumultus, furor, seditionisque ex omni parte tempestas invaserat. Cum ita per urbem velut in captos plusquam hostilia exercendo plebeius ardor debaccharetur, in Regia Bregantius, Ulisipponis Antistes, Cantagnedæ Comes, alique viri primarii, qui sub Principis umbra latebant, tristes, ac pavidi consultabant, quid fieri opus esset ut tandiu, tamque sævè, atque impiè insanire pergenti populo occurrerent, & utrùm seditionem suo inpetu



impetu defervescere, ac lassitudine frangi sinerent, an nuper paratos à Cantagnedæ Comite milites, ac maximè externos, quibus, ut à communis contagionis causæ seclulis plus confidebant, opponerent. Comes ut intrepidus, acer, & vir militaris ingenio, qui civium salutem in remedii celeritate, subitâque interposita vi reponebat, censuit, esse adducendas citissimè copias, incresecetmque seditionem, priusquam in reliquam urbem, atque extra urbem per fraudulentos artifices spargeretur, aut ipsa fortassè in corpore velut affecto, „ radices figeret, evellendam. Nihil „ enim, ajebat Comes, sordida plebe „ superbius, atque ferocius, cùm fræ- „ nos excusserit, suoque ipsa uti sinatur ingenio, nihil ea volubilius, atque „ meticolosius, frontem cùm ipsi „ si, & conferere velle manus ostenderis, æquales præfertim, vel saltem non „ contemnendæ si illi vires objectæ fuerint, qualia per id temporis in ipsa urbe „ præparata subsidia erant. Rapi- „ dam illam præterea numerosi populi „ vim, quæ sua agitatione, motuque „ prorupit, ac violento se ipsa exercendo „ plerumque lassatur, ac solvitur, in tempore pressam faciliùs extinguere, „ ut procaces, ut impotentes, nimisque „ iracundi, qua levitate, animique „ pensionem efferuntur ad iras, irarumque „ saturitatem, ea ipsa citiùs mutantur, & concidunt; ex adverso, cùm „ impunè, ac licenter peccando grassetur „ plebs, atque ad aliud ab alio prolapsa „ scelus insaniat, eam nisi prius „ fregeris, quàm injuriarum atrocitate „ cognoscat non ampliùs mereri se veniam, & gratiam Principis exhaustisse, „ tergiversatione, atque mora supplicii „ faciliè posse iras in odia, furorem in „ usum metum, in cautionem verti „ fidiam, quique nunc malus „ citò, vel obiter est, ut sibi deinde à „ flagitii pœna caveret, deterrimum

fieri, adeò ut, quod modò celeritas „ expediret, post ubi mora putresceret „ ulcus, difficile, & arduum duplicatis „ quoque viribus foret. Quid? ea ipsa „ consilia, quæ idcirco tunc agerentur in Regia, non modò intempestiva, superflua videri, sed etiam exitiosa; nimirum dum ardet seditio, „ dum vastatur, dum uritur civitas, ac „ velut soluta legibus scelera furunt, „ promptique milites sunt, qui suis „ corporibus grassatores impediunt, „ eorumque sanguine flammam extinguant, velle consilii, aut altercando „ terere tempus, cujus pro civitate „ purganda ne momenta quidem „ transiri sine flagitio, ac turpitudine „ possent. Si infringi aliquando in „ homine furor, si sanescere insania „ potest non id profectò lenocinio „ verborum, vel acumine ingenii, neque „ patientia injuriarum accidere, „ aut criminum conniventia, quæ illecebræ sæpè scelerum & viti- „ orum fomenta, ac dissolutis præcipuè „ sunt, sed arma esse cum armis, cum ignibus „ ignes, & vim contra vim conferendam, „ & maximè cæcus cùm „ hic impetus populi, qui potest esse „ fortuitus, atque ab Eboræ casu, tumultuosoque „ plebisque ingenio profectus, „ discrimen importet, ne paulisper „ neglectus, aut seriùs, quàm „ opus est, propulsatus in bellum civile, „ quo totum denique regnum „ implicitum ad extremam perniciem „ ardeat, erumpat. Constare propterea „ multos esse Principi externos, „ multos domesticos hostes, qui & „ latus ejus insidiis, & qui aperto Marte „ imperium ejus oppugnent. Quid ergo, „ eosdem simul sollicitos, impigros, „ anxios omnia intestina turbamenta „ quærentes, confoventesque, hæc „ casu oblata, aut fraudulenter „ induta per desidi- „ am aspernatos, nec „ suum unoquoque sarmentorū propè

„ fasciculum in exortum incendium  
 „ subjiciente, hoc omni studio, atque  
 „ industria pasturos, ac diffusuros esse?  
 „ Quibus in præsens conjectis, ac  
 „ peius deinde serpentibus malis unam  
 „ duntaxat mederi celeritatem pos-  
 „ se, & lacertorum jactationem, &  
 „ corporum vim, non consilii. His  
 „ addi, emeritam nunc istam à plebis  
 „ stultitia, atque impetu lucem, ac  
 „ nobilium præcipuè capitibus mini-  
 „ tantem, non tam latè per urbem  
 „ adhuc manasse credendum esse, ut  
 „ non major, ac melior hominum  
 „ pars tali morbo superstes sit, & à  
 „ populi sensibus casta. Proinde in  
 „ solutas, & vagas populi turbas, qui  
 „ in promptu sunt, si milites mittas,  
 „ spem ex eo fore, ut iis viri boni, no-  
 „ biles, integri accederent, qui causæ,  
 „ sibi que consili momento disjicere va-  
 „ leant has populi sordes, facèscque non  
 „ constantia, sed impetu validas, in to-  
 „ lerantia feroces, in occursum dejectas,  
 „ vel, ut sæpè contingit eas à partibus  
 „ separatas, & inter se commissas sua  
 „ impietate, suo molimine perdere.  
 „ Alioquin si immanis hæc bellua suo  
 „ furori, suæ libidini relinquatur, ea-  
 „ démque impietate, ac licentia sus-  
 „ ceptas clades, ac scelera persequi,  
 „ mox scisso partibus regno, cum au-  
 „ dacia malorum consternatio bono-  
 „ rum sit, intus occulti hostes, infe-  
 „ stus foris exercitus, armis que victri-  
 „ cibus turgidus, quid quod obsistat  
 „ porro futurum, quominus paratam,  
 „ ac plenam in totius regni victoriam  
 „ Castellenses ingrediantur? Postre-  
 „ mò ex longo jam intervallo prævi-  
 „ sum hunc vulgaris tumultus turbi-  
 „ nem esse, eúmque ad statim omni-  
 „ nò coercendum data opera milites  
 „ comparatos. Quid autem se tem-  
 „ pore circumscriptos tunc perplexos,  
 „ ac dubios in illo negotio versari,  
 „ quod ita evenisset, ut antea propo-

tum, atque consultum fuerat, iis-  
 démque manentibus rebus, & cau-  
 sis volutari consilia? Ea saniora pro-  
 fectò, magisque tuta fore consilia,  
 quæ ex minus confusa, ac minus im-  
 placida tracta mente, antequam inci-  
 dant, casibus provident, ubi præsens  
 calamitas urgeat, nimio terrore animis  
 hominum occupatis, captæque metus  
 caligine mente, acuta, & solertia quo-  
 que hebescere ingenia, & sapientum  
 consilia desipere.

Hæc Cantagnedæ Comes; secus  
 verò in hunc modum locutus Ulisippo-  
 nensis Antistes fertur; Haud scili-  
 cet interessè tam violenter, tam  
 citò milites preparatos in eos fu-  
 riosos, iraque calentes impellere  
 cives, sed pœnitentiæ potiùs, ac  
 nimix iracundiæ relicto spatio, cau-  
 tissimè priùs circumspicere an hic se  
 intenderet, an fortè remitteret po-  
 puli furor, an suo se tandem disrum-  
 peret impetu, cessaretque; nam si  
 ita evenisset, ut eventurum ipse  
 putabat, vis, & armorum, & hau-  
 sti, datique cruoris ex utraque par-  
 te periculum, & sua quidem sen-  
 tentia pravum consilium vitatum iri;  
 sin minus, hisce populi viribus illo  
 primo conatu remissis, ac pene fra-  
 ctis, utiliùs quidem deinde futurum  
 fuisse, hos cum fessis, ac propè lan-  
 guentibus milites, quàm cum vegetis,  
 ac propè furentibus congredi civibus.  
 Planè obscuram rem totam esse, & pe-  
 riculo ancipiti complicatam, at minùs  
 fortassè patere periculi, minùsque fal-  
 lacis subire fortunæ consiliù secundo  
 loco propositum, & quamvis omnem  
 vim rationis, consiliùq; sua pro libidi-  
 ne liceat fortunæ subvertere, vel more  
 prudentium errasse, ac fortunæ tan-  
 dem cessisse id sensum doloris in re-  
 bus adversis moderaturum. Cum  
 enim infestis cum militibus manus ad  
 conferendum cives venissent, qui

nec



„ nec ignavi , nec desides essent , nec  
 „ tam facilè quidquam compulsì de  
 „ sua pertinacia laxarent , cæde con-  
 „ tinua patrio solo resperfo , stratisque  
 „ passim æquè misera , ac turpi con-  
 „ civium strage corporibus , eam sa-  
 „ nè teterrimam faciem haudqua-  
 „ quam sanare , aut ex parte lenire im-  
 „ pressum reipublicæ vulnus , at refri-  
 „ care , & incendere posse potius ,  
 „ & in alias , quæ integræ essent , rei-  
 „ publicæ partes extendere , quàmque  
 „ rerum turbationem , & cladem res  
 „ improvisa sustulerat , & quæ quies-  
 „ cendo , ac propè nihil agendo seipsa  
 „ evanescere potuisset , ob violentum ,  
 „ asperumque remedium auctam in si-  
 „ nu , in visceribus patriæ notis cruen-  
 „ tis incisam indelebilem permanfu-  
 „ ram. Porro autem vicerint milites ,  
 „ concisa plebs jaceat , visque ista po-  
 „ puli maneat torrente sanguinis inter-  
 „ clusa , aut extincta , cui dubium esse ,  
 „ illam ut durius tempestate multatam ,  
 „ & tanquam laniena dissectam , atque  
 „ conscissam vel antiquam esse bene-  
 „ volentiam erga Principem exutu-  
 „ ram , qua potissimum nixa præpoten-  
 „ tem adversus Regem , & Lusitanum  
 „ sanguinem anhelantem adhuc ste-  
 „ terat Lusitania , & qua , ut afflicta  
 „ res erant , hostilisque victor , pro-  
 „ pinquus , minitabundus , exercitus ,  
 „ hoc tempore maximè indiguisset.  
 „ Cæterum hos inter milites cohiben-  
 „ do populo destinatos , cum externos  
 „ in numero , & viribus superent Lu-  
 „ sitani , id etiam , si vis applicetur ,  
 „ terroris adjungi , ne major scilicet  
 „ militum pars incipiente certamine  
 „ fugiat , vel ad populum transeat , vel  
 „ polluere fortè manus abhorrens in  
 „ notos plerosque concives , ac ne-  
 „ cessarios suos , adeò lentè , ac remis-  
 „ sè conferat arma , ut gens vilissima  
 „ victrix , & tumore victoriæ , & suo  
 „ quoque impetu concitior tandem

in Principem insolescat , ac sæviat ,  
 quippè qui civili sanguini non pe-  
 percerit exteròsque cruore domesti-  
 co imbuere minimè horruerit , eum-  
 demque propterea in suis signis , in  
 suis militibus superatum despiciant ,  
 & odio habeant , quàm ad amentiam ,  
 etsi maximè tunc furibundus , adhuc  
 se populus non projecerat , salvæque  
 Principis majestæte , ac regii nominis  
 reverentia , spem aliquando fore , ut  
 sua ipse sponte , vel conscientia re-  
 morfus , vel incurfibus lassus , vel suo  
 tandem revolutus ingenio ad offi-  
 cium rediret , ad integram mentem .  
 Porro cunctanter procederetur , ac  
 simul observaretur , quem irarum  
 fortuna terminum jactatis civibus  
 posuisset , an illæ spretæ , nec laceffi-  
 tæ fenescant , an protinùs occidant ,  
 an vires aliquando remittant , an fu-  
 rere perseverent , quò strenua , &  
 extrema per arma , per vim infringen-  
 di medela tumultus , non , nisi premat  
 necessitas , apponatur . Postremò , si  
 quid in re conjecturis percipere li-  
 ceat , in hunc modum ratiocinari . Id  
 civilis incendii , quò magis rabidum ,  
 turbulentumque eò per se citius op-  
 pressum , ac faciliùs extinctum iri ,  
 quod initium , & causa seditionis ina-  
 nia , atque frivola essent , & populari  
 duntaxat inscitia , atque errore pro-  
 vecta , Eboræ nempè urbis amissio ,  
 non hostium quidem virtute , sed re  
 improvisa , virium inopia , muro-  
 rumque suorum debilitate collapsæ ,  
 & prævalida quamvis satisque muni-  
 ta civitas fuerit , quis martem incer-  
 tum , fortunæque in bello insolentias ,  
 ac vices sit habiturus in potestæte ?  
 Civiles discordias , intestinâsque  
 pestes aut ex onere tributorum , aut  
 Tyranni sceleribus excitatas morta-  
 lius sævire , atque ardere , nec un-  
 quam esse illas cessare solitas prius-  
 quam Tyrannum eversum , aut subla-

„ta tributa viderint, cùm unguēs, &  
 „nervos, & robur ista feditio habeat,  
 „& nisi causa, quæ valida est, aufera-  
 „tur, perseveret effectus. Hanc au-  
 „tem plebis commotionem, & homi-  
 „num contumaciam firmitatis, ac per-  
 „tinaciæ multò minus in se habituram  
 „esse videri, quia fortuita, quia nimia,  
 „quia iniqua, quia nec causa, nec fun-  
 „damentum esset quo tanta moles se  
 „sustentaret; si secus res cesserit promp-  
 „tos adesse milites, qui recentes, op-  
 „timè instructi, & temerarios adver-  
 „sus impetus pervicaces suis incurfi-  
 „bus resolutos, & erroribus lassos ci-  
 „ves opportunè coërceant, nec inep-  
 „tam, vel otiosam porro futuram pa-  
 „rati militis diligentiam. Hæc ut me-  
 „dia in confesso sententia prævaluit, sci-  
 „licet, ut pro cursu, exitūque furoris  
 „sui illa plebis tumultuatio, aut dissi-  
 „mulata clementer esset, aut severissi-  
 „mè vindicata. Populus verò postquam  
 „ea turbulenta concursione totam ur-  
 „bem miscuerat, & circumierat jam  
 „longa volutatione jactatus, prædisque  
 „congestis, ac simul injuriis, & clamo-  
 „ribus fessus Regiam denique attingit.  
 „Elanguere tum ibi ferocia populi visa  
 „est: queruli tamen intemperanter, ii-  
 „démque superbè supplices homines  
 „minas, lachrimas, voces cum preci-  
 „bus confundebant, tanquam ipsi à  
 „magistratibus conculcati, à regiis mi-  
 „nistris oppressi ad Principem provo-  
 „carent, & sua ibi jura repeterent; si-  
 „mul Duces seditionis, qui per omne  
 „flagitium, atque licentiam adhuc sibi  
 „prorsus obnoxiam raptaverant plebem,  
 „territos nunc veneratione, ac dignita-  
 „te loci jam spes animūque defecerat,  
 „caperatque subinde peccati comes ti-  
 „mor obrepere. Hæc læti intuentes,  
 „qui consilia periculis, tumultūque mo-  
 „menta proceres metiebantur, monent  
 „Bregantium, ut se palam spectandum  
 „populo præbeat, poterat enim arcana

quædam aspectui Principis insita vis,  
 vel clementiæ apud cives concepta  
 spes, posito metu, sive illa tandem ex-  
 cussa per pudorem audacia, qui com-  
 poni sua sponte caperant, seditionis  
 omninò sternere fluctus. Ea propter  
 Bregantius in Regiæ fenestra conspi-  
 cuus, & frontem, vultūque induens  
 blandimento populi accommodatum  
 laudavit studium, & fidem reipubli-  
 cæ amore provectæ plebis, adjecitque  
 ne tristarentur, neu demitterent ani-  
 mos, sibi nuper à Sancio Emanuèle  
 rescriptum esse, jam inter Eboræ mu-  
 ros, qui antea obsidebat, obsessum,  
 strictūque teneri hostem fame ibi,  
 vel gladio celeriter periturum. Hæc  
 sanè vox, seu visi Principis verecun-  
 dia, seu volubile plebis ingenium, seu  
 impetus ille tandem perinde violentus,  
 ac fluidus adhuc flagrantem seditionem  
 extinxit, statimque in sua quisque te-  
 cta dilapsus, & alius in alium criminis  
 culpam rejiciens mirabatur, quereba-  
 turque quod seditiosè, quod stultè fe-  
 cerat, quasi ipse non præstitisset; nec  
 ea de re postea, vel auctoribus ejus pa-  
 lam, aut jure quidquam quæsitum est.  
 Popularis tumultus signiferi tantum,  
 auctorēque seditionis paulò post de-  
 latorum calumniis, atque ambagibus  
 traditi aliorum obtentu criminum per  
 certa intervalla hujus sceleris pœnas  
 dedere.

Inter hæc quæ Ulissipponē mota,  
 statimque pacata sunt, Joannes Au-  
 striacus victam jam Eboram munie-  
 bat, jussu ejus mœnibus restauratis,  
 Antonianōque munimine jam perfe-  
 cto, multisque rebus diligenter provi-  
 sis quæ in meliorem undique formam  
 imbecillam urbem redegerant. Sed  
 coeperat tandem in ejus auctores sus-  
 cepti negotii temeritas ruere, insipien-  
 tēque petitiæ arere victoriæ laurea, fru-  
 ctūque marcescere; quippè jam com-  
 meatus inopia Castellensis exercitus la-  
 borabat,



borabat, quo affluere tunc oportebat ut urbi sufficeret, & urbis præsidio, & militaribus copiis. Exiguus quidem erat in urbe, quem secum portaverat miles, idem jam propè commeatum absumpserat; unde per circuitum exquireretur; modus eo tempore non suppetebat. Vias enim, & tramites quosque viarum passim infessos cum intensa custodia tenebat Sancius, simul à fronte ipse, & acie adversus aciem oppositus stabat seu pugnam cum hostibus initurus, seu commeatus intercepturus. Inter has rerum, & animi angustias Austriacus advocato consilio planè ipse æstuans, curisque jactatus à Ducibus requirebat. Abeundum ne ab Eboræ sibi foret? & urbe deleta, an servata? & utrum acies, & arma ultimùmque belli discrimen probabilius fuisset his difficultatibus exitum inventura, si prælio statim cum Lusitano decerneretur: priusquam verò de ipsa re Duces in congressu deliberarent, recitatæ Regis Catholici litteræ sunt, severè præcipientis, ut Eboræ cives, & alii quicumque in posterum Lusitani ad Regis obedientiam, & fidem reversi fuissent, clementer, ac leniter tractarentur, nè præteritus error, lapsusque communis ignominia, vel fraudi resipiscantibus esset. Ad hæc ubi primum cum Lusitanis daretur occasio ultimæ pugnae periculum fieret, alterum enim aptissimum esset tenere deditos in officio, propensos non alienare, aut fortè obsistentes allicere, usui autem alterum, atque gloriae quod effugere prælium plus Lusitanis, qui integrum regnum, quàm Castellenfibus qui unicam aciem ac si ea cecidisset, haud difficile reparandam in conflictus discrimen conjicerent, expediret. Hæc regia mandata erant, quibus auditis tres subinde sententiæ prolatae sunt. Didacus Cavallerus magister equitum pro prima sententia sustinuit,

Solo æquandam esse protinùs Eboram urbem, & igne, ac cineribus obruendam, ut à Castella nimis remotam, ut propugnatum difficilem, ut eam stantem, relictoque sibi necessario præsidio fultam cum ejusdem etiam periculo reliquas copias evaturam, ut id tandem hostibus tolleretur, quod facultas ob rerum angustias non esset Castellenfium dominio adjungi; secus verò ex tanta pecunia, & cruoris effusione quid irritus nisi labor, & probra militia, & commune detrimentum, ac dedecus peteretur? His Cavallerus addebat, quod lenitas fortè non posset ab Lusitanis exprimere, id quoque faciliùs incussum ex urbis excidio terrorem assecuturum, cum plane altiùs metus, quàm amor inhaereat humanis pectoribus fixus, constantiùsque metuere homines, quàm reddere gratiam pravitate naturæ sciant. Postremò, cum duæ pateant omninò viæ, quæ ad humanos fluctendos animos ducant, terroris scilicet, & amoris, hac modò benevolentia, cum nolit, aut nesciat Lusitanus diligere Castellensem, in Eboræ causa interclusa, altera metus instituat. Quæ verò huic contrariæ sententiæ producuntur difficultates, vincula nempe Regis imperii, & contumaciæ crimen, jure illa quidem vi præsentis necessitatis abrumpi, nisi studentibus in hoc rerum ordine Ducibus extremi periculi faucibus has regias eripere copias, rectè quis refragatus fuerit, cum dixerit, obstat mandata Regis. Verùm ut nimis hæc dura, ac truculenta specie tum adversa præcepto Regis communi consensu Didaci opinio rejecta est. Altera, cui & Austriacus favebat, asseruit, ut præsidiis firmata urbe, signa cum hoste quàm citò collatum procederet acies. Sed nec priori minùs aspera fa-

ctu, eventūque funesta sententia hujusmodi videatur, multisque partibus vitiosa, quippe quæ nec satis Eboram tutaretur in ancipiti fide relictam, ac præsidio, cum excutere se voluisset, superiorem, & ampliùs Castellæ exercitum diminueret, qua tempestate, cunctis collectis viribus, opus esset, truci prælio, quod impendebat, omninò se comparare. Hanc tamen ipsam opinionem ut cohærentem mandato Catholici Regis, Joannísque judicio planè concordem vehementer, & palàm refellere nullus est ausus præter Ducem Sangermanensem, qui utramque sententiam his argumentis labe-  
 „ factavit. Maneret Eboræ exercitus  
 „ Castellensis, exactisque civibus ur-  
 „ be, frumenta, quæ intus seposita ci-  
 „ vibus erant, in usum militum con-  
 „ verterentur, illa enim, & quæ circa  
 „ obeundo poterat equitatus alimenta  
 „ colligere, & qui asservatus supererat  
 „ militi commeatus verisimile quidem  
 „ esse multis diebus militibus suffectu-  
 „ ra. Nec porro istam civium expul-  
 „ sionem sancitum jus belli, aut pacta  
 „ utrinque priùs constituta rescindere  
 „ posse, cum id ad tempus, & laxa-  
 „ mento quoque civibus esset, ne in-  
 „ tus scilicet fame, ne acerrimo obsi-  
 „ dio conficerentur, quamquam &  
 „ belli, pacisque conventiones omnes  
 „ sua ipso jure necessitas abrogaret.  
 „ Interim auxilia Castellæ superventu-  
 „ ra, quæ nec incerta, nec fera profe-  
 „ ctò futura censenda essent; dum  
 „ Catholico Regi constiterit, terra-  
 „ rum tantum hostilium, tot arcium  
 „ opposita obstacula ejus exercitum  
 „ prætervectum, esse Eboram captam,  
 „ Ulisipponem tumultuantem, reg-  
 „ num factionibus scissum, plena om-  
 „ nia barbarum, plena confusionis, &  
 „ metus esse, ac si paululùm adnitere-  
 „ tur, jam debellatum fore, sin minùs  
 „ ejus etiam exercitum ferro sternen-

dum esse, aut famis moribus lace-  
 randum. Ex adverso si inde abeat  
 exercitus, & munita quoque præsi-  
 dio suæ fidei, suo propè arbitrio  
 Eboræ relinquatur, cum sanè, nec  
 parum vetus ipsam extimulet in Ca-  
 stellam quasi ingenitum odium, re-  
 cens, atque violenter recalcitrantis  
 in modum illi impositum jugum,  
 propinquitas exercitus Lusitani, Ca-  
 stellensis absentia, mira omnium Lu-  
 sitanorum pro se, & adversus Castel-  
 lenses homines animorum consensio,  
 quid pro urbe tuenda, pro salvando  
 præsidio spei reliquum affuturum?  
 Scilicet consultatione, aut obsidionis  
 ferendæ mora, aut quæsito fortassè  
 colore Eborensibus opus fuerit, ut  
 Castellensium præsidium opprimant,  
 Lusitanos statim recipiant, atque ex  
 prodicione sibi triumphus, turpisque  
 laurea constituatur. Hæc ex urbe de-  
 ferta pericula; nec porro minora eas-  
 dem complecti pericula copias, si eo  
 tempore intempestivo signa confer-  
 re cum hostibus vellent. Etenim Lu-  
 sitanus pro patria, & in patrii soli re-  
 cessu, majori fortassè militum nume-  
 ro, & cum majori quidem peritia lo-  
 corum, nec inter commeatus angus-  
 tias, & animi angorem venturus ad  
 pugnam esset. At si Catholici Regis  
 exercitus declinando, differendoque  
 pugnam Eboræ cunctaretur, frænum  
 ibi futurum meditatæ perfidiæ ci-  
 vium, receptæ sustentaculum urbis,  
 ac si protrahirem contigisset, fore for-  
 tassè interitum exercitus Lusitani, qui  
 cum ex præsidiis, arcibusque nudatis  
 magna ex parte compositus esset  
 quando Eboram obsedisset, necessi-  
 tas, tædium, obsidionis prolixæ vi-  
 tium, & pariter solis æstus eo tempo-  
 re, eo torrido loco, ac propè pestife-  
 ro sensim illum exinanirent, ac per-  
 derent, dum interim regius ad Ebo-  
 ræ umbraculum confedisset, & mag-  
 na,



„ na , atque certa ex Castella prope-  
 „ diem ventura subsidia expectaret.  
 „ Caterum iussa Regis usui esse , ac  
 „ tempori aptanda , ac si res ita posceret ,  
 „ corrigenda. Hæc Sangermani Du-  
 cis sententia quamvis in re omnino as-  
 pera minus periculosa , Joannis tamen  
 arbitrio rejecta est. Omnia enim ipse  
 in re circumspectans difficultatibus ob-  
 voluta , præruptisque consilia casibus  
 regi , id velut minus formidolosum , seu  
 minus etiam , quamquam fortuna ob-  
 stitisset , reprehendendum arripere exi-  
 stimavit , quod Regis Hispanique  
 Senatus judicio comprobatum , jus-  
 sumque cum illo simul errare , vel colli-  
 mare dedisset.

Hoc incerto consilio præliandi cer-  
 tus eo tempore Austriacus , ac si aleæ  
 fortuna affuisset cum iisdem victricibus  
 copiis ad Castellam regrediendi , op-  
 tabat etiam juxta Eboræ situm , quò  
 tutior esset illi receptus , præstòque cer-  
 tamini foret destinatus urbis præsidio  
 miles , nec inter obliqua viarum sibi-  
 que prorsus ignota deprehensus manus  
 cum hoste conferere. Igitur post die-  
 rum quindecim moram , paucis reli-  
 ctis urbis murorum custodiæ militi-  
 bus , inde copias Joannes ad dimicatio-  
 nem instructas movit. Aberat hostis  
 ad leucæ dimidium , validisque muni-  
 tionibus Odigebensem ripam infederat.  
 Fluvius in medio exiguas agebat  
 undas , at variis ipse flexibus tortus  
 longo spatio palustris erat , solòque  
 cænofo , atque lubrico gradientium  
 vestigia fallebat. Ad hujus fluvii de-  
 nique ripam suo animo præliaturus  
 cum omnibus copiis Austriacus acces-  
 sit , posse inde ratus per septendecim  
 belli tormenta , quæ edito in loco ad  
 summovendos ab amnis ambitu ho-  
 stes constitui jusserat , sibi transitum  
 explicare , aut si vera , quam Sancius  
 jactabat , prælii cupido esset , æquum  
 sibi ad dimicandum cum illo locum ,

sine quo votum irritum cecidisset , mi-  
 nimè negaturum. At Sancio , cui &  
 locus amicus , & agrorum libertas erat ,  
 & commeatus abundè , atque idè suo  
 arbitrio ineundi , extrahendique cer-  
 taminis copia , priusquam extremam  
 cum hoste susciperet pugnam , consi-  
 lium infederat , cùm depascentis lassit-  
 tudine famis tum crebris assultibus , &  
 ambitu armorum sic fatigare , atque  
 atterere Castellenses , aut loco oppor-  
 tuno semel excipere , ut cùm ultima  
 pugna esset , parvulo impendio jam  
 prælibata victoria staret. Castellensis  
 itaque acies ad fluminis ripam applici-  
 ta , postquam videt ab altera parte Lu-  
 sitanum undique circumfusum , in mar-  
 gine hærentem , trajectumque constan-  
 ter prohibere paratum , simul dispo-  
 sita belli tormenta , quæ ineptè locata  
 fuerant , intra pauca vestigia positos  
 focios , hostesque sine ullo discrimine  
 sternere , spe falsa , locique insolentia  
 deterrita substitit , mox aliquantulum  
 retrocedens juxta marginem castra po-  
 suit. Extra belli tormenti jactum alius  
 ab alio distabat exercitus , Castellen-  
 semque ibidem manentem , cùm me-  
 ridie castra locasset , caligo noctis op-  
 pressit. Tunc ignes utrinque succen-  
 si , parique aspectu , ac fulgore mican-  
 tes , sæpiusque excussa tormenta belli ,  
 militumque clamores utrosque per in-  
 tegram noctem intentos , & alacres  
 tenere. Ubi illuxit , Austriacus equo  
 ipse vectus ad pugnam milites instruit ,  
 binas , & latas in orbem alas extendit  
 equite simul , ac pedite communitas ,  
 subsidiis latera firmat , mediam ipse  
 cum selectis equitibus occupat aciem.  
 Hoc ordine instructus vi , & impetu  
 armorum ab undis , à lubrico vado ,  
 ab hostium occursum fluminis transitum  
 extorturus pergebat. Stabat altera ex  
 parte , qua fluvius intererat , hostis  
 pugnae similiter comparatus , spe ta-  
 men in melius afflante , animo quidem  
 erectior,

erectior, locique fiducia subnixus. Agmina prima concurrunt, hinc enim, & inde scloperarii, hastatique ita locati erant, ut eminens etiam mortales inciderent ictus, ductoque per partes & tumultuariè, vagèque conflictus initio, supremum illud fore certamen, quo planè fortuna decerneret, apparebat, tantus effusus utrinque sanguis, tantoque ardore solutè per turmas propè ripam, in medio alvei, inter fluctus gradiendo, regrediendoque concursus est. Verumtamen duæ, atque ipsæ asperrimæ res conditione multò deteriore ad pugnam Castellæ militem faciebant, quod implicitus, atque confusus incerto, labilique vestigio pro fluminis transitu dimicaret, & quod belli tormenta hostium propter artem, locique situm commodius, quàm Castellenfium collineata, illinc hominum, equorum, sarcinarumque labefactarum stragem ingentem ederent, inter quos tormenti forte pila transfixus cecidit etiam primariæ notæ Tribunus militum Confalvus Corduba frater Sueslani Ducis, ingentis spei juvenis, præclaræque, ipse magni Ducis Confalvi soboles. Mollis præterea, fluxa, atque undique instabilis erat humus circumstagnantibus aquis, viaque præcipiti, ac lubrica viros passim equosque volvens, ut vix emerfius fluctibus pes in limum se statim palustrem immergeret, quæ omnia profectò in Castellenfium perniciem cum loco simul, & hostibus colluctantium, horumque fiduciam, & commoda cesserant. Hæc ubique inaccessa, implicata, cruenta conspicatus Austriacus, cum ampliùs intenti temeritas transitus certam jam videretur illatura militibus cladem, neque tutò ibi consistere, neque progredi loci asperitas pateretur, viam retrò reperere milites iussit, multis inter fluminis undas vulneratis, aut caesis, nonnullis etiam in palustribus locis, quia se-

rò inde emerferant, interfectis; reduxitque compositè, ac lentè cedendo in planitiem Eboræ militem haud quidem multum eo sinistro primoque successu pavidum, cum laudem virtutis hosti loci opportunitas sustulisset. In tutum recepta facili ter acie; Joannes, cui & hostium perfunctoriè libatæ vires nova, sibi ignota Lusitanæ argumenta virtutis indiderant, & quem captæ infelicitè pugna pro summa rerum omen infaustum, volentisque retrò fortunæ suspicio, metusque tetigerat, mutato cum rebus consilio statuit Eboram urbem munire præfidiis, ire inde statim Castellam versus, avertere gressus ab hostibus, quantum per fugæ dissimulationem liceret, sospesque cum acie in Castellam revectus inde opportunius de Eborensi tutela curare. Tuendæ igitur Eboræ Austriacus Franciscum Gattinaram Comitem Sartirane cum tribus mille peditibus, equitibusque sexcentis imposuit, cum hoc diviso deinde, qui sibi supererat, commeatu, deductisque secum militibus Lusitanis, quos deditiois jure trahebat, sarcinisque raptim collectis, cum omnibus copiis celeriter instituit, per avia, atque aspera collium milites ducens, ne prælii copiam hostibus faceret. Primus itineris dies expeditus, atque omninò pacatus Castellenfibus fluxit. Sanciùs enim Emanuël consilii Joannis ignarus viæ cum exercitu multum præcesserat ut locum certamini quæreretur salebrosus, aut scrobibus inæqualem, ubi impeditus sive intrætabilis equitatus, cujus robore, & copia tunc Castellenfibus videbatur invictus, usui quàm minimè foret. Fuere nec pauci, qui tunc suadere niterentur Austriaco, ut refectis statim militibus ad reliquam noctem exercitus iter acceleraret, ne præliari fortasè postea cogeretur invitus, viribus diminutus, & captivorum, quos secum trahebat, agminibus



minibus implicatus. Rectè hos sentire, & cum habitu rerum moderari sententiam Duces, Austriacus non ignorabat. At fugientis speciem, manifestique timoris indicia, ut nominis labem, ac publicum dedecus metuebat; pressò tamen animi sensu, atque alia conficta causa, languere respondit eo tempore militem tortuoso, atque aspero itinere fessum, magnisque caloribus resolutum, ac si manè fortasse, cum prævia, & incerta hostis vestigia essent, pugnandum foret, planè torpidum, enervemque contra hostem recentem, & integrum concursurum, utilius idcirco videri sibi nocturnam illam omninò quietem lassitudine, æstusque fractis corporibus tribui, quò illa prælio vegetiora, cum se forsitan obtulisset, occurrerent; sic vera ignominia, quam metuebat, præterita causa, aliam ex utilitate publica fictâ supposuit more eorum insulso, qui, ut nonnihil de tractionis, aut stulti, vanique rumoris auram effugiant, spe tandem falsi, aut mala inter mala secernere nescientes sæpè in deterius impingunt. Ea itaque citra molestiam, & animi curam elapsa nocte; diluculo iter Joanni festinatius expediti nunciant exploratores propè esse hostes collium altitudine tectos, viæque inaspecta cursum appropèrantes. Neque locus, neque animus erat Joanni, vi, sive artibus uteretur illudere hostem, & cum exercitu præterlabi. Quippè nullis tunc Lusitanus militiæ irretitus impedimentis circumagere se quoque vellet, flectere iter, atque intendere cursum facillimè potuisset.

At Castellensem præter molestam captivorum custodiam, & plaustrorum impedimenta gravabat etiam Ducis aulicus apparatus, prolixa ornamenta, cultusque regius, nec armis exclusus. Proinde cum pugnae periculum in hostis arbitrio esset, quod pro tempore sibi, & rerum habitu licuit, Joannes

impigrè intendit. Dorsum editi valdè collis, cum non longè esse hostem animadvertit, occupaverat Castellensis: super eundem collem continuoque altitudinis tractu altiores, binique colles Pyramidum specie sublatis in via illa, quæ fert Estremotium, assurgunt, quorum radices in planitiem, sed inæqualem, atque anfractibus interruptam effundebantur. Hos binos colles relicto què primo ceperat, loco Joannes quòd ibi forma castrorum, aut exercitus dispositio adjuvante natura insuperabilis apparebat, antecapere statuit; fortè autem accidit, ut quem sua spontè Joannes superioris spe capiendi deferere locum statuerat, eodem tempore Lusitanus hostis consilii nescius illum ipsum arripere locum, atque in ejus contentione universam armorum propè fortunam in discrimen adducere constituerat. Igitur Sancius cum equitibus prætervectus peditum manibus communitis in latus, & Castellensis extremam aciem incurrit, cujus pars equestris planitiem, pedestris verò collis ascensum, & jugum infederat. Strenuè irruentium, & ut primo animorum calore fit, incumbentium excepit fortiter impetum Didacus Cavallerus cum selectis equitum turmis in hostium frontem obversus: varia deinde, ac multiplex pugna, quæ ultima, aut prima tantum ejusdem exercitus latera lacerabat, commissa est, modò spes, modò metus sævo illo fortuna joco utrisque partibus alternante. Mutuis hujusmodi incursum primò intensius, inde laxiùs admotis, & leviorum quoque momento certaminum currentis diei jam propè dimidium extractum erat, nec dum, quemadmodum obstinatiùs contenderat Lusitanus, aut loco potuerat movere hostem, aut aciem quæ obstabat, refertam percurrere. Quin diutiùs concursando, dimicandoque æstivòque calore, ac labore solutus,

lulus, ac fessus curandis potius corporibus indigebat. Porro ubi videt Joannes nunc remissum, & animo viribusque languentem, ac planè frigidum minùs instare hostem; tumultumque ducere potius quàm prælium, se se paulatim recipiendo tunc celsiores duos illos colles quos priùs adire statuerat, cum peditibus occupat, sequi equitatum jubet, ipsùmque in quatuor statim agmina distributum in campo explicari, qui iniquus, & asper, ut dictum est, à collium radicibus excurrerat; colles belli tormentis firmat; militaria impedimenta in planitie post equitum terga locat. Conspicatus hæc Lusitanus illicò jugum à Joanne spontè desertum alacriter subit, eundem prætereà locum quem hostis consultò reliquerat, Lusitanus in formidinis argumentum, partemque victoriæ sibi concessum ducens clamore, plausuque concelebrat, perinde quasi non melius ille mutato, sed amisso loco cessisset. Itaque ex situ collis Austriaco, vana fiducia Sancio, & simul animo aucto; dum ab inedia, ac diurno labore utraque ex parte se milites recreant, virèscque reficiunt tres fermè horas altera alterius adversa prospectui ibidem cunctando substitit acies; post cùm provectus occideret dies, jamque Joannes à pugna periculo aversus, elabendi que minimè dubius quàm citò resumere iter approperebat, acriùs tunc Lusitanos apud Duces agitabantur, utrùm eo tempore, eo loco, eo virium experimento expediret signa cum hoste conferre, reique summam fortunæ permittere. Utraque hominum acies etsi mutuò utriusque subiecta oculis diversis in collibus stabat, convenientiùs tamen Lusitana disposita, ita pars major sub curvo latoque collis dorso tegimine latitabat, ut ipsa parum in actione, motuque perspecta exploratiùs, quæ agebat hostis, con-

templaretur. Postquam ergo Joannes via captæ sequendæ in animo fixus Sangermanensem Ducem præmisit ad idoneum castris parandis proxima nocte locum, simul ejus mandato captivi, equitèsque custodes, & sarcinæ militares loco moveri captæ, totusque jam abscessurus in agitatione, atque motu exercitus erat, hæc Lusitanus aspiciens, dilabique & evadere tandem ut trepidum, ac fugienti similem hostem ratus ferociùs pugnam poposcit. Verumtamen animo hærens, & hæsitans Sancio in illo strepitu militari duo sanè, eaque majora, quæ à justa pugna retraherent, considerabat momenta belli, tempus nimirum, & locum, quod jam propè labentem respiceret diem, Castellensemque tam sublimi, tam arduo sedentem in montis vertice loco, ut eò subeuntes non modò armis propellere possit inultus, sed saxis etiam obruere. Contra tamen, & rem ipsam vehementer urgendo disserruit Comes Scombergius pro sua auctoritate, bellique peritia, & eo tempore incensis ad pugnam militum animis, magno consensu, plausuque dum loqueretur, auditus. Ab illius nempè Castellensis exercitus sorte cùm Eboræ jam amissæ, tum Lusitanix universæ in præsentiretum statu librandam fortunam esse. Quem si inviolatum, si victorem, & integrum suas repetere denique sedes sinerent, quamprimùm inde fiducia, & viribus auctum infestiores profectò, & longè plus Lusitanis terribilem reverfurum, utque primus adventus ejus in Lusitaniam per Eboræ lapsum hujusmodi plagam, quæ in reliqua membra contagioni simillima serperet, in regni visceribus aperuerat, jamque in suo robore stantem rem Lusitanam afflixerat, & quid modo jacentem ejusdem, & fortiores quoque regressum non ex-

hausturum



„ haustum fuisse : Prælio abstinere  
 „ ut plurimum rectè posse, qui spem,  
 „ non desperationem in consilium ad-  
 „ hibeat, at extrema inter mala, in-  
 „ ter gladios, & ignes, & circumple-  
 „ xa cuncta periculis, si valeat electio,  
 „ utcumque experiri fortunam in illo  
 „ articulo rerum, aut minus esse pro-  
 „ sectò malum, aut majoris compara-  
 „ tione periculi melius. Nec adeò sa-  
 „ nè difficile, si non offusa certè de-  
 „ sipiat metus caligine mens, ingre-  
 „ dientibus pugnam ostendi Lusitanis  
 „ victoriam, cum pavorem, & fugam  
 „ eo præcipiti cursu significet hostis,  
 „ at metu percussis non arces, non  
 „ edita juga, non firmiora quæcumque  
 „ præsidia satis pro munimento esse. In  
 „ medullis hærentem circumferre teter-  
 „ rimum hostem, qui inter plana, atque  
 „ abrupta, in solitudine, in acie, inter  
 „ flores, & arma nullo boni, vel mali di-  
 „ scrimine, quem semel ceperit, oppri-  
 „ mat. Situm præterea, quem totus te-  
 „ neret hostis, ita compositum esse, ut  
 „ pedes, qui in collis vertice stabat infra,  
 „ atque in plano jacenti ægrè valeat,  
 „ cum peteretur, equiti subvenire, si-  
 „ mul, & pediti eques, sic alium ab alio  
 „ interclusum, ac separatum minori ne-  
 „ gotio circumveniri posse. Ex equiti-  
 „ bus etiam eos, qui sinistram imple-  
 „ bant cornu, ut iniquo positos loco,  
 „ & virgultis, ac cespite passim inciso  
 „ inutiles quidem cum gerenda res ef-  
 „ fet, futuros, nec alteri cornui, dum  
 „ peteretur, facilè opem præstare posse.  
 „ Super hæc plures illorum equites, qui  
 „ prælium tam ferò futurum non cre-  
 „ didissent, temerè ultrò, vel Ducis jus-  
 „ su dilapsos jam esse. Quid plura Nu-  
 „ men, quod in Eboræ invasione men-  
 „ tem hostibus abstulisset, errore quo-  
 „ que continuo, intellectuque, ac re-  
 „ rum omniū confusione eisdem trans-  
 „ versos, ac propè sensibus captos agere  
 „ Castellenses videri, ut eos ad hostium

saturnitatem, ac temeritatis pœnam  
 puniret. Tunc verò Numè fortunam  
 adimere, cum adimit mentè. Postre-  
 mò si dimicarent, se fortè victuros,  
 sin minùs, non solùm jam victos, sed  
 profligatos esse. Hujus auctoritas  
 Ducis, pondusque sententiæ quan-  
 quam prius resistentem, ac viribus suis  
 diffidentem flexit tandem ad pugnam  
 Sancium, datoque subinde militibus  
 signo, ex colle repentè digressa tota se  
 explicuit, atque in cornua direxit acies.  
 Hoc ab hostibus viso, ratio eos paulif-  
 per ancipites tenuit, recta ne hoc illa  
 ordine pergeret Estremotium, an di-  
 micandi cum animo accederet, cum  
 utrumque tunc suspicari institutum per-  
 mitteret iter. At ex eo cito, & æquali  
 semper incessu militum collegere peri-  
 tiores, jam extremum appropinquare  
 cum hoste conflictum. Tenuerat tota  
 illa die suspectam ob hostis propinqui-  
 tatem Joannes ad pugnam instructos  
 milites, priusquam configere tamen  
 inciperent, hujuscemodi codicillis, quos  
 antea conscribi jusserat per Duces, &  
 agmina circumlatis omnes cohortatos,  
 ac monitos voluit. Erecto, atque  
 intrepido cum animo milites reputa-  
 rent, occasionem in illa die præ ma-  
 nibus esse, cui multos ab hinc annos  
 similem ferè nunquam Hispano Im-  
 perio fortuna tulisset, quippè quæ  
 ipsius Ducis, & singulorum militum  
 nomen, & gloriam, & inclyta gesta  
 eodem erat sublaturo momento, vel  
 momento subversura. Simul cum  
 Deus supremus belli Iudex, & Arbi-  
 ter sit, ut ea bene res, ac feliciter eve-  
 niret, ejus potissimum imploranda,  
 atque exoranda subsidia militibus ef-  
 fe, quæ votis, sana fiducia, impavido  
 animo, conscientie candore, ac jure  
 maximè causæ, non degeneri metu,  
 aut læso in rebus officio compararen-  
 tur; præterea si quis eo fortè animo  
 sit affectus qui dedeceat Hispanum

„ Regisque Philippi militem , secum  
 „ ipse consideret , qui formidine cap-  
 „ tus , & fugæ cupidus retrò volvere,  
 „ aut aliò flectere gradum cogitavif-  
 „ set , quocumque tendere vellet , cùm  
 „ undique omnia teneret hostis , effu-  
 „ so ab acie vestigio , captivitatis ludi-  
 „ bria , aut tumultum inventurum. Ad  
 „ extremum tria necessaria scitu , ac  
 „ disciplinæ bellicæ consentanea me-  
 „ moria repeterent , quod si , ut merito  
 „ expectabatur , victoria Castellensi-  
 „ bus arrisisset , nemo eorum solveret  
 „ ordines , quamvis hostiles initio vi-  
 „ disse dissipatos , ac fractos ; neque  
 „ nisi clarior , ac certior , & jam ma-  
 „ tura victoria fuisset , à cæde , ac vulne-  
 „ ribus manus ad prædas , & spolia cap-  
 „ tivòsque trahendos converterentur.  
 „ Tandem , qui vivum cepisset Sancium  
 „ Emanuèlem Lusitani exercitus Du-  
 „ cem , is sciret , super alia amplissima  
 „ Regis Catholici arbitrio sibi fun-  
 „ denda præmia , continuo ipsum ad  
 „ gradum militiæ , ei quem tunc occu-  
 „ paret , proximum extollendum. Hæc  
 ad unguem expressa codicillorum sen-  
 tentia erat.

Inter hæc quàm citissimè præliaturus  
 Lusitanus exercitus accedebat. In binas  
 partiti pergebant equites alas , qui ordo  
 ordini respondebat , quo Castellensis  
 eo tempore instructus obviam iturus  
 aggredientibus videbatur. Itaque pri-  
 mò lævum Lusitani equitatus cornu  
 cum dextro Castellensium concurrit.  
 Aderant hîc Lusitanis duo Generales  
 equitum Duces Dionysius videlicet  
 Melus , & Emanuël pariter Freirus , si-  
 mul Petrus Jaquius Magallanius Castro-  
 rum Præfectus , multique præclari no-  
 minis Duces adhortatores iidem , ac  
 vindices bellatorum suorum , idque la-  
 teris plenius , ac firmitus consultò referre-  
 rant hostes , illi enim oppositum Castel-  
 lensium lateri erat , quod semel immi-  
 nutum , aut fractum fore perfacile vi-

debatur quæsitæ victoriæ reliquum  
 contracturum. Præerat huic Castellen-  
 sium dextero cornui Jacobus Mazaca-  
 nus Italus , implebant primas certami-  
 nis partes Austriaci custodes corporis ,  
 Ducisque Sangermanensis , hinc eque-  
 stris roboris nervus , ac flos ex tota mi-  
 litia collectus invalescebat. Ubi igitur  
 tanto robore , tantisque animis præ-  
 lium in primis accensum est , varia ,  
 atque incerta diù ex utraque parte for-  
 tuna , virtusque pendit , nunc ce-  
 dente , post Lusitano rursus instante ,  
 atque eodem , quo proruperat impetu  
 frequenter cum equitibus ipso reve-  
 cto , impulsioque acriori donec co-  
 cta ex iteratis , ac sæpè refractis incur-  
 sibus ira , utrique mox pertinacius ad  
 pugnam incubuere. Itaque fistulas  
 modò ferreas excutere , modò strin-  
 gere gladios , aliàs in equos furentes  
 equos impingere , his à ferocibus equis ,  
 ab hominibus aliis extrusis , passim  
 fremitus , clamor , fragor , & fulgor  
 armorum , multiplices ictus , victo-  
 res cum victis , cæsi cum cædentibus  
 implicati , omnia casus , & furor ubique  
 confundere. Jamque diutius quàm  
 ira pati , vel impetus potest trux illa ,  
 protracta pugna pergebat , cùm inte-  
 gro adhuc animo tamen , integra vi ,  
 & rebus utrinque dubiis tam fugæ ple-  
 rique quàm salutis immemores aut  
 cadere , aut cadere , & mori in eo-  
 dem immoti vestigio , locoque per-  
 severabant , cùm Emanuël Freirus  
 magister equitum Lusitanus paucis ab  
 dextero cornu subductis equitibus ,  
 aliisque fortè solutis , & obviis cur-  
 sim adjunctis è fronte sublatus , & ali-  
 quantulum circumvectus in hostis la-  
 tus improvisus incurrit , quod cùm  
 protinus dissolvisset , inde vehemen-  
 tius prima perculit agmina , quæ ex  
 Austriaci , Sangermanique Ducis con-  
 flata custodiis ferocius hucusque pugna-  
 verant , & hostium impetum sustinuerant.



Alæ hujus equestris Duces in hoc cornu eminentis erant Comes Spinardus Hispanus, & Sanctæ Christinæ Dominus Italus, hic Sangermani custodiæ Præfectus, ille Joannis Austriaci, qui à fronte, atque latere cum vidissent suos milites circumventos, & primo quidem impetu fluctuantes, mox cedentes, eorumque turbatione, impulsuque reliquos qui adhuc integri steterant, fusos, viribus ipsi quanquam tunc enervati, quos tamen in animo nervos habebant, magnitudine spiritus intendentes suos milites intercurre, minitari, obsecrare, ut pavorem, ut fugam sisterent, modò suos retinere, modò occurrere hosti; tandem cum omninò formido, quæ nedum hortamenta cogit, sed arma quoque præsidia salutis abjicere, affectos animos pervasisset, re desperata Duces, avidè sibi, & cum vitæ quoque jactura aliquod belli decus petebant, quod jam in fugam conversa ipsorum agmina amiserant. Comes ergo Spinardus concitato calcaribus equo, cruentamque sibi inter hostes ferro, cursuque semitam sternens in Freirum infestus, ac præceps agitur. Fit in medio inter eos singulare quasi certamen, Freirus multis postremò vulneribus ictus delabitur equo, atque acie subductus paulò post moritur. Equo suffosso Spinardus, & graviter faucibus è prælio discessit. Hujus confectum lethale repentè vulnus, casuque, cumque expiranti similis servorum inter manus abduceretur, pavorem & fugam militum auxit, ejusque præsertim agmen penitus fregit. Pari quoque fortuna jactatos milites Ducis Sangermanensis, quos regebat Sanctæ Christinæ Dominus, non tamen armis inultos fugas, seu cædes abstulit, ipsæque tandem post multa virtutis experimenta, eaque vulneribus insignita vi-

vus ab acie sublati sunt. His agminibus fœdè casis, aut fuis, ac reliquis passim ordinibus scissis, atque implicatis, cum ferè omnes primi compressi lateris milites trepidi fugam arriperent, sive spectarent, una supererat equitum ala, Francisco Aghiarro Duce, quæ in arcto positis fortè rebus, atque extremis retenta subsidiis hucusque quieverat. Seriùs hæc postea, quàm oportebat, ad focis jam fractis succurrendum immissa, hinc incitatiùs ab hoste impellente, hinc à sociorum fuga, tumultu, impetuque raptata, atque acerrimè illisa, tot una incumbentium se, seque ante, retròque jactantium concursu denique abrepta, ac profligata momento est; Francisco Aghiarro Duce, dum strenuè pugnabat, confosso. Sub hæc Didacus Cavallerus qui & supremi Caltrorum Præfecti, & Magistri equitum munere gravi cum rerum militarium incommodo fungebatur, dum in vertice collis peditibus præsidebat, misit, qui lævi equitibus cornu adhuc integris imperaret, ut dextero cornui jam undique pressio, ac labanti ultimam opem citissimè afferrent. Hæc tardiùs ob loci distantiam, atque interposita impedimenta cum perlata mandata essent, simul in medio via circuncisa, implicita dumis, extricatuque sanè difficilis effecit loco, ac tempore iniquo transvecti equites, cum inire pugnam deberent, corruptam ibi rem offendentes, nec sibi satis, nec sociis auxilio ferendo essent; sparsa tunc temporis fœdum in modum jacebat humi strages armorum, hominum, equorumque & ipsa clades, cladisque funestæ reliquæ, horum, qui novi ad dimicandum accesserant, horrorem oculis, formidinem animis, etiam offendicula pedibus ingerebant; cohærentes prætereà, se seque stipantes hostes,

& undique circumfusi cæperant jam appropinquantes equites intercludere; qui seriùs porrò convenerant equites Castellenses, afflictis hucusque rebus, cùm statariam incipere pugnam ausi nequaquam essent, continuò soluti, vagique sine imperio, sine ullo ordine errantes plurimi defluxere, pauci, qui resistere velitantium in morem prout occasio ferebat, aut impetus palam, aut furtim cum Lusitano congregiebantur. Fuere inter eos memoria præcipua digni Comes Boëttus Italus, Brunúsque Burgundus, quorum hic alacriter pugnans equo demum excussus, ac cæsus est, ille suo, & hostium cruore satis oppletus, & lassus tandem captivus abducitur. Dum ita in planitie equestris exarserat pugna, haud minùs acris, ac pertinax illa erat, quæ propè collium fastigia utriusque partis pedites exercebat. Erat tunc princeps Lusitani peditis Ductor Comes Scombergius, cui cùm ad hostem nimis in alto situm aggrediendum non minori labore, quàm periculo esset, & collium altitudo, & ascensus asperitas superanda, non deficere modò vires audaciæ, sed ne animus quidem audaciæ sufficere videbatur. Ex militibus tandem aut vitæ contemptione, aut gloriæ cupidine incensis, ac mutua inter se adhortatione firmatis Angli primi fuere, qui stolidè in speciem ambitiosi, aut feroces immaniter viribus scabrosum, & valde lubricum iter illud ingressi temeritatis exemplo cæteros excitaverunt. Subibant pecudum modo genu, ac manibus potiùs per fragosa, & abrupta, quàm pedibus nixi; porrò temerè subeuntium multi fallente vestigio, multi in præceps ab hostibus acti; quamplures ruina antecedentium ablatis proximis quoque trahabant, visûque profectò deformis, ac miserabilis facies erat in ea volutatione

armorum hominûmque ruentium cernere plures eminentium saxorum offensione, casûsque vertigine magis, quàm ictibus hostium cruentos, ac laceros, cautésque cruore stillantes, armis disiectis undique sparsas, pauci tamen qui per aspera fortiùs enixi, seque invicem adjuvantes, sublevantésque summo labore cacumen attigerant, strenuè dum ibi pugnant, dum prælio occupatum distinent hostem, dedere, & alii ponè scandentibus locum, ut impune succederent. Postremò tres Lusitanæ legiones incolumes, & mollioribus quoque subvectæ locis cùm in verticem evasisent in æquo ibi statim explicitæ loco vehementer invadunt primam Castellensium peditum aciem, quam Agnellus Gusmanus, & Ludovicus Friasius regebant. Castellenses vix tum semel sclopis in hostes exoneratis, nullo instante, nullo impellente, animo citiùs, quàm viribus destituti, armis statim abjectis, se se impudenter in fugam præcipitant. Id porrò in conceptam, ex felici hostis temeritate præter omnium opinionem jugi altitudinem præterverti, formidinem quidam auctores referunt, alii, sed verius, in casu, ac temerè emissam à Duce quodam timido vocem, esse scilicet ipsos jam ab hostibus interclusos, quibus, & ipsam, adde, quæ ita sola in exercitu erat, militiæ partem ex tyrone compositam milite, & quæ ut hostium ardorem & impetum exceptura, atque in fronte robustior, ac fortior esse debebat, tanquam ignavam, bellique rudem, terrore insolito adjecto, primis ictibus consternatam faciliùs dilapsam esse. Joannes Austriacus ubi turpem suorum, & effusam peditum fugam cernit, desiluit equo, arreptam uni militum hastam accipit, infestamque adversus militum ejus pectora cuspidem dirigens clamore, precibus, minis nequicquam elaborabat sistere fugientes



gientes cùm acriùs in terga pugnaret hostis, impressusque in animo pavor exanimatos urgeret. Ea quoque Castellensium militum fuga, & aliorum sine imperio, sine ordine inter socios, & hostes se volutantium militum multitudo alias extemplò acies, quam in medio Germani, & extremam quam Itali sustentabant, immiscuit, immixtas subinde dissolvit, dissolutas penitus fudit, atque disjecit, eoque ruptis, disturbatisque passim ordinibus Lusitanus hostiles acies intercurfando, ac remeando progressus est, ut victis cum victoribus irretitis, atque confusis, persapè hostis hosti velut socio, & amico præcepta dederit, aliàs proprium in cuneum ad eum defendendum exceperit. Interim agmen equitum Lusitanum, pulso jam equite Castellense, aut occiso, longiori, planiorique via circumductum, jubente Sancio, in reliquam peditum aciem jam errantem, ac fractam impellitur. Terror hic ultimus res Castellenses omninò prostravit, cùm prima acie in fugam effusa, reliqua perturbata, aut ejecta eos, qui in campo fortè perstiterant simul à sociis, simul ab hoste compulso, & inter prælium, & fugam, quæ nec omninò patebat anticipes, & undique circumactos hinc pedes, hinc eques Lusitanus urgeret, & alii fugam, alii vitam eriperet. Itaque omissa denique pugna, cùm omnia Castellensibus ruerent, sævissimè cædes incaluit. Dum ita exercitus cædebatur, & multa fœda ibi iræ edebantur multa crudelitatis exempla, Sangermanensis, Joannis qui jussu locum castris proximis designatum perrexerat, eo strepitu armorum, tormentorumque belli fragore, quem concava montium reflexa horribilius multiplicabant, audito, confestim regressus, primò fugientium longè, latèque diffusas turmas, deinde fœdè humi str-

tam invenit Castellæ aciem, simul ipsum Austriacum inter cumulos corporum, armorumque, & ubique exultantes, insultantesque hostes extrema nequicquam audentem, gravique ibi etiam periculo implicitum seu vitæ amittendæ, seu libertatis. Hoc viso, ne insigniorem fortuna cladem tanti jactura Principis redderet, hunc diù restitantiem, reluctantiemque Sangermanensis ab extremo periculo abduxit; inde unà ipsi Duces cum admodum paucis, quos hostis defatigatio, aut fiducia, aut acervorum cadaverum obices interjecti residuos cædibus fecerant, Arroncium citato gradu se receperunt. Inter hæc colludente quoque fortuna, Jacobus Mazacanus, qui cum integra turma ab equestri conflictu post multa inania virtutis experimenta, in primis evaserat, plures ubi passim vagantes equites videt, permultosque cornu sinistri equites, quod laxatis statim ordinibus ex se ipso momento penè solutum, ac dissipatum fuerat, eos omnes conglobatos, atque in orbem compositos, se se impigro Duce ad belli fortunam rursus experiendam hortatur. Volitare incompósitos hostes; victoriæ superbia, ac nimia fiducia tumentes adhuc patere periculis; majora his inter arma ludibria, nec utique rarò præstitisse fortunam. Conducere saltem, etsi ulterius sævire fortuna pergat, magis cruentam, & luctuosam victoriam hostibus facere, & quod virium, cruorisque superest reddere ferro, aut commilitonum vicem ulcisci. His verbis Castellenses instincti vertunt habenas, equosque in hostes malè ordinatos admittunt, confluunt, & alii quos fuga disperferat, exemplo percussis, & quantum per tempus virisque licebat, certamen instaurant. Vis tamen majori statim oppressa vi, imperiusque refractus est. Nam Lusitanus, in fugam im-

pulsis, aut caesis Castellæ peditibus, fuso, fractoque equitatu, signis, bellicque tormentis abstractis, jam plena opimæque potitus ipse victoria tunc equite, ac pedite raptim collecto in se condensatus, ac strictus occurrit, mox patefacta repente acie, quia numerus affluebat, cladis reliquias circumeundo complexus, ita premendo, dimicandoque clausit, ut fuga paucis elapsis, quos satietas cruoris, aut lassitudo tandem servavit, captivitas duxerit. Cæsi in hac pugna sunt Castellenses ad quatuor millia, plures fuere numero faucii, capti supra ter mille, inter quos altioris notæ gradusque, atque è magnatibus unus enumeratur Marchio Carpenis, major natu Ludovici de Aro filius, ingentis spiritus juvenis, animo militaris, atque in paterna domo quæ jura dabat Imperio Politicis artibus innutritus, ac mirificè quondam cultus, qui strenuè rotando hastam hostibus circumfusus, cum non minus hostilis hausisset, quàm sui dedisset cruoris, ne libertatem saluti præferret, hostis violentia qua raptus est, impedimento fuit; & Agnellus Gusmanus Tribunus militum filius Turrianæ Medinæ Ducis; plures etiam Tribuni, Ducisque merito, ac genere clari, cum magna ex parte cæteri præliantes occubissent. Lusitani circiter mille perempti sunt, Ducisque eorum plerique faucii, cæsi pugnando fuere, sarcinæ omnes, omnisque belli apparatus, item magnifica, ac regia supellex Austriaci in victoriæ prædam, ac præmium concessit. Hæc est Canalia celebris pugna ex loci nomine sic appellata, & clade Castellæ nobilis, ubi mirari profectò licet, quæ fuerit vis, atque vigor animi Lusitani in toties ea lacescita, atque obstinatiùs intenta cum hostibus pugna adversus imparem, ac sanè reformidandam, totque instructam equitibus aciem, cuius in bello

potissimum nervus afferre plerumque victoriam solet; quàm arduus, quàm cellus, ac turribus similis duplex infessus fuisset à Castellensibus locus, & superatus; quæ per diem ferè totum inter laboris, ac temporis æstus tracta pertinaciter pugna sit, ac nocte simul palmæque accessione dirempta, quo uno quidem propitio prælio vacillans atque hætenus fluctuans regni diadema Bregantio penè firmatum est. Hic etiam plerique ut supra quoque tetigimus Joannem reprehendunt, quod nec pro egregii, ut latè sonabat, nomine Ducis, nec pro recta disciplina militiæ cum ingentibus copiis ultra quindecim ipse leucas hostici prætergressus, à tergo vel sponte præclusus, reliquerit Estremotium, Campomajorem, Elvum munitissimas regni arces, & quamvis ille, quod Rex innuebat, in animo voluasset, prælio uno prosperè gesto, debellatum omninò fore, id tamen non adeò iniquè, non adeò abruptè querendum cum inextricabili propè periculo fore, in visceribus scilicet Lusitanix, inter uncas, & ungulas hostium, in faucibus propè famis, sine certis subsidiis, sine alimenti copia, ubi omnia undique hostilia infestaque essent hærenti. Hinc Eborensem porò victoriam inversam, ac tam citò corruptam; hinc elatos animos hostium, fociorumque demissos; hinc postea non prælium, sed cladem quæsitam esse. Sic errore, aut inscitia Joannis Lusitanos intumuisse, frange modò insolentiam, tunde ferociam hostis, si quid animi, aut virium ex funestissima clade superest. Hos æmulorum aculeos, & morsus, vulgarasque latè querelas in hunc modum diluebat Austriacus. Eboram scilicet obsidentem Joannem spem ipsum fefellisse Castellensis ad rem apud Gades paratæ classis, quæ pro infatis ab aula promissis in tempore adesse debebat propinquo eidem



eidem Eboræ portui, urbem ille cùm subegisset, si steterisset hominibus fides, nec vana ipse expectatione deceptus esset, classis eo tempore amica cum recepta nuper urbe commercium, & copiis, & loco uberes commeatus, ac prompta præsidia facturum fuisse. Hanc autem amissam spem, hanc fallacem omninò fidem omnia sibi pessum dedisse. Nihilominus vera, usûque trita sententia est, nervos, atque artus esse sapientiæ non temere credere, quæ ad consuetas, nimisque segnes ministro- rum Hispanorum dilationes, egesta- tem ararii, bellique momenta contra- cta volubilem quoque fidem minuere in Austriaco debebant. Cæterùm ad Arroncium cum paucis militibus ve- ctus Austriacus reliquias ibi deleti exer- citus colligebat, dum Estremotium Sancius victricibus copiis adductis hu- mo tegi castrorum corpora iusserat. Quod cùm religiosè, ac more militiæ perpetraretur, eodem tempore acci- dit, ut Pirovani Marchionis Mediola- nensis, qui Tribunus pro pugna ceci- derat, homo quidam familiaris extin- cti corpus amici studiosius, quò ei ius- ta persolveret, quæreretur; oris præter- eà, atque habitus signa dederat, pre- tiùmque haud exiguum aliquibus con- stituerat quæsitum, inventique fortassè corporis. Difficilè tamen erat, in tam lata, ac referta cadaverum strage, vi- suùmque deformium cruore, taboque fluentium similitudine, & fragmento- rum humanorum acervis tum corpus, tum aliàm ab alia corrupti vultus figu- ram discernere. Hæc ille porro solli- citus obiens, ac sedulò circumspectans videt tandem sibimetipsi notum de- functi Pirovani canem, qui uni cada- verum assidebat, tristisque ululatu la- tratus, & quasi voces, ac gemitus commiscebat. Eò statim homo canis indicio commotus accurrit, offendit- que jacentis amici corpus exangue,

cujus deformitas, color, mistusque fordibus sanguis, adeò oris notas, & lineamenta confuderat, ut fallere quem- libet potuisset, nisi ipsum hærentis canis vestigium, & lugubrè ululantis sonitus proderet: ita inventum, ita redemptum amici corpus paulò post honorificè tumulat. Porro autem id- ipsum dicitur animal, cùm prælium arderet, Dominusque confugeret, du- dum assultibus illum, unguibus, mor- sibus protexisse, postea jacenti, extin- ctoque jejunum, noctem diémque af- tituisse, confususque dolore ululatibus propemodum deflevisse, tandem vi- gilia, atque inedia consumptum ex- piravisse. Cujus rei monumentum nec leve nos, nec inutile sanè duxi- mus ob jam supra modum vulgaris humanæ ingratitude improperium. Cùm igitur ita sepulta castrorum cor- pora essent, captivi subinde, suo cui- que pro merito, & gradu honore, cultu- que reddito longo ordine Ulisipponem trahuntur, qui ne ab infesto, concita- toque fortassè populo in exosæ natio- nis ludibrium, & odium convicio, aut manibus læderentur, nocte intempesta Ulisipponem inducti sunt; nam profligati, dissipatique exercitus Castellensis, cùm pridie advenisset Ulisipponem nuncius, ut ea ipsa qua ad iram mo- bilitate, atque ardore, etiam ad gau- dium incensus plerumque rapitur po- pulus, præ nimia effusa repentè lætitia, cùm deletos audisset hostes, is rursus, & frequens, nimisque com- motus, atque hilariter turbulentus cir- cumlatus per urbem est, postquam to- tam tandem emensam clamore, & cursibus urbem sub Antistitis ædibus constitit. Ibi solutis dum gestibus, si- bilis, atque horrifonis vocibus populus obstrepebat, huic ille duo millia num- mùm ex fenestra projiciens: Accipite, inquit, amici, quod mihi residuum ex recenti rapina fecistis; cùm sci-

licet plebs ob iram Eboræ amissæ, ut supra narravimus, domum ejus vastaverat.

His constitutis in urbe principe rebus, Bregantius ad auferendam Eboram hostibus tunc maximè industriam, & animum contulit, cùm scilicet ob cladem recentem viribus, animoque concussum torpere putabat hostem, simul alacrem Lusitanum secundum fortunæ propitiæ cursum spes, & animos extendisse, nec dum assuetudine, aut simulatis illecebris, quibus uti poterat hostis, veterem in Castellenses invidiam brevi pro tempore civitatem diminuisse. Nihil propterea cunctandum ratus, cohortes, quas ad populi frænos, Cantagnedæ Comite Duce collegerat, jam illo intestino secluso metu præcepit, cùm Sancii copiis quàm citò conjunctas ire ad Eboram oppugnandam, ibique duos summos Duces, exercitu protinùs aucto, rem maximè urgere. Itaque statim urbis obsidio processit. Jacti, sed sparsim aggeres sunt, obsidionales accessus ducti, tormentorum plures in orbem erectæ sedes, mœnium ruinæ, irruptiones, cuniculi, omnia belli applicita exitia, pestesque sunt. Meliori tamen consilio temperatōque animorum ardore cum disciplina, quam Lusitani primùm amiserant, Regis Philippi milites, qui Itali erant plerique Eboram defendebant. Nam Comitem Sartinæ, cujus potissimum oneris erat circumfessæ tutela urbis, ceterosque commilitones longa hujusmodi schola militiæ, ac modus præcipuè obsidendi, atque obfessa tutandi oppida apud Infubres erudierat. Priùs itaque Comes suspiciosos, atque inutiles homines, ubi primùm obsidio patuit, Eboram exegit; primos quidem, ne arma illi, cùm in re dura, atque turbida licuisset, in externos verterent, reliquos verò, ne infructuosè alimenta consume-

rent, quorum inopia laborabatur; omnia deinde esculenta, omnemque rem frumentariam ex privato paratam, atque congestam publico addixit, ita ille curans, ut rata pro parte quotidie cibaria singulis dividendo, his nec omninò quisquam deficeret, nec afflueret. Vetuit prætereà comeffationum, collusorum, sodalitarum sacrarum cætus, & solemnium etiam dierum concursum, & pompam, quominus fūco, obtentūque rerum sacrarum, aut animi relaxandi circulatorum occasiones, partiūmque in occulto semina foverentur; aliāque multa similiter, quæ in fidei ancipitis civitate provisu digna censebat, effecit; eo tempore tamen ignarus, quem regio exercitui fortuna exitum statuisset. Frequentibus etiam, & validis ab Eboram passim illato tumultu Comes, & rerum, hominūque ruina milites Lusitanos, atque oppugnationis artifices affligebat; non ibi militibus Dux, nec Duci milites deerant; vis consiliūmque vigeat; temeritas aberat. Inter hæc Sancius Emanuel quædam litteras interceptit clam à Duce Sangermanensi ad Sartinæ Comitem missas, quarum exemplar est. *Regias paulò ante copias circa Estremotium à Lusitano fractas, quos tamen fuga, aut prælii fortuna, quorum plurimi essent, superstites cladi fecisset, cum illis conjunctos, qui eo tempore cursum, magnoque numero legebantur, conficere citius exercitum posse, qui copiosis, promptisque subsidiis in Eboram lite jam partam victoriam hostibus funestaret; ne ergo deficeret animo eo belli casu concussus, quem sæpè reciprocare tam varia, atque fallax inter arma fortuna solent. Se prælio quidem non bello victos, nec sarcinas, aut cumulandas pro mille exercitiis opes deesse Catholico Regi, nec una, levique clade Hispania fundum exhaustum esse. Litterarum hic sensus erat, ut nempè* aliquan



aliquandiu certa quanquam urbis deditione prolataretur. Adeo fluxa, atque incerta res bellica habentur, ut inter astus, & fluctus deperditae propè rei vel momentum captare temporis usui esse fortasse possit. Huiusmodi epistola primum à Sancio, & Cantagnedae Comite visa, ac diligenter excussa Ducibus dubium iniecit expediret necne, quos deprehenderant codicillos cum notitia deleti exercitus ad Sartiranæ Comitem reddi, an potius deferere ipsum illa cura planè solutum, & animo vacuum, atque in rerum suarum caligine perperam consulentem. Hinc scientia cladis acceptae spes, & animos videbatur esse repente Italicis abjectura, segniorisque deinceps factura Duces ad urbis defensionem, hinc autem incertitia, quippe quæ validi proximique subsidii inanem pasceret hostibus spem, eos minus deinde ad tutelam solertes, ac providos praestitura milites videbatur, quò cruori, quaesitisque sapè periculis parcerent, & hominum alimentis, quemadmodum accuratius caveri pro diuturna urbis obsidione, productoque subsidio solet: successus ignaros inanis illos fiducia, contemptusque periculorum, gnaros cum sollicitudine metus cepisset, at facilius profectò esse perdere omnia imprudentia, quam prudentiam cum indigentia rerum omnium in arcto positam frangi. His in consilio agitis, Impertiendam hanc esse confestim Sartiranensi notitiam Sancio, supprimendam Cantagnedae Comes censebat; uterque postremo altercationibus lassus magis, quam victus mediam sententiam amplectitur, convenitque inter eos, ut moneretur de exercitus clade Comes Sartiranensis, at aliquantò ferius, quando ille scilicet, qui temporis cursus, qui fuisset exitus rerum ignarus extracto per errorem obsidio multum hausisset pugnando mi-

litum, multum tempus terendo cibariarum, ac desperatio tandem proximi auxilii cum certa rerum inopia copularetur. His stabilitis, inter hæc novus Eboræ Gubernator, cum dies, noctesque jam provocantes, jam sese defendentes certamini semper intentos, succedentesque per vices omnes milites tenuisset, iisdem sapius erumpentibus urbe, cum in meliori quamquam fortuna attritæ paulatim quotidie tamen defluerent copiae, simul quæ urbi impendebant, cum per vim occipata crenobia essent, crebrisque tormentorum ruinis jam lacera moenia fatiscerent, undecimo tandem ab Eboræ obsessa, atque oppugnata die Lusitani permissione priorem arte retentam, & insuper aliam huiusmodi exempli missam accepit Austriaci nomine epistolam. *Prescriptas ab ipso pro ea circumfessa civitate suppetias ob cladem recentem acceptam, incurrentesque improvisò difficultates, diutius, quam antea crediderat, protrahi; quando igitur ille ita afflicta jam Eboræ non valeret, vel strenuo presidio consuleret.* Attonito similis legit has litteras Comes Sartiranensis, & repentino, gravius dolore percussus, ubi secum ipse revolvit, Castellæ exercitum casum, nec alium certè tam citò futurum in promptu, qui illi æqualis, ac viribus integer Lusitanis jam nervis, & animo auctis opponeretur, seque intus esurie, foris armorum ictibus premi, circumfusum præterea solo undique hostili, armis obseptum in planè suspecta, vel urbe potius infida, neque arte ipsa, neque natura satis munita, & moenibus insuper quassa, multisque in locis ruinarum accessibus pervia, ad extremum juxta mentem Austriaci, quò bonum saltem praesidium non interiret, nève consilium quod summi Ducis auctoritas, ac ferrea ipsa necessitas subiecisset in communem perniciem aspernaretur cum

Sancio

Sancio Emanuële , & Cantagnedæ Comite urbis deditionem pactus hisce legibus est. Armis instructi , ornatique abirent Eboræ hostes , in Lusitania tamen commoraturi donec decurreret ætas. Omnia præterquam arma , & quæ singuli secum transferre possent , in urbe relinquerent. Octo præterea Ducis arbitrio milites lecti , quibus inde larvatis quod ire liberè placuisset , iter fide publica patuit. In hunc modum amissa , brevique deinde recepta Lusitanis Eboræ est , his maximè usis erroribus hostis , qui in adeò egregium , ac peritum armorum Ducem , & puerum militem quondam , usûque ac peritia duratum exercitum cadere posse minimè videbantur , nisi etiam errare aliquando , labique propè ipsa irata , atque adversa fortuna cogat.

Ioannes Austriacus collectis ex fuga , cladisque naufragio militibus cum nec satis adesse sibi præsidii cognosceret quo lapsuræ jam Eboræ subveniret , acriorque eundem insuper cura repungeret , suæ existimationis , famæque refarciendæ , quam ab utriusque infortunii vulnere læsam noverat , in hoc æstu , animique jactatione capere furtim Elvum constituit , existimans seu nuper adeptæ victoriæ fiducia desides hostes , seu cura , & labore Eborensis obsidionis implicitos negligentius esse cæteris provisuros. Misit igitur Didacum Cavallerum cum multis equitum , multisque peditum turmis , qui post cladem Canaliæ ferò ex Gallaciâ convenerant , ut rem ex sententia transfigeret. Hi tenebrarum silentio Badacocio profecti , cum adhuc nox interfueret , haud procul ab Elvo consistunt : ibi vias intercludunt , obvios etiam occidunt , aut capiunt , ne accedere ad urbem insidiarum indicium posset , deinde scalas , & arma furtiva parant , post pedetentim accedunt , aliis cum silentio præmissis , aliis

retrò expectantibus signum , quo in tempore subvenirent. Sed ea res frustra fuit. Comitris quippè Sabugali , qui tum urbem regebat , sollicitudo cum omnia ubique explorata , atque attentissimè custodita teneret , jam fraudem præsenferat hostium ; intensius propterea ea ipsa nocte duci vigilias jusserat , excubantium numerum duplicem esse , ad buccinæ sonitum , ad campanarum pulsum confluere ad mœnia statim armatos cum militibus cives. Itaque hostium dum oscitantium incuria , ac negligentia freti temerè Castellenses urbis mœnibus appropinquant primò clamore vigilum perturbati , mox tormentorum contortis fulminibus icti , tandem rejecti , atque expectatione delusi Badacocium irriti reverterunt. Alia subinde nec exigui momenti clades ut perinde felices , ac infelices , ne à suo tam citò tenore desistat , mos est fortunæ , repetere ictus , partibus regiis accessit. Arroncium per arma tribus ante annis , ut diximus , Lusitanis ereptum rerum ab Austriaco in Lusitania gestarum bene primitias pro bello posuit ; idque celeriter tunc munitionis inopia sublatum , quia bello inter hostes trahendo opportunissimum videbatur , impensus Ioannes muniri jusserat ; fraudulento verò consilio , aut ibi fortuito potius evenit , ut ignis injectus bellico pulveri , qui eo tempore multus in arce sepositus erat , mortiferam ubi pestem concepit , ruptisque saxorum claustris evomuit sua vi , suo impetu revolutus , atque retortus everteret funditus arcem ; simul etiam effusum rapidè incendium , cum hærentia , & contigua quæque munimenta corripere , cuncta , quæ afflaverat , ingenti ruina , atque strage prosterneret. Sed miserabilior , atque deformior profectò fuit tum præsidii , tum oppidanorum hominum internecio quos flamma



ma perussit, aut quos per ignis impulsus rotata desuper saxa partim occiderunt, alios contuderunt, plurimos multarunt, quos etiam mortalis animo infixus repente confecit horror, quibusque subtratis, & adhuc viventibus animam lapidum moles, & cumulus interclusit. Jacuit horribilis, altaque strages. Supra duo hominum millia eo dicuntur impetu hausta, vel graviter læsa. Cæterum eo tempore armatum si fortè se Lusitanus tantæ ruinæ celeriter ostendisset factu planè facillimum videbatur, ut boni oppidi accessione partas nuper victorias congeminaret. Is tamen salubri quodam temperamento satis hucusque quæ adversus potentiorē, virtute, aut fortuna aspirante, gesserat, habens salibus tantum jocatus calamitati ejus oppidi allussit, scilicet cum propter insignem adeptam de hoste victoriam tota jam Lusitania gratulabundis, lætisque passim arderet flammis, idēque festivus iniquè fulgor ejusdem regni oppido negaretur, hoc idē funereis pro lætis torrida saxa facibus subjecisse.

Dum ergo in hunc modum Lusitanus undique exultans, hostilis delati exercitus, Eboræque statim receptæ victoriam duplicem agitabat, alia perfectò species, mentisque tumultus, ac perturbatio animorum, & quæstus aulam Catholicam occupaverant, Lusitanie nimirum ea tempestate recuperandæ jam fractiorem illo ictu cernentem spem, graviorque sensu doloris affectam, quod ea repente spe decidisset, quam sibi ampliorem res paulò ante bellando gestæ conflaverant. Austriaco præsertim irati, infestique erant aulici ferè omnes quod longè periculosum, atque inextricabile emensus cum militibus iter armis Eboram quævisset, tam captu facilem urbem, quàm brevius amissu, &

quocumque etiam fortuna inclinasset, tanti laboris, periculi, sumptusque tanti mercedem nimis exiguam. Magnopere quoque lædere, & lædi Joannes in illa epistola visus est, qua luctuosum prælii exitum, atque exercitus cladem referens Regi stomachi plenus, & iracundiæ his verbis initium juveniliter duxit. *Nemo, Rex, ut decebat, in hoc certamine Ducum sui muneris partes implevit, nec ego quidem*, velut urbano more loquendi usus adjunxit, *siquidem calor, & spiritus adhuc his ossibus hæret, nec profluenti calamitati, ac reliquorum exitio militum, ruinæque reipublice ultrò me ipsum comitem dederim*. Eo enim celeri, incauto, ac nimium acuto scribendi stylo Joannis in vulgus effuso, alii vehementer perciti Duces studiosius annitebantur in auctorem maledicta rejicere. Quod vitio præterea, & consuetudine tritum in omnibus ferè præliis infelicibus accidit, nempe alium in alium, atque in Duces præcipuè deonerare facinoris culpam, aut sortem, hoc acriores sermone illo Joannis invidiæ, ac vindictæ subjecit aculeos, cum eadem, quæ duplex ureret Duces offensionis, defensionisque causa, eos quoque inflammatus in illum urgeret. Accesserant etiam veteres obrectatores Austriaci, qui, quem injuria allatrare soliti erant, nunc jure mordere non negligebant, & qui in aula promiscuè deprimere bonos, elevare immeritos student per fas, atque nefas esse cunctos similes sibi aut infra se cupientes, quique arida manu, hebeti intellectu, at vivida lingua carpere omnia virulenti suevere, quibus impares sunt; eoque tandem populares insectationes, atque quæræ in Austriacum provectæ sunt, ut fama, quæ de industria illuderet vulgò, seu dubia, & incerto, ut fit sæpè numero, auctore manaverit, in armorum contra Lusitaniam imperium à Rege Joanni successorem

cessore decretum esse. Eo rumore commotus, ac perturbatus Austriacus precatur à Rege, ut sibi ad aulam redire liceret, & coram objecta diluere. Liberiùs, metúque soluto absentes homines lacerari, longinquas vias, longiora mendacia trahere, atque in excelso positos loco omnium avidius patere jaculis. Hoc reiteratis denique precibus impetrat, atque in aulam brevi, ac parabili cultu festinanter eventus in remotam Regiæ partem locuturus cum Rege secedit, ibique clam sine arbitris ea Patri Joannes exposuit, quæ inter Principes sacrum de more silentium adhuc obscura reliquit, aulamque diutius magni secreti investigatione suspensam. Nihil est tamen adeò retrusum, vel suo pondere sanctum, quod ex scriniolis, conclavibusque Regum cum tempore minimè prodeat; & quibus in aula viris arcana regia rimari, seu divinare prudentia vel casu, seu fingere vitio quædam habilitas est, tunc à vero non aberrantes protinus effuderunt, in classis nequicquam speratæ defectum, & quæ ex fide promissionis victæ jam Eboræ non affuerat, amissæ post urbis, cæsisque exercitus culpam jure torfisse Joannem. Inde Castrillum Comitem, cui classis parandæ cura commissæ à Rege Catholico fuerat, contumeliis, probrisque apud Regem à Joanne profcissum, tantquam is, & cum reipublicæ detrimento inveteratas secum offensiones, & odia ultum improbè iret; His nec temerè sanè addiderunt, Ducem quoque Sangermanensem in eo secreto cum Rege colloquio à Joanne traductum esse, inter alia subjiciente, cujus potissimum ministerio ductúque senioris, ut locorum scientis in acie, in Eboræ urbe usus ipse fuisse, bis graviter lapsum ejusdem consilio esse. Rextamen altius, quàm idem Joannes percipere potuit, ne efflueret secretum,

latebras mentis obsepiens, affirmantis, quàm abnuenti, rem dum audiret, similior, & velut vacuas ad aures alapsum filii sermonem excepit. Adhæc ut affectatæ, simulatæque fiduciæ illecebris in illa vana, rectè se purgavisse, teneret Joannem sententia, suamque ipse Rex callidiùs occuleret, Joanni quoque præcepit, ut antequam Badacocium ad belli munia rediret, cum sex aliis adscitis, lectisque è Status, Bellique Senatus consiliariis sibi de bello meliùs gerendo consuleret.

His ita peractis, cum propter illam à Lusitanis, acceptamque à Castellensibus cladem, acerbius utrinque animis laceffit, hi quidem ultionem, illi rerum incrementa requirerent, hyeme ineunte, qua tempestate cessare militiæ labores solent, sollicitius resumpti sunt. Dux Ossunensis apud civitatem Roderici finitimam Lusitanæ armorum Præfecturam gerebat. Hic non minus animi magnitudine, fastuque nobilitatis, quàm ætatis ardore properus, rapidusque non virium suarum infirmitate, non temporis inclementia, tum tumore ex fortuna hostis, ut par erat animadverso, plúsque Austriaci æmulatione, quàm copia rerum impulsus propugnaculum ingens extruere propè Almeidam hostium urbem instituit, magnam per hoc allaturus Lusitanis suspicionem, ad ejus propinqui oppidi excidium viam sibi velle munire Ducem. Res quidem asperimè procedebat, dum simul homines, & munimentum construere, & cum horrida hyeme, & cum hoste simul acerrimo, & sæpè cum turbinibus decertare necesse erat. Ægrotantis per idem tempus in locum Petri Jaquii Magallanii, qui Almeidam, ejusque provinciæ ambitum gubernabat, Regantius Alfonso Urtatum Mendozam suffecerat, intellectoque quid novi tunc hostis in confinibus moliretur, curaret



curaret Urtatus, jufferat, quomodo-  
cumque ac celeriter posset, spes, co-  
natúsque Ossunensis infringi. Joannes  
autem Austriacus, qui tunc Badaco-  
cium ab aula redierat, ubi animo voluit,  
à Duce Ossunensi susceptum improvi-  
dè opus ultricia quamprimùm Lusita-  
na esse arma revocaturum, excitatùm-  
que rursus & circum armorum incen-  
dium, ac dilatatum ob loci propinqui-  
tatem sui quoque juris, suæque tutela  
addictos corripere terminos posse, tam  
de suo, quàm de Ossunensis periculo  
anxius, misit Comitem Boëttum, qui  
captivi cujusdam mutatione paulò an-  
te solutus ab hoste fuerat, ut cum  
aliquot equitum turmis custodiæ, ac  
præsidio Alcantaræ finibus esset, &  
subsidio Ossunensi à Lusitanis fortasse  
circa muniminis fabricam appetito.  
Interea Ossunensis propugnaculi ex-  
structionem, & operarios à tergo ha-  
bens in loco munito confederat, ad-  
erantque tum illi peditum septem cir-  
citer millia, equitum supra duo millia,  
ac totidem ferè instructos ad pugnam,  
atque in castra receptos è regione mili-  
tes Lusitanus habebat, spatio tormenti  
ferè bellici jactus inter stationes oppo-  
sitas interjecto. Cæterùm Castellen-  
sis, cum nec aleam adire manúsve cum  
hoste conferere, sed eorum defensio-  
nem, qui munimentum struebant pri-  
mo loco respiceret, re planè pacata,  
operarum, castrorùmque tutela con-  
tentus consilium immotus, ac tutus  
persequabatur. Idipsum reputans Lu-  
sitanus suo regendo scilicet operi inten-  
tum pugnandi copiam non facere ho-  
stem, nec secus illi expedire, simul in-  
vadere ipsum castrorum præsiidiis, ac  
septis inclusum præcipitis fore consilii,  
nec minùs periculosi, castra hostium  
integra præterlabi, ac rectè operas ad-  
oriri, cum terga ita præberet, ut ipsa  
impunè cederet hostis, tum ædificii  
præsiidiis occasionem, qua Lusitani pe-

nè interclusi animosius frontem urge-  
rent, ideóque inutilem sibi moram,  
hostique opportunam in loco pergere  
putans, dum munimenti constructio,  
quæ interturbari debebat, nec pote-  
rat, jam sine obice cresceret, his ille  
argumentis adductus sua statim defere-  
re castra constituit, atque in Castellam  
populabundus ingressus incendio, cæ-  
de, rapinis, interclusione, atque inopia  
alimenti cogere Castellensem, ut æquo  
certamen quæreretur loco, aut fabricam  
intermitteret. Itaque Alfonso Ur-  
tatus agmina quædam equitum, qui  
paucorum contracta dierum, ad alen-  
dam in hostico aciem alimenta con-  
veherent, Almeidam immisit. Hos  
è specula progredi equites cum Os-  
sunensis aspiceret à reliquo exercitu  
separatos, continuò castris egressus  
aggreditur, majorem inde secum e-  
quitum partem ducens, atque ea  
simul auxilia, quæ Austriacus illi pro  
pugna incunda contulerat, iisque co-  
piis in tria statim agmina distribu-  
tis cum hoste certamen intendit.  
Tunc Lusitanus majori, ac repen-  
tè hostium numero circumfusus, pri-  
móque impetu penè obrutus, ac sta-  
tariæ proinde, certæque trahendæ  
pugnæ diffusus nunc simulare fu-  
gam, post regredi, nunc spargi,  
nunc redigi in orbem, aliàs exterius  
per latera incurrere, atque ita ille  
circumeundo, eludendo sæpè irruen-  
tem, ac sæpè prementem sustinuit  
cursus ambagibus hostem, donec  
cæteri equites cum cohortibus in sub-  
sidium à Lusitano Duce, qui socio-  
rum periculum viderat, missi super-  
venere. Horum accessione in se col-  
lectis, ordinatúsque quos adhuc me-  
tus abjecerat, aut simulata fuga distra-  
xerat, statim ex more directæ acies,  
æquatùmque primum certamen est.  
At militibus Lusitanis præter recen-  
tium adjectum equitum robur, alii

quoque interpositi sclopetarii, alii hastati pedites frontem, & latera muniebant, ita, ut hastæ directæ, ac sæpius in illo contortæ tumultu modo inter se colliderent equos, modo equorum præciderent cursum, multos in præceps interdum volverent equites. Acrius igitur in illa duo, quæ exporrectis cornibus prima simulque se objecerant Castellensium agmina impetum facientes, intendentesque Lusitani dissolvunt, ac fundunt. Supererat tertium, & jam integrum agmen militum, Castellensium, quod discriminis aleam hactenus non adierat. Hoc tamen primi, & alterius effusa Castellensis agminis fuga, & per socios, per hostes illi, superante quoque pavore, diffugere connitentis, turbatis ordinibus miscuisset, nisi Hieronymus Garcia, Comesque Boëttus, qui subsidiariis hisce militibus præerant, imperavissent, equestrem sic alam extendi, ut intervalla essent, per quæ fugientibus aditus incorruptis agminibus præberetur. Inter hæc accidit, ut in illo insectantium, elabentiumque tumultu ablati jam hostibus signis, arrepto loco, & aliis prædæ, aliis cruoris cupidine implicitis, fortè tunc Lusitanus divelleret ordines, cum prælio hucusque paratum, & integrum stabat nervosius, ac firmius, quia veteranum erat, tertium Castellæ, quod diximus agmen. Hoc ipsum etiam ita partim locatum in illo situ ob tumultorum obiectum erat, ut difficilè cognitu foret hosti, quem hominum numerum tumultorum transversa tegerent. Adhæc ex fuga, & errore palantes, nec longè distracti milites, cum incertitia viarum incertos eosdem, quod irent, averteret, ac solidum illud suorum militum agmen fortè incideret oculis, eidem sponte se se ad unum salutis effugium adjunxerant. Ubi igitur temerè spar-

fos, & incompósitos hostes, suamque recentem, & adventitio quoque milite auctam conspicit alam Boëttus cohortatus alacriter socios illo impetu, illa vi animi fertur in hostes, ut multò quàm antea ferocius renovatum certamen fuerit hinc ordine, & arte belli, temperatòque prudentiæ monitis impetu, simul demendæ ignominia Castellensibus causa, illinc majori numero, atque fiducia incumbentibus Lusitanis. Dum latius hinc itaque furit, ardèntque conflictus, alternaque militum cædes, Joannes Aïala Castellensium equitum turmæ Ductor, qui cum pedestribus copiis, ac nonnullis equitum turmis pro castrorum relictus præsidio erat, ita jubente Ossunensi, cum iis, quas secum habebat, copiarum reliquiis irrumpit in castra propinqua hostium, illa tum imminuta, ac propemodum vacua ratus, majores cum vires exercitus Lusitanus in pugnam equitum conjecisset; quapropter, aut inde erat ad castrorum tutelam hostem eo conatu Ossunensis evocaturus, aut castra neglecta superaturus. Nec porro hæc Ossunensem fefellit opinio; nam de castrorum invasione, ac tumultu in primis sollicitus Alfonso Urtatus Dux Lusitanus, cum opulenta essent, & capta amplioris victoriæ strepitum edidissent, dum in vulnera, & cædes avidius hinc inde milites ruunt, cænoque, ac sudore permixtus latè ubique manabat sanguis, aliis ferro cæsis, multis equorum impetu obtritis, & dum adhuc ambiguum certamen pendebat, ad castra tuenda conversus remittere ardorem, laxare pugnam, ac sensim composito gradu retrocedere cepit. Paulatim inde cedentem noluit premere Ossunæ Dux tum aliquid lassus, languidisque militibus timens, tum fortunæ vicissitu



vicissitudines, quæ primò adversa, mox ferè prospera, cum etiam afflaret, minitabunda quoque suis conversionibus apparebat. In hunc modum equestre direptum certamen est; ex quo singularis quidem audacia laudem, vitæque contemptus retulit Ossunensis, nec minùs profectò Hieronymo Ganix, Comitique Boëto, qui auxiliarias Austriaci copias regabant, commendationis, ac meriti accessit, arte scilicet elusisse, sustinuisse constantia, penè virtute vicisse hostem, omninò illi extorta de manibus palma. Pari propè cæde utrinque promiscuè ad octingentos equites cæsi, longe minor peditum numerus, sed fortiores ex Lusitanis, multi prætereà capti, inter quos & Legatus equitum Lusitanus, qui custodibus pretio corruptis statim elapsus est. Hujus certaminis finis, quæ in castris nuper exarserat, illicò pugnam avertit, neutris, jam omnibus fractis, ac fessis, variæque fortuna jactatis, in tanto discrimine expediente, retentare conflictum. Cæterùm Ossunensis belli causa, ac terrore non intermisso viris, armisque succinctus ad propugnaculum defudabat, ibi tria minora propugnacula adjecta, simul fossa, & criptæ, tectique meatus, sed immodico sumptu, ac labore protracta, cum his temporibus turbines, cælique imbres, aquarumque ex prono collium, atque humido solo collecta fluentia persæpè coagmentatam, recentemque materiam lacerarent, ac solverent, & reficere crebriùs necesse erat, quodvis aquarum, cælique tempestas divulserat. Asperæ factu rei spes quoque asperior accesserat. Procul enim à Castellæ commercio, & inter ungulas hostium eo propugnaculo sito, inde vis, inde insidiæ, ac semper infesta propinquitas imminebat. Idcirco sæpè vi

aperta, ac repentè, sæpè furtim opifices disturbabant, & operas evertebant. Interim Ducis Ossunæ uxor specie, juventa genere mulier insignis virum visendi gratia, atque illa opera inspiciendi, quæ ad sui nominis monumentum, & gloriam tunc constituturè Dux videbatur, amplissima pompa, & comitatus ornatu ad exercitum venit. Excepta ibi fœmina Princeps est ingenti acclamatione plausuque totius exercitus Castellensis, qui suos inter ordines dimicantis more compositus quâ nitorem, & elegantiam armorum, ac sedulò compta, explicatæque signa ostentabat, qua turbarum, timpanorumque concentum eliciebat. Comediæ subinde inter milites actæ, & musicorum greges adjecti, & lautiora convivia passim extructa, adeò, ut animi, aurium, & gula supra modum cumulatis illecebris, ille bellicus apparatus jam in popinas, & ludicram scenam conversus eo usque militaria officia transverterit, ut altioris quoque virtutis, ac meliori exercitus diciplina emollire, atque enervare milites potuisset. Audit hæc apud Almeidam Dux Lusitanus; miratur mulierum turbas militibus mistas, & comessabundum, ac planè mollem inter ludos, & jocos incedere Castellensem; intelligit etiam, quàm factu facillimum foret, temulentia animique lascivia fluentem conficere, aut tundere saltem hostem. Occasionem tamen agenda rei fortuita res quædam corrumpit. Nam Petrus Magallanius nondum per id temporis erat gravi corporis aegritudine explicitus; aberat tunc Uratus, qui vices ejus impleverat, & Petrus nec molesta valetudine omninò, necdum viribus recreatus in ipsa meditatione, & consilio obeundi necne sui muneris militaris pendebat animi, ipsius scilicet corporis infirmitate cum a te-

rius vigore Ducis, & suorum collata militum disciplina, cum illorum intemperantia, posset-ne bonus, sed Duce imbecillo miles, effœminato, sed cum integro Duce, in bello militi prævalere. Occasione igitur prætermissa, nobilis mulier post paucorum dierum in campo moram ad Civitatem Roderici reversa est, quò & Dux Ossunensis paulò post abiit, propugnaculo jam perfectò, ejúsque cum egregio præsidio tuendi Gregorio Tappiæ tormentorum Præfecto commissæ cura.

Interea cum ea animorum commotione, & nocendi, prædandique cupidine passim obstreperent arma, tum multuarius quidam apud Jeresium, & causa prædarum inchoatus fortè conflictus truciores, quàm initio ex re credebatur, eventum sortitus est. Lusitanus è Serpæ Moræque finibus multis cum equitum turmis populabundus egressurus urere capit, atque vastare finitimos agros, ingentemque armentorum abducere prædam illo furore, illo impetu belli non pecori, non arbutis, non hominibus parcens, cædibus, igne, rapinis latè cuncta permixta erant. Præsidebat hac tempestate Jeresio Petrus de Rota, ejúsque militari quoque præsidio bina tum aderant equitum agmina aliud Hispanum, Ialum aliud, huic Dominico Olæa, Ili Petro Fonresio imposito, una atque plenior ibidem Hispanica legio erat, quam idem Tribunus, & oppidi Præses Petrus de Rota curabat. Hic tum prædabundos cùm esset intuitus latèque exultantes per agros discurrere hostes, has quas secum in oppido habebat dispositas copias illos per arma contusum, ac prædas simul ereptum celeriter mittit. Qui, ut iussi erant, properè euntes hostibus obviam propè dum eos assequuntur, seque alacriter ad pugnam expediunt,

tunc Lusitanus à tergo seposita præda, ordine firmus, ac stabilis, multoque viribus fortior, & constipator, quàm adversarius incurrens Castellensem primo penè impetu obruit, paucisque primo prostratis incurfu, cæteris fuga saluti fuit. Eques igitur ita fractus, pedes, quia seriùs perrexerat, nec equestri certamini affuerat, res ubi perditas vidit, illibatus, & integer rediit. Hinc Lusitanus rapti commeatus abundè, atque opima pecoris præda congesta Lusitaniam repetere cæpit modico tamen gradu, & fortuita rerumque improvisa despiciens velut parta victoria tutus, & rapinarum etiam impedimentis, & onere implicitus. Lentè sic incedentem nox in utriusque regni limite oppressit. Itaque tracto ipse certamine, viæque languore planè lassatus, ac somno deditus in tuguria partim agrestia, partim in sarcinas procubuerat, ingens in medio quæ erepta Castellensibus fuerat, coacervata præda surgebat. Hoc Petrus de Rota cùm per exploratores edoctus esset, illuc advolare confestim equites iussit, hostemque, ut verisimile fore putabat sopitum, vel oscitantem agentem, vel incautè fortè diffusum per vim, aut insidias circumvenire. Equites statim ab Jeresio profiscuntur, cursum quàm maximè accelerant, brevique Lusitanos inveniunt sine ullo ordine, sine excubiis, hinc, & inde promiscuè stratos, arctiorique plerosque sopore complexos, humique fufos, simul arma, equos, armenta, plaustra jacentia, prædarum cumulos, passim omnia soluta, atque omninò neglecta vident. Itaque Olæa, Fontesiúsque Duces descendere ab equis, extemplo milites jubent, ipsosque gladiis armatos, & ignibus ruere fidenter in hostem, & primùm longè, latèque coniectus, & sicca, aridèque mapaliorum illa materia,



materia, stramentisque innutritus, ac vento afflatus ignis affulsit; eo deinde excitatus fragore, vel ignis ardore hostis, & hinc ferro, inde flamma, & cuneis hominum interseptus, tum somno torpidus, ac ferè sensibus alienatus, priusquam vires, mentemque colligeret, magna ex parte concisus, sive perustus est, nonnullis cum interitu somnus perpetuatur, alii incompositi, ac trepidi errantes, dum se conjungere focis, conglobatique vires intendere quærunt, in via ipsa præcisi gladiis excipiuntur; pauci tamen eo temporis intervallo contracti, condensatique Castellensibus obstitere, quibus quò minor erat salutis spes, & lucis usuræ cura, eò fortior valebat animus, atque intensior collata vige-  
bat pro pugna vis. Ergo dum hi desperati, & furore quasi correpti coeunt, occurrunt seseque more cæcorum in arma infesta projiciunt, plúsque alieni hauriunt, quàm proprii cruoris effundunt à Castellensibus tandem, qui cætera straverant circumfusi ferè omnes, sed minimè inulti, in vestigio perempti sunt; multis ex parte Castellæ in hoc extremo, obstinatoque congressu cæsis, pluribus sauciis, inter quos & Dux Osæa brachio graviter ictus eo ipso perpetuò captus in posterum vixit; præda in totum recepta, summoque omnium gaudio Ieresium translata, nec postea Dominis restituta, ad alias ab aliis prædatorum manus transmissa est.

Sub idem ferè tempus Dux Sangermani commeatum à Rege petiit accessurus ad aulam, ut eas ibi præsens criminationes excuteret, quæ ei per injuriam ab æmulis fuerant ob cladem Canaliæ afflictæ. Increbuerat hæc supra modum in aula contra infontem hominem infectatio, namque Duci ad calumnias, & contumelias præter virtutem, clarique nominis gloriam semper livori, & invidiæ tanquam fa-

ti lege in hærentem, accesserat quòque esse eum externum & Italum ideòque æmulatione personæ, gentisque tanquam ex duplici capite spargebat virus invidia. Super hæc paulò ante Austriacus de causâ Canaliæ cladis cùm se apud Regem purgare laboravisset, facti ejus invidiam, & maculam subdolè trajecisse, quemadmodum supra tetigimus, dicitur in Ducem Sangermanensem, quippè qui senior erat, primùmque militiæ munus post Austriacum administrabat. Idcirco manante subinde secreto, apertiusque in affectos jam animos illabente, per fora, per circulos, in angulis Regiæ multi maledico dente carpere Ducem, alii subreptam ab illo pecuniam, alii ob ejusdem invidiosum, ulceratùmque nimis animum in Joannem, quidam etiam ignavia, & præ timido, & plusquam satis cauto, atque improspéro ejus ingenio truculentam cladem acceptam esse jactare. Fuere præterea aliorum homines notæ, ut nihil inausum, intentatùmque, se satis ut expleat, præterit æmulatio, qui Regi quotidie assuetos mimos aulicos subornarent, ut odio per artem dissimulato argutis coram Rege diæteriis traderent Ducem Sangermanensem, quorum quidem in aula morsui, ut facetiarum, & salium melle resperso, & tanquam ex latebris incessantium cum gratia, & impunitas inest, tum acrimonia. Tot æmulos, tot simul invidos oppressurus ad aulam se confert Sangermanensis: Regi Catholico ibi, primisque regni proceribus aperit, nec Eboram quidem suo consilio peritam esse, nec se assentiente, prælium cum hoste commissum, totiusque rei gestæ seriem, si ejus sententia valeret, retexendam fuisse; clades verò cum accidisset, se tunc abfuisse, situm, jam nocte appetente,

castrorum ab eodem Joanne parare iustum. Itaque se neque imprudenter gerendæ rei, ut dissuasorem ejusdem, neque improspere gestæ, ut absentem insinulari meritò posse; & ex officio rem dissuasisse, & ex præcepto abfuisse. Hæc, & similia quo jure ministris Regique Catholico sua ipse tunc esset defensione purgatus allegabat Sangermanensis. Cùm tamen ut plurimum ubi res infelicitè accidit contra insones, omnisque labis expertes, ira, vel metu affectibus conturbatis, calumnia quoque livorque valeant, tum more suo detractores, quos rectè ludere nequeunt, injuriis fortunæ solcant, aut alienis criminibus onerare, simul in tanta clade, ut mortalium opinioni, & populi quæstibus satisficeret cùm aliquod caput quanquam innoxium more Principum esset invidiæ publicæ devovendum, res tandem à verbis longe diversas, etsi vehementer in causam incumberet, Sangermanensis retulit à ministris; in speciem enim & lenociniis, aucupioque verborum argumenta defensionis ejus admissa, & magnificè ad pompam in aula honoratus, cultusque est, sed planè re ipsa ille militiæ munere devolutus, atque arma in Lusitaniam resumere vetitus est. Scilicet hoc tantæ cladis sarcire ruinam, hoc expungere dedecus fuit, perinde quasi magis privato, quàm Regi, aut causæ publicæ officeret in tam aspero bello tam perito carere Duce.

Per eosdem dies Alexander Farnesius Ducis Parmensis frater, ut Regi Catholico in Lusitano bello serviret ab Italia Mantuam Carpetanam advenit. Is à Rege honorificè exceptus, permixtusque capite operto Hispanorum cum honore magnatum coram Rege consistere, & alloqui, urbanitatis deinde, & vocalis tituli gratia in illorum offensiones. Hispanis quippè sum-

matibus, qui æquale auctoritatis fastigium cum Principibus Italis, Germanisque Imperii, generisque tumore potiùs, quàm jure ipso affectantes tum ipsos Principes Italos, tum eorum maximos natu liberos Celsitudinis nomine dicere, aut scribere dedignantur, duriùs profectò erat cæteros filios extra sortem domini genitos, ut Alexander erat, hoc alto titulo commendare. Igitur Alexander cùm nondum novi tituli consuetudo, ac desuetudo veteris insolentiam, ut paulò post accidit, ejus auribus mitigasset, nec tunc de suo jure, aut decore decedere, nec ideò se invisum vellet Hispanis, quos foret subinde meritorum suorum arbitros habiturus, postremò delegit admodum paucis, hisque maximè externis familiariter uti, & quos otii, aut solitudinis levamentum, aut negotii necessitas postulasset. Hoc ita composito, mox idem Farnesius consilium adventus sui palam exposuit Catholico Regi, flagitavitque ut in exercitu, qui Lusitaniam minitabatur, quoniam per id temporis occupata clariora erant militiæ munia, neque decebat, tantæ amplitudinis Principem honore, atque insignibus vacuum gregario militi committere, externi equitatus magister renunciaretur. Rex nihil ob viri nobilitatem, rarumque militaris servitii in simili Principe exemplum à consueto more deflebens porrectum à Farnesio libellum ad Status Senatum confestim misit, ut illum videret, atque discuteret. Senatus decreto Regis accepto summa pro causa altercatione interposita rem illam exagitavit. Multi enim ex illo ordine referebant. Cardinali Henrico Lusitanæ Rege de mortuo, cùm ea per Europam celebris disceptatio tam ingenia Doctorum, quàm spes, & curas Principum acuisset, quisquam ex turba competi-

torum



„torum orbo eo tempore regno esset  
 „legitimè successurus, Bononienſes,  
 „ac Peruſinos juſtiſcriptos pro Par-  
 „mæ Principe cenſuiſſe, ut jura ma-  
 „tris repræſentante, Mariæ ſcilicet  
 „Portugalliæ Odoardi Portugalliæ fi-  
 „liæ, ac ſororis quondam Bregantiæ  
 „Ducis, inò verſari Farnesium, in  
 „gradu, ac reſpectu ſuperiori, cùm hic  
 „à grandiori natu Maria, Bregantius  
 „verò à minori filia Odoardi origi-  
 „nem ducat, & jura regnandi. Hu-  
 „jus quidem propaginis germen Ale-  
 „xandrum eſſe Farnesium eadem vi-  
 „delicet jura, eadem legis ſuffragia,  
 „eadem viſceribus inſita vota, ejus-  
 „dem familiæ pignora ſecum feren-  
 „tem in Luſitaniam. Quapropter,  
 „ſeu quodam afflatu, impetûque ſem-  
 „per inquietæ, ambitioſæque naturæ,  
 „ſeu verecundiæ quodam colore, &  
 „criminis fūco, ne abjecti ſe ſpiritus  
 „ille, néve degenerem probet, jure in  
 „dubium vocari poſſe, utrum ſibi ip-  
 „ſe malit pro jure explicito regnum,  
 „aut cùm hoc ipſi inacceſſibile ſit, an  
 „id ipſum conſanguineo Bregantio  
 „malit, quàm alienigenæ cedere.  
 „Suspicionem per ſe validam eſſe hau-  
 „ſtam ex fonte naturæ, periculum du-  
 „plex occurrere, cùmque adeò variè,  
 „& incertè, & fortuitis, inſperatiſque  
 „intercurrētibus rebus volvatur omni-  
 „nò bellum, tótque involucris ſimu-  
 „lationum obductum humanum la-  
 „teat ingenium, quid non incidere  
 „cauſam poſſe, qua Princeps eodem  
 „à Rege ſibi commiſſo equitatu pro  
 „ſe, vel Bregantio, & contra Regem,  
 „ſi ita vellet abuti poſſet? Fingere ſi-  
 „bi pericula, creare quoque ſuſpicio-  
 „nes, ut quàm longè proſpiciant, ſas  
 „bene conſulentiſque eſſe, hinc autem  
 „ultrò de offerre ex fortunæ nempe lu-  
 „dibriis ex memoria rerum actarum,  
 „ex humana ipſa indole profluentia,  
 „hiſque ire obviam, & antevertere

cauſas, è republica eſſe. Nec eſſe  
 „tantopere rationem habendam ſpe-  
 „ciei virtutis, ac morum, quæ niteret  
 „in Alexandro, ſuaviſque coloris, vul-  
 „tûſque, ac frontis hilaritatis, quan-  
 „quam hæc ſapè ad morum effigiem  
 „natura componat, ut prorsus obli-  
 „vio Politicum illud documentum  
 „abſtulerit, nullam eſſe illi credendam  
 „reipublicæ partem, pro cujus fide,  
 „atque officio exigendo, in ipſo utili-  
 „tas cum honeſto, aut res privata  
 „cum publica pugnet. Ebullire pro-  
 „fectò in mortalium pectore ſanguini-  
 „nem, at pro remotis minùs, quàm  
 „pro ſe, ſuiſque gentilibus incaleſce-  
 „re. Morum candorem aut ſuco ple-  
 „rumque liniri, aut temporibus im-  
 „mutari; & pulchrè ſentire, aut ſpe-  
 „rare de optimo viro æquitatis poſce-  
 „re jus, ſed extemæ ſtultitiæ eſſe illi  
 „ipſi, quando aliter res non cogat,  
 „cùm rationabili metu, ac periculo  
 „fidere. Hæc conſultò in Status Sena-  
 „tu à ſenioribus jacta ſua tamen aucto-  
 „ritate, ac ſacundia diſjecit Turrianæ  
 „Medinæ Dux, quia is Alexandro erat  
 „per utrique communem Aldobrandi-  
 „nam familiam affinitate, atque amici-  
 „tia conjunctus. Dixit enim Alexan-  
 „dram Farnesium alterius cenſuræ, &  
 „imperio ſubjectum equitatus externi  
 „curam, cùm Rex ita juiſſet, geſtu-  
 „rum eſſe. Hos equites Germanos,  
 „vel Italos eſſe, ipſique Farnesio pror-  
 „sus ignotos, nec ullo ipſi vel ſpei,  
 „vel præſentis utilitatis, vel meriti  
 „vinculo obſtrictos; non illi præterea  
 „clientes, non pecunias, non vires,  
 „non rerum ibi ſuppeteret copiam,  
 „quibus, & ſi malè animatus in Re-  
 „gem eſſet, quod aſſerere nefas eſt,  
 „audere, aut moliri quidquam per  
 „vim, & inſidias pro ſe, vel Bregan-  
 „tio propinquo liceret. Quod ſi ex  
 „diſtantibus adeò cauſis eruere con-  
 „ſilia, ac dilatare argumenta fas eſſet,

„ tetrasque terroris imagines ex vanis  
 „ phantasmatibus ducere, vero qui-  
 „ dem similis ratiocinantibus esse,  
 „ per hoc Farnesio collatum militiæ  
 „ munus plus Lusitanis creari periculi,  
 „ plus suspicionis intendi, cum vir illis  
 „ armatus opponeretur meliori, quam  
 „ Bregantius subsidio juris in regni li-  
 „ te, ac certamine constitutus, qui-  
 „ que novas suscitare discordias, no-  
 „ vasque inducere partes in eodem  
 „ regno jam suis fluctibus agitato haud  
 „ difficile potuisset, sicuti pari quoque  
 „ consilio impulsam mentio in hunc  
 „ ordinem quondam illata esset. Vo-  
 „ candam in Hispaniam egentem, va-  
 „ gamque per Orbem Antonii Por-  
 „ tugallii progeniem, quæ jus jactabat  
 „ in Lusitaniam, eamque ornandam,  
 „ atque extollendam, signisque & aus-  
 „ picis Catholici Regis in Bregan-  
 „ tium armandam esse. Satis hæc uti-  
 „ que dicta videri ad contrariam labe-  
 „ factandam sententiam. Caterum &  
 „ si in tanto splendore virtutum, quæ  
 „ hunc juvenem exornarent, inclytis  
 „ que Farnesiae familiae meritis, con-  
 „ stantique semper perspecta in Re-  
 „ gem Catholicum fide tanta quo-  
 „ dammodo hære suspicio posset,  
 „ nonne æquè, vel amplius fortasse  
 „ foret periculosum cum contumelia  
 „ repulsæ, indignatumque & inanem  
 „ dimittere Principem tot in Italia  
 „ clientelis, tot opibus nixum? quo  
 „ planè tempore allicere maximè ju-  
 „ vet, nec ut antea, nec parum pec-  
 „ catum esset, diffidentiae, contemp-  
 „ tusque argumentis externos Principes  
 „ alienare, cum suis ita nervis, ac vi-  
 „ ribus destituta nunc Hispana res ja-  
 „ ceat, ut sine firmis amicorum præ-  
 „ sidiis, ac studiis amplius consistere  
 „ minimè queat. Hoc suffragium, sed  
 „ ornatiùs ac fusiùs à Turrianæ Medinæ  
 „ Duce prolatum belli quæsitum à Rege  
 „ pro Principe munus extorsit, isque

mox Badacocium profectus pro pri-  
 mo rudimento militiæ externi equi-  
 tatus Præfecturam suscepit.

Inter hæc Lusitanus Vere jam re-  
 deunte cum quindecim peditum mil-  
 libus, quatuor ferè equitibus mille  
 Cantagnedæ Comite Duce ab Estre-  
 motio digreditur. Illo exercitu, illo  
 Duce cum jam fractæ, abjectæque Ca-  
 stellæ opes tam inferendæ, quam vi  
 propullandæ parum utiles censerentur,  
 rumor apud hostes increbuit tentatu-  
 rum pro viribus Lusitanum recipere  
 Olivençam, aut Jurumeniam anno  
 præterito amissam, aut similes regni  
 arces arripere Castellensibus, prius-  
 quam ex maxima accepta clade resce-  
 re vires, aut colligere possent animos;  
 alius tamen armorum sensus, alia con-  
 sili ratio non ex afflatu fortunæ tu-  
 mens, sed mediocritate sanè contra-  
 ctior, atque in secundis propè timida  
 rebus Lusitanum afficiebat; quamvis  
 enim in acie, inter gladios quasi con-  
 temnere Castellensem, & confidenter  
 in illum incurrere videretur, illum ta-  
 men ante conflictum reformidabat,  
 tot nempè thesauris, tot regnis Catho-  
 lici Regis occurrentibus oculis, nec  
 porro deesse potentiam æmulo, nec  
 fortunæ vicissitudines, eò magis sus-  
 pectæ, quo derepentè magis propitiæ.  
 Igitur cunctabundus, ac lentè vincere  
 Lusitanus, nec superbè laceßere Ca-  
 stellensem intentus Valentiam Alcan-  
 taræ tandem hoc exercitu petere sta-  
 tuit, natura quidem munitum oppi-  
 dum, sed nullo satis regulari, novô-  
 que munimento vallatum, quo in po-  
 testatem fortè redactò tutiora deinde  
 sibi adjacentia, si cecidissent, ac fini-  
 tima forent. Hoc consilio ab Estre-  
 motio Lusitanus egressus exercitus die-  
 bus aliquot primùm Caixæ circa pon-  
 tem Badacocio oppositus substitit, il-  
 linc instructa, variisque conversa fle-  
 xibus acie velut provocans ad confli-  
 ctum



ctum, atque expectatione propositi ancipitem, trepidumque intra septa murorum continens hostem. Joannes eo tempore Austriacus quanquam equitibus abundabat, peditibus tamen, ac reliquo belli apparatu, quæ præterita clades absumpserat, indigebat. Proinde cum integrum ipsi non esset plena, & iusta cum acie procedere hostibus obviam, quod unum reliquum erat inopia rerum adstricto quæ propiora periculo circumjacebant oppida impensius muniri jusserat, quibusdam secum retentis velitaribus copiis, quas, quò opportunitas ferret, pro subsidiis emitteret. Viso tum ergo repente hoste Joannes occurrere illi equitatum confestim jussit, simul defendere agros verno scilicet tempore sætu segetum pingues, & per tumultuaria sæpe interjecta certamina cautè contra annitentem, & vagum eludere hostem, iusto prælio abstinere. Verumtamen Lusitanus cum ex Cææ ponte profectus esset, adversus Valentiam, ut antea deliberaverat, cum exercitu flexit. In hujus oppidi aspectu constitit, tentoria tetendit, atque protinus rem aggressuros in loca opportuna distribuit milites. Interrupto, ac fragoso jacet oppidum loco, rapidoque torrente foris alluitur, ex parte ejus Septentrionali vasta planities procumbit; carebat illud, ut dictum est artificioso, novoque munimine belli; agger tamen, & fossa, aliæque raptim munitiones adjectæ cum naturalis additamento situs obsidione quidem diuturnum, nec ad eò expugnatum facile oppidum faciebant. Erat ejusdem oppidi Gubernator Fabritius Rosseus Italus vetus, acris ingenii magnique pectoris miles, aderant alii quoque Tribuni militares Hispani, quos citra execrabilem militum morem in loci defensione concordēs, nec vanis tituli, aut juris nominibus dissidentes, quæ perdere sapius

negotia Principis valent, per arma timor hostilis, animi temperantia, & erga Regem obsequium tenuit. Huc porro cum omnibus copiis Cantagnedæ Comes appulsus, Valentiam ubi ipse videt propter duritiem asperi situs imperviam ægrè quati cuniculis posse, nec satis etiam per cæcos irrumpentium militum impetus ex propinquo agitari, cum egregiæ intus essent Italorum cohortes, quorum exemplo virtutis Castellenses cum militibus oppidani magis erecti, afflatique cruentas simul interdum Lusitanis impressiones intulerant, indefessum præterea illorum Ducum laborem, & præsentem ubique animi audaciam deprecandi laboris veniam, metumque ad omnia tentanda militibus sustulisse, pergere ex eo cunctabundus, & opere cautus Lusitanus instituit pro rerum peritia ratus tantus ardor, ac tanta ferocitas hostis, quando illi, ut credebatur, nec prompta subsidia, nec, unde illa extunderet, esset, brevi fore, ut se ipsa, bellique munitionem consumerent. Igitur Lusitanus Divi Francisci situm extra urbem cœnobium, ac planè desertum facile capit, ibique adversus oppidum quia intra jactum tormenti erat, tormentariam faciem constituit, mox alii passim idoneis in locis tormentarii suggestus erecti sunt, itinera undique infesta, & viæ comœtibus interclusæ, omnisque hostilis vis, conatusque in vallorum, quæ obversabantur, contractionem, mœniumque ruinas intendebatur. Pugnabat tamen in Lusitanos inæqualitas, loci & crepidinum oppositio, & constantia, virtusque propugnatorum, repellentium ibi non minus, quam vim inferentium conatus invalescebat; soli ferè palmaris occupatus quicumque locus largo cruore, cædibusque constabat, quos enim temeritas aliquando proximè hostem mœnia, seu valla

tuentem

tuentem impulerat, iidem armis idoneis, aut jactis ignibus hauriebantur. Austriacus interea postquam Valentia ab arctiori obsidione periculum intellexit, eò citò ad opem ferendam contendere jussit Didacum Corream equitatus Gubernatorem, prope omnibus, quos habebat, equitibus sumptis; secreta verò mandata erant, ut subsidii proximi facta spe circumfessis adderet animos, idque; si per tempora licuisset alacriter introduceret. Equestres inter has turmas cum externi equitatus parte Alexander Farnesius agebat, qui cum Didaci Corree velut sibi in officio, atque militiæ gradu postpositi, imperio subjici recusaret, moderatiùs propterea duxit, ab ea se expeditione abstinere, quàm jurgia, ac dissidia inter socios tempore iniquo excitare. Hac ita sublata inter Duces contentione, alia deinde acriorque de ordine, & loco altercatio inter ipsos Hispanos, & Italos equites incidit, singulos primos militaris incessus ordines ambientes, & clamore, atque strepitu postulantes. Ducis tandem interposito arbitrio pacificè convenire, ut alternatim viam incuntes modò primam, modò secundam alam tenerent. Ita igitur Castellæ equitatus cum ante Valentia, Lusitanique exercitus oculos constitisset, consultum est inter Duces, utrùm, & qua ratione conduceret in ultimo laboranti, & jam propè labenti succurrere oppido. Hujus omisso detrimento sibi, ac dedecori videbatur, suppetiæ equitatu periendo fore, cum enim Castellæ equitatus nudus omninò peditibus esset, is oppositus Lusitano hinc equite, inde pedite ac longè utrinque majori numero instructo, velut pecora hostibus trucidandus objectaretur; nonnulli tamen eorum pertinaciter contendebant, ut milites bini singulis equis impositi numero omnes prorsus bis mille prima luce adhuc du-

bia ad aggeres hostis accederent, pugnaque tumultuaria partim equestri, partim pedestri quam si daret occasio, desilientes adjecti equitibus milites præstitissent, per re ipsa improvisa percussos, ac trepidos hostes in Valentiam irrumperent. Verisimile quippè esset, luce incerta, cura, metuque vacuos, simul equitum strepitum, peditumque clamorem, atque tumultum, ac primam effusam scloporum procellam Lusitanos accipientes judicio fortassè falsos, quod in ipsos repentè exercitus totus incubuisset, eousque turbari, atque distrahi, ut ea trepidatio, hominumque tumultus liberum aperiret subsidii militibus aditum. Res quidem civiles circumspectione, mora, solertia; militares celeritate, atque audacia, promptisque consiliis melius ut plurimum expediri, talique belli commento Condæo Principi quondam uso arisuisse quoque fortunam in obsidio Cameracensi.

At Didacus Correa, qui nihil profecto casui, aut fortunæ volebat res inter accipites, & extrema quoque pericula datum, ut nimis duram, & insolentem hanc sententiam repudiavit. Itaque ad vanam duntaxat terroris imaginem circa hostis vallum equitatum appellere jussit, contra, atque frustra annitente Joanne Rivera equitum Commissario, qui ita equites spargi, & per industriam collocari censebat, ut neque numerum, neque eos enervatos peditibus esse tam clarè ex propinquo dispicere posset hostis, & ex adverso Didaco referente, quò propius visa ab oppido auxilia, eò magis in fide laborisque constantia oppidanos confirmatura. Proinde usque ad aggerem hostium totam explicuit equitum aciem, nimirum instabilem, trepidam non munimento sibi, non sociis subsidio futuram. Dux Lusitanus ubi primum in se venientes procul aspicit hostes, illos



illos viribus integros, atque ad subsidia ferenda paratos accedere putans, seu prima formidine, seu nimia ad certamen se comparandi celeritate commotus totas extemplò permiscuit omninò sollicitus copias; inde avulsa statim tentoria, & fluctuantia conspecta signa, & armorum confusio, & perturbatio hominum, equorúmque in suis se ordinibus implicantium expectare, an occurrere hosti; arma an sententias prius opus esset ea tempestate tractare diversí agitabant, cum re ipsa improvisa, qui hostium consilia exploraret, adhuc suspensa pendebant mandata Ducis. Interim modico gradu Castellensis accedit, intuitúsque tunc Lusitanus rara agmina equitum, nec ea suffulta peditibus, non lacertorum vim, non animorum alacritatem sprevit adventum hostium, oppidóque premendo intentus ejusdem ruinarum, ac multiformis sociorum interitus dudum Castellenses equites spectatores, ac testes habuit. A meridie usque ad solis occasum ante oculos hostium in oppidum vim intendentium otiosus, ac deses eques Castellæ jacuit; irritus postea gradúque compositus sensim recedere cepit. Jámq; extra hostis prospectum erant noctisque tenebræ circumfusæ equitibus iter impediabant; curare tunc milites corpora Didacus jubet, Comitémque Boëttum uno cum equitum agmine mittit, ut de via æstúque militibus fessis alimenta conquireret. Dimisso Boëtto, magna humo repente excitata pulveris vis, ventorum impetu elata, ac longè, latèque diffusa, simul luce tunc intermortua, quæ res esset, discretu difficilis, inanem incussit Castellensibus metum perinde quasi cum eis pugnaturus pulverulentus, ac citus jam Lusitanus appropinquaret, addiditque pavorem, quod id temporis fortè ad alimonix prædas abesset insignis equitum nervus, sublatique pul-

veris orbe, & circumjecta caliginè jam se circumventos arbitrabantur. Cum ergo tam sibi modò inæqualis, si verè pugnandum esset ea futura pugna fuisset, perterriti equites statim per colles fugam arripiunt eo terrore, ac tumultu, ea animorum perturbatione jactati, ut passim errantes, ac etiam sarcinas evolventes, haud parvi negotii Didaco fuerit, cognito errore, discusso metu, colligere milites. Paulò post præda congesta, & commeatibus gravis redit ad castra Boëttus, ea planè deserta videt, simul undique fusas, & humi incompositas sarcinarum reliquias esse. Hinc fugæ vestigia deprehendit, & quid subitæ rei mirabundus strenuos tot equites consternasset, & per totam idcirco noctem incerto itinere tortus & vagus diluculo tandem nactus est socios, qui fuga provecti ultra tumulos castra posuerant; inde simul inanes Badacocium regrediuntur. Sic spes subsidiorum effluxit; Valentia pertinaciter oppugnatur. Nam Cantagnedæ Comes Dux Lusitanus in mœnium ruinas, & labes enixiùs incumbens, ubi eas acervorum cumulis undique stratas, atque accessui militibus proximas cernit, tunc monet Gubernatorem, ut deditionem in tempore faceret, cum spes jam nulla salutis ab externis esset auxiliis, interna quotidie fluerent, & ex omni parte quassari, ac fatiscere mœnia videret. Oppidi Gubernator, qui temporis tantummodo moras per ambages redimere satagebat, si obscura, atque improvisa fortalsè subsidii spes ex usu temporis, ex fortunæ conversione, ex repentinis belli casibus affluisset, negotium in speciem admittit, at eas superbas, asperasque, ut tunc temporis superanti Lusitano conditiones proposuit, ut hic ipsas & suorum, & hostium fortunæ longè dissimiles arbitratus cum ludibrio, stomachóque rejecerit. Validiorem idcirco cumula-

tas per humi ruinas, & armorum, & corporum stragem impressionem in oppidum fieri praecepit. Ita vis geminatur, propiusque conatus intenditur. Ea verò tam strenuè, tam constanter hostilis excepta vis à defensoribus est, ut militari omninò posita disciplina, & rerum ordine spreto, omnia temeritas ibi, omnia ferocia, casusque agitare; nam Italarum plerique murorum ambitum praevertecti, ipsasque ruinas temerè subeuntes, aut murorum hiatus insidentes, cum pro gradu locus instabilis, atque insidentibus lubricus esset; tunc ex ruinoso magis pendent, quàm stantes, alii genu, quidam altero pede nixi assilientes turmatim hostes præcipitabant, atque cædebant, iisdem plerunque super eos, quos oppressere collapsis, ac mutua cæde consumptis. Rosseus præsertim oppidi Gubernator inter omnes insignis, ac nihil minùs in illo animi, ac pugnae ardore quàm de salute sollicitus per ruinas, per muros, inter cuspides, inter pilas præliando, hortandoque adeò ferox, ac rapidus ferebatur, multa quoque rantia in corpore vulnera spernens, ut pudor cæteros oneraret, ne proprii sanguinis parcus quisquam militum videretur, cum tam prodigus esset Dux. Sic post multam illatam utrinque stragem, nec animos minùs quàm vires obstinato certamine attritas, cum desperatam rem esse cerneret Lusitanus, cruorémque sterilem fundi, signum receptui dedit, suoque periculo jam edoctus illo, aut illi simili impetu agrè oppidum capi ob defensorum virtutem posse, per vias obliquas, & obsidionales accessus paulatim deinde oppugnationem institui iussit. Quæ cum assiduo labore, ac tempore tererentur, ac leviorum interea momenta certaminum utrosque sapè committerent, carperentque, municipes denique militesque quos adhuc alacritas, & animi

vigor inter pericula non defecerat, nitrati pulveris, bellique munitio defecit, ea modica tamen quæ crebris incursibus superfuerat, parcius, & cautè dividebatur, ne extremam certamque perniciem, quæ brevius afflictis instaret, animadverteret hostis. Inter hæc cum ad caesorum corpora, ut mos est, tumultanda, unius diei convenissent induciæ, hujus facultate colloquii Lusitanus appositè usus verba nonnulla de compositione, & concordia velut obiter jecit, hanc, nisi labefactatis omninò rebus, admitteretur, præter morem honestam, & amplam Castellensi futuram pollicitus. Rosseus oppidi Præses, qui per id tempus hostis errore, atque inscitia, quæ nec poterat esse diuturna, simul arte, ac solertia quæ cum tempore quoque fallunt, in ultimis rerum constitutis angustiis, jam conclamata defensione, in horas singulas periturus cum animi angore se sustentabat, cum Lusitanum audisset, animo quidem, ac mente latus, sed in fronte difficilis, asper hærare primo indignari, execrari, propositam rem; non corporis, non animi robore militem refert, non commeatu, non consilio, non armis adhuc oppidum indigere, ac si omnia deficerent, omnia supplere commilitonum animos posse. Urget nihilominus Lusitanus, tantæque verborum copia, & rationum illecebris sermonem de re produxit, ut lassus in speciem potiusquam rationibus victus dixerit denique Rosseus, si res convenisset, amplissimis se conditionibus conventurum, ac si quatrduum permissum insuper esset, quo Austriacus statim admonitus, statu rerum comperto, aut satis ille subsidii mitteret, aut se dedere pateretur. Temeraria ea postulatio æquè gnaris, atque ignaris habitus oppidi videbatur. Cæterum eodem tempore Lusitanus cum pestifero quasi morbo qui ab æstu, cœli intemperie soloque caloribus



caloribus torrido scatens passim depasci nudos umbraculo milites cæperat, cum pertinaci virtute hostis, cum asperro situ, cum oppidi status inscitia colluctabatur; incertam praterè, ac planè fragilem fore putabat desiderati subsidii spem, plùsque à Rosseo deditionis abolendæ ignominia, atque excusationis habendæ causa, quàm verè, & ingenuè sollicitatam fuisse; sciebat enim carere omninò pedite Castellensem, ac si raptim fortassè hic ex propinquo cogendus esset, ne id quidem hosti permissum spatium temporis suffecturum. Hoc propterea intervallo, ut petebat, statim concessio, Rosseus cum induciæ interessent, hæc omnia Joanni per internuncium exposuit. Qui re audita, tria millia peditum properè ex certis præfidiis, arcibùsque deducta ad Didacum Corream Gubernatorem equitum misit, ut cum his, si ita ei videretur, Valentia inferendas suppetias tentaret. His copiis acceptis Didacus, equestribusque conjunctis, citato cursu ad Valentiam contendit: rem tamen impositam aggressuro, cum natura sua studiosior præcepta Ducis interpretandi, quàm exequendi esset, tum verò jussu Ducis ambigua, néve suo fortassè periculo, ac nota in rebus adversis explicarentur cum supra modum metueret, simul congressus imparitatem hostiles adversus copias, viatrices, spei plenas, superiori fortuna tumidas, & pedestri, atque equestri milite redundantes, placuit duntaxat fulgorem armorum, & instabilem aciem per inanes circuitus, ac species ostendere hosti, discrimen subire noluit. Quatriduo itaque lapsò, ut pacto convenerat, inter Fabritium Rosseum Valentia Gubernatorem, & Comitem Cantagnedæ Lusitani exercitus Ducem in hunc modum contracta deditio est. Cum omnibus signis,

armis, & militari apparatu, atque pompa liber ab oppido commeatus Castellæ militibus sit. Incolæ nihil in bonis, aut corpore læsi, cum ita velint in oppido maneat; sua sponte digressis suas inde secum transferre fortunas liceat, & quas statim extrahere facultas non esset, ad bimensis tempus prorogaretur, hisque etiam vasa, atque plaustra Lusitani præberent, in quibus ægri, atque saucii, & promiscuè incolorum, atque militum bona comportarentur. Duobus denique hominibus personatis, si ita cujusquam fortè modestia, aut pudor exigeret, oppido abire fas esset. Hæc omnia Cantagnedæ Comes promisit, utque promiserat, præstitit, atque hoc maximè modo in Valentia possessionem pro Bregantio traductus est.

Cæterum quantum ob fortis adversitatem, rerumque in exercitu inopiam famæ, gloriæque ornamento quotidie decrescere videbatur Austriacus, tantum increscendi cupido Ducem Ossunensem inceserat. Hic igitur seu emulatione virtutis, seu vivido, pugnacique impulsus ingenio, seu quoniam, ut paulò ipse scripserat Regi dominon habens unde milites aleret, ad raptò bellique acquisito peculio vivendum, quanquam invitus in hosticum duceret, exiguis profectò copiis, cum æstas arderet Castellum Roderici oppidum Lusitanum adoriri constituit. Huc properè evectus septem millia, quæ ipsi aderant propè pedirum ad impressionem in oppidum faciendam distribuit, ad prædas equites circummisit propter militum commeatum ex finitimis contrahendas, ferè omnia tumultuariè magis, quàm cautus agebat. Erat oppidum vetusto muro, sed valido, ac multiplici vallo cinctum, fortiùs tamen innitebatur virtute, ac militari peritia Præsidis ejus Joannis Ferreiræ Tribuni militum, qui loco affidebat

cum fortissima legione. Hoc ipsum impetu capere primus Ossunensis conatus, & animus fuerat, sed magna cum hominū cade, atque strage quā sapē repulsus, ac fractus excesserat. Varia deinde, anceps, & plerumque fortuita quasi oppugnatio in oppidum agebatur, nunc furtim, nunc palam, interdum per mœnium intenta ruinas, bellicque sapius tormentorum ictibus intermissis, scalæ repentē, aliæque murales machinæ admotæ mœnibus sunt, quæ aut fractæ, aut illisæ, aut superius incensæ, combustos, afflictos, cæcosve homines cōtinenti ruina, multiplicique strage trahebant. Post dierum aliquot quietem, eoque interpositam astu, ut velle tunc videretur re infecta discedere hostis, quadam nocte præsertim cum ea contacta nubibus esset, atque intermissa oppugnatio, & species ituri quam adumbraverat hostis minùs intentos vigiles effecissent, evenit, ut quidam selecti juvenes, ita Ossunæ jubente Duce, suspensis lentisque vestigiis eum per insidias arreptum murorum locum incederent, quem illis secretò Dux designaverat; retrò interim nec longè Ossunensis occultus cum magna militum manu confederat, ibi signum expectans, quod cū murum cepissent, dare imperatum militibus fuerat. Illi verò cū nec luce, quæ nulla erat, nec strepitu armorum ut levissimè armati, nec vestigiis quæ circumspēcta erant, ac trepida procederentur, tutissimè gradientes jam ambitum fossæ, aggerisque transierant, & cū murum tunc attigissent se se invicem adhortantes mutuamque ferentes opem alius post alium nitebantur insurgere. Milites Lusitani, quorum muneris erat hanc observare murorum partem, illorum officio eo tempore freti, qui in aggere, ac fossa procul excubias agebant, hîc ferè nihil pavētes, atque oscitantibus similes vigilabant, qui

verò vallum, & fossam custodiebant, nimia fiducia ulterioris custodiæ tanquam pluribus curas impertientes ipsi remissius munus obibant; sic inter mutua fiducia deceptos, segniorique propterea fungentes custodia simul noctis caligine patuit hostibus iter; præterea si murmuris quicquam, aut gressuum motus circa vigilias obstrepuisset, id hostile, & externum, an domesticum foret, dispicere noctis obscuritas non sinebat. Juvenes itaque Castellenses mœnibus tandem hærentes, & alii aliis innixi, seque invicem sublevantes jam propè in murorum fastigium evaserant: verum, qui ordine primus ascenderat, cui & visum tenebræ ademerant, cæca dum manu, quod primò arriperet, tentat, temerè illam injectit super quemdam custodem militem, qui tunc sopore solutus in ea muri parte jacebat. Is ictu excitatus, perturbatusque repentē clamorem edit; hæc vox coherentium quoque clamorem vigilum sustulit, deinde eo clamore, eo strepitu concitata tota se statim in subsidium effudit legio. Concurrent, tumultus auctorem, & causam quærunt, lapides, arma, faces in loco suspecto comparant. Tunc milites Castellenses, quos fraus constituta fefellerat, clamoribus, faxis, ignibus, armis simul impulsî fuga præcipites auferuntur, ipsorum nonnulli per tenebras missis in casum scloporum ictibus corruunt, alii inter fossam, & aggerem intercepti, reliquos fuga suscepta juvit. Ut satis ergo constitit Ossunensi, quod per celerem vim sive insidias cadere oppidum ægrè posset, ad longiorem oppugnationis, obsidionisque formam conversus perpetuò displodi belli tormenta jussit; jacti frequentes, ac terribiles ictus, tormenta belli, quæ fulminabant insolite magnitudinis, atque vis, ea scilicet ipsa, quæ ad Hispaniam subvecta Carolus V. Imperator



rator Germanis Principibus victor abstulerat; oppidi munimenta, nec satis ampla, nec solida erant, plûsque ipsa brachiis, & robore militum, quàm sua firmitudine sustentata, ideò si tempus, & ratio conatibus suffecisset, hoc denique videbatur excidium oppidi moliturum.

Cùm ita Castellum Roderici à Castellensibus premeretur, Petrus Magallanius, ad cujus regiminis jus tutela ejus oppidi pertinebat, conjunctis, auctisque ex tota provincia copiis, eidem celeriter subventurus accessit; & primum in colle quodam oppido obverso distributis astutè militibus fedit, si dubio fortassè tactus, vel Ossunensis errore deceptus pugnae, aut subsidii proximi metu obsidionem abstraheret. Quod ita sanè, ut Petrus putaverat, contigit. Quippè Ossunensem tunc hostium discernere numerum inæqualitas loci, atque interjecta virgulta prohibebant; in rerum inciticia, & caligine posito tutiora non nisi consilia conveniebant, & Petrus, qui Castellensem exercitum noverat in dies supplementum ab Austriaco pollicitum expectare, viribus diminutus in arte, consilio, agendique celeritate meliores spes suas reponebat. Igitur Ossunensis suorum paucitatem militum timens, & pleniora etiam, quàm erant, ad inferenda subsidia hostium agmina ratus, quæ ne summissi quidem exploratores inspicere satis ob loci difficultatem potuerant, obsidionem protinùs solvit; & Petrus Magallanius apposito astu feliciter usus, antequam Castellensis accessuris subinde copiis aufereret, in eundi certaminis cupidus statuit eundem quàm citò, ac sollicitè persequi, ac si fortè prælium effugeret, assultibus irritare. At impigro, ferocique Duci Ossunensi, & qui plus casui, & fortunæ quàm consilio, &

viribus tribuebat, non erat tunc detrectandi certaminis animus, & post palmam quoque conspecta utriusque partis æqualitas propè virium actiores sua spontè incitato jam animo stimulos subdidit. Igitur iter tantisper accelerans, dum medium trajiceret rivum, solúmque palustre, ne in transitu forte miles deprehenderetur, ubi in patientem, aptúmque certamini locum evasis, ibi totam protinùs aciem instruxit, hinc, & inde equitibus sultam, alisque latè magis, quàm densè porrectam. Dux ipse à tergo cum selectorum equitum turma constitit improvisis pugnae casibus affuturus. Simili propè modò Lusitana dirigitur acies, atque ita ad conferendas pro prælio manus instructis parique ardore succensis, omnique gloriae, odiorum, cupiditatis ultionis incitamento satis, superque animis lacessitis, certaminis signum tormentorum utrinque fragor obstrepuit. Prior Castellensis incurrit, sed furioso, atque infano quodam impetu tractus, adeò enim instabilis, incompositus sclopos, & fistulas alias ferreas, quæ in primo agmine erant, exoneravit, ut vehemens potius, quàm cauta vel utilis prima illa fieret impressio, hostiúmque perpaucis volantium glandium numero exceptis, non ea stataria, atque justa, sed pugna quædam fortuita, ac tumultibus similis appareret. Hæc tam subita in hostibus perturbatio, ac voluntaria primi ordinis dissolutio sustulit animos Lusitanis, & vires etiam ad pugnam intendit. Proinde alacriùs invecti, atque obvios implicatósque in suis ordinibus pedites perrumpentes inde in eos qui sclopetarios tegebant, equites irruunt, momento profligant, profligatos in fugam avertunt, fugientium quoque terga rescindunt. Abiectis subinde de manibus sclopis, & majori utrisque impetu illatis, & un-

dique pressis cum pedite pedes gladiis, hastisque concurrunt; verum alio tum inclinata fortuna belli, nec æquo jam Marte, sed longè deterior conditione Castellensis allaborabat, jam fuso equitatu, jam acie nudata, ordinumque inter motus, æstusque trepida, ex adverso jam animo, & viribus Lusitano supra modum elato inflatoque, qui & circuire facile posset hostem, nisi animi ardore ac fiducia id agere neglexisset. A fronte igitur Lusitani ferociter incumbentes primo ordines hostium, qui adhuc integri steterant, laxant, mox fluctuantes impellunt, postremò fugant, cæduntque; qui verò fugerant, ab illis equitibus intercepti, qui à primi fusi agminis hoste persequendo redibant, plerique capti, aut interfecti sunt. Osfunensis, qui militis verius quàm Ducis in re gerenda functus officio fuerat sapè in hostes inVectus sapè revectus, & jam hostibus circumfusus, ac penè deprehensus, jam sua virtute, atque animo elapsus, postquam omnia fuga passim deformia, omninò cruenta, ac cæde prostrata vidit, tum demum necessaria sibi fuga consuluit: Cæsa in eo prælio Castellensium duo circiter millia, quingenti fermè capti, ex victoribus ferè octingenti considerati sunt, majora tormenta, sarcinæ militares, optima Ducis supellex Lusitano cessere. Hæc prima æstate ineunte peracta sunt, acrius deinde flagrante temporis æstu ab armis utrinque cessatum est.

At in aula Catholica magni quidem momenti sub idem ferè tempus à Rege ipsiusque ab intimo sinu ministris negotium agitabatur, de armorum imperio scilicet, quod Joannes Austriacus pro Lusitania recuperanda susceperat, abrogando. Jamdudum hoc tacitus secum ipse volverat Rex, ejusque penitus tandem infederat animo, agenda

rei tamen erat eo tempore in mora, cum solita ejusdem in operando cunctatio, anxium judicium, animique sollicitudo, tum successoris etiam electio illo nempè tunc rerum Imperii negotio maximo digni, quique amplissimis animi dotibus summi Ducis Joannis virtutes æquaret, vel qui ejusdem in illo infelici cognita bello, vel vitia fortunæ corrigeret. Hujus porro mutationis in bello causas nondum jactatas sermonibus vulgi ex aulæ arcanorum erutas scriniis nos tales fuisse comperimus. Lusitani, veteresque Joannis obrectatores, ut eundem Joannem in populi invidiam, Regisque patris suspicionem, & odium adducerent, rem malignè non minùs, quàm subdolè fictam effuderant, Regem illum Lusitanum larvatum diutius in regno latentem, & fabulæ similem in Orbe quondam vulgatum, primumque Regi Sebastiano tanquam incolumi, postea Bregatio supertitioso titulo adscriptum, nunc inter arma fallaci quadam interpretatione pro se, & contra Regem torlisse Joannem, quo scilicet falsa captum religione populum Lusitanum sibi metipso facilius addiceret, seque detracta denique larva legitimum Regem, velut jam vaticinio consumpto, statueret. His accesserant, & falsorum hominum blandimenta, & aulicæ quoque assentiones, ac domesticæ potiùs insidiæ ab ipsa nempè Austriaci familia manantes, qui ipsorum utilitati, falsæ spei illecebris, magis quàm periculo Principis attendentes, quas temerè jactas debebant refellere, aut premere, aut jocos eludere voces, ipsi quoque ex composito alebant, ac divulgabant. Caterùm quod Joanni crimini dabant, esse in animo scilicet nefaria per arma Lusitanæ intervertere regnum, etsi Catholico Regi penè incredibile videbatur, nec sanè ignorabat nihil clausum, nihil immune, aut inviolatum, ne inter sacra pignora quidem



quidem mortaliū relinquere invidiam, aut loquacem vulgi licentiam, fingi tamen hoc tali tempore, dici, vel suspici posse etiam periculosum existimabat. Multos rumores falsos, casūque, aut humana malitia diffusos veros sæpè numero cecidisse, alios interdum ad explorandas hominum voluntates consultò à Principibus ortos, quosdam, etsi vileant in ore vulgi, quid fieri opus esset non raro Principes monuisse, hosque plerumque monitis paruisse. Primum regnandique præceptum maximum esse, nemini omnino fidere. Hæc cum anxie Rex secum, ac sollicitè volutaret, à Joannis insuper æmulis contortis aliunde argumentis suspiciosi rumoris vim, & invidiam augmentibus urgebatur, trahere nimirum illum ex composito bellum, ac subdolè moras ducere, quò armis perpetuò legionibúsque munitis, sibiq; semper obstricto, addictoque largitionibus milite, si fortuna aliquando annuisset, eos sensus reconditos explicaret, quos quidem ingètes in animo coquere, plurima indicia quamvis solerter abstantur per facta, per dicta ejus, quæ casu excidissent, tanquam per rimas effluere; simul intempestivam Eboræ obsidionē, Canaliā inflictam cladem, municipia fortissima regni, arcésque validas, ac finitimas prætermisissas, omnia imprudēter in bello, & contēptim, ac segniter acta, hæc ipsa ex fallaci, tortoque Joannis profecta consilio suspiciosa, & cupidè potius, quàm graviter arguebant. Adjuvit etiam Joannis æmulos Cæsar, ejúsque in aula Catholica Orator Comes Petingius, qui occultè Regi significavit, ipsius valetudinem quanquam non multum exegisset annorum, esse sua tamen externis contracta causis imbecillitate vergentem; nimis tenuem, ac fragilem Principis filii ætatem, injuriæ opportunitatem, atque inter infantie ludibria, ac discrimina rerum jacentem, nec porro conducere in illa Patris, in illa filii habi-

tudine arma tractare, aut nimium florere gloria illegitimum filium, cujus arbitrii potestatisque foret, dare posse, cum vellet, aut tollere fratri Principi regnum. Quid à circumfusus cupiditatibus, quid ab impiis suavoribus, quid à fictis amicis, quid à seculi genio, quid ab ipsa occasione peccandi cum ambitionis incitamento conjuncta metuendum egregio juveni sit in propatulo esse. Examine tandem, cum liceat, ambitionem multò melius præstare, quàm gratis cum illa configere velle, præsertim cum tam ampla certaminis merces sit, ac tam frequentes consiliorum irrisiones alieno arbitrio nimis fidentibus pateant. Inflammat hæc quoque apud Regem Mortaræ Marchio, qui cum in Catalaunia simul cum ipso Joanne armorum olim divisum regimen habuisset, & provinciam recuperasset, ob crebras ibidem interjectas offensiones, quas æmulationis virtutis, & gloriæ multoque magis imperii societas pepererat, nunquam animo, & voluntate, multa licet uterque fingeret, sincerè in gratiam cum illo redire potuerat, nunc autem Marchio occasionem, causamque validam nactus premendi graviter æmulum, ne dum contumeliis, & probis Austriaci inter arma fortunam infectabatur, sed animum etiam, ac bellicam disciplinam. His obrectatorum incitamentis, & ministrorum etiam aculeis, & suo quoque admodum suspicaci, ac pavido ingenio permotus Rex, certusque Joannem exauctorandi per Ludovicum Oiangurenium, primum ministrum è secretis consilii Status, ipsum Joannem secretò monuit cordi esse sibi, idque ex republica maximè peti, ut ultro abdicatis militiæ curis, Consocram, quod juris ejus oppidum erat, sedesque Prioratus Divi Joannis, continuo secederet. Metuerat hunc ictum ex longo intervallo Joannes, & pro viribus etiam præcavere studuerat, revera tamen aliquando librari,

paterna tutela, suisque virtutibus fretus, nunquam satis ipse crediderat. Ceterum non Patri Regi, non æmulis, non temporibus palam iratus, aut querelis fordidè abjectus, aut tristior, sed animo temperato, ac modesto eam contumeliam, atque ignominiam vir optimus sustulit, imò verò nec illam suspicionem quæ tanta erat, & quæ contra ipsum in animo Regis hærebat, ulla unquam voluit exultatione corrumpere, crimina quippè sunt, à quibus sic ratio, atque pudor in homine abhorret, ut ne purgari sine periculo, nec declarari sine summo dolore, ac verecundia possint. Joannem præterea ob Castellenfes passim attritas in diutino bello copias, quæque rerum propter inopiam tam facilè, ac brevi, ut res postulabat, sarciri minimè possent, tum æmulos graves, versatilem Regem, acerrimum hostem, ut inter se quoque diversa, & variis distracta consiliis luctantur in animo studia, tædium, ac propè satietas militiæ ceperat. Statim ergo rescripsit occultè sibi imperatum commeatum à Rege petens. Rex verò ut pro filii auctoritate, ac decore rei clanculum tractæ ordo missionisque improvisæ omnino causa lateret, hujus sententiæ epistolam, quæ multum lenocinii fucique ad capiendas aures, animosque fallendos habebat, Joanni reddendam curavit.

*Cum ex tuis nuper redditis mihi literis cognovissem, te immobiliter statuisse, quam adhuc egregiè, ac præclare per Lusitaniam gessisti, armorum Præfecturam deponere velles, quietisque & otii querendi causa ad ali-quod tui Prioratus oppidum te conferre, ad-eò ut acerrimè rem inculcando, & rationibus infigendo per litteras asseras, ab hoc te postulato, ac sententia quoad votum imple-*

*veris, minimè recessurum, quamvis hæc tua firmior in hoc negotio deliberatio me vehementi dolore affecerit, sollicitè reputantem non parum mihi, ac tibi, & publicæ utilitati absentiam tuam ab exercitu detracturam, quantàmque solidam spem hucusque fortiter actis in Lusitania apud omnes concitavisti belli penitus profligandi abscissam repenti fore, tamen ne te morientem, tristèque nimis omittam, neu videar plus meo solatio tribuere quàm tuo, veniam quam abeundi efficaciter petis, quanquam invitatus tibi permitto, & insuper jubeo priusquam Badacocio discesseris, res ut belli ruè componas, & post agenda ex sententia præscribas; nam ex tua inclita disciplina singulari studio, atque fide futuris belli conatibus, ac desiderio nostro, & rei publicæ multum accesserit. Vale.*

Hæc regiâ epistolâ acceptâ, & ad pompam, inanèque captandam auram feceritque tegendum in aulam, & extra aulam per multa exemplaria transmissâ, Joannes Austriacus tandem exercitu derelicto, Confocram secessit. Interim Comes Marfinus genere Leodiensis, qui è Belgio traductus paulò ante venerat Badacocium, ibidem, donec Joanni succederetur, curam armorum subiit. Is statim Arroncium ab Austriaco prima belli expeditione captum, & propugnaculum propè Almeidam à Duce Osfunensi constructum, ita Rege illius monitis annuente, solo æquari præcepit; nam propter hostium propinquitatem, perpetuas offensiones, commeatusque importandi difficultatem illa oneri potius, quàm usui Castellensibus esse compertum fuerat, cùmque res sibi in arcto, calamitoso quoque tempore forent, contrahere, atque intendere vires, necessitas postulabat.




# DE BELLO LUSITANO LIBRI NONI

## SUMMA.



*AUSTRIACO* sufficitur *Marchio Carazena*. Is sententiam expromere iussus, censet *Ulisipponem* rectè petendum; aut prætermiſſis munitis oppidis, omnia incendio, ferroque vastanda. *Didacus Correa*, dum inhibere prædarum impetum conatur, à Lusitanis, cum quingentis equitibus sternitur. Comes *Marſinus* avidè certaminis causas querit. *Alexander Farnesius* Valentiam intercipere tentat, sed re vacua discedit. Ad primores Ducum *Oratio Carazena*, qui cum exercitu ad *Villavitiſam* dirigit iter.

*Oppidum* capit, cujus *Gubernator Brittus* ad arcem confugit. *Interrita* *Carneri* Centurionis audacia. *Cantagneda* subsidia laturus obsessis, *Carazenenſi* adventus sui certitudinem denunciat. *Montiſclari* pugna, in qua victor *Cantagneda*, Lusitani tandem diadema regni in *Bregantii* capite fixit. Obsidio arcis *Villavitiſæ* solvitur. Gravis Regem, ac ministros cura percellit, an, & quomodo bellum reparandum. *Philippi* Regis interposita mors, belli consilia sustollit. Hujus interitum cometes paucis antè mensibus nunciavit. Per dolum mutato *Regio* codicillo, pro *Medina Duce*, *Aitona* Marchioni, Imperii regimen adſcribitur. *Ioannes*, ultimos patris amplexus exoraturus, accedens, non admittitur. *Philippi* mores. Apud *Eſcurralium* sepulchro conditur. Testamenti ejus series compendiarie. Rege tumultato, prima que *Reginam* *Gubernatricem* potissimum urſit cura, fuit de *Lusitano* bello deliberatio. *Regina* cupide huic imponere bello finem desiderat. Favet ejus consilio *Medinæ Dux*. Ejus oratio in *Status* Senatu. Contrà diſſerit *Everardus Nitardus*. *Austriaco*, *Provincia Belgicæ* demandatur *Præfectura*. *Rex Angliæ*, ni pacem amplectantur *Hiſpani*, *Lusitano* se terrà, marique affuturum jactat. *Reginæ* consensu, cum *Lusitano* quæſitæ pacis interventor aſſiſtit. Pacis conditiones. *Octavo* & *vigeſimo* poſt defeſſionem anno, *Lusitania* ſuo tandem Regi redditur.



## BELLI LUSITANI

### LIBER NONVS.



*IOANNI* tandem *Austriaco*, qua in *Lusitaniam* inter læta, atque triſtia potitus erat, armorum *Præfectura* defuncto, *Conſilii* ſubinde ſtatus decreto,

*Regiſque* *Catholici* juffu *Marchio Carazena* ſuffectus eſt. A *Belgio*, ubi eam provinciam adminiſtrabat vocatus ad aulam *Marchio* ſumma ſpe civium, & rumore propitio populi hunc magiſtratum inierat propter res belli egregiè apud *Inſubres* geſtas, & quia inter arma innutritus non gratia, ut plerique, aut favore, aut intercepti

meriti furto in belli honores irrepserrat, sed sudore, atque industria honorem honore, gradumque gradu, virtute duce, periculo socio, & ante miles, quam Dux in longa sibi militia pepererat. Igitur post salutatum Regem, eique gratias de more pro muneris ornamento relatas, quoniam tum ipse Status Senator erat, in eodem confes- su de futuro bello consulere, maturam- que sententiam expromere iussus in hunc modum locutus fertur.

„ Dicere coram viris amplissimis co-  
 „ gor de via, & ratione Lusitani amif-  
 „ si regni recipiendi, quod obstinata in-  
 „ colarum perfidia, adhuc infesta post  
 „ tot acceptas in bello clades fortuna  
 „ comperta, tot summis frustra incum-  
 „ bentibus Ducibus, & cum dedecore  
 „ tandem amotis, tanto exhausto cruo-  
 „ re, tanta profusa pecunia, etiam in-  
 „ tegrum nobis, & ingens hucusque  
 „ bellum, spe prope excussa, aucta  
 „ nimis formidine præbet, cum facere  
 „ potius, quam dicere, Ducis, quam  
 „ Oratoris obire munus, ingenio, vel  
 „ usu mihi in toto curriculo vitæ con-  
 „ tigerit; tamen ut obedire, quod est  
 „ primum militis institutum, jam à  
 „ puero assuetus, & hic mandato co-  
 „ ctus equidem dicam quod ipse fen-  
 „ tio. Cæterum, si ea vos quæ dixerò  
 „ neglexeritis, me præstiti quidem of-  
 „ ficii, actionisque non poenitebit, ip-  
 „ sos fortasse poterit aliquando spreti  
 „ consilii mei vestrique superbi poeni-  
 „ tere iudicii. Mihi planè, ut in cau-  
 „ sa proloqui incipiam hoc Lusitaniæ  
 „ bellum diuturnum, Castellæ grave,  
 „ dispendiosum, omnino cruentum  
 „ ejusque rationes, & causas confide-  
 „ ranti duæ tantum occurrunt viæ, qui-  
 „ bus aut excidium patere nobis, aut  
 „ regni receptio valeat. Prima profe-  
 „ ctò erit, collectis omnibus copiis,  
 „ & viribus ire statim, & arctius Uli-  
 „ sipponem obsessum regni, bellique  
 „ initium, & caput, inde enim consi-

lia, iussa, pecuniæ, militares dele-  
 ctus, & copiæ, inde vigor, & spiritus  
 in reliquum belli corpus, & universa  
 regni membra diffunditur, qua via  
 interclusa, & undique obsessa ruere  
 omnia, & confundi labique unà cum  
 capite pressa, aut excisa necesse est.  
 Ita sanè cum Julius Cæsar Italiam &  
 Romanum esset Imperium, Scipio  
 Africam subacturus, hic Carthagi-  
 nem primò cepit, ille Romam. Con-  
 trà Annibal Pœnus arma dum procul  
 à capite per quosdam anfractus, ac  
 diverticula tulit, elusus magis quam  
 victus in extremo Italiæ sinu conse-  
 nuit, & ne vetera fortè videar, qua-  
 si recentibus egens, rerum exempla  
 colligere satis compertum est Medio-  
 lani, aut Neapolis urbium concussa-  
 rum per arma ruinam, eorum quo-  
 que juri coherentia oppida arcisque  
 velut eodem traxisse lapsu; vidimus  
 ipsi prætereà, Barcinoni nuper recep-  
 tæ totum regnum protinus consen-  
 sisse, salus à capite pendet, truncoque  
 semel abscisso, atque abstracto, &  
 rami simul, & folia, & arboris vita  
 quæ à stipite fluit, amputatur. Si El-  
 vum, si Villavitiolum obsederis, his  
 statim Ulisippo succurret, cum pres-  
 sa, armisque constricta sit Ulisippo,  
 nihil consilii, nihil opis externæ ad-  
 erit, aut interire, aut servire, aut ar-  
 bitrium cogetur subire victoris; nam  
 si intus prævalidæ vires fuerint se ipsæ  
 conficient, si tenues facilius vis ex-  
 terna corrumpet, si factionibus for-  
 tè scissæ brevissimè dilabentur, nec  
 unquam, aut rarò tam magna, &  
 fama, atque opibus potens ulla civi-  
 tas extitit, quæ omni externo desti-  
 tuta præsidio diutius propriæ defen-  
 sioni, cum urgeret obsidio, cum in-  
 ternis duntaxat viribus suffecisset.  
 Dixeris contra fortasse, terrestres no-  
 bis, & opes maritimæ defunt huic  
 extremo, ac vehementi conatui pa-  
 res. Cum hæc ratio, nec ipsa levis in

speciem



„speciem ex adverso proposita sit, eam  
 „mibi nec affirmare, nec refellere in  
 „animo est; fatendum est tamen, quod  
 „si tantum laboris, pecuniæ, militum,  
 „quod hoc bellum tot per annos in-  
 „fructuosè cum nostro dedecore, ac  
 „sanguine absorbit, in Ulisipponem  
 „rectè petendam collatum fuisset, uti-  
 „lius, ac certè prudentius huic bello  
 „gerendo consultum foret, quemad-  
 „modum etiam si id ipsum modo in-  
 „terruptum liceat, ut collectæ, atque  
 „auctæ paulatim in otio vires, & co-  
 „piæ majori deinde conatu, & iudicio  
 „in urbem Principem applicentur. In  
 „hoc tamen errore humano seu mens,  
 „seu fortuna potiùs subvertendo con-  
 „silia deliquerit, si adhuc correctio  
 „non habet locum, bellumque dein-  
 „ceps non intermissum Ulisippone pro-  
 „cul agendum est, alteram tantum;  
 „prima seclusa, his copiis militaribus  
 „viam, quæ ad regni ferat possessionem  
 „existimo superesse, cum scilicet arci-  
 „bus regni, munitisque oppidis præ-  
 „termisissis maximè infesta Castellæ  
 „acies in Lusitaniam irrumpens om-  
 „nia prorsus incendio, ferroque vasta-  
 „re, ac diripere pergat, ubique passim  
 „ruinas, orbitatem, solitudinem infe-  
 „rens, ita enim omnino corrupta se-  
 „gete, arbutis evulsis, pagisque &  
 „castellis undique excisis, incensisque  
 „fame, ac rerum usualium inopia, ac  
 „terrore malorum omnium superbus,  
 „ac pertinax Lusitanus in afflicto, de-  
 „serto, regnoque fumanti, ac passim  
 „exinanito constrictus, meo quidem  
 „iudicio, aut nulla alia re poterit tan-  
 „dem aliquando debilitari, frangique,  
 „siquidem nec terra ille jam nostris  
 „circumfessa limitibus, nec mari, nisi  
 „tardiùs, incertè, atque modicè potest  
 „alimenta recipere; regnum ipsum  
 „exiguum est, quod ne florens qui-  
 „dem nedum ita contusum, ac fractum  
 „satis sibi præsidio, satis pabulo est;

pertinacia, quam non ira, non metus,  
 „non cupiditas vincit, fami concedit.  
 „Hic autem & fames armata pugna-  
 „bit, & vis egestati se junget, & eorum  
 „nisi alterum valeat, utrumque deni-  
 „que foret perfidos homines con-  
 „sumpturum. Atqui fortè inauditum,  
 „ac novum, imò & barbarum vobis  
 „videbitur in Hispania hoc belli tra-  
 „ctandi genus, scilicet fame, & rerum  
 „omnium clade, atque exitio regnum  
 „integrum oppugnare, coacervatisque  
 „ruinis velut bustum ex regno facere.  
 „Hoc tamen nobis suadet hostis con-  
 „ditio, opportunitas regni, usus com-  
 „munis, præteritæ clades, rerum præ-  
 „sentium durissima constitutio, nec  
 „impia, aut crudelis est illa quidem  
 „censenda ratio qua finis petitur opti-  
 „mus, qualis utique foret Castellæ se-  
 „curitas, amissi regni recuperatio, aut  
 „extinctio, iusta in rebelles animad-  
 „versio. At, inquires, post hæc diru-  
 „ta oppida, civitates everas, pecu-  
 „des, homines fame, vel igne peremp-  
 „tos lacera omnia, & cruenta, ac si-  
 „mul torrida flammis, post totum  
 „regnum exterminatum, & cadaveris  
 „facie projectum, ubi deinde Rex erit  
 „nisi in ruinas, & cineres regnaturus.  
 „His porrò subicio, posse aliquando  
 „Regem vincere Lusitaniam, at Lu-  
 „sitano animos minimè posse, posse  
 „quandoque aridum regni solum, are-  
 „nas, solitudines, saxa, & spatia ina-  
 „nia camporum, sed nunquam revera  
 „posse Lusitanos animos possidere;  
 „tanta hæret in illis durities, ac pecto-  
 „ris obstinatio, tanta in Castellæ im-  
 „perium, ac mores invidia, atque  
 „animi detestatio. Hanc pertinaciæ  
 „cortem ubi sæpiùs impacta ac rejecta  
 „Castellensium hucusque arma refra-  
 „cta sunt, ut hæc ipsa rescinderent,  
 „ingenium intendi bellique rationem  
 „mutari necesse est. Congenitum pro-  
 „pè genti nunquam extinguitur o-  
 „dium,

„ dium, nisi ipsa prorsus extincta gen-  
 „ te, talique obfirmatos homines odio  
 „ tam vincere, quàm imperare victis  
 „ difficile est. Ideò semper mihi dis-  
 „ plicuit illa Philippi secundi sive in-  
 „ consulta modestia, sive timidi nimis  
 „ propositi ratio, qua per Christopho-  
 „ rum Moram composita quasi pace  
 „ cum Lusitano per largitiones, cumu-  
 „ lataque beneficia leniendo ipse ani-  
 „ mos captandòque ferè per escam,  
 „ quàm severè, atque rigidè invadere in  
 „ regnum maluit, ex eo tēpore jam tur-  
 „ bulentis humoribus turgidū, subactò-  
 „ que paulò post regno nec chirurgia,  
 „ nec dieta, ut dicitur usus evacuare re-  
 „ pletos, aut causā expellere morbi stu-  
 „ duit. Illa importuna pietas, illa inepta  
 „ Philippi clementia, quæ alias post alias  
 „ subinde affecto corpori corruptelas  
 „ ingenuit, hanc nobis extremam il-  
 „ lorum peperit contumaciam, cui nisi  
 „ ferro, atque flamma in præsentī me-  
 „ deri libeat, in hac perpetua ignomi-  
 „ nia cum Lusitano bello in hoc gravi,  
 „ æternòque periculo volutabimur. Po-  
 „ stemò regnum attritum, conculca-  
 „ tum, adustum, incolis propè vacuum  
 „ est aliquando fortassè Rex Catholi-  
 „ cus habiturus, plenum, & integrum  
 „ semper deploraturus; utilius est au-  
 „ tem nobis nullam esse Lusitaniam,  
 „ quàm esse nobis inimicam, propin-  
 „ quam, & primo quoque tempore ul-  
 „ tricem, & gravem, cum occasio de-  
 „ derit, affuturam.

Hæc in Status Senatu Marchio Ca-  
 razenæ differuit. Omnium ea tamen  
 ferè consensu ut militaris, ac præservidi  
 nimis ingenii, civilisque egentis tempe-  
 ramento, statim expuncta sententia est.  
 Obstabat illi præterea insita Regi cle-  
 mentia, diùque in Hispania receptus  
 belli gerendi usus. Est enim adeò in-  
 concussum, ac stabile Hispanis per  
 majorum tradita exempla, & signata  
 quasi vestigia res tum civiles, tum bel-

licas temperare, ut in negotiis excu-  
 tiendis hæreat, ac pendeat ibi delibe-  
 ratio, cum non præluceat exemplum;  
 fallit hoc tamen persæpè institutum,  
 cum novis rebus, insolitisque peri-  
 culis per novas artes, ac nova rerum  
 commenta, ubi usitata non suppetunt,  
 ire obviam necesse sit, præsertim cum  
 genus humanum ad maiorem quoti-  
 die solertiam, atque malitiam exacua-  
 tur. Decretum est igitur in Senatu,  
 quod ratum subinde Rex fecit, pro Lu-  
 sitano gerendo bello nihil barbari, aut  
 novi, aut præter Hispanorum firmatum  
 armorum usum induceretur. Velle Re-  
 gem, cum posset, amore terroribus mi-  
 sto lapsos errore clientes ad officium re-  
 ducere.

Dum hæc geruntur in aula Catho-  
 lica, Comes Marfinus, qui interim  
 Badacocii militibus præsidebat, ho-  
 stem, audito, cum equitum turmis  
 agros, pagòsque latè depopulari, in-  
 gentemque illinc abducere pecorum  
 prædam, & obvios homines interfice-  
 re, iussit extemplò Didacum Corream  
 equitatus Gubernatorem, quingentis  
 equitibus sumptis, obviam procedere  
 Lusitano, hisque rusticorum cades ul-  
 cisci, & prædarum impetum inhibere.  
 Correa tunc oblatum adire discrimen,  
 Ducique parere minimè recusavit, pau-  
 citatem tantummodò militum in rem  
 asperam sibi commissam tantummodò  
 animadvertens monuit Marfinum. Ve-  
 risimile quidem esse non negliger, aut  
 sine robore, & casu, sed magnis  
 cum copiis eò usque infestum progre-  
 di Lusitanum in terram hostilem au-  
 sum, pugnae ideò impares ineunda sibi  
 ipsi videri eas destinatas equitum tur-  
 mas, posse & majores cogi brevi-  
 ter vires, quæ pugnaturis equitibus  
 nervos, agrisque omninò securitatem  
 præstarent. His subiratus Marfinus,  
 quæ virtus, inquit, qui militum nu-  
 merus sit non in stativis, sed patenti  
 campo



campo discerni, nec victoriam ad calculos dari. Tunc ea improvisa responsione percussus adjecit Didacus, quod ad se pertinebat se confestim declaraturum nec sibi, nec militibus in provocato quoque periculo defuisse. Cetera ad aurium magis oblectamenta, quàm dexteræ vim, rerumque provisionem effundi. Ita equites statim ad hostium occursum movit. Lusitanus cum equitibus plusquam mille cæde, & rapinis implicitus vicos, agròsque pervolitabat, tum verò cum illo numero diminutum præliòque paratum accedere Castellensem aspiceret, velociter dividit, quos secum habebat, equites, partim inter arbores, & virgulta latentes subsistere, partim libero campo incurrere in hostem jussos; insidiæ numerum augent, duplicatur fiducia hosti. Inter hæc propius, ac lento gradu Castellensis appulsus, postquam videt fermè æquatam utrinque militum numerum, missa formidine, alacrius in Lusitanum impellitur. Primò impetu quasi perruperat aciem, ac trepidam loco moverat; alis subinde distentis, circuire, & concludere cæperat hostes, atque in latera cedere. Hæc molientes repentè ab insidiis emerſi equites Lusitani, & à tergo, & à latere circumfusi Castellenses aggrediuntur; rei imprudentia deprehensis in medio terrorem, pernicies asperitas auget. Lusitani, qui in acie primò percussi, implicatque pedem referre cæperant, jam equis immisſis, atque ordinibus restitutis animosius simul instant, & urgent. Sic Castellenses undique circumventi sternuntur ampliori tunc hostium numero, fraude, iniquo planè certamine oppressi. Igitur paucis exceptis, quos fortè superstites fuga distraxit, reliqui capti vel interfecti sunt, captusque egregiè dimicans est Ferdinandus Avalus Marſini Comitæ custodiæ corporis Dux, cæsus etiam Alexander Mo-

dera, aliique insignes equitum Duces. Didacus Correa cum cladis hujus reliquiis Badacocium effugit, minùs fortasse, quàm secus debebat eo infelici successu tristis, quòd vera ab initio Duci vaticinatus nimia fiducia, aut insolentia ejus offenderat. Nihil hac tamen Comes Marſinus clade improvisa perterritus cum promptus consilio, atque acer animo esset, cadentemque Præfecturam armorum, quam paulò post erat Marchioni Carazenam cessurus, averet aliquo factò memorabilem ponere, avidius idcirco certaminis causas quærebat. Cum omnia igitur circumspiceret, comperit tandem Valentiam anno præterito captam contemptim per id tempus ab hoste, ac planè segniter custodiri, spemque ex eo fore, improvſo ut impetu rueret, si citius, ac diligentius, ut oportebat, impressio in oppidum fieret. Urgebant hoc facinus apud Castellæ Ducem quidam municipes exules, Valentia, ut suspecti novisque studentes rebus à Lusitanis exacti, addebantque propterea hoc intus etiam secum sentire plerosque oppidanos genere, & animo ad Regem propensos, eosdémque ubi signa Castellæ vidissent internas externis adnectere copias, & vires non minùs paratos, quàm animatos esse. Vitio insuper exultantium, qui patriæ sibi reddito amore sæpè ipsi fallentes, aut sua cupidine falsi majora promittunt, fraude, vel errore judicii vera falsis admista, ut ejus animum inclinarent, Valentini apud Ducem efficacius intenderant. Itaque Comes Marſinus Alexandro Farnesio negotium dat, ut clanculum copiis, aliisque instrumentis, quæ ad rem usui forent, assumptis, cum nox accessisset, Valentiam pergeret interceptum; secreta monita dantur; exules prosequuntur. Alexander alacriter jussa Ducis exequitur, & Badacocio procul, ne efflueret fortè suspicio,

eio, milite, ac rebus omnibus comparatis Valentiam contendit. Adhuc noctis, at in lucem vergentis obscuritas milites adumbrabat cum jam sociis à Duce detecto consilio magnæ spei pleni propè Valentiam appellunt. Rem tamen militibus aggressuris durior tunc ipsa tractatu, exitu mox luctuosior, quam mente primo conceperant, aut ore jactaverant, in limine visa est; non enim promissa, aut indicia planè constabant, quibus auctis, extorres ad expeditionem Ducem impulerant; nam fluvius qui adjacet oppido, tunc insolenter inflatus erat, trajectuque difficilis; scalæ angustæ, atque breves promurorum mensura compertæ sunt; nulum proditiōis occultæ signum, ut intererat fides, ex oppido prodebat; caligo præterea noctis cum matutina confusa luce jam albescere cæperat, stationesque subinde excitari, armarique levi, quocumque emissio strepitu poterant; arx denique infestior appropinquantibus impendebat, nec belli seposito furto, palam quidquam audere, aut agere in hostem cum eo exiguo militum numero, ac tumultuaria prope modum manu nisi temeritas sustulisset. In hoc rerum statu Alexander, & si clarius res erat, quam, quæ in dubium vocari posset, ut tamen externus, invidiæque morsibus opportunior, eam seriò agitatam inter veteres Duces voluit. Vocato concilio, Emanuel Carafa, qui fama, & virtute inter cæteros eminebat, quique facilius audacia posse, quam animi inopia labi in opinione, atque ore militum erat, id facinoris ut temerarium, abruptum, exulum fraude promotum, totque exitio commilitonum, si forsitan tentaretur, fœdum exitum habiturum, aut inanis incæpti dedecus reprehendenti, quam dissuadenti similior explodit. Huic Hispani, Italique cæteri Duces assentiuntur. Alexander subla-

tis copiis re vacua discedit. Comes tandem Marfinus hac ultima spe devolutus, nec ullo virtutis, aut laudis pro strenui, ac veteris fama Ducis in Lusitania relicto vestigio paulò post Mantuam Carpetanorum, inde Belgium repetiit.

Marchio quippè Carazenæ huic, sicut diximus, subeundæ post Austriacum provinciæ à Rege Catholico designatus jam ab aula Badacocium pervenerat, ibique præcepto Regis Didacum Cavallerum supremum Castrorum Præfectum, Didacum verò Coream magistrum equitum dixerat. Versus deinde ad belli res componendas à Badacocio ultra Anam flumen perrexit è regione Campomajoris Xevoræ juxta rivum, quod aquis, solique deliciis afflueret consitus passim arboribus locus, ut in arida terra petebat æstivi temporis ardor. Hic inito militum numero peditum duodecim circiter millia, sex equitum millia supra quingentos à Duce reperta sunt, ibique exercitus constitit, donec commeatus, belli tormenta, ac reliquæ sarcinæ militares comportarentur. Tandem rebus ex sententia paratis, atque compositis primores Ducum sepositos Marchio in hunc prope modum alloquitur. Multa à se tot per annos summo labore, atque industria militiæ decora, ornamenta collecta, in hoc Lusitano suscepto bello fustigata, interitura simul, ac dehonestamento proxima cernere; non enim satis pro pugna militis nosse, non satis pro milite commeatus, nec pecuniam etiam, nec arma, nec cætera belli instrumenta sufficere, quæ abundè paulò sibi ante fuerant coram Rege pollicita, & quæ in Insubria, atque Belgio, & ubique propè terrarum tutior, ac vetus belandi mos stabilierat. Classẽ præterea tantopere necessariam ad regnum



„ num maritimum subigendum, cùm  
 „ in ancoris expedita jamdudum sibi  
 „ promissa fuisset, scire profectò ad-  
 „ huc imparatam, neglectam, incul-  
 „ tam jam otio, sitùque marcescere  
 „ Gadibus, quò planè terra satis Lusi-  
 „ tanus haberet, unde has exiguas sper-  
 „ neret copias, & mare totum unde sub-  
 „ sidia, & alimenta reciperet, in pote-  
 „ stare. His considerationibus addi,  
 „ Lusitanos quoq; natura superbos, ani-  
 „ mo audaces, totque adeptis victoriis  
 „ tumidos, ac toties Castellensiu cruo-  
 „ rè perfusos, nunc ferociùs instare, ac  
 „ fortioribus nervis, ac Regionum præ-  
 „ fertim, ex longo intervallo com-  
 „ perta socordia subnixos. Postremò  
 „ alia se in Status Senatu dedisse cõsilia,  
 „ alia hîc exequi cogi, ne suis quidem  
 „ ad ea complenda adjumentis ab illo-  
 „ rum auctoribus roborata. Ita igitur  
 „ jam omnia casibus esse, fortunæque  
 „ projecta ludibrio, quæ cùm adhuc  
 „ irata; atque infesta per multiplices  
 „ clades experta, atque perspecta Ca-  
 „ stellensibus fuerit, illi insuper mol-  
 „ liendæ non lenocinia, non artes, quæ  
 „ sudor, constantia, ac sedulitas sunt,  
 „ sed quædam potiùs irritamenta, &  
 „ quasi irarum novarum aculeos hac  
 „ rerum in bello gerendarum incuria,  
 „ vel fatali quadam torpedine subjici.  
 „ Cæterùm fas cùm non ampliùs, nec  
 „ locus sit jam inchoatam expeditio-  
 „ nem retrahere, aut distorta con-  
 „ silia flectere, ipsi Duces viderent,  
 „ decernerentque quodnam facinus  
 „ videretur hoc tempore, his copiis,  
 „ hisce viribus dignum, quando non  
 „ satis adesse sibi virium agnoscat ad  
 „ ruinam eluctandam, atque ex ani-  
 „ mo ducere nervos oporteat, nisi fa-  
 „ to sibi quoque statutum sit com-  
 „ muni belli hujus invidia, atque pu-  
 „ blico odio cum similibus sibi Duci-  
 „ bus conflagrare. Rogatis posthæc  
 „ sententiis, quidam Valentiam Alcan-

taræ nonnulli Estremotium, alii Villa-  
 vitiosam hoc exercitu aggrediendam  
 existimabant. Has sententias excutit  
 Marchio, & Valentiam primò rejiciens  
 ut nimis facilem, Estremotium, ut  
 expugnatu difficile, Villavitosam ut  
 mediam amplexus est, ita modò sen-  
 tentiam temperans, ne esset nimis  
 fiducia, cujus causa tunc non exta-  
 ret, néve metu, quem recondere de-  
 buisset, apud milites dejici videretur;  
 eoque dirigere statim iter exercitum  
 jussit. Igitur obviis cursim vastatis,  
 ustisque hostilibus agris, tandem ad  
 Villavitosam Castellensium acies per-  
 venit. Sedes hoc oppidum est, ve-  
 túsque ditio antiquorum Bregantiæ  
 Ducum, Villavitiosa disertè dicta pro-  
 pter cæli temperiem, ubertatem agro-  
 rum, nemorum pulchritudinem cæ-  
 terámque insignis, mollisque cultus  
 amœnitatem etiam artificio accersitam;  
 nam nimix deliciarum illecebræ aut  
 vitiosæ natura sunt, aut vitiorum in-  
 citamenta. Sedet oppidum in edito  
 colle situm triplicique forma constru-  
 ctum, prima pars in suburbia quasi  
 distenta cœnobita continet, officinas,  
 plurimas domos, ipsasque Bregantii  
 magnificas ædes. Huic pervetustis  
 mœnibus cinctum necitur oppidum,  
 rarisque id incolis habitatum. Desu-  
 per eminent arx, eaque satis pro tem-  
 pore instructa, cùm interiores meatus  
 haberet, & fossam, & sublunare mu-  
 nimen, & vallum. Erat tunc oppidi  
 Gubernator Christophorus Brittus ab  
 aliis adjutus Ducibus veteranis, ac præ-  
 ter aptos pugnx municipales, qui pluri-  
 mi erant, propè mille militibus ad  
 oppidi defensionem impositis. Brit-  
 tus verò postquam eò infestum ten-  
 dere hostem agnovit, tria primùm  
 idonea extra oppidi mœnia loca po-  
 sita munit, amplissimam scilicet Bre-  
 gantii domum arcis in speciem ædi-  
 ficatam, propugnaculum Divi Bene-

dicti, & portam Nò, sic vulgari nuncupatam vocabulo, experiri ita ratus initio meliùs virtutem hostis, ac si per vim licuisset, in parvo negotio minuere fiduciam, vel ita vires, & animos hebetare, ut debiliior, ac fractior mox impetus ejus interiùs admoveretur. Porro decem, & octo sclopetariorum Castellenses progressæ partitæque cohortes, tria, sicut diximus, illa extra oppidi sita muros, quæ à Lusitanis infessa, ac strenuè loca munita fuerant eodem tēpore cum clamore, atq; impetu adoriuntur. Atrox, quia primus, recentisq; vis, animique, ac ferè tumultuarius erat ille conatus hostium, ac tripartitò conflictus sit, persistitque assiduus, concitatusque utrinque pugnandi ardor, ac ferè æqualis illata cades à meridie ad primas usque tenebras noctis, strenuè non minùs ab his oppugnato, quàm à Lusitanis retento loco. Nocte ineunte cùm secum volveret Brittus, ea pro terrore, ac munimine opposita loca hosti nimis longinqua, cruenta, subsidiis incisa videri, ac si ulterius instaret hostis quamprimùm suorum militum cladibus collapsura, prætereà si à præliorum initiis desumitur omen, bene inde auspicatum; si comparatio virtutis, nihil eousque accidisse, cur ipse diffideret; si spes, & alacritas animi satisfactum omninò esse, eadem idcirco nocte inde repente milites revocavit, desertisque quæ extra oppidum erant, munimentis, atque inutili multitudine, simul omnium fortunis prædæ, ac libidini expositis hostium intra mûrorum ambitum defensionem intendit. Ubi illuxit milites Castellenses Roderico Moxica Duce, adjacentes oppido ædes ingrediuntur, nullòque obsistente, cùm miles, & arma contracta in oppidum essent, nec ulla mœnia, aut obices essent, quæ inhiherent impetum hostium, ea ibi luxuriæ, avaritiæ, crudelitatis exempla nefariè congesta sunt, quæ militaris furor, atque impunè aliquando

irritata cupiditas edere solent; non pueris, non senibus, non pudicitæ virginum parcitur; Sacra alia polluta, alia rapta, alia fracta, alia in cinerem versa, cùm ex alia in aliam domum applicitus ignis etiam templa, ac cœnobيا corripere, cremaretque undecunque insultare, prædari milites cedere, latrocinii, ac sanguinis avidi circuire; tum & irrita fuga erat, cùm strata omnia, aut obsessa teneret hostis. Has inter ruinas incendii, & cæcorum hominum strages, omnisque militaris effrænata nimium licentiæ, viri quidam religiosi, qui furentium fortè minis, & flammis elapsi Carazenæ Marchionem convenerant, immanem illam militum feritatem, & sacrorum ludibria, & inter ipsa cœnobia defloratas esse Virgines conqueruntur. Si belli jure liceret etiam in Numen insurgere, vi quoque ipsum ineluctabili ulturum injurias suas. Ad quos, non esse cur mirarentur, respondit, ex diversarum gentium barbarie, atque vitiis conflata illius exercitus fœcem esse, utcumque tamen se curaturum, ut sacrilegiis, ac cædibus milites temperarent. Caterùm seu primo, ut solet, impetu excusso, seu Ducis imperio, seu scelerum satietate à cruore, & rapinis deinde cessatum est.

Exteriori sic oppidi tractu in potestatem accepto intensior statim in idem oppidum Castellensium conatus incubuit. Tormentariæ itaque sedes erectæ, suffossi cuniculi, obsidionales accessus ducti, viæ, tramites, colles, loca omnia prærepta sunt, quæ procul, ac propè infestare, ac premere possent oppidum. Hæc verò, quæ ad longiorē obsidionem comparabantur cùm in primis Castellæ Duci rei celeritas cordi esset, vis quoq; impetusque in oppidum applicandi propiora pericula non laxabant; nam pyroclastro majori oppidi portæ cōstanter affixo, eam nirebatur subvertere hostes, scalis



lis deinde muris appositis illam muro-  
rum ascendere partem, ubi plus præ-  
liantium exarserat impetus, contende-  
bant. Confluunt tunc undique Lusi-  
tani, circa portam dum acrius, & circa  
mœnia periculum erat, ollas incensas,  
granata, atque alia ignea artificia cer-  
tatim ex mœnibus jaciunt; nunc sclo-  
pis, nunc longioribus hastis, qui por-  
tam obsederant, aut muros subibant ad  
deturbandos hostes utuntur. Sic tan-  
dem vim Castellensium eludunt, & fru-  
stra igneo instrumento portam, scalis  
mœnia petentes expellunt. Cùm hic  
primus, & propior in irritum impetus  
cecidisset, Dux Castellensis, subductis  
copiis, productos ad oppidi mœnia cu-  
niculos tunc conflagrare, atque erum-  
pere jussit, sed cùm solum ineptum  
esset, retrorsum ignis effusus hostibus  
multò minùs quàm Castellensibus noc-  
cuit. Inter hæc cùm assiduus concussa  
tormentorum ictibus mœnia, & lacera-  
passim munimenta fatiscerent, ingen-  
tisque ruinarum cumulos tollerent, per  
eas Marchio ruinas, labesque murorum  
milites jubet impressionem in oppidum  
facere. Itali primi jussu Ducis irru-  
punt. Hos Lusitani pari quidem fero-  
cia animi, conatùque recipiunt; sæva  
ibi, & feralis conferitur pugna. Etenim  
Lusitani pars mœnium summa pars per  
ruinarum fragmenta sparsi, ruinarum  
alii extrema tenentes confertis cuneis,  
nudato corpore intrepidi hostilem im-  
petum propulsabant, nec vulnera, aut  
cædes, aut æstus, sive profluens utrin-  
que sanguis his ferociter intendendi,  
illis acriter vim retundendi impedi-  
mento erat. At Itali quanquam illis  
virtute, atque animo pares, discipli-  
na tamen, ac numero prævalebant,  
rejectumque persæpè hostem, & mox  
audaciter redeuntem, impulsusque re-  
ciprocantem fregissent tandem, rui-  
nasque transgressi se mœnibus applica-  
sent, nisi eodem momento temporis

scalæ temerè defecissent, primis nãm-  
que fractis ab hostibus scalis, atque  
combustis, etsi alia tunc celeriter pa-  
rabantur, lapso temporis puncto jam  
inutiles erant. Hoc itaque omisso prop-  
ter militum lassitudinem, & rerum ino-  
piam certamine, id tantum per sum-  
mum laborem obtinuit Italus, quod  
propiùs jam fessa mœnia gradum, se-  
démque eo experimento posuit. Cùm  
inter mœnium ruinas, & armorum, &  
hominum clades sic propè oppidum  
certaretur, haud minori quidem ardo-  
re impetùque quia bellatoribus abun-  
dabat, ejusdem oppidi arcem ab alia  
parte Castellensis premebat. Novum  
enim ipse ibi excitaverat aggerem, cre-  
brisque inde incursis arcis in orbem  
jacta superare munimina contendebat.  
Semel ea tamen, quàm aliàs atrocius  
pugna recrudit, dum præsens Cara-  
zenæ ipse Marchio adhortando, ob-  
secrando, impellendo, strenuè ipse pu-  
gnando milites accendebat, eoque imi-  
tatione, periculo Ducis instinctus va-  
lidior accurrerat Castellensis militiæ  
nervus. Eminùs, cominùsque confi-  
ctabatur, cùm imas alii munitiones in-  
ferius, alii arcis superius defenderent  
pinnas, resque propterea sclopis, gra-  
natis ignitis, lapidibus, hastis alacri-  
ter gereretur, utrinque sæpè cadenti-  
bus multis ferro, aut ignibus haustis,  
quemadmodum varia, implicatæque  
pugna erat. Jamque flaccescere tan-  
dem, animoque ac viribus labi cæpe-  
rant Lusitani, ac timidè pedem referre,  
acriùs eo tempore instantium cum vi,  
tum hostium multitudine circumfusi,  
ac propemodum obruti. Videt hoc  
Brittus, cohortatusque quos in latere  
habebat tribunos, ac reliquos Duces,  
simulque progressus occupat ipse pri-  
mam certaminis frontem, ibi profectò  
cum ceteris Ducibus periturus nisi for-  
midinem pudor ejus militibus abstu-  
lisset. Quippè tunc majorum exem-

plo Ducum impulsi vires, & animos colligunt Lusitani, promovent gradum, regressi certamen instaurant, quique jam fluere, ac cedere cæperant vehementius inveci clamore, strepitu, armorum, & corporum nisu ipsos repente cogunt retrocedere Castellenses, crescit adversa nunc inclinata conspecta acie Lusitanis fiducia; lacertos fiducia corroborat; impetus incalcescit. Tunc amplius obsistere hosti; jam Marchio Carazenæ diffusus cani statim receptui iussit; revocat etiam à prælio suos milites Lusitanus, cum impetum illum injecta velut hostibus rabie insuperabilem Marchio crediderit, & lucro duxerit Britus, quod circumacti certaminis vices æquare ad ultimum potuisset. Jacuit immensa propemodum strages, ac Lusitano cruentior, cum eorum optimus quisque dum inclinatam reddere pugnam pro viribus studuit cæsus, aut vulneratus eo ancipiti prælio fuerit, inter quos Britus oppidi, arcisque Præses tribus vulneribus ictus. Emanuel Lorcatius Pintus facie granato concisa, ac fœdius ambusta recessit, reliqui Duces graviter faucii se se in munimenta recipiunt; micuius deinde producta in arcem, & oppidum est oppugnat o ob tantum sudoris, tantumque sanguinis latè fufum his militaribus flammis aliquantulum imminutis; nihil tamen minùs nec impeti à longe arx per belli displosa tormenta, nec quasi mœnia destiterant, invigilante quoque supremo Duce, ut ea quæ sita militibus quies, ac certaminis intervalla in graviolem hostium perniciem, ac pestem relaberentur. Sub hæc nunciatur exercitum Lusitanum jam Estremotio digressum ad ferendam obsessis opem iter instituisse. Percussus hoc nuncio Carazenenfis, & maximè anxius cum duplici cura, & labore simul arcis,

simul oppidi potiundi distractas eo tempore vires haberet, relicta denique arce, ac tempori reservata, omnes tunc belli conatus, astusque in Villavitosam convertit, si prius extricare se fortè posset ab hujus oppidi obsidio, quàm cum hostibus signa conferret, quandoquidem arx asperioris, longiorisque negotii res videretur. Copias igitur omnes è suis stationibus accersitas tripartito Marchio distribuit ad oppidum undique constringendum, multos etiam congeri iussit virentium viminum fasces, qui missa ignea desuper artificia deluderent; mœnia quoque cum opus esset, occupaturis multitudo scalarum parata erat; sparsique passim fractorum murorum acervi, & plures hiantes in mœnibus labes externo partim impulsu, partim coherentium murorum ruinis impressæ multos accessus invadentibus aperuerant. Ea porro triplex invecia, pars in murorum ruinas, Itali omnes erant, urgebat acies, pars sed numero minor in militari arcis sepe, staccatam milites vocant, hærebat, & circumfessam in otio tenebat arcem, ut inde interruptus, qui in ejus præsidio erat, nequaquam posset, cum vellet, egredi, ac municipes adjuvare; reliqui sæpè, & nequicquam intentam majorem oppidi portam evellere, aut scindere summa ope connitebantur. Dum ita singula obire injunctum à Duce opus militum agmina student, Lusitani adeò acerba, ac multiplici pugna disjuncti, variæque in partes quæ eodem tempore laborabant, abstracti, enervatique cum neque numero pares essent, quod unus contra multos pugnaret hostes, neque viribus etiam, quod non essent ob paucitatem, qui succederent fessis, aut morientium vices exciperent, nec denique loco, quod quassata verberibus mœnia vel lubrica pedes fallerent, vel diruta, aut scissa  
superstans



superstantes opprimerent, tunc animi ardore magis, & impetu, quàm suis se viribus sustentabant. Truciùs tamen qua Itali parte vim intendebant, certamen incaluit; nam ruinas penè trajecerant, & muris scalas admovebant, altiusque corporibus assurgentes jaculis, hastis, incendiisq; multiplici peste repulsi transversis plerique veltigiis præcipientes ibant, pauci qui mœnium summa tetigerant, aut à fociis ibi relictis interibant, aut se saltibus solo reddebant. Cùm igitur scalæ passim, & homines simul evolverentur, atque iniquior succederet Italî, ut enudato supernis ictibus corpore, pugna, cùmque lapsos cæcissq; tamen recentes Itali exciperent, urgerentque illucque ut in majus totius conflictus discrimen, & ultimam oppidi spem tota fermè vis propugnantium, pugnantiùmque conversa esset; tunc Emanuel Carafa eò circumductam cohortem Italicam movit, ubi minori metu periculi minùs erant providi Lusitani, & quia alibi res ardebat majori cum hominum copia, nec ea Lusitanis pro locis omnibus suppetebat, ibi ad custodiam pauci restiterant. Eò itaque assultim Itali properantes obvios, & raros in loco Lusitanos expellunt, subinde alii, atque alii turmatim accurrunt murosque repentè scandunt; qui verò ab altera muri parte subeuntibus adhuc scalas obstitierant Lusitani, cùm circa se plenas nunc hostium ruinas, fractos aggeres, muros discissos, vim, numerum hostium, confidentiam, audaciam super murorum, & stragem corporum insultantium viderent, ex altera parte captum jam murum, seque aversos, adversosque à Castellensibus premi, oppido statim relicto, nec paucis intra fugam exceptis ad arcem confugiunt. Eo quoque tempore cum accitas res hostium aspiceret, contra militarem arcis sepem pugna-

bat agmen alterum Castellensium, nec illam adhuc perrumpere ferro, aut ignium jactu cremare potuerat, Italici tandem fufis, fugatisq; ab oppido Lusitanis se se præliantibus addunt, accedit tumultus, & fuga eorum, qui gladiis elapsi arcis suffugium petebat; inter tumultum, & pugnam capitur sepes. Ira Lusitani reliqua cura, præsidium, tutelæ spes cùm in arcis duntaxat circumscripta limitibus esset, cùmque etiam puteo, quem omninò putabat Marchio aquam intus sufficere obsessis, jam idem potitus esset, tubicinem misit, qui de opportuna arcis obsidione moneret Britum Governatorem; nocere tempus, pestiferas esse moras, si occasio merendæ clementiæ præterfluxisset, victorem subinde inexorabilem fore. Tum Britus, ne de illo expugnato facilè oppido, tubicini retulit, Carazenensis immodicè lætaretur, quod præ murorum fragilitate, temporumque ruinis, multò asperius, quàm opus fuisset, negotium illi curamque facesserat. Stare adhuc integram arcem, ibique etiam puriori stagnantem aqua inclusam cisternam esse. Ita elusus Carazenensis, ideòque in arcis oppugnationem sollicitius intentus, occupatusque sublimis in vertice templi, cui titulus erat Immaculatæ Conceptionis, adversus arcem tormentariam sedem extolli jussit. Erat etiam in ipso templo insignis quædam, ac vetus Deiparæ imago, quam, memorant Lusitani, esse principem in Hispania illibatæ Conceptionis memoriæ, claròque nomini consecratam. Hanc ab initio Britus obsidionis ne inter armorum confusionem, militumque licentiam, ac libertatem irreverentiæ, barbarivæ contemptus aliquid pateretur ex templo in arcem transferri curaverat; nunc verò cùm ab ejusdem Virginis templo per hostem arx, atque miles præfidiarius crebris

istibus peteretur; sacram Deo sedem eo armorum ministerio pollutam, ac profanatam improbens hosti, pacisque sacrarium in tartaream belli officinam conversam esse, severè præcepit, ne quis tormentum, aut sclopum, aut aliquid missile in templum jaceret, suam ipsi sedem, suum ipsi cultum Virgini curæ fore, eoque sacrilego scelere inflatam Virginis iram contra illos vertendam esse, in quibus non pudor, non verecundia, non jus erga homines, nec religio, nec pietas erga cœlicolas insanæ, ac libidini frænos injecerat. Narrant insuper Lusitani cum per majora tormenta belli ex templo in arcem fulminantibus hostibus sacra ipsa imago solemni, ac pio comitatu intra arcis muros circumferretur, cumque obvia incedentium, & modulantium mista laudibus carmina multitudo objecta gregatim funeribus esset, tunc mortales quamplures emissos è templi vertice globos irritos cecidisse, sacram pompam, qui sequebantur intactis omnibus circumductam.

Dum ita urgetur à Castellenis arx, Cantagnedæ Comes Lusitani exercitus Dux, cum certiolem facere vellet Britum, magnis se copiis instructum in arcis auxilium quamprimùm esse venturum, diffideretque inter milites invenire, qui circumplexam, ac restrictam omninò arcem auderet inter pilas, & cuspides penetrare, nec ipse propterea ad certam quasi perniciem cogere quemquam fas esse duceret, jocanti similis inter milites jecit, esset necne in suo exercitu Lusitanus cui adeò valeret animus, ut interritus hostium agmina pertransiret, Britroque intra arcem secreta mandata perferret. Hoc vulgato statim sermone, haud ægrè repertus est, qui id se illicò audere profiteretur, Franciscus nempè Carnerus fortis Centurio. Is itaque binis ejus centuriæ militibus sumptis, equisque

statim conscensis ad arcem hostibus circumfusam, aditusque Castellis, ac mobilibus septos cum sociis alacriter subit; ibi mandata Ducis exponit, ibique duo illi gregarii milites, relicto, ut jussum erat Centurione, per idem obseptum, stratūque ferè mucronibus iter incolumes transeuntes ad Cantagnedæ Comitum redeunt; adeò præcipiti eorum ad arcem accessu, atque recessu, velut miraculo audaciæ defixis, ac propè attonitis hostibus, vixque illi hostes, an socii essent, præ summo stupore dispuccientibus. His rebus ita provisus, cæteros simul coactos primores Ducum consuluit exercitus Dux, an expediret, ferre suppetias ad extremum concussæ arcis, atque ideò conferre cum hostibus arma, eas sine dubio ad ultimum virium impedituris. Latis in orbem sententiis, nemo ex tot simul diversæ licet indolis Ducibus extitit, qui festinatis subsidii, pugnaque, si occasionem offerret hostis, protinùs ineunda refragaretur. Quanquam enim vetus adhuc hærebat Lusitanis insita ratio, effugere semper, dum ita possent, cum hoste conflictum, extrema ni secus vitanda calamitas, ultimūque discrimen posceret, quod in uno commisso prælio totius Lusitanix simul disceptante fortuna, imperii, aut servitutis conditio vertebat, nec tanti prætereà momenti arx illa cum oppido erat, ut irreparabilis ejus ruina, cum denique cecidisset, putanda esset, aut ea mereretur, cum extremo universi regni periculo comparari, ereptum hanc tamen arcem, & oppidum hosti eo consensu, atque animorum ardore tribus de causis concursum est, primò quia semel & iterum Lusitanus cum belli fortuna usus feliciter esset jam tenebras illas excusserat, quas ex Castellæ potentia, cumulisque propè regnorum metus offuderat animis, contemptusque propterea ceperat hostis, deinde quia neque ampliores hucusque



hucusque copias, neque meliorem ad prælium Ducem emiserat; postremò, quia cum Villavitiola cariora inter pignora censeretur hereditaria Bregantia Domus, si eam Castellensis obtinisset, æquè familiaris, ac publica Bregantia Ducis iactura, luctusque, ac populi rumor obverfabatur. Comes itaque Cantagnedæ postquam inferenda citò subsidia, & cum hostibus pugna, per unanimes Duces decreta sunt, militumque subinde clamorem, & plausum pugnae decretæ nomen expressit, Carazenenſi statim denunciavit adventus sui certitudinem, sibi que gratissimum fore iusta quamprimum acie cum tam celebri Duce congredi.

Marchio tum, quamvis tacitè secum tanta iactantia, hostis que superba fiducia repungeretur, & ipse eo tempore quoque parum suis viribus fideret, contemnere tamen fronte coacta, vultusque ad rem ficto provocationem ostentans quasi jocum tubicini illuſit, levitatem esse fiduciam, tumorem animi robor, ac vires in speciem interpretatus. Vocat subinde Duces & utrum, & quomodo esset prælium hostibus interrogat anxius, scilicet an arx obsidione tenenda, an deferenda, an potiùs divisis copiis pars arcem obsideat, pars subsidia accessura coërceat. Non erant talia profectò ibi militum nervus, & copia, quæ satis in illo discrimine forent simul premendæ arci, simul divisim obviam eundo hosti, nec erant prætereà circumjacti valli circuitus, aut propugnacula obversa, quibus protectus insidens miles se se, arcis obsidionem, ac munimina sustentaret; idcirco plurimi sentiebant, viam atque transitum, qua ad arcis suppetias fuisset hostilis exercitus perrecturus, præoccupandum militibus esse, sparsi enim hinc erant & inde, qui viam distinguerent, colles; his porro infessis, & communitis

excidium subinde arci, ut præcisæ, orbataque subsidio, & ex edito loco tutela militi pararetur, cum exercitus Lusitanus montibus, & vallibus interclusus nec configere posset ibi, nec faciliè regredi, multoque minùs, ut arci succurreret, progredi. Hujusmodi tamen longa oratione sententiam disjecit Marchio ut mediam arctis que in rebus, & arduis plerumque deteriore. Quippe diutiùs in collium verticibus immorari non patiebatur alimentorum inopia, Lusitanus velut in proprio, ac libero campo commeatibus affluebat. Arx destituta, aut laxata conatibus remanebat, quæ nisi acerrimè premere-tur ob loci situm, defensorum virtutem, & modo subsidii spe proximi auctam segniores profectò quamcumque defensionem labefactasset. Qualis esset igitur hæc sententia, quæ si forsitan probaretur, famis esset interitum Castellensibus, palmam sedentibus Lusitanis, libertatem arci, & oppido collatura? Utilis sanè videri, aut in re ancipiti minùs periculofum per iactam modò certaminis aleam spes omnes ipsos, & curas in sinu fortunæ, quæ esset utrisque communis, & ante exitum semper incerta, deponere, quàm voluntario periculo stultos per detorta, atque abrupta nimis consilia certum se ipsis exitum, ac pestem accelerare. His accedere jussa Regis Consilii Status auctoritate sancita, quæ nullo propè relicto arbitrio supremæ sibi pugnae periculum inculcarent, nec certè si res secus accideret, minùs sibi terroris irata, atque infesta Senatorum suffragia, quàm belli fulmina incutere. His dictis Marchio jam pugna decreta, consilioque dimisso, proximum collem ascendit, loci inde situm contemplaturus, quem tragicam Martis furialibus stimulis scenam paulò post præbiturum esse putabat. Lustrat inde, notatque oculis locum, pergere

tandem hostibus obviam in campum subjectum milites jubet; mille, & quingentos circiter pedites, quibus Canfani Dux Italus, & Joannes Carrera Hispanus cum singulis legionibus præfidebant, in arcis obfessæ custodia relinquit; nam ambitus arcis angustus, & undique circumseptus pro temporaria defensione, cum prælio subsidia tunc arcerentur, nihil ampliùs virium requirere videbatur.

Propè Villavitiösam planities quædam effunditur, quæ vulgò dicitur Montisclari, ex eo cœnobio, atque templo tracto fortassè vocabulo, quod ibidem assurgit, Beatæque virginis à luce populariter nuncupatur. Planum colles per gyrum, & saxorum asperitates oblepiunt, frondenti, amœnòque magna ex parte diffuso tractu, & supra, atque infra hinc vinetis, hinc arboribus interjectis; planities ipsa inæqualis, & variis anfractibus secta est, via omnis quæ tortuosa, quæ recta, multisque tramitibus scissa. Prior in hunc locum Lusitanus ingreditur supra sexdecim millia peditum, sex mille equites omnes pugnæ paratos, & alacres ducens; numero, ac viribus longè minor ad prælium accefferat Castellensis, magnam enim exercitus partem primò confecerat vel infirmaverat, nunc implicabat arcis oblidio. Intellexerat Marchio Carazenenfis, quò magis hostis appropinquaret, eò meliorem ad pugnam præreptum venire locum, quaque ille tunc incedebat, ægrè se posse conflictui expedire, eum propterea antecaptum ire celeriter locum milites iussit latera collium longo agmine pedites, planitiem à læva tenentes equites. Terruit hæc primo quidem aspectu celeritas hostis, atque animi promptitudo Comitum Cantagnedæ, multòque ipsa magis, quia per id tempus aberat peditatus, & cum illo tormenta belli, simul iniquitas loci nimis contrahere,

atque implicare militum ordines adigebat; hostemque jam incursum molestè ferebat ex loci, situsque prærogativa dimicationis initium sumere; in tempore tamen ab ipso Comes Schombergius admonitus tanta celeritate maturare peditem iter, & tormentorum subsequi plaustra curavit ut priusquam certamen inciperet, ab arctioribus locis emerfa jam tota explicata, atque ad prælium instructa Lusitana pateretacies. Porro Marchio Carazenæ sic Castellenses distribuit copias. In duas acies pedites dividit, in quinque alas equites aliam post aliam positas, adeò, ut inde frons minùs porrigeretur, quod terræ defectu accidit; Sinistrum equitum cornu externi milites occupabant plerique Itali, aliquot Galli, plures Germani, inter quos vetera, ac fortia Germanorum agmina stabant, quæ in bello Ungarico contra Turcas longo tempore exercita gubernabat Comes Rebatus, hisque Alexander Farnesius externi equitatus magister præerat. Id autem lateris prorsus nudatum peditibus erat, quòd satis sibi, satisque prælio suo robore equestri firmatum temerè, ut mox exitus docuit, creditum fuerit. In dextero exercitus cornu, quod Didacus Correa magister equitum temperabat cum universo peditatu Castellenses equites hæferant. Aderant ibi Didacus Vera, Rodericus Moxica, ibi Fabritius Rosseus, aliique selecti cum suis legionibus Duces. Tormenta belli in utroque latere sita, nonnulla etiam in vertice collium, qui exercitibus prominebant erecta sunt. Lusitanus verò in hunc modum direxit aciem. Dexterum cornu equites ferè omnes, sinistrum pedites tenuere; quippè asperitas situs, brevibusque quibusdam coarctata limitibus nequaquam sinebat utraque ex parte equitatum extendi, prima tamen equitum frons, cui prior, acriorque excipiendus impetus erat, latius



tiùs porrecta erat, delectisque manibus peditum, qui rari, sparsi que aderant, intermixta, altera exercitus pars solis peditibus constituta in binas erat partita acies peræque plenas, & constipatas, cum abundaret peditibus Lusitanus. Illud præcipue ex disciplina militiæ rectè provisum fuerat, quod per artem ita ordinatus cum equite pedes erat, ut egens alter alterius auxilio succurrere mutuò, & coire, & cum res postulasset disjungi facillè posset. Auxerant quoque exercitus hujus virtutem, & numerum Petrus Jaquius Magallanius Simeon Vasconcellus, Petrus Cæsar Menesius, aliique Duces egregii, qui in longinquis, variisque regionibus regni militiæ partem administrantes, huc modo armorum, ac nobilis pugnæ strepitu impulsæ, desertis fermè præfidiis convenerant. His ita pro pugna compositis; post belli utrinque disposita tormenta Dux Castellensis in primis jubet Alexandrum Farnesium ab lævo cornu in dexterum Lusitanum incurrere, quod tanto vigore, & animi audacia, tantoque impetu cum suis equitibus præstitit Alexander, ut primum agmen hostile eo impetu scissum, ac penè jam profligatum ipse in extremam intruderet aciem. Inde effusis Castellenses instantes, cursimque ordines dissolventes in arrectas peditum hastas, qui idem firmabant latus offendunt: strenuè illi tunc cum se se hactis, & corporibus objecissent cursu, & animi ardore hostium equitibus incitatis, dum equorum, & hominum impetum harum cuspidibus remorantur, spatium dedere focis semetipsos recipiendi, aliisque citò collectis tum peditum, tum equitum turnis acrioribus iterum nervis obviam hostibus prodeundi. Sic repente fortuna voluit, quique antea propè jam vicerant, versa nunc belli vice, trepidant, fluctuant, partim cæduntur, partim effugiunt, partim mox elapsuris, aut perituris in spe-

ciem vires, & animus languet. Ut verò Comes Rebatius suos quoque priorum impulsibus pressos cedere, & fluere, ac propè fugam spectare milites cernit, equo ipse transvectus, & oculis torvus, ac minax Germanos increpitans, Ubi decus, ubi animus, ubi fides, ubi fas disciplinæ milites? inquit, fugientibus ne integram vobis honestatem, & vitam futuram esse censetis? an tutius, & gloriosius fortassè fuerit terga, & cervices, quam ora vel pectus ostendere hosti? an vos honoratiùs eritis perituri, cum perire necesse sit, nisi adversis vulneribus concidatis? Qui in Germania vincendo consenuistis, & plures de Barbaris partas cumulatâque victorias, quam ætatis propè annos enumeratis quo nunc attonitis beneficio, qua improvisa formidine tactis, aut vi fortè, invincibili abreptis ferum vobis hebescit, aut dexteræ torpent adversus rudes hos Lusitanos, imbelles, qui insania, & furore magis quam arte, & consilio, aut fortitudine pugnant? Hic vincere, aut mori vobis, mihi que commilitones expediet, vitamque quam unâ juvenes toties præliando contempsimus jam propè exactam, nec minùs triumphis, quam cursu annorum effatam honesta reddere morte, quam periculosa turpique fuga redimere satius est. Alia ex parte Farnesius orando, increpando sparsos à fuga, trepidosque cogebar milites, statim deinde ordinibus restitutis, & fortius corroboratis majori vehementia, atque impetu in Lusitanum, qui prævalebat, incurritur. Redit utrinque conflictus eò luctuosior, ac pervicacior, quò recolletis, plùsque irritatis per dicta, per facta viribus recalebat. Jam verò ita prævalent Castellenses, ut primo, & altero, ac tertio incurfibus obvio primi lateris agmine impulsos, ac propemodum

dum fracto tunc extremam pervaderent aciem, Germanique præcipuè mediam dextri lateris aciem, quidquid obvium in medio erat sternentes, transgressi converterant arma in Lusitani cornu sinistrum. Improvisò eò rem devolutam ubi videt Dux Lusitanus, illuc subsidia confestim accurrere jubet, advolantque mandato Ducis Comes Scombergius, Comes Sancti Joannis alique principes Duces. Hi tunc artius coherere, cum aliis qui ab ordine effluerant constipare, plus ubi periculi erat, offerre se, turmæ aliæ præterea equestres, aliæ pedestres ex lævo cornu in sinistrum traductæ conveniant. Dux propè acies in unam confluent; magna profectò certaminis moles in Castellenses jam propè fessos incubuit. Ruere porrò cum equis solvere ordines, concidere ferro, aut in fugam averti superiores paulò ante nunc graviter pressæ Castellæ ceperant copix, vario belli negotio eas inter vices, turbasque cruentos colludente fortuna, & nunc propensius in Lusitanos milites inclinante. Tunc intuitus Carazensis jam versam adjectis ab hoste viribus pugnam, suisque fessis, adstrictis, & undique circumfusus subsidio, ne eo impetu, & fluctibus perderentur, opus esse militibus, jussu iterum, atque iterum misit ad Didacum Corream, qui in dextero cornu imparis pugnx spectator astabat, ut subveniret quàm citò Farnesio, aut hostes, ab illo, qui opprimebatur, sinistrum eorum latus aggrediendo distraheret, jam prope duo intentis viribus cornua in unum, ac penè fractum incubuisse, obrui quàm citò posse, nisi citius subventum esset. Non paruit imperio, non Ducis monito Didacus, id sive ignavia, sive perfidia, sive loci difficultate peragere neglexisset; proinde bonis, & planè desertis in laniena militibus hoc tantum pro sua virtute, at-

que animi magnitudine restitit, ne interirent inulti, nève incruentam, nimisque lætam præberent victoribus lauream. Dum enim in illos valde corroboratus Lusitanus invehitur, & majores præsentès contemptis periculis Duces clamore, & exemplo minores confirmant, recénsque succedit agmini agmen adversos jam lassos, conclusos, omnique proflus destitutos auxilio, tandem Itali, Germanique in medio deprehensi, & undique impulsii alii impetu equorum protriti, alii armis dilaniati, efflicti plerique eorum pugnantes occubere, ita proflus Germanorum agmine strato, eorumque Duce Rebario, cum strenuè confugeret, cæso. Hujusce victoriæ pars haud parvo impendio constitit Lusitanis; nam præter vulgaris militis cladem eorum Duces fortissimi ceciderunt, Comesque Scombergius ante prima dimicans signa equo suffosso tandem evasit. Sic lævo Castellensium disjecto cornu, dextrum subinde concurrit. Sed difficilis primò erat se se ultrà inferentibus transitus cum caforum corporum strues, sparsa humi, contractæque arma, passimque diffusus equorum, & hominum cruor impedimento, & horrore equis intercurrentibus esset. Stabant etiam frequentis in speciem silvæ hastatæ cohortes appropinquantes equos infestis cuspidibus excepturæ, quorum aliquos consternerant, alios everterant, ita, ut equitatus instabilis, trepidus sæpè ipse illatus, sæpè relatus pulsusque fuerit, & interdum concursatione potiùs, quàm vi se se hostem provocans circumtulerit, inconcussus, firmoque, ac presso in vestigio hastatorum adhuc agmine permanente; tandem Castellæ equitatus veteranis pedibus fultus eo impetu in hastatos Lusitanos impegit, ut his protinus dissipatis, eodem quo ferebatur impulsu acriorem



acriorem ibi pugnam accenderit ; & Lusitanus quidem eo praelio toties jactatus , ac restitutus illic magnum discrimen adit, illatâque initio vis illa hostium ineluctabilis apparebat ; cùm Castellenses nunc agiles essent , & viribus integri , Lusitani autem recenti quo omnes propè concurrerant praelio , astûque fluentes , lassique , nec pedites quoque tunc Castellensibus deerant firmandis equitibus interpositi , quorum paulò ante defectus cornu sinistrum affligerat. Postquam ergo Cantagnedæ Comes Dux Lusitanus eo hostium conatu impetûque propè jam ordines solvi, simul fluctuantem, & vagam conspexit aciem, atque in illam ita perculsam enixiùs urgere hostes cum iis, qui ejusdem custodiæ erant, equitibus prætervectus, & simul Ducis, simul gregarii ibi militis partes admiscens præliando, adhortando animare, ac laborantes erigere milites satagebat ; monentique eundem Centurioni, non esse illum, quem tunc occupabat, Ducis supremi locum, respondit ; extrema quæque pericula rerum ordinem vertere, quodque in alea subjecta fors statuisset, ad se maximè pertinere. Hæc summi Ducis audacia, atque animi promptitudo temerè se in ardorem certaminis, & confertas manus militum invehentis, cùm omnium in se oculos convertisset, tum demum jacentem Lusitanam virtutem sustulit, & corporibus vires, & stimulos addere animis visa est. Porro inclinata primùm fortuna, nunc æquabilis, justa peræquè partibus spem, timorémque librabat. Acres acies utrinque erant ; satis utrisque ad vires exacuendas incitamenti, nec remissiùs Castellenses pro gloria, quàm Lusitani pro libertate certabant. Cæterùm duas, quæ jam Lusitanis meliorem certaminis exitum præstituerat, subjecit tandem fortuna res, quibus everfus, & undique afflictus Castellens-

sis omninò jacuit, nimirum Corream equitatus magistrum ab hoste repente captum, transitionémque improvisam ad hostes Helvetiorum ob non soluta, aut nimis dilata, ut dicebatur quoque, stipendia. Proinde quæ perfidia militum enervatum, quæ capite mutilum, cùm praelium ferociùs arderet, se se equestri Castellæ corpore confluence, extemplò turbari ordines, excidere vires, languescere capit acies, & qui paulò ante gradum intulerant, referunt. Instant cedentibus Lusitani, & quia eousque implicata, nec omninò confecta res, imò fortunæ subjecta casibus erat, qui vicerant vetitis tunc Lusitanis ulterius persequi hostes, hi fusi potiùs, quàm planè fugati se se à certamine avertunt. Pulso equitatu, Castellæ supererat pedes, isque prorsus equitibus enudatus, cùmque praelium iniret, deteriori quoque conditione cum pedite pedes subinde occurrit, quòd cænobio Comes Scombergius cum peditibus occupato, illique proxima pariter domo, simul vinetis, quæ circumjacebant, infaestis loco superior, & numero quasi ex propugnaculis decertabat ; præterè sæpè inde sparsim cohortibus jactis, aliàs per latera circumductis à fronte, & à tergo premebat hostes, qui primum impetum frustra in objecta munimenta frangentes, mox repulsi, & faciliùs attriti pectora simul, ac terga defendere cogebantur, vixque ulla effugii spes erat, cum situ, ac multitudine hostis, reique bene gestæ fiducia alacriter insultaret. Septem jam horas incessanter pugnatum erat, labore, cædibus, æstu utrisque denique resolutis, ac lassis, simul cumulis corporum, armorumque militibus transitum, & si ultra furere vellet, intercludentibus, nec ampliùs etiam corporibus vires, nec crudelitati materies suppetere videbatur cùm nihil ampliùs Castellensibus superes-

set, nisi quod victoris impetum subterfugerat, aut cædis fatietas abjece-  
rat. Huic tamen, ac tantæ cladi su-  
perstites Castellenses, qui nec parvo  
quidem numero evaserant, non enim  
à pugna pedites, non equites fugientes  
persequi longius Lusitanus institerat,  
celeri gradu recedere caperant, eoque  
cæteri confluentes, quos latè fuga, ter-  
rorque dispererat, haud contemnend-  
um conflaverant agmen, & nisi hos-  
tium offensionem, vel receptus muni-  
mini suffecturum. Hoc videns Dux  
Lusitanus, & ne stragis quidem reli-  
quias ire sospites passus, imperat Vas-  
concello, Joannique Silvæ Legato equi-  
tum, ut hic cum agminibus equi-  
tum, ille cum cohortibus expeditis ul-  
tra cœnobium flecendo iter elapsos  
quærent hostes, adeptos prælio, aut  
tumultu in via implicitos detinerent,  
donec ipse accessisset cum omnibus  
copiis. Hoc impigrè, ut jusserrat, fa-  
ctum est. Ita porro cursu dum prospe-  
ro Lusitanus premit, excipitque vesti-  
gia hostis, isque in via præpeditus bre-  
via, & fugacia sustinet prælia, ac bre-  
viter concursando laborat progressio-  
nis molestias aut eludere, aut vincere,  
major repenti, itinere inciso, circun-  
fluens vis militum ingruit, quàm Can-  
tagne dæ Comes regebat. Castellenses  
tunc interceptos hinc montes, hinc  
hostes claudunt, bis propè victis lubri-  
ca spes, numerus longè minor, via  
euntibus interclusa. Cùm igitur spes  
nulla pugnando salutis, & fugæ diffi-  
cilis esset, obstinatis ibi animis confi-  
gentes, atque interitum provocantes  
penitus victi, atque prostrati sunt. Ibi  
Emanuël Carafa, & Gaspar Arus Ca-  
strilii Comitæ filius mortaliter victi pau-  
lò post mortem oppetiere, quatuor fe-  
rè promiscuæ nationis peditum millia,  
qui antequam circumventi Castellæ  
pedites forent ab angustiis emerferant,  
nec longè obvium quoddam ceperant

munimentum ibi sese pro loco, ac  
tempore defensuri, post reliqui audi-  
tam circumfessi exercitus cladem hostis  
se tandem arbitrio permittunt, & cum  
signis militaribus quadraginta captivi-  
tatem, ne vitam amitterent, subeunt.  
Mille etiam hominum qui ex toto con-  
flictu ad nemorum latebras ab hostium  
furore, cædibusque confugerant, alii  
inde captivi Ulisipponem abstracti, fa-  
me nonnulli in solitario, atque incog-  
nito loco, jactatione vulnerum plu-  
res absuppi sunt. Castellensium hic  
cæsa quinque circiter millia narrantur,  
paulò minor numerus captivorum, &  
magna ex parte clarorum Ducum, ac  
genere insignium; neque incruenta  
Lusitanis victoria fuit cùm illorum duo  
amplius millia ceciderint, permultis  
etiam, & primariis præcipuè Ducibus  
sauciis. Hæc est clades Montisclari,  
quæ Lusitani tandem diadema regni  
in Bregantii capite fixit, & seu utili-  
tatis incremento, seu gloriæ inter pri-  
mas Lusitanæ virtutis, atque fortunæ  
celebris.

Cæterum Marchio Carazenenfis, ubi  
haud dubiam hostium fortunam esse  
cognovit, & priusquam circumventos  
in itinere, ac fuga socios extrema per-  
niciem opprimeret, è colle descendens,  
unde proximè cuncta spectans, exemp-  
tusque periculo iussa militibus dabat,  
Villavitiolum perrexit, accitòque Boët-  
to Comite, qui in Borbæ custodiam,  
ut magni momenti loci, cum equitum  
turmis astiterat, quindecim post die-  
bus solvere arcis obsidionem reliquos  
milites iussit, ne eosdem mox Lusitani  
perinsigni parta victoria tumidi con-  
fluentes obruerent. Igitur belli tor-  
mentis summa celeritate subtractis, Lu-  
sitanisque sæpè rejectis, qui in aggre-  
rem primum invadere, & militares sar-  
cinas tollere, post abeuntium lædere  
latus, & terga, iter quoque interciperi  
per sæpè, ac frustra conati sunt, inco-  
lumes



lumes denique Castellenses Jurumen-  
niam sese recipiunt, inde mox Bada-  
cocium veterem belli sedem. Huc ca-  
tervatim etiam profugit exigua deleti  
exercitus pars, & Marchio Carazenen-  
sis, cum alienis abreptus consiliis, ge-  
niôque sinistro hujus suscepti belli, ac  
longè minori, quàm ibi erat opus,  
militiæ apparatu rem cum Lusitano  
gerere cogeretur, pristinum gloriæ, fa-  
mæque splendorem, vertente cum ata-  
te fortuna, in senectute corrumpit. In-  
felicis deinde totius certaminis exitus  
Mantuanam Carpetanam allato nuncio,  
cum cogitatio, sensus, questusque tru-  
cis acceptæ cladis omnium mentes, &  
ora hominum compleviscent, proce-  
res, aulici, etiam infimæ fortis ho-  
mines, qui cuncta in deterius inter-  
pretari more insito solent, circumstre-  
pebant, irrisos, an victos, an sese pro-  
ditos esse quærentes, & fabulæ ne, an  
aurium præstigiæ essent, quæ de eo  
prælio memorarentur? Unde enim Lu-  
sitani in regno adeò angusto, deserto  
tanta animorum, & virium resurgere  
posset copia, perpetuis qua cladibus  
Hispanum Imperium urgerent? Vul-  
gus præcipuè, cui astrictior ut ratio,  
atque intellectus est, ita liberior in  
questibus vox, veterem viam ingres-  
sus viros nobiles criminandi modò  
ajeat, corruptos pecunia Duces pu-  
blicam causam labefactasse, modò  
nolle magnates Lusitaniam Bregan-  
tio ereptam, ut vana consanguinei  
Regis jactantia, fastusque ejusque cer-  
to ad Lusitaniam effugio, si illis irasci  
quandoque Rex contigisset, abuterent-  
ur; aliàs dicebat, consultos Hispanos  
hoc ferè æternum ducere bellum, quo  
perenni pro bello tributis ex plebis vis-  
ceribus haustis ipsi, & ærario potissi-  
mum incubantes inter cædes, & cla-  
des magistratus saginarentur; cumque  
ex magna populi parte factus repente  
concurfus ad Regiam esset hinc cla-

mantis, hinc obstrepentis, hinc quæ-  
relas & probra in togatos, in mili-  
tes, in Regis quoque patientiam, si-  
ve socordiam conjicientis, fortè tunc  
è Regis cubiculo egressus Palstranæ  
Dux, cum plebem in area dolen-  
tem, ac propè tumultuantem aspi-  
ceret, ut illam solando deciperet, aut  
doloris fortassè primum impetum  
frangeret, voce, & epistola, quam  
casu inter manus habebat, elata: fru-  
stra, inquit, & falsò fremere illos,  
atque animo angi, victos esse Lusi-  
tanos, testemque eandem epistolam  
esse nuper Regi Catholico traditam.  
Suspendit paulisper hoc curas, & po-  
puli motus inane solatium. At citò  
refriguit, dolorisque quasi reciprocans  
æstus vehementius paulò post inunda-  
vit. Cumulus enim tot litterarum re-  
center Badacocio datarum manife-  
stè dicta Ducis redargebat, passim-  
que vulgata per domos funera, qui  
cara sibi intercepta pignora, succisaf-  
que spes suas querebantur, in com-  
muni squalore, atque lachrimis cla-  
dis ingentis speciem expresserant, eo-  
que inani mendacio parum visus est  
Palstranensis illam callere artem, qua  
per artes, & fucos sæpè Politici so-  
lent cum populo ludere. Rex autem  
cum pugnæ infelicitis eventum nosset,  
permixta suspirio voce in hunc modum  
locutus fertur. Culparum nempe sua-  
rum ita à se pœnas repetere Numen, à  
noxio scilicet capite ad innoxios milites  
verfas.

Verumtamen gravior ministros, ac  
Regem pro tempore cura perculerat,  
an esset, & quomodo hujusmodi bel-  
lum toties omissum, atque remissum, ac  
funestè semper intentum velut Diis, ho-  
minibusque adversantibus reparandum;  
non enim idoneus, ac promptus ea  
tempestate miles, non ærario pecunia,  
non onerandis amplius tributis via sive  
modus, nec porro sic armis expertus,

aut fortuna, vel animo valens Dux occurrebat, de quo satis inflictae sarcire clades, Lusitanique contundere audaciam sperari posset, cum multi ibi insignes defloruissent, novorumque experiri virtutem, aut sortem, cruenta, ac propè continua calamitatis exempla terrent. His urgentibus causis, nemo tamen consiliariorum audebat jam satis perspectum animum Regis Lusitanæ receptionis cupiditate flagrantem contrariis, ac veris argumentis abducere; multi propterea tam concinnè, tam fictè in hac causa facundi erant, ut non iudicio, non fidei, sed aurium illecebris, atque affectibus servientes, quod nequaquam sentirent, disertissimè persuaderent. Illi itaque convenerunt, præsentì cladi minimè succumbendum, tantam Hispani Imperii latitudinem esse, angustiam Lusitani, ut hic Lusitanus sensim etiam vincendo attritus, nisi acie quandoque victus, cadere tandem propriis exhaustus viribus, obrutusque triumphis posset. Proinde longè, latèque regiis mandatis expositis hinc cogere pecuniam, hinc imperare frumentum, conscribere milites, festinare, parare, nihil omittere quod immani, trunculentoque bello necesse foret, cum interim Philippus IV. Regis interposita mors hos apparatus, bellique consilia funditus sustulit. Hujus porrò Regis interitum diro sparso crine Cometes, quem non satis claro, sed fusco, ac cinereo quodam aspectu totam Europam complexum fuisse relaturn est, paucis ante mensibus nunciavit. Prodidit etiam quidam nauclerus, qui per id tempus ab Indiis Ulisipponem apulerat, quod dum per Oceanum navigationis cursum conficeret, nocte sublustri efferre se sursum informe quoddam lucis volumen vidisset, cæloque, errantibus tunc per admistæ quasi nubis candore radiis, subito affigi, ex quo repente Cometes, & sidus ab illo non ante visum

effulserit, & crinem etiam extenderit; ibique subducta temporis ratione compertum est, tunc primum apparuisse in Hispania Cometem, cum aspexerat illum nauclerus ex radiorum, & vaporum quasi involuctro super Oceanum explicita, ac fusa luce conflatum. Ceterum cum sæpè numero visi, explorati-que Cometes jacta inter alia præfagia rerum, ut plurimum esse credantur magnarum animarum vehicula, suspectumque, ac minacem totum eorum ab ortu labentem significant annum, hic, definito in spatio Cometes cum aliis Europæ Principibus etiam Catholicum Regem rapuit. Singulis quidem noctibus verso propè in Regiam ferali crine Cometes irradiabat, eoque multiplici cogitatione suspensos, garrulos, avidosque in futuri caliginem mentem insinuandi tenebat omnes; nullus tamen aulicorum, aut procerum, aut eorum qui servitii, sive negotii causa versabantur in Regia satis animi habuit, ut hoc insausto, ingratoque semper Regibus nuncio regias Philippi aures attingeret, ignaro propterea, ac diutius omni cura soluto penitus Rege, quod in ejus contemplationem, atque intellectum intra, atque extra Hispaniam omnium sermones, oculosque converterat. Scurræ domesticæ tandem, cujus per seria, vel jocosa multa patere plerumque Regibus solent, quæ adulatio, vel fides affecta tegit, severis quanquam præceptis, ut hoc sileret, adstricti elapsa temerè vox, qui tunc Regi impendebat, Cometem exposuit: cui Rex nullourbationis colore, aut fronte, aut oculis edito signo, statim respondit, clariùs sibi sanè portandi propinquum suæ vitæ finem ex fracta ipsius corporis valetudine, ac fessos laboribus animo, quàm luce Cometis. Mox in cruorem alvo soluta, febriumque ardore correptus Rex moriturus



turus decubuit. Oculere hoc primò, ut nondum graviore pestis indicio suspectum diligenter studebant aulici, meliusque se Regem habere, ætümque remitti falsò rumore jactabant, cùm eo tenui, & fragili quam hominis filo tot rerum momenta penderent, post ubi vis morbi mortalius increbuit, nec erat ibi latebræ locus, cùm ex ejusdem Regiæ squalore, tristitia, silentio secretum ipsum efflueret, tum multa præterea quæ temporis ratio monebat, exterius, ac procul providenda ministris essent, vulgatum est tandem jam deplorata salute, atque extrema ægitudine fessum languere Catholicum Regem. Mos est in Hispania qua tempestate sublato Rege, filius ejus, vel hæres præ ætate sit impotens regni, adesse Regi puero tutores per testamenti tabulas declaratos, quique splendore generis viri, usu rerum, integritate spectati imperii gubernacula teneant, donec Rex parvus capacem regiminis mentem, ac parem ætatem assumpserit. Affecto itaque Rege, & ultimam voluntatem per testamentum exposituro hunc alioris muneris apicem occupandi plerosque magnates certamen arrexerat, illum nempe inter ipsos ut genere, hunc ut moribus meliorem alium, ut rerum experientia, aut parvum favore præstantem, tantòque magis in causa nobilium exarserat ambitus, quod Princeps Hispaniæ ad regni vocatus auspicia nondum quartum suæ ætatis annum expleverat, Regina cui jure eo tempore filii, Imperiique tutela constabat, mater erat ætate rudis, sexu imbecillis, genere externa, & quæ nullam hucusque reipublicæ partem tractaverat, omnino propterea sibi proceres persuaserant Regem, & matrem regiam umbra, atque nomine Regem tantummodo acturos, imperii vim,

atque molem eorum designatorum arbitrio, ac legibus esse, eminentis vocabulis, temperandam. Præcellebat hos inter amplissimi competitores officii Turrianæ Medinæ Dux, maturus videlicet annis, spectatus prudentia, & suo quoque ingenio, rerumque peritia oppido excultus ad regimen capeffendum, & plures quanquam sinceriores in illo affectus, morumque candorè desiderarent, quædam hominis tamen artificiosa tum in agendo, tum in loquendo & illita fūco ostentatio, multarumque ornamenta virtutum, cætera velut fortunæ, aut temporis vitia jam penè obruebant. His accesserat gratia Regis, quæ lucem etiam, & pretium rebus obscuris, ac sordidis quodammodo addit, simul vetus cum eodè exercita, & quæ in omnis domestici, atque Politici arcani conscientiam illum adsciverat consuetudo, neque absurdum præterea videri Regibus, cùm magis ingenium & sapientiã, quàm cultus, & morum, vitæque contentum in ministrorum electione requirunt, tanquam aurum secernentes sibi virtutum, malitiæ scorum hominibus relinquentes. Itaque Rex cum paucis aliis collegis Medinæ Ducem etiam statuerat universi regiminis administrum, idque sua manu in quodam secreto codicillo perscripserat. Interim cùm disconsiderent acriter æmuli, ac frequentes in rem instarent, illos spe dubia pastos, sibi que minus offensos, aut querulos Rex ipse silendo usque ad obitum sustentabat. Nemini hoc notum secretum erat in aula præterquam uni Castrillio Comiti; idem enim Castrillius de re ipsa seorsum consultus à Rege, etsi in illa tutela, ac regiminis parte Turrianæ Medinæ Ducem, quocum vetus similtas ardebat, habere socium ægrè, ac molestè ferebat, ne invidia livorque tamen, & cum stomacho Regis, si apertè rem dissuasisset, fortassè pareret, assensus est Regi; sed paulò post

idem negotium, cuius & ipse auctor per pudorem extorto consilio fuerat, nihil aliud agendo, quod hoc satis proposito duceret, quam velut casu prodendo, subvertit; effuso quippè Castrillii fraude secreto, postquam Aitone Marchio Regis cubicularius ipsique in primis longa assuetudine acceptus, eas spes, quas dudum in animo sibi diuturnum servitium Regis perspecta dilectio, error quoque iudicii nimium cuique in suo negotio assentantis indiderat, jam in Turrianæ Medinæ Ducem translatas esse cognovit, tunc amicorum instinctu, utilitate, simul ardore æmulationis accensus dolum huiusmodi pro re intervertenda composuit. Assidebat ægritudine afflicto, & sine ulla humana jacenti spe Regi quidem religiosus è Discalceatis Sanctæ Mariæ de Mercede, qui suavitate sermonis, animæ laxamento, rerumque divinarum blanditiis adeò se in gratiam Regis suprema sola jam meditantis immiserat, ut multa, magnique momenti in eo articulo Rex illius hortamento, & consilio perfecerit, tanquam melius sibi consuleret, aut conscientiam exoneraret. Hunc cœnobitam arripuit, & plura cum eo de superbia Medinæ Ducis, de avaritia, vanitate, fallacia, & morum insolentia conquestus adjecit, malè Regem Imperio, & peius animæ consulturum fuisse, si extollere vellet Medinæ Ducem ad tutelam, regiménque regnorum, totque & tanta nefarii hominis vitia calore potentiae succenderet, atque in omnium exitium, vel fraudem auctoritate publica armarer, minus esse quidem in republica malum negligi bonos, quam improbos subvehi, hos namque elevari, ut suo more præcípites eant, eorumque ruina rempublicam opprimi; satis verò sibi præconio, satis præmio virtutem esse. Pergeret itaque statim ad Regem, admonerétque utrùm Medinæ Ducem an

Marchionem Aitonæ, cum ille satis utrumque nosset, digniorem eo munere iudicaret, & num ea prapostera electione Marchionis decus, & fama, regiminis disciplina cœnobitæ conscientia, & Regis insuper anima in dubio esset. Imbutum his sensibus candidum cœnobitam, ac levitate facile tortum alii subinde optimates, qui Duci Medinæ invadebant, aggrediuntur, & velut gravius impuri hominis odio, ac reipublicæ malo commoti acerbius collectas à Marchione calumnias onerant, aggravantque, rudémque hominem jam sua sponte incitatum atque calentem dicendi insuper copia, atque acumine turbant. Is igitur ut aulicæ artis ignarus, fallaciumque sese jactantium in illa partium anfractuum, præstigiarumque verborum, simul plurium consensu, & contumeliarum colore deceptus ad deturbandum Medinæ Ducem magno animo vadit ad Regem; apud ipsum quanquam morbo defatigatum, religione, justitia, diris in ore, oculisque inflammatus cœlitibus inferos miscet, contumelias, & probra omnia contra Medinæ Ducem ab ore inimico missa, impetu quodam verborum, ac flumine fundit, instat precibus, urget minis, adeoque numinis metu, atque extremi, proximique terrore iudicii constriktum perculit Regem, ut hic tandem codicillo mutato pro Duce Medinæ Marchionem Aitonæ Imperii tutelæ, ac regimini adscripserit. Ita porro Castrillii astu, Marchionis ambitione, & Monachi simplicitate dejectus est Turrianæ Medinæ Dux, effecitque ibi, quod alibi sæpè suevit invidiosa, atque aulica concertatio, ut pro certaminis præmio minus officio dignus digniori præponeretur, quorum in aula dissidiorum Princeps qui ab aliis exigere pœnas debet, suo sæpè capite luit.

His ita compositis, etiam Galli Regis Orator, cum audivisset Regis valetudi-



valetudinem ingravescere, primarios ministros per internuntium commouit, cum Rege Catholico agerent, ut tutor Principi filio Rex quoque Gallus vel ad pompam delegaretur, id profectò deceret Regem, ejusdem sororis Philippi filium & generum; distantia quoque locorum plus ostentationis, & gratiæ rei, quàm momenti, vel oneris attulisset; postremò arctius quoddam cum hac specie fiduciæ vinculum accessisset ad ratam jam inter Principes amicitiam, & pacem perpetuò stabiliendam. Quid porro concinnius? quid gratius? quàm ex pulchro, nudoque nomine, ac titulo, quod nihil omninò nocere posset Hispanis, tantum utilitatis haurire. Nihilominus hæc statim explosa Galli petitio est; retuleruntque Oratori, cum ea ipsa necessitudinis pignora, atque ex re publica ductæ causæ Ludovico decimo quarto Philippum quoque quartum obstringerent, non ideo ab ejus parente tutorem illi Philippum fuisse pro testamento legatum. Ad hæc vehementer etiam offensum Cæsarem iri, cum Rege Galliæ in tutelæ speciem adscito, planè ipse Cæsar genere, jure, ac merito Regi propior omitteretur. Tandem Hispanorum cessionem regnorum, quæ ad Galliæ Reginam, Hispano manente jure, ut fœminam pertinebant, & quam illa in Hispania nuptiarum conventionem præstiterat, cum hæcenus ratam Lulætiæ, ut in Hispania promiserat non fecisset, prima non reddita fide, hanc rursus vel in speciem tentare supervacaneum videri. Sic Galliæ Oratoris questum per ministros Hispanos oppressum est, atque ea potissimum ratione, quia hujusmodi exemplum, in cujus contemplatione semper hærentes, nisi inde lucem ad operandum accipiant, in suis deliberationibus propè torpent, in tabulario non invenerunt. Postremò in extremis jam Rex constitutus aulicos,

proceres, altiorisque notæ ministros accitos pio, mitique sermone compellat parvuli filii commendans aetatem, amplique perpendens discrimina Imperii vix Atlantis cervicibus pariter, ac deinceps infantis humero innixi. Si obsequium, & fidem in ipsum, “ dicebat, si studium, atque constantiam “ ad extremum usque spiritum coluissent, ea fidelius nunc petere officia annis tenerrimū Regem vix loquendo, “ ne dum imperando satis, & cui gratia “ & opinio, & auctoritas desit, præstidia firmissima imperii. Inde res novas hominibus turbidis, alacritatem “ hosti, insolentiam, atque superbiam, “ prædandique cupidinem magistratibus nasci, & quia unus, ad quem “ spectat regnare planè non potest, “ omnes propè regnare velle. Inde etiam cum ab omnibus quæritur dominatio, falsisque tueri nominibus “ dicitur, ab omnibus perdi, quique “ minùs meretur, minùsque sapit, “ hunc plus audere, ac tali tempore ambire. Id esse profectò causæ cur “ sub Rege pupillo dum honoribus “ multi proficere factione, atque opibus certant, & ideo per fas, atque nefas curas publicas usurpare ex rerum novarum fluctibus magnis in regno turbis, ac tempestatibus concitatis ipsi postremò & suarum, & “ publicarum rerum interitu concidat. Hæc autem omnium exitia pestesque regnorum pace, & concordia coerceri tantummodo posse, quæ ideo eximia inter proceres, inter regni administratos coalescere major deberet, scilicet ne arrogantia, ne pravo studio, aut concertandi ardore jus sive ratio à meta deflectat, neve in Senatu suffragium libidine, aut odio labefactetur quæ sunt fructus discordiæ, ac perdendarum semina rerum. Præterea, qui sibi jure commissa negotia publica

„sustinerent, neque rei familiari, ne-  
 „que clientum, neque amicorum ma-  
 „gis vacarent, quàm publicæ; talis  
 „enim naturæ in Hispania præsertim  
 „esse multitudinem ministrorum, quæ  
 „& supervacua pluribus videretur, ut  
 „si eadem fidelis erat, & moribus in-  
 „tegra plurimum valitura ad Imperii  
 „tutelam, & incrementum esset, sin  
 „autem infida, moribusque corrupta,  
 „hoc citius dissolutura. In primis ve-  
 „rò religionem, atque iustitiam his-  
 „que virtutes admittas, ut totius fun-  
 „damenta, atque ornamenta reipubli-  
 „cæ studiosè amplectendas, constan-  
 „tèque tenendas esse, cùm nullum  
 „diutius ingentis, & vastæ quantum-  
 „vis molis Imperium steterit pravita-  
 „ti, impietati, cæterisque flagitiis ob-  
 „noxium; alia secus Imperia initiis  
 „quanquam exiguis oborta, at vir-  
 „tutibus temperata hisque mirabiliter  
 „aucta, multis quoque tempestatibus  
 „inconcussa in perpetuum fortasse du-  
 „ratura fuisset, mali ni tandem mo-  
 „res quos, & ipsa felicitas invehit, em-  
 „perint, vel nisi fatales essent omnium  
 „regnorum conversiones. Ad hæc,  
 „ne à signatis majorum vestigiis, ac  
 „veteribus institutis pro regimine di-  
 „rigendo aberrarent, iis legibus, iis  
 „disciplinis, quibus Hispanum Impe-  
 „rium esset à majoribus constitutum  
 „conservari, ac florere perquam opti-  
 „mè posse. Veram sapientiam, &  
 „perspicacius ingenii lumen præsci, san-  
 „ctiorisque moris hominibus affulsis-  
 „se, recentiores velut jam lassæ, atque  
 „effata tot seculorum actorum orbe  
 „natura, acutos videri magis, quàm sa-  
 „pientes, quodque ipsi consultius asse-  
 „qui rectè possent, per circuitus, ac di-  
 „verticula amittere. Sic veterum satie-  
 „tate, rerum desiderio novarum, falsæ  
 „que vanitatis imagine, ac voluptate  
 „delusos, dum in melius mutare rem-  
 „publicam quærunt, eandem prorsus

affligere. Ad extremum à præsentibus, atque absentibus suorum regno-  
 rum subditis, si quid ut errore labilis  
 homo, non certè ex animo deliquisset, repetere veniam jam regni cura  
 defunctum, ac si eadem hæreret divisa  
 quoque animæ affectio, non animo  
 patris. Ita porro gubernationem vide-  
 ri sibi, ita vitam instituisse, ut dignus  
 esset, cujus grata memoria bonis, nec  
 odiosa etiam improbis esset. Cæterum  
 Christiani muneris esse ne dum cre-  
 dere morienti, atque ignoscere mor-  
 tuo, verum etiam ipsum inferiis, atque  
 suffragiis ad lustralium flammæ li-  
 mina prosequi. Rex post hæc insito  
 quidè mortis dolore confusa, ac sæpè in-  
 termissa lassitudine verba, sed quæ pon-  
 dus haberent, conventum dimisit; mox  
 Principem filium ad se vocavit, illique  
 postquam more tradito benedixit, amo-  
 re, ac mœrore pariter tactus adiecit, Me-  
 liori fortuna, atque auspicio te nate Im-  
 perium accipiat, quàm diù me tenuit.  
 Joannes Aultriacus deinde inscio Rege,  
 ac Regina à Consocra oppido occultus  
 ad Regiam accessit ultimos patris am-  
 plexus exoraturus, quod per amicos  
 maximè intendit, sed cùm hic ultro  
 non vocatus à patre venisset, nec illa  
 in iussu cum Rege congressio probata  
 Regina fuisset, exinde porro illegiti-  
 mum filium atque adultæ, bellicosum  
 ingenio in legitimi Regis infantia re-  
 torto jam oculo aspicienti, idcirco non  
 placuit Joannem ad Regem admitti; is-  
 que illa spe devolutus, quæ altior erat,  
 quàm apparebat, ac Regina maximè  
 offensus Consocram rediit. Rogatus  
 postremò Rex quid de regno Lusitaniæ  
 jam moriturus statueret, respondit,  
 quibus à se traditis codicillis ea de re  
 satis esse Reginam instructam; mox  
 lethali morbo magis gravatus, ac  
 pressus communi omnium deside-  
 rio, ac dolore Rex Philippus extin-  
 guitur.



Fuit in Philippo IV. Hispaniarum, atque Indiarum Rege summa integritas, religio, iustitia, verecundia, modestia, interque adversas fortunæ procellas, ac fluctus, quæ clavum ipso tenente, acerbissimè redundarunt, mira æquabilitas, atque animi magnitudo. His accessit perspicacitas singularis, mentis acies, acumen ingenii, cuiuscumque negotii capax, rerumque agendarum tam sublimis intelligentia, ut ferè nunquam, ne in minimis quidem rebus offenderit, quandoque & perrarò suo ipse ingenio, atque consilio usus. Carterùm ingenito quodam ne in errorem incideret metu, ideoque ex hac parte animo nimis abjectus, ac fractus, ac ministrorum arbitrio, nutuque pro moderando regimine pendens, cùm Regis vices cum ministri confunderet, qua ratione sibi ipse imperare, ac regiminis lapsus immediate cautus effugere studuit, aliorum obsequi erroribus ac voluntati servire compulsus est. Sic adeò ingentes animi dotes timiditate interceptæ aruerunt absque ullo reipublicæ fructu: Imperium filio reliquit multis membris, ac partibus diminutum, effusa namque auferendi, largiendique licentia tum avarè, tum insolenter ea turba ministrorum abusa, eòsque divitias, ac redditus regios, Rex idem cùm nosset, & conniveret, mercedis, aut stipis, aut præmii vocabulo hausit, ac malè distribuit ut Rege exhausto, privatis passim expletis maximè nunc æarii egestate periclitetur Imperium. Notatur etiam juvenilitas Regis ut nimium sensus delitiis, amatorisque levitatibus dedita, & cuius intemperantia enervatum, ac debile corpus nondum maturæ senectuti tradiderit. At huius profectò vitii, sive lusus ætatis affectus illorum præcipuè sustinet culpam, qui otiosis eo tempore curis Regem implicitum voluerunt, ut ipsi publicas usur-

parent. Illo tamen prioris, ac lubricæ ætatis ardore restincto, & qui hæc vitia incendebant jam satis superque potentibus rerum gravitatem Philippus & pudicitiam mirificè coluit. Tandem qui pro sua indole, ac genio ministrum aut privatum optimum præstitisset, in Regis persona fefellit. Philippi funeri iustis regio de more solutis, & apud Escurialium in magnifico, ac veteri Regum Hispaniæ sepulchro condito, testamentum ejus paucis coram primisque procerum recitatur, cuius summam, quia vulgatum non est, & plurima continet regimini salutaria, atque eximia pietatis exempla hîc apponere juvat.

A religione, ac Numinis reverentia Philippus Rex auspiciatus, studium in primis commendat, & cultum Catholicæ fidei, Apostolicæ sedis obsequium, sanctæ Inquisitionis officii contra hæreticam pravitatem assiduam tutelam, & curam; quapropter si quis fortè aliquando ex successoribus regni aversus à Catholica fide in hæresim cecidisset, hunc statim exposuit regni jure delapsus, sua sponte ejuratum, & limite regni, Regisque fascibus protinùs exigendum. Monet deinde filium hæredem, Regemque æquitatem cum iustitia, cum mansuetudine gravitatem, metum attemperet cum amore, ut curæ affectusque similitudine verius in Rege clientes, patrem habere, quàm Dominum, custodem quàm vindices sentiant, ita enim homines nati, ita educati sunt ut nec deforme servitium, nec nimiam pati licentiam possent. Præterea in sententiis, atque consiliis, quæ pro jure regiminis tractarentur, ne illa ratio Politica, quæ status appellaretur bono, honestoque anteiret; pura, atque integra ingenii, mentisque acie clariùs, & longè initia, cursus, & rerum eventus prospicientibus patuisse, hoc delectabile, & utile

quod brevi ex nefario consilio perciperetur, denique acēscere, & vota, atque exitum destituere. Graviorum potestatem agendorum negotiorum, & in consultationem venientium de more silentium jam strictius inter Hispanos antiqua Regum disciplina sancitum & servare ipse, & servari diligentissimè incumberet, arcanorum enim effusio inanes, stultosque vulgò rumores, & ministris ludibria, & tumultum rebus ipsis deliberandis, ac peragendis, & causam præberet æmulis, hostibusque avertendi consilia, vel perturbandi, multaque egregiè sæpè consulta, quia immaturè detecta, corrupta sint. Subindè Hispanorum regnorum successioni Philippus hunc ordinem statuit. Primus ut sobolis jure proximus Carolus filius succederet. Hunc absque prole fortè sublatum soror ejus subsequeretur Margarita Austriaca Cæsari tunc desponsata; Margaritam nati ejus, & progenies inde virilis, sive muliebris, serie quoque successionis suis gradibus constituta. Quod si Margaritam, & Carolum interire absque liberis contigisset, tunc Dux Sabaudia ratione Catharina quondam Austriacæ, cujus connubio Austriaca domui Sabaudia sanguine, & jure conjuncta erat succederet; Hispanoque Austriacæ familiaris cum illo duntaxat ramo quem ex Hispaniana in Germaniam Margarita referret, aliquando succiso stipite, regnorum omnium hæreditatem Sabaudium genus exciperet. Maria Teresa Austriaca Regina Gallia natu licet major Philippi filia ab Hispanorum regnorum successionem omnino etiam maneat ex vi tabularum exclusa. Hujusmodi enim conditione Anna Austriaca ejusdem Philippi soror Ludovico tertio decimo nupserat. Idipsum quoque præter legem, & acta conventionis jurata dixerat Maria Teresa, priusquam Ludovico etiam Regi in matri-

monium collocaretur. Perperam enim fecus Hispanis consultum foret, si iidem per Salicam legem à Gallia hæreditate prohibiti per inæqualia fæminarum connubia Gallos ultrò vocarent ad Hispania possessionem, & fæminæ darent imperia, non redderent. Ad utriusque præterea Imperii durationem, & robur maximè pertinere, ne quoquo pacto hæc duo amplissima regna conducerentur, quia ubi immensa latitudine crescit Imperium, variisque apud se nationes, linguas, mores, & jura complectitur laboriosum hoc multo plus, quam diuturnum suæque corporis mole, ac nimis propè viribus conflictatum citius ruiturum existimeretur. His & addi animorum contentionem inter se tantam, & tantam ingenii morumque dissimilitudinem distrahere, atque afficere Hispanos, Gallosque populos, ut si eos contra impetum illum animi, ac repugnantiam morum sub uno jugo, sub uno Principe convenire aptarique coëgeris, utraque in se conturbata, permistaque regna, primò discordiis exposita, post defessa, & inter se lacerata faciliè externis prædæ futura sint. Quocirca Maria Teresa hæc duo ne implicaret Imperio jure optimo exhæredata, atque exclusa viro si quando ac liberis vidua ad Hispaniam regrederetur, Regisque fratris rursus arbitrio nuberet, prioris intercisæ conjugio regni tunc jura resumeret, modò ne illa ad quemquam Principem Gallum secundas per nuptias transmitterentur. Aureorum præterea quingenta millia Teresa pro accessione pollicita dotis, nec, quoniam abdicationem, ut initio convenerat, Hispania regnorum nondum ratam Lutetia habuisset, hucusque soluta, illi tamen numerarentur, cum satis fiducia esset, quod ita communiter interesset datam fidem exoluturam. Cæterum, qui Hispanum utcumque Imperium susce-

pturus

*Aguida ad  
Philippum for  
SSS*



pturus fuisset, caveret præsertim ne hoc unquam divideretur, neve scissum atque in membra concisum Tyrannos, aut Regulos constitueret, & quia simul coherencia imperare regna nescierint, distracta tandem, omnino debilitata atque assultibus opportuna ne jugum, & leges ab externis acciperent. Imò verò quod in posterum restitutum, aut partum jure, vel bello Hispaniæ regnis adjunctum fuisset, indissolubilis hoc vinculi lege constrictum inseparabile permaneret. Imperii, ac regiminis caput, ac sedem sicut more vetusto hucusque servatum est, Castella teneat. Nam præterquam quod nec decori, nec usui utique essent frequentes aulae mutationes, nec qui tandiù assueverant aulae deliciis, congressu, aspectuque Principis frui, illo carere sine periculo possent, cum in immensos quoque bellorum sumptus, regiàmque tuendam magnificentiam, longè plus Castellenses, quàm reliqui subditi contulissent, æquum erat in illos intendere officia, ipsorum comoda augere. Gubernatio autem Imperiique tutela molli, rudique ætate Regis interfluente hac regula instituitur. Sustineat in primis Gubernatrix auctoritatem ac molem Regina mater absque ulla rerum gerendarum exceptione. Assideant illi res publicas temperanti sex præcipui Consilarii, scilicet Castellæ Aragoniæque Senatus Præsides, simul cum his Toletanus Antistes, fidei supremus Quæstor è Senatus Statu Pignorandæ Comes electus, ex numero verò magnatum Marchio Aitonensis, quorum hominum aliquo, casu, aut interitu ablato, aut in criminis pœnam expuncto, ex eodem gradu, aut collegio, in quo primus intercidisset, alius statim assumptus, & substitutus descriptum numerum impleat usque dum Rex quartum decimum egerit annum, mentemque

docilem præ se tulerit, & habilem imperando. Si inter tutelæ ac regiminis curas fortè diem suum obire Reginam contigerit, iidem selecti ex Ordinibus administri tutorum officio atque nomine Regi puero statuto tempore serviant, sin Rex interierit iidem similiter res publicas administrent, donec legitimus Regni successor ad Hispaniam migrarit, nec ille impar etiam præ ætate fuerit Imperii oneri subeundo. Cæterum quorum consilio, aut arbitrio tantæ volvenda administrationis machina incumberet, his maxime curæ sit, ut ad dignitates atque altiora magistratus officia per gradus fieret ascensus; minora enim officia rudimenta majoribus erant, & humanos errores, lapsusque in re exigua, quam in magna fortasse experiri, aut in partibus errando discere satius erat, neve ea dignior digno, aut quod deterius profectò esset, invideret indigno, vel incolis tribui solita munera alienigenæ invaderent. Monuit etiam hoc testamento Rex, quantum per impetus rerumque ordinem licuisset, exonerari tributis populis, reddi Ordinibus Militaribus, quæ illis antea per Reges erepta fuissent, bona regiæ oppignèrata redimi, ærario ablata restitui, æs alienum à se contractum extinguere, mercedes pecuniarias personis meritorum ratione collatas, ne hæreditariæ fortasse fierent, illarum morte dissolvi. Regiæ nuptialem supra redditam dotem trecenta nummum millia per singulos annos, dum viveret, assignari, volentique in aliquam regnorum Castellæ partem sua sponte secedere, ejus ipsi regimen urbis tradi, quam sibi in sedem elegisset. Erat insuper Regi aurea quædam è cruce Christi pendens minutusque materia, quam artis pulchritudine insignis imago, cujus in crucis amplexu Carolus Quintus Cæsar efflaverat animam. Hoc summum Christianæ

stianæ pietatis argumentum, & pignus à Carolo postea Quinto ad Philippum Secundum, ad Philippum pariter Tertium cum tempore, ac fide translatum in ultimo vitæ agone tres maximos Reges adjuverat. Ea porro nunc religionis, Patrûmque secutus in extremo vitæ cursu vestigia Philippus Quartus præceperat, ne sacra illa imago, antequam ipse expiraret, ab ejusdem brachiis avelleretur, ac simul testamento mandavit, ut eandem Christi patientis effigiem fideicommisso alligatam filius sibi, atque posteris asservaret, ea ipsa ad sacrum illud ministerium pro extremi anhelitus tempore usuris. Sacras alias sanctorum reliquias auro, gemis, & elegantia mirifica erat, Reginæ reliquit, meminîtque Joannis Austriaci in illo duntaxat, ne quid ipsi fortè deesset, quod ad cultum, vitæque splendorem regis stirpis personam deceret, ne palam suspectum, sive contemptum redderet filium si omnino tacitus præterisset, neve ad honores, & publicas curas extolleret, è cujus fortasse capite, si quid turbulenti in Imperium propter Regis pueritiam influeret fore ut emanaret, prudenter intelligebat. Tandem Regum Castellæ vetera testamenta adhuc neglecta, ac longo propè tempore abolita, excuti ipse executionique mandari jussit, de suo, qui curarent, quosdam aulicos, atque procures, quorum fidei maximè tribuebat, nominavit. Hæc est series compendiaria testamenti Philippi IV. Hispaniarum Regis.

Postquam verò defuncto, ac tumulto subinde Rege impositum sibi Regina Gubernatrix munus, ac titulum sumpsit, prima, & quæ ministros, & illam maximè urgebat, potissima cura fuit de Lusitano bello deliberatio. Hujus enim omissio, vel belli continuatio, ut multa ingeniorum, & com-

modorû quoque diversitas in variâ fortis hominibus versabatur, variè in aula Statûsque Senatu probata improbatave erat. Quamplures animo erecti, intentique Principatus mutati vitio explorare judicii dotes, ingenium novorum Gubernatorum, verba, consilia, facta, rimari, simul etiam detrahere calumniis, mordacibusque facetiis, quæ ut obliquè, ac per risum contortæ acrius quàm stimuli sapissimè fodiunt, atque ex eo Imperium everti, queri, quod iidem essent à regiminis curis exclusi. Infesti, adversique huic maximè bello, at ipsi latenter, Hispani magnates erant, sicut Bregantio plerique amicitia, propinquitatis, rationum suarum nexibus juncti. Defessus tributis, ac vestigialibus populis, & orbitate in familias per multiplices clades invecta à bello isto abhorrebat tanquam à scopulo fortunarum, domorûmque suarum; regni, & ministris luctuosa, & crudelis hujus toties experta fortuna militiæ gravio-rem sub Rege pupillo metum incutiebat, cum liberior eo tempore ut sine Rege populus, procaciores hominum linguæ, solutiores ambitiosi, rerûmque novarum avidi, & homines turbidi vagarentur. Nemo omnium tamen ipsa Regina cupidius huic imponere bello finem desiderabat, quippe quæ trepida secum considerabat, nec felicius, nec diligentius esse quidem res militares sub scemina cura, & auspiciis habendas, quàm sub Rege Philippo fuerint, ac si melius illis fortasse, quàm antea, provisum fuisset, quis rationes consiliorum, ac militares artes, non belli fortunæ comites, sed planè Duces, ut fatuè velle populus videbatur efficeret? Neque præterea tantum auctoritatis, & gratiæ, tantum roboris esse sibi, quò si clades fortasse præteritis similes incidissent, ea tempestate posset fortunæ, vulgus, & æmulorum impetum ipsa  
scemina



fœmina sustinere; præsertim acerbiori si aliqua accepta clade invidiosius, atque vehementius per causam obtentam in illam animi conspirarent. Verumtamen mœsta, & sollicita quoque in eodem negotio sententiam oppositam librans hærebat, ne per se modo Gubernatricem tam citò cum Lusitanis composita pace, tunc scissione nobilis regni ipsa ab Hispanis laceraretur, suam nempe opinionem, Castellæ nomen, ac decus sui que initia regiminis turpiter figillasse; simul inertem artibus belli mulierem, inertiozem Politicis fore, cum aliæ aliarum in gubernando adminiculo egerent; & nimis citò sensisse Hispaniam Regis Philippi mortem, & malè fœminam auspicatam à regni iactura esse. Neque etiam Reginam latebat, qui modò secum pacis hortatores vehementer agebant, cum eam impetrassent, obrectatores subinde futuros, & more suo vulgum circumferre sententiam, & vota solitum, ut fallerent proceres consultò mentiri. Hæc volutanti postremò Reginæ succurrit, conficere pacem cum Lusitano, sed fallaci quodam ambitu usura, primò ne otii cupidos deterreret, pacis se ipsam bellique medium ostendere statuit, post ministrorum inclinatione perspecta palam, sed fictè contradicere paci, hanc denique amplecti, sed tanquam invitam, & ministrorum consiliis, ac precibus expugnatam. Favebat in primis huic secreto Reginæ consilio Turrianæ Medinæ Dux, qui semper ipse adversatus huic bello gerendo fuerat; nunc verò, quia filium Ulisippone captivum habebat, & quem non potuerat pecunia redimere per pacem recipere satagebat, captatis temporibus acrius invehebatur in bellum. Igitur per secreta, per consulta publica Dux instare Reginæ, ad pacem ministros impellere, nunc collegas, nunc proceres convenire, iisque amplissimè os-

tendere, bellum hoc Lusitanum aut pace, aut excidio Castellæ terminum habiturum; contempti temerè, ac sapius huius consilii sui tot cladibus, tot ruinis everse, atque afflicte propè reipublicæ cum mœrore, ac dedecore satis pœnarum oppositos sibi solvisse ministros. Cura, & vigilia multò magis quam antea oculata esse nunc res moderantibus opus, lubrico jam sub Rege pupillo Imperio, ac forma regiminis conturbata. Astrepebant, & alii palam ita forsitan sentientes, aut falsò Duci Medinæ assentantes, aut aliis utilitatibus servientes, eoque vulgò iactata, flagrantibusque studiis incensa ea conspiratio sententiarum inter primores hominum est, ut multis nec dicere quod sentirent, nec planè tacere liceret. Igitur cum eò devoluta res esset, quo cautè ab initio per astus Regina spectaverat, cumque ideo ipsa paci oblectata adhuc actiter esset, tandem velut omnium raptata consensu scripsit ad universorum Ordinum Præsides, qui apud aulam immorabantur, ut omnium Senatorum sententias in singulis conciliis seriò, ac diligenter excussas de scripto prolatas sibi transmitterent, discernentes pacem an bellum cum Lusitanis habere mallent. Ea res, ut Regina præceperat cum agitata communiter esset, omnes omnium conventuum Consilarii planè concordiam, & pacem Reginæ consuluerunt præter Status Senatum Lusitanum, qui ex Lusitanis fidissimis constitutus adhuc prisco retento more in aula perseverabat. Ille quippè de re consultus modum, & causas, & copiam Reginæ perhibuit, quibus ducere bellum si placuisset fas, nec factu quidem difficile esset; sin minùs, bellum remitti, aut intermitteri censuit, contumeliosam, turbulentam, infamem fore cum obstinatis rebellibus pacem dictitans. Arroganter quibusdam ea Lusitani Senatus sententia

sententia, in ludibrium nonnullis sive temerè prodita visa est, tanquam homines Lusitani universis Castellensibus reclamantes in Castellæ rerum emolumentis, & causis excutiendis majori quàm omnes Castellenses aut iudicio præditi essent, aut charitate flagrarent. Rem tamen solertiùs, ac mitiùs interpretantes, eam veriùs cautam, & providam, quàm insolentem sententiam reputavere, etenim à Lusitanis pro Lusitanis proposita pax, ut humanos inter affectus superare censeretur patria, ut indelebile esse inter nationes æmulas odium, semper invidiosa, nimisque suspecta Castellensibus extitisset. Ita res sæpè occurrunt, quæ utcumque tractentur vellicationes, aut morsus hominum subterfugere nequeant, tam latè malitia patet, tamque ipsa infelix, ac dura tractatio reipublicæ est. Seriùs omninò tandem apud Status Senatum agitata res est, ubi sententiam rogatus, sic ferè locutus fertur Turrianæ Medi-næ Dux.

„Frequentèr equidem verba in hoc  
 „ordine faciens Lusitani belli ut teter-  
 „rimiatque Imperio summè execrabi-  
 „lis perpetuus, ac dissuasor acerrimus  
 „institi cum pertinacia, atque virtute  
 „gentis impulsus, tum copiarum ex  
 „fœderatis accessione, atque ipsa for-  
 „tuna belli, quæ furere in nos fatali  
 „quodam impetu visa est, rebus au-  
 „tem in hunc modum hoc tempore  
 „constitutis asserere cogor, citiùs hoc  
 „esse mutandum cum pace bellum,  
 „secus universum in præceps Impe-  
 „rium concordia dilatione tracturum;  
 „unam tantummodò huic publico in-  
 „cendio, aut rerum omnium naufra-  
 „gio succurrere pacem posse. Omnia  
 „profectò genera belli aut pace, aut  
 „servitute, aut ruinis, aut Imperii  
 „funeribus finem habere necesse est,  
 „aut illa saltem conditione, quam im-  
 „ponere supra victos, iis, qui vicerunt

collibuisse. Desperata itaque nunc  
 Lusitanæ victoria, ut satis hucusque  
 mihi, & qui aliquid sapiunt specta-  
 tum est, pax nisi maturè cum Lusi-  
 tano conveniat, in illas oportet mi-  
 serias, & rerum calamitates incide-  
 re, quas belli ruinosa, voraxque  
 contrahere conditio sola, aut victo-  
 rijs superbia, sive crudelitas statuisset;  
 tantum enim abest, quòd Regino-  
 stro Catholico aliena petere regna,  
 aut amissa recipere his temporibus  
 liceat, ut sua potiùs quæ tenet, &  
 jam novitatibus fluctuant, stabilire  
 necesse sit. Unde ergo spes nunc af-  
 fulget, ut rem clarius per capita ex-  
 ponam, Lusitaniam per arma recu-  
 perandi? ex qua rerum copia, seu  
 propitio fortè explorato fortunæ  
 cursu hæc statim se nobis victoriæ  
 sustulit expectatio? In Elvi obsidio-  
 nem, acrius olim, ut planè scitis ob-  
 nixi sumus, cùm validæ urbem co-  
 piæ circumfiderent, urgerétque ipse  
 præsens Ludovicus Arus Hispana-  
 rum tunc arbiter rerum, sed tandem  
 soluta est urbis obsidio, Castellæ  
 exercitus cæsus, Arúsque improspere  
 Politicarum initio rerum fortunam  
 expertus, deteriùs deinde belli fortu-  
 na jactus est. Post hæc pacta, ratæ-  
 que per nuptias Gallo cum Rege pa-  
 ce, nos cunctis simul coactis Impe-  
 rii viribus, ærariique in unum incum-  
 bentibus opibus ingentem in spem  
 erecti conculcandi, obruendi no-  
 bis finitimos Lusitanos, hoc animo  
 cum exercitu, & fortissimo quoque  
 Duce propè Estremotium Lusitanis  
 occurrimus, & clade Canalia prostra-  
 ti sumus locum illum ignobilem Ca-  
 stellæ nota, & cruore nobilitantes.  
 Nullus tunc tantæ cladis humanis se  
 offerentibus causis, suspicio nec le-  
 vis cùm incidisset, Castellenses quia  
 plerique tyrones erant, veteresque  
 quia sæpè illi vicerat longa jam erant  
 Lusitano



„Lusitanorum formidine capti, minus  
 „fortalsè appositos huic bello feren-  
 „do esse, veteres ab Italia, atque Bel-  
 „gio traduximus legiones, Germanos  
 „plures conscripsimus milites, Hel-  
 „vetiòsque animi immanitate, vi cor-  
 „poris aspectùque Hispanis ferè terri-  
 „biles. Nihilo tamen minùs Hispani,  
 „novi, atque veteres, nostrates, &  
 „alienigenæ, ignavi, feroces, inertes,  
 „ac peritissimi milites omnes à Lusita-  
 „no iterùm, iterùmque victore circa  
 „Monclarũ truculentissima clade con-  
 „triti sunt, atque afflicti. His rebus etiã  
 „adjicio steriles tot annorum labores,  
 „profusiores, & irritos sumptus, qui-  
 „bus quinque, & viginti circiter annos  
 „cum summo detrimento, ac dedeco-  
 „re oppugnata per nos Lusitania non  
 „modò proterva contumãxque huc-  
 „usque resistit, sed etiam victrix assur-  
 „git, gravioresque terrores, ac minas  
 „ubique jactit. Ibi præterea Marchio-  
 „nem Turrecium, ibi Leganesium,  
 „ibi Joannem Garaium, Austriacum,  
 „Carazenæ Marchionem, aliòsque  
 „præclaros, & inclytos Duces fractos,  
 „aut profligatos fuisse aut inde cessisse  
 „partis antea laudibus imminutos. Igi-  
 „tur jam exhausto numis ætario, vete-  
 „rano milite prorsus absumpto, magni  
 „nominis Ducibus multis, quorum alii  
 „interierunt, alii obtorpuerunt, alii tot cla-  
 „dibus eruditi mutati consilio sunt, in  
 „hoc bello continenter afflictis, adhuc  
 „animus erit nobis id assequi nunc sub  
 „Rege pupillo aut pervicaciùs persequi  
 „velle, quod, & integro Rege Philippo  
 „ne dum extricatu difficile, sed etiam  
 „exitu luctuosum perspectum est? An  
 „fortè nos ignoramus, quæ pericula,  
 „quæ publicè imminèat Imperio clades  
 „Regem ætate parvulum sustinenti?  
 „Hispanos sapientissimos quoque Re-  
 „ges, peculiaris ferè semper in animo  
 „pupugit cura, ut pueris, & infantibus  
 „maximè filiis pace, & concordia pa-

catum relinquerent regnum, ne hoc  
 ipsum tutelaris regiminis inconstan-  
 tia, atque ineptia parvi Princi-  
 pis, per se nutans foris quoque pe-  
 riculosius armorum tempestates illi-  
 derent. Scimus præterea Gallicum  
 regnum in quæ bellorum turbamen-  
 ta civilium, atque externorum in-  
 cursiones, Orbisque ludibria nihil  
 aliud vehementiùs conjecerit, quàm  
 Regum pueritia, adeo, ut celebris  
 illa, quæ per multa argumenta variè  
 distrahit Politicos disceptatio, præ-  
 stet ne popularium suffragiis, an jure  
 hæreditatis adscitum accipere Regem  
 in eo maximè infirmet transmissa so-  
 bole regna, quod Regibus pueris ple-  
 rumque contingat quasi vacua sub-  
 verti regna priusquam ea clavo suf-  
 ficienti, atque idonea ætate suscipiat  
 legitimè regnaturus. Hæc passim à  
 nostri Regis ætate, rerumque præsen-  
 tium conditione gliscentia pericula  
 nobis, una duntaxat coercere quæ va-  
 leat, superest via pax scilicet, & con-  
 cordia foris, domique parta, & velis  
 ut dicitur, remissæque quæ sita, nam  
 apud Hispanos coalescere mirè solet  
 pax interna cum externa conjuncta,  
 cum bellum sævierit, tristis que even-  
 tus ingeminaverit, turbæ, & querelæ  
 statim erumpunt, quasi negligenter,  
 aut turpiter à ministris regiminis im-  
 peretur. Quod ampliùs metuendum  
 profectò nobis cum Rege minori est,  
 ubi & valet prætextus, ac species, &  
 fervet ambitio, & gubernii auctoritas  
 languet, & omnia opportuna, atque  
 prona turbulentis hominibus sunt.  
 Non adeò quidem asserere esse nunc  
 extra hunc Ordinem quosdam, qui  
 turbandi, miscendique cupidine res  
 transversa, atque noxia hæc Lusitani  
 belli consilia producat, quanquam ni-  
 hil est adeò turpe, quod ad rem sibi  
 propositam aversetur ambitio. Cæterum  
 quid sibi vult hoc tam obstinatè pro-

„ tractum bellum , tam imprudenter  
 „ consultum sine pecunia , sine milite,  
 „ sine opportuno Duce, hoc gracili Re-  
 „ ge, hâc adversâ fortunâ, spe quoque &  
 „ opibus nostris undique profligatis, &  
 „ quo tempore potius tueri ab omni  
 „ parte Castellam oportet, quàm offen-  
 „ dere Lusitaniam ? Constat enim ar-  
 „ morum fragore maximo strepere,  
 „ clientésque ciere pro novi belli appa-  
 „ ratibus Gallum, jure uxoris nitentem,  
 „ in Reginam scilicet Galliæ, Braban-  
 „ tiam in Belgio esse Philippi patris obi-  
 „ tu devolutam; fœdera idcirco ab ipso  
 „ cum Rhœni Principibus constituta,  
 „ tractum in partes Regem Suecum,  
 „ Regémque Britannia, totam fermè  
 „ Germaniam commotam, & scissam  
 „ esse, résque novas circumspectantem.  
 „ Hujus verò Provinciae Principes sibi  
 „ alios Gallum junxisse socios, inter se  
 „ alios insidiis commissos in mutuam  
 „ perniciem atterere, per fallacia promissa  
 „ nonnullos cõsopitos, ac ferè torpidos  
 „ detinere, nihil ab eo inexploratũ, nihil  
 „ intentatum, nihil omissum consilio,  
 „ fallacia, industria, labore, audacia, pe-  
 „ cunia, gratia ut amicos sibi pararet, aut  
 „ inter hostes discordias fereret. Hæc  
 „ autem armorum procella tot consiliis,  
 „ tot clientelis, atque apparatus gra-  
 „ vis, atque ex tot regnorum perturba-  
 „ tione collecta, quorsum jam probabi-  
 „ lius videtur vobis, quàm in Hispa-  
 „ niam exoneranda ? Pergite itaque sta-  
 „ tim in aciem, excitate vos, irritate Lu-  
 „ sitanũ Leonem jam dormiẽtem; con-  
 „ tendite illam audaciã qua toties ob-  
 „ triti estis; distrahite firmissimas vires,  
 „ quæcujusmodi sint, eas nunc stabilire,  
 „ atque intendere contra Gallum opor-  
 „ tet ad extremã usque perniciem Hispa-  
 „ niæ minitabundũ; frãgetis facilius im-  
 „ perũ Lusitani, si vos à tergo cæciderit  
 „ Gallus. Rex Philippus pacem Gallo  
 „ quamvis iniquã obtulit, ut Lusitanum  
 „ tandẽ opprimeret, is omninò diffusus  
 „ satis se eo tẽpore Gallo, satis Lusitano

oppugnando esse, neque porrò tanta  
 tunc pertinacia, fortuna, vigor, alacri-  
 tas animi tanta, mortisq̃ contemp-  
 tus in Lusitano patebat, ut iteratis po-  
 steà cladibus patuit, & pax ea quoque  
 in Lusitaniã recipiendã consiliũ fru-  
 stra contrãcta est; nos modò, quæso,  
 duplex, bellique anceps non pudet,  
 aut piget velle spontè subire onus no-  
 stro cruore, nostra ignominia toties  
 expertos esse bellum Lusitanum His-  
 panici ararii cladem, Castellensium  
 carnificinam, fortunarum nostrarum  
 scopulum, voracem Imperii furiam,  
 pestemque multòq; plus animo nos,  
 viribúsque complecti posse confide-  
 re, quàm acerrima sibi Philippi mens  
 sumperit in meliori quidem rerũ, ac  
 temporũ cursu ? Quid tandem si utri-  
 que suscepto temerè bello adversa  
 fortuna fuerit ? Quid si tanto armorũ  
 incẽdio ex parte Galliæ, ex parte Lusi-  
 taniã furenti civilium hinc etiam ira-  
 rum faces accefferint, quas turbidi so-  
 lent homines in reipublicæ malis ac-  
 cendere ? Incredibilia, aut valde re-  
 motis subiecta casibus ego utiq; non  
 commemoro; si fato, si nostra segni-  
 tie, aut nervorum nostrorum infirmi-  
 tate vincunt nos Lusitani, qui longè  
 minus, Galli nõ vincẽt, qui plurimũ  
 possunt ? an cum imparibus pares non  
 sumus, superiores valentioribus eri-  
 mus ? Quid si utrique arma, & con-  
 filia fortassè conjunxerint, qui di-  
 visim nos quoque lacerant ? Quid si  
 etiam Angli, si Hollãdi infidi semper  
 amici, ancipites hostes accefferint ?  
 Id ne animi in præsens nobis, id robo-  
 ris inest, ut tantæ impendenti armorũ  
 pro bello moli, tantæ domi etiam in-  
 fidiarũ citra ruinam, & rerum omniũ  
 exitiũ cervices nostras opponere va-  
 leamus ? Dicet fortassè aliquis, hanc  
 ita ineundam cum perduellibus pa-  
 cem ad summum videri utilem, at fœ-  
 dam ipsam, ac turpem in totius Euro-  
 pæ ferè prospectu censendam esse :

modera



„moderarius itaque fore videri, subla-  
 „ta pace, bellum suspendi, quo nec  
 „belli perniciēs nobis, nec turpitudō  
 „pacis officeret. Equidem huic homi-  
 „ni assensus pacis quoque consilia dam-  
 „narem, & commodi loco ducerem, si  
 „hæc haberi absque pace belli interrup-  
 „tio posset, aut Lusitanos planè con-  
 „staret ab insidiis, bellique assaultibus  
 „conquieturos à nobis etiam non la-  
 „cessitos. Qui verò tuta, atque integra  
 „fide profitebitur nobis, illum tumo-  
 „rem animi Lusitani, hunc secundum  
 „fortunæ cursum, res tempestivas, ve-  
 „tera odia, incitamenta Galli in certam  
 „sententiam nos eos adductura, nos  
 „ita enerves, ac fluidos, ac propè ca-  
 „pite orbatos posse etiam invitos ad  
 „pacem petendam cogi, se sequere nunc  
 „offerentem, & nostris ab hostibus in-  
 „culcatam occasionem aspernatos?  
 „Porro hæc tam violenter, tam acerbè,  
 „tunc fortassis extorta pax, ni deterius  
 „fortè contingeret, ea ne utilior sive  
 „honestior futura esset, quæ nunc re-  
 „bus illorum dubiis, nostris fractis, nec  
 „prorsus afflictis cum Lusitanis cōpo-  
 „ni potest, & quam ego, ut æquam, ne  
 „iniqua illa succederet, & tanquam ad  
 „aram tot insectantibus undique malis  
 „effugium constantissimè persuadeo?  
 „Regio profectò decore, ac ma-  
 „jestate dignum existimant sapientes  
 „cedere tempori, & quò necessitas po-  
 „stulat, inclinare, atque inflectere se, &  
 „ideò nonnunquam, ita si postulet cal-  
 „culi ratio, affectam, & ægram quoque  
 „reipublicæ partem abscindere, ne belli  
 „gradatim serpentibus malis, totum  
 „denique corrumpatur, ac pereat Im-  
 „perium. Res certè Hispana non ita  
 „ruerat, nec puerili, ac muliebri, ut  
 „nunc laborat regimine laborabat,  
 „cùm infelix, vetusque Lusitanæ Phi-  
 „lippus pertæsus omninò bellum, nec  
 „minùs satietate, & fastidio quàm viri-  
 „bus lassus hoc revera desiderabat, si

aliqua honesta proponi posset, condi-  
 „tione componere, sed quia & publica  
 „injuriam, & propria erepti sibi à subdito  
 „regni ancipiti velut aculeo repungi,  
 „ac dolere se sentiebat, sapienti, utili-  
 „que consilio ira, seu pudor in Rege re-  
 „luctabatur; tunc & pavor Consiliariis,  
 „qui ejus introspexerant mentem, in-  
 „cesserat, vera, ac simplicia de bello  
 „monendi Regem. Hunc autem Philip-  
 „pi Regis interitu cùm ratio illa quo-  
 „que privatorum injuriarum interierit, mutata  
 „publica sit, nos hæsitamus, nos modò  
 „cunctamur pacem amplecti, cùm am-  
 „plius bellum sustinere non possumus, &  
 „injurias ulcisci quærimus, dum extem-  
 „plò mederi reipublicæ vulnere oportet?  
 „an Carolus noster secundus cùm  
 „adoleverit nec irascatur fortè metui-  
 „mus, quod hæc pacis cum hoste con-  
 „ventio Hispano ab Imperio Lusitaniam  
 „avulserit, quam illi jure coherentem  
 „reliquerat Pater antequam vivis ex-  
 „cederet; imò verò cùm jure pupillo  
 „tutela soluto fas sit, & nostra, & acta  
 „quoque rescindere matris, si per tem-  
 „pus, virisque licuerit acta nostra se-  
 „mel delendo insurgere in Lusitaniam,  
 „& armis læsum repetere jus, laudave-  
 „rit potius, nos, matrisque prudens ar-  
 „bitrium per insidiosam, naturæ fra-  
 „gilem quamdam cum Lusitano com-  
 „positam pacem cætera regna cadentia  
 „sustinuisse, integrum ipsi jus Lusitaniam  
 „servasse. Quæ quidem omnia ita in-  
 „ter se conspirantia, causæque, ac  
 „temporibus congruentia fatalis quæ-  
 „dam rerum constitutio disposuit, ut  
 „nihil hoc Lusitano bello importu-  
 „nius, nihil perniciosius consilia no-  
 „stra contrahere, nihil hac pace læ-  
 „tius, ac tempestivius consiliorum mo-  
 „deratricem afferre posse fortunam  
 „censeam.

Hæc Turrianæ Medinæ Dux, con-  
 tra verò in eodem Senatu disseruit Eve-  
 rardus Nitardus secretæ tunc pieta-

tis Reginae minister, post opera ejusdem in sacrum Cardinalium Collegium allectus.

„ Indiserto, rudique homini, & paucis ante prope diebus è sacris ad Politicas curas Reginae gratia, atque imperio transvecto filere in tanti momenti negotio forsitan convenisset, ut in minoribus eruditus per certos quosdam gradus usu, ac doctrina rerum majorum disciplinam acciperet, verum hanc, & fortiolem fortasse causam exuperat mecum Reginae praeceptum, quod me haecenus restitantiem ac diffidentem ea de re tamen in hoc ordine dicere cogit, sensusque & causas in medium proferre, ut ab ejusdem Reginae ingenio, atque animo delibata, ejusque ore prope modum missa. Cum verò duo sint genera utiliorum consiliorum, alia scilicet orta ex rerum gestarum experientia, ex aliena alia historiarumque praesertim collecta memoriis, atque vestigiis; equidem ut impolitus ingenio, jejuna experientiae cursuque; etiam minoribus impar consultius in dicendo praeluxerim superiorum doctrinae lucem, ac vetera monumenta sectando. Satis profecto liquet ut ad rem proloqui incipiam, labore, & constantia gigni, servari, florere, & crescere Imperia; simul fama primò paulatim, opibus, amplitudine aucta, deinde praeter invidia, & livore, qui gloriam, praeter metu qui potentiam, & opes semper consequitur, acres, & plurimos in illorum excidium æmulos excitare, hinc postea turbationes, novarum semina rerum, & bella ex bellis oriri, fierique perpè ad vastum oppugnandum Imperium ingentem Orbis terrarum concussionem, ubi alterum alteri Principi adversus unum potentiolem occasio, ratio, ira, aut utilitas copulat, ex quo sepe majora Imperia à minoribus quoque impetita

collapsa sunt. Accedunt & ipsa quasi lege naturae gloria, & imperio tandem effata, caluræque regna, fatales praeterea consenescentium, ac peritum rerum omnium mutationes; quapropter non Imperium mundo, caeloque coævum, sed diuturnum durat in hujus orbitae gyro, in hoc ortu, & interitu rerum expetere possumus. Porro autem longævus, ac felix Imperii cursus non ex ejus latitudine, ac vastitate, non ex rerum affluentia, atque copia, non quia ardeat, cessentque bella, aut illud simul haurire calamitatum gurgites comminentur; verum ex usu moderationis in pace, constantiae pro bello quaerendus est, ita ut quò constantius, quò moderatius gubernetur Imperium, eò fore diuturnius, atque florentius polliceatur. Hanc ego modò constantiam, hanc tolerantiam in nobis pro Lusitano tenendo bello reposco dum vis, atque robur lacertis nostris, arario pecunia, patientiae, ac laboribus vires succurrant, neve conceptus animo pavor nos in stultam sententiam ducat, ordinariae inconstantiae, circularisque prope modum motus adeo fortunam pro Lusitanis immemorem esse, ut nec volvere semel, nec retrocedere patitur; imò verò quò minus cum ratione, iustaque exitus causa conjungitur talis fortunae favor insolitus, eò magis per se suspectus, ac sua natura volubilis est. Livius gravissimus scriptor Cannensem dum cladem Romanis foedissime illatam commemorat, hancque confert alteri cladem, qua apud Aegates Insulas praelio navali Carthaginenses attriti ad servile stipendium adacti sunt; quæve bello secundo Punico per Scipionem extrema in Africa pugna Annibale victo, tributoque rursus imposito in perpetuum afflicti sunt, planè fatetur longè graviolem, atrociorémque duabus primò relatis cladem



„ cladem Cannensem fuisse, sed for-  
 „ tiores animi nervos, quàm corpo-  
 „ rum majorémque Romanis constan-  
 „ tiam in animo affixam collapsas illis  
 „ reficere copias dedisse, ac demùm  
 „ feliciter debellare. Sic prævalent vires  
 „ nervique hominum ubi animus do-  
 „ minatur, hic ubi languet, florentif-  
 „ simæ quæque vires arescunt. At enim  
 „ ea sapienter est rebus adhibenda con-  
 „ stantia, atque animi magnitudo, quæ  
 „ inanïs non sit, nec prorsus viribus  
 „ destituta, quem ratio non librat ob-  
 „ duratum illum impetum animi, non  
 „ certè constantiæ sed pertinciæ po-  
 „ tiùs, temeritatísque vocabulum de-  
 „ cet. Ego utique sentio Hispanum  
 „ Imperium tot bellorum profusioni-  
 „ bus imminutum, ac propè nunc ex-  
 „ pilatum in magna rerum inopia at-  
 „ que egestate versari. Verùm enim  
 „ verò, quo nunc eget Castella, abun-  
 „ dat-ne Lusitana? Sive inopia collata  
 „ inopiæ utra squalidior, & arctior est?  
 „ Utriusque regni enumerentur inco-  
 „ læ, computentur regii proventus, ac  
 „ vectigalia, arma, equi, ac reliqua in-  
 „ strumèta militiæ, hisque perspectis, ac  
 „ sine fraude collatis luce clariùs con-  
 „ stiterit nobis longè excedere Castel-  
 „ lenses, nec contrariam sententiam  
 „ posse, nisi temeraria comparatione  
 „ defendi. Dicam potissimùm de pecu-  
 „ nia quæ validior putatur in bello ner-  
 „ vus, & quæ sola supplere cæterarum  
 „ rerum penuriam potest, sive enim  
 „ hæc congeratur extraordinaria sub-  
 „ ditorum collatione, sive à suctis ve-  
 „ ctigalibus regni, aut censibus regiis,  
 „ aut ex rebus fortuitis, & còmentiis ad  
 „ quas extollere ingenium mirè quan-  
 „ doque necessitas solet, & in tempo-  
 „ re subvenire, multò profectò plures,  
 „ ac pleniores Castella subditos habet,  
 „ quàm Lusitania, ampliores census, al-  
 „ tioresque radices unde pecuniã hau-  
 „ riat, ita, ut etiam dissipati Hispani

ararii reliquæ, perfractique ejusdem  
 ararii minuta quæque collecta frag-  
 menta majorem certè cumulum fa-  
 ciant, quamquam omnes simul se-  
 positæ Lusitani regni divitiæ. Quare  
 igitur, si ita res est, respondebis, in  
 tanta virium infirmitate, atque indi-  
 gentia rerum tantis animis tanta fe-  
 rocia alacres, victorésque perfulant,  
 seseque tam superbè, tam insolenter  
 efferunt Lusitani? Primum secunda  
 fortuna elati, odio deinde in Castel-  
 lenses instincti, habet enim in se ve-  
 tus odium inhærentem, & insitam  
 pertinaciam, pertinacia furorem, fi-  
 duciam fortuna gignit, quibus affe-  
 ctibus incitati, & tanquam calcaribus  
 ad conflegendum impulsî hostes animo  
 inflato, atque percito rapiuntur. Suo  
 more perpetuo tamen infida, lubri-  
 ca, & vaga fortuna est, ejusque flu-  
 ctus à fortioribus viris, qui se con-  
 stanter illis objiciunt, redundare ve-  
 hementius in minus habiles solent;  
 hunc præterea furorem subigere, ani-  
 mi talem impetum frangere quem  
 efferatum suscitât odium facillè valet  
 necessitas, tempus, virium defatiga-  
 tio, se ipsa quoque nimis paulatim  
 conatibus terens violentia, ac tandem  
 aliquando conficiens, vorax quem  
 admodum ignis pabuli inopia, & sua-  
 met quasi ingluvie, & ardore consu-  
 mitur. Constantia igitur opus est ubi  
 scopulo tanquam impacti æstus ira-  
 rum, malignarum moles inventio-  
 num, minarum procellæ, bellorum  
 omnium incurfus disjiciuntur, &  
 ideò siccitas etiam, quoniam plus,  
 quò resistat in naturæ qualitatibus  
 habet, similisque constantiæ virtutis  
 est, eò valentiùs, atque robustius hu-  
 mana corpora adversus externas, &  
 validas causas affirmat. Titus idem  
 Livius luculentam quæstionem indu-  
 cit, utrùm Magnus Alexâder cum illo  
 exercitu invictò ad Italiam fortè pro-

„gressus, atque hîc cum Romanis, qui  
 „belli tum maximè gloria, ac virtute  
 „florebant congressus, eos subacturus  
 „fuiſſet. Et auctor quidè Romanæ for-  
 „titudini, atque excellentiæ nominis  
 „ſuffragatur duabus præcipuè rationi-  
 „bus nixus, quod non adeò, ut Roma-  
 „nis Macedoni ad manus, protractum  
 „ſi fortè bellum fuiſſet, ſupplementum  
 „militem foret, & quod prælio uno  
 „victus Alexander, bello victus, ac  
 „proſtigatus penitus eſſet. Hæc duo  
 „igitur argumenta ex facili nempè mi-  
 „litum ſupplemento, bellique condi-  
 „tione ſubducta, quæ ſublimi, inte-  
 „gròque Livii iudicio Macedones  
 „etiam longa militia duratos, victores  
 „orbis terrarum poſt tot diademata  
 „everſa, poſt tot urbes exciſas, & Re-  
 „ges mancipia factos infringere valuiſ-  
 „ſent, cur hîc ſimul convenientia per-  
 „domare non poterunt paucos admo-  
 „dum Luſitanos impotentes, tyrones,  
 „in quodam Hiſpaniæ angulo inclu-  
 „ſos, & circumſeptos, quique ſpes,  
 „atque audacias temeritate, impetû-  
 „que provectas habent, vi ſua non  
 „nixas? Intelligite, quaſo, quot per  
 „totius Luſitaniæ circuitum hominum  
 „capita numerentur, atque ex iſtis  
 „alios neceſſariis officiis, ac ſervilibus  
 „artibus assignate, alios omittite ut  
 „debiles, mutilos ſenio conſectos, æta-  
 „te graciles, imbellésque permultos  
 „etiam ſactis, publicis que miniſteriis  
 „addicite, & ſatis poſt hæc explorata  
 „colligite animo, quo fortè modo,  
 „quæve temporis longitudine novos  
 „conſcribere milites Luſitanus, inter-  
 „euntés explere, ſi bellum diſtractum  
 „in plures regni partes inciderit, ubi-  
 „que ſatis occurrere, & perpetuo quo-  
 „que victrices, ac ſpoliis onuſtas ad  
 „alia prælia reficere copias valeat. Per-  
 „functoriè deinde conſectis oculis non  
 „dico in immenſum Hiſpanici Imperii  
 „corpus, quod Italiam, quod Belgium,

quod Indias remotas, quod omnes  
 Hiſpaniæ partes complectitur, ſed in  
 ea, quæ proximè vobis occurrunt  
 regna Caſtellæ tantum, hiſque ratio-  
 ne, animoque luſtratis rebus, poſtre-  
 mò concludite, cum ſapius vincendo  
 etiam attenuetur paulatim victor ne-  
 ceſſe ſit, utrum Luſitanus vincendo ſe  
 potiùs, an Caſtellenſis victus atterere  
 ſe, atque conſumere tandem belli de-  
 curſu, ac temporis poſſit; cædere illi  
 copias, an huic reparare facilius ſit,  
 & utrum repetita Caſtellenſibus cla-  
 des, an luſtuofior victoria, ſi extrema  
 primis annectas Luſitanis futura ſit;  
 niſi fortè pro Luſitania ſubſidia com-  
 putentur externa, quæ longa ſuo mō-  
 re, & incerta multiplici ſumptu, &  
 latrociniiſ etiam ærarium pervariant,  
 & regnum, & quæ expectatione ſæpe  
 concepta, ſæpe fide labuntur, ut nul-  
 lum unquam diuturnius Imperium  
 ſteterit plus alienis, quàm propriis vi-  
 ribus ſuſtentatum. Huic planè argu-  
 mento, & illud quod Livii alterum  
 erat adſicite, quod ſemel victus Luſi-  
 tanus, itidem debellatus, atque ever-  
 ſus omninò foret, nec tam durè, &  
 acerbè Hiſpano Imperio indignata  
 fortuna cenſenda eſt, nec tam diſſimi-  
 lis ſemper ſibi ut toties pugnæ pericu-  
 lum adeuntes ne ſemel ea quidem Lu-  
 ſitanos falſura ſit, imò potiùs miran-  
 dum eſt, in multis illos hucusque præ-  
 liis minimè ſeſelliffe. Hoc ſive caſu,  
 ſive ingenio, aut virtute ſemel acci-  
 deret, atque inter nimis multas rerū  
 mutabiles vices una duntaxat illa pro-  
 pitia nobis arrideat, quid amplius im-  
 pedimento, atque moræ Caſtellenſi  
 vel ſemel victori fuerit ab acie cruen-  
 ta Uliſſipponem pervadere. Audenti-  
 bus, atque agentibus non ſeſe mo-  
 dō præbet, ſed riſtum etiam mina-  
 cem plerumque fortuna mutat, æctio,  
 & induſtria illi pro obſequio, labor  
 meriti loco ducitur; ſi adverſa reſi-  
 ſtit,



„stet, patientia lassatur. Superest mihi  
 „nunc exponendum, quid tandem  
 „sit causæ cur Philippo superstitæ IV.  
 „cum armis Hispaniâ hinc Lusitanus,  
 „hinc Gallus urgeret, mætio tunc pacis  
 „cum Lusitano planè periculosa, atque  
 „abominabilis videbatur, sublato Phi-  
 „lippo, non modò ut perutilis, ac de-  
 „cora; verùm etiam, ut necessaria à plu-  
 „ribus usurpetur; nimirum, quia dubia  
 „nos inquiunt, gubernacula Imperii  
 „sub Rege parvulo sustinemus. Inde  
 „vires hostibus auctæ, Castellensibus  
 „imminutæ. Inde ratio illa superior ho-  
 „nesti utilitate correctæ est, aut necessi-  
 „tate contorta; secetur propterea quam  
 „citò hæc pars Lusitaniæ, aut avellatur  
 „à toto corpore Imperii, ne id ipsum pe-  
 „nitens marceat. Singularis, & rara, & ab  
 „initio attributa reipublicæ Venetæ  
 „gloria, atque felicitas est, eorum Prin-  
 „cipum sive Ducum in Principatum  
 „successionem nihil usque adeo novi in  
 „regimen ferre, ut Duce cadente sola  
 „persona Ducis non reipublicæ ar-  
 „bitrium sive mens immutetur, quip-  
 „pè cùm veteres leges, consuetudines,  
 „jura instituta, eadem quoque Se-  
 „natus consulta recentia, Duce etiam  
 „erepto, rata, atque integra maneant,  
 „nihil Venetis innovandi ex fato Prin-  
 „cipis copia est, ejusque tantummodo  
 „interitu unius hominis corpus, sicut  
 „cætera humana, quæ ipsa compegit,  
 „natura dissolvit. Hujus nobilis, pru-  
 „dentisque imitandæ reipublicæ usum  
 „nobis reliquit Regis Philippi mors;  
 „mortem enim oppetens Rex cùm ni-  
 „hil aliud præstiterit, quàm cœlitibus  
 „animam, ac terram reddere terræ, vi-  
 „vens verò nihil utique aliud, quàm  
 „perpetuò subscribere omnia decreta  
 „sententiæque Senatus, eadem post  
 „obitum ejus Senatus intelligentia iis-  
 „demque doctrinis, ac disciplinis im-  
 „buti, ut antea, incorrupta, atque solida  
 „permanente, quid inter negotia mu-  
 „tandæ, seu rei corrigendæ nobis po-

tuerint Philippi manes afferre, nisi ob-  
 „scurior aliqua causa, & ex consultan-  
 „tium libidine orta sese callidè intruse-  
 „rit? Atqui etiam opinio, ac dignitas  
 „nominis, imperiique majestas, eos qui  
 „curas nunc publicas sustinent, deficit  
 „nempè à Regis ætacula diminuta, in  
 „rebus enim humanis æquè vera, atque  
 „inanis magnam sibi partem opinio, ac  
 „populi rumor attribuit. Profectò qua-  
 „lis ob Lusitanas res decernendas hic  
 „rumor, & opinio popularis effluxerit  
 „nihil detrahit vel adjicit nobis, quos  
 „hostium, & nostros metiri duntaxat  
 „nervos, & vires, spernere vulgi ru-  
 „mores oportet. Imò verò si tanti  
 „valet opinio, & ideò opinionem  
 „cum opinione, & cum judicio judi-  
 „cium conferre placet. Nocet nunc  
 „res temperantibus nobis Regis infan-  
 „tis repræsentatio; sed alia eaque de-  
 „terior etiam opinio, nova huic inje-  
 „cta regimini plaga, erit, si pax cum  
 „Lusitano convenerit, & hæc Lusita-  
 „niam avulserit, emerfura. Utraque sa-  
 „ne opinio in regiminis ratione, & cō-  
 „temptu, viriūq; perspecta infirmitate  
 „versatur; at prior imbecillitatis exi-  
 „stimatio vulgaris, & frivola est, even-  
 „tisque refelli potest, altera cum jactu-  
 „ra, ac dedecoris quoque nota cōjun-  
 „cta est, & præterquàm quod ipsa revera  
 „turpior, atque damnosior, & cum fun-  
 „damento in re ipsa concepta esset, pri-  
 „mam etiam abjectam opinionem à  
 „Rege pupillo deductam sædo illo  
 „exitu confirmaret, quæ reipublicæ  
 „labes cùm serpere palam, ac pro-  
 „gredi semel cepisset, regno uno ab  
 „Imperio volentibus nobis abscisso,  
 „quid de cæterorum regnorum fide,  
 „& constantia cùm ita iniquum, ut  
 „æquum in animo valeat exemplum,  
 „censendum est. Si ægrotat Imperii  
 „corpus, si malè inter se regnorum  
 „membra cohærent, si regiminis spi-  
 „ritus pusillo cum Rege defluit, non  
 „vitalium hoc partium, & viriū

„ omnium incisione , sed cura , atque  
 „ studio , & remediis lenioribus repare-  
 „ tur. Dominium quò latiùs patet , eò  
 „ bello majores suppeditat opes. Cor-  
 „ ruet , denique corruet , credite mihi,  
 „ si insistere quoque labore , & constan-  
 „ tia pergamus , in semet revolutus hic  
 „ impetus Lusitani , & virium inopia ,  
 „ aut fortunæ satietate lassabitur. Ut  
 „ parvuli pisces à grandioribus come-  
 „ duntur , ita amplissima quæque regna  
 „ minora paulatim , ac citiùs finitima  
 „ absorbent. Has bene fundatas spes ,  
 „ hæc publica vota , & regiminis in-  
 „ crementa , si temerè pacem cum Lu-  
 „ sitano contrahimus , judicii lapsus in  
 „ nobis aut ægrè affecti animi tabes  
 „ obruet.

His porrò in Senatu pro Lusitano bello sententiis , & contra bellum acerrimè dictis , nihil ferè Procerum animos Nitardi suffragium movit , ita illud intelligentium , ut morem Reginæ gereret studiosè à Nitardo prolatum esse , quod ex ejus orationis contextu , & ex eo quod palam initio dicendi professus erat , intulerant. Perculit etiam Consiliarios , quod specie objurgantis ille acriùs inculcavisset , cur ea pax , quæ teterrima putaretur , regnorum Philippo gubernacula moderante , hæc mox Regina tenente , turpitudinem abjecisset. Perinde quasi vel tunc , vel nunc omnia falsa , atque insidiosè ficta locuti proceres essent. Proinde nonnulli , ejusque maximè obtrectatores Reginam insimulabant , cur enim Lusitanam pacem tractandam Senatus calculis objecisset , quam ipsa tantopere averfaretur ? Nihil aliud profectò fuisse nisi tentare Senatum , rimarique latebras mentium , populique calumniis consultores opponere ; nam si Imperii pax interesset , eamque ideo rectè ministri consulerent , consiliūque Regina , ut illo seridò uteretur , nec ut illud despiceret , flagitasset , quid

modò partes officii , aut rationem consilii fortassè utilem in ludibrio Regina , aut criminis loco ponebat ? tanquam excutere à se per ambages invidiam , atque illam trajicere in consultores intenderet , qui jussi fuerant ab ipsa de pace , vel bello sententiam ferre. Planè cùm vulgi latratus , ac futes hominum questus timidam nimis Reginam , atque in re publica segniorem ad res arduas deliberandas Reginam efficiant , nimis sui studiosam videri mulierem , plūsq; sibi , quàm rebus communibus consulentem. Has præter effusas querelas , & voces , quia incipientis tunc accidentia regiminis erant , introspicere ingenium , & mores , dimetiri Reginæ animum curiosi , atque aulici homines cupiebant , & scire unusquisque quid metuere , quid expectare , quid arte , aut industria captare hoc in deterius labenti regiminis cursu posset. Inde animum omnes , & oculos tanquam arcum in illam intentos habebant. Ex adverso Regina suos retrudere sensus , prætextus in causas , & species rerum pro rebus adducere , cunctatius , & cautè , nec minùs sollicitè cuncta perficere , jam Germana sinceritate inter Hispanas , & aulicas artes longa assuetudine , ac temporis vitio corrupta ; cūmq; jure , aut injuria perpetuo carpi , rodique velut fatale imperitantibus sit , neque id Regina nesciret , in leviores saltem reprehensiones incurrere providebat. Idcirco suspensa pace , suspensò bello , in Status Senatus consultis , in procerum monitis hæsitante Regina , cū suppresso in pectore arcano se tantum in speciem simulatio jactaret , nullus Senator rursus audebat aut palam asserere bellum , aut pacem negare. Evenit interea , ut ab eadem Regina Provinciæ Belgicæ præfectura Joanni Austriaco demandaretur. Is fictè illam  
 admittere



admittere primò pollicitus est: at gravius eo tempore offendere se prætexebat in agestatem ararii jam Lusitano pro bello profusi, Gallóque ut fama etiam erat, subinde accedente, celerius exauriendi. Itaque iturum se ad Belgium cum onere imposito Ioannes asseverabat, modò consultata cum Lusitano pax convenisset, secus forè, subiciebat ut ipse velut enervis cum armorum dedecore victus in Belgio caderet, Hispania per Lusitanos conflictaretur. Concussit vehementer Reginam hæc tortuosa Ioannis oratio, atque adeò, ut etiam si ipsa ministrorum consensui in pacis conventionem verè, & ex animo reclamaret, una tamen, qua maximè ardebat, Joannem ablegandi cupido, ut discessionem ad pacem faceret, illam planè subigere potuisset; nam & ideò quasi noverca in illum affecta erat, & itidem metuebat, ne manens in aula Ioannes ob regii splendorem sanguinis, virilis sexus prærogativam, rerum experientiam, ampliatæque factionis præsidia dum ejusdem Reginæ obtrectaret auctoritati, & gubernationis fortasse vitia per calumnias extenderet, in illam tandem invadere. Torserat quoque Reginam acerbior, ac vetus animi sensus qui ipsam coquebat, plúsque reliquas incendebat, asperabátque in animo curas, scilicet an Ioannes in alto regiminis gradus positus, eo contentus omninò fuisset, nec spes altiores, quas amici, & occasio illi subicere potuissent, & forta quoque atque aucta dominio cupiditas inflammare, opportunè subduceret. Harum laxamenta curarum, quæ ad Reginæ Regiisque præcipuè filii rationes spectabant, & quæ duriori quacumque conditione interjecta ab Austriaci absentia impetrare Regina maximè cupiebat, jucundè illi, atque appositè cecidit per pacem Lusitanis indultam, ad quam & suo tacito quoque instinctu cupidè fe-

rebatur, accipere. Stimulus etiam ad pacem Reginæ inter alios acerrimus erat Rex Anglus, qui procerum Hispanorum conspiratione, impulsuque permotus, nisi iidem Hispani propositam pacem amplecterentur, ferale bellum denunciāns cum omnibus copiis, ut affinem, amicum & socium se terra, marique affuturum Bregantio jactabat. Illique Austriacus suffragator adjunctus, à generis claritudine, ab aura secunda populi evectus sic studia passim, ac partes, ac propè turbas intenderat, ut nisi foris Regina pacem concessam hostibus vellet, domi propterea bellum habitura fuisset. Tor ergo, tantisque exagitata Regina stimulis, tanquam invita, & coacta, flectere tandem ad pacem omnibus visâ est, non minùs profectò cautè, quàm feliciter assecuta, ut in eo ipsa prolixius rogaretur, quod intus ardebat, & sua interesse in primis existimabat. Jussit idcirco verè de pace cum Lusitano, & quonam pacto ea constitui deberet, sedulò agi. Multis igitur in Status Senatu diebus per inanes, ac varias altercationes absumptis Reginæ denique assensu statutum est; ut cautor, interventorque cum Lusitano quasitæ pacis Rex Anglus assisteret, procuratio verò ex parte Castellæ Marchioni Carpenfi committeretur, qui jure belli captivus Ulißipone tunc morabatur, præ ingenio superior negotio vir, multarumque rimarum, quas ad hæc præsertim negotia feliciter perpetranda studiosius prudentia conquirere solet, quibus & aliis à Lusitanis ad constituendam pacem electis, ita denique inter Regem Castellæ, Regemque Lusitanæ concordia sancita est. Arces urbes, & oppida, spatia terrarum ad utraq; regna attinētia, & quæ utrinque per bellum erepta fuissent legitimo Regi concederent, præter Ceutam in ora Africæ sitam urbem, quam justa de causa ad Regem Catholicum pertinere, aut cum Olivença mutari, industria

industria Carpenſis obtinuit. Bona utriuſque Regis ſubditis, & in utroque regno jure belli ſublata pacis gratia reddantur. Negotiationes, acceſſus, atque reſeſſus, amborum regnorum commercia clientium pervia, ac planè libera mutuo ſint, fruanturque Luſitani his privilegiis, & juriſ in ambitu Hiſpaniæ qui Angliſ hominibus indulgentur, eaſdemque immunitates, & commoda in Luſitania deinceps repeterent ſubditi Catholici Regis, quibus Sebaſtiano quondam regnante utebantur. Captivi ex utraque parte libertatem gratis accipiant. Hæreditates, opes, & jura bonorum, quæ regni utriuſque ſubditis belli odio ſuſpenſa, interverſa, ſive ſublata in alieno ſolo fuiſſent, illis firma, atque rata ad quos pertinere conſtiterit, pace interpoſita, ſtare pronuntientur, quiſque in hac parte ſe aliquomodo gravatum, aut læſum cenſeat, is intra anni curriculum teneatur jus ſuum legitime profiteri. Luſitanis ſi terra fortè marivæ contigerit per Catholici Regis dominium ire hoſtibus obviam, hinc

inoffenſus tranſitus pateat. Diſceptationes, & lites ex mercatorum negotiis, & fraudibus terra, marique prætentis emergere ſolita, non armis, ſed judicio, aut pacato Regum arbitrio dirimerentur. Icto jam cum Britanno, & Catholico Rege fœderi, Luſitano quoque, ſi velit, accedere liceat. Reliqua ex Sebaſtiani Regis memoria, ac tempore repetita, atque in uſum denuo relata, quemadmodum ea tempeſtate tractata ſunt, ſub Alphonſo Rege obſerventur. Quæ denique omnia ut pacis hujus interceſſor, cautorque plenè, atque integrè Rege ab utroque exigere curet Rex Angluſ, & quæ obiter miſſa, nec ſatis fortalſè cauta, vel omnino proviſa lapſu temporis intercurrerent, pax ne turbetur, æqua ratione componere. Hæc ſtabilitæ ſunt acta pacis inter Carolum Catholicum Regem, Alphonſumque Regem Luſitanum Britannici Regis auctoritate, arbitrioque conſecta, atque ita octavo, & vigefimo poſt defectionem anno Luſitania à Caſtellæ jure, & Corona dirempta ſuo tandem Regi reddita eſt.






# DE BELLO LUSITANO LIBRI DECIMI

S U M M A.

**B**ELLO externo composito, quasi civile in Lusitania prurumpit. Regis Alfonso vita, instituta & mores. Odemira Comiti traditur erudiendus. Antonius Contius subdole captat Alfonso benevolentiam. Stolidâ fortitudinis ostentatione, in mortis discrimen bis se Rex implicat. Per Status Senatû publico nomine monitus, vitia mutat, non mores. Partes & factiones in Aula fovet Contius. Inter filium & matrem contentiones exoriuntur. Senatus decreto, Contius, omnesque ejus impure factionis clientes, ad Brasiliam exules ejiciuntur. Aloisia quod diutius tenere non poterat, Imperium Alfonso dimittit. Assumptâ dominationis initia. Comes Castelmeliorius, Comes Autogiae, Caesarque Menescus ad Imperium sibi tenendum, Triumphatus similitudinem constituunt. Regis tandem, regniq; unicus moderator remanet Castelmeliorius. Primarios regni cives exilio multat. Consilium orditur opprimendâ Aloisia, quæ jussu Regis à Regia discedit. Alfonso, nullo adversante ad pristina facinora redit. Marchionem Fontanum ad interitum querit. Sicarii Regis impetum faciunt in Comitem Encerensem. Ab iis Noronia leibali confectus vulnere, extinguitur. Religio in ludibrium adducta. Contius Ulisipponem revocatus in regni fines expellitur, artibus Castelmeliorii, cujus potentia decrescere cepit. Pulcherrimo vitæ instituto, moderationis laudem sibi promeretur Petrus Alfonso frater. Regis cum Principe Nemurtia connubium. Aloisia Gusmanæ mors, & animi dotes. Inter Regem & Petrum ingravescent dissidia. Regina, à viro ludibriis, à Castelmeliorio injuriis affecta, ad Petri partes accedit. Is Castelmeliorii expulsionem à Regia, deposcit. Senatus super ea re variæ sententiæ. Proceres, urbisque Patricii à Petro convocati, illius se causæ alacriter assuturos respondent. In ejus favorem tumultuatur Ulisippo. Castelmeliorius se ab Aula furibundus proripit. Henricus Miranda, & Antonius Sousa nocte intempesta diffugiunt. In summa rerum confusione, regni Comitibus coguntur. Regina ad Franciscanarum Monialium Canobium divertit. Liternam de matrimonii rescissione apud Ecclesiæ Iudices inchoat. Exutus imperio, custodia traditur Alfonso. Omnia imperii jura, præter Regias fasces & nomen, Petrus assumit. Regina, dirempto cum Rege matrimonio, ordinum consensu Petro nubit. Rex ex Insulis Tertiis relictus prope Ulisipponem degit, attentissimè custoditus.



## BELLI LUSITANI

## LIBER DECIMUS.



ELLO externo composito, quasi civile subinde in Lusitania prorupit, cujus valido impulsu tandem Rex est Lusitanus Alfonsus regni regimine devolutus. Hæc porro, nec ipsa parum utilia Principibus documenta, quo clariora percurrentibus fiant, aliùs nos repetita narratione de Regis hujus vita, institutis, ac moribus juvat aliqua tradere, qua videlicet causa legitimus Rex suo auspicio victor, regni que periclitantis affertor, tam felix militiæ quàm domi suæ infelix inter aulicos fluctus, inversique regiminis æstus imperium, uxorem, ac libertatem tandem amiserit. Alfonsus Regi Lusitanæ anno fluente suæ ætatis tertio, adhuc Theodosio superstite fratre, cui ut natu majori tunc expectatio incumberebat imperii, paralyticis morbo correpto tota ferè debilitata, quæ dextrum latus complectitur, pars corporis aruit. Pestis cum tanta invasisset infantis gracile corpus, & conquisita longè remedia ad rapidam morbi vim edomandam applicita essent, morti denique Alfonsus ereptus est. Post ætate progrediente, ubi vegetius jam corpus strenua remedia non recusabat, balnea, & eximia ab Indiis Orientalibus accersita, quæ morbi reliquias expellerent, agro corpori pharmaca adhibita sunt: & his quidem adjectis, dissolutio membrorum aliquantulum ipsa contracta, ac ferè discussa torpedit. Restitit tamen dexteræ manus implicitus usus, & reliqua corporis membra paralyti quondam tacta ægrè deinde officiis vitalibus fungebantur. Quod autem homines magis cuerat, eosque sollicitos magis habe-

bat, quædam erat in Alfonsus suspecta cerebri læsio, ac depravati, paululumque corrupti iudicii species, quæ quamquam eo viridi tempore sub gestis, ac nugis puerilibus latitabat, suspicionem tamen vehementem incusserat Lusitanis, ægritudinem mentis in puero corporis ægritudini consensisse. Cæterum has anxie susceptas de Alfonsi valetudine curas Theodosii tunc indoles solabatur, magnæ spei juvenis, & qui ex primis ætatis igniculis, ubi futuri persæpe argumenta scintillant, haud dubie mereri videbatur imperium, quod fortè ipsi quoque natalium obtrigerat. Verum diem suum immaturè mox obeunte Theodosio, tantæque virtutis specie, priusquam prodesse reipublicæ posset, extincta, cum Alfonsus regno proximus superesset, nec illo ipse dignus cum affecti habitudine corporis, tum mentis caligine putaretur, infausta, nimisque infelicia plerique jactabant præfagia futuri regni, ac simul in ore, sensuque prudentiorum hominum erat, occurrendum maturè periculo esse, ne serò malis appposita medicina tempore asperior, vel irrita foret. Non causa, non gratia Regum esse condita regna, sed illorum custodiæ subsidioque Reges tanquam in specula constitutos, eodem populo assentiente, vel saltem non repugnante, aut cum regia sobole misso jure, aut jure suffragii accersiri, qui certè haud impares, ineptique tam celsò, operosoque muneri censeantur; nunc autem Alfonsus debilitate corporis imminuto, hebetudine mentis inhabili ea lege videri tantummodò regnum permitti posse, qua non iudicio sed casibus regi, & omnibus ultrò liceret unà cum Rege perire. Huic imminenti regno dedecori, & publico detrimento, atque exitio sine strepitu, sine tumultu tunc Lusitanis obviam consultius eundum, cum regius hucusque puer assentantium illecebris, contagiisque



tagioque ambitionis intactus, quod necessario, atque acerbius sit aliquando amissurus amittere citius propter ætatem non sentiat, vertique facilius ad alia instituta, atque studia ea ipsa ignara, ac flexibilis ætas possit. Idcirco regni Comitibus Ulißipponē coactis cum ibi ageretur in Alfonso verba jurare, ut regno cadenti jam proximè successuri, altercatio inter partes exarsit; Alfonso ne an Petro potius ejusdem Alfonso natu minoris fratri jus deferendum esset imperii, corporis scilicet, atque animi vitia an adeo graua, ac deformia paterent jam in Alfonso natalibus antegresso, ut in lege usque imperandi fas esset spei clariori, ac virtutibus Petri alterius ætatis prerogativā postponere, atque ideo utilitatis, ac meriti ratio in publica causa fortunæ suffragio antecelleret. Cur enim, illi dicebant, cogerentur ritè Comitibus, & calculi, & urnæ repeterentur, si ratio ipsa nativitatibus immobilis fascibus summi imperii constrictos, solioque inhaerentes ætate majores teneat Publicorum procuratorum officii esse profecto partes non aliū post alium pecudum ritu censendo naturæ subsequi instinctum, & motum, & insulsè casusque decernere; at videre, explorare, scrutari, ac serius omnino eligere tanti laboris, tantæ mentis capacem virum, nec mole minorem, qui nisi esset in regnatrice domo, extra illam certè, ne omnia per principem ruerent, querendus esset. Distractis in hunc modum sententiis, vicit tandem Bregantii Patris auctoritas, qui in eodem conventu specie Regis augustior, & in librorum causa Iudex æquissimus ab omnibus æstimatus cæterorum sententiis obruit. Ille enim æquitate quadam, & casu plusquam consilio, & rationibus usus dum animo voluit, rata, atque certa hinc inter fratres dissidia, perpetuasque in regno discordias hanc juris, insuetamque regni translationem comparaturam fuisse,

hinc spem aliquam fore, ut exercitatio ne, tempore, & cura filii se corpus quandoque melius haberet, iudicium usu rerum, exemplo, ac disciplina proficeret, eaque spe plus illectus quam obverso periculo terrefactus in illis Comitibus obtinuit, Alfonso eo tempore Principem, imperiique proximi successorem institui, ac de more jurari.

Post hæc demortuo Bregantio, atque Aloisia Gufmana vidua liberorum tutelam regni que regimen ineunte erudiendus Alfonso Francisco Faro Ode miræ Comiti traditur, qui propter generis claritudinem regio quoque stipiti admisti, simul scientiam & gravitatem morum eo in primis educationis munere dignus occurrit. Is igitur ne minus fortassè Rex cum magistris quoque dedecore saperet, accuratius primum intendit regiis adolescentē moribus imbui, ediscere literas, quantum deceret Regem, Politicas artes, quantum caperet ætas, apprehendere, idcirco sæpè monere Regem, ad altioris evecti culminis gradū facta, dictaque viri magis clara & perspicua acriorique subiecta mortaliū censuræ fore; regiam maiestatem non virtutibus modò nudam, sed admirationis quoque plaususque quæ ab eximia, ac singulari virtute concepta opinio quædam magnifica suscitaret, vacuum discrimini sibi contemptui clientibus esse; ubi plurimum fortunæ, ibi plurimum periculi, ibique minus actionibus libertatis, minus licentiæ in vitæ cultu, ac moribus esse, quò denique latius pateat imperium, eò magis sibi Principem imperare, se frangere, patientiam, obsequium, animi servitutem exercere debere. At irritis quidem monitis apud surdas Principis aures assiduus præceptor strepebat; prava namque in Rege mentis affectio, atque illa indolis contumacia ad dissimilia conditioni studia, & vilia, & abjecta quædam nugarum oblectamenta labefactum jam

animum rapiebat ; puerorum nempè turbis immixtus quaterere arundines, fundas torquere, cum inæqualibus modò contendere cursu, modò fustium, ac lapidum jactu ; aliis jocis, ac lufibus etiam puerum dedecentibus Regem conterere tempus, & otium ; hoc planè modo, promiscuæ, sordidæque assuetudine turbæ ad inhonesta, ac propè turpia exercitia regio decore projecto. Quod genus libertatis in Rege, aut hoc paulò minùs etsi alibi forsan excusat diversitas morum, in Hispania ubi rigor, & gravitas morum, & ostentatio rerum inanium magno apud proceres pretio habetur, hoc valde execrabile, ac nefas est. Hæc circa Regiam otia in loco seposito sæpè tractabat Alfonsus, ludis interdum spectator astabat, ibique taberna erat Antonii Contii Ulisippone nati, sed origine Ianuensis, qui venales ibidem merces ad questum ex longo tempore habuerat. Is postquam Regis naturam, & indolem intellexit, in quo minus quidem decuerat, inter ea jocularia laudare, atque plaudere capit Regi, tum maximè & illam colludentium puerorum catervam collisu palmarum, gestuumque jactatione, vocibusque juvare, atque efferre, ad quam impetrabili quodam ingenii motu per se inclinare præfererat Regem ; multa præterea hujusmodi Contius agebat inepta, puerilia, fallacia, & quæ ab ejusdem etiam ætate, atque officii ratione abhorrebant, ut in his ipse morem gereret Regi. Qua porrò ingenii indulgentia per astus, crebròque cùm Regi blanditus esset Antonius Contius, illius sensim captare benevolentiam, surripere gratiam capit, idque hilari quoque facie, & nutibus illi, scintillantique in oculis risu plerunque Rex ostendebat. Antonius quia erat ingenio supra conditionem ambitiosus, ac subdolos, tunc in fronte, vultuque Regis arridere sibi fortunam ratus, & cul-

tam ipsam, consociatamque ulteriùs, & facilè progredi posse, quæ afflare jam prosperè cæperat omninò deinceps illi vela permittere statuit. Itaque impensius, ac propius capit colere Regem, acuere blanditias, intendere maximè dolos, quibus ea rudis, ac mollis decipitur ætas, hisque ex sententia fluentibus sibi, ausus est denique Antonius secreta munuscula dare carissima Regi, ut instrumenta puerilium lusuum in quibus summè delectabatur. Insolentis, superbi, regique præsertim est moris sua multò plus excitari, afficique quàm aliena munificentia, & velle se potius dona credere, quàm debere ; ratio quasi meriti magis in dato valeat, quàm in munere accepto. Secus tamen cum Rege usu venit Antonio : Rex enim tenacius exiguis illis adstrictus in animo officiis, & voluntate captus amorem, & studium in illum intendit. Crebriores itaque ejusdem ad Regem aditus, remissa quædam, ac facilis conversatio, repetita colloquia, quæ cùm sine obice veli, sine janitoris arbitrio, solo Rege, horisque sæpè non congruis agitentur, impuritas hominis magnatibus odio, favor nimius invidia, & despectui quoque ignobilitas erat. Eo usque tandem per eam incrementem quotidie licentiam, aulicorum insectationes, & vulgares ex ea querelas devoluta res est, ut Odemira Comes, & suo jure, & Aloisia regis matris imperio prohiberet omninò Regem ab usu, & consuetudine mercatoris. Valuit hoc primum in Rege mandatum, non ut prorsus Antonii congressionem abnueret, sed eam ut cautus deinde requireret, insito postea ipsius rei vetitæ affectu, regique animi tacito impetu Rex magis impulsus tanquam omnia licerent Regi, pudorem, & metum omninò solvit, & sæpè numero clam, atque palam, neglecta matre, rejecto magistro Antonio Cório familia



familiariter utebatur. Tunc Odemira Comes, Regisque mater, qui tantum sibi usurpare potestatis in Regem poterant, quantum ille permissum jure suo vellet, cum inter se conferrent, atque animo volutarent, ex primo à se frustra imposito Regi mandato lætam sibi ipsis auctoritatem, verecundiam Regi imminutam, auctam Antonio gratiam, & quod si idem rursus & acrius irriti præcepissent, reverentiæ denique frænis in matrem, respectus in præceptorem prorsus excussis, Rex solutior imposterum, & suo more intractabilis raperetur, rem planè missam fecerunt, eo secus freti, quod quemadmodum ad Alphonsum Antonio Contio aditus interdictus regiam auxerat voluntatem, ac desiderium intenderat, ita injuria deinde, atque aditus laxamentum inducere forsàn, ut sæpè fit, & in lutulentis maximè rebus, ex nimia indulgentia fastidium, ac satietatem poterat. Hac ancipiti ratione ea tunc imprudenter neglecta, & quæ oppressu faciliior cum primò favilla surgeret videbatur, in magnum denique incendium, ac regni propè perniciem exarsit. Quippè Antonius ubi cognovit ultra magistri, matrisque conatus, & studia erga se Regis invalescere gratiam, alacrior deinceps, ac promptior animo factus, ac spe concepta tumidior, quibus initiis turpibus cæperat, creveratque, iisdem ad arctius obstringendum sibi Regem incubuit. Erat jam eo tempore potens præ ætate Rex regere equum, nec affecti corporis imbecillitas liberius eundem habenas tractare, aut vestigium in stapede sistere impediabat. Equestri propterea, ac verè dignæ Regibus disciplinæ Odemire ipse Comes, quo à sordidis, & puerilibus quoque studiis degenerem animum avocaret, vacare sedulò Regem instituit. Et primis quidem elapsis diebus ritè, & consultò provisum à ma-

gistro fuisse in causâ Regis apparuit, ingenuæque arti malas elusas in Regè artes extemplò cessissè; sed paulò post primo illo quasi novitatis ardore, sensuque reſtincto cum viciata per se natura, & fomes, & homo, qui impelleret, esset, recidere tandem in suos pristinos mœurs agrè retentus, & in contraria exercitia tortus malè inclinatus animus visus est. Rex enim ubi de more equitabat, cum propior ibi secretæque sedes esset eò Antonium Contium, atque ejusdem notæ, sectæque juvenes impuræ voluptatis ministros introducebat, quibus & Mauri nonnunquam fœda mancipia tetra facie, ac teterrimis moribus miscebantur. Hos inter homines, genere, fama, moribusque pollutos, ac foetidos turpia erant facta, obscenioraque verba, facinororumque spectatores, plausorque quasi palpo sedebat Rex, ipse etiam interdum lætæ, ac tripudii contentione deformius augustum nomen, ac regia ornamenta conspurcans, quæ porrò magis pudenda per id temporis erant, ac reprehendenda Regi cum ab ætate jam grandiori scurriles inter has levitates nullam, ut antea, excusationem acciperet. Hac, & talia Comiti Odemiræ comperta ipsius in primis animum cruciabant cum Regem dolentis puerorum deliramentis, indignisque voluptatibus irretitum, tum maximè quòd jam vitio labentis Principis culpam in ejus vitæ magistrum errore populi transferente, ipsius quoque periculo, ac publica nota tunc videretur peccare Rex. Igitur Comes, suæ ut etiam famæ, decorique consuleret Regis, impavidè semel locum, ea ubi colluvies præſente Rege debacchabatur ingressus, probris, minisque vehementer congestis plebeiam turbam exegit, Antoniumque ut illorum criminum caput, terrore quoque mortis injecto, Regiæ ab ingressu severè prohibuit. Rex autè rubore suffusus, fractoque pudore

vultu, ac tacitus cessit, verecundia ac re illa improvisa ipsum prapediente, ne offensionem manifestaret; ea tamen alius peccati ejus immissa cum ira suscepta, & quotidie in Rege crescentis indicia ex gestis, ex ore clarè manaret, tunc, qui etiam per rimas inspicere solent in aula occultos Principis sensus, occasionique imminere, ubi vergere in illo Odemiræ Comitis gratiam agnoscunt, alii Regi adulantes, alii magistro invidentes, multi ingenita levitate, ac rerum novarum studio regias ad aures instillare sensim incipiunt. *Regum libidinem sibi esse legem, aut vi legis superiorem, summa fortune summam congruere licentiam; fallacibus monitis velle sæpe privatos homines Principum libertatem, si parerent, obnoxiam, sin minus, formidine adstrictam, ac si melius res cecidisset, omnino imminutam alienoque subactam arbitrio.*

His, & similibus argumentis improbi homines eam quæ in se ipsa satis inflata, ac turgida erat, insuper Regis vanitatem implentes denique obtinere, ut Rex in dies acrius Odemiræ Comiti adversus in Antonium Contium Regiæ quamprimùm, & suo conspectui reddendum imperio, ac minarum simul terrore persisteret. Ea planè res hæsitantes, ac tristes, multiplicique malorum cogitatione distractos diù Regis magistrum, matrèmque tenuit; nam solutis regie libidini franis, Regem, regnùmque perditum ibant, his verò utcumque contractis, periculum impendebat, ne eos Rex, & deterius animi impatientia, ac suprema potestate distrumperet. Diutius idcirco imminentium horum malorum collatione, ac propè mensura perplexis, cunctantibusque cum minus è malis eligere malum liceret, placuit tandem remotum ex Antonii familiaritate periculum, cui aliunde forsitan vi-

debatur, quod multa supplet, succurrere posse tempus, post habere periculo proximo iræ Regis, ni deflagiaret, in monstrum aliquod erupturæ. Revocatur itaque Antonius Contius, nec modò Palatio, sed Regis etiam familiaritati, ac fiducia, ut eluctatus difficultates, victorque ipse æmulorum arctiori vinculo restituitur. Atqui cautior deinceps suo capite factus Antonius, & quasi periculis eruditus circumspectionem, falsitatem, ac tacitos dolos adversus Alfonso matrem assumpsit, didicitque inter aulae fragosa, & abrupta, ne pes instabilis falleret, acuendum potius ingenium, quàm genio indulgendum, aut inflandum animum esse. Introspeixerat ille Regem ad turpia non solum, ac fœda, sed ad fera quoque & crudelia suo animo pronum, impetûque naturæ præcipitem. Sciebat etiam plus hæere cuique dedecoris ex corporis petulantia, ac lascivia; plus terroris, ac fugæ in ostentata sævitia esse, cujus si specimen Rex per seria, vel joca palam exhibuisset, aulicis inde formido, sibi, Regique loco ludibrii orta ex timore securitas pararetur. Hoc pravo sanè consilio ad diversa, eaque trucia exercitia, atque otia transferens Regem Antonius Palatii inter ambitum ludos instituit, in quibus feroces, ac rabidi canes, equique simul indomiti aliis cum pecudibus concurrentes sese invicem morfibus, unguibus, ungulis, calcibus laniabant, & proterebant; illique extra septa suo interdum impetu effusi etiam homines lacerabāt, applaudebātque spectaculo vulgus, quasi in Regis, aut populi voluptatem homo discerneretur. Statuit præterea in amplissima Regiæ planitie quædam certamina funditorum, néve inanis barbarus labor esset, præmia concertantibus posuit. Hinc ab errantibus saxis plerumque deprehensi, qui urbis semitas ambulabant, & corpore afflicti livores, membrorum



brorum contusiones, & vulnera, nec raro mortem in joci gratiam subibant. Quin & ceteri juvenes exemplo Regis affecti cruentos hos ludos variis in urbis locis agebant; ita porro velut in partes divisa civitas lapides undique pluere, funditorum discurrere turbas, & per eas conventicula, vias, urbana opera disturbari, cruentarique in transitu cives conspiciebat. Adeo raptare potest puerilis etiam levitas Regis, adeoque homines recte, vel secus Regis ad morum imaginem effinguntur, cum affecto Alfonso Regis ingenio hæc noxia alimenta præberet Antonius. Remisit hunc post aliquantulum, nisi prorsus barbaricum morem solvit ars interposita gladiatoria, qua, Odemira Comite instante, tunc primum se Rex imbuendum insigni lanistæ tradidit. Hujus enim discendæ artis opportunitatem cum amplexus esset Antonius arma usu illicita, occasione periculosa, nocendi acumine varia, & insignia, quæ clam, & abunde in Palatium convecta assuetudine, & usu quoque suo ingenuo ferocem Regis indolem irritabant, docuit ille frequentius, libentiùsque tractare Regem. Erat & horum malorum accessio, quod male, vel bene moratorum adolescentium gregi, qui frequentes ad Regiam ibant, colludentem specie videndi Regem, aut cum ipso digladiandi, alios furtim miscebat Antonius, nimirum gerrones, scurras, sicarios, profligati pudoris homines, qui cum mala multa fecissent, plura tamen, tanquam commendationem à scelere peterent, ipsi fecisse jactabant, quàm fecerant. Ex pestifera horum hominum consuetudine, & usu didicerat Rex, in laude crimina poni nullum esse discrimen inter magnam infamiam, & famam, sive terror ab illa, sive laus ab hac captaretur; temperantiam, pudorem, juris æqualitatem, atque mo-

destiam non à spiritus celsitudine, & morum, animique concentu, sed ab inertia, metuque poenarum, & contumeliæ fortuna duntaxat, & animo abjectis, fractisque hominibus gigni, & jus impotentes ut plurimum appellare, & cum sordes exuerint, negligere; inter opes strepitumque fortunæ cedere in melius omnia, & omnia Regum libidini conformari. Ea petulantium effusè juvenum, & perditorum conflata manus, perpetuo quæ erat regio lateri affixa lutulentis his moribus maculans, impiisque dogmatibus influens in animum Regis, quod illi ex morbo supererat humanitatis, & lumen judicii, aut vestigium honestæ famæ ferè in totum extinguere visa est. Stupra enim, & cædes, quæ Uliassipone ab illis exercebantur, quia impunè, nullo prohibente, & frequenter eveniebant, & ea impedire, si vellet, facile Rex potuisset, ut malignior semper interpretes garrire solitat vulgus, ab eodem Rege probata, aut præcepta, aut gratia ejus quæsita scelera vulgabantur. Criminationes ex eo publicæ in Regem, & acriora passim gliscebant in urbe Principe odia, & se extra quoque jactabant, quique prius per se levis, obtusi, ingeniique volubilis nota, & suis infortiis vitiiis, alienis modò flagitiis appetebatur.

Eadem in Regia, iisdem temporibus Petrus agebat Regis Alfonso frater; ætate minor, indole melior, ingenio excitatior, & cultior. Aderat etiam utriusque Aloisia Gufmana mater, & minus profecto illa rationibus prolis, quàm imperio, & aulico fastui, fumoque servandæque sibi potentiae in actionibus tribuens. Hæc filiorum dispares mores, & habitum scemina intuens anxio secum animo volutabat, qua ratione, qua industria inter hujusmodi corruptelas, & illecebras vitiorum fratres amore domi conjunctos, errore disjunctos haberet; néve alterius indoli exemplum,

nève naturæ officeret disciplina; societas enim, & consuetudo majoris minoris candorem inficere videbatur, duriores etiam conditiones, & odia adolescentibus illatura tanquam invicem se caverent, & se invicem suspectarent, videbatur dissociatio; quas consuetas inter æmulos fratres discordias casu, vel genio, vel ambitu gradus exortas hinc insuper regni certamen, ac præmium in medio acerbius quidem inflammavisset, & quod in re miserrimum esset, ea propè scena subiecta oculis potentissimi Regis, & hostis, qui Lusitanæ ex fratrum dissidio, atque odio influentes calamitates in amplissima regni sui commoda conversurus fuisset. Hæc agitati, quanquam rerum extrema vitando cum moderamine, & cura utriusque fratris dispensare congressus, notare colloquia, limitare convictum, ut postea peregit, sceminæ placuisset; Petrus tamen omnino parcius fratris congressu cum uteretur, difficile utcunque poterat illas offensiones, animique amaritudines declinare, quas morum dissimilitudo, ingeniorum inter fratres diversitas, & opposita studia contraxerant. Dum enim scæda sua Rex, suorumque satellitum opera commendabat, suspecta laus, ingrata fratris minoris reprehensio erat, silentium deteriorem in sensum detorquebatur. Utrique præterea studio, vel joco cum altercari contingeret, refelli dolebat Alfonsus, fratrisque minori primas concedere ingenii; si gladio ludebant, ut corpore agilior vincebat Petrus; in aliis etiam certaminibus ludicris fortunæ præsertim arbitrio, nutuque pendentibus, velut hæc retrusæ in futurum, atque intus abdita gloriæ quasdam per rimas quasi scintillas effunderet, ut plurimum Petro favebat. Ita porro quidquid diceret, quidve seriùs, aut ludibundus efficeret Petrus, ut ingenii acumine; eloquio, ac fortuna superior dolore in-

vidiæ, atque stomacho Regem fratrem paris sibi, nedum majoris impatientem urebat; atque ita perinde coire inter se, ac usu dirimere fratres molestum, & anceps erat. His accesserant adulatores, delatorisque & ceteræ labe, & aula monstra, quorum ut quisque studio, aut servitio fratrum alteri proximus, & fortunæ quoque implicatus sustulerat spes, ex præcipitio cujusque fratris altiora sibi emolumenta quarentium, alius quidem Petri animi, & corporis dotes in regni contentione terribiles Regi representabat, alius Petrum concitando inflammabat, diutius videlicet tolerandum minimè fore ingenuis hominibus Regem furiosum, mollem, enervem, omnino fatuum, nec minùs animo arentem, quàm corpore. Hoc, & simili quoque modo præ æmulatione, atque opposito ingenio sua spontè jam dissidentibus fratribus, turbulenta insuper aulici semina jaciebant, quibus perpetuas ex discordiis discordias, & majora ex minoribus mala cum exitio publico elicerent. Efflorebat interea, quæ ejusdem artibus alta, ac misicè culta quotidie augebatur, gratia Regis Antonius Contius, cumque ipse sciret in illo fastigio natalium præcipuè squalore se vilipensum haberi, cursum quem nimis propitia fortuna monstrabat expeditiùs persecuturus, cum esset Ventimillia oriundus, quæ in Januensi ripa maritima sita est, cognomen, ac patriam mentitus illustre in Sicilia Vigintimilibus genus per venales adhibitos testes, & tabularum fidem corruptam errore nominis interceptit. In stemma propter eam, atque insignia alienæque familiæ splendorem, ac nomen furtivus invasit. Igitur extra alia, quæ circumfusa illi blandimenta fortunæ erant, utpote novi etiam assumpti generis arrogantia subnixus ad altiora contendens Antonius, tanquam absterse jam sordes



des essent, quæ illi exprobrari tantummodò poterant, studiosius idcirco fovere, atque intendere capit in Regia partes, in negotia publica irrepere, Regem à matre, atque fratre jamdudum animo aversum, ac reluctantem alienorem quotidie per cumulas infidias reddere, eoque per opes, astutisque vir ille processit ut plures in aula gravius Antonio primùm infesti, & qui ejus moliri ruinam tentabant, ubi ipsum jam vident in gratia Regis, in apice rerum hærentem, & matris, fratrisque regii, totque æmulorum ictibus inconcussus, ac stabilem, mutata deinde sententia in ejus partes æquo animo transeunt sese unà cum illo sustentare curarent, quidam, sed admodum pauci, quos nempe regni, Regisque tetigerat cura, ut ex præsentibus malis, si utile quidquam foret, deciperent, consultò obsequerentur Antonio, ad hoc, ut per illum inflecterent Regem, quod ratio, & causa reipublicæ postulasset. Interim ætate, atque robore corporis Rex adoleverat, cæperatque jam acrius venereis stimulis pungi, & quod de erat ingenio, sive aptitudini ætatis esca, & insidiis explebat Antonius haud inficius, nullo hoc venereo arctiori teneri nexu, trahique superbum Regis arbitrium posse, immanemque famæ & honoris, quæ ambitio dicitur, bellua, & quæ tanta cum Orbis clade, ac fragore in Principibus fuit, amoris tantum veneficio sopiri posse, aut imperio domari.

Erat tunc Regi intra Regiam unà cum matre Aloisia convictus, astabantque regiam matri Aloisia de more servitii causa, consuetique ostentationis obsequii pulchritudine eximia claroque genere Virgines commendatæ. In earum nonnullas tenerius, ac dulcius quàm antea solebat injicere Alfonso jam cæperat oculos, & illorum

præcipuè jocosos, seu familiari colloquio magnopere delectari, & quanquam ob matris timorem palam animi rigor, fastidium utrinque vultusque gravitas fingebatur, vibrantes tamen lubricè oculi, & supercilium quandoque repenti laxatum cordis interdum secreta prodabant. Intererant etiam furtiva munuscula, & plura vicissim amoris ablata, ac reddita pignora, tum litterulæ, & amatoriarum contentiones sæpè compositæ, sæpè rescissæ, & amoris subinde incremento resartæ, eoque ea juvenilia decurrerant oria, ut locus tantummodo, aut pudor, aut temporis immaturitas videretur impedimento esse, ne veracundia, ac modestia, quas liberalis comisque mos aula in amatoria lege præscribit, pudicitia fines transgredere-tur. Cognitum hoc Aloisia, simul animo volvens quantum ponderis, atque gratiæ muliebri nimisque in se affectæ fragilitati venereo in eo ludo fuisset Regis insuper fulgor, ac dignitas adjectura, famam præterea nomenque Regis palam satisque proficissum, matris quoque ignominiam, ac dedecus congesturum, si illuxisset fortasse Regiæ, polluti tanquam sacrarii odor extrinsecus emanasset, quò filii existimationi, ac notæ quoque domestica subveniret, in aliam à sua separatam Palatii partem transtulit Regem filium, illique divisim regium obsequium, & cultum, regiamque familiam, citius propterea, quàm secum ipsa statuerat, ex regni optimatibus posuit. Hoc verò propè coactè susceptum ea tempestate, consilium, & de die in diem per ambages longo tempore ductum callidè hucusque Aloisia protraxerat, ne regia scilicet pompa, atque strepitu circumfusis Alfonso, & spiritu idcirco, animoque insolentius quàm adhuc se ipse jactasset, erectus, celerius eriperet illi gubernationem imperii, quod tutelæ nomine temperabat, nève ad hoc etiam

Alfonsum famuli proceres perpetui ejus comites incitarent, publicarum nempè partes curarum pro servitii merito repositas. Cæterùm ipsa Aloisia quod hæcenus sibi à magnatibus caverat, cùm gravius à Contio, & clientibus ejus tunc impendere prospiceret, cùmque filium etiam videret, transversis hominum sordidorum vestigiis abreptum ruere ad aliud ab alio flagitium, & nec Regiæ quidem honori, nec dignitati maternæ parcere, comparatione periculi minus dolendum existimavit, sese, utrinque invidiæ intumescens fluctibus, dum clavo assideret, illisam, cùm ire semel præcipitem oporteret, à magnatibus potiùs quàm hominum face devolvi; & interim bonis Rex moribus erudiri per viros nobiles posset, & ipsa quoque seducto Rege, familiæ suæ cui potissimùm incumberebat, pudicitie consulere. Sede propterea in Palatio mutata Regis, eique magnifico, & valde lauto, quod Regi par erat, famulatio, cultusque præscripto, inter eas venerationes, & adorantium hominum turbas velut Rex experrectus insolito quodam more aliquibus visus, aliis, & veriùs tegere potiùs, quàm radicata jam vitia discutere. Assiduus enim ad latus erat Antonius Contius, qui cùm effusa morum licentia, ac libertate vitæ gratiam Regis adeptus esset, impigrè operam dabat, ne iis, quibus cæperat, succreveratque malorum artium ablatis fortè subsidiis, illa sensum dilaberetur. Igitur hoc incitante, hoc hortante, hoc esca, & illecebris, blandiente, pertæsus tandem Alfonso illud procerum servientium obsequium, & consuetudinem effrænaturum, & vilium catervas juvenum, quos paulisper non Regis, sed procerum verecundia retraxerat, iterùm appetebat, prætextus, & causas idcirco sæpè necessebat Rex, quibus jussi redirent, suetasque genio delitias, & corruptelas

ætati suppeditarent. Frequentiùs se Rex cum illis hominibus exercebat, equitando, venando, gladiis, aut jaculis colludendo: at ludus armorum sæpè cruentus, temeraria venatio, cursus equorum adeò semper violentus, ac præcipitio proximus erat, ut altiori intellectu nonnulli, quibus omnia Principis dicta, seu facta torquere mysterio mos est, intelligerent, velle per eam laboriosam, ac nimis, lubricam vitam Alfonso sævitia timorem animi, insolentia laboris defecti corporis vitia dissimulare. Semel præsertim in vasta ultra Tagum planitie, cùm admissò curreret equo, stolidèque ut solebat, homines pecudésque lacefferet, jam ira spumantem, pulsusque pedum, ut priùs laceffitum, se contorquentem in taurum incurrit. Aberant tunc ejus comites aulici, non enim tam facilè obliquo, & celerrimas fugas Regis, deviosque transcursus plerumque sectari poterant. Taurus verò primùm Regis clamore, strepituque irritatus, inde hasta ictus, ut eo vulnere rabiem, iramque totam collegit infecta cornua in equi ventrem impingens equum, Regemque prostravit, ac fædè illo impetu afflixit. Ad spectaculum, quod animos procul, oculosque percusserat convolant proceres Regemque inveniunt jacentem, suo, equique suffossi cruore perfusum, membris contractum, eoque horrore, ac stupore mortis attonitum, torpentemque, ut non mens illi, non color, non verba satis omninò constarent. Mox in lectica positum Regem, & custodia vallatum Ulisipponem reducant. Eo infortunio, ac simul periculo Regis statim per urbem diffuso, eoque amplius rumoribus aucto, cùm planè tota commota, ac perturbata civitas esset, ad Regiam confluit, nec priùs eo loco recessit, quievitque obstrepentium, quærentiumque tumultus, quod vulnus urgeret Regem, quam denique innotuit



tuit melius se habere Regem, & minus ei detrimenti, quam metus fortuitam rem intulisse. Alfonsus quinque mox secta vena convaluit. Caterum hujus temeritas exitus, ut clarius efferratur animum Regis, & cuiusque periculi contemptorem, mistumque audacie furorem ostendit, tantum terroris famulis ejus incussit, ut nemo illi in posterum dissentire, aut ulla in re contradicere auderet; imò verò in ipsorum securitatem cum omnino quoque tacere non licuisset, res serias faciet, vel sales ex composito eluderent, assentatio, & mendacium in gratiam Regis repeteretur. Ita suo ingenio ager, & aliorum nefario circumactus arbitrio Rex in ipso exardentis ætatis impetu, astutusque ad exitia, & dedecora, nullo tenente, prolabebatur. Usus equorumque tractatio delectabat in primis Alfonsum Regem, & quò erant illi ferociore, eidem magis placebant. Evenit cum Rex ipse errabundus & à comitibus separatus, ut sui moris erat per agrorum latitudinem cursitaret, ut in agrestes homines quosdam qui Uliisponem, sole occidente, pergebant, incideret. Cursus celeritas, habitus, à famulis, à proceribus solitudo tantæ majestati dissimilis personam Regis abdebant. Nihil illi propterea minus eum quam, qui erat esse credentes, insalutato, Rege prætereunt. Tunc Rex aut iratus se non cognosci, aut suæ, sicut solitus erat, temerariæ ostentandæ virtutis cupidus impulit equum in homines, nudo illos, quem elatum manu gerebat, gladio vel bellæ per molem, & cursus impetum oppressurus, sed cum ipse tumultuariè, nimisque celeriter sese in ictus componere vellet, pede tunc fortè stapeda implicito in planum sese coniecit, strictoque mucrone plenus minarum, plenus ardoris, & iracundiæ, manibus, voce viatores ad necem petebat: Hi gladiis educis, & nescii à

quo peterentur in defensionem incumbunt, & cum circuire, statimque confodere, quia plures in unum coierant, facile possent Regem, occulto quodam instinctu ac tacito afflatu modestius, ac mitius agendo jure tutelæ utebantur. Inter hæc supervenit Garcia Melus primarius famulus Regis, qui, & Regis intellecto periculo, & simul hominum ignorantia quo Regem decoris, officii subditos commoneret, sublato clamore procul increpuit, nequaquam fas esse Regi insontes subditos interficere. Viatores ad nomen Regis exterriti propè attoniti primum hæserunt, ac stupentibus similes, collecto subinde spiritu non metus, nec pudor tamen jam cogniti Regis supra salutis memoriam, & curam hominibus valuit ut ipsi statim arma deponerent, cum torvus, & minax & toto corpore concitatus adhuc premeret Rex, sed retrorsum paulatim, & cautè cedentes, & in vacuum arma jactantes, ut hinc elabendi satis intererat spatii, tunc gladiis projectis fugam arripiunt.

Hujusmodi vitæ discrimine explicitus tandem Alfonsus, nec suo periculo edoctus in aliud se statim implicuit, nec præterito minus periculosum. Inde quippe nocte intempesta digressus cum ad urbem contenderet per iter audito, in cuiusdam hominis rure, quod in transitu erat, equos indomitos pasci, in eos habendi cupidinem actus, illuc, ut equos abduceret properat, cum tamen in vario, & inconstanti quidem ingenio studia, affectusque inter se dissiderent, rerumque sapor, & gustus satietate, ac licentia corruptus esset, eodem quoque tempore Regis cum fortè comes ad ejus aures insultrasset, contra idem rus in religiosorum quorundam cœnobio feroces, immanes inesse canes, & venatui ferarum aptissimos, equis, quos adeo anhelabat, omissis, canes petiturus divertit, noctu-

que

que magno fragore, atque strepitu fores cœnobii pulsari iussit. Regem ad ostium esse ex ea virorum frequentia, ac tumultu haudquaquam, fallebat homines cœnobitas, ne eo intempestivo tamen, ac turbido ingressu ædes præcipuè sacræ, horæque silentii lege sancita perturbarentur, callidè se simulabant tot lapidum lignorumque multiplicis ictus, quo impactæ fores undique perstrepebant nihil audire. Rex gravius idcirco commotus, & ira cuius impotens erat inflatus januis statim effractis per vim in cœnobium irrumpi iussit. Proceres ludificare Regis imperium, fingere cuncta quæ ad vim opus essent, per moras, per astus iræ Regis eludere, dumque ultrò, citròque volvuntur tanquam ostio evellendo, aut scindendo opportuna instrumēta quarrentes brevi illa mora interposita fessus Alfonsus inde se statim & solus avertit, aditque temerè viam quæ Ulisipponem armati tres homines ibant. Hos ubi venire videt Alfonsus solitis subito furis instinctus primùm convicio lacessit, deinde districto aggreditur gladio. Nulla erant in Rege splendore, verbis, incessu supremæ dignitatis indicia, & si aliqua forent, noctis obscuritas obruisset. Illi igitur à privato se incessi, & privatum se incessere fisci, simul petulantius effusæ contumeliæ stimulo perciti, gladiis acris erectis defensionem, ultionemque repetere parant. Rex ibi solus pugnando erat, simul altera manu debilis, tum in actione, & corporis motu ocreis, & calcaribus impeditus, in quos inciderat homines, hi numero superabant, & corpora agiliores, vegetioresque sese in conflictu circumagebant. His porro expeditiùs, & fortius rotantibus gladios, cecidit tandem Rex geminato vulnere ictus, ipsumque prostratum, cruore fluentem, & animo penitus destitutum reiteratis iidem ictibus confecissent, eò nisi for-

rè, qui Regem quarebat rixantium; ac sese collidentium gladiatorum strepitu admonitus currens repentè famulus proclamasset, Regem esse, qui cecidisset. Subinde regii alii famuli, proceresque conveniunt, quos ille afflictus, ac mœstus intuitus se moriturum asseruit, tum ira ac dolore vulneris ardens atrocibus minis, & multo plus de ultione, quàm de salute sollicitus infremebat, sed jam ignobiles homines ad vocis terrorem, quæ Regem prodiderat, fuga præcipites evolaverant, simul tacitè res excusabilis nec omninò inquirenda optimatibus videbatur, quòd temerarium adversus Regem, per tam multa se spontè pericula volutantem, ac subditorum sanguinem stolidè sitientem, brevique idèò sua ipsum, vel manu alterius interiturum, justam unusquisque defensionem opponeret. Itaque clam, atque saucius Alfonsus noctu in Palatium delatus est, severo, metuque mortis successus indicto per aulam silentio, ne in omne nefas quotidie ferè labentis, & cum dedecore, ac nota regnantis adolescentis populari cum odio crescente ludibrio vulgus concitaretur, aut aliquando fidem mutaret. Inspectis deinde vulneribus, nec his lethalibus cognitis, curatissime saluti se pristinæ Rex, pristinisque se moribus reddidit. Caterùm non parentis, non fratris, eoque minus famulorum animus sustinebat ad extremam usque perniciem errantem reprehendere Regem, adeò volubili ex ejus pronòque nimis ad iram animo creverat omnibus metus, horrorque. Mater tamen cum prudentior sœmīna esset, & sanguinis jure conjunctior cum gravitate, tum rei sœditate percussâ, & quia per filii Regis salutem tot invidentium varietate casuum ambiguum non parum ab ipsâ ac tota republica petebatur, idcirco providit, ut filius per status Senatû verecunda quadam reprehensione ac publico



blico nomine moneretur. Itaque status  
 Senatu Regem conveniente Dux Ca-  
 davalus ejusdem Senatus Princeps sua,  
 & collegarum praesentium auctoritate  
 „ in hunc modum locutus fertur. Eos  
 „ Senatores, quos jam ipse videret Re-  
 „ gis pedibus provolutos, & ad quos  
 „ bona, aut mala quæq; reipublicæ ma-  
 „ ximè pertinerent, proprii ducere offi-  
 „ cii eo tempore orare, atque obsecrare  
 „ humiliter Regem, ut mores mutaret.  
 „ Huc etiam matris, fratrisque regii,  
 „ huc omnium regni administratorum,  
 „ subditorumque communia, & assidua  
 „ collata esse vota, precèsque ut ejus sci-  
 „ licet vitæ consuleretur à qua omnes  
 „ omnium penderent, & quæ omnes  
 „ secum, & sæpè tot lapsibus traheret  
 „ in casum, & suis quoque irritatis pe-  
 „ riculis immisceret, cum ita præterea  
 „ suæ deberet salutis tenacem, & par-  
 „ cum vivere Regem, ut neque alienæ  
 „ quæ eidem maximè incumbit, profu-  
 „ sus sit. Tantam quidem avidita-  
 „ tem, voluptatèque sui ipsius dan-  
 „ di, & subditorum sanguinis haurien-  
 „ di, quos pro filiis habere deceret, &  
 „ qui fortunas, qui sæpè cruorem, &  
 „ vitam in acie pro Principe fundunt,  
 „ crudelem ingratitudinem, & impie-  
 „ tatem sanè maximam redolere, & ne-  
 „ dum Lusitano, sed etiam quocum-  
 „ que Rege Scytharum, & in extréma  
 „ Barbaria genito indignam. Ita quo-  
 „ que alium alio subnixum, ac neces-  
 „ sariò complexum pro secundo regi-  
 „ minis cursu debere cum Principe sub-  
 „ ditum esse, & ita se gerere utrumque  
 „ oportere, ut si decisset alteri alter, aut  
 „ hinc vel inde quandoque respublica  
 „ claudicaret, regnum omninò subver-  
 „ teretur. Hunc autem civilis con-  
 „ cordiæ nexum, vitæque civilis pro-  
 „ pe modum spiritum, qui amore com-  
 „ missus, atque conflatus est, odio dis-  
 „ solvi; idque summum apud subdi-  
 „ tos cumulari, ubi sævitia, turbulen-

tisque gestis, & per terrores jactata  
 potentia, sperni Rex potius, quàm  
 commendari, & metui, quàm diligi  
 malit. Nullum esse profectò animal  
 quod homine asperius servitutis re-  
 calcitret jugo, & quod magis ip-  
 sum regendi scientiam, ac discipli-  
 nam ludificet. Quid si ingenitæ con-  
 tumaciæ, atque in arcto prementi se  
 se libertati, obluquantique non natu-  
 ralibus franis contumeliæ tu quoque  
 & injuriæ irritamenta subjeceris? Aut  
 deflectendum à via ista lubrica Regi,  
 aut universum profectò regnum col-  
 labentis ab apice Regis ruinam, &  
 pondus afflicturnum fuisse. Daret  
 hoc Rex egregiæ matris, fratrisque  
 immixtis precibus lachrimis. Daret  
 imperii, ipsiusque ministris, quo-  
 rum intentæ nequicquam vigiliæ, ac  
 frustra jactatus in actionibus labor  
 contemptu Principis esset. Daret sibi,  
 totique regno, quorum communis in  
 republica vita, & individuis propè  
 spiritus esset. Secus utique fore, ni-  
 si hæc quàm citò emendaret ut gra-  
 vius, ac ferò mox pœniteret. Hæc  
 Cadavalus Senatus nomine. Durius  
 tamen opinione percepta erat via ab  
 illa prava, & longa assuetudine trita  
 deducere Regem, quem non ætas, non  
 vis rationis, non fortunæ conditio ad-  
 juvabat. Obstabat etiam Antonius  
 Contius, & corruptarum ejusdem par-  
 tium fœda colluvies, quæ illum bo-  
 nis monitis surdum, & vitiorum ille-  
 cebris irretitum, ac propè obcæcatum  
 tenebant. Est & altera quoque in mul-  
 tis Regibus macula, & nota, scilicet  
 obscurioris, quàm clarioris conditio-  
 nis hominibus gratiores plerumque  
 porrigere aures, in minoris enim for-  
 tis hominibus simplicitas quædam ob-  
 lectat, naturæ candor amatur; in al-  
 tioris verò metuitur prudentia, cave-  
 tur dissimulatio, ac si quid liberiùs au-  
 dire, vel dicere contigit, suffunditur  
 pudor.

pudor. Obtinuit hæc tamen admonitio Senatus, non ut mores Alfonso, sed ut vitia mutaret, & à Martio quodammodo illo ad Venereum incendiū gravius, quàm antea relaberetur. Cæpit igitur Rex in posterum inter epulas, scorta, & huiusmodi voluptates illicitas volutari, quod ab initio minùs dolendum viri prudentes existimabant, ut in spem ex eo adducti, quod rigidum illud, ac penè subrusticum Regis ingenium potuisset fortasse venereis ictibus emolliri, ac suavitate mulceri, perinde, quasi non ita affinia inter se, & coherentia delicta essent, ut aliud ab alio fluere. Itaque Antonio Duce, & huius aliis tegentibus latus, aliis turmatim, & ponè sequentibus, quos ad scelera omnes morum similitudo contraxerat, noctu per Regiæ pomarium egressus Alfonso, armisque succinctus urbis semitas peragrabat ad muliercularum quarendas undique domos, quæ decus, & corpora prostituerant. Hæc verò cum tanto tumultu, atque strepitu Rex, ejusque erroris, & imprudentiæ comites agitabant, ut multò plus amores, atque delitias horrere Regis, quàm his delectari, quanquam adeò libidinibus pronæ Ulisipponenses feminæ cogerentur. Vias enim, & calles forè prætereuntes variis molestiis, & contumeliis afficiebantur, huic verbera, illi vulnera inflicta, alii amatores minis, alii gladiis abstracti à feminarum complexibus erant. Ad summam, si ad inferendam injuriam impunitas valet, eam quasi Rex imperabat; si visaderat turba satellitum, si ingenium, & usus, pudorem, famam, conscientiam omninò illi per se scelesti scelerum studio, & consuetudine attriverant. Sic porrò velut capta, direptaque urbs, assentiente Rege, Ulisippo ludibria, dedecora, & cædes nonnunquam humentibus oculis inspectabat. Hæc verò tam impunè peccandi, graf-

landique licentia, quam velut furta, & insidix à principio, noctisque latebræ contegebant, paulò post vires audacia, ut sæpius exercita colligente, petulantius in lucem erupit, & in publicam contumeliam, namque ad Regiam interdum greges pellicum ventitabant, nonnullas Alfonso extra Regiam quærebat, versisque rerum nominibus, quæ procacitas erat, ac turpitudine ut animi vigor, & liberalitas jactabatur. Contigit semel præsertim, cùm Regi quidam puellæ pulchritudinem oris, & corporis habitum commendaret, & insuper diceret ad Divi Augustini, quod esset ibi celebritas, affuturam, non oculis amor, sed auribus caperetur, ita ad incognitæ desiderium arsisse, ut protinùs Rex cum Antonio Contio, & Francisco Sequeria in lecticam ascenderit, petique raptim laudatam feminam jusserit. Venit ad templum Alfonso, ibique postquam audivit, inde aliò abcessisse puellam, eandem ipse persecuturus illuc ire perrexit. Præcipiti cursu, jubente ita Rege vehiculum ferebatur, cùmque in aliud, dum iret, offenderet, in quo erat Martinus Correa vir quidem nobilis, ac bene de Rege meritis, idque à via ut celerius diverteret, acrius lecticarii premerent Regis, insolentèrque in arctiori semita locum reposcerent, orto propterea inter utrosque famulos jurgio, è conviciis, & probris ad arma tandem deventum est. Jamque tumultus, & clamor erat; iræ simul ut vulnera ardebant, micantèrque rorabant sanguine gladii; hoc viso, è Regis lectica Franciscus Sequeria ab ea in qua ipse erat Martinus desiliit, opem uterque singularum partium hominibus collaturus. Rex hucusque velis opertus, & abditus, ad armorum quanquam fulgorem, partiumque jactationem aggre se cogeret, teneretque substiterat; at ubi incallescere pugnam aspicit, suosque partim



tim amissis , partim de manu fluentibus armis inter fugam , aut interitum trepidare , suo ipse impetu , ac furore pertractus è vehiculo ruit , in Martinum Corream , ejusque pectori fistulam ferream admovit , non tamen excussit , seu casu , seu virtutis , ac meriti vi regis conatibus interposita . Ille jam antea faucius , nunc gladio projecto Regis pedibus advolutus , & in omnem venerationem submissus , ac supplex ignorantiam tunc primum comperti Regis excusat . Ita salutem redemit ; componitur rixa ; Rex adhuc mussans , nec in se satis ab ira collectus in lecticam reversus est . Ea res , quia in urbe primaria , clara luce , frequenti loco , & levissima ex causa in gravis , lectique intenta viri ludibrium , & cladem acciderat , magno regiae famae dehonestamento , atque invidia tum levitatem , & iram Regis , tum morum intemperantiam , ac dedecus criminantium vulgata est , matremque Regis imprimis animo afflixit jure dolentem , & anxiam , ne percussa forte nobilitas uni eorum iniustam publice injuriam in communem contumeliam referret , seque palam contemni , atque indignè à furioso , ac torpido Rege calcari , neu quid novarum in regno rerum exciret infans , vel malus palam ex actibus cognitus Rex , cum tam ex fama mala periculum Regi , quam ex bona incolumitas constet . Causa igitur accuratius cum regni administris excussa illorum consensu Aloisia denique statuit , otio , ac desidia solutum , atque ideo fortasse transversum ad impura , & illicita ablatum imbuere negotiis , curisque publicis Regem , sed perfunctorie tamen , summa duntaxat rerum delibaturum , hoc maxime modo putans , ea honesta per otia à turpibus curis avertere posse filium , nec ita allicere illum dulcedine imperii , ut matre tandem summotus solus rerum potiri vellet . Palam ita-

que Rex una cum matre Aloisia subditos audiebat , cum Status Senatus consuleret , cum res seorsum mater decerneret libenter Rex assidebat , apparebatque ille mentis tumultus , animique intemperies , ac propè tabes nisi planè correctæ , aliquantulum imminuta , aut contrariis elusa , sive implicita studiis ; neque ob regiminis haustum in melius translatis moribus Regis , qui rem unus turbare poterat , Antonius Contius adversabatur , tempus jam sibi venisse ratus regalis scilicet gratiæ , quæ adhuc aridum ipsum , & absque præmio retortum inter tot periculorum , ac laborum jactaverat astus cum imperii apud Regem auspiciis tandiu exoptatos decerpere fructus , artemque assentandi , qua penetrato Regis ingenio jam satis erat instructus , & qua eò potentia suffultus excreverat , ut lascivientem , sive furem , ita quoque imperantem decipere posse Regem . Hoc consilium cum homini placuisset , & leve , ac ventosum idcirco Regis ingenium ambitionis quoque stimulis excitasset , petere exemplò cepit à Rege immodica sibi , amicisque , hoc sibi in causa proposito dolo ; si enim Aloisia mater annueret , ex voto res illi cessisset , sin obstitisset filio , causa , quam avidè quæreretur , jam occurrebat Antonio , pervicacia scilicet odia , & acriora inter filium , & matrem dissidia perpetuo disseminandi , augendique , inter quas simultates , ac mutuas offensiones in dies ipse melior , ac tutior cum opibus fieret . Alfonso itaque ab Aloisia matre pro Antonio Contio primò poposcit Ordinis militaris insignia , inde alia aliis qui in ejusdem partibus erant . Tum Aloisia , cui nec abnuere omnia ne nimio rigore in semetipsam peccaret , nec omnia concedere filio licebat ne nimia indulgentia rem-

publicam læderet, ut ratione frangeret, quem nec jure materno, nec verecundia, quæ fragilis erat in filio valebat, rectè monebat regem. Temerarium, atque præcipitem esse quidem obscuri ad honores hujus hominis propè saltum, & insolens incrementum, & in militaris subinde totius equestris Ordinis dedecus, & in ejusdem perniciem hominis erupturum. Sic exhauriri quoque mercedes, ac regia evilesce præmia, nec in posterum utique fore, cum ratio meriti exigeret, quod dignis muneribus viris retribuatur, aut qui etiam vir ipse nobilis velit loco mercedis jam vulgatos accipere honores. Ita nunc Aloisia desideria regis extrahere, & videre per moras, astutusque si ea fallere forte possit, sive in longum protracta spe suavia inter verba lassare; suo ipsa prætereà stabilia consilio, dignioribus esse tantum, & sensim, & parèe beneficia distribuenda, ne personarum conditio polluat, ne ea deleat oblivio, ne copia fordescent; spes interim prolatari, mella interfluere verborum; suam esse spei escam, suam esse muneribus, suam lenociniis verborum gratiam.

Inter has Aloisia cunctationes Antonius, qui satis mulieris perspexerat animum virulentus, ac sæpius in aurem regis influere, quod fallaciter idem à matre in illo negotio data opera moras neſtente per verborum ambages, ac temporis usum irideretur, ut iis effusè donis expletis, qui ejus partes profitebantur, nihil deinde regis clientibus superesset, nisi mœror, & pœnitentia regiarum partium ab ipsis inutiliter electarum, eoque re ipsa postea dedocti fortasse transirent, ubi pastus ubertas, ubi merces amplissima honoris parata servientibus esset, & quidem æquè stultè, ac superbè procedere matrem, quæ filio gratis negaret, quod idem & posset adigere imperio; & inconsultò quoque

regem acturum, si tunc vacuo, vel picto majestatis simulacro contentus alteri foret addictus, qui regiminis rationes, & fructus pro se, & contra regem, & regis amicos inflecteret, nec summæ fortunæ paris, altique se spiritus retinentem ostenderet, aut qui spem clientibus faceret, posse se simul, & partes cum gubernaculo imperii inter aulæ vortices sustentare. His stimulis incitatus Alfonso eouſque minitendo, exorando vim, & conatum apud matrem intendit, ut omnia, quæ ab illa petierat, pro Antonio denique extorſerit. In hunc modum Antonius Contius, qui adhuc mercatoris personam, ac nomen obscurus in urbe tulerat modò ignobilis, modò nobilis, jam in numero esse, ac supra fortunam, & genus efferre se instruit. Inflatus propterea, & arrogantia fastusque plenus, cum gradus sublimitas, & subitus oculis fulgor, eique adulatio semper adjuncta velut caliginem oculis offundisset primi regis ministri supercilium, ac speciem jactare capit. Itaque apud aulam ad ipsum quotidie cernebant ambientium confluere turbas, ipsi aulicos adulari, eundem regni ministros, ac procetes revereri, atque ipsum consilere interdum negotia gravissima regni, ne illa secus offensus superbia, atque incititia labefactaret. Eò postremò sublatis Antonii opes, strepitumque potentia longè latèque diffusum mirabunda Ulisippo conspexit, ut Aloisia Gusmana cui nec contemptor mulieri animus, nec imperiosus spiritus deerat, aut indolis celsitudo ad obsequii, & illecebræ nota quàm plurima signa, quibus Antonium illiceret, procubuerit. Eas nihilominus fictas, ac vi necessitatis expressas, & cum primum ferret occasio in exitia, ac terrores volvendas illecebras esse cum satis, superque sciret Antonius, contra blanditias blanditiis, & fronte contra hilarem frontem,



frontem, rerumque inanum permiffione eandem imitatus infidias se diligenter pramunibat. Igitur prolixioris officii, atque fiduciæ speciem Regis erga matrem ostentans Antonius Contius, simul ad regni, aulaeque tenenda instrumenta conversus factiones, & partes in eadem aula fovere, atque extendere satagebat. Variis ad eas blandimentis, & muneribus captos non sene vocabat, non probitate, non genere viros insignes, sed juvenes ætate fluxos, mollésque & natalibus sordidos, qui soli sibi deberent ascensus, & opes, quique facilius ad ea, quæ veller flexibiles sibi, magisque suspecti, invisique, qui ipsi invidebant, proceribus forent. Dum verò per regem curabat Antonius, his ad honores nuper evectis alios, atque alios ejusdem maculæ adjungere, atque etiam opibus cumulare, vehementius nunc Aloisia reluctabatur, indignè collata, sordidata, projecta esse ita honorifica munera inculcans, ex eoque regiae auctoritatis ludibrium, & populi offensiones, & omnium Ordinum ignominiam, & reipublicæ detrimentum exaggerans, quippè quæ jam exploratam Antonii mentem habebat, velle scilicet illum per ipsam, ut stultam, nisi intelligeret, coactam, si intellexisset, intendere partes, quibus & ipsa citius prosterneretur. Proinde acriores inter filium, & matrem contentiones exortæ dilataeque, jus illam regiminis, hunc proprii dominii jus obtendentem. Ardebat interim varias in factiones divulsa continuis simultatibus Regia, hanc Regi, hanc matri, illam, sed tamen paucorum, neutri patrocinantem, & furias facésque intestinis discordiis assiduas ministrabat Antonius; insuper regni potentem jam dictitans Regem, minori etiam ætate Lusitanos quondam Reges Dionysium, Alfonso Quintum, Sebastianum regni regimen invasisse. Auxit hos Antonii for-

tè conatus, & vota Regis corporis agritudo, qua gravi cum vitæ periculo implicita multis diebus Aloisia decubuit, quo tempore aula cum regem proceresque spectarent rerum arbitrium omnium subinde futurum, & venerationes idcirco, adulantium curvationes, projectaque obsequia, laudes ubique plaususque longè suctis majora omnia, & nisi aulae patientiæ cutique deformia, profunderent, liquidius discrimen tunc intellexit Alfonso, quod se inter munus, ac Regis titulum interponeret, inescatus propterea imperii suavitate, ac libidine, potiendi nunc rerum cupidine supra modum inquietus agitabatur.

Post ubi febris, & languore discusso Aloisia Gusmana convaleuit, regni que morbo intermissas confestim curas resumpsit, fastidiosum, stomacho plenum ore, & consuetudine asperiores offendit Regem, eoque animosius ab illa regiminis jus repetentem, nec metus, aut pudor deinceps obstabant Regi, quin id, quod à matre precibus non liceret, fremitu, ac minis tandem arriperet. Hæc mulier ambitiosa cum sollicitè reputaret, & dolebat, se invitam, ac citius, quàm timuisset, à regni gubernaculo avelli, & simul anxia pervolutabat, quæ irrifiones, quæ contumeliæ, quæ ini-quæ insectationes sine dubio manerent auctoritate, atque viribus inter æmulos sceminam alienigenam destitutam, quibus se planè subducere malis nulla alia re potuisset, nisi fuga, & horrore secessus, aut solitudine voluntaria, tanquam à culmine potestatis ad tetra custodiæ similitudinem devoluta. Cumulabant has mulieri præcipuas etiam publicæ regni curæ, quod à se transferendum esset imperium in juvenem furiosum, indocilem neque suo ipsum uti scientem consilio, neque alieno nisi

eodem pernicioso, & quod impura, atque execrabilis illa familiarium ejus cæterva, quæ adhuc Regis personam labefactaverat, ejusdem regis potentia jam cuncta tenentis elata, atque ad omnem libidinem dissoluta, in regni perniciem effraternatus volvenda esset. Porro ita de sua deque regni vice vehementer anxia, tristisque Aloisia post multarum refluentium hinc, & inde curarum, animique jactationem in hunc modum tandem constituit artes Antonii Contii, & regis quoque desideria frustrari. Petrum scilicet alterum ejus filium, regni que cum illo administratos nimium sese efferenti, & imperio valde inhianti opponere Alfonso cujus supremæ auctoritatis fastigio, nominisque jactantia, ac populi genio per regii fratris, & magistratuum, & conspirantium procerum nervos, ac robus æquatis, ac ferè depressis adhæreret insuper Aloisia, quæ pondere matris, propriæ factionis subsidio, longa imperii possessione, & opibus confirmatis facilius compesceret regem filium, ac tum demum Antonium Contium, ejusque partibus implicatos regno extorres ejiceret. Ad hæc exequenda bene consilia Rex ut natura penè crudelis & furibundus, ita pavidus videbatur, & ferocitas ipsa quoque insidiantibus opportuna, & inepta ingenii hebetudo moliminibus fore in promptu esse apparebat fratrem cum fratre committere, cum diversitas morum, & anceps utrumque regni spes, & contentio distraheret; suspecta, & summo opere invisæ ea quæ tunc à juvenibus tentabatur gubernationis inversio magistratibus accidebat, cum ea, quæ ipsos extulerat, regimine cecidisset. Ad hæc novas res molientes, præsentisque immiscentes homines erant ignobiles, viles, ipsi corrupti, & corruptores Regis, infames, egentes, ad pastum duntaxat mendicitatis scelerumque licetiam,

officia, gradusque in regno quærentes, quos facile quidem fuisset infirmato, aut sublato præsidio Regis judicio terrere, aut suppliciiis afficere. Hæc ita ratiocinanti cum fœminæ mens infedisset, artificii subinde texere telam aggressa Petro proposuit, interesse reipublicæ ipsum, & citius Principem Lusitanæ, regni que hæredem per ejusdem Comitæ renunciari, Rex enim Alfonso ut corpore vitiosus, habenda que sobolis maxime dubius, & si nihil à fide, atque officio torserat hætenus Lusitanos, hebetabat tamen in illo, suspensosque à fortunæ casibus variis, fluctuantisque in regno animos relinquebat. Cum autem suscepta impetrantibus proles, quantoque ipsa plenior validius dominationis subsidium à sapientibus censeatur, eo carere tunc Lusitaniam in Alfonso Rege subsidio, penè jam ipso spe naturalis successione orbato, & hæc insuper foris vulgata esse, & remedium quamprimum ex republica posci, ne longius in dubio, populique censura imperii successore relicto, datoque imprudenter ad res idè innovandas turbulentis hominibus pabulo alius fortasse aut externus, aut extra regiam familiam sese ad regnum occupandum intruderet; postremo si alium ipsa regem infelicitè genuisset, mœstæ, afflictæque solamini fore alium filium imperio dignum indigno substituisse. Talibus argumentis & sibi, & juvanda quoque reipublicæ accommodatis Petri sua spontè, & natura inclinatam ad regnum animum mater extimulabat, eoque altius in hominis viscera hæc jacula penetrabant, quò minus mater credi debebat in alium fingere amorem, in alium filium oculere odia. Hoc porro negotium quemadmodum ipsa decreverat, transactura ingenti sollicitudine, ac studio aulam, regnumque miscebat, & in suam sententiam



sententiam trahere imperii administros elaborabat; sive enim ex voto, sive secus ea res cecidisset, patefacta jam voluntate, vel semper obtinuisse alterum filium expectatione, & amore, alterum metu constrictum tenere. Ceterum factu ipsa asperius, quam antea putaverat femina comperit ad rem ex mente conficiendam regni Comititia cogere; non enim eo tempore plane certus, atque omnibus exploratus in toro cœlibi, atate viridi genitivus Regis defectus erat: propterea jam videnti, jam integro in speciem Regi suspectæ, atque incertæ sobolis gratia, cujus rei tempus æquus Judex futurum fuisset, alium, & fratrem exæquatura propè Comititia duos quasi Reges in uno regno constituisset, duos scilicet turbines, atque everfores imperii, cum acerbior subinde æmulatio, & trucior utrinque invidia hinc à spe, hinc à formidine vires fumens ad lacerandum imperium esset dissentientes fratres, simulque cives concitatura. Hac igitur spe devoluta Aloisia, & in aliam statim erecta, superbè lautèque Petrum exornat habitu, & cultu fortunæ regię, ut per ostentationem, & luxum suas cogitationes extenderet, & per res quoque inanes vulgi favorem, & auram captaret; deinde à Regia, atque fratre separat Petrum, & quibusdam in ædibus, quæ Uliassipone quondam Christophori Moræ fuerant, ornatis dilucidè collocat. Hic regio illi more familiam constitutam ex proceribus regni æquè fidelibus sibi, ac Regi suspiciosi ap-  
posuit; postremò ei præceptorem, vitæque magistrum adjecit, regalis sanguinis nemini in Lusitania, præterquam Regibus dari ex veteri more solitum. His sibi artibus Petro devincto, addictoque, regique fratri in magnifica, ac regia pompa, in spirituum elatione, in regni spe proxima objecto, tunc se simulans Aloisia velle sua spontè

abdicato regimine monialium in quodam cœnobium animæ procurandæ, & quietis amore secedere hujusmodi codicillos ministris, regni que Principibus misit.

*Præsentis meæ vitæ labor, æternæ sollicitudo, animi trepidatio, res contorta, ac difficiles, in quibus nunc ego vivendo, & rempublicam gubernando volutor, cogunt me tandem, à vobis ut consilium, & opem petam, ne in eo potissimum errem, quo mihi, & vobis, & regno prospicere maxime cupio. Equidem nimis austeram, laboribus fessam, & miserabilem vitam duco, dum ostentoso præideo, ac bicipiti propè regno. Placet mihi ratio, æquitas, modus in rebus, hæc displicent Regi, qui vel rerum inscitia, vel certa adversandi prurigne mihi, vel alieno scelere ablatus omnia dicta, & facta mea labefactat; ac si contra nitenti efficacius obistere auctoritate, sive sententia velim, periculum inde patet, ne is omnino prostratus pudore insolentius, & contumacius, in posterum mecum acturus sit. Ita sanè cum hoc irritum, & vacuo Lusitanie Rectricis titulo me onerant modò, premuntque filii Regis ludibria, querele in me publicè versa regiminis conturbati, æmulum coacervatæ calumnie, insitumque in animo pavor extremæ absque dubio calamitatis, quæ rebus eò usque confusis, atque permixtis, nunc imminent regno, quandoquidem Regis, ejusque familiarium licentia, nutusque omnia vertendo casibus offert, sibi nimirum imperium, ac rerum omnium arbitrium, mihi pericula, ac dedecora compariantium. In statu tam misero constituta, nihil ultra mihi reliquum esse videtur quam otio per fugam, & solitudine conquisitis, quam citò mihi, regnoque præmori. Quod potissimum attendenti cœnobium duntaxat aliquod ad evadentis receptum, & circumstantium malorum effugium occurrit, sed qua id ratione pro mea existimatione, ac dignitate me peragere quoque deceat, vos ita quæso mihi con-*

sulite, nempe minimè ut, hinc facessere mihi, atque ex tot, qui me undique fluctibus urgent, in solitudinis portum me recipere liceat nec-ne, per id quod vobis exposui in consultationem adductum intelligatur, sed modus tantummodo, & forma idipsum rectè conficiendi, scilicet, ne honestus quidam velut militiæ cursus, quem res hucusque temperando sustinui, recessus turpitudine deformetur. Quippe si huius rei dubiam, animique fortè pendentem me quisquam existimaret, locus profectò daretur adulatoribus, insidiosè, atque fictè loquendi mecum, ne regnum in lubrico deferam, ne tot jam ego persuncta laboribus breve per otium, quod temerè quærerem fructum eorum, & gratiam omnem amiserim; esse enim Alfonso propter atatem, animum imbecillum, & multos, eosdemque pravos consiliarios tam immani, tam gravi regiminis moli longè imparem subeundè, meque adeò oris, vultusque falsitate circumvenrent, ut acrius postea, quemadmodum jure metuo, inundantibus malis, non spontè cessisse, sed regimine ejecta viderer, quandquam ne satis quidem hac cautione mederi possim, ut, quibus nec copia, nec rima ulla etiam pateat verbis, rebusque meis detrahendi, hi vel inflectere dicta, vel interiorem carpere mentem parcant. Qui verò consultò & ex animo sentiunt, tunc velle me onus projicere imperii cum turbidis rebus, statu aspero, spe graviori subsidii præsertim, & Reſtorum conatibus egeat, ideòque me mutare sententiam malint, his ita hominibus satisfacio; quod si hac tempestate, hoc publico incendio confligendum, ac pereunſum, ut videtur, omnibus est, sive in labore, & periculo, sive in otio, atque umbra degentem me sati quoque necessitas rerum omnium ruentium impetu rapiet, ac si nihilo secius cum tanta calamitate, ac periculo in squalore, ac tristitia pro illorum sententia ne aliter regnum hoc, quaecunque fuerit, adminiculo careat, morte gravior hac vita mihi te-

nenda est, magno mihi ipsi confiterit tam egra, atque incerta reipublica salus. Quare vos strenuis, promptisque remediis jam ita inclinato, ac labenti succurrite regno. Hæc una mihi nunc elabendi superest via, priusquam me, qui in præſentia arumnarum vortices evolvuntur, cum prorsus vires, animusque defecerint, obruant.

His per primarios regni ministros, & proceres litteris circumlatis, ubi plerique sagaciùs non ex stylo, non ex sonitu vocis, sed ex animi affectione, & ingenio Aloisii Guſmanæ sensus interpretantur, eos nimirum non dominium cum otio mutandi cupidos, sed per verborum circuitus, & fucos, revera filium, & quempiam summi imperii participem dedignant, placarique perfacile posse scæminam putant, si Antonius Contiùs, ejusque impuræ factionis clientes, qui animum Regis jam ambitionis, jam iræ stimulis agitant contra matrem filium armaverant, extra regnum ablegarentur; prætereà sua quoque interesse in eo auctoritatis, ac muneris gradu scæminam contineri, ne rerum omninò potitus Alfonso eosdem suspectos, ingratos, ut ab æmula matre promotos excluderet, vel cuncta sibi arroganter, ac temerè usurpans ea malè, & contortè moderaretur sive suo, sive amicorum stultorum, ac perditorum arbitrio; postremò res novas esse illis tantummodo optandas, quibus aut egestate pressis, aut ignominia perculsis, aut horum amplitudine ejectis nonnulla spes hæreat, in turbulento aliquid expiscari, at in alto regiminis culmine constitutis quascunque rerum conversiones fugiendas, abominandas profectò esse, ut lapsus periculo proximas; respondent idcirco Aloisii. Si valetudinis ipsa, si procuranda anima causa, vel exhausta fortalè apud Regem patientiæ cum tanto reipublice incommodo exonerare se tandem curis publicis velit, ca-

riorque



*riorque propterea ei solitudo fiat, quam utilitas regni, potiusque meritò caveat, quo minus offendant suis virtutibus emulos, quam per eas ipsa caret suis clientibus satisfacere, nec tam valida suppetat ratio, quæ satis hoc animo fixum arietare consilium possit, vel antequam ultro se ipsa gubernaculis abdicasset, ea vilissima capita, illas reipublice pestes, quæ omnia tunc perditum ibant à latere Regis abstraheret, ne eadem absente, nullòque obsistente, licentius deinceps in Regis regniq[ue] perniciem incumberent.* Læta hoc responso Aloisia, quod integra oris ejus modestia occultæ mentis recessus exprompserat, & quod pro obtrectatorum, dominiq[ue] sibi auctoritatem, & usum interturbantium expulsiōne conspirantes secum ministros cernebat, ut tamen populariùs, & graviùs more Hispano res ageretur, & suam quoque sub alieno consilio, & publico bono larvam imperandi libido quæreretur, hanc priùs Senatus, cujus omninò explorata, ac dedita sibi suffragia noverat, agitavam, firmatamq[ue] sententiam voluit. Frequens ergo Status Senatus cogitur, réque ibi seriùs, intensiùsque discussa, ubi secum proceres conferunt, jam inde à pueritia degenerem Regem non exemplo parentum, non matris præsertim, vitæque magistrî minis, ac disciplina, non monitis Status Senatus, aut consuetudine famulorum genere, ac virtute præstantium incultos; & horridos mores, qui personam, & majestatis speciem dedecorabant, hæcenus exuisse; cùmque sæpe contingat salubria consilia spernentes aut periculis dedoceri, aut excutere tandem fortunæ fustibus viria, Regem Alfonso qui mortiferos sæpe lapsus, qui extremas cum belluis, atque hominibus pugnas, qui turbulentas noctes, ac turpissimos dies exegisset, qui pericula omnia temeritate, ira, casu irritasset, adhuc protervum, & animo con-

tumacem non cohiberi periculo, non consilio emendari, non experientia, non ætate proficere, nec satietate lassari, atque ipsum ita profectò immitem, indocilem, pravisque cupidinibus resolutum, ac mollem conspici Regem, postquam ejusdem Antonii Contii, ejusq[ue] impiorum societate sodalium affatus contagio fuisset. Propterea decernunt fœdum hunc cum suis satellitibus hominem, ut seductorem Regis, ut funestissimam regni faciem etiam invito Rege Ulisipponem quàm primùm exterminandum, ut suo Rex tandem, vel matris ingenio usus regia studia repeteret, tamq[ue] indigna, atque vilia Regisq[ue] nimis deformia repudiaret. Fuere tamen, qui in eodem confesù, seniorum nonnulli timidè pertentarent cùm acrem Regis offensionem, ac supremæ dignitatis ludibrium, tunc nec parvi quidem momenti mala, quæ necesse sensim in regno progressu temporis potuisset semel, & palam spreta, ac neglecta Regis auctoritas; siquidem nihil miserius, & unde influere majores in regnum calamitates valeant, conculcato respectu Principis sit, alia tolli fortassè via improbum hominem posse, quæ incorrupta Regis auctoritate, ac jure majestatis illaeso in incerto ejus exitum reliquisset. Sed quia matris tunc studiosius, quàm Regis per consiliarios negotium agitabatur, eaque de filii publica contumelia, cùm sibi imperium asseruisset, parum admodum laborabat, in dubio filius an mater imperitare deberet, ne vi hæc, sive sponte regimine cederet, per hoc Senatus consultum Aloisiam beneficio collatum, quod de regia auctoritate, atque gratia detractum est. Igitur Antonii, & sociorum ejus exilio adversante etiam Rege decreto, res ita deinde capit ex composito trahi. Unà cum matre Rex in cubiculo, ubi de more negotia publica pertractabat, inclusus

sedebat; custodes frequentes in foribus aderant auditu quemquam arcere severissime jussi. Interim Dux Cadavalus cum militibus, regisque custodibus corporis ad sedem perrexit Regis, ubi immorari solebat, & tunc versabatur Antonius, qui ex turba, atque strepitu minacique vultu adventantium, & aliquid ingens audentium ruere illos in ipsum velle conjiciens, illico fugit, atque ad interiorem Palatii se partem recepit, clausasque ibi fores munivit. Ad vim se comparat Dux Cadavalus, & pulsantem, urgentemque iteratis ictibus ostium sciscitatur tandem Antonius Ducem, cur violentus? cur ita praeceps peteret ipsum? cur turba satellitum circumfusus? quæri eum ad custodiam, retulit Dux Cadavalus, mandato Regis. Antonius autem ex factorum suorum conscientia, ex odio Aloisiae, ex magnatum omnium invidia simul fortunæ conversione, & volubili quoque Principum voluntate carcere, & vinclis atrociora sibi sanè supplicia metuens, quantum per ostii firmitudinem, & interiora quoque munimina poterat, vi vim illatam repellere contendebat. Cadavalus nisi fores statim aperuisset, illas effringere comminatur, tum contumaciæ crimine adjecto pœnas se duplices exacturum fuisset. Ad ea Antonius valde confusus, & animo pavidus, consternatusque, in illo articulo incertum, ex animo, an dolo, an ob temporis usum promissum exciderit, si vim ille remitteret, ultrò se dedere pollicetur, incolumi dummodò vita id agere licuisset. Spondet hoc protinus Cadavalus, imperiumque data pro fide relaxat, cum verò perfidia, seu levitate ductus stare promissis nolle Antonius, tunc ira succensus Dux Cadavalus ferri instrumenta jussit, quibus fores dejicerentur. Inter hæc Comes Castelmeliorius unus ex famulis Regis, cui ejusdem diei excubiarum

fortè vices obtigerant, seu Antonii, seu Regis gratiam aucupaturus, seu quoniam sui officii certo in die illo duceret vindicare ab assultibus Regiam, primò execratus palam rem est, illa applicita vi dignitatem personæ regie violatam, temeratumque Regie sacrarium dictitans, deinde cucurrit ad Regem ut ejus mandatum, & animum exploraret, at obseratas fores offendit, simul militum multitudinem aditum obsidentium. Regressus ergo Castelmeliorius ad locum ubi in Antonium Dux Cadavalus cum fabris, & satellitibus contra januam vim intendebat, satisque per omnes septos ad Regiam aditus explorato, inscio Rege illa fieri, contumeliosè, atque acerbè Ducem jactavit, minas prætereà, & pericula inculcans, quæ Regis ei furor, cum id rescivisset, abundè prænunciabat; Antonio tandem suam fidem, & operam obtulit, ignaro illa omnia Rege, seque omnino improbante agitari alta voce professus: Cadavalus verò plus exequendo præcepto, quàm iræ indulgentiæ, aut linguæ lubricæ tribuens, prius sibi fas esse, dixit, Aloisiae penes quàm tunc essent imperii falces, conficere jussa, & plectere postea, ut par esset, oris ejus intemperantiam. Hic igitur acrius cum scindere fores, & sedem illam irruimpere niteretur, jamque ostii compagibus fessis, clavisque ex parte refixis cum Antonius inde evadendi, aut se ampliùs tuendi amisisset planè spem videretur, tunc illi proponit Dux Cadavalus, vivus, an mortuus abstrahendus è loco esset, utrùm vellet eligeret. Hæc audit Antonius, & ubi revulsa jam propè claustra, urgere inimici superioris imperium, & minas videt, nihil prætereà sibi opis à Rege, nihil hucusque ab amicis, & clientibus accessisse, capitales subesse moras, & quod ibi concordia, & fides quamvis ambigua non impetrasset, de-  
teriori



teriori conditione necessitatem mox expressuram fuisse, tum denum ultrò foribus patefactis Cadavali se Ducis potestati permittit. Eodem quoque tempore & alii nefarii, locòque fordido nati homines, qui arctius obstricti Antonii partibus erant, & cariores erant Alfonso in urbe, aut in Regia cum Antonio comprehensi, raptimque in navim ad hoc in portu expeditam, impositi, exules omnes ad Brasiliam ejecti sunt.

His rebus celeriter actis postquam Aloisia renunciatur factum esse, quod imperasset, surgit ipsa statim cum Rege, illumque in aulam Regiæ maximam ducit, quò urbis magistratus, & Ordines, simul prænobiles spectatæque virtutis viri à muliere accersiti convenerant, quorum conventus ex præfco Lusitaniæ tradito more in rebus fortuitis, & arduis Comitiorum vices adimpleret. Quæ omnia ex professo adornaverat Aloisia quò universi propè regni consentientis auctoritas in populari actione tegeret ipsam, metum incuteret Regi, vel iram leniret. Constitit ibi Aloisia mater cum Rege, communique circumfusorum Ordinum nomine hujus exempli litteræ recitantur.

De abusu justitiæ querelas vehementes effundere cives, quòd ea passim neque incorruptè neque equaliter ministretur, cumque primùm hoc regii diadematis ornamentum, ara clientium, & reipublicæ columen sit; propterea Aloisiam Lusitaniæ Gubernatricem censores singulis Tribunalibus statuisse, qui questibus causas, & corruptelis materiem præbentes inquirerent, & acerrimè vindicarent, injuriis affectis jus resarcirent. Dolere præterea regnum, atque efflictum animo angere, Alfonso Regem cum videat præ ætate regni capacem, præ indole negligentem, à publicis curis aversum, & nugatoriis, & vanis implicitum aut malè sentire, aut nihil omnino de regno curare, cumque pondere annorum, rigidi-

que gubernii laboribus lassâ mater jam cupiat in filium atate, spirituique vigentem devolvere onus, exhorrire mulierem tot inter fluctus, & æstus quibus regnum agitabatur, & gubernacula tradere, qui ea ipsa prorsus sit contempturus, aut aliis tradenda daturus, qui regnum, quod hætenus vulneraverant, post adjecta sibi potentia planè distraberent, affligerentque satis præterea constare eosdem homines natalibus turpes, moribus turpiores, nec aule minus, quàm regno infestos, cum se in illam dolis, & fraudibus immisissent, jam sceleribus inquinatam, jactisque quotidie dissidiis, & jurgiis inter matrem, & filios, inter fratrem, & fratrem, inter regni ministros, & proceres, inter aulicos, aulicosque eam penè disceptam debonestare & consumere. Nullum insuper esse facinus, quod pudicitiam mulierum, quod juvenilem candorem, quod judiciorum integritatem, quod leges, quod mores, quod humana omnia, quod sicra Ulisippone jura polluerat quod ab hac tartarea officina non profluxisset. Ad hanc malorum in urbe sentinam exhauriendam, quod videbat, ministros, ut erat officii, Aloisie matri consuluisse rogasse, ut tot, tantisque flagitiis, maculisque coopertos homines à Regiæ, regni que peste, & exitio quàm citò depelleret, eamque quod ita fieri expedire altiori intellectu cognosceret, sicut illi decreverant, imperasse. Proinde se denique monitum velle Regem, in hac magni momenti causa æquè ministros, ac regiam matrem suo ritè perfunctos officio esse, quod esset præsertim cum honore, Regisque salute, communique utilitate conjunctum. Ceterum nemini magis, quàm Regi gratum, latumque debere illorum supplicium accidere, quòd de nemine magis quàm Rege ipsi infestè, & iniquè consulissent. His codicillis regni nomine recitatis, ministri, procerumque primores in terram de more demissi post Regis, matrisque manuum oscula recessere. Rex verò improvisa, & re illa insolita propè

pè attonitus, anceps, nec quid secum in illa scena ibi factum, dictumve esset adhuc fatis mente percipiens inter eas tenebras, & animi æstus pallore suffusus circumstantes interrogavit, essentne illa regni Comititia, eousque odiosa ac suspecta quævis hominum unio, & Comititia præcipuè Regibus sunt, ut Rex Alfonso alioquin ingenio rudis, hebesque naturali quodam afflatu ea visus sit expavisse? Tunc Garcia Melus, qui propius astabat, respondit regi, subditorum publicas querimonias in Antonium Contium, ejusque familiares ingenti, atrocique cumulo ingestas coëgisse Aloisiam illos, ut reos manifestos, & populariter execratos omnium Tribunalium, Ordinumque consensu exilio multare. His rex auditis ira flagrans, quam ardentes per oculos, torsionem membrorum, ac totius agitationem corporis evomebat, alta voce Antonium appellabat, eodem subinde vultu, torva fronte, citato gradu, ad interius cubiculum advolat, nec ibi inventum Antonium, ira magis excandescente, se quæsiturum asseruit, & quocumque ejectus, abditusve fuisset, inde per vim extracturum minatus est. Incassum tunc Regem niti, subjunxit Melus, cum jam navis quæ unâ cum sociis extorrem Antonium ad Brasiliam vehebat, è portu solvisset. Verumtamen ita Rex intelligeret, eò quidem discriminis, ultimique momenti rem esse adductam, ut brevi ipse Antonium, vel regnum amissurus fuisset. Ad illum regni, quod super omnia saltem in terris diligunt Reges, jacturæ susurrum indociles quanquam jactatum ad aures, se ipse statim tenere, & colligere Rex, æstuantemque paulatim componere vultum ostendit. Mox Emanuelem Antunesium accersit hominem sibi ex longo intervallo fidum, acceptumque, & cui soli ex ea facie stratarum paulò ante partium Alo-

sia temerè ignoverat, aut inconsultò neglexerat. Is atque Comes Castelmeliorius, secreto, multoque producto cum Rege colloquio, nedum rei perpetratæ seriem exposuerunt, sed etiam callidius, ac plenius amplificarunt, velut stimulos iræ in animo regis, & facibus faces addentes. Cæterum duo, eaque planè insueta, atque nova peperit illa regi suborta ex gravi offensione tristitia, atque animi perturbatio, summam nimirum erga Castelmeliorium Comitem fidem, & gratiam, & quæ adhuc peregrina, atque incognita sibi fuerant nonnulla artificia, & simulationum integumenta, sive hoc afflictatione experrectum ingenium, sive cupidio ultionis, vel novi potiùs magistri consilium attulerit. Itaque ad vespèram Rex velut cura solutus, & animo vacuus more suo cursum equorum exercuit. Postridie, festus cum dies cecidisset, quæsita mærorem gravitate dissimulans ad Regiæ sacellum rei divinx interfuturus accessit. Hùc porrò nobilium major solita multitudo, atque effusior hominum veneratio cultusque Regem euntem secuta sunt, sive arte Aloisæ, sive insita nobilitati superbia, generisque jactantia, perinde quasi ab aulæ conspectu, à nobilium consortio impuri, novique hominis ablegatio studia optimatum exacuisset, resque illo tempore, qui aulæ multiplices nesciunt fucos, & cortices introspicere, videbantur in melius hoc novo mutatæ consilio, simul, & ipsa Aloisia sublimis quanquam ingenii mulier, spe tamen ambitiosa decepta, ac nimis credula sibi, revera putabat suis jam se artibus in regimine stabilitam. Verùm enimverò, qua ratione, qua industria ad Lusitanum imperium, & regimen prorogandum semina incubuit, ea ipsa sibi hoc abrogandum acceleravit.

Quippe Comes Castelmeliorius pro Antonio Contio dejecto in Regis arbitrium



bitrium, & gratiam invaserat, vir ipse prudentia, ac genere clarus, cujus spiritus avidos dominandi, præter hucusque facilitatem, ac negligentiam expertam Regis, copia etiam affinium, rei que opulentia, atque aura nobilitatis inflaverat, cesserantque dedecora, & sordes in illo, celeriora venena invidiæ, & publica odia, propter quæ Antonium Contium regia, regnóque meritò exactum Lusitani cenfebant. Rex quoque violento ex facto matris exacerbatus, atque ad vindictam maximè pronus pristino suo desiderio arreptum illi imperii regimen occupandi, ardentiores jam ultionis aculeos addiderat, quos intensius inflammare, & acuere regis animo penitus figere variis Comes incitamentis non desistebat. Puella præterea nobilis, eaque Aloisiam servitio domestico addicta, quam rex redamabat, & quæ cautè solebat omnia dicta, factaque matris malignè detorra, vel aucta in majus filio deferre, elanculum hunc allocuta, dum ira ebulliens, atque in omnes Regis affectus verè, seu fictè transfigurata matris inflationem, atque jactantiam, publicam contumeliam, ancillarum omnium offensionem interdidit, novo quasi cæstro percitum regem vehementer exagitavit, cujus vel immodicus amor, formosæque in rege puellæ placendi voluntas, & studium, etiam si minus seipsa iracundia valeret, illum maximè commovissent. Super hæc Antonii, ejusque clientium, inconsulto, deluso Rege, contra summum ipsius votorum præcipitata illa expulsio apud aulam, & urbem haud æquis omnino animis, pronisve auribus ferebatur. Seniores enim existimabant injuriam inflictam regi, & cum ipsius magnitudinis nota vulgatam majora in posterum detrimenta sub dissimulationis velamine collecturam. Vultus in aula, atque regno Antonii

simul extinguere partes, adeo ut nulla quemadmodum oportebat, copiosè factionis scintilla relinqueretur; tentare difficile, cunctari periculosum, exitiabile prorsus omittere videbatur. Plures etiam eorum quibus antea Aloisiam reciproco merito obnoxiiis, mulierisque fortunæ implicitis, atque eodem pendentibus astro aulæ omnia secreta patebant, hoc ultimo, quo adversus Antonium Contium proscriptionis series contexta erat, exclusi, quod se per injuriam amotos arbitrabantur, fidem in diffidentiam, amorem in odia invidia premente, converterant. Quosdam perplexos, & cunctabundos fluctuantium in aula rerum tenebat exitus, quo nempe fortuna mox inclinasset, inde opus æstimaturos, & sibi consilia capeffituros. Volubili more vulgi plerique qui Antonio illatum nuper exilium laudibus celebraverant, subinde quia secus res cesserat, atque eodem manente rege, Dominum tantum mutasse dispiciebant, Aloisiam, quod idem jusserat, sermonibus velliebant. In tanta varietate sententiarum, atque animorum turbatione rex Alfonso in suscepto consilio tacitè perseverans, ad aliam hebdomadam Castelmeliorium Comitem jussit jam expletas corporalis custodiæ vices extrahere, ne alius minus regi fortasse fidus officio succederet, qui occultum ejus propositum exploraret. Deinde, ut sui moris erat, ad Alcantaræ amœnitatem secessit, Petro comite fratre, & apparatu, luxuque regio præter morem sumptuoso, ac magnifico circumfusis, simul certatim obsequia illi viri nobiles exhibebant, quia explicare se jam majestas in rege, & supercilium extollere videbatur. Huc etiam cum rege perrexerit Comes Castelmeliorius, vocatòque ei, qui erat è secretis Consilii Status in composito vultu, & asperis verbis increpitans dixit, rationem ab ipso reperfcere

reposcere regem ubi esset, & viveret adhuc Antonius Contius, an æstus inimicorū ob Regis contemptum illū immerito rapuisset? his minacem in modū prolatis verbis, & in se ipsis habentibus pondus, eò usque suspensos, ac trepidos circumstantes relinquens, ut non memoria abolita injuriæ, sed pro tempore decoqui videretur. Eodem Alfonsus labente die Ulisipponem revertit; matrem in Regia solito more, at jucundiùs salutat, blandos cum illa sermones miscet, ad seria quoque divertit, nec fronte, nec verbis in eo protracto cum illa colloquio irarum quidquam effluere passus, quas tunc ingentes sub pectore revolvebat. Paulò post, ex sententia dispositis rebus, repentè Rex incisa matre Aloisia rursus Alcantaram petit, cùm tumultuariæ hujus discessionis conscii tantummodò essent Comes Castelmeliorius, qui eò Regem secutus est, & Comes Aurogiæ, qui eodem mox supervenit. Inde quod tandiu Rex parturierat tandem animo fundens per circummissos longè, latèque in regni ambitum nuncios, & litteras monuit Rectores armorum, simul urbium, arciumque præfectos, iniisse jam Regem Alfonsum imperium, ac regimen regni, cujus ad ipsum jus, & possessio, soluta tutela, ob ætatem legitimam pertinebat; deinde optimates, primariosque regni administratos, qui Ulisipponem tunc assidebant, venire statim Alcantaram jussit, ut ibi eos sui consilii participes faceret, & solita officia repeteret, nihil utique prætermittens, quo novi passim regiminis popam, strepitumque diffunderet. Audit hæc Aloisia, & cum mente, atque animo perturbata, tum mole curarum afflicta ne malorum quidem extremum præ injecta formidine fore putabat jacturam regiminis, splendorisque mutationem. Extemplo itaque Status Senatum scæmina vocat,

ejusque, cui summè fidebat in re tam ardua sententiam mœsta, ac sollicita exquirat. Hic re properè excussa, longius enim cunctari non patiebatur, asseruit, parvo quidem negotio vi, si-ve arte frustrari posse conatus Regis, nisi in causam illi annitenti populi favor accederet, qui, quia naturæ quodam instinctu ad Regem, resque novas propensus erat, atque ad illam maximè partem, quam per injuriam oppressam, ac tenuem existimasset, sese protinus commoturus, & ad filium potius, quàm matrem censendus esset suis studiis inclinaturus. Consuluit idcirco Senatus, ut statim epistolam mater scriberet Regi, qua de re intempestiva, atque subita, seseque inconsulta illum blandè, ac suaviter castigando dilatatam subinde, aut cum ipso Rege conjunctam imperii administrationem deposceret, & nisi fas esset matrem à filio aliquid exorare, & accipere, quòd ita saltem è republica foret. Occurreret etiam in viâ nuper ab illo accersitis, atque adeuntibus Regem Emanuel Paceccus, jussuque Aloisiam Gubernatricis indiceret, Aloisiam ut priùs convenirent, quàm ad Regem accederent. Arma interim pararentur quibus Prætorianis militibus, famulis, & qui fidi, atque obnoxii partibus putabantur instructis, Aloisia filium armata conveniens vel cogeret eum ab incæpto, quando leviter ipse noller, armorum terrore desistere; modò nec populus, ut metus justissimus erat, apertè pro Rege tumultuans rem interverteret. His ita consultis, jam Emanuel Paceccus occupaverat iter, quà ituros ad Regem Aloisiam imperio retraheret, editisque in viâ medio cum summo rigore, minisque mandatis, plerique nobilium Ulisipponem regressi sunt, admodum paucis Regis, quàm matris potius imperium fuit. Jam levi concepto de Rege judicio  
contra



contra id, quod plerumque accidere solet, agente, ut cauti plus homines occidentem, quàm orientem potentiam revererentur. Ea Rex ubi exterritus videt, simul, & arma in urbe parari, factionemque matris, & copias, & turbas undique augeri, ipse dum inter æmulos destitutus, ac propemodum solus anticipi spe, alienaque & incerta pendebat ope, seque à principio rem duram aggressum, & forsan exitu scœdiorem, tunc quidem dignitati, vitæque servandæ magis, quàm invadendo regimini intentus, & anxius, paucorû, qui astabant, amicorum consilio Julianæ arcis Præsidentem clanculum pertentavit. Liceret ne Regi in arcto salutis, imperiique discrimine posito, si modò fugam fortuna reliquisset afflicto ad ejus arcis tutelam confugere. Verùm hæc omnia momento disjecit repentè comperta Uli-  
sipponeus populi concitatio, qui inter angustias, & animi fluctus audito, versari tunc Regem Alphonsum, illique insidias, & vim, quo minus sua jura repeteret, ab inimicis, & æmulis comparari, continuo caput miscere cætus, effundere quæstus, & minas, frequentibus urbis in locis suscitare tumultus, elicere iras, & iris per varia fomenta superaddere faces; jamque arma, & certamen, & justa certaminis causa in ore, atque oculis hominum erant, & vetera quoque reipublicæ vulnera, quæ apud populum consenuerant, novis adjectis aculeis recrudescere videbantur, ebulliebátque atrox jam jam in omnium exitium eruptura seditio, quæ Rege Duce, & furioso pariter Duce terribilior tunc exarsisset, cum viri prænobiles, qui pridie à Rege vocati, & à matre retracti fuerant, & qui vocati quoque non fuerant, mutato cum rebus consilio, frequentes ad Regem Alcantaram confluunt, ibique erga Regem, quò animo quicquam iniquior, ac pervicacior in odio

erat, ne crimini mora daretur, aut vultus fortassè conscientiam argueret, eò promptior obsequio erat, & ore dictisque profusior. Igitur Aloisia jam popularem propensionem intuita suo æstu, afflatuque cætera pertrahentem, & frustra per arma se querere imperium, Uli-  
sipponeus si populus, qui super cæteros furere soleat, cum semel frænus abruperit, insaniret, armis tandem, minisque depositis ad preces duntaxat, & verborum delinimenta procubuit, ejusmodi epistolam filio per Targensem Antistitem reddens.

*Mihi nuper allatum est, Alcantaram te discessisse, eò quoque familiam ac regiam supellestem exportatam, eò raptim nobiles accersitos, & res novas nonnullas queri. Quod cum me planè præterita factum sit, vereor, ne improvisus iste discessus tuus quamdam à matre secessionem, animique alienationem sustineat. Equidem me tecum hucusque arbitror optimæ matris functam officio esse, tua modò interest mearum acceptarum viscerum partem, & spirabilem vitam, & hujus lucis usuram dissimilibus rebus non diffiteri. Quare fili à te rogo, ut hos turbidos populi fluctus, quos subitò mihi ereptus Uli-  
sippone concitavisti, celeriter restitutus componas, nè temerè credas, me in officio, & amore pro te, aut regni, aut tuorum præcipuè incrementorum ardore concedere quidquam veris, seu falsis hisce novis amicis tuis, aut potius extraneos, qui gratiam non jure, impulsuque nature, sed sibi ipsi prospicientes dolis, & artibus captant, quam matrem ejus, quem genuit, quem aluit, quem erudit uti-  
litates curare possè, aut appetere. Caterùm si hac tua præter morem animi elatio, rerumque novarum studium hujus imperii, quod ego tracto, exercitium, & usum tantummodò spectat, & me quoque laboris participem aversaris, quamprimum ut illud suscipias, ego sanè vehementer cupio rejectaque à filio mater*

R r morem

morem illi gerendo solatium inveniet. At qui mecum in primis hac ratio, atque causa tractanda est, ut sine offensione, ac tumultu, cum reverentia, ac modestia, quam exigere debet mater ab optimo filio res omnino constituantur. Tuum est hoc regnum, tibi ego fideliter administro, ac si fortè meum esset, hoc spontè à me avulsum in te potissimum contulissim. Tandem cum te, matre prorsus exclusa, hac immatura imperandi cupido teneat, regni prius convocare Comititia necesse est, quo jure ego illis regimen integrè reddam, qui id mihi traditum voluerunt. Cavendum praterè est, ne aliqua orta inter nos, & malè recepta, dimanansque similtas, & sæpè ut contingit, rumoribus aucta occasionem circumspectantibus hostibus ad Lusitaniam aditum patefaciat. Quare per Deum immortalem, per regni hujus salutem, per id, quod tibi mereri mater tot sacris naturæ pignoribus possum, & pro viribus studui, te oro, atque obsecro fili, ut te ipse in consilium adhibeas, ne alienis, & pravis transversum auferri sinas, nève regnum, quod pater tuus tibi peperit, ego hætenus conservavi, tumultuosè capeffendo subvertas. Vale.

Lectæ hac epistola, & accuratius per capita excussa, præter blanditias, & flores deliciarum litterulis passim affulos, qui altiores in se abdere insidias significabant, illata ex industria mentio Comitiorum maximè Regem, & Castelmeliorum Comitem perculit, velle per illam in longum extrahere mulierem timentes, quod brevi manu penè Rex confecisset, aut rem totam Comititiis expungere, aut aliquid aliud majus in ejus clientium conventu, emptisque planè suffragiis contra Regem ordiri. Paucis Rex igitur verbis, Castelmeliorio dictante, Aloisæ matri respondet. Quoniam regimen ipse regni tractatu cerneret, asperum, anceps, multisque diffi-

cultatibus interseptum, statuisse pro-

ptereà deonerare jam fessam, ac propè cadentem ingenti pondere matrem, onusque totum in se trajicere, & hanc egregio ejus merito parem ob regnum optimè administratum matri filium rependere vicem. Porro autem id regni jus, id rerum, & temporis cursum, id in ætatis maturitatem requirere, cujus habita nunc ratione præscriptæ jam pridem ipse tutelæ fines excesserat. Confidere tandem fore, ut Dei ope, matris consilio, fratris benevolentia neque ipsum regem, neque aliquem regni suscepti à se jure regiminis pœniteret. Ex hujus sententiæ redditis litteris cum intelligeret Aloisia in re proposita immobilem regem non ullis perverti posse fallaciis, nec, quas per ambages abundè collegerat, verborum illecebris deliniri, neque armorum præterè formidine cogi, cum duriora paulò ante attrectata consilia metu populi cecidissent, ad extremum necessitate compulsæ, quod diutius vi quoque tenere non poterat, dimittere imperium constituit. Id tamen palam in regia solemnî ritu, atque pompa fieri poscebat, ut quârum per rerum species, aulaque ludibria liceret, ultrò à se posita regni, nequaquam abrepta videretur administratio. Qui verò sustulerant Regem, ut Aloisia dominium adimeret, hi metuentes, ne in matris conspectu filio ejusdem artibus capto sartaque mutuò inter illos rei laxamento gratia, cujus intentione rescissa fuerat, ipsi tandem, quod usu plerumque venit debilioribus partium, utrinque repulsi præcipientes irent, omni studio, & industria simul annitebantur, ut filius matri tanquam ex dolis dolos neçtenti in quacunque illius actione, ac postulato diffideret, & ideò congressum abnueret. Itaque Rex iteratis ad Regiam precibus matris accitus, ut ex vetusto tradito more inibi Regni administrationem acciperet, in illo



illo negotio, quemadmodum ipsi mulieris obrectatores indiderant, fraudem subesse ratus, adhuc dubius, & cunctabundus Alcantaræ permanebat. Præterea quò omnibus Rex velut jam ratæ, certæque ostentaret assumptæ dominationis initia, sibi que adversus fratris, matrísque conatus quamplures amicos, clientésque haberet per munera obnoxios, cumulatiùs tribuere capit amplissima officia & onera regni. Vocato propterea ad se Rex è secretis Consilii Status ministro referre in acta præcepit, sex novos consiliarios, quorum, & nomina prodidit, in Status Senatum à se nuper allectos esse, eosque cum primùm Senatus coisset, in suffragium ituros. Partium conflictus erat in medio, & in aula divisâ promptum utroque peccanti suffugium, nec aliquid fortiùs hucusque suo Marte peregerat Rex quo mereretur cõtemptum exuere. Hic igitur insolentius, quàm alium profecto Regem alia tempora decuisset, mirabundus in speciem Alfonso respondit. Ea quanquam electio in homines cecidisset cum genere tum virtutibus claros, in tanta tamen commotione, & inquietudine, ac turba rerum tumultuariam ipsam videri, ac etiam numero contemnendam. Regem patrem in unum eligendum supremi Ordinis Senatorem sex propè annos assidua cura, & vigilia incumbere solitum, nocte una filium repente sex edidisse, ad hæc electore non minus indignum, quàm electis hominibus fore, si novos Senatus consultores acciperet, reluctantem, vel nescia matre Aloisia, cui foemina pater Gubernatricis munus legaverat, regni Comitibus sciverant, jus adhuc integrum stabat. Matrem itaque conveniret, à qua primùm, sicut ea rogabat, secundum veterem consuetudinem regni domini jure transmissio, acceptoque post ad libidinem uteretur. Ad hæc dicta reticuit Rex ira, & quæ audierat, & quæ fecerat metu confusus.

Mox idem è secretis Consilii Status, quæ seorsum dixerat Regi in eodem Senatu palam exposuit, asseruitque adjectos recentem à Rege Consiliarios gratos in primis fore Aloisia, ejus tantummodo assensum peti ad speciem decoris, ne ea scilicet priùs per contumeliam extorta, quàm ultrò tradita filio imperii gubernacula crederentur, ut sine dubio reputaretur, si quid grave, ea ipsa improbante, vel inscia ante abdicationem legitimam sanciretur. Hoc Senatus approbavit, & Rex inclinatione procerum, victus, ac certior pariter factus dolum abesse ad Regiam se contulit, ubi statim in aula maxima coram magistratibus urbis, regni que Principibus Aloisia in manu regis Alfonso regni sigillum posuit, quod ex more Lusitano auspantis regis imperium argumentum insigne est.

Ita porro Aloisia curis publicis exsoluta, quieti, otioque, sicut illa dicebat, imposterum vacatura in secessum intrèdit. Hunc quoque amplectendū jam antea agitaverat animo, sed quā falsæ expectationis illecebris ministeriū, quo summè gaudebat, mulier continuandi, quā amicorum elusa consilio distulerat, nunc inter spes, atque vota pendentem, & omnia, ut procederent machinantem, cum jam fortuna deturbavisset, iterum otium, ac solitudinem conquirebat. Locum efflagitat in quo novū cœnobium conderet, aut jam erecto cœnobio sedem propinquam sibi cõstrueret, at inanis à multis cum ipsa, ac sæpè numero peteret quā bene de pluribus merita, & regali circumsepta splendore dimittitur; quod ludo quidam, scenæque aulicæ referebant, nimirum fortunam, quæ in ista jam volverat, non hominem reverēti; multi ex matris cõtemptu eos velle filii repetere gratiā censebant; dolo plerique adscribebant & foemina insidiis in deferenda scilicet Regia fallaces data opera moras interponentis, quòd secum tacitè reputaret,

ignotas filio regnandi artes, volubile ingenium, laboris quoque fastidium, mores incultos, & asperos, quæ imperiū non capiebant, esse illud ad ipsam quàm citissimè tranllatura. Tandem multoties à multis cum illa ædificii locum repeteret casu, aut industria rejecta, in quodā sibi gratis oblato rure unde transitus esset ad Monialium cœnobium Dominicanum Ordinem profitentiū ædes excitari præcepit. Sed nimis lentè, ac remisè cum id quoque procederet opus ac tortuosi etiā ipsa æstimaretur ingenii, crebuit inde suspicio, fraudibus illam, & ex composito verba, tempusque terentem in causā grassari, ut ita cunctando, & omnia segniū in opere agendo, ad maturitatem intereā, quod coqueret animo, consiliū perduceret; quæ altius in Regis subinde pectus afflatus æmulatorum immissa innumera postea ludibria, acriorēsque molestias fœminæ cumularunt. Caterum ut in novo regimine Regi intendebant officia procures; aderant greges, & turbæ adulantium, blandientiūque, vultus, sermones, animi affectus exemplar Regis expresserant, quibuscque multum præsertim erat in corde fellis, plus affluebat suavitatis in ore. Rei verò pro sustinendo regimine summa in eo planè posita videbatur, si actione, & sermone rex imminuti præsertim iudicii, & paralasi quodam afflati vetustam, & quæ latè per urbem, regnūque manarat, querelam refelleret.

Hoc ipsum, quorum maximè intererat, & qui in illo propè torpore, dominantisque regis inscitia ad imperiū sibi tenendum triumviratus similitudinem constituerant Comes nempè Castelmeliorius, Comes Aurogiæ, Cæsarque Meneſeus cum animo volutarent, fingere idcirco docuerant Alphonsum incessum, sermonem, vultum, multaque sæpè dicere, ac facere quæ intellectu vix capere credebatur, quoties verò accidisset, de arduis imperii rebus improvisa interrogatione tentari Regem, tunc ipse aut

tacebat, aut per inanes verborum circuitus responsum eludere videbatur, aut perplexè suspendere mentem, sin repente, & appositè, quod ratò evenerat, respondebat, ex corporis parte gravius ægritudine affectū declarare volentes parum mente valere Regē, qui eundem livido, & mimico simul mordebāt dēte jactabāt, aut Regis dimidiū ita locutū, aut intervalla modica lucis in perpetua caligine mentis, ut amentibus accidit, interfuisse. Percrebuerat hæc vilis, & vulgò jacta de Rege opinio, rumorque prout illum præſidentem Senatui, aut subditis, sibi aut Principum Oratoribus responsa dantē acceperant, quæ verò tamē majora depicta, vel deterius inversa, vel penitus commentitia ii, qui ad ejus molendam ruinam quasi cuniculos fodiebant, æmuli Regis effuderant. At Comes Castelmeliorius cum peracutus, & callidus esset ingenio, variis studiis, & artibus nitabatur, ut se firmius in gratia Regis, & Regem, qui eum sustinebat inimicorum ictibus inconcussus in rerum culmine sustentaret. Nolens itaque Comes publicis ita curis immersum hærentēque penitus Regem, ut per usum inertia, aut torpore fortasè per exercitationem excusso aliena subinde jussa vel rudimenta dedignaretur, majorem propterea temporis partem curabat Alphonsum in cursu equorum, in arma per otii tractanda, in puellarū præcipuè delicias, & amorum oblectamenta conferre; hæc tamen cautè ac modeste quoque exerceri, integra nēpè fama, & quantū res, & latebra pateretur, incorrupto regis honore. Super hæc cū esset in primis de latere regis sollicitus Comes, unde illapsus in animum, gratiæque partæ additio, aut direptio patebat, sibi que continuo, gravi que imperii curarum onere assumpto, vacationem, ac tuta tantummodò otia suis ipse laboribus posset concedere Regi, alium illi voluptatis ministrum, & artificem otiorum, quo fluentem, ac mollem vivendi morem duceret Rex,

nec



nec ulla deinde tangeret ipsum ab aure, à laterè Regis exorta suspicio, statuit. Erat ea tempestate custodia publica tentus Henricus Miranda multò idem antea Castelmeliorio Comiti fidus, infestus nunc Aloisæ carcerisque pœnam, & ignominiam, cùm inter partes præberet occasio, illi vicissim remetiturus. Ejus hunc rationibus hominem ob recentia in Aloisiam odia, & vetera secum contracta studia, atque officia opportunum existimans Comes, solvi custodia jussit, è carcerisque squalore ad Regiam extemplò traductum, familiaritati, strictiorique, quàm viri notam decebat, fiduciæ Regis immiscuit. Nec ea porò Castelmeliorum fefellit electio, cùm enim jactæ passim hominum voces essent, & rumor, ut re ipsa erat, circumferretur, potentiam scilicet Comitem, Alfonsi Regis voluntatem Henricum Mirandam intervertisse, rarum in aula monstrum, eo integritatis candore, ac solida fide tamen usus est gratia Regis Henricus, ut Comitis opibus nihil omnino per illam officeret, imò in gradu, quem quisque cepisset, se mutuis auxiliis invicem adjuverent.

At non eadem animi moderatio, & amicitia vincula, & jura inter ipsum Castelmeliorum, & Comitem Aurogiæ, Cæsaremque Meneseum intercedebant. Hos simul initio pari propè amplitudinis gradu gratia regis Alfonsi velut æqualiter distributa statuerat, paulò post cùm infinita per se cupiditas sit, ambitio nimis suspiciosa, atque infociabilis dominatio, causæ paulatim simultatum obortæ, vel ex industria quæsitæ sunt, quæ in regni potètia, Regisque gratia malè coherentes homines, diffidentisque emulatione interjecta distraherent. Castelmeliorii tamen auctoritas, ac penes regem gratia cùm nec satis esset hucusque adulta, necdum eventibus radicata, & quæ exiguis, ac dubiis profecta initiis facile

everti, aut imminui contentionibus potuisset, hic sensim, & cautè per astus agebat, ut per certos quasi gradus à gratia regis extrusi retrò paulatim concederent amuli, nec omni spe devoluti ad partes oppositas transeuntes mala domestica augerent. Interim regis, & regiæ, regnique unicus ipse Comes moderator arbiter factus, sedem in regia fixit, ubi vixerat quondam Princeps Theodosius primus Alfonsi frater, factoque post interceptus. Inde ministri Principis munus, quem Privatum populariter vocant, cum supercilio, ac tumore tantæ altitudini, quæ reges coæquat, aut superat, pari, Castelmeliorius Comes ostentans requirere statim cepit, quid facultatis in illo esset, quousque se tanti auctoritas muneris explicaret, quidve exceptum, sive coarctatū supremæ potentia esset. Regum idcirco Lusitanorum, & antiqua Ulißipponè tabularia evoluta, & pulverulenti chirographorum cumuli excussi, & exemplaria quoque ex Castella relata sunt, ut limes, & modus illi muneri inveniretur, quod negligentia, aut ignavia Regum reipublicæ intrusum cōtrahi, aut diduci illorū duntaxat arbitrio suevit. Hæc diligētius cùm Comes Castelmeliorius investigaret, officium illi succurrit quod Puritatis Scribæ antiquitùs vocabatur, ab illis tantum in Lusitania solitum exerceri, qui primi ministri locum apud reges obtinuissent. Verùm id ipsum jampridem ab aula sublatum, & oblivione propè deletum, imperium cùm occupasset, miscuerat Joannes regis Alfonsi pater officio, quod erat è secretis Consilii Status, ita ut titulo, ac nomine extincto, vis, & potestas in illo retineretur. Erant olim hujus muneris partes, litteras, atque acta publica subscribenda, ac signanda porrigere Principi; ad aures propterea latiusque regis in aula certatim intenta, & unde fluere, ac refluere tanto labore, & invidia quæsitæ gratia suevit, præcipuè

spectabat. Nihil hac ratione validius eo tempore offerre se Comiti potuit, quò ardentius ad occupationem muneris raperetur. Pergit itaque ad Regem, munus exposulat, causas etiam adnectit, quibus ei deberetur summæ fiduciæ pignus. Rex, cujus fidei, atque placito se unà cum regno omnino regendum dederat, hoc negare minimè ausus, vocat illicò Petrum Veiram, qui erat è secretis Consilii Status, jubetque ut ipso Rege prasente Comes Castelmeliorius novi officii possessionem ingrederetur. Petrus, qui & aliàs impunè cum Rege oris libertatem expertus fuerat, & partium fiducia superbè securus tunc quoque arroganter obstitit Regi, id muneris ipse referens, non gratis, vel casu à Joanne patre ejus abolitum, Statusque Senatui secretis immistum fuisse, nec esse quidem modestiæ Regis, rescindere patris acta, nec sapientiæ quoque, novis inductis rebus constitutum jam regimen conturbare, multoque minus esse justitiæ, gratis alteri dare, quod alteri ereptum per injuriam fuisset. Nihil tamen his verbis commotus Alfonsus, sed in se tacitus tantum, ut præceperat, institit, absque mora rem perpetrari. Hoc adeptum à Comite munus aliud illi subinde peperit utilitate minùs pompa, ac splendore profectò maius, quod unum, sed tantum in speciem deerat ejusdem fortunæ cumulo, scilicet supremi Ordinis Senatorem, tanta enim primi exercitii auctoritas erat, intimique sinus fiducia, ut aliud ab alio esse disjunctum minimè pateretur. Igitur Comes Castelmeliorius jam satis, superque munitus & rerum copia, & regiæ voluntatis imperio, & intra, atque extra Regiam amplissimis sibi delectis officiis, uberiùs deinde, quàm æquitatis, aut meriti ratio poscebat effundere capit in amicos, clientésque suos regalem munificentiam; huic ar-

cis, illi urbis custodiam tradit, aliis opes regniq̃e munia, & armorum ministeria distribuit; fidores autem honore, ac stipendiis amplificatos apud aulam secum retinuit, ut adversus communium obtrektorum insidias propiores subsidio forent. Nec minor profectò in ipso Comite cura fuit adversarios terre re metu, quàm acquirere officii amicos, aut veteres in officio, atque fide firmare, hinc ut amore, hinc proposito metu, duplici scilicet ratione aulicis partibus ostentaret, nec sine se beneficio, nec maleficio vinci aut si quis in amore casu, aut consilio fortassis efflueret, reduceret timor. Hoc consilio cum oratione vehementi plena ipsa spiritus, plena in speciem doloris apud Regem Comes exaggerasset, quid insolenter, quid imprudenter in illo modo pridem ejecti Antonii Conitii proscriptione, quid orto deinde inter matrem & filium de regno tenendo dissidio contra jus, contra majestatis augustum nomen peccatum à multis fuisset, quid etiam postea? quàm superbè contra regem fecissent, quàm improbè cogitassent, quàm contumeliosè locuti essent, & severè quidem plectendos, qui toties in Regis personam deliquerant, esse, ne impunitatis fortassè illecebra, & odium peccati fomes, & sine fræno cupiditas majestatis delicta multiplicarent, impulit tandem his, aliisque argumentis Alfonsum ad exilio multandos Ducem Cadavalium, Garciam, & Emanuèlem Melum, Comitem Souraum, atque Pomberium, aliósque regni primarios cives, quibus, & Petrus Veira è secretis Consilii Status adjectus est, pugnam Alfonso meritam solvens, intemperanter, ac sæpiùs in illum effusa linguæ.

Plaudebat interim his novitatibus populus, & ea potissimum factio quæ de sibi inimica, atque adversa quasi triumphum in aula jaçtabat. Altior ta-

men



men subibat senioribus cura, tam superba videlicet, tam rigida regni initia pro opinione, quæ plurimum valet, & re ipsa tum mente, tum corpore mutilo Rege crudele plus, quàm diuturnum, & celere magis, quàm prudens, & constans promittere cunctis imperium. Inesse adhuc matrem, & fratrem Regis, ut è genere regio fortiora instrumenta rerum novarum, & aciora capita partium, hisque in afflictis proceribus, & odio publico faces, & arma tradi, quibus mutatis subinde rebus, & his, qui ceciderant sublevatis, contumaciùs simul omnes in Regem, & assecras ejus insurgerent. Cæterùm omnia tunc prosperè cum auctoribus fluere, ea falsa, inanisque læticia cupidos ad majora cursim audenda, parùmque futuri providos incitabat. Est Lusitani moris, in publico vesci Regem, eique splendide, ac liberaliter epulanti proceres ministrare. Hanc veterem consuetudinem, ut quantum subdolè posset, colloquia, congressus, aditus Regis, quibus minùs ille fidebat, obstrueret, Castelmeliorii calliditas sustulit, præstititque propterea, ut in secreto cubiculo accumberet Rex, ac sæpè incompta, rudique & cui pauci, notæque minoris, casûque accedentes assisterent, mensa. Simul cùm vetus mos esset, Lusitano Regi dum cubitum iret, dum surgeret, dum abjiceret sive resumeret indumenta domesticos quoque proceres famulari, ejusdem consilii tenore usus amoverat illos Castelmeliorius, regali servitio his qui in gradu minori erant, ejusque fiduciæ, sectæque hominibus impertito nobilibus famulis ingressu tantum in speciem, ac verbo tenus concessio, re autem ipsa intercluso. Graviter quidem hoc prædūros in suis priscis moribus Lusitanos offendit, tanquam Rex in paucorum Tyrannidem lapsus, à patriisque institutis, ac legibus alienus sic

gentem, ut mores fastidiosè, & contemptim haberet; graviùs tamen hoc ipsum ante cæteros passus est Goveamis Marchio Palatii ea tempestate magister, quod ea præsertim quæ ad sui ministerii jus pertinebant alius palam intercepisset, isque fortuna, quàm merito potior. Supplex idcirco commeatum à Rege postulat, quo inutili propè Regiæ servitio dimisso Goveam se conferret. Percussus ea improvisa novitate Castelmeliorius, tanquam si nobilis viri, primùmque tenentis in Regia locum voluntaria secessio, & causa potius secessionis supra rerum præsentium asperitates, turbulentosque regiminis fluctus, nobilium omnium invidia, & popularibus quærimoniis oneratura eundem Comitem esset, cùm Rege tunc intercessit, ne venia abundi Marchioni permetteretur. Instat acriùs petendo Marchio, ne more ipse aulico crederetur nundinari mendacia, rogarique in eo velle, quod maximè concupisceret. Tum verò postulantis ob pertinaciam, & quò arte molliretur invidia, velut Regis indignatione prætenta, voluntarius discessus in exilium illi mutatur, nedum aula exire permissio, sed insuper jussio, ne Regis injussu liceret, ab eo municipio discedere.

Regi ita rebus compositis Comes, ejus partibus auctis, adversis attritis, circumfesso undique Rege, nullique ad ipsum patente nisi per eundem Comitem aditu, jam animo elatior, viribusque longè munitior pro extremo rerum conatu, fortiorique potentia vinculo Aloisii opprimendæ consilium orditur, cujus ille in hunc modum subtilia, ac fallacia deducere fila capit. Defuncta regni regimine mater ægrè, ac perrarò, & si quando accidisset, nauseantis in modum invisebatur à filio Rege, non per eum in curarum communium partem, non in consultatio-

nem, aut rerum saltem notitiam admissa. Porro ut imperio quondam florentem magna aule more adulantium, atque ambientium circumsteterat feminam turba, neglectam, ac regimine orbatam pauci nunc colere, pauci adire, plerique suspectum fugere limen, ne per eam imperantibus displicerent. Sedes ejus ferè deserta, horrida visu, tristisque, horridior etiam aspectu exactæ felicitatis, recentisque frequentiae memoria paucis, qui rarò, ac timidè accederent, apparebat. Hujusmodi causæ, quæ ab Aloisia tanquam dejecta cæteros alienabant, per æmulorum communia odia, & versa in utrumque insidiarum machinamenta Aloisiam, & Petrum, ut in eadem fortuna versantes, & alterius alterum ope indigentes super mutua pietatis, & antiqua vincula amoris arctiùs eo tempore colligebant. Inde frequentes aditus, secreti, crebrique inter utrumque sermones, oscula, amplexus, & omnia intererant argumenta eximiae inter illos benevolentiae, & constantissimæ fidei. Concussit, qui per homines pretio, aut muneribus emptos circum omnia explorabant, astrictior hinc longè præterito visus inter filium, matrèinque nexus. Proinde volentes animo, multum ad suscepta maturanda consilia facessere sibi negotii matris, fratrisque Regis firmiorem in æquali fortuna consensum, & robur, multum auctoritatis, & molis iis accessurum partibus esse, quas iidem eligere statuissent, cum hæc prudentiam, & regiae matris auctoritatem, ille populi plausum, & morum, & gratiæ, & regii sanguinis ornamentum afferret. Distrahere propterea jactas per utraque ex parte fallacias, ac dolos Petrum à matre constituunt, ut ambos sic postea divisos, & mutuis consiliis exclusos faciliùs opprimerent. Igitur primùm cohortari Petrum, ut propria relicta domo trans-

migraret ad regiam, ne fortè amoris quò strictiùs, & mutuò conjuncti fratres esse deberent quidquam absentia, vel consuetudinis intermissio laxaret. Hoc autem non imperato sæpè deducere Petrum ad Regem; huic venatum, seu piscatum, seu rusticatum eunti assiduus comes adesse Petrus; juri multa remissa, multa gratiæ congesta, nonnulla quoque pro regimine inflexa, siue correctæ sunt, quòd ita planè placeret Petro; ficta comitas prompta adulatio, inflata quotidie promissa adolescentis animum, ut de sententia caderet, oppugnabant. Verumtamen Aloisia, quæ rerum omnium momenta notabat, cum sua ipsa imprimis solertia esset, artibusque senilibus usæ parvo negotio retexere in filio omnia æmulorum consilia poterat; & Petrus quem dudum ex germani fratris inertia, notoque furore altius imperii conflata spes titillabat, sui juris idipsum, & proprium quàm precarium habere malebat. Quocirca Petrus illecebris furdus, & suo, & Aloisiae quoque matris ingenio in multam simulationem compositus, quæ insidiosè sibi, & falsò dicta, vel facta compererat, ut pura, atque ingenua hilari semper vultu, pronòque omnibus ore suscipiebat; omnibus mitem, jucundum, ac planè tractabilem se præbere, sed nihil omnino fidere. Sic igitur Petri constantia, clausòque perspecto incantationibus animo cum nihil insidiæ proficerent, mistus tunc artibus rigor, & aperta severitas in juvenem applicatur, ut ita provisio, & per eam incussa formido obtineret, quod ficta lenitas non valuerat. Famulos illi primò Rex mutat, quos eidem benevolos, acceptosque mater rerum cum potiretur addiderat, substituitque alios suspectos, infidos ut aptiores ex partibus regis electos, qui dicta, ac sensus ejus exciperent, ac domus secreta indagarent, & quorum hominum



hominum mores tali obeundo muneri convenirent, deinde, ut quantum per res, ac temporalicuiſſet, cautè hæcenus ducta ea fictionibus larva ſuſtineretur, qui Petri ſervitio priores famuli aſtiterant, nec fides eorum corrumpi per blandimenta ſubjecta poterat, negotiorum obtentu alius poſt alium extra aulam, & urbem cum honore dimiſſi ſunt. Ita igitur Petro domesticis hoſtibus circumſo, ſatisque deinde proviſo, ne quid novi moliri poſſet, aut ſi aliquid fortè attentafſet, ut hoc per latera ſtatim efflueret, in Aloſiam deinde Guſmanam inſidiarum moles incubuit, quarum multiplex ordo longo ipſe tempore, nec minus ſubtiliter agitatus per quædam chirographa, quæ ad Caſtelmeliorium ab intimo conſiliorum ejus immiſſa fortuito ſubrepta, ac ſtatim prodita ſunt, in lucem emerſit. Is ergo erat literarum contextus, & ordo. Duplici via Aloſiæ expulſionem à Regia parari commodè poſſe, leni altera in ſpeciem crebris nempè moleſtiis affecta, ludibriſque jacta eouſque irarum acuere in fœmina ſtimulos, donec continuis irritamentis, quæ adhuc patientia ſua vicerat, tandem aliquando ſuccumberet, & pro ſolatio, ac levamento duceret ſua ſponte Palatio cedere; altera duriori, videlicet fidum ad illam ſummittere hominem, qui ejus ſecretò pervelleret aurem, pro ſua dignitate, ac prudentia, & pro ea quam tantopere optabat animi tranquillitate facturam, ſi ultro quamprimùm à Regia diſcederet, ne contumelioſius ſpreta, atque invita mox idem exequi cogeretur. Primam verò expulſionis tenentibus viam horum animi angorum, iriſionumque quæ notabantur, facile poſſe contra mulierem initia peti, necſque tenorem ex eo quod Rex præcepiſſet ut, qui antiquiores erant famuli matris, cariorèſque mulieri, jactis

ſubdolè cauſis per intervalla procul amoverentur, accedentemque proinde ut verifiſimile erat matrem ad filium querelis, ac ſtomacho plenam, quò veniam pro famulis exoraret, triſti reſponſo dimitti, ac deterriſſima metuentem. Caterùm hæc per artificia excitata, ſubinde producta, atque ut res pateretur inflexa, & ſuo quoque ſelle reſperſa animorum irritamenta, quæ ſenſim, aut citò valerent conſtantiam fœminæ excutere, ſuis quoque procedere gradibus, & aliam ex alia contumeliam oriri, & injuriam involvere injuriam, & certaminis cauſam poſſe. Hiſque etiam illud accedere, quod hæc, & ſimilia intra domesticos teſta parietes, atque extraneis ignora, ſeu mitiùs ab illis interpretata vim in ſe magnam haberent, & foris minimè obſtreperent. Alio maximè modo, ſi lenior fortaiſſis, aut longior eſſe prior videretur, & brevius proſectò liceret totius rei exitum expediri, per ſecretæ nempè pietatis miniſtrum juffu Regis ad aurem moneri Aloſiam, quod Rex habita ratione conſilii ab illa jampridem intenti, divulgatiſque, aulico nempè relicto ſtrepitu, urbanòque tumultu, quò reipublicæ curis, laboribùſque deſeſſum honeſto otio componeret animum ad ſolitudinem abeundi, aliarum prætereà rerum, quæ huic prudenti, ac malè dilato conſilio ſuffragarentur, neque tunc explicare neceſſè erat, ipſi matri denunciabat, ut rectè priùs de ſeceſſu proviſa quàm citò conficeret, ejuſdem mulieris virtutibus fretus, ita ſe eſſe in eo negotio geſturam, ut abiſſe, non prorupiſſe, & ultro proſecta non exacta Palatio cæteris videretur. Hujusmodi erant interceptæ chartulæ notæ, in quibus aulæ ſatis inſidia & labes, tabèſque patent, & quas inter animi ſordes, ut ſubeat, volutetur oportet aulicus.

Inter hæc, ut conveniant, peragenda,

da, quò perperam factis esse sibi Aloisia promerita videretur, quæ in caput ejus ludibria, injuriæque passim comparabantur, dum per calumnias, criminationesque confictas simul illam arguere, si simul pro odio, atque invidia purgare contendunt, inter aulæ inter circulos urbis coram plebeiis, coram nobilibus viris fœda, atque atrocia contra ipsam disseminabant, hisque artibus adeò nefarii à matre filium averterant, ut gratius dirumque filio assentandi genus, dulciórque diffusus ejus auribus sonus, insectationes, & probra essent, quæ sæpè numero audiret contra matrem ingesta. Idipsum, & ausi persæpè sunt experiri in altero filio Petro, grave sed hujus silentium, coloris mutatio, trunca quædam interdum, ac velut tumida verba cum satis æmulos urerent, hi tandem pudore metúque percussi cum secus dicere nolent, inviti filebant; nec ampliùs agere Petrus in illos præcepto matris attingebatur, siquidem matris defensio apud ejus obrectatores inutilis, & Petro lubrica erat. Postremò quemadmodum aliam alia acriorem non semel punita parit injuria, & patientia licentiam gignit, à verborum contra Aloisiam intemperantia quòdammodo ad manus delapsa res est. Illa enim interdù, noctúque cum in secreto sæpè facello animæ poliendæ vacaret, æmuli ejus haud infcio quidem Castelmeliorio, procaces, ac viles, & ex plebis illuvie coactos, puerisque commistos homines submittebant, qui impio clamore, testarumque crepitibus orantem fœminam foris illuderent, ac perturbarent; nonnunquam in vitra, quæ erant facelli fenestris apposita lapides jaciebant, adeò ut supra publicam contumeliam ex avulsorum, illisorumque vitrorum fragmentis, & lapidum jactu contusiones, & vulnera quoque formidarentur. His etiam ludibriis

accessio fuit in speciem res quidem minor; sed opinione hominum, sensúque fœminæ acerbior, ac cæteris longè major. Solent Hispaniæ Reges in publico loco matrem prætereuntes capite illi, genúque modicè flexo reverentiæ atque amoris ostendere signum; sueto hoc Reginis honore, cultúque patientem bis Alfonso Rex defraudavit die festo solemnì, cum fœminam prætervectus ad Regiæ facellum accederet ipse, recederetque qui matris contemptus, ut insolenter inductus, ac proceribus manifestus, nec tergiversationis, aut dissimulationis velaminis ipse capax Aloisiam ita perussit ut noluerit in posterum Regiæ palam interesse facello, imò doloribus victa re vera deinceps de vulgato secessu, de Palatii fuga tractaverit, quoniam æmulorum propter conatus, filique facilitatem mutandarum spes rerum qua hæctenus freta discessui moras implicuisset, secus processerat. Novum hoc illa consilium in hunc modum Castelmeliorio per internuntium aperuit. Construi jamdudum sibi electam pro solitudine sedem imperavisse, hanc porrò ceptam & ad fastigium penè perductam, ferius omninò quàm rationes suæ postularent absolvi conspiciere, aliò proinde à Regia recipere se statuisse, donec opus perficeretur. His auditis Castelmeliorius postridie sese Aloisiam repositum ex Regis mente daturum retulit. Interea cum rege, atque amicis anxie ea res consultatur, queritur inter eos absens, an præsens perniciosior & gravior fœmina foret? & utrum ita violentum, an spontè sumptum ejus præstaret esse discessum? quid causæ, quid rei propositæ habere in animo posset eo repentino consilio mulier? cur precaria reginæ quæsitæ sedes? cur discessio præcipitata? cur ipsa modò sollicitaret, quod hucusque abnuisset; collectam ne ex longo tempore variis successi



successibus iram, aliunde profundere statuit; an terribilissimas illas quas tristis solitudo, mœstusque secessus cogitationes ingenerat, acuitque ibi quoque facilius extendere posse putat ubi minus inesset aurium minusque oculorum, qui secreta rerum molimina investigarent? His prolixè discussis, tandem, quòd tortuosa perspecta mulier, ac multiplex astu nihil quidem inexploratum, nihilque remissum sive quid ageret, sive ipsa diceret, pateretur, reiectus constanter est ille quem minus ingenuè petebat ad alienas ex regis ædibus transitus, ut turbulentus, deformis, qui molestiis videretur extortus, quisque Principi invidiam, & miserationem erga fœminam populi concitasset. Ex adverso nunc illi prohibitum, quem fraude petebat, exitum, & præfens dedecus impediturum, & quæ postea in rem fierent, cohonestaturum, cum jam perfectò ædificio, eò forte digredi fœmina cunctaretur. Secundum hanc sententiam Aloisia per internuntium nomine Regis responsum est. Dedecere sanè Reginam Regia relicta in alienam divertere domum, regiumque splendorem privatis fordidibus immiscere. At si tanta ipsam, ut tunc ostendebat, ad quiete, otioque fruendum cupiditas incitaret, præcipere quidem in promptu erat, ut segnitè nimis hucusque ædificii pertracta constructio celerius deinde perageretur. Hoc Aloisia intellecto responso, quia graviora quotidie timenti jam persuaserat sibi, qualiscunque profectio esset eos inficias minimè ituros, qui tot molestiis ipsam exagitata ut cunque discedere cogerent, modo secus cum accidisset paulisper animo erecta est, eò, quòd temporis usu spes sustinere labantes posset, & quod regia exire per se paratæ vexatio fortasse ab inimicis remitteretur. Auxit etiam inanem fœminæ spem ingens, & novum

quoddam amoris indicium, quod præter omnium opinionem casu, Rex erga matrem exhibuit. Decumbentem corporis ægritudine Regem Aloisia mater invisit. Mulier ut erat ingenii acie, ac natura oris, frontisque blanditiis, atque illecebris componendis mirificè apposita, suis tunc lenociniis, & leporis amœnitate filium ita pellexit, ut solito rictu, animique repenti rigore posito Rex, in matris amplexus, atque oscula effusus incognita, ac teneræ ibi multa cum illa signa caritatis ediderit; venire quoque Rex musicos iussit, qui sibi assidentem in lectulo matrem cantus dulcedine permulcerent. Aliis amoris, & gratiæ argumentis cum delectata fœmina esset, renuit, & acriter hoc Aloisia viduitatem causata, ex quo enim Ioannes pater ejus decesserat, nihil auribus adhuc talis modulationis hausisset, nisi quæ in sacro sacello divinis laudibus funderetur. Instat precibus tamen, urget blanditiis Alfonso, matrisque brachiis tenaciùs adstrictus illam suaviter tandem cogit musicorum carminibus interesse, mox & aliis amoris illecebris interjectis filii gratiæ non reddita modò mater, sed arctioris etiam amoris ligata nexu ex eo loco dimitti astantibus visa est. Stuporem hujus rei novitas omnibus, summam Aloisia lætitiā, parem tristitiā, ac metum obtrectatoribus ejus incussit, quippe quibus jam exploratum Regis esset ingenium versatile, varium, sibimetipsi adversum neque dictis, neque actibus satis profectò constans. Inde conscientia quoque reortos tristitia, pavorque illorum animos ceperat, ne parvo quantumvis tempore mater cum haberet sibi filium obnoxium, tunc aliquid fortè per Regem moliretur in ipsos, cujus negotii celeritas neque insidias opponere insidiis, neque regiæ iracundiæ regressum sineret.

Igitur

Igitur comes Castelmeliorius, Aurogia quoque Comes, Cæsarque Meneseus quanquam prius inter se regia, ac potentia ambitione discordes, nunc communis sibi metu periculi unanimes concordæque consultant, qua via, qua ratione tandem vel omnino perderent Aloisiam, vel in eam calamitatem præcipitarent, qua extrema ejusdem ruina in regno stabiles ipsi, vel tutiores saltem graviori adjecto mulieri periculo forent; nec aliquid aptius inter cogitationum multiplices æstus, variæque evolutas terroris imagines ad rem transigendam occurrit, quàm occulta Aloisiam consilia, atque vota de transferendo in Petrum imperio, quæ sæpè suggererant Regi, nunc aucta formidine verbis, & per nova argumenta terroris expressa, acrius illi inculcare, atque in animo figere. Sanguini certè, & juri, & naturæ, & omnium hominum amicitia, atque fidei renunciare Principibus solitum, ut diadema servarent, idè non illis horrori, non verecundiæ fuisset hoc sæpè fratrum, sæpè parentum cæde cruentum accipere, ac per his simillima scelera sustinere. Adeuntes itaque regem monent eundem, quàm infidiosa, quàm sollicita, quàm acuta mulier circûagatur, ut alteri filio ereptum alteri daret, à quo repetere posset, imperium. Quid impetus, quid in Petro pro regno occupando flagraret ardoris, hinc à parentis, hinc à lubricæ ætatis stimulis, ab ipsa etiam imperandi pruriginè, à partibus, simul à metu si omitteret, à spe si negotium committeret, concitato. Divisam jam esse aulam, addebant, plerosque summates infidos, captum domi rumoribus populum, foris militiam largitione corruptam; & hæc omnia unius ingenio sceminae volvi, & peiora in futurum, eadè tunc ordiente, misceri. Altero propè passu, nisi sceminae resistatur, & per contemptum debilitetur, Petrum imperium

occupaturum, & qui jam sceptrum, & omnia teneret, ne libertatem quidem fuisse in tanto rerum turbine retenturum. His, & similibus verbis eoque Alfonso vertendi regni formidine turbant, & ira præcipientem volunt, ut protinus matrem à Regia discedere jufferit. Hoc ubi Aloisiam denunciatur eò magis in se concussa afflictaque scemina est, quò per recentia amoris indicia, igniculos illos quos erga parentes natura succendit, pravique homines malè instillando in filio penè restinxerant, jam revixisse crediderat. Porro quàm pertinciam inimicorum, quàm Regis instantiam, ac levitatem perpendens, & quod se inopem, solam in medio certaminis positam, & crudeliter agitatum fuga, aut exitio necesse foret tot cruciatibus finem imponere, Regia confestim decedere statuit, sedis quanquam recentis, quo illa migrabat, ædificatio ut raptim perfectà novæ structuræ situ, humescentisque soli intemperie, quicumque ante tempus eam habitasset, periculum facebat. Eò igitur paulò post Aloisia circa milliarium Ulisippone procul à Rege summo, nobilium effuso studio, atque obsequio deducta est, undique infesto à populo itinere, ut Reginam, matremque Regis transmigrantem spectarent, aliis invitam, afflictam, & tanquam ad carcerem Principem duci, aliis varius ut passim manaverat rumor, rectè prudentem sceminam curis aulae tristibus otium, aulicæ turbæ, ac negotio quietem, ac solitudinem prætulisse, jactantibus. Multi rerum quoque vicissitudines, præsentia dum præteritis compararent, horrebant, nimirum, quæ auctrix adeundi quondam imperii, sustentandique simul adjutrix, & socia viro Bregantio fuerat, quæque illo sublato ejusdem à se parti regni tutelam inter arma, fluctusque reipublicæ magnos intrepidè gesserat, eam ipsam, cum manere privatim in Regia non



non licuisset, ad ingratam quodammodo, severamque custodiam impatam per vim, & ludibria esse. Quid auræ fortunæ? Quid patrocinio virtutis? Quid fallaci potentia? Quid aulae fumosis, vanæque strepitibusque opibus fidere liceat? Sic fluere, atque humanas interire denique res, & quæ florere, seseque efferre videntur in aula primo quoque tempore arere, aut invidia succisa decidere; in umbra, atque errore versamur, & pulvis, & cinis postremò contegit omnia. Cæterum ut jure à Palatio dimissa scemina censeretur, & nobilium etiam invidiæ & plebis offensionem, & æmulo- rum odio, qui in hoc facto allatra- bant, occurreretur, confectis sermo- nibus, atque ex composito fufis ob- trectionibus, & quæstus in illam cu- mulabantur modò sceminae pudici- tiam, modò, matris officia, aliàs, & vitæ cultum, usumque regiminis la- cerantium. Ex imperii ambitione quæ sola, nec illa parum muliebre pec- tus percutiebat, ut sese nectunt, at- que implicant invicem vitia, varias in illa scelerum facies expresserant. Rex Alfonso rei gestæ pudore, vel odio matris nec visere ipsam, nec sa- lutare. Cæteri ad Regis imitationem compositi abnuere colloquia, subdu- cere sensim obsequia, exhorre de- fertæ limen, quosque Aloisia quon- dam obnoxios, & regiminis gratia conjunctos fortunæ duntaxat conver- sio ab ejusdem congressu, atque ami- citia retraxerat, eos accuratius ab illa nunc metus arcebat, cum rumor etiam efflueret, avidam ultionis mulierem machinari res novas, eoque hisce vo- cibus fictis eo tempore timor Lusitanis increbuit, exteròsque pervasit ut Re- gis Galli, Regisque Britannii Oratores hoc vulgi rumore perterriti priusquam Uliassipone discederent à Rege filio impetrarint, ut citra suspicionem, Re-

gisque notam fas esset Aloisiam adire. Inter has simulationes, suspicionumque caliginem Petrus, & si omnia quæ eo tempore agebat in Regis dirigere gratiã, eique se plane studere, atque in omnibus obsequi velle apparebat, id tamen unum simulandi artificio, quod argutum in illo fuit, ac desiderio Regis exceperat, scilicet frequentare maternam domum, eam honorare, sæpè consulere, colere, nihil sollicitudinis prætermittere, quàm in pa- rentem reposceret pietas, aut in afflic- tam Principem miseratio, quanquam, & sæpè Aloisia Petrum corripiebat ne illa officia sic ostentando aliores suspi- ciones, & umbras offunderet illis qui- bus crudeliter, statim eas vindicare præ manibus erat, incertum, hæc illa subji- ceret utilitate filii, an quo ita in Regem, partemque adversas intenderetur invidia, & erga ipsam commiseratio. Hoc maxi- me modò Regia, ac regimine simul eje- cta Aloisia, atque in eo calamitatis ha- bitu constituta, ex quo sanè majora ca- vere sibi oporteret, quàm aliis inferre pericula posset, tum Rex seu metu ali- quo matris, seu residua quadam scintilla pristinae reverentiæ jam omnino expe- ditus, atque solutus liberius, acriusque revolvit ad ea facinora caput, quæ ea tempestate remissa, non penitus inter- rupta cum cautione, atque modò hæte- nus exercuerat.

Hæc omnia videbat Comes Castel- meliorius, & pravis licet ipse cupi- dinibus captum, & corruptelis im- plicitum, non verò ad extremum per- ditum vellet Regem, ne ruentis idem Regis exitium utrumque tandem in casum traheret; modus ei tamen, & ratio minimè suppetebat, quem fama, quem pudor, quem facto- rum conscientia, morsusque non re- tardasset, lascivientem, atque furen- tem in summo potentia tenendi Prin- cipem; lenta quippè remedia adeò obduratæ in erroribus indoli, ac regia

præterea suffultæ licentia inefficacia fore putabat, at si durius, ac pressius monendo, vel objurgando cum illo egisset, jure timebat, ne asperioris moniti merces gratiæ jactura foret. Rex itaque nullo adversante, pravo suæ cupidinis impetu, æstusque ætatis abreptus suo minus, quàm sociorū, quos stupra, homicidia, sua, atque aliena bona alea, popinis, scortisque consumpta passim infames, ac detestabiles fecerant, utebatur ingenio. Turpia, & indigna permulta in ignobilia capita facta narrantur, ipso jubente, vel adjuvante Rege, vel saltem, ut oportebat non reprobante. De viris nobilibus hæc habentur. Cùm tanta ardere videretur in Rege humani fundēdi sanguinis sitis, aut stolidæ potiùs fortitudinis ostentandæ, ubi etiam non erant exquirere crimina vitium, affectique judicii lapsus sibi etiam gratis asserere offensas proclivem ad iram, illamque simul explendam animum impellebant. Hac malitia, seu animi levitate provectus Alfonso ad interitum sæpè quæsitit Marchionem Fontanum, nec illum in via, aut ejus ædibus nactus hanc nefariā denique cædem suis satellitibus demandavit. Insiliunt, quibus facinus erat cōmissum, in Marchionem, lectica dum ipse vectus incuriosè fortè per urbem deferebatur; clamore, strepitu properant, multas in illū fistulas ferreas excutiunt, jam penè vehiculum, vectorēque dejecerant, cūque plures, qui de via fortè erant, & qui famuli circumstabāt hero impigrè subvenirent, raptim in illos cōposito cuneo grassatores exturbant, & Marchio tandem propè jam circūventus, & gravior saucius elapsus est. Hoc deinde Uliisippone comperto jussu regis effectū esse, quia Marchio ipse Fontanus amicus, fidusque regi ob diuturnam cum eo cōsuetudinem putabatur, tantum deinceps ex gratia ejus, quantū ex odio inceserat omnibus timor, cruci, levisque scilicet hominis, atque exte-

nui quacunque vera, seu affecta in ejus familiares suspicione, cujusmodi haud paucas tractandi ingeminat usus, vulnera, & sanguinem exigentis. Nec minus profectò stomachi, invidiæque viris subinde nobilibus attulit, quod in Comitē quoque Encerēsem ejusdem præcepto regis palam, sed frustra tentatum est. Curru per urbem invecus planè metu, cursuque vacuus cum uxore, filia, atque fratre pergebat Comes, cū ecce repentè in ipsum impetum faciunt omnibus noti sicarii Regis. Clamor, lapides, fudes, igneæ fistulæ gladii, omnia instrumenta terroris, interitusque contra innoxiam familiam, ac venerabilem sexum expediuntur: contorti velociter ictus alii in aurigam, in equos alii, alii in vehiculum incidunt; collabitur rector, jumentaque pedibus sursum innixa, & lateribus acta lora disrumpere conabantur; mox vel quia metu tantumodò injecto, vel assultu illo improvviso jactare maluerit Alfonso, quàm exercere sævitiam, vel quia homines scelerati meruerint in publica luce, viaque plebis iram, atque tumultum jam inde furere incipientis, post inanem illum fragorem, & hominum fremitum, concursūque, nemine graviter laeso, diffugiunt. Hæc crudelitatis, aut furoris species in Rege, quæ in amicorum, & procerum capita grassabatur, ne illis quidē parcebat qui supremæ fiduciæ munia publica auctoritate tractabant. Petrus Noronia, qui è mercedis secretis erat, equo vectus à regia cū se domū reciperet, fortè in regis lecticā offendit vacuam ipsam, sed solitis stipatoribus circūfusam. Petit ab his transiturus humaniter Petrus in angusta semita locū, & interim sistit; id ægrè ferentes homines illi, qui rixarum percupidi etiam in comitate, ac modestia iras suas inflammare didicerant, & tanquam convicio jactati armis Noroniam aggrediuntur, equoque repetitos per ictus excussum



cussum subinde jacentem vulneribus lacebant. Ad tumultum, ad circumstrepentes undique voces, horroremque facinoris visi, quia res propè Regiam acciderat, accurrit etiam Comes Castelmeliorius, Petrùmque Noroniam ferro concisum inveniens, extremoque spiritu exanguem inde ad Regiam asportari præcepit; ubi paulò post eodem lethali confectus vulnere extinguitur. Ut fortuitum hoc scelus non jusserrat Rex; verùm quò peccandi plus acueretur ejus auctoribus stimulus loco supplicii, præmiis eosdem affecit; eratque juris sic ordine inverso flagitiorum remunerator, qui vindex esse debebat.

Majorem profectò admirationem, acriorésque Ulisipponè querelas contulit alia, sed palam res gesta Regis, quod religio ex ea videretur in ludibrium adducta, cujus mirificè tenax est populus, eaque verè, aut in speciem neglecta maximè invidiam Principibus cumulat. Solemnis per urbem, memoriæque passionis Dominicæ consecrata cum pompa de more ageretur, ibi eorum, quos otium, quos studium, aut pietas attraxerat, exundante populi æstu, accursùque, aderat quoque Rex, sed currus velis opertus, unde aspicere ipse, nec aspici per interjecta velamina poterat. Procedeabat interim pompa verùm omninò seriùs, ut longis ordinibus constituta, affluentique interposita populo; & rex illo defessus otio, inquietoque agitatus ingenio uni eorum qui secum ibi sedebant, imposuit, ut curru defiliens, alapam ori ejus, qui primus se fortè obtulisset, impingeret, ex quo rixæ, tumultuosæque contentionis initium propter hominem laceffitum, turbatamque subitò multitudinem duceretur. Pergit ille, cùm diutiùs tamen, quàm ferox, ac celer regis animus pateretur, extrahi jurgium, & contumeliam impatienter cerneret rex, seu populi metus, seu aliquid verecundiæ

inter sacra solemnia præmortui licet pudoris emissum hominem tetigisset, tum ipse Alfonso clam per vehiculirimas transeuntem hominem quemdam gladii sui cuspidè pupugit. Is cùm ictus dolore, tum dedecore stimulatus, simul ignarus unde illapsa percussio esset, educto repentè gladio defendere se, atque ire ultum injuriam parat. Unius statim erecti vibrantisque mucronis fulgor in tanta virorum frequentia mille secum eorum contraxit gladios, qui nudas, micantésque tot inter cuspides tueri sese, qui jactantiam facere animi, qui, quod fortuito commissum censebant jurgium dirimere laborabant. Concitatur hominum multitudo, seseque fuga; metuque premens ultrò, citròque pulsu, ac repulsu distracta colliditur. Inde sacræ imagines ruerè, misceri passim altaria, solo afflicta divina jacere misteria, fremitus passim barbarum, & lamentabiles voces mulierum sibi timentium, & violata esse sacra indignantium, querentiumve, cùmque eo clamore, ac tumultu jam efferatos, & in orbem contractos satellites regis in eam incitatam multitudinis vim temerarius impelleret imperus, cruentum, atque exitu fædum die illo festo Ulisippo facinus conspexisset, nisi vir gravis, ac nobilis, qui fortè regem comitabatur, eundem admonuisset. Videret, quid ageret, nihil æquale furori populi, nihil exceptum, nec ipsum ardentius quàm profanatae religionis injuria per omnia flagrare, rapique præcipitem. Imò & si latius imperitaret Alfonso, omnia illa subverti regna uno impetu posse populi. His dictis conterritus Rex, è curru, ubi hucusque latuerat, descendit, palam omnibus fit; etiam vitiis aspersa majestas apud homines valet; coorta tempestas sedatur, currum rex repetit. Seria ita rex ludis, & jocosa cruentis admiscens aliàs

impium, aliàs crudelem, ludibundum interdum, ac genio indulgentem sese præferebat, cùm revera minus ipse nequitia quàm animi levitate peccaret, & in adeò volubili ingenio nec virtutes, nec vitia satis hæere conspicerentur.

Ferunt præterea cùm in cælo Cometes apparuisset, ejusque ferali crine cùm audivisset funera sæpè Regum, & regnorum exitia defluere, Alonsum fistulis ferreis in illum excussis, aut despicere aëtrum, aut stolidas minas certis calitum minis objicere voluisse, deinde convicia, atque probra iratiùs effusa vanis ictibus adjecisse. Quod plurimi referebant in manifestam adolescentis insaniam, in vaticinium nonnulli ex quadam furore, atque animi afflatu ductum, qui cùm in Principibus viget tum maximè in illis, qui hujus Regis ingenio similes, ratione minus utuntur perinde quasi ita furens, ardènsque conatibus Rex in Cometem incitaretur, ut imperii jacturam eidem prælagientem. Illum rigorem animi, hanc naturæ torvitatem in Rege Venereæ quoque delitiæ præter solitum leves excipiebant, sive id consultò affectaret, ut se virum ostenderet, cùm diversa, ipsique Regi maximè obnoxia fama pervagaretur, sive id esset magis irritamento vitii, quàm voluptatis perceptæ causa, sive affectum malè animum, ac deterius etiam instructum ea res quia illicita, ac vetita multò magis extimularet. Cæterum penes aulicos Regi fidos hæc erat quidem negotii summa, scortorum videlicet turba vario sermone jactatam proli nunc utilem ementiri habitudinem Regis. Hoc ergo consilio elatus jampridem infantulus fuerat, quem Rege natum amici vulgaverant. Inde puella etiam educabatur titulo filia Regis. At fœtum utrumque suppositum, Regisque securitate confectum esse, multi, quos artes aulicæ non fefellerant, mussitabant. De ul-

timo planè constat, sic matrem testatam apud Judices esse. Hæc verò insignia inter scorta potissimè unum vel eximia corporis specie, vel fortioris illecebræ beneficio ita devinxerat Regem, ut nec verecundia, nec regie majestatis dehonestamentum, nec quòd in illum, ut regem, conjecti omnium penè hominum oculi essent, inhibere possent Alonsum quin publicis ludis, spectaculisque impuræ mulieris societatem ostenderet, idque graviolem tunc apud cives notam inusserat regi, quod plerique fœminam noverant publicè prostitutam, & quod excelsi, regis quoque nihil sapere, nihil asurgere posset animus penes quem tantum esset vulgati corporis vilitas. Ea porrò ut crudelis, ut falsa mulier, & varias nocendi, aucupandique perdocta mirabiliter artes, quò erga se magis, ac magis amorem accenderet Regis, zelotipia quoque facibus incumberebat ejus animum inflammare, unde multum quidem cruoris, ita jubente rege, meretriculæ vanitas hausit. Cæterum nihil hac fœmina potius inter tot æmulorum machinamenta res Alonsi labefactavit, ut enim inepta secreto mulier, ac natura loquacior sæpè omnibus decantabat Regem amantem à se redamatum, nunquam ut virum à fœmina, cognitum esse.

Dum inter hæc, & similia flagitia Rex præ sævitia, aut amoribus volutatur, mutuis infidiis, ac dolis ut alius alium è gradu dejiceret ascensumque super æmuli ejecti casum attolleret, more suo pertinaciùs aulici contendebant. Comes Castelmeliorius crescentis initio potentia, quæ ex Antonii Contii ruina profluxerat, pari propè merito, & gratia ut suprà relatum est, apud Regem cum Cæsare Meneseo, & Aurogiæ Comite floruit; iisdem mox gratia regis, imperique



ritque æmulatione percussis, mutuoque suspectis, & cautè inter se palam agentibus, at interiùs acerbè commissis cùm vicissim utrinque luderent artes, & oris suavitas animi virus, reciprocòs ictus latibula tegerent, ingenio, aut fortuna inter eos prævit Castelmeliorius, quos Regia quoque depellere facillè potuisset, is nisi pro rerum conditione metueret, ne uterque penitus fractus spem, & fortunam quas inter regias amiserat, in Aloisæ partibus quæreretur. At ubi lapsu Aloisæ ille ex animo timor decessit, crimina aliqua partim vera, partim affecta Castelmeliorius in Autogiæ Comitrem struens, ea scilicet ipsa, quæ idem in suis amicis dissimulando fovebat, primum illum ex Regia, mox urbe summovit. Pulso in hunc modum Autogiæ Comite, obstabat etiam Meneseus, sed volubili quidem spe constitutus, cùm à prævalido, vallatòque partibus viro ferè inermis, ac solus oppugnaretur. Res in extremum adducta discrimine tum ultionis cupido, dolorque ægrè eluctandæ manus inimici potentioris rebus omnibus circumspectis intendere tandem ingensum, animique colligere vires adegere Meneseum, quò imminètem cervicibus æmulù preveniret; acioris propterea remedii cura jactato venit tandem in mentem subicere Alfonso, ut Antonius Còtius ex Brasilia, ubi tunc exulabat, Ulispponem revocaretur. Popularis in speciem erat pretextus, Regi pergratus, plausibilisque, abolitio videlicet publicæ injuriæ, ac restitutio decoris regii ob intimum sibi quondam familiarem cum tanto fragore, ac ludibrio majestatis abreptum; causa vera in occulto, eaque efficax erat, miscere in aula per res novas si fortè posset res inimici propitias, cùm illi virum opposuisset, qui vel omnino occuparet, vel divideret saltem voluntatem; & gratiam Regis, simul etiam alterius subsidio in tanto discrimine inniti, atque opis eo tem-

pore egentem reversionis subinde vicem ab Antonio reposcere. Acria postremo, atque acerba cùm duos homines implicarent de gratia, ac potentia penes Regem litigia, ipse ut medius totum complecti, aut rebus exagitatis aliquid fortè decerpere potuisset, aut quæ impèdebant saltem per ea, quæ in æmulum redundassent, certa sibi pericula subterfugere. Hæc erat Menesei mens, Durior tamen tractatu res videbatur; difficile quippè erat sepositum Regem, aut sine arbitris convenire, qua cautione quidem uti Meneseum necesse erat, ut pro tanti momenti negotio in aures, & animum regis influeret. Providerat enim diligentissimè Comes Castelmeliorius ut omnia, quæ audiret, loqueretur, aut faceret rex Alfonso per circumfusus exploratores edoceretur; capitali præterea crimini dabat Comes, si ipso inconsulto, aut ignaro quispiam auderet secretum habere cum Rege colloquium. Ita ergo dum hæsitat, volvitur animo Cæsar, multisque diebus occasione captandæ studet, regium denique viridarium fortè solum perambulantem assequitur regem; sæcra ibi gravia, & acerba, quæ in miserrimo exilio nullo alio crimine nisi quòd diligi meruisset, ac bene de Rege meritis esset, pateretur eo tempore Antonius amplificat; multa pingit, multa etiam affingit, quæ ingens animi ardor odio, & periculo simul afflatus adjecerat, Regem denique impellit, ut reduci ab exilio extemplò juberet Antonium, datis etiam eidem Meneseo mandatis, ut per scriptas ab ipso regio nomine litteras exul ab Indiis revectus esset. Res diutiùs latere Castelmeliorium omnia rimantem minimè potuit; cùm ampliùs ei tamen non esset integrum quod factum jam esset expungere, in auctorem consilii, cujus satis fallacem deprehenderat mentem conversus novo hoc stimulo adjecto ejusdè ruinã

acceleravit. Igitur primùm in animo secum descripto Comes, quibus artibus usus Antonii regressum ab India infructuosum, & irritum redderet, præmoliendum eo tempore statuit, ut cùm rediisset Antonius, tunc Meneseum omnino afflictum, atque extra aulam, & urbem extorrem offenderet, ne manu, ut dicitur manum in aula lavante, fortiores uterque adversus communem æmulum vires conjungeret. Itaque quæ acquisita, ampliataque gratiæ Regis fiducia deliquerat olim Meneseus, quæque ille idem jure amicitia fretus in ejus sinum effuderat, nunc quod ita interesset, effodiens Castelmeliorius, atque inimico insolenter objectans, simul res novas moliri, transitumque ad partes adversas, obtinuit tandem à Rege, ut ejus jussu multaretur exilio.

Post hæc ex Brasilia Antonius Concius, ut Rex Menesei adhortatione præceperat, Ulisipponem appulit. Navi ex alto cùm ille in portum inventus esset, concentu tubarum, belli fonitu tormentorum, omnique communis ostentatione lætitiæ ingressus ejus obstrepuit. Verùm ènavi jamjam descensuro, cùm ferè tota rei novitate sub lata, seseque calcando premens ad portum civitas concurrisset, felicemque contumeliam illam jactaret, quæ in tantum celebritatis, ac speciem propè triūphi cōversa fuisset, repente tunc imperatur Antonio, ne in terram descendat, ne Ulisipponem adeat, sed in remotum quoddam oppidum se recipiat, ibique immoretur ejusdem ambitu loci regio nomine circumscriptus. Scenæ hujus, & pompæ eousque versatilis auctor, is qui ceteras quoque luforias in aula partes agebat Comes extitit Castelmeliorius, hoc nempè insidiarum ordine usus; primò probavit Alfonso, quod jam non poterat impedire, ab exilio scilicet evocandum Antonium Contium, quippè quem inscio Rege, atque invito, præci-

pitata ultione, paucorum temeritas ablegasset, eorumdémque ad sanandam stultitiam, aut cōprimendam audaciam patere opus esse, quod regi duntaxat decernere liceat, quibus danda, quibus adimenda libertas aut vita sit, qui vertere solum, aut reddi meritò debeant.

Appulso deinde jam ad littus Antonio, contentionisque studio, vincendique libidine ejus reditu prorsus expletis, cùm paulisper suspensus, ac propè trepidus ipse memoria repeteret Rex, quos homo astus, quas turbas, simultatesque apud aulam, & regnum concitavisset, & utrum extincta materia esset, an aliquid tacitè serperet, unde novæ se suscitare, atque effundere faces possent, sic æstuantem arripit Regem Castelmeliorius, eique protinùs subjicit, illa exilii remissione, Antonisque ad urbem regressu, aspectuque jam satis rumori, regiæ satis auctoritati consultum esse. De Regis tutela, ac præsidio esse imposterum laborandum, quod matris, quod fratris ipse perpetuis oppugnaretur insidiis; idcirco quo minus Antonio, ut seditioso procerum instrumento subdendisque populo facibus, turbulenti, qui multi circumsteterissent, homines uterentur, optimum factu sibi videri, ut ille statim inde retractus, & aula procul ejectus urbe diutiùs, & Regia, & Regis quoque careret aspectu; dum hæc animorum ubique commotio læguesceret, & quæ retrò acta essent, deleret oblivio, & deinde consilium à tempore caperetur. Nullo utique animi affectu magis, quàm metu Alfonso agitabatur, cujus subdolè franos ejusdem ingenii, ac naturæ planè peritus Castelmeliorius, prout res sua postulat, jam adducendo, jam remittendo, jam sæpè versando circumferebat. Premere verò in præsentia æmulum præpotentem, summopere infestum, atque huic aliorum connexas uno ictu succidere spes, conatusque cùm sua præcipue interesse



interesse confpiceret, in isto negotio seipso major incubuit. Cæterum cum ea improvisa adversarii depulsione maximè sibi Castelmeliorius potentiam, & opes apud Regem confirmavisset, ea ipsa non parum ex parte alia debilitavit, clariori planè argumento jam omnibus manifesto, quod ad potentiaè amplioris mensuram invidiam invidiæ Comiti cumulavit, Alfonsi nempe iudicium sive innata ægritudine torpidum, sive aliquo veneficio corruptum aliud elicere nihil in regimine posse nisi à Comite illi indita, & iussa; & alium sibi profectò Regem quarendum esse, cum jam Alfonsum privato in homine perdidissent. Porro autem ut sibi maximè, & jure diffidit ambitio, suisque affectibus discors, ac turbida semper est, jam Antonio Contio dejecto, & tum à congressu, tum ab oculis regis excluso, adhuc tacita quædam suspicio, & formidine plus adumbrata, quàm certis indiciis expressa Comitum animum remordebat, nimis propensum erga Antonium subesse regem, veterisque amoris reliquias cum etiam etiam influeret propinquitatis loci quotidie magis in regio pectore crescere; qui cæteris imperant, sibi minus imperitant, vetusque clausum in pectore incendium, ac velut tempore pressum quidni vehementius aliquando erupturum? simul inimicorum aspicere turmas erecta expectatione, animisque intuentium Antonium velut hominem cælo delapsum, qui ipsius in aula effractus potentiam esset, aut omnino everfurus. His anxius curis omnia ad hæc Comes callidè referebat, nempe ut simul regem, simul Antonium falleret, tanquam absentia ejus ab aula non à gratia regis contentione, imperioque sibi solidè sustentando, sed à quietis, pacisque consiliis, & tum Antonii, tum ipsius regis utilitate quaesita esset. Præterea quod dicta factis

secundum speciem congrueret, colere impensius Comes Antonium, fundere obsequia, crebra munuscula mittere absenti, cumque tunc fortè opulentum in regia vacasset officium, Antonio quanquam ejecto, exulique hoc ipsum à Rege conferri curavit, Joannique Contio ejusdem Antonii fratri, qui sacris imbutus ordinibus erat, Ecclesiæ ditissimum beneficium.

At verò qui planè comprehenderat insperatam, ac rigidam illam separationem à rege fraudulentam esse duntaxat Comitum cautionem, non reipublicæ curam Antonius, & quem ille metueret ultorem, falsis velle mansuescere officiis, & vanis illecebris indormire, ficta per ficta ludificans, ne fortè se odisse, neu rem percepisse cognosceretur, interim operam dabat ut vel congrredi semel cum rege posset, confusus si semel aspicere, atque alloqui regem, manumque tangere licuisset, contra æmuli insidias sese aliquid profecturum. Hoc summo labore, atque industria Castelmeliorio Comite nescio impetravit tandem Antonius à rege, cum ille suo more venatum propè Alcantaram iret. Ibi Alfonsus gratulabundus, & ita lætus, ut ore, atque oculis læticia nimia diffunderet veterem amplexus amicum est, quin & illum interrogavit, vellet ne statim redire secum ad aulam? Antonius, cujus jamdudum immotum, fixumque in animo erat, quod nec regia, nec regimen, nec regis quoque voluntas, sive amoris, sive imperii natura spectetur, capere simul posset Castelmeliorium, Antoniumque parata ad id tempus responsione in hunc modum satisfacit Alfonsi, tam citam ipsius ad aulam reversionem difficilem sibi regique futuram, multisque molestiis, & periculis implicatam. Utilius ea tempestate fore, idque se maximè deprecari, ne diutius eos exulare viros proceres pateretur, qui jure suo quon-

dam matri Aloisîæ imperanti paruerint. Contra jus, & officium hoc utique factum esse, contra obsequium parenti debitum, ac regiminis disciplinam, ac malè subditos admonere, ut obedire dediscerent, filios, ut parentes aspernarèntur. Ad hæc dicta reticuit Rex, rudi, obtûsôque ejusdem ingenio minimè penetrante, hoc ancipiti postulato, velle merita nundinari & partes colligere Antonium, quibus pulso Castelmeliorio, locus illi vacaret, quem relicturus ejectus amulus esset. Itaque eo brevi cum Rege congressu dimisso, ubi secretum colloquium innotuit Castelmeliorio, sibi ex composito occultum, simulque revolvit, subesse regis animo latebras Antonii fide & conscientia, non Comitibus fide dignas, majora quoque inter regni, ac regis domus arcana id sibi repente unum obscura de causa, & Antonio auctore interversum fluctuare in animo caput, ac studiosius quærere modum, quo se clam, ac leniter efferentem, antequam artibus ille cresceret, adversarium opprimeret. Hæc animo volutanti explorasse fortè Comiti contigit, in illo colloquio, quod seorsim cum Rege Contius habuerat, regressum ad aulam, & criminis veniam ab ipso pro extorribus postulatam, talia enim verba furtim à quodam Regis comite excepta Castelmeliorio Comiti postea relata sunt. Nihil hoc indice clarius sagaci viro necesse fuit, ut statim veniret in suspicionem Antonius, scilicet ipsum in aula jam partibus scissa, quæ Regem, quæ matrem confectarentur, cum Principi offensis, marisque ejus obnoxii illis exulibus conspirantem clandestina consilia coquere. Cùm igitur inter eos æstus ac tenebras mentis nulla unquam melior ad amulum exturbandum sese interponere causa posset, quam etiam habebat Castelmeliorius cum eodem Rege communem, alacrius idcirco ad

Antonii perniciem versus ejus subinde lustrare vestigia caput, secreta rimari, appositisque propterea, qui colloquia, qui convictus Antonii, qui ingressus, egressusque familiarium, & tempora connotarent, simul labore, pecunia simul effusa, postremò collegit exules illos nobiles cum Antonio Contio, tum eorum amicis, affinibusque qui apud aulam præsertim erant, consentientes trahere secretò consilia, quibus per vim extruso Castelmeliorio, mater regia Aloisîa gubernaculis redderetur, Regique Alfonso sub umbra, ac regimine matris non vis, sed species quædam imperii, nudusque regiminis fulgor relinqueretur. Hoc ipsum ita partium concordia statutum, ac certum universi deinde magistratus suffragia, qui Ulissipponē degebat, sancirent, amplior tandem auctoritas, actisque publicis firmitudo ex regni Comitiorum, quæ ideo subinde convocarentur, calculis adderetur. In rem illi obtendebant, in tam arcto, atque lubrico positis regni rebus fas esse naturæ ad suæ originis usum postremò relabi. Hæc enim quæ liberos homines esse voluit, sic populorum seu plurimorum nutui atque arbitrio alligavit imperia, ut cùm ea ultrò uni ad majorem omnium utilitatem commissa fuissent, si præter opinionem per illum vi, sive injuria labefactentur, ab iis, qui ea illi tradidere, liceret remedium malorum ejusdem lege naturæ petere. Hujusmodi erat conjurationis intextæ series & causa. Qua denique revelata dicti statim à Rege Judices sunt, qui de Majestatis crimine inquirent. Ulissipponē causa tractatur, dum verò ibi crimen excutitur, & reorum, suspectorumque nomina deferuntur, stricto Rex insolenter super testantium capita gladio, minisque congestis eos pro Iudicio simul terrebat, & audiebat, ex quo planè testibus perturbatis alia hæsitantia



ex ore verba effluebant, alia interrupta, alia invicem dissidentia; videbatur nequaquam jure, sed gladio agi: terror omnia miscuerat. Tumultuariè tandem cognita causa, in actisque perscripta, cum delatorum confessio, & arcani, susceptique consilii ordo matrem Regis Aloisiam velut conjurationis ministram, vel adjutricem, vel saltem consciam legali quoque suspicione gravaret, missus est ad illam scriba, qui ex forensibus actis suspicionum deductas notas, scriptoque digestas perferret, eas ut ipsa videret, atque omnino dilueret. Fœmina tunc gravitatem, animique celsitudinem præbens, contemptione, & stomacho potius, quam rubore, vel ira jam trepidum scribam, vixque lingua præ metu, seu mente constantem rejecit; non legere modò, verum etiam accipere codicillos propositos dedignata; tantum seu conscientie fiducie mulier, seu fictioni, seu vili de filio opinioni conceptæ in re gravissima contulit. Rex ergo cum minis, metuque matrem insecti posse diffideret, cogi fas esse non judicaret, affligere amplius non esset etiam volentibus locus Regia jam, & regimine præcipientem exturbatam, cum squalore, ac tristitia in solitudine agentem, & solatiis ferè omnibus destitutam, quas frustra in parentem concoxerat iras, paulò post in affines conjurationis effudit; Theodosius itaque Melus quinquaginta extra urbem leucas ejectus est, Cæsar Menesæus, & Antonius Contius, qui circa Ulisipponem exilium agebant, in regni fines expulsi sunt. Obscuri quoque nominis multos ea conjuratio pervertit; incruento planè supplicio, cum Castelmeliorii invidia potissimum excitatam grave nihil in regnum, vel caput Regis per illam intentum esse liqueret, tum iracundia, minæque regis, quas ille subitus impetus, relique celeritas non jactaverat,

inani ut plurimum pompa, strepituque vanescerent.

Caterum ea criminis inquisitio plus apparet terroris, & ostendendæ per cruciatus sævitie, quàm veritatis investigandæ cautè diutius extracta est. Circumfusi per urbem exploratores, delatoresque colloquis, conventibus, circulis, ita atque seris, ac familiaribus jocis commiscebantur, ut propè cunctis attonitis, percussisque formidine civibus non propinquus propinquo, non amicus amico fideret; suspectæ aures, timida verba, intuiti vultus, nutus etiam inter colloquia in notas criminis torquebantur, nec ea minus Castelmeliorii severitate, ejusque affirmandæ potentie studio agitari, quàm Regis tutela, atque amore apparebat, insontes enim ut fontes terror simul ac pœna corripiebant, hoc astu veteres suas privatasque suspiciones, ac longè deducta odia cum majestatis afficto crimine implicante Castelmeliorio. Ea severior cum quæstio peracta esset jam æmulorum ruina, & adhuc stabant, his nova ruendi formidine injecta validior, quàm antea fuerat, Comes Castelmeliorius majori animi elatione, fastuque ostentare potentiam cepit. Sedem igitur illam, quam adhuc habuerat in Regia ad aliam transtulit ipse partem regio habitaculo propiorem; nova per hoc adjecta ejusdem invidiæ viri, nova Alfonso ignominie, & contumeliæ plaga, gravior inde quoque obtrectandi, insidiandique materies circumspectantibus inimicis: Regis enim Alfonso limen assistentibus rarum, Comitæ frequens in tam parva loci distantia facilius observabatur, admiranibus, ac propè dolentibus cunctis inter regnantem, ac Regem non aliud pro obsequiorum collatione discrimen fortunam interjecisse, nisi quod majestas alteri vacua, & solo propè nomine picta, vera, atque solida alteri videretur.

deretur hâsiffe, & cum imperio conjuncta. Verumtamen ut ambitu quodam mortalium sese series circumagit rerum, & bonorum, malorumque vicissitudo Castelmeliorii in Lusitano regno potentia jam ad summum perducta culmen cùm amplius augeri non posset, decrefcere cæpit. Hoc initium mutationis, & tenui ab hoc filo totam retexere telam fortuna disposuit.

Simeon Vasconcellus Castelmeliorii Comititis frater post longa, & egregia peracta in Lusitano bello stipendia Ulisipponem reversus est. Hoc homine Petrus Alfonsi frater cùm syncerè, & familiariter uteretur, id sive sorte, aut industria, sive morum consensu vel sanguinis fiat, vel astrorum affectione, aspectûque eousque amore ejus obstrictus est, ut in aula pro miraculo cernerentur duo regii fratres aliis duobus sibique alienis fratribus dediti, quique licet inter se dissiderent cum alienis concordessent, cùmque plena essent inter fratres Principes odia, quod nihil ad latera redundaret. Accidit etiam nec multò post intervallo, ut Petrus graviter ægrotaret. Hanc se præbentem occasionem officii, amorisque ægroto manifestandi statim amplectitur Vasconcellus, ideo frequenter domum ejus adire, condolare dolenti, ad servitutem ægro jactandam procerum famulorum intervertere munia, ostentationis nihil omittere, quod obsequium, & Principi fidem uberius testari posset. Molestissimè hoc in primis Petri famuli persensere; re tamen prudenter dissimulata, ne corporis ægritudine afflicto molestas querelas adderent, post ubi Petrus convaluit per alias expositas falsò causas tacitè injuriæ dolorem operientes dimitti plerique petunt à domestico Petri servitio, & mox alius post alium digrediuntur. Offendit & graviter Comitem Castelmeliorium ea inopinata famulorum discessio in suam,

fratrisque profectò invidiam existimantem dilapsos proceres esse. Obtinuit ergo per Regem Alfonsum, ut negligentia, aut errore à Vasconcello fratre excusato paulò post famuli proceres ad Petri familiam redirent, uno tantum Encerenfi Comite excepto, ipsoque de industria, ut fama publica erat, omisso, ut Petro semper inviso, & rebus in omnibus circumspecto deessent viri optimi documenta, Comitique Castelmeliorio, cui minus in domo suspecta fideret. Porro autem cùm non parum Castelmeliorii Comititis interesset sustinere per id temporis apud Petrum in illo gratiæ culmine fratrem ut longa ipse manu, & imperium, & spes imperii, quæ in Petro maximè hærebant, complecteretur, ne rursus inter proceres amulatio, compositaque nuper offensiones inciderent, Simeonem fratrem ex Regis præcepto renunciavit domus Petri Gubernatorem, sive Magistrum, quò minimè ablati, aut intermissis reliquorum famulorum officii, ille dignitate, atque arbitrio cæteros antecelleret. Haud quidem gravatè id primùm accipere nobiles famuli visi sunt, quòd animo reputarent, Vasconcellum domestica Præfectura contentum, nihil sibi deinceps arrogaturum, quod ad reliqua procerum munera in familiæ regimine pertineret. Sed postquam suo hic, vel fraterno spiritu inflatus, & ultra magistri supercilium erectus insolenter omnia confundere ministeria domestica cepit familiam, herumque trahens, rursus, acriusque viri nobiles indignati abeundi libertatem à Rege, Petroque repossunt, & impetrant. Nec ea de re ampliùs laboravit Castelmeliorius, satis hucusque provisum rumoribus putans, quod, qui sua sponte à Petri servitio recesserant, urbanitate usus semel Rex revocasset, ac si bona familia erat cur eam reliquissent? si mala, cur eam repetissent?



sent: porro jam recurrentem, aut quasitam fortasse causam libenti animo arripuit, qua à Petri familia summotis quos parum idoneos, suisque flexibiles nutibus noverat, sufficeret alios leves homines, & venales, sibi maxime addictos, Petro infestos, domus ejus speculatores, & quibus abundè stomachus esset, Vasconcelli fratris superbia, ac tumore calcari. In hunc modum ab acri, sollicitoque Petrus æmulo circumfessus, & undique adstrictus, dum imperium animo agit, Regisque fratris inopiam judicii, morum intemperantiam, gignendique defectum hoc sedentis etiam in sinum ejus illatura quandoque esse, ne inter ea domus ejus ludibria opportunus injuriæ ob degeneres spiritus, fractumque formidine animum, & contumeliæ fortasse patiens æstimaretur, à novo, & pulcherrimo vitæ instituto moderationis, & tolerantiae laudem sibi constituit. Hic igitur sapius excutere penitentiae sacramento conscientiam, percurrere sacros libros, memoria cælestium, hominumque religiosorum monitibus, & consuetudine pasci, quodque reliquum temporis esset animæ procurandæ in bonarum artium, aut literarum studia conferre. Rarò proinde Alfonso fratrem adibat, quasi utilibus rudimentis ingenio domi excolendo vacans, aut cæli negotiis, rebûsque divinis implicatus: quam improvisam Petri mutationem, ac novissimū vitæ cultum, ut variæ sunt aulicorū opinionis, & suo aliena plerumque censentes ingenio, affectuque nonnulli adscribebant. Augustino de Ceuta ex antiqua Regis familia nuper ante Regis, Petrique pedes repentina morte collapsi, tanquam Petrus de cælo tactus vitam, & mores illo monito expolivisset, callidiori quidam intelligentiā secreto Petri consilio facilius, ac tutius Lusitani sibi parandi regni ea religionis imitamenta fucosque virtutis

attribuebant, quibus minus sollicitum, intentumque jam dudum ea de re suspectantem redderet Regem, ac populi simul benevolentiam plausumque captaret, dum hausto quasi cælitus spiritu ea Petrus agere videretur, quæ actionibus quoque Regis opposita, & comparatione illarum luculentius expressa gloria, atque laude clariora fulsissent.

Inter hæc Marchio Sandius ex Gallia Ulisipponem reductus est ratum Regis cum Principe Nemurtia connubium, Petrique Regis fratris cum Bullonii Ducis filia ore tenus compositum nuncians, utque ratio iniretur instabat, qua nobiles inde Virgines Ulisipponem asportarentur. Hisce nuptiis suo, & consilio amicorum inductus, ut regni nempè successionem jam incerta prole Regis ambiguam alterius conjugii accessione firmaret, initio planè consenserat Petrus, postquam verò intellexit etiam tunc cælibem ipsum ut regno inhiantem horreri, ac suspici à Rege, ex quo trepidam sibi vitam, armatas passim insidias, & circumstantia, pericula noverat, illa ratio connubii ne plus æmulorum incenderet odia, Alfonsoque suspiciones acueret, neve oportunitas æmulis præberetur novas in ipsum insectationes, atque calumnias super veteres cumulandi, ne dum propositas nuptias constantissimè recusavit, sed suspectos etiam habebat, nimisque molestos, & graves, qui in contrariam sententiam eundem traducere conabatur. Hac Petri multoties, & frustra pro matrimonio oppugnati duritiæ, animique rigore comperio Comes Castelmeliorius Regem denique adit, oratque ut reluctantem conjugio fratrem sua auctoritate, ac si ultra opus esset, imperio compellat. Poterat enim palam per astus videri velle rogatus, aut jussus ad connubium venire, quod vehementi cupidine premeret. Dies erat feriæ sextæ majoris hebdomadæ  
cūm

cùm ad funerea Dominicæ Passionis officia de more coëuntibus in Regiæ sacello fratribus Rex à Comite instructus accesserat, quemadmodum hortaturus ad matrimonium fratrem alloqueretur. Dictata ibi à Castelmeliorio Comite verba celerrimè fundit Alfonsus, insistit, urget in causam, versare fratrem rationibus nititur; verùm, aut quia fluxo, tenuique Regis ingenio orationis contextus, & ratio intellectu difficilis esset, aut quia insitus quidam in animo furor res non intelligi sineret, aut intellectas statim effluere, nedum minimè congruentes, sed oppositas etiam negotio, quod tunc tractabat, rationes admiscens, quo tempore fratrem rogavit, ut contrahere connubium veller, eodem simul increpuit, & minas atroces addidit, quòd unà cum matre Aloisia conspiravisset, ut diadema interverteret, quorum unum, ac pondere majus Petrus obsequio, ac ratione purgavit; alterum pervicaciter renuit, haud sanè fas esse dictitans contra renitentem, & adversantem hominis voluntatem, quæ esset profectò vinculum sacramenti, inferre pro nuptiis minitendo, cogendo vim. Ceterùm duas magni quidem momenti nec curæ sibi minoris res ab hoc extracto cum Rege sermone collegit Petrus, altius scilicet esse regio pectori immissam de affecto à se regno suspicionem, nec eam evelli tam faciliè posse, minus prætereà suo, quàm impulsu Castelmeliorii, ut cælibatum frater exueret, tam vehementer anniti Regem. Firmior illi proinde exorta suspicio, atque infixæ in animo est, Castelmeliorio fortasse inscianter ea fila porrigere Alfonsum, quibus ille susceptæ fraudis, exco-gitatique telam exitii perficeret. Rex autem Alfonsus cùm inanem hunc primò vincendi fratrem conatum expertus esset, ejusdem deinde Castelmeliorii consilio Petri ad se famulos

vocat, simul imperat illis, ut orando monendo, obtestando curarent Petrum è sententia dejicere, si secus accideret, se Petro non minus offensum ob illius pertinaciam, quàm ipsis ob eorundem inertiam fore. Atqui nedum irritis hortamentis, raucisque precibus homines apud Petrum circumstrepabant; verum etiam quò flectere eum à proposito studiosius allaborabant, obdurescere in illo magis precibusque rigere conspiciebant, quippè qui ea omnia subdolè, atque enixè fovere Castelmeliorium intelligebat, neque aliud sibi nisi teterrimum provenire à tali obrectatoris ingenio posse. Igitur jussu Regis præter famulos ejus aliis etiam Comitis opera incumbentibus multis, hic tandem animo exasperatus, ac propè furens, caput, inquit, Regem abscindere sibi posse, arbitrium non posse, seque interitum potius, quàm nuptias amplexurum fuisse. Sic dissoluto Petri connubio quod frustrà jactatum cum Bullonia Principe fuerat, inde animum Sandius Marchio ad regias complendas nuptias advertit; querentique verus ne esset, an fictus, qui in Lusitaniam obrepserat, & Galliam quoque tetigerat, rumor proli inhabilem esse Regem? simulatè respondit Castelmeliorius, illegitimos plures editos Regi filios hanc vulgarem opinionem, ac planè falsam penitus sustulisse. Rebus postremò compositis, ut regia sponsa quàm citò Ulisipponem trajiceret, ad Galliam Sandius reversus est.

Interim Aloisia Gusmana extremo correpta corporis morbo cùm fato se proximam intelligeret, filios per litteras accersiri præcepit, ut ultimum illis amoris materni pignus benedictionem impertiretur. Eo tempore Rex, Petro comite fratre, ex venatu, equorumque tractatione ad hauriendas de more delicias omninò solutus, & vagus, in sub-

urbano



urbano rure confisterat. Porro modicè, aut nihil astantibus visus est Regis tunc animum tetigisse moribundæ matris affectus: acrius Petrus indoluit, quippè qui spes, quas fœmina afflante tetenderat, hoc ictu sublatas, augendas æmulorum insidias, sequè subsidio, ac solatio simul orbatum considerabat; præcurrere itaque ipsum ad matrem volentem, ne officii laudem præriperet ille, moratus est Rex. Pergunt æqualiter ambo, at segniori profectò gradu, quàm verè pati pietatis studium, aut amoris celeritas posset; matrem tamen adhuc spirantem inveniunt, defunctique extremo pietatis, ac venerationis officio recedunt. Subinde Aloisia, ut constanter, pièque vixit, interiit. Fuit enim Aloisia Gusmana eximia constantia, pari animi magnitudine, ea singulari prudentia, qua internis externisque regni fluctibus agitata, æmulorumque conatibus pressa prosperè, atque optimè scivit res domesticas, atque bellicas fœmina temperare. Viro quondam cunctanti, diffidenti que etiam oblatum accipere regnum, hoc propè illa minarum terrore dedit; consilio postea sustinuit; industria, ac labore firmavit; ille siquidem nihil in regno arduum, hac muliere inconsulta, seu relictante, cum graviores ut plurimum incurrerent causæ, transégit. Ad hæc Politicas artes, bonos, & malos regiminis dolos, dominationis arcana, humani latibula ingenii, non modò intelligere mulier, sed pertractare quoque, ac provehere tam natura, quàm disciplina mirificè instructa fuit; non secus enim, ac præsentis fratrum discordias regiam hucusque familiam, regnumque vellentes ex longo intervallo in animo præsensisset, obstitit olim ne Odoardus Portugallius Bregantii fratris in Regem assumpti nuncio in Germania præventus custodia, quam postea

subiit, elaboretur, quo minùs frater propius in fratrem regnantem ex pari natura, dissimilique gradu invidiosa æmulatione collecta concurrerent; cùmque esset ipsa genere Castellenfis, eoque nomine invisa, ac propè execrabilis Lusitanis ea ingenii dexteritate, alieni moris imitatione, defuetudine patrii, sollicita, cauta miti severitate, gravique clementia cum Lusitanis externis versata est, ut etiam cum onere imperii, & molæ præsentis gubernationis invidiæ gratissima ferè omnibus esset, & maxime popularis. Quædam tamen ab illa vitia, ut fluxa, atque fragilis, contrariisque affectibus constituta humana natura exegit, nimirum profundam honoris ambitionem, ac libidinem dominandi, quocirca nonnisi per vim ablatum adulto jam Regi filio imperii regimen cessit, hoc extortum rursus quæsiuit, irreperitum graviter sensit, nec Regiam deferere voluit, nisi dimissa. Ut Petri quoque adminiculo, & ope adversus inimicos, & invidos uteretur, rara, & potissima amoris ostentans minorem erga filium indicia, pro nihilo habuit super multa, eaque sæva inter fratres aliis de causis discordiarum semina effusa, inferere quoque certamen, & scrupulum maternæ benevolentiæ, odiisque sua spontè currentes, acriterque commissos novis calcaribus concitare. Ad hæc parum otii, quietisque patiens, aut pacis amica in solitudine visa est, cum ea secreta consilia, quæ ut ipsa redderetur imperio Ulisippone concoquebatur, aluerit, promoverit, vel saltè consultò dissimulaverit. Cæterum si virtutibus vitia, & adumbratis expressas animi dotes, & fortunam cum sapientia in hac muliere conferre velis, talis fastigii profectò fœmina fuit, ut illi meritò gens Gusmana splendorem familiæ regium, libertatem Lusitania, monumentum gloriæ perpetuum Hispania tribuere debeat.

Sublata Aloisia, crevit Alfonso Regi libertas, Petróque ab illo sibi cavendi, dolisque occurrendi sollicitudo. Latius proinde manantibus ex novis injectis suspicionibus odiis timores, cautiones, dissidia, alteri alterius per seria, per jocosa insidiandi libido quotidie inter fratres ingravescebant; Comésque Castelmeliorius, qui hactenus Petrum, ut matri conjunctum, ac mutua defensione vallatum metuerat, hac modò formidine liberatus multò quàm antèa licentiùs agebat. Jam verò cum nihil Petro daretur republicæ attingere, sed rem suam domesticam tantum, atque eam difficulter omnino, magnaque ex parte aliena voluntate correctam habere, in hoc fomes offensionum, & certaminum causa vertebat, quòd Petri approbatio, atque gratia, in quos ea cecidisset, suspectos Alfonso illius famulos faciebat, & quamvis satis initio cautum per suspicaces homines fuerit, ut qui destinatus Petri servitio esset, is ex intimis Castelmeliorii clientibus lectus, ejusque fortunæ alligatus extra heri domum, & ex domo inimica suas rationes, & commoda peteret, casu tamen, aut gratis interjecta sæpè suspicio, aut de futuro hæsitatio multum Regis, multò magis Comitum animum repungebat, an quemquam eorum Petrus officio, ac meritis lucraretur; an alius in longum spe jacta temporarias inter angustias ultro se Petro addiderit, vera-ne, an falsa speculator domesticus retulisset. Inter hos graviores suspicionum aculeos, & curarum jactationem cum ex utraque parte æstuantium, nihilque ubi consistere tutò possent solidum intuentium tam perfidia, quàm fides procerum torqueretur; multi radio fessi petri famulatio cedebant, alios, cum valeret in eis suspicio, honoris specie subductos Comes Castelmelio-

rius ad alia munera promovebat. Ita porrò in obscura, arctaque nimis familia relicto Petro, ac splendore domestico destituto, in corde sibi ex æmuli offensa, notoque ludibrio sensus animi acer, publica nota foris accesserat. Plurimos dies tristis animo Petrus, tacitus tamen cum hoc dedecore exegit; at ubi Reginam sponfam ex Gallia adventare delatum est, ac simul nuptialem, & regiam celebritatem, cui & nobiles Galli profuso, ac splendido luxu, & melior pars regni pulchrè, ac magnificè instructa quamprimum erat interitura, ne in tanta ostentatione Petrus, Regis frater cum eo squallore domestico spectaretur, petiit ab ipso Rege, daret ei famulos regio illo apparatu, habituque fortunæ dignos, alioquin vel nuptiarum effugere pompam, vel illi interesse cum contumelia, ac dedecore cogeretur. His argumentis ut fallaciter priùs institutus à Comite fuerat Alfonso ore placido, hilari in speciem fronte respondit; Diceret Petrus, quos sibi famulos vellet, ut eos protinus Rex designaret, hoc scilicet animo volvens, ut quos cariores, fratrique fidos ore ejus intellexisset, eosdem idcirco Rex ut minus idoneos excluderet. Paucis elapsis diebus, Petrus sicut Rex ipse jusserrat, sibi famulos nominavit genere, ætate, existimatione conspicuos, & quorum in moribus reprehendendum tantummodò invidia, quæ nemini parcat, grave quidquam deprehendere potuisset, eorumque, ut pro fide probaret, Regi nomina expressit. Tum verò Regem idem offendit, ne dum à prima sententia diversum, sed etiam iratum, & in ipsum Petrum acriter insurgentem, quòd asperum ejus ingenium, & horridos mores fugerent Lusitani, & supervacaneum utique fore hodie eligere famulos, quos sane ipse sciret primo quoque tempore dilapsuros.



dilapsuros. Contra hæc repentè commotus multa in sui patrocinium disse-ruit Petrus, & aliundè causam deducens solitudinis domus suæ; oravit denique Regem, ne se pro tanti apparatus festivitate in Lusitaniæ luce, in exterorum prospectu ea incompta, tenuique familia squalentem, & pudore, ac tristitia marcentem sineret, neu fidem nuper secum obstrictam falleret. Rex in eodem tamen obtentu tanquam integra causa, ac solida ratione defixus, fratrem quamvis instantem, inanem tristèmq; reliquit, ita profectò ratus Petrum necessitate compulsum eos esse tandem famulos accepturum, quos eidem Petro suspectos, & maximè ingratos ille animo destinaverat. Itaque ut plurimum Petrus in suis ædibus solitarius, & clausus, & Status Senatu adeundo, & negotiis, festisque publicis, & congressu, aspectuque hominum abstinebat, cum Rege, amicisque causatus ornamēto, ac splendore carere se regiæ sobolis principi consentaneo, & lucem odisse, quæ eundem fordibus volutatum ostenderet. Verumtamen, ne irritatus fortassè, atque ira percitus adolescens, quem fervor simul ætatis, ac regius spiritus impellebat, in temerarium, ac præceptum in Regem, ac regnum consilium aliquod rueret, illum interdum conveniebat Comes Castelmeliorius Status, bellique Senatus examinanda consulta ferens; sæpè etiam assentatoriè Petro subiciebat, ejusdem suffragium, ut magni quidem momenti à Senatu, à republica, à Rege desiderari, nève mora, aut perniciēs ejusdem silentio, & absentia negotiis communibus afferretur, ipsum à Rege jussu coram à Petro sententiam requirere. Hæc nihilominus ficta, & omnia artificii & dolis, quemadmodum erant, imbuta fastidiosè Petrus accipiebat. In eo præterea considerabat

suæ tantum fidei à fratre committi, quæ levia erant, aut vulgi sermonibus trita, aut plures per rimas jamdudum effusa, subtrahi verò de indultia gravia, ac latentia Regiæ, regniq; negotia, nec de restauranda sibi familia, in quod potissimum incumberebat, consultò, vel casu mentionem ullam à Comite induci.

Interea classis ad urbem appulit, quæ ex Gallia Reginam vehebat. Ulisippo, quæ in magna expectatione adhuc novæ inspectandæ reginæ fuerat, nunc ingenti commota lætitia ferè tota confluit ad portum, multitudinis pars, quam locus non capiebat, frequentior diffusa stetit in littore. Verum in Rege, ad quem prius est allatum adventus reginæ, sponsæque pulcherrimæ nuncium, nullus eo tempore visus est animi sensus, aut motus vel se lætitia efferentis, vel voluptate tacti, vel re nova aliquantulum expectecti; rem in qua illum fortè ludentem deprehendit nuncius, incuriosus, & animo durus explere perseverabat. Cæterum quod in alio constantia, & æquabilitas animi, insulitas, sive stupor illato ex opinione judicio reputabatur in Rege; nonnulli hoc frigida Veneri, & quod gignendæ se soboli ineptum cognosceret, tribuebant; ferè omnes tamen ab re ipsa licet exigua miserabile vaticinium de infelicitibus nuptiis, ac regia ipsa, quæ sponsam acciperet colligebant. Mox Marchio Ruvignus classis Præfectus Petro significavit, si citra molestiam liceret, ad salutandum illum, iturum. Tres duntaxat famuli nobiles, reliquis antea dilapsis, tunc in Petri familia erant; regem itaque Petrus per talem occasionem admonuit, illiberale profectò fore se visere cupientem classis Præsidem non admittere, sordidum verò illum admittere, ut in ea tam inculta, ac deferta propè

familia necesse erat; quod igitur Rex fratris precibus non dedisset, laxaret tandem necessitati, quemadmodum servitii splendor, ornatusque familiae ortum regio sanguine virum decebat. Rex Alfonso Castelmeliorii consilio usus ita ab hac se repente proposita causa explicuit. Petro, quos tunc ille petebat, famulos minimè assignat, suos tamen mittit à regia, qui pro hospite excipiendo perfunctorium obsequium præstarent, illo dimisso ad Palatium redirent. Acerbas, & acres idcirco querelas fidum per hominem Petrus evomuit Castelmeliorio plenus doloris, plenusque minarum increpitans, num Regis animus erat, ita ibi fratrem, ut in humili diversorio ignominia, ac sordibus involutum, ac mœrore tabentem consenescere pati? an aliunde sibi quærendum esset, ut Rege se ortum, & regii solii, sceptrique sub umbra educatum, nec cultu, animoque degenerem se ab omnibus conspici sineret? At ille suæ sicut Petri conditionis oblitus superbo, aggressique responso percussit internuntium. Hoc cum Petro subinde relatum esset, adeò mitem, & facilem ejus animum exulceravit, ut coram omnibus comminatus Castelmeliorio Comiti fuerit, arrogantiae tantæ verborum, & supercilii etiam supra Regem assumpti pœnas nec feras, nec leves esse se ab illo repetiturum. His & similibus publicè jactis in Comitem contumeliis, quas placido secus pectori indignatio, atque mœror extorserat, fortè aderat Vasconcellus ejusdem Comitis frater, carus, & ipse quondam famulus Petro, postea nonnihil suspectus, & nunc illi palam offensus, quod ita fratrem probis, & minis insectaretur; liberiùs tunc igitur quàm famuli officio, quàm superbis Principis auribus conveniret, Petro respondet,

mussitabundus deinde, rictuque oris acerbo parumper domi subsistit, ultro postremò se petri servitio subducit. Post hæc cum ira tempore deflagrasset, pœnitentia percussus, ac dolens, quod abusus principis gratia, temerè amici, atque famuli partes apud Dominum miscuisset, in ejusdem petri familiam, & gratiam nequicquam regressum variis artibus attentavit. Tenacior est enim principis ira, instabilis gratia, ac si ira tempore defervescit, interdum deponere pœnam, ferè nunquam reponere gratiam solet. Sic propè jam dissipata universa petri familia, cum ad duos tantummodò viros ingenuos redacta esset, seque incessanter à fratre Rege id injuriæ, ac dedecoris deprecantem, vel ejus ira jactari, vel ambagibus sperni, statuit tandem ab urbe secedere, simul ne improvise discessione quæ à turbidis occupata res utique novas in regno parere potuisset, occasionem ipse turbarum, ac tumultuum incitamenta quærere videretur, præmonuit in tempore fratrem, quoniam honestè sibi, ac decenter Uliisipponē vivere non liceret, ut oculorum in aula notas, & maligna linguarum verbera subterfugeret, aula simul, & urbe cedere statuisse; hoc si Regi displicuisset, impediret, ut faciliè poterat, aut causæ tandem concederet, justoque dolori parceret. Hæc tumida principis verba, rudes, quæ Regis jam præterfluxerant aures, qui eorum momenta pendebat, acerbius, & altius infedere Castelmeliorio; ipse quippè duos fratres discordes esse volebat, mutuis odiis exulceratos, sese invicem atterentes, & partibus implicatos, ut faciliùs utroque sic imminuto pro suis artibus uteretur, eò tamen ardere, atque spargi fraterna dissidia, atque odia nequaquam volebat, ut foras ex linea domestica missa, atque in propatulo posita totum regnum factionibus



tionibus scinderent, & ipsum etiam unà cum Regis, regnique periculo voverent. Institit igitur ille quàm maximo potuit apud Regem conatu, hic tandem ut Petro de iis, quos sibi selegerat, famulis obsecutus ea noxia consilia depelleret. Hoc autem loco mirari, atque attendere libet, quàm ex alto petita principio consueta, atque antiqua inter fratres certamina profuant; nam suo quanquam levis ingenio, ac natura volubilis Rex, ad omnia quoque perpetuò Castelmeliorii Comitum verbo, nutuque versatilis, ejusdem nunc rationes, & monita aut non capiens, aut spernens in quo minùs expediebat, negotio maximè obduruir, Comitèmq; sepiùs instantem convicio tandem rejecit. Cùm diutiùs itaque Petrus minas, & preces furdis Regis auribus cecinisset, ac minor etiam Regis duritie Castelmeliorii potentia comperta esset, jam omni spe destitutus, & ad consilia turbida versus postquam Reginam, & Regem festo apparatu Ulisipponem ingredientes splendori, atque pompæ regii strepitus comitatus immixtus, atque ita suæ deformitatem familiæ regens secutus est, uno Roderico Meneseo Comite ad Quelusii secessum unam supra dimidiam Ulisippone distantem leucam divertit. Ea re confestim per urbem vulgata, & longè latèque deinde per regnum vagis rumoribus aucta descivisse fratrem à Rege fratre, ebullire seditionem, & civilia jam arma parari, fama circumferebat; inde in Castellam loquaciùs, ut solet, effusa, sub Rege pupillo flaccescens eo tempore imperium impedimento fortassè fuit, nè finitimos hostes opportuna tunc cura subiret amissi regni recuperandi. Ulisippo præcipuè cum aula simul in studia, partèsq; discissa numero, ac merito plures qui Petro quàm qui Regi favebant, haberet, Petrus spectabat, ut imaginè recti

Principis regnatricis familiæ pignus, imperii columen Lusitani, quod aludere vellè Rex pravis consiliis impulsus, ejusque moribus videretur. In Regem enim, suorum præter morum intemperantiam, & corruptelam vitæ, reciderat etiam ex nimia Castelmeliorii potentia, fastuque contracta publicè invidia, haud secus, ac illam Tyrannidis speciem Alfonso socordia, ac summa facilitas pasceret; Petro ex adverso ejusdem Comitum odia, quibus & ipse Petrum persequi videbatur, & fratrem in fratrem per insidias acuire nobilium, ac plebis amorem intenderant. Cæterum propè omnes Castelmeliorio Comiti infesti, iratique illum discordiarum artificem, illum odiorum ministrum, illum malorum in aula omnium initium, ac fomitem conclamabant, & qui pro suo imperio stabiliendo ad excidium familiam regiam, & regnum peteret.

Interea diversi alii Regem, alii Petrum aggressi proceres illorum lenire iras, & componere lites vehementer annitebantur; utrumque propterea monebant, ne internis distracto, avulsoque regno discordiis in communem perniciem arma externa vocarent, nève hoc pusillum discordiæ semeni, nisi protinùs suffocetur, in vastam publicorum malorum segetem cresceret; minima quæque malorum, nè alia aliis innexa, atque accidentibus aucta vires colligerent, in bono regimine præcavenda, quanto magis ne altiora capita regni diffideant, quæ omnia divisa, atque inversa trahere cum ingenti rerum, & hominum strage possent? Hic Petri Alfonso fidem advocabat; quia ille se primùm obstrinxerat, eos famulos Petro daturum, quos idem nominavisset, nec in aula ipsi Petro fas esse cum tanto squalore, atque ignominia versari. Rex contra dicebat, impetu, ac pertinacia, non ratione in causa pro-

cedere Petrum, & æquum esse præterea majori minorem fratrem submitti, multoque magis cum ætatis prærogativæ jus quoque Regis accefferit. Sic dum falsam constantiæ laudem, aut iracundiæ quadam dulcedine expleri quærebat Alfonsus, minimè intelligebat, quod auctoritate, atque gratia ipse apud populum imminutus flecti cum nolleret, ire præcipitem oporteret, & quòd ex ea pervicacia in eas spes assurgeret Petrus, quæ sine contentione, ac dissidio tam citò explicari, collimarique nequaquam possent. His tamen omnibus rationibus potior cum Petro Reginæ intercessio fuit. Hæc cum secta jam vena decumberet, compulit Petrum, ut ipsam adiret, & comitatis secum officium exolveret. Multo studio, multisque blanditiis, sive ad rem simulatis, sive primo, qui postea recevit, amore coortis venientem Regina Petrum excepit, & simul ex Petri conspectu ipsi ægro tanti solatium, animi simul mororem ostendens ex fraterna offensione productum, rogavit denique Petrum, ut ad animi saltem corporisque ægritudinis levamentum consistere secum in Regia vellet, quoad res inter fratres pacificè conveniret; molestum ei quoque importunumque futurum si ex tam longinquo ad ipsam visendam spatio, ut frequenter desiderabat, accederet. Movit tunc Principis animum cum mulieris pulchritudo, atque illecebra, tum reverentia debita sexui, summæque claritudinis nota; inde in certamine victus, ac penitus profligatus ad componenda, seu rescindenda cum fratre litigia Reginæ ejusdem arbitrio se planè, projecit. Causa igitur inter fratres Reginæ imperio discussa quòd neutri res fraudi, aut detrimento foret, decretum est tandem ex prudentum virorum consilio, ut uno duntaxat ex prius nominatis excepto, alios, & novos Rex Petro famulos

designaret, quos idem Petrus appellavisset. Res ita conficitur; Lis, in quam aula, ac civitas ferè tota coierat, Reginæ interventu dissolvitur. Redeunt fratres in gratiam, hæc si semel corrupta bona fide faciri potest. Cæterum ex longo tempore averfis animo fratribus, mutuisque quotidie suspicionibus ictis, cum causæ odiorum integræ permanerent, nova hæc offensio cautionem utrique, & alii ab alio formidinem auxit, paulatim quasi jam instrumenta lævigarentur, quæ in regis ruinam expediebantur.

Subsidio erat Petrus inveterata dissimulatio, & fortunæ inter æstus æquè jactata, atque expurgata prudentia, simul ingenium regis ingenio præstantius. Contra furor, & impetus Regi, nulla ferè dissimulatio, multoque minus nocere, quàm dicere, & obesse plus posse, quàm velle. Itaque rex in amicorum colloquiis lacerare persæpè fratrem absentem, mordere præsentem, pungere illum ubicumque dedisset occasio; asperiores quoque naturam, acriorem linguæ insolentiam, petulantius aurium fastidium induisse in omnibus rex videbatur quæ ad fratrem pertinuisent. Fortè semel evenit, ut solemnibus ingressus in urbem Reginæ gratia cum hastiludium Uliappone celebraretur in illo equestri decursu Petrus Marchionem Marialvæ laudaverit, ut equo alacriter infidentem. Colludebat tunc cum Marialvæ Marchione Comes Castelmeliorius; suspicatus idcirco rex in hujus odium, & contumeliam eam à Petro prolata esse Marchionem ornando laudem, perinde quasi colludentis æmuli commendatio alterius profectò gloriam obtineret, ira valde commotus, & animo ferox; Nisi regina adesset, retulit fratri, ibi se illum, quem dextera tetigit, mucronis ictibus confecturum fuisse. Mollius, & cum quodam



dam simulatæ modestiæ artificio hisce minis respondit Petrus, nihil omnino cum illo ingenuo sermone putasse se, aut falsæ Marchioni laudis affictum, aut veræ detractum Castelmeliorio, nec certè decere cruorem illum temerè fundi, quem ipse Regi libare paratus esset. Sed ne hoc miti quidem responso Regi Petrus satisfecisset, nec, quod calere jam caperat, majoris dissidii causa cessasset, nisi illud statim oppressum reginæ præcibus foret. Hujuscemodi casus, quibus perpetuò oppugnata nutabat patientia Petri, ac diffidentia quotidie fota in odiorum intentionem vires recolligebat, ferè innumeri memorantur. Tandem ubi Petrus animo voluit, si tot ipse ludibriis, atque insectationibus fessus semel frangeret tolerantiam, exitiabile sibi futurum; sin minus, toties laceffitam, nec fractam omninò patientiam majorum imposterum fore injuriarum incitamentum, proinde nec patientia, nec impatientia proficere quidquam posse, & vel obruisse contumeliis, ac simul patientia disrumpi in illo miserrimo statu oportere, vel ultionem impatienter cum certa clade conjungere, tam multis jactatus undique curis extorquere postremò per metum à Rege constituit, quod lenitate, ac modestia eò usque firmiter usus minimè potuisset, ita tamen, ut cautè, ac latenter incussus timor quamdam obsequii, ac benevolentiae speciem præferret. Postulat ergo Petrus armorum imperium à rege, quod propter regni custodiam circa fines agitabatur. Ad rem afferebat, urbanas inter delicias, & aulae delinimenta nimio ipsi otio, ac tædio sitique marcenti exercitio tunc opus esse, quo certè nullum unquam laudabile magis, & utile, quàm quod in regis, regniq; salute collocaretur. Ad hoc summi honoris, atque fiduciæ munus in molliori etiam ætate per matrem olim re-

gentem sibi aditum patuisse, nec bellici quemquam poenituisse à se exerciti ministerii, nec porrò domi, militiaeque ad communem salutem constituentem, aut propugnandam ex jure naturæ, aut officii videri minus fidei, atque industriæ exigere posse, aut debere fratrem à fratre, quàm ab extraneis, & sanguinis lege disjunctis. Hujus verò consilii acumen, ac tacita ratio erat, clam per ea verba in animo Regis infigere, quod plus esset in Petro, quod possit ille metuere, quàm, quod stolidè sperneret, tum si in quaesiti fortalsè pondus rudi rex intellectu non cecidisset, quod regi terrori, sibi que præsidio fuisset, per arma feliciùs auferre. Cùm itaque hoc Petrus à rege peteret, & quod petebat insuper causas adjiceret, obstupuit Alfonso, fratremque sapissimè repetentem velut elinguis, rei que improvisæ cogitatione confusus adhuc ambiguum, suspensumque tenebat. Instat insuper Petrus, cùmque etiam, atque etiam urgeret, & pro responso regē lassaret, hic denique stomachatus cum fremitu, & ira rem difficilem, inquit efflagitas, ac longo tempore excutiendam. Petro deinde dimisso, advenit Castelmeliorius, qui ubi audit à rege Petri petitionē velut attonitus exclamavit, non baculum militare, sed diadema regni que sceptrū clariores jam per ambages à Petro quari, & compescendam profectò esse adolescentis audaciam, qui adeò inflatos, ac turbulentos pasceret spiritus. Eo acuto nimis consilio, & quo minimè Petrus intelligebat terrores, ac minas, quæ minores, æqualesque sæpè coërcent, in potentiores homines jacta citiùs perniciem imparibus struere, metum, quem fratri inferre tenebat, in se maximè revolutum per idem commentum accepit. Ex eo enim anxius Comes Castelmeliorius trahere deinde in animo cepit, petro quis auctor temerarii consilii fuerit, quive tantam

in se rerum novarum molem conceperit, ut incautum adolescentem regni expectatione sublatum, fratri Regi semper dissentientem ad desiderium armorum, explendæque cupiditatis occasionem impulerit, præsertim propè Castellam æmulam Lusitaniæ, ubi impatientiæ regni nondum maturi occupandi, quæ ardescere in Petro suspectabatur, si arma domestica non sufficerent, concitaret externa, & cum attentè circumspiceret omnia, incidit ille tandem in duos è Petri familia viros Comitem nempè Turrium, Comitèque Sancti Joannis egregios pro bello milites, atque Duces, & longa militiæ disciplina provectos. Hos igitur vel quia ille à Petro suscepti in regem consilii verè participes nosset, vel potius quia propter ingenii propensionem, & usum, belli ornamenta efferentes ad gloriam armorum fortassè Principem incitassent, extemplò à Petri latere avulsit, honesta propterea subiecta causa, strepitus belli nonnihil tunc temporis apud finitimos exaudiri, ubi præsto esse debebant, tanti meriti, ac nominis Duces. In hunc modum contentiosæ, ac novæ penè quotidie cum inter fratres incurrerent causæ, acriusque sese per continuas suspiciones intenderent, & mutuò animos vulnerarent, ubi dissidium intercedebat, in pejus semper, quod minus posset, Petri conditio delabebatur. His & Regina tandem se fluctibus miscuit, difficile est enim, nec minus periculosum inter aulicos æstus, & partes velle tenere, medias, hunc quippe è medio sæpè calumnia, levis sæpè suspicio trahit, quique metu, cautione, aut segnitie fortassè ductus, ut tranquillius, aut tutius eligit medium, ab utrisque perpetuò sibi cavere partibus, & utrasque simul metuere necesse est. At Regina quam antea communis cum Petro querelæ ratio, & fortunæ affectusque simi-

litudo contraxerat, cum ex parte Regis abjectæ, opisque indigenti media sibi tenenda via nulla esset, tam animi impetu, & ratione, quàm rerum necessitate coacta ad Petri partes accessit. Ceperat enim uxoris fatietas, atque fastidium Alfonso primò, quia nuptialis amoris vinculum proles & prolis quoque defecerat spes; deinde quia propter languentem in ipso Veneris usum, quòd zelotypiam in homine magis accendit, & propter partium etiam contagia, benevolentia, atque studio erga Petrum accensam Reginam existimabat. His odii argumentis, & causis accesserat etiam suis artificiis, atque fallaciis Comes Castelmeliorius; veritus ille quippe, ne ea ipsa amoris, ac fidei pars, quam in reginam Alfonso applicuisset, in aliquo sibi fortasse rerum arbitrium demeret, satius idcirco duxit offensam, querentemque reginam à regimine prorsus excludere, quam sibi, regi que obnoxiam cum quadam regiminis umbra in regis partibus retinere. In hoc statu regina ut à viro ludibriis, ut à Comite injuriis affecta, & propter jam exploratam potentiam apud regem debilitatem cum orbitare proles, parum etiam ab aulicis culta, tutelæ proinde, atque fidei omninò dedita Petri universas cum illo machinas adhibebat, quibus gravem, & imparem æmulum deturbaret. Notum hoc erat Castelmeliorio, suis ergo versutiis, artibusque confusus, ita illum postremò, qui in ejus perniciem toto conatu, atque industria petrum cum Regina conjunxerat, rescindere nexum statuit.

Latus per urbem, regnumque manaverat antiquis ex causis producta suspicio, & novis quotidie rumoribus aucta Reginam adhuc Virginem esse, nec regali ex eo toro succurrere spem, quæ successorem imperio promitteret. Proinde, quos verè ante alios reipublicæ



reipublicæ cura premebat, persæpè Comitum admonuerant, ut stabilito Petri connubio, quàm citò provideretur, ne externi aliquando, vel hostes in vacuum regnum irrumperent. Comes verò Castelmeliorius cujus retrusa mens erat, hoc genitale vitium Alfonso, ut perutile Petro, fraudi, sibi Regique futurum, quò diutius tergiversando posset, fucò, & mendaciis obtegere, jam spe fallendo, jam refellèdo proceres subdolè rem extrahebat. Nunc verò secum ipse volutans, quòd ex novo Petri connubio tantum regno munimenti accessurum fuisset, quantum Regiæ, discordiarum, & simultatum incendiurum, cùm Reginæ ante oculos assiduò mulier obversaretur in spem imperii sobolem peritura, quam ipse defectu Alfonso Regis abjecerat, simul quòd eadem ratio conflata in uxorem ejus invidiæ atque inde incidentium offensionum ab ipsa Regina alienatura petrum fuisset, ac si res ita fieret, ut rerò similis erat, rationes, utriusque domus cum affectibus separari, ipsūque Castelmeliorium inter reginam, & Petrum, & ejusdem uxorem, inter Petrum, & Regem suis odiis, & causis semper implicitis, discordesque jactantem sese validius, ac suas opes confirmaturum, regem idcirco adit, illi optimatum sententiam exponit, connubium inire Petrum censentium, adjicit etiam, vel ab eodem susceptos in matrimonio filios regno, & reginæ familiæ subsidio, ac firmiori tutelæ fore, vel si sobole Rex caruisset, unico fulcimento magni momenti rem esse, nec ullo pacto licere, eam in incerto relinqui. His propositis argumentis, magisque imperioso consultoris ingenio permotus Alfonso, ut quàm primum uxorem duceret fratri denunciavit. Petrus, qui dolum, & doli etiam artificem, & quòd vergeret dolus satis intelligebat, ut fallaciam fallacia truderet, tempus, quo de tanti momenti re

seriò ut par erat, secum deliberaret, modestè poposcit; responsum deinde calamo expressum in hunc modum porrexit Regi.

Nuptiarum molestias, & inquietas perpetuò curas, à quibus ipse alter abhorrebat, ut morem gereret regi, se quoque averfantem subire paratum esse. Caterum cùm magni momenti res ageretur, in qua esset habenda & communis familiæ ratio, tum regni, tum Principum exterorum, optimum factu videri sibi idoneum ad Angliam hominem mitti suscitatum sententiam regis qui fœdere, affinitate, studio, & multis utrinque utilibus causis Portugalliæ familiæ conjunctus esset. Inde ille in Galliam, post in Italiam res, & consilia, quæ vertere tempus posset, explorando transfret, ut omnia prudentiæ præcepta pro tanti negotii mole, & qua momenta maxima rerum pendebant, solertia, labòrque percurreret. Dignum verò qui acumine ingenii, rerumque diligentia, ac peritia talis negotii auctoritatem, ac vim sustineret inter ceteros causas collatos Joannem Roxam è suæ familiæ secretis sese præferre. Cetera à retro regis judicio relinqui. Vera, nec subdolè ficta, ut utique erant his verbis petrum esse locutum rex, & Comes existimantes tantum dilationis, & moræ quæ sæpè negotia deludit aut frangit, simul ministrum qui rem suspectam, ac dubiam tractaret è petri sinu dimissum accipiunt. Inter has cunctationes, & mutuas sese fallentium hominum artes, res quædam fortuita hæc omnia decreta turbavit, rebūque malè jam pridem affectis deterius deinceps exagitandis multiplices causas præbuit. Gallus quidam, verusque Reginæ famulus cùm per Transtaganam provinciam pergeret, orto in itinere jurgio ab homine Lusitano confoditur. Homicida

cida statim comprehensus, & ad Comimbriam primum adductus paulò post victus Ulisipponem trahitur, & causam in vinculis dicere cogitur. Tunc de ejusdem patrocinio familiæ, deque suo in Gallicam gentem ostendendo favore, atque gratia nimium Regina sollicita, & ultionis ardore succensa fontis supplicium vehementer urgebat. Hic verò à sacro se asylo, quò primum effugerat, sacrilegè abstractum in carcere positus querens Ecclesiæ jus appellabat. Distrahitur itaque causa ad utriusque fori cognitionem, & variè hinc, & inde incipiti jure implicata, atque in summam còtroversiam adducta sententiam de crimine protrahebat. Regina ab initio, & valdè ipsa inculcando è Status secretis ministro præceperat, ut ea res, quia ad ejus familiæ virum spectabat, per eos iudices ageretur, ad quos pertinebat palatii causas excutere. Is tamen neglecto reginæ mandato ad alios urbis magistratus temerè causam conjecerat. Evenit subinde, ut idem Status minister, cùm reginæ litteras ferret, quas regiis de nuptiis gratulatum Angola miserat, ab eadem regina per occasionem requireretur, quid de illo Galli homicida tandem statutum ab reginæ Judicibus foret. Retulit ille, in multis Tribunalibus rem agitatam, & varia altercatione discussam Castelmeliorii denique jussu ad Status Senatum rejectam esse, ibi adhuc pendentem hære causam. Gravius cùm hæc audisset regina succensa, quod plus privati gratificatio, quàm imperium reginæ apud hominem valuisset, ipsa præterea in eo Comitum rata per anfractus, & moras sic illam trahendo intervertere causam in animo habere, ut novum sibi dolo-rem, atque ignominiam publicè inureret, contumaciæ, atque insolentiæ liberius quàm reginæ gravitatem decebat, ministrum increpitavit. Deinde

ut irarum præcipuè impotentes mulieres animi sunt, pristinum illud jamdudum inclusum in Comitum odium, & novis quotidie cumulatam injuriis, quod tanquam sub cinere latitabat, per occasionem subito exarsit, ac totum simul effusum est. Proinde illa acerrimè invecta: Annuum, inquit, sibi pollicitum dotali lege stipendium injuria, & ludibrio hucusque non solvi, nec porro, quod tolerabile foret etiam egenti, ut in reipublicæ commoda impenderetur; verum, ut id quoque pretii ad jam pingues regni latrones, eversoresque prædaram tantarum pro cumulo accederet, quæ tempestate ignobilium, ac vilium ad sustinendum splendorem hominum, & ipsa regina in fordibus jaceat. Se quoque omnino retractam à publicis curis, notitiisque languere otio, ac mœrore tabescere sinimulieri suspectæ similem, vel ineptæ, vel res publicas aspernanti, quasi aliquis esset post Regem, quem premere plusquam reginam imperii utilitas posset. Nihil à rege præterea ipsam nisi cum rubore dimissam, nisi irritam postulare. Quinetiam mentis quodammodo explorari sibi recessus, ac latebras cordis, ut omnia ex composito fluere ejusdem proposito, ac desideriis adversa. Inde integratam reginæ gratiam clientibus esse, favorem ambiguum, meritum onerosum, queri, aut tacere, aut injurias dissimulare peræquè sibi periculosum. Postremò hæc se frequentia æmulorum livore ludibria non intra reginæ conclusa parietes, sed foris etiam exposita pati, atque omnibus manifesta, tanquam sprete vexatæque reginæ commendationem à regno peterent, velléntque tandè pro laude, ac barbariæ ostentatione jactare sibi in mancipium reginam cessisse. Ad hæc, & talia Regina cùm patria libertate



bertate provecta esset, ea asperitate verborum velut fulmine ictum Castelmeliorum Comitem voluit; nam illum è secretis Status ministrum in primis acceptum, ac fidum ipsi Comiti acceperat. Minister verò plus gratiæ Comitis sifus quàm de Reginæ iracundia diffifus, totius ejus orationis, quos acutè distinxit, articulos summa velocitate percurrens querelas, & maledicta in reginam retorta conjecit, sed eo strepitu, petulanti, fractoque gestu, ac vivida voce, ut ex eo iratior, animoque Regina commotior modestiùs hominem loqui præceperit. Ille ex adverso procaciùs exclamans, alta voce sibi dicendum esse, respondit, ut ab omnibus audiretur, cùmque concitatus ipse dicendi impetus incomposita verba raperet, tacere tunc illum Regina jubet; nihilo tamen minus cùm eodem ille animi ardore, & contumacia linguæ celerrimè verba volvendo perstreperet, de sella Regina exiluit, & tergo in loquentem conversa citato passu interius cubiculum repetebat. Porro ille adhuc furens, ac propè demens Reginæ laciniam arripuit, quasi tenere abeuntem, ac plura dicere vellet. Tunc in se ipsa Regina collecta, & simul oris modestia, simul ruborè suffusa frontis imperio, & majestate vultus magis, quàm verbis, aut vi rusticè hærentem summovit. Regem deinde regina conveniens, eique, ut acta res erat exponens adjecit precibus lachrimas, & fidei pignus ab ipso recepit, ad cæterorum terrorem, afferendùmque reginæ decus communem se injuriam ulturum. Regina digressa, intrat ad regem Castelmeliorius, qui alio colore, alia specie rem totam adumbrat. Docet Regem multò magis reginam quàm è Status secretis hominem in fortuita illa altercatione loquendi modum præteruisse; huic enim duntaxat crimini dari posset, paulò li-

berius ab ipso fuisse regis, regiminis-que defensionis susceptas partes, nimirum, ut justus dolor, & ea iniqua quoque infectatio rectè in causa publica sentientem perculerat. At Reginam arrogantius, ut sæpè solebat, in Gallicam libertatem effusam, & communia obsequia, atque merita proterentem, & ministros, & Regem, & Lusitanum præterea nomen in eodem propemodum fasce ore inflato, ac vehementi complexam esse tam Lusitanæ reginæ gradus, & moris, quàm fœminæ ingenuæ decoris oblitam. Cæterùm, ne hujus reginæ nominis fulgor, ac speciosa jactatio deciperet regem. Ufui quidem multò magis imperio bonum ministrum, quàm bonam reginam esse, nedum proli inutilem illam, quæ una profectò terrarum in orbe ratio mulierum parcere ineptiis, earumque vitia excusare, aut tolerabilia facere possit. Igitur satis, superque indulgeri in hac causa reginæ censendum esse, cùm ipsa Regina, ejusque simul professi partes lenocinio, & ambage verborum ludificentur, in longum spe tracta supplicii. Multa amicis esse ignoscenda, plurà etiam dissimulanda, maxime cùm studiosius erectæ partes, & cura sollicitæ intendendis in aula factionibus studeant; at in æmuli gratiam affligere amicum, hoc esse profectò vel voluntaria amici jactura contrarias augere partes, vel partis oppositæ lucro amici exitium apponere. His auditis facillimè rex in Castelmeliorii sententiam adductus hanc exequi statim instituit, Reginam videlicet in hominis pœnam sollicitè instantem supplicii mora defatigare, fictisque promissis eludere.

Incidit has inter moras dies festus Antonii civis Ulisipponensis, cujus sacram Divi memoriam in singulos annos recolere civitas solet taurorum certamine ludicro. Hos publicos ludos

cum

cum causam Regina prætensens, iis interessere non posse diceret, eo anno Uliippo intermisit. Post ubi patuit, ex supplicii quod frustra regina in Consilii Status ministrum urgebat, cunctatione, haud minus dolore percitam, quàm implicitam verecundia avertere oculos à publico aspectu fœminam Principem voluisse, tunc pro ministro, & contra ministrum, ut semper aula suevit, ex rationum mensura, ex animorum propensione, & consilio variis sermonibus, atque affectibus scissa acrius utrinque studia partium exagitabat; integris autem, qui & paucierant, ac neutras sectantibus partes simpliciter videbatur, effusa linguæ licentia peccasse minister, & quod jure, & exemplo fieri debebat, ne impune protervo foret. Inter hos, qui ratione, vel studio in hac causa præcipuè Reginæ partibus hæserant, ultione, atque ira Petrus in primis exarserat, in ea illata reginæ injuria sese maximè læsum, atque oblique perstrictum putans, tanquam Comes Castelmeliorius jam latenter, jam palam, & pluribus manibus usus contumeliosè, ac superbe versare fœminam statuisset, ut vanum, quod pro illa Petrus assumpserat, patrocinium omnibus ostentaret, aut ita fractam ludibriis Reginam, & contumeliis perpetuis affectam, videret, si posset ad alias trahere partes, aut gravioris subeundæ miseriæ metu coercere. Indignatus itaque Petrus, & omnia audendo experiri ad satietatem vindictæ certus primò indixit Castelmeliorio, ut pro jure, & continuo à secretis Status minister notæ omnibus impudentiæ, ac petulantis loquelæ pœnas exolveret, ne secus illas, atque severiùs idem exigere Petrus ab homine cogeretur; in Status deinde Senatum ingressus acerbius, & palam conquestus est de illius hominis arrogantia, de gravi inflata Reginæ injuria, de intoleranter dilato, aut per mo-

ras, astusque deluso in hominem fontem supplicio. Ut summum dicebat apud regem imperium, ita supremum penes Senatus ordinem summum judicium, atque consilium stare. Eiusdem itaque officii, atque oneris esse in re tanta prospicere an, & quæ modo satisfactio conveniat fœminæ Principi, externæ Lusitanæ Reginæ publicè læsæ, & à projectæ quidem homine audaciæ vulgarisque conditionis, cum rationem injuriæ liqueat ex affectu, afficientisque conditione pondus, ac turpitudinem mutuari. Ipsos decere quoque ut Consiliarios regni primarios custodisque reipublicæ Reginæ succurrere juri, ut prudentia, ut genere claros, ut quorum equestrium insignium in pectore stemmata fulgeant, fœminam nobilem vindicandam suscipere, tegere externam, præstare tandem ne Lusitanæ fortassè Regina dum incassum injuriam, ac dedecus deprecatur, nec noxæ, ut oportet addicitur reus, peccat denique ipsa pudore, ac mœstitia confecta, fordidiq; impunitas hominis Reginæ cum spiritu comparatur. Hæc, & similia Petrus alacrius, & fusiùs, quàm antea solebat in Status Senatu locutus, obtinuit tandem, ut è secretis Status ministro, quia intemperanter Reginam compellans jus majestatis imminuisset, exilium decerneretur. Id ipsum, & Regi subinde probatum est, jam truces ob Petri minas terrefacto Castelmeliorio, ejusque præcipuè compertam in ira duriem, illique uni pro jure causæ tunc primùm, & planè Senatum assentientem. Ita porro delecto Castelmeliorii cliente, & illo frustra adversante Petri opera, ac studio in exiliū ejecto, huic, qui cum Castelmeliorio sæpè congressus, in cæteris rebus ferè semper offendens contemptus, aut fractus à certamine abscesserat, nunc ad majora deinceps audenda hoc ultimo



mo eventu inflata spes est, animusque inde etiam virium, & animi robur dilabi, ac reflare fortunam, quæ propitia, seu adversa, ut statim desisteret, incipere minime solet, in viro superbo celsenti. Jamque ex inde quotidie ipsius Petri vires, partesque crescebant, & hominum numero, & nota, & insuper causis, quas morum asperitate, aut vi emulationis, aut inconsulta vindicta, importunoque remedio assidue Comes multiplicabat. Nam extra Reginam antiquis de causis, & nunc ob recentem injuriam Castelmeliorio palam infensam, aderat etiam Dux Cadavalius qui injuriæ magis imperati, exactique à se primū exilii, quàm gratiæ sibi ejusdem postea remissi memor injuriam potius, quàm gratiam reddere acceptam in illis fluctibus laborabat. His addebatur Sancius Emanuel vir factiosus, sollicitus, acer, officio non minus, quàm animo militaris, & in primis offensus Castelmeliorio, quod circa Estremotium delero ipsius ductu exercitu Castellensi victoque Joanne Austriaco, magni nominis Duce cujus pugne felicitas res Lusitanas afflictas sustulerat pro tantæ victoriæ præmio exauktoratus statim fuisset, & in vulgarem ordinem jactus. Multi erant præterea procures ob falsas, & veras admittas Castelmeliorii suspiciones, congestasque calumnias à Petri quondam servicio dimissi, quorum injuria nonnulli falsò in se ductæ suspicionis, ingrati que servitii, alii vera jam sibi cognita causa, consciòque animo impulsæ spes quas penes Alonsum Castelmeliorii diffidentia, aut interposita invidia restinxerant in Petri partibus conquirebant. Horum hominum numerus nec exiguus, nec moli, quæ diligenter tunc assurgebat parū utilis videbatur; eorum enim plerique permissio nis speciem à Petri domo cum amplissimis regni muniis impositi essent, res novas, & turbas in regno Petro querenti longè aptiores inciderant, quippe qui-

bus in promptu esset, officia & publicarum momenta rerum, quæ pro Alfonso Rege tenebant, mutata repente fide, ad Petrum deferre. Reliqua hominū multitudo tunc amicitia, aut clientela, & propria, aut communi utilitate prætentata, seu turbarum dulcedine copulata præclarorum Ducum auspicia consecratur, adeoque per id temporis Petrus factione, opibus, auctoritate, gratia Ulisippone pollebat, ut detrudere Regem, si fortè vellet, ne dum ipse posset Castelmeliorii potentiam labefactare. Sed ea res in personam Regis nondum satis matura, nec ut negotii gravitas postulabat ratione, & consilio satis concocta erat, simul per gradus, & valde cautè tentanda res erat, quemadmodum vires acueret, atque experiri prudentia in rebus minoribus solet, ut post maxima tutius aggrediatur. Placuit idcirco in Castelmeliorium primum impetum fieri, ut fortunam in illo certaminis, & clientium fidem, atque animos explorarent, simul Rex hoc consultore, hoc imperii adjutore nudatus, cum hebetem, ac rudē, nec ullo pacto capacem regiminis mentem ostenderet, eodem onere prægravatus, ac solus facilius iturus in præceps esset. De ordine, ac forma, quæ in Castelmeliorii construenda ruina tenenda esset consultum unā cum Petro conveniunt ejus amici, arctiorisque fiduciæ clientes. Ibi cohortentibus propè cunctis humano sanguine manus pollui, hoc nisi necessitas cogeret, post varias contentiones, & varia quoque discussa consilia, hæc illis tandem sententia stetit. Abstractum à Regia, vel extra Regiam, ubi eum invenissent, repente virum ad Indias, vel aliò terrarum Orbis extrudi, sin vi illatam repellere vim, aut inconsultè Castelmeliorius multas, ut se proripere posset, eluctari dexterās vellet, tunc gladio rem transigi, fortunæque arbitratui per-mitti.

Cùm ita ea res pararetur, vel quia prudentia; vel fraude secretum illud effluerit, vel quia eadem sese prodidisset, ut fieri plerumque solet, magna agendarum machina rerum, vim, & insidias contra ipsum armari priùs suspicatus, paulò post certus Castelmeliorius, jamque metu, & horrore visceribus ejus infuso; omnia vero majora faciens, non eripi velle sibi tantummodò imperium, sed vitam etiam, & spiritum ratus totam in se conspirantem, ac bullientem Ulisipponem arbitrabatur. Igitur Regem propè attonitus adit, edisseritque conjurationem in aula magnam Petro Duce, ejusque partibus auctis invaluisse, cujus quidem propositum esset, in sacro limite Regiæ ipsum Comitem interficere; vehemens, acèrque simul amplificat, quocumque labore, & interposita industria obviam quamprimùm eundem impiorum conatibus esse. Quid enim Regia ipsa resperfa cruore, fræno pudoris, ac timoris excusso, conculcatòque respectu Regis, reliquum ultra perfidiæ, ac summæ impudentiæ foret, nisi cedere Regem, aut ejurare? Olim Antonium Contium à latere Regis, nec alio crimine avulsum, nisi quod ex Regis gratia, & amore fingere invidia, livorque potuerit; Simili culpa nunc ipsum Castelmeliorium, si amoris meritum culpa sit, ad perniciem, inimicorumque satietatem invidiæ etiam in Regiæ sacrario, Regisque sub umbra quæri, idque forsitan assecuti, ut secundis in rebus ambitione præsertim, ac dissidio jactatis, longè plus insolefcit, ac turget hominum animus, & vires audacia colligit, quidni ad scædiora subinde lapsuri fuerint? Primò autem Regis ministro dejecto, quò ulterius nisi in Regem eniti avida, & flagrans, & suo scelere felix temeritas posset? Infelicè, ac momentaneam esse profectò Regū benevolen-

tiam à tot æmulis impetitā, tótque mobilibus oppugnatam, Regesque cùm amicos, quibus nituntur sustinere non possunt, nec seipsos quidem sustentaturos. Hoc sermone perterritus Rex planè se dedit Comitis potestati, ille scilicet provideret, qua antevertenda via scelestorum consilia essent. Itaque Comes Castelmeliorius Palatii statim geminari custodias jussit, instrui etiam equites omnes, qui feriari antèa solebant, & per stipendia jam pridem erant, aulæ servitio addicti, ac Regiam circumfidere. Præter homines noctu suos quoque clientes, & famulos armis instructos circa Regiam vigilias ducere jussit, cùm ex ea interdium prodire contigerat, satellitum, & militum agmine circumfusus non minus se metuendū, quàm metuentem palam omnibus ostentabat; undique arma, sequi solita major clientium, famulorum, ac militum multitudo, Regiæ præcipuè tumultus, variæ hominum facies, & passim strepitus, rumorèsq; rei novitate, atque incititia horribilem speciem præ se ferebant. Hoc rerum novarum aspectu, variisq; casu, aut industria còpositis vocibus, aut ab ipsa formidinis scena, quæ Regia repræsentabat, effusus, æstuans suisq; prorsus ejecta sedibus civitas quærere, properare, turmatim ad Regiā confluere, sollicita esse. Cæterum ubi præter illam primā terroris imaginē nihil inde moveri, nec consueta Palatii officia, aut negotiorū ambitum interruptum conspiciunt, omnes breviter dilabuntur, & animorum incerti utrum Regis, an Castelmeliorii securitati ea vis armorū, & militaris pompa parata esset, cùm anceps utrumque fama dissipavisset. Tum verò Petrus postquā Regiam præsidii abundè munitam videt, præterea quod celeritas, atque secretum tutum consiliū facere potuissent jam Castelmeliorii providentia disjectū, eludere idcirco quantū industria & acumine ingenii fas esset, negotiū intentus, ne ad Regiam eundo

Regem



Regem fratrem, & Comitem ut suspectus offenderet, néve insolita absentia conscientiam argueret, ad villam Quelusiam, ut sui moris erat, secessit. Anxio ibidem agenti, cum ipsum irriti incepti tristitia pudorque, & ab amulo elapso metus, & rursus ejusdem redordiendi negotii timor, ac propemodum desperatio teneret, interea delatum est à Castelmeliorio Comite appositos, ac subornatos esse sicarios, qui ipsum Petrum veneno interficerent. Affictum ne hoc crimen per adversarios Castelmeliorio Comiti fuerit, quo prima in illum excidii machina eversa, novam subinde fallacis extruerent, an revera Castelmeliorius pravenire potentem amulum, partibusque egregium veneno tollere Ducem tentaverit, cum utrumque vero simile sit, nec secus venenum, quam simulatio veneni regni sæpè instrumenta, atque aulae iniqua artificia proposita fuerint, nec ab ullo etiam audaciæ, atque flagitii genere abhorreat concitata semel ambitio, nos parum hucusque compertum habemus: tantummodò constat hac amicorum delatione exulceratas hujus Principis aures esse.

Re igitur clam cum amicis communicata, & seriùs à Petro omnium sententiis excussa, postremò convenit, ut sollicitiùs, intentiùsque quàm antea præstiterat Petrus modò sibi prospiciens sensibus ipse nihil, quibus malefica pesti via ad interitum esse posset, nisi cum cura exploratum attingeret. Hoc ipsum deinde verum, seu falsum Castelmeliorii consilium de industria curarent, ut in vulgus exiret, & colore clariùs expressum rumore manaret, quo animi popularium ad res novas præpararentur, quas puniendi sceleris causa Ductores partium excitavissent. Tandem Petrus cum satis sciret, in caput ejus insidias moliri Castelmeliorium, ejusdem à Regia, & ab urbe, ac totius reipublicæ

curis, expulsionem ad debitam crimini poenam, cautionemque salutis à Rege deposceret, neque instando, atque urgendo apud Regem unquam desisteret, donec idem iniquo, vel æquo animo, eo modo, & non alio fratris injuriam ultù, & salutem assertù iret. Secundum hanc sententiam hujusmodi codicillos Petrus ad Regem deferri curavit. *Satis sibi cognitum esse, Comitem Castelmeliorium in ipsius vitam tendere insidias, simul jam circumfessam ab illo novis militibus Regiam, fraudulenta supposita, atque in vulgus effusa causa, ne ea violaretur à fratre Regis, quorum altero cum suam ille dignitatem, & famam dilaceraret, salutem cum altero peteret, orare propterea Regem, ut ad tanti delicti supplicium, quamprimum Comes relegeretur ab aula, dura ne secus sibi necessitas poneretur pro sua dignitate, pro vita ipsa tuenda ad regna externa confugere.* Legit has litteras Rex, legit etiam Castelmeliorius, communique dolore, metuque percurtas ad Status Senatum extemplo rejiciunt; qui subitò ut causam atrocem, summique ponderis tractaturus nocte ipsa intempesta Regis imperio cogitur. Ibi diversa ut hominum erant ingenia, partiumque discissa studiis, variatis peræque sententiis, qui cum Rege, & Castelmeliorio Comite sentiebant, in hunc propè modum locuti sunt. Datas ad Regem à Petro litteras contumaces, intemperantesque videri, minimè dignas, qua verecùdia supplex, nèc tumido verbo minax frater deberet ad Regem fratrem accedere, cum enim querelâ, & criminis notam adversus Castelmeliorium, afferret, eas etiam sceleris poenâ, præsumpto judicio, statuere, hancque precibus non permissam, velle videri per vim exprimere posse, tâquâ in eodè negotio cogeret Regem imperiù, aut vim subire. Quod ad Castelmeliorii fortunâ spectat: Nemini hominù fas esse negari, quod aliù alio amico rem hominè ha-

„ beat cur ergo id Regi cōtendi liceat in  
 „ uno Castelmeliorio? Ex hac animi in  
 „ quemquam affecti propensione, im-  
 „ pulsūque naturæ, quæ strictiorem  
 „ in quem respicit hominem, fidu-  
 „ ciam etiam intendit, & animos con-  
 „ trahit, monstrum illud oriri, ut ita  
 „ esse porro videtur hoc torvo ex in-  
 „ vidia intuentibus oculo, quod Pri-  
 „ vatum, & primum in Hispania mi-  
 „ nistrum appellant, tōtque in Reges  
 „ querelas cumulat, non secus, ac  
 „ adeò fero, vel ferreo animatus Rex  
 „ ipse deberet temperamento esse, ut  
 „ omni animi affectione superior, ac  
 „ motibus integer erga unum nequiret  
 „ magis quàm alium animo agi, infle-  
 „ ctique. Esse insuper Regem Alfon-  
 „ sum adolescentem ætate parum ex-  
 „ pertum, valetudine fragilem, cūm-  
 „ que adjutore, atque Duce in regi-  
 „ mine indigeat, atque idè præsen-  
 „ ti hoc ejecto alium, & illicò ei sub-  
 „ stituere necesse sit, iisdem odii, at-  
 „ que invidiæ in quoquam à Rege sub-  
 „ lecto, ac cæteris anteposito recur-  
 „ rentibus causis, primos idcirco mi-  
 „ nistros cum imperii confusione, ac  
 „ dedecore majestatis esse quotidie pro-  
 „ pè extollendos, quotidie præcipitan-  
 „ dos. His addi etiam abjecti, exilisque  
 „ animi famam, ac notam quam pro-  
 „ palam Rex contracturus fuisset, si  
 „ tam remissè, tam cirò minis, ac diris  
 „ quàm precibus potiùs succumberet  
 „ fratri, eoque tandem, quod poscit,  
 „ aut imperat, vel concessio, vel extorto,  
 „ Regisque inconstantia, ac nimia faci-  
 „ litate perspecta, in illo utinam Petrus  
 „ deinde quiescat, & secundarum tran-  
 „ situ rerum, atque in impetu ambitio-  
 „ nis, & ætatis ardore sese continere, ac  
 „ frangere sciat. Immenfam esse profe-  
 „ ctò mortalium cupiditatem, non opi-  
 „ bus, non imperiis, non honoribus sa-  
 „ tiari, quò plus sibi acquisitis indul-  
 „ get, & opes, ac titulos jugiter vorat,

eò plus esurire, atque appetere. Quid  
 si temerè tandem exactus Castelmeliorius, atque injuriæ dolore prove-  
 ctus ad regna aliena, atque inimica  
 perfugiat, imperii ibi descriptionem,  
 rationes ærarii, occultas aulae misérias,  
 & arcana regiminis proditurus? Sal-  
 tem eo everso, verti penitus regnum,  
 rebusque novis, ac turbulentis suspe-  
 ctò oportere hoc tempore affluere,  
 cū novarum avida rerum, regnò-  
 que ipsi minitans ruere turba semper  
 clientium unà cum capite soleat.  
 Postremò superiorem neque legibus  
 Petrum, neque Castelmeliorum in-  
 feriolem legibus esse. Rege uno ex-  
 cepto omnia per leges suo jure, &  
 ordine æquanda. Si reus igitur ille  
 ob cogitatas in Petri caput insidias  
 jure compertus fuerit, suo more lex  
 quærat, & puniat, sin Petrus con-  
 tra morem; & jus enitendo Re-  
 gem, legemque vicerit, procul du-  
 bio cavendum omnibus esse, ne in-  
 gentis spiritus adolescens tanto suc-  
 cessu nimis inflatus hisce initis inci-  
 piat proludere regno. Alii contra  
 disserebant. Præter regii sanguinis  
 causam æquum esse, respicere etiam  
 in Petro, ipsi quidem hucusque jam  
 prole Regis incerta spes regni, re-  
 giæque Bregantiæ servandæ domus  
 incumbere. Tanti porro momenti  
 hanc rationem existimari, ut mos  
 ille qui inter barbaras nationes in-  
 valuit, suspecta nempè seditionum  
 in imperiis incendia fraterna cæde  
 restinguere, cū regni successor  
 ambigitur, exceptione fratribus  
 suffragetur. Fateri præterea, mi-  
 nimè Regi negandum esse, vel  
 animi affectione, vel eminentia  
 comperta virtutis, ac fidei inter  
 amicos, & imperii ministros ali-  
 quid majus uni tribuere, verum id  
 moderatiùs cum alienis, laxiùs Regi  
 cum fratre gerendum esse, cū illi  
 æqualium



„æqualium invidiæ subjaceant, hunc  
 „status sublimitas exinat, nec finius  
 „idcirco tanta alieni cum Rege cõmu-  
 „nio, quàm Regis à fratre alienatio  
 „cunctis invidiosa, & violenta quo-  
 „dammodo videatur. Quod si mi-  
 „nus, quàm deceat hæc cura sollici-  
 „tet Regem, atque in alium jure con-  
 „torta in semet gratis recipere jacula  
 „non recuset, vel de re ipsa Privato  
 „esse maximè laborandum, ut in eo  
 „scilicet gradu à Regis semper ux-  
 „re, fratribus regiis, eorùmque vali-  
 „dis partibus oppugnando, perpetuò  
 „que potentix, gratixque summo in  
 „ruinam pendenti. Atqui ob stare di-  
 „cebant etiam quemdam impetum ani-  
 „mi, & cæcum illum naturæ motum,  
 „ut in homine in Rege, qui erga unum  
 „magis, quàm alium vi illa insita abri-  
 „pitur. Hoc tamen afflatu, instinctu-  
 „que naturæ cùm operari necesse sit,  
 „improvidè agi, in privatis homini-  
 „bus posse potiùs, quàm in Regibus  
 „excusari; hos enim, quò latius impe-  
 „rant aliis, eò strictius imperare sibi de-  
 „bere, quòdque proprio demunt ar-  
 „bitrio, reipublicæ dare. Vetera plena  
 „passim historiarum volumina esse,  
 „quas turbam in Orbe procellas,  
 „quos in imperio turbines excitaverit  
 „nimis quondam indulta potentia li-  
 „bertis, laxatæque regni cura, quos  
 „nemo tamen exevit magni intelle-  
 „ctus, ac nominis Princeps. Irrupisse  
 „autem nunc in Hispaniam hanc ho-  
 „minum pestem, mutato tantum vo-  
 „cabulo, sub nomine Privatorum per-  
 „inde ac verbi hujus additamento  
 „opus esset, ne errore ostentatæ po-  
 „tentix Privatus, & fumo, atque stre-  
 „pitu plusquam regio esse fortasse  
 „Rex crederetur; & irrepsisse quidem  
 „in speciem curas Principis allevan-  
 „di, cùm ita re vera illas aggraveret,  
 „cumulètque ut odiorum, invidiæ,  
 „incidentium passim malorum, quæ-

relarum perturbati, inversique regi-  
 „minis fluctus in privatum hominem  
 „jacti acriùs redundent in Regem,  
 „ac proinde difficilè Rex usui Privati-  
 „to, aut Regi esse usui Privatus pos-  
 „sit. His rationibus quoque addi ca-  
 „pacem imperii Principem Privati  
 „non egere subsidio, at si egerit  
 „adeò enervem, ac debilem Princi-  
 „pem difficilè sustentare se sustentan-  
 „tem posse, cùm tanta præsertim in-  
 „vidiæ moles Privatum, & qui Privati-  
 „tum sustinet hominem premat, ut  
 „utrumque procul dubio transversum  
 „actura denique sit. Tanto sub one-  
 „re in præfens Castelmeliorio Comiti  
 „laboranti momenti plus addere Pe-  
 „trum, cùm admodum factione, digni-  
 „tate, ex regio influente sanguine viri-  
 „bus valeat, idè ejus epistolam quam  
 „quam obliquè minacem, & incom-  
 „positam, ejusdem si opibus compare-  
 „tur, nonnihil quoque modestiæ viris  
 „prudentibus sapere, dum per eam ro-  
 „gat quod potest, si libet, & cogere.  
 „Tandem si id ipsum fortunæ commit-  
 „tere placeat, eoque Petri nervos &  
 „animum explorare, atque in extre-  
 „mum discrimen adducere, ita ut vel  
 „Castelmeliorius, vel Petrus in hoc pe-  
 „riturus certamine sit, cùm difficilli-  
 „mum planè sit utrumque concordem  
 „in aula tenere, considerandū præterea  
 „esse, utrum eorū servare, ac tueri ma-  
 „gis conveniat, & an fuga, vel interitu  
 „Petri Castelmeliorii salutem, opesque  
 „redimere liceat. Adhæc, si Petrus,  
 „quod orando obtinere nequirit, &  
 „vi exequi possit, cùm velit, ad extremū  
 „per vim extorferit, quantum rerum in-  
 „de novarum, quantum tumultuum,  
 „turbationumque emerfurum in reg-  
 „no esse. In hunc propè modum  
 „cùm ex utraque parte vario ingenio,  
 „atque studio in Status Senatu disertum  
 „esset, is planè tandem consensit, esse in  
 „primis diligenter experiendū, si precibus

fortè Petrus, sive blanditiis, usque temporis molliretur, sin minus alia adhibenda fore consilia, quæ ratio, tempusque pro rerum ordine subiecissent. Igitur Marialvæ Marchio missus à Rege, qui regio nomine Petro diceret, iussu suo Regiam extra suetam custodiam iustis de causis novis militibus septa esse. Comitem verò Castelmelióriū, si copia ipsi fieret, paratum esse, Petri genibus advolutum coram objecta diluere. Biduo Marchioni Petrus reddendum Regi fratri responsum distulit. Interea illum amici, clientisque monebant. Quò remissiùs, quò segniùs in tanti momenti negotio procederet Rex, ut nempè delatum veneni crimen, & conflata ex crimine invidia simulatis officiis, vanaque pompa, & circuitu verborum, spatioque interjecto dilaberetur, eò porro constantius, ac fortiùs, ea res ne frigeret esse Petro incumbendum, si secus accideret, ab iniusta, & impune viro Principi injuria, neglectaque querela, ac pestifera tolerantia majora sanè proventura Petro pericula, majora Comiti emolumenta, postquam scilicet innotuerit, in gravissima Petri causa, & aulicorum secessione pro Castelmeliorio, & contra fratrem duriorem stetit Regem, quaque ultimam ille indignationem promeritus esset ampliorum fiduciam, & gratiam Regis comparavisse. Ex eo enim homines intellecturos, qua levitate propositæ causæ Petrus, capitisque litigio cessisset, ea utique ipsa in suspensiones, & iram prolapsam esse, nec merito causæ magis, quàm animi affecti vitio querelam criminofam inductam, Comitēque Castelmeliorium adversus tot crebros, validosque Petri conatus adhuc firmum, & inconcussam in aula, in Regis gratia, in rerum fastigio manentem, à tanto viso periculo, in quod semel illum conjecerat Petrus, per oblatam, aut quasi tam quamprimum occasionem, irritò

primo, majori se postea scelere vindicaturum esse. Qui verò Petri partes hucusque secuti essent, modò secum examinantes, qui & Regis frater sibi esse satis nec judicio, nec viribus posset, nec suis quoque satis tuendis clientibus fore, quidni consilium experimento mutent, ac protinus defluant? Reliquos more vulgi, quem amplius in aula valere, & in partibus vincere pateat, illi omnes acclamatuos. Intelligeret ergo Petrus in hac sustinenda fortiter causa, suam amplitudinem, famam, decus, omnes vitæ suæ rationes, & spes collocatas, & fixas esse. Hujuscemodi oratione commotus animo Petrus, & in sententia pristina confirmatus, biduo post retulit ipse Regi, acceptam à Castelmeliorio Comite injuriam adeò in propatulo esse, vulgi sermonibus tritam, & ad fastidium propè jactatam, ut ea deleri, tollique nisi publico testimonio nequaquam possit: orare propterea, atque obsecrare Regem, ut quem admodum rei gravitatem decebat, morientem, læsumque fratrem consolaretur, & peculiari ejus vitæ periculo, utrique communi sarcindæ famæ consuleret.

Hæc statim responsio per internuntium cum reddita Regi esset, quoniam priori Petri sermone mitior, & quadam aspersa modestia, animique pudore apparebat, in spem, sed inanem sustulit Regem jam languescere fratris iram, ac si res ex composito consultando, & fallaciter pollicendo diutius prolaretur, lassari negotium, deflagrare sensim invidiam, effluere suspensiones posse; error tamen subinde constitit, cum per ficta, & iterum, atque iterum redeuntia temporis intervalla suspicatus sibi Petrus illudi, tunc felle plenus, & iracundia codicillos misit ad Regem, in his Castelmeliorium sibi quam citò solvere pœnas vehementius efflagitans, conclusitque in epistolæ calce,



ce, funestam, invisam, semperque inaccessam sibi Regiam futuram, dum in ea moraretur Comes Castelmeliorius. Videt has litteras Rex, videt subinde Castelmeliorius, atque ubi tot inter nexus difficultatis, æstusque doloris certum per eos explicare consilium prudentia minimè potuit, vitato de industria Status Senatu, quia ibidem pro utraque parte variare paulò ante sententias, & hominum studia cognoverant, super his consulturus secretus amicorum conventus ad semotam Regiæ partem vocatus est. Hic horum nonnullis causa prolixè agitata, placebat, vi, & armis agendum in eo rerum articulo esse, ne ulteriùs progressa fratris Regis audacia omnia absque obice nempè, ac temerè sternens invincibilis tandem fieret: ergo & tenebræ, & vincula, & squalor custodiæ, & cultrum etiam, & laqueus cùm his opus esset ad cohibendum furorem adolescentis, avertendàmque imminentem reipublicæ pestem, remque ad exitum perducendam pergeret ipse Rex prætorianis, militibus, administris, regniq̃ue nobilibus comitatus; celeritate, audacia, magnis in re tanta conatibus opus esse, alioquin Petri insolentiæ, atque minis fratri cedendum turpiter esse, & palà Alfonso ludibrio habitum novis quotidie insultationibus objici, ac de suo jure de sua majestate ad extremam usque perniciem decidere, urgente fratre, subactum iri. Nihil Regibus quidem germanis infestius. Cæteris opes, aut irritos titulos, ut per mensuram conditionis arriperent, ut diadema surriperent, fratribus per apicem gradus, qui summo proximus est, ambitionis illecebras ducere. Et resistendum profectò initiis, ne explorata fortè Regis desidia, torpôrque Petri magis superbiam, & spes, quas fovet, altissimas inflet, quando nec lex fatis, nec fides, nec sanguis, nec hominum verecundia pro regni coërcenda cupi-

dine constent. Leniorem alii sententiam secuti sunt; Petri scilicet famulis in custodiam repentè coniectis cùm illum exemplo terrere, tum partium auxilio nudare. Ita suorum quoque domesticorum miseriis propulsandisque periculis occupato minus opis, ac temporis fore in alios jacere minas, aut insidias, & vim moliri. E re esse præterea in minori negotio Petri vires, & animū, & populi studia, atque ingenia planè cognoscere, ne serò fortasse id explorasse pœniteat, cùm afflictis omnino rebus, atque in maximam perturbationem adductis, inde regressus minimè pateat. Validius, ac fortiùs extremæ calamitatis remedium adhibendum prudenter esse, post levia, atque mitia nequicquam experta; cùm nunquam, nisi fortè coacta vis, ac temeritas laudabilis fuerit, & media semper tenenda, nisi cuncta prærupta jaceant; nam ubi in custodiam Petrus impegerit, aut perpetuam in carcere libertatem, si sustinere modò custodia tantum Principem valeat, aut inibi vitam oportet pro Regis salute deferere; utrum eorum exitiosius, ac pestilentius evenire per temporis possit imperio qua res poscebat maturitate, atque studio pervolandum esse. Decretum est igitur, ut in Petri pœnam, & contumeliæ speciem ejusque spiritus infirmandos ejusdem famuli statim comprehensi in carcerem truderentur. Sed dum rei peragenda initium cautè attrectare regii quærebant, gravior ea sanè, quæ mentis, & consilio primùm occurrerat, difficultas injecta est. Quippè vallatus clientibus Petrus agebat, præsto ipsi etiam erat magna ex parte nobilitas; in neutram multi labentes partem ex rerum, quæ ambigüe pendebant, momenti suspensi, post decreturi eventum circumspectabant; Petrusque de occulto Regis consilio certior palam omnibus declaravit, omnia prospera, sive

adversa, quæ in certamine sibi fors statueret cum fortunarum, capitisque periculo unâ cum singulis famulis se libenter subire paratum esse; aut simul omnes perituros, aut simul injurias ulturos fuisse. Sic nuper intentum à Rege consilium evanuit, & Petrus quia prima ceciderant, magis animo confirmatus vocat omnes Consilii Status, simul omnes ferè proceres, urbisque patritios, qui frequentes in ejus aedes cum convenissent, ille indignatus exposuit.

„ A Castelmeliorio se publicè diffamatum quod polluere ipse Regiam  
 „ ejus cæde, & cruore molitus esset,  
 „ insidiis prætereà se, rebûsque veneficis appetitum, ut vel injustas Regi  
 „ falsi criminis pœnas daret, vel ab eodem Petro veneno Comes exigeret,  
 „ cum ab ira fortassè fratris elapsus esset. Hac mente quoque Palatium  
 „ passim armatis infesum, & omnes  
 „ propè aditus interclusos, quò suæ  
 „ conscientie tumultum, ac sceleris  
 „ notas ficto periculo Regis obregeret,  
 „ nec se aliter tutum existimare nisi Regem, & fratrem perpetuis discordiis  
 „ implicitos, mutuòque debilitatos  
 „ vulgi dentibus lacerandos variis commentis, atque artificiis objiceret; ad  
 „ Regem quasi tutandum minus amoris fraterni vinculum, subditorum benevolentia, integritas fidei semper  
 „ perspecta valerent, quàm pauci milites mercenarii alit Castelmeliorii voluntatis mancipia, alii ex ima populi  
 „ fœce collecti. Ita porro ab homine  
 „ iniquo, & mirum in modum versuto  
 „ suis odiis Regem, suis periculis, ac  
 „ sceleribus simplicari, ad tantamque re-  
 „ stinguendam cupiditatem, ac tollendam simul invidiam regii nunc fratris  
 „ innoxium sanguinem peti. Tanti  
 „ proinde se modo flagitii coram omnibus pœnas à Rege deprecari, ne  
 „ illi, quia id ipsum impunè fuerit, novis de causis furor augeat, nè ex

Petri calamitate, ac ruina Tyrannus exurgat, qui nullo adversante, deinde licentiùs, ac sæviùs in popularium cervices, & bona grassetur. Hac, quæ Senatoribus Petrus, regni quæ nobilibus ore differuit, scripta subinde transmissit cæteris Tribunalibus urbis, omnesque alacriter responderunt, illius se causæ dignitatique, ut consonum erat, pro viribus affuturos.

Ea res graviter Regem Comitumque momordit, & quod Petrus velut publicæ sibi usurpans auctoritatis imperium regni Ordines convocaverit, & quod illi accersiti paruerint perinde quasi in domum privatam, & tunc officinam seditionis facta secessio fuerit, dum clara, & aperta inter fratres contentio, & publica odia, metusque turbarum vel hæsitantes, & cunctabundos tenere magnates debebant. Majores itaque nervos, atque animi firmitudinem, quàm in Petro crediderant ex partium robore conjectantes, pergere post exploratiùs, & rem temperare, ac lenire caperunt, ne potiùs, quàm in incerto inhiberent, gratia, & opibus validum irritarent adolescentem. Itaque illatæ tanquam injuriæ fratri omnino Rex cupidus ulciscendæ, ideòque ut judicium integrum esset, causæ districtiùs investigandæ, Petro denunciavit, ut proderet ipse Regi præsumpti criminis indicem, quò planè constaret à Comite Petrum veneni fraude appetitum. Hoc modo incorruptè, legisque præscripto cum cognita causa esset, ficti, aut commissi compertus criminis reus, vel jure ille plexus, vel absolutus foret, non enim eousque sibi fratris saluti vacandum, aut desiderio studendum esse, ut bonæ frugi subditi, administratque omnino jura negligeret, fratrisque gratia judicium inverteret. Ad ea Petrus; Ita, inquit, cordi sibi jurium vigorem, ac reverentiam esse, ut ne ea unquam possent in hac causa labefactari,



ctari, in primis Alſonſum oraverit, quod etiam iterum repetebat, ut aula abſente Caſtelmeliorio, ab eoque ad tempus reipublicæ curis omiſſis, hujus criminis diſquiſitio procederet, cum inter fragorem armorum, quem ad omnium terrorem Comes Caſtelmeliorius longè, latèque diffuderat, tantamque Regique propè parem oſtentionem potentiaè haud ſatis profectò jura, atque leges exaudirentur. Quis enim audeat illius ad judicium deferre nomen, à quo interitus, vitæ, fortunarum ſuarum omnium arbitrium pendeat? Omnia eſſe primùm jure conſtituenda, ut produci, & productum hæere denique poſſit in homine fonte crimen, nec pro juſta infligenda reo, in actorem pœna reſiliat. His Rex auditis Status Senatum extemplò cogit, & quia in priori Senatorum conventu plura fuiſſe Petro propitia illorum ſuffragia noverat, quò nunc ſibi convenientem in cauſa calculorum rationem iniret, Palatii quorſdam miniſtros, & Judices ipſius quoque partibus illigatos ſuffragia laturus adjecit. Alium præterea jurisprudentiaè peritorum conſeſſum, ut ea ipſa res arctiori via juris excuteretur, indicit; ſiquidem ita juri, & publicæ ſimul utilitati conſulere Princeps in omnibus debet, ut aliud juvetur, ab alio, & claudicare juſ ſæpè ſoleat, cum ratio altera reſtragatur. Quibus, cum conveniſſent, cauſa hujus viciffitudines, atque ordinem Rex declaravit, clauſitque ſermonem, in eo duntaxat totius negotii cardinem verti, liceret Petro necne morem in illo geri, quod priuſquam contra Comitẽ Caſtelmeliorium illata crimina tractarentur, ut aula ille abeſſet, poſcebat, rerumque regimen intermitteret, quo minus veri fortasſe teſtes, ut aſſerebat à quaſiti veneni delatione ingenti viri potentia, atque ampliffimo officio deterrerentur. Colla-

tis ergo ſententiis, ac ſeriùs omninò diſcuſſis, quæ pars major ſuffragatorum hominum erat, eaque arte, atque illecebris accerſita, illa numero ſcilicet vicit, & Petrum injuſta petere cenſuit. Suſtulit animos Regis, Comitiffque Caſtelmeliorii hæc publica auctoritate ſancita de re controverſa ſententia, quia Status Senatus judicium, & juris peritorum conſulta, quibus plaudere ſolet populus jam poſſent ipſi Petri conatibus antepone, & quia regia dignitas, & imperii majeſtas, & vis jure quoque ſubnixâ ineluctabilis videretur; fractas propterea jam Petri vires, & partes Comitẽmque ſuo munere, & loco ſubſidio juris immobilem Rex arbitratus, in finitimis locis, in arcibus, propugnaculis, urbibuſque majoribus regni conſilii ſui certiores Gubernatores per literas fecit, juſſitque ne cuiquam, niſi publica fide regno exire liceret. Appellere quoque claſſem Uliſſipponem præcepit, adituque tandem ad Petrum quorſdam proceres interdixit, tanquã ingenio feroces, ætate fervidos juvenes, & qui animum adoleſcentis ſeditioſis cogitationibus innutrent. Ita porrò civilium armorum ſonitus, qui Uliſſipponẽ hæcenus obſtrepuerat, per regni latitudinem circumlatus maximam Luſitanis incuſſerat curam, quò turbulenta res illa ſpectaret, & quò ad ultimum eruptura hæc armorum procella eſſet. His ita conſectis, Alſonſum Rex ſtylo deinde ad Petrum expreſſa Senatorum, Judicũmque ſuffragia miſit, ut ea videret, & intelligeret, ſcilicet, in eo quod gerebat munere, & loco, quamvis marcere Comes Caſtelmeliorius, fas eſſe tamen integra cauſa, jure inviolato ad ſtrictius examen de veneno prolatum crimen adduci, reliqua ab ipſo Petro, quæ extra cauſæ rationem quaſita eſſent, haud parum obeſſe Regi, nihil Petro prodeſſe poſſe, nec lædi æquum eſſe

esse profectò ipsius Regis auctoritatem, ut alterius libidini obtemperetur. Postquam ita Petrus latam Senatus, Regisque sententiam accepit, cum nec ipsum præterea fugeret, quod per ambitum, sive metum Comitis artibus vitiata Senatorum suffragia fuissent, perbreui ad consultandum temporis spatio petito, impetratòque rem cum amicis, qui noctu, ac frequentes accesserant, contulit. Ibi post acriorem, & multam ad noctem disceptatione productam inter omnes postremò convenit, ut Petrus etiam invito, ac reluctantè Rege ad Transmontanam provinciam, ubi arma in finitimis gubernabat Comes Sancti Joannis, impiger ille miles, ipsique Petro in primis obstrictus, jamdudum sermone, minisque jactatam protectionem instrueret; si ea porro objecta formidine, Regem nihilo secius in protegendo, sustentandòque Castelmeliorio pertinax animus retineret, tunc è vestigio Petrus decretum iter inciperet. Verisimile quippè erat, hoc maximè modo passim confusus, & fluctuantibus rebus, & Comite, ac Petro in eo periculo constitutis, ut uterque perdendus, aut alter alterius lapsu servandus esset; regni que in medio penderet ex fraterna discordia litigium, vel sua sponte cessurum obstinata sententia Regem, vel urbis populum concitatum, cum simul ardere, ac furere cæperit, in meliorem mentem illum esse tracturum; si secus res cecidisset, Petrus, ut constituerat, ad Transmontana transfiret, milite & armis inde munitus Ulisipponem quamprimum regrederetur, ubi externis internis adjectis armis, quæ intus erectæ, calescentisque partes comparavissent, uno impetu, unòque animo hinc & inde incumbentibus cunctis ea quidem Comitis, atque Regis Petrique fortuna fuisset quam felicioris, ac potentioris arbitrium inter protrita jura, solutaque legibus arma statueret.

Secundum hanc sententiam Petrus Alfonso Regi respondit. Per Statum Senatus Consiliarios Marchionem Marialva, Sandiumque tuo nomine, tuoque mihi mandato relatum est, in eam te venisse sententiam, ne ab aula, ac negotio diverteret Comes Castelmeliorius, quoad, ut petebam ejus in me attractati veneni crimen via juris exploraretur; ad id te quoque consilii per eos, adjecisti, magni nominis Senatorum, jurisque prudentum suffragiis impulsus; responsum mihi præterea, quod reddere tibi debeo, & quod justæ in hoc loco defensionis similitudinem habet, brevi curriculo temporis adstrinxisti, ut quemadmodum mihi significasti, modò æstuantem, & vagam fluctibusque contortam reipublicæ navim tranquillitas citius exciperet, & quam deceat me, Rex, in omnibus tibi succumbere, optimè tamen quam ex animo tibi profiteor solida veneratio, cultusque cum mea libertate potest, jurisque subsidio, quod rursus, ac meritò imploro, conjungi. Agitur enim de fortuna, existimatione, atque vita Principis regis sobolis, & Lusitana disciplina receptum est, minoris quoque momenti negotia majori animi intentione discutere. Recurrit præterea, satisque robore viget in primis exposita mihi, necdum abolita difficultas, quo scilicet pacto tantam ad causam dilucidandam ingredi liceat Castelmeliorio armis undique circumfuso, eaque pompa strepitusque potentia nimia semper in se, & nunc plusquam in se est ad terrorem, & factum amplificata, qua videlicet illum nimis ornatum, tæque oneratum Rex voluisti. Sit loco exempli, quod nuper Senatoribus contigit, in quibus cum magis incussus à Comite metus, quam fides, & vis officii valuerit, iniquè  
apud



„ apud illos primò proposita causa, post  
 „ deterius excussa, tandè cum insolentia,  
 „ & errore, & meo quoque convicio  
 „ jactata est. Quid porro de toto  
 „ certamine & exitu causæ hac lubrica  
 „ mihi via sperandum imposterum est,  
 „ cùm in ejus etiam prolusione per injuriam  
 „ offenderim? Non enim poposceram ego, ut Comes Castelmeliorius  
 „ seu honore, seu opibus acquisitis, seu  
 „ potentia, aut regis gratiæ fastigio meo  
 „ respectu devolveretur, sed ut momentaneo  
 „ propè recessu daret justitiæ locum  
 „ quo causa deinde legitimè constituta,  
 „ aut fontem supplicium, aut infontem  
 „ ut se esse fatetur, laudis, & gloriæ majoris  
 „ accessio super tantam fortunam  
 „ plenitudinem tenuisset. Scio etiam  
 „ quid altercante Senatu senserit, quid  
 „ disputaverit Martinus Melus, quid  
 „ Joannes Roxa, quid Petrus Monterus  
 „ dixerit; quorum venerandam canticum  
 „ hominum, & tot per annos probatam  
 „ rerum experientiam empta, aut per vim  
 „ extorta suffragia multitudine, & turba,  
 „ non æquitate vincere potuerunt. Deformis  
 „ hujusce fraudis, & corruptelæ judiciorum  
 „ illud in causa profectò est, quod per  
 „ astus Castelmeliorius privatam causam  
 „ publicæ admiscet, Regemque suo scelere,  
 „ atque periculo gratis involvit, & primo  
 „ loco Regem, sese post Regem apponit,  
 „ tantumquam utilior reipublicæ foret  
 „ privati, impurique hominis sustentatio,  
 „ quam fratris unici Regis, in quo spes  
 „ hoc tempore nititur, ne regia familia  
 „ pereat, ne alienigena, sive Tyrannus  
 „ orbatum capite regnum occupet. Hac  
 „ corrupta, ac livida mente Comes à te  
 „ facile, Rex, impetravit, ut nobilibus  
 „ viris, qui domum meam ventitare solebant,  
 „ te jubente, illo exultante in meam  
 „ contumeliā, animique dolorem esset  
 „ aditus interclusus, cumque in hoc  
 „ offensus cōtumaciæ, ac nova turbamenta  
 „ reipublicæ quæreret, utque ipse injuriæ  
 „ dissimulatur, aut vindex majora

ex ea essem dedecora, aut pericula  
 „ subiturus, inquietum ejus consilium  
 „ illorum obedientia, mea moderatione,  
 „ & obsequio dissectum est. Ille interim  
 „ late pedites, equitesque conscribit, ac  
 „ dum præsentem quasi belli apparatum  
 „ Regiam, & urbem confusione, metuque  
 „ jam propè torpentem, ac stupidam  
 „ tenet, modò pro se, modò pro Rege vim  
 „ illam hominum jactat, armorumque  
 „ congestam esse. Ego tamen minime  
 „ paveo, neque fragorem ob istum,  
 „ armorumque jactationem, ac turgidas  
 „ minas unquam memoria, aut animo  
 „ exciderit, quid regio sanguine dignum  
 „ quid tantorum majorum exemplis non  
 „ degeneri viro congruat etiam injuriis  
 „ cooperto, & periculis circumfuso. Tua  
 „ certe videre nec parum interest, Rex,  
 „ cum Comiti Castelmeliorio Petroque  
 „ pariter convenire, atque in Regia  
 „ manere impossibile sit, in eo causam  
 „ versari, ut à Petro Castelmeliorio, vel  
 „ ab hoc Petro præbendæ cervicem, atque  
 „ alterutri in aula cadendum sit; & quoniam  
 „ Castelmeliorii multò magis, quam fratris  
 „ videtur hucusque sollicita, & anxia te  
 „ cura percellere, equidem cedam aulam,  
 „ cedam protinus urbe, omni solatio,  
 „ & commodo cedam. Ita fiet, ut  
 „ domestici belli incipientis incendium,  
 „ quod mea præsentia, ut æmuli dicunt,  
 „ inflammatur, absentia restinguatur,  
 „ tibi que fratris amissi vicem Castelmeliorii  
 „ fortuna, salusque repenset. His redditis  
 „ Regi litteris, revera, & celeriter Petrus  
 „ destinato se itineri comparabat, quod  
 „ cum clanculum fore, subdole diceretur,  
 „ rumore passim, & pompa de industria  
 „ diffusis, omnibus manifestum volebant.  
 „ Cunctis igitur divulgato, ut fidem  
 „ faciebat etiam itineris apparatus, à  
 „ Castelmeliorii potentia, atque artibus  
 „ victum discedere Petrum, atque extra  
 „ Regiam; & patriam illius insidiis, illius  
 „ superbia, atque scelere percitum, fugatumque  
 „ voluntario secedere exilio, & hunc  
 „ unicum esse fratrem, ne dum domo

domo vacua, sed desperata quoque sobole Regis, tunc repente tumultuari, atque ardere Uliippo, & passim addere faces ac turbas capit, multique prænobiles viri, suo exemplo, & industria majora præbentes incendio fomenta ruere jam illam tépestatem disseminabant, qua ex antiquo, sed falso prodito vaticinio Uliisipponis fora semitæque debebant humano sanguine redundare, quod utique erat fiduciam addere affectis, quasi instinctu, afflatuque Divini Numinis eruptura seditio foret. Septem hominum circiter millia armis eo tempore instructa computabantur iter Petri intercipere prompta, ambitiosamque inter Petrum Comitémque Castelmeliorium de potentia, & imperio pendentem conflictu civili dirimere litem. Ea res porro, ut populariter exardebat, ubi Regi, & Comiti patuit, illorū tunc animis prorsus abjectis, & suam regniquæ simul timentibus cladem cum vis vi collata, & populi plausu, & nobilitatis præsidio, & studio rerum novarum in Petro superior aestimaretur, quæ primò se passim armorum, atque minarum circumtulerat moles, & aspera hucusque Petro reddita verba fuerant subito in preces, omnisque amoris suavitatem respersta blandimenta vertuntur.

Ad Petrum itaque Rex epistolam mittit plenam illecebrarum, ac simulatæ benevolentie fratrem per illam amanter ad Regiam vocans, atque omnia ex animi ejus sententia se ipse facturum pollicitus, si modò turbarum incallescens tumultum, & populi motus, fluctusque quæ ejus nota indignatio conciverat, ejusdem mutatio componeret. Petrus autem animo volvens quantum ex formidine orta lenocinia, atque illecebræ teneant, quàmve stultum fuisset, alienæ fidei, incertoque fortunæ, aut æmuli arbitrio relinquere quod jam haberet in potestate, utendumque ipsi viribus partium, dum spe & amore calerent, propositi tenax, fuscisque subinde

fucis illudens rescripsit Alfonso, ac similia confingens lenitatis inuitamenta, quibus petitus à fratre fuerat, in fine epistolæ posuit, Castelmeliorium semper in Regia fore secum infociabilem, & alterutri eorum ibi esse manendum, aut abeundum, utrum Regi placeret, cum res adhuc integra esset amplecteretur. Inter hæc clariora jam quæ prius clandestina erant Uliisippone consilia catūsque simul armorum collati undique acervi, fremitus, querimonie, aperta populi concitatio, prodigia quoque, Politicorum nempe commenta ad populares captandos animos, falsi sparsim rumores ad odia partium exacuenda, probrosi libelli divulgabantur, atque ita profectò erant omnia composita, ut Ducis signū, nutūque expectare tantummodò videretur gravida flammis, armisque jam jam partura seditio. Hæc omnia intuetur Comes Castelmeliorius, nec vi jam frustra primo tentata Petrum, nec precibus, aut illecebris repetitis, nec Regis imperio, vel hortamento molliri, flective posse, imò inolescere magis in dies, & spes, animosque ampliores ex suorum alacritate, ex æmulorum cognito metu colligere, ac statim idcirco, nisi alter alteri cederet fratrem cum fratre, & cum civibus cives impio certamine, foediori exitu concursuros, qua tempestate sibi velut belli civilis causæ sive victo, sive victori turpia omnia, & acerba cessura quidem fuissent, & cum vires, & ratio tanto explicando consilio deessent, ad subtiliores excogitados dolos, astūsque suffugit. Verum eo insidiosi propositi laqueo, quo capere Petrum Castelmeliorius contendit, tunc ipse irretitus offendit. Regia enim, & urbe, ut Petrus institerat, ille postremò decedere statuit, prius tamen pactus secretò cum Rege est. Extorris in speciem illicò abiret Castelmeliorius, paulò post Rex Uliisippone digrederetur, tanquam veller regni fines invisere. Inter hæc vanescente tumultu, & partium, quæ ægrè tam citò,

vel



vel iterum cogi possent, ardore quoque remisso, simul harum Rectoribus, Ducibusque pœna vel præmio, vel arte subductis, quædam ex facili ipso Comitæ absente, atque in speciem afflictio parari remedia poterant, ejusdem opportuna regressui, quæ hucusque pro eodem homine intenta, ipsius præsentis, atque in apice stantis invidia subverterat. Mense post interjecto Ulisipponem Rex reversurus itineris sibi comitem Castelmeliorium adjungeret, secumque receptum, & confirmatum Regiæ, ac regimini restitueret, cum & lætitia reversionis Regis in plebe suo more instabili obruturam quodammodo esset quæ tempore, & hominis lapsu jam senescere perrexissent, in Castelmeliorium invidiam, & odium. Qui verò amore rerum novarum, aut studio contentionis ad exigendum Castelmeliorium sua ipsi erant etiam pericula persecuti, vel fortè tæderet illa repetere, vel semel his satis esset, quod nimium tenerant, impetrasse. In hunc modum dispositum erat profectionis, reversionisque Castelmeliorii, inter ipsum, & Regem consilium, & ordo. Cæterum id se tunc ita facturum promissit Alfonsus, simulatè verò, an ex animo incertum est, cum potuisset mutare sententiam, suadeat summa levitas Regis, & finxisse, ex eo quoque verisimile sit, quod tandem pertæsus Rex hominem esset, qui tot ipsi in aula molestias, & in regno pericula cumulasset, vel quia per illam occasionem ex manifesto scilicet Comitæ metu, ac præcipiti propè fuga, & eodem etiam absente melius Rex didicisset in quo ipse discrimine versaretur, cum ille res quoque graves, & utriusque periculosas deterere prius apud Regem, vel silentio premere consuevisset, nisi verius fortasse dixeris fidem à Rege solutam non esse, quod fato quodam, & latentibus causis gratiæ Regum imminet, ut tempore consenescat, aut pereat, & sæpè sapius, quæ gloria florue-

rat in pestem hominis corrumpatur. Utcunque res fuerit hac inter Castelmeliorium, & Regem clam interposita fide venit etiam in mentem Castelmeliorio, ut in illo negotio, quantum rei faciem spectabat, cum Rege Petroque velut consilii particeps Regina quoque intercederet. Causam ad rem prætexuit quod regii splendoris, summi que fastigii tenendi gratiâ, atque inconstantia palam vitandæ notæ fore optimum, videretur, si Rex tandem Alfonsus, quod Petro hæctenus negavisset, Regiæ concederet, quò ipse Castelmeliorius à Petro, Rex à Regina victus in eo aulæ certamine videretur, re verò ipsa meditata fraudis ministram reginam subicere Castelmeliorius intelligebat, ut inde acrius doleret Petrus, cum rediisset, ut Comes credebatur, in aulam alterius se dolo deceptum esse, alterius inscitia. Rogat ergo reginam, ut in regis, Petrique gratiam tale negotium aggrediatur; magni prætereà inter Regem fratremque dissidii, quod totum urere regnum incipiebat, ab eadem Regina compositi, summam gratulationem, & gloriam fore in ipsam redundaturam. Suspecta omnia dicta, atque facta ut hominis tortuosi Castelmeliorii Comitæ erant, & tum maxime, quod omni solertia, & acumine ingenii ad ruinam eluctandam incumberet. Proinde Regina in re proposita hærens, & cunctabunda, ne ab homine captioso, quem oderat, & cui maxime diffidebat, deciperetur, immiscere se causæ nisi Petri consensu, iteratisque precibus noluit. Igitur rursus per internumtium à Petro Regina quæsiuit. Certa, ratæque jam, ut convenerat, Castelmeliorii ab aula profectione, scire prætereà se velle, quonam ille modo, & quo inde profecturus abiret, & qua denique ratione expulso, ejectoque salus publica fide constitueretur. Ad quæ Petrus cum respondisset, à Regia, atque urbe Castelmeliorio quamprimum

exacto, omnino de reliquo se in Regi-  
næ potestate futurum, hæc iterum scilicet  
citatur, sibi clariùs intelligendum,  
quousque negotium ad exitum perdu-  
cturæ ejus arbitrium, & fides extendi  
posset, ne fortè invita rem interverte-  
ret. Ita Petrus quominus negotium per  
ambages corrumpi, aut prolatari plus  
justo posset, tum demum Regiæ expli-  
cavit locum, quo pulsus Castelmeliorius  
adiret quo Ulisipponè longius abesset,  
gratiorem profectò sibi, tutiorem Co-  
miti fore; fidem indemnitate, quam ille  
merito reposcebat, eo se vinculo dare  
paratum esse, quod arctiùs in magni mo-  
menti rebus obstringere Principes so-  
leat. Cæterùm fidei, & imperio, quibus  
totum se antea Regiæ tradiderat, nihil  
ipsum exceptum velle. His rebus Regi-  
na satis instructa, mox cum Comite, ac  
Rege, statutum ut erat, negotium ab-  
solvit. Duo tamen initio pactis Castel-  
meliorius adjicere voluit, & per Regi-  
nam obtinuit, ut per ejus scilicet exitum  
voti compos Petrus jam factus, à vene-  
ni prius jacta querela desisteret, tum  
constitutæ concordia capita. Fidem si-  
mul oppignerantes Regina, Petrusque  
subscriberent. Cur autem is fœdum sibi  
attentati in Petrum veneni crimen im-  
positum regi nunc oblivione maluerit,  
quàm legibus discuti, & hoc idem ele-  
gerit suæ ne conscientia, an potiùs ca-  
lamitati diffusus, quâ effrenatiùs ex me-  
tu æmulatorum soluta odia rapere etiam  
insontem illo impetu potuissent, haud  
satis nobis hucusque compertum est.  
His rebus ita compositis, jam discessurus  
ab aula fidem Castelmeliorius reposce-  
bat à Rege, quâ inter ipsos constiterat,  
aliud post aliud abire, Ulisipponem-  
que simul repetere. Verumtamen sive  
id hominis astus, ut diximus supra, sive  
sententiæ levitas fuerit, Alfonso, quod  
primò promiserat, nec mox ratum ha-  
buit, nec præstitit. Itaque Comes  
Castelmeliorius hinc à Regina impul-  
sus, hinc à Petro jactus, illinc à Re-

ge præter opinionem irrisus, cùm om-  
nia jam ipsum, restante fortuna, dese-  
ruissent, astu, ac labore frustra consump-  
tis sese tandem ab aula furibundus pro-  
ripuit, & in quodam cœnobio septem  
circiter leucas procul ab urbe conse-  
dit. Sic eo denique viro, qui tandiù,  
& rerum potitus, & Regis erat, expulso,  
& malorum omnium in speciem velut  
extincta face, reverà discordia, ac  
certaminum fomes in aula deinceps  
exarsit potiùs quàm desit, cùm stan-  
te Petri cupiditate, stante Regis in-  
ertia, quidam prætextus, non causa  
turbationum in amoto Comite de-  
fecisset.

Rex enim inquietoolvebat ani-  
mo, quidquid Petrus ab ipso obtinere  
in quacunque contentione enisus forti-  
ter esset, illum semper victorem, & po-  
pulariter plausum, victum ipsum Alfon-  
sum, & cum dedecore discessisse, quidni  
ergo inter tot circumstantium, & adu-  
lantium hominum incentiva, nimisque  
arridentis prosperitatis illecebras in dia-  
dema, sceptrumque tandem insiliat,  
quod etiam nunc per regulares quos-  
dam conatus, per certos quasi gradus  
appetere videretur? Præterea sibi fra-  
trem nimis infestum suspectam uxo-  
rem, populi fidem ancipitem, admi-  
nistros, regni que procures à gratia  
Regis averfos, quippe quæ, sicut nuper  
in Castelmeliorii causa contigerat, in  
quocumque eam reperisset, acerrimè  
semper à Petro, ac feliciùs oppugnaba-  
tur; atque hæc porro molesta, ac multi-  
plex cogitatio, quæ cautionem, atque  
constantiam ei, qui prudentia polleret  
Principi peperisset, qui ea carebat, Al-  
fonso cum dolore, metuque furorem  
augebat. Adversus Petrum maximè  
Rex, à quo plus ipsi Regi cavendum  
erat, & à quo usu temporis artibusque  
captandum, quod hætenus frustra per  
vim tentavisset, rudis artis dissimulandi  
quantum irarum, quantum pavoris in  
mente conceperat, improvidè verbis, &  
rebus



rebus exaggerabat. Ea propter nedum illas examari cohortes, quas ad coercendam seditionem, Castelmeliorio adhortante, collegerat, noluit Alfonso, sed illas etiam expleri iussit; nonnullas etiam propè, & è fronte Petri domus consilere iussit, inanibus hisce minis insultans, & provocans, quem vi terrere seu vincere hucusque frustra, & cum maximo detrimento compererat. Ad hæc post ejectum, expulsūque Castelmelioriū ad genua Regia Petrum affusum, & gratias, amorisque blandimenta miscens torva fronte, rubentibus oculis, vultu horridus tacitūsq; recepit Rex, subinde, ut illi quoque salutare reginam de more liceret, petenti non verbo Rex, sed capite annuit. At Petrus hæc omnia ut vi destituta spernens, nec incautus, aut segnis ex propitia fortuna factus eandem tractando artes, quæ adhuc prosperè processissent, delere omnino reliquias fractarum paulò ante partium instituit, quæ nisi funditus haustæ per occulta relicta semina reviviscere potuissent. Comes enim Castelmeliorius, etsi corpore absens, per eos tamen, qui ejusdem factionis, atque fiduciæ lateri regis astabant, consiliis, & monitis non desistebat in aures ejus influere, erantque eo tempore circa Regem illius instrumenta potentia cum ejusdem consiliis applaudent homines, resque exequendas, ut Comes dictabat, urgerent. Super hæc homines, Comitisque clientes agitare apud Regem Petri superbiam, infectari insolentiam, & contumaciam, satis se ipso furentem inflammare quotidie magis ingestorum esca verborum, & stimulis contumeliæ: repetere sæpius horum omnium certaminum quibus imperium exagitabat, regni diadema sibi finem, & præmium in animo Petrum constituisse, ficto quidem erga Regem amore, vero in Petri odio compulsi, cum enim integro Petro, agrè se incolumes reputarent, per hæc expressa, ac sæpè inculcata discrimina Regi, si ni-

hil fortè pro se, pro eis intentatum reliquisset Alfonso, & quæ premebant, & quæ impendebant sibi pericula cogitabant cum periculo Regis immergere. Rex ergo liberiùs, atque incitatiùs, quàm antea solebat diras, & minas in fratrem, in partes effundens, jam humi succisa capita, jam strata corporibus fora, jam vias cadaveribus interclusas, jam profluvia cruoris, ac terræ miscere coelum inaniter strepitabat, & cum hæc frequentissimè diceret, ne Regina quidem auribus abstinebat, quanquam omnia explorantem, atque prodentem crederet illam, & in Petrum maximè pronam. Regina propterea quia viri inconstantiam, ac simul impetum noverat, cum vereretur, ne is irà fortasse cæcus, ac præceps in fratrem exosum denique rueret, clam monuit Petrum, ad Regiam ne accederet, fratrisque congressum ubique vitaret. Irà semper tumentem, & in illum minitabundum infremere Alfonso, nihil satis munitum, nihil omnino esse tutum ab homine furioso, ac novis insuper stimulis agitato. Hæc admonitio movit adolescentem ad maturandum consilium, quo adversarum partium residua planè convellere constituerat, ne Regi scilicet proximus superesset qui ejusdem regere, ac flectere posset arbitrium, aut indignationem inflare. Tres per id temporis homines erant, quos illius aula calamitas lateri Regis reliquos fecerat, isque arctiori fiducia, atque studio Castelmeliorii fortunæ obstricti, & gratiores idcirco Regi, Henricus nempe Miranda, Emanuel Antunesius, Antonius Sousa è secretis Consilii Status, is, qui ob contumeliam palam verbis Reginae illatam paucis ante diebus relegatus ab aula ibidem, sed clam cōsensu Regis agebat. Inter hos opibus, studio Regis, Castelmeliorii amicitia, & in ejus quoque afflicta fortuna florens Miranda excellebat. Hunc igitur primò corripere Petrus decrevit, ut ejus fa-

ciliùs ruina subinde reliquos pertracturum. Misit idcirco, qui clam ejus aures pervelleret, properè, & tanquam sua spontè decederet aula, ne satis monito, sibi què minimè consulenti deterius quidquam accideret. Sic erant in Petrum extra regium splendorem, & animum inter res prosperas hoc tempore magis explicitum ob expulsam præcipuè Castelmeliorum studia plebis accensa, ut non aulicis ille modò, sed regi etiam, plusquam antea unquam fuerat, terribilis immineret. His ergo intellectis Henricus, atque extrema desperatione perculsus haurire illicò sibi propriis manibus vitam primum & frustra tentavit, deinde consilio cum animus non suppeteret, membris captus, ac debilis restitit, postremò clanculum fugit indignatione, odioque populi exterritus, qui, si in illum fortè incidisset, vivum discerpere minabatur.

Audit hæc omnia Castelmeliorius, quia assidue inde meabant, ac remeabant nuntii responsa, & consulta ferentes, monèturque Regem Alphonsum, ne quid iracundè, aut celeriter ageret, ne quid temerè loqueretur, nisi quoscunque lege immobili fata conatus, & ingenii vim interciderent, arte, seu dolo, non confertis viribus vinci, & simulatione potiùs officii, quàm apertis inimicitiis Petrum everti quandoque posset. Reverentia, metuque Regis excusso, perturbatam rationem, & rerum ordinem esse; & suffragante quoque natura ad suum omnia redire cum tempore locum, nisi gra, & celeritas opportunam medelam tollerent. Rex autem, qui ex oraculo tanquam edita, etsi parum his uti sciebat, consilia Comitum æstimabat, in Senatu cum paulò post occurrisset res gravissima consultanda, Petrum enixè rogavit, ut sententiam ibi laturus cum reliquis conveniret. Is tum secretæ hortationis Regine memor, quæ accessum ad fratrem interpellabat, simul ea

specie concordia, atque fiducia ratus, non ingenuè sibi blandiri, sed fictè pacere populum in animo habere Regem, aut alios subtexere velle dolos quibus frater incautus deprehenderetur, hoc primo obstinatiùs repudiavit. Institit etiam orando, commonendoque rex Petroque litteras dedit studiofas, suaves, egregia rebus benevolentia, quæ ut statim ad se veniret, illum suaviter oppugnant, multa se quoque facturum promisit in clariora erga fratrem amoris indicia, atque ut Reges præsertim populo, ac scenæ deserviant, cujus potissimum opibus innituntur, ejusdem exempli rex circumferri per urbem litteras jussit quò planè constaret fratrem à fratre, & hoc altioris quidem fastigii, in amore provocatum non respondere, imò in longum jacere odia, & altiùs in corde concoquere iras. Has litteras accipit Petrus, ac simul evulgatas intelligens planè anxius, & animo æstuans in se ipso volvere cepit, iret necne ad fratrem iterum, atque iterum accersitus; pertinacia dedecori, ac publicæ notæ sibi; jactantiæ regi, ac voluptati quoque futura erat; rursus facilitas sibi periculo, opportuna regis conatibus erat. Sic varia, ac multiplici rerum expectatione suspensum, ac fluctuantem hominem impulit ea super causa explorata Regine sententia, ejusque consilio tandem toties vocatus ad regiam se contulit Petrus, sed ad omnia dissimulanda paratus, & clientibus circumfusus. Venientem admisit rex, & nisi, quo paulò ante usus cum illo erat, ingrato silentio, rictuque tamen omnino frigide, & ob agrè suppressam in animo iram hæsitantibus penè verbis, & quodam orationis; & vultus affectato delinimento, fucòque quæ ex adverso tam concinnè, tam aptè actione, ac sermone adubrare didicerat Petrus, ut ineptè rex exercebat. Cæterum ealicer sic ficta exilisque inter fratres reconciliatio speciem quamdam



quamdam domi concordia, aut longiores pro certamine inducias, & foris quietum imperium aliquando sustinuisset, nisi novis subinde quaesitis, aut se se fortè implicantibus causis jam ad certam regni jacturam fortuna compelleret Regem. Ablegato Castelmeliorio, difficile, insolentèrque eo tempore versabatur Alfonso in curis publicis obeundis, quas ille coactus abjecerat; obstabat enim ingenium in Rege voluptatibus fractum, ac vitiorum illecebris irretitum, è quibus agrè se ipse extricare inveterata consuetudine poterat, tum imperitià rerum quam eas negligenti, deditoque penitus otio aliena sollicitudo, laborque alienus invexerat, tum viridis ejus ætas, ingenique hebetudo gravitati, & copiarum tantarum rerum, & quibus præter solitum regnum tunc æstuebat difficultatibus impares. Rex igitur electurus, qui loco Castelmeliorii tanta ipsum levaret curarum mole, onusque eum illo divideret, qua tempestate opus erat, virum integrum legi, & à partium suspicione, & contagio immunem omninò compertum, is cæco magis affectu, quàm vi rationis indutus Antonium Soufam sufficere statuit, qui erat è secretis Consilii Status, ex acrioribus Castelmeliorii clientibus, & tunc impulsu Reginae, decretoque Regis extorris, at, illa ignara, occultus in Regia. Hoc quidem consilio Rex à Regina petivit, ne ea gravaretur Antonio Soufæ exilii pœnam remitti, siquidem paucis pro verbis, & his primo impetu effusis jam satis ille penarum dederat. Tum verò & ultionis minus ardore, quàm metu ad hæc verba vehementer Regina commota, ne scilicet adversarius in potentia apice, constitutus graviora ab ipsa postea ludibria pro exilii vice repeteret, id ipsum constanter negavit Regi. Deinde cum assiduis quotidie precibus, & verborum ambagibus Rex,

ut assensum exprimeret, mulieris animum fatigaret, hæc ira tandem, & muliebri quodam fastidio, ac satietate percussa. Esse Regis in manu positum, inquit, quidquid ipsi de Antonio statueret collibuisse, non autem in sua potestate restitutum illum aspicientem doloris amaritudinem temperare. Rex temerè tunc arbitratus, eò se plus moliturum Reginae iram, quò Antonii culpam attereret, Status Senatus de Antonii exilio decretum, quod reginam hucusque latuerat, feminae exhibuit, cujus hæc erat sententia. Sedulo excussis, quo studio, cultuque decebat, libellis, quos in Antonium Soufam invecta ad Status Senatum regina transmisit, aliòque ab eodem Antonio Soufa Senatui quoque porrecto quo impositum sibi crimen omni venerationis officio discutere satagebat, & si Antonio duntaxat propositum fuerat, prona, & obnoxia Regina patere, quæ tunc immeritò querebatur, Lusitanæ gentis obsequia, nihilominus cautum, idque magis, ut indignationi, voluntatique Reginae, quàm merito causæ consuleretur, per aliquot dies exulem hominem agi, reverenter præterea Reginae suggeri, ut hujusmodi offensiones diligentius in posterum declinaret; nam levia, & futilia quæ in privatis æstimarentur, ad regiam majestatem traducta, majusque inde pondus, ac robur accipientia sæpenumero turbamenta, & reipublicæ exitia fuissent. Tali decreto consultius, & gravius Hispano pro more Status Senatus egerat, nempe reginam, quod augustæ ipsius dignitati, ac regio ornameto congrueret, à privato homine læsam, aut ipretam minimè passus, nec ideo vel nimia linguæ licentia, vel animi ardore lapsum illum impunè dimittens, sed tanquam Antonii exilium arbitrio, ac celsitudini potius, quàm Reginae daretur injuriæ.

Atqui nobilis mulier seu Hispani  
X x 3 moris

moris ignara, nec Hispanam ostentationē & artē à Gallica libertate, & candore fecernens, seu ab illis impulsā, qui jam serpentem sufflare ignem ad extrema votorum non desistebant, ubi non rectē, aut solerter Senatus mentem interpretatur, imò plus fidei, privatique hominis testimonio, quàm Reginæ auctoritati querelæque attributum, brevique exulantis hominis speciem non ad injuriæ solutionem, sed ad ipsam decipiendam fraudulenter excogitatam fuisse, ira insolenter excanduit, & post multa ferocia, atque aspera nimis profusa verba, quæ & mulieri, & Reginæ, & coram viro regia quotidie exultatione, ac decore per varia momenta cadenti, superbia, furorque dictare potuit, citato gradu ad interius cubiculum se recepit, ubi supplicem scripsit libellum ad Regem, rursus via juris causam exagitari, reoque condignam infligi pœnam efflagitans. Libellum Rex accipit, & quanquam Consilii Status, vel in speciem tueri per id temporis interesset prolatam à se sententiam, ille tamen quia Consiliarios nunc propè omnes ad fratrem ex fortunæ inclinatione propensos noverat, rejicere noluit, ut solitus erat ad Status Senatum Reginæ libellum, at illo suppresso blanditiis, minisque per tempus, artēque sperabat, inflecti fœminam posse. Super omnes animi affectiones, quæ intemperanter ipsum agebant, iracundiæ præsertim impotens erant Alfonso, quā modo cum ira collata, quæ in fœmina superat, cum acrius uterque urgeret in rem, & causam diversè pro viribus traheret, neutrique interim esset temperandis affectibus modus alia ex aliis offensiones, ac domesticæ similitudines in dies propè singulos emanabant. Inter se oppositis ita Principibus, & palam animis alienatis, ulceratisque plena silentii, ac tristitiæ, omnino inculta, ac deformis jacebat Regia, ac propemodum destituta; nemo enim omnium necessitate nisi coactus bile ita correptum, ac stomachan-

tem adire Regem audebat. Regina in suo cubiculo clausa mœrore propè confecta, tenaxque nimis doloris seu ira, seu verecundia, seu ultionis aviditate provecta nec lucem, nec quemquam hominum dignabatur aspicere. Inter hæc etiam Antonius Sousa, nequaquam, ut antea, cum pudore, ac formidine occultus, sed procacius, & palam versabatur in Regia, simul sollicitus, intentusque arma passim colligere, obstrepere, imperare quæ agenda essent, armatis septris incedere, armatis cubare, quasi ad vim, & conflictum hucusque licet victrices instructa illa pompa laceraret partes. Ad hæc animo turgidus, quod ipsum Rex, & Regina certaminis causam haberent, & quod tantum ipse curarum incuteret Regiæ, ac populo Lusitano jactantia plenus, & minis incendia, vastitatem, rapinas omnia omnibus publica exitia denunciabat. Hæc ex composito excepta verba, & in majus subinde aucta, & mendaciis quoque corrupta æmuli in plebem disseminabant, ac simul addebant, Antonium Souzam, si Ulissipponē fortasse depelleretur, cum regio equitatu simul erumpere, atque extra urbem exercitu comparato eodem redire constituisse omnia in rebellium supplicium, atque ruinam flammâ, ferroque misturum. Alia, & similia præterea, quibus rem verisimilem facerent, confingebant; eratque retrusum dolo consilium, sic alienatum à Rege populum facilius Petro ad omnia, quæ vellet, addicere, jam istum adolescentem ut libertatis propugnatorem, & everforem Tyrannidis intuentium. In hunc modum per astus animis plebis imbutis, excitatisque, dum mactæ, afflictæque Reginæ succurrere Petrus pro gratia reddenda cupit, graviorque perinde Regem offundere metu, & alium ab ipso quæsito addere gradum imperio, expellere tandem, alia nisi via licuisset, per vim, atque arma Antonium Souzam decrevit. Magna erga nobilium, & popula



popularium conflata manu domo sua Petrus discedit; eo tumultu, atque strepitu ex industria clara luce, vocibûsque jactato ad Regiam euntem plebs obvia partim rumore, ac re nova partim illecebris excitata circumfluit, adeò, ut simul, ac Petrus Palatium ingressus est, tanta in area illa subiecta frequentia hominû inundaverit, quantam tota propè urbs capiebat. Subiit in Regiam Petrus, ibique paulisper substitit, donec omnes eò convenirent ab ipso pridie accersiti Status Senatus Consilarii, quorum auctoritate, canitie, consensûsque specie studebat notam subterfugere invidiæ, ac planè intelligere populum, utilitatem privatam nullam, sed reipublicæ rationem, meliorûque consensum, cum remedio serviret, tot fluctuum adversa, motûsque rerum concitavisse. Mitiùs præterea, cautiùsque ad rem fore ducebat, priusquam ipse Petrus violentas in Antonium manus injiceret, tentare, si fortè posset, cum Rege, ut idem populi metu, & conspirantium terrore compulsus à se, quàm ab aliis, & cum minori dedecore aula illum exactum mallet. Ita igitur omnia cum ex sententiâ parata essent unà cum Senatoribus Petrus Regis cubiculum introivit. Iacebat in lectulo Rex adhuc languens, ac propè torpidus somno, quem ab his cum molestia excitatus paulò ante discusserat, intuitûsque repentè fratrem, & Senatores, & Proceres severo, tristicique vultu cum murmure, & turba hora importuna accedentes suspicatus rem atrocem occurrisset, verso & ipse colore, vultûque dejectus, & anxius vehementer turbatus est.

„ Tunc Petrus: Regnum, inquit, & domus nostra in extremo nunc sita diffimine pendent; populus enim pro Regina tumultuans, & numero multus, & armis circa Regiam constipatus, ardensque rapi, dedivè sibi ad supplicium Antonium Soufam expositus, lat, ne inulta Regina suæ dignitatis, meritique splendorem, aut præ affe-

cti animi angustia vitam amittat, quin etiam ne manibus quidem sese temperaturum exclamat, si jure adeò iniquo, & acerbo turbulenti, sordidique hominis gratia apud Regem Reginæ causam, ac dignitatem extinguat. Igitur, & te, & me, & majestatem imperii, & jura cõmunia, ac stēmata Domûs cõculcāda, ac perdēda nunc opus erit irato populo tradere, aut fœdū hominē gratia tua indignū Reginæ gravē, omni populo invilum, & conclamatū. Vide, obsecro Rex, an id quod jam nequeat minis, ac precibus plebs à te subinde, cum velit per vim exprimere valeat, tum si ea concitata, & armata, & impotens sui semel omninò franos excusserit, quando finem excidii factura sit. Plura dicere Petrum volentem iratus Rex interrupit, cum enim nova hæc aliis, & acribus admodum multis cumulata supra virum molestia ardentiores furori faces adjiceret, sic ira exarsit, ut horribiles voces limphato similis dederit, gladium, gladium sæpè reposcens. Petrus in multis jam casibus assuetus cunctatione, ac specie quadam modestiæ Regis eludere impetus, medium, quem ipse gerebat gladium evaginavit, illum Regi se porrecturum, pectûsque daturum affirmans, si revera ferire vellet. Regina interim concursu populi, Regiæ fragore, ac tumultu, horrifonis viri perterrita vocibus, ac propè attonita mente ad sedem ejus cucurrit, Regemque invenit in lectulo se versantem, Procerum turbâ vallatum, assiduo clamore, gemitûque furentem, & nisi ira, quæ ebulliebat, cæteris sensibus alienatum, ac propè stupidum. Quærenti Reginæ, ac sæpenumero instanti, quid rei esset, & quæ tam subita clades in ipsum inundavisset, rex tandem respondit, Antonium Soufam in ejus despectum, & contumeliam occisum fuisse, velle autem modò Regem ipsum tumultu terri fraudibûsque deludi, quò certa nefariis impunitas foret.

Tunc falli profectò Regem, ut omnium conscia Regina subjecit, quia vivus erat Antonius. At surdæ erant Regis ad omnia hortamenta, atque solatia aures, tunc aliùs in animo infirmo, & angusto furore obstrepente. Tandem Dux Cadavalus extractum à quodam latibulo Antonium, & sua quoque auctoritate defensum, ne in transitu à populo necaretur ad Regem incolumem duxit. Quo viso, Rex tot ira, & errore excitados lenivit potius, quàm animi fluctus oppressit. Regina, Petrusque recedunt, cæterisque sensim è Regis cubiculo dilabuntur. Incerto subinde auctore fortuita, seu ficta ex professo vox emanavit, viso Antonio, dixisse Regem, rectè omnia composita esse, quàm porro gratanter acceptâ, & ad Reginæ Petrique aures allapsâ voce, tunc iidem existimantes sua spontè, vel Regis imperio, ne pati miserrima cogeretur, aulam Antonium deseruisse, ad reginæ fenestram accedunt, ut infra odio, atque ira populum ætuantem, successuque pendentem lata, ac serena prospecta facie comprimerent. Verùm extemplò rumore evanuit, nec alia profectò patuit ab ore Regis elicitæ vox, nisi tantummodò parcere ipsum, qui Antonii expulsiōem urgentes adeò sibi molesti, importuniquè fuissent. Aderat cùm hæc diceret, rex Sabugalius Comes, qui loco obsequii, lucrique ducens, quod superbè, insolentèrque hætenus erat in Regem actum cum tumultu, atque strepitu postulassent à rege, quod modestiâ obtinere diffiderent, liberiùs illi respondit, nihil eo tempore perpetratum ab ipsis, quod crimini affinem veniam, & non mercedem, aut laudem regis, & omnium promeruissent. Institit rex se veniam esse daturum, cùmque ferociùs eam recusare Comes repeteret, pudore, metuque perstrictus continuit se rex, & pallore suffusus adjecit, veniam, & laudem pro cuiusque meritò se collaturum. Adeò in transversum, ac mi-

serè præceps semel impunè læsa cùm labi capisset regia auctoritas ferebatur. Cæterum ira, & inscitia consultricibus pessimis eos inter æstus, animiq; caliginem agitantibus Regem, quòve ipse periculo per id tempus volutaretur ignorans, aut sperniens, satis Petro, satis populo factum putans, quod tumultuosè irruentibus, & verbis, factisque insultantibus pepercisset, gratiam indultæ pro inflicta ignominia veniæ velle in Antonii utilitatem transferre, ac nihil ampliùs ideò curare de hominis missione apparebat. Ille inter hæc sermone arrogantior, & vultu, quod tanti scilicet ipsum, quanti regnum facere Regem cognoverat; pro cuius causa jam illud in extremum propè discrimen adduxerat, obstinatiùs, procaciùsque in regia perseverabat. Hæc Petrus animadvertit, consiliòque amicorum adhibito, quærere cæpit; quid factu opus esset cùm post tot omnium impetus, conatusque nihil de sua pertinacia rex, nihil de sua petulantia remittere vellet Antonius. Fuère inter eos, qui ibi Petro consulerent, ut eodem momento deposito rege, diadema, & imperium ipse repente occuparet, nimirum summam in ipso potentiam, fratris regis effractam, occasionem in promptu esse, ea si semel elaboretur; denuo quæsitam non inveniri, aut in pejus mutari posse, utendumque propterea secundo illo impetu populi dum res caleret, dum causa valida staret, dum populus studiis, & illa animorum unionem flagraret; nisi populo insaniente, in pace regna mutari difficilè possè. Expalluit hoc audito sermone Petrus, mox verecundo rubore tinctus, ac specie indignantis eò se venisse respondit, res imperii compositum, non abreptum. Rei tamen exitus paulò post docuit ea oratione offensum, & graviter Petrum fuisse, quod temerè ausus aliquis esset ejus animi latebras attrèctare, & cordis arcana introspicere non tali tempore, non tali confessui, fideique



fideique horum hominum committenda; fluxa præterea, atque lubrica fore Petrus novi imperii fundamenta censebat, turbulente, ac fortuito, ut res eo tempore miscebatur, super aura versatili jacta populi. Ad hæc cursu ipso rerum, & hominum habitu tam prosperè cuncta fluere, ut non inconstantia, ac levitate populi intrusus, sed consultò vocatus, exoratusque paulò post esset Lusitanis imperaturus. Decretum igitur est, Antonio Souzæ, Emanuëlque Antunesio, quem ut Antonio in primis amicum, Regique pergratum idem apud omnes invidiæ premebat æstus, capitalibus minis imponi, ut Palatio statim, & urbe discederent, si præcepto obstitissent, arma confestim, & vim expediri. Hoc, ut convenerat, utrique denunciatur, qui postquam vident neque à Rege, neque ab amicis qui spontè, aut violenter alius post alium evaserant, neque aliundè contra vim, pestemque imponentem aliquid esse sibi præsidii, aut spem ullam effugii pari fortuna dejecti, atque animo fracti respondent tantummodò orantes, ut latebras saltem notetis ipsorum fugæ Petrus permitteret, ne secus furentis in populi manus inciderent. Quod iussè postulant, impetrant; inde Emanuël, Antoniúsque Rege inconsulto, nocte ipsa intempesta diffugiant.

Ubi illuxit, Regique statim innotuit, quod incio, ac nolente se homines Palatio furtim elapsi essent, valde admiratus, ac simul animo percitus, ingratos scilicet homines inimicorum formidine, magis affectos fuisse, quàm regia gratia, recentique pro illis contentione cum tanta rerum turbatione suscepta, tanquam esset in aula novum metu percelli magis, quàm gratia, orientemque potentiam colere, occidentem negligere, inquiri illos diligentissimè iussit. Atqui iussa Regis eo tempore infirma, & planè afflicta auctoritas erat, illisque fuga saluti fuit. Itaque Rex jam omni-

bus ejus amicis majoris spe partim lucri, vi partim abstractis, aliis spontè metùque subductis ingentem circa se solitudinem, ut turbas adulatorices aliàs propitia fortuna trahit, in adversa fortuna mœstus aspiciebat, nec, & paucorum, qui in illa amicorum fuga restiterant, odiosa gravisque minus, quàm solitudo ipsa societas hominum Regi fiebat, quippè qui omnia dicta factaque ejus inspiciebant, ac deterius interpretata vulgabant. Suspecta ei etiam erant Status Senatus consulta, ut palam, ac pervicaciùs jam cum Petro consentientis, nec ipsi alioquin auctoritas, mens, sive ratio Regi constabat, quibus alieni consilii loco ad obeundas curas publicas uteretur, quinimò assiduis, novisque eo tempore offensionibus, ac multiplici cura maximè perturbatus, & in tanto squalore, ac tristitia Rex constitutus nec regnare sciebat, nec vivere. Ingravefcebat quotidie hoc privatum, & publicum malum, & palam etiam fiebat quod æmuli Regis, ut ipsum imperio minorem arguerent, ideoque faciliùs meditata transigerent, graviora tunc illi extricanda regni negotia subijciebant, quæ ut calumniæ, si rectè, errori, si malè deliberasset obnoxia, peræque timidus Rex præteribat. Itaque cum ita subditi Regis, & Rex illis, sibi que ipsi magis diffideret Rex, contemnebantur propterea leges, squalabant ipsa judicia, Ararii, Statusque amplissimus ordo in negotiis, & causis expediendis hærebat, ac propè torpebat formidine simul, & otio; sine clavo, sine rectore, vaga, atque incerta eos inter motus, æstusque civiles fluitabat quasi respublica, adeoque ex illa rerum propè omnium confusione, ac tumultu futura breviter timebatur extrema perniciēs, & clades imperii, ut regni, ac regiminis abdicatio, quæ tot per insidias adversus Regem primùm intenta fuerat, jam pro statu miserrimo rerum, quo jacebat respublica, etiam ab integris poscere

posceretur. In tanta imperii jactatione, justoque incusso bonis etiam hominibus metu, omnes ferè censebant à summo magistratu, augustisque regni Comitibus extremum, & fortius eousque labanti, inclinatóque regno subsidium petendum esse. Verùm hæc ut jure coirent regia opus erat auctoritate, quæ ea legitimè cogeret, nec flectere Alfonsum ad ea convocanda, nisi difficile videbatur, in illo enim cum populi gratia, auctoritas, vires, opes alia post diffuerent, nec ita prostrato, atque afflicto reliquum misero Regi, nisi regni jactura foret, per eam mentionem Comitiorum in eripiendi sibi denique regni suspicionem facillimè cecidisset, quia tamen ab ejusdem hominis pertinacia cum animi levitate, & judicii quoque inopia conjuncta quædam arte, defatigatione permulta, nonnulla per vim æmuli tandem extorserant, ad Comitibus jure cogenda placuit utcunque arietare animum Regis incipere, ut quantum viribus possent reipublicæ non deessent, quàm Regis excidio tunc reparare necesse erat. Cameræ Ulisipponensis conventus de convocandis regni Comitibus primum ad Regem Jibellum supplicem dedit fusiùs in illo imperii calamitates, subditorum querelas, ararii indigentiam exponens, & citò audiendos esse clientes, ut tot prementibus undique malis celerius, quod ita petebant, remedium adhiberetur. Intellexit statim Alfonsus illorum hominum mentem, seseque per illos propriæ ruinæ artificem quæri, idcirco tergiversatione, atque mora, & fallacibus verbis postulatam eludere contendebat. Quæ cum homines percipissent, remque in se admodum implicatam, ac dubiam animo cernerent cohortati subinde per litteras sunt civitates primarias regni, ut eadem à Rege Comitibus publico nomine peterent.

Paucis elapsis diebus Status Sena-

tus, cui tunc Rex, Regina, & Petrus interfuere, consultus à Rege, ut illius duntaxat animum pertentaret, quid ipse censeret de regni Comitibus, pleno consensu, ac nulla prorsus refragante sententia respondit, esse protinus convocanda, ut imperio labanti quàm citò succurreretur. Cæterum in tam frequenti Senatu rara illa, & omninò suspecta suffragiorum concordia cum turbida esse ea videretur Regina, Petróque Ducibus conspiratio, res planè magis incitamento fuit, quo duriùs exinde Rex Comitibus cogendis adversaretur. Delusus idcirco Senatus die illa recessit. Rursus postridie Status Senatui coacto, ad quem Rex non accessit, Sandius Marchio præcipua inter collegas auctoritate scriptum exhibuit, in quo copiosè, ac vehementer exaggerabat amorem cultumque Reginæ, fratri observantiam, & studium à Rege debitum; si aliquando præterea dedignatus non esset Alfonsus vulgares, extraneos, ac negotiis tam gravibus impares in regiminis partem, arctioremque fiduciam reclamante quoque populo adscitos, cur ita nunc ipse abhorreret à sanguine, lege, natura sibi conjunctis, altiori quoque intellectu, & pari propè fastigio in eadem fortuna versantibus, iis nempè, ad quos proprius damna, sive incrementa reipublicæ pertinebant? Postremò assererat ejusdem Regis, laxitate, ac desidia fluere labique paulatim imperium, nec in tot circumfusus, & aliis quotidie emergentibus malis subvenire aliquo modo reipublicæ nisi regni Comitibus posse, atque idem libellus à Senatoribus cunctis subscriptus, & obsignatus statim ad Regem transmissus est. Rex eo perlecto, & Marchionis libertatem reprehendit, & graviùs dolore arsit, quòd subdole, ac falso modo quamdam imperii divisionem, & formam per ambages insolitam introducerent, qui & totum eidem per Comitibus surripere conaban



conabantur. Assiduis propterea precibus sæpè in Regia, sæpè in Senatu pleno jactatis, alias minis, aliàs illecebris laceffitum, atque omninò lassatum, & tamen hucusque improbando Comititia constantem, & regidum fregit postremò necessitas Regem. Quippe universi Ulisopponis magistratus, & Regni Ordines palam, & acerrimè constrepebant Comititia publica conclamantes. Reiterata Status Senatus decreta non suo more consiliaria, supplicia, & ut alloqui Regem decebat, sensibus verecunda, sed imperiosa, minacia, & vaticiniis propè funesta ad Regem deferabantur. Prætereà seu cubaret, seu deambulare, prandio, vel cænæ, vel quieti aliquando vacaret Rex, in Regia, extra Regiam, & quocúmque illum negotii, vel otii, vel voluptatis causa trahebat, ubique & frequenter submissi non deerant qui perpetuò imperandis super Comititiis aures ejus obtunderent. Ex urbibus etiam, & oppidis regni subornatos per viros ad res novas erectis, & concitatis litterarum quotidie fasces ad Regem perferebantur Comitiorum congressum urgentium. Victrices Petri partes ita latè jam omnia obtinuerant, eoque devoluta res erat, ut non secus admittens, quàm omittens Comititia rex imperii ipse amittendi utroque modo discrimen adiret; namque regni Comititia non æquitatem, & modum, sed figmenta fucosque ambitioni concinnatura callidè querebantur, cui ex parte illi semel frustratæ, cùm tantum factio opposita prævaleret aliunde irrepere in regem, aut larvâ detractâ fortassis irrumpere licuisset. Itaque Rex aliàs falli, aliàs regi, aliàs cogi ejusdem levitate, ac socordia jam à principio assuetus, cùm hoc tempore & acrius malo accipiti premeretur sollicitæ, ac dubiæ mille mentis fluctibus obrutus, cùm inde exitum non invenisset, postremò succubuit, convocandisque regni Comi-

tiis trium mensium terminum posuit: quod etiam illorum cupidine longius cum hoc temporis intervallum novis jam rebus inhiantibus videretur, ex eo ad integrum mensem contractum est. Post quæ solus, ac tacitus Rex, quid expugnatus, quid invitus, quid æmulis placiturus egisset, ægro secum reputans animo, & quod omnia ipsum cum secunda fortuna deferuissent, & omnia circa se hostilia, atque acerbissimè infesta cerneret, non modò sibi de imperio perdendo metuens, sed etiam de libertate, atque vita, quæ in æmulorum sententia, & arbitrio per Comititia futura subinde fuissent, occultam idcirco fugam meditabatur. Hoc ergo animo regii stabuli equos aliquibus clam distribuerat, navigia, quæ in portu erant secretò parari jusserat, alia quoque opportuna fugæ Rex adornabat, eratque trepido, ac mæsto Regi consilium ad Transuganam, si fieri posset, provinciam trajicere, ibique implorare subsidium, & fidem immunium ab ea partium contagione clientium. Non fefellit profectò Petrum fuga, quæ furtim apparabatur; nam præter copias, & vires sedulitate quoque & industria vincebat Regem, circummissisque in loca aptiora custodiis facillè ipsam prævertit.

Inter hæc Lusitanæ Procuratores ad indicta Comititia Ulisipponem conveniebant. Regina verò cui satis compertum erat, illorum auctoritate, ac sententia per jam pridem concocta consilia Regem imperio depositum iri, cùm fœmina pati minimè posset, abjicere à se Reginæ splendorem, & fastum, aut cum inanis ludibrio tituli ruinæ Principis superesse, quando ne uxoriæ quidem voluptatis illecebras, aut prolem sperare ex illo infelici connubio poterat, excutere jugum his causis impulsâ constituit. Solita igitur sæpè sapiùs voluptatis, & otii causâ ad Franciscanum quoddam Monialium cœnobiū Regina

gina divertere, eò rursus certa die cùm venisset, paucis puellis dimissis in eodem cœnobio constitit, non Reginam, non nuptam, sed se Virginem esse dictitans, atque ad ea saxa ab inflexa parumper fortuna, ne in tanta tempestate periret omninò, jactatam. Post hæc hujusmodi codicillos sua manu conscriptos ad regem deferri curavit. *Patriam, cognatos, domum ego deserui, & opes meas alienavi, ut pro societatis jure, & officio mereri de te Rex optimè possem, sed quoniam, ne hoc mihi, ut optabam, liceret, fortuna disposuit, conscientia mea stimulus modò, astuque affluentium ab omni parte malorum, & metu, ne pejora fortè subirem, exagitata ad Galliam redire consiliiui. Rogo à te igitur, ut veniam petenti concedas, ac dotem mihi restituas, cùm id uni tibi pro certo liqueat, quod nostris inanibus nuptiis, nihil equidem ipsa tibi pro thalami jure debeam. Superest nunc, ut ita te mecum habeas, sicut magnanimum Regem decet pro Principe externa, fida olim socia, tuo imperio satis addicta, nunc à fortuna projecta, & rebus omnibus destituta.* Hos codicillos postquam solvit, legitque Rex re improvisa valde concussus paulisper attonitus, ac stupido similis colore etiam exanguis, ac tacitus hæsit; irà deinde statim refluente cum sanguine effusa, primòque illo impetu actus properare ad cœnobium cepit, reluctantem quoque reginam per vim inde, per arma, si alià viâ non liceret, quomodocunque abstrahaturus. Præviderat Petrus jam consilii reginæ præsciis, quantam irarum volvere molem ignominia, ac doloris simul infixus aculeus in animo regio, eoque ad irâ præcipiti valuisset ea res improvisa, quæ, & sensus, & rationes regis tempore iniquo labefactabat, néve furentis regis infania fortè violari fœmina posset, consilia, virésque prævenerat. Ubi ergo rescivit Petrus ardere, ac fure Regem, iraque provectum, & concitatum ruere ad cœnobium, ut

reginam abriperet, ipse tum viris nobilibus comitatus, multisque rei famâ, casu per iter adjectis ad cœnobium se contulit. Ibi Regem clausas jam fores cum strepitu, ac turba dejicere molientem minis cum precibus mistis, & incussa quoque formidine avertit, & quanquam frementem, & magnos irarum agentem astus, rursus tamen delusum, & inanem ad Regiam redire compulit. Cæterùm tam multa inter vulnera, & validos ictus, quos nimis in Regem Alfonso irata fortuna contorsit; nullus quidem hoc fortior, qui manu Reginæ cecidit, eundem affixit, genitalem quippè defectum ejus adhuc vulgi rumoribus agitarum, nec satis omninò compertum palam omnibus ratum, ac certum Reginæ dissociatio, & causa fugæ, ejusque ex composito circumlata passim epistola fecerat; ingenii siquidem imminuti, & morum insuper vitio nec Rex esse scire videbatur Alfonso, nec Regem etiam imperio per sobolem dare vitio naturæ posse. Regina postea quam sedem suam in illo cœnobio, donec aliud de se decerneret, absque ulla alia molestia fixit, Petri colloquium petiit, & secretò cum illo habuit, in quo palam tractasse fertur de reditu ejus in Galliam; suspicio tamen, & vulgatus ubique rumor, nec vana de causa prolatus increbuit, clam inter eos facta verba de ineundo simul conjugio, quando illud cum Rege contractum lege esse irritum, patuisset. Statim enim Regina post Petri colloquium litem de matrimonii rescissione apud Ecclesiæ Judices, nec Rege ipso dissentiente, inchoavit. Mox regni Proceres convocavit, eosque simul admonuit quibus impulsâ causâ secessionem à Rege statuerit, ac verecundè poposcit sicut humanitatis in viro nobili officium, & miserationis in homine quoque viscera requirebant, ut juvarent mulierem periclitantem, subvenirent egenti; & in solo alieno fœminæ Principi



cipi constitutæ, atque inter fortunæ fluctus patriæ portum respicienti. Nuntium postremò misit in Galliam, quæ, quaque ipsa ratione gessisset, ut Gallo regi, & consanguineis Principibus declararet.

Rex Alfonso intereà hoc extremo Reginæ casu animo, & copiis maximè afflctus, cùm alia super aliam continuè ipsum calamitas premeret, curis mordacibus undique iectum, ac lacerum animum in diversa spargebat. Irâ ipse ardebat, ultionisque cupidine in Reginam, & fratrem ut sibi perspectos auctores malorum omnium, sed ardorem, impetumque vindictæ pavor ex unione, partiumque potentia, qua Regina, Petrusque subnixi tunc impune agitabant, incussus frangebat. Ita porro hinc rabie incitatus, hinc formidine pressus Alfonso, qua se ratione absque nova injuria extricare, quove tandem evadere ex tot difficultatibus posset omninò æstuabat. Urgebat etiam ipsum ambitio ingens tenendi regni, at aderat jam satis quoque cognita sibi sustinendarum imbecillitas rerum, & quadam animi desperatio, quod sibi etiam ipse inæqualis, & impar tanto ponderi videretur; & esset, neque eo per alium imminui, aut quoquo pacto levare per amulos cogeretur, quasi lege optionis ab inimicis constrictus esset, ut solus ipse imperaret, aut imperium dimitteret: ergo cedendum imperio, se seque amulorum submittendum arbitrio, serviendū esse denique regi, & diadema, regale solium, sceptrumque quæ venerationis paulò ante cultusque maximi fuerant, ludibrii instrumenta fore, & propediem servilia alimenta à suis se inimicis, & jure subditis oraturum, quando vita, quæ in dubio etiam erat, superstes afflcto foret. Hic ita pugnantium, & inter se dissidentium variorum affectuum tumultus, unde in animi cruciatum intimæ furis, faciesque desavie-

bant, tantam regio animo, immanitatem, tantum quasi stuporem corpori invexerat, ut cum nec vultu, nec dictis, nec actione planè constaret, imperio prorsus inhabilem esse Regem magis quotidie, magisque hominibus innotesceret. Ea propter frequenti Status Senatu, primariisque collectis magistratibus urbis, auferre jam omnibus certis imperium Alfonso regi, qua ratione mitius hoc fieri, aut minus, asperè posset eo tempore tantum agitabatur. Petrus enim tanquam à regni curis, & gubernaculo averfus, seu altiora ipse tacitè volvens, scilicet, bene, ut nonnulli, vel secus conjecerant, ut ereptum Alfonso diadematis ornamentum cum clavi cura conjungeret, fortè, aut consilio jecerat, durè sibi, & iniquè provisum iri, si regiminis ipse curis, & laboribus jactaretur, dum ejus frater Alfonso in umbra, atque otio regis honoribus clarisque titulis eniteret. Res porro cum sollicitius, ut rei gravitas postulabat à consiliariis excuteretur; fuere, qui dicerent, utrique fratri pariter esse regni regimen subeundum, ita ut, penes Regem ostentatio quædam, ac regiminis pompa foret, rationem, onus, & vim imperandi Petrus assumeret, exemplo recenti ex Castelmeliorio Comite ducto, quem solo nisi nomine, atque inutili specie, de reliquo Regem, egisse viderant. Hæc tamen ut asperior opinionione, tractatūque difficilis multis, & jure sententia displicuit. Non enim inter Castelmeliorium, & regem, qui unanimis, penitusque concordis imperitaverant, ob discrimen conditionis, ac regiminis ordinem ea interesse poterat æmulatio, quæ perpetua inter fratres, nunc verò ex eventis recentibus trucidior, si in dominium fortè coiret, penè imperium discerpere valuisset, alius quippè dominus fuerat, alieni alius domini vicarius, & ad nutum Principis amovendus; at dominationis ex æquo

participem neminem unquam fuisse, nec Lusitanæ regnum orbis quanquam terrarum latitudinem implevisset, duorum imperia passurum unquam fuisse. Illa igitur in Senatu sententia recepta est, quâ ablatâ prorsus Alfonso gubernacula regni statim ad Petrum transmittentur; si huic decreto oblectaretur Alfonso, nec preces, nec minæ, nec utilia argumenta valerent subigere resistentem, tum ille ne dum imperio, sed libertate caderet. Hoc ipsum deinde curarent, ut regni Comitia de more sancitum vellent, ad quæ discutere quoque spectabat, an una cum regni gubernatione per id temporis expediret abjicere etiam Alfonso insignia, noménque regium, quæ fratris spolia Petrus indueret, & an etiam conducirer, spontè cedentem imperio cum libertate regem relinquere. Hæc magno consensu cum in Senatu decreta essent, primâ luce Senatores ad Regem pergunt triste hoc Senatus consultum regi denunciatum, aberat eo tempore Petrus, ne ejus aspectu deformior rara illa scena pateret, nè rex eo viso irritior, iracundiæ, ac vindictæ plusquam temporibus indulgeret, progressusque Marchio Cascasius, cujus vigorem animi non exacta jam ætas, non fracta valetudo minuerat, quid rex ageret, sciscitatur, regiis tunc referentibus famulis, serò illa nocte cubitum secessisse, jamque sopitum jacere regem, indignatus, vultusque ferox subdidit Marchio; ut dormientem protinus excitarent, quod verecundia ruentis licet eo tempore majestatis cum efficere famuli averfarentur, comminari, strepere ille, cedere ostium tam fortiter institit, donec Rex, sopore discusso, introduci Senatum jussit. Tunc alta voce Cascasius, *Incურia tu, inquit, delitiis fomnoque torpes, dum regni ruina te, nos, & per te simul oppressura minatur. Proinde cum neque imperii, neque sobolis capax sis, onus quod*

*tuas, ut videtur, exuperat vires in Petrum fratrem libenter exonera, ne Rege regnum orbetur, ne hærede familia regia, nève quod ultro nolueris, confestim invitum subire cogaris.* Idem cæteri Senatores, sed mitioribus verbis explicuere, Concilii præsertim acta notantes. Ad ea Rex ore confusus, pectore anxius, multaque signa perturbationis ostendens, legitimum se Regem esse, respondit, atque in illam injuriam suarumque rerum calamitatem livore, & invidia, & calumniis æmulorum conjectum, porro extremum usque ad anhelitum, quocumque interjecto periculo, aut metu, sponte se regnum non dimissurum, si cogere vellent de raptò adversus illos imperio, deque impiè interverso diademate sibi ad illud Tribunal provocaturum, quod supra Reges, & homines esset. Ita frustratus eo primo consilio Senatus ad vim deinde inferendam conversus est. Cujus agendæ rei modus, & ratio ad solidam ferè noctem in ædibus Petri variis sententiis extracta est, formidine scilicet populi, qui ut prius per errorem, partiumque artificia sublati conspiraverat contra Regem, ipsi nempe, ipsi stultè prodesse ratus, dum ab ejusdem latere Regis, favore, plausuque tumultuans pravos ministros abriperet, nunc persona cum ipsa Regis appeteretur, meritò timebatur, ne colore deterfo utpotè in Regem natura proclivior planè rem conturbaret. Igitur post multam suffragiorum contentionem, & varietatem aliorum audacia, aliorum cautione, metuque rem distrahentium tandem sententia stetit, ut etiam invitus exutus imperio custodiæ Rex traderetur, utque res ardua, imprimisque odiosa popularis in speciem, aut lenior saltem meliorum ostentatione consensus, atque aura superaddita populi fieret, ad eam exequendam pergeret ipse Petrus universis. Ulisipponis, regni-que magistratibus communitus, simul nobilibus



inobilibus viris, præsertim qui virtute, & canitie, & probitate morum vulgò spectabiles essent, ea præterea populi pars vocaretur, quæ facilius, flexibilis videbatur partiùmque studiis obnoxia, nec foras tam citò manaret custodia imposita Regi, sed vario, atque incerto sparsò passim rumore tandiù apud plebem eluderetur, donec mirationis, anticipisquæ tristitiæ causas ratio, vel tempus quod omnia vincit, attereret. Industria seu dolo tandem, aut gravioribus minis subscriptus codicillus à Rege subduceretur, quo satis pateret, non vi ablatum, sed Petro sua spontè concessum Regem Imperium deposuisse.

His rebus ita consultis, & pro sententia paratis, cùm primùm illuxit, Petrus ingenti hominum multitudine constipatus ad Regiam se contulit. Ibi Regem adhuc cubantem custodia militum sepsit, inde januas unde aditus erat ad sedem Regis diligenter occlusit, missus postremò, qui amissæ libertatis sententiam à regni ordinibus latam indiceret Regi, & tunc ille ipse modò minitans, modò exhortans, preces interdum illecebris miscens, inferendæque si plus obstitisset, extremæ protinus vis terrores antè oculos fundens à consternato jam Rege, & scæda, atque turpia, ac miserima quæque timenti rescriptum hujusmodi extorsit, quod statim vulgatum est. *Lusitanie urgentibus malis, Status Senatus consulto, uliro Regem Alfonso constituisse à se rejectam in Petrum fratrem imperii administrationem transferre ejusque legitimos successores, sibi verò suisque alimentis ex regni copiis seposita præscripsse in singulos annos solvenda nummum trecenta millia, simulque jura, ex proventus Bregantia domus, accitumque dominium completerentur.* Ita in custodiam Regejecto, regni subinde Comititia ejusdem Regis auctoritate coacta Ulippone sunt instituta. Vehementi, acríque contentione hîc agitata res est

de libertate, de regni regiminè Regi erepto, & utrum fas esset in Petri verba jurare tanquam Principis, Gubernatoris, regniquæ cum tempore hæredis, antetiam diadema cum regiminis ministerio Alfonso Regi sublatum Petro tribuere, & quidem prona, ac facilia sese præstiterè Comititia ad reliqua Petro, quæ ad futuri spēs regni, aut exactam, & integram pertinerent formam regiminis, relaxanda, duriora verò in usurpandæ Coronæ articulo, satis enim reipublicæ causæ provisum Lusitani Procuratores existimabant, cùm ille cujus errore, atque inscitia sive animi pravitate adhuc fluctibus laborasse respublica visa erat, jam detrusus à gubernaculo esset. Cætera nonnullorum ambitione potius, ac desiderio rerum novarum, quàm jure, sive rerum necessitate contendendi, quòsque iræ, atque odia, partiùmque incitamenta in Regem nuper accenderant, jam tetigerat miseria tandem afflicti, & per ludibria irrisionésque fortunæ omninò deformis conspecti Regis. Atqui alienum se verbis Petrus à superbo titulo Regis, calculorum quamvis hoc forti, & arbitrio commiserit, ostendebat. Regina verò, quæ ob expectatum cum Petro connubium, nihil unquam ipsa detrahère de nominis vanitate, consuetoque splendore, fastuque regio volebat, & quæ minus, ut mulier sciebat desideria contrahere, aut occulere, studiosius, ac ferè palam apud regni Procuratores rem intendebat. Qui nihilominus statuerunt, ut omnia imperii subsidia, ornamenta, atque jura præterquam regios fasces, ac nomen lege Comitiorum sibi Petrus assumeret, nec vulnèri vulnus, cùm opus non esset, in miserabilem maximè regem adiceretur. Nonnihil etiam difficultatis miserationis præcipuè tactis aculeo Comitiorum auctoribus incidit de libertate scilicet Regis sive custodia, cùm aulae quidem rerumque imperiti sibi temerè per-

suasissent, fore, ut solutus liberque Rex tranquillior imperii quo ipse dejectus esset, possessionem amulor fratri relinqueret, nec multò plus turbulentas ubique tempestates, atque procellas, sedulò nisi Rex premeretur, ex pertinaciùs illico arsuris fratrum discordiis existimarent, esse clientibus subeundas. Melior propterea, majorque pars, cum miserationem utilitas vinceret in illo convenit, ut perpetuæ custodiæ Alfonso manciparetur. Posthæc, quod adhuc reginam regi alligaverat canonico jure matrimonio dirempto, ea ipsa Regina Status Senatus, Ordinumque consensu Petro Principi nupsit, simul vulgaris, ut ea turpitudinis nota mulieris nempe à superstitie fratre ad alium fratrem nuptiarum mutatione delapsæ penitus deleteretur, Clementis subinde Pontificis Noni diploma pro honestate publica accessit. Rex longo post intervallo ut custodia palam adstricti deformis nimis spectaculum Regis aulæ, reg-

nique oculis, rerumque novarum ex eo materies, & fomes subduceretur ad insulas Tercias translatus est. Inde cum Ulisipponè, & passim in regno vulgatum esset æruinis, atque animi angore penè confectum Regem in quodam Orbis secessu miserrimam vitam ducere, & populi quoque pietas hujusmodi nunciis, quæ repetebant, tum vitio, tum artibus acutis gravissimè laceffita in furorem quandoque eruptura prudentibus videretur simul Regina Angla ejus sorore annitente Rex Petri jussu in Lusitaniam reductus est, ubi nunc propè Ulisipponem degit in eleganter exculito, situlque deliciis amœno loco, sed attentissimè custoditus. Huc tandem perduxit Lusitanix Regem Alfonso inopia judicii, sobolisque defectus, quæ imperii præhabendi fratri prætextus, causasque plurimas intulerunt, acriorisque fraternæ ambitioni, ac discordiæ jam cum Orbis initio natæ propagatæque stimulos excitarunt.

FINIS.







# INDEX RERUM.

Numerus Paginam denotat , litteræ a , b ,  
primam vel secundam Columnam.

## A



**A** MONTII Marchio per-  
duellionis supplicium  
dat. 108. a  
Alexander Correra, multas  
equitum Lusitanorum turbas fu-  
gat. 319. b  
Alexander Farnesius externi equitatus  
magister. 390. a  
Valentiam intercipere tentat. 408. a  
Alfonfus, Henrici Lotaringii filius, ob  
devictos Mauros, Portugalliae Rex  
proclamatur. 3. b  
Alfonfus Joannis Bregantii, maximus  
natu filius, Lusitaniae regno succe-  
dit. 252. b  
A matris tutela avellitur. 349. a  
Ejus vita, instituta & mores. 444  
stolida virtutis oblatione bis in  
mortis discrimen se implicat. 452. b.  
453. b.  
Per Status Senatum monitus, vitia,  
non mores mutat. 455. seq.  
Marchionem Fontanum ad interi-  
tum querit. 482. a  
Ejus sicarii impetum faciunt in Co-  
mitem Encerensem. ibid. b  
Religionem in ludibriū vertit. 483. a  
Inter ipsum & fratrem dissidia. 495. b.  
& seqq.  
Exutus imperio custodiae traditur.  
536.  
Ex insulis Tertiis revectus propè Uli-  
sipponem degit. ibid.  
Alfonfus Melus, Castellenses milites  
turpiter exercet. 127. a

Angliae Legatus Galli, Hispanique au-  
xilia, pro reducendo suo Rege im-  
plorat. 290. b  
Angliae Rex Catharinam Portugalliam  
uxorem ducit. 314. b  
Pacis Castellae cum Lusitania inter-  
ventor. 442. b  
Anna Guevara Olivarii tyrannidem  
Regi Catholico exponit. 165. a  
Antistes Ulisipponensis in processio-  
ne solemni, vero aut ficto miraculo  
plebem movet. 35. b  
Regni administrationem accipit, uf-  
que ad Bregantii accessum. 36. b  
Primum suscepti muneris faci-  
nus. 37. b  
Aloisia Gusmana virum ad regni rapi-  
nam impellit. 21. a  
Mortuo viro, regni tutelam susci-  
pit. 253. a  
Foedus cum Gallis, & Anglis fan-  
cit. 268. b  
Inter ipsam & filium, acres oriuntur  
contentiones. 459. a  
Alfonso Petrum natu minorem op-  
ponit. 460. a  
Simulat se regni regimine abdicare  
velle. 461. b  
Quâ industriâ illud sibi propagare  
studet, eâ ipsâ sibi abrogandum ac-  
celerat. 466. b  
Imperium tandem dimittere cogi-  
tur. 471. b  
Jussu Regis ab aula discedit. 480. b  
Ejus mors, & animi dotes. 493. a  
Antonii Almadæ ad Bregantium Ora-  
tio. 19. b

## Index Rerum.

Antonii Barbarini Cardinalis dolus , ut  
Legatus Lusitanus ad Curiam Ro-  
manam accedat. 123. a  
Antonius Contius subdolè captat Al-  
fonsi Regis benevolentiam. 446. a  
Ordinis militaris insignia à rege im-  
perrat. 458. b  
partes & factiones in aula fover.  
459. a. & seq.  
Senatus decreto, ipse & clientes ad  
Brasiliam exules ejiciuntur. 463.  
& seq.  
Ulisipponem revocatus in fines reg-  
ni expellitur. 486. a  
Antonius Portugallius, unus ex regni  
Lusitani competitoribus, à Philip-  
po II. vincitur. 4. b  
Antonii Silvæ fides in regem Catholi-  
cum. 32. b  
Antonius Sousa sufficitur Castelmelio-  
rio. 521. a  
Procaciter versatur in aula. 522. b  
Unde diffugit cum Emanuèle Ante-  
nuso. 527. a  
Antonius Tellus Meneseus classẽ In-  
dicam, quàm à Philippo moderan-  
dam suscepit, in eundem hostiliter  
insumpsit. 72. b  
Averensis Dux, classi adversus Lusita-  
nos præficitur. 348. b

### B.

**B** Althassarus Hispaniarum Princeps,  
artibus Olivarii malè educatus.  
168. a.  
Bellum Lusitanum elanguescit. 142. a  
Belvasii Spinulæ Oratio, pro redinte-  
grando in Lusitania bello. 257. a  
Bracarensis Decani Vasconcelli fratris,  
domus diripitur. 30. a  
Bregantiz Dux à Richelio sollicitatur,  
ad suscipiendum avitum regnum.  
pag. 8. b.  
Ab Elvensi antistite ejus animus ex-  
pugnatur. 21. b  
Rex salatur. 38. b  
Ulisipponem ingreditur, & Coro-  
nam suscipit. 39. a

Tributa quæ post Philippi II. mor-  
tem introducta fuerant, delet. 59. b  
Civium pecunias, & opes censet.  
pag. 78. b.  
Ultimum diem obit. 252. a  
Ejus mores. ibid.

### C.

**C** Analia pugna. 374. & seq.  
Campomajoris dolo tentatur ab  
Hispanis, receptio. 129. a  
Carazena Marchio. 301. a  
Sufficitur Joanni Austriaco contra  
Lusitanos. 403. b  
Ferro incendiòque omnia vastanda  
censet. 404. a  
Ejus ad primores Ducum oratio.  
p. 408. b.  
Villavitosam capit. 413. a  
Carolus Padillia in Philippum IV. con-  
jurat. 237. & seq.  
Conjuratæ series. 240. b  
Cum sociis in vincula compingitur.  
p. 245. b.  
Animo interritus jugulatur. 247. a  
Castelmeliorii Comes Salvaterram fur-  
tim invadit. 189. b  
Castelmeliorius Comes, Contio deje-  
cto Alfonsi gratiam invadit. 466. b.  
& seq.  
Ipse, & Comes Autogiz, Cæsarque  
Meneseus, triumviratus similitudi-  
nem constituunt. 472. a  
Regis tandem, regniq; unicus mo-  
derator remanet. 473. b  
Primarios regni exilio multat. 474. b  
Aloisiz opprimendæ consilium or-  
ditur. 475. b  
In Petrum Principem, veneni crimen  
ei imponitur. 507. a  
Expellitur à Regia. 518. a  
Castrilii Comes armorum imperium  
Joanni Austriaco denegandum pu-  
tat. 302. a  
Catalaunia deficit à Rege Catholico.  
pag. 7.  
Defectionis causæ. ibid.  
Catharina Medicea Lusitaniz regnum  
ambit, & quo jure. 4. a

Catharina



## Index Rerum.

Catharina Portugallia Anglorum regi  
nubit, 314. b  
Catholicæ aulæ motus cum defecit Lu-  
sitania, 48. a  
Ea de re Philippus IV. Senatum con-  
sulturus accersit. ibid.  
Christophorus Brittus Villavitiolæ Gu-  
bernator, 409. b  
Urbe capta fugit ad arcem, 413. b  
Cujus obsidio solvitur, 420. b  
Cometes Regis Catholici mortem præ-  
nunciat, 422. a  
Comitia coguntur Ulissipone in sum-  
ma rerum Confusione, 537. b  
Conflictus ad Ieresium, in quo Castel-  
lensis primo impetu obrutus, postea  
concidit hostem, 388. a

### D.

**D**idacus Cavallerus magister e-  
quitum in Austriaci exercitu,  
pag. 308. b.  
Elvum furtim captum missus,  
expectatione delusus revertitur,  
p. 382. a.  
Didacus Correa cum quingentis equi-  
tibus à Lusitanis sternitur, 407. a  
Didacus Suarius regis Catholici in Lu-  
sitania minister, 8. a

### E.

**E**Boræ descriptio, 353. a  
Emanuel Carafa, ob dicendi li-  
bertatem, in vincula conjicitur,  
p. 314. a  
Emanuel Lovatus Pintus Jurumeniæ  
Præses, 323. a  
Exortum in urbe tumultum pruden-  
ter extinguit, 329. b  
Emanuel Saldanius, quod pro viribus  
Olivencam non defendisset, perpe-  
tuo exilio multatur, 267. a  
Elvensis Antistitis oratio in Comitibus  
Ulissipone habitis, 59. a

### F.

**F**abritius Rosseus Valentia Alcan-  
taræ Gubernator, 393. b

Ferdinandus Telliuss Elcam capit,  
p. 133. a.  
irrito conatu S. Martini oppidum  
obsidet, 134. & seq.  
Elcam urit, & arcem excindit,  
p. 137. a.  
Fortuitus casus conjurationem de re-  
gno Lusitano occupando penè di-  
ficiat, 26. a  
Francisci Carneri Centurionis Lusitani  
interrita audacia, 414. a  
Franciscus Farus Odemiræ Comes,  
educationi Alfonso regis præficitur,  
p. 445. b.  
Franciscus Luzena Bregantii admini-  
ster, 176. a  
Tenduntur ei ab Olivario insidiæ,  
ibid.

Infons extremo tollitur supplicio,  
p. 179. b.  
Franciscus Rabellus in Valverdensi ob-  
sidione occumbit, 114. a  
Franciscus Sancius secretum conju-  
rationis in Regem Catholicum, de-  
tegit, 100. a  
Franciscus Tuttavilla Sangermanen-  
sis Dux Castellensi exercitui præ-  
est, 253. b  
Milites contra Olivencam ducit,  
p. 260. b.  
Quæ ei honestis conditionibus de-  
ditur, 266. a  
Sub Austriaco, armorum Guber-  
nator secundo loco renunciatur,  
p. 308. b.  
Aulam petit, discussurus calum-  
nias ei ob cladem Canaliæ afflic-  
tas, 389. a  
Militiæ munere devolutis arma in  
Lusitaniam resumere vetatur, 390. a

### G.

**G**Aspar Arus Castrilii Comitibus filius  
moritur, 1420. a  
Georgii Meli audax facinus, 26. b  
Granensis Marchio contra Olivarium  
insurgit, 159. a

# Index Rerum.

## H.

- H**enricus Lotaringius Lusitaniam  
restaurat. 3. a  
Uxorem ducit Theresiam Castellæ  
regis filiam. ibid.  
Henricus Cardinalis Sebastiano succe-  
dit. 3. b  
Ætate & curis confectus extingui-  
tur. 4. a  
Henricus Miranda propriis manibus vi-  
tam sibi aurire tentat. 520. a  
Hispanos inter, & Italos milites, de or-  
dine, & loco dissidium. 311. a. seq.  
dirimitur per regem Catholicum.  
314. a.  
Hollandi Lusitanas opes apud Indos  
evertere intendunt. 65. a  
Hollandorum perfidia. 75. a

## I.

- I**ncendium oppidi Arronci. 382. b  
Joannes Austriacus Catholici Regis  
filius nothus. 301. a  
Armorum imperium adversus Lusi-  
tanos suscipit. 308. b  
Origuelam repente invadit. 309. a  
Arroncium capit. ibid. b  
Alconcellum recuperat. 311. a  
Funditus Villabuim diruit. 318. b  
Morbum incendit. 322. a  
Jurumeniam obsidet. 323. seq.  
Capit. 340  
Aveirum recipit, & ad terrorem solo  
æquat. 341. a  
Monfortis ei deditur. ibid. b.  
Cratam excindit, sclopisq; Guber-  
natorem transverberari jubet. 344. a  
Oguelæ honestas condiciones tri-  
buit. 345  
Ei pro suo arbitrio bellum gerere  
permittitur. 348. b  
Eboram obsidet. 353. b  
Circumjacentia municipia ad dedi-  
tionem compellit. 354. a  
Ipsam quoque Urbem capit. 358. a  
Ad Odigebense flumen infelicitè  
pugnat. 370. a  
planè vincitur in Canalia pugna. 374  
Aulicorū adversus eū quærelæ. 383. a

Exauctoratus Confocum fecedit.  
Ad ultimos patris amplexus non ad-  
mittitur. 426. b  
Ei provinciæ Belgicæ præfectura de-  
mandatur. 440. b

Joannes Ciumazerus, Romæ Orator re-  
gis Catholici, Lusitani conatibus it  
obviam. 115. b

Joannes Cueva victus avaritia, Julia-  
nam arcem Bregantio addicit. 43. b

Joannes Garaius frustra in Olivençam  
impetum facit. 85. b. & seq.  
Succedit Monregio in armorum  
præfectura. 112. a

Joannes Mendus Vasconcellus Badajo-  
cium obsidet. 269

Obsidionem solvit. 284. b

Joannes Padillia Vercellensis civitatis  
præfectus. 242. b

Dum victus in Hispaniam mittitur  
voluntaria cibi abstinencia, mortem  
sibi accelerat. 250. b

Joannes Pintus, Lusitanorum mentes in  
favorem Bregantii explorat. 9. a

Eo duce, imperii occupandi tempus  
& ordo statuitur. 23. a

Isabella Borbonia acres cum Olivario  
contentiones gerit. 138. b

Urget regis in Aragoniam profes-  
sionem. 141. b

Ejus instinctu Castilius regi mala  
reipublicæ detegit. 156. a

Juliana arx intercipitur à Bregario. 34. b

Jurumeniæ descriptio. 322. b

Obsidio. 323

Deditio. 340. a

## L.

**L**ameci Antistes apud Urbanum  
VIII. pro Bregantio Legatus. 114. b

Laurentianus Comes Barcarotæ arcem  
petit. 253. a

Suis ipse capitur insidiis. ibid.

Ad Badajocium fusus, ab urbis ob-  
sidione deterretur. 264. a

Irrito conatu Valentiam aggreditur.  
ibidem.

Leganesius armorum Præfectus adver-  
sus Lusitaniam. 216

Propugna



## Index Rerum.

- Propugnaculum, pontemque inter  
 Elvum & Olivençam expugnat, &  
 excindit. 271. a  
 Lusitanos cædit & fugat. ibid.  
 Capit & diripit Villavitiolam. 218. b  
 Albuquerqueium fugat. 219. a  
 Ad Catalauniam cum armorum præ-  
 fectura transfertur. ibid.  
 Legiones quæ Mediolani versabantur,  
 in Castellam transvehuntur. 348. b  
 Locustarum prodigio prænunciatur Lu-  
 sitani imperii conversio. 11. a  
 Ludovicus Almeida Tingi Guberna-  
 tor, Regis Catholici averfatur pro-  
 missa. 315. a  
 Ludovicus Arus cladium quas Hispa-  
 niæ Olivarii insolentia attulerat, re-  
 ftatur dici cupit. 259. b  
 belli expeditionem fufcipere cogi-  
 tur. 281. b  
 Badajocium ab obfisione liberat.  
 p. 284. b.  
 Villabuim diripit. 286. a  
 Elvum obfidet. 287. a  
 Caduntur à Lusitanis ejus copię.  
 291. & 292.  
 Viçtus licet eundem in regis gratia  
 locum retinet. 293. a  
 Pacem cum Gallo studiosè tractat.  
 p. 288. a.  
 Apud Ironem cum Mazarino Car-  
 dinali convenit. 296. b  
 Ludovicus Lancastrus Lusitanos fugat.  
 p. 128. b.  
 Ludovicus Meneseus Cantagnedæ Co-  
 mes, Lusitani exercitus Dux. 317. a  
 Jurumeniæ obfesse suppetias ferre  
 tentat. 335. a  
 Urbis tuendæ spes amiffa discedit.  
 p. 336. a.  
 Revocatur ab Alfonso rege. 349. a  
 domus ejus diripitur à populo. 362. b  
 Valentiam Alcantaræ obfidet. 392. a  
 Et in possessionem Bregantii tradu-  
 cit. 397. b  
 Carazenenfi adventus fui certitudi-  
 nem denunciat. 415. a  
 Castellenses proffigat in planitie Mon-  
 tiscari. 416. & seq.  
 Ludovicus Mefchita Eboræ Guberna-  
 tor. 353. b  
 Ejus jussa recipere detrectant duces.  
 ibidem.  
 Ludovicus de Sousa, electus Portus An-  
 tistes consilio dedendi Eboram Au-  
 striaco pertinaciter resistit. 356. b  
 Salibus pungitur ab Austriaco. 358. a  
 Lusitaniæ descriptio. 2  
 Lusitani imperii mutationis variæ cau-  
 sæ. 7. a  
 Lusitanorum affectus erga Bregantium.  
 pag. 13. a  
 Lusitaniæ defectio reliquas regiones  
 antiquæ suæ ditionis attrahit. 55. b  
 Lusitanos inter, & Hollandos amicitia  
 initur. 63. a  
 Lusitani complures nobiles in fide Re-  
 gis Catholici persistunt. 68. a  
 M.  
**M** Argarita Sabauda Lusitaniam ad-  
 ministrat. 7. b  
 Ejus constantia in mutatione im-  
 perii. 30. b  
 Extra urbem ad cœnobium trans-  
 fertur. 41. a  
 Variis afflictatur ærumnis instigante  
 Francisco Luzena. 45. a  
 In Castellam redit. 110. b  
 A colloquio regis arcetur per Oliva-  
 rium. 111  
 Extremæ ruinæ Olivarii ministra.  
 p. 152. a  
 Maria Theresia Gallorum regi nubit.  
 p. 299. b. 299. b  
 Lutetiam Parisiorum regio apparatu  
 evchitur. 301. a  
 Marfinus Comes curam armorum  
 subit. 402. b  
 Arroncium solo æquat. ibid.  
 Mathias Albuquerqueius Alconcellum  
 invadit. 183. & seq.  
 Villanovam capit. 186. a  
 Albuquerqueium oppidum frustra ob-  
 fidet. 195. a  
 Monticium vastat. 201. a  
 Mazarinus Cardinalis pacis negotia  
 cum

# Index Rerum.

- cum Aro tractat. 290. b  
 Medinæ Turrianæ Ducis in Status Senatu pro Joanne Austriaco oratio. p. 253. b.  
 Ejus suffragio commendantur arma Austriaco. 305. b  
 favet Regina consilio pro imponendo sine bello Lusitano. 431. a  
 Ejus super hac re oratio in Status Senatu. 482. a  
 Michaëlis Vasconcelli regii in Lusitania ministri, ambitio & avaritia. 8. a  
 In armario latens ab Antonio Sotensilio confoditur. 29. a  
 Ejus virtutes & vitia. ibid.  
 Molingenius Lusitanas copias fudit. 202. & seq.  
 Capit Santalexium.  
 Franciscum Melum superat. 206. b. & seq.  
 Monregii Comes Regis Catholici exercitui præficitur. 79. a  
 Ejus ignaviâ Elvi recipiendi occasio elapsa. 81. a  
 Monroius infaussto successu Iurumeniam aggreditur. 117. b  
 Montiscelari pugna in qua victor Lusitanus. 416. & seq.  
 Mortaræ Marchio. 301. a  
 Mulieres Ulisipponenses ad ærarium exhaustum locupletandum ultrò monilia offerunt. 44. b  
 Mulierum quarundam animus & virtus. 137. b
- N.
- N** Assaus Comes Angolam diripit. p. 65. b.  
 Urbem D. Thomæ flammis absumit. 66. a  
 Nemurtia princeps Alfonso Lusitanæ regi nubit. 491. b  
 A viro ludibriis, à Castelmeliorio injuriis affecta ad Petri partes accedit. 500. b. & seq.  
 Ad Franciscanarum cœnobium divertit. 532. a  
 Litem de matrimonii rescissione inchoat. ibid. b
- Dirempto cum rege matrimonio Petro nubit. 536  
 Nicolaus Velascus Minorita, conjunctionis in Regem Catholicum negotia tractat. 99. b  
 Nitardus pacem cum Lusitano diffuadere conatur. 436. a  
 Ejus oratio. ibid.
- O.
- O** Digebenfis pugna in qua superati Castellenses. 369. a. & seq.  
 Odoardus Bregantii frater, Catholici Regis operâ, apud Germanos custodiâ detinetur. 58. & seq.  
 Mediolanum traducitur. 143. b. seq.  
 Mortis ejus narratio. 230. & seq.  
 Ognatus Comes omisâ Catalauniâ Lusitaniam urgendam censet. 50. a  
 Ejus argumenta. ibid.  
 Olivarius Comes regis Catholici minister. 61. b  
 Dissidia in Gallia suscitât. ibid.  
 Variis dolis Bregantium circumvenire conatur. 11. b  
 Ipse suis dolis capitur. 12. a  
 Contra ipsum ministrorum quarelæ apud regem. ibid. b  
 Sidonii cognati crimen diluere conatur. 104. a  
 Ipsius genus, cultus, vitæque institutum. 148. b. & seq.  
 Inter Cæsarem & regem Catholicum dissensionum semina jacit. 158. b  
 Lapsus ejus à gratia regis. 169. b  
 Loëccium secedit. 173. b  
 Oppidanorum quorundam in Bregantium fides memorabilis. 85. a  
 Ossunensis Dux propugnaculum extruit propè Almeidam. 384. b  
 Castellum Roderici adoritur. 397. b  
 Obsidionem solvere cogitur. 399. a  
 Profligatis à Lusitano copiis sibi fugâ consulit. 400. a
- P.
- P** Acecus pilâ transfixus occumbit. p. 310. a  
 Pamphili Cardinalis oratio, ut Legatus Lusitanus à Pontificis aditu arceatur.



# Index Rerum.

ceatur. 118. b  
 Pax inter Galliæ & Hispaniæ reges.  
 p. 298. a.  
 Capitum pacis summa. ibid.  
 Pax inter Castellenses & Lusitanos. 441. b  
 Pacis conditiones. 442. a  
 Petrus Magallianus Ossunensem Du-  
 cem profigat. 400. a  
 Petrus Princeps Lusitaniæ Alfonsi regis  
 frater. 445. a  
 Ejus indoles. 449. b  
 Nuptias cum Bullonii Ducis filia re-  
 cusat. 491. b  
 Castelmeliorii expulsionem expos-  
 cit 507. b  
 Proceres regni, urbisque Patricii Pe-  
 tri causâ se affuturos pollicentur.  
 p. 512. b.  
 In ejus favorem tumultuatur Uli-  
 ippo. 516. b  
 Omnia imperii jura præter regis no-  
 men assumit. 535. b  
 Philippa Villiena in conjuratione pro  
 Bregantio filios accendit, & armat.  
 Philippus II. Lusitaniæ potitur. 4. a  
 Philippus IV. in Aragoniam profiscisci-  
 tur. 142. b  
 Bellum acrius redintegrat in Lusita-  
 niam. 253. a  
 Pacem init cum Gallo. 298. a  
 Severè præcipit, ut Lusitani qui ad  
 fidem reversi fuissent leniter tracta-  
 rentur. 367. a  
 Febri correptus decumbit. 422. b  
 Medinæ Ducem statuit universi re-  
 giminis administrum. 423. b  
 Mutato per dolum codicillo, Mar-  
 Aitonæ, regni tutelæ adscribit. 424. b  
 in extremis constitutus proceres re-  
 gni alloquitur. 425. b  
 moritur. 426. b  
 Ejus mores. 427. a  
 Testamenti ejus series compendia-  
 ria. ibid. b  
 Pirovani Marchionis mors, & mira ca-  
 nis in eum fidelitas. 379. a  
 Pugna circa Elvum in qua Castellen-  
 sibus victoria cedit. 82. a

Pugna inter venti & Maii colles, in qua  
 Lusitani superiores. 275. b. & seq.

R.

**R**egina Gubernatrix Castellæ, Lu-  
 sitano bello finem imponere  
 desiderat. 430. b  
 Regia Uliisipponis à conjuratis occupa-  
 tur. 27. b  
 Richelius Cardinalis regni Galliæ sum-  
 mus administer. 6. b  
 Varios hostes in Austriacam domum  
 commover. ibid.  
 Hortatur Bregantium ad fuscipien-  
 dum avitum regnum. 8. b  
 Rodericus Silva Dux Ixarensis, conju-  
 rationis in regem Catholicum prin-  
 cept. 240. a  
 Ejus in tormentis sustinendis con-  
 stantia. 249. b  
 Perpetuo carceri mancipatur. ibid.  
 Senio confectus interit in arce Le-  
 gionis. 250. a

S.


Sancius Emanuel Villaflores comes sum-  
 mus Lusitani exercitus dux. 290. a  
 Prostermit Castellensium aciem. 291  
 Elvum obsidioni eximit. 292. b  
 In Transtagana regione armorum  
 imperium obtinet. 349. a  
 Eboram negligit. 350. a  
 Vincitur ab Hispanis. 352. a  
 Quos superat ad Odigebense flu-  
 men. 369. a  
 Austriaci exercitum delet in Canalia  
 pugna. 374. & seq.  
 Amissam Eboram recipit. 382. a  
 Sartiranæ Comes Oguelæ Præses. 346. b  
 Postea Eboræ. 382. a  
 Scombergii Comititis audaci. 310. a  
 Sancium restituentem ad pugnam fle-  
 cit. 373. b  
 Sebastianus rex Lusitaniæ in Affrica  
 cæditur. 3. b  
 Sebastianus Mattus Bracarenfis Anti-  
 stes insidiarum in Bregantium autor.  
 p. 88. b. & seq.  
 Diem obit in carcere. 192. a  
 Sidoniæ Medinæ Dux copiis Castellen-  
 sibus

## Index Rerum.

- fibus præficitur. 54. a  
 In Bœtica regnum sibi parare instituit. 64. a  
 Vallisoleti reliquum vitæ ducere jubetur. 107. b  
 Spinula Cardinalis armorum regimen in Gallæcia suscipit. 192. a  
 S. Stephani Comes exercitus Castellensis dux. 181. a  
 Suarii domus odio publico devovetur. p. 72. a.  
 Suarii filia præclarum pudicitiae exemplum edit. ibid.
- T.
- A**D Tertias insulas expeditio. 76. a  
 Theodosius Bregantiæ Dux phreneticus moritur. 5. a  
 Tingi oppidum in Angli ditionem decedit. 316. b  
 Toralti Marchionis occisio. 84. & seq.  
 Turrecius Marchio, à Catalaunia in Castellam cum armorum imperio transfertur. 193. b  
 Militarem disciplinam restituit. 194. a  
 Petulanter ei obstitit miles. 199. a  
 Elvum infœliciter obsidet. 211. a  
 Militiæ missionem petit. 214. b
- V.
- V**Alverdem diripit & incendit Lusitanus. 132  
 Vascus Mascaregnus Valverdis oppidum ab Hispanis restauratum rursus incendit. 182. b  
 Badajocium obsidet. 183. a  
 Copias retrò abducit. ibid.  
 Exauctoratur à Bregantio. 183. b  
 Velezius Marchio cum ludibrio victus Româ excedit. 219. a  
 Villæ regalis Marchio, ejusque filius Camignæ Dux capite plectuntur. 99. a  
 Viverus multa Lusitanorum oppida incendit. 137. a  
 Uliippo in potestatem Bregantii venit. 27. b  
 Ejus descriptio. 41. b  
 Propter Eboram amissam populus concitatur. 361. a  
 Cantagnedæ & Antistitis Uliippon. ædes diripit. 362. b  
 Sedatur tumultus. 366. b  
 Urbanus Octavus Cardinalium suffragiis Catholici & Lusitani Oratoris negotium excutiendum relinquit. p. 116. b.
- Z.
- Z**Edofreite Prior causam Ecclesiæ Lusitanæ agens Romæ, ab Hispanis invaditur. 220. a. & seq.  
 Zirolæ Comes Orator Romæ pro rege Catholico turbas concitat. 219. a  
 Pontificis congressu interdicatur. p. 226. b.  
 Legati munere exutus Româ discedit. 229. b

FINIS.





AUTHOR'S PREFACE

THE AUTHOR'S PREFACE

R167-



Special Folio  
92-B  
11440

THE GETTY CENTER  
LIBRARY



